


Marĩp̃aya Kerere

Wereri Turi



New Testament in Siriano

Marĩpaya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

Contents

SAN MATEO	1
SAN MARCOS	59
SAN LUCAS	95
SAN JUAN	156
LOS HECHOS	200
ROMANOS	252
1 CORINTIOS	276
2 CORINTIOS	299
GÁLATAS	314
EFESIOS	324
FILIPENSES	332
COLOSENSES	337
1 TESALONICENSES	343
2 TESALONICENSES	348
1 TIMOTEO	351
2 TIMOTEO	357
TITO	362
FILEMÓN	365
HEBREOS	367
SANTIAGO	386
1 SAN PEDRO	392
2 SAN PEDRO	399
1 SAN JUAN	403
2 SAN JUAN	409
3 SAN JUAN	410
SAN JUDAS	411
EL APOCALIPSIS	414

SAN MATEO

Jesucristo ñekūsāmarā āārīturiamarīridea

(Lc 3.23-38)

¹ Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

² Abraham Isaac pagu, Isaac Jacob pagu,
Jacob Judásā pagu āārīdi āārīmí.

³ Judá pūrā Fares, Zara wāikurā āārīnerā āārīmá. Īgūsā pago Tamar wāikudeo āārímó.
Fares Esrom pagu, Esrom Aram pagu,

⁴ Aram Aminadab pagu, Aminadab Naasón pagu,
Naasón Salmón pagu, ⁵ Salmón Booz pagu āārīdi āārīmí. Īgū pago Rahab wāikudeo āārímó.
Booz, Obed pagu āārīdi āārīmí. Īgū pago Rut wāikudeo āārímó.
Obed Isaí pagu āārīdi āārīmí.

⁶ Isaí Israel bumarā opu David pagu āārīdi āārīmí.
David, Urías marāpo āārīdeo merā Salomón wāikugure pūrākudi āārīmí.

⁷ Salomón Roboam pagu, Roboam Abías pagu,
Abías Asa pagu, ⁸ Asa Josafat pagu,
Josafat Joram pagu, Joram Uzías pagu,

⁹ Uzías Jotam pagu, Jotam Acáz pagu,
Acáz Ezequías pagu, ¹⁰ Ezequías Manasés pagu,
Manasés Amón pagu, Amón Josías pagu,

¹¹ Josías, Jeconíasā pagu āārīdi āārīmí. Īgūsā āārīripoere Israel bumarārē Babilonia marā
gapu ñeā, Īgūsāya nikūgue āānerā āārīmá.

¹² Irasirigu, Jeconías Babilonia nikūgue Salatiel wāikugure pūrākudi āārīmí.
Salatiel Zorobabel pagu, ¹³ Zorobabel Abiud pagu,
Abiud Eliaquim pagu, Eliaquim Azor pagu,

¹⁴ Azor Zadoc pagu, Zadoc Aquim pagu,
Aquim Eliud pagu, ¹⁵ Eliud Eleazar pagu,
Eleazar Matán pagu, Matán Jacob pagu,

¹⁶ Jacob, José pagu āārīdi āārīmí.

José, María marāpu āārīdi āārīmí. María, Jesús masakare taubu “Cristo” wāikugu pago
āārīdeo āārímó.

¹⁷ Abraham merā keopurori, Daviguere marī keotūnumakū, āārīpererā Abraham
parāmerā āārīturiarā catorce burigora masāporewāgānerā āārīmá. David merā Īgū
parāmerā āārīturiarārē keomakū, Babiloniague Israel bumarārē Īgūsā āāburo dupuyuro
keotūnumakū, catorce burigora masāporewāgānerā āārīmá. Dupaturi Babiloniague
Īgūsā ejadero puru, Īgūsā parāmerā āārīturiarārē keopurorimakū, Cristo deyoadero puru
keotūnumakū, catorce burigora masāporewāgānerā āārīmá doja.

Jesucristo deyoadea

(Lc 2.1-7)

¹⁸ Jesucristo deyoaburi āsū waayuro. Īgū pago María, José merā marāpukubo
iriyupo. Īgūsā suro merā āārīrikuburo dupuyuro Ōāgū deyomarīgū turari merā nijīpo
āārīnugāsiayupo. ¹⁹ José igo merā mojōsiabu diayemarē irigu āārīyupu. Irasirigu, igo
nijīpo āārīrērē masīgū, masaka iūrōgue igore: “Ñerō irideo āārímó”, ārī weresādūabi,
Īgūsā masībirimakūta igore béobu iriadiyupu. ²⁰ Irire Īgū gūñaripoe Marīpure wereboegu,
kērōgue Īgūrē deyoa, āsū ārīyupu:

—José, David parāmi āārīturiagu, Maríare ñerō gũñabirikōāka! Igo, Ōāgũ deyoamarīgũ turari merā nijīpo āārīnugāsiamo. Irasirigu güiro marīrō igo merā mojōsiaka! ²¹ Igo majīgūrē pūrākugokumo. Īgũ Īgũyarā masakare Īgūsā ñerī iridea wajare taubu āārīgukumi. Irasirigu Īgūrē “Jesús”^{*} wāiyegukoa, ārīyuru Marīpura wereboegu Josére.

²² I āārīpereri Marīpu Īgũya kerere weredupuyudire gojadorederosūta waayuro. Āsũ ārī gojasūdero āārībú:

²³ Sugo nomeō umámu merā āārībirikerego, sugu majīgũ pūrākugokumo. Īgũ “Emanuel” wāikugukumi, ārī gojasūdero āārībú.[☆]

“Emanuel”, ārīrō: “Marīpu marī merāta āārīmi”, ārīduaro yáa.

²⁴ José kārīadi yobeja, puru Marīpura wereboegu Īgūrē doreaderosūta María merā mojōsiayuru. ²⁵ Irasirikeregu, igo magūrē pūrākuburo dupuyuro igore marāpokubi irirosū āārīkōāyuru. Igo pūrākūadero puru, majīgūrē “Jesús” wāiyeyuru.

2

Masīrīmasā Jesúre ĩārā waadea

¹ Herodes wāikugu, Judea nikũ marā opu āārīripoe Jesús iri nikũma makā Belēgue deyoayuru. Īgũ deyoadero puru, abe mārīriro gapu marā neñukārē ōārō masīrīmasā Jerusalēgue ejañurā. ² Irogue eja, iri makā marārē sērēñañurā:

—Sugu majīgũ deyoadi judío masaka opu āārību, ¿noogue āārīrī? Guaya nikũgue guā āārīmakũ, abe mārīriro gapu neñukāmu Īgũ deyoarire ĩmugũ boyopurorimakũ ĩābú. Irasirirā Īgūrē buremurā aarirā iriabu, ārīñurā.

³ Opu Herodes Īgūsā irasũ arādeare pébokagu, buro gũñarikuyuru. Āārīpererā Jerusalén marāde gũñarikũñurā. ⁴ Irasirigu Herodes āārīpererā paía oparārē, Moisés doredeare buerimasādere siiu need, Īgūsārē sērēñayuru:

—Cristo, Marīpu iriubu, ¿noogue deyoabu āārāyuri? ārīyuru. ⁵ Īgũ irasũ arīmakũ, āsũ ārī yuñurā:

—Judea nikũma makā Belēgue deyoagukumi. Iripoegue Marīpura kerere weredupuyudi āsũ ārī gojadi āārīmí:

⁶ Belén wāikuri makāgue sugu Opu deyoagukumi. Īgũ Marīpuyarā Israel bumarārē korebu āārīgukumi.

Irasiriro Belén Judea nikũ āārīrī makārī watope ubu āārīrī makā āārīkerero, gaji makārī nemorō āārīrokoa, ārī gojadi āārīmí, ārī wereñurā Herodere.[☆]

⁷ Īgūsā irasũ arīmakũ pégu, Herodes masīrīmasārē siiu, masaka péberogue sērēñayuru:

—¿Naásũ āārīmakũ neñukāmu deyoari? ārīyuru. ⁸ “Irīnugue deyoami”, ārī yuñmakũ pégu, Īgūsārē Belēgue āsũ ārī iriuyuru:

—Iro marārē: “¿Noogue āārīrī, majīgũ deyoadi?” ārī sērēñarā waaka! Īgūrē bokajarā, ōōta goedujarika, yure Īgũ āārīrōrē weremurā! Yude Īgūrē buremugũ waadukoa, ārīyuru Īgūsārē.

⁹⁻¹⁰ Īgũ irasũ arīmakũ pé, Belēgue waakōañurā. Maague waamakũ, neñukāmu, abe mārīriro gapu boyoadi Īgūsā dupuyuro waadupuyuyuru, Īgūsā waarī maarē ĩmugũ. Īgūsā neñukāmūrē ĩārā, buro usyañurā. Neñukāmu Īgūsā dupuyuro waa, majīgũ Īgũ āārīrī wii weka dujanugājayuru.

¹¹ Irasirirā iri wiigue ñajārā, majīgūrē, Īgũ pago María merā āārīgūrē bokajañurā. Īgūrē ĩā, Īgũ puro ñadukupuri merā ejamejā: “Ōātarimi”, ārī buremuñurā. Īgūsā āiadea kũmarīrē tũpā: oro, incienso, mirra wāikuri sārōrī wajaparire Īgūrē sīñurā. ¹² Puru Īgūsā kārīripoe Marīpu kērōgue wereyuru:

^{*} **1:21** “Jesús”, ārīrō: “Marī Opu marīrē taumi”, ārīduaro yáa. [☆] **1:23** Is 7.14 [☆] **2:6** Mi 5.2

—Musāya makāgue goedujáarā, Herodes p̄ro waarí maarē dujáabirikōāka! Gaji maa gap̄ dujáaka! āri wereyup̄. Irasirirā gaji maa gap̄ goedujáañurā.

José, María merā majīgārē Egiptogue āiduriadea

¹³ Masīrīmasā goedujáadero p̄r̄, Marīp̄re wereboeḡ Josere kērōgue deyoa, āsū āri wereyup̄:

—Yobeka! Majīgārē, ĩgū pago merā Egipto nikūgue āiduriwāgāka! Ȳ m̄rē: “Dujarika!” āri weremakūgue dujarika! Herodes majīgārē āmabu yāmi ĩgārē wējēbu, āri wereyup̄.

¹⁴ ĩgū irasū ārīmakū pégu, José yobe, majīgārē āi, pago merā ñamita Egiptogue waakōāyup̄. ¹⁵ Herodes okaropā irogue āārīñurā. Irasiriro Marīp̄ya kerere weredupuyudi Marīp̄ magārē ĩgū ārīdeare gojaderosūta waayuro. Marīp̄ āsū ārīdi āārīmí: “Ȳ magārē Egiptogue āārīgārē siiub̄”.

Herodes ūma pūrārē wējēbéodoredea

¹⁶ Herodes, masīrīmasā ĩgū p̄ro goedujáabirimakū ĩāgū, guatariakōāyup̄. Irasiriḡ Belén marārē, iri makā t̄ro āārīrādere ūma pūrāgārē wējēpeokōādoreyup̄. Masīrīmasā ārīdeare gūñagū: “Ōōpāta majīgū masākumi”, āri gūñayup̄. Irasiriḡ pe bojori oparārē, pe bojori doka oparārē wējēbéodoreyup̄. ¹⁷ ĩgū irasiriri Jeremías Marīp̄ya kerere weredupuyudi gojaderosūta waayuro. Āsū āri gojadi āārīmí:

¹⁸ Ramá wāikurogue b̄ro b̄jawereri merā d̄jaritua, orerākuma. Raquel parāmerā āārīturiarā Israel bumarā nome ĩgūsā pūrārē b̄ro orerākuma. ĩgūsā pūrārē wējēmakū ĩārā, b̄jawereduúbirimakū, gajerā ĩgūsārē gūñaturamakū iri-masībirikuma, āri gojadi āārīmí.✧

¹⁹ Herodes boadero p̄r̄, Marīp̄re wereboeḡ Josere Egiptogue āārīgārē kērōgue deyoa, āsū āriyup̄ doja:

²⁰ —Majīgārē wējēduanerā boapereakōāma. Irasiriḡ majīgārē, pago merā Israel bumarāya nikūgue āi dujáaka doja! āriyup̄.

²¹ ĩgū irasū ārīmakū pégu, José yobe, majīgārē, pago merāta Israel bumarāya nikūgue āiākōāyup̄. ²² José gap̄ Judea nikūgue ejaḡ, Herodes magū Arquelao wāikuḡ ĩgū paḡ dagure gorawayudi āārīmi, ārīrī kerere pégu, gūiyup̄. Irasiriḡ, kērōgue Marīp̄ ĩgārē werederosūta Judea nikūrē taria, Galilea nikūgue waakōāyup̄. ²³ Iri nikūguere Nazaret wāikuri makāgue eja, āārīyup̄. Irasiriro Marīp̄ya kerere weredupuyunerā gojaderosūta waayuro. Āsū āri gojanerā āārīmá: “‘Cristo, Marīp̄ iriudi Nazaretm̄ta āārīmi’, ārīrākuma masaka”, āri gojanerā āārīmá.

3

Juan masakare wāiyerimasū buedea

(Mr 1.1-8; Lc 3.1-9, 15-17; Jn 1.19-28)

¹ Iripoere Juan masakare wāiyerimasū Judea nikū masaka marīrōgue ĩgū p̄ro ejarārē Marīp̄yare buen̄gāyup̄. ² Āsū āri werenayup̄:

—Musā ñerō iririre b̄jawerēka! Musā gūñārīrē gorawayuka! Mérō d̄yáa, Marīp̄ ĩgūyarārē doreri ejaburo, āri werenayup̄.

³ Iripoegum̄ Isaiás Marīp̄ya kerere weredupuyudi, Juan iriburire āsū āri gojadi āārīmí:

Suḡ, masaka marīrōgue b̄ro gainírī merā: “Marī Op̄ aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” āri wereḡkumi, āri gojadi āārīmí.✧

⁴ Juāya suríro camellu poari merā suadea suríro āārīyuro. ĩgūya yuj̄wēñarīdade waib̄ gasiro merā irideada āārīyuro. Poreroa, mume makān̄u marāyare baarikayup̄.

⁵ Jerusalén marã, ããrĩperero Judea nikũ marã, dia Jordán wãikũdiya turo marãde ìgũrẽ pèrã ejañurã. ⁶ Ìgũsã ñerõ irideare bujawere, Marĩpũre weretarimakũ ìãgũ, ìgũsãrẽ deko merã wãiyeyupũ dia Jordán wãikũdiyague.

⁷ Juan, wãrã fariseo bumarã, saduceo bumarã ìgũrẽ wãiyedorerã ejamakũ ìãgũ, ãsũ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? “Marĩpũ, gũa ñerõ iriri waja gũare wajamoãbirikõãburo”, ãrĩrã, ¿yũre wãiyedorerã aarari? ⁸ Mũsã: “Gũa ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã irasirimakũ, Marĩpũ mũsãrẽ wajamoãbirikumi. ⁹ Mũsã: “Gũa Abraham parãmerã ããrĩturiarã ããrĩmakũ, Marĩpũ gũare wajamoãbirikumi”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãa. Marĩpũ i ùtãyeri merã Abraham parãmerã ããrĩturiarã waamakũ irimasĩmi”. ¹⁰ Mũsã ñerĩ iririre piribirimakũ ìãgũ, Marĩpũ mũsãrẽ béogũkumi. Sugũ yukũ ñerĩ dukakũdire ìã, kõme merã nugũrĩgue merãta diti, peamegue soebéorosũ mũsãrẽ béogũkumi. ¹¹ Mũsã ñerõ irideare bujawere, mũsã gũñarĩrẽ gorawayumakũ ìãgũ, yũ mũsãrẽ deko merã wãiyegũkoa. Yũ pũrũ aarigũ, yũ nemorõ turagũ ããrĩmi. Yũ gapũ ubu ããrĩgũ, ìgũrẽ neõ sũropebirikoa. Ìgũ mũsãrẽ Õãgũ deyomarĩgũ merã, peame merã wãiyegũkumi. Irasirigũ Õãgũ deyomarĩgũrẽ mũsã merã ããrĩnĩmakũ irigũkumi, ñerĩrẽ soebéorosũ mũsãrẽ ñerĩrẽ béoburo, ãrĩgũ. ¹² Trigo gasirire korobéogũ irirosũ ããrĩmi. Gasirire koro odo, iri yerire baari duripĩri wiigue duripĩgũ irirosũ õãrõ irirãrẽ ìgũ pũroque ããgũkumi. Gasiri gapũre peamegue soebéogũ irirosũ ñerõ irirãrẽ peamegue béogũkumi. Iri peame neõ yaribirikoa, ãrĩ werenayupũ Juan masakare.

Juan Jesúre deko merã wãiyedea
(Mr 1.9-11; Lc 3.21-22)

¹³ Juan masakare dia Jordán wãikũdiyague deko merã wãiyeripoe Jesús Galileague ããrãdi ìgũrẽ wãiyedoregũ waayupũ. ¹⁴ Iroque ejamakũ, Juan ìgũrẽ wãiyedũabiradiyupũ:

—¿Mũ gapũ yũre wãiyerono irigũ yũre wãiyedoregũ aarĩri? ãrĩyupũ.

¹⁵⁻¹⁶ Jesús gapũ ìgũrẽ yũjũyupũ:

—Yũre wãiyeka! Marĩrẽ ããrĩpereri Marĩpũ dorederosũta iriro gããmea.

Ìgũ irasũ ãrĩmakũ pégũ: “Jãũ”, ãrĩ, Jesúre wãiyeyupũ. Wãiyee odomakũ, Jesús diague níadi majãnũgãmakũta, ùmũgasi tũpãkõãyuro. Õãgũ deyomarĩgũ buja irirosũ deyogũ dijari, ìgũ weka ejabekamakũ ìãyupũ. ¹⁷ Marĩpũ ùmũgasigue ããrĩgũ ãsũ ãrĩyupũ Jesúre:

—Ìi yũ magũ, yũ maĩgũ ããrĩmi. Ìgũ merã bũro usũyãa, ãrĩyupũ.

4

Wãtĩ Jesúre ãrĩmesãdidea
(Mr 1.12-13; Lc 4.1-13)

¹ Pũrũ Õãgũ deyomarĩgũ Jesúre masaka marĩrõgue ããyupũ, wãtĩ ìgũrẽ ãrĩmesãburo, ãrĩgũ.

² Iroguere Jesús cuarenta ñarĩ, cuarenta ñamĩrĩgora baabiriyupũ. Pũrũ ùaboakõãyupũ.

³ Ìgũ ùaboamakũ ìãgũ, wãtĩ ìgũ pũro eja, ãsũ ãrĩyupũ:

—Diayeta Marĩpũ magũ ããrĩgũ, mũ turaro merã i ùtãyerire pã duparu waamakũ irika! ãrĩyupũ.

⁴ Jesús gapũ ìgũrẽ yũjũyupũ:

—Yũpũya werenĩrĩ gojadea pũgue: “Baari dita masakare okamakũ iribea. ããrĩpereri Marĩpũya werenĩrĩ gapũ ìgũsãrẽ okamakũ yãa”, ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁵ Pũrũ wãtĩ Marĩpũya makã Jerusalẽgue Jesúre ãña, Marĩpũya wii wekague ãĩmũrĩa,

⁶ ìgũrẽ ãsũ ãrĩyupũ:

—Diayeta Marĩpa magũ ããĩgũ, yebague parimadijaka! Īgũya werenĩĩ gojadea pũgue: Marĩpa Īgũrẽ wereboerãrẽ murẽ koredoregũkumi, neõ ãtãyegue meébejabirikõãburo, ãĩgũ, ãĩ gojasũdero ããĩbũ, ãĩ wereyupa wãtĩ Jesũre.*

⁷ Jesũs Īgũrẽ yũjũyupa:

—Yũpũya werenĩĩ gojadea pũgue: “Bũremurĩ marĩrõ Marĩpũre: ‘Mu turari merã yũre gajino iri ĩmuka!’ ãĩbirikõãka!” ãĩ gojasũdero ããĩbũ, ãĩ wereyupa Jesũs wãtĩrẽ.

⁸ Pũru wãtĩ Jesũre ãmarĩ buũru wekague ãĩmurĩayupa doja. Irogue ããĩpereri i ãmũma makãĩrẽ, masaka oparidere ĩmupeokõãyupa. ⁹ Irire ĩmupeo, Jesũre ãsũ ãĩyupa:

—Mu ñadũkupuri merã ejamejãja, yũre: “Mu, yũ Opũ ããrã”, ãĩ bũremumakũ, i ããĩpererire murẽ sĩgura, ãĩyupa.

¹⁰ Īgũ irasũ ãĩmakũ, Jesũs ãsũ ãĩyupa:

—Satanás, yũ pũrore wirika! Yũpũya werenĩĩ gojadea pũgue: “Marĩpa direta bũremuka! Īgũ doreri direta irika!” ãĩ gojasũdero ããĩbũ, ãĩ wereyupa Jesũs wãtĩrẽ.

¹¹ Īgũ irasũ ãĩmakũ pégũ, wãtĩ waakõãyupa. Īgũ waadero pũru, Marĩpũre wereboerã Jesũre iritamurã ejañurã.

Jesũs Galilea nikũgue masakare buenũgãdea

(Mr 1.14-15; Lc 4.14-15)

¹² Juãrẽ peresu iridea kerere pégũ, Jesũs Galilea nikũgue waakõãyupa. ¹³ Iro ããĩrĩ makã Nazarere tariwãgã, Capernaum wãĩkũri makãgue ejayupa. Galilea wãĩkũri ditaru tũro ããĩbũ Capernaum. Iri makã Zabulón bumarãya nikũ, Neftalĩ bumarãya nikũ ããĩunadero ããĩbũ. ¹⁴ Jesũs irogue ejagũ, iripoeguemu Marĩpũya kerere weredupuyudi Isaiás gojaderosũta iriyupa. ãsũ ãĩ gojadi ããĩmĩ:

¹⁵ Zabulón bumarãya nikũ, Neftalĩ bumarãya nikũ ããĩunadero, judío masaka ããĩmerãya nikũ ããrã. Ditaru tũro, dia Jordán wãĩkũdiya abe ñajãrõgue Galilea wãĩkũri nikũ ããrã.

¹⁶ Iro marã, naĩtĩãrõgue ããĩrã irirosũ Marĩpũyare masĩbema. Īgũsã masĩbiri waja peamegue waabonerã ããĩma. Irasũ ããĩkererã, sĩãgorire ĩãrã irirosũ ĩgũsãrẽ taubure ĩãrãkuma. Īgũta ĩgũsãrẽ Marĩpũre masĩmakũ irigũ aarigũkumi. Irasirirã boyorogue ããĩrã irirosũ ããĩrãkuma, ãĩ gojadi ããĩmĩ.*

¹⁷ Jesũs irogue ããĩgũ, masakare ãsũ ãĩ buenũgãyupa:

—Musã ñerĩ iririre bũjawereka! Musã gũñarĩrẽ gorawayuka! Mérõ dũyãa, Marĩpa ĩgũyarãrẽ doreri ejaburo, ãĩyupa.

Jesũs wapikũrã waaĩ wẽjẽĩmasãrẽ siiudea

(Mr 1.16-20; Lc 5.1-11)

¹⁸ Jesũs Galilea wãĩkũri ditaru tũroque ejagũ, Simõrẽ, ĩgũ pagũmu Andrere bokajayupa. Simõta “Pedro” wãĩkũyupa. Īgũsã waaĩ wẽjẽĩmasã ããĩĩnurã. Ditarugue ĩgũsãya buidire meéyorã iriĩnurã. ¹⁹ Jesũs ĩgũsãrẽ:

—Nãka, yũ merã! Daporare musãrẽ waaĩ wẽjẽĩmasã ããĩĩrẽ piri, Marĩpũya kerere wererimasã ããĩmakũ irigũkoa, ãĩyupa.

²⁰ Īgũ irasũ ãĩmakũ pãrã, mata ĩgũsãya buiriyukure pĩkõã, Jesũs merã waakõãñurã.

²¹ Pũru Jesũs yoawayaro waa, Santiagore, ĩgũ pagũmu Juãrẽ bokajayupa. Īgũsã Zebedeo wãĩkũgu pũrã ããĩĩnurã. Īgũsãya doódirugue ĩgũsã pagũ merã ĩgũsãya buiriyukure ãmurã iriĩnurã. Jesũs ĩgũsãrẽ: “Nãka, yũ merã!” ãĩ siiuyupa. ²² Īgũ irasũ ãĩmakũ pãrã: “Jãũ”, ãĩ, ĩgũsãya doódirure, pagũre pĩkõã, Jesũs merã waakõãñurã.

Jesũs wãrã masakare buedea

(Lc 6.17-19)

²³ Jesús ããrĩperero Galilea nikũrẽ judío masaka nerẽrĩ wiirigue buegorenayupũ. Õãrĩ kerere, Marĩpũ ãgũyarãrẽ doregũ ããrĩrĩrẽ bueyupũ. Irasũ ããrĩmakũ pũrĩrikurãrẽ ããrĩpereri ãgũsã pũrĩrĩrẽ tauyupũ. ²⁴ ãgũ irasiriri kerere ããrĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrẽ, pũrĩrikurãrẽ, wãtẽa ñajãsũnerãrẽ, ñamasĩrĩrĩ oparãrẽ, waamasĩmerãdere Jesús pũrogue ããñurã. Irasirigũ ããrĩpererãrẽ tauyupũ Jesús.

²⁵ ãgũ irasirimakũ ããrã, wãrã Galilea nikũ marã, Decápolis wãikũri nikũma makãrĩ marã, Jerusalén marã, Judea nikũ marã, dia Jordán wãikũdiya abe mũrĩro gapũ marã ãgũ merã waañurã.

5

Jesús buúrugue masakare buedea

¹ Jesús, masaka wãrã ãgũ pũro ejamakũ ããgũ, buúrugue mũrĩa, eja doayupũ. ãgũ irogue doamakũ, ãgũ buerã ãgũ pũro nerẽnũgãjañurã. ² ãgũsã nerẽnũgãjamakũ ããgũ, Jesús ãgũsãrẽ ãsũ ãrĩ buerũroriyupũ:

“Ãsũ irirãno usuyama”, ãrĩ buedea

(Lc 6.20-23)

³ —“Marĩpũ iritamubirimakũ, ãgũ gããmerĩrẽ irimasĩña marĩbokoã”, ãrĩ gũñarãno, ãmũgasigue Marĩpũ ãgũyarãrẽ dorerogue waarãkuma. Irogue ma ãgũsãya ããrã. Irasirirã usuyama.

⁴ ‘Bujawereri merã ããrĩrãrẽ Marĩpũ ãgũsãrẽ gũñaturamakũ irigukumi. Irasirirã usuyama.

⁵ “Gajerã nemorõ ããrã”, ãrĩ gũñamerã, Marĩpũ ãgũsãrẽ: “I nikũrẽ sĩgura”, ãrĩdeare oparãkuma. Irasirirã usuyama.

⁶ ‘Marĩpũ gããmerĩrẽ iridũarã, ãboarã baadũarã, ñemesiburã iiridũarã irirosũ ããrĩma. Marĩpũ ãgũsãrẽ iritamugukumi, ãgũ gããmerĩrẽ iriburo, ãrĩgũ. ãgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

⁷ ‘Gajerãrẽ bopoñarĩ merã ããrãrẽ Marĩpũ ãgũsãrẽ bopoñarĩ merã ããgũkumi. Irasirirã usuyama.

⁸ ‘Ñerĩ opamerã Marĩpũre ããrãkuma. Irasirirã usuyama.

⁹ ‘Gajerãrẽ õãrõ siuñajãrĩ merã ããrĩmakũ iridũarãrẽ Marĩpũ ãgũsãrẽ: “Yũ pũrã ããrĩma”, ãrĩgũkumi. Irasirirã usuyama.

¹⁰ ‘Marĩpũ gããmerĩrẽ iriri waja, gajerã ãgũsãrẽ ñerõ tarimakũ irisũrã ãmũgasigue Marĩpũ ãgũyarãrẽ dorerogue waarãkuma. Irogue ma ãgũsãya ããrã. Irasirirã usuyama.

¹¹ ‘Yũre mũsã bũremurĩ waja gajerã mũsãrẽ ñerõ werenĩkerepũrũ, mũsãrẽ ñerõ irikerepũrũ, ããrĩpereri gajerosũperi ñerĩ kere ãrĩkerepũrũ, usuyaka! ¹² Marĩpũya kerere weredupuyunerãrẽ mũsã dupuyuro ããrĩnerãrẽ ãsũta ñerõ irinerã ããrĩmã. Irasirirã mũsãrẽ ñerõ irikerepũrũ, õãrõ usuyari merã ããrĩrikũka! Pũrugue wãro õãrĩ oparãkoa ãmũgasiguere, ãrĩyupũ Jesús.

I ãmũguere Marĩpũyare irirã moã, sããgori irirosũ ããrĩma, ãrĩ buedea

(Mr 9.50; Lc 14.34-35)

¹³ Irasũ ãrĩ odo, Jesús ãsũ ãrĩ buenemoyupũ:

—Mũsã i ãmũguere Marĩpũyare irirã moã okari irirosũ ããrã. Moã okadea okabirimakũ, dupaturi okamakũ irimasĩbirikoa. Béoõãkoa. Béoadero pũrũ, masaka kũrawasiribéoõãkuma. Irasirirã mũsã moã okari irirosũ Marĩpũyare irinĩkõãka!

¹⁴ ‘Mũsã i ãmũ marãrẽ sããgori irirosũ ããrã. Irasirirã Marĩpũyare mũsã irimakũ ããrã, ãgũrẽ masĩrãkuma. Buúru wekague ããrĩrĩ makãrẽ duúmasĩña máa. ¹⁵ Masaka sããgodirure sããgorã, dupa kũma dokague pĩbirikuma. Sããgo, wii dekogue siukuma, iri wii marã ããrĩpererã õãrõ boyorogue ããrĩburo, ãrĩrã. ¹⁶ I irirosũ mũsãde Marĩpũyare õãrõ iriri merã

masakare musā ĩgũyarā āārĩrĩrē masĩmakū irika, ĩgũrē ũmugasigue āārĩgũrē: “Ōātarigu āārĩmi”, ārĩ bũremuburo, ārĩrā!

Jesús Moisés doredeare buedea

¹⁷ Musā yũre āsũ ārĩ gũñabirikōāka: “Marĩpũ Moisére doreri pídeare, irasũ āārĩmakū Marĩpũya kerere weredupuyunerā gojadeare béogu aarigú irikumĩ”, ārĩ gũñabirikōāka! Irire béogu aarigú meta iribũ. Iri āārĩpererire keoro iriyuwarikũgũ aarigú iribũ. ¹⁸ Diayeta musārē werea. Ũmugasi, i nikũ āārĩrōpāta Marĩpũ neō mérōgā su wāĩ ĩgũ doreri pídeare béobirikumi. Āārĩpereri ĩgũ: “Āsũ irigura”, ārĩdeare keoro iriyuwarikũgũkumi. ¹⁹ Iri dorerire su wāĩrē tarinũgārāno, gajerārē: “Gũa irirosũ irika!” ārĩ buerā, ũmugasigue Marĩpũ ĩgũyarārē dorerogue ĩgũ ĩāmakū ubu āārĩrā āārĩrākuma. Gajerā gapũ iri dorerire ōārō irirā, gajerārē ĩgũsā irirosũ iridorerā, ũmugasigue ĩgũyarārē dorerogue ĩgũ ĩāmakū oparā irirosũ āārĩrākuma. ²⁰ Ire musārē werea. Musā, Moisés doredeare buerimasā, fariseo bumarā nemorō Marĩpũ gāāmerĩrē iribirikererā, Marĩpũ ĩgũyarārē doreroguerē neō waabirikoa.

*Jesús masaka guarimarē buedea
(Lc 12.57-59)*

²¹ Marĩpũ musā ñekūsāmarārē doredeare musā pénerā āārĩbũ. ĩgũsārē āsũ ārĩdi āārĩmĩ: “Masakare wējēbirikōāka! Gajigũre wējēdinorē wajamoāka, ĩgũ wējēdea waja!” ²² Yũ gapũ musārē werea. Sugũ ĩgũyagũ merā guagũ, wajamoāsũgũkumi. ĩgũyagũre: “Mũ wjamáa”, ārĩ bũridagũnorē marĩ oparā wajamoārākuma. ĩgũyagũre: “Waibũ irirosũ pémasĩrĩ opabea mũ”, ārĩgũnorē peamegue waamagoegorāa.

²³ Irasirirā Marĩpũya wiima soepeorogue ĩgũrē bũremurā gajino pĩrā waamurā: “Yaagũ yũ merā guami”, ārĩ gũñabokarā, ²⁴ Marĩpũre sĩburire pĩkōā, musāyagũ pũrogue waa: “Yũ mũrē ñerō irideare kātika!” ārĩ sērēka ĩgũrē! Musā gāme āmuadero pũrũ, dupaturi Marĩpũya wiigũ musā sĩduadeare ĩgũrē sĩrā waaka!

²⁵ Sugũ musārē weresāduagũ, weresārĩrē beyerimasũ pũrogue musārē āĩduamakū, mata maague ĩgũ merā waarā, ĩgũ musārē weresārĩrē āmuka! ĩgũ merā ōārō āmubirimakū, beyerimasũguere musārē weresāgũkumi. ĩgũ musārē weresāmakū pégu, beyerimasũ musārē suraraguere wia, peresu iridoregũkumi. ²⁶ Diayeta musārē werea. Beyerimasũ musārē wajaridoredeare wajaripeobirimakū, neō musārē wiubirikumi.

Jesús: “Gajigũ marāpo merā ñerō iribirikōāka!” ārĩ buedea

²⁷ Iripoegue marā weredeare musā pénerā āārĩbũ. Āsũ ārĩnerā āārĩmā: “Gajigũ marāpo merā ñerō iribirikōāka!” ²⁸ Yũ gapũ musārē werea. Sugũ nomeōrē ñerō iriduuri merā ĩāgũ, ĩgũ gũñarĩgue igo merā ñerō irisiami.

²⁹ Irasirirā musāya koyeru diaye gapũmarũ merā ĩā, ñerō irirā, irirure gorewe-abéorosũ iri ñerō iririre pirika! Musā koyerure béomakū, iriru dita dediria. Ñerō iririre pirimerā āārĩpereri musāya dupũ merā peamegue béosũrākoa. ³⁰ Musāya diayema mojō merā ñerō irirā, iri mojōrē dítítá béorosũ iri ñerō iririre pirika! Musāya mojōrē béomakū, iri mojō dita dediria. Ñerō iririre pirimerā āārĩpereri musāya dupũ merā peamegue béosũrākoa.

*Jesús masakare: “Musā marāposā nomerē béobirikōāka!” ārĩ buedea
(Mt 19.1-12; Mr 10.11-12; Lc 16.18)*

³¹ Iripoegue marā idere ārĩnerā āārĩma: “Sugũ ĩgũ marāpore béoduagũ: ‘I waja merā mũrē béoa’, ārĩ gojari pũrē sĩrō gāāmea”, ārĩnerā āārĩmā. ³² Yũ gapũ musārē werea. Sugũ, ĩgũ marāpo gajigũ merā ñerō iribirikererũ igoire béogu, igoire gajigũ merā marāpũkũmakū irigũ, igoire ñerō irimakū irikumĩ. Irasũ āārĩmakū, ĩgũ béodeo merā marāpokũgũde ñerō irigũ irikumĩ.

Jesús: “Āsū irigura”, ārīrmarē buedea

³³ Iripoegue marārē weredeare musā pénerā āārībú. Āsū ārī werenerā āārīmá ĩgūsārē: “Marīpu wāi merā āsū irigura”, ārīderosūta marī Opu ĩūrō keoro irika!” ³⁴ Yu gapu musārē werea. Musā gajerārē: “Āsū irigura”, ārīrā, Marīpure wāipeobirikōāka! “Ūmugasima merā āsū irigura”, ārībirikōāka! Ūmugasi, Marīpu doaro ubu āārīrō meta āārā. ³⁵ I nikūma merādere wāipeobirikōāka! I nikū Marīpuya nikū āārā. Irasirio ĩgū kuraña doanīrō irirosū āārā. Jerusalén merādere wāipeobirikōāka! Jerusalén marī Opu turatariguya makā āārā. ³⁶ “Yaa dipuru merā āsū irigura”, ārī wāipeobirikōāka! Musā irasū ārīrī merā neō musāya dipuruma poaire nīrīda, o borerida waamakū irimasībirikoa. ³⁷ “Āsū irigura”, o “Āsū iribirikoa”, ārīrā, wāipeoro marīrō su diayeta wereka! Wāipeori merā: “Āsū irigura”, ārīrā, wātī gāamerīrē irirā yāa.

Jesús masaka ñerō iri gāmīrmarē buedea
(Lc 6.29-30)

³⁸ Iripoegue marā weredeare musā pénerā āārībú. Āsū ārīnerā āārīmá: “Murē gajigu muya koyerure pátīāderosūta mude ĩgūya koyerure pátīā gāmika! Muya guikarure ĩgū pánuaderosūta mude ĩgūya guikarure pánua gāmika!” ārīnerā āārīmá. ³⁹ Yu gapu musārē werea. Musārē ñerō iridire irasū ĩākōāka! ĩgūrē ñerō iri gāmibirikōāka! Sugu musāya wayupārā diaye gapure pámakū, kúgapuma wayupārādere pádoreka! ⁴⁰ Sugu murē weresārīrē beyerimasū puro āia: “ĩgūya surīrore sīdoreka, ĩgū yure ñerō iridea waja”, ārī weresāmakū, iriñerē sīka! Irasū āārīmakū, muya wekamañedere sīnemoka ĩgūrē! ⁴¹ Sugu surara gajinorē su kilómetro murē āiwāgādoremakū, gaji kilómetro āiwāgānemobosaka doja! ⁴² Sugu murē gajinorē sērēmakū, sīka ĩgūrē! Gajino murē wayumakū sīka ĩgūrē! “Wayubirikoa”, ārībirikōāka!

Jesús: “Musārē ĩāturirārē maīka!” ārī buedea
(Lc 6.27-28, 32-36)

⁴³ Gaji iripoegue marā weredeare musā pénerā āārībú. Āsū ārīnerā āārīmá: “Musā merāmarārē maīka! Musārē ĩāturirā gapure ĩāturi doo, gāmika!” ārīnerā āārīmá. ⁴⁴ Yu gapu musārē werea. Musārē ĩāturirārē maīka! Musārē ñerō werenīrārē: “Ōārō āārīburo”, ārīka! Musārē ĩāturi doorārē ōārō irika! Musārē ñerō ārī bīridamakū, musārē ñerō irimakū, ĩgūsāya āārīburire Marīpure sērēbosaka! ⁴⁵ Irasirirā Marīpu ūmugasigue āārīgū pūrā āārīrākoa. Marīpu ñerārē, ōārādere abe asimakū yāmi. ĩgū dorerire irirā puro, irimerā purudere deko merēmakū yāmi. Irasirirā musāde ĩgū irirosūta masakare sūrosū ōārō irika! ⁴⁶ Musārē maīrā direta maīrā, ĩñeéonorē ūmugasigue wajatabokuri? Romano marā opure niyeru wajaseabosarimasāde ñerā āārīkererā, ĩgūsārē maīrārē maīma. ⁴⁷ Musāyarā direta ōārō bokatīrīñeārā, ĩñeéno ōārīrē gajerā nemorō iribokuri? Marīpure masīmerāde ĩgūsāyarārē ōārō bokatīrīñeāma. ⁴⁸ Irasirirā, Marīpu ūmugasigue āārīgū neō ñerī marīgū āārīrōsūta musāde neō ñerī marīrā āārīka! ārī wereyupu Jesús.

6

Jesús ōārō iririkumarē buedea

¹ Jesús āsū ārī werenemoyupu:

—“Ōārīrē irirā āārā”, ārīrā, masaka ĩūrō musā iririre iri ĩmubirikōāka! Musā irire irasirimakū, Marīpu ūmugasigue āārīgū musā irasiridea wajare sībirikumi. ² Irasirirā boporārē iritamurā, āārīpererārē werebirikōāka! Irigatorimasā irirosū iribirikōāka! ĩgūsā boporārē iritamurā, marī nerērī wiirigue nerēanerā, makā dekogue āārīrā ĩūrō: “Ōārā āārīma”, ārīburo, ārīrā, iri ĩmuma. Diayeta musārē werea. Masaka ĩgūsārē ōārō

ãrĩrĩ merã wajatari opasiama. ³ Mũsã gapũ boporãrẽ gajino sĩrã, masaka ãberogue sĩka!
⁴ Marĩpũ, mũsã irasirimakũ ãgũ, mũsãrẽ õãrõ wajatamakũ irigũkumi.

Jesús Marĩpũrẽ sërẽrĩrẽ buedea
(Lc 11.2-4)

⁵ 'Marĩpũrẽ sërẽrã, irigatorimasã irirosũ iribirikõãka! ãgũsã marĩ nerẽrĩ wiirigue, makã dekogue masaka ãburo, ãrĩrã, sërẽ ãmuma. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. ⁶ Mũsã gapũ Marĩpũrẽ sërẽrã, mũsãya taribugue ñajãa, disipũro bia, gajerã ãberogue ãgũrẽ sërẽka! ãgũ deyomarĩgũ ããrĩkeregũ, mũsã merã ããrĩgũkumi. Irasirigũ, gajerã ãberogue mũsã ãgũrẽ sërẽmakũ ãgũ, mũsãrẽ õãrõ wajatamakũ irigũkumi.

⁷ 'Marĩpũrẽ sërẽrã, ubu ããrĩrĩ werenĩrĩ merã dupaturi sërẽdujabirikõãka! Marĩpũrẽ masĩmerã irasũ yãma. "Wãri werenĩrĩ merã gũa sërẽmakũ, gũare pégũkumi", ãrĩ gũñama.
⁸ ãgũsã irirosũ iribirikõãka! Mũsã sërẽburo dupuyuro Marĩpũ mũsã gããmerĩrẽ masĩsiami.
⁹ Irasirĩrã ãsũ ãrĩ sërẽrõ gããmea Marĩpũrẽ:

Gũapũ ãmũgasigue ããrĩgũ, ããrĩpererã mũrẽ gopepyari merã bũremuburo.

¹⁰ Mũ ããrĩpererãrẽ doreri aariburo. ãmũgasigue marã mũ gããmerõ irirosũta i nikũ marãde iriburo.

¹¹ ãmũrikũ gũare baari sĩka!

¹² Gajerã gũare ñerõ irideare gũa kãtirosũta mũde gũa ñerõ irideare kãtika!

¹³ Gũa ñerõ iridũamakũ kãmutaka! Ñegũ gũare ñerĩ ãrĩmesãrĩrẽ tau kãmutaka! Mũ sugũta gũare doregũ, turatarigũ, gũa bũremugũ ããrĩnĩgũkoa, ãrĩ sërẽka Marĩpũrẽ!

¹⁴ 'Gajerã mũsãrẽ ñerõ irideare mũsã kãtimakũ ãgũ, Marĩpũ ãmũgasigue ããrĩgũ mũsã ñerõ irideare kãtigũkumi. ¹⁵ Gajerã mũsãrẽ ñerõ irideare mũsã kãtibirimakũ, Marĩpũ mũsã ñerõ irideare kãtibirikumi.

Jesús bererimarẽ buedea

¹⁶ 'Marĩpũrẽ bũremurã bererã, irigatorimasã irirosũ iribirikõãka! ãgũsã bererã, ãgũsãya diapure bũjawererã irirosũ iri ãmuma, masaka ãgũsã bererire ããmasĩburo, ãrĩrã. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. ¹⁷ Mũsã gapũ bererã, mũsã irinarõsũta irika! Mũsãya diapure waakoe, õãrõ wũũapukõãka! ¹⁸ Mũsã irasirimakũ, gajerã mũsã bererire masĩbirikuma. Marĩpũ gapũ deyomarĩgũ ããrĩkeregũ, mũsã merã ããrĩmi. ãgũ dita mũsã gajerã ãberogue iririre ãgũ, mũsãrẽ õãrõ wajatamakũ irigũkumi.

Jesús marĩ ãmũgasigue wajataturire buedea
(Lc 12.33-34)

¹⁹ 'Wãri i nikũmarẽ sea neõ duripĩbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma.
²⁰ Irasirĩrã mũsã ãmũgasima opaburi gapũrẽ gũñaka! ãmũgasima neõ borewiji boabirikoa. Iroguere burua mũsã opaturire neõ baadediubirikuma. Yajarimasãde neõ ñajãa, yajabirikuma. ²¹ Mũsã i ãmũma direta: "Opadũakoa", ãrĩ gũñarã, irire bũro maĩrãkoa. ãmũgasima gapũrẽ: "Opadũakoa", ãrĩ gũñarã, irire bũro maĩrãkoa.

Jesús masakaya koye sããgodiru irirosũ ããrĩrĩrẽ buedea
(Lc 11.34-36)

²² 'Mũsãya koye mũsãya gũñarĩguere sããgodiru irirosũ ããrã. Mũsã õãrĩ koye oparã irirosũ ããrĩmakũ, mũsãya gũñarĩguere õãrõ sããgoro irirosũ ããrã. Irasirĩrã Marĩpũyare masĩa. ²³ Mũsã ñerĩ koye oparã irirosũ ããrĩmakũ, mũsãya gũñarĩguere naĩtĩãrõ irirosũ ããrã. Marĩpũyare masĩbea. I naĩtĩãrĩ, ñetaria. Irire masĩbirimakũ ñegorãa.

Jesús: "Niyerure maĩrã, Marĩpũrẽ maĩbema", ãrĩ buedea
(Lc 16.13)

²⁴ Neõ sugũ moãboerimasũ pẽrã oparãrẽ moãboemasĩbirikumĩ. Sugũ opũre maĩgũ, gajigũ gapũre maĩbirikumĩ, o sugũ opũre bũremugũ, gajigũ gapũre yũjubirikumĩ. Niyerudere maĩtarigũ, Marĩpũ gapũre maĩbemi.

Jesús, Marĩpũ ãgũ pũrãrẽ korerimarẽ buedea
(Lc 12.22-31)

²⁵ Irasirigũ musãrẽ ire weregũra. Musã ããrĩrikurire gũñarã, “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ gũñarĩkũbirikõãka! Marĩ okari gapũ, baari nemorõ wajakũa. Marĩya dupũ, surĩ nemorõ wajakũa. ²⁶ Mirãrẽ ãmarõgue wũrãrẽ ãka! ãgũsã baadũarã, otebema. Otedea dukare seabema. Baari duripĩri wiiridere opabema. Marĩpũ ãmũgasigue ããrĩgũ gapũ ãgũsãrẽ baari sĩmi. Musã gapũ, mirã nemorõ wajakũtarinũgã. ²⁷ Musã bũro gũñarĩkuri merã neõ mérõgã masãnemobirikoa. Musã irasũ gũñarĩkuri wajakũa.

²⁸ Irire masĩkererã, ¿nasirirã musã surĩ sãñaburire gũñarĩkuri? Makãnúũma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa. ²⁹ Musãrẽ werea. Opũ Salomón surĩ õãrĩ sãñadero nemorõ iri goori gapũ õãrĩ deyoa. ³⁰ Iri goorire Marĩpũ õãrĩ goori deyomakũ irikererũ, mérõgã pũrũ ñãĩdija pereakõãa. Gajinũ gapũ peamegue soebéokõãsũa. Iri mata pereburi ããrĩkererũ, Marĩpũ iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigakumĩ. Surĩre sĩgukumĩ. Musã gapũ ãgũrẽ mérõgã bũremurĩ opãa. ³¹ Irasirirã: “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ gũñarĩkũbirikõãka! ³² Marĩpũre masĩmerã bũro gũñarĩkuri merã irire ãmanĩkõãma. Marĩpũ ãmũgasigue ããrĩgũ gapũ ããrĩpereri musã gããmerĩrẽ masĩsiami. Irire musãrẽ sĩgukumĩ. ³³ Irasirirã, Marĩpũ musã Opũ ããrĩrẽ, ãgũ gããmerĩrẽ, ãgũ dorerire, ããrĩpereri nemorõ gããmerũrorika! Musã irasirimakũ, ããrĩpereri musã baa, iirĩburire, musã surĩ sãñaburidere sĩwekapeogukumĩ. ³⁴ Irasirirã: “¿Naásũ waarokuri ñamigãrẽ?” ãrĩ gũñarĩkũbirikõãka! Gajinũmarẽ musã ñerõ tariburire gũñarĩkũdupuyubirikõãka! Dapagãma direta gũñaka! Dapagãrẽ musã ñerõ tariburi ããrĩsĩãa, ãrĩ wereyupũ Jesús.

7

Jesús, gajerãrẽ: “Ñerã ããrĩma”, ãrĩ werewũabirikõãka! ãrĩ buedea
(Lc 6.37-38, 41-42)

¹ Jesús irire ãrĩ odo, ãrĩnemoyupũ doja:

—Gajerãrẽ: “Ñerã ããrĩma”, ãrĩ werewũabirikõãka! Musã werewũabirimakũ ãgũ, Marĩpũ musãrẽ: “Ñerã ããrĩma”, ãrĩ ããbirikumĩ. ² Gajerãrẽ: “Õãrõ iribema”, ãrĩ ããrõsũta Marĩpũ musãrẽ ããgukumĩ. Gajerãrẽ: “Ãsũ ããrĩma”, ãrĩ ããrõsũta Marĩpũ musãrẽ ããgukumĩ. ³ Musã ñerõ iridea, koyerugue wãri turu oparosũ ñetariri ããrĩrẽ gũñabirikererã, musãyagu ñerõ iridea, koyerugue nikũyegã oparosũ ããrĩrẽ: “Ñegorã”, ãrĩ gũñãa. ⁴ Irasirirã musã ñerõ iridea, koyerugue wãri turu oparosũ ããrĩrã, musãyagũre ãgũya koyerugue ããrĩrĩ nikũyegãrẽ: “¿Ãĩbéosi?” ãrĩmasĩbea. ⁵ Musã ñerõ iririkurã, irigatorikurã ããrã. Musãya koyerugue ããrĩrĩ turu gapũre ãĩbéopũroriro irirosũ musã ñerõ iririre pirĩpũrorika! Irasiri odo, musãyagũre: “Mũ ñerõ iririre pirikõãka!” ãrĩ masã.

⁶ Marĩpũre ñerõ ãrĩ buridarãrẽ ãgũya kerere werebirikõãka! ãgũsãrẽ wererã, diayéare õãrĩrẽ sãrã, o yeseare ñaguĩda wajakũaridare sãrã irirosũ iribokoa. Diayéa guarã, õãrĩ sĩkererũ, gãmenũgã kũrĩkõãkuma. Yesea iridare noó gããmerõ kũrawasiribéokuma. ãgũsã irirosũ ããrĩrãrẽ, ubugorata Marĩpũya kerere werebirikõãka!

Jesús: “Marĩpũre sãrãrã, ãsũ ãrĩ sãrãka!” ãrĩdea
(Lc 11.9-13; 6.31)

7 'Marĩpũre sērēka! Īgūrē sērēmakũ, sīgukumi. Ōārĩrē āmarã, bokarãkoa. Wiigue ñajãduarã oemakũ, Marĩpũ disipũro tũpã ñajãdoregũ irirosũ musã sērērĩrē pégukumi. 8 Īgūrē sērērãnorē sīgukumi. Āmarãno, bokarãkuma. Wiigue ñajãduarã oerã irirosũ Īgūrē sērēmakũ ĩãgũ, Īgũsãrē ñajãdoregũ irirosũ Īgũsã sērērĩrē ōãrõ pégukumi.

9 'Musã pũrã pãrē sērēmakũ, ùtãyere sĩbirikoa. 10 Waaĩ sērēmakũdere, ãñarē sĩbirikoa. 11 Ñerã ãārĩkererã, musã pũrãrē ōārĩrē sĩmasĩa. Marĩpũ ùmũgasigue ãārĩgũ gapũ, musã nemorõ ōārĩrē sĩmasĩmi. Irasirigu Īgūrē sērērãrē irire sīgukumi.

12 'Musã, gajerã musãrē ōãrõ irimakũ gããmerõsũta musãde Īgũsãrē ōãrõ irika! Moisés gojadea pũgue, Marĩpũya kerere weredupuyunerã gojadea pũguedere irasũta iridoredero ãārĩbũ.

Jesús eyabiri disipũrore ñajãri keori merã buedea
(Lc 13.24)

13 'Marĩpũ pũroque ñajãduarã Īgũyare irika! Iroque ñajãmakũ diasagorãa. Eyabiri disipũro ñajãrõ irirosũ ããrã. Peamegue waaró gapũ eyari disipũro ñajãrõ, eyari maarē waaró irirosũ ããrã. Iri maarē waamakũ diasabea. Irasirirã wãrã masaka iroque waarã yãma. 14 Marĩpũ pũro gapũre waamakũ diasagorãa. Irasirirã mērãgãta masaka, eyabiri disipũro ñajãrõrē, iroque eyabiri maarē bokama. Iroque waarã, Marĩpũ merã ōãrõ ãārĩrãkuma.

Jesús yukũre dukã merã ĩãmasĩsũa, ãrĩ buedea
(Lc 6.43-44)

15 'Ōãrõ pémasĩka! "Marĩpũya kerere weredupuyurimasã ããrã", ãrĩgatorãrē pébirikõãka! Īgũsã oveja guamerã, ōārĩrē irirã irirosũ musã pũroque ejarãkuma. Irasirikererã, Īgũsã gũñarĩguere diayéa makãnúũ marã guarã irirosũ, ñerã ããrĩma. 16 Īgũsã ñerõ irimakũ musã Īgũsãrē: "Ñerã ããrĩma", ãrĩ ĩãmasĩrãkoa. Poragũ iguire dukakũbirikoa. Ñaagũde higo wãĩkũrĩre dukakũbirikoa. 17 Ōãdi yukũ ōārĩrē dukakũ. Ñedi gapũ ñerĩrē dukakũ. 18 Yukũ ōãdi ñerĩrē dukakũbirikoa. Ñedide ōārĩrē dukakũbirikoa. 19 Ōãrĩ dukakũbiridire pábéo, peamegue soekõãma. 20 Irasirirã: "Marĩpũya kerere weredupuyurimasã ããrã", ãrĩgatorãrē Īgũsã iriri merã: "Ārĩgatorikũrã ããrĩma", ãrĩ ĩãmasĩrãkoa musã.

Jesús ããrĩpererã masaka Marĩpũ pũroque waabirikuma, ãrĩ buedea
(Lc 13.25-27)

21 'Wãrã yũre: "Mũta ããrã gua Opũ", ãrĩkererã, ããrĩpererã ùmũgasigue Yũpũ Īgũyarãrē dorerogue ñajãbirikuma. Yũpũ ùmũgasigue ãārĩgũ gããmerĩrē irirã dita Īgũ ãārĩrõguere ñajãrãkuma. 22 Yũpũ ããrĩpererã ñerãrē wajamoãrĩnũ ejamakũ, wãrã yũre: "Gua Opũ, mũyare masakare buebũ. Mũ wãĩ merã wãtẽãrē béowiu, wãri ōārĩrē iri ĩmubũ", ãrĩrãkuma. 23 Īgũsã irasũ ãrĩkererũ: "Musãrē neõ masĩbiribũ. Ñerĩrē irirã ããrã musã. Irasirirã yũ pũrore wirika!" ãrĩgũkoa.

Jesús pe wii keori merã buedea
(Mr 1.22; Lc 6.47-49)

24 'Yũ werenĩrĩrē péduripĩgũno, yũ dorerire irigũno, ōãrõ pémasĩgũ ããrĩmi. Sugũ ùtãyegue ãkũãrĩ goberi máñajãa, wii ōãrõ núdi irirosũ ããrĩmi. 25 Pũrũ deko merē, dia wãro yura, mirũ bũro wẽjẽpukerepũrũ, iri wii ãkũãrõ núdea wii ããrĩsĩã, neõ mirũabirikoa. 26 Yũ werenĩrĩrē pékeregũ, yũ dorerire iribi gapũ sugũ ĩmparogue wii iridi irirosũ ããrĩmi. 27 Pũrũ deko merē, dia wãro yura, mirũ bũro wẽjẽpumakũ, mata õjẽdija, kõmopereakõãkoa, ãrĩ wereyupũ Jesús.

28 Īgũ bue odomakũ, masaka Īgũ buerire pégukari merã: "Ōãtariro buemi", ãrĩ gũñãñurã. 29 Moisés gojadeare buerimasã irirosũ buebiriypũ. Sugũ doregũ irirosũ bueyupũ Jesús.

8

Jesús kãmi boagure taudea
(Mr 1.40-45; Lc 5.12-16)

¹ Jesús buúrugue aãrãdi dijarimakū ĩārã, wárã masaka ĩgūrē tɔyañurã. ² Sugũ kãmi boagũ Jesúre ĩãgũ, ĩgũ pũro ñadukũpuri merã ejamejã, ĩgūrē sērēyupũ:

—Yũ Opũ, mũ yũ pũrĩrikũrire taudũagũ taumasĩa, ãrĩyupũ.

³ ĩgũ irasũ ãrĩmakũ pégu, Jesús ĩgũya mojõ merã ĩgūrē moãñayupũ.

—Mũrē taugũra. Kãmi marĩgũ dujaka! ãrĩyupũ.

Ĩgũ irasũ ãrĩmakũta, kãmi yariakõãyuro. ⁴ Irasirigu Jesús ĩgūrē ãrĩyupũ:

—Gajerã masakare mũ tariadeare werebirikõãka! Paĩ pũrogue mũrē kãmi yariadeare ĩgūrē ĩmugũ waaka, ĩgũ mũrē: “Kãmi marĩgũ aãrĩmi”, ãrĩburo, ãrĩgũ. ĩgũ irasũ ãrãdero pũrũ, Moisés gojadea pũgue sĩdoredeare sĩa! Mũ irire irimakũ ĩārã, masaka mũrē kãmi yariadeare masĩrãkuma, ãrĩyupũ Jesús ĩgūrē.

Jesús surara opũre moãboegũre taudea
(Lc 7.1-10)

⁵ Pũrũ Jesús Capernaugue ejamakũ, romano marã surara opũ ĩgũ pũro ejanugã, ĩgūrē iritamurĩ sērēyupũ:

⁶ —Gũa Opũ, yũre moãboegũ bũro pũrĩrikũgũ yaa wiigũe oyami. Bũari merã bũro pũrĩsũgũ iriami, ãrĩyupũ.

⁷ Jesús ĩgūrē ãrĩyupũ:

—Ĩgūrē taugũ waagũra.

⁸ Surara opũ ĩgūrē yũjũyupũ:

—Yũ Opũ, yaa wiire mũrē: “Ñajãrika!” ãrĩ masĩbirikoa. Yũ ubu aãrĩgũ aãrã. Irasirigu mũ õõgueta doreri merã yũre moãboegũ tarigũkumi. ⁹ Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩyupũ.

¹⁰ Jesús surara opũ irasũ ãrĩrĩrē pégu, péguakõãyupũ. ĩgūrē tɔyarãrē ãsũ ãrĩyupũ:

—Diayeta mũsãrē werea. ĩĩ surara opũ Israel bumũ aãrĩbirikeregũ, yũre bũremumi. ĩĩ irirosũ yũre bũremugũ neõ sugũ Israel bumũrē bokajabiribũ. ¹¹ Mũsãrē werea. Wárã masaka ĩĩ irirosũ yũre bũremurãkuma. ĩgũsã aãrĩperero marã judío masaka aãrĩmerã aãrĩkererã, mũmũgasigue Marĩpũ ĩgũyarãrē dorerogue eja, marĩ ñekũsãmarã Abraham, Isaac, Jacob merã doa, baarãkuma. ¹² Gajerã judío masaka: “Gũa Opũ aãrĩrĩrogue waamurã aãrã”, ãrĩkererũrũ, ĩgũsã bũremubiri waja Marĩpũ ĩgũsãrē naĩĩrĩrogue béodediugũkumi. Irogũre pũrĩsũrã bũro ore, bũjawereri merã ĩgũsãya guikare kũrĩduútũrãkuma, ãrĩyupũ Jesús.

¹³ Irasũ ãrĩ odo, surara opũre ãrĩyupũ:

—Dujãaka mũya wiigũe! Mũ bũremurõsũta waarokoa mũrē moãboegũre, ãrĩyupũ.

Ĩgũ irasũ ãrĩripoeta, ĩgūrē moãboegũre pũrĩrĩ tariakõãyuro.

Jesús, Pedro múñekõrē taudea
(Mr 1.29-31; Lc 4.38-39)

¹⁴ Pũrũ Jesús Pedroya wiigũe waayupũ. Iri wiigũe ñajãgũ, Pedro múñekõrē peyarogue bũro nimakũrikũgo oyagore bokajayupũ. ¹⁵ Irasirigu igoya mojõrē moãñayupũ. ĩgũ moãñamakũta, nimakũri tariakõãyuro. Iri tarimakũ wãgãnugã, ĩgũsãrē baari ejoyupo.

Jesús wárã pũrĩrikũrãrē taudea
(Mr 1.32-34; Lc 4.40-41)

¹⁶ Naĩmejãriporē aãrĩmakũ, masaka wárã wãtẽa ñajãsũnerãrē Jesús pũrogue ãijañurã. ĩgũ werenĩrĩ merã wãtẽa ĩgũsãguere ñajãnerãrē béowiuyupũ. Irasũ aãrĩmakũ, aãrĩpererã

pũrĩrikũrãrẽ tauyupũ. ¹⁷ Irire irigu, iripoeguema Marĩpũya kerere weredupuyudi Isaías gojaderosũta iriyupũ. Āsũ arī gojadi āārĩmĩ: “Marĩ turabirire, marĩ sĩrĩrĩrẽ marĩrẽ taubosami”, arī gojadi āārĩmĩ.

*Gajerã Jesũre: “Mũrẽ tũyadũakoa”, ārĩdea
(Lc 9.57-62)*

¹⁸ Jesũs wãrã masaka ĩgũ pũro nerẽmakũ ĩãgũ, ĩgũ buerãrẽ:

—Nãka, ditaru sikoepũgue taribujarã! ārĩyupũ. ¹⁹ ĩgũ irasũ ārĩmakũ, sugũ Moisés gojadeare buerimasũ Jesũs pũro eja, ārĩyupũ:

—Buegũ, mũ noó waaró mũrẽ tũyagũra, ārĩyupũ.

²⁰ Jesũs ĩgũrẽ yũjũyupũ:

—Makãnũũ marã diayãa ĩgũsã kãrĩrĩ toreri opama. Mirãde ĩgũsã kãrĩrõ opama. Yũ āārĩpererã ĩgũ gapũ kãrĩrõ opabea, ārĩyupũ.

²¹ Gajigu ĩgũ buerire tũyagu ĩgũrẽ ārĩyupũ:

—Yũ Opũ, yũpũ boamakũ ĩgũrẽ yãa odo, mũrẽ tũyagũra, ārĩyupũ.

²² Jesũs ĩgũrẽ yũjũyupũ:

—Yũre tũyadũagũ, daporata yũ merã aarika! Yũre bũremumerã, boanerã irirosũ āārĩrãta boanerãrẽ yãaburo, ārĩyupũ.

*Jesũs mirũ, makũrĩrẽ toemakũ iridea
(Mr 4.35-41; Lc 8.22-25)*

²³ Irasũ arī odo, doódirugue ĩgũ buerã merã mũrĩñajãyupũ. ²⁴ ĩgũsã mũrĩñajãa, taribu-jaripoe ditarure mirũ bũro waayuro. Makũrĩ doódirure pãñajãmiũkõãdiyuro. Irasũ waaripoere Jesũs gapũ kãrĩgũ iriyupũ. ²⁵ Irasirirã ĩgũrẽ yobeñurã:

—Gũa Opũ, gũare tauka! Marĩ mirĩmurã yãa, ārĩñurã.

²⁶ ĩgũsã irasũ ārĩmakũ, Jesũs yũjũyupũ:

—¿Nasirirã bũro gũiri mũsã? Yũre mërõgã bũremurĩ opãa mũsã, ārĩyupũ.

Irasũ ārĩgũta wãgãñũgã: “Mirũ, makũrĩ iropãta, toeaka!” ārĩyupũ. ĩgũ irasũ ārĩmakũ, mirũ, makũrĩde toedijapereakõãyuro. ²⁷ ĩgũ irasirimakũ ĩãgũka, āsũ arī gãme werenĩñurã:

—¿Ñeémũno masakũ āārĩrĩ ñĩ? Mirũ, makũrĩde ĩgũrẽ tarinũgãbea, ārĩñurã.

*Jesũs Gadara marãrẽ wãtẽa ñajãnerãrẽ béowiudea
(Mr 5.1-20; Lc 8.26-39)*

²⁸ Pũrũ Jesũs ditarure taribuja, Gadara marãya nikũgue ejayupũ. Irogue ejamakũ, pẽrã ũma masãgoberi watopegue āārãnerã ĩgũrẽ bokatĩrĩñurã. ĩgũsã wãtẽa ñajãñũnerã goerã āārĩñurã. Irasirirã iro waarĩ maarẽ masaka neõ waabiriñurã. ²⁹ ĩgũrẽ bokatĩrĩ, āsũ arī gainĩñurã:

—Jesũs, ũmũgasigue marã Opũ magũ, ¿nasirigu aarigũ yãri mũ gũa pũroguere? ¿ĩgũ āārĩpererã ñerãrẽ wajamoãrĩnũ ejabirikerepũrũ, gũare poyarikũmakũ irigu aarĩri mũ? ārĩñurã.

³⁰ ĩgũsã koregue wãrã yesea ãma baarã iriñurã. ³¹ Irasirirã wãtẽa Jesũre āsũ arī sërẽñurã:

—Gũare béowiugũ, sĩĩsã yeseaguere ñajãdoreka! ārĩñurã.

³² —Jãũ, ĩgũsãrẽta ñajãrã waaka! ārĩyupũ Jesũs.

ĩgũ irasũ ārĩmakũ, ĩgũsã pẽrã ũmaguere āārãnerã yeseaguere ñajãñurã. ĩgũsã ñajãmakũta, yesea dupatũrugue ũma mirẽbuãa, ditarugue meébia dijãa, mirĩ boapereakõãñurã.

³³ Irasũ waamakũ ĩãrã, yeseare korerimasã gũkari merã makãgue ũmadujãa, āārĩpererĩ ĩgũsã ĩãdeare, irasũ āārĩmakũ wãtẽa ñajãñũnerãrẽ waadeare wereñurã. ³⁴ Irire pẽrã, iri makã marã āārĩpererã Jesũs pũroguere waa, ĩgũrẽ ĩãrã, turaro merã ĩgũsãya nikũrẽ wiridoreñurã.

9

Jesús dupu buadire taudea
(Mr 2.1-12; Lc 5.17-26)

¹ Irasirigu Jesús doódirugue mairĩñajãa, ditarure taribuja, ãgũya makãgue ejayupu.
² Iroguere sugu dupu buadire ãgũ peyaro merã Jesús puro ãijañurã. Jesús, ãgũsã ãgũrẽ bũremumakũ ããgũ, dupu buadire ãsũ ãrĩyupu:

—Gũñaturaka! Yu, mu ñerõ irideare kãtia, ãrĩyupu.

³ ãgũ irasũ ãrĩmakũ pérã, surãyeri Moisés gojadeare buerimasã ãsũ ãrĩ gũñañurã: “ãgũ werenĩrĩ merã Marĩpure ñerõ werenĩmi”. ⁴ Jesús gapu ãgũsã gũñarĩrẽ ããmasĩ, ãsũ ãrĩyupu:

—¿Nasirirã yure ñerõ gũñarĩ musã? ⁵ ¿Naásũ ãrĩrĩ gapu diasaberi ãrĩ buadire: “Yu, mu ñerõ irideare kãtia”, ãrĩrĩ, o “Wãgãñugã, waaka!” ãrĩrĩ gapu diasaberi? ⁶ Yu ããrĩpererã tĩgũ i ãmugue ããrĩrãrẽ ãgũsã ñerõ irideare Marĩpu dorero merã kãtimasã. Irasirigu ãrĩ buadire taugura, musãrẽ irire masĩdoregu, ãrĩyupu. Irasũ ãrĩ odo, buadire ãrĩyupu:

—Wãgãñugã, mu oyaderore ãĩ, muya wiigugue waaka! ãrĩyupu.

⁷ ãgũ irasũ ãrĩmakũ pégu, buadi ããrãdi wãgãñugã, ãgũya wiigugue waakõãyupu. ⁸ Masaka, ãgũ irasũ waarĩre ããrã, ããgãkakõãñurã. Marĩpure: “Õãtaria, mu turari masakure sĩrĩ”, ãrĩ, usuyari sĩñurã.

Jesús Mateore siudea
(Mr 2.13-17; Lc 5.27-32)

⁹ Pũru Jesús iro merã waa, yure ããbokami. Yu Mateo*, romano marã opure niyeru wajaseabosagu ããrĩbũ. Jesús, yu moãrĩ taribugue doagure ãã, yure: “Nãka, yu merã!” ãrĩmi. ãgũ irasũ ãrĩmakũ pégu, wãgãñugã, ãgũ merã waakõãbu.

¹⁰ Pũru yaa wiigugue Jesús ãgũ buerã merã baaripoe wãrã niyeru wajaseabosarimasã, gajerã ñerõ irirãde baarã ejama. ¹¹ ãgũsã merã ãgũ baamakũ ããrã, fariseo bumarã gapu ãgũ buerãrẽ sãrẽñama:

—¿Nasirigu musãrẽ buegu niyeru wajaseabosarimasã, ñerõ irirã merã baari? ãrĩma.

¹² ãgũsã irasũ ãrĩmakũ pégu, Jesús ãrĩmi:

—Pũrĩrĩ marĩrã kũririmasũrẽ ããmabema. Pũrĩrikurã gapu ãgũrẽ ããmama. ¹³ Marĩpuya werenĩrĩ gojadea pũgue ãgũsã gojadeare buerã waaka! ãsũ ãrĩ gojasũdero ããrĩbũ iri pũguere: “Yure bũremurã, waimurãrẽ wẽjẽ soepeomakũ gããmebea. Gajerãrẽ musã bopõnarĩ merã ããmakũ gããmea”, ãrĩmi Marĩpu, ãrĩ gojasũdero ããrĩbũ. “Õãrã ããrã”, ãrĩ gũñarãrẽ siugũ aaribiribu. “Ñerõ irirã ããrã”, ãrĩ gũñarã direta siugũ aarigũ iribu, ãgũsã ñerõ irideare bujawere, gũñarĩrẽ gorawayuburo, ãrĩgũ, ãrĩmi Jesús fariseo bumarãrẽ.

Jesúre bererimarẽ sãrẽñadea
(Mr 2.18-22; Lc 5.33-39)

¹⁴ Pũru Juan masakare wãiyegu buerire tũyarã Jesúre sãrẽñarã ejama:

—Gũa Marĩpure bũremurã berea. Irasũ ããrĩmakũ fariseo bumarãde berema. ¿Nasirirã mu buerã gapu gũa irirosũ iriberi? ãrĩma.

¹⁵ Jesús ãgũsãrẽ yũjumi:

—Sugu mojõsiadi bosenu irimakũ, ãgũ siuanerã ãgũ merã ããrĩrã bujawerebirikuma. Pũru ãgũrẽ gajerã ããmakũ, bujawereri merã bererãkuma†.

¹⁶ Masaka maama surĩro gasiro merã bugunerẽ seretũbirikuma. Irasũ seretũmakũ, maama gasiro ãgũsã koadero pũru, tũãneeõ, bugunerẽ wãri gobe yeguenemomakũ irikoa. ¹⁷ Waimurã gasiri merã iridea ajuri bugu ajurigugue maama igui dekore

* 9:9 Mateo pe wãĩ opayupu. ãgũta Levĩ wãĩkuyupu. † 9:15 Jesús irire irasũ ãrĩgũ: “Yu sugu mojõsiadi bosenu irigu irirosũ ããrã. Yu buerã, mojõsiadi siuanerã irirosũ ããrĩma. Irasirirã, pũrugue yu ãgũsã merã ããrĩbirimakũ ããrã, bujawereri merã bererãkuma”, ãrĩgũ irimi.

diribirikuma. Irasũ dirimakũ, maama igui deko pãmu, buḡu ajuro sēraturabiri oore-akõãkoa. Irasiriro igui deko, ajurode kõmoko. Irasirirã maama igui dekore maama ajurogue diriro gãamea, ārĩmi Jesús ĩḡũsãrẽ†.

Jesús Jairo magõrẽ, gajego nomeõ ĩḡũya surĩrore moãñagõrẽ taudea
(Mr 5.21-43; Lc 8.40-56)

¹⁸ Jesús ĩḡũsãrẽ wereripoe judío masaka nerẽrĩ wii opu Jesús puro eja, ñadukupuri merã ejamejã, ĩḡũrẽ ārĩmi:

—Yu magõ daporata kõmoakõãmo. Igoe muya mojõ merã ñapeogu aarika! Irasirimakũ, dupaturi okagokumo, ārĩmi.

¹⁹ ĩḡũ irasũ ārĩmakũ pé, Jesús wãḡãnuḡã, ĩḡũ merã waami. Gna ĩḡũ buerãde ĩḡũ merã waabu. ²⁰ Gna maague waaripoe sugo nomeõ Jesús purupu gapu eja, ĩḡũya surĩro yuware moãñayupo. Igo pe mojõma pere su gubu peru pẽrẽbejari bojorigora dí wiriri merã pũrĩrikugo aãrĩyupo. ²¹ Āsũ ārĩ ḡũñayupo: “Īḡũya surĩrore yu moãñarĩ merã dita yu pũrĩrikuri tarirokoa”, ārĩ ḡũñayupo. ²² Igo moãñamakũ péña, Jesús ḡãmenuḡã, igore iã, ārĩmi:

—Ḡũnaturaka! Mu yure buremurĩ opáa. Irasirigo mu pũrĩrikurire tausũa, ārĩmi. ĩḡũ irasũ ārĩmakũta, pũrĩrĩ marĩḡõ dujamo.

²³ Puru Jesús Jairoya wiigüe ejami. Iroque ñajãḡu, majĩḡõ boadeore yáaburo dupuyuro bayapeorimasãrẽ, gajerã buro ore, gainĩrãrẽ bokaja, ²⁴ ĩḡũsãrẽ āsũ ārĩmi:

—Wiriaka musã! Majĩḡõ boabemo. Kãrĩḡõ yámo.

Īḡũ irasũ ārĩmakũ pérã, ĩḡũrẽ burima. ²⁵ Jesús ĩḡũsãrẽ wiriadore, boadeo aãrĩrĩ taribugüe ñajãa, igoya mojõrẽ ñeãyupu. ĩḡũ ñeãmakũta masãbeja, wãḡãnuḡãyupo. ²⁶ Masaka aãrĩperero iro aãrĩrã Jesús iriadea kerere péperekõãñurã.

Jesús pẽrã koye iãmerãrẽ taudea

²⁷ Jesús iro aãrãdi wiriamakũ, pẽrã koye iãmerã ĩḡũrẽ gainĩ tãyama:

—David parãmi aãrĩturiagu, ḡuare bopoñaka! ārĩma.

²⁸ Jesús, wiigüe ñajãmakũ, koye iãmerãde ñajãa, ĩḡũ purogue ejanuḡãma. Irasirigu Jesús ĩḡũsãrẽ sērẽñami:

—¿Yu musãrẽ koye iãmakũ irimasĩrĩrẽ buremurĩ? ārĩmi.

—Gna opu, buremua, ārĩ yujuma.

²⁹ ĩḡũsã irasũ ārĩmakũ péḡu, ĩḡũsãya koyere ñapeomi:

—Musã buremurõsũta musãrẽ iãmakũ iriguḡa, ārĩmi.

³⁰ ĩḡũ irasũ ārĩmakũ, ĩḡũsã õãrõ iãkõãma. Irasirigu Jesús ĩḡũsãrẽ ārĩmi:

—Yu musãrẽ taurire gajerãrẽ werebirikõãka! ārĩmi.

³¹ ĩḡũ irasũ ārĩkererũ, aãrĩperero iro marãrẽ Jesús ĩḡũsãrẽ iriadeare were-wasiripeokõãñurã.

Jesús werenĩbire werenĩmakũ iridea

³² Koye iãmerã aãrãnerã iri wiire wiriaripoeta, gajerã sugu werenĩbi wãtĩ ñajãũdire Jesús puro aĩjama. ³³ Jesús ĩḡũrẽ iã, wãtĩ ĩḡũguere ñajãdire béowiumi. ĩḡũ wãtĩrẽ béowiumakũta, werenĩbiradi werenĩnuḡãmi. ĩḡũ irasirimakũ iãrã, aãrĩpererã iãḡuka:

—Marĩ õõ Israel nikũrẽ āsũ iririnorẽ neõ iãbiribu, ārĩma.

³⁴ Fariseo bumarã gapu Jesúre:

—Ĩi, wãtẽa opu turari merã wãtẽãrẽ béowiumi, ārĩ werewuama.

Jesús masakare bopoñarĩ merã iãdea

† 9:17 Masaka, iripoegue iririkudeama, maama bueri merã buemorẽduamakũ iãḡũ, Jesús irasũ ārĩmi.

³⁵ Jesús ãārĩpereri makãrĩrẽ judío masaka nerẽrĩ wiirigue masakare buegorenagũ waami. Ōãrĩ kerere, Marĩpũ ĩgũyarãrẽ doregũ ãārĩrĩmarẽ buenami. Irasũ ãārĩmakũ, pũrĩrikũrãrẽ ãārĩpereri gajerosũperi sĩrĩrĩ oparãrẽ taunami. ³⁶ Masakare ĩãgũ, bopoñarĩ merã ĩgũsãrẽ ĩãmi. “Īgũsã bujawererã, gũñaturamerã, oveja sugũ ĩgũsãrẽ korerimasũ opamerã irirosũ ãārĩma”, ãrĩ gũñayupũ. ³⁷ Irasirigũ ãsũ ãrĩmi gũare ĩgũ buerãrẽ:

—Marĩpũyare neõ pémerã, poeegue oteri ðuka buribejadea irirosũ wãrã ãārĩma. Īgũsãrẽ ĩgũyare weremurã gapũ iri pooere moãrĩmasã irirosũ mérãgã ãārĩma. ³⁸ Irasirirã marĩ Opũre iri pooe opũ irirosũ ãārĩgũrẽ: “Gajerã mũyare weremurãrẽ iriuka!” ãrĩ sãrẽka! ãrĩmi Jesús gũare.

10

Jesús pe mojõma pere su gubu peru pẽrẽbejarã ĩgũ buedoregũ pĩmurãrẽ beyedeã
(Mr 3.13-19; Lc 6.12-16)

¹ Pũrũ Jesús gũare pe mojõma pere su gubu peru pẽrẽbejarã ĩgũ buerã ãārĩmurãrẽ siiu, gũare ĩgũ turarire sĩmi, ãārĩpereri pũrĩrĩrẽ tau, wãtẽa masakare ñajãnerãdere béowiuburo, ãrĩgũ.

² Æsũ wãĩkurã ãārĩbũ gũa Jesús beyenerã: Simón wãĩkũgũ ãārĩmĩ. Īgũrẽta “Pedro” wãĩyemi Jesús. Simón pagũmũ Andrés wãĩkũmi. Gajigũ Santiago ãārĩmĩ. Īgũ pagũmũ Juan wãĩkũmi. Īgũsã Zebedeo pũrã ãārĩmã. ³ Gajerã Felipe, Bartolomé, Tomás ãārĩmã. Yũ Mateo, romano marã opũre niyeru wajaseabosarimasũ ãārĩdi ãārĩbũ. Gajigũ Santiago, Alfeo magũ ãārĩmĩ. Gajigũ Tadeo ãārĩmĩ. Īgũta Lebeo wãĩkũmi. ⁴ Gajigũ Simón, celote wãĩkũri bumũ ãārĩmĩ. Gajigũ Judas Iscariote wãĩkũgũ ãārĩmĩ. Īgũta Jesũre wẽjẽduarãguere ĩgũrẽ ĩmubu ãārĩmĩ.

Jesús ĩgũ buerãrẽ buedoregũ iriudeã
(Mr 6.7-13; Lc 9.1-6)

⁵ Jesús gũare ĩgũ buerã pe mojõma pere su gubu peru pẽrẽbejarãrẽ turarire sĩ odo, ãsũ ãrĩ were iriumi:

—Judío masaka ãārĩmerã pũroguere waabirikõãka! Irasũ ãārĩmakũ, Samaria nikũma makãrĩguedere waabirikõãka! ⁶ Israel bumarã Marĩpũyare masĩmerã, oveja dedirinerã irirosũ ãārĩrã pũro gapũ waaka! ⁷ Īgũsãrẽ ãsũ ãrĩ wererã waaka: “Mérõ ðuyãa, Marĩpũ ĩgũyarãrẽ doreri ejaburo”, ãrĩka! ⁸ Pũrĩrikũrãrẽ tauka! Boanerãrẽ masũka! Kãmi boarãdere tauka! Wãtẽa masakare ñajãnerãrẽ béowiuka! Yũ turarire mũsãrẽ wajamarĩrõ sĩa. Irasirirã, yũ mũsãrẽ wajamarĩrõ sĩrõsũta wajamarĩrõ ĩgũsãrẽ tauka!

⁹ Waarã, neõ niyeru oro, plata, cobrere, ¹⁰ mũsãya aju ãĩabirikõãka! Surĩ, sapatu mũsã sãñarĩ merã dita waaka! Tuariyukure ãĩabirikõãka! Moãrĩmasã ĩgũsã moãrĩ waja merã wajata baama. Irasirirã mũsã masakare bueri waja baari mũsãrẽ sĩrãkuma.

¹¹ Makãrẽ ejarã, iri makã marã: “Īĩta õãrõ irigũ ãārĩmi”, ĩgũsã ãrĩgũ pũro dujaka! Mũsã iro ãārĩrõpã ĩgũya wiire ãārĩka! Waarãgue iri wiire wirika! ¹² Iri wiire ñajãrã, wii marãrẽ: “Marĩpũ mũsãrẽ siuñajãrĩ sĩburo”, ãrĩ õãdoreka! ¹³ Mũsãrẽ õãrõ bokatĩrĩñeãmakũ, ĩgũsãrẽ: “Marĩpũ siuñajãrĩ sĩrĩ merã õãrõ ãārĩrikũka!” ãrĩka! Mũsãrẽ gããmemerã, i siuñajãrĩ merã ãārĩbirikuma. ¹⁴ Mũsãrẽ ĩgũsã ñeãbirimakũ, mũsã buerire pẽduabirimakũ ĩãrã, ĩgũsãya wiire, o ĩgũsãya makãrẽ wiriarã, nikũwera mũsãya guburigue tuadeare mojẽbéoka, ĩgũsãrẽ wajamoãburire ĩmurã! ¹⁵ Diayeta mũsãrẽ werea. Marĩpũ ãārĩpererã ñerãrẽ wajamoãrĩnũ ejamakũ Sodoma, Gomorra marãrẽ wajamoãrõ nemorõ mũsãrẽ gããmemerãrẽ wajamoãgũkumi.

Jesũre bũremurãrẽ gajerã ñerõ iriburire weredeã

¹⁶ Yũre õãrõ péka! Ovejare makãnũũ marã ðayéa guarã watopegue iriurosũ ñerã masaka watopegue mũsãrẽ iriua. Irasirirã õãrõ pémasĩka! Īgũsã watopegue ñerõ iriro

marĩrõ ããrĩrikũka! ¹⁷ Pémasĩka! Masaka musãrẽ ãgũsã oparãrẽ wiarãkuma, musãrẽ wajamoãdorerã. Judío masaka ãgũsã nerẽrĩ wiiriguedere musãrẽ tãrãrãkuma. ¹⁸ Irasũ ããrĩmakũ, musã yũre buremurĩ waja, ãgũsãya makãrĩ marã oparã pũrogue, ãgũsãya nikũ marã oparã pũrogue ããrãkuma musãrẽ wajamoãdoremurã. Irasirirã musãrẽ irogue ããĩmakũ, oparãrẽ, judío masaka ããrĩmerãdere yaa kerere wererãkoa musã. ¹⁹ Musãrẽ oparã pũrogue ããĩmakũ: “¿Naásũ ãrĩrãkuri ãgũsãrẽ?” ãrĩ gũñarikũbirikõãka! Oparã musãrẽ sërẽñamakũ, Marĩpũ gũñarĩ sĩrĩ merã wererãkoa. ²⁰ Irasirirã musã gũñarĩ merã werebirikoa. Marĩpũ, Ôãgũ deyomarĩgũ merã musãrẽ masĩrĩ sĩrĩ merã werenĩrãkoa.

²¹ Iripoere masaka, ãgũsãyarã yũre buremumakũ ããrã, ãgũsãrẽ oparãguere wẽjẽdorerã wiarãkuma. Pagũsãmarã ãgũsã pũrãrẽ oparãguere wẽjẽdorerã wiarãkuma. Gajerã, ãgũsã pagũsãmarãrẽ ããturi, oparãguere wẽjẽdorerã wiarãkuma. ²² Irasirirã masaka ããrĩperero i ãmũ marã yũre musã buremurĩ waja musãrẽ ããturi doorãkuma. Marĩpũ gapũ yũre piriro marĩrõ buremugũrẽ taugũkumi. ²³ Su makã marã musãrẽ ñerõ irimakũ, gaji makãgue duriwãgãka! Diayeta musãrẽ werea. ããrĩpereri Israel nikũma makãrĩrẽ musã buegorena odoburo dupuyuro, yũ ããrĩpererã tĩgũ Marĩpũ iriudi i ãmũgue dupaturi aarigũkoa doja.

²⁴ Neõ sugũ buegũ, ãgũrẽ buegũ nemorõ ããrĩbemi. Moãboerimasũde ãgũ opũ nemorõ ããrĩbemi. ²⁵ Sugũ buegũ ãgũrẽ buedi irirosũ dujadũamakũ õãgorãa. Moãboerimasũde ãgũ opũ irirosũ dujadũamakũ õãgorãa. Masaka yũre musã Opũre: “Í Beelzebú, wãtẽa opũ ããrĩmi”, ãrĩrã, musã yaarãdere ñerõ ãrĩ werenĩrãkuma.

*Jesús: “¿Noãrẽ gũiri merã buremurõ gããmerĩ?” ãrĩ weredea
(Lc 12.2-7)*

²⁶ Irasirirã musãrẽ ñerõ iridũarãrẽ gũibirikõãka! ããrĩpereri gajerã ããberogue irideare, durirogue irideadere pũrũgue masĩsũrokoa. ²⁷ Yũ musãrẽ masaka péberogue weredeare ãgũsã pérogue wereka! Yũ musãrẽ gajerã ããberogue werenideare makã dekogue bure busuro merã wereka! ²⁸ Musãrẽ wẽjẽrã musãya dupũ direta boamakũ irirãkuma. Musãya yũjũpũrãrĩ gapũre boamakũ irimasĩbirikuma. Irasirirã gũibirikõãka! Marĩpũ gapũre gũika! ãgũ gapũ musãya dupũ, musãya yũjũpũrãrĩrẽ peamegue béomasĩmi. Irasirirã ãgũrẽ gũiri merã buremuka!

²⁹ Masaka pẽrã mirã wajarirã, su niyeru tĩgã, mérõgã wajakũri tĩgãrẽ sĩkuma. ãgũsã mérõgã wajakũkererũ, Marĩpũ gapũ ãgũsãrẽ õãrõ koremi. ãgũsãrẽ: “Boaburo”, ãrĩbirikerepũ, neõ sugũgã yebague yuridija, boabemi. ³⁰ Marĩpũ ããrĩpereri musã ããrĩrikũrĩre masĩgũ, musãya poarire: “Irikũ ããrã”, ãrĩ masĩpeokõãmi. ³¹ Irasirirã gũibirikõãka! Musã, mirã nemorõ wajakũ. Irasirigũ Marĩpũ mirãrẽ korero nemorõ musãrẽ koregũkumi.

*Jesús: “Masakare yũre buremurĩrẽ wereka!” ãrĩdea
(Lc 12.8-9)*

³² Sugũ, masaka péuro: “Jesúyagũ ããrã”, ãrĩ weremakũ, yũde Yũpũ ãmũgasigue ããrĩgũ péuro ãgũrẽ: “Yaagũ ããrĩmi ããrĩ”, ãrĩ weregũra. ³³ Sugũ yũre masĩkeregũ, masaka péuro: “ãgũrẽ masĩbea”, ãrĩ weremakũ, yũde Yũpũ ãmũgasigue ããrĩgũ péuro: “Yũde ãgũrẽ masĩbea”, ãrĩ weregũra, ãrĩmi Jesús.

*Jesús: “Masakare gãme dukawarirãkuma”, ãrĩ weredea
(Lc 12.51-53; 14.26-27)*

³⁴ Irasũ ãrĩ odo, masakare ãsũ werenemomi:

—Musã yũre: “ãgũ i ãmũguere aarigũ, masakare siuñajãrĩ merã ããrĩmakũ irigũ aarimĩ”, ãrĩ gũñabirikõãka! Irasirigũ aarigũ meta iribũ. Yũ ejarita, masakare ãgũsã basi gãme dukawarimakũ yãa. Irasirirã surãyeri yũre buremurãkuma. Gajerã yũre buremumerã gapũ ãgũsãrẽ ããturirãkuma. ³⁵ Sugũ yũre buremurĩ waja, ãgũ magũ ãgũrẽ ããturigũkumi. Sugo yũre buremurĩ waja, ãgũ magõ ãgũrẽ ããturigũkumo. Sugo máñekõ yũre buremurĩ waja, ãgũ

bepo igore ãaturigokumo. ³⁶ Irasirirã su wii marã ãgũsãyagu yure buremumakũ ããrã, ãgũrẽ ãaturirãkuma.

³⁷ 'Sugu yure maĩrõ nemorõ ãgũ pagũsãmarã gapure maĩtarinũgãgũ, yaagu ããrĩmasĩbirikumi. Yure maĩrõ nemorõ ãgũ pũrã gapure maĩtarinũgãgũde, yaagu ããrĩmasĩbirikumi. ³⁸ Sugu yure tuyaduari waja curusague pábiatú wẽjẽsũbu irirosũ ããrĩkeregu, neõ piriro marĩrõ yure tuyanĩkõãburo. Yure tuyaduari, yaagu ããrĩmasĩbirikumi. ³⁹ Sugu i mũague ãgũ okarire maĩgũ, peamegue béosũgukumi. Gajigu yure tuyari waja gajerã ãgũrẽ wẽjekerepũ, Marĩpu gapũ ãgũrẽ taugukumi, ãgũ pũrogue ãgũ merã ããrĩburo, ãrĩgũ.

Jesús marĩ mũugasigue wajataburire werede

(Mr 9.41)

⁴⁰ 'Sugu mũsãrẽ yaarãrẽ õãrõ bokatĩrĩneãgũ, yũdere bokatĩrĩneãmi. Yure bokatĩrĩneãgũ, yure iriudidere bokatĩrĩneãgukumi. ⁴¹ Marĩpu ãgũya kerere werẽgure õãrĩ wajatamakũ irigukumi. Sugu Marĩpũya kerere werẽgu ããrĩrĩrẽ ããmasĩ, ãgũrẽ õãrõ bokatĩrĩneãgũ, ãgũ irirosũ õãrĩ wajatagukumi. Sugu gajigu ãgũ õãgũ ããrĩrĩrẽ ããmasĩ, ãgũrẽ õãrõ bokatĩrĩneãgũ, ãgũ irirosũ ãgũde õãrĩ wajatagukumi. ⁴² Sugu ubu ããrĩgũ yure tuyagure gajigu ãgũrẽ iritamudũagu deko yũsari tĩãmakũ ããgũ, Marĩpu ãgũdere õãrõ irigukumi, ãrĩ weremi Jesús.

11

Juan masakare wãiyerimasũ ãgũ buerire tuyarãrẽ Jesús pũro iriudea

(Lc 1.17; 7.18-35)

¹ Jesús gũare pe mojõma pere su gubu peru pẽrẽbejarã ãgũ buerãrẽ irasũ ããrãdero pũ, Galilea nikũgue ããrĩrĩ makãrĩ marãrẽ buegorenagũ waakõãmi.

² Juan masakare wãiyerimasũ peresugue ããrĩyupũ. Irogue ããrĩgũ, Cristo iriri kerere pẽgu, ãgũ buerire tuyarãrẽ Jesũre ãsũ ãrĩ sãrẽñarã waaka:

³ —“¿Mũta ããrĩrĩ, Cristo masakare taugu aaribu iriayupũ, ãgũsã ãrĩdi, o gajigure yũrãkuri gũ?” ãrĩ sãrẽñarã waaka! ãrĩ iriuyupũ.

⁴ Irasirirã, Jesús pũrogue ejarã, Juan sãrẽñadoredeare ãgũrẽ sãrẽñama. Jesús ãgũsãrẽ yũjami:

—Mũsã pẽrere, mũsã ããrĩrẽ Juãrẽ wererã waaka! ⁵ Koye ããbiranerã õãrõ ããma. Waa-masĩbiranerã waamasĩakõãma. Kãmi boanerã yaripereakõãsũama. Gãmipũ pẽbiranerã pãakõãma. Boanerãde masãkõãma. Boporã, Marĩpu masakare tauri kerere weremakũ pãma. ⁶ “Yure buremurĩrẽ piribi, mũyari opagukumi”, ãrĩ wererã waaka Juãrẽ! ãrĩmi Jesús.

⁷ ãgũsã waadero pũ, Jesús Juãyamarẽ masakare ãsũ ãrĩ werenũgãmi:

—Mũsã masaka marĩrõgue Juãrẽ ããrã waarã, gũigure gũñaturabire ããrã waarã meta irikuyo. ãgũ turabi, mirũ tãborere wẽjẽpubéorosũ ããrĩbemi. ⁸ Irasũ ããrĩmakũ, mũsã ãgũrẽ irogue ããrã waarã, õãrĩ suri sãñagũrẽ ããrã waarã meta irikuyo. Õãrĩ suri sãñarãno oparãya wiirigue ããrĩkuma. Juan ãgũsã irirosũ ããrĩbemi. ⁹ Mũsã irogue ãgũrẽ ããrã waarã, Marĩpũya kerere weredupuyurimasãrẽ ããrã waarã iriyo. Mũsãrẽ werea. Diayeta Juan Marĩpũya kerere weredupuyunerã nemorõ ããrĩmi. ¹⁰ Marĩpũya werenĩrĩ gojãdea pũgue gojasũdero ããrĩbũ Juan iriburire. Irasirigu Marĩpu ãgũ magũrẽ ãsũ ãrĩdi ããrĩmi: Mũ waaburo dupuyuro yaa kerere weredupuyurimasãrẽ iriugũra mũ waaburore ãmuyudoregu, ãrĩ gojasũdero ããrĩbũ.*

¹¹ 'Mũsãrẽ diayeta werea. Juan aariburi dupuyuro neõ sugu ãgũ nemorõ yaamarẽ masĩgũ marĩdi ããrĩmi. Irasũ ããrĩkerepũ, sugu Marĩpu mũugasigue ããrĩgũyagu gapũ Juan nemorõ yaamarẽ masĩgũ ããrĩgukumi. ããrĩpererã nemorõ ubu ããrĩgũ ããrĩkeregu, masĩgũ ããrĩgukumi.

* 11:10 Mal 3.1

¹² Juan masakare wāiyedi buenugādeapoegueta, daporaguedere masaka ūmugasigue Marīpu īgūyarārē dorerogue ñajāduarārē buro ñerō tarimakū yāma. Īgūsā turari merā īgūsārē peremakū iriduarā iriadima. ¹³ Juan aariburo dupuyuro āārīpererā Marīpuya kerere weredupuyunerā īgūsā gojadea merā, Moisés gojadea merā Marīpu īgūyarārē doreri kerere werenerā āārīmá. ¹⁴ Iripoegue Marīpu īgūya gojadea pūgue: “Yaa kerere weredupuyurimasūrē Elías irirosū āārībure iriugura”, ārīdi āārīmí. Juan irasū ārīsūdita āārīmí. Irire buremurō gāāmea. ¹⁵ Gāmpūrī oparā, yu wererire oārō péka!

¹⁶ Masaka datora marā, ¿ñeémarāno irirosū āārīrī? Majīrā makā dekogue īgūsā merāmarā merā bira gainí doanīrā irirosū āārīma. Āsū ārī gainīma: ¹⁷ “Gua tērēdiru purimakū, bayabirabu. Bujawereri merā gua bayamakū, orebirabu”, ārīma. ¹⁸ Juan masakare wāiyerimasū pā baabiri, igui deko pāmudeare iirībirimi. Īgū irasirimakū īārā: “Wātī ñajāsūdi āārīmi īī”, ārībū musā īgūrē. ¹⁹ Pūru yu āārīpererā tīgū baa, iirīmakū īārā: “Baapagu, iirīpagu āārīmi”, ārībū. “Romano marā opure niyeru wajaseabosarimasā merāmu, ñerō irirā merāmu āārīmi”, ārībū musā yure. Musā guare* buremubirikererā, gua iririre īārā: “Marīpu īgūsārē masīrī sīmi”, ārī masībokoa, ārīmi Jesús.

*Jesús makārī marārē īgūsā īgūrē buremubirire weredeā
(Lc 10.13-15)*

²⁰ Pūru Jesús iroma makārī marārē turimi. Īgūsā wāri īgū Marīpu turari merā iririre iri īmumakū īākererā, īgūsā ñerō iririre bujawerebiri, neō piribirima. Irasirigu īgūsārē āsū ārīmi:

²¹ —Musā Corazín marā, Betsaida marāde ñerō tarirākoa. Iripoegue marā Tiro, Sidón marā, musā īūrō Marīpu īgū turari merā iri īmurōsū iri īmumakū īārā, īgūsā ñerō irideare piribonerā āārīmá. Īgūsā ñerō irideare buro bujawererire īmurā, bujawereri surí sāña, nitirē dipuru weka mawasiripeobonerā āārīmá. Musā gapu Marīpu turari merā yu iri īmurirē īākererā, musā ñerō iririre neō piribea. ²² Irasirigu musārē werea. Marīpu āārīpererā ñerārē īgū wajamoārīnu ejamakū, Tiro, Sidón marārē wajamoārō nemorō musārē wajamoāgukumi. ²³ Musā Capernaum marāde: “Ūmugasigue marīārākoa”, ārī gūñadāa. Iroguere neō waabirikoa. Boanerā āārīrōgue béodijusūrākoa. Sodoma marārē yu musārē Marīpu īgū turari merā iri īmuderosūta iri īmumakū, iri makā daporadere āārībokoa dapa. ²⁴ Irasirigu musārē werea. Marīpu āārīpererā ñerārē īgū wajamoārīnu ejamakū, Sodoma marārē wajamoārō nemorō musā gapure wajamoāgukumi, musā ñerō iririre piribiri waja, ārīmi Jesús.

*Jesús: “Yu pūroguē siuñajārā aarika!” ārīdeā
(Lc 10.21-22)*

²⁵ Iripoere Jesús īgū Pagure āsū ārīmi:

—Au, yu murē: “Ōātaria mu”, ārī, usuyari sīa. Mu ūmugasi marā, i nikū marā Opū āārā. Irasirigu: “Masītarinugārā, āārīpererire pémasīa”, ārī gūñarārē mūyare masīmakū iribea. Majīrā irirosū murē buremurā gapure mūyare masīmakū yāa. ²⁶ Au, irasūta āārā. Mu gāāmederosūta usuyari merā irasū yāa, ārīmi Jesús īgū Pagure.

²⁷ Pūru masakare āsū ārī werenemomi:

—Yupu yure āārīpereri irimasīrīrē sīmi. Neō sugu masakū yu āārīrikurire masībemi. Yupu dita yure masīmi. Neō sugu masakū Yupu āārīrikurire masībemi. Yu dita īgūrē masīa. Yu īgūrē masīdorerāde īgūrē masīma. ²⁸ Musā Marīpūre tūyaduarā nukūrī ūūma oērā irirosū āārīrā yu pūro aarika! Yu musārē siuñajārī sīgura. ²⁹ Musā yu iridoreri gapure irika! Yu iririkurire masīka! Yu musārē bopoñarī merā īā, iritamugū āārā. Irasirirā yu iridorerire irirā, yu merā oārō siuñajārī bokarākoa. ³⁰ Yu iritamurō merā yaare musā

* 11:19 Jesús: “guare”, irasū ārīgū: “īgū basi iririre, Juan irideare”, ārīgū irimi.

irimakū diasabea. Irasirirā yu dorerire irirā, nukūbiri kārāwūririre ũumarōsū āārīrākoa, āārimi Jesús.

12

Siuñajārīnu āārīmakū, Jesús buerā trigo yerire tūrīdea
(Mr 2.23-28; Lc 6.1-5)

¹ Iripoere judío masaka siuñajārīnu āārīmakū, Jesús trigo otedero watope waamakū, gua ĩgū buerā uaboasīā, trigo yerire tūrī koro baabu*. ² Gua irasirimakū ĩārā, fariseo bumarā Jesúre āsū āārima:

—Īāka! ¿Nasirirā siuñajārīnurē moādorebirikerepuru, mu buerā irasū yāri? āārima.

³ Jesús ĩgūsārē āārimi:

—¿Iripoeguemu David, ĩgū merāmarā merā uaboagu, ĩgū irideare musā buebiriri? ⁴ ĩgū merāmarā merā Marīpuya wiigue űajāa, Marīpu ĩūrō peyari pā duparure baadi āārīmí. Marīpu paía āārīmerārē: “Iri pā duparure baabirikōāka!” āāridi āārīmí. David gapu paí āārībirikeregu, irire baagu, Marīpu ĩūrō ĩgū dorerire tarinugāgū meta iridi āārīmí. ⁵ Paía Marīpuya wiigue moārā, siuñajārīnurē siuñajābema. Siuñajābirikererā, Marīpu dorerire tarinugābema. ¿Iri buebiriri musā, Marīpu Moisére doreri pídea pūguere? ⁶ Musārē werea. Marīpuya wiire buremurō nemorō yu gapure buremurō gāāmea. ⁷ Marīpu ĩgūya wereníri gojadea pūgue āsū āāridi āārīmí: “Yure buremurā waimurārē wējē soepeomakū gāāmebea. Gajerārē musā bopoñarī merā ĩāmakū gāāmea”, āāridi āārīmí. Musā irire pémasírā yu buerā űerō iribirikerepuru, ĩgūsārē: “űerō yāma”, āārībiribokoa. ⁸ Yu āārīpererā ĩgū āārīsīā, siuñajārīnurē masaka gajino ĩgūsā iriburire doremasīa, āārimi Jesús.

Jesús mojō díweredire taudea
(Mr 3.1-6; Lc 6.6-11)

⁹ Irasū āāri odo, waa, judío masaka nerērī wiigue űajāmi. ¹⁰ Iro sugu masakū mojō díweredi āārīmí. Irasirirā fariseo bumarā Jesúre: “űerō yāmi”, āāri weresāduarā, ĩgūrē sērēñama:

—¿Siuñajārīnu āārīmakū, sugu pūrīrikugure taudoreri āārīrī? āārima.

¹¹ Jesús yujumi ĩgūsārē:

—Siuñajārīnu āārīkerepuru, musāyagu oveja gobegue meēñajāmakū ĩārā, ĩgūrē āi wiukōākoa. ¹² Marīpu sugu masakure, oveja nemorō maītarinugāmi. Irasirirā siuñajārīnurē masakare ōārō irirā, Moisés doredeare tarinugārā meta yāa, āārimi.

¹³ Irasū āāri odo, mojō díweredire āārimi:

—Muya mojōrē soeoka!

ĩgūya mojōrē soeomakūta, gaji mojō irirosū ōārī mojō dujabu. ¹⁴ ĩgū irasirimakū ĩārā, fariseo bumarā gua wiria: “¿Nasirisīā, marī Jesúre wējērākuri?” āāri gāme wereníñurā.

Iripoeguemu Marīpuya kerere weredupuyudi Jesús ĩgū iriburire gojadea

¹⁵ Jesús ĩgūsā ĩgūrē wējēduarire masī, waakōāmi. ĩgū waamakū, wārā masaka ĩgūrē tuyama. Irasirigu āārīpererā pūrīkarārē taumi. ¹⁶ ĩgūsārē taugu: “Yaamarē gajerārē werebirikōāka!” āārimi. ¹⁷ Jesús irasirigu, Marīpuya kerere weredupuyudi Isaías gojaderosūta irimi. Āsū āāri gojadi āārīmí:

¹⁸ Āsū āārimi Marīpu: “Ī yure moāboegu, yu beyedi, yu maĳgū āārīmí. ĩgū merā usuyāa. Ōāgū deyomarīgūrē ĩgūrē sīgura. Irasirigu yu turari merā āārīpererā masakare diayema iririre weregukumi.

¹⁹ ĩgū guaseo, gainībirikumi. ĩgū makā dekogue buro gainīgorenamakū neō pēbirikuma.

* **12:1** Deuteronomio 23.25: Moisés gojadea pūgue āsū āāri gojasūdero āārībú: “Sugu masakū gajiguya poeegue waagú, ĩgūya mojōrī merā trigo yerire tūrī koro baaburo. Wiirimajī merā diti āābirikōāburo”, āāri gojasūdero āārībú.

²⁰ Turamerārē bopoñarī merā iā, iritamugukumi. Irasirigu, ĩgūsā miūmerēñu biu peaboadiñu irirosū āārīmakū iāgū, peabéogu irirosū ĩgūsārē iribirikumi. Bujawererārē gūñaturamakū irigukumi. Irasirigu, ĩgūsā sīāgodiru yaubodiru irirosū āārīmakū iāgū, yaubéogu irirosū ĩgūsārē iribirikumi. ĩgū Opu ñajāburi dupuyuro ĩgūsārē irasirigukumi. ĩgū Opu ñajādero pꝛꝛꝛ, masakare diayema iririre irimakū irigukumi.

²¹ Irasirirā āārīperero marā ĩgū doreburire usuyari merā yūrākuma”, ārīmi, ārī gojadi āārīmí Isaías.✠

*Jesúre: “Wātī turari opami”, ārī werewuadea
(Mr 3.19-30; Lc 11.14-23; 12.10)*

²² Pꝛꝛꝛ masaka wātī ñajāsūdire Jesúre taudorerā āījama. ĩgū wātī ñajāsūdi: wereníbi, koye iābi āārīmí. ĩgūsā āījamakū iā, Jesús ĩgūrē taumi. ĩgū irasirimakū, oārō iā, wereními.

²³ Āārīpererā masaka, ĩgū tarimakū iāguka, āsū ārī gāme sērēñama:

—Ĵĩ David parāmi āārīturiagu masakare taubu meta āārīkuri? ārīma.

²⁴ ĩgūsā irasū ārīmakū pérā, fariseo bumarā gapu āsū ārīma:

—Ĩ wātēa opu Beelzebú turari merā wātēārē béowiumi, ārīma.

²⁵ Jesús ĩgūsā gūñarīrē masīsīā, ĩgūsārē āsū ārīmi:

—Su nikū marā ĩgūsā basi dukawari gāmekēārā, pereakōākuma. Su makā marā, o su wii marā ĩgūsā basi dukawari gāmekēārā, pereakōākuma. ²⁶ Irasūta wātēa opu ĩgūyarā wātēārē béowiugu, ĩgū basita ĩgūyarārē dukawari pereakōāmakū iribokumi. Irasirigu, Ĵnoārē dorenemobokuri? ²⁷ Musā yure: “Wātēa opu Beelzebú turari merā wātēārē béowiumi”, ārī werewuāa. Musā buerire tayarā gapu wātēārē béowiurā, Ĵnoā turari merā béowiukuri? Musā ĩgūsārē: “Marīpu turari merā wātēārē béowiuma”, ārā. Irasiriro musā yure werewuari diaye āārībea. ²⁸ Yu Ōāgū deyomarīgū turari merā wātēārē béowiuu. Irasiriro Marīpu ĩgūyarārē doreri musā pꝛoguerē ejasiāa, ārī masīsūa.

²⁹ Irire keori merā musārē werenemogu. Neō sugu masaku, turaguya wiire ĩgūrē siapꝛoribirikeregū, ĩgū oparire ēmagū ñajāmasībirikumi. ĩgūrē siadero pꝛugue merē ĩgūyare ēmamasīkumi, ārīmi†.

³⁰ Irasū ārī odo, āsū ārīnemomi:

—Yure gāamemerā, yure iāturirā āārīma. Masakare yure siiu neeōtamumerā, ĩgūsārē waawasirimakū irirā āārīma.

³¹ Musārē diayeta werea. Marīpu āārīpereri masaka ñerō iririre, ñerō ārī werenírīdere kātimasīmi. Ōāgū deyomarīgūrē ĩgūsā ñerō ārī werenímakū tamerārē neō kātibirikumi.

³² Yu āārīpererā tīgūrē ĩgūsā ñerō ārī werenímakū, Marīpu irire kātimasīmi. Ōāgū deyomarīgū gapure ĩgūsā ñerō ārī werenímakū, irire neō kātibirikumi. Dapora, i ūmu peredero pꝛuguedere ĩgūsā irasū ārīdeare neō kātibirikumi, ārīmi Jesús.

*Yukure irigu duka merā iāmasīsūa, ārī weredeia
(Lc 6.43-45)*

³³ Irasū ārī odo, Jesús gaji keori merā buenemomi:

—Ōādi yukū oārīrē dukakua. Nedi yukū ñerīrē dukakua. Yukure irigu duka merā iāmasīsūa†. ³⁴ Musā āña irirosū ñerā āārā. Musā ñerā āārīsīā, oārīrē werenímasībea. Marī gūñarōsūta marī werenírī wirikōāa. ³⁵ Ōāgū oārī gūñarī opami. Irasirigu oārīrē wereními. Nēgū ñerī gūñarī opami. Irasirigu ñerīrē wereními. ³⁶ Musārē werea. Marīpu āārīpererā ñerārē wajamoārīnu ejamakū, āārīpereri masaka noó gāamerō werenímoāmadeare ĩgūsārē masīmakū irigukumi. ³⁷ Musā oārō werenídea waja Marīpu musārē: “Waja opabema”,

✠ 12:21 Is 42.1-4 † 12:29 Jesús: “Wātī nemorō turagu āārā”, ārīgū, irasū ārīmi. † 12:33 Jesús: “Yukure irigu duka merā iāmasīsūa”, ārīgū: “Marī, gajerā werenírīrē pérā, ĩgūsā āārīkūrire masīa”, ārīgū irimi.

ārīgukumi. Mūsā ñerō werenídea waja mūsārē: “Waja opama”, āriḡukumi, āriḡimi Jesús fariseo bumarārē.

*Masaka ñerā Jesúre Marīpū turari merā iri ĩmudoredea
(Mr 8.12; Lc 11.29-32)*

³⁸ Pūpū surāyeri fariseo bumarā, Moisés gojadeare buerimasā ĩḡūrē āriḡima:

—Bueḡu, Marīpū turari merā ḡuare iri ĩmuka! āriḡima. “Īḡū irire irimasībi, Marīpū iriudi meta āārīmi”, āriḡuarā irasū āriḡurā.

³⁹ Jesús yḡjūmi:

—Mūsā dapora marā masaka ñerā, Marīpūre ḡāāmemerā āārā. Mūsā yḡre Marīpū turari merā ḡajino iri ĩmudorea. Mūsā irasiridorekerepūpū, Marīpūya kerere weredupuyudi Jonás iridea direta wereḡura. ⁴⁰ Jonás urenū, ure ñami waaí wāḡuḡya paru poekague āārīderosūta yḡde āārīpererā tīḡū urenū, ure ñami yeba poekague āārīḡukoa. ⁴¹ Iripoegue Nínive marā Jonás Marīpūya kerere weremakū pérā, ĩḡūsā ñerō irideare bujawere, ĩḡūsā ḡūñarīrē gorawayunerā āārīmá. Dapora yḡ Jonás nemorō masīḡū ōḡue mūsā merā āārā. Yḡ Marīpūya kerere werekerepūpū, mūsā ñerō iririkurire bujawerebea. Irasirirā, Marīpū āārīpererā ñerārē wajamoārīnū ejamakū, Nínive marā mūsā dapora marārē: “Ñegorabu”, āriḡākuma. ⁴² Marīpū āārīpererā ñerārē wajamoārīnū ejamakū, sugo iripoeguemo Sabá nikū marā opo mūsā dapora marārē: “Ñegorabu”, āriḡokumo. Yoaromogue āārīkerego, ōḡue i nikūḡue aarideo āārīmó, marī ñekūsāmarā opū Salomón wári masīrī merā wererire pégo aarigó. Dapora yḡ Salomón nemorō masīḡū ōḡue mūsā merā āārā. Yḡ mūsā merā āārīkerepūpū, mūsā ḡapū yḡ wererire péḡuabea, āriḡimi Jesús.

*Jesús, wātī dupaturi masakḡuere ñajārīmarē weredea
(Lc 11.24-26)*

⁴³ Irasū āriḡodo, keori merā werenemomi doja:

—Wātī masakḡuere āārādi wiri, pūpū deko marīrōḡue ĩḡū siuñajāburore āmagorenagū waakumi. ⁴⁴ Irore bokabi, āsū āriḡ ḡūñakumi: “Yḡ wiridi, yaa wii irirosū āārīmí. Dupaturi yḡ wiridiguereta goeñajāḡura doja”, āriḡ ḡūñakumi. Irasirigū ĩḡūḡuere dupaturi goeñajāḡū, ḡajino marīrī wii, ōārō āmu, ooaweadea wiire irirosū bokajakumi. ⁴⁵ Irasirigū ḡajerā wātēa su mojōma pere ḡaji mojō peru pērēbejarā ĩḡū nemorō ñerārē siiu, ĩḡūsā āārīpererā merā masakḡuere āārīnīkōākumi. Irasirigū masakḡū ĩḡū dupuyuro āārīrikūdero nemorō ñerō āārīkumi. Dapora marā Marīpūre ḡāāmemerā, yḡre péḡuamerā irasūta ñerō waarākuma, āriḡimi Jesús.

*Jesús pago ĩḡū pagupūrā merā ĩḡūrē ĩāḡō ejadea
(Mr 3.31-35; Lc 8.19-21)*

⁴⁶ Jesús masakare wereripoe ĩḡū pago, ĩḡū pagupūrā merā ĩḡū āārīrī wii disipuro ejayupo ĩḡū merā wereníḡuago. ⁴⁷ Sugū igore ĩā, Jesúre weremi:

—Mūpo, mḡ pagupūrā disipuro níama, mḡ merā wereníḡuarā, āriḡimi.

⁴⁸ ĩḡū irasū āriḡmakū péḡu, Jesús ĩḡūrē āriḡimi:

—¿Noā āārīrī yḡpo, yḡ pagupūrā? āriḡimi.

⁴⁹ Irasū āriḡū, ḡuare ĩḡū buerārē soepu, āsū āriḡimi:

—Īsā, yḡpo, yḡ pagupūrā irirosū āārīma. ⁵⁰ Yḡpū ūmḡḡasigūe āārīḡū ḡāāmerīrē irirāno, yḡ pagūmḡ, yḡ pagūmo, yḡpo irirosū āārīma, āriḡimi Jesús.

13

*Jesús oterimasū keori merā buedeā
(Mr 4.1-9; Lc 8.4-8)*

¹ Irinata Jesús wiigüe ããrãdi ditarugue waa, iri ditaru turo eja doami. ² Masaka wárã ãgũ pũro nerẽmakũ ããgũ, doódirugue mũrĩñajãa, eja doami. ããrĩpererã masaka ãmparogue dujanũgãma ãgũ buerire pẽmurã. ³ Irasirigũ wãri keori merã ãgũsãrẽ ãsũ ãrĩ buemi:

—Sugũ oterimasũ ãgũya oteri yerire meéwasirigũ waakumi. ⁴ ãgũ meéwasiriwãgãmakũ, gaji yeri maague yurikoa. Iro yuriadea yerire mirã eja, baapeokõakuma. ⁵ Gaji yeri ãtãyerikurogue yurikoa. Iro sĩmerẽrõgã nikũ ããrĩmakũ, iro yuriadea yeri mata puriadikoa. ⁶ Iri nikũ sĩmerẽrõgã ããrĩmakũ, puriñajãdi, pũrũ abe asimakũ, nugũrĩ marĩsĩã, ñãñ, boakõakoa. ⁷ Gaji yeri pora watopegue yurikoa. Pora gapũ puritarimũrĩã, oteri gapũre wẽjẽkõakoa. ⁸ Gaji yeri õãrĩ nikũgue yurikoa. Iri yeri puri, õãrõ dukakũkoa. Suñu cien yeri, gajiñu sesenta yeri, gajiñu treinta yeri dukakũkoa. ⁹ Mũsã gãmpũrĩ oparã, yũ wererire pẽduripika! ãrĩmi Jesús.

Jesús buerã ãgũrẽ: “¿Nasirigũ keori merã bueri?” ãrĩ sẽrẽñadea (Mr 4.10-12; Lc 8.9-10)

¹⁰ Pũrũ gũa ãgũ buerã ãgũ pũro waa, ãgũrẽ sẽrẽñabu:

—¿Nasirigũ masakare keori merã bueri? ãrĩbũ.

¹¹ Jesús gũare yũjami:

—Marĩpũ ãgũyarãrẽ doregũ ããrĩrĩrẽ, iripoegue masĩbirideare mũsãrẽ masĩmakũ yãmi. Gajerã ãgũrẽ bũremumerã gapũre irasiribemi. ¹² ãgũyare masĩãnorẽ masĩnemomakũ irigũkumi. Irasirirã wãro masĩrĩ oparãkuma. Gajerã ãgũrẽ bũremumerã ãgũyare masĩmerãrẽ ãgũsã mẽrõ masĩadideare pẽmasĩbirimakũ irigũkumi. ¹³ Irasirigũ yũ ãgũsãrẽ keori merã buea. ãgũsã Marĩpũ iririre ããkererã, ããmasĩbema. ãgũyare pẽkererã, pẽduripibema. Neõ pẽmasĩbema. ¹⁴ Irasirirã Marĩpũya kerere weredupuyudi Isaías gojaderosũta yãma. ãsũ ãrĩ gojadi ããrĩmi:

ãsũ ãrĩmi Marĩpũ: “Yaare pẽkererã, mũsã neõ pẽmasĩbea. Yũ iririre ããkererã, mũsã neõ ããmasĩbea.

¹⁵ Yaa werenĩrĩrẽ pẽduabirisĩã, mũsã neõ pẽmasĩbea. Gãmpũrĩ pẽmerã, koye ããmerã irirosũ ããrã. Mũsã irasũ ããrĩmerã, yaare ããmasĩ, õãrõ pẽmasĩbokoa. Yũ pẽmasĩrĩ sĩrĩrẽ oparã yũre bũremubokoa. Irasirigũ mũsãrẽ taubokoa”, ãrĩmi Marĩpũ, ãrĩ gojadi ããrĩmi Isaías.*

¹⁶ Gũa gapũre ãrĩmi:

—Mũsã gapũ pẽmasĩã. Irasirirã usũyãa. Yũ iririre ããrã, yũ wererire pẽrã, yũre bũremua.

¹⁷ Diayeta mũsãrẽ werea. Wãrã iripoegue marã Marĩpũya kerere weredupuyunerã, gajerã Marĩpũre bũremunerã mũsã dapora ããrĩrẽ bũro ããduanerã ããrãdima. Irire ããduakererã, irire ããbirinerã ããrĩmã. Mũsã dapora pẽrere bũro pẽduakererã, pẽbirinerã ããrĩmã.

Jesús oterimasũ keori merã ãgũ bueadeare: “ãsũ ããrĩduaro yãa”, ãrĩ weredeã (Mr 4.13-20; Lc 8.11-15)

¹⁸ Irasirirã õãrõ pẽka! Yũ oterimasũ keori merã bueadeare mũsãrẽ werẽgũra. Iri ãsũ ããrĩduaro yãa. Marĩpũ ãmũgasigue ããrĩgũ ãgũyarãrẽ doreri kere, oteri yeri irirosũ ããrã. ¹⁹ Surãyeri masaka iri kerere pẽkererã, pẽmasĩbema. Maa bũriri maa irirosũ ããrĩma. Iri kerere pẽadero pũrũ, oteri yeri iri maague yurideã yerire mirã baapeoderosũ, wãtĩ aari, ãgũsã pẽadideare ãmãpeokõãmi. ²⁰⁻²¹ Gajerã masaka ãtãyerikũri yeba irirosũ ããrĩma. Iri kerere pẽrã, mata usũyari merã: “Õãgorãã”, ãrĩ gũñãma. Irire pẽkererã, oteri yeri ãtãyerikurogue yuriadero pũrũ, puri, nugũrĩ puriñajãbiriderosũ waama. Mẽrõgã pũrũ ãgũsã Marĩpũyare pẽduari waja gajerã ãgũsãrẽ ñerõ irimakũ ããrã, o ñerõ tarisĩã, mata ãgũyare pirikõãma. ²² Gajerã masaka porakũri yeba irirosũ ããrĩma. Iri kerere pẽkererã, oteri yeri porakũrogue yuriadero pũrũ, pora gapũ puritarimũrĩã wẽjẽderosũ, i ãmũmarẽ

* 13:15 Is 6.9-10

buro gũñarikuma. Doebiridere buro gãāmenemoma. Irasirirã Marĩpũyare kãtima. Otediñu ðuka marĩdiñu irirosũ dujama. ²³ Gajerã masaka õãrĩ nikũ irirosũ ããrĩma. Marĩpũya kerere pérã, õãrõ pémasĩma. Irasirirã oteri yeri õãrĩ nikũgue yuriadero pũũ, puri õãrõ ðukakũderosũ õãrĩrẽ yãma. Surãyeri cien yeri, gajerã sesenta yeri, gajerã treinta yeri ðukakũrosũ irirã ããrĩma, ãrĩmi Jesús.

Jesús trigo otedea watopegue ñerĩ tá oteri keori merã buedea

²⁴ Jesús irasũ ãrĩ odo, gaji keori merã guare buemi:

—Marĩpũ ãmũgasigue ããrĩgũ ãgũyarãrẽ doreri i irirosũ ããrã. Sugu pooe opu ãgũya poeegue õãrĩ yerire otekumi. ²⁵ Su ñami merã ããrĩpererã kãrĩripoe ãgũrẽ ãaturigu poeegue eja, ãgũ trigo otedea watopegue ñerĩ táre otekumi. Ote odo, waakõãkumi. ²⁶ Trigo yeri puriwiriadero pũũ, ñerĩ táde purikoa. Pũũ trigo ðukakũkoa. Iri ðukakũmakũ ããrã, iri pooe opũre moãboerimasã ñerĩ tá ããrĩmakũ ããmasĩkuma.

²⁷ Irasirirã iri pooe opũre wererã waakuma:

—Gua opu, ¿nasiriro õãrĩ yeri direta mũya poeere otesũdero ããrĩkererũ, ñerĩ táde puriyuri? ãrĩkuma. ²⁸ ãgũsã irasũ ãrĩmakũ pégu, ãsũ ãrĩkumi:

—Yũre ãaturigu iri ñerĩ táre otekumi, ãrĩkumi.

ãgũ irasũ ãrĩmakũ pérã, ãgũrẽ moãboerimasã sãrẽñakuma doja:

—¿Ñerĩ táre gua taãseabéorã waamakũ gããmekuri mu? ãrĩkuma.

²⁹ —Taãseabirikõãka! Ñerĩ táre taãsearã trigodere duuabokoa. ³⁰ Iri, ñerĩ tá merãta puri masãkõãburo. Trigo ñãmakũ, gajerã ðuka seaboerimasãrẽ ãsũ ãrĩ iriugũra: “Ñerĩ táre taãseapũrori, dupa dotori siaka, irire soemurã! Pũũ trigore seaka, irire yũ duripĩri wiigue duripĩmurã!” ãrĩgũra, ãrĩkumi, ãrĩmi Jesús.

Jesús mostaza wãikuri yegã puri masãdea keori merã buedea

(Mr 4.30-32; Lc 13.18-19)

³¹ Irasũ ãrĩ odo, gaji keori merã buemi:

—Marĩpũ ãmũgasigue ããrĩgũ ãgũyarãrẽ doreri sugu masakũ ãgũya poeegue suye oteriyere mostaza wãikuri yegãrẽ oterosũ ããrã. ³² Iri oteri yegã ããrĩpereri oteri yeri nemorõ mérĩ yegã ããrĩkoa. Irasũ ããrĩkerero, otemakũ, pũũ yukũ wãdi irirosũ puri masãkoa. Irasirirã wãrã irigu ðũpũrigue ãgũsãya surĩ suakuma, ãrĩmi Jesús*.

Jesús pã wemasãrĩ morẽrĩ poga keori merã buedea

(Lc 13.20-21)

³³ Pũũ gaji keori merã buemi:

—Marĩpũ ãmũgasigue ããrĩgũ ãgũyarãrẽ doreri i irirosũ ããrã. Sugo nomeõ pã duparure iribo, mérõgã pã wemasãmakũ iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiriro Marĩpũ ãgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

Jesús masakare keori merã buenadea

(Mr 4.33-34)

³⁴ Jesús masakare i ããrĩpereri buerire weregũ, keori merã dita buenami. Keori marĩrõ ãgũsãrẽ buenabirimi. ³⁵ Irasirigu Marĩpũya kerere weredupuyudi gojaderosũta irimi. ãsũ ãrĩ gojadi ããrĩmĩ Jesús masakare wereburimarẽ:

* **13:32** Jesús i kere merã buegu: “Marĩpũ ãmũgasigue ããrĩgũrẽ bũremurã mérãgã ããrĩnũgãkererũ, pũũgue gajerã ãgũsã merã ãgũrẽ bũremunũgãmakũ, wãrã ããrĩrãkuma; o sugu Marĩpũre bũremunũgãgũ, mérõgã bũremurĩ opami. Pũũgue, mostaza wãikuri yegãrẽ otedero pũũ yukũ wãdi puri, masãrõsũ Marĩpũ iritamurĩ merã wãro ãgũrẽ bũremurĩ opagũkumi”, ãrĩ buegu irimi. † **13:33** Jesús i kere merã buegu: “Marĩpũre bũremurã ããrĩpereri i ãmũguere ãgũyarãrẽ doregu ããrĩrẽ masakare buerã waamakũ, ããrĩpereri buri marã watopegue wãrã irire pé, ãgũrẽ bũremunũgãrãkuma; o sugu Marĩpũre bũremunũgãgũ Marĩpũ ãgũyarãrẽ doregu ããrĩrẽ buenĩgũ, Marĩpũ iritamurĩ merã Marĩpũ doreri direta iridũagũkumi”, ãrĩ buegu irimi.

Keori merã werẽgũkoa. Iri merã werẽgũ, Marĩpu i ãmurẽ iridero purũgue marã neõ masĩbirideare dapora marãrẽ werẽgũra, ãrĩ gojadi ããrĩmĩ.✠

Jesús ñerĩ tá, trigo otedea watopegue puri masãdeare buenemodea

³⁶ Purũ Jesús masakare seretu odo, wiigue ñajãmi. Ígũ ñajãmakũ ãã, gũa ígũ buerã ígũ purogue ñajãa, ígũrẽ sãrẽñabu:

—Trigo otedea watopegue ñerĩ tá puri masãdeare keorire werenemoka! ¿Naásũ ãrĩduaro iriari? ãrĩbu.

³⁷ Gũa irasũ ãrĩmakũ pẽgũ, Jesús yũjũmi:

—Yũ ããrĩpererã tígũ, iri pooe opu õãrĩ yeri otedi irirosũ ããrã. ³⁸ Poee gapũ i ãmũ irirosũ ããrã. Marĩpu ígũyarãrẽ dorerogue ããrĩmurã gapũ õãrĩ yeri irirosũ ããrĩma. Wãtĩyarã ñerĩ tá irirosũ ããrĩma.

³⁹ Wãtĩ poee opuẽre ãaturigũ irirosũ ããrĩmi. I ãmũ pererĩnũ iri otedea dukare searinũ irirosũ ããrã. Marĩpũre wereboerã, poee opuẽre dukã seaboerimasã irirosũ ããrĩma.

⁴⁰ Iri ñerĩ táre ígũsã taãseadeare peamegue soebéoderosũta i ãmũ pererĩnũ ejamakũ waarokoa. ⁴¹ Irasũ waaripoe yũ ããrĩpererã tígũ, yũre wereboerãrẽ iriugũkoa. Irasirirã ígũsã masakare ñerĩ irimakũ irirãrẽ, Marĩpu dorerire tarinũgãrãdere neeõrãkuma. ⁴² Neeõ odo, perebiri peamegue ígũsãrẽ béorãkuma. Irogue burõ purĩsũrã ígũsãya guikare kũrĩduútũ orerãkuma. ⁴³ Marĩpu gããmerĩrẽ irirã gapũ ãmũgasigue ígũyarãrẽ dorerogue ããrĩrã, abe ãmũmũ irirosũ gosewasirirãkuma. Mũsã gãmipũrĩ oparã, yũ wererire péduripĩka!

Jesús wáro niyeru yáapídea keori merã buedea

⁴⁴ Gaji mũsãrẽ werea. Marĩpu ãmũgasigue ããrĩgũ ígũyarãrẽ doreri i irirosũ ããrã. Sugũ masakũ wáro niyeru gajigũya nikũ poekague yáapídeare bokakumi. Irire bokagũ, burõ mũyayakumi. Irasirigũ ígũ bokadeare burõ gããmesĩã, dupaturi yáapíkõãkumi doja. Irasirigũ ããrĩpereri ígũyare gajerãrẽ duakumi. Ígũ duadea waja merã iri nikũrẽ wãjarikumi‡.

Jesús perla wãikũriye keori merã buedea

⁴⁵ Gaji mũsãrẽ werea doja. Marĩpu ãmũgasigue ããrĩgũ ígũyarãrẽ doreri i irirosũ ããrã. Sugũ wãjaririmasũ wãjapari yeri perla wãikũri yerire ãma wãjaridũakumi. ⁴⁶ Iri yerire ãmagũ, wãjapatariri yere bokakumi. Iri yere burõ gããmesĩã, ããrĩpereri ígũyare duakumi. Ígũ duadea waja merã iri yere wãjarikumi.

Jesús buidi keori merã buedea

⁴⁷ Gaji mũsãrẽ werea doja. Marĩpu ãmũgasigue ããrĩgũ ígũyarãrẽ doreri, waaí wẽjẽrĩmasã buidi meéyo, ããrĩpererã waaí ããrĩrãkũ ñeãrõ irirosũ ããrã. ⁴⁸ Ígũsãya buidire waaí mũturimakũ ããrã, waaí wẽjẽrĩmasã ãmĩparogue tũãmajã, waairé beyekuma. Õãrã waairé ígũsãya puuirigue seasãkuma. Ñerãrẽ béokõãkuma. ⁴⁹ I ãmũ pererĩnũ ããrĩmakũ, masakare ãsũta waarokoa. Marĩpũre wereboerã õãrãrẽ, ñerãrẽ beyerã aarirãkuma. ⁵⁰ Beye odo, ñerãrẽ perebiri peamegue béorãkuma. Irogue burõ purĩsũrã ígũsãya guikare kũrĩduútũ orerãkuma, ãrĩmi Jesús.

Jesús iripoeguema buerire, maama bueridere weredea

⁵¹ Purũ gũare sãrẽñami:

—¿I ããrĩpererire pémasĩrĩ mũsã? ãrĩmi.

—Éũ, pémasĩã, ãrĩ yũjubũ.

⁵² Gũa irasũ ãrĩmakũ, ãrĩmi:

✠ 13:35 Sal 78.2 † 13:44 Jesús i kere merã buegu: “Masakũ ããrĩpereri ígũyare gããmerõ nemorõ Marĩpũyare gããmegũ ããrĩkumi”, ãrĩ buegu irimi.

—Sugũ Moisés gojadeare buerimasũ Marĩpu ãmugasigue ããrĩgũ ãgũyarãrẽ doregu ããrĩrĩmarẽ masĩgũ, wii opũ irirosũ ããrĩgũkumi. Irasirigũ wii opũ, iripoegue ãgũ opadeare, maama ãgũ oparidere ãĩwiugũ irirosũ, maama buerire, iripoeguema bueridere ããrĩ masĩrĩ merã weregũkumi, ãrĩmi Jesús guare.

Jesús Nazaretgue goedujáadea
(Mr 6.1-6; Lc 4.16-30)

⁵³ Jesús iri keori merã were odo, iro ããrãdi waa, ⁵⁴ ãgũ masãdea makãgue ejami. Irogue eja, judío masaka nerẽrĩ wiigũ buemi. Masaka, ãgũ buemakũ pérã, péguakakõãma. ãsũ ãrĩ gãme werenĩma:

—¿Noógue bueyuri, ãi iropã masĩbu? ¿Nasirisĩã, iri ãmurĩrẽ irimasĩyuri? ⁵⁵ ãi taboa moãdi magũ ããrĩmi. ãgũ pago María wãĩkũmo. Santiago, José, Simón, Judas ãgũ pagupũrã ããrĩma. ⁵⁶ ãgũ pagupũrã nomede i makã marãta ããrĩma. ãgũ marĩ irirosũ ããrĩkeregũ, ¿nasirisĩã, i ããrĩpererire masĩrĩ? ãrĩma.

⁵⁷ Irasirirã ãgũrẽ buremudũabirima. Jesús gapũ ãgũsãrẽ ãrĩmi:

—Ããrĩpererogue sugũ Marĩpũya kerere weredupuyugũre gajerã buremuma. ãgũya nikũ marã, ãgũya wii marã gapũ ãgũrẽ buremubema, ãrĩmi.

⁵⁸ Irasirigũ Jesús, ãgũsã ãgũrẽ buremubirimakũ ããgũ, iri makãrẽ wãri Marĩpu turari merã iri ãmubirimi.

14

Juan masakare wãiyerimasũ boadea
(Mr 6.14-29; Lc 9.7-9)

¹ Iripoere Herodes Galilea nikũ marã opũ, Jesús iriri kerere péyupu. ² Irire pégu, ãgũrẽ moãboerãrẽ ãsũ ãrĩyupu:

—ãgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri ãmurĩrẽ irikumi, ãrĩyupu.

³ Juan boaburi dupuyuro Herodes ãgũ pagũmũ Felipe marãpo Herodías wãĩkũgore ãma, marãpokũmakũ ããgũ, ⁴ ãsũ ãrĩdi ããrĩmĩ:

—Mũ pagũmũ marãpore marãpokũgũ, Marĩpu dorerire tarinũgãgũ yãa, ãrĩdi ããrĩmĩ. Irasirigũ Herodes ãgũrẽ ãã, peresu iridi ããrĩmĩ. ⁵ ãgũ Juãrẽ wẽjẽdũadi ããrĩmĩ. Judío masaka gapũ: “ãi Juan Marĩpũya kerere weredupuyurimasũ ããrĩmĩ”, ãrĩ gũñanerã ããrĩmã. Irasirigũ Herodes: “Juãrẽ yũ wẽjẽmakũ yũ merã guabokuma”, ãrĩgũ, ãgũsãrẽ gũidi ããrĩmĩ. ⁶ Pũrũ Herodes ãgũ deyoadea bosenu irigũ iridi ããrĩmĩ. ãgũ irasirirĩnũrẽ Herodías magõ ãgũ siuanerã ãũrõ baya ãmudeo ããrĩmõ. Igo baya ãmumakũ ããgũ, Herodes bureo usayadi ããrĩmĩ. Irasirigũ igore: ⁷ “Ãrĩgatoro marĩrõ, mũ yũre sãrẽrĩnorẽ sĩgũra”, ãrĩdi ããrĩmĩ. ⁸ ãgũ irasũ ãrĩmakũ pégo, igo pagore: “¿Ñeãnorẽ sãrẽgokuri yũ?” ãrĩdeo ããrĩmõ. Irasirigo igo pago sãrẽdoreaderosũta ãgũrẽ sãrẽdeo ããrĩmõ:

—Juan masakare wãiyerimasũya dipurure dititã, soropa wãripa merã ãgũya dipurure yũre sĩka! ãrĩdeo ããrĩmõ.

⁹ Igo irasũ ãrĩmakũ pégu, Herodes bureo bujaweredi ããrĩmĩ. ãgũ siuanerã péuro: “Ãrĩgatoro marĩrõ, mũ yũre sãrẽrĩnorẽ sĩgũra”, ãrãdi ããrĩsĩã, gũyasĩrĩgũ, igore: “Mũrẽ sĩbirikoa”, ãrĩmasĩbiridi ããrĩmĩ. Irasirigũ, igo ãgũrẽ sãrẽrõsũta iridi ããrĩmĩ. ¹⁰ Irasirigũ, ãgũyagũ surara Juan peresugue ããrĩgũ pũro waa, ãgũya dipurure dititãdi ããrĩmĩ. ¹¹ Pũru soropa merã ãgũya dipurure ãrĩ, Herodías magõrẽ wiadi ããrĩmĩ. ãgũ wiamakũ ãã, igo pagore ãã sĩdeo ããrĩmõ.

¹² Juan boadero pũrũ, ãgũ buerire tũyanerã ãgũya dupũre ããwãgã, yãarã waanerã ããrĩmã. Yãa odo, Juan boadeare Jesũre wererã ejama.

Jesús cinco mil ãmarẽ baari ejodea
(Mr 6.30-44; Lc 9.10-17; Jn 6.1-14)

¹³ Juãrẽ wẽjẽadea kerere pẽgu, Jesús doódirugue murĩñajãa, masaka marĩrõgue gũa ãgũ buerã merã waakõãmi. ãgũ irogue waarĩre pẽrã, masaka ãgũsãya makãrĩrẽ wiri, ãgũ dupuyuro maague waa, ejasianerã ããrĩmã. ¹⁴ Gũa ditaru gaji koepugue taribujaja, Jesús doódirugue sãñadi majãnũgã, wãrã masakare bokajami. Irasirigu ãgũsãrẽ bopoñarĩ merã ãã, pũrĩrikurã ãgũsã ãirianerãrẽ taumi. ¹⁵ Naĩmejãwãgãripoe gũa Jesús buerã ãgũ pũro waa, ãsũ ãrĩbu ãgũrẽ:

—Naĩmejãrõgue yãa. Õõ masaka marĩrõgue ããrã. Irasirigu masakare waadoreka! Makãrĩgue ãgũsã baaburire wajarirã waaburo, ãrãdibu.

¹⁶ Gũa irasũ ãrĩmakũ pẽgu, Jesús ãrĩmi:

—Waabirikõãburo. Mũsã ãgũsãrẽ baari sĩka! ãrĩmi.

¹⁷ Gũa ãgũrẽ ãrĩbu:

—Su mojõma pã duparu, waaĩdere pẽrãta opãa, ãrĩbu.

¹⁸ —Irire yũre ãrĩka! ãrĩmi Jesús.

¹⁹ Pũru masakare tá weka doadoremi. Irasirigu su mojõma pã duparure, pẽrã waairẽ ãĩ, ãmũgasigue ããmu, Marĩpũre: “Mũrẽ usuyari sãa”, ãrĩmi. ãrĩ odo, iri pã duparure pea, gũare ãgũ buerãrẽ sĩmi masakare gueredoregu. Irasirirã gũa ãgũsãrẽ irire guerebu. ²⁰ Irasirirã ããrĩpererã baayapiakõãma. Pũru ãgũsã baadũãadeare pe mojõma pere su gubu peru pẽrẽbejari puuirigora seasã, mũudobobũ. ²¹ Iro baanerã: nome, majĩrã keoña marĩrõ ãma direta keomakũ cinco mil gora ããrĩmã.

Jesús deko weka waadea
(Mr 6.45-52; Jn 6.16-21)

²² Pũru Jesús gũa ãgũ buerãrẽ doódirugue murĩñajãdore, ditarugue ãgũ dupuyuro taribujadoremi. ãgũ gapũ irogue dujami dapa masakare seretubu. ²³ Seretu odo, buũru wekague suguta waayupũ Marĩpũre sãrẽgũ waagũ. Ñami ejaripoe suguta ããrĩyupũ iroguere. ²⁴ Gũa gapũ ditaru dekogue ããrĩbũ. Mirũ buru waabu. Irasiriro makũrĩ doódirure pátũpaukõãbu. Irasirirã taribujajabiribu dapa.

²⁵ Pũru ãgãbo wereripoe Jesús ditarugue buaja, gũa pũrogu deko weka aarimĩ. ²⁶ ãgũ deko weka aarimakũ, gũa ãgũrẽ ããmasĩbirisĩã, ããgũkakõãbu. Gũiri merã: “Masaku boadi wãtĩ ããrĩmi”, ãrĩ gainĩbu.

²⁷ Gũa gũimakũ ããgũ, Jesús gũare ãsũ ãrĩmi:

—Gũñaturaka! Yũta ããrã. Gũimerãta! ãrĩmi.

²⁸ ãgũ irasũ ãrĩmakũ pẽgu, Pedro ãrĩmi ãgũrẽ:

—Mũ, yũ Opũ ããrĩgũ, yũre deko weka waa, mũ pũrogu aaridoreka! ãrĩmi.

²⁹ —Jãũ, aarika! ãrĩmi Jesús.

Irasũ ãrĩmakũ pẽgu, Pedro doódirugue sãñadi dujinũgã, deko weka Jesús pũrogu waami.

³⁰ ãgũ irasũ waakeregu, mirũ buru wẽjẽpumakũ ããgũ, gũigorami. Irasirigu mirĩdijagu:

—Yũ Opũ, yũre tauka! ãrĩ gainĩmi.

³¹ ãgũ irasũ ãrĩmakũta, Jesús ãgũya mojõrẽ ñeã: “Yũre mẽrõgã bũremurĩ opãa. ¿Nasirigu yũre bũremuturaberi?” ãrĩmi.

³² Pũru Jesús Pedro merã doódirugue aari, murĩñajãmakũ, mirũ waadea toekõãbu.

³³ Irasũ waamakũ ããrã, gũa doódirugue ããrĩrã ñadũkupuri merã Jesús pũro eja doa, ãgũrẽ:
—Mũ diayeta Marĩpũ magũ ããrã, ãrĩ bũremubu.

Jesús Genesaret marãrẽ pũrĩrikurãrẽ taudea
(Mr 6.53-56)

³⁴ Pɔɔ taribujaja, Genesaret* wāikuri nikūgue ejabu. ³⁵ Iro marā Jesúre ìāmasĩsĩā, āārĩpererā iro āārĩrārē ìgū ejari kerere wereñurā. Irasirirā āārĩpererā pūrĩrikurārē taudorerā ìgū pɔɔgue āĩjama. Ìgūrē āsū ārĩ sērēma:

³⁶ —Mɔya suríro yuwa direta ìgūsārē moññadoreka! ārĩma. Irasirirā āārĩpererā pūrĩrikurā ìgūya surírore moññanerā ìgūsā sĩrĩrĩ opadeare tarisūma.

15

Masakare ñerā waamakū iririre buedea (Mr 7.1-23)

¹ Pɔɔ surāyeri fariseo bumarā, Moisés gojadeare buerimasāde Jerusalēgue āārānerā Jesús pɔɔro eja, ìgūrē sērēñama:

² —¿Nasirirā mɔ buerā, marĩ ñekūsāmarā iriunaderosū iriberi? Marĩ ñekūsāmarā baaburi dupuyuro mojōkoederosū iribema, ārĩma.

³ Jesús ìgūsārē yɔjumi:

—Yude mɔsārē sērēñagura. ¿Nasirirā Marĩpɔ doreri gapɔre irirono irirā, mɔsā ñekūsāmarā iriunadeare yári? ⁴ Marĩpɔ āsū ārĩdi āārĩmĩ: “Mɔpɔre, mɔpɔre buremuka! Sugɔ ìgū pagɔsāmarārē ñerō werenìgū wējēdoresūgukumi”, ārĩdi āārĩmĩ. ⁵ Ìgū irasū ārĩkerepɔɔ, mɔsā gapɔ masakare ìgūsā pagɔsāmarāya āārĩburire buerā, āsū ārā: “Sugɔ ìgū pagɔre, o ìgū pagore: ‘Yɔ mɔsārē sĩboadeare Marĩpɔre sĩpeokōābɔ. Irasirigɔ mɔsārē iritamumasĩbirikoa’, ārĩmakū òāgorāa”, ārĩ buea. ⁶ Irasū buerā, masakare ìgūsā pagɔsāmarārē iritamubirimakū, Marĩpɔ dorerire ubu ìābéomakū yāa, mɔsā ñekūsāmarā iriunadeare iritayadorerā. ⁷ Masaka ìūrō dita òārō yāa mɔsā. Ìgūsā ìāberogue ñerō iririkurā āārā. Iripoegue Marĩpɔya kerere weredupuyudi Isaías diayeta gojadi āārĩmĩ mɔsā irigatorire gojagɔ. Āsū ārĩ gojadi āārĩmĩ:

⁸ Ìsā masaka ìgūsāya disi merā yɔre òārō werenìkererā, ìgūsāya yɔjupūrārigue yɔre neō buremubema.

⁹ Irasiriro ìgūsā yɔre buremurā nerērĩ wajamāa. Ìgūsā bueri, yɔ doreri meta āārā. Masaka doreri āārā, ārĩ gojadi āārĩmĩ, ārĩ yɔjumi Jesús fariseo bumarārē.*

¹⁰ Irasū ārĩ odo, masakare ìgū pɔro siiu, āsū ārĩmĩ:

—Yɔ wererire òārō pékūinú péka! ¹¹ Sugɔ masakɔya disigue baari ñajāri, ìgūrē ñegū waamakū iribea. Ìgūya disigue wiriri gapɔ, ìgūrē ñegū waamakū yāa, ārĩmĩ.

¹² Ìgū irasū ārādero pɔɔ, gɔa ìgū buerā ìgū pɔro waa, ìgūrē ārĩbɔ:

—¿Mɔ masĩrĩ? Mɔ irasū ārādeare pérā, fariseo bumarā guakōāma, ārĩbɔ.

¹³ Gɔa irasū ārĩmakū, Jesús āsū ārĩ yɔjumi:

—Yɔpɔ ùmɔgasigue āārĩgú āārĩpereri ìgū otebirideare nugūrĩ merāta duua béogu irirosū ìgūsārē béogukumi. ¹⁴ Irasirirā ìgūsārē irasū ìākōāka! Ìgūsā Marĩpɔyare masĩbirikererā, gajerā ìgūyare masĩmerārē buema. Irasirirā koye ìāmerā gajerā koye ìāmerārē tūādupuyurā irirosū āārĩma. Sugɔ koye ìābi gajigɔ koye ìābire tūādupuyuwāgāgū, ìgūsā pērāgueta gobegue meññajākōārākuma, ārĩmi Jesús.

¹⁵ Ìgū irasū ārĩmakū pégɔ, Pedro gapɔ Jesúre ārĩmĩ:

—Gɔare wereka! Masakɔ ìgūya disi wiriri keori, ¿naásū ārĩduaro yári? ārĩmĩ.

¹⁶ Jesús yɔjumi:

—¿Mɔsāde pémasĩberi dapa? ¹⁷ Āārĩpereri marĩ baari, marĩya disigue ñajāa, parugue waa, pɔɔ tariwereakōāa. ¹⁸ Masaka werenĩrĩ, ìgūsāya disi wiriri āārā. Ìgūsā gūñarĩgue ñerĩrē oparā ñerō werenĩma. Iri ìgūsārē ñerā waamakū yāa. ¹⁹ Ìgūsā gūñarĩgue ñerĩ oparā āsū āārĩma. Ñerĩ gūñarā, masakare wējēbéorā, gajigɔ marāpo, gajego marāpɔ merā ñerō irirā, ùma nome merā, nome ùma merā ñerō gāmebirarā, yajarā, ārĩgatorā, masakare

* 14:34 Genesaret wāikuri nikū, Galilea wāikuri ditaru tɔro āārĩyuro. ✪ 15:9 Is 29.13

ñerō kere wererā āārīma. ²⁰ Iri ñerī ĩgūsā gũñarĩgue opari, ĩgūsārē ñerā waamakū yāa. Masaka ĩgūsā ñekūsāmarā iriunaderosū baaburi dupuyuro mojōkoebirimakū, ĩgūsārē ñerā waamakū iribea, āārīmi Jesús.

Judío masako āārībeo Jesúre buremudea

(Mr 7.24-30)

²¹ Pꝰꝰ Jesús Tiro, Sidón wāĩkuri makārī āārīrōgue waami. ²² Irogue ejamakū, sugo nomeō Canaán nikūmo irogue āārīgō Jesús pꝰro gainijamo:

—Yꝰ Opꝰ, David parāmi āārīturiagu yꝰre bopoñaka! Yꝰ magō wātī ñajāsūdeo bꝰro ñerō tarigo yāmo, āārīmo.

²³ Igo irasū āārīmakū pékeregꝰ, Jesús igore yꝰjubirimi. Irasirirā gꝰa ĩgū buerā ĩgūrē āārībꝰ:

—Waadoreka igore! Marīrē ñerō gainí tꝰyawāgārīmo, āārībꝰ.

²⁴ Gꝰa irasū āārīmakū pégꝰ, Jesús igore āārīmi:

—Yꝰꝰ yꝰre, Israel bumarā oveja dedirinerā irirosū āārīrā direta iritamudoregꝰ iriumi, āārīmi.

²⁵ Igo Israel bumo āārībīrikerego, Jesús guburi pꝰro ñadukꝰpuri merā ejamejā, āsū āārīmo:

—Yꝰ Opꝰ, yꝰre iritamuka! āārīmo.

²⁶ Jesús igore yꝰjꝰmi:

—Wii opꝰ ĩgū pūrā baarire ēma, diayéare ejomakū ōābea, āārīmi.

²⁷ ĩgū irasū āārīkerepꝰꝰ, igo gapꝰ ĩgūrē āārīmo doja:

—Yꝰ Opꝰ, irasū āārīkerepꝰꝰ, diayéa gapꝰ wii marā baawasiridijurire baaboema, āārīmo.

²⁸ Igo irasū āārīmakū, Jesús igore yꝰjꝰmi:

—Mꝰ yꝰre buremurī opataria. Mꝰ sērērōsūta waarokoa, āārīmi.

ĩgū irasū āārīpoeta, igo magōguere wātī ñajādi wiriakōāyꝰꝰ. Irasirigo tariyupo.

Jesús wārā pūrīrikurārē taudea

²⁹ Jesús irogue āārādi waa, Galilea wāĩkuri ditaru tꝰro tariwāgāmi. Pꝰꝰ buúruegꝰ murā, eja doami. ³⁰ ĩgū iro doamakū, wārā masaka ejama. Waamasīmerārē,

koye ĩāmerārē, werenímasīmerārē, poyarimasārē, wārā gajerā pūrīrikurārē ĩgū pꝰro āĩjapíma. Irasirigꝰ Jesús ĩgūsārē taumi. ³¹ Irasirimakū ĩārā, masaka ĩāgukakōāma. Werenímasībīrinerā werenímakū ĩārā, poyarimasā āārīñerā tarimakū ĩārā,

waamasībīrinerā waamasīmakū ĩārā, koye ĩābīrinerā ĩāmakū ĩārā, ĩāgukakōāma. Irasirirā Marīpꝰre: “Marī Israel bumarā Opꝰ, turatarigꝰ āārīmi”, āārī, ꝰꝰyari sīma.

Jesús cuatro mil āmarē baari ejodea

(Mr 8.1-10)

³² Pꝰꝰ Jesús gꝰare ĩgū buerārē siiu, āārīmi:

—Īsā masakare bopoñarī merā ĩāa. Yꝰ merā ꝰrenꝰgora āārīsīama. ĩgūsārē baari pereakōāa. ĩgūsārē ꝰa merā ĩgūsāya wiirigue goedujāamakū gāāmebirikoa. ĩgūsā baamerāta waarā, maa dekota turari perea kōmoakōābokuma, āārīmi.

³³ ĩgū irasū āārīmakū, gꝰa ĩgū buerā ĩgūrē āārībꝰ:

—¿Nasirisīā, marī ōō masaka marīrōgue ĩsā wārā masaka baaburire bokabokuri? āārībꝰ.

³⁴ Jesús gꝰare sērēñami:

—¿Dīkꝰ pā duparure opari ꝰꝰsā? āārīmi.

—Su mojōma pere gaji mojō peru pērēbejari duparu, irasū āārīmakū waaí mērāgā opāa, āārī yꝰjubꝰ.

³⁵ Irasirigꝰ Jesús masakare yebague doadore, ³⁶ su mojōma pere gaji mojō peru pērēbejari pā duparure, waaigādere āĩ, Marīpꝰre ꝰꝰyari sīmi. Odo, pā duparure, waaigādere pea, gꝰare sīmi. Irasirirā gꝰa irire masakare guerebꝰ. ³⁷ Irasirirā āārīpererā

irire baayapiakõãma. Pũũ ĩgũsã baadũáadeare su mojõma pere gaji mojõ peru pẽrẽbejari puuirigora seasã, utũudobobũ. ³⁸ Iro baanerã: nome, majĩrã keoña marĩrõ ãma direta keomakũ, cuatro mil gora ããrĩmã. ³⁹ Pũũ Jesũs masakare seretu odomakũ, doódirugue murĩñajãa, Magdala wãĩkũrogue ĩgũ merã waakõãbũ.

16

Fariseo bumarã, saduceo bumarã Jesũre Marĩpũ turari merã iri ĩmudoredea
(Mr 8.11-13; Lc 12.54-56)

¹ Jesũs Magdala wãĩkũrogue ejadero pũũ, fariseo bumarã, saduceo bumarã ĩgũrẽ ĩãrã ejarã: “Marĩpũ turari merã iri ĩmurĩrẽ irika!” ãrĩma. “ĩgũ irire irimasĩbi, diayeta Marĩpũ iriudi meta ããrĩmi”, ãrĩdũarã, irasũ ãrĩma. ² Jesũs gapũ ĩgũsãrẽ yũjũmi:

—Mũsã ñamika abe õãrõ diiañajãmakũ ĩãrã: “Õãrĩ ñami ããrĩrokoa”, ãrã. ³ Boyoripoe ñĩpimakũ ĩãrã: “Dekonũ ããrĩrokoa”, ãrã. Ũmarõmarẽ ĩãrã: “Ãsũ waarokoa”, ãrĩ masĩa. Irire õãrõ masĩkererã, inũ Marĩpũ turari merã yũ iri ĩmurĩ gapũre ĩãrã, neõ õãrõ pẽmasĩbea. ⁴ Dapora marã masaka ñerã, Marĩpũre gããmemerã ããrĩma. Yũre Marĩpũ turari merã gajino iri ĩmudorema. ĩgũsã irasiridorekerepũũ, Marĩpũya kerere weredupuyudi Jonás iridea direta weregũra, ãrĩmi.

Irasũ ãrĩ odo, ĩgũsãrẽ bêowãgã, gajerogue waakõãmi.

Jesũs fariseo bumarã, saduceo bumarã ñerĩ buerire weredea
(Mr 8.14-21)

⁵ Pũũ gũa ditarugue taribujarã, pãrẽ kãtikõãnerã ããrĩbũ. ⁶ Irasirigũ Jesũs gũare ãrĩmi: —Fariseo bumarã, saduceo bumarã ĩgũsã pã wemasãrĩ morẽrĩrẽ õãrõ pẽmasĩka! ãrĩmi.

⁷ ĩgũ irasũ ãrĩrĩrẽ gũa gapũ pẽmasĩbiribũ. Irasirirã gũa basi gãme ãsũ ãrĩ werenĩbũ: —Marĩ pãrẽ ãrĩbiradeare ĩãgũ, irasũ ãrĩkumi, ãrĩbũ.

⁸ Gũa irasũ ãrĩrĩrẽ masĩsĩã, gũare sãrẽñami:

—¿Nasirirã: “Pãrẽ ãrĩbirabũ”, ãrĩ gãme werenĩrĩ mũsã? Yũre mÃrõgã bũremurĩ opãa mũsã. ⁹ ¿Mũsã pẽmasĩberi dapa? ¿Yũ cinco mil ãmarẽ su mojõma pã duparure dukawa ejodeare gũñaberi mũsã? ĩgũsã baayapiadero pũũ, ¿diĩkũ puuirigora ĩgũsã baadũáadeare mũsã seasã utũudobori? ¹⁰ ¿Pũũ yũ su mojõma pere gaji mojõ peru pẽrẽbejari pã duparure dukawa, cuatro mil ãmarẽ ejodeadere gũñaberi mũsã? ĩgũsã baayapiadero pũũ, ¿diĩkũ puuirigora ĩgũsã baadũáadeare mũsã seasã utũudobori? ¹¹ ¿Nasirirã mũsã yũ wererire pẽmasĩberi? Yũ: “Fariseo bumarã, saduceo bumarã pã wemasãrĩ morẽrĩrẽ õãrõ pẽmasĩka!” ãrĩgũ, pãrẽ ãrĩgũ meta iriabũ, ãrĩmi.

¹² ĩgũ irasũ ãrĩmakũ pãrã, gũa pẽmasĩbũ. Pã wemasãrĩ morẽrĩrẽ ãrĩgũ meta irimi. Fariseo bumarã, saduceo bumarã ãrĩgatori merã bueri gapũre: “Õãrõ pẽmasĩka!” ãrĩgũ irimi.

Pedro Jesũre: “Mũ Cristo ããrã”, ãrĩ weredea
(Mr 8.27-30; Lc 9.18-21)

¹³ Pũũ Jesũs Cesarea Filipino wãĩkũri makã pũrogue waami. Irogue eja, gũare ĩgũ buerãrẽ sãrẽñami:

—Masaka yũre ããrĩpererã tĩgũrẽ, ¿naásũ ãrĩ gũñarĩ? ãrĩmi.

¹⁴ Gũa ĩgũrẽ yũjubũ:

—Surãyeri murẽ: “Juan masakare wãĩyerimasũ ããrĩmi”, ãrĩma. Gajerã: “Elías ããrĩmi”, gajerã: “Jeremías ããrĩmi, o gajigũ Marĩpũya kerere weredupuyurimasũ ããrĩmi”, ãrĩma, ãrĩbũ.

¹⁵ Irasũ ãrĩmakũ, Jesũs gũare sãrẽñami:

—Mũsãkoa yũre, ¿naásũ ãrĩ gũñarĩ? ãrĩmi.

¹⁶ ĩgũ irasũ ãrĩmakũ pãgũ, Simón Pedro ĩgũrẽ ãrĩmi:

—Mũ, Marĩpũ iriudi, Cristo ããrã. Marĩpũ okanĩgũ magũ ããrã mũ, ãrĩmi.

¹⁷ Irasũ āřĩmakũ, Jesús ĩgũrẽ yujumi:

—Simón, Jonás magũ, mũ yũre yujuri, masaka mũrẽ weredea meta āārã. Yũrũ ãmũgasigue āārĩgũ irire mũrẽ masĩmakũ yámi. Irasirigũ mũ usũyari opáa. ¹⁸ Mũrẽ werea. Mũ “Pedro”* wāĩkũa. I ũtāye weka turari wiire iriboderosũ yũ mũ merã yaarãrẽ yũre bũremuturarã āārĩmakũ irigũkoa. Irasirigũ wātĩ ĩgũ turari merã yũre bũremurãrẽ neõ tarinũgābirikumi. ¹⁹ Yũ mũrẽ Marĩrũ ĩgũyarãrẽ doreroguema sawire sĩgũkoa, mũ irogue-marẽ iridoreburire. Irasirigũ mũ Marĩrũ ãmũgasigue āārĩgũ dorerosũta: “I ãmũguere āsũ waabirikõāburo”, āřĩmakũ, irire waabirimakũ irigũkumi. Mũ ĩgũ dorerosũta: “I ãmũguere āsũ waaburo”, āřĩmakũ, irire waamakũ irigũkumi, āřĩmi Jesús.

²⁰ Jesús irasũ ārãdero pũrũ, gũare āřĩmi:

—Gajerã masakare yũre: “Marĩrũ iriudi, Cristo āārĩmi ĩĩ”, āřĩ werebirikõāka! āřĩmi.

Jesús ĩgũ boaburire weredea

(Mr 8.31–9.1; Lc 9.22-27)

²¹ ĩgũ irasũ āřĩrĩnũ merãta Jesús gũare ĩgũ buerãrẽ ĩgũ boaburire werenũgãmi:

—Yũre Jerusalẽgue waaró āārã. Irogue marã: judío masaka mũrã, paía oparã, Moisés gojadeare buerimasã yũre bũro ñerõ tarimakũ irirākuma. Yũre wẽjẽrākuma. ĩgũsã irasirikerepũrũ, urenũ waaró merã Marĩrũ yũre masũgũkumi, āřĩmi.

²² ĩgũ irasũ āřĩmakũ pégũ, Pedro Jesũre yoaweyarogue āĩa, ĩgũrẽ āsũ āřĩmi:

—Yũ Opũ, irire āřĩbirikõāka! Marĩrũ, mũ āřĩrõsũ mũrẽ waamakũ kãmutaburo. Mũ āřĩrõsũ mũrẽ waabirikõāburo, āřĩmi.

²³ ĩgũ irasũ āřĩmakũ pégũ, Jesús gãmenũgã, ĩgũrẽ āsũ āřĩmi:

—Satanás, yũ pũrore wirika! Mũ, Marĩrũ yũre dorerire iribirimakũ iridũagũ yáa. Marĩrũ gãamerĩrẽ gũñabea. Masaka gũñarõsũ gũñáa mũ, āřĩmi.

²⁴ ĩgũ irasũ āřĩ odo, gũare āřĩmi:

—Sugũ yũre tũyadũagũ ĩgũ iridũarire piriburo. Irasirigũ yũre tũyadũari waja curusague pábiatú wẽjẽsũbu irirosũ āārĩkeregũ, neõ piriro marĩrõ yũre tũyanĩkõāburo.

²⁵ Sugũ i ãmũgue ĩgũya okari direta maĩgũ peamegue béosũgũkumi. Gajigũ gapũ yũre tũyari waja gajerã ĩgũrẽ wẽjẽkerepũrũ, Marĩrũ pũrogue ĩgũ merã usũyari bokagũkumi.

²⁶ Sugũ masakũ i ãmũmarẽ āārĩpereri opakeregũ, ĩgũ boari pũrũ waaburi gapũre gũñabiri waja peamegue waagũ, õārĩrẽ neõ wajatabirikumi. Irasirigũ i ãmũgue opari direta gũñagũ, ĩgũ boadero pũrũ, peamegue béosũgũkumi. Irogue ĩgũ wiridũagũ i ãmũgue opari merã neõ wajarimasĩbirikumi. ²⁷ Yũ āārĩpererã tĩgũ, Yũrũ gosewasiriri merã, ĩgũrẽ wereboerã merã i ãmũguere dupaturi aarigũ, āārĩpererã masakare ĩgũsã irideakũ keoro wajarigũkoa. ²⁸ Diayeta werea yũ. Surãyeri mũsã õõguere āārĩrã mũsã boaburo dupuyuro yũ āārĩpererã tĩgũ, Opũ ñajãmakũ ĩārãkoa, āřĩmi Jesús.

17

Jesús ĩgũ deyori gorawayudea

(Mr 9.2-13; Lc 9.28-36)

¹ Su mojõma pere gaji mojõ suru pẽrẽbejarinũrĩ pũrũ, Jesús Pedrore, Santiagore, ĩgũ pagũmũ Juãrẽ ãmarĩ buúrũgue siiu mũrĩãmi. ² Iri buúru wekague ĩgũsã mũrĩjadero pũrũ, ĩgũsã ĩũrõ ĩgũ deyori gorawayuakõāyupũ. ĩgũ diapu abe ãmũmũ irirosũ gosewasiriyuro. ĩgũya surĩro goseriñe, õārõ borero waayuro. ³ Irasũ waaripoeta iripoegue marã Moisés, Elías Jesús merã weretamunĩmakũ ĩãñurã. ⁴ ĩgũsãrẽ ĩãgũ, Pedro Jesũre āřĩyupũ:

—Gũa Opũ, marĩ õõ āārĩmakũ õataridũáa. Mũ gããmemakũ, õõguere urre wiigã irigũra. Mũya wii, Moiséya wii, Elíaya wii irigũra, āřĩyupũ.

* 16:18 “Pedro”, āřĩrõ: “ũtāye”, āřĩdũaro yáa.

⁵ Īgũ irasũ ārĩ wereníripoe, òãrõ gosewasiriri mikāyebo ĩgũsārē túbiakõāyuro. Iri yebo poekague Marĩpũ āsũ ārĩ werenímakũ péñurā:

—Īĩ yũ magũ, yũ maĩgũ āārĩmi. Īgũ merā bũro usuyáa. Òãrõ péka ĩgũrē! ārĩyupũ.

⁶ Irasũ ārĩmakũ pérā, Jesús buerā bũro gũiri merā, ejamejā, ĩgũsāya diapurire yebague moomejākõāñurā. ⁷ Īgũsā irasirimakũ ĩāgũ, Jesús ĩgũsā pũro waa, ĩgũsārē moaña:

—Wāgānugāka! Gũibirikõāka! ārĩyupũ.

⁸ Īgũ irasũ ārĩmakũ ĩũrā, gajerārē ĩābiriñurā. Jesús direta ĩāñurā.

⁹ Pũru buúrugue āārānerā dijariñurā. Irogue dijariḡũ Jesús ĩgũsārē turaro merā ārĩyupũ:
—Dapora mũsā ĩādeare gajerārē werebirikõāka! Yũ āārĩpererā tĩḡũ boa, masādero pũrugue irire wereka! ārĩyupũ.

¹⁰ Īgũ irasũ ārĩmakũ, ĩgũ buerā ĩgũrē sērēñañurā:

—¿Nasirirā Moisés gojadeare buerimasā: “Cristo, Marĩpũ iriubu aariburo dupuyuro Elías aaripũroriḡukumi”, ārĩrĩ? ārĩ sērēñañurā.

¹¹ Jesús ĩgũsārē yũjũyupũ:

—Mũsā ārĩrõsũta Elías aaripũroriḡukumi āārĩpererire āmuyubu. ¹² Yũ ḡapũ āsũ ārĩ wereḡura mũsārē. Elías ejasiami. Īgũ ejakererũ, masaka ĩgũrē ĩāmasĩbirima. Irasirirā ĩgũsā ḡāamerõ iridũarire ĩgũrē ñerõ irima. Īgũrē iriderosũta yũ āārĩpererā tĩḡũrē ñerõ irirākuma, ārĩyupũ.

¹³ Īgũ irasũ ārĩmakũ pérāgue, pémasĩñurā. “Īgũ: ‘Elías ejasiami’, ārĩḡũ, Juan masakare wāiyedire ārĩḡũ yámi”, ārĩ masĩñurā pama.

Jesús ñamasĩrĩrĩ opagũre taudea
(Mr 9.14-29; Lc 9.37-43)

¹⁴ Pũru ĩgũsā buúrugue āārānerā wārā masaka pũro dijajama. Īgũsā dijajamakũ ĩāgũ, sugũ masakũ aari, Jesús pũro ñadũkupuri merā ejamejā, ĩgũrē ārĩmi:

¹⁵ —Yũ Opũ, yũ magũrē bopoñaka! Īgũ ñamasĩrĩrĩ opagũ āārĩmi. Bũro ñerõ tarinami. Irasirigũ peamegue meémejāma, diaguedere meébianokõāmi. ¹⁶ Irasirigũ ĩgũrē mũ buerā pũrogue āĩjadabũ. Īgũsā ĩgũrē taumasĩbirama, ārĩmi.

¹⁷ Īgũ irasũ ārĩmakũ péḡũ, Jesús yũjũmi:

—Mũsā dapora marā, yũre bũremurĩ opamerā, diayemarē neõ pémasĩmerā āārā. ¿Noópā yoaripoe mũsā merā āārĩḡukuri? ¿Noópā yoaripoe mũsā yũre bũremubirire ḡũñaturagũkuri? Majĩḡũrē õõ ḡapũ āirika! ārĩmi.

¹⁸ Īgũrē āĩjamakũ, Jesús wātĩ majĩḡũguere āārĩḡũrē: “Wirika ĩgũrē!” ārĩmi. Jesús ĩgũrē béowiumakũta, majĩḡũ tariakõāmi.

¹⁹ Pũru ḡua Jesús buerā gajerā péberogue ĩgũrē sērēñabũ:

—¿Nasirirā ḡua ḡapũ wātĩrē béowiumasĩbirayuri? ārĩbũ.

²⁰ Jesús yũjũmi:

—Mũsā Marĩpũre mérõḡā bũremurĩ opasĩā, ĩgũrē béowiumasĩbirabũ. Diayeta mũsārē werea. Mũsā bũremurĩ opari mostaza wāĩkuri yegāpā irirosũ āārĩkererũ, i buúrure: “Sõõgue waaburo”, ārĩ masĩboko. Mũsā irasũ ārĩmakũ, i buúru mũsā dorerosũta waaboko. Marĩpũre bũremurĩ oparā āārĩpererire irimasĩa. ²¹ Īno wātĩrē béowiudũarā, bereri merā Marĩpũre bũro sērērõ ḡāamea, ārĩmi.

Jesús ĩḡũ boaburire werenemodea
(Mr 9.30-32; Lc 9.43-45)

²² Pũru Galilea nikũgue ḡua waagorenabũ. Irogue Jesús ḡuare ārĩmi:

—Masaka yũre āārĩpererā tĩḡũrē ñeā, gajerāguere wiarākuma. ²³ Īgũsā yũre wějērākuma. Yũre wějēadero pũru, urenũ waaró merā Marĩpũ yũre masũḡukumi, ārĩmi. “Yũre wějērākuma”, ārĩmakũ pérā, ḡua bũro bujawerebũ.

Marĩpũya wiima ããrĩburire niyeru wajasearire sêrêñadea

²⁴ Pũũ gũa Jesús merã Capernaugue waabũ. Irogue ejadero pũũ, Marĩpũya wiima ããrĩburire niyeru wajaseabosarimasã Pedro pũro eja, ĩgũrê sêrêñama:

—¿Mũsãrê buegũ Marĩpũya wiima ããrĩburire niyeru wajariri? ãrĩma.

²⁵ Pedro ĩgũsãrê yũjũmi:

—Wajarimi, ãrĩmi.

Pũũ Pedro wiigũe ñajãa, Jesũre sêrêñaburipoeta Jesús gapũ ĩgũrê sêrêñapũrorimi:

—Simón, ¿naásũ gũñarĩ mu? I ãmũ marã oparã masakare niyeru wajaseadũarã, ¿noã gapũre wajaseakuri? ¿ĩgũsãyarãrê, o gajero marã ĩgũsãya nikũgue ejanerã gapũre wajaseakuri? ãrĩmi.

²⁶ —Gajero marã gapũre wajaseakuma, ãrĩ yũjũmi Pedro.

ĩgũ irasũ ãrĩmakũ, Jesús ãrĩmi:

—Irasirigũ sugũ opũ ĩgũyarãrê wajaseabirikumi. ²⁷ Marĩpũyarã marĩ ããrĩkererã, Marĩpũya wiima ããrĩburire niyeru wajaseabosarãrê marĩ merã guamakũ iribirikoa. Irasirirã wajarirãkoa. Wejerida ãĩ, ditarugue waaĩ wêjêgũ waaka! Baapũrorigũre túwea ãĩka! ĩgũya disigue niyeru tire bokagũkoa. Pũũ iriti merã marĩ pêrãyare Marĩpũya wiima ããrĩburire wajarigũ waaka! ãrĩmi.

18

Jesús sugũ gajerã nemorõ ããrĩgũyamarê weredea
(Mr 9.33-37; Lc 9.46-48)

¹ Iripoere gũa Jesús buerã ĩgũ pũro eja, sêrêñabu:

—Ūmũgasigue Marĩpũ ĩgũyarãrê dorerogũere, ¿noã gũa watopere ããrĩpererã nemorõ ããrĩgũkuri? ãrĩbũ.

² Gũa irasũ ãrĩmakũ, Jesús majĩgũrê siiu, ĩgũrê gũa watopegue ãĩnú, ãrĩmi:

³ —Diyeta mũsãrê werea. “Majĩgũ irirosũ ããrã, gajerã nemorõ ããrĩbea”, ãrĩ gũñaka! Mũsã: “Gajerã nemorõ ããrã”, ãrĩ gũñarĩrê gorawayumerã, ãmũgasigue Marĩpũ ĩgũyarãrê dorerogũere neõ waabirikoa. ⁴ Sugũ ĩgũ basi: “Yũ ubu ããrĩgũ, majĩgũ irirosũ ããrã”, ãrĩ gũñagũ, Marĩpũ ãmũgasigue ããrĩgũ ĩũrõ gajerã nemorõ ããrĩmi. ⁵ Sugũ yaagũre, ĩĩ majĩgũ irirosũ ããrĩgũrê õãrõ bokatĩrĩñeãgũ yũdere bokatĩrĩñeãmi.

Gajerãrê ñerõ irimakũ iribirikõãka! ãrĩ weredea
(Mr 9.42-48; Lc 17.1-2)

⁶ ‘Sugũ yũre bũremurãrê ĩĩ majĩgũ irirosũ ããrĩrãrê ñerõ irimakũ irigũno, bũro wajamoãũgũkumi. Irasiriro ĩgũ gajerãrê ñerõ irimakũ iriburi dupuyuro masaka ĩgũrê wãriye ũtãye merã wũnugũgue siasiu, wãdiyague meéyomakũ õãboko. ⁷ I ãmũguere masakare ñerõ irimakũ iriri ããrã. Irasirirã ñerõ tarima. I ĩgũsãrê ñerõ irimakũ iriri ããrĩnikõãrokoa. Gajerãrê ñerõ irimakũ irigũno gapũ ñetariro tarigũkumi.

⁸ ‘Irasirirã mũsãya mojõ, o gubu merã ñerõ irirã, iri mojõrê, o iri gubure ditiã béorosũ iri ñerõ iririre pirika! Su mojõ, o su gubu opakereã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgũsã pe mojõ, o pe gubu opakereã, peamegue waamakũ ñetarirokoa. ⁹ Mũsãya koyeru merã ĩã, ñerõ irirã, iririre goreweabéorosũ iri ñerõ iririre pirika! Su koyeru opakereã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgũsã pe koyeru opakereã, peamegue waamakũ ñetarirokoa.

Jesús oveja dediridi keori merã buedea
(Lc 15.3-7)

10 'Neõ sugu ñisã majĩrãrẽ ubu ñãbéobirikõãka! Musãrẽ werea. Ñmugasigue Yũpũre wereboerã ñgũsãrẽ korerã ñgũ merã ñãrĩnĩkõãma, ñgũsãrẽ ñgũ iritamudorerire irimurã.
11 Yũ ñãrĩpererã ñgũ dediribonerãrẽ taugũ aarigũ iribũ.

12 'Yũ wererire, ¿naásũ gũñarĩ? Ovejare korerimasũ cien oveja opagu, sugu oveja dedirimakũ ñãgũ, gajerã noventa y nueve ovejare makã tũro ñgũsã baarogue duripĩkõã, dediriadire ñmagũ waakumi. 13 Diayeta musãrẽ werea. Ñgũrẽ bokagu, gajerã noventa y nueve dediribiranerã nemorõ ñgũrẽ usuyakumi. 14 Ñsũta Marĩpu ñmugasigue ñãrĩgũ ñisã majĩrã irirosũ ñãrĩrãrẽ dedirimakũ gããmebemi, ñrĩmi Jesús.

*“Muyagu murẽ ñerõ irimakũ ñsũ irika!” ñrĩdea
(Lc 17.3)*

15 Irasũ ñrĩ odo, ñsũ ñrĩ werenemomi:

—Muyagu murẽ ñerõ irimakũ, gajerã péberogue ñgũ merã irire werenĩka! Ñgũ irire õãrõ merã ñmuduagu: “Murẽ ñerõ iribũ! Kãtika yũ irideare!” ñrĩmakũ, musã dupaturi usuyari merã gãme wapikũrãkoa. 16 Ñgũ irire ñmuduabirimakũ, sugu o pẽrãrẽ siiu, dupaturi ñgũ pũro waaka! Ñgũsã péurogue ñgũ murẽ ñerõ irideare wereka! Irasiriro Marĩpũya werenĩrĩ gojadea pũgue doredorosũta pẽrã o urerã iri ñerõ irideare wererire pédero pũru: “Diayeta irasũ waabũ”, ñrĩ masĩrãkuma. 17 Murẽ ñerõ iridi ñgũsã péurogue ñmuduabirimakũ, ñãrĩpererã yũre bũremurã merã nerẽ, ñgũsãrẽ ñgũ ñerõ irideare wereka! Ñgũsã péuroguedere ñmuduabirimakũ ñãrã, ñgũrẽ: “Marĩpũre bũremubi, o romano marã opũre ñegũ niyeru wajaseabosarimasũ irirosũ ñãrĩmi”, ñrĩ ñãka!

18 'Diayeta musãrẽ werea. Musã Marĩpu ñmugasigue ñãrĩgũ dorerosũta: “I ñmũguere ñsũ waabirikõãburo”, ñrĩmakũ, irire waabirimakũ irigũkumi. Musã ñgũ dorerosũta: “I ñmũguere ñsũ waaburo”, ñrĩmakũ, irire waamakũ irigũkumi.

19 'Gajidere musãrẽ werea. Musã pẽrã sũrosũ gũñarĩ merã: “Ñsũ Marĩpũre sẽrẽrã!” ñrĩmakũ, Yũpu ñmugasigue ñãrĩgũ musã sẽrẽrõsũta irigũkumi. 20 Pẽrã, o urerã yũre bũremurã nerẽmakũ, yũde ñgũsã watopegue ñãrã, ñrĩmi Jesús.

21 Irasũ ñrĩmakũ pégu, Pedro Jesús pũro ejanugã, ñsũ ñrĩ sẽrẽñami ñgũrẽ:

—Yũ Opũ, ¿diĩkũgora yaagu yũre ñgũ ñerõ irimakũ kãtigukuri? ¿Su mojõma pere gaji mojõ peru pẽrẽbejarigora ñgũ yũre ñerõ irimakũ kãtigukuri? ñrĩmi.

22 Jesús ñgũrẽ yũjumi:

—“Su mojõma pere gaji mojõ peru pẽrẽbejarigora ñgũ yũre ñerõ irimakũ kãtigukoa”, ñrĩbirikõãka! Ñgũ ñerõ irinarikũ kãtika! ñrĩmi.

Jesús sugu moãboerimasũ ñgũ merãmũ ñerõ irideare kãtidũabi keori merã buedea

23 Irasũ ñrĩ odo, keori merã buemi gũare Jesús:

—Irasiriro Marĩpu ñmugasigue ñãrĩgũ ñgũyarãrẽ doreri ñsũ ñãrã. Sugu opũ ñgũrẽ moãboerimasãrẽ ñgũsã ñgũrẽ wajamorĩrẽ wajaridorekumi. 24 Ñgũsã ñgũrẽ wajamorĩrẽ ñmunũgãripoe gajerã ñgũyarã sugu wãro wajamogũrẽ ñgũ pũro ñãakuma. 25 Ñgũ wajamorĩrẽ wajarimasĩbirimakũ ñãgũ, ñgũ opũ ñgũyarãrẽ: “Ñgũrẽ, ñgũ marãpore, ñgũ pũrãrẽ ñgũ opari ñãrĩpereri merã gajerãguere duarã waaka!” ñrĩkumi. “Irasirigu ñgũsãrẽ duari waja merã ñgũ yũre wajamorĩrẽ wajarigũkumi”, ñrĩkumi.

26 'Irasũ ñrĩmakũ pégu, wãro wajamogũ gapũ ñadũkũpuri merã ejamejã, ñgũ opũre bũro sẽrẽkumi: “Yũ opũ, gũare gajerãguere duabirikõãka! Yũka dapa! Bopoñaka yũre! Murẽ yũ wajamorĩ ñãrĩpererire wajaripeokõãgũkoa”, ñrĩkumi.

27 'Irasũ ñrĩmakũ pégu, ñgũrẽ bopoñarĩ merã ñã, ñgũrẽ wiukumi. “Ñgũ wajamodea pereakõãã”, ñrĩ, irire kãtipeokõãkumi. 28 Ñgũ irasiriadero pũru, wãro wajamodi waa, gajigu ñgũ merãmũ ñgũ opũre moãboerimasũrẽ bokajakumi. Ñgũ merãmũ gapũ ñgũrẽ mérõgã

wajamokumi. Īgūrē bokajagu, mata Īgūya wánugūrē buro ñeã: “Murĩgora, yure mu wajamorĩrē wajaripurumuka!” ārĩkumi.

²⁹ Īgū irasū ārĩmakū, Īgū merāmu gapu ñadukupuri merā ejamejā, Īgūrē buro sērēkumi: “Yúka dapa! Bopoñaka yure! Murē yu wajamorĩ āārĩpererire wajaripeokōāgukoa”, ārĩkumi. ³⁰ Īgū buro sērēmakū pékeregū, Īgūrē yujubirikumi. Irasirigu Īgūrē peresugue iridorekumi. “Yure Īgū wajamorĩrē wajaripeomakūgue wiuka!” ārĩkumi.

³¹ Wáro wajamodi Īgūrē mérōgā wajamogūrē irasirimakū ĩārā, gajerā moāboerimasā buro bujawereri merā Īgū iriadea āārĩpererire Īgūsā opure wererā waakuma. ³² Irire pégu, Īgūsā opu wáro wajamodire siu, āsū ārĩkumi: “Mu ñetaria. Mu yure buro sērēmakū, mu yure wajamodeare kātipeokōābu. ³³ Yu irasirikerepuru, mu gapu mu merāmūrē Īgū mūrē mérōgā wajamodeare kātibirayuro. Mu yure wajamodeare yu kātiderosūta Īgū mūrē wajamodeadere mu kātimakū oātariboakuyo. ¿Nasirigu Īgūrē bopoñabirari mu?” ārĩkumi.

³⁴ Irasū ārĩ odo, Īgū merā buro guagu, Īgūrē peresu irikumi buro wajamoādogu. Īgū wajamorĩrē wajaripeobi neō wiribirikumi, ārĩ weremi Jesús.

³⁵ Puru āsū ārĩnemomi:

—Yuru umugasigue āārĩgū musārē irasūta wajamoāgukumi, musāyarā Īgūsā musārē ñerō irideare musā oārō merā kātibirimakū, ārĩmi.

19

Jesús masakare: “Musā marāposā nomerē béobirikōāka!” ārĩ buedea (Mr 10.1-12; Lc 16.18)

¹ Jesús irire wereadero puru, Galilea nikūgue āārādi gua Īgū buerā merā Judea nikūgue waa, dia Jordán wāikūdiya gaji koepugue waami. ² Irogue waamakū ĩārā, wārā masaka Īgūrē tuyama. Irasirigu irogue pūrĩrikurārē taumi.

³ Irasirimakū ĩārā, surāyeri fariseo bumarā Jesús puro eja, Īgūrē ñerĩ Īgū werenĩmakū iriduarā, sērēñama:

—¿Sugu masakū Īgū gāāmerō Īgū marāpore béomakū, marĩ doreri āārĩkuri? ārĩma.

⁴ Jesús Īgūsārē yujumi.

—¿Marĩpuya werenĩrĩ gojadea pūrē buebiriri musā? Āsū ārĩ gojasūdero āārĩbú: “Neōgoraguere Marĩpu i umūrē irigu, umúu, nomeō iridi āārĩmĩ”, ārĩ gojasūdero āārĩbú.

⁵ Āsū ārĩ gojanemosūdero āārĩbú doja: “Sugu umúu Īgū pagusāmarārē wiri, Īgū marāpo merā āārĩgukumi. Irasirirā Īgūsā pērā āārĩkererā, Marĩpu ĩūrō su duputa irirosū āārĩrākuma”, ārĩ gojasūdero āārĩbú. ⁶ Irasirirā pērā irirosū āārĩbema. Su duputa irirosū āārĩma. Marĩpu Īgūsārē su duputa irirosū āārĩmakū iridero puru, gajigu Īgūsārē gāme béomakū iribirikōārō gāamea, ārĩmi Jesús.

⁷ Īgū irasū ārĩmakū pērā, fariseo bumarā sērēñama doja:

—Mu irasū ārĩkerepuru, Moisés gapu āsū ārĩ gojadi āārĩmĩ: “Sugu Īgū marāpore béodugū: ‘I waja merā mūrē béoa’, ārĩ gojari pūrē sīrō gāamea”, ārĩ gojadi āārĩmĩ. ¿Nasirigu irasū ārĩ gojayuri? ārĩma.

⁸ Jesús Īgūsārē yujumi:

—Musā ñekūsāmarā Marĩpu dorerire iridubirimakū ĩāgū: “Musā marāposā nomerē béomasīa”, ārĩ gojadi āārĩmĩ Moisés. Īgū irasū ārĩ gojakerepuru, neōgoragueta Marĩpu musā marāposā nomerē béomakū gāamebiridi āārĩmĩ. ⁹ Musārē werea. Sugo marāpukugo gajigu merā ñerō iribirikerepuru, igo marāpu gapu igoire béo, gajegore marāpokugū, igo merā ñerō irigu yāmi. Gajigu béodeore marāpokugude igo merā ñerō irigu yāmi, ārĩmi.

¹⁰ Īgū irasū ārĩmakū pērā, gua Īgū buerā ārĩbu:

—Īgūsā marāposā nomerē béo, gajego merā āārĩmakū oābea. Irasirirā marāpo marĩmakū oābokoa, ārĩbu.

¹¹ Jesús guare yujumi:

—Āārīpererā masaka marāpo, o marāpu marīrāta āārībokatīūbirikumama. Marīpu marāpokudorebirinerā, o marāpu kudorebirinerā dita bokatīūmasīma. ¹² Surāyeri ūma marāpokumasībema. Īgūsā watopegue surāyeri ūma deyoarāgueta poyarimasā āārīnerā nomerē marāpokumasībema. Masaka gajerā ūmarē marāpokumasībirimakū yāma. Gajerā ūma, Marīpu ūmugasigue āārīgū ĩgūyarārē doreguya direta iriduarā marāpokubema. Irasirirā marāpo, o marāpu marīrā āārībokatīūduarā, āsūta āārīnīkōāburo, ārīmi Jesús.

Jesús majīrāya āārīburire Marīpure sērēbosadea
(Mr 10.13-16; Lc 18.15-17)

¹³ Puru masaka majīrārē Jesús puro āijama, ĩgūsārē űapeo, Marīpure ĩgūsāya āārīburire sērēbosadorerā. Īgūsā āijamakū ĩārā, gua ĩgū buerā ĩgūsārē bokatīrī: “Īgūrē garibobirikōāka!” ārību. ¹⁴ Jesús gapu guare ārīmi:

—Majīrā yu purogue aariburo. Kāmutabirikōāka ĩgūsārē! Ūmugasigue Marīpu ĩgūyarārē dorerogue āārīmurā, ĩsā majīrā yare usuyari merā bokatīrīñeārā irirosū āārīma, ārīmi.

¹⁵ Irasirigu majīrārē űapeo, Marīpure ĩgūsāya āārīburire sērēbosa odo, gajerogue waakōāmi doja.

Sugu maamu wāri doebiri opagu Jesús merā werenīdea
(Mr 10.17-31; Lc 18.18-30)

¹⁶ Puru sugu maamu Jesús purogue eja, ĩgūrē sērēñami:

—Ōāgū buegu, yu ūmugasigue perebiri okari opaduagu, ĳñeéno ōārīrē irigukuri? ārīmi.

¹⁷ Jesús ĩgūrē ārīmi:

—ĳNasirigu yare: “Ōāgū āārā”, ārīrī? Marīpu suguta ōāgū āārīmi. Mu ūmugasigue perebiri okari opaduagu, Marīpu dorerire irika! ārīmi.

¹⁸ ĩgū irasū ārīmakū pégu, maamu āsū ārī sērēñami doja:

—ĳDíi gapure irigukuri? ārīmi.

Jesús ĩgūrē yujumi:

—Masakare wējēbirikōāka! Gajigu marāpo merā űerō iribirikōāka! Yajabirikōāka! Gajerāyamarē ārīgatorī merā werebirikōāka! ¹⁹ Mupu, mupore goepeyari merā buremuka! Mu basi maīrōsūta mu puro āārīrārē maīka! ārīmi.

²⁰ ĩgū irasū ārīmakū, maamu Jesúsre ārīmi doja:

—Iri doreri āārīpererire majīgūgueta neō tarinugābiribu yu. ĳÑeéno dūyari, yare yu irinemoburi? ārīmi.

²¹ Jesús ĩgūrē ārīmi:

—Mu, Marīpu ĩūrō ĩgū dorerire iripeodagu, mu oparire duagu waaka! Mu duadea wajare boporārē sīka! Irasirigu ūmugasiguere wāri ōārī opagukoa. Irasiri odo, yu merā aarika! ārīmi.

²² ĩgū irasū ārīmakū pégu, maamu ĩgū wāri oparire maīsīā, buro bujawereri merā waakōāmi.

²³ ĩgū bujawereri merā waamakū ĩāgū, Jesús guare ĩgū buerārē ārīmi:

—Diayeta musārē werea. Wāri doebiri oparārē Marīpu ūmugasigue āārīgū ĩgūyarārē doreroguere waamakū diasagorāa. ²⁴ Musārē dupaturi werea. Camellu awiru gobegārē űajātariweremasībirikumi. I nemorō wāri doebiri opagure Marīpu ĩgūyarārē doreroguere waamakū diasāa, ārīmi.

²⁵ ĩgū irasū ārīmakū pérā, gua ĩgū buerā péguka, āsū ārī gāme sērēñabu:

—Iro merē, ĳnoā gapu Marīpu tausūmurā ĩgū purogue waamurā āārībokuri? ārību.

²⁶ Jesús guare ĩā, ārīmi:

—Masaka ĩgūsā basi ĩgūsā iriri merā Marīpu purogue waamasībema. Marīpu dita masakare ĩgū puro āārīmurā waamakū irimasīmi. Āārīpererire irimasīmi, ārīmi.

²⁷ ĩgū irasū ārīmakū pégu, Pedro ĩgūrē ārīmi:

—Gua Opu, gua murē tayarā, āārīpereri gua opadeare pípeokōābu. Irasirirā gua gapu, ¿ñeéonorē oparākuri? āīmi.

²⁸ Jesús guare āsū ārī yujumi:

—Diayeta musārē werea. I ūmu peredero puru āārīpereri maama gorawayuripoe yu āārīpererā tīgū ūmugasi gosewasirogue Opu doarogue doagukoa. Yu iro doamakū, musāde yure tayarā, pe mojōma pere su gubu peru pērēbejari oparā doarigue doarākoa. Irasirirā musā Israel bumarārē pe mojōma pere su gubu peru pērēbejari buri marārē dorerākoa. ²⁹ Yu merā waarā, ĩgūsāya wiirire, ĩgūsā pagupūrārē, pagusamarārē, pūrārē, ĩgūsāya pooerire pípeorā, wāri oārī wajatarākuma. ĩgūsā iro dupuyuro opaderosū cien nemorō opanemorākuma. Irasū āārīmakū Marīpu merā perebiri okari oparākuma. ³⁰ Wārā daporare oparā āārīrā, purugueru ubu āārīrā dujarākuma. Wārā daporare ubu āārīrā gapu, purugueru oparā āārīrākuma, ārī weremi Jesús guare ĩgū buerārē.

20

Jesús igui pooe moārā keori merā buedea

¹ Irasirigu dupaturi Jesús keori merā buemi doja:

—Marīpu ūmugasigue āārīgū ĩgūyarārē doreri āsū āārā. Sugū igui pooe opu boyo-
dujimejāripoe ĩgūya pooere moāmurārē siiugū waakumi. Āsū ārīkumi: ² “Sunu moārī
waja suti niyeru ti wajarigura”, ārīkumi ĩgūsārē. Puru ĩgūsārē ĩgūya poogue moādoregu
iriukumi. ³ Puru goeripoe dupuyuro nueve hora āārīmakū, makā dekogue waa, gajerā
moārī opamerārē bokajakumi. ⁴ ĩgūsārē bokaja, ārīkumi: “Musāde yaa pooere moārā
waaka! Keoro wajarigura”, ārīkumi. Irasirirā ĩgūya poogue moārā waakuma. ⁵ Puru
pooe opu goeripoe āārīmakū, ñamika tres hora āārīmakūdere gajerārē moādorekumi doja.
⁶ Puru ñamikague cinco hora āārīmakū, makā dekogue waakumi doja. Irogue eja,
gajerā moārī opamerārē bokaja, ĩgūsārē sērēñakumi: “¿Nasirirā dapagārē moābirikererā
doaneākōārī musā?” ārīkumi. ⁷ “Neō sugū guare: ‘Moārā waaka!’ ārībirami”, ārī
yujakuma. Irasirigu pooe opu ĩgūsārē: “Musāde yaa pooere moārā waaka! Keoro
wajarigura”, ārīkumi. Irasirirā ĩgūsāde ĩgūya pooere moārā waakuma.

⁸ ‘Abe ñajāripoegue āārīmakū, pooe opu ĩgūya pooere siiu moāgūrē āsū ārīkumi:
“Moārārē siiu, moārā ejatūnunerārē wajaripurori, ĩgūsā ejaburi dupuyuro ejanerārē
wajari odo, ejapurorianerārē wajaritūnuka!” ārīkumi. ⁹ Irasirigu, cinco hora āārīmakū
moānugānerārē sunu moārī wajataropā suti niyeru ti wajarikumi. ¹⁰ ĩgū irasū wajari-
makū ĩārā, moāpurorianerā: “Gua gapure ĩgūsā nemorō wajarigukumi”, ārī gūñadikuma.
ĩgūsādere surosūta wajarikōākumi. ¹¹ Irasū wajarimakū ĩārā, pooe opu merā gua, ĩgūrē
ārīkuma: ¹² “Īsā gua purugue ejanerā gapu su horata moāama. Gua gapu sunu oārō
moāneākōābu. Buro abe asiripoe moābu. Gua irasū moāneākerepuru, surosū wajarikōābu
mu”, ārīkuma. ¹³ ĩgūsā irasū ārīmakū pégu, pooe opu gapu sugū ĩgūsā watope āārīgūrē
ārīkumi: “Yu merāmu, yu murē ñerō irigu meta yāa. Yu murē: ‘Suti niyeru ti wajarigura’,
ārīmakū pégu: ‘Jáu’, ārābu mu. Irasirigu yu ārāderosūta murē keoro wajariabu. ¹⁴ Irasirigu
yu wajariadeare āi, waakōāka! Īrē mu purugue ejadidere murē wajariaderopāta wa-
jarigura. ¹⁵ I yaa niyeru āārā. Irasirigu yu gāāmerō wajarimasīa. Gajerārē yu oārō sīmakū
īāgū, ¿yure ĩaturiri mu?” ārīkumi pooe opu.

¹⁶ ‘I keori ārīrōsūta Marīpu ĩgūyarā āārīpurorinerārē, ĩgūsā puru ĩgūyarā āārīrādere
surosū oārīrē sīgukumi, ārī weremi Jesús guare.

Dupaturi Jesús ĩgū boaburire weredea

(Mr 10.32-34; Lc 18.31-34)

¹⁷ Jesús Jerusalén waarī maague waagū, guare pe mojōma pere su gubu peru pērēbejarā
ĩgū buerārē gajerā péberogue siiuwāgā, ārīmi:

18—Ōārō péka! Marĩ Jerusalégue waarã yáa. Irogue yu ããrĩpererã tĩgũ, paía oparãguere, irasũ ããrĩmakũ Moisés gojadea buerimasãguere wiasũgukoa. Īgũsã yure: “Boaburo”, ãrĩrãkuma. 19 Irasirirã judío masaka ããrĩmerãguere yure wiarãkuma. Īgũsã yure burida, tãrã, curusague pábiatú wějērãkuma. Īgũsã yure wějēadero pꝛꝛꝛ, ureꝛꝛ waaró merã masãgukoa, ãrĩmi Jesús.

Santiago, Juan pago Jesúre sērēdea
(Mr 10.35-45)

20 Pꝛꝛꝛ Zebedeo marãpo igo pũrã Santiago, Juan merã Jesús pꝛogoue eja, ĩgũrē sērēbo ñadukꝛꝛpuri merã ejamejãmo.

21 Igo irasirimakũ, Jesús igore sērēñami:

—¿Ñeénorē gããmerĩ mu? ãrĩmi.

Igo ĩgũrē yujũmo:

—Mu, Opꝛ ꝛajãgũ, ĩsã yu pũrã pērãrē mu merã doremurã sóoka! Sugure mu diaye gapꝛ, gajigure kúgapꝛ doadoreka! ãrĩmo Jesúre.

22 Igo irasũ ãrĩmakũ pégu, Jesús igo pũrãrē ãrĩmi:

—Musã yure sērērĩrē pemasĩbea. Yu burõ ñerõ tarigukoa. ¿Yu ñerõ tarirosũ musãde ñerõ tarirã, bokatiũrãkuri? ãrĩmi.

Īgũsã yujũma:

—Bokatĩũkõãrãkkoa, ãrĩma.

23 Jesús ĩgũsãrē ãrĩmi:

—Diayeta ããrã. Yu irirosũ musãde ñerõ tarirãkkoa. Yu gapꝛ musãrē yu diaye, kúgapꝛ doamurãrē beyemasĩbea. Yurꝛ ãmusiadi ããrĩmĩ irire. Irasirirã ĩgũ beyenerã dita yu diaye, kúgapꝛ doarãkuma, ãrĩmi.

24 Gꝛa pe mojõmarã ĩgũ buerã gapꝛ Santiago, Juan ĩgũsã Jesúre sērērĩrē pérã, ĩgũsã merã guabu. 25 Gꝛa guamakũ ĩãgũ, Jesús ããrĩpererãrē guare siiu neeõ, ãsũ ãrĩ weremi:

—I nikũ marã oparã Marĩpꝛre buremumerã gapꝛ ĩgũsãyarãrē dorerã, turaro merã dorema. Īgũsã doka marãde irasũta dorema. Irire masĩa musã. 26 Musã tamerã ĩgũsã irirosũ iribirikkoa. Musã watopeguere opꝛ ããrĩduagu, musãrē moãboegu irirosũ ããrĩburo.

27 Sugꝛ musã watopegue ããrĩgũ, gajerã nemorõ ããrĩduagu, moãboegu irirosũ ããrĩburo.

28 Yude irasũta ããrã. Yu ããrĩpererã tĩgũ masaka yure iritamuburo, ãrĩgũ meta aaribú. Yu gapꝛ ĩgũsãrē iritamugũ aaribú. Irasirigꝛ wãrã masakare yu boari merã ĩgũsã ñerõ iridea wajare wajaribosagu aarigú iribu, ãrĩmi Jesús guare.

Jesús pērã koye ĩãmerãrē taudea
(Mr 10.46-52; Lc 18.35-43)

29 Pꝛꝛꝛ Jericógue ããrãnerã gꝛa wirimakũ, wãrã masaka Jesúre tꝛyama. 30 Gꝛa waarĩ maa tꝛro, pērã koye ĩãmerã doama. Jesús iro tariwãgãrĩrē péñarã ãsũ ãrĩ gainĩma:

—Gꝛa Opꝛ, David parãmi ããrĩturiagu, guare bopoñaka! ãrĩma.

31 Īgũsã irasũ ãrĩ gainĩmakũ, masaka gapꝛ ĩgũsãrē: “Toeaka!” ãrĩma. Īgũsã irasũ ãrĩkerepꝛꝛ, ĩgũsã gainĩadero nemorõ gainĩnemoma:

—Gꝛa Opꝛ, David parãmi ããrĩturiagu, guare bopoñaka! ãrĩma.

32 Īgũsã irasũ ãrĩmakũ pé, Jesús dujanugãja, ĩgũsãrē siiu, ãsũ ãrĩ sērēñami:

—¿Ñeénorē yu musãrē irimakũ gããmerĩ? ãrĩmi.

33—Gꝛa Opꝛ, guare koye ĩãmakũ irika! ãrĩ yujũma.

34 Īgũsã irasũ ãrĩmakũ, Jesús ĩgũsãrē bopoña, ĩgũsãya koyere moãñami. ĩgũ moãñamakũta, ĩãkõãma. Irasirirã Jesúre tꝛyama.

21

*Jesús Jerusalégue ejadea**(Mr 11.1-11; Lc 19.28-40; Jn 12.12-19)*

¹ Gha Jesús merã Jerusalégue ejaburo dupuyuro Betfagé wãikuri makãgue ejarororibũ. Betfagé, buúru Olivos wãikuri buúru pũro ããrĩbũ. Jesús irogue ejagu, gha merãmarã pẽrãrẽ ² ãsũ ãrĩ iriumi:

—Si makã marĩ bokatĩũrõ ããrĩrĩ makãgue waaka! Irogue ejarã, burra ãgũsã sianúadeore majĩgũ merã bokajarãkoa. ãgũsãrẽ bokajarã, ãgũsã siadeadare kura, ãrĩka! ³ Mũsãrẽ: “¿Nasirimurã ãgũsãrẽ kurari?” ãrĩmakũ pẽrã: “Marĩ Opũ gããmeami. Dapora wiagakumi doja”, ãrĩka! ãrĩ iriumi.

⁴ Ire irasũ irigu, Marĩpũya kerere weredupuyudi gojaderosũta irimi. ãsũ ãrĩ gojadi ããrĩmĩ:

⁵ Jerusalén marãrẽ ãsũ ãrĩ wereka: “Mũsã Sión* marã ããka! Mũsã Opũ mũsã pũrogue mũsãrẽ iritamugũ aarĩmi.

Ubu ããrĩgũ irirosũ burra majĩgũ weka peyawãgãrimi”, ãrĩ gojadi ããrĩmĩ.*

⁶ Irasirirã Jesús iriuanerã iri makãgue waa, ãgũ iridoreaderosũta irĩñurã. ⁷ Burrore, pago merã Jesús pũrogue ãĩjamakũ, gũaya surĩ wekamarẽ túwea, ãgũsã weka peobũ. Gha irasiriadero pũru, Jesús, majĩgũ wekague mũrĩbejami. ⁸ Mũrĩbeja, Jesús Jerusalégue peyawãgãmakũ ããrã, masaka wãrã ãgũsãya weka sãñarĩ surĩre túwea ãĩ, ãgũ waarĩ maarẽ sãõpĩdupuyuma ãgũrẽ buremurã. Irasũ ããrĩmakũ, gajerã yuku dupũri pũrikarire diti ãĩ, maarẽ pĩdupuyuma, ãgũ waarĩ maa õãrĩ maa ããrĩburo, ãrĩrã. ⁹ Irasirirã ãgũ dupuyuro waarã, ãgũ pũru tũyarã ãsũ ãrĩ gainĩma:

—Opũ David parãmi ããrĩturiagure mũsuyari sãrã! ãrĩ Marĩpũ marĩrẽ taugũ iriudi õãrõ aariburo. Marĩpũre: “Õãtaria mũ ããrĩpererã Opũ mũmũgasigue ããrĩgũ”, ãrĩ, mũsuyari sãrã! ãrĩma.

¹⁰ Jesús Jerusalégue ejamakũ, irogue ããrĩrã ããgũkapereakõãma. Wãrã ãgũsã basi ãsũ ãrĩ gãme sãrẽñama:

—¿Noã ããrĩrĩ ãrĩ? ãrĩma.

¹¹ Gajerã masaka yũjũma ãgũsãrẽ:

—ãrĩ Marĩpũya kerere weregu Jesús wãikũgu ããrĩmĩ. Galilea nikũma makã Nazaretmũ ããrĩmĩ, ãrĩma.

*Jesús Marĩpũya wiigue duarãrẽ béowiudea**(Mr 11.15-19; Lc 19.45-48; Jn 2.13-22)*

¹² Pũru Jesús Marĩpũya wiigue ñajãmi. Ñajãa, doebiri duarãrẽ, ãgũsã duarire wãjarirãdere bokajagu, ãgũsãrẽ béowiumi. Niyeru gorawayurimasãya niyeru sãñarĩ kũmarĩrẽ yomeéwiunokõãmi. Bujare dua doanĩrãya doaripẽrĩdere irasũta irimi. ¹³ ãgũsãrẽ ãsũ ãrĩmĩ:

—Marĩpũ ãgũya werenĩrĩ gojadea pũgue ãsũ ãrĩdi ããrĩmĩ: “Yaa wii, yũre buremurã yũre sãrẽrĩ wii ããrã”, ãrĩdi ããrĩmĩ. Mũsã gapũ yajarimasãya wii irirosũ ããrĩmakũ yãa, ãrĩmĩ.

¹⁴ Jesús Marĩpũya wiigue ããrĩripoe koye ããmerã, waamasĩmerãde ãgũ pũrogue ejama. ãgũsã ejamakũ ããgũ, ãgũsãrẽ taumi. ¹⁵ Paia oparã, Moisés gojadeare buerimasã gapũ ãgũ turari merã iri ãmumakũ ããrã, iri wiigue majĩrã ãgũrẽ: “Opũ David parãmi ããrĩturiagu õãtaria mũ”, ãrĩ gainĩmakũ pẽrã, ãgũ merã guama. ¹⁶ Irasirirã Jesũre ãsũ ãrĩma:

—¿ãrĩsã majĩrã ãrĩrĩrẽ pẽri mũ? ãrĩma.

Jesús yũjũmi:

—Péa. ¿Marĩpũya werenĩrĩ gojadea pũrẽ ire buebiriri mũsã? ãsũ ãrĩ gojasũdero ããrĩbũ: Mũ majĩrãrẽ, mirĩrãgãrẽ õãrõ mũsuyari merã mũrẽ bayapeomakũ iribũ, ãrĩ gojasũdero ããrĩbũ, ãrĩmĩ Jesús ãgũsãrẽ.*

* 21:5 Zacarías 9.9: Iripoegue marã Jerusalén wãikuri makãrẽta “Sión” ãrĩnerã ããrĩmã. ☆ 21:5 Zac 9.9 ☆ 21:16 Sal 8.2

17 Irasũ ārĩ odo, ĩgũsārē béowāgā, Betania wāĩkari makāgue waakõāmi. Irogue eja, kārĩmi.

Jesús higuera ģare ñaĩngāmakũ iridea
(Mr 11.12-14, 20-26)

18 Gajĩna boyoripoe Jesús Jerusalēgue goedujāagũ, ũaboakõāmi. 19 Irasũ ũaboagũ, maa turo nídi higuera wāĩkũdire ĩāgũ, irigũ dukare āmagũ waadimi. Duka marĩbu irigũ gapũ. Pũrĩ dita āārĩbũ. Duka marĩmakũ ĩāgũ, Jesús āsũ ārĩmi:

—Igu yukũ neõ dupaturi dukakũbirikoa, ārĩmi.

Īgũ irasũ ārĩrĩ merāta, irigũ ñaĩngākõābũ. 20 Irigũ irasũ waamakũ ĩārā, gũa ĩgũ buerā ĩāgũkakõābũ.

—¿Nasiriro mata irigũ ñaĩakõārĩ? ārĩ sērēñabu Jesúre.

21 Jesús gũare yujũmi:

—Diayeta musārē werea. Musā: “Marĩpu āsũ irimasĩbirikumi”, ārĩ gũñarõ marĩrõ ĩgũrē bũremurā, yũ irigure ñaĩmakũ iriaderosũ musāde irimasĩrākoa. Irigure yũ iriadero nemorõ diasarire irimasĩrākoa. Irasirirā Marĩpũre: “I buúrure dia wādiyague béoka!” ārĩmakũ, musā ārĩrõsũta waarokoa. 22 Musā Marĩpũre bũremurĩ merā sērēmakũ, musā sērērõsũta Marĩpu musārē irigũkumi, ārĩmi Jesús.

Judío masaka oparā Jesúre: “¿Noã mũrē doreri?” ārĩ sērēñadea
(Mr 11.27-33; Lc 20.1-8)

23 Pũrũ Jesús Marĩpũya wiigũe ñajāmi. Īgũ irogue bueripoe paía oparā, gajerā judío masaka mũrā ĩgũ pũrogue waa, ĩgũrē sērēñama:

—¿Noã mũrē doreri, mũ irire irasirimakũ? ¿Noã mũrē: “Āsũ irika!” ārĩrĩ? ārĩma.

24 Jesús ĩgũsārē yujũmi:

—Yũde musārē sērēñagũra. Musā yujũmakũ, yũde musārē yujũgũra. 25 Juan masakare deko merā wāiyemakũ, ¿noã ĩgũrē wāiyedoregũ iriuri, Marĩpu, o masaka? ārĩmi.

Īgũ irasũ ārĩmakũ pérā, ĩgũsā basi āsũ ārĩ gāme werenĩma:

—¿Naásũ ārĩ yujũrākuri marĩ? “Marĩpu Juārē doredi āārĩmĩ”, marĩ ārĩmakũ, Jesús marĩrē: “¿Nasirirā ĩgũ weredeare bũremubiriri musā?” ārĩbokumi. 26 Āārĩpererā masaka: “Juan Marĩpũya kerere weredupuyudi āārĩmĩ”, ārĩ gũñama. Marĩ: “Masaka Juārē wāiyedorenerā āārĩmā”, ārĩmakũ, masaka marĩ merā guabokuma, ārĩma. 27 Irasirirā Jesúre āsũ ārĩ yujũma:

—Juārē wāiyedoredire gũa masĩbea, ārĩma.

Īgũsā irasũ ārĩmakũ, Jesús ĩgũsārē ārĩmi:

—Musā yũre: “¿Noã mũrē irire iridoreri?” ārĩ sērēñadeare yũde musārē yujũbea, ārĩmi.

Jesús sugũ pũrā pũrā keori merā buedea

28 Jesús irasũ ārĩ odo, ĩgũsārē keori merā buemi:

—¿Naásũ ārĩ gũñarĩ, yũ āsũ ārĩ weremakũ pérā? Sugũ pũrā pũrā opakumi. Sugũre āsũ ārĩkumi: “Makũ, igui otedea poogũe moāgũ waaka!” ārĩkumi. 29 “Waabea”, ārĩ yujũkumi. Pũrũ: “Waagũra”, ārĩ gũña, poogũe moāgũ waakumi. 30 Pũrũ ĩgũsā pagũ gajigũ ĩgũ magũ pũro waakumi. Īgũ ārāderosũta ĩgũdere: “Poogũe moāgũ waaka!” ārĩkumi. Īgũ: “Jáu”, ārĩkeregũ, waabirikumi. 31 ¿Nĩ gapũ pagũ dorerire iriyuri? ārĩ sērēñami Jesús.

—Īgũ moādorepũroriadi gapũ iriyurũ, ārĩ yujũma.

Īgũsā irasũ ārĩmakũ, Jesús ārĩmi:

—Musārē diayeta werea. Musā romano marā opũre niyeru wajaseabosarimasārē, ũma merā gāmebira wajatarimasā nomerē: “Ñerā āārĩma”, ārĩkerepũrũ, ĩgũsā gapũ musā nemorõ Marĩpu ĩgũyarārē dorerogũere waarākuma. 32 Juan masakare wāiyedi musārē: “Āsũ irika, Marĩpu dorerire irirā!” ārĩ buegũ aarikerepũrũ, musā ĩgũ buerire neõ

buremubiribũ. Ñĩsã romano marã opũre niyeru wajaseabosarimasã, ũma merã gãmebira wajatarimasã nome gapũ ãgũ buerire pérã, irire buremuma. Ñgũsã irasirimakũ ããkererã, musã gapũ musã ñerõ iririre bujawere, musã gũñarĩrẽ neõ gorawayubiribũ. Ñgũ buerire neõ buremubiribũ, ãrĩmi Jesús.

Jesús ñerã moãrã keori merã buedea

(Mr 12.1-12; Lc 20.9-19)

³³ Jesús dupaturi ãsũ ãrĩ werenemomi:

—Gaji keori merã yũ weremakũ péka doja! Sugũ masakũ ãgũya nikũrẽ pooe opakumi. Iri poore iguidarire otekumi. Ote odo, iri pooe tũrore sãrĩsãkõãkumi. Iro ũtãyegue igui kũrabipiri gobere irikumi. Wii ãmarĩ wiiãgãrẽ irikumi, iri poore korerã õãrõ ãã koreburo, ãrĩãgũ. Irasiri odo, gajerãrẽ iri poore wayukumi. “Yaa oteri dukare deko merã sãrãkoa, yũ musãrẽ iri poore wayuri waja”, ãrĩkumi. Irasũ ãrĩ odo, gajerogue waakõãkumi. ³⁴ Pũrũ igui ñĩripoe ejamakũ, ãgũrẽ moãboerãrẽ ãgũya poore moãrã pũrogue ãgũya oteri dukare deko merã sãrẽdoregũ iriukumi. ³⁵ Iri poore moãrã gapũ ãgũ iriuanerã irogue ejamakũ ããrã, ãgũsãrẽ ñerõ irikuma. Sugũre bũro pá, gajigũre wẽjẽ, gajigũre ũtãyeri merã deakuma. ³⁶ Ñgũsã irasiriadeare pégũ, iri pooe opũ gajerã ãgũrẽ moãboerãrẽ ãgũ iriupũrorianerã nemorõ iriukumi. Ñgũsã ejamakũ ããrã, iri poore moãrã ãgũsãdere irasũta ñerõ irikuma doja.

³⁷ Ñgũsã irasiriadero pũrũ, pooe opũ ãgũ magũrẽ iriukumi. “Yũ magũ gapũre buremurãkuma”, ãrĩ gũñadikumi. ³⁸ Iri poore moãrã gapũ ãgũ magũ ejamakũ ããrã, ãgũsã basi ãsũ ãrĩ gãme werenikuma: “Ñĩ pũrũguere i poore opabu ããrĩmi. Ñgũrẽ wẽjẽkõãrã! Irasirirã marĩ basi i poore oparãkoa”, ãrĩkuma. ³⁹ Irasirirã ãgũrẽ ñeã, pooe tũrogue ããwãgã, wẽjẽbéokõãkuma, ãrĩmi Jesús.

⁴⁰ Irasũ ãrĩ odo, judío masaka oparãrẽ sãrẽñami:

—Iri poore moãrã ãgũ magũrẽ wẽjẽadero pũrũ, pooe opũ irogue ejagũ, ¿nasirigukuri ãgũsãrẽ? ãrĩmi.

⁴¹ Ñgũrẽ yũjuma:

—Ñgũsã ñerãrẽ bopoñarõ marĩrõ wẽjẽkõãgukumi. Pũrũ gajerãrẽ ãgũya poore wayugukumi. Ñgũsã gapũ ãgũ igui oteri dukare deko merã ãgũrẽ sãrãkuma, ãrĩma.

⁴² Ñgũsã irasũ ãrĩmakũ, Jesús ãsũ ãrĩmi ãgũsãrẽ:

—¿Musã Marĩpũya werenĩrĩ gojadea pũrẽ ire buebiriri? ãsũ ãrĩ gojasũdero ããrĩbũ: Suye ũtãye wii iririmasã ãgũsã béoadeaye merã gajigũ gapũ õãrõ turari wii irigukumi. Marĩpũ irasiridi ããrĩmĩ. Marĩ ãgũ irasirideare ããrã: “Õãtaria”, ãrĩ gũñãã, ãrĩ gojasũdero ããrĩbũ.✠

⁴³ Irasirigũ musãrẽ werea yũ. Marĩpũ ãgũyarãrẽ dorerogue ããrĩmurãrẽ ãgũ õãrĩ sãrĩrẽ musãrẽ sãbirikumi. Musãrẽ ãgũ sãboadeare gajerã ãgũ dorerire irirã gapũre sãgukumi. ⁴⁴ Sugũ i ũtãye weka meémejãgũ, matãkõãgukumi. I ũtãye gapũ ãgũ weka meébejaro, ãgũrẽ õãrĩ pogagãgue meémutũbéokõãrãrokoa, ãrĩmi Jesús. ((Jesús i keori merã weregũ: “Sugũ yũre gããmebi wajamoãsũgukumi”, ãrĩãgũ irimi.))

⁴⁵ Paía oparã, fariseo bumarã iri keori merã Jesús irasũ ãrĩ weremakũ pérã: “Marĩrẽ ãrĩãgũ irasũ ãrĩkumi”, ãrĩñurã. ⁴⁶ Irasirirã ãgũrẽ ñeãduadiñurã peresu irimurã. Irasũ ñeãduakererã, ãsũ ãrĩ gũñãñurã: “Masaka Jesũre: ‘Marĩpũya kerere weredupuyugũ ããrĩmi’, ãrĩma”, ãrĩñurã. Irasirirã ãgũsãrẽ gũisã, Jesũre ñeãmasãbiriñurã.

22

Jesús sugũ mojõsiari bosenu iriri keori merã buedea

¹ Jesús dupaturi gaji keori merã ãgũsãrẽ buenemomi. ãsũ ãrĩmi:

✠ 21:42 Sal 118.22-23

2 —Marĩpu ãmugasigue ããrĩgũ ĩgũyarãrẽ doreri ãsũ ããrã. Su nikũ marã opu ĩgũ magũ mojõsiari bosenu irikumi. 3 Irasirigu opu ĩgũrẽ moãboerãrẽ: “Yu magũ mojõsiari bosenu ĩãrã aarika!” ĩgũ ãrĩnerãrẽ siudoregu iriukumi. ĩgũsã siimakũ ĩgũsã gapu: “Waabea”, ãrĩkõãkuma. 4 Irasirigu opu gajerã ĩgũrẽ moãboerãrẽ iriukumi doja. “Yu siunerãrẽ ãsũ ãrĩ wererã waaka: ‘Yure moãboerãrẽ yaarã wekware, gajerã yaarã ejorã õãrõ diĩkurãrẽ wẽjẽdoresiabu. ããrĩpereri yu magũ mojõsiari bosenu baaburi ãmu odosiabu. Irasirãrã: Bosebaarã aarika!’ ãrĩ wereka ĩgũsãrẽ!” ãrĩ iriukumi. 5 ĩgũ siunerã gapu irire pẽkererã, bosenuãrẽ ĩãrã waabirikuma. Sugu ĩgũya poeque waakõã, gajigu ĩgũ moãrĩrẽ ĩãgũ waakõãkumi. 6 Gajerã gapu opuãre moãboerãrẽ ñeã, pá, wẽjẽbéokõãkuma. 7 ĩgũsã irasiririre pẽgu, opu buro guakumi. Irasirigu ĩgũyarã surarare iriukumi, ĩgũsãrẽ wẽjẽanerãrẽ wajamoãdoregu. Irasirãrã ĩgũyarã surara ĩgũsãrẽ wẽjẽpeokõã, ĩgũsãya makãrẽ soebéokõãkuma. 8 Puru opu gajerã ĩgũrẽ moãboerãrẽ ãsũ ãrĩkumi: “Yu magũ mojõsiari bosenuãmarẽ ãmusiabu. Yu siunerã gapu ñerã ããrĩsã, aabirikuma. 9 Irasirãrã ããrĩpererã makã dekoma maarĩgue ããrĩãrẽ musã bokajarãrẽ siurã waaka!” ãrĩkumi. 10 ĩgũ irasũ ãrĩmakũ, ĩgũrẽ moãboerã waa, ããrĩpererã ĩgũsã bokajarãrẽ: ñerãrẽ, õãrãrẽ siiu, opuãya wiigue ããkuma. Irasirãrã, ĩgũ bosenu iriri taribure uturiakõãkuma.

11 ‘Puru opu ĩgũsãrẽ ĩãgũ ñajãgũ, sugure mojõsiari bosenuãma surĩro sãñabire ĩãkumi. 12 Irasirigu ĩgũrẽ ãsũ ãrĩ sãrẽñakumi: “Yu merãmu, ¿nasirigu mojõsiari bosenuãma surĩro sãñabirikeregu, ñajãriari mu?” ãrĩkumi. ĩgũ irasũ ãrĩ sãrẽñamakũ pẽgu, ĩgũ gapu yujubirikumi. 13 ĩgũ yujubirimakũ ĩãgũ, opu ĩgũrẽ moãboerãrẽ ãsũ ãrĩkumi: “Ĩrẽ ñeã, ĩgũya mojõrĩrẽ, guburidere sia, ãĩ wiria, naĩtĩãrõgue ĩgũrẽ béorã waaka! Irogue buro pũrĩsũgũ ĩgũya guikare kũrĩduútú oregukumi”, ãrĩkumi, ãrĩ weremi Jesús.

14 Irasũ ãrĩ odo, ãsũ ãrĩnemomi:

—Ĩ opu keori irirosũ Marĩpu wãrã siiukerepuru, ĩgũ beyerã gapu mérãgã ããrĩma, ãrĩmi.

*Romano marã opu masakare niyeru wajasearire Jesúre sãrẽñadea
(Mr 12.13-17; Lc 20.20-26)*

15 Jesús irasũ ãrãdero puru, fariseo bumarã waakõãma. ĩgũrẽ weresãduarã: “Ĩgũrẽ diaye yujubirimakũ irimurã ire sãrẽñarã!” ãrĩ gãme werenĩñurã. 16 Irasirãrã surãyeri ĩgũsã buerire tũyarãrẽ, Herodeya bumarã merã Jesús pãroque iriuñurã. ĩgũsã Jesús pãroque ejarã, ĩgũrẽ ãrĩma:

—Buegu, gũa mu iririkurire masã. Mu ãrĩgatoro marĩrõ werenia. “¿Naásũ gũñarĩ masaka yure?” ãrĩ gũñarõ marĩrõ Marĩpuãre diayeta ĩgũsãrẽ buea. Oparãrẽ, ubu ããrĩãderẽ ããrĩpererãrẽ sũrosũta ĩãa. 17 Irasirigu gũare wereka! ¿Naásũ gũñarĩ mu? Romano marã opu marĩrẽ niyeru wajasearire marĩ wajarimakũ, ¿õãgorari, o õãberi? ãrĩma Jesúre.

18 Jesús gapu ĩgũsã ĩgũrẽ ñerõ iriduarire masĩsã, ãsũ ãrĩmi:

—Irigatorikurã ããrã musã. ¿Nasirãrã yure ñerõ yujumakũ iriduari musã? 19 Niyeru tire musã romano marã opuãre wajariburi tire ãrĩrika! ãrĩmi.

Ĩgũ irasũ ãrĩmakũ pãrã, sunu moãrĩ waja wataropã wajakuri tire ãĩãma. 20 ĩgũsã iri tire ãĩjamakũ, ĩgũsãrẽ sãrẽñami:

—I tiguere, ¿noãya diapu keori, noãya wãĩ tuuyari? ãrĩmi.

21 —Romano marã opuãya diapu keori, ĩgũya wãĩta tuuyãa, ãrĩ yujuma.

Ĩgũsã irasũ ãrĩmakũ pẽgu, Jesús ĩgũsãrẽ ãsũ ãrĩmi:

—Iro merẽ romano marã opuãya ããrĩrĩrẽ ĩgũrẽ sũka! Marĩpuãya gapure Marĩpũre sũka! ãrĩmi.

22 ĩgũ irasũ ãrĩmakũ pãrã, pẽguka, ĩgũrẽ piriwãgãkõãma.

*Saduceo bumarã, Marĩpu boanerãrẽ masũburire Jesúre sãrẽñadea
(Mr 12.18-27; Lc 20.27-40)*

²³ Irinurêta surâyeri saduceo bumarã Jesús p̄rogue ejama. Ìgūsã: “Masaka boanerãgue masãbirikuma”, ãrĩ buremurã ããrĩmá. Irasirirã Jesúre ãsũ ãrĩma:

²⁴ —Buegũ, Moisés ãsũ ãrĩdi ããrĩmí: “Sugũ marãpokudi p̄rã marĩkeregũ Ìgũ marãpore boaweomakũ, Ìgũ pagũmũ igore dúunorẽgukumi. Irasirirã, igo merã Ìgũ p̄rãkũrã, Ìgũ tĩgũ dagũ p̄rã irirosũta ããrĩrãkuma”, ãrĩdi ããrĩmí. ²⁵ Iripoegue gũa watopeguere sugũ p̄rã su mojõma pere gaji mojõ peru p̄rẽbejarã ããrĩunanerã ããrĩmá. Ìgūsã tĩgũ gapũ marãpokũ, p̄rã marĩgũta boakõãyupũ. Irasirigũ Ìgũ dagũ dokamũta Ìgũ marãpo ããrĩdeore dúunorẽyupũ. ²⁶ Ìgũde Ìgũ tĩgũ dagũ irirosũta p̄rã marĩgũta boakõãyupũ. Ìgūsã p̄rã dokamũde p̄rã marĩgũta boakõãyupũ. Irasũ dita p̄rã marĩrãta boapereakõãñurã. ²⁷ Ìgūsã pũrũ Ìgūsã marãpode boakõãyupo pama. ²⁸ Ìgūsã su mojõma pere gaji mojõ peru p̄rẽbejarã ãma ããrĩpererã igore marãpokũñurã. Irasirirã boanerã masãmakũ, ¿niĩno marãpogora ããrĩgokuri? ãrĩ s̄rẽñama.

²⁹ Jesús Ìgūsãrẽ yũjũmi:

—Mũsã diaye gũñabea. Marĩpũya werenĩrĩ gojadeare, Marĩpũ turaridere masĩbea. ³⁰ Boanerã Ìgūsã masãdero pũrũ, Ìgūsã ãmũgasigue Marĩpũre wereboerã irirosũ ããrĩrãkuma. Iroguere marãpokũbirikuma. Ìgūsã p̄rã nomedere nomesubirikuma. ³¹ ¿Marĩpũya werenĩrĩ gojadea pũgue boanerã Ìgūsã masãburire mũsã buebiriri? Æsũ ãrĩdi ããrĩmí: ³² “Yũ Abraham, Isaac, Jacob Opũ ããrã”, ãrĩdi ããrĩmí. Irasirirã Ìgūsã boanerã ããrĩkererã, Marĩpũ merã okarã ããrĩma. Irasirigũ Marĩpũ okarã Opũ ããrĩmi. Boanerã neõ dupaturi masãbirikõãmurã Opũ ããrĩbemi, ãrĩmi Jesús.

³³ Ìgũ irasũ ãrĩmakũ p̄rã, masaka: “Õãrõ buemi”, ãrĩ p̄gũkakõãma.

*“¿Dĩ gapũ Marĩpũ doreri gaji doreri nemorõ ããrĩrĩ?” ãrĩ s̄rẽñadea
(Mr 12.28-34)*

³⁴ Jesús saduceo bumarãrẽ Ìgūsã Ìgũrẽ s̄rẽñanemomasĩbirimakũ iririre p̄rã, fariseo bumarã nerẽma. ³⁵ Irasirigũ sugũ Ìgūsã merãmũ, Moisés gojadeare buerimasũ Jesúre diaye yũjũbirimakũ iridũagũ, ãsũ ãrĩ s̄rẽñami:

³⁶ —Buegũ, ¿dĩ gapũ Marĩpũ doreri gaji doreri nemorõ ããrĩrĩ? ãrĩmi.

³⁷ Jesús Ìgũrẽ yũjũmi:

—Mũya yũjũp̄rã merã, mũ ããrĩrikuri merã, ããrĩpereri mũ gũñarĩ merã Marĩpũre mũ Opũre maĩka! ³⁸ I doreri, gaji nemorõ ããrĩtarinũgãrĩ ããrã. ³⁹ I doreri pũrũma ãsũ ãrã: “Mũ basi maĩrõsũta mũ pũro ããrĩrãrẽ maĩka!” ⁴⁰ Marĩ i pe dorerire irirã, ããrĩpereri Moisés doredeare, Marĩpũya kerere weredupuyunerã buedeare irirã yáa, ãrĩmi Jesús.

*“¿Noã parãmi ããrĩturiagũ ããrĩrĩ Cristo?” ãrĩ s̄rẽñadea
(Mr 12.35-37; Lc 20.41-44)*

⁴¹ Fariseo bumarã iroguere nerẽanerã ããrĩripoe Jesús Ìgūsãrẽ s̄rẽñami:

⁴² —¿Naásũ gũñarĩ mũsã Cristo, Marĩpũ iriudire? ¿Noã magũ ããrĩrĩ Ìgũ? ãrĩmi.

—Cristo, David parãmi ããrĩturiagũ ããrĩmi, ãrĩ yũjũma.

⁴³ Ìgūsã irasũ ãrĩmakũ p̄gũ, Jesús Ìgūsãrẽ ãrĩmi:

—David, Cristo ñekũ ããrĩkeregũ, ¿nasirigũ Õãgũ deyomarĩgũ Ìgũrẽ weredorederosũta Cristore: “Yũ Opũ ããrĩmi”, ãrĩyuri? David ãsũ ãrĩ gojadi ããrĩmí:

⁴⁴ Marĩpũ yũ Opũre ãsũ ãrĩmi: “Õõ, yũ diaye gapũ doaka, yũ merã dorebu!

Irasiriripoe mũrẽ ãaturirãrẽ mũ dorerire tarinũgãnemobirimakũ irigũra”, ãrĩmi.✧

⁴⁵ David, Cristo ñekũ ããrĩkeregũ, Ìgũrẽ: “Yũ Opũ ããrĩmi”, ãrĩdi ããrĩmí. ¿Nasirigũ, Cristo, David parãmi ããrĩturiagũ ããrĩkererũ, David Ìgũrẽ irasũ ãrĩyuri? ãrĩmi Jesús.

⁴⁶ Ìgũ irasũ ãrĩrĩrẽ p̄rã, neõ Ìgũrẽ yũjũmasĩbirima. Irasirirã gũirã, Ìgũrẽ dupaturi s̄rẽñanemobirima.

✧ 22:44 Sal 110.1

23

Jesús fariseo bumarãre, Moisés gojadeare buerimasãre ïgüsã ñerõ iririre werede
(Mr 12.38-40; Lc 11.37-54; 20.45-47)

¹ Pũru Jesús masakare, gũa ïgũ buerãdere ãrĩmi:

² —Moisés gojadeare buerimasã, fariseo bumarã, Marĩpu Moisére doreri pídeare: “Ãsũ ãrĩdũaro yáa”, ãrĩ wererã ããrĩma. ³ Irasirirã ïgüsã wererire õãrõ iritũyaka mũsã! ïgüsã iririkuri gapure ïãkũbirikõãka! ïgüsã wererosũta iribema. ⁴ Masakare dorerã: “Ãsũ irika!” ãrĩrã, ïgüsãrẽ gajino bũro nukũrĩ kõãtãrĩrã irirosũ ããrĩmakũ yáma. Masaka ïgüsã dorerire bokatũbirikerepũ, ïgüsãrẽ neõ iritamubema, ïgüsã dorerire iriburo, ãrĩrã.

⁵ ‘Masaka ïãmakũ dita õãrĩrẽ iri ïmuma. Marĩpũya werenĩrĩ ïgüsã gojadea pũrĩ sãrĩ kũmarĩgã gajerãya nemorõ eyari kũmarĩgãrẽ ïgüsãya diapuserorire, ïgüsãya dukaridere siatũma, masaka ïgüsãrẽ: “Marĩpũyare õãrõ masĩma”, ãrĩdorerã. Irasũ ããrĩmakũ, ïgüsãya dipuru peyari gasirore gajerãya nemorõ yoari yuradari opari gasirire peyama, masaka ïgüsãrẽ: “Marĩpũre bũremutarima”, ãrĩdorerã. ⁶ Bosenũrĩ ããrĩmakũ, oparã doarigue dita doadũama. Marĩ nerẽrĩ wiiriguedere ñajãrã, õãrĩ doaripẽrĩgue dita doadũama. ⁷ Makã dekoguere masakare õãrõ bũremurĩ merã ïgüsãrẽ bokatĩrĩ õãdoremakũ gããmema. Gajerãrẽ ïgüsãrẽ: “Gũare buerã ããrĩma”, ãrĩmakũ gããmema.

⁸ ‘ïgüsã irasũ ãrĩkerepũ, mũsã gapũ masakare: “Mũsã gũare buerã ããrã”, ãrĩdorebirikõãka! Mũsã sugũ pũrãta ããrã. Yũ mũsãrẽ buegũ sugũta ããrã. ⁹ I ãmũguere neõ sugũ masakare: “Gũapũ ããrĩmi”, ãrĩbirikõãka! Ëmũgasigue ããrĩgũ dita Marĩpu ããrĩmi*’. ¹⁰ Neõ sugũ mũsã watopegue ããrĩgũrẽ: “Marĩ opũ ããrĩmi”, ãrĩbirikõãburo. Yũ, Marĩpu iriudi Cristo, sugũta mũsã Opũ ããrã. ¹¹ Mũsã watopegue ããrĩgũ gajerã nemorõ ããrĩgũ, mũsãrẽ moãboerimasũ irirosũ mũsãrẽ iritamugũ ããrĩgũkumi. ¹² Sugũ ïgũ basi: “Gajerã nemorõ ããrã”, ãrĩ gũñagũnorẽ Marĩpu ïgũrẽ ubu ããrĩgũ dujamakũ irigũkumi. Gajigũ: “Gajerã nemorõ ããrĩbea”, ãrĩ gũñagũ gapure Marĩpu ïgüsã opũ ããrĩmakũ irigũkumi.

¹³ ‘Mũsã Moisés gojadeare buerimasã, fariseo bumarã irigatorikũrã ããrã. Mũsã bueri merã masakare ãmũgasigue Marĩpu ïgũyarãrẽ dorerogue waabonerãrẽ kãmutarã yáa. Mũsãde iroguere waabirikoa. Gajerã iroguere waadũarãdere kãmutãa. Irasirirã ñerõ tarirãkoa.

¹⁴ ‘Mũsã Moisés gojadeare buerimasã, fariseo bumarã irigatorikũrã ããrã. Wapiweyarã nome wajamomakũ ïã, ïgüsãya wiirire ãmanokõãa. ïgüsãrẽ bopoñabirikererã, yoaripoe Marĩpũre sãrẽ ïmugatoa, masaka mũsãrẽ: “Marĩpũre õãrõ bũremuma”, ãrĩburo, ãrĩrã. Irasirirã ñerõ tarirãkoa. Marĩpu mũsãrẽ gajerã nemorõ wajamoãgũkumi.

¹⁵ ‘Mũsã Moisés gojadeare buerimasã, fariseo bumarã irigatorikũrã ããrã. Dia wãdiyague taribuja, yoaroma makãrĩgue mũsã buerire tũyabure ãmarã waáa. ïgũrẽ boka, mũsã bueri merã ïgũrẽ mũsã nemorõ perebiri peamegue waabu ããrĩmakũ yáa. Irasirirã ñerõ tarirãkoa.

¹⁶ ‘Mũsã koye ïãmerã gajerãrẽ tũãdupuyuwãgãmasĩmerã irirosũ masakare Marĩpũyare keoro buebea. Irasirirã ñerõ tarirãkoa. ïgüsãrẽ ãsũ ãrĩ buea: “Sugũ: ‘Marĩpũya wii merã ãsũ irigũra’, ãrĩ wãĩpeodeare iribirimakũ, waja opabemi”, ãrã. Idere ãsũ ãrĩ buea: “Gajigũ: ‘Marĩpũya wiima oro merã ãsũ irigũra’, ãrĩ wãĩpeodeare iribirimakũ, waja opami”, ãrã. ¹⁷ Koye ïãmerã irirosũ Marĩpũyare diaye gũñamerã, pẽmasĩmerã ããrã mũsã. Marĩpu ïgũya wiire, iri wiima oro nemorõ õãrĩ ããrĩtarinũgãmakũ yãmi. Irasirigũ marĩrẽ, ¿dí gapure bũremurĩ merã gũñamakũ gããmerĩ, orore, o ïgũya wii gapure? ¹⁸ Mũsã idere ãsũ ãrĩ buea: “Sugũ: ‘Marĩpũya wiima soepeoro merã ãsũ irigũra’, ãrĩ wãĩpeodeare iribirimakũ, waja opabemi”, ãrã. Idere ãsũ ãrĩ buea: “Gajigũ: ‘Iri soepeoro weka peodea merã ãsũ irigũra’, ãrĩ wãĩpeodeare iribirimakũ, waja opami”, ãrã. ¹⁹ Koye ïãmerã irirosũ Marĩpũyare diaye

* 23:9 Jesús irire ãrĩgũ: “I ãmũguere neõ sugũ masakũ Marĩpu ããrĩnĩgũ irirosũ mámi”, ãrĩgũ irimi.

gũñamerã, pémasĩmerã ããrã musã. Marĩpu ïgũya wiima soepeorore, marĩ iro weka peodea nemorõ õãrĩ ããrĩtarinugãmakũ yãmi. Irasirigũ marĩrẽ, ¿diĩ gapũre bũremurĩ merã gũñamakũ gããmerĩ, soepeorore, o iro weka peodea gapũre? ²⁰ Irasirigũ sugũ: “Marĩpũya wiima soepeoro merã ãsũ irigũra”, ãrĩ wãĩpeogũ, ããrĩpereri iri soepeoro weka peyari merãdere wãĩpeogũ irikumi. ²¹ Sugũ: “Marĩpũya wii merã ãsũ irigũra”, ãrĩ wãĩpeogũ, Marĩpu iri wiigũ ããrĩgũ merãdere wãĩpeogũ irikumi. ²² Sugũ: “Ëmũgasima merã ãsũ irigũra”, ãrĩ wãĩpeogũde, Marĩpu irogue Opũ doarogue doagũ merãdere wãĩpeogũ irikumi.

²³ 'Musã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Musã oteri mutãrĩgã: menta, anís, comino wãikũri baari morẽrĩnorẽ sea neeõ, dukawa, pe mojõma diruri irikoa. Sudiru Marĩpũya wiigũ ããkoa, ïgũ dorerire irimurã. Irasirikererã, iri nemorõ õãrĩ gapũre iribea. Diayema iririre, gajerãrẽ bopoñarĩ merã ããrĩrẽ, Marĩpũre bũremurĩrẽ neõ iribea. Irasirirã musã oterire Marĩpũre sĩduũro marĩrõ diayemadere irika! Gajerãrẽ bopoñaka! Marĩpũre bũremuka! ²⁴ Koye ããmerã gajerãrẽ tũadupuyuwãgãmasĩmerã irirosũ masakare Marĩpũyare keoro buebea. ããrĩpereri musã doreri gapũre irikererã, iri nemorõ doreri gapũre neõ iribea.

²⁵ 'Musã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Musã masaka ïurõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã musã basi wãri opadũarã gajerãyare yajarã, iripa poekague koeña marĩrĩpa gũrari utarĩrĩpa irirosũ ããrã. ²⁶ Musã fariseo bumarã, koye ããmerã irirosũ, Marĩpũyare pémasĩmerã ããrã. Irasirirã musã gũñarĩrẽ gorawayupũrorika, soropa poeka gapũre õãrõ koeadeapa irirosũ ããrĩmurã. Irasirirã, soropa weka gapũdere õãrõ koeadeapa irirosũ ããrĩrãkoa.

²⁷ 'Musã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Musã masãgoberi irirosũ ããrã. Masaka, iri masãgoberire ãtã majĩrĩ boreri merã õãrõ wũkãdea majĩrĩ merã biamakũ ããrã: “Õãrõ deyoa”, ãrĩ ããma. Iri õãrõ deyokerepũrũ, poekague boanerãya gõãrĩ, ããrĩpereri ñerĩ boadea sãñakoa. ²⁸ Musãde i irirosũta ããrã. Masaka musãrẽ ããmakũ, õãrã irirosũ ããrã. Irasũ ããrĩkererã, poekague musã gũñarĩguere ñerĩrẽ opataria. Irasirirã irigatorikũrã, ñerõ iririkũrã ããrã.

²⁹ 'Musã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Musã, iripoegue marã Marĩpũya kerere weredupuyunerãya masãgoberire õãrõ ãmua. Gajerã õãrõ irinerãya masãgoberi weka weanũdeadere õãrõ ãmua. ³⁰ ãmu odo, ãsũ ãrĩ werenĩa: “Marĩ ñekũsãmarã darã Marĩpũya kerere weredupuyunerãrẽ wẽjẽnerã ããrĩmã. Gũ ãgũsã ããrĩdeapoegue ããrĩnerã tamerã ãgũsãrẽ wẽjẽtamubiribokuyo”, ããrã. ³¹ Musã irire irasũ ããrã, musã basita: “Gũ Marĩpũya kerere weredupuyunerãrẽ wẽjẽnerã parãmerã ããrĩturĩarã ããrã”, ããrã yãa. ³² Irasirirã musã ñekũsãmarã ñerõ iripũroriwãgãriderosũta iriyuwarikũkõãka musãde!

³³ 'Musã ñerõ iririkũrã ããrã irirosũ ããrã. Musã ñerõ iriri waja Marĩpu musãrẽ peamegue béoburire neõ duribirikoa. ³⁴ Irasirigũ yũ musã pũrogue Marĩpũya kerere weredupuyurãrẽ, ãgũyare masĩrãrẽ, musãrẽ buerimasãdere iriugũra. Yũ irasũ iriukerepũrũ, musã gapũ surãyerire wẽjẽrãkoa. Gajerãrẽ curusague pábiatũ wẽjẽrãkoa. Gajerãrẽ musã nerẽrĩ wiirigue tãrã, noõ ãgũsã waarĩ makãrĩ waamakũ tũyagorenarãkoa ãgũsãrẽ ñerõ iridũarã. ³⁵ Irasirirã ããrĩpererã masaka õãrãrẽ wẽjẽdea waja, musã waja opãa. Musã ñekũsãmarã Abel diayemarẽ iridire wẽjẽpũroriwãgãrĩrã, Zacarĩas Berequĩas magũguere wẽjẽtũnunerã ããrĩmã. ãgũrẽ Marĩpũya wiima soepeoro Marĩpu ããrĩrĩ taribu watopegue wẽjẽnerã ããrĩmã. ³⁶ Diayeta musãrẽ werea. ããrĩpererãrẽ ãgũsã wẽjẽdea waja dapora marã wajakũrãkuma.

*Jesús Jerusalén marãrẽ bũjawereri merã weredea
(Lc 13.34-35)*

³⁷ 'Musā Jerusalén marā, Marīḡya kerere weredupuyurārē wējēkōāa. Marīḡ iriunerārē ūtāyeri merā dea wējēa. Wári yḡ musārē āgābo igo pūrārē igoya kēdḡpuri merā neeōnūrōsū neeōnú koredḡadibḡ. Musā gaḡ yḡ irasū irimakū neō gāāmebiribḡ. ³⁸ Irasiriro musā āārīrī makā, béodea makā dujarokoa. ³⁹ Diayeta musārē werea. Dapora merāta musā yḡre īānemobirikoa. Pḡḡgue musā: “Marīḡ iriudi oātarigḡ āārīmi, oārō aariburo”, āārīḡgue, yḡre dupaturi īārākoa doja, ārīmi Jesús.

24

Jesús: “Marīḡya wii béosūrokoa”, ārī weredea
(Mr 13.1-2; Lc 21.5-6)

¹ Jesús Marīḡya wiigie āārādi wiriadero pḡḡ, gḡa īḡḡ buerā īḡḡ pḡro waa, āsū ārībḡ:
—Īāka i wiire! Oārī wii, wári wii āārā, ārībḡ.

² Jesús gaḡ yḡjḡmi:

—Musā i wiire daporare īādāa. Diayeta musārē werea. I wiima āārīpereri musā īādea, i ūtāyeride mutādijapereakōārokoa. Neō suye ūtāye gajiyē weka weamarīadeade dujabirikoa, ārīmi.

Jesús: “Ī ūmḡ pereburi dupuyuro āsū waarokoa”, ārī weredea
(Mr 13.3-23; Lc 21.7-24; 17.22-24)

³ Pḡḡ Olivos wāikari buúrḡgue eja, iroḡue doami Jesús. Iro īḡḡ doamakū, gḡa īḡḡ buerā īḡḡ pḡroḡue eja, gajerā péberogḡe sērēñabḡ:

—Gḡare wereka! ĶNaāsū āārīmakū, mḡ ārāderosū waarokuri? ĶNēeno iri īmugukuri, mḡ dupaturi aarigú? ĶNaāsū waarokuri, i ūmḡ pereburi dupuyuro? ārībḡ.

⁴ Jesús yḡjḡmi:

—Oārō pémasīka! Gajerā musārē ārīḡatorire pébirikōāka! ⁵ Wārā ārīḡatorimasā aarirākuma. “Marīḡ iriudi, Cristo āārā yḡ”, ārīrākuma. Īḡsā ārīḡatomakū pérā, wārā masaka īḡsārē buremurākuma. ⁶ Masaka musā pḡro gāmewējērīrē pérā, yoarogḡe marā gāmewējērī kerere pérā, gḡkabirikōāka! Irasūta waarokoa. Irasū waakerepḡḡ, i ūmḡ pereburo dḡyarokoa dapa. ⁷ Su bumarā gaji bumarā merā gāmekēārākuma. Su nikū marā gaji nikū marā merā gāmewējērākuma. Masaka wārā ḡaboari merā boarākuma. Gajerā pūrīrikḡ ñerō tarirākuma. Wári makārīḡguere nikū ñomerokoa. ⁸ I āārīpereri merā masaka ñerō taripḡroriwāḡārīrākuma.

⁹ 'Irasirirā gajerā musārē ñeā, āīa, oparāḡuere ñerō iridorerā wiarākuma. Musārē wējērākuma. Yḡre buremurī waja āārīpererā i ūmḡ marā musārē īāturi doorākuma. ¹⁰ Irasū waaripoe wārā yḡre buremuadinerā buremuduūrākuma. Irasirirā gāme īāturi doo, īḡsā merāmarā āārādinerārē īḡsārē īāturirāḡuere wiarākuma. ¹¹ Wārā: “Marīḡya kerere weredupuyurimasā āārā”, ārīḡatorākuma. Irasirirā wārā masaka īḡsārē buremurākuma. ¹² Masaka iro dupuyuro ñerō iridero nemorō ñerō irirākuma. Irasirirā wārā īḡsā gāme maīrīrē pirirākuma. ¹³ Īḡsā musārē ñerō irikerepḡḡ, musā yḡre neō buremuduúbirimakū, Marīḡ musārē taugukumi, īḡḡ pḡro āārīnīkōāburo, ārīḡḡ. ¹⁴ Marīḡyare wererā āārīpererā i ūmḡ marārē īḡḡyarārē doreḡḡ āārīrī kerere wererākuma, āārīpereri bumarā irire masīburo, ārīrā. Īḡsā āārīpererā iri kerere péperederō pḡḡ, i ūmḡ pererokoa.

¹⁵ 'Iripoegḡe Marīḡya kerere weredupuyudi Daniel i ūmḡ pereburo dupuyuro waaburire āsū ārī gojadi āārīmī: “Nēḡḡ Marīḡḡre īāturigḡ Marīḡya wii ñerī marīrī wiigie ñajāḡukumi”, ārī gojadi āārīmī. ((Irasirirā iri wiigie īḡḡ āārīmakū īārā, i pūrē buerāno: “Ī ūmḡ pereburo yāa”, ārī masīrākuma.)) ¹⁶ Nēḡḡ iroḡue āārīmakū īārā, Judea nikū marā buurīḡue ūmaduriburo. ¹⁷ Sugḡ īḡḡya wii wekagḡe āārīḡḡ, wii poekagḡe īḡḡyare āīḡḡ ñajābita ūmaduriburo. ¹⁸ Sugḡ īḡḡya pooegḡe āārīḡḡde, īḡḡya surīre wiigie āīḡḡ dujábita ūmaduriburo. ¹⁹ Irasū waarīnīrīrē nijīpagosā nome, īḡsā pūrā mirīrāḡā oparā nomede

ñerō tarirākuma. ²⁰ Irasirirā Marĩpũre āsũ ārĩ sērēka: “Puibũre, siuñajārĩnũ* āārĩmakũ, gũare i irasũ waabirikōāburo”, ārĩka ĩgũrē! ²¹ Irasũ waarĩnũrĩrē masaka bũro ñerō tarirākuma. Marĩpũ i ũmũrē iripũroridero pũrũre masaka ñerō taridero nemorō ñerō tarirākuma. I ĩgũsārē ñerō waaburi neō dupaturi irasũ waanemobirikoa. ²² Irasirigũ Marĩpũ masakare i ñerō waarĩre: “Yoaripoe waabirikōāburo”, ārĩgũkumi. ĩgũ irasiribiri-makũ, neō sugũ masakũ taribiribokumi. Irasirigũ ĩgũ beyenerārē bopoñasĩā, ĩgũsārē ñerō waarĩre: “Iropāta waaburo”, ārĩgũkumi.

²³ Gajerā mũsārē: “Īāka! Ōōta Cristo āārĩmi”, ārĩmakũ pérā, o gajerā mũsārē: “Cristo sōōgue āārĩmi”, ārĩmakũ pérā, bũremubirikōāka! ²⁴ Wārā ārĩgatorimasā aarirākuma. Surāyeri: “Yũ Cristo āārā”, ārĩrākuma. Gajerā: “Marĩpũya kerere weredupuyurimasũ āārā”, ārĩrākuma. Mũsārē ĩgũsā ārĩgatorire bũremudorerā, wārĩ gajino iri ĩmurākuma. Irasirikererā, Marĩpũ beyenerārē ĩgũrē bũremuduúmakũ irimasĩbirikuma. ²⁵ Iri waaburi dupuyuro yũ mũsārē weresiāa, irire masĩburo, ārĩgũ. ²⁶ Irasirirā gajerā masaka mũsārē: “Cristo sōō masaka marĩrōgue āārĩmi”, ārĩmakũ pérā, ĩārā waabirikōāka! Gajerā mũsārē: “Īāka! I wiima taribugue āārĩmi”, ārĩmakũ pérā, ĩgũsārē bũremubirikōāka! ²⁷ Yũ āārĩpererā tĩgũ gũñaña marĩrō i ũmũgue dupaturi aarigũkoa. Ūmarōgue, abe mũrĩiro gapũ, ĩgũ ñajārō gapũ bupu miārō irirosũ aarigũkoa. ²⁸ Mimua nerēmakũ ĩārā, masaka sugũ waibu boadi āārĩrōrē masĩkuma. I irirosũ yũ aarimakũ ĩārā, ĩgũsā wajamoāsũburire masĩrākuma, ārĩ weremi Jesús.

*Jesús āārĩpererā tĩgũ: “Āsũ aarigũkoa”, ārĩ weredeā
(Mr 13.24-37; Lc 21.25-33; 17.26-30, 34-36)*

²⁹ Irasũ ārĩ odo, gũare āsũ ārĩnemomi:

—Masaka ñerō taririnũrĩ pũrũta abe ũmũmũ naĩtĩākōāgũkumi. Abe ñamimũ boy-onemobirikumi. Neñukā ũmũgasigue āārĩrā yuridijarirākuma. Ūmarōgue marā turarāde naradari merā béosũrākuma. ³⁰ Irasũ waaripoere masaka yũ āārĩpererā tĩgũ ũmũgasigue merā aarimakũ ĩārākuma. Irasirirā āārĩpereri i ũmũma makārĩ marā yũ wārĩ Marĩpũ turari merā, ĩgũ gosewasiriri merā mikāyebori weka aarimakũ ĩārā, gũirā orerākuma. ³¹ Yũ aarigũ, yũre wereboerārē āārĩperero i ũmũguere iriugũkoa. Puriduru bũro bũsumakũ, ĩgũsā yũ beyenerārē āārĩpererogue āārĩrārē neōrākuma.

³² Ire mũsā masĩburo, ārĩgũ, higuera gũ keori merā weregũra. Irigũ pũ maamamakũ ĩārā: “Bojori waaburo mérōgā dũyāa”, ārĩ masĩa. ³³ Irigũ waarósũta i āārĩpereri yũ ārĩrĩ irasũ waamakũ ĩārā: “Cristo dupaturi aariburo mérōgā dũyāa”, ārĩ masĩrākoa. ³⁴ Diayeta mũsārē werea. I āārĩpereri yũ ārĩrĩ, dapora marā pereburo dupuyuro irasũ waarokoa. ³⁵ Ūmũgasi, i nikũde pereakōārokoa. Yũ werenĩrĩ gapũ neō perebirikoa. Āārĩpereri yũ ārĩrōsũta waayuarikũrokoa.

³⁶ Yũ dupaturi aariburinũrē, iri horare neō sugũ masĩbirikumi. Marĩpũre wereboerā ũmũgasigue āārĩrāde masĩbema. Yũ Marĩpũ magũde masĩbea. Yũpũ sugũta masĩmi.

³⁷ Noé āārĩdeapoe marārē waaderosũta yũ āārĩpererā tĩgũ aariburo dupuyurogārē waarokoa. ³⁸ Iripoere i nikũ Marĩpũ miũburo dupuyuro masaka ōārō baa, ĩirĩ, mojōsia, ĩgũsā pũrā nomerē nomesu āārĩrikũnerā āārĩmā. Noésā doódirugue ñajārĩnũgedere irasũta irinĩkōānerā āārĩmā. ³⁹ Gũñaña marĩrō merā wārō deko merē, i nikũ mirĩpereakōādero āārĩbũ. ĩgũsāde mirĩpereakōānerā āārĩmā. Irasũta yũ āārĩpererā tĩgũde gũñaña marĩrō merā i ũmũguere dupaturi aarigũkoa. ⁴⁰ Irasũ waaripoere pērā poeegue moārā āārĩrākuma. Sugũ yũre bũremugũ āĩāsũgũkumi. Gajigũ yũre bũremubi irogueta bēowāgāsũgũkumi. ⁴¹ Nomede pērā nome ojodũka biurā āārĩrākuma. Sugo yũre bũremugō āĩāsũgokumo. Gajego yũre bũremubeo irogueta bēowāgāsũgokumo.

⁴² Ōārō pémasĩka! Yũ mũsā Opũ dupaturi aariburi horare neō masĩbea mũsā. ⁴³ Ire ōārō masĩka! Wii opũ ĩgũya wiire sugũ yajarimasũ ñami merā ejaburi horare masĩgũ, kārĩrō

* 24:20 Judío masaka siuñajārĩnũ, sábadō āārā.

marĩrõ korekumi, ìgũya wiire ñajãburire kãmutabu. ⁴⁴ Yũ ããrĩpererã tĩgũ gũñaña marĩrõ aarigũkoa. Irasirirã, wii opũ irirosũ mũsãde yũ aariburire õãrõ yũro gããmea, ãrĩmi Jesús.

Jesús pẽrã moãboerimasã keori merã buedea
(Lc 12.41-48)

⁴⁵ Pũrũ Jesús gaji keori merã gũare buenemomi:

—Sugũ moãboegu ìgũ opũre bũremugũ, pẽmasĩgũ ãsũ irikumi. Ìgũ opũ gajerogue waagũ, ìgũrẽ ìgũya wiire gajerãrẽ ìgũrẽ moãboerãrẽ koredoregũ pĩkumi. Irasirigũ ìgũrẽ ìgũsãrẽ baarire keoro siiu baadoregũ pĩkumi. ⁴⁶ Irasirigũ ìgũ opũ ìgũya wii goedujajamakũ ìãgũ, ìgũrẽ moãboegu ìgũ dorederosũta iridi ããrĩsĩã, mũsũyakumi. ⁴⁷ Diayeta mũsãrẽ werea. Ìgũ pĩderosũta ìgũ keoro irideare ìãgũ, ìgũ opũ ìgũrẽ ããrĩpereri ìgũyare koredoregũ pĩgũkumi. ⁴⁸⁻⁴⁹ Ìgũrẽ moãboegu ñegũ gapũ ãsũ irikumi. “Yũ opũ mata goebirikumi”, ãrĩ gũñagũ, gajerã ìgũ opũre moãboerãrẽ ñerõ pãbira, mejãrikũrã merã iiri baagorenakumi. ⁵⁰ Ìgũ irasirigorenarĩnrẽ gũñaña marĩrõ ìgũ opũ goejakumi. Ìgũrẽ moãboegu gapũ: “Ìgũ iri hora goegũkumi”, ãrĩ masĩbirikumi. ⁵¹ Ìgũ opũ goejagũ ìgũrẽ moãboegu ñerõ irideare pẽgũ, ìgũrẽ bũro wajamoãgũkumi. Irasirigũ irigatorikũrãrẽ bẽorogue ìgũrẽ bẽogũkumi. Iroguere ìgũ bũro pũrĩsũgũ ìgũya guikare kũrĩduútũ oregũkumi, ãrĩmi Jesús.

25

Jesús pe mojõmarã maamarã nome keori merã buedea

¹ Pũrũ Jesús dupaturi keori merã gũare ãsũ ãrĩ buemi doja:

—Marĩpũ ãmũgasigue ããrĩgũ ìgũyarãrẽ doreri ãsũ ããrã. Pe mojõmarã nõome ããrĩkuma. Su ñami ìgũsãya sĩagori duparu merã mojõsiadire bokatĩrĩrã waakuma. ² Su mojõmarã nome sĩagori duparu ìgũsã ãĩaburire õãrõ ãmuyubirikuma. Gajerã su mojõmarã nome gapũ ìgũsã ãĩaburire õãrõ ãmuyukuma. ³ ãmuyumerã nome ìgũsãya sĩagori duparure ãĩakererã, ìgũsã gorawayuburire ãye ãĩabirikuma. ⁴ ãmuyurã nome gapũ ìgũsãya sĩagori duparure ãĩ, gaji ãye ìgũsã gorawayuburire ãĩakuma. ⁵ Irasirirã, mojõsiadi mata ejabirimakũ, ìgũsãrẽ wũja ejamakũ kãrĩakõãkuma. ⁶ Pũrũ ñami deko ããrĩmakũ, gajerã masaka: “Mojõsiadi aarisiami. Ìgũrẽ bokatĩrĩrã aarika!” ãrĩ gainĩmakũ pẽkuma. ⁷ Ìgũsã gainĩmakũ pẽrã, yobe, ìgũsãya sĩagori duparure ãmukuma. ⁸ ãye gorawayuburire ãĩabiranerã nome gapũ, gajerã gaji ãye ãĩãnerã nomerẽ ãsũ ãrĩkuma: “Gũaya sĩagori duparu yariro yãa. Irasirirã mẽrõgã mũsãya ãyere gũadere sĩka!” ãrĩ sẽrẽadikuma. ⁹ ãmuyuanerã nome gapũ ãsũ ãrĩ yũjukuma: “Gũaya ãye mũsãrẽ sĩmakũ, mũsãrẽ, gũadere ejabiribokoa. Irasirirã ãye duarã pũro mũsã basi wãjarirã waaka!” ãrĩkuma. ¹⁰ Irasirirã ãmuyubiranerã nome ãye wãjarirã waakõãkuma. Ìgũsã waadero pũrũ, mojõsiadi ejakumi. Ìgũ ejamakũ ìãrã, ãmuyuanerã nome gapũ ìgũrẽ bokatĩrĩkuma. Irasirirã ìgũ merã bosenu iriri wiigũe ìãrã ñajãkõãkuma. Ìgũsã ñajãperemakũ, iri wii marã disipũrore biakõãkuma. ¹¹ Pũrũgũe ãmuyubiranerã nome gapũ ejakuma. “Gũa Opũ, gũadere tũpãsóoka!” ãrĩkuma. ¹² Ìgũsã irasũ ãrĩmakũ pẽgũ, mojõsiadi ãsũ ãrĩ yũjukumi: “Diayeta yũ mũsãrẽ masĩbea”, ãrĩkumi ìgũsã nomerẽ, ãrĩ weremi Jesús.

¹³ Irasũ ãrĩ odo, gũare ãrĩmi:

—Yũ ããrĩpererã tĩgũ dupaturi aariburinũrẽ, iri horadere neõ masĩbea mũsã. Irasirirã ãmuyunerã nome mojõsiadire bokatĩrĩrã waamurã ìgũsãya sĩagori duparure ãmuyuderõsũ mũsãde yũ aariburire õãrõ ãmuyuka! ãrĩmi Jesús.

Jesús sugũ opũ ìgũrẽ moãboerãrẽ niyeru sĩrĩ keori merã buedea

¹⁴ Irasũ ãrĩ odo, gaji keori merã gũare ìgũ buerãrẽ buenemomi doja:

—Marĩpũ ìgũyarãrẽ doregũ, sugũ wii opũ irirosũ ããrĩmi. Wii opũ gaji nikũgũe waabu, ìgũrẽ moãboerãrẽ siiu, ìgũya niyerure koredoregũ pĩkumi.

15 'Irasirigu, ĩgūsārē: “Ōōpā merā wajatanemorākuma”, ārĩ ĩāmasĩsĩā, ĩgūya niyeru wajapari tirire dukawakumi. Sugure su mojōma tiri, gajigure pe ti, gajigure su ti sīkumi. ĩgūsārē sī odo, waakōākumi. 16 Irasirigu su mojōma tiri opagu, mata iri tiri merā gajino wajari, dua, gaji su mojōma tiri wajatanemokumi. Irasirigu pe mojōma tiri opakumi. 17 Pe ti opagude irasūta gaji pe ti wajatanemokumi. Irasirigu wapikuri tiri opakumi. 18 Su ti opagu gapu yebague gobe má, iri gobegue ĩgū opu sīadea tire yáapíkōākumi.

19 'Yoadero paru, wii opu goekumi. Goeja, ĩgūya niyeru tiri merā ĩgūsā wajatanemod-eare amubu, ĩgūrē moāboerārē siiukumi. 20 Irasirigu su mojōma tiri sīsūdi ĩgū opu p̄rogue eja, pe mojōma tiri ĩgūrē wiakumi. “Ȳu opu, su mojōma tiri ȳure sīb̄u m̄u”, ārĩkumi. “Īāka! Iri tiri merā gaji su mojōma tiri wajatanemobu”, ārĩkumi ĩgū opu. 21 ĩgū irasū ārĩmakū pégu, ĩgū opu ārĩkumi: “Ōāgoráa. M̄u ȳure moāboegu ōāgū āārā. Ȳu dorederosūta ȳu mérōgā m̄urē pídea merā ōārō iriyo. Irasirigu wári yaare koredoregu pígu. Ȳu merā āārĩgú, usuyari merā āārĩka!” ārĩkumi ĩgū opu ĩgūrē. 22 Paru pe ti sīsūdide ĩgū opu p̄rogue eja, ĩgūrē āsū ārĩkumi: “Ȳu opu, pe ti ȳure sīb̄u m̄u. Īāka! Iri tiri merā gaji pe ti wajatanemobu”, ārĩkumi. 23 ĩgū irasū ārĩmakū pégu, ĩgū opu ārĩkumi: “Ōāgoráa. M̄u ȳure moāboegu ōāgū āārā. Ȳu dorederosūta ȳu mérōgā m̄urē pídea merā ōārō iriyo. Irasirigu wári yaare koredoregu pígu. Ȳu merā āārĩgú, usuyari merā āārĩka!” ārĩkumi ĩgū opu ĩgūrē.

24 Paru su ti sīsūdi gapu, ĩgū opu p̄rogue eja, ĩgūrē āsū ārĩkumi: “Ȳu opu, m̄urē moāboerārē b̄uro turaro merā moādoegu āārā. M̄u basi moābirikeregu, ĩgūsārē oterire otedore, ĩgūsārē oteri dukare seadore, irire m̄u basita opáa. M̄urē moāboerāya moārĩ merā wajatarire m̄u basita opáa. Irire masía ȳu. 25 Irasirigu m̄urē güigu, yebague gobe má, iri gobegue m̄uya niyeru tire yáapíkōāb̄u. Īāka! I ti āārā m̄uya niyeru ti”, ārĩkumi ĩgū opu.

26 ĩgū irasū ārĩmakū pégu, ĩgū opu ārĩkumi: “M̄u ȳure moāboegu ñegū āārā. Térikgu āārā. M̄u ȳure āsū ārā: ‘M̄u basi moābirikeregu, m̄urē moāboerārē oterire otedore, ĩgūsārē oteri dukare seadore, irire m̄u basita opáa. M̄urē moāboerāya moārĩ merā wajatarire m̄u basita opáa. Irire masía ȳu’, ārā m̄u ȳure. 27 M̄u irasū ārĩgú, ĩnasirigu, ȳu m̄urē sīdea tire niyeru duripíri wiigue duripibiriri? Irogue duripímakū, i wii moārā iri ti merā wáro wajatanemobosabokuma m̄urē. Irasirigu, ȳu goejamakū, m̄u ȳure ĩgūsā iriri merā wajatanemobosadeare wiaboakuyo”, ārĩkumi ĩgū opu ĩgūrē. 28 Irasū ārĩ odo, gajerārē irogue āārĩrārē ārĩkumi: “Īgūrē niyeru tire ēma, pe mojōma tiri opagu gapure sīka! 29 Sugu wári opagu sīnemosūgukumi. Irasirigu ĩgū wári opadero nemorō opagukumi. Gajigu opabi ĩgū mérĩgā opadideare ēmapeokōāsūgukumi. 30 Īĩ ȳure moāboegu keoro iribire naĩtĩārōgue béokōāka! Iroguere b̄uro p̄rĩsūgū ĩgūya guikare kūrĩduútú oregukumi”, ārĩkumi ĩgūsā opu, ārĩ weremi Jesús.

Jesús i ũm̄u marārē wajamoāburire weredea

31 Irasū ārĩ odo, guare ārĩnemomi:

—Ȳu āārĩpererā t̄igū, āārĩpererā ȳure wereboerā merā i ũm̄u marārē doregu aarigú, gosewasiriri merā Opu doarogue doaguko. 32 Ȳu irogue doamakū, ȳure wereboerā āārĩpereri buri marā masakare ȳu diaye neeōrākuma. ĩgūsārē neeō odomakū, sugu ejorā koregu ovejare, cabrare boje dukawanúrōsū ȳu ĩgūsārē dukawanúguko. 33 Ȳure b̄uremurārē oveja irirosū āārĩrārē ȳu diaye gapu nūguko. Ȳure b̄uremumerārē cebra irirosū āārĩrārē ȳu kúgapu nūguko. 34 Ȳu irasiriadero paru, ȳu āārĩpererā Opu, ȳu diaye gapu nírārē āsū ārĩ wereguko: “Ȳupu m̄usārē ōārō irisiami. I ũm̄urē irigugeta m̄usāya āārĩburire ĩgūyarārē doreroguerē amuyusiami. Irasirirā ĩgū merā āārĩrā aarika! 35 Ȳu uaboamakū ĩārā, m̄usā ȳure baari ejobu. Ȳu ñemesibumakū, m̄usā ȳure iiriri tĩābu. Ȳu m̄usā p̄uro gāmeñajāgū ejamakū, ȳure kārĩrō wayubu. 36 Surĩ marĩgū ȳu āārĩmakū ĩārā, m̄usā ȳure surĩre sābu. P̄rĩrĩkamakū, m̄usā ȳure ĩārā ejobu. Peresugue ȳu āārĩmakūdere

yure iārā ejabu”, āriḡukoa. ³⁷ Yu irasū ārīmakū pérā, yu diaye gapu nīrā Yuru: “Ōārā, waja opamerā āārīma”, ārī iānerā yure sērēñarākuma: “Gua Opu, ¿naásū āārīmakū, mu uaboamakū gua murē baari ejori? ¿Naásū āārīmakū, mu ñemesibumakū murē iiriri tīārī? ³⁸ ¿Naásū āārīmakū, mu gua puro gāmeñajāgū ejamakū, kārīrō wayuri? ¿Naásū āārīmakū, mu suri marīḡū āārīmakū gua murē suri sārī? ³⁹ ¿Naásū āārīmakū, mu pūrīrikumakū, o peresugue mu āārīmakūdere gua murē iārā ejari?” ārīrākuma yure. ⁴⁰ Īḡūsā irasū ārīmakū pégu, yu āārīpererā Opu, Īḡūsārē āsū ārī yuḡukoa: “Diyeta musārē werea. Musā sugu yaarā watopegue āārīpererā nemorō ubu āārīḡūrē ōārō irirā, yureta ōārō irirā iribu”, āriḡukoa Īḡūsārē.

⁴¹ Īḡūsārē irasū ārī odo, yu kúgapu nīrārē āsū ārī weregukoa: “Yuru wajamoāsūmurā āārā musā. Yu purore wirika! Perebiri peamegue waaka! Yuru iri peamerē wātēa opu, Īḡuyarā merā āārīburore āmuyusiami. ⁴² Yu uaboamakū iārā, musā yure baari ejobiribu. Yu ñemesibumakū, musā yure iiriri tīābiribu. ⁴³ Yu musā puro gāmeñajāgū ejamakū, yure kārīrō wayubiribu. Suri marīḡū yu āārīmakū, musā yure suri sābiribu. Yu pūrīrikumakū, pere-sugue yu āārīmakūdere musā yure iārā ejabiribu”, āriḡukoa Īḡūsārē. ⁴⁴ Yu irasū ārīmakū pérā, Īḡūsā yure sērēñarākuma: “Gua Opu, ¿naásū āārīmakū, mu uaboamakū, ñemesibumakū, gua puro gāmeñajāgū ejamakū, suri opabirimakū, pūrīrikumakū, peresugue mu āārīmakū gua murē iritamubiriri?” ārīrākuma yure. ⁴⁵ Īḡūsā irasū ārīmakū, yu āārīpererā Opu Īḡūsārē āsū ārī weregukoa: “Diyeta musārē werea. Musā sugu yaarā watopegue āārīpererā nemorō ubu āārīḡūrē iritamumerā, yureta iritamumerā iribu”, āriḡukoa Īḡūsārē. ⁴⁶ Puru Īḡūsā perebiri peamegue wajamoāsūrākuma. Yuru: “Ōārā, waja opamerā āārīma”, ārī iānerā gapu Īḡū purogue perebiri okarire oparākuma, ārī weremi Jesús.

26

Oparā Jesúre ñeāburire āmudea (Mr 14.1-2; Lc 22.1-2; Jn 11.45-53)

¹ Jesús iri āārīpererire bue odo, ḡuare Īḡū buerārē ārīmi:

² —Penu dnyáa, pascua bosenu ejaburo. Irire musā masīa. Iri bosenu āārīmakū, yu āārīpererā tḡūrē ñeā, oparāguere wiarākuma, curusague pábiatú wējēdoremurā, ārīmi.

³ Iripoere paía oparā, Moisés gojadeare buerimasā, judío masaka murāde Caifás paía opuya wii disipuroma yebague nerēñurā. ⁴ Irogue nerērā, Īḡūsā Jesúre āriḡatori merā ñeā, wējēburire āmuñurā.

⁵ Irire āmurā:

—Bosenu āārīmakū, Īḡūrē ñeābirikōārā! Masaka marī merā guarā, marīrē gainí turibokuma, ārīñurā.

Sugo nomeō Jesúre sārōrī piupeodea (Mr 14.3-9; Jn 12.1-8)

⁶ Īḡūsā Īḡūrē wējēburire āmuripoere Jesús Betania wāikuri makāgue Simón kāmi boadiya wiiguge āārīmí. ⁷ Irogue Īḡū āārīmakū, sugo nomeō suru sārōdiru opago, Jesús puro ejamo. Igo opadiru “alabastro” wāikuri ūtāye merā iridiru, sārōrī wajapari opadiru āārībú. Jesús baa doaniripoē Īḡūya dipurure iri sārōrīrē piupeomo. ⁸ Igo irasū piupeomakū iārā, gua Jesús buerā guarā āsū ārību:

—¿Nasirigo igo irire irasiriwasiribéokōārī? ⁹ Iri sārōrīrē duago, wáro niyerure wajataboakumo. Iri niyeru merā boporārē iritamuboakumo, ārību.

¹⁰ Jesús, gua irasū ārīmakū pégu, ḡuare ārīmi:

—¿Nasirirā igore garibori musā? Ire yure irasirigo, ōārīrē irigo yámo. ¹¹ Boporā musā watopeguere āārīnikōārākuma. Yu tamerārē musā merā āārīnīmakū iābirikoa. ¹² Igo i sārōrī yure piupeogo, yaa dupure Īḡūsā yure yāaburo dupuyuro āmuyugo irirosū irigo yámo. ¹³ Diayeta musārē werea. Marīpu masakare tauri kerere wererā āārīperero i

ũmugue waagorenarã, igo yure irideadere gajerãrẽ wererãkuma, igore gũñaburo, ãrĩrã, ãrĩmi Jesús guare.

Judas Iscariote Jesúre wějẽduarãguere ãgũrẽ ãmuburire ãmudea
(Mr 14.10-11; Lc 22.3-6)

¹⁴ Jesús irasũ ãrãdero pũrũ, sugũ guã Jesús buerã pe mojõma pere su gubu peru pẽrẽbejarã watopemũ Judas Iscariote wãikũgu paia oparã merã werenígũ waayupũ.

¹⁵ Ìgũsãrẽ ãrĩyupũ:

—Yũ Jesúre musãrẽ wiamakũ, ¿noópã niyeru wajarirãkuri yure? ãrĩyupũ.

Ìgũ irasũ ãrĩmakũ pérã, ãgũrẽ treinta niyeru tiri plata merã iridea tirire wajariñurã.

¹⁶ Ìgũsã wajarimakũ, Judas: “¿Naásũ ããrĩmakũ ãgũsãrẽ yũ Jesúre wiamakũ õãkuri?” ãrĩ gũñayupũ.

Jesús ãgũ buerã merã baatũnudea
(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pũrũ pã wemasãrĩ morẽña marĩrĩ baari bosenu pũroririnũ ããrĩmakũ, guã Jesús buerã ãgũ pũroque waa, ãgũrẽ sãrẽñabũ:

—¿Noógue mũ pascua bosenu baaburire ãmumakũ gããmekuri? ãrĩbũ.

¹⁸ Ìgũ guare ãrĩmi:

—Jerusalẽgue waaka! Iro musã bokajagũre ãsũ ãrĩka: “Guare buegu mũrẽ ãsũ ãrĩ weredreami: ‘Yũ ñerõ tariburo méréõgã duyáa. Pascua bosenu ããrĩmakũ, yũ buerã merã mũya wiigũ baagũkoa’, ãrãmi”, ãrĩka! ãrĩmi Jesús.

¹⁹ Irasirirã, pascua bosenu ããrĩmakũ, Jesús doreaderosũta guã baaburire ãmunerã ããrĩmã.

²⁰ Naĩmejãripoe Jesús guã ãgũ buerã pe mojõma pere su gubu peru pẽrẽbejarã merã baa doanĩmi. ²¹ Guã baaripoe guare ãrĩmi:

—Diayeta musãrẽ werea. Sugũ musã watope ããrĩgũ yure wějẽduarãguere yure ãmugũkumi, ãrĩmi.

²² Ìgũ irasũ ãrĩmakũ pérã, guã buro bujawereri merã sugũno dita ãgũrẽ sãrẽñayobũ:

—Guã Opũ, ¿yũ ããrĩrĩ mũrẽ ãmubu? ãrĩbũ.

²³ Guã irasũ ãrĩ sãrẽñamakũ, guare yũjũmi:

—Yũ merã i pare pã yosa baagũta ããrĩmi yure wějẽduarãguere yure ãmubu. ²⁴ Marĩpũya werenĩrĩ gojadea pũgue gojaderosũta yũ ããrĩpererã tĩgũrẽ waaró yáa. Yure ãmubu gapũre ñetariro waarokoa. Ìgũ deyoabirimakũ õãboyo, ãrĩmi Jesús.

²⁵ Ìgũ irasũ ãrĩmakũ, Judas Jesúre wějẽduarãguere ãgũrẽ ãmubu sãrẽñami:

—Guare buegu, ¿yũ mũrẽ ãmubu ããrĩrĩ? ãrĩmi.

Jesús ãgũrẽ yũjũmi:

—Éũ, mũta ããrã, ãrĩmi.

²⁶ Irasũ ãrĩ odo, guã baaripoe Jesús pãrẽ ãĩ, Marĩpũre: “Mũrẽ usũyari sĩa”, ãrĩ, pãrẽ pea, guare ãgũ buerãrẽ ãsũ ãrĩ gueremi:

—Ire baaka! Yaa dupũ ããrã, ãrĩmi.

²⁷ Pũrũ iirĩripare ãĩ, Marĩpũre: “Mũrẽ usũyari sĩa”, ãrĩ, guare iripare sũu, ãsũ ãrĩmi:

—Musã ããrĩpererã ire iirĩka! ²⁸ I yaa dí ããrã. Yũ boagũ, dí béori merã wãrã masaka ñerõ iridea wajare wajaribosagũkoa. Irasirigu yaa dí béori merã Yũpũ ãgũsãrẽ: “Õãrõ irigũra”, ãrĩdeare iriyuwarikũgũkumi. Irasirigu ãgũsã ñerõ irideare kãtigũkumi. ²⁹ Musãrẽ werea. Iguĩ dekore marĩ dapora iirĩrosũ yũ dupaturĩ neõ iirĩnemobirikoa. Pũrũ Yũpũ ãgũyarãrẽ dorerogue musã merã maama iguĩ dekore iirĩgũkoa, ãrĩmi Jesús guare.

Jesús Pedrorẽ: “Yũre masĩkeregũ: ‘Masĩbea’, ãrĩgũkoa”, ãrĩ weredeã
(Mr 14.26-31; Lc 22.31-34; Jn 13.36-38)

³⁰ Pɥɥ Marĩpɥe bayapeo odo, gɥa iri wiigue ããrãnerã wiria, Olivos wãĩkɥri buúrugue waabu. ³¹ Irogue ejagu, Jesús gɥare ãrĩmi:

—Dapagã ñami mɥsã ããrĩpererã gũñaturaro marĩrõ yɥre béowãgãperekõãrãkoa. Mɥsã irasiriburire Marĩpɥya werenĩrĩ gojadea pũgue ãsũ ãrĩ gojasũdero ããrĩbú: “Yɥ oveja koregɥre wějẽmakũ irigukoa. Irasirimakũ, ĩgũyarã oveja ũmawasiriakõãrãkuma”, ãrĩ gojasũdero ããrĩbú. ³² Yɥ boadigue masãdero pɥɥ, mɥsã dupuyuro Galileague waadupuyugukoa, ãrĩmi gɥare.

³³ ĩgũ irasũ ãrĩmakũ pégu, Pedro ãsũ ãrĩ yɥjumi:

—Gajerã ããrĩpererã mɥrẽ béowãgãkerekɥɥ, yɥ gapɥ mɥrẽ neõ béowãgãbirikoa, ãrĩmi.

³⁴ Jesús Pedrore ãrĩmi:

—Diayeta mɥrẽ werea. Dapagã ñami ãgãbo wereburo dupuyuro mɥ yɥre masĩkeregɥ, ɥrea gajerãrẽ: “Masĩbea”, ãrĩgatogukoa, ãrĩmi.

³⁵ Pedro ĩgũrẽ ãrĩmi:

—Yɥ mɥ merã boabu ããrĩkeregɥ: “Masĩbea”, ãrĩgatobirikoa, ãrĩmi.

Ããrĩpererã gɥa ĩgũ buerã, Pedro ĩgũ ãrĩrõsũta ãrĩbɥ Jesúsre.

Jesús Getsemanígue Marĩpɥe sërẽdea

(Mr 14.32-42; Lc 22.39-46)

³⁶ Pɥɥ Jesús gɥa ĩgũ buerã merã waa, Getsemaní wãĩkurogue eja, gɥare ãrĩmi:

—Õõta doaka mɥsã dapa! Sõõgue Marĩpɥe sërẽgũ waagú yáa, ãrĩmi.

³⁷ Irasũ ãrĩ odo, Pedrore, Zebedeo pũrã pẽrãguereta siiuwãgãmi. ĩgũ buro gũñarikɥ, bujawereyupɥ. ³⁸ Irasũ bujaweregɥ, ĩgũ siiuwãgãnerãrẽ ãrĩyupɥ:

—Buro bujawereri merã kõmoma goero péñakoa. Õõta dujaka! Mɥsãde yɥ kãrĩberosũta kãrĩmerãta yɥre yúka! ãrĩyupɥ.

³⁹ Irasũ ãrĩ odo, yoaweyaro waanemo, yebague ĩgũya diapure moomejã, Marĩpɥe ãsũ ãrĩ sërẽyupɥ:

—Aɥ, yɥ ñerõ tariburire taudɥagu taumasã. Yɥ irasũ ãrĩkerekɥɥ, yɥ gããmerõsũ iribirikõãka! Mɥ gããmerõsũ gapɥ yɥre waaburo, ãrĩyupɥ.

⁴⁰ Irasũ ãrĩ sërẽ odo, ɥrerã ĩgũ buerã pɥrogue ejagu, ĩgũsã kãrĩrãrẽ bokaja, Pedrore ãrĩyupɥ:

—¿Nasirirã su horanogãgora mɥsã yɥre kãrĩmerãta yúmasĩberi? ⁴¹ Kãrĩmerãta! Marĩpɥe sërẽka, wãtĩ ãrĩmesãrĩrẽ iribokoa, ãrĩrã! Mɥsã gũñarĩ merã õãrĩrẽ iridɥadãa. Irire iridɥakererã, bokatiũbea, ãrĩyupɥ.

⁴² Irasũ ãrĩ odo, dupaturi waa, Marĩpɥe sërẽyupɥ doja:

—Aɥ, i yɥ ñerõ tariburire taudɥabi, mɥ gããmerõsũ irika! ãrĩyupɥ.

⁴³ Pɥɥ ĩgũ buerã ɥrerã pɥro dupaturi ejagu, kãrĩrãrẽta bokajayupɥ doja. ĩgũsãrẽ wɥja pũrĩtariyuro. ⁴⁴ ĩgũsãrẽ ããkõã, dupaturi Marĩpɥe sërẽgũ waayupɥ doja. ĩgũ sërẽaderosũta sërẽyupɥ. ⁴⁵ Pɥɥ ĩgũsã pɥro eja, ãrĩyupɥ:

—¿Mɥsã siuñajã, kãrĩrã yãri dapa? Yɥre ããrĩpererã tĩgũrẽ ñerãguere ĩgũsã wiari hora ejasiãa. ⁴⁶ Wãgãnugãka! Náka, waarã! Yɥre wějẽduarãguere yɥre ĩmubu aarisiami, ãrĩyupɥ Jesús.

Jesúsre ñeãwãgãdea

(Mr 14.43-50; Lc 22.47-53; Jn 18.2-11)

⁴⁷ ĩgũ irasũ ãrĩ wereripoe Judas, gɥa Jesús buerã pe mojõma pere su gubu peru pẽrẽbejarã watopemɥ ããrãdi ejami. Wãrã masaka sareri majĩrĩ, yukɥ dukari oparã ĩgũ merã ejama. ĩgũsã paía oparã, judío masaka mɥrã ĩgũsã iriuanerã ããrĩmã. ⁴⁸ ĩgũsã ejaburi dupuyuro Judas ĩgũsãrẽ Jesúsre ĩmubu ãsũ ãrĩ weredi ããrĩmĩ: “Yɥ ĩgũya wayupãrã mimigũta ããrĩgukumi. ĩgũrẽ ñeãka!” ãrĩdi ããrĩmĩ. ⁴⁹ Irasirigu Jesús pɥro ejagu, ĩgũrẽ ãrĩmi:

—Gɥare buegu, ¿ããrĩrĩ mɥ? ãrĩ, ĩgũya wayupãrãrẽ mimimi.

⁵⁰ Īgũ irasirimakũ ĩāgũ, Jesús ĩgũrẽ ārĩmi:

—Yũ merãmũ, ¿nasirigu aarigú iriari? Mũ irigũra, ārādeare irika! ārĩmi.

Irasirirā masaka Jesús pũro eja, ĩgũrẽ ñeāwāgākōāma.

⁵¹ Īgũsā ĩgũrẽ ñeāwāgāripoe sugũ ĩgũ buegũ ĩgũya sareri majĩrẽ tũāwea āĩ, paía opũre moāboegũya gāmpũrẽ dititá dijukōāmi. ⁵² Īgũ irasirimakũ ĩāgũ, Jesús gapũ ĩgũrẽ ārĩmi:

—Mũya sareri majĩrẽ duripíkōāka! Sareri majĩ merā gajerā merā gāmwējērāno, sareri majĩ merāta wējēsūrākuma. ⁵³ ¿Mũsā masĩberi? Yũpũre yũ sērēmakũ, daporata ĩgũrẽ wereboerārẽ pe mojōma pere su gubu peru pērēbejari burigora yũre iritamumurārẽ iriubokumi. ⁵⁴ Yũ sērēmakũ, Marĩpũya werenĩrĩ gojadea pũgue gojaderosũ waabiribokoa, ārĩmi Jesús.

⁵⁵ Irasũ ārĩ odo, masakare ārĩmi:

—¿Nasirirā sareri majĩrĩ merā, yukũ dukari merā sugũ yajarimasūrẽ ñeārā aarirā irirosũ yũre ñeārā aarĩri? Ɛmũrikũ Marĩpũya wiigũe yũ mũsārẽ bue doanĩmakũ, mũsā yũre neō ñeābiribũ. ⁵⁶ Daporare i āārĩpereri mũsā yũre irasirirā, Marĩpũya kerere weredupuyunerā gojaderosũta irirā yāa, ārĩmi Jesús.

Īgũrẽ ñeāmakũ ĩārā, gũa ĩgũ buerā ĩgũrẽ sugũreta ũmaweonũwāgākōābũ.

Jesũre oparā pũroque āĩadea

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Irasirirā Jesũre ñeānerā paía opũ Caifáya wiigũe āĩāñurā. Iri wiigũere Moisés gojadeare buerimasā, judío masaka mũrāde nerēsiañurā. ⁵⁸ Pedro gapũ yoawayaro Jesũre tũyañajāa, Caifáya wii disipũro ñajārōma yebague eja, Marĩpũya wiire korerā surara merā doayupũ. “¿Naásũ iriyuwarikũrākuri?” ārĩgũ, irogũe ĩā doanĩyupũ.

⁵⁹ Paía oparā, judío masaka mũrā, āārĩpererā oparā irogũe nerēanerā Jesũre ārĩgatori merā weresāmurārẽ āmarā iriñurā ĩgũrẽ wējēmurā. ⁶⁰ Īgũsā pũroque wārā masaka ārĩgatori merā ĩgũrẽ weresārā ejakererā: “Īgũ i ñerō iridea waja boaburo”, ārĩ weresārĩrẽ neō bokabiriñurā. Pũrũ gajerā pērā ĩgũrẽ ārĩgatori merā weresārā ejañurā.

⁶¹ Āsũ ārĩñurā:

—Īĩ āsũ ārĩmi: “Marĩpũya wiire béomasĩa. Ɛrenũ waaró merāta iri wiire dupaturi iri odomasĩa”, ārĩmi, ārĩñurā.

⁶² Īgũsā irasũ ārĩmakũ pégũ, paía opũ wāgānũgā, Jesũre ārĩyupũ:

—¿Īgũsārẽ yũjuberi mũ? ¿Nasirirā mũrẽ irasũ ārĩ weresārĩ? ārĩyupũ.

⁶³ Jesús gapũ yũjubiriyupũ. Īgũ yũjubirimakũ ĩāgũ, paía opũ ĩgũrẽ ārĩyupũ:

—Marĩpũ okanĩgũ péuro diaye wereka! ¿Mũta āārĩrĩ, Cristo Marĩpũ magũ? ārĩyupũ.

⁶⁴ Jesús ĩgũrẽ ārĩyupũ:

—Īgũta āārā mũ ārĩrōsũta. Idere mũsārẽ werea. Pũrũ yũ āārĩpererā tĩgũrẽ Yũpũ turagu diaye gapũ doamakũ ĩārākoa. Ɛmũgasima mikāyebori weka yũ aarimakũdere ĩārākoa, ārĩyupũ.

⁶⁵ Īgũ irasũ ārĩmakũ pégũ, paía opũ ĩgũ guarire ĩmugũ, ĩgũya surĩrore tũāyegue, āsũ ārĩyupũ:

—Īĩ irasũ ārĩ werenĩgũ, Marĩpũre ñerō ārĩgũ yámi. ¿Nasirimurā gajerā ĩgũrẽ weresārĩrẽ neō pénomobokuri marĩ? Mũsā, ĩgũ basita Marĩpũre ñerō ārĩrĩrẽ pésiáa. ⁶⁶ ¿Naásũ gũñarĩ? ārĩyupũ.

—Marĩpũre ĩgũ ñerō ārĩrĩ waja boaburo, ārĩ yũjuñurā.

⁶⁷ Irasũ ārĩ odo, ĩgũ diapure síku eotú, ĩgũrẽ doteñurā. Gajerā ĩgũya diapure pá, ⁶⁸ āsũ ārĩñurā:

—Mũ Cristo āārĩgũ, ārĩbokaka: “¿Noā mũrẽ pári?” ārĩñurā.

Pedro Jesũre masĩkeregũ: “Masĩbea”, ārĩdea

(Mr 14.66-72; Lc 22.56-62; Jn 18.15-18, 25-27)

⁶⁹ Iri wii poekague ĩgūsā irasiripoere Pedro disiparo ñajārōma yebague doanĩyupũ. ĩgũ irogue doamakũ, sugo paía opũre moãboego ĩgũ pũro eja, ĩgũrẽ arĩyupo:

—Mũde Jesús Galileamũ merã ããrĩdita ããrã, arĩyupo.

⁷⁰ Igo irasũ arĩmakũ pégu, Pedro ããrĩpererã iro ããrĩrã péurogue arĩgatori merã:

—Mũ irasũ arĩrĩrẽ pémasĩbirikoa yũ, arĩyupũ.

⁷¹ Pũrũ iri wii tũroma sãrĩrõ disiparogue waayupũ. Irogue gajego ĩgūsãrẽ moãboego ĩgũrẽ ĩãgõ, iro ããrĩrãrẽ arĩyupo:

—Jesús Nazaretmũ merã ããrĩdita ããrĩmi ĩĩ, arĩyupo.

⁷² Pedro arĩgatori merã dupaturi yũjũyupũ:

—Marĩpũ péuro diayeta werea. Yũ ĩgũrẽ masĩbea, arĩyupũ.

⁷³ Mérõgã pũrũta masaka irogue ããrĩrã Pedro pũrogue waa, ĩgũrẽ arĩñũrã:

—Mũ diayeta Jesús buerã merãmũta ããrã. Pémasĩrõta ĩgūsã irirosũ werenía, arĩñũrã.

⁷⁴ ĩgūsã irasũ arĩmakũ, Pedro yũjũyupũ:

—Marĩpũ péuro diayeta werea. Yũ mũsãrẽ diaye werebirimakũ, Marĩpũ yũre wajamoãburo. ĩgũrẽ neõ masĩbea yũ, arĩyupũ.

Ĩgũ irasũ arĩripoeta ãgãbo wereyupũ. ⁷⁵ Pedro, ãgãbo weremakũ pégu, Jesús ĩgũrẽ: “Ãgãbo wereburo dupuyuro mũ yũre masĩkeregu, urea: ‘Masĩbea’, arĩgatogukoa”, arãdeare gũñabokayupũ. Irire gũñaboka, wiria, bũjawereri merã bũro oreyupũ.

27

Jesúre Pilato pũro ãĩjadea

(Mr 15.1; Lc 23.1-2; Jn 18.28-32)

¹ Boyodujimejãripoe ããrĩpererã paía oparã, judío masaka mũrã merã nerẽ: “Ãsũ iri, Jesúre wějẽrã”, arĩ ãmuñũrã. ² Irasũ arĩ ãmu odo, Jesúre sia, ãĩwãgã, Poncio Pilato wãĩkũgũre Judea nikũ marã opũre wiañũrã.

Judas Iscariote boadea

³ ĩgūsã Jesúre wějẽrãkuma, arĩrĩrẽ pégu, Judas gapũ bũro bũjawereri merã ĩgũ Jesúre ĩmuadeare gũñayupũ. Irasirigu treinta niyeru tiri plata merã iridea tiri ĩgūsã ĩgũrẽ wajaridea tirire paía oparãrẽ, judío masaka mũrãrẽ wiagu waayupũ. Irogue eja, ĩgūsãrẽ arĩyupũ:

⁴ —Yũ ñetariro iriakubũ. Yũ ñerĩ iribire oparãguere wiadire: “Boaburo”, arãñũrã, arĩyupũ.

Ĩgũ irasũ arĩmakũ, ĩgũrẽ yũjũñũrã:

—Mũ irasiriadea guaya meta ããrã. Mũya ããrã, arĩñũrã.

⁵ ĩgūsã irasũ arĩmakũ pégu, Judas Marĩpũya wiigue niyeru tirire meéwasiribéo, waakõãyupũ. Waa, pũgubudare siasiu, ĩgũ basi ĩgũya wãnugũrẽ túsãnú, parimadija, boakõãyupũ.

⁶ Paía oparã niyeru tirire sea neeõrã, ãsũ arĩñũrã:

—I niyeru ĩgūsã masakũre wějẽburi waja wajariadea ããrã. Irasirirã i niyerure Marĩpũya wiima duripiri kũmague pímasĩbirikoa. Marĩrẽ doreri irasiridorebea, arĩñũrã.

⁷ Pũrũ ãsũ arĩñũrã: “I niyeru merã diari sorori weagũya nikũrẽ wajarimakũ õãrokoa. Irasirirã gajero marã õõgue boamakũ, iri nikũ ĩgūsãrẽ yáaburi nikũ ããrĩrokoa”, arĩñũrã.

⁸ Irasirirã masaka iri nikũrẽ: “Dí béodea nikũ ããrã”, arĩ wãiyema. Daporaguedere irasũta wãĩkũkõã. ⁹ ĩgūsã irasirimakũ, Jeremías Marĩpũya kerere weredupuyudi gojaderosũta waabũ. ãsũ arĩ gojadi ããrĩmĩ: “Israel bumarã treinta niyeru tiri plata merã iridea tirire ĩgũrẽ wajarideare ãĩma. ¹⁰ Irasirirã iri tiri merã diari sorori weagũya nikũrẽ wajarima. Irasirirã, Marĩpũ yũre: “Ãsũ irirãkuma”, arĩ gojadorederosũta yáma”, arĩ gojadi ããrĩmĩ.

*Pilato Jesúre sêrêñadea**(Mr 15.2-5; Lc 23.3-5; Jn 18.33-38)*

11 Pilato, Jesúre ìgũ p̄rogue ìgũsã àijamakũ, ìgũrê sêrêñayupũ:

—¿Mũta àãrĩrĩ judío masaka Opũ? àrĩyupũ.

—Mũ àrĩrõsũta ìgũta àãrã, àrĩ yujuyupũ Jesús.

12 Paía oparã, judío masaka mũrã ìgũrê weresãrĩ gapũre yujubiriyupũ. 13 Irasirigu Pilato ìgũrê àrĩyupũ:

—¿Àãrĩpereri ìgũsã mũrê weresãrĩrê péberi mũ? àrĩyupũ.

14 Jesús gapũ neõ yujubiriyupũ. Ìgũ yujubirimakũ ìãgũ, Pilato ìãgũkakõãyupũ.

*Jesúre wêjêdoredea**(Mr 15.6-20; Lc 23.13-25; Jn 18.38–19.16)*

15 Bojorikũ pascua bosenu àãrĩmakũ, Pilato sugũ peresugue àãrĩgũrê masaka wiudoregũre wiunayupũ. 16 Iripoere sugũ Barrabás wãikũgũ peresugue àãrĩyupũ. Masaka ìgũ ñerõ irideare masĩñurã. 17 Irasirigu ìgũsã nerêmakũ ìãgũ, Pilato ìgũsãrê sêrêñayupũ:

—¿Níi gapũre yũ wiumakũ gããmerĩ mũsã? ¿Barrabáre, o Jesús: “Cristo” ìgũsã àrĩgũ gapũre? àrĩyupũ.

18 Wárã masaka Jesúre b̄remumakũ ìãrã, oparã ìgũrê ìãturisĩã, Pilato p̄rogue àĩãnerã àãrĩmã. Pilato gapũ ìgũsã ìãturire masĩkõãyupũ. Irasirigu Jesúre wiudũadiyupũ.

19 Pũrũ Pilato masaka weresãrĩrê beyerimasũ doarogue doaripoe, ìgũ marãpo ìgũrê kere iriuyupo: “Ìgũ diayema irigũre gajerosũ neõ iribirikõãka! Dapagã ñami ìgũrê waaburire b̄ro goero kããkubũ”, àrĩ kere iriuyupo.

20 Paía oparã, judío masaka mũrã gapũ masakare àsũ àrĩdoreñurã: “ ‘Barrabáre wiuka, Jesús gapũre wêjêka!’ àrĩka!” àrĩdoreñurã. 21 Pũrũ Pilato masakare dupaturi sêrêñayupũ doja:

—¿Ìgũsã p̄rãrê níi gapũre yũ wiumakũ gããmerĩ mũsã? àrĩyupũ.

—Barrabás gapũre wiuka! àrĩ yujũñurã.

22 Ìgũsã irasũ àrĩmakũ pégu, Pilato sêrêñayupũ:

—¿Nasirigukuri yũ, ñi Jesús: “Cristo” ìgũsã àrĩgũ gapũre? àrĩyupũ.

Àãrĩpererã:

—Curusague pábiatú wêjêka ìgũrê! àrĩ yujũñurã.

23 Irasirigu Pilato àsũ àrĩyupũ:

—¿Ñeéno ñerĩrê iriari ñi, mũsã irasũ àrĩmakũ? àrĩyupũ.

Masaka gapũ dupaturi gainínemoñurã:

—Curusague pábiatú wêjêka ìgũrê! àrĩñurã.

24 Ìgũsã ìgũrê péduabirimakũ, ìgũsã guari merã gainímakũ pégu, Pilato dekore àiwãgãridoreyupũ. Iri merã masaka ìũrõ mojókoe, àsũ àrĩyupũ:

—Ìrê waja opabire wêjêdoreri, yũ doreri meta àãrã. Mũsã doreri àãrã, àrĩyupũ.

25 Ìgũ irasũ àrĩmakũ p̄rã, àãrĩpererã masaka àsũ àrĩñurã:

—Gũa mũrê ñrê wêjêdoreri waja, gũa, gũa pũrã àãrĩpererã merã waja oparãkoa, àrĩñurã.

26 Ìgũsã irasũ àrĩmakũ pégu, Pilato Barrabáre peresugue àãrĩgũrê wiuyupũ. Pũrũ surarare Jesúre tãrãdore, ìgũrê ìgũsãrê wiayupũ, ìgũrê curusague pábiatú wêjêdoregũ.

27 Irasirirã surara Jesúre Pilatoya wiima yebague àijãñurã. Irogue àãrĩpererã surarare Jesús p̄ro neeõñurã. 28 Pũrũ ìgũya surĩrore túwea ài, op̄ya surĩro irirosũ deyoriñe diariñerê ìgũrê sãñurã. 29 Pora merã iriadea berore ìgũya dipurure peoñurã. Irasiri odo, yukũre diaye gapũ moãsua, ìgũ p̄ro ñadũkupuri merã ejamejã, ìgũrê àsũ àrĩ b̄ridañurã:

—B̄remurã aarika judío masaka Opũre! àrĩñurã.

³⁰ Īgūrē síku eotú, Īgūsā moāsuadire tūāwea āi, irigū merāta Īgūya dipurure pánañurā.
³¹ Īgūrē burida odo, Īgūsā sādea surírore túwea, Īgūya suríro gapure sāñurā doja. Sā odo, curusague pábiatú wējēmurā Īgūrē āi wiriakōāñurā.

Jesúre curusague pábiatúdea
(Mr 15.21-32; Lc 23.26-43; Jn 19.17-27)

³² Īgūsā Īgūrē āiwāgārā, sugū masakure Simón wāikūgū Cirenemurē bokatīrīma. Īgūrē Jesús kōādea curusare kōādorema.

³³ Īgūrē irasū āiwāgārā, Gólgota wāikurogue āijama. “Gólgota”, āirō: “Masakū dipuru boaweadea pero”, āirōaro yāa. ³⁴ Irogue eja, igui deko sūrī merā morēdeare Jesúre tīādima. Jesús irire iirīña, purū iirībirimi.

³⁵ Īgūrē curusague pábiatú āiwāgūnú odo, surara Īgū surí sāñadeare: “Ubu ārīboka birarā: ‘¿Noārē dujarokuri?’ ” ārīma, irire Īgūsā basi gāme dukawamurā. Īgūsā irasirirā, Marīpūya kerere weredupuyudi gojaderosūta irima. Āsū ārī gojadi āārīmí: “Yaa suríre Īgūsā basi ārīboka bira dukawarākuma”, ārī gojadi āārīmí. ³⁶ Irasiriadero purū, surara curusa purō eja doama, Jesúre korerā. ³⁷ “Īi āsū iridea waja boami”, āirā: “Īita judío masaka Opū āārīmí”, ārī gojadea majirē curusague Jesúya dipuru weka pábiatúma.

³⁸ Pērā yajarimasādere curusarigue pábiatú āiwāgūnúma. Sugūre Īgū diaye gapū, gajigūre Īgū kúgapū pábiatú āiwāgūnúma. ³⁹ Masaka Jesús purō tariwāgānarā, ñerō ārī burida, Īgūsāya dipure yure, ārīma:

⁴⁰ —Mū āsū ārī wereníbu: “Marīpūya wiire bēo, purū urenū waaró merāta iri wiire dupaturi iri odogūkoa”, ārību. Irasirigū mū basi tauka! Mū diayeta Marīpū magū āārīgū, curusague merā dijarika! ārīma.

⁴¹ Irasūta paía oparā, Moisés gojadeare buerimasā, fariseo bumarā, judío masaka murāde ārī buridama. Āsū ārī gāme wereníma:

⁴² —Gajerā gapure taumi. Īgū basi gapū taumasībemi. “Israel bumarā Opū āārā”, ārīmi. Irasirirā, curusague merā Īgū dijarimakū Īārā, marī Īgūrē buremurākoa. ⁴³ Īgū: “Marīpūre buremua, Īgū magū āārā”, ārīmi. Irasirigū Īgū ārīderosūta Marīpū Īgūrē maīgū, iritamuburo, ārī buridama.

⁴⁴ Yajarimasā Jesús purō curusarigue pábiatú āiwāgūnúñerāde irasūta Īgūrē ñerō ārī buridama.

Jesús boadea
(Mr 15.33-41; Lc 23.44-49; Jn 19.28-30)

⁴⁵ Goeripoe āārīmakū, i nikū āārīpererogue naītīākōābu. Ūre hora gora naītīābu. ⁴⁶ Ūre hora ejamakūta Jesús burō gainími:

—Elí, Elí, ¿lama sabactani? ārīmi. Irasū ārīgū: “Yū Opū, yū Opū, ¿nasirigū yure béori mū?” ārīgū irimi.

⁴⁷ Surāyeri irogue āārīrā, Īgū irasū ārī gainímakū pérā:

—Marīpūya kerere weredupuyudire Elíare siiugū yámi, ārīma.

⁴⁸ Mata sugū Īgūsā merāmu ūmawāgā, igui deko piari yosadea yūsure yukū yuwague siatú, āiwāgā, Jesúre iirīburo, ārīgū, soemuúmi. ⁴⁹ Īgū irasirimakū Īārā, gajerā gapū āsū ārīma:

—Iropāta irika! Elías Īgūrē taugū aarimakū Īāñarā dapa marī, ārīma.

⁵⁰ Jesús dupaturi burō gainínemo, kōmoakōāmi. ⁵¹ Īgū kōmomakūta, Marīpūya wii poekama taribu disipuro kāmūtari gasiro ūmarō gapū merā yegue dijari, deko merā yeguesiajayuro. Nikū burō ñomebu. Ūtāyeri pagayeride waariakōābu. ⁵² Masāgoberī tūpākōāyuro. Wārā Marīpūre buremurā boanerā masāñurā. ⁵³ Jesús masādero purū, Īgūsā masāgoberigūre āārīnerā wiria, Marīpūya makāgue Jerusalēgue waañurā. Īgūsā irogue ejamakū, masaka wārā Īgūsārē Īāñurā.

⁵⁴ Romano marã surara opu ïgũyarã surara merã Jesúre koreanerã, nikũ ñomemakũ, ããrĩpereri irasũ waarire ïãrã, buro guka, güiri merã ãsũ ãrĩma:

— Ñi diayeta Marĩpu magũ ããrãdañumi, ãrĩma.

⁵⁵ Wárã nome yoaweyarogue Jesúre iũníma. Ñgũsã Galileague Jesúre iritamugorenanerã nome ããrĩmá. ⁵⁶ Ñgũsã nome watopeguere María Magdalena wãikũgo, gajego María wãikũgo Santiago, José pago, gajego Zebedeo marãpo ããrĩmá.

Jesúya dupure masãgobegue pídea
(Mr 15.42-47; Lc 23.50-56; Jn 19.38-42)

⁵⁷ Puru naĩmejãripoe ããrĩmakũ, José wári opagu, Arimatea wãikuri makãmu irogue ejami. Ñgũ Jesús buerire tuyagu ããrĩmí. ⁵⁸ Irasirigu Pilato purogue waa, Jesúya dupure yáabu sërëyuru. Ñgũ ãrĩ sërëmakũ pégu, Pilato surarare Jesúya dupure sídoreyuru ïgũrë. ⁵⁹ Irasirigu José waa, Jesúya dupure ãidiju, òãrĩ suríro gasiro gurari marĩrĩ gasiro merã ïgũya dupure òmayuru. ⁶⁰ Òma odo, ïgũrë yáabodea masãgobegue píyuru. Iri gobe, maama gobe ùtãyegue mádea gobe ããrĩyuro. Irogue Jesúya dupure pí odo, wári majĩ ùtã majĩ merã iro ñajãrõrë òãrõ biakõã, waakõãyuru. ⁶¹ Ñgũ irasiripoe María Magdalena, gajego María merã iri gobe bokatiũrõ iũdoaniñurã.

Surara Jesúya dupure pídea gobere koredea

⁶² Gajinu gapu judío masaka siuñajãrĩnu* ããrĩmakũ, paía oparã, fariseo bumarã Pilato purogue waañurã. ⁶³ ãsũ ãrĩñurã Pilatore:

— Gu opu, sõ ããrĩdi okagugue ãrĩgatorikũgu ãrĩdeare gu gũñãa. ãsũ ãrĩmi: “Yu boa, urenu puru masãgũkoa”, ãrĩmi. ⁶⁴ Irasirigu muyarã surarare urengora ïgũya dupure píaderogue koredoregu iriuka, ïgũ buerã ñami merã ïgũya dupure yajabirikõãburo, ãrĩgũ! Ñgũsã yajadero puru masakare: “Jesús boadigue masãkõãmi”, ãrĩbokuma. Irasiriro ïgũ ãrĩgatodea nemorõ ïgũsã ãrĩgatori gapu ñetarirokoa, ãrĩñurã.

⁶⁵ Ñgũsã irasũ ãrĩmakũ, Pilato yujuyuru:

— Jáu, ñisã yaarã surara òõgue ããrĩma. Ñgũsãrë ããka, iri masãgobe gajerosũ waari, ãrĩrã! Irasirirã musã bokatiũrõ ïgũsãrë koredoreka! ãrĩyuru.

⁶⁶ Ñgũ irasũ ãrĩmakũ, ïgũsã waa, iri gobe biadea ùtã majĩrë òãrõ wĩtãbiatoñurã, masaka ïgũsã ñajãdeare ïãmasĩrãra, ãrĩrã. Irasũ ããrĩmakũ, surarare iri gobere òãrõ koredoreñurã.

28

Jesús masãdea

(Mr 16.1-8; Lc 24.1-12; Jn 20.1-10)

¹ Judío masaka siuñajãrĩnu puru, gajinu boyodujimejãripoe gaji semana ñajãrĩnu ããrĩmakũ, María Magdalena, gajego María merã Jesúre pídea gobere ïãrã waañurã.

² Gũñaña marĩrõ nikũ buro ñomeyuro. Irasũ waaripoe marĩ Opure wereboegu ãmugasigue merã dijari, masãgobere ïgũsã biadea ùtã majĩrë tũpã, iri majĩ weka doayuru.

³ Ñgũ bupu miãrõsũ òãrõ gosewasirigu ããrĩyuru. Ñgũya suríro òãrõ borero ããrĩyuro.

⁴ Surara iri gobere koreanerã ïgũrë ïãrã, buro güiri merã narada, kõmorã irirosũ waañurã. ⁵ Puru Marĩpure wereboegu irogue ïãrã waanerã nomerë ãrĩyuru:

— Güibirikõãka! Yu masãa, musã Jesús ïgũsã curusague pábiatú wëjẽadire ãmarã yáa. ⁶ Ñgũ òõrë mámi. Ñgũ ãrĩderosũta masãsiami. Ñgũya dupure ïgũsã píaderore ïãrã aarika! ⁷ Puru mumurõ merã ïgũ buerãrë: “Ñgũ boadi ããrĩkeregũ, masãmi. Musã dupuyuro Galileague waagũkumi. Irogue ïgũrë ïãrãkoa”, ãrĩ wererã waaka! Irire musãrë weregu aarigũ iriabu, ãrĩyuru Marĩpure wereboegu.

* 27:62 Judío masaka siuñajãrĩnu, sábado ããrã.

⁸ Īgũ irasũ ãrĩmakũ pérã, masãgobere ãrã waanerã nome gũikererã, mumurõ merã usuyari merã Jesús buerãrẽ wererã ùmadujáañurã. ⁹ Īgũsã ùmadujáarã nomerẽ Jesús ĩgũsãrẽ bokatĩrĩ, õãdoreyupũ. Īgũrẽ ãrã, ĩgũ purõ ñadukupuri merã ejamejã, ĩgũya guburire ñeã, ĩgũrẽ buremuñurã.

¹⁰ Jesús ĩgũsãrẽ ãsũ ãrĩyupũ:

—Gũibirikõãka! Yaarã yũ buerãrẽ: “Galileague waaka!” ãrĩ wererã waaka! Irogue yũre ãrãkuma, ãrĩyupũ.

Surara ĩgũsã ããdeare weredea

¹¹ Īgũsã nome Jesús buerãrẽ wererã waaripoe surãyeri surara masãgobere koreanerã Jerusalẽgue waañurã. Irogue eja, paía oparãrẽ ããrĩpereri masãgobegue waadeare werepeokõañurã. ¹² Īgũsã irasũ ãrĩ weremakũ pérã, paía oparã, judío masaka murã merã nerẽñurã. Irasirirã ĩgũsã: “¿Nasirirãkuri?” ãrĩ ãmu odo, surarare wáro niyerure sĩ, ¹³ ãsũ ãrĩñurã:

—Masakare ãsũ ãrĩka: “Ñami merã gũa kãrĩripoe Jesús buerã masãgobegue eja, ĩgũya dupure yajakõãnerã ããrãma”, ãrĩka! ¹⁴ Pilato musã irasũ ãrĩ kerere pémakũ, gũa ĩgũ merã werenĩrãkoa, musãrẽ wajamoãbirikõãburo, ãrĩrã, ãrĩñurã.

¹⁵ Īgũsã irasũ ãrĩmakũ pérã, surara niyerure ñeã, waakõãñurã. Purũ paía oparã ĩgũsãrẽ weredoreaderosũta gajerãrẽ wereñurã. Irasirirã, ĩgũsã irasũ ãrĩrĩ kerere wárã judío masaka pénerã ããrĩmã. Daporaguedere ĩgũsã ãrĩgatodeare buremukõãma dapa.

Jesús ĩgũ buerãrẽ ĩgũyare buedoregũ pídea

(Mr 16.14-18; Lc 24.36-49; Jn 20.19-23)

¹⁶ Purũ gũa Jesús buerã pe mojõma pere su gubu suru pẽrẽbejarã Galileague waa, buúrugue ĩgũ gũare waadoredea buúrugue waabu. ¹⁷ Irogue eja, Jesúre ãrã, ĩgũrẽ buremubũ. Surãyeri gũa merã waanerã gapũ: “¿Īgũta ããrĩkuriye ñĩ?” ãrĩ gũñama. ¹⁸ Irasirigũ Jesús gũa purõ aari ejanũgã, ãsũ ãrĩmi:

—Yupũ yũre ããrĩpererogue i nikũ, ãmugasiguedere dorebure sóosiami. ¹⁹ Irasirirã ããrĩpereri buri marã masakare yaa kerere buerã waaka, ĩgũsãde musã irirosũta yaa buerire tũyaburo, ãrĩrã! Yupũ wãĩ merã, yũ wãĩ merã, Õãgũ deyomarĩgũ wãĩ merã ĩgũsãrẽ deko merã wãiyeka! ²⁰ ããrĩpereri yũ musãrẽ doredeare ĩgũsãrẽ bueka, irire iriburo, ãrĩrã! Ire masĩka musã! Yũ musã merã ããrĩnikõãgũkoa. I ãmu pedReadero puraguedere musã merã ããrĩnikõãgũkoa, ãrĩ weremi gũare Jesús.

Iropãta ããrã.

SAN MARCOS

Juan masakare wāiyerimasū buedea

(Mt 3.1-12; Lc 1.80; 3.1-9, 15-17; Jn 1.19-28)

¹ Marīpɛ magū Jesucristoya kere wereri, āsū nɛgādero āārībú:

² Iripoegue Isaías Marīpɛya kerere weredupuyudi, Marīpɛ ĩgū magūrē ārīdeare gojadi āārīmí. Marīpɛ ĩgū magūrē āsū ārīdi āārīmí:

Mɛ waaburo dupuyuro yaa kerere weredupuyubure iriugakoa, mɛ waaburore āmuyudoregɛ.✠

³ ĩgū masaka marīrōgue bɛro gainírí merā āsū ārī weregɛkumi:

“Marī Opɛ aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” ārī gainígɛkumi, ārī gojadi āārīmí.✠

⁴ Irasirigɛ Juan masaka marīrōgue masakare wāiyepɛroriwāgārigɛ, āsū ārī werenayupɛ ĩgūsārē:

—Mɛsā ñerō irideare bɛjawereka! Mɛsā gūñarīrē gorawayuka! Deko merā wāiyesūanerā dujaka! Irasirirā mɛsā ñerō irideare kātisūrākoa. ⁵ Āārīpererā Judea nikū marā, Jerusalén marāde ĩgū wererire pérā ejañurā. ĩgūsā ñerō irideare Marīpɛre weretaripeomakū ĩāgū, Juan ĩgūsārē dia Jordán wāikɛdiyague wāiyeyupɛ.

⁶ Juāya surí camellua poari merā suadea āārīyuro. ĩgūya yɛjɛwēñarīda waibɛ gasiro merā irideada āārīyuro. Poreroa, mume makānɛm marāyare baarikɛyupɛ. ⁷ Masakare āsū ārī werenayupɛ:

—Gajigɛ yɛ pɛrɛ aaribu, yɛ nemorō turagɛ āārīmí. Yɛ gapɛ ubu āārīgá, ĩgūrē neō sɛropebirikoa. ⁸ Yɛ mɛsārē deko merā wāiyea. ĩgū gapɛ Ōāgū deyomarīgū merā wāiyegɛkumi. Irasirigɛ Ōāgū deyomarīgū mɛsā merā āārīnīkōāgɛkumi mɛsārē iritamubu, ārīyupɛ.

Juan Jesúre deko merā wāiyedea

(Mt 3.13-17; Lc 3.21-22)

⁹ Iripoere Jesús Galilea nikūma makā, Nazaret wāikɛri makāgue āārādi, Juan pɛroegue ejayupɛ. ĩgū ejamakū, Juan ĩgūrē dia Jordán wāikɛdiyague wāiyeyupɛ. ¹⁰ ĩgū wāiyē odomakū, Jesús diague āārādi majānɛgāgūta ūmɛgasi tūpāmakū ĩāyupɛ. Ōāgū deyomarīgū buja irirosū deyogɛ ĩgū weka dijariyupɛ. ¹¹ Irasū waaripoe Marīpɛ ūmɛgasigue merā Jesúre āsū ārī wereníyupɛ:

—Mɛ yɛ magū, yɛ maīgū āārā. Mɛ merā bɛro ɛsɛyáa, ārīyupɛ.

Wātī Jesúre ārīmesādidea

(Mt 4.1-11; Lc 4.1-13)

¹² Jesúre Juan wāiyeri pɛrɛgāta Ōāgū deyomarīgū masaka marīrōgue āīayupɛ.

¹³ Irasirigɛ Jesús iroegue waa, cuarenta nɛrīgora makānɛm marā waimɛrā guarā watopegue āārīyupɛ. ĩgū iroegue āārīmakū, wātēa opɛ Satanás wāikɛgɛ ĩgūrē ārīmesādiyupɛ. Marīpɛre wereboerā ĩgūrē iritamurā ejañurā.

Jesús Galilea nikūgue masakare buenɛgādea

(Mt 4.12-17; Lc 4.14-15)

¹⁴ Herodes Juārē peresugue sóodobodero pɛrɛ, Jesús Galilea nikūgue masakare Marīpɛya kerere weregorenagū wāgāyupɛ. ¹⁵ Āsū ārī werenayupɛ:

—Marĩpu iripoegue: “Āsũ waarokoa”, ãrĩdea ejasiáa. Daporare mérõgã duyáa, ïgũyarãrẽ doreri ejaburo. Irasirirã musã ñerõ iririre bujawereka! Musã gũñarĩrẽ gorawayuka! ïgũ masakare tauri kere gapure baremuka! ãrĩyupu Jesús.

Jesús wapikurã waaĩ wějērĩmasãrẽ siiudea
(Mt 4.18-22; Lc 5.1-11)

¹⁶ Pũru Jesús Galilea wãĩkuri ditaru taro waagú, Simõrẽ, ïgũ pagumu Andrére bokajayupu. ïgũsã waaĩ wějērĩmasã ããrĩsĩã, ditarugue ïgũsãya buidire meéyorã iriñurã. ¹⁷ Jesús ïgũsãrẽ ãsũ ãrĩyupu:

—Náka, yu merã! Daporare musãrẽ waaĩ wějērĩmasã ããrĩrĩrẽ piri, masakare Marĩpuya kerere wererimasã ããrĩmakũ irigũkoa.

¹⁸ ïgũ irasũ ãrĩmakũ pérã, mata ïgũsãya buiriyukure irota píkõã, ïgũ merã waakõãñurã.

¹⁹ Pũru Jesús yoaweyaro waa, Zebedeo pũrã Santiagore, ïgũ pagumu Juãrẽ doódirugue ïgũsãya buiriyukure ãmu sãñanĩmakũ ïãyupu. ²⁰ Jesús ïgũsãrẽ siiuyupu. ïgũ siiumakũ pérã: “Jáu”, ãrĩ, ïgũsãya doódirugue ïgũsã pagu Zebedeore, ïgũrẽ iritamurã merã pí, Jesús merã waakõãñurã.

Wãtĩ ñajãsũdi Jesúre bokatĩrĩdea
(Lc 4.31-37)

²¹ ïgũ merã waa, Capernaum wãĩkuri makãgue ejañurã. Iroque judío masaka siuñajãrĩnu* ããrĩmakũ, Jesús ïgũsã nerẽrĩ wiigue† ñajãa, masakare buenugãyupu. ²² Moisés gojadeare buerimasã irirosũ buebiriyupu. Õãrõ doreri opagu irirosũta bueyupu. ïgũ irasũ buemakũ pérã, pégukakõãñurã. ²³ Iri wiiguere ïgũsã merã sugu wãtĩ ñajãsũdi ããrĩyupu. Āsũ ãrĩ gainíyupu:

²⁴ —Jesús Nazaretmu, ¿nasiribu guu puero aarĩri? ¿Guare peamegue béogu aarigú yári? Yu murẽ ïãmasĩkõãa. Mu, Mupu iriudi, õãtarigu ããrã, ãrĩyupu.

²⁵ Jesús wãtĩrẽ:

—Werenĩbita! Wirika ïgũrẽ! ãrĩyupu.

²⁶ ïgũ irasũ ãrĩmakũ pégu, wãtĩ masakure meémejã, naradamakũ iri, buro gainí, wiriakõãyupu. ²⁷ Jesús wãtĩrẽ béowiumakũ ïãrã, ããrĩpererã masaka ïãguka, ïgũsã basi ãsũ ãrĩ gãme sērẽñañurã:

—¿Ñeéno ããrĩrĩ, ñeéno maama bueri ããrĩrĩ i? Ïĩ wãtẽãrẽ ïgũ turaro merã wiridoremakũ, neõ ïgũrẽ tarinugãbema, ãrĩñurã.

²⁸ Mérõgã puruta ããrĩperero Galilea nikũ marã Jesús iriadea kerere péseyakõãñurã.

Jesús, Simón Pedro máñekõrẽ taudea
(Mt 8.14-15; Lc 4.38-39)

²⁹ Jesús nerẽrĩ wiigue ããrãdi Santiago, Juan merã wiria, Simón, Andréya wiigue waayupu. ³⁰ Simón máñekõ buro nimakurikugo peyarogue oyayupo. Irasirirã Jesúre: “Sĩrĩgõ yámo”, ãrĩ wereñurã. ³¹ Irasũ ãrĩmakũ pégu, Jesús igo puero ejanugã, igoya mojõrẽ ñeã tũãwãgũnumakũta nimakuri tariakõãyuro. Iri tarimakũ, ïgũsãrẽ baari ejoyupo.

Jesús wárã pũrĩrikurãrẽ taudea
(Mt 8.16-17; Lc 4.40-41)

³² Abe ñajãdero puu naĩmejãripoe iri makã marã ããrĩpererã pũrĩrikurãrẽ, wãtẽa ñajãsũnerãdere Jesús puogue ãĩjañurã. ³³ Irasirirã ããrĩpererã iri makã marã ïgũ ããrĩrĩ wii disipurogue nerẽñurã. ³⁴ Jesús wárã pũrĩrikurãrẽ tauyupu. Wárã wãtẽa masakare ñajãnerãdere béowiyupu. Wãtẽa, Jesús Marĩpu magũ ããrĩrĩrẽ masĩñurã. Irasirigu Jesús: “Werenĩmerãta!” ãrĩyupu.

* **1:21** Judío masaka siuñajãrĩnu, sábado ããrã. † **1:21** Judío masaka nerẽrĩ wii, sinagoga wãĩkuri wii ããrã. Iroque ïgũsã siuñajãrĩnu ããrĩmakũ nerẽ, Marĩpuya werenĩrĩ gojadea pũgue gojadeare buenama.

*Jesús Galilea nikũgue masakare buedea**(Lc 4.42-44)*

³⁵ Jesús gajinũ gapũ naĩtĩāweyaripogãta yobe, iri makã turo masaka marĩrõgue Marĩpure sērēgũ waayupũ. ³⁶ Simón, ĩgũ merãmarã merã Jesús marĩmakũ ĩãgũ, ĩgũrē āmagũ waayupũ. ³⁷ ĩgũrē bokagũ:

—Āārĩpererã masaka mũrē āmarã iriama, ārĩyupũ.

³⁸ ĩgũ irasũ ārĩmakũ, Jesús àsũ ārĩyupũ:

—Nãka, gaji makãrĩ òõ puro weya āārĩrĩ makãrĩ marãdere buegũ waadũakoa. Ire iributa i ùmũguere aaribũ.

³⁹ Irasirigũ āārĩperero Galilea nikũgue judío masaka nerērĩ wiirigũ buegorenagũ, wãtẽa masakare ñajãnerãrē béowiunayupũ.

*Jesús kãmi boagũre taudea**(Mt 8.1-4; Lc 5.12-16)*

⁴⁰ Jesús irasiriripoe sugũ kãmi boagũ ĩgũ puro eja, ñadakũpuri merã ejamejãja, ĩgũrē sērēyupũ:

—Mũ, yũ pũrĩrikũrire taudũagũ taumasĩa, ārĩyupũ.

⁴¹ ĩgũ irasũ ārĩmakũ pégũ, Jesús bũro bopoñarĩ merã ĩgũrē ĩã, ĩgũya mojõ merã moãña, àsũ ārĩyupũ:

—Mũrē taugũra. Kãmi marĩgũ dujaka!

⁴² ĩgũ irasũ ārĩrĩ merãta kãmi yaripereakõãyuro. Irasirigũ kãmi marĩgũ dujayupũ.

⁴³⁻⁴⁴ Jesús ĩgũrē turaro merã àsũ ārĩyupũ:

—Gajerã masakare mũ tariadeare werebirikõãka! Paĩ purogue mũya kãmi yariadeare ĩgũrē ĩmũgũ waaka, ĩgũ mũrē: “Òãa, kãmi marĩgũ āārã”, ārĩburo, ārĩgũ! ĩgũ irasũ ārãdero puro, Moisés gojadea pũgue sĩdoredeare sĩa! Mũ irire irimakũ ĩãrã, masakade mũya kãmi yariadeare masĩrãkuma.

⁴⁵ Jesús ĩgũrē: “Gajerãrē yũ mũrē tauadeare werebirikõãka!” ārĩkererũ, kãmi boadi gapũ irire masaka āārĩperero marãrē wererũroriyupũ. Irasirigũ Jesús masaka ĩũrõ makãrĩguere ñajãmasĩbiriupũ. Makã tũrogue dita waanayupũ. Irogue ĩgũ āārĩkererũ, masaka āārĩperero marã ĩgũ purogue ĩãrã ejanañurã.

2*Jesús dupũ buadire taudea**(Mt 9.1-8; Lc 5.17-26)*

¹ Mērõgã purũ Jesús dupaturi Capernaugue goedujáayupũ. ĩgũ gojadero purũ, iro marã masaka ĩgũ wiigũ āārĩrĩrē masĩñurã. ² Irasirirã mata wãrã masaka iri wiire nerē, disipũrogueta mũrĩwĩrĩnũgãjakõãñurã. Jesús ĩgũsãrē Marĩpũya kerere weregũ iriyupũ.

³ ĩgũ wereripoe wapikũrã ùma dupũ buadire Jesús purogue āĩjañurã. ⁴ Masaka wãrã āārĩmakũ, ĩgũrē āĩñajãmasĩbiriñurã. Irasirirã iri wii wekague mũrĩa, Jesús weka su gobe āĩwea, ĩgũ oyaro merãta ĩgũrē dijuñurã. ⁵ Jesús, ĩgũsã ĩgũrē bũremumakũ ĩãgũ, buadire àsũ ārĩyupũ:

—Yũ, mũ ñerõ irideare kãtia.

⁶ ĩgũ irasũ ārĩmakũ pérã, surãyeri Moisés gojadeare buerimasã iri wiigũ doarã Jesũre àsũ ārĩ gũñañurã: ⁷ “¿Nasirigũ ĩĩ ĩgũ werenĩrĩ merã Marĩpure ñerõ ārĩrĩ? Masaka ñerõ irideare neõ sugũ masakũ kãtimasĩbirikumi. Marĩpũ sugũta masĩkumi”, ārĩ gũñañurã.

⁸ Jesús ĩgũsã gũñarĩrē ĩãmasĩ, àsũ ārĩyupũ:

—¿Nasirirã irasũ gũñarĩ mũsã? ⁹ ¿Naásũ ārĩrĩ gapũ diasaberi ĩĩ buadire: “Yũ, mũ ñerõ irideare kãtia”, ārĩrĩ, o “Wãgãnũgã, mũ oyarore āĩkõã waaka!” ārĩrĩ gapũ diasaberi?

¹⁰ Yũ āārĩpererã tĩgũ i ùmũgue āārĩrãrē ĩgũsã ñerõ irideare Marĩpũ dorero merã kãtimasĩa.

Irasirigu ñi buadire taugura, musārē irire masĩdoregu, ārĩyupu. Irasũ ārĩ odo, buadire ārĩyupu:

11 —Yũ mũrē āsũ ārā: Wāgānugā, mũ oyaderore āikōā, mũya wiigie waaka!

12 Īgũ irasũ ārĩrĩ merāta āārĩpererā masaka ĩũrō wāgānugā, ĩgũ oyaderore āĩ, waakōāyupu. Irasiririre ĩārā, ĩāguka, Marĩpũre: “Ōātaria mũ, neō āsũ iririnorē ĩāñamerā āārĩbú”, ārĩ, usuyari sĩñurā.

Jesús Levíre siiudea

(Mt 9.9-13; Lc 5.27-32)

13 Pũru Jesús dupaturi ditaru tũrogue waayupu. Irogue wárā masaka ĩgũ pũro nerēmakũ ĩāgũ, ĩgũsārē bueyupu. 14 Pũru iro āārādi waa, Alfeo magūrē Leví* wāikũgure ĩgũ moārĩ taribugue doagũre ĩāyupu. ĩgũ romano marā opũre niyeru wajaseabosagu āārĩyupu. Jesús ĩgũrē ĩā:

—Nāka, yũ merā! ārĩyupu.

Īgũ irasũ ārĩmakũ pégu, Leví wāgānugā, ĩgũ merā waakōāyupu.

15 Jesús Levíya wiigie waamakũ ĩārā, wárā niyeru wajaseabosarimasā, gajerā ñerō irirāde ĩgũrē tũyañurā. Levíya wiigie eja, Jesús ĩgũsā merā ĩgũ buerā merā baa doanĩyupu.

16 Jesús ĩgũsā merā baa doanĩmakũ ĩārā, fariseo bumarā, Moisés gojadeare buerimasāde Jesús buerārē āsũ ārĩñurā:

—¿Nasirigu musārē buegu niyeru wajaseabosarimasā, ñerō irirā merā iirĩ, baari?

17 ĩgũsā irasũ ārĩmakũ pégu, Jesús ārĩyupu:

—Pũrĩrĩ marĩrā kũririmasũrē āmabema. Pũrĩrikurā gapũ ĩgũrē āmama. Yũ: “Ōārā āārā”, ārĩ gũñarārē siiugu aaribiribu. “Ñerō irirā āārā”, ārĩ gũñarā gapũre siiugu aaribú, ārĩyupu.

Jesúre bererimarē sērēñadea

(Mt 9.14-17; Lc 5.33-39)

18 Juan buerā, fariseo bumarāde bererā iriñurā. Irasirirā gajerā masaka Jesús pũro eja, ĩgũrē sērēñañurā:

—Juan buerā, fariseo bumarā buerire tũyarāde Marĩpũre bũremurā berenama. ¿Nasirirā mũ buerā gapũ ĩgũsā irirosũ iriberi?

19 Jesús ĩgũsārē yũjũyupu:

—Sugũ mojósiadi bosenũ irimakũ, ĩgũ siiuanerā ĩgũ merā āārĩrā, berebirikuma. 20 Pũru ĩgũrē gajerā āĩāmakũ, bũro bũjawererĩ merā bererākuma.

21 Masaka maama surĩro gasiro merā bũgũñerē seretũbirikuma. Irasũ seretũmakũ, maama gasiro ĩgũsā koeadero pũru, tũāneeō, bũgũñerē wári gobe yeguenemomakũ irikoa.

22 Waimũrā gasiri merā iridea ajuri bũgu ajurigue maama igui dekore diribirikuma. Irasũ dirimakũ, maama igui deko pāmu, bũgu ajuro sērāturabiri, oore-akōākoa. Irasiriro igui deko, ajurode kōmoko. Irasirirā maama igui dekore maama ajurogue diriro gāāmea, ārĩyupu†.

Siuñajārĩnũ āārĩmakũ, Jesús buerā trigo yerire tũrĩdea

(Mt 12.1-8; Lc 6.1-5)

23 Sunũ, judío masaka siuñajārĩnũ āārĩmakũ, Jesús trigo otedero watope waamakũ, ĩgũ buerā trigo yerire tũrĩ, koro, baawāgāñurā†. 24 Fariseo bumarā, Jesús buerā irasirimakũ ĩārā, Jesúre ārĩñurā:

—Īāka! ¿Nasirirā siuñajārĩnũrē moādobirikerepũru, mũ buerā irasũ yári?

* 2:14 Leví pe wāĩ opayupu. ĩgũta Mateo wāikũyupu. † 2:22 Fariseo bumarā, Moisés gojadeare buerimasā iripoegue marā iriunadeama bueri, maama bueri merā buemorēdũmakũ ĩāgũ, irasũ ārĩyupu Jesús. ‡ 2:23 Deuteronomio 23.25: Moisés gojadesa pũgue āsũ ārĩ gojasũdero āārĩbú: “Sugũ masakũ gajigũya poogue waagá, ĩgũya mojórĩ merāta trigo yerire tũrĩ, koro, baaburo. Wiirimajĩ merā diti āābirikōāburo”, ārĩ gojasũdero āārĩbú.

²⁵ Jesús ìgùsàrè yujuyupũ:

—¿Iripoegue opũ David ìgũ merāmarā merā ñaboagu, ìgũ irideare buebiriri? ²⁶ Ìgũ merāmarā merā Marĩpũya wiigue ñajāa, Marĩpũ ìũrõ peyari pã duparure baadi āārĩmĩ. Abiatar paía opũ āārĩripoe irasiridi āārĩmĩ. Marĩpũ paía āārĩmerārē: “Iri pã duparure baabirikõaka!” ārĩdi āārĩmĩ. David gapũ paí āārĩbirikeregu, irire baagu, Marĩpũ ìũrõ ìgũ dorerire tarinugāgũ meta iridi āārĩmĩ, ārĩyupũ.

²⁷ Irasũ ārĩ odo, āsũ ārĩyupũ doja:

—Iripoegue Marĩpũ masakaya āārĩburire siuñajārĩnurē ìgùsàrē pídi āārĩmĩ. Masaka gapũ inunorē ìgùsā iriburire doremasĩbema. ²⁸ Yu āārĩpererā tĩgũ āārĩsĩā, siuñajārĩnurē masakare gajino ìgùsā iriburire doremasĩā, ārĩyupũ Jesús.

3

Jesús mojõ diíweredire taudea

(Mt 12.9-14; Lc 6.6-11)

¹ Gajinu Jesús judío masaka nerērĩ wiigue ñajāyupũ doja. Iri wiigue sugũ masaku diayema mojõ gapũ diíweredi āārĩyupũ. ² Fariseo bumarā, Moisés gojadeare buerimasā Jesúre ìaduripítuya: “Siuñajārĩnu āārā, irasirirā ñi mojõ diíweredire ìgũ taumakũ ìgũrē weresārā!” ārĩ gũñañurā. ³ Jesús mojõ diíweredire:

—Wāgānugā, masaka ìũrõgue ejanugāgũ aarika! ārĩyupũ. ⁴ Irasũ ārĩ odo, gajerā iri wii āārĩrārē āsũ ārĩ sērēñayupũ:

—¿Siuñajārĩnurē Marĩpũ marĩrē ñeénorē iridoreyuri, õārĩrē, o ñerĩrē, masakare taurire, o wējērĩrē?

Ìgùsā gapũ ìgũrē yujubiriñurā. ⁵ Irasirigu Jesús ìgùsàrē guari merā ìāyupũ. Ìgùsā pémasĩduabirimakũ ìāgũ, bñjawereyupũ. Irasirigu mojõ diíweredire:

—Mũya mojõrē soeoka! ārĩyupũ.

Ìgũ irasũ ārĩmakũ pégu, soeoyupũ. Ìgũ soeomakũ, ìgũya mojõ õākõāyuro. ⁶ Irire ìārā, fariseo bumarā iri wiigue āārānerā wiria, Herodes merāmarā merā nerē: “¿Nasirisĩā, marĩ ìgũrē wējērākuri?” ārĩ gāme wereníñurā.

Jesús ditaru tũrogue wārā masakare buedea

⁷ Jesús gapũ ìgũ buerā merā ditaru tũrogue waakõāyupũ. Gajerā masaka Galilea nikũ marā wārā ìgũrē tũyañurā. ⁸ Judea nikũ marā, Jerusalén marā, Idumea nikũ marā, dia Jordán wāikũdiya gaji koepũ marā, gajerā Tiro, Sidón wāikũri makārĩ tũro marāde Jesús iriri kerere pérā, ìgũrē ìārā ejañurā. ⁹⁻¹⁰ Jesús wārā pũrĩrikurārē taugu iriyupũ. Ìgũ irasũ taumakũ ìārā, āārĩpererā pũrĩrikurā ìgũ pũrogue ejanugāñurā ìgũrē moañamurā. Irasirigu, ìgùsā wārāgora āārĩmakũ ìāgũ, Jesús ìgũ buerārē suru doódirure āmudoreyupũ, masaka ìgũrē kũñarõgāgora ejanugābirikõāburo, ārĩgũ. ¹¹ Wātēa ìgũrē ìā, ìgũ ìũrõ ñadukũpuri merā ejamejā:

—Mu ãmũgasigue marā Opũ magũ āārā, ārĩ gainíñurā.

¹² Ìgùsā irasũ ārĩmakũ, Jesús wātēārē turaro merā:

—Yaamarē werenímerāta! ārĩyupũ.

Jesús pe mojõma pere su gubu peru pērēbejarā ìgũ buedoregu pímurārē beyedea

(Mt 10.1-4; Lc 6.12-16)

¹³ Gajinu Jesús buúru wekague marĩa, ìgũ gāāmerārē siiuyupũ. Ìgũ siiumakũ pé, ìgũ pũro nerēñurā. ¹⁴ Irasirigu Jesús pe mojõma pere su gubu peru pērēbejarā ìgũ merā āārĩmurārē, Marĩpũya kerere ìgũ buedoremurārē beyeyupũ. ¹⁵ Ìgùsàrē ìgũ turarire sĩyupũ, pũrĩrikurārē tau, wātēa masakare ñajānerādere béowiuburo, ārĩgũ.

¹⁶ Āsũ wāikũrā āārĩñurā: Simón wāikũgu āārĩyupũ. Ìgũrēta “Pedro” wāiyeyupũ Jesús.

¹⁷ Gajigu Santiago, ìgũ pagũmu Juan ìgùsā Zebedeo wāikũgu pũrā āārĩñurā. Jesús ìgùsàrē

“Boanerges” wāiyeyupɯ. “Boanerges”, ārīrō: “Bupua masā”, ārīduaro yáa. ¹⁸ Gajerā: Andrés, Felipe, Bartolomé*, Mateo, Tomás, Santiago āārīñurā. Santiago, Alfeo magū āārīyupɯ. Gajerā: Tadeo, Simón āārīñurā. Simón, celote wāikuri bumɯ āārīyupɯ. ¹⁹ Gajigu Judas Iscariote wāikugɯ āārīyupɯ. Īgūta Jesúre wējēduarāguere ĩgūrē ĩmubu āārīyupɯ.

Jesúre: “Wātī turari opami”, ārī werewɯadea

(Mt 12.22-32; Lc 11.14-23; 12.10)

Pɯɯ Jesús ĩgū buerā merā su wiigue ñajāyupɯ. ²⁰ Dupaturi wárā masaka ĩgū pɯro nerēñurā doja. Irasirigu Jesús, ĩgū buerā merā baamasībiriyupɯ. ²¹ Jesúya wererā irasū waarire pérā: “Niārōtārīakōākumi”, ārīñurā. Irasirirā gajerogue ĩgūrē āāduarā ejadiñurā.

²² Gajerā Moisés gojadeare buerimasā Jerusalēgue merā aaranerā āsū ārīñurā:

—Ī, wātēa opɯ Beelzebú ñajāsūdi āārīmi. Irasirigu Beelzebú turari merā wātēārē béowiumi, ārīñurā.

²³ Īgūsā irasū ārīmakū pégu, Jesús masakare siiu, su keori merā āsū ārī wereyupɯ:

—¿Nasirigu Satanás ĩgū basita béowuibokuri? ²⁴ Su nikū marā ĩgūsā basi dukawari gāmekēārā, pereakōākuma. ²⁵ Su wii marā ĩgūsā basi dukawari gāmekēārā, pereakōākuma.

²⁶ Satanás ĩgūyarā merā dukawari gāmekēāgū, ĩgū basita yuwarikudijakōākumi.

²⁷ ‘Neō sugɯ masaku, turagɯya wiire ĩgūrē siapɯroribirikeregu, ĩgū oparire ēmagū ñajāmasībirikumi. Īgūrē siadero pɯɯgue merē ĩgūyare ēmamasīkumi, ārīyupɯ. Jesús wātī nemorō turagu āārā, ārīgū, irasū ārīyupɯ.

²⁸ Pɯɯ āsū ārīnemoyupɯ:

—Musārē diayeta werea. Marīpɯ āārīpereri masaka ñerō iririre, ĩgūsā ñerō ārī werenírīdere kātimasīmi. ²⁹ Ōāgū deyomarīgūrē ĩgūsā ñerō ārī werenímakū tamerārē neō kātibirikumi. Irasū waja opanikōārākuma, ārīyupɯ.

³⁰ Īgūsā ĩgūrē: “Wātī ñajāsūdi āārīmi ĩ”, ārī werewɯari waja irasū ārīyupɯ Jesús.

Jesús pago ĩgū pagupūrā merā ĩgūrē ĩāgō ejadea

(Mt 12.46-50; Lc 8.19-21)

³¹ ĩgū iro āārīripoe Jesús pago, ĩgū pagupūrā merā ejayupo. ĩgū āārīrī wii disipɯrogueta ejanugāja, iro āārīrārē Jesúre siiudoreñurā. ³² Irasirirā Jesús pɯro doarā ĩgūrē ārīñurā:

—Mɯpo, mɯ pagupūrā disipɯroguere mɯrē āmarā ejañurā.

³³ Jesús gapɯ āsū ārīyupɯ:

—¿Noā āārīrī yɯpo, yɯ pagupūrā?

³⁴ Irirere ārī odo, ĩgū pɯro doarārē ĩā, āsū ārīyupɯ:

—Īsā, yɯpo, yɯ pagupūrā irirosū āārīma. ³⁵ Marīpɯ gāāmerīrē irirāno, yɯ pagumɯ, yɯ pagumɯ, yɯpo irirosū āārīma, ārīyupɯ.

4

Jesús oterimasū keori merā buedea

(Mt 13.1-9; Lc 8.4-8)

¹ Gajinu Jesús ditaru tɯroguere buenugāyupɯ doja. Masaka wárā ĩgū pɯro nerēñurā. ĩgūsā wárā nerēmakū ĩā, Jesús doódirugue mɯrīñajāa, eja doayupɯ. Masaka ĩmparogue dujanugāñurā ĩgū buerire pémurā. ² Irasirigu wári keori merā ĩgūsārē āsū ārī bueyupɯ:

³ —Ōārō péka! Sugɯ oterimasū ĩgū oterire otegu waakumi. ⁴ ĩgū irire meéwasiriwāgāmakū, gaji yeri maague yurikoa. Iro yuriadea yerire mirā eja, baapeokōākuma. ⁵ Gaji yeri ūtāyerikurogue yurikoa. Iro nikū sīmerērōgā āārīmakū, iri yeri mata puriadikoa. ⁶ Puriñajādi, pɯɯ abe asimakū nugūrī marīsīā, ñāñ, boakōākoa. ⁷ Gaji yeri pora watopegue yurikoa. Pora gapɯ puritarimurīa, iro yuridea yerire wējēkōākoa.

* **3:18** “Bartolomé”, ārīrō: “Tolomé magū”, ārīduaro yáa. ĩgūta Natanael wāikugɯ āārīdi āārīmí. San Juan 1.43-51: Jesús Natanaere siiudea kere āārā.

Irasiriro duka marĩrĩta boakõãkoa. ⁸ Gaji yeri õãrĩ nikũgue yurikoa. Iri yeri puri, masã, õãrõ dukakukoa. Suñu treinta yeri, gajĩñu sesenta yeri, gajĩñu cien yeri dukakukoa, ãrĩyupũ.

⁹ Irire were odo:

—Gãmipũrĩ oparã, yũ wererire péduripĩka! ãrĩyupũ Jesús.

*Jesús buerã ãgũrẽ: “¿Nasirigũ keori merã bueri?” ãrĩ sërẽñadea
(Mt 13.10-17; Lc 8.9-10)*

¹⁰ Masaka waadero purũ, Jesús sugũta ããrĩmakũ ããrã, ãgũ buerã pe mojõma pere su gubu peru pẽrẽbejarã, gajerã ãgũ merã ããrĩrãde iri keori merã bueadeare:

—¿Naásũ ãrĩduaro iriari, gũare mũ bueadea? ãrĩñurã. ¹¹ Irasũ ãrĩmakũ pégu, Jesús ãgũsãrẽ ãrĩyupũ:

—Marĩpu ãgũyarãrẽ doregũ ããrĩrĩrẽ iripoeque masĩbirideare mũsãrẽ masĩmakũ yãmi. Yũ gajerãrẽ ãgũrẽ buremumerã gapũre keori merã dita buea. ¹² Irasirirã Marĩpu iririre ããkererã, ããmasĩbema. ãgũyare pékererã, õãrõ pémasĩbema. Marĩpu, ãgũsã ñerõ iriri gapũre pirimakũ ããgũ, kãtibokumi, ãrĩyupũ.

*Jesús oterimasũ keori merã ãgũ bueadeare: “Ãsũ ãrĩduaro yãa”, ãrĩ weredea
(Mt 13.18-23; Lc 8.11-15)*

¹³ Jesús gaji ãgũsãrẽ ãrĩnemoyupũ doja:

—¿Mũsã, iri keori merã yũ bueadeare pémasĩberi? Irire pémasĩmerã, ¿nasiri gaji gapũre pémasĩbokuri? ¹⁴ Marĩpũya kerere weregũ, oteri yerire otegũ irirosũ ããrĩmi.

¹⁵ Surãyeri masaka buriri maa irirosũ ããrĩma. Marĩpũya kerere péadero purũ, oteri yeri iri maague yuridea yerire mirã baapeoderosũ, wãtã opũ Satanãs aari, ãgũsã péadideare emapeokõãmi. ¹⁶⁻¹⁷ Gajerã masaka ãtãyerikuri yeba irirosũ ããrĩma. ãgũsã Marĩpũya kerere usuyari merã péma. Irire pékererã, oteri yeri ãtãyerikurogue yuriadero purũ, puri nugũrĩ puriñajãbiriderosũ waama. Irasirirã mérõgã purũ ãgũsã Marĩpũyare péduari waja gajerã ãgũsãrẽ ñerõ irimakũ ããrã, o ñerõ tarirã, ãgũsã péadeare pirikõãma. ¹⁸ Gajerã masaka porakuri yeba irirosũ ããrĩma. Marĩpũya kerere péma. Irire pékererã, oteri yeri porakurogue yuriadero purũ, pora gapũ puritarimũrĩa wẽjẽderosũ, ¹⁹ i ãmũma gapũre burõ gũñarikuma. “Wãri oparã õãrõ ããrĩrãkoa”, ãrĩ gũñarĩ, gajinorẽ burõ gããmenemorĩ Marĩpũya kerere péadideare kãtimakũ yãa. Otediñu duka marĩdiñu irirosũ dujama. Irasirirã Marĩpũyare iribema. ²⁰ Gajerã masaka õãrĩ nikũ irirosũ ããrĩma. Marĩpũya kerere õãrõ péduripĩma. “Õãgorãa”, ãrĩ, Marĩpũyare õãrõ yãma. Irasirirã otediñu wãri dukakurosũ ããrĩma. Surãyeri treinta yeri, gajerã sesenta yeri, gajerã cien yeri dukakurosũ ããrĩma, ãrĩyupũ Jesús.

*Jesús sããgodiru keori merã bueadea
(Mt 5.15-16; Lc 8.16-18)*

²¹ Gaji Jesús ãrĩnemoyupũ doja:

—Masaka sããgodirure ãã, dupa kũma dokague, o kãrĩrõ dokaguedere píbirikuma. Ubu gapũ ãmarõgue siukuma, õãrõ sããgoburo, ãrĩrã. ²² Masaka ããberogue duripĩdeare sããgorogue ããmasĩrõ irirosũ ããrĩpereri masaka masĩbirideare masĩsũrokoa. Irasiriro yayedea irirosũ neõ ããrĩbirikoa. ²³ Gãmipũrĩ oparã, yũ wererire õãrõ péduripĩka!

²⁴ Irasũ ãrĩ odo, ãsũ ãrĩnemoyupũ doja:

—Mũsã périre õãrõ pémasĩka! Mérõgã pémasĩduarã, mérõgã pémasĩrãkoa. Wãro pémasĩduarã, wãro pémasĩrãkoa. Marĩpu ãgũya kerere mũsã pémasĩduaropã pémasĩrĩrẽ sĩgukumi. Irasũ ããrĩmakũ, wãro pémasĩduarãrẽ sĩnemogukumi. ²⁵ Irasirigũ ãgũya kerere õãrõ pémasĩrãrẽ wãri pémasĩrĩ sĩnemogukumi. Gajerã pémasĩmerã gapũre ãgũsã pémasĩadideare emasũrãkuma. Irasirirã neõ pémasĩmerã ããrĩrãkuma, ãrĩyupũ.

Oteri masãrĩ keori merã bueadea

²⁶ Irasũ ãrĩ odo, gaji keori merã bueyupũ doja:

—Marĩpũ ãgũyarãrẽ doreri ãsũ ããrã. Sugũ masakũ ãgũya poeegue oteri yerire meéwasirigu irirosũ ããrã. ²⁷ ãgũ irasũ meéwasiriadero purũ, ñami merã kãrĩkumi. Purũ boyoripoe yobekumi. Ñmarĩ, ñamirĩ tarikoa. ãgũ oteadea yeri puri masãkoa. ãgũ gapũ irire: “Irasũ waakoa”, ãrĩ masĩbirikumi. ²⁸ Iri yeri yeba poekague ããrĩsã, puri, pũrĩ wiriparori, purũ dupañerĩgã wiri, ðuka yeri deyoakoa. Purũgue pama ðãrõ ðuka buribejakoa. ²⁹ Iri buribeja odomakũ ãã, ãgũrẽ moãboerãrẽ irire sea duripĩmurãrẽ iriukumi, ãrĩyupũ Jesũs.

Jesũs mostaza wãikuri yegã puri masãdea keori merã buedea
(Mt 13.31-32; Lc 13.18-19)

³⁰ Irasũ ãrĩ odo, gaji ãrĩnemoyupũ doja:

—Marĩpũ ãgũyarãrẽ doreri, ¿ñeeno irirosũ ããrĩkuri? ¿Ñeeno keori merã weregukuri? ³¹ I irirosũ ããrã. Suye oteriye mostaza wãikuri yegãrẽ oterosũ ããrã. Iri oteri yegã ããrĩpereri oteri yeri nemorõ mérĩ yegã ããrã. ³² Irasũ ããrĩkerero, otemakũ, purũ yukũ wãdi ðupũri padi masãkoa. Irasirirã mirã irigu ðupũrigue, yusurogue ãgũsãya surĩ suakuma, ãrĩyupũ Jesũs ãgũ buerãrẽ, ãgũsã merã ããrĩrãdere.

Jesũs masakare keori merã buenadea
(Mt 13.34-35)

³³ Jesũs masakare ãsũ buenayupũ. Marĩpũya kerere weregũ, wãri keori merã masaka pémasĩrõgueta buenayupũ. ³⁴ ãgũsãrẽ buegũ, keori merã dita buenayupũ. ãgũ buerã merã dita ããrĩgũ gapũ: “Ãsũ ãrĩðuaro yãa iri”, ãrĩ werenayupũ ãgũsãrẽ.

Jesũs mirũ, makũrĩrẽ toemakũ iridea
(Mt 8.23-27; Lc 8.22-25)

³⁵ Jesũs masakare oteri keori merã bueadeanũ naĩmejãripoe ãgũ buerãrẽ ãsũ ãrĩyupũ:

—Nãka, ditaru sikoepugue taribujarã!

³⁶ ãgũ irasũ ãrĩmakũ pé, masakare seretu, ãgũ sãñadea doódirugue mũrĩñajãa, ãgũrẽ ãrĩ taribujakõãñurã. Gajerã gaji doóriduparu merã wapikũwãgãñurã. ³⁷ ãgũsã taribujaripoe mirũ buru waa, makũrĩ ãgũsãya doódirure páñajãmiũakõãdiyuro. Buru goero waayuro ãgũsãrẽ.

³⁸ Jesũs gapũ wejaturoma doaripẽrõgue peyari gasiro merã eõtũ kãrĩbejakõãyupũ. Irasirirã ãgũ buerã ãgũrẽ ãsũ ãrĩ yobeñurã:

—¿Guare buegũ, mũ ããberĩ? Marĩ mirĩmurã yãa, ãrĩñurã. ³⁹ ãgũsã irasũ ãrĩmakũ pégũ, Jesũs wãgãñugã, mirũrẽ, makũrĩdere toedoreyupũ:

—Iropãta, toeaka! ãrĩyupũ. ãgũ irasũ ãrĩmakũ, mirũ, makũrĩ buru waadea toedi-japereakõãyuro.

⁴⁰ Purũ Jesũs ãgũ buerãrẽ ãrĩyupũ:

—¿Nasirirã güiri mũsã? ¿Yure buremurĩ opaberi dapa mũsã iropã güirã?

⁴¹ ãgũsã gapũ buru gũka, ãsũ ãrĩ gãme werenĩñurã:

—¿Ñeémũno masakũ ããrĩrĩ ñĩ? Mirũ, makũrĩgueta ãgũrẽ tarinũgãbea, ãrĩñurã.

5

Jesũs Gerasamũrẽ wãtẽa ñajãnerãrẽ béowiudea
(Mt 8.28-34; Lc 8.26-39)

¹ Jesũs ãgũ buerã merã ditarure taribuja, Gerasa* marãya nikũgue ejayupũ. ² Jesũs doódirugue ããrãdi majãñũgãripoe sugũ masakũ wãtĩ ñajãsũdi, masãgoberĩ watopegue ããrãdi Jesũre bokatĩrĩyupũ. ³ ãgũ masãgoberĩ watopegue ããrĩgũ ããrĩyupũ. Neõ sugũ ãgũrẽ pũguburi merã, kõmedari merãdere siapĩmasĩbiriñurã. ⁴ Wãri ãgũya guburire, mojørĩdere

* 5:1 Gerasa, Gadara wãikuri makãrĩ Decãpolis wãikuri nikũgue ããrĩyuro.

kōmedari merā siapínadiñurā. Īgūsā siapíriku, Īgūsā siadeadarire tūātawasiri béonokōāyupũ. Neō sugũ Īgūrē tarinugāmasibiriñurā. ⁵ Ūmũrikũ, ñamirikũ buurígũe, masāgoberi watopegue gainígorenayupũ. Īgũ basita ūtāyeri merā Īgũya dupare pá kāmítúnayupũ. ⁶ Jesúre yoarogueta ĩāgũ, ūmawāgāri, Īgũ ĩūrō ñadũkupuri merā ejamejāyupũ. ⁷⁻⁸ Jesús āĩyupũ:

—Wātĩ, mũ ñajādire wirika!

Irasũ āĩmakũ pégu, bũro gainírĩ merā āsũ āĩyupũ:

—Jesús, ūmũgasigue āāĩpererā nemorō turagu magũ, ¿nasiribu yári mũ yũre? Mũpũ ūmũgasigue āāĩgũ péuro mũrē sērēa. Yũre poyarikũmakũ iribirikōāka!

⁹ Jesús Īgūrē sērēñayupũ:

—¿Naásũ wāĩkũri mũ?

—Wárā āārā gũa. Irasirigu Legión wāĩkũa yũ, āĩyupũ.

¹⁰ Irasũ āĩrĩ odo, Jesúre bũro sērēyupũ doja:

—Gũare i nikūrē béowiubirikōāka! āĩyupũ. ¹¹ Iro buúru pũro wárā yesea āma baarā iriñurā. ¹² Īgūsārē ĩārā, wātēa Jesúre sērēñurā:

—Gũare yeseaguere ñajādozegũ iriuka!

¹³—Jáũ, Īgūsārēta ñajārā waaka! āĩyupũ Jesús wātēārē. Īgũ irasũ āĩmakũ, masakũguere āārānerā wiria, yesea dos mil āārĩrārē ñajāñurā. Īgūsā ñajāmakũ, yesea ūma mirēbuáa, ditarugue meébia dijáa, mirĩ boapereakōāñurā.

¹⁴ Irasũ waamakũ ĩārā, yeseare korerimasā gũkari merā ūmadujáa, Īgūsāya makã marārē, iri makã tũro marādere wererā waañurā. Īgūsā weremakũ pérã, masaka āārĩpererã: “¿Naásũ waáayuri?” āĩrĩ, ĩārā ejañurā. ¹⁵ Jesús pũro ejarã, wātēa ñajāsũdi āārādire iro doagũre ĩāñurā. Surĩro sãñadi, oārō pémasĩrĩ merā āārĩyupũ. Masaka Īgūrē ĩārā, bũro gũĩñurā. ¹⁶ Jesús masakũre wātēārē béowiuadeare ĩānerā yeseare waadeadere wereñurā. ¹⁷ Irire pérã, Gerasa marã Jesúre: “Waaka gũaya nikūrē!” āĩñurā.

¹⁸ Īgūsā irasũ āĩmakũ pégu, Jesús doódirugue mũrĩñajāyupũ. Īgũ mũrĩñajāmakũ, wātēa ñajāsũdi āārādi Jesúre: “Yũde mũ merā waadũakoa”, āĩrĩ sērēadiyupũ. ¹⁹ Īgũ irasũ āĩmakũ pégu, Jesús Īgūrē āsũ āĩyupũ:

—Yũ merā waabirikōāka! Mũya wiigũe goedujáaka! Mũrē mũ Opũ oārō iriadeare, Īgũ bopoñarĩ merā ĩādeare mũya wĩi marārē wereru waaka! āĩyupũ.

²⁰ Īgũ irasũ āĩmakũ pégu, Decápolis† wāĩkũrogue waa, iroma makārĩ marārē āārĩpereri Jesús Īgūrē irideare werenũgāyupũ. Āārĩpererã Īgũ wererire pérã, pégũkakōāñurā.

Jesús Jairo magōrē, gajego nomeō ĩgũya surĩrore moāñagōrē taudea
(Mt 9.18-26; Lc 8.40-56)

²¹ Jesús Gerasa marāya nikũgue āārādi doódirugue mũrĩñajāa, gajĩ koepũgue taribujakōāyupũ. Īgũ irogue ejamakũ ĩā, ditaru tũrogue wárã masaka ĩgũ pũro nerēñurā. ²² Īgũ irogue āārĩripoe sugũ judío masaka nerēĩ wĩi oparã merãmũ Jairo wāĩkũgũ ejayupũ. Jesúre ĩāgũ, ĩgũya guburi pũro ñadũkupuri merā ejamejāja, ĩgūrē bũro sērēyupũ:

²³—Yũ magō kōmobogue iriamo. Mũya mojōrĩ merā ñapeo, igore taugũ aarika! Mũ irasirimakũ, okagokumo, āĩyupũ. ²⁴ Īgũ irasũ āĩmakũ pégu, Jesús ĩgũ merā waayupũ. Īgũ waamakũ, wárã masaka ĩgūrē kũñarōgã tuuyañurā. ²⁵ Īgūsā watopegue sugo nomeō pe mojōma pere su gubu peru pērēbejari bojorigora dí wiriri merā pũrĩrikũgo āārĩyupo. ²⁶ Wárã kúririmasã igore kúrikerepũ, neō taribiriyuro. Igo niyeru opadideare āārĩpereri ĩgūsārē wajaripeokerepũ, sōo gapũ bũro waayuro. ²⁷⁻²⁸ Igo, Jesús pũrĩrikũrārē taurire péyupo. Irasirigo masaka watopegue waa: “Īgũya surĩrore yũ moāñamakũ, pũrĩrĩ yũre tarirokoa”, āĩrĩ gũñarĩ merã, Jesús pũrupũ gapũ ejanũgã, ĩgũya surĩrore moāñayupo. ²⁹ Mata

† 5:20 Gerasa, Gadara wāĩkũri makārĩ Decápolis wāĩkũri nikũgue āārĩyuro.

igo dí wiriadea tariakõâyuro. “Yure pûrîrî tarikoa”, ârî péñayupo. ³⁰ Igo moañmakûta, Jesús ïgû turaro merã sugo pûrîrikugore tauadeare masikõâyurũ. Irasirigũ masakare gãmenugã ïã:

—¿Noã yaa surírore moañnarî? ârîyupũ.

³¹ ïgû irasũ ârîmakû pérã, ïgû buerã ïgûrê ârîñurã:

—¿Mũ ïãberi? Wárã masaka mũrê kũñarõgã tuuyama. ¿Nasirigũ ïgûsãrê: “¿Noã yure moañnarî?” ârî sêrêñarî?

³² Jesús gapũ masaka ãârîpererãrê ïâyupũ, ïgûrê moañnadeore ïãbokabu. ³³ Jesús igo pûrîrikuri tariadeare masîmakû ïã, gũ naradari merã ïgûya guburi peru ñadukupuri merã ejamejã, ãârîpererire diaye ârîrî merã werepeokõâyupo.

³⁴ Jesús igore ârîyupũ:

—Mũ yure bûremurî opáa. Irasirigo mũ pûrîrikurire tausũa. Ûsuyari merã waaka! Mũ pûrîrikudea tariakõãa, ârîyupũ.

³⁵ Jesús irasũ ârîripoe Jairoya wiigüe ãârãnerã ejañurã:

—Mũ magõ kõmoakõãmo. Iropãta marîrê buegüe garibonemoka! ârîñurã.

³⁶ ïgûsã irasũ ârîkereperũ, Jesús Jairore ãsũ ârîyupũ:

—Güibirikõãka! Bûremurî opaka yure!

³⁷ Irasirigũ Jesús masakare: “Aaribirikõãka!” ârî, Pedro, Santiago, ïgû pagũmũ Juãrê siiu, Jairoya wiigüe ïgûsã merã waayupũ. ³⁸ Iri wiigüe ejagũ, wárã masaka bũro busuro orerãrê bokajayupũ. ³⁹ Jesús, wiigüe ñajãa, ïgûsãrê ãsũ ârîyupũ:

—¿Nasirirã musã iropã busuro oreri? Igo majîgõ boabemo. Kãrîgõ yãmo.

⁴⁰ ïgû irasũ ârîmakû pérã, ïgûrê buriñurã. Irasirigũ Jesús ãârîpererãrê wiriadoreyupũ. ïgûsã wiriadero perũ, majîgõ pagûsãmarãrê, ïgû merãmarãrê igo peyarogue siiu ñajãyupũ.

⁴¹ Ñajãja, igoya mojõrê ñeã, igore:

—Talita, cumi, ârîyupũ. “Talita, cumi”, ârîrõ: “‘Majîgõ, wãgãnugãka!’ ãrã”, ârîduaro yãa.

⁴² ïgû irasũ ârîmakûta, majîgõ wãgãnugã, waamasîyupo. Igo pe mojõma pere su gubu peru pêrêbejari bojori opago ãârîyupo. Masaka, igo masãmakû ïãrã, ïãgukatariakõãñurã.

⁴³ Jesús gapũ ïgûsãrê turaro merã:

—Igo masãdeare gajerãrê werebirikõãka! ârîyupũ. Irasũ ârî odo, igo pagûsãmarãrê: “Igore baari ejoka!” ârîyupũ.

6

Jesús Nazaregue goedujáadea (Mt 13.53-58; Lc 4.16-30)

¹ Perũ Jesús iro ãârãdi ïgûya nikûgue goedujáayupũ. ïgû buerãde ïgû merã waañurã.

² Judío masaka siuñajãrîñũ ãârîmakû, Jesús ïgûsã nerêrî wiigüe ñajãa, masakare buenugãyupũ. Wárã masaka iro ãârîã ïgû buemakû pérã, pégukakõãñurã:

—¿Noógüe bueyuri ïi iropã masîbu? ¿Noã ïgûrê iropã masîrîrê sîyuri, ïgû turari merã iri ïmuburire? ³ ïi taboa merã gajino irigũ ãârîmi. María magũ, Santiago, José, Simón, Judasã tîgũ ãârîmi. ïgû pagupûrã nomede õõ marîya makãta ãârîma, ârî gãme wereníñurã ïgûsã basi. Irasirirã ïgûrê bûremudubirîñurã.

⁴ Jesús gapũ ïgûsãrê ârîyupũ:

—Ãârîpererogue sugũ Marîpuya kerere weredupuyugüe gajerã bûremuma. ïgûya nikû marã, ïgûya wererã, ïgûya wii marã gapũ ïgûrê bûremubema, ârîyupũ.

⁵ Irasirigũ iro ãârîgû, wári Marîpũ turari merã iri ïmubiriyupũ. Surãyerita pûrîrikurãrê ïgûya mojõrî merã ñapeo tauyupũ. ⁶ Iro marã ïgûrê bûremubirimakû ïãgũ, gukatariakõãyupũ. Perũ iri makã tũroma makãrî marãrê buegũ waayupũ.

Jesús ĩgũ buerãrẽ buedoregũ iriudea
(Mt 10.5-15; Lc 9.1-6)

⁷ Irasirigũ Jesús ĩgũ buerã pe mojõma pere su gubu peru pẽrẽbejarãrẽ siiu needõ: “Yũ turari merã wãtẽa masakare ñajãnerãrẽ béowiuã waaka!” ãrĩ, ĩgũsã ããrĩpererãrẽ pẽrã dita dukawa iriuyupũ. ⁸ ĩgũsãrẽ iriugũ, gajino baari, aju, niyeru ããadorebiriupũ. ĩgũsã tuari yuku direta ããadoreyupũ. ⁹ ĩgũsã sãñarĩ merã dita waadoreyupũ. Gaji ĩgũsã surĩ sãñaburi ããadorebiriupũ. ¹⁰ Æsũ ãrĩyupũ:

—Sugũ musãrẽ õãrõ bokatĩrĩñeãmakũ, ĩgũya wiita dujaka! Iri makãrẽ wiri waarãgue iri wiire wirika! ¹¹ Su makã marã musãrẽ gããmebirimakũ ããrã, musã werenĩrĩrẽ pẽdũabirimakũ ããrã, iri makãrẽ tariwãgã, iri makãma nikũwera musãya guburigue tuadeare mojẽbéokõãka! ĩgũsã musãrẽ gããmebiri waja irasirika, ĩgũsãrẽ Marĩpũ wajamoãburire pẽmasĩburo, ãrĩrã! Yũ musãrẽ diayeta werea. Marĩpũ ããrĩpererã ñerãrẽ wajamoãrĩnũ ejamakũ, Sodoma, Gomorra marãrẽ wajamoãrõ nemorõ ĩgũsãrẽ wajamoãgukumi, ãrĩyupũ.

¹² ĩgũ irasũ ãrãdero purũ, waakõãñurã. Waa, masakare: “Musã ñerõ irideare bũjawereka! Musã gũñarĩrẽ gorawayuka!” ãrĩñurã. ¹³ Irasũ ããrĩmakũ, wãrã wãtẽa masakare ñajãnerãrẽ béowiuñurã. Wãrã pũrĩrikũrãrẽ uye merã wãkã, tauñurã.

Juan masakare wãiyerimasũ boadea
(Mt 14.1-12; Lc 9.7-9)

¹⁴ Æãrĩperero marã masaka Jesús ĩgũ iriri kerere pẽseyakõãñurã. Herodes, Galilea nikũ marã opũde pẽyupũ. Irire pẽgũ, Æsũ ãrĩyupũ:

—Juan masakare wãiyerimasũ boadigue masãdi ããrĩkumi. Irasirigũ turari merã wãri iri ĩmurĩrẽ irikumi, ãrĩyupũ.

¹⁵ Gajerã gapũ ãrĩñurã:

—ĩgũ, Elías iripoegue Marĩpũya kerere weredupuyudi ããrĩkumi.

Gajerã ãrĩñurã:

—ĩgũ, sugũ iripoeguemu, Marĩpũya kerere weredupuyudi irirosũ ããrĩgũ ããrĩkumi, ãrĩñurã.

¹⁶ Herodes irire pé, Æsũ ãrĩyupũ:

—ĩgũ, Juan ããrĩkumi. Yũ ĩgũrẽta ĩgũya dipurure ditiãdorebũ. Daporare dupaturi masãkumi doja, ãrĩyupũ.

¹⁷⁻¹⁸ Juan boaburi dupuyuro Herodes ĩgũ pagũmu Felipe marãpore ãma, igore marãpokũdi ããrĩmĩ. Igo Herodías wãikũdeo ããrĩmõ. ĩgũ irasirimakũ ããrã, Juan Herodere:

—Mũ pagũmu marãpore marãpokũgũ, Marĩpũ dorerire tarinũgãgũ yãa, ãrĩdi ããrĩmĩ. ĩgũ irasũ ãrĩrĩ waja Herodes ĩgũyarã ãmarẽ Juãrẽ peresu iridoredi ããrĩmĩ.

¹⁹⁻²⁰ Herodías gapũ Juãrẽ pũrĩsũgũ ããdeo ããrĩmõ. Irasirigo ĩgũrẽ wẽjẽduadeo ããrãdimõ. Herodes gapũ Juãrẽ: “Õãrĩrẽ irigũ, õãgũ ããrĩmĩ”, ãrĩ gũña, bũremurĩ merã ĩgũrẽ gũidi ããrĩmĩ. Juan weremakũ pẽgũ, bũro gũñarikũdi ããrĩmĩ. Irasũ gũñarikũkeregũ, usũyari merã ĩgũ wererire pẽdi ããrĩmĩ. Irasirigũ ĩgũrẽ wẽjẽdorebiridi ããrĩmĩ. Irasirigo Herodías ĩgũrẽ wẽjẽduakerego, wẽjẽdoremasĩbirideo ããrĩmõ. ²¹ Purũ Herodías ĩgũrẽ wẽjẽduadeo ããrĩsĩã, õãrõ bokadeo ããrĩmõ. Herodes ĩgũ deyoadeanu ããrĩmakũ, ĩgũya nikũ marã oparãrẽ, ĩgũyarã surara oparãrẽ, gajerã Galilea marã oparãdere siiu, ĩgũsã merã bosebaadi ããrĩmĩ.

²² ĩgũ siiuanerã merã baari taribugue baaripoe Herodías magõ ñajãa, ĩgũsã iũrõ baya ĩmudeo ããrĩmõ. Igo baya ĩmumakũ ããrã, Herodes, ĩgũ siiuanerãde usũyanerã ããrĩmã. Irasirigũ Herodes igore ãrĩdi ããrĩmĩ:

—Mũ gããmerĩnorẽ sërẽka yũre! Mũ sërẽrĩrẽ mũrẽ sĩgũra, ãrĩdi ããrĩmĩ.

²³ Irasirigu iro ããrĩrã péuro: “Ãrĩgatoro marĩrõ mu sërërõsũta murẽ sīgukoa. Yu opari, yaa nikũ ããrĩrĩ deko ejatuaropã murẽ sīgukoa”, ãrĩdi ããrĩmĩ. ²⁴ Īgũ irasũ ãrĩmakũ pégo, igo pago puro waa, sërẽñadeo ããrĩmó:

—¿Ñeénorẽ sërẽgokuri yu?

—Juan masakare wãiyerimasũya dipurure sërẽka! ãrĩ yujudeo ããrĩmó.

²⁵ Igo pago irasũ ãrĩmakũ pégo, mata opu Herodes purogue waa, ĩgũrẽ ãrĩdeo ããrĩmó:

—Daporata Juan masakare wãiyerimasũya dipurure dititá, soropa wáripa merã sĩmakũ gããmekoa.

²⁶ Igo irasũ ãrĩmakũ, opu Herodes buro bujaweredi ããrĩmĩ. Īgũ siiuanerã péuro: “Mu sërërĩrẽ murẽ sīgura”, ãrãdi ããrĩsĩã, gũyasĩrĩgũ, igore: “Mu sërërĩrẽ sĩbirikoa”, ãrĩmasĩbiridi ããrĩmĩ. ²⁷ Irasirigu mata ĩgũyagu surarare peresu iriri wiigue Juãya dipurure dititá ãiwãgãridoregu iriudi ããrĩmĩ. ²⁸ Irasirigu surara irogue waa, Juãya dipurure dititá, soropa merã ãiadi ããrĩmĩ. Āija, Herodías magõrẽ wiadi ããrĩmĩ. Īgũ igore iripare wiamakũ, ñeã, igo pagore ãia sĩdeo ããrĩmó.

²⁹ Juan buerã ĩgũrẽ waadea kerere pérã, irogue waa, ĩgũya dupure ãiwãgã, yáañurã.

Jesús cinco mil ãmarẽ baari ejodea

(Mt 14.13-21; Lc 9.10-17; Jn 6.1-14)

³⁰ Jesús ĩgũyare buedoregu iriuanerã ĩgũ puro goedujajarã, ĩgũsã iriadeare ĩgũsã masakare bueadeare werepeokõañurã.

³¹ ĩgũsã goedujajadero puru, wãrã masaka ĩgũsã puro gãmeñajãrã ejañurã. Irasirirã Jesús buerã baamasĩbiriñurã. Irasirigu Jesús ĩgũsãrẽ:

—Náka, marĩ dita masaka marĩrõgue siuñajãrã! ãrĩyupu. ³² Irasirigu Jesús ĩgũ buerã merã doódirugue murĩñajãa, ĩgũsã dita masaka marĩrõgue waakõañurã. ³³ ĩgũsã waamakũ ãrã, wãrã masaka Jesúre ãamasĩñurã. Irasirirã ããrĩpereri makãrĩ marã maague waa, Jesús ejaburogue ãmajasiañurã. ³⁴ Jesús doódirugue sãñadi majãnugãja, wãrã masakare ãyupu. ĩgũsãrẽ ãgũ: “Īsã oveja sugu ĩgũsãrẽ koregu opamerã irirosũ ããrĩma”, ãrĩ gũñayupu. Irasirigu ĩgũsãrẽ bopoñarĩ merã ãã, wãri buenugãyupu. ³⁵ Ñamika ããrĩmakũ, Jesús buerã ĩgũ puro waa, ĩgũrẽ ãrĩñurã:

—Õõ masaka marĩrõgue ããrã. Ñamikague ããrĩsiãa. ³⁶ Irasirigu masakare waadoreka! Makãrĩgue, makãrĩ tũroma wiirigue baari wajarirã waaburo. Marĩ õõguere baari opabea, ãrĩñurã.

³⁷ Jesús gapu:

—Mũsã ĩgũsãrẽ baari sĩka! ãrĩyupu.

Īgũ irasũ ãrĩmakũ pérã:

—¿Gua ĩgũsã baaburire wajarirã waamakũ gããmekuri? ĩgũsã baaburi doscientos nurĩ moã wajataropã wajakurokoa, ãrĩñurã.

³⁸ Jesús ĩgũsãrẽ ãrĩyupu:

—¿Dĩku pã duparu opari mũsã? Īãrã waaka!

—Jáu, ãrĩ, baarire ããrã waa:

—Su mojõma pã duparu ããrã, waaĩ pérãta ããrĩma, ãrĩñurã.

³⁹ Irasirigu Jesús ĩgũsãrẽ ãrĩyupu:

—Masakare tá weka boje yebori dita doayodoreka! ⁴⁰ Irasirirã su yebore cien, gajj yebore cincuenta doajañurã. ããrĩpererã irasũ dita doajañurã. ⁴¹ ĩgũsã eja doaperemakũ, Jesús su mojõma pã duparu, pérã waairẽ ãĩ, ãmugasigue ããmu, Marĩpũre: “Murẽ mũyari sĩa”, ãrĩyupu. Ārĩ odo, iri pã duparure pea, ĩgũ buerãrẽ sĩyupu, masakare gueredoregu. Waaĩdere irasũta iriyupu, ããrĩpererãrẽ gueredoregu. ⁴² Irasirirã ããrĩpererã õãrõ baayapiakõañurã. ⁴³ Puru ĩgũsã baadũãadeare Jesús buerã seasãrã, pe mojõma pere su gubu

peru p̄r̄ēbejari puuirigora ut̄udoboñurã. ⁴⁴ Pã duparure baanerã: nome, majĩrã keoña marĩrõ ãma direta keomakũ, cinco mil gora ããrĩñurã.

Jesús deko weka waadea
(Mt 14.22-27; Jn 6.16-21)

⁴⁵ P̄ru Jesús ĩgũ buerãrẽ doódirugue m̄rĩñajãdore, Betsaida wãĩk̄uri makãgue ĩgũ dupuyuro taribujadoreyupu. ĩgũsã taribujaripoe Jesús masakare: “Ōãrõ waaka!” ãrĩ seretuyupu. ⁴⁶ Seretu odo, buúrugue Marĩp̄ure s̄er̄egũ m̄rĩayupu. ⁴⁷ Naĩwãgãriripoe Jesús suḡta buúru wekague ããrĩyupu. ĩgũ buerã gap̄u ditaru dekogora ããrĩñurã. ⁴⁸ Mirũ ĩgũsãrẽ taribujamasĩña marĩrõ ĩgũsã diaye w̄j̄epumakũ ĩãyupu Jesús. P̄ru boyo m̄rĩriripoe ditarugue buaja, deko weka ĩgũsã p̄ru aari, ejanugã, ĩgũsãrẽ tariwãgãbu irirosũ iriyupu. ⁴⁹ ĩgũ irasũ deko weka ejanugãmakũ ĩãrã: “Masakũ boadi wãtĩ ããrĩmĩ”, ãrĩ gũña, b̄ru gokari merã gainĩñurã. ⁵⁰ ããrĩpererã ĩgũrẽ ĩãrã, b̄ru gokañurã. ĩgũsã gokamakũ ĩãgũ, mata Jesús ĩgũsãrẽ ãrĩyupu:

—Gũñaturaka! Ȳta ããrã. Gũimerãta!

⁵¹ ĩgũ irasũ ãrãdero p̄ru, ĩgũsã sãñadiru doódirugue m̄rĩñajãyupu. ĩgũ m̄rĩñajãmakũta, mirũ toekõãyuro. Irasũ waamakũ ĩãrã, ĩãgokatarĩakõãñurã. ⁵² ĩgũ pã duparure Marĩp̄u turari merã iri ĩmuadeare p̄emasĩbiriñurã. ĩgũyamarẽ õãrõ p̄emasĩturabiriñurã.

Jesús Genesaret marãrẽ p̄rĩrikũrãrẽ taudea
(Mt 14.34-36)

⁵³ Jesús doódirugue m̄rĩñajãmakũ, ĩgũ merã taribuja, Genesaret* wãĩk̄uri nikũgue eja, doódirure siatúpau majãkõãñurã. ⁵⁴ ĩgũsã majãmakũ, mata masaka Jesúre ĩãmasĩñurã. ⁵⁵ Irasirirã ĩgũsãya nikũ ããrĩpererogue ãmawãgã, p̄rĩrikũrãrẽ ĩgũsã peyari merãta ĩgũ ããrĩrõgue ãijañurã. ⁵⁶ ããrĩperero ĩgũ waaró ĩgũ ejaburi dupuyuro paga makãrĩ marã, mutã makãrĩgã marã, makãrĩ turo marãde p̄rĩrikũrãrẽ wiiri disip̄origue ãĩwiupĩñurã. ĩgũsã p̄ru ĩgũ ejamakũ ĩã, ĩgũrẽ:

—M̄ya surĩro yuwa direta ĩgũsãrẽ moãñadoreka! ãrĩ s̄er̄ẽñurã. Irasirirã ããrĩpererã ĩgũya surĩrore moãñarã ĩgũsã p̄rĩrikũadeare tarisũñurã.

7

Masakare ñerã waamakũ iririre buedea
(Mt 15.1-20)

¹ P̄ru fariseo bumarã, Moisés gojadeare buerimasãde Jerusalẽgue ããrãnerã eja, Jesús p̄ru nerẽñurã. ² Irasũ nerẽrã, ĩgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ĩãrã, ĩgũsãrẽ werew̄ñañurã. ³ Fariseo bumarã, ããrĩpererã judío masaka ĩgũsã ñekũsãmarã iriunaderosũ ĩgũsãya mojõrĩrẽ mojõkoep̄rori baañañurã. ⁴ ĩgũsã baari duarogue ejanerãde mojõkoep̄rorisĩã, baañañurã. Wãri gaji ĩgũsã ñekũsãmarã iriunadeare irit̄yãñurã. Irasirirã ĩgũsã ñekũsãmarã: “Ãsũ dita irika!” ãrĩdeare irirã, ĩgũsã iirĩriduparure, ĩgũsã iirĩburi duripĩriduparure, ĩgũsãya k̄omesororire, ĩgũsã doarip̄erĩrẽ koenañurã. ⁵ Irasirirã fariseo bumarã, Moisés gojadeare buerimasãde Jesúre ãsũ ãrĩ s̄er̄ẽñañurã:

—¿Nasirirã m̄ buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

⁶ Jesús ĩgũsãrẽ ãrĩyupu:

—M̄sã masaka ĩãberogue ñerõ iririkũrã, irigatorikũrã ããrã. Iripoegue Marĩp̄ya kerere weredupuyudi Isaiás m̄sã dapora irigatorire gojagũ, diayeta ãsũ ãrĩ gojadi ããrĩmĩ:

* **6:53** Genesaret wãĩk̄uri nikũ, Galilea wãĩk̄uri ditaru turo ããrĩyuro.

Masaka ìgùsàya disi merà yure òàrò wereníkererã, ìgùsàya gũñarìgue yure neò burremubema.

⁷ Irasiriro ìgùsà yure burremurã nerẽrĩ wajamáa. Ìgùsà bueri, yu doreri meta àãrã. Masaka doreri àãrã, àrĩ gojadi àãrĩmí.*

⁸ Irasirirã musã ñekúsamarã iriunaderosũ irimurã Marĩpu dorerire pirikòãa, àrĩyupu Jesús.

⁹ Àsũ àrĩnemoyupu doja:

—Musã ñekúsamarã doredeare irituyarã, Marĩpu doreri gapure béokòãa. ¹⁰ Iripoegue Moisés àsũ àrĩ gojadi àãrĩmí: “Mupure, mupore burremuka! Sugũ ìgũ pagusamarãrẽ ñerò werenìgũ wějèdoresũgukumi”, àrĩ gojadi àãrĩmí. ¹¹ Musã gapu masakare àsũ àrĩ buea: “Sugũ ìgũ pagure, o ìgũ pagore: ‘Yu musãrẽ siboadeare Marĩpure sipeokòãbu. Irasirigu musãrẽ iritamumasĩbirikoa’, àrĩmakũ òãgoráa”, àrĩ buea. ¹² Musã masakare irasũ àrĩ buerã, masakare ìgùsà pagusamarãrẽ iritamubirimakũ yáa. ¹³ Irasirirã musã ñekúsamarã pídeare gajerãrẽ irire irituyadorerã, ìgùsãrẽ Marĩpu doreri gapure ubu ìãmakũ yáa. Gaji wári irinorẽ yáa, àrĩyupu Jesús fariseo bumarãrẽ.

¹⁴ Irasũ àrĩ odo, Jesús masakare siiu, àsũ àrĩyupu:

—Yu wererire àãrĩpererã òàrò pékũínú, péka! ¹⁵ Masakaya disigue ñajãri ìgùsãrẽ ñerã waamakũ iribe. Ìgùsàya disi wiriri gapu, ìgùsãrẽ ñerã waamakũ yáa. ¹⁶ Gãmipũrĩ oparã, yu wererire pédurípika! àrĩyupu. ¹⁷ Puru Jesús masaka merã àãrãdi, wiigue ñajãkòãyupu. Irogue ìgũ buerã ìgũ keori merã wereadeare sërèñañurã. ¹⁸ Ìgùsã sërèñamakũ pégu, àrĩyupu:

—¿Musãde pémasĩberi dapa? Àãrĩpereri baari masakaya disigue ñajãri, ìgùsãrẽ ñerã waamakũ irimasĩbea. ¿Irire pémasĩberi musã? ¹⁹ Ìgùsã baadea ìgùsã gũñarìgue ñajãbea. Ìgùsàya paru gapu ñajãa, puru tariwiria, àrĩyupu. Irire àrìgũ: “Àãrĩpereri baari òàrĩ àãrã”, àrìgũ iriyupu. ²⁰ Gaji àrĩnemoyupu doja:

—Masaka ìgùsã gũñarìguere opari gapu, ìgùsãrẽ ñerã waamakũ yáa. ²¹ Ìgùsã gũñarìgue ñerĩ oparã, àsũ àãrĩma. Ñerĩ gũñarã, gajerã marãposã nomerẽ gãmebirarã, nome merã ñerĩ iririkurã, masakare wějèbéorã, ²² gajerãyare yajarã, gajigu oparinorẽ buro ùaribejarã, gajerãrẽ ñerò irirã, àrìgatorã, ñerã, gajino oparãrẽ ìaturirã, gajerãrẽ ñerò kere wererã, “Gajerã nemorò àãrã yu”, àrĩ gũñakererã pémasĩrĩ marĩrò irirã àãrĩma. ²³ Iri àãrĩpereri ñerĩ masaka gũñarìgue opari ìgùsãrẽ ñerã waamakũ yáa, àrĩyupu Jesús ìgũ buerãrẽ.

Judío masako àãrĩbeo Jesúre burremudea

(Mt 15.21-28)

²⁴ Puru Jesús iro àãrãdi waa, Tiro, Sidón wãikuri makãrĩ turogue ejayupu. Irogue eja, su wiigue ñajãyupu masaka ìgũ àãrĩròrẽ masĩbirikòãburo, àrìgũ. Irasirikeregu, masìkòãsũyupu. ²⁵ Sugo nomeò wãtĩ ñajãsũdeò pago ìgũ ejadeare pégo, mata ìgũ puro waa, ìgũya guburi puro ñadukupuri merã ejamejãyupo. ²⁶ Igo judío masako àãrĩbeo àãrĩyupo. Igo deyoadea makã Sirofenicia wãikuri makã àãrĩyuro. Jesús puro ñadukupuri merã ejamejãja, ìgũrẽ sërèyupo:

—Wãtĩrẽ béowiuka yu magòrẽ! àrĩyupo. ²⁷ Jesús igore àrĩyupu:

—Wii opu pũrã baarire ãma, diayéare ejomakũ òãbea.

²⁸ Igo ìgũrẽ yujyupo:

—Irasũta àãrã yu Opu. Irasũ àãrĩkerepuru, diayéagueta baari peyaro doka majĩrã baawasiridijurire baaboema, àrĩyupo.

²⁹ Jesús igore àrĩyupu:

—Mu òàrò yujma. Irasirigo muya wiigue goedujáaka! Wãtĩ mu magòrẽ ñajãdi wirisiami, àrĩyupu.

³⁰ Īgũ irasũ ārãdero pũru, igoya wiigue goedujáa, igo magõrẽ peyarogue oyagore bokajayupo. Wãtĩ igore ñajãdi wiriasiyupu. Irasirigo tariyupo.

Jesús sugũ werenírĩ kukugũre gãmipũ pébire taudea

³¹ Jesús Tiro wãĩkũri makã tũrogue āārãdi dupaturi wiri, Sidón wãĩkũri makārẽ tariwãgã, Decápolis wãĩkũri nikũrẽ tariwere, Galilea wãĩkũri ditarugue ejayupu doja.

³² Irogue ejamakũ iã, iro marã sugũ gãmipũ pébire werenírĩ kukugũre Jesús pũro ãã:

—Mũya mojóĩ merã ñapeoka ĩgũrẽ! ārĩ sērẽñurã. ³³ Irasirigũ Jesús masaka iãbero gapũ ĩgũrẽ ãã, mojóũrĩ merã pébiya gãmipũrĩrẽ soesóo, síku eoepo, ĩgũya nedirure moãñayupu.

³⁴ Pũru ãmũgasigue iãmu, siuñajãñugãja, ãsũ ārĩyupu:

—Efata! ārĩyupu. “Efata”, ārĩrõ: “Toyoka!” ārĩduaro yáa.

³⁵ Īgũ irasũ ārĩmakũta, pébiya gãmipũrĩ toyoakõãyuro. Mata ĩgũya nediru turadea niirõãmakũ, õārõ werenímasĩyupu. ³⁶ Jesús gapũ ĩgũrẽ taumakũ iãnerãrẽ: “Gajerãrẽ werebirikõãka!” ārĩyupu. Īgũ: “Werebirigorakõãka!” ārĩkerepũru, ĩgũsã gapũ gajerãrẽ werepeokõãñurã. ³⁷ Bũro iãgũka, usũyari merã ãsũ ārĩñurã:

—Āārĩpererire õārõ yámi. Gãmipũ pémerãrẽ õārõ pémakũ yámi. Werenímasĩmerãdere õārõ werenímasĩmakũ yámi, ārĩñurã.

8

Jesús cuatro mil ãmarẽ baari ejodea

(Mt 15.32-39)

¹ Pũru dupaturi wárã masaka Jesús pũrogue nerẽanerãrẽ baari peremakũ iãgũ, ĩgũ buerãrẽ siiu, ārĩyupu:

² —Urenũgora waáa, iĩsã masaka yũ merã āārĩrõ. ĩgũsãrẽ baari perezakõãa. Irasirigu ĩgũsãrẽ bopoñarĩ merã iãa. ³ Surãyeri yoarogue aarinerã āārĩmã. ĩgũsã baamerãrẽta ĩgũsãya wiirigue goedujáadoremakũ, maa dekota turabiriakõãbokuma, ārĩyupu.

⁴ Īgũ irasũ ārĩmakũ pérã, ĩgũ buerã yũjuñurã:

—¿Nasirisĩã, õõ masaka marĩrõguere baari boka ejobokuri marĩ ĩgũsãrẽ?

⁵ Jesús ĩgũsãrẽ sērẽñayupu:

—¿Diĩkũ pã duparu opari mũsã?

—Su mojóma pere gaji mojó peru pērẽbejari duparu opáa, ārĩ yũjuñurã.

⁶ Irasirigũ Jesús masakare yebague doadore, iri pã duparure ãĩ, Marĩpũre: “Mũrẽ usũyari sĩa”, ārĩyupu. Irasiri odo, pã duparure pea, ĩgũ buerãrẽ sĩyupu, masakare gueredoregũ. ⁷ Waaigãdere mérãgã opañurã. Jesús ĩgũsãgãrẽ ãĩ, Marĩpũre: “Mũrẽ usũyari sĩa”, ārĩ, iridere ĩgũ buerãrẽ masakare gueredoreyupu. ⁸ Āārĩpererã irire baayapiakõãñurã. Pũru ĩgũsã baadũáadeare Jesús buerã su mojóma pere gaji mojó peru pērẽbejari puuiri seasã utũdoboñurã. ⁹ Iro baanerã: nome, majĩrã keoña marĩrõ ãma direta keomakũ, cuatro mil gora āārĩñurã. ¹⁰ Pũru Jesús ĩgũsãrẽ seretu, ĩgũ buerã merã doódirugue mũrĩñajãa, Dalmanuta wãĩkũri makã tũrogue waayupu.

Fariseo bumarã Jesúre Marĩpũ turari merã iri ĩmudoredea

(Mt 16.1-4; Lc 12.54-56)

¹¹ Pũru fariseo bumarã Jesús merã werenírã ejañurã. Irasũ ejarã: “Marĩpũ turari merã iri ĩmurĩrẽ irika!” ārĩñurã. “Īgũ irire irimasĩbi, Marĩpũ iriudi meta āārĩmi”, ārĩduarã, irasũ ārĩñurã. ¹² ĩgũsã irasiridoremakũ pégu, Jesús bũro bujawereri merã siuñajãñugãja, ārĩyupu:

—Mũsã dapora marã masaka, ¿nasirimurã Marĩpũ turari merã iri ĩmurĩrẽ iãduari? Diayeta mũsãrẽ werea. Marĩpũ turari merã iri ĩmurĩrẽ mũsã iũrõ neõ iribirikoa, ārĩyupu.

¹³ ĩgũsãrẽ irasũ ārĩ odo, ĩgũsã iro nĩrõta, doódirugue mũrĩñajãa, ditaru sikoepugue taribujakõãyupu ĩgũ buerã merã.

Jesús Fariseo bumarã, Herodeya bumarã ñerĩ buerire weredeá
(Mt 16.5-12)

- ¹⁴ Irogue taribujarã, ìgüsã baaburire kãtikõãñurã. Doódiruguere suruta pã opañurã.
- ¹⁵ Irasirigũ Jesús ìgüsãrẽ goepeyari merã wereyupũ:
—Fariseo bumarã, Herodeyarãya pã wemasãrĩ morẽrĩrẽ õãrõ pémasĩka! ãrĩyupũ.
- ¹⁶ Ìgũ buerã gapũ ìgũ irasũ ãrĩrĩrẽ pémasĩmerã, ìgüsã basi ãsũ ãrĩ gãme werenĩñurã:
—Marĩ pã opabirimakũ ìãgũ, irasũ ãrĩkumi, ãrĩñurã.
- ¹⁷ Jesús, ìgüsã irasũ ãrĩrĩrẽ masĩkõãyupũ. Irasirigũ ìgüsãrẽ ãrĩyupũ:
—¿Nasirirã: “Pã opabea”, ãrĩ gãme werenĩrĩ? ¿Masĩberĩ? ¿Pémasĩberĩ mũsã dapa? ¹⁸ ¿Koye opakrerã, ìãberĩ? ¿Gãmipũrĩ opakrerã, péberĩ? ¿Yũ irideare gũñaberĩ mũsã? ¹⁹ ¿Yũ cinco mil masaka ãmarẽ pe mojõma pã duparure yũ dukawa sĩdeare gũñaberĩ? Ìgüsã baayapiadero pũrũ, ¿diĩku puuiri ìgüsã baadũáadeare seasã utũudobori? ãrĩyupũ Jesús.
—Pe mojõma pere su gubu peru pẽrẽbejari puuiri, ãrĩ yũjuñurã.
- ²⁰ Ìgüsã irasũ ãrĩmakũ pégu:
—Pũrũ su mojõma pere gaji mojõ peru pẽrẽbejari pã duparure cuatro mil masakare yũ sĩdero pũrũ, ¿diĩku puuiri ìgüsã baadũáadeare seasã utũudobori?
—Su mojõma pere gaji mojõ peru pẽrẽbejari puuiri, ãrĩ yũjuñurã.
- ²¹ Ìgüsã irasũ ãrĩ yũjumakũ, ìgüsãrẽ:
—¿Mũsã irire gũñakererã, pémasĩberĩ dapa? ãrĩyupũ Jesús.

Jesús Betsaidamũrẽ koye ìãbire taudea

- ²² Ditarure taribuja, pũrũ Betsaida wãikũri makãrẽ ejañurã. Ìgüsã irogue ejamakũ ìãrã, iro marã sugũ koye ìãbire Jesús pũro ãia:
—Mũya mojõ merã moãñaka, ìgũrẽ taridoregu! ãrĩ, bũro sẽrẽñurã. ²³ Ìgüsã irasũ ãrĩmakũ pégu, Jesús koye ìãbiya mojõrẽ ñeã, iri makã tũrogue ìgũrẽ tũãwãgã, sĩku merã ìgũya koyere eoepoyupũ. Irasiri odo, ìgũya mojõrĩ merã ìgũrẽ ñapeo:
—¿Mũrẽ gajino deyori? ãrĩ sẽrẽñayupũ Jesús. ²⁴ Ìgũ ìãpã, ìãdiyupũ. Irasirigũ Jesúre:
—Masakare ìãdáa. Ìgüsã yuku irirosũ deyorã waanamakũ ìãa, ãrĩyupũ.
- ²⁵ Ìgũ irasũ ãrĩmakũ, Jesús dupaturi ìgũya mojõrĩ merã ìgũya koyere ñapeoyupũ doja. Iropãgueta ããrĩpereri õãrõ deyoyuro ìgũ ìãmakũ. ²⁶ Irasirigũ Jesús ìgũrẽ:
—Mũya wiigüe diayeta goedujáakõãka! Makãguere waabirikõãka! I mũrẽ yũ iriadeare gajerã masakare iro ããrĩrãrẽ werebirikõãka! ãrĩyupũ.

Pedro Jesúre: “Mũ Cristo ããrã”, ãrĩ weredeá
(Mt 16.13-20; Lc 9.18-21)

- ²⁷ Pũrũ Jesús ìgũ buerã merã Cesarea Filipino wãikũri makã tũro ããrĩrĩ makãrĩgue waañurã. Maa waagũ, ìgũ buerãrẽ ãsũ ãrĩ sẽrẽñayupũ:
—Masaka yũre, ¿naásũ ãrĩ gũñarĩ? ãrĩyupũ.
- ²⁸ Ìgũ buerã ìgũrẽ yũjuñurã:
—Surãyeri mũrẽ: “Juan, masakare wãiyerimasũ ããrĩmi”, ãrĩma. Gajerã: “Elías ããrĩmi”, gajerã: “Marĩpũya kerere weredupuyurimasã merãmũ ããrĩmi”, ãrĩma, ãrĩñurã.
- ²⁹ —Mũsãkoa yũre, ¿naásũ gũñarĩ? ãrĩ sẽrẽñayupũ.
Pedro ìgũrẽ yũjuyupũ:
—Mũ, Marĩpũ iriudi, Cristo ããrã, ãrĩyupũ.
- ³⁰ Ìgũ irasũ ãrĩmakũ, Jesús ìgüsãrẽ:
—Yũ ããrĩrikũrĩre gajerãrẽ werebirikõãka! ãrĩyupũ.

Jesús ìgũ boaburire weredeá
(Mt 16.21-28; Lc 9.22-27)

- ³¹ Pũrũ ìgüsãrẽ ãsũ ãrĩ buenũgãyupũ:

—Yũ ããrĩpererã tĩgũ buru ñerõ tarigũkoa. Judío masaka mũrã, paía oparã, Moisés gojadeare buerimasã yũre gããmemerã yũre wějērākuma. Yũre wějēkererũ, mũrenũ waaró merã masãgũkoa doja, ãrĩyũrũ Jesús. ³² Īgũsãrẽ pemasĩma õãrõ wereyũrũ. Īgũ irasũ ãrĩmakũ pégũ, Pedro gapũ Jesúre gajero gapũ ãñjanũgã, Īgũrẽ turaro merã: “Irire ãrĩbirikõãka!” ãrĩyũrũ. ³³ Jesús gapũ gãmegoronũgã, Īgũ buerãrẽ ãã, Pedrorẽ ãrĩyũrũ:

—Satanás, yũ pũrore wirika! Mũ, Marĩpũ yũre dorerire kãmutadũagu yãa. Mũ gũñarĩ, Marĩpũ gũñarĩ ããrĩbea. Masaka gũñarõsũ gũñãa mũ, ãrĩyũrũ.

³⁴ Irasũ ãrĩ odo, masakare, Īgũ buerãrẽ siiu, ãrĩyũrũ:

—Sugũ yũre tũyadũagu Īgũ iridũarire piriburo. Irasirigũ yũre tũyari waja curusague pábiatũ wějēsũbu irirosũ ããrĩkererũ, neõ piriro marĩrõ yũre tũyanĩkõãburo. ³⁵ Sugũ i ãmũgue Īgũya okari direta maĩgũ, peamegue waagũkumi. Gajigũ yũre bũremugũ, Marĩpũ masakare tauri kerere Īgũ wereri waja gajerã Īgũrẽ wějēkererũ, Īgũ gapũ tarigũkumi. ³⁶ Sugũ masakũ i ãmũmarẽ ããrĩpereri opakeregũ, Īgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. ³⁷ Irasirigũ peameguere wiridũagu, i ãmũ opari merã neõ wajarimasĩbirikumi. ³⁸ Dapora marã ñerã Marĩpũre gããmemerã ããrĩma. Noó yũre, yũ werenĩrĩrẽ masĩkererã, gũyasĩrĩrĩ merã yũre: “Masĩbea”, ãrĩmakũ, yũde gũyasĩrĩrĩ merã Īgũsãrẽ: “Masĩbea”, ãrĩgũkoa. Yũ ããrĩpererã tĩgũ, Yũrũ gosewasiriri merã, Īgũrẽ wereboerã õãrã merã i ãmũguere dupaturi aarigũ, yũre gũyasĩrĩnerãrẽ yũde gũyasĩrĩgũkoa, ãrĩ wereyũrũ Jesús Īgũsãrẽ.

9

¹ Jesús ãrĩnemoyũrũ doja:

—Diayeta mũsãrẽ werea. Surãyeri mũsã õõguere ããrĩrã, mũsã boaburo dupuyuro, Marĩpũ Īgũ turaro merã Īgũyarãrẽ doreri aarimakũ ããrãkoa, ãrĩyũrũ.

Jesús Īgũ deyori gorawayudea
(Mt 17.1-13; Lc 9.28-36)

² Jesús, su mojõma pere gaji mojõ suru pẽrẽbejarinũrĩ pũrũ Pedrorẽ, Santiagore, Juãrẽ ãmarĩ buúrugue Īgũsã direta siiu mũrĩayũrũ. Irogue Īgũsã iũrõ Īgũ deyori gorawayuakõãyũrũ. ³ Īgũya surĩro goserĩne, õãrõ boreru waayuro. Neõ sugo nomeõ surĩ koego irasũ boreri waamakũ irimasĩgõ mámo. ⁴ Irasũ waaripoeta iripoegue marã Moisés, Elías deyoanũgã, Jesús merã weretamunĩmakũ ããñũrã. ⁵⁻⁶ Irasirirã baro gũñũrã. Pedro naásũ ãrĩmasĩbirisĩã, Jesúre:

—Gũare buegũ, marĩ õõ ããrĩmakũ õãtaridũãa. Irasirirã ure wiigã irirãra. Mũya wii, Moiséya wii, Elíaya wii irirãra, ãrĩyũrũ. ⁷ Īgũ irasũ ãrĩripoe su yebo mikãyebo dijari Īgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

—Ĩi yũ magũ, yũ maĩgũ ããrĩmi. Īgũrẽ õãrõ péka!

⁸ Irasũ ãrĩmakũ, Pedrosã gãmenũgã iũrã, Moisére, Elíare ããbirĩñũrã. Jesús direta nĩmakũ ããñũrã.

⁹ Pũrũ Jesús buúru wekague Īgũrẽ waamakũ ããdeare: “Gajerãrẽ werebirikõãka!” ãrĩ dijariyũrũ.

—Yũ ããrĩpererã tĩgũ boa, masãdero pũrũgue irire gajerãrẽ wereka! ãrĩyũrũ. ¹⁰ Irasirirã Īgũ doreaderosũta gajerãrẽ werebirikererã, Īgũsã basi gãme ãsũ ãrĩ sãrẽñãñũrã:

—“Yũ boa, masãdero pũrũ”, ãrĩgũ, ¿nasirigũ irasũ ãrãyuri? ãrĩñũrã. ¹¹ Irasirirã Jesúre ãsũ ãrĩ sãrẽñãñũrã:

—¿Nasirirã Moisés gojadeare buerimasã: “Cristo, Marĩpũ iriubu aariburi dupuyuro Elías aaripũrorigũkumi”, ãrĩrĩ? ãrĩ sãrẽñãñũrã.

¹² Jesús Īgũsãrẽ yũjũyũrũ:

—Mũsã ãrĩrõsũta Elíata aaripũrorigũkumi, ããrĩpererire ãmuyubu. Marĩpũya werenĩrĩ gojadea pũgue yũre ããrĩpererã tĩgũrẽ waaburire ãsũ ãrĩ gojasũdero ããrĩbã:

Īgūta buro ñerō tarigukumi. Masaka ĩgūrē gāāmebirikuma, ārī gojasūdero āārībú.✠

¹³ Yū gapu mūsārē: “Elías ejasiami”, ārā. Īgū irasū ejamakū, masaka ĩgūsā gāāmerō iriduarire ĩgūrē ñerō irima. Īgūrē waaburire iripoegue Marīpaya werenírī gojadea pūgue gojaderosūta ĩgūrē irisiamā, ārīyupu Jesús Pedrosārē.

Jesús sugu majīgūrē wātī ñajāsūdire taudea

(Mt 17.14-21; Lc 9.37-43)

¹⁴ Jesús Pedrosā merā buúrugue āārādi dijajagu, gajerā ĩgū buerā puo wārā masaka nerēanerārē bokajayupu. Moisés gojadeare buerimasāde āārīñurā. Īgū buerā merā gāme guaseorā iriñurā. ¹⁵ Pūpu Jesúre ĩārā, āārīpererā ĩāguka, ĩgū puo ũmawāgā, ĩgūrē ōādoreñurā.

¹⁶ Jesús ĩgū buerārē:

—¿Ñeénorē gāme guaseoari, mūsā ĩgūsā merā? ārī sērēñayupu.

¹⁷ Īgū sērēñamakū pégu, sugu ĩgūsā watope āārīgú Jesúre ārīyupu:

—Buegu, mārē yu magūrē wātī ñajāsūdire āāriabu. Wātī ĩgūrē wereníbirimakū irinami.

¹⁸ Noó ĩgū waaró wātī ĩgūrē yebague ñeā meépiunokōāmi. ĩgū irasirimakū ĩgūya disigue sūmu wiri, ĩgūya guikare kūrīduútúa, buanokōāmi. Yū mu buerārē: “Majīgūrē wātīrē béowiubosaka!” ārādabu. Neō bokatīūbirama, ārīyupu.

¹⁹ Jesús ĩgūsārē ārīyupu:

—Mūsā yare buremurī opabirigorakōāa. ¿Noópā yoaripoe mūsā merā āārīgukuri? ¿Noópā yoaripoe mūsā yare buremubirire gūñaturagukuri? Majīgūrē ōō gapu ārika! ārīyupu.

²⁰ Irasirirā majīgūrē Jesús puo āāñurā. ĩgū puo āījamakū, wātī Jesúre ĩāgū, majīgūrē narada, yebague tūrūjamejā, sūmutumakū iriyupu. ²¹ Irasū waamakū ĩāgū, Jesús ĩgū pagare sērēñayupu:

—¿Díipoegue āsū waanugārī ĩgū? ārīyupu.

Īgū pagu yujyupu:

—Majīgūgāgueta irasū āārīmí. ²² Wātī ĩgūrē wējēduagu peamegue meémejā, diaguedere meébiamakū irinami. Irasirigu mu guare iritamumasīgū, bopoñarī merā ĩā, guare iritamuka! ārīyupu Jesúre.

²³ Jesús ārīyupu ĩgūrē:

—Marīpu, mu yare buremumakū ĩāgū, mūya āārīburire irigu, āārīpererire irimasīmi, ārīyupu.

²⁴ ĩgū irasū ārīmakū pégu, majīgū pagu āsū ārī gainíyupu:

—Mārē buremua. Nemorō buremumakū irika yare! ārīyupu.

²⁵ Jesús, wārā masaka ĩgūsā puo ũma nerēmakū ĩāgū, wātīrē wiridoreyupu:

—Ī majīgūrē wereníbirimakū, pébirimakū iridi ĩgūrē wirika! Dupaturi ĩgūrē ñajābita pama! ārīyupu.

²⁶ ĩgū irasū ārīmakū pégu, wātī gainí, majīgūrē buro naradari merā yebague tūrūjamejāmakū, kōmodi irirosū waamakū irisīā, ĩgūrē wiriyupu. Irasū waamakū ĩārā, āārīpererā masaka: “Kōmoakōāmi”, ārīñurā. ²⁷ Jesús ĩgūya mojōrē ñeā, ĩgūrē tūāwāgūnūmakū, wāgānugāyupu.

²⁸ Pūpu Jesús, wiigue ñajājamakū, ĩgū buerā masaka péberogue ĩgūrē sērēñañurā:

—¿Nasirirā gu gapu wātīrē béowiumasībirayuri?

²⁹ Jesús ĩgūsārē yujyupu:

—Īno wātīrē béowiudarā, bereri merā Marīpure buro sērērō gāāmea, ārīyupu.

Jesús ĩgū boaburire werenemodea

(Mt 17.22-23; Lc 9.43-45)

³⁰⁻³¹ Pɔrɔ Jesús irogue ããrãdi ãgũ buerã merã waa, Galilea nikũgue tariwerewãgãyupɔ. ãgũ waarõre gajerã masĩmakũ gããmebiradiyupɔ. ãgũ buerãrẽ buegɔ irasiriyupɔ. ãsũ ãrĩ bueyupɔ ãgũsãrẽ:

—Masaka yũre ããrĩpererã tĩgũrẽ ñeã, gajerãguere wẽjẽdorerã wiarãkuma. ãgũsã yũre wẽjẽadero pɔrɔ, ɔrenɔ waarõ merã masãgũkoa doja, ãrĩyupɔ. ³² ãgũ irasũ ãrĩrĩrẽ ãgũsã gapɔ pẽmasĩbiriñurã. Pẽmasĩbirikererã, ãgũrẽ gũirã: “¿Naásũ ãrĩduagu iriari, irasũ ãrĩgũ?” ãrĩ sãrẽñabiriñurã.

Jesús sugɔ gajerã nemorõ ããrĩgũyamarẽ weredeia
(Mt 18.1-5; Lc 9.46-48)

³³ Jesús Capernaugue eja, pɔrɔ wiigũ ñajãja, ãgũ buerãrẽ sãrẽñayupɔ:

—Mũsã maa aarirã, ¿ñeãnorẽ gãme werenĩ guaseowãgãrirã iriari? ãrĩyupɔ.

³⁴ ãgũ irasũ ãrĩmakũ pãrã, yujubiriñurã. Maa aarirã, ãgũsã basi: “¿Noã marĩ watopere ããrĩpererã nemorõ ããrĩgũkuri?” ãrĩ werenĩ guaseowãgãrirã iriñurã. Irasirirã Jesũre yujubiriñurã. ³⁵ ãgũsã yujubirimakũ ããgũ, Jesús eja doja, ãgũ buerã pe mojõma pere su gubu peru pãrẽbejarãrẽ siiu, ãsũ ãrĩyupɔ:

—Sugɔ ããrĩpererãrẽ doregũ ããrĩduagu ããrĩpererãrẽ moãboegu irirosũ ããrĩpererãrẽ iritamurõ gããmea, ãrĩyupɔ.

³⁶ Irasũ ãrĩ, majĩgũrẽ ãgũsã dekogue ãĩnú, ãgũrẽ kõã, ãgũya gosowekague ãĩpeo, ãrĩyupɔ:

³⁷ —Sugɔ yaagũre ñĩ majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi. Yũre bokatĩrĩñeãgũ yũ direta bokatĩrĩñeãgũ meta yãmi. Yũre yũre iriudidere bokatĩrĩñeãmi, ãrĩyupɔ Jesús.

Jesús: “Marĩrẽ ããturibi, marĩ merãmũ ããrĩmi”, ãrĩ weredeia
(Mt 10.42; Lc 9.49-50)

³⁸ Pɔrɔ Juan Jesũre ãrĩyupɔ:

—Gũare buegũ, sugɔ masakũ mũ wãĩ merã wãtẽãrẽ: “Wirika mũsã ñajãdire!” ãrĩ bẽowiumakũ ããbũ. ãgũ, marĩ merã ããrĩbirimakũ ããrã, ãgũrẽ: “Irire neõ irinemobirikõãka!” ããrãbũ, ãrĩyupɔ.

³⁹ Jesús gapɔ ãrĩyupɔ:

—Kãmutabirikõãka ããgũrẽ! Neõ sugɔ yũ wãĩ merã gajino iri ãmugũ, pɔrɔ yũre ñerõ werenĩbirikumi. ⁴⁰ Marĩrẽ ããturibi, marĩ merãmũta ããrĩmi. ⁴¹ Diayeta mũsãrẽ werea. Mũsãrẽ: “Cristoyarã ããrĩma”, ãrĩ, mũsãrẽ deko tĩããnorẽ diayeta Marĩpũ ããgũsãrẽ wãjatari opamakũ irigũkumi.

Gajerãrẽ ñerõ irimakũ iribirikõãka! ãrĩ weredeia
(Mt 18.6-9; Lc 17.1-2)

⁴² Sugɔ yũre bũremurãrẽ ñĩ majĩgũ irirosũ ããrĩrãrẽ ñerõ irimakũ irigũno, bũro wãjamoãsũgũkumi. Irasiriro, ãgũ gajerãrẽ ñerõ irimakũ iriburi dupuyuro masaka ããgũrẽ wãriye ããtãye merã wãnugũgue siasiu, wãdiyague meãyomakũ õãbokoa. ⁴³ Irasirirã mũsãya mojõ merã ñerõ irirã, iri mojõrẽ dititã bẽorosũ ñerõ iririre pirika! Su mojõ merãta Marĩpũ pũrogue waamakũ õãtãrirokoa. Ñerõ iririre pirimerã gapɔ perebiri peamegue bẽosũrãkuma. ããgũsã pe mojõ opakerrerã, irogue waamakũ ñetãrirokoa. Irogue peame neõ yaribirikoa. ⁴⁴ Beka irogue waarãrẽ baanĩkõãrãkuma. Neõ boabirikuma. Peame neõ yaribirikoa.

⁴⁵ Mũsãya gubu merã ñerõ irirã, iri gubure dititã bẽorosũ ñerõ iririre pirika! Su gubu merãta, Marĩpũ pũrogue waamakũ õãtãrirokoa. Ñerõ iririre pirimerã gapɔ perebiri peamegue bẽosũrãkuma. ããgũsã pe gubu opakerrerã, irogue waamakũ ñetãrirokoa. Irogue peame neõ yaribirikoa. ⁴⁶ Beka irogue waarãrẽ baanĩkõãrãkuma. Neõ boabirikuma. Peame neõ yaribirikoa.

⁴⁷ 'Mᵘsāya koyeru merā ñā, ñerō irirā, irirure gorewea, béorosū ñerō iririre pirika! Su koyeruta opakrerā, Marīpu ĩgūyarārē dorerogue waamakū ōātarirokoa. Ñerō iririre pirimerā gapu perebiri peamegue béosūrākuma. ĩgūsā pe koyegueta opakrerā, irogue waamakū ñetarirokoa. ⁴⁸ Beka irogue waarārē baanikōārākuma. Neō boabirikuma. Peame neō yaribirikoa.

⁴⁹ 'I ūmuguerē āārīpererā Marīpure buremurā moā okari irirosū āārīrā, peamegue ūjū pūrīsūrōsū ñerō tariri merā ōārō āārīrākuma. ⁵⁰ Moā okamakū ōāgorāa. Irasirirā gajerā merā ōārō āārīrā moā okari irirosū āārā. Moā okadea okabirimakū, dupaturi okamakū irimasībirikoa. Irasirirā moā okari irirosū āārīka! Gajerā merā ōārō āārīnikōāka! ārī wereyupu Jesús ĩgūsārē.

10

*Jesús masakare: “Mᵘsā marāposā nomerē béobirikōāka!” ārī buedea
(Mt 19.1-12; Lc 16.18)*

¹ Jesús Capernaugue āārīdi waa, Judea nikūgue eja, dia Jordán wāikūdiya gaji koepugue ejayupu doja. Irogue wārā masaka ĩgū puro nerēmakū ĩāgū, ĩgū irinarōsūta dupaturi ĩgūsārē bueyupu. ² ĩgū bueripoe fariseo bumarā Jesúre ñerī werenimakū iriduarā, āsū ārī sērēñarā ejañurā:

—Sugu masakū ĩgū marāpore béomakū, ¿marī doreri āārīkuri? ārīñurā.

³ Jesús ĩgūsārē yujuyupu:

—¿Naásū doreyuri Moisés mᵘsārē?

⁴ ĩgū irasū ārīmakū, ĩgūrē āsū ārīñurā:

—“Sugu masakū ĩgū marāpore béoduagu: ‘I waja murē béoa’, ārī gojari pūrē sīrō gāāmea”, ārī gojadi āārīmí, ārīñurā.

⁵ ĩgūsā irasū ārīmakū, āsū ārīyupu Jesús:

—Mᵘsā ñekūsamarā Marīpu dorerire iriduarābirimakū ĩāgū: “ĩgūsā marāposā nomerē béoduarā, béokōāburo”, ārī gojadi āārīmí Moisés. ⁶ ĩgū irasū ārī gojakerepuru, neōgoragueta Marīpu i ūmurē irigu, ūmúu, nomeō iridi āārīmí. ⁷ Sugu ūmúu ĩgū pagusāmarārē wiri, ĩgū marāpo merā āārīgukumi. ⁸ Irasirirā ĩgūsā pērā āārīkererā, Marīpu ĩūrō su duputa irirosū āārīrākuma. Irasirirā pērā āārībema. Su duputa irirosū āārīma. ⁹ Marīpu ĩgūsārē su duputa irirosū āārīmakū iridero puru, gajigu ĩgūsārē gāme béomakū iribirikōārō gāāmea, ārīyupu.

¹⁰ Jesús irasū ārī odo, ĩgū buerā merā wiigue ñajākōāyupu. Irogue ĩgū buerā irire sērēñanemoñurā doja. ¹¹ Jesús ĩgūsārē yujuyupu:

—Sugu masakū ĩgū marāpore béodi gajego merā marāpokugu, igo merā ñerō irigu yámi.

¹² Nomeōde igo marāpure béogo, gajigu merā marāpakugo, ĩgū merā ñerō irigo yámo, ārīyupu.

*Jesús majrāya āārīburire Marīpure sērēbosadea
(Mt 19.13-15; Lc 18.15-17)*

¹³ Puru masaka majrārē Jesúre moāñadorerā ĩgū puro āijañurā. ĩgūsā āijamakū ĩārā, ĩgū buerā gapu ĩgūsārē bokatīrī: “ĩgūrē garibobirikōāka!” ārīñurā. ¹⁴ ĩgūsā irasū ārīmakū pégu, Jesús ĩgūsā merā gua, āsū ārīyupu:

—Majrā yu purogue aariburo. Kāmutabirikōāka ĩgūsārē! Marīpu ĩgūyarārē dorerogue āārīmurā ĩsā majrā yure usuyari merā bokatīrīñearā irirosū āārīma. ¹⁵ Diayeta mᵘsārē werea. ĩsā majrā Marīpure ĩgūsā Opure gāāmerā irirosū āārīmerāno, ĩgūyarārē doreroguerē waabirikuma, ārīyupu.

¹⁶ Irasū ārī odo, majrārē āi, kōā, ĩgūsārē ñapeo, Marīpure ĩgūsāya āārīburire sērēbosayupu.

*Sugũ maamũ wári doebiri opagũ Jesús merã werenídea
(Mt 19.16-30; Lc 18.18-30)*

¹⁷ Jesús irogue ããrãdi waaripoe sugũ maamũ ùmaja, Ìgũ ñadukũpuri merã Jesúya guburi pũro ejamejãja, sêrêñayupũ:

—Õãgũ buegũ, yũ ùmũgasigue perebiri okarire wajatadũagu, ¿ñeénorẽ irigũkuri? ãrĩyupũ.

¹⁸ Jesús Ìgũrẽ yũjũyupũ:

—¿Nasirigũ yũre: “õãgũ”, ãrĩrĩ? Marĩpũ sugũta õãgũ ããrĩmi. ¹⁹ Mũ, Ìgũ doreri pídeare masĩa: “Masakare wẽjẽbirikõãka! Gajigũ marãpo merã ñerõ iribirikõãka! Yajabirikõãka! Gajerã irideare ãrĩgatori merã werebirikõãka! Gajerãyare ãrĩgatori merã ãĩbirikõãka! Mũ pagũsãmarãrẽ gopeyari merã bũremuka!” ãrĩ wereyupũ Jesús Ìgũrẽ.

²⁰ Maamũ Jesúre yũjũyupũ:

—Buegũ, iri doreri ããrĩpererire majĩgũgueta tarinũgãbiribũ yũ, ãrĩyupũ.

²¹ Jesús Ìgũrẽ maĩrĩ merã Ìã, ãsũ ãrĩyupũ:

—Mũrẽ su wãĩ dũyãa. Mũ oparire duagũ waaka! Mũ duadea wajare boporãrẽ sĩa! Irasirigũ ùmũgasiguere wári õãrĩ opagũkoa. Irasiri odo, yũ merã aarika! ãrĩyupũ.

²² Ìgũ irasũ ãrĩmakũ pégũ, Ìgũ wári oparire maĩsĩa, bũro bũjawereri merã waakõãyupũ.

²³ Ìgũ bũjawereri merã waamakũ Ìãgũ, Jesús Ìgũ buerãrẽ Ìã, ãrĩyupũ:

—Wári doebiri oparãrẽ Marĩpũ Ìgũyarãrẽ doreroguerẽ Ìgũsã waadũamakũ diasagorãa, ãrĩyupũ.

²⁴ Ìgũ irasũ ãrĩmakũ, Ìgũsã gapũ pégũka, pémasĩbiriñurã. Jesús dupaturi werenemoyupũ doja Ìgũsãrẽ:

—Yũ buerã, mũsãrẽ werea. Masaka: “Wári opari merã õãrõ waarokoa yũre”, ãrĩ gũñarãrẽ Marĩpũ Ìgũyarãrẽ doreroguerẽ Ìgũsã waamakũ diasagorãa. ²⁵ Camellu awiru gobegãgue ñajãtariweremasĩbirikumĩ. I nemorõ, wári doebiri opagũre Marĩpũ Ìgũyarãrẽ doreroguerẽ waamakũ diasãa, ãrĩyupũ.

²⁶ Ìgũ irasũ ãrĩmakũ pérã, nemorõ pégũka, Ìgũsã basi gãme sêrêñanurã:

—Iro merẽ, ¿noã gapũ Marĩpũ tausũmurã Ìgũ pũrogue waamurã ããrĩbokuri? ãrĩñurã.

²⁷ Jesús Ìgũsãrẽ Ìã, ãrĩyupũ:

—Masaka Ìgũsã basi Ìgũsã iriri merã Marĩpũ pũrogue waamasĩbema. Marĩpũ dita Ìgũsãrẽ Ìgũ pũro ããrĩmurã waamakũ irimasĩmi. Ìgũ dita ããrĩpererire irimasĩmi, ãrĩyupũ.

²⁸ Ìgũ irasũ ãrĩmakũ pégũ, Pedro Ìgũrẽ ãrĩyupũ:

—Gũa Opũ, gũa mũrẽ tũyarã, ããrĩpereri gũa opadeare pípeokõãbũ, ãrĩyupũ.

²⁹ Jesús yũjũyupũ:

—Diayeta mũsãrẽ werea. Yũ merã Marĩpũya kerere wererã waarã, Ìgũsãya wi-irire, Ìgũsã pagũpũrãrẽ, pagũsãmarãrẽ, pũrãrẽ, Ìgũsãya pooerire pípeorã, wári õãrĩ wajatarãkuma. ³⁰ Ìgũsã iro dupuyuro opaderosũ i ùmũguere cien nemorõ Ìgũsãya wiiri, Ìgũsã pagũpũrã, pagosã nome, pũrã, Ìgũsãya pooeri oparãkuma. Ìgũsã, jaarã ããrĩmakũ Ìãrã, gajerã Ìgũsãrẽ ñerõ tarimakũ irikerepũrũ, wári õãrĩ wajatarãkuma. I ùmũ peremakũ, ùmũgasigue perebiri okari oparãkuma. ³¹ Wãrã daporare wári oparã, pũrũguere neõ gajino opamerã dujarãkuma. Opamerã gapũ, pũrũguere wári oparã dujarãkuma, ãrĩyupũ Jesús.

*Dupaturi Jesús Ìgũ boaburire weredea
(Mt 20.17-19; Lc 18.31-34)*

³² Pũrũ Jesús Jerusalẽgue waarĩ maague Ìgũ buerã dupuyuro majãyupũ. Ìgũ dupuyumakũ Ìãrã, Ìãgũkakõãñurã. “¿Marĩrẽ irogue naásũ waarokuri?” ãrĩ gũña, gũiri merã Ìgũ pũrũ tũyañurã. Irasirigũ Jesús Ìgũ buerã pe mojõma pere su gubu peru pẽrẽbejarãrẽ siiu, Ìgũrẽ waaburire werenũgãyupũ doja:

33 —Ōārō péka! Marĩ Jerusalégue waarã yáa. Irogue yu ããrĩpererã tĩgũ, paía oparãguere, Moisés gojadeare buerimasãguere wiasũgũkoa. Īgũsã yure: “Boaburo”, ãrĩrãkuma. Irasirirã judío masaka ããrĩmerãguere wiarãkuma. 34 Īgũsã yure burida, síku eotúbira, buru tãrãrãkuma. Irasiri odo, yure wějẽrãkuma. Īgũsã yure wějẽadero pũũ, urenũ waaró merã masãgũkoa, ãrĩyupũ Jesús.

Santiago, Juan merã Jesúre sērēdea
(Mt 20.20-28)

35 Pũũ Zebedeo pũrã Santiago, Juan Jesús pũro waa ejanũgã, ĩgũrẽ ãsũ ãrĩ sērẽñurã:
—Gũare buegũ, gũa sērẽrõsũta gũare irika! ãrĩñurã.

36 Jesús ĩgũsãrẽ sērẽñayupũ:

—¿Ñeénorẽ yu irimakũ gããmerĩ musã?

37 Īgũrẽ yũjuñurã:

—Mũ Opũ ñajãgũ, gũadere mũ merã doremurã sóoka! Sugũre mũ diaye gapũ, gajigũre kúgapũ doadoreka! ãrĩñurã.

38 Jesús ĩgũsãrẽ ãrĩyupũ:

—Musã yure sērẽrĩrẽ pémasĩbea. Yu buru ñerõ tarigũkoa. ¿Yu ñerõ tarirosũ musãde ñerõ tarirã, bokatĩurãkuri? ¿Yure ĩgũsã wějẽrõsũ musãdere ĩgũsã wějẽmakũ, bokatĩurãkuri? ãrĩyupũ.

39 —Bokatĩũkõãrãkoa, ãrĩ yũjuñurã.

Jesús ĩgũsãrẽ ãrĩyupũ:

—Yu irirosũ musãde ñerõ tari, boarãkoa. 40 Yu gapũ musãrẽ yu diaye, kúgapũ doamurãrẽ beyemasĩbea. Yũũ ãmusiadi ããrĩmĩ irire. Irasirirã ĩgũ beyenerã dita yu diaye, kúgapũ doarãkuma, ãrĩyupũ.

41 Gajerã Jesús buerã pe mojõmarã gapũ Santiago, Juan ĩgũsã Jesúre sērẽrĩrẽ pérã, ĩgũsã merã guañurã. 42 Īgũsã guamakũ ĩãgũ, Jesús ĩgũsãrẽ ĩgũ pũro siiu needõ, ãrĩyupũ:

—I nikũ marã oparã Marĩpũre bũremumerã ĩgũsãyarãrẽ turaro merã dorema, ĩgũsã dorerire iridorerã. Irire masĩa musã. 43 Musã tamerã ĩgũsã irirosũ iribirikoa. Musã watopeguere opũ ããrĩduagũ, musãrẽ moãboegũ irirosũ ããrĩrõ gããmea. 44 Sugũ musã watopegue ããrĩgũ gajerã nemorõ ããrĩduagũ, ããrĩpererãrẽ moãboegũ irirosũ ããrĩburo. 45 Yũde irasũta ããrã. Yu ããrĩpererã tĩgũ masaka yure iritamuburo, ãrĩgũ meta aaribũ. Yu gapũ ĩgũsãrẽ iritamugũ aaribũ. Irasirigũ wãrã masakare yu boari merã ĩgũsã ñerõ iridea wajare wajaribosagũ aarigũ iribũ, ãrĩyupũ Jesús.

Jesús Bartimeo wãikũgũre koye ĩãbire taudea
(Mt 20.29-34; Lc 18.35-43)

46 Pũũ Jesús ĩgũ buerã merã Jericógue ejayupũ. Iri makãrẽ tariwãgãmakũ, wãrã masaka ĩgũsã merã waañurã. Īgũsã waarĩ maa tũro sugũ koye ĩãbi doayupũ. Īgũ Bartimeo wãikũgũ, Timeo magũ ããrĩyupũ. Ʋmũrikũ iri maa tũro masakare niyeru sērẽ doanĩnayupũ.

47 Masaka: “Jesús Nazaretmũ aarĩmi”, ãrĩmakũ pégu, ãsũ ãrĩ gainĩnũgãyupũ:

—Jesús, David parãmi ããrĩturiagũ, yure bopoñarĩ merã ĩãka! ãrĩyupũ.

48 Īgũ irasũ ãrĩ gainĩmakũ pérã, wãrã masaka: “Toeaka!” ãrãdiñurã. Īgũsã irasũ ãrĩkerepũ, ĩgũ gapũ ĩgũ gainĩadero nemorõ:

—David parãmi ããrĩturiagũ, yure bopoñarĩ merã ĩãka! ãrĩ gainĩyupũ.

49 Īgũ irasũ ãrĩmakũ pé, Jesús dujanũgãja, masakare:

—Siurika ĩgũrẽ! ãrĩyupũ.

Īgũ irasũ ãrĩmakũ pérã, gajerã ĩgũrẽ siiu: “Ʋsũyaka! Wãgãnũgãka! Murẽ siiumi”, ãrĩñurã.

50 Īgũsã irasũ ãrĩmakũ pé, ĩgũya surĩro wekamañerẽ túweapĩ, pari wãgãnũgã, Jesús pũro ejanũgãjayupũ. 51 Jesús ĩgũrẽ sērẽñayupũ:

—¿Ñeénorẽ yu murẽ irimakũ gããmerĩ? ãrĩyupũ.

Bartimeo yujuyuru:

—Buegu, yare koye ñamakũ irika! ãrĩyuru.

⁵² Jesús ñgũrẽ ãrĩyuru:

—Mu yare buremurĩ opáa. Irasirigu tausũa, ãrĩyuru.

Ñgũ irasũ ãrĩmakũta, koye ñãbiradi õãrõ ñãmasĩakõãyuru. Puru maague Jesúre tuyawãgãyuru.

11

Jesús Jerusalẽgue ejadea

(Mt 21.1-11; Lc 19.28-40; Jn 12.12-19)

¹ Puru Jesús ñgũ buerã merã Jerusalẽgue ejaburo dupuyuro, Betfagẽ, Betania wãĩkuri makãrĩ puro ejaruroriyuru. Iri makãrĩ Olivos wãĩkuri buúru ããrĩdujimejãrõ ããrĩyuro. Irogue ejagu, Jesús pẽrã ñgũ buerãrẽ ãsũ ãrĩ iriuyuru:

² —Si makã marĩ bokatĩũrõ ããrĩrĩ makãgue waaka! Irogue ejarã, sugu burrore ñgũsã sianúadire neõ suñarõ peyasũña marĩgũrẽ bokajarãkoa. Ñgũrẽ kura, ãrika! ³ Sugu masãrẽ: “¿Nasirimurã yãri?” ãrĩmakũ: “Marĩ Opũ gããmeami. Dapora wiagakumi doja”, ãrika! ãrĩ iriuyuru.

⁴ Ñgũ irasũ ãrĩmakũ, pẽrã waa, maa tũro ããrĩrĩ wii disipuro burrore ñgũsã sianúadire bokaja, ñgũrẽ kurañurã. ⁵ Ñgũsã irasirimakũ ñãrã, iro ããrĩrã sãrẽñañurã:

—¿Nasirirã yãri? ¿Nasirimurã burrore kurari? ãrĩñurã.

⁶ Ñgũsã irasũ ãrĩmakũ pẽrã, Jesús ããderosũta wereñurã. Ñgũsã irasũ ãrĩ weremakũ pẽrã: “Ñãka!” ãrĩ yujũñurã. ⁷ Puru burrore Jesús purogue ããñurã. Ñãja, ñgũsãya wekama surĩre túwea, burro weka peoñurã. Jesús ñgũ wekague marĩbeja waayuru. ⁸ Masaka wãrã ñgũsãya wekama surĩre túwea ãi, ñgũ waaburi maarẽ sãõpĩdupuyũñurã ñgũrẽ buremurã. Gajerã yuku dũpuri pũrikurire diti, maarẽ pĩdupuyũñurã, ñgũ waarĩ maa õãrĩ maa ããrĩburo, ãrĩrã.

⁹ Irasirirã ñgũ dupuyuro waarã, ñgũ puru tuyarãde ãsũ ãrĩ gainĩñurã:

Marĩ Opure usuyari sãrã! Ñi Marĩpũ marĩrẽ taugu iriudi õãrõ aariburo.

¹⁰ Marĩ Opũ ñajãburi õãrõ aariburo. Marĩ ñekũ David opũ ããrĩderosũta õãrõ ããrĩburo.

Marĩpũre: “Õãtaria mu ããrĩpererã Opũ ãmugasigue ããrĩgũ”, ãrĩ, usuyari sãrã! ãrĩñurã.✧

¹¹ Irasirigu Jesús Jerusalẽgue eja, Marĩpũya wiigüe ñajãa, ããrĩpereri iri wiimague ããrĩrĩrẽ ñãpeokõãyuru. Ñã odo, Betaniague ñgũ buerã pe mojõma pere su gubu peru pẽrẽbejarã merã waayuru. Ñgũsã irogue waaripoere ñamikague ããrĩsiayuro.

Jesús higuera gu dukã marĩdire ñãmakũ iridea

(Mt 21.18-19)

¹² Gajinu gapu Betaniague ããrãnerã Jerusalẽgue goedujãañurã doja. Jesús irogue goedujãagu, haboakõãyuru. ¹³ Yoarogue merã higuera wãĩkũdire õãrõ pũrikũdire ñã: “Dukakũkoa”, ãrĩgũ ñãgũ waadiyuru. Irigu gapu dukã marĩyuro. Dukakũripoe ããrĩburiyuro. Irasirigu pũrĩ direta bokajayuru. ¹⁴ Irigu dukã marĩmakũ ñãgũ, Jesús ãsũ ãrĩyuru:

—Igu dukare masaka neõ dupaturi baabirikuma. Neõ dukakũbirikoa, ãrĩyuru.

Ñgũ irasũ ãrĩmakũ, ñgũ buerã pẽñurã.

Jesús Marĩpũya wiigüe duarãrẽ bêowiudea

(Mt 21.12-17; Lc 19.45-48; Jn 2.13-22)

¹⁵ Puru Jerusalẽgue eja, Jesús Marĩpũya wiigüe ñajãyuru. Irogue doebiri duarãrẽ, wajarirãdere bêowiuyuru. Niyeru gorawayurimasãya niyeru sãñarĩ kũmarĩrẽ yomeéwiunokõãyuru. Bujare dua doanĩrãya doaripẽrĩdere irasũta iriyuru. ¹⁶ “Neõ duari ãi ñajãbirikõãka, Marĩpũya wiiguere!” ãrĩyuru Jesús masakare. ¹⁷ ãsũ ãrĩ bueyuru ñgũsãrẽ:

—Marĩpu ĩgũya werenĩrĩ gojadea pũgue ասũ արիւմի ասիմի: “Yaa wii, yure buremurã yure sērērĩ wii wãikurokoa. Irasirirã ասիբերերի նիկũ marã i wiigue yure sērērã aarirãkuma”, արիւմի ասիմի. Mũsã gapu, ĩgũ irasũ արիկերերu, yajarimasãya wii irirosũ ասիմի ասիմũ yaa, արĩyupu Jesús.

¹⁸ ĩgũ irasũ արիմի, ասիբերերã masaka pégukakõñurã. Irasirirã paía oparã, Moisés gojadeare buerimasãde ĩgũrẽ güñurã. “¿Nasiri ĩrẽ wējērãkuri?” արĩ güñamañurã. ¹⁹ Pũpu naĩmejãripoe Jesús ĩgũ buerã merã iri makãrẽ wiriwãgãkõãyupu doja.

Jesús buerã higeragu boanũgãdire ĩãdea
(Mt 21.20-22)

²⁰ Gajinu boyoripoe maague waarã, higeragu nugũrĩgue merãta ñaĩnũgãdire ĩãñurã.
²¹ Pedro irigũre Jesús արãdeare güña, ĩgũrẽ արĩyupu:

—Buegu, ĩãka! Igu higeragu mũ boadoredi boakõãsiayo, արĩyupu.

²² Jesús yũjũyupu:

—Marĩpũre buremuka! ²³ Diayeta mũsãrẽ werea. Sugu Marĩpũre buremugũ, ĩgũrẽ: “I buúrure dia wãdiyague béoka!” արիմի, ĩgũ արãderosũta waarokoa. Mũsã: “Marĩpu ասũ irimasĩbirikumi”, արĩ güñarõ marĩrõ: “ĩgũrẽ yu sērẽaderosũta waarokoa”, արĩ buremumakũ, Marĩpu diayeta irasirigukumi. ²⁴ Irasirigu mũsãrẽ irire weregura doja. Marĩpũre sērērã: “Yũ sērẽrõsũta waarokoa yure”, արĩ buremumakũ, mũsã sērẽrõsũta irigukumi. ²⁵ Irasirirã Marĩpũre mũsã sērẽburo dupuyuro gajerã mũsãrẽ ñerõ iridea waja ĩgũsã merã guarire pirika! ĩgũsã ñerõ irideare kãtika! Irasirimakũ ĩãgũ, Mũsapũ ũmũgasigue ասiĩgũ mũsã ñerõ irideare kãtigukumi. ²⁶ Gajerã mũsãrẽ ñerõ irideare mũsã kãtibirimakũ ĩãgũ, ĩgũde mũsã ñerõ irideare kãtibirikumi, արĩyupu Jesús.

Judío masaka oparã Jesúre: “¿Noã mũrẽ doreri?” արĩ sērẽñãdea
(Mt 21.23-27; Lc 20.1-8)

²⁷ ĩgũ irasũ արãdero pũpu, dupaturi Jerusalëgue waañurã doja. Irogue eja, Jesús Marĩpũya wiigue waanamakũ ĩãrã, paía oparã, Moisés gojadeare buerimasãde, judío masaka mũrã merã ĩgũ pũrogue waa ejanũgã, ²⁸ ĩgũrẽ sērẽñãñurã:

—¿Noã mũrẽ doreri mũ irasirimakũ? ¿Noã mũrẽ: “Asũ irika!” արĩrĩ? արĩñurã.

²⁹ Jesús ĩgũsãrẽ yũjũyupu:

—Yũde mũsãrẽ sērẽñãgura. Mũsã yũjumakũ, yũde mũsãrẽ yũjugura. ³⁰ ¿Noã Juãrẽ masakare deko merã wãĩyedoregu iriuyuri, Marĩpu, o masaka? Yũjũka! արĩyupu Jesús.

³¹ ĩgũ irasũ արիմի ասիմի, ĩgũsã basi ասũ արĩ gãme werenĩñurã:

—“Marĩpu Juãrẽ doredi ասiĩmĩ”, marĩ արիմի, Jesús marĩrẽ: “¿Nasirirã ĩgũ weredeare buremubiriri mũsã?” արĩbokumi. ³² ասiĩբերերã masaka: “Diayeta Juan Marĩpũya kerere weredupuyudi ասiĩmĩ”, արĩ güñama. Marĩ: “Masaka Juãrẽ wãĩyedorenerã ասiĩmã”, արիմի, masaka marĩ merã guabokuma, արĩñurã. Masakare güisã, irire irasũ արĩñurã.

³³ Irasirirã: “Masĩbirikoa”, արĩ yũjũñurã Jesúre.

Irasirigu Jesús ĩgũsãrẽ արĩyupu:

—Mũsã yure: “¿Noã mũrẽ irire doreri?” արĩ sērẽñãdeare yũde mũsãrẽ yũjũbea, արĩyupu.

12

Jesús ñerã moãrã keori merã buedea
(Mt 21.33-46; Lc 20.9-19)

¹ Pũpu Jesús paía oparãrẽ, Moisés gojadeare buerimasãrẽ, judío masaka oparãrẽ keori merã ասũ արĩ wereyupu:

—Sugu masakũ ĩgũya poeague iguidarire otekumi. Ote odo, iri poe tũro ատãyeri merã sãrĩsãkumi. ատãyegue igui kũrabipiri gobere irikumi. Wii ւմարի wiigãrẽ irikumi, iri poeere korerã õãrõ ĩã koreburo, արĩgũ. Irasiri odo, gajerãrẽ iri poeere wayu: “Yaa oteri

dukare yure deko merã sîrãkoa, yu musãrê iri pooere wayuri waja”, ãrîkumi. Irasũ ãrî odo, gajerogue waakõãkumi. ² Puru igui nîripoe ejamakũ, ïgürê moãboegure ïgüya pooere moãrã pûrogue iriukumi, ïgüya pooema oteri dukare deko merã sêrêdoregu. ³ Iri pooere moãrã gapu ïgü irogue ejamakũ ïãrã, ïgürê ñeã, pákuma. Neõ gajino sîrõ marîrõ ïgürê iridujukuma. ⁴ Puru iri pooe opu gajigu ïgürê moãboegure iriukumi doja. ïgürê dipurure pá, kãmitúkuma. ïgürê burida, iridujukuma. ⁵ Iri pooe opu gajigure iriukumi doja. ïgürê wêjêkõãkuma. Puru wárã iriukumi doja. Surãyerire pá, gajerãrê wêjêkõãkuma.

⁶ 'Irasirigu iri pooe opu magũ, ïgü buru maïgũ dita duyakumi. “Yu magürê burumurãkuma”, ãrî güñarî merã ïgürê iriutunuadikumi. ⁷ Iri pooere moãrã gapu ïgü magũ ejamakũ ïãrã, ïgüsã basi ãsũ ãrî gãme wereníkuma: “Ïta purugure i pooere opabu ããrîmi. ïgürê wêjêkõãrã! Irasirirã marî basi i pooere oparãkoa”, ãrîkuma. ⁸ Irasirirã ïgürê ñeã, wêjê, pooe tûrogue ïgüya dupure ãiwãgã béokõãkuma, ãrîyupu Jesús.

⁹ Irasũ ãrî odo, ïgüsãrê sêrêñayupu:

—Iro merê pooe opu, ¿nasirigukuri ïgüya pooere moãrãrê? ãsũ irigukumi. Irogue waa, ïgüsãrê wêjê, ïgüya pooere gajerã gapure sîgukumi.

¹⁰ ¿Musã Marîpuya werenîrî gojadea pürê ire buebiriri? ãsũ ãrî gojasüdero ããrîbú: Suye ütãye wii iririmasã ïgüsã béoadeaye merã gajigu gapu õãrõ turari wii irigukumi.

¹¹ Marîpu irasiridi ããrîmî. Marî ïgü irasirideare ïãrã: “Õãtaria”, ãrî güñãã, ãrî gojasüdero ããrîbú, ãrî wereyupu Jesús ïgüsãrê.*

¹² Judío masaka oparã ïgü i keori merã irasũ ãrî weremakũ pérã: “Marîrê: ‘Ïgüsã irirosũ ñerã ããrã’, ãrîgü irikumî”, ãrî pémasî, ïgürê ñeã, peresu iriduardiñurã. Irasiridukererã: “Masaka ïgürê marî irasirimakũ ïãrã, marî merã guabokuma”, ãrî güñañurã. Irasirirã ïgüsãrê güi, Jesúre pirikõã, gajerogue waakõãñurã.

*Romano marã opu masakare niyeru wajasearire Jesúre sêrêñadea
(Mt 22.15-22; Lc 20.20-26)*

¹³ Puru Jesúre weresãduarã, surãyeri fariseo bumarãrê, Herodeya bumarãdere Jesús pûrogue ïgürê wári sêrêña, diaye yujubirimakũ iridorerã iriuñurã. ¹⁴ ïgüsã iriuanerã Jesús pûrogue ejarã, ãsũ ãrîñurã:

—Buegu, mu iririkurire masã. Mu ãrîgatoro marîrõ werenía. Marîpuyare diayeta buea. “¿Naásũ güñarî masaka yure?” ãrî güñarõ marîrõ diayeta ïgüsãrê werea. Oparãrê, ubu ããrîãdere ããrîpererãrê surosüta ïãã. Irasirigu guare wereka! Romano marã opu marîrê niyeru wajasearire marî wajarimakũ, ¿õãgorari, o õãberi? ¿Wajariro gããmerî, o wajaribirikõãrõ gããmerî? ãrîñurã.

¹⁵ Jesús gapu ïgüsã irigatori merã ïgürê ñerõ iriduarire masísã, ãsũ ãrîyupu:

—¿Nasirirã yu ñerõ yujumakũ iriduari musã? Niyeru tire yure ãrîka! Iri tire ïãmurã! ãrîyupu.

¹⁶ ïgü irasũ ãrîmakũ pérã, suti ãiãñurã. Jesús ïgüsãrê sêrêñayupu:

—I tiguere, ¿noãya diapu keori, noãya wãï tuuyari? ãrîyupu.

—Romano marã opu diapu keori, ïgü wãïta tuuyãã, ãrî yujumñurã.

¹⁷ Irasirigu Jesús ïgüsãrê ãrîyupu:

—Iro merê romano marã opu ããrîrîrê ïgürê sîka! Marîpuya gapure Marîpüre sîka! ãrîyupu.

Ïgü irasũ ãrîmakũ pégukakõãñurã.

*Saduceo bumarã, Marîpu boanerãrê masürîrê Jesúre sêrêñadea
(Mt 22.23-33; Lc 20.27-40)*

¹⁸ Puru surãyeri saduceo bumarã Jesús pûrogue ejañurã. ïgüsã: “Masaka boanerãgue masãbirikumã”, ãrî burumurã ããrîñurã. Irasirirã Jesúre ãsũ ãrîñurã:

* 12:11 Sal 118.22-23

19 —Buegu, Moisés marĩrẽ àsũ arĩ gojapídi aãrĩmĩ: “Sugu marãpokũdi pũrã marĩkeregu igore boaweomakũ, ĩgũ pagũmũ igore dúunorẽgũkumi. Irasirirã, ĩgũ igo merã pũrãkũrã ĩgũ tĩgũ dagũ pũrã irirosũta aãrĩrãkuma”, arĩdi aãrĩmĩ. 20 Iripoeguere sugu pũrã su mojõma pere gaji mojõ peru pẽrẽbejarã aãrĩunanerã aãrĩmã. ĩgũsã tĩgũ gapũ marãpokũ, pũrã marĩgũta boakõãyupũ. 21 Irasirigũ ĩgũ dagũ dokamũta ĩgũ marãpo aãrĩdeore dúunorẽyupũ. ĩgũde, ĩgũ tĩgũ dagũ irirosũta pũrã marĩgũta boakõãyupũ. ĩgũsã pẽrã dokamũde pũrã marĩgũta boakõãyupũ. 22 Irasũ dita pũrã marĩrãta boapereakõãñurã. ĩgũsã pũrũ ĩgũsã marãpode boakõãyupo pama. 23 ĩgũsã su mojõma pere gaji mojõ peru pẽrẽbejarã ùma igore marãpokũadiñurã. Irasirirã boanerã masãmakũ, ¿niño marãpogora aãrĩgokuri? arĩñurã.

24 Jesús ĩgũsãrẽ yũjũyupũ:

—Mũsã diaye gũñabea. Marĩpũya werenĩrĩ gojadeare, ĩgũ turaridere mũsã neõ masĩbea. 25 Boanerã ĩgũsã masãdero pũrũ, ĩgũsã ùmũgasigue Marĩpũre wereboerã irirosũ aãrĩrãkuma. Iroguere marãpokũbirikuma. ĩgũsã pũrã nomedere nomesubirikuma. 26 ¿Moisés gojadea pũguere boanerã ĩgũsã masãburire buebiriri? Iripoeguere yukũgãgue ùjãrõgue Marĩpũ Moisére àsũ arĩdi aãrĩmĩ: “Yũ Abraham, Isaac, Jacob Opũta aãrã”, arĩdi aãrĩmĩ. 27 Irasirirã ĩgũsã boanerã aãrĩkererã, Marĩpũ merã okarã aãrĩma. Irasirigũ Marĩpũ boanerã dupaturi masãbirimurã Opũ aãrĩbemi. Okarã, boanerãgue dupaturi masãmurã Opũ aãrĩmi. Irasirirã mũsã: “Boanerã masãbirikuma”, arĩ gũñarã, diaye gũñabea, arĩyupũ Jesús.

*“¿Dií gapũ Marĩpũ doreri gaji doreri nemorõ aãrĩrĩ?” arĩ sãrẽñadea
(Mt 22.34-40)*

28 ĩgũsã Jesús merã werenĩripoe sugu Moisés gojadeare buerimasũ ĩgũsã pũro ejayupũ. Jesús ĩgũ õãrõ yũjũrĩre pé, àsũ arĩ sãrẽñayupũ ĩgũrẽ:

—¿Dií gapũ Marĩpũ doreri gaji doreri nemorõ aãrĩrĩ?

29 Jesús ĩgũrẽ yũjũyupũ:

—Gaji doreri nemorõ aãrĩrĩ i aãrã: “Israel bumarã õãrõ péka! Marĩpũ sugũta mũsã Opũ aãrĩmi. 30 Irasirirã mũsãya yũjũpũrãrĩ merã, mũsã aãrĩrikuri merã, aãrĩpereri mũsã gũñarĩ merã, mũsã turari merã Marĩpũre mũsã Opũre maĩka!” 31 I doreri pũrũma àsũ arã: “Mũ basi maĩrõsũta mũ pũro aãrĩrãrẽ maĩka!” I pe dorerita gaji aãrĩpereri doreri nemorõ aãrã, arĩyupũ Jesús.

32 ĩgũ irasũ arĩmakũ, Moisés gojadeare buerimasũ àsũ arĩ yũjũyupũ:

—Buegu, irasũta aãrã. Mũ arĩrĩ diayeta aãrã. Marĩpũ sugũta aãrĩmi. Gajigũ ĩgũ irirosũ aãrĩgũ mámi. 33 Marĩrẽ marĩya yũjũpũrãrĩ merã, marĩ gũñarĩ merã, aãrĩpereri marĩ turari merã Marĩpũre maĩrõ gããmea. Marĩ basi maĩrõsũta gajerãrẽ maĩrõ gããmea. Marĩpũre bũremurã ĩgũ ĩũrõ waimũrã wẽjẽ soepeomakũ õãgorãa. I nemorõ Marĩpũre, masakadere marĩ maĩmakũ õãtaria, arĩyupũ.

34 ĩgũ pémasĩrĩ merã õãrõ yũjũmakũ ĩã, Jesús ĩgũrẽ arĩyupũ:

—Mérõ duyãa, Marĩpũ mũ Opũ aãrĩrĩrẽ mũ pémasĩburo, arĩyupũ.

Jesús irire irasũ arãdero pũrũ, neõ sugu ĩgũrẽ sãrẽñanemobirĩñurã.

*“¿Noã parãmi aãrĩturiagu aãrĩrĩ Cristo?” arĩ sãrẽñadea
(Mt 22.41-46; Lc 20.41-44)*

35 Jesús Marĩpũya wiigue buegu, àsũ arĩ sãrẽñayupũ:

—¿Nasirirã Moisés gojadeare buerimasã: “Cristo, David parãmi aãrĩturiagu aãrĩmi”, arĩrĩ? 36 David, Cristo ñekũ aãrĩkeregu, Õãgũ deyomarĩgũ ĩgũrẽ weredorederosũta àsũ arĩ gojadi aãrĩmĩ:

Marĩpɥ yɥ Opɥre ǎsũ ǎrĩmi: “Ōŏ, yɥ diaye gapɥ doaka, yɥ merǎ dorebu! Irasiriripoe mǎrẽ ĩǎturirǎrẽ mɥ dorerire tarinɥgǎnemobirimakũ irigɥra”, ǎrĩmi, ǎrĩ gojadi ǎǎrĩmĩ David.*

³⁷ David, Cristo ñekũ ǎǎrĩkeregɥ, ĩgũrẽ: “Yɥ Opɥ ǎǎrĩmi”, ǎrĩdi ǎǎrĩmĩ. ¿Nasirigɥ, Cristo, David parǎmi ǎǎrĩturiagɥ ǎǎrĩkerepɥrɥ, David ĩgũrẽ irasũ ǎrĩyuri? ǎrĩyupɥ Jesús.

Wǎrǎ masaka iri wiigue ǎǎrĩrǎ ĩgũ wererire ɥɥyari merǎ péñurǎ.

Jesús Moisés gojadeare buerimasǎyamarẽ weredea

(Mt 23.1-36; Lc 11.37-54; 20.45-47)

³⁸ Jesús ǎsũ ǎrĩ buenemoyupɥ:

—Moisés gojadeare buerimasǎ ñerŏ iririre ŏǎrŏ pémasĩka! Oparǎ irirosũ surĩ yoari sǎña, masaka ĩũrŏgue waagorenama. Makǎ dekoguere masakare ŏǎrŏ bɥremurĩ merǎ ĩgũsǎrẽ bokatĩrĩ ŏǎdoremakũ gǎámema. ³⁹ Marĩ nerẽrĩ wiiriguere ñǎjǎrǎ, ŏǎrĩ doaripẽrĩgue dita doadɥama. Bosenurĩ ǎǎrĩmakũdere oparǎ doarigue dita doadɥama. ⁴⁰ Wapiweyarǎ nome wajamomakũ ĩǎ, ĩgũsǎya wiirire ẽmanokŏǎma. ĩgũsǎrẽ bopoñarĩ merǎ ĩǎbirikererǎ, yoaripoe Marĩpɥre sẽrẽ ĩmugatoma, masaka ĩgũsǎrẽ: “Marĩpɥre ŏǎrŏ bɥremuma”, ǎrĩburo, ǎrĩrǎ. ĩgũsǎ irasiriri waja, Marĩpɥ ĩgũsǎrẽ gajerǎrẽ wajamoǎrŏ nemorŏ wajamoǎgɥkumi, ǎrĩyupɥ Jesús.

Wapiweyo bopogo Marĩpɥya wiigue igo niyeru tiri sǎdea

(Lc 21.1-4)

⁴¹ Pɥrɥ Jesús Marĩpɥya wiima ĩgũsǎ ǎmuburi niyeru neeŏrĩ kũma pɥro masaka ĩgũsǎ niyeru sǎmakũ ĩǎ doanĩyupɥ. Wǎri doebiri oparǎ iri kũmaguere wǎro niyeru sǎñurǎ. ⁴² Sugo wapiweyo iri kũma pɥro ejanɥgǎ, pe tigǎ mérŏgǎ wajakari tirigǎrẽ sǎyupo. ⁴³ Iri tirire igo sǎmakũ ĩǎgũ, Jesús ĩgũ buerǎrẽ siiu, ǎrĩyupɥ:

—Diayeta mǎsǎrẽ werea. Igo wapiweyo bopogo niyeru sĩgŏ, Marĩpɥ ĩũrŏ gajerǎ ǎǎrĩpererǎ sǎadero nemorŏ sǎamo. ⁴⁴ Gajerǎ wǎri doebiri oparǎ wǎro sĩkerepɥrɥ, ĩgũsǎya wǎro dɥyǎa. Igo gapɥ bopogo ǎǎrĩkeregŏ, igo baari wajariboadeare ǎǎrĩpereri sĩpeokŏǎmo Marĩpɥre bɥremugŏ, ǎrĩyupɥ Jesús.

13

Jesús: “Marĩpɥya wii béosũrokoa”, ǎrĩ weredea

(Mt 24.1-2; Lc 21.5-6)

¹ Jesús Marĩpɥya wiigue ǎǎrǎdi wiriaripoe sugɥ ĩgũ buegɥ ǎsũ ǎrĩyupɥ:

—Gɥare buegɥ, ĩǎka i wiire pagari ǎtǎyeri merǎ iridea wii miẽrẽ, ǎrĩyupɥ.

² Jesús ĩgũrẽ yɥjɥyupɥ:

—Mǎsǎ i wiire wǎri wiire daporare ĩǎdáa. Pɥrɥgue neŏ suye ǎtǎye gajiyey weka weamurĩadeade dujabirikoa. ǎǎrĩpereri mutǎdijapereakŏǎrokoa, ǎrĩyupɥ Jesús.

Jesús: “I ɥmɥ pereburi dupuyuro ǎsũ waarokoa”, ǎrĩ weredea

(Mt 24.3-38; Lc 21.7-36)

³ Pɥrɥ Jesús ĩgũ buerǎ merǎ Olivos wǎĩkari buúru Marĩpɥya wii bokatĩũrŏ ǎǎrĩrĩ buúrugue waayupɥ. Jesús iroque eja doamakũ, Pedro, Santiago, Juan, Andrés ĩgũrẽ ĩgũsǎ seyaro sẽrẽñañurǎ:

⁴—Gɥare wereka! ¿Naásũ ǎǎrĩmakũ, mɥ ǎrǎderosũ waarokuri? ¿Ñeéno iri ĩmugukuri, iri ǎǎrĩpereri irasũ waaburi dupuyuro? ǎrĩñurǎ.

⁵ Jesús ĩgũsǎrẽ yɥjɥyupɥ:

—Ōǎrŏ pémasĩka! Gajerǎ mǎsǎrẽ ǎrĩgatorire pébirikŏǎka! ⁶ Wǎrǎ ǎrĩgatorimasǎ aarirǎkuma. “Yɥ Marĩpɥ iriudi Cristo ǎǎrǎ”, ǎrĩrǎkuma. ĩgũsǎ irasũ ǎrĩgatomakũ pérǎ, wǎrǎ masaka ĩgũsǎrẽ bɥremurǎkuma.

* 12:36 Sal 110.1

⁷ 'Masaka musā puro gāmewējērĩrē pérā, yoarogue marā gāmewējērĩ kerere pérā, gukabirikōāka! Irasūta waarokoa. Irasū waakererũ, i ũmũ pereburo dũyarokoa dapa. ⁸ Su bumarā, gaji bumarā merā gāmewējērākuma. Su nikũ marā, gaji nikũ marā merā gāmewējērākuma. Wári makārĩguere nikũ ñomerokoa. Masaka wárā ũaboari merā boarākuma. I āārĩpereri merā masaka ñerō taripũroriwāgārĩrākuma.

⁹ 'Gajerā musārē ñeã, ãĩa, oparāguere ñerō iridorerā wiarākuma. Musā judío masaka nerērĩ wiirigue āārĩmakũ, musārē párākuma. Musā yare bũremurĩ waja makārĩ marā oparā pũrogue, iri nikũ marā oparā pũrogue āĩāsũrākoa. Irasirimakũ, musā Marĩpũya ōārĩ kerere wererākoa ĩgũsārē. Irasirirā musā basi ōārō pémasĩka! ¹⁰ I ũmũ pereburo dupuyuro Marĩpũyare wererā āārĩpereri buri marārē ĩgũya kerere wererākuma. ¹¹ Masaka musārē oparā pũrogue āĩāmakũ: “¿Naásũ ārĩrākuri ĩgũsārē?” ārĩ gũñarikũmerāta waaka! Oparā musārē sērēñamakũ, Marĩpũ gũñarĩ sĩrĩ merā wererākoa. Irasirirā musā basi werenĩbirikoa. Ōāgũ deyomarĩgũ iritamurĩ merā, ĩgũ werenĩrĩ sĩrĩ merā wererākoa.

¹² 'I ũmũ pereburo dupuyuro masaka ĩgũsā pagupũrārē, ĩgũsā tĩrārē oparāguere wējēdorerā wiarākuma. Pagusāmarā ĩgũsā pũrārē, pũrā ĩgũsā pagusāmarārē oparāguere wējēdorerā wiarākuma. ¹³ Yũre musā bũremurĩ waja āārĩperero marā masaka musārē ĩāturi doorākuma. Musārē ĩgũsā ñerō irikererũ, yare bũremurĩrē piribirimakũ, Marĩpũ musārē taugakumi.

¹⁴ 'I ũmũ pereburo dupuyuro ñegũrē Marĩpũre ĩaturigũre ĩārākoa. Marĩpũya wiigũe ĩgũrē āārĩdorebiridea wiigũe nĩmakũ ĩārākoa. Iripoegũe Marĩpũya kerere weredupuyudi Daniel ĩgũrē gojadi āārĩmĩ. ĩgũ gojadeare buegũno, pémasĩburo. Ąsũ ārĩ gojadi āārĩmĩ: “Iro ĩgũ nĩmakũ ĩārā, Judea nikũgũe āārĩrā buurĩgũe ũmaduriburo”. ¹⁵ Irasũ waaripoere masakare ñerō waarokoa. Sugũ ĩgũya wii wekague āārĩgũ wii poekague ĩgũyare āĩgũ ñajābirikōāburo. ¹⁶ Sugũ ĩgũya pooerigũe āārĩgũde ĩgũya surĩre wiigũe āĩgũ dujāabirikōāburo. ¹⁷ Irasũ waarĩnrĩrē nijĩpagosā nome, gajerā ĩgũsā pũrā mirĩrāgā oparā nomede bũro ñerō tarirākuma. ¹⁸ Irasirirā Marĩpũre āsũ ārĩ sērēka: “Puĩbũ āārĩmakũ, irasũ waabirikōāburo”, ārĩ sērēka!

¹⁹ 'Irasũ waarĩnrĩrē masaka ñerō tarirākuma. Marĩpũ i ũmũrē iripũroridero pũrũre masaka ñerō taridero nemorō ñerō tarirākuma. I ĩgũsārē ñerō waaburi neō dupaturĩ irasũ waanemobirikoa. ²⁰ Irasirigũ Marĩpũ masakare i ñerō waarĩre: “Yoaripoe waabirikōāburo”, ārĩgũkumi. ĩgũ irasiribirimakũ, neō sugũ masakũ taribiribokumi. Irasirigũ ĩgũ beyenerārē bopoñasĩā, ĩgũsārē ñerō waarĩre: “Iropāta waaburo”, ārĩgũkumi.

²¹ 'Irasũ ñerō waaripoere gajerā musārē: “ĩāka! Ōōta Cristo āārĩmĩ”, o “Sōō āārāmi Cristo”, ārĩmakũ pérā, bũremubirikōāka! ²² Wárā ārĩgatorikũrā aarirākuma. Surāyeri: “Yũ Marĩpũ iriudi Cristo āārā”, o “Marĩpũya kerere weredupuyurimasā āārā”, ārĩrākuma. Irasirirā masakare ĩgũsā ārĩgatorire bũremudorerā, wári gajino iri ĩmurākuma. Irasirik-ererā, Marĩpũ beyenerārē ĩgũrē bũremuduúmakũ irimasĩbirikuma. ²³ Iri irasũ waaburi dupuyuro musārē i āārĩpererire weresiáa. Irasirirā ōārō pémasĩka! ārĩ wereyupũ Jesús ĩgũ buerārē.

Jesús i ũmũgũe ĩgũ dupaturĩ aariburire weredeã
(Mt 24.29-35, 42-44; Lc 21.25-36)

²⁴ Jesús āsũ ārĩ werenemoyupũ ĩgũsārē:

—Irasũ ñerō waarĩnrĩ pũrũ, abe ũmũmũ naĩtĩākōāgũkumi. Ñamimũde boyonemobirikumi. ²⁵ Neñukā ũmũgasigũe āārĩrā yuridijarirākuma. Ūmarōgũe marā turarāde naradari merā béosũrākuma. ²⁶ Irasũ waaripoere masaka yũ āārĩpererā tĩgũ, bũro turari merā, gosewasiriri merā mikāyebogue i nikũguere dupaturĩ aarimakũ ĩārākuma. ²⁷ Yũre wereboerārē āārĩperero i nikũguere iriugũra. Irasirirā yaarārē Marĩpũ beyenerārē āārĩpererogũe āārĩrārē yũ pũrogue neeōrākuma.

²⁸ Ire musā masīburo, ārīgū, higeragu keori merā weregura. Irigu pū maamamakū iārā: “Bojori waaburo mérōgā dūyāa”, ārī masīa. ²⁹ Irigu waarósūta i āārīpereri yū ārīrī irasū waamakū iārā: “Marīpū iriudi dupaturi aariburo mérōgā dūyāa”, ārī masīrākoa. ³⁰ Diayeta musārē werea. I āārīpereri yū ārīrī, datora marā īgūsā boapereburo dupuyuro irasū waarokoa. ³¹ Ūmugasi, i nikūde pereakōārōkoa. Yū werenīrī gapū neō perebirikoa. Āārīpereri yū musārē ārīrōsūta waayuwarikurokoa.

³² Yū dupaturi aariburinurē, iri horare neō sugū masībemi. Marīpūre wereboerā ūmugasigū āārīrāde masībema. Yū Marīpū magūde masībea. Yūpū sugūta masīmi.

³³ Musāde yū aariburinurē masībea. Irasirirā ōārō pémasīrī merā yūka! “Gūare iritamuka!” ārī sērēka Marīpūre! ³⁴ I keori merā musārē weregura. Wii opū yoarogue gāmeñajāgū waaburi dupuyuro īgūrē moāboerārē īgūya wiire koredorekumi. Surāyerire īgū moārīrē píkumi. Gajigūre wii disipūro koredorekumi, īgū dujariburire ōārō yūdoregū.

³⁵ Irasiri odo, waakōākumi. Īgūrē moāboerā gapū īgū dujariburinurē neō masībirikuma. Ūnamika, o űami deko, āgābo wereripoe, o boyoripoe aaribokumi. Īgūsā ōārō yūbirimakū, īgū gūñaña marīrō aarigū, īgūsārē kārīrārē bokajagukumi. Wii opūre moāboerā īgū dujariburinurē īgūsā masībiriderosūta musāde yū dupaturi aariburinurē masībea. ³⁶ Gūñaña marīrō yū aariburire masīrā, yūre ōārō pémasīrī merā yūka! Sugū kārīgū irirosū āārīgū yūre ōārō yūbirikumi. Īgū irirosū āārībirikōāka! ³⁷ Yū musārē ārīrīrē āārīpererārē ārīgura. Ōārō pémasīrī merā yūka! ārī wereyupū Jesús īgū buerārē.

14

Oparā Jesúre ñeāburire āmudea

(Mt 26.1-5; Lc 22.1-2; Jn 11.45-53)

¹ Penū pascua bosenu, judío masaka pā wemasārī morēña marīrī baari bosenu dūyaripoe paía oparā, Moisés gojadeare buerimasā nerēñurā. Jesúre ārīgatori merā īgūsā īgūrē ñeā, wējēburire āmuñurā. ² Irire āmurā, āsū ārīñurā:

—I bosenu āārīmakū īgūrē ñeābirikōārā! Masaka marī merā guarā, marīrē gainī turibokuma, ārīñurā.

Sugo nomeō Jesúre sūrōrī piupeodea

(Mt 26.6-13; Jn 12.1-8)

³ Jesús Betania wāikuri makāgue, Simón kāmi boadiya wiigū āārīyupū. Īgū iri wiigū āārīrā merā baa doanīripoe sugo nomeō suru sūrōdiru opago Jesús pūro ejanūgāyupo. Igo opadiru “alabastro” wāikuri ūtāye merā iridiru, sūrōrī “nardo” wāikuri wajapari opadiru āārīyuro. Irirure tūpā, Jesúya dipurure piupeoyupo.

⁴ Gajerā iri wiigū āārīrā igo irasirimakū iārā, gua, āsū ārī gāme werenīñurā:

—¿Nasirigo iri sūrōrīrē irasiriwasiribéokōārī? ⁵ Igo irire duamakū, trescientos niyeru tiri su bojori moā wajataropā wiriboakuyo. Iri waja merā boporārē iritamuboakumo, ārīñurā. Igo irasiririre suyubiriñurā.

⁶ Jesús gapū īgūsārē ārīyupū:

—Igore garibobirikōāka! ¿Nasirirā igore garibori? Igo yūre ōārīrē yāmo. ⁷ Boporā musā watopeguere āārīnīkōārākuma. Irasirirā īgūsārē iritamudūarā iritamumasīa. Yū tamerārē musā merā āārīnīmakū iābirikoa. ⁸ Igo ōārō iridūaro bokatīūrō yūre ōārō iriamo. Yaa dupūre masāgobegue īgūsā pīburi dupuyuro āmuyugo, yūre sūrōrī piupeosiamo. ⁹ Diayeta musārē werea. Marīpū masakare tauri kerere wererā āārīperero i ūmugue waagorenarā, igo yūre irideadere gajerārē wererākuma, igore gūñaburo, ārīrā, ārīyupū Jesús.

Judas Iscariote Jesúre wējēdūarāguere īgūrē ĩmuburire āmudea

(Mt 26.14-16; Lc 22.3-6)

10 Pɛɛ Judas Iscariote wāikɛɛ sugɛ Jesús buerã pe mojõma pere su gubu peru pērēbejarã watopemɛ paía oparã pɛrogue waa, ïgũ Jesúre ïgũsãguere ïgũrē ïmuburire wereniyupɛ.

11 ïgũ irasũ ārĩmakũ pérã, usɛyari merã: “ïgũrē mɛ guare ïmumakũ, niyeru murē wajarirãkoa”, ārĩñurã.

Irasirigɛ Judas: “¿Naásũ ãārĩmakũ ïgũsãrē yɛ Jesúre wiamakũ õãkuri?” ārĩ gũñayupɛ.

Jesús ïgũ buerã merã baatũnudea

(Mt 26.17-29; Lc 22.7-23; Jn 13.21-30; 1 Co 11.23-26)

12 Pɛɛ judío masaka pã wemasãrĩ morēña marĩrĩ baari bosenu pɛroririnɛ ãārĩmakũ, Marĩpɛ ïürõ oveja majĩrãrē wējē baañurã. Irinɛta Jesús buerã ïgũrē ãsũ ārĩ sērēñañurã:

—¿Noógue mɛ pascua bosenu baaburire ãmumakũ gããmekuri? ārĩñurã.

13 ïgũsã irasũ ārĩmakũ pé, Jesús ïgũ buerã pērãrē ãsũ ārĩ iriyupɛ:

—Jerusalégue waaka! Irogue sugɛ dekosoro kõãwãgãgũ musãrē bokatĩrĩgukumi. ïgũrē tɛyaka! 14 ïgũ, wiigue ñajãmakũ, iri wii opɛre: “Guare buegu, ãsũ ārĩ sērēñadoreami: ‘¿Díí taribugue yɛ buerã merã i pascua bosenu rē baagukuri?’ ārãmi”, ārĩka! 15 Musã irasũ ārĩmakũ pé, wãri taribu ãmarõgue ãmuadea taribuguere ïmugukumi. Irogue marĩ baaburire ãmuka! ārĩyupɛ Jesús.

16 Irasirirã iri makãgue waa, irogue eja, Jesús wereaderosũta bokaja, pascua bosenu baaburire ãmuñurã.

17 Pɛɛ naĩmejãripoe Jesús ïgũ buerã pe mojõma pere su gubu peru pērēbejarã merã iri taribugue baagu ejayupɛ. 18 ïgũsã baa doanĩripoe Jesús ïgũsãrē ārĩyupɛ:

—Diayeta musãrē werea. Sugɛ musã watopemɛ yɛ merã baa doanígũta yɛre wējēduarãguere yɛre ïmugukumi, ārĩyupɛ.

19 ïgũ irasũ ārĩmakũ pérã, buro bujawereri merã suguno dita ïgũrē sērēñayõñurã:

—¿Yɛ ãārĩrĩ murē ïmubu? ārĩñurã. Gajerãde irasũ dita ãārĩñurã.

20 Jesús ïgũsãrē yɛyɛyupɛ:

—Sugɛ musã pe mojõma pere su gubu peru pērēbejarã watopemɛ yɛ merã baagũta ãārĩmi. 21 Marĩpɛyã werenĩrĩ gojadea pũgue gojaderosũta yɛre ãārĩpererã tĩgũrē waaró yáa. Yɛre ïmubu gapɛre ñetariro waarokoa. ïgũ deyoabirimakũ õãboyo, ārĩyupɛ.

22 Jesús, ïgũsã baaripoe pãrē ãĩ, Marĩpɛre: “Murē usɛyari sĩa”, ārĩ, pɛa, ïgũsãrē ãsũ ārĩ guereyupɛ:

—Ire baaka! Yaa dupɛ ããrã, ārĩyupɛ.

23 Pɛɛ iirĩripere ãĩ, Marĩpɛre: “Murē usɛyari sĩa”, ārĩ, ïgũsãrē iripere siyupɛ. Irasirirã ãārĩpererã iirĩñurã.

24 ïgũsãrē ãsũ ārĩyupɛ:

—I yaa dí ããrã. Yɛ masakare boabosagu yaa dí béori merã wãrãrē Yɛpɛ: “ïgũsãrē õãrõ irigũra”, ārĩdeare iriyuwarikũgũkoa. 25 Diayeta musãrē werea. Igui dekore marĩ dapora iirĩrosũ yɛ dupaturi neõ iirĩnemobirikoa. Pɛɛ Yɛpɛ ïgũyarãrē dorerogue musã merã maama igui dekore iirĩgũkoa, ārĩyupɛ Jesús ïgũ buerãrē.

Jesús Pedrorre: “Yɛre masĩkeregɛ: ‘Masĩbea’, ārĩgũkoa”, ārĩ weredea

(Mt 26.30-35; Lc 22.31-34; Jn 13.36-38)

26 Pɛɛ Marĩpɛre bayapeo odo, Olivos wãikũri buúrugue waakõañurã doja. 27 Irogue Jesús ïgũsãrē ārĩyupɛ:

—Musã ãārĩpererã gũñaturaro marĩrõ yɛre béowãgãperekõãrãkoa. Musã irasiriburire Marĩpɛyã werenĩrĩ gojadea pũgue ãsũ ārĩ gojasũdero ãārĩbú:

Yɛ oveja koregure wējēmakũ irigũkoa. Irasirimakũ, ïgũyarã oveja ãmawasiriakõãrãkuma, ārĩ gojasũdero ãārĩbú.✠

²⁸ Yu boadigue masãdero puru, musã dupuyuro Galileague waadupuyugukoa, ariyuru.

²⁹ Pedro gapu Jesure ariyuru:

—Igusaã aariperera murẽ beowãgãkerekuru, yu gapu murẽ neõ beowãgãbirikoa, ariyuru.

³⁰ Jesús igurẽ yujuyuru:

—Murẽ diayeta werea. Dapagã ñami agãbo pea wereburi dupuyuro mu yure masikeregu urea gajerãrẽ: “Masibeã”, arĩgatogukoa, ariyuru.

³¹ Pedro igurẽ ariyuru:

—Yu mu merã boabu aarĩkeregu: “Masibeã”, arĩgatobirikoa, ariyuru.

—Aariperera igu buera Pedro arĩrõsũ dita arĩñurã.

Jesús Getsemanígue Marĩpũre sërẽdea

(Mt 26.36-46; Lc 22.39-46)

³² Puru Getsemaní wãikurogue ejañurã. Irogu Jesús igu buerãrẽ:

—Õõta doaka musã dapa! Marĩpũre sërẽgũ waagũ yãa, ariyuru.

³³ Irasũ arĩ odo, Pedro, Santiago, Juarẽ siiuwãgãyuru. Igu buru gũñariku, bujawereyuru.

³⁴ Igusãrẽ ariyuru:

—Buru bujawereri merã kõmoma goero peñakoa. Kãrĩmerãta õõ doa yũka! ariyuru.

³⁵⁻³⁶ Irasũ arĩ odo, yoawayaro waanemo, yebague moomejãja, Marĩpũre asũ arĩ sërẽyuru:

—Au, aarĩpererire irimasãa mu. I yu ñerõ tariburire tauduagu tauka! Yu irasũ arĩkerepuru, yu gããmerõsũ iribirikõãka! Mu gããmerõsũ gapu yure waaburo, ariyuru.

³⁷ Puru igusã puru eja, igusã kãrĩrãrẽ bokajayuru. Pedore ariyuru:

—Simón, ¿kãrĩgũ yãri? ¿Nasirigu su horanogora yure kãrĩbita yumasĩberi? ³⁸ Kãrĩmerãta! Marĩpũre sërẽka, wãtĩ arĩmesãrĩrẽ iribokoa, arĩrã! Musã gũñarĩ merã õãrĩrẽ iridũadãa. Irire iridũakererã, bokatĩũbea, ariyuru.

³⁹ Irasũ arĩ odo, Marĩpũre igu sërẽaderosũta dupaturi sërẽgũ waayuru doja. ⁴⁰ Dupaturi igusã puro eja, kãrĩrãrẽta bokajayuru doja. Igusãrẽ wuja purĩtariyuro. Irasirirã, naasũ arĩ yujumasĩbiriñurã.

⁴¹ Ureagora kãrĩrãrẽ bokajagu, Jesús igusãrẽ ariyuru:

—Siuñajã, kãrĩka pama! Iropãta ejãa. Yure aarĩpererã tĩgurẽ ñerãguere wiari hora ejasiãa. ⁴² Wãgãnũgãka! Nãka, waarã! Yure wẽjẽduarãguere yure imubu aarisiami, ariyuru Jesús.

Jesure ñeãwãgãdea

(Mt 26.47-56; Lc 22.47-53; Jn 18.2-11)

⁴³ Igu irasũ arĩ wereripoe Judas, Jesús buerã pe mojõma pere su gubu peru pẽrẽbejarã watopemu aarãdi ejayuru. Wãrã masaka sareri majĩrĩ, yuku dukari opanerã Jesús purore igu merã ejañurã. Igusã paia oparã, Moisés gojadeare buerimasã, judío masaka murã iriuanerã aarĩñurã. ⁴⁴ Igusã Jesús puro ejaburi dupuyuro Judas igusãrẽ asũ arĩ weredi aarĩmĩ: “Yu igũya wayupãrãrẽ mimigũta aarĩgũkumi. Igurẽ ñeã, õãrõ sia, aĩaka!” arĩdi aarĩmĩ.

⁴⁵ Judas, Jesús puro ejaguta: “Gũare buegu”, arĩ, igũya wayupãrãrẽ mimiyuru.

⁴⁶ Igu mimimakũ iãrã, Judas merã aaranerã Jesure turaro merã ñeãwãgãñurã.

⁴⁷ Sugu Jesús buegu gapu paia opure moãboegure sareri majĩ merã igũya gãmipũrẽ dititã dijukõãyuru. ⁴⁸ Jesús gapu igusãrẽ ariyuru:

—¿Nasirirã sareri majĩrĩ merã, yuku dukari merã sugu yajarimasũrẽ ñeãrã aarirã irirosũ yure ñeãrã aarĩrĩ? ⁴⁹ Emuriku Marĩpũya wiigũe musã watopegue buebu. Iroguere musã yure neõ ñeãbiribu. Musã irasiriri Marĩpũya werenĩrĩ gojadea pũgue gojaderosũta waaró yãa yure, ariyuru Jesús.

⁵⁰ Jesure ñeãmakũ iãrã, aarĩpererã igu buerã sugureta umaweonúwãgãkõãñurã.

⁵¹ Sugũ maamu ãgũ õmasiariñe merã dita Jesúre tũyayupu. Ìgũdere ñeãkõãñurã. ⁵² Ìgũsã ãgũrẽ ñeãmakũ, ãgũ õmasiariñerẽ meépi, surí marĩgũ ùmaduriwãgãkõãyupu.

Jesúre oparã pũrogue ãiãdea

(Mt 26.57-68; Lc 22.54-55, 63-71; Jn 18.12-14, 19-24)

⁵³ Pũru Jesúre paía opu pũrogue ãijañurã. Iroguere paía oparã, Moisés gojadeare buerimasã, judío masaka mũrã ããrĩpererã nerẽñurã. ⁵⁴ Pedro gapũ yoawayaro Jesúre tũyañajãa, paía opu wii disipũro ñajãrõma yebague eja, Marĩpũya wiire korerã surara merã peame tũro sũma doanĩyupu.

⁵⁵ Paía oparã, judío masaka mũrã, ããrĩpererã irogue nerẽanerã Jesúre ãrĩgatori merã weresãmurãrẽ ãmarã iriñurã ãgũrẽ wẽjẽmurã. Irasirikererã, bokabiriñurã. ⁵⁶ Wãrã gajerã ãrĩgatori merã Jesúre weresãkerepũru, keoro ejabiriyuro. ⁵⁷ Gajerãde wãgãñugãja, ãrĩgatori merã ãsũ ãrĩ weresãñurã:

⁵⁸ —Gũã, ãgũ ãsũ ãrĩmakũ pébu: “Marĩpũya wii masaka iridea wiire béokõãgũra. Pũru urenu waaró merã gaji wii, masaka iribiri wiire irigũra”, ãrĩmi, ãrĩñurã.

⁵⁹ Ìgũsã irasũ ãrĩrĩde keoro ejabiriyuro.

⁶⁰ Irasirigu paía opu ãgũsã watopegue wãgãñugãja, Jesúre sërẽñayupu:

—¿Ìgũsãrẽ yujuberi mũ? ¿Nasirirã mũrẽ irasũ ãrĩ weresãrĩ? ãrĩyupu.

⁶¹ Jesús gapũ yujubiriyupu. Ìgũ yujubirimakũ ãã, paía opu dupaturi sërẽñayupu doja:

—¿Mũ Marĩpu õatarigu magũ Cristota ããrĩrĩ?

⁶² Jesús ãgũrẽ ãrĩyupu:

—Yũ ãgũta ããrã. Yũ ããrĩpererã tĩgũrẽ Yũru turagu diaye gapũ doamakũ ããrãkoa. Ëmũgasima mikãyebori weka yũ aarimakũdere ããrãkoa, ãrĩyupu Jesús.

⁶³ Ìgũ irasũ ãrĩmakũ pégu, paía opu ãgũ guarire ãmugũ, ãgũya surĩrore tũãyegue, ãsũ ãrĩyupu:

—¿Nasirimurã gajerã ãgũrẽ weresãrĩrẽ pénemobokuri marĩ? ⁶⁴ Mũsã, ãgũ basita Marĩpũre ñerõ ãrĩrĩrẽ pésiãa. ¿Naásũ gũñarĩ? ãrĩyupu.

Ìgũ irasũ ãrĩmakũ pérã, ããrĩpererã ãsũ ãrĩñurã:

—Marĩpũre ãgũ ñerõ ãrĩrĩ waja boaburo, ãrĩñurã.

⁶⁵ Irasirirã surãyeri Jesúre síku eotú, surĩro gasiro merã ãgũya koyere siabiato, ãgũrẽ pá:

—“¿Noã mũrẽ pári?” ãrĩbokaka! ãrĩñurã. Marĩpũya wiire korerã Jesúre ãã, ãgũya diapure bũro pánañurã.

Pedro Jesúre masĩkeregu: “Masĩbea”, ãrĩdea

(Mt 26.69-75; Lc 22.56-62; Jn 18.15-18, 25-29)

⁶⁶ Pedro gapũ paía opu wii disipũro ñajãrõma yebague doanĩyupu. Iro ãgũ doaripoe sugo nomeõ paía opu moãboego ejayupo. ⁶⁷ Ìgũ peame tũro sũma doanĩmakũ ããgõ, ãgũrẽ ãsũ ãrĩyupo:

—Mũde Jesús Nazaretmũ merã ããrĩdita ããrã, ãrĩyupo.

⁶⁸ Pedro ãrĩgatori merã ãsũ ãrĩ yujũyupu igore:

—Ìgũrẽ masĩbea. Mũ irasũ ãrĩrĩrẽ pémasĩbirikoa yũ, ãrĩyupu.

Irasũ ãrĩ, iri wii tũroma sãrĩrõ disipũrogue wiriaripoeta ãgãbo wereyupu.

⁶⁹ Moãboego Pedore dupaturi ãã, iro ããrĩãrẽ ãrĩyupo doja:

—Ì, Jesús merãmuta ããrĩmi, ãrĩyupo.

⁷⁰ Pedro dupaturi igore ãrĩgatoyupu doja:

—Ããrĩbea yũ, ãrĩyupu.

Mérõgã pũrũta iro ããrĩã Pedore ãrĩñurã doja:

—Mũ diayeta Jesús buerã merãmuta ããrã. Mũ Galileamũta ããrã. Pémasĩrõta ãgũsã irirosũ werenía, ãrĩñurã.

⁷¹ Ìgũsã irasũ ãrĩmakũ, Pedro ãrĩyupu:

—Marĩpu péuro diayeta werea. Yu musârê diaye werebirimakû, Marĩpu yure wajamoãburo. Yu musã werenígurê masĩbea, arĩyupu.

⁷² Igũ irasũ arĩripoeta dupaturi ágãbo wereyupu. Pedro, ágãbo weremakû pégu, Jesús igurê: “Ágãbo pea wereburo dupuyuro mu yure masĩkeregu, urea: ‘Masĩbea’, arĩgatogukoa”, arãdeare gũñaboka, buro oreyupu.

15

Jesúre Pilato puro añjadea

(Mt 27.1-2, 11-14; Lc 23.1-5; Jn 18.28-38)

¹ Boyodujimejárípoe aarĩpererã judío masaka oparã, paía oparã, murã, Moisés gojadeare buerimasã nerê: “¿Nasirirãkuri marĩ Jesúre?” arĩ werenĩnurã. Werení odo, igurê sia, aĩwãgã, Pilatore wiañurã. ² Pilato Jesúre sêrêñayupu:

—¿Muta aarĩrĩ judío masaka Opu? arĩyupu.

—Mu arĩrõsũta igũta aarã, arĩ yujuyupu Jesús.

³ Paía oparã Jesúre: “Tĩ ñerõ iridi aarĩmi”, arĩ, wári weresãñurã.

⁴ Igũsã irasũ arĩmakû pégu, Pilato dupaturi Jesúre asũ arĩ sêrêñayupu:

—¿Neõ yujuberi? Péka! Igũsã murê wári weresãrã yama, arĩyupu.

⁵ Jesús gapu neõ yujubiriyupu. Irasirigu Pilato iãgukakõayupu.

Jesúre wějẽdoredea

(Mt 27.15-31; Lc 23.13-25; Jn 18.38–19.16)

⁶ Bojoriku pascua bosenu aarĩmakû, Pilato sugu peresugue aarĩgãrê masaka wiu-doregure wiunayupu. ⁷ Iripoere Barrabás wãikugũ gajerã romano marã oparãrê béoduarã masakare wějẽnerã merã peresugue aarĩyupu. ⁸ Iri bosenu aarĩmakû, Pilato pãrogue wãrã masaka nerê:

—Mu bojoriku irinarõsũta irika doja! arĩ sêrêñurã.

⁹ Pilato igũsãrê yujuyupu:

—¿Musã judío masaka Opure yu wiumakû gããmerĩ? arĩyupu. ¹⁰ Pilato, paía oparã Jesúre iãturisã, igũsã igurê wiamakû masĩgũ, irasũ arĩyupu. ¹¹ Paía oparã gapu masakare: “Barrabãre wiuka!” arĩ gainĩdoreñurã.

¹² Igũsã irasũ arĩmakû pé, Pilato igũsãrê sêrêñayupu:

—Musã judío masaka Opu, arĩgũ merã gapure, ¿nasirimakû gããmekuri?

¹³ Igũ irasũ arĩmakû, buro gainĩrĩ merã:

—Curusague pábiatú wějẽka igurê! arĩñurã.

¹⁴ Pilato igũsãrê arĩyupu:

—¿Ñeeno ñerĩrê iriari igũ, musã irasũ arĩmakû?

Igũsã gapu dupaturi:

—Curusague pábiatú wějẽka igurê! arĩ gainĩñurã.

¹⁵ Irasirigu Pilato igũsã igũ merã õarõ dujamakû iridugũ, igũsã gããmerõsũta Barrabãre wiuyupu. Jesús gapure tãrãdore, puru surarare wiayupu, igurê curusague pábiatú-doregu.

¹⁶ Irasirirã surara Jesúre Pilatoya wii disipũroma yebague añjañurã. Irogue aarĩpererã surarare Jesús puro neeõñurã. ¹⁷ Puru suriro buro diirariñerê igurê sãñurã. Igũya dipurure pora bero igũsã iriadea berore peoñurã. ¹⁸ Puru: “Buremurã aarika judío masaka Opure!” arĩ gainĩñurã.

¹⁹ Igũya dipurure yuku ñuka merã pá, igurê síku eotúbiranañurã. Igurê buridarã ñadukupuri merã ejamejãjanañurã. ²⁰ Puru irasiri burida odo, suriro diirariñerê túwea, igũya surírore sãñurã doja. Irasiri odo, igurê curusague pábiatú wějẽmurã aĩãkõãñurã.

Jesúre curusague pábiatúdea
(Mt 27.32-44; Lc 23.26-43; Jn 19.17-27)

²¹ Īgūrē āīārā, sugu Cirenemu Simón wāīkugure poeque āārādi dujarigure bokatīrīñurā. Īgū Alejandro, Rufo wāīkarā pagu āārīyupu. Īgūrē bokatīrī, Jesús kōādea curusare kōādoreñurā.

²² Gólgota wāīkarogue Jesúre āījañurā. “Gólgota”, āīrō: “Masaku dipuru boaweadea pero”, āīrduro yāa. ²³ Irogue eja, Jesúre igui deko mirra wāīkari merā morēadeare tīādīñurā. Jesús gapu iirībiryupu. ²⁴⁻²⁵ Puru irogue ñamigāgā nueve hora āārīmakū Jesúre curusague pábiatú āīwāgānūkōāñurā pama. Odo, Īgūya surīre: “¿Noārē dujarokuri?” āīrboka birañurā, irire Īgūsā basi gāme dukawamurā.

²⁶ “Ī āsū iridea waja boami”, āīrā: “Īta judío masaka Opu āārīmi”, āī gojadea majīrē curusague Īgū weka pábiatūñurā. ²⁷ Jesús merā pērā yajarikārārē gaji curusarigure pábiatú āīwāgūñurā. Sugure Īgū diaye gapu, gajigure kúgapu pábiatú āīwāgūñurā. ²⁸ Jesúre Īgūsā irasirimakū, Marīpuya werenīrī gojadea pūgue gojaderosūta waayuro: “Īgū ñerī irigu irirosū ñerā merā wējēsūgukumi”, āī gojasūdero āārībú.

²⁹ Masaka irogue āārīrā Jesús puro ejanugāja, bāridari merā Īgūrē Īgūsāya dipure sagui, ñerō werenīñurā.

—Jūá, mu Marīpuya wiire bēo, puru urenu waaró merāta iri wiire dupaturi iri odogukoa, āī werenībú. ³⁰ Irasirigmu mu basi tauka! Curusague merā dijarika! āīñurā. ³¹ Paía oparā, Moisés gojadeare buerimasāde Īgūrē āsū āī bāridañurā:

—Gajerā gapure taumi. Īgū basi gapu taumasībemi. ³² Diayeta Cristo, Israel bumarā Opu āārīgū, curusague merā Īgū dijarimakū Īārā, marī Īgūrē bāremurākoa, āī bāridañurā. Īgū merā pábiatú āīwāgūñūsūanerāde irasūta āī bāridañurā.

Jesús boadea
(Mt 27.45-56; Lc 23.44-49; Jn 19.28-30)

³³ Goeripoe āārīmakū, i nikū āārīpererogue naītīākōāyuro. Ure hora gora naītīāyuro. ³⁴ Ure hora ejamakāta Jesús buro gainīyupu:

—Eloi, Eloi, ¿lama sabactani? āīyupu. Irasū āīrīgū: “Yu Opu, yu Opu ¿nasirigu yure béori mu?” āīrīgū iriyupu. ³⁵ Surāyeri iro āārīrā, Īgū irasū āī gainīmakū pērā:

—Péka! Marīpuya kerere weredupuyudire Elíare siugmu yāmi, āīñurā. ³⁶ Sugū Īgūsā merāmu ūmawāgā, igui deko piari yosadea yasare yukmu yuwague siatú, Jesúre iirīburo, āīrīgū soemuúyupu. Irasū soemuúgū, āsū āīyupu:

—Īānarā marī, Īgū curusague āārīgūrē Elías āīdijugu aarimakū, āīyupu.

³⁷ Jesús buro gainī, kōmoakōāyupu. ³⁸ Īgū kōmomakūta Marīpuya wii poekama taribu disipuro kāmūtari gasiro ūmarō gapu merā yegue dijari, deko merā yeguesiajayuro.

³⁹ Jesús boamakū Īgū, romano surara opu:

—Ī diayeta Marīpū magū āārādañumi, āīyupu.

⁴⁰ Nomedo yoaweyarogue Jesúre Īñīñurā. Īgūsā nome watopeguere María Magdalena āārīyupo. Gajego María Santiago, Īgū tīgū José pago āārīyupo. Gajego Salomé āārīyupo.

⁴¹ Jesús Galileague āārīmakū, Īgūrē iritamunerā nome āārīñurā. Gajerā nome wārā āārīñurā, Jerusalégue Īgū merā waanerā nome.

Jesúya dupure masāgobegue pídea
(Mt 27.57-61; Lc 23.50-56; Jn 19.38-42)

⁴²⁻⁴³ Naīmejāripoe āārīmakū, judío masaka siuñajārīnu ñajāburo dupuyuro José, Arimatea wāīkari makāmu Pilato pūrogue ejayupu. Judío masaka oparā watopemu āārīyupu. Īgū Marīpū Īgūyarārē doreburire yūgu iriyupu. Irasirigmu güiro marīrō Pilato puro eja, Jesúya dupure yāabu sērēyupu.

⁴⁴ Īgū irasū āī sērēmakū, Pilato pégakakōāyupu. Irasirigmu surara opure siiu:

—¿Jesús ããrĩrõta boakõãrĩ? ãrĩ sērēñayupũ.

⁴⁵ Surara opũ ãgũrē: “Boakõãmi”, ãrĩ yujumakũ pégũ, Pilato Josere Jesúya dupũre ãĩdijudoreyupũ.

⁴⁶ Irasirigũ José õãrĩ surĩro gasiro wajari, Jesúya dupũre ãĩdiju, iri gasiro merã õmayupũ. Pũru su gobe masãgobe ùtãyegue mádea gobegue píyupũ. Irasiri odo, iri gobere ùtã majĩ merã biayupũ. ⁴⁷ Ñgũ Jesúya dupũre yáamakũ, María Magdalena, gajego María José pago ããñurã.

16

Jesús masãdea

(Mt 28.1-10; Lc 24.1-12; Jn 20.1-10)

¹ Judío masaka siuñajãrĩnũ* tariadero pũru, María Magdalena, gajego María, Santiago pago, gajego Salomé, sũrõrĩ wajariñurã Jesúya dupũre piupeomurã. ² Semana ããrĩpũrorirĩnũrē† ãgũsã nome ñamigãgã, abe mũrĩriripoe Jesúya dupũre yáadea masãgobegue waañurã. ³ Irogue waarã:

—¿Noã marĩrē iri masãgobe biadea ùtã majĩrē tũpãbosarãkuri? ãrĩ werenĩwãgãñurã.

⁴ Irogue ejarã, iri gobere biadea ùtã majĩ miērē gajerogue oyamakũ ããñurã. ⁵ Irasirirã iri gobegue ñajãa, sugũ maamũ diayemapãrē gapũ surĩro yoaro õãrõ borero sãñadi doamakũ ããñurã. Ñgũrē ããrã, ããgũkakõãñurã.

⁶ Ñgũ gapũ ãgũsãno merē ãrĩyupũ:

—Gũkabirikõãka! Mũsã Jesús Nazaretmũrē, ãgũsã curusague pábiatú wējẽadire ãmarã yáa. Masãsiami. Õõrē mámi. Ñãka, ãgũsã ãgũrē píaderore! ⁷ Ñgũ buerãrē, irasũ ããrĩmakũ Pedrorerã wererã waaka! Ñgũ mũsã dupuyuro Galileague waasiami. Irogue mũsã ãgũrē ããrãkoa ãgũ ããrĩderosũta, ãrĩyupũ.

⁸ Ñgũ irasũ ããrĩmakũ pé, bũro gũka naradari merã waakõãñurã. Bũro gũisã, gajerãrē ãgũsã ããdeare werebiriñurã.

Jesús María Magdalenarē deyoadea

(Jn 20.11-18)

⁹ Jesús semana ããrĩpũrorirĩnũ boyoripoe, ãgũ masãdero pũru María Magdalenarē deyoapũroriyupũ. Igo su mojõma pere gajĩ mojõ peru pērēbejarã wãtẽãrē ãgũ béowiusũdeo ããrĩyupo. ¹⁰ Jesús igore deyoadero pũru, ãgũ buerãrē igo ããdeare werego waayupo. ãgũsã bũro bũjawereri merã orerã iriñurã. ¹¹ Igo ãgũsãrē: “Jesús okami, ãgũrē ããbũ”, ãrĩ wererire pérã, bũremubiriñurã.

Jesús ãgũ buerire tũyarã pērãrē deyoadea

(Lc 24.13-35)

¹² Pũru Jesús gajerã pērãrē makã tũrogue waarãrē deyoayupũ. Ñgũ deyoapũrorigũ, deyoderosũ deyobiriyupũ. Irasirirã ãgũrē ããmasĩbiriñurã.

¹³ ãgũrē ããmasĩ, pũru ãgũ buerã ããrĩrõgue waa, Jesús ãgũsãrē deyoadeare wereñurã. ãgũsãdere bũremudũbiriñurã.

Jesús ãgũ buerãrē ãgũyare buedoregũ pídea

(Mt 28.16-20; Lc 24.36-49; Jn 20.19-23)

¹⁴ Jesús ãgũ boa, masãdero pũru, ãgũ buerã pe mojõma pere su gubu suru pērēbejarãrē ãgũsã baa doanĩrõgue deyoa, ãrĩyupũ:

—¿Nasirirã, yũ masãdea kerere pékererã, bũremuberi, ãgũsã mũsãrē werekererũ? Bũremurĩ opabea mũsã, ãrĩyupũ.

¹⁵ Pũru ãgũsãrē ãsũ ãrĩyupũ doja:

* 16:1 Judío masaka siuñajãrĩnũ, sãbado ããrã. † 16:2 Semana ããrĩpũrorirĩnũ, domingo ããrã.

—Ăārĩpererogue marārē Marĩpũ masakare tauri kerere wererā waaka! ¹⁶ Yũre bũremurā, deko merā wāĩyesũrā tausũrākuma. Yũre bũremumerā gapũ peamegue béosũrākuma. ¹⁷ Yũre bũremurā yũ wāĩ merā, yũ turaro merā wātēārē masakaguere ñajānerārē béowiurākuma. Gaji masā ya ĩgũsā dupuyuro werenĩmasĩbirideare werenĩrākuma. ¹⁸ Ăñarē ñeāmakũ, ĩgũsārē ñerō waabirikoa. Nima iirĩmakũdere pũrĩbirikoa. Pũrĩrikarārē ĩgũsāya mojōrĩ merā ñapeomakũ, ĩgũsārē pũrĩrĩ tarirokoa, ārĩyupũ Jesús ĩgũ buerārē.

Jesús ũmũgasigue mũrĩadea

(Lc 24.50-53)

¹⁹ Marĩ Opũ Jesús irasũ ārĩ were odoadero pũrũ, Marĩpũ ĩgũrē ũmũgasigue āĩmũrĩayupũ. Irasirigũ irogue ejagũ, Marĩpũ diaye gapũ eja doayupũ. ²⁰ ĩgũ buerā ĩgũ masakare tauri kerere āārĩpererogue wererā waañurā. ĩgũsā irasũ weregorenamakũ, marĩ Opũ Jesús ĩgũsārē iritamunĩkōāyupũ. Irasirigũ ĩgũ turari merā ĩgũsārē iri ĩmurĩrē irimakũ irinayupũ, masakare ĩgũsā wererire: “Diayeta āārā”, ārĩ bũremudoregũ.

Iropāta āārā.

SAN LUCAS

Lucas, opɩ Teófilo wāikɩgɩre gojadea

¹⁻² Opɩ Teófilo, yɩ mɩrē òǎdorea. Gɩa watopere Jesús irinɩgádeare ìǎnerǎ gɩare ìgɩya kerere buema. Wárǎ gajirǎ, ìgɩsǎ gɩare buederosùta keoro gojanɩgásianerǎ ãǎrímá. ³⁻⁴ Yɩde ãǎrìpereri Jesús irinɩgádeare masìpeodɩagɩ, òǎrò buebɩ. Irasirigɩ mɩrē gajirǎ buedeare: “Diyeta ãǎrǎ”, ãrì masìburo, ãrìgɩ, irire keoro gojáa.

Marìpɩre wereboegɩ Juan masakare wǎiyerimasǎ deyoaburire weredea

⁵ Herodes, Judea nikù marǎ opɩ ãǎrìripoe sugɩ paì Zacarías wāikɩgɩ ãǎrìyupɩ. Ìgɩ, paì Abías wāikɩgɩya bumɩ ãǎrìyupɩ. Ìgɩ marǎpo Isabel wāikɩgo, paì Aarón wāikɩgɩ parǎmeò ãǎrìturiagogue ãǎrìyupo. ⁶ Ìgɩsǎ pērǎgueta Marìpɩ ìùròrē diayemarē irirǎ, Moisére doreri pídeadere tarinɩgábiriñurǎ. Irasirirǎ gajirǎ ìgɩsǎrē: “Ñerì irirǎ ãǎrìma”, ãrìmasìbiriñurǎ. ⁷ Isabel pūrǎ marìgòno ãǎrìyupo. Irasirirǎ pūrǎ marìrǎta, muñuakòǎñurǎ.

⁸ Sunɩ Zacaríaya bumarǎrē Marìpɩya wiigue Marìpɩ ìùrò moǎrì ãǎrìyuro. Irasirirǎ, ìgɩ paìare iridorederosùta irirǎ irogu waañurǎ. ⁹ Irogu ejadero pɩrɩ, ìgɩsǎ paìá irinaròsù Zacaríare sūròrì soemubure beyebokañurǎ. Irasirigɩ Zacarías Marìpɩya wiima taribugue soemugɩ ñajǎyupɩ. ¹⁰ Ìgɩ irire soemuripoe iri taribu wirinɩgārògue wárǎ masaka Marìpɩre sērērǎ iriñurǎ. ¹¹ Ìgɩ soemuripoe sugɩ Marìpɩre wereboegɩ sūròrì soemurò diaye gapɩ Zacaríare deyoayupɩ. ¹² Zacarías ìgɩrē ìǎgɩ, ìǎguka, nasirimasìbiriypɩ. Buro gùiyupɩ. ¹³ Ìgɩ gùimakù ìǎgɩ, Marìpɩre wereboegɩ gapɩ ãsù ãrìyupɩ:

—Zacarías, gùibirikòǎka! Marìpɩ mɩ sērērìrē pémi. Mɩ marǎpo Isabel sugɩ majìgɩ pūrǎkɩgokumo. Ìgɩrē “Juan” wǎiyeka! ¹⁴ Ìgɩ merǎ burò ɩsɩyagukoa. Wárǎ gajirǎ ìgɩ deyoamakù, ɩsɩyarákuma. ¹⁵ Ìgɩ Marìpɩ ìùròrē ubu ãǎrìgɩ meta ãǎrìgɩkumi. Igui deko pǎmurìrē, siburidere neò iirìbirikumì. Ìgɩ deyoaburi dupiyurogueta Òǎgɩ deyomarìgɩrē opatarisiagukumi. ¹⁶ Wárǎ Israel bumarǎrē Marìpɩre gùñaduúnerǎrē dupaturì gùñamakù irigukumi doja. ¹⁷ Marì Opɩ aariburi dupiyuro Elías Marìpɩya kerere weredupiyudi werederosùta Òǎgɩ deyomarìgɩ turari merǎ masakare weregukumi. Pagɩsǎmarǎ ìgɩsǎ pūrǎ merǎ òǎrò ãǎrìburo, ãrìgɩ; tarinɩgārìmasǎdere oparǎ dorerire òǎrò yɩjuburo, ãrìgɩ, Marìpɩyare weregukumi. Irasirigɩ masaka marì Opɩre òǎrò ɩsɩyari merǎ bokatìrìneǎburo, ãrìgɩ, irire weregukumi, ãrìyupɩ Marìpɩre wereboegɩ Zacaríare.

¹⁸ Ìgɩ irasù ãrìmakù pégu, Zacarías sērēñayupɩ:

—¿Nasirigɩ yɩ ire: “Diyeta ãǎrǎ”, ãrìmasìbukuri? Yɩ burògora ãǎrǎ. Yɩ marǎpode búro ãǎrìmo, ãrìyupɩ.

¹⁹ Ìgɩ irasù ãrìmakù pégu, ãsù ãrì yɩjubupɩ:

—Yɩ Marìpɩre wereboegɩ, Gabriel wāikɩgɩ, Marìpɩ pɩro ãǎrìgɩ ãǎrǎ. Ìgɩta yure iriuami, mɩrē ì òǎrì kerere weredoregɩ. ²⁰ Dapagorare yɩ wererire mɩ burēmubiri waja, werenìbi dujagukoa. Mɩ magɩ deyoadero pɩrɩ, werenìgukoa doja. Marìpɩ: “Irasù waaburo”, ãrìmakù, yɩ mɩrē ãrǎderosùta waarokoa, ãrìyupɩ Gabriel Zacaríare.

²¹ Ìgɩ irasù ãrì wereripoere masaka, iri taribu wirinɩgārògue ãǎrìrǎ Zacaríare yúrǎ iriñurǎ. “¿Naásù waayuri, ìgɩ iropa yoaripoe deyomarìgɩ?” ãrì gùñañurǎ. ²² Zacarías iri taribugue ãǎrǎdi wirijagɩ, ìgɩsǎrē weredɩagɩ, neò werenìmasìbiriypɩ. Irasirigɩ ìgɩya mojòrì merǎ irikeoyupɩ. Masaka, ìgɩ irasirimakù ìǎrǎ: “Iri taribugue Marìpɩ ìmuadeare ìǎgukakòǎkumi”, ãrì gùñañurǎ.

²³ Zacarías Marìpɩya wiigue Marìpɩ ìùrò moǎrìrē iripeo, ìgɩya wiigue goedujáakòǎyupɩ. ²⁴ Pɩrɩ ìgɩ marǎpo Isabel nijìpo ãǎrìnɩgǎyupo. Su mojòmarǎ abe

neõ wiriro marĩrõ igoya wiigüe ããrĩkõãyupo. ²⁵ Æsũ ãrĩ gũñayupo: “Marĩpũ, yũ pũrã marĩgõ ããrĩdeore iritamugũ irasũ yámi, masaka yũre ìãbéobirikõãburo, ãrĩgũ”.

Marĩpũre wereboegũ Maríare Jesús deyoaburire weredea

²⁶ Isabel nijĩpo ããrĩnugãdero pũũ, su mojõma pere gaji mojõ suru pẽrẽbejari abe waaró merã Marĩpũ ìgũrẽ wereboegũ Gabriere Galilea nikũma makã Nazaret wãikũri makãgue, ²⁷ sugo nomeõ María wãikũgo, neõ sugũ ãmãũ merã ããrĩbeo pãroguẽ iriuyupũ. Igo, José wãikũgũ opũ David parãmi ããrĩturiagũ merã marãpũkũbo iriyupo. ²⁸ Gabriel, igo ããrĩrõgue ñajãa, igore:

—Mũrẽ õãdorea. Marĩpũ mũrẽ õãrõ irigũ ããrĩmi. Ìgũ marĩ Opũ mũ merã ããrĩmi. Æãrĩpererã nome nemorõ mũrẽ õãrõ iritarinugãgũkumi, ãrĩ õãdoreyupũ.

²⁹ María, ìgũrẽ ìãgõ, ìgũ irasũ ãrĩrĩrẽ pégo, péguakakõãyupo. “¿Naásũ ãrĩdũaro irikuri ìgũ yũre õãdoreri?” ãrĩ, bũro gũñayupo. ³⁰ Igo gũkamakũ ìãgũ, Marĩpũre wereboegũ ãrĩyupũ:

—María, gũbirikõãka! Marĩpũ ìũrõrẽ mũ õãrĩ bokabũ. Mũ merã mũyami. ³¹ Irasirigo mũ dapagorare nijĩpo ããrĩnugãgokoa. Sugũ majĩgũ pũrãkũgokoa. Ìgũrẽ “Jesús” wãiyegokoa. ³²⁻³³ Ìgũ ubu ããrĩgũ meta ããrĩgũkumi. Marĩpũ ããrĩpererã nemorõ turagũ, ìgũrẽ: “Yũ magũ ããrã mũ”, ãrĩgũkumi. David, mũ magũ ñekũ, Israel bumarã opũ ããrĩdi ããrĩmi. Marĩpũ Davire opũ píderosũta mũ magũdere Opũ píguakumi Israel bumarãrẽ dorenĩbure. Ìgũ doreri neõ perebirikoa, ãrĩyupũ.

³⁴ Ìgũ irasũ ãrĩmakũ pégo, María ìgũrẽ sẽrẽñayupo:

—¿Nasiriro yũre irasũ waabukuri, yũ neõ sugũ ãmãũ merã ããrĩbirikeremakũ? ãrĩyupo.

³⁵ Igo irasũ ãrĩmakũ pégu, ãsũ ãrĩyupũ:

—Õãgũ deyomarĩgũ mũguere دچارigũkumi. Marĩpũ ããrĩpererã Opũ turari, su ìmikãyebo túbiaro irirosũ ejarokoa mũrẽ. Irasirigũ mũ magũ deyoabu, Marĩpũyagũ õãgũ ããrĩgũkumi. Masaka ìgũrẽ: “Marĩpũ magũ ããrĩmi”, ãrĩrãkuma. ³⁶ Mũ basudeo Isabede, búro ããrĩkerego, sugũ majĩgũ pũrãkũgokumo. Masaka igore: “Pũrã marĩgõ ããrĩmo”, ãrĩkeremakũ, su mojõma pere gaji mojõ suru pẽrẽbejari abegora opasiamo. ³⁷ Marĩpũre ìgũ iridũari, neõ diasabea, ãrĩyupũ.

³⁸ Ìgũ irasũ ãrĩmakũ pégo, María ãrĩyupo:

—Yũ marĩ Opũre moãboego ããrã. Marĩpũ, mũ ãrĩrõsũta iriburo yũre, ãrĩyupo.

Igo irasũ ããdero pũũ, Marĩpũre wereboegũ waakõãyupũ.

María Isabere ìãgõ waadea

³⁹ Irinũrĩta María mumurõ merã Judea nikũ ãtãyuku watopegue ããrĩrĩ makãgue waayupo. ⁴⁰ Irogue eja, Zacaríaya wiigüe ñajãa, Isabere õãdoreyupo. ⁴¹ Igo õãdorerire pémakũ, Isabel magũ igoya patoregue ããrĩgũ búro gãmeñayupũ. Igo, Õãgũ deyomarĩgũrẽ opatariyupo. ⁴² Irasirigo turaro merã ãsũ ãrĩyupo:

—Marĩpũ ããrĩpererã nome nemorõ mũrẽ õãrõ iritarinugãmi. Mũ magũdere õãrõ yámi. ⁴³ Mũ, yũ Opũ pago yũre ìãgõ ejamakũ õãtaria. ⁴⁴ Mũ õãdorerire yũ pémakũta, yũ magũ yaa patoregue ããrĩgũ búro mũyari merã gãmeñami. ⁴⁵ Marĩpũre wereboegũ mũrẽ wereadeare: “Keoro waarokoa”, ãrĩ bũremusiã, õãrõ mũyari merã ããrã, ãrĩyupo Isabel Maríare. ⁴⁶ Irasirigo María ãsũ ãrĩyupo:

Yaa yũpũrãgue yũ Opũre: “Õãtaria mũ”, ãrĩ, mũyari sĩa.

⁴⁷ Marĩpũ yũre taugũ merã búro mũyáa.

⁴⁸ Yũ ubu ããrĩgõ ããrĩkeremakũ, Marĩpũ yũre ìgũrẽ moãboegore gũñami. Irasirirã dapagora merã masaka yũre: “Marĩpũ igore õãrõ iridea merã búro mũyadeo ããrĩmó”, ãrĩníkõãrãkuma.

⁴⁹ Marĩpũ turatarigũ yũre wári õãrĩrẽ yámi. Ìgũ õãtarigũ, neõ ñerĩ opabi ããrĩmi.

⁵⁰ Æãrĩpererã gopeyari merã ìgũrẽ bũremurãrẽ bopõñaníkõãgũkumi.

- 51 Īgũ turari merã wári ðãrĩrẽ iri ĩmumi. “Gũa gajirã nemorõ ããrã”, ãrĩ gũnarãnorẽ ubu ããrĩrã dujamakũ yámi.
- 52 Oparãrẽ ubu ããrĩrã dujamakũ yámi. Ubu ããrĩrã: “Gajirã nemorõ ããrĩbea”, ãrĩ gũnarã gapure oparã dujamakũ yámi.
- 53 Hãboarimasãrẽ wári ðãrĩ sĩmi. Wári oparã gapure neõ gajino opamerã dujamakũ yámi.
- 54-55 Marĩ ñekũsãmarãrẽ: “Iritamugũra”, ãrĩderosũta Abrahãrẽ, ĩgũ parãmerã ããrĩturiarãdere iritamunĩkõãmi. Irasirigũ marĩ Israel bumarãrẽ, ĩgũrẽ moãboerãrẽ ĩgũ ãrĩdeare neõ kãtiro marĩrõ bopoñarĩ merã iritamunĩkõãmi, ãrĩyupo Marĩa.✠
- 56 Marĩa, Isabel merã urerã abegora ããrĩyupo. Pũrũ igoya wiigue goedujãkõãyupo.

Juan masakare wãiyerimasã deyoadea

- 57 Pũrũ Isabel majĩgũ deyoarinopoe nijĩwãgũdero pũrũ, igo magũ deyoayupũ.
- 58 Irasirirã igo pũro ããrĩrã, igoyarã, Marĩpũ igore ðãrõ iridea kerere pérã, igore usuyatamurã waañurã. 59 Igo magũ deyoadero pũrũ, su mojõma pere gaji mojõ ureru pẽrẽbejarinurĩ waaró merã majĩgũrẽ ĩgũya dupũma gasirogãrẽ* wiirirã waañurã. ĩgũrẽ ĩgũ pagũ “Zacarías” wãirẽ wãiyeduadiñurã. 60 Isabel gapũ ĩgũsãrẽ:
— ããrĩbea. ĩgũ: “Juan” wãikugukumi, ãrĩyupo.
- 61 Igo irasũ ãrĩmakũ pérã, igore:
— ¿Nasirigũ irasũ wãikubukuri? Neõ mũyarã irasũ wãikurã máma, ãrĩñurã.
- 62 Irasirirã Zacarĩare: “¿Mũ naásũ wãiyedukuri?” ãrĩrã, mojõrĩ merã irikeo, sẽrẽñañurã. 63 Irasirigũ Zacarías su taboa majĩ sẽrẽ, iri majĩgue:
— “Juan wãikugukumi”, ãrĩ gojayupũ. ĩgũ gojarire ĩãrã, gũkakõãñurã. 64 Irire gojaguta Zacarías werenĩbi ããrãdi werenĩakõãyupũ doja. Irasirigũ Marĩpũre: “Õãtaria mũ”, ãrĩ, usuyari sĩyupũ. 65 ããrĩpererã Zacarías pũro ããrĩrã, ĩgũ werenĩmakũ pérã, gũkakõãñurã. ããrĩpererogue Judea nikũ marã ãtãyuku watopegue ããrĩrãrẽ Juan deyoadeare wereñurã. 66 ĩgũ deyoadea kerere pérã, ããrĩpererã gũña, ãsũ ãrĩ gãme sẽrẽñañurã:
— ĩĩ majĩgũ bũgũro waagũ, ¿naásũ ããrĩrikugukuri Marĩpũ turari merã deyoadi? ãrĩñurã.

Zacarías Marĩpũre bayapeodea

- 67 Zacarías, Õãgũ deyomarĩgũrẽ opatarigũ Marĩpũ ĩgũrẽ weredorerire ãsũ ãrĩ wereyupũ:
- 68 Marĩpũre Israel bumarã Opũre usuyari sĩrã! Marĩ ĩgũyarã pũrogoe marĩrẽ taugũ aarĩmi.
- 69 Irasirigũ marĩrẽ taubure turatarigũre iriugukumi. ĩgũ, David Marĩpũre moãboerimasũ ããrĩdi parãmi ããrĩturiagugue ããrĩmi.
- 70 Iripoegue Marĩpũ, ĩgũya kerere weredupiyurimasã ñerĩ marĩrã merã marĩrẽ tauburire ãsũ ãrĩ weredi ããrĩmi:
- 71 “ããrĩpererã mũsãrẽ ĩãturĩrãrẽ, wajarãkurãrẽ, mũsãrẽ tariweremakũ irigũra”, ãrĩ weredi ããrĩmi.
- 72 Irasirigũ marĩ ñekũsãmarãrẽ: “ ‘Mũsãrẽ bopoñarĩ merã ĩãgũ, ðãrõ irigũra’, ãrĩdeare neõ kãtibirikoã”, ãrĩ weredi ããrĩmi.
- 73 Irire Marĩpũ marĩ ñekũ Abrahãrẽ weredi ããrĩmi.
- 74 Irasirigũ marĩrẽ ĩãturĩrãrẽ wijatagukumi, gũiri marĩrõ ĩgũ dorerire iritayaburo, ãrĩgũ.
- 75 ããrĩperero marĩ okaro bokatĩũrõ marĩrẽ ĩgũyarã, diayemarẽ irirã ããrĩmakũ irigukumi, ãrĩyupũ Zacarías.
- Irasũ ãrĩ odo, ĩgũ magũgãrẽ ãrĩyupũ:

✠ 1:54-55 1 S 2.1-10; Sal 113.5-9; Gn 17.7 * 1:59 Gn 17.1-14: Iripoegue Marĩpũ Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupũma gasirogãrẽ wiiridoredi ããrĩmi. Pũrũ iri dorerire Moisére pídi ããrĩmi. Irasirirã judío masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero pũrũ irasũ yáma.

- 76 Maku, masaka murē: “Marĩpu ããrĩpererã nemorõ turaguya kerere weredupiyurimasũ ããrĩmi”, ãrĩrãkuma. Mu, marĩ Opu aariburi dupiyuro ĩgũ aariburi maarē diayema maa ãmugũ irirosũ ĩgũyare weregu waagukoa.
- 77 Marĩpuyarãrē ãsũ ãrĩ weregukoa: “Marĩpure: ‘Gua ñerõ irideare kãtika!’ ãrĩ sērēmakũ, musãrē kãtigukumi. Irasirigu musãrē perebiri peamegue waabonerãrē taugukumi”, ãrĩgukoa.
- 78 Marĩpu marĩrē bopoñarĩ merã maĩsã, umu, maamanu boyoro irirosũ waamakũ irigukumi, umugasigue merã marĩrē taubure iriugu.
- 79 Naĩtĩãrõgue ããrĩrãrē boyori sīgukumi perebiri peamegue waabonerãrē ĩgũrē masĩburo, ãrĩgũ. Irasirigu marĩrē ĩgũ merã õãrõ siñajãrĩ bokamakũ irigukumi, ãrĩ wereyupu Zacarías.*
- 80 Majĩgũ õãrĩ gũñarĩ merã, Marĩpu turari merã masãyupu. Masaka marĩrõgue yoaripoe ããrĩyupu. Irogue ããrĩgũta Israel bumarãrē buenugãyupu.

2

Jesús deyoadea (Mt 1.18-25)

1 Marĩpu magũ deyoaburi dupiyuro romano marã opu Augusto wãikugu ĩgũya nikũ marãrē ããrĩpererãrē keoñabu, ĩgũsã wãirē gojatúdoreyupu. 2-3 Irasirirã ããrĩpererã masaka ĩgũsã ñekũsãmarã deyoadea makãrĩgue ĩgũsã wãirē gojatúrã waañurã. Siria nikũ marã opu Cirenio wãikugu ããrĩripoe gojatúnugãñurã.

4 Irasirigu Josede, Galilea nikũma makã Nazaregue ããrãdi, Judea nikũma makã Belẽgue waayupu. Belén, David deyoadea makã ããrĩyuro. ĩgũ, David parãmi ããrĩturiagu ããrĩsã, irogue waayupu. 5 ĩgũ marãpo ããrĩbo María merã ĩgũ wãirē gojatũgu waayupu. María gapu nijĩpo ããrĩyupo. 6 Irasirigo irogue ããrĩgõ, nijĩwãgũyupo. 7 Kãrĩrĩ wĩ uturimakũ ããrĩdeo, José, María merã wekua wiigue kãrĩrã waañurã. Iri wiigue María neõ pũrãkũbeo ããrĩdeo, majĩgũ pũrãkũnugãyupo. ĩgũ deyoamakũ, surĩ gasiri merã õma, wekua baari korogue ĩgũrē sãyupo.

Marĩpure wereboerã oveja korerimasãrē deyoadea

8 Belén tãroque ovejare korerimasã ããrĩñurã. Ñamiriku irogue dita ĩgũsãyarã ovejare koreboyoanañurã. 9 Irogue ĩgũsãrē gũñaña marĩrõ sugu Marĩpure wereboegu deyoayupu. ĩgũ deyoamakũ, Marĩpu gosesiriri ĩgũsãrē boyoyuro. Irasũ waamakũ ĩãguka, bũro gũñurã. 10 Marĩpure wereboegu ãsũ ãrĩyupu ĩgũsãrē:

—Gũbirikõãka! Musãrē õãrĩ kerere ãrĩgu yãa, ããrĩpererã masaka usuyaburire.

11 Dapagã ñami, David deyoadea makãguere musãrē taubu deyoami. ĩgũ Marĩpu iriudi, Cristo musã Opu ããrĩmi. 12 Musã majĩgũrē ĩãrã waarã, surĩ gasiri merã õmadire, wekua baari korogue sãñagũrē bokajarãkoa. Irasirirã ĩgũrē ĩãrã: “Diayeta ããrãñumi”, ãrĩrãkoa, ãrĩyupu.

13 ĩgũ irire ãrĩripoeta gajirã wãrã Marĩpure wereboerã deyoa, Marĩpure buremurã ãsũ ãrĩ bayañurã:

14 Marĩpu umugasigue ããrĩgũrē: “Õãtaria mu”, ãrĩ, usuyari sãrã! I umugue ĩgũ merã õãrõ ããrĩrã siñajãrĩ opaburo, ãrĩ bayañurã.

15 Marĩpure wereboerã umugasigue mũrĩladero puru, ovejare korerimasã ĩgũsã basi gãme werenĩñurã:

—Nãka, dapagorata Belẽgue! Marĩpure wereboegu marĩrē wereaderosũta ĩãrã waarã! ãrĩñurã.

* 1:79 Mal 3.1; Is 9.2

¹⁶ Irasirirã mumurõ merã ããrã waañurã. Irogue eja, Josere, Mariare bokajañurã. Majĩgũ gapure wekũ baari korogue sãñagũrẽ ããñurã. ¹⁷ Ìgũrẽ ããrã, iro ããrĩrãrẽ Marĩpure wereboegu majĩgũyamarẽ wereadeare wereñurã. ¹⁸ Ìgũsã irire weremakũ pérã, ããrĩpererã péguakakõãñurã. ¹⁹ María gapũ ããrĩpereri Ìgũsã wererire pégo, igoya yũjũpũrãgueta gũñaduripiyupo. ²⁰ Ovejare korerimasã Marĩpure wereboegu wereaderosũta ããrĩpereri Ìgũsã péadea, ããdea keoro waamakũ ããrã, Marĩpure: “Õãtaria mũ”, ãrĩ, usuyari merã goedujãakõãñurã.

Jesúre Marĩpure wiigwe ããidea

²¹ Pũũ su mojõma pere gaji mojõ ureru pẽrẽbejarinũrĩ waaró merã majĩgũrẽ Ìgũya dũpũma gasirogãrẽ wiiriñurã. Wiiri odo, Marĩpure wereboegu Mariare, igo nijĩpo ããrĩburo dupiyuro ãrĩderosũta Ìgũrẽ “Jesús” wãiyeyñurã.

²² Pũũ Moisés: “Ãsũ irika ãmũũrẽ pũrãkũadero pũũ!” ãrĩdeare iripeo, José, María merã Jesúre Jerusalẽgue ããñurã, Marĩpure wiigwe Marĩpure: “Mũyagũ ããrĩmi”, ãrĩ ãmurã waarã. ²³ Irire irirã, Marĩpure dorederosũta iriñurã. Ãsũ ãrĩ gojasũdero ããrĩbũ Marĩpure doreri gojãdea pũgue: “Ããrĩpererã ãma deyoapũrorirã Marĩpureyãrã ããrĩburo”, ãrĩ gojasũdero ããrĩbũ. ²⁴ Irasirirã José, María merã Jerusalẽgue Marĩpure dorederosũta irirã waañurã. Ãsũ ãrĩ gojasũdero ããrĩbũ doja: “Pẽrã buja, o Ìgũsã marĩmakũ buja irirosũ deyorãgã pẽrã sũka, Marĩpure ãũrõ wẽjẽ soepeoburo, ããrã”.

²⁵ Iripoere Jerusalẽguere sugũ bũgũro Simeón wãikũgũ ããrĩyupũ. Ìgũ õãgũ, Marĩpure bũremugũ ããrĩyupũ. Israel bumarãrẽ taugũ aaribure yũgũ iriyupũ. Õãgũ deyomarĩgũ Ìgũ merã ããrĩnĩkõãyupũ. ²⁶ Iripoegwe Õãgũ deyomarĩgũ Ìgũrẽ ãsũ ãrĩ weredi ããrĩmi: “Cristo, Marĩpure iriubure ããbita boabirikoa mũ”, ãrĩdi ããrĩmi. ²⁷⁻²⁸ Jesúre Ìgũ pagũsãmarã Jerusalẽgue ããjarinũrẽ Õãgũ deyomarĩgũ Simeõrẽ Marĩpure wiigwe waadoreyupũ. Marĩpure dorederosũta Jesúre iri wiigwe ããjamakũ ãã, Simeón Ìgũrẽ kõã, Marĩpure usuyari sũ, ãsũ ãrĩyupũ.

²⁹ Yũ Opũ, mũ iripoegwe ãrĩderosũta keoro yãa. Irasirigũ dapagorare yũ mũrẽ moãboegu usuyari merã boamasã.

³⁰ Ìĩ majĩgũrẽ masakare taubure yaa koye merã ããa.

³¹ Ìgũrẽ masĩdoregũ, ããrĩpererã masaka ãũrõgwe iriubũ.

³² Ìgũta judío masaka ããrĩmerãrẽ mũrẽ masĩmakũ irigũ, sũãgori sũgũ irirosũ irigũkumi.

Ããrĩpererã masaka: “Marĩpure Ìgũyãrã Israel bumarãrẽ õãrõ iritamumi”, ãrĩrãkuma, ãrĩyupũ Simeón.*

³³ Simeón majĩgũyamarẽ irasũ ãrĩmakũ pérã, Ìgũ pagũsãmarã péguakakõãñurã. ³⁴ Simeón Ìgũsãrẽ: “Marĩpure mũsãrẽ õãrõ iriburo”, ãrĩ odo, Jesús pagore ãsũ ãrĩyupũ:

—Ìĩ majĩgũ Marĩpure beyedi ããrĩmi. Wãrã Israel bumarã Ìgũrẽ bũremumerã perebiri peamegwe bẽodijusũrãkuma. Ìgũrẽ bũremurã gapũ ãmũgasigwe ãĩmũrĩãsũrãkuma. Marĩpure turari merã Ìgũ iri ãmũmakũ ããrã, wãrã masaka ñerõ werenĩrãkuma Ìgũrẽ. ³⁵ Irasiriri merã ããrĩpererã masaka Ìgũsãya yũjũpũrãrĩgwe gũñarĩrẽ masĩsũrokoa. Mũ gapũ i merã mũya yũjũpũrãrẽ sareri majĩ merã saremakũ pũrĩsũrõsũ bũro bũjaweregokoa, ãrĩyupũ Simeón Mariare.

³⁶ Gajigo Marĩpure wiigwe Marĩpure kerere weredupiyugode ããrĩyupo. Igo Ana wãikũgo, Fanuel magõ, Aser bumo, búro ããrĩyupo. Maamogora marãpũkũdeo ããrãdimo. Pũũ, su mojõma pere gaji mojõ peru pẽrẽbejari bojori waaró merã igo marãpũ boakõãyupũ. ³⁷ Irasirigo wapiweyo dujayupo. Ìgũsã Jesúre Marĩpure wiigwe ããjaripoere ochenta y cuatro bojorigora opayupo. Iri wiigwe ãmũrikũ, ñamirikũ bereri merã Marĩpure sẽrẽnayupo. ³⁸ Jesúre ããjamakũ ããgõ, Ìgũ pũro aari ejanũgã, Marĩpure usuyari sũyupo. Pũũ ããrĩpererã Jerusalén marãrẽ taubure yũrãrẽ Jesús deyoadearẽ wereyupo.

* 2:32 Is 42.6; 49.6; 52.10

Nazaretgue goedujáadea

³⁹ José, María Jerusalégue ããrãnerã, Marĩpu dorederosũta ããrĩpereri iripeo, Galilea nikũ ìgũsãya makã Nazaretgue goedujáakõãñurã. ⁴⁰ Irogue majìgũ turagu õãrõ masìgũ masãyupu. Marĩpu ìgũrẽ õãrõ iritamuyupu.

Jesús Marĩpuya wiigie waadea

⁴¹ Bojoriku Jesús pagusãmarã pascua bosenuĩ ããrĩmakũ, Jerusalégue waanañurã. ⁴² Jesús pe mojõma pere su gubu peru pẽrẽbejari bojori oparipoe ìgũsã irinarõsũ ìgũ merã iri bosenuĩ irogue taurã waañurã. ⁴³ Iri bosenu tariadero puru, ìgũsãya makãgue Nazaretgue goedujáakõãñurã. Jesús gapu Jerusalégua dujakõãyupu. Ìgũ pagusãmarã ìgũ irogue dujarire masìbiriñurã. ⁴⁴ “Gajirã marĩ merãmarã merã aarikumi”, ãrĩ gũñadiñurã. Puru Jerusalẽrẽ ìgũsã wiriadeanu ñamika ããrĩmakũ, ìgũsã merãmarã watopegue ìgũrẽ ãmadiñurã. ⁴⁵ Ìgũrẽ bokabiri, maa deko merãta gãme dujáakõãñurã doja Jerusalégue ãmarã waarã.

⁴⁶ Òrenu puru Marĩpuya wiigie Moisés gojadeare buerimasã watopegue doagure bokañurã. Ìgũsã werenĩrĩrẽ pé, ìgũsãrẽ sãrẽñanayupu. ⁴⁷ Ìgũ masìrĩ merã wererire, ìgũ õãrõ yujurire pérã, ããrĩpererã pégukakõãñurã. ⁴⁸ Ìgũ irogue doamakũ ìãrã, ìgũ pagusãmarã ìãgukakõãñurã. Pago ìgũrẽ ãrĩyupo:

—Makũ, ¿nasirigu guare irasiriari mu? Yu, mupu merã buro gũñarikari merã murẽ ãmaabu, ãrĩyupo.

⁴⁹ Jesús pagore ãsũ ãrĩ yujuyupu:

—¿Nasirirã yure ãmaarĩ? Yuruyare yure iriro gããmea ìgũya wiiguere. ¿Irire masìberi musã? ãrĩyupu.

⁵⁰ Ìgũ irasũ ãrĩrĩrẽ ìgũ pagusãmarã gapu pãmasìbiriñurã.

⁵¹ Puru Jesús ìgũsã merã Nazaretgue goedujáakõãyupu. Ìgũ irinĩrõsũta ìgũsã dorerire tarinugãrõ marĩrõ yujunayupu. Ìgũ pago gapu ããrĩpereri ìgũ Jerusalégue iriadeare igoya yujupũrãgue gũñaduripíyupo. ⁵² Jesús wãri masìrĩ merã masãyupu. Marĩpu ìgũrẽ: “Õãgũ ããrĩmi”, ãrĩ ìãyupu. Masakade ããrĩpererã irasũta ãrĩ ìãñurã.

3

Juan masakare wãiyerimasã buedea

(Mt 3.1-12; Mr 1.1-8; Jn 1.19-28; 8.31-47)

¹ Pe mojõma pere su gubu pẽrẽbejari bojori Tiberio wãikugu romano marã opu ããrĩrĩ ñajãdero puru, gajirã ìgũ dokamarã ìsãkũ ããrĩñurã: Poncio Pilato, Judea nikũ marã opu ããrĩyupu. Herodes, Galilea nikũ marã opu ããrĩyupu. Ìgũ pagumu Felipe: Iturea, Traconite, pe nikũ marã opu ããrĩyupu. Gajigu Lisania, Abilinia nikũ marã opu ããrĩyupu. ² Gajirã pẽrã: Anás, Caifás wãikurã paia oparã ããrĩñurã. Ìgũsã oparã ããrĩripoere Zacarías magũ Juãrẽ masaka marĩrõgue ããrĩgũrẽ Marĩpu ìgũyare weredoreyupu.

³ Irasirigu Juan ããrĩperero dia Jordán wãikudiya turogue masaka irogue ejarãrẽ:

—Musã ñerõ irideare bujawereka! Musã gũñarĩrẽ gorawayu, wãiyedoreka! Irasiri-makũ, musãrẽ Marĩpu musã ñerõ irideare kãtigukumi, ãrĩ werenayupu. ⁴ Juan irire irigu, iripoegue Marĩpuya kerere weredupiyudi Isaías gojaderosũta iriyupu. Ìgũ ãrĩ gojadi ããrĩmi:

Masaka marĩrõgue sugu buro gaguinĩrĩ merã weregukumi: “Marĩ Opu aariburi dupiyuro ìgũ aariburi maarẽ diayema maa õãrĩ maa ãmurã irirosũ diayemarẽ irika!

⁵ Dupa tururi ããrãdeare yasurope piusũrokoa. Òtãyuku ããrãdeade keoro dujarokoa. Maarĩ dupaberori ããrãdeade diayema maarĩ dujarokoa. Goberikuri maarĩde su bãparogueta dujarokoa.

⁶ Marĩpu marĩrẽ taubure iriumakũ, ããrĩpererã masaka ããrĩmakũ”, ãrĩ gojadi ããrĩmĩ.✠

⁷ Wárã masaka Juan pũroque wãiyedorerã ejañurã. Juan ãgũsãrẽ ãrĩyupũ:

—Musã ãña irirosũ ñerã ããrã. ¿Noã musãrẽ õõguere aaridoreari? Marĩpu, gũa ñerõ iriri waja wajamoãbirikõãburo, ãrĩrã, ¿musã yare wãiyedorerã aarari? ⁸ Musã: “Gũa ñerõ irideare bujawere, gũñarĩrẽ gorawayuabu”, ãrĩrã, musã ñerõ irideare piri, õãrĩ gapũre irika! Musã: “Gũa Abraham parãmerã ããrĩturiarã ããrĩmakũ, Marĩpu gũare wajamoãbirikumĩ”, ãrĩ gũñabirikõãka! Yũ musãrẽ ãsũ ãrã: “Musã gũñarĩrẽ gorawayubirimakũ, musã Abraham parãmerã ããrĩturiari wajamáa. Marĩpu i ãtãyeri merã Abraham parãmerã ããrĩturiarã waamakũ irimasĩmi”. ⁹ Musã ñerĩ iririre piribirimakũ ããgũ, Marĩpu musãrẽ béogukumi. Sugũ yukũ ñerĩ dukakũdire ãã, kõme merã nugũrĩgue merãta diti, peamegue soebéorosũ musãrẽ béogukumi, ãrĩyupũ Juan.

¹⁰ ãgũ irasũ ãrĩmakũ pérã, Juãrẽ sãrẽñañurã:

—¿Gũare nasiriro gããmerĩ?

¹¹ Juan ãgũsãrẽ yũjũyupũ:

—Sugũ peñe surĩro opagũ, opabire suñe sĩburo. Baari opagũ, baari opabire dukawaburo, ãrĩyupũ.

¹² Gajirã romano marã oparãrẽ niyeru wajaseabosarã, Juan pũro wãiyedorerã ejañurã. ãgũsãde Juãrẽ sãrẽñañurã:

—Gũare buegũ, ¿gũare nasiriro gããmerĩ?

¹³ ãgũsã irasũ ãrĩmakũ, Juan ãrĩyupũ:

—Musã oparã musãrẽ wajaseadoreaderopata wajaseaka! ãgũsã doreadero nemorõ wajaseabirikõãka! ãrĩyupũ.

¹⁴ Gajirã surara Juãrẽ sãrẽñañurã:

—¿Gũakoare nasiriro gããmerĩ? ãrĩñurã.

ãgũsã irasũ ãrĩmakũ, ãsũ ãrĩ yũjũyupũ:

—Gajirã oparire ãmabirikõãka! ãgũsãrẽ niyeru ãmadũarã ãrĩkatori merã ãgũsã iribirideaguereta weresãbirikõãka! Musã moã wajatari merã usũyaka! ãrĩyupũ.

¹⁵ Masaka: “¿Naásũ ããrĩmakũ Marĩpu iriubu aarigũkuri?” ãrĩ gũñarã iriñurã. Irasirirã, Juan wererire pérã: “¿Ñi Juan, Cristo ããrĩkuri?” ãrĩ gũñañurã. ¹⁶ Juan ããrĩpererã masakare ãsũ ãrĩyupũ:

—Yũ musãrẽ deko merã wãiyeya. Gajigũ yũ pũrũ aarigũ, yũ nemorõ turagũ ããrĩmĩ. Yũ gapũ ubu ããrĩgũ, ãgũrẽ neõ sũropebirikoa. ãgũ aarigũ, musãrẽ Õãgũ deyomarĩgũ merã, peame merã wãiyegukumi. Irasirigũ musãrẽ Õãgũ deyomarĩgũ musã merã ããrĩnĩmakũ irigũkumi, ñerĩrẽ soebéorosũ musãrẽ ñerĩrẽ béoburo, ãrĩgũ. ¹⁷ Trigo gasirire korobéogũ irirosũ ããrĩmĩ. Gasirire koro odo, iri yerire baari duripĩri wiigue duripĩgũkumi. Iri gasiri gapũre peamegue soebéokõãgũkumi. Iri peame neõ yaribirikoa, ãrĩyupũ. ¹⁸ Juan gaji wári irasũ wereri merã masakare: “ãsũ irika!” ãrĩ werenayupũ. Irasirigũ iri merã Marĩpũya õãrĩ kerere werenayupũ.

¹⁹ Iripoere opũ Herodes ãgũ pagũmũ Felipe marãpore Herodías wãikũgore ãma, marãpokũyupũ. Iri waja, gaji wári ñerõ iridea waja, Juan ãgũrẽ: “Mũ irasirimakũ ñetaria”, ãrĩ wereyupũ. ²⁰ Herodes, Juan wererire pérõno irigũ, ñerõ irinemo, ãgũrẽ peresu iriri wiigue sóodoreyupũ.

*Juan Jesúre deko merã wãiyedea
(Mt 3.13-17; Mr 1.9-11)*

²¹ Juan peresu iriri wiigue sóosũburi dupiyuro ããrĩpererã masaka ãgũ pũro wãiyedorerã ejarãrẽ wãiyeyupũ. Jesúde ãgũ pũroque wãiyedoregũ ejayupũ. Juan ãgũrẽ wãiyeya odomakũ,

Jesús Marĩpure sērēripoe ũmugasi tũpākõãyuro. ²² Ōãgũ deyomarĩgũ, buja irirosũ deyogu dijari, Jesús weka ejabejayupũ. Marĩpu ũmugasigue ããrĩgũ ãsũ ãrĩyupũ Jesúre:
—Mũ yũ magũ, yũ maĩgũ ããrã. Mũ merã buru usuyáa, ãrĩyupũ.

Jesucristo ñekũsãmarã ããrĩturiadea
(Mt 1.1-17)

²³ Jesús treinta bojori opagu masakare buenugãyupũ. Masaka Jesúre: “José magũ ããrĩmi ñĩ”, ãrĩ gũñadiñurã.

José, Elí magũ ããrĩyupũ. ²⁴ Elí Matat magũ,
Matat Leví magũ, Leví Melqui magũ,
Melqui Jana magũ, Jana José magũ,
José Matatías magũ, ²⁵ Matatías Amós magũ,
Amós Nahum magũ, Nahum Esli magũ,
Esli Nagai magũ, Nagai Maat magũ,
²⁶ Maat Matatías magũ, Matatías Semeí magũ,
Semeí José magũ, José Judá magũ,
²⁷ Judá Joana magũ, Joana Resa magũ,
Resa Zorobabel magũ, Zorobabel Salatiel magũ,
Salatiel Neri magũ, Neri Melqui magũ,
²⁸ Melqui Adi magũ, Adi Cosam magũ,
Cosam Elmodam magũ, Elmodam Er magũ,
Er Josué magũ, ²⁹ Josué Eliezer magũ,
Eliezer Jorim magũ, Jorim Matat magũ,
Matat Leví magũ, ³⁰ Leví Simeón magũ,
Simeón Judá magũ, Judá José magũ,
José Jonán magũ, Jonán Eliaquim magũ,
Eliaquim Melea magũ, ³¹ Melea Mainán magũ,
Mainán Matata magũ, Matata Natán magũ,
Natán opũ David magũ ããrĩdi ããrĩmí.
³² David Isai magũ, Isai Obed magũ,
Obed Booz magũ, Booz Salmón magũ,
Salmón Naasón magũ, ³³ Naasón Aminadab magũ,
Aminadab Aram magũ, Aram Esrom magũ,
Esrom Fares magũ, Fares Judá magũ,
Judá Jacob magũ ããrĩdi ããrĩmí.
³⁴ Jacob Isaac magũ, Isaac Abraham magũ ããrĩdi ããrĩmí.
Abraham Taré magũ, Taré Nacor magũ,
Nacor Serug magũ, ³⁵ Serug Ragau magũ,
Ragau Peleg magũ, Peleg Heber magũ,
Heber Sala magũ, ³⁶ Sala Cainán magũ,
Cainán Arfaxad magũ, Arfaxad Sem magũ,
Sem Noé magũ ããrĩdi ããrĩmí.
Noé Lamec magũ, Lamec Matusalén magũ,
³⁷ Matusalén Enoc magũ, Enoc Jared magũ,
Jared Mahalaleel magũ, Mahalaleel Cainán magũ,
Cainán Enós magũ, Enós Set magũ,
Set Adán magũ ããrĩdi ããrĩmí.
³⁸ Adán neõgorague Marĩpu iridi, ĩgũ magũ ããrĩdi ããrĩmí.

4

Wātī Jesúre ārīmesādidēa
(Mt 4.1-11; Mr 1.12-13)

¹ Jesús Ōāgū deyomarīgūrē opatariakōāyupū. Irasirigū Ōāgū deyomarīgū ĩgū dia Jordán wāikūdiyague āārādire masaka marīrōgue āāyupū. ² Irogue Jesús cuarenta narīgōra āārīyupū. Irogue āārīpōe wātī ĩgūrē ārīmesāgū ejayupū. Iri cuarenta narīrē Jesús neō baabiriyupū. Irasirigū ūaboakōāyupū. ³ ĩgū ūaboamakū ĩāgū, wātī Jesúre āsū ārīyupū:

—Diayeta Marīpū magū āārīgū, mū turaro merā i ūtāyere pā waamakū irika! ārīyupū.

⁴ Jesús ĩgūrē yūjūyupū:

—Yūpūya werenīrī gojadea pūgue: “Baari dita masakare okamakū iribea. Āārīpereri Marīpūya werenīrī gapū ĩgūsārē okamakū yāa”, ārī gojasūdero āārībū, ārī wereyupū Jesús wātīrē.

⁵ Pūpū wātī Jesúre ūtāū wekague āīmūrīayupū. Irogue suñarōta āārīpereri i ūmūma makārīrē ĩmupeokōāyupū. ⁶ Irire ĩmupeo odo, āsū ārīyupū:

—I yūre sídea āārā. Irasirigū yū síduagure sígūkoa, ĩgū i āārīpereri opū āārīburo, ārīgū. ⁷ Mū yūre űadukūpuri merā ejamejāja, būremumakū, i āārīpereri mūrē sígura, ārī wereyupū wātī Jesúre. ⁸ Jesús ĩgūrē yūjūyupū:

—Satanás, yū pūrore wirika! Yūpūya werenīrī gojadea pūgue: “Marīpū ditare būremuka! ĩgū doreri ditare irika!” ārī gojasūdero āārībū, ārī wereyupū Jesús wātīrē.

⁹ Pūpū wātī Jesúre Jerusalēgue āā, Marīpūya wii wekague āīmūrīa, ĩgūrē āsū ārīyupū doja:

—Diayeta Marīpū magū āārīgū, ōōgue merā yebague parimadijaka! ¹⁰⁻¹¹ Marīpūya werenīrī gojadea pūgue āsū ārī gojasūdero āārībū:

Marīpū ĩgūrē wereboerārē mūrē koredoregūkumi, neō ūtāyegue meébejabirikōāburo, ārīgū, ārī gojasūdero āārībū, ārī wereyupū wātī Jesúre.✧

¹² Jesús ĩgūrē ārīyupū:

—Yūpūya werenīrī gojadea pūgue: “Būremūrī marīrō Marīpūre: ‘Mū turari merā yūre gajino iri ĩmuka!’ ārībirikōāka!” ārī gojasūdero āārībū, ārī wereyupū Jesús wātīrē.

¹³ Irasirigū wātī Jesúre gajī ārīmesārī bokabiri, waakōāyupū dapa.

Jesús Galilea nikūgue masakare buenūgādea
(Mt 4.12-17; Mr 1.14-15)

¹⁴ Pūpū Jesús masaka marīrōgue āārādi Galilea nikūgue goedujáayupū. Ōāgū deyomarīgū turarire opatariyupū. Āārīperero Galilea nikū marā ĩgū iridea kerere masīpereakōāñurā.

¹⁵ Jesús irogue ejagū, makārīkū judío masaka nerērī wiirigue* buenayupū. ĩgū buemakū pérā, āārīpererā: “Ōārō buemi”, ārī būremuñurā.

Jesús Nazaregue goedujáadea
(Mt 13.53-58; Mr 6.1-6; Jn 4.44)

¹⁶ Pūpū Jesús Nazaregue ĩgū masādea makāgue goedujáayupū. ĩgū irinarōsūta judío masaka siñajārīnū† āārīmakū, ĩgūsā nerērī wiigū waa, űajāyupū. Iri wiigū Marīpūya werenīrī gojadea pūrē bue ĩmubu wāgānūgāyupū. ¹⁷ Irasirigū iri wii koregū Jesúre Marīpūya kerere weredupiyudi Isaiás gojadea pūrē síyupū. ĩgū sīmakū, Jesús iri pūgue āsū ārī gojadeare boka, bue ĩmuyupū:

¹⁸ Yū Opū, Ōāgū deyomarīgū yū merā āārīmakū yāmi, ĩgū dorerire iriburo, ārīgū. ĩgūyare ĩridoregū yūre beyepīdi āārīmī.

✧ 4:10-11 Sal 91.11-12 * 4:15 Judío masaka nerērī wii, sinagoga wāikūri wii āārā. Irogue ĩgūsā siñajārīnū āārīmakū nerē, Marīpūya werenīrī gojadea pūgue gojadeare buenama. † 4:16 Judío masaka siñajārīnū, sábado āārā.

Irasirigu boporārē ĩgũya kerere weredoregũ, buro bujawererārē usuyamakũ iridoregũ, peresugue āārĩrārē taudoregũ, koye ĩāmerārē ĩāmakũ iridoregũ, ñerō irisūrārē taudoregũ yũre iriudi āārĩmĩ.

19 Marĩ Opũ ĩgũyarārē taugũ aariburire weredoredi āārĩmĩ, ārĩ gojadi āārĩmĩ Isaías, ārĩ bue ĩmuyupũ Jesús.✠

20 Bue ĩmu odo, ĩgũ bueadea pũrē tũrā, iri wii koregũre wia, eja doayupũ. Āārĩpererā iri wiigũe āārĩrā ĩgũrē ĩāduúbiriñurā. 21 Jesús āsũ ārĩ werenugāyupũ ĩgũsārē:

—Dapagā merā yũ mũsārē bue ĩmumakũ, Isaías gojaderosũta waáa.

22 Jesús irasũ ārĩmakũ pérā, āārĩpererā pégũkakōāñurā. “Ōārĩ werenĩrĩ merā weremi”, ārĩ gũñañurā. Irasũ gũñakererā, ĩgũsā basi gāme sērēñañurā:

—¿ĩĩ José magũ meta āārĩrĩ? ārĩñurā.

23 Jesús, ĩgũsā irasũ ārĩmakũ pégu, ĩgũsārē āsũ ārĩyupũ:

—Masaka ĩgũsā ārĩnarōsũ mũsā yũre: “Mũ ōārō kũrigũ āārĩrĩrē ĩmugũ, mũ basita kũrika!” ārĩkoa. Gajidere ārĩkoa: “Gũa, mũ Capernaugue iri ĩmudea kerere pébũ. Irasirigu iroguere mũ iriderosũta i makā, mũ masādea makādere iri ĩmuka!” ārĩkoa, ārĩyupũ.

24 Irasũ ārĩ odo, āsũ ārĩnemoyupũ:

—Diayeta mũsārē werea. Neō sugũ Marĩpũya kerere weredupiyurimasārē ĩgũya nikũ marā ōārō bokatĩrĩñeābema. 25 Irasirigu mũsārē ire ōārō masĩmakũ gāāmea. Iripoegue Elías Marĩpũya kerere weredupiyudi āārĩdeapoere masaka Marĩpũre bũremubiri waja, ure bojori gaji bojori dekogora neō deko merēbiridero āārĩbũ. Āārĩpererogũre baaride marĩdero āārĩbũ. Marĩya nikũrē wārā wapiweyarā nome āārĩnerā āārĩmā. 26 ĩgũsā wārā āārĩkeremakũ, Marĩpũ Elĩare ĩgũsārē iritamudoregũ neō iriubiridi āārĩmĩ. Gaji nikũmo Sarepta wāĩkũri makāmo Sidón pũro āārĩgō gapũre iritamudoregũ Elĩare iriudi āārĩmĩ. 27 Eliseo Marĩpũya kerere weredupiyudi āārĩdeapoedere wārā kāmi boarā marĩya nikũrē āārĩunanerā āārĩmā. ĩgũsā wārā āārĩkeremakũ, Marĩpũ Eliseore ĩgũsārē taudoregũ neō iriubiridi āārĩmĩ. Siria nikũmũ Naamán wāĩkũgũ gapũre taudoregũ Eliseore iriudi āārĩmĩ, ārĩ wereyupũ Jesús.

28 Jesús irasũ ārĩmakũ pérā, āārĩpererā iri wiigũe āārĩrā ĩgũ merā buro guañurā.

29 Irasirirā wāgāñugā, ĩgũrē ñeā, āĩākōāñurā. Iri makā ũtāũ weka iridea makā āārĩyuro. Irasirirā iri makā tũrogue ĩgũrē āĩa, túmeédijudũarā iriadiñurā. 30 Jesús gapũ ĩgũsā watopeta tariwerewāgākōāyupũ.

*Wātĩ ñajāsũdi Jesúre bokatĩrĩdea
(Mr 1.21-28)*

31 Pũrũ Jesús Capernaugue waayupũ. Iri makā Galilea nikũgue āārĩyuro. Irogue eja, judío masaka siñajārĩñũ āārĩmakũ, ĩgũsā nerērĩ wiigũe ĩgũsārē bueyupũ. 32 Sugũ doregũ irirosũ ōārō masĩrĩ merā ĩgũ buemakũ pérā, pégũkakōāñurā.

33 Iri wiiguere ĩgũsā merā sugũ wātĩ ñajāsũdi āārĩyupũ. Āsũ ārĩ gaguinĩyupũ:

34 —Jesús Nazaretmũ, ¿nasiribu gũa pũro aarĩri? ¿Gũare peamegue béogũ aarigũ yári? Yũ mũrē ĩāmasĩkōāa. Mũ, Marĩpũ iriudi, ōātariũ āārā, ārĩyupũ.

35 Jesús wātĩrē:

—Werenĩbita! Wirika ĩgũrē! ārĩyupũ.

ĩgũ irasũ ārĩmakũ, wātĩ masaka ĩũrō ĩgũ ñajādire yebague túmeépĩ, ñerō iriro marĩrō wiriakōāyupũ. 36 Jesús wātĩrē béowiumakũ ĩārā, āārĩpererā masaka ĩāgũka, ĩgũsā basi āsũ ārĩ gāme werenĩñurā:

—¿Ñeéno werenĩrĩ āārĩrĩ i? ĩgũ turaro merā wātēārē wiriadoremakũ, mata wiri-anokōāma, ārĩñurā.

37 Pũrũ Jesús iriadeare āārĩperero iri makā tũro marārē weresiriñurā.

Jesús, Simón Pedro máñekõrẽ taudea
(Mt 8.14-15; Mr 1.29-31)

³⁸ Jesús, nerẽri wiigüe aãrãdi wiria, Simõya wiigüe waayupũ. Simón máñekõ bũro nimakurikũgo iriyupo. Jesús ejamakũ ããrã, igore taudorerã ããrẽ sãrẽñurã. ³⁹ Ìgũsã irasũ sãrẽmakũ pãgũ, Jesús igo pũro waa ejanũgã: “Pũrĩrĩ tarika igore!” ãrĩyupũ. Ìgũ irasũ ãrĩrĩ merãta igore nimakuri aãrãdea tariakõãyuro. Irasirigo wãgãnũgã, ãgũsãrẽ baari ejoyupo.

Jesús wãrã pũrĩrikurãrẽ taudea
(Mt 8.16-17; Mr 1.32-34)

⁴⁰ Ñamika, abe ñajãdero pũrũ, iri makã marã ããrĩpererã gajirosũperi pũrĩrikurãrẽ Jesús pũroque ããrĩñurã. Jesús pũrĩrikurãrẽ, ãgũya mojõrĩ merã ñapeo, tauyupũ. ⁴¹ Wãrã wãtãa masakare ñajãnerãdere bẽowiyupũ. Wãtãa wirirã, Jesũre ãsũ ãrĩ gaguinĩñurã:

—Mũ, Marĩpũ magũ aãrã, ãrĩñurã. Ìgũsã Jesũre, ãgũ Cristo, Marĩpũ iriudi ããrĩrĩrẽ masĩñurã. Irasirigũ Jesús wãtããrẽ werenidorebiriyupũ.

Jesús Galilea nikũgue masakare buedea
(Mr 1.35-39)

⁴² Gajinũ boyoripoe Jesús makã tũro masaka marĩrõgue waayupũ. Ìgũ waadero pũrũ, masaka ããrẽ ãma, ãgũ pũroque ejañurã. Ìgũrẽ: “Gũa merã dujaka dapa!” ããrĩñurã.

⁴³ Jesús gapũ ããrĩrĩrẽ ãrĩyupũ:

—Marĩpũ ããrĩrĩrẽ Opũ ããrĩrĩrẽ yũre weredoregũ iriudi ããrĩmĩ. Irasirigũ gaji makãrĩ marãdere ire weregũ waagũra, ãrĩyupũ.

⁴⁴ Irasirigũ ããrĩperero Galilea nikũ marãrẽ judío masaka nerẽri wiirigüe buegore-nayupũ.

5

Jesús ãgũ buerãrẽ wãrã waaĩ wẽjẽmakũ irideia
(Mt 4.18-22; Mr 1.16-20; Jn 21.3, 6)

¹ Gajinũ Jesús Genesaret* wãikuri ditaru tũroque ããrĩmakũ, wãrã masaka ããrẽ pũrore utarinũgãjañurã Marĩpũya kerere pãduarã. ² Jesús iri ditaru tũro waaĩ wẽjẽrĩmasãya doóriduparu peru masaka marĩrĩ payamakũ ããrĩyupũ. Waaĩ wẽjẽrĩmasã gapũ ããrĩsãya buiriyukure koerã iriñurã. ³ Jesús Simõyarugüe marĩñajãa, ããrẽ soewijudoreyupũ. Soewijupau odomakũ ãã, Jesús irirugüe eja doa, masakare buenũgãyupũ. ⁴ Bue odo, Simõrẽ ãsũ ããrĩyupũ:

—Doódiru merã ditaru deko ããrĩrõgue wija, masãya buiriyukure meéyoka waaĩ ñeãmurã, ããrĩyupũ.

⁵ Simón ããrẽ yũyupũ:

—Gũare buegũ, dapagã ñamirẽ wẽjẽboyokõãdabũ. Neõ wẽjẽbirakubũ. Mũ dorerosũta buidire meéyoñagũra doja, ããrĩyupũ.

⁶ Ìgũsã meéyomakũ, waaĩ wãrã ñajãa, buidire ooreakõãdiñurã. ⁷ Wãrã ñajãmakũ ãã, ããrẽ merãmarã gajiru doódirugüe ããrĩrãrẽ buadeañurã, ããrẽ ñeãtamudorerã. Irasirirã ããrẽ eja, waaire seasãmakũ, perugüeta mirĩboyakõãyuro.

⁸ Irasũ waamakũ ããgũ, Simón Pedro Jesús pũro ñadukũpuri merã ejamejãja, ããrẽ ããrĩyupũ:

—Yũ Opũ, mũ õãtarigũ aãrã. Yũ gapũ ñegũ aãrã. Irasirigũ yũ pũrore ããrĩbirikõãka! ããrĩyupũ. ⁹ Simón, wãrã waaĩ ñajãmakũ ããgũkagũ, irasũ ããrĩyupũ. Ìgũ merã ããrĩrãde ããgũkakõãñurã. ¹⁰ Gajiru doódiru ããrĩrã ããrẽ merãmarã Zebedeo pũrã Santiago, Juan ããrĩñurã. Ìgũsãde ããgũkakõãñurã. Jesús gapũ Simõrẽ ããrĩyupũ:

* **5:1** Genesaret wãikuri nikũ, Galilea wãikuri ditaru tũro ããrĩyuro. Irasiriro Galilea ditaruta Genesaret wãikũyuro.

—Güibirikõäka! Dapagorare mu waaí wějērĩmasũ äärĩrĩrē piri, Marĩpaya kerere masakare wererimasũ äärĩgukoa, arĩyupu.

¹¹ Irasirirã ĩgũsãya doóriduparure ditaru turo tũãmajũpíkõã, äärĩpereri ĩgũsãyare píkõã, Jesús merã waakõañurã.

Jesús kãmi boagure taudea
(Mt 8.1-4; Mr 1.40-45)

¹² Pũũ Jesús su makãgue äärĩripoe sugũ kãmi boagũ ejayupu. Jesúre ĩãgũ, ĩgũ pũro ñadukũpuri merã ejamejã, ĩgũya diapure yebague moomejãja, ĩgũrē sērēyupu:

—Yũ Opũ, mu yũ pũrĩrikũrire tauduagũ taumasĩa, arĩyupu.

¹³ ĩgũ irasũ arĩmakũ pégu, Jesús ĩgũya mojõ merã ĩgũrē moãña, asũ arĩyupu:

—Mũrē taugũra. Kãmi marĩgũ dujaka! arĩyupu. ĩgũ irasũ arĩrĩ merãta kãmi yaripereakõãyuro. ¹⁴ Irasirigũ turaro merã Jesús ĩgũrē arĩyupu:

—Gajirã masakare mu tariadeare werebirikõäka! Paĩre mũrē kãmi yariadeare ĩmugũ waaka! ĩgũ mũrē ĩãgũ: “Kãmi marĩgũ äärã”, arĩgukumi. Pũũ Moisés gojadea pũgue sĩdoredeare sĩka! Mu irire irimakũ ĩãrã, äärĩpererã masaka mũrē kãmi yariadeare masĩrãkuma, arĩyupu.

¹⁵ Jesús ĩgũrē: “Gajirãrē mu tariadeare werebirikõäka!” arĩkeremakũ, äärĩpererogue marã masaka Jesús ĩgũrē iriadeare pépereakõañurã. Irasirirã wãrã masaka ĩgũ pũrogue ĩgũ buerire pérã, ĩgũsã pũrĩrikũridere taudorerã, ejañurã. ¹⁶ Jesús gapũ masaka marĩrõgue Marĩpure sērēgũ waanayupu.

Jesús dupũ buadire taudea
(Mt 9.1-8; Mr 2.1-12)

¹⁷ Sunũ Jesús buemakũ, surãyeri fariseo bumarã gajirã Moisés gojadeare buerimasãde irogue doañurã. ĩgũsã äärĩperero Galilea nikũma makãrĩ marã, Judea nikũma makãrĩ marã, Jerusalén marã äärĩñurã. Jesús pũrĩrikũrãrē taubu, Marĩpũ turarire opayupu. ¹⁸ ĩgũ bueripoe gajirã iro marã sugũ dupũ buadire ĩgũ oyaro merãta añjañurã. ĩgũrē wiigũe aññajãa, Jesús pũrogue píduarã iriadiñurã. ¹⁹ Masaka wãrã äärĩmakũ, aññajãmasĩbiri, iri wii wekague mũrĩa, su gobe añwea, ĩgũrē masaka watopegue ĩgũ oyaro merãta Jesús pũro dijuñurã. ²⁰ Jesús, ĩgũsã ĩgũrē bũremumakũ ĩãgũ, buadire arĩyupu:

—Yũ, mu ñerõ irideare kãtia.

²¹ ĩgũ irasũ arĩmakũ pérã, fariseo bumarã, Moisés gojadeare buerimasã asũ arĩ gũñañurã: “¿Ñeemũno masakũ äärĩrĩ ĩĩ? ĩgũ werenĩrĩ merã Marĩpure ñerõ arĩmi. Masaka ñerõ irideare neõ sugũ masakũ kãtimasĩbirikumi. Marĩpũ sugũta masĩkumi”, arĩñurã.

²² Jesús ĩgũsã gũñarĩrē ĩãmasĩ, asũ arĩyupu:

—¿Nasirirã irasũ gũñarĩ mũsã? ²³ ¿Naásũ arĩrĩ gapũ diasaberi ĩĩ buadire: “Yũ, mu ñerõ irideare kãtia”, arĩrĩ, o “Wãgãñugã, waaka!” arĩrĩ gapũ diasaberi? ²⁴ Yũ äärĩpererã tĩgũ i mũmũgue äärĩrãrē ĩgũsã ñerõ irideare Marĩpũ dorero merã kãtimasĩa. Irasirigũ ĩĩ buadire taugũra, mũsãrē irire masĩdoregũ, arĩyupu. Irasũ arĩ odo, buadire arĩyupu:

—Yũ mũrē asũ arã. Wãgãñugã, mu oyaderore añ, mũya wiigũe waaka! arĩyupu.

²⁵ ĩgũ irasũ arĩrĩ merãta ĩgũsã ĩũrõ wãgãñugã, ĩgũ oyaderore añ, ĩgũya wiigũe waagũ, Marĩpure: “Õãtaria mu”, arĩ, mũyari sĩyupu. ²⁶ Masaka, Jesús irasiririre ĩãgũka, ĩgũsãde Marĩpure: “Õãtaria mu”, arĩ, mũyari sĩñurã. Bũro güiri merã asũ arĩñurã:

—Dapagãrē neõ marĩ ĩãbirideare ĩãa, arĩñurã.

Jesús Levĩre siiudea
(Mt 9.9-13; Mr 2.13-17)

27 Pw̄ Jesú iro merã waa, Leví† wãikugure bokajayupw̄. Leví romano marã opw̄re niyeru wajaseabosagw̄ aãrĩyupw̄. Īgũ moãrĩ taribugue doamakũ ĩãgũ, Jesú ĩgũrẽ ãrĩyupw̄: —Nãka, yw̄ merã!

28 Īgũ irasũ ãrĩmakũ pégw̄, Leví wãgãnw̄gã, ĩgũ moãdea ããrĩpererire pípeo, Jesú merã waakõãyupw̄. 29 Pw̄ Leví ĩgũya wiigwe eja, Jesúre bosenw̄ iripeoyupw̄. Wãrã niyeru wajaseabosarimasã, gajirã masaka ĩgũsã merã baa doanĩñurã. 30 Jesú ĩgũsã merã doamakũ ĩãrã, fariseo bumarã, Moisés gojadeare buerimasã Jesú buerãrẽ ãsũ ãrĩ wereww̄añurã:

—¿Nasirirã niyeru wajaseabosarimasã, ñerõ irirã merã iirí, baari mw̄sã? ãrĩñurã.

31 Jesú ĩgũsãrẽ yw̄juyupw̄:

—Pũrĩrĩ marĩrã kúririmasũrẽ ãmabema. Pũrĩrikurã gapw̄ ĩgũrẽ ãmama. 32 Yw̄: “Õãrã ããrã”, ãrĩ gũñarãrẽ siiugw̄ aaribiribw̄. “Ñerõ irirã ããrã”, ãrĩ gũñarã ditare siiugw̄ aarigũ iribw̄, ĩgũsã ñerõ irideare bw̄jawere, gũñarĩrẽ gorawayuburo, ãrĩgũ, ãrĩyupw̄.

Jesúre bererimarẽ sãrẽñãdea

(Mt 9.14-17; Mr 2.18-22)

33 Jesú irasũ ãrĩmakũ pérã, ĩgũrẽ sãrẽñãñurã:

—Juan buerã, fariseo bumarã buerire tãyarãde Marĩpw̄re bw̄remurã bere, ĩgũrẽ sãrẽnama. ¿Nasirirã mw̄ buerã gapw̄ õãrõ iirí, baari? ãrĩñurã.

34 Jesú ĩgũsãrẽ yw̄juyupw̄:

—¿Sugw̄ mojõsw̄adi bosenw̄ irimakũ, mw̄sã ĩgũ siiuanerãrẽ ĩgũ merã ããrĩrãrẽ bw̄jawereri merã beremakũ irimasĩbukuri? 35 Pw̄ ĩgũrẽ gajirã ãĩãmakũ, bw̄jawereri merã bererãkuma, ãrĩyupw̄.

36 Irire ãrĩ odo, keori merã ĩgũsãrẽ ãsũ ãrĩ werewyupw̄ doja:

—Masaka neõ surĩro maamañerẽ tábirikuma bw̄gũñerẽ seretúmurã. Irasũ seretúrã, maamañerẽ poyanorẽrã irikuma. Maama gasiro merã bw̄gũñerẽ seretúadero õãrõ deyobirikoa. 37 Waimurã gasiri merã iridea ajuri bw̄gũ ajurigue maama igui dekore diribirikuma. Irasũ dirimakũ, maama igui deko pãmu, bw̄gũ ajuri sãrãturabiri, oore-akõãkoa. Irasiriro igui deko, ajuride kõmoko. 38 Irasirirã maama igui dekore maama ajurigue diriro gããmea. 39 Masaka igui deko pãmurĩrẽ iirirã, maama igui dekore gããmebirikuma, maama buerire péduaberosũ. “Igui deko pãmudea gapw̄, maama igui deko nemorõ õãã”, ãrĩrãkuma, ãrĩyupw̄ Jesú ĩgũsãrẽ.

6

Siñajãrĩnw̄ ããrĩmakũ, Jesú buerã trigo yerire tãrĩdea

(Mt 12.1-8; Mr 2.23-28)

1 Gajinw̄, judío masaka siñajãrĩnw̄ ããrĩmakũ, Jesú trigo otedero watope waamakũ, ĩgũ buerã trigo yerire tãrĩ koro baawãgãñurã*. 2 ĩgũsã irasirimakũ ĩãrã, surãyeri fariseo bumarã ĩgũsãrẽ sãrẽñãñurã:

—¿Nasirirã siñajãrĩnrẽ moãdorebirikeremakũ, irasũ yãri mw̄sã? ãrĩñurã.

3 Jesú ĩgũsãrẽ yw̄juyupw̄:

—¿Mw̄sã iripoeguemw̄ David ĩgũ merãmarã merã w̄aboagw̄, ĩgũ irideare buebiriri? 4 ĩgũ merãmarã merã Marĩpw̄ya wiigwe ñajãa, Marĩpw̄ ĩũrõ peyari pã duparure baadi ããrĩmĩ. Marĩpw̄ paĩ ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapw̄ paĩ ããrĩbirikeregw̄, irire baagw̄, Marĩpw̄ ĩũrõ ĩgũ dorerire tarinw̄gãgũ meta iridi ããrĩmĩ, ãrĩyupw̄.

5 Irasũ ãrĩ odo, ãsũ ãrĩyupw̄ doja:

† 5:27 Leví pe wãĩ opayupw̄. ĩgũta Mateo wãikuyupw̄. * 6:1 Deuteronomio 23.25: Moisés gojadesã pũgue ãsũ ãrĩ gojasũdero ããrĩbũ: “Sugw̄ masakũ gajigw̄ya poegwe waagũ, ĩgũya mojõrĩ merã trigo yerire tãrĩ koro baaburo. Wiirimajĩ merã diti ãĩabirikõãburo”, ãrĩ gojasũdero ããrĩbũ.

—Y_u ããrĩpererã tĩgũ ããrĩsĩã, siñajãrĩnũrẽ masaka gajino ïgũsã iriburire doremasĩa, ãrĩyupũ Jesús.

Jesús mojõ diíweredire taudea

(Mt 12.9-14; Mr 3.1-6)

⁶ Gajinu siñajãrĩnu ããrĩmakũ, Jesús judío masaka nerẽrĩ wiigüe ñajãa, ïgũsãrẽ bueyupũ. Iri wiigüe sugũ masakũ diayema mojõ gapũ diíweredi ããrĩyupũ. ⁷ Fariseo bumarã, Moisés gojadeare buerimasã Jesúre bũro ïãduripítuya: “Siñajãrĩnu ããrã, irasirirã ñi mojõ diíweredire ïgũ taumakũ, ïgũrẽ weresãrãra”, ãrĩ gũñañurã. ⁸ Jesús ïgũsã gũñañrẽ ïãmasĩ, mojõ diíweredire:

—Wãgãnũgã, masaka ïũrõgue ejanũgãgũ aarika! ãrĩyupũ. ïgũ irasũ ãrĩmakũ pégu, mojõ diíweredi wãgãnũgã, Jesús pũro ejanũgãyupũ. ⁹ ïgũ ejanũgãmakũ, Jesús gajirã iroguẽ ããrĩrãrẽ ãsũ ãrĩyupũ:

—Mũsãrẽ sërẽñaduakoa. ¿Siñajãrĩnũrẽ Marĩpu marĩrẽ ñeénorẽ iridoreyuri, õãrĩrẽ, o ñerĩrẽ, masakare taurire, o wějẽrĩrẽ? ãrĩyupũ.

¹⁰ Sërẽña odo, masaka ããrĩpererãrẽ ïã, mojõ diíweredire ãrĩyupũ:

—Mũya mojõrẽ soeuka!

ïgũ irasũ ãrĩmakũ pégu, soeuyupũ. ïgũ soeumakũ, ïgũya mojõ õãkõãyuro. ¹¹ ïgũ irasirimakũ ïãrã, fariseo bumarã, Moisés gojadeare buerimasã bũro guañurã: “¿Nasirirãkuri marĩ ïrẽ?” ãrĩ gãme werenĩñurã.

Jesús pe mojõma pere su gubu peru pẽrẽbejarã ïgũ buedoregu pímurãrẽ beyedea

(Mt 10.1-4; Mr 3.13-19)

¹² Irinũrĩrẽ Jesús ãtãũgue Marĩpũre sërẽgũ waayupũ. Iroguẽ iri ñamirẽ Marĩpũre sërẽboyoakõãyupũ. ¹³ Boyoripoe ïgũ buerire tũyarãrẽ sũu needõ, ïgũsã watopegue ããrĩrãrẽ pe mojõma pere su gubu peru pẽrẽbejarã ãmarẽ beyeyupũ: “Mũsãrẽ yaa kerere buegorenaturãrẽ beyepía”, ãrĩyupũ. ¹⁴ ïsãkũ ããrĩñurã: Simón wãikũgu ããrĩyupũ. ïgũrẽta “Pedro” wãiyeyupũ Jesús. Simón pagũmũ Andrés; gajirã: Santiago, Juan, Felipe, Bartolomé†, ¹⁵ Mateo, Tomás, Santiago ããrĩñurã. Santiago, Alfeo magũ ããrĩyupũ. Gajigu Simón ããrĩyupũ. ïgũ celote wãikuri bumũ ããrĩyupũ. ¹⁶ Gajigu Judas ããrĩyupũ. ïgũ Santiago magũ ããrĩyupũ. Gajigu Judas Iscariote wãikũgu ããrĩyupũ. ïgũta Jesúre wějẽduarãguere ïgũrẽ ïmubu ããrĩyupũ.

Jesús wãrã masakare buedea

(Mt 4.23-25)

¹⁷ Jesús iri ãtãũgue ããrãdi ïgũsã merã dijija, iri ãtãũ ããrĩdijimejãrõgue ããrĩyupũ. ïgũ beyeãnerã, gajirã wãrã ïgũ buerire tũyarã merã ããrĩyupũ. Gajirã wãrã ããrĩperero Judea nikũ marã, Jerusalén marã, wãdiya tũro marã Tiro, Sidón marã ããrĩñurã. ïgũsã Jesús pũro ïgũ buerire pãrã, ïgũsã pũrĩrikũrere taudorerã ejanerã ããrĩñurã. ¹⁸ Jesús wãtẽa ñajãsũnerãdere tauyupũ. ¹⁹ ïgũ ããrĩpererãrẽ Marĩpu turaro merã taumakũ ïãrã, ããrĩpererã masaka ïgũrẽ moãñaduãñurã.

Jesús mũsũyari, bũjawereridere buedea

(Mt 5.1-12)

²⁰ Pũrũ Jesús ïgũ buerãrẽ ïã, ãsũ ãrĩyupũ:

—Marĩpu mũsã Opũ ããrĩmi. Irasirirã boporã ããrĩkererã, mũsũyaka!

²¹ Dapagorare mũsã mũaboari merã ããrĩrã, pũrũguere yapirãkoa. Irasirirã mũsũyaka!

Dapagorare bũro bũjawereri merã orerã, pũrũguere mũsũyari merã bũrirãkoa. Irasirirã mũsũyaka!

† 6:14 “Bartolomé”, ãrĩrõ: “Tolomé magũ”, ãrĩduaro yãa. ïgũta Natanael wãikũgu ããrĩdi ããrĩmi. San Juan 1.43-51: Jesús Natanaere sũuudea kere ããrã.

22 'Mũsã yũre ããrĩpererã tĩgũrẽ bũremumakũ ããrã, gajirã mũsãrẽ ããturi doorãkuma. Mũsãrẽ: “Gũa merã ããrĩmerãta!” ããrĩ bẽorãkuma. Mũsãrẽ ñerõ werenĩrãkuma. “Ñerã ããrĩma”, ããrĩ werewũarãkuma. Ĩgũsã irasũ ããrĩkeremakũ, usũyari merã ããrĩrikũka!
23 Iripoegue marĩ ñekũsãmarã Marĩpũya kerere weredupiyunerãrẽ irasũta iriunanerã ããrĩmã. Irasirirã dapagora marã mũsãrẽ mũrãrõta ñerõ irimakũ ããrã, bũro usũyaka! Bũro usũyari merã ããrĩrikũka! Mũsã ãũmũgasigue waamakũ, Marĩpũ õãrĩ wãro wajatari sĩgũkumi mũsãrẽ.

24 'Mũsã i ãũmũmarẽ wãri oparã gapũ usũyari bokasiãa. Pũrũguere usũyari neõ bokabirikoã. Irasiriro mũsãrẽ ñegorãa.

25 'Mũsã dapagorare yapirã, pũrũguere bũro ãaboarãkoã. Usũyari neõ bokabirikoã. Irasiriro mũsãrẽ ñegorãa.

'Dapagorare Marĩpũyare bũridarã, pũrũguere bũro bũjawereri merã orerãkoã. Usũyari neõ bokabirikoã. Irasiriro mũsãrẽ ñegorãa.

26 'Masaka ããrĩpererã mũsãrẽ: “Õãrã ããrĩma”, ããrĩkeremakũ, usũyari neõ bokabirikoã. Iripoegue mũsã ñekũsãmarã Marĩpũyare ããrĩkatori merã wererimasãrẽ: “Õãrã ããrĩma”, ããrĩunanerã ããrĩmã.

*Jesús: “Mũsãrẽ ããturirãrẽ maĩka!” ããrĩ buedea
(Mt 5.38-48; 7.12)*

27 'Yũ werenĩrĩrẽ õãrõ pẽduripĩrãnorẽ ããsũ ããrĩ weregũra. Mũsãrẽ ããturirãrẽ maĩka! Mũsãrẽ doorãrẽ õãrõ irika! 28 Mũsãrẽ: “Ñerõ waaburo”, ããrĩrãrẽta õãdoreka! Mũsãrẽ ñerõ ããrĩ bũridarãrẽta Marĩpũre ĩgũsã õãrõ ããrĩburire sẽrẽbosaka! 29 Sugũ masakũ mũsãya wayupãrãrẽ pãmakũ, gajipãrẽ gapũdere pãdoreka! Mũsãya surĩro wekamañerẽ ãmamakũ, mũsãya camisadere sĩka! 30 ããrĩpererã mũsãrẽ gajino sẽrẽãnorẽ sĩka! Sugũ masakũ mũsã oparire ããĩmakũ, ĩgũrẽ: “Wiaka!” ããrĩbirikõãka! 31 Gajirã mũsãrẽ õãrõ irimakũ gããmerõsũta mũsãde ĩgũsãrẽ õãrõ irika!

32 'Mũsãrẽ maĩrã ditare maĩmakũ õãbea. Mũsã irasũ maĩrĩ wajamãa. Gajirã, ñerã ããrĩkererã, ĩgũsãrẽ maĩrãrẽ maĩkuma. 33 Mũsãrẽ õãrõ irirã ditare õãrõ irimakũ õãbea. Mũsã irasiriri wajamãa. Ñerãde ĩgũsãrẽ õãrõ irirãrẽ õãrõ irikuma. 34 Gajirãrẽ wayurã ĩgũsãrẽ: “Gũa wayuadeare keoro wiaka doja!” ããrĩmakũ õãbea. Mũsã irasiriri wajamãa. Ñerõ irirãde gajirã ñerãrẽ wayukuma. ĩgũsã wayuadeare: “ããrĩpereri wiarãkuma doja”, ããrĩ gũñakuma. 35 Irasirirã ñerã irirosũ iribirikõãka! Mũsãrẽ ããturirãdere maĩka! ĩgũsãrẽ õãrõ irika! ĩgũsãrẽ wayurã, mũsã wayuadeare: “Wiaka doja!” ããrĩbirikõãka! Irasirirã wãri õãrĩ wajatari bokarãkoã. Marĩpũ ããrĩpererã nemorõ turagũ pũrã ããrĩrãkoã. Masaka Marĩpũre usũyari sĩbirikeremakũ, ĩgũsãrẽ bopoñarĩ merã ããmi dapa. Ñerã ããrĩkeremakũ, ĩgũsãrẽ irasũ ããmi dapa. 36 Irasirirã mũsãde Mũsãpũ ãũmũgasigue ããrĩgũ masakare bopoñarĩ merã ããrõsũta gajirãrẽ bopoñarĩ merã ããka!

*Jesús: “Gajirãrẽ: ‘Ñerã ããrĩma’, ããrĩ werewũabirikõãka!” ããrĩ buedea
(Mt 7.1-5; Jn 13.16; 15.20)*

37 'Gajirãrẽ: “Ñerã ããrĩma”, ããrĩ werewũabirikõãka! Mũsã werewũabirimakũ ããgũ, Marĩpũ mũsãrẽ: “Ñerã ããrĩma”, ããrĩ ããbirikumi. Gajirã mũsãrẽ ñerõ irimakũ ããrã: “Marĩpũ ĩgũsãrẽ wajamoãburo”, ããrĩbirikõãka! Mũsã irasũ ããrĩbirimakũ, Marĩpũ mũsãrẽ: “Wajamoãgũra”, ããrĩbirikumi. Gajirã mũsãrẽ ñerõ irideare kãtika! Mũsã kãtimakũ, Marĩpũde mũsã ñerõ irideare kãtigũkumi. 38 Gajirãrẽ sĩka! Mũsã sĩmakũ, Marĩpũ mũsãrẽ wãri õãrĩ sĩgũkumi. Ajuro wãri ajuro gajino utũriri ajuro õãrõ ñadiuadea ajuro irirosũ sĩgũkumi. Mũsã gajirãrẽ sĩderopata Marĩpũ mũsãrẽ sĩgũkumi, ããrĩyupũ Jesús.

39 Irasũ ããrĩ odo, keori merã wereyupũ doja:

—Sugũ masakũ koye ãabi gajigũ koye ãabire tũãdupiyuwãgãmasĩbirikumi. Ìgũsã pẽrãgueta maarẽ ãamerã gobegue meẽñajãkõãkuma. ⁴⁰ Sugũ buerimasũ Ìgũ buerã nemorõ masĩkumi. Ìgũ buerãde Ìgũ buederosũ buepeosĩã, Ìgũsãrẽ buedi masĩderosũta Ìgũsãde masĩrãkuma.

⁴¹ 'Mũsã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrĩrẽ: “Ñegorãã”, ãrĩ gũñãã. ⁴² Irasirirã mũsã ñerõ iridea, koyerugue wári turu oparosũ ããrĩrã, mũsãyagũre Ìgũya koyerugue ããrĩrĩ nikũyegãrẽ: “¿Ãibéosi?” ãrĩmasĩbea. Mũsã ñerõ iririkarã, irikatorikarã ããrã. Mũsãya koyerugue ããrĩrĩ turu gapũre ãibéopũroriro irirosũ mũsã ñerõ iririre piripũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masĩa, ãrĩyupũ Jesús.

Jesús yukure dũka merã ããmasĩsũã, ãrĩ buedea
(Mt 7.17-20; 12.34-35)

⁴³ Irasũ ãrĩ odo, gaji keori merã wereyupũ doja:

—Yukũ õãdi ñerĩ dũkakũbirikoa. Yukũ ñedide õãrĩ dũkakũbirikoa. ⁴⁴ ããrĩpereri yukure dũka merã ããmasĩsũã. Poragũ higo wãikũrĩre dũkakũbirikoa. Ñaagũde iguire dũkakũbirikoa. ⁴⁵ Irasirigũ sugũ masakũ õãgũ, yukũ õãrĩ dũkakũdi irirosũ ããrĩmi. Ìgũ gũñarĩgue õãrĩ gũñarĩ opasĩã, õãrĩrẽ yãmi. Gajigũ ñegũ, Ìgũ gũñarĩgue ñerĩ gũñasĩã, ñerĩrẽ yãmi. Marĩ gũñarĩgue gũñarõsũta werenĩrãkõãka. Irasirirã masaka ñerĩ gũñarĩ oparã, ñerĩ werenĩrãkuma. Õãrĩ gũñarĩ oparã gapũ õãrĩ werenĩrãkuma.

Jesús pe wii keori merã buedea
(Mt 7.24-27)

⁴⁶ ¿Nasirirã mũsã yũre: “Yũ Opũ ããrã mũ”, ãrĩkererã, yũ dorerire neõ iriberi? ⁴⁷ Sugũ yũ pũro eja, yũ werenĩrĩrẽ pẽduripĩ, pũrũ yũ dorerire irigũ, ãsũpero irigũ irirosũ ããrĩmi. ⁴⁸ Sugũ ãtãyegue ãkũãrĩ goberi mãñajãã, wii õãrõ nugũdi irirosũ ããrĩmi. Pũrũ dia wãro yura, Ìgũya wiiguere deko ãma meẽtũkeremakũ, neõ mirũabirikoa. ⁴⁹ Yũ werenĩrĩrẽ pẽkeregũ, yũ dorerire iribi gapũ sugũ Ìmpĩparogue wii iridi irirosũ ããrĩmi. Dia wãro yuraro, Ìgũya wiire ãmabéokõãkõãka. Irasiriro ããrĩpereri kũmopereakõãkõãka, ãrĩ wereyupũ Jesús masakare.

7

Jesús surara opũre moãboegũre taudea
(Mt 8.5-13)

¹ Jesús masakare irire were odo, Capernaugue waakõãyupũ. ² Iroguere romano marã surara opũ ããrĩyupũ. Ìgũrẽ moãboegũ sĩrĩgũ kũmorĩ pũrogãgue ããrĩyupũ. Surara opũ Ìgũrẽ bũro mãĩyupũ. ³ Irasirigũ, Jesús iridea kerere pẽgũ, judío masaka mũrãrẽ Jesús pũrogue iriuyupũ, Ìgũrẽ moãboegũre taugũ aaridoregũ. ⁴ Ìgũsã Jesús pũrogue ejarã, Ìgũrẽ turaro merã ãsũ ãrĩ sẽrẽñurã:

—Surara opũ gũare mũ pũro iriuadi, õãgũ ããrĩmi. Irasirigũ Ìgũrẽ iritamuka! ⁵ Ìgũ judío masakũ ããrĩbirikereregũ, marĩya nikũ marãrẽ bũro mãĩmi. Ìgũta Ìgũya niyeru merã gũã nerẽrĩ wiire moãdoremi. Irasirigũ Ìgũrẽ iritamuka! ãrĩñurã.

⁶ Irire pẽgũ, Jesús Ìgũsã merã waayupũ. Surara opũ, Ìgũya wii pũro Ìgũsã ejawãgãrimakũ ããgũ, Ìgũ merãmarãrẽ Jesũre ãsũ ãrĩ weredoregũ iriuyupũ:

—Yũ Opũ, mũrẽ garibonemodũabirikoa. Yũ ubu ããrĩgũ ããrĩsĩã, yaa wiire mũ ñajãrimakũ, bũro gũyasĩrĩkõãka. ⁷ Irasirigũ yũde mũ pũrogue waabea. Mũ werenĩrĩ turari merã yũre moãboegũre: “Sĩrĩrĩ tarika Ìgũrẽ!” ãrĩmakũ tarigũkumi. ⁸ Gajirã oparã yũre dorema. Yũde gajirã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩka Jesũre! ãrĩ iriuyupũ.

⁹ Īgũ weredoreadeare ĩgũsã weremakũ pégu, Jesús gukakõãyupũ. Īgũrẽ tũyarãrẽ gãmenugã ĩã, ãsũ ãrĩyupũ:

—Musãrẽ werea. Sĩĩ surara opũ Israel bumũ ããrĩbirikeregu, yũre bũremumi. Israel bumarã watopeguere sũĩ irirosũ yũre bũremugũrẽ neõ bokajabiribu, ãrĩyupũ Jesús.

¹⁰ Īgũ irasũ ãrãdero purũ, surara opũ iriuanerã ĩgũya wiigũe goedujãañurã. Irogue goedujajarã, sĩrĩgũ ããrãdire tariadiguere bokajañurã.

Jesús wapiweyo magũrẽ masũdea

¹¹ Purũ Jesús Capernaugue ããrãdi Naĩn wãĩkũri makãgue waayupũ. Īgũ buerã, gajirã masaka wãrã ĩgũ merã waañurã. ¹² Iri makãrẽ ejaripoe iri makã marã, sugũ masakũ boadire kõãwãgãriñurã ĩgũrẽ yãarã waarã. Īgũ wapiweyo magũ, sugũ ããrĩgũ ããrãdiyupũ. Īgũ pago ĩgũrẽ yãamurã merã waamakũ, wãrã masaka wapikũwãgãriñurã. ¹³ Igore ĩãgũ, marĩ Opũ Jesús bũro bopoñarĩ merã ĩã, ãsũ ãrĩyupũ:

—Orebirikõãka!

¹⁴ Irasirigu Jesús masãpore purũ ejanugã, moãñayupũ. Īgũ moãñamakũ ĩãrã, iri porere kõãrã dujanugãñurã. Jesús boadire ãsũ ãrĩyupũ:

—Yũ murẽ ãrã: “Wãgãnugãka!”

¹⁵ Īgũ irasũ ãrĩmakũ, boadi wãgãdoa, werenĩnugãyupũ. Irasirigu Jesús ĩgũrẽ pagore wiayupũ. ¹⁶ Irire ĩãrã, ããrĩpererã masaka ĩãgũkakõãñurã. Marĩpurẽ: “Oãtaria mũ”, ãrĩ, usũyari sũñurã. Īgũsã basi ãsũ ãrĩ gãme werenĩñurã:

—Ĩĩ Marĩpurũya kerere wererimasũ, turatarigu, marĩ watopeguere ejami.

Idere ãrĩñurã:

—Marĩpu ĩrẽ iriuñumi ĩgũyarãrẽ iritamudoregu, ãrĩñurã.

¹⁷ Irasirirã ããrĩpererogue Judea nikũ marã, iri nikũ tũro marãde Jesús ĩgũrẽ masũdea kerere péperekõãñurã.

Juan masakare wãĩyerimasũ ĩgũ buerire tũyarãrẽ Jesús purogue iriudea (Mt 11.2-19)

¹⁸ Juan masakare wãĩyerimasũ peresugue ããrĩripoe ĩgũ buerire tũyarã ããrĩpereri Jesús irideare ĩgũrẽ wererã waañurã. Juan irire pégu, ĩgũsã merãmarã pẽrãrẽ siiu:

¹⁹ —Jesũre ãsũ ãrĩ sẽrẽñarã waaka! “¿Mũta ããrĩrĩ Cristo guare taugu aaribu iriayupũ, ĩgũsã ãrĩdi, o gajigũre yũrãkuri guã?” ãrĩ sẽrẽñarã waaka! ãrĩ iriuyupũ. ²⁰ Irasirirã, Jesús purũ ejarã, ĩgũrẽ ãrĩñurã:

—Juan masakare wãĩyerimasũ guare murẽ ãsũ ãrĩ sẽrẽñadoreami: “¿Mũta ããrĩrĩ Cristo guare taugu aaribu iriayupũ, ĩgũsã ãrĩdi, o gajigũre yũrãkuri guã?”

²¹ Īgũsã ejaripoere Jesús wãrã pũrĩrikũrãrẽ, wãtẽa ñajãsũnerãrẽ, koye ĩãmerãdere taugu iriayupũ. ²² Irasirigu Jesús ãsũ ãrĩ yũjuyupũ Juan iriuanerãrẽ:

—Musã ĩãrĩrẽ, musã pẽrĩre, Juãrẽ wererã waaka! Koye ĩãbiranerã õãrõ ĩãma. Waa-masĩbiranerã waamasĩakõãma. Kãmi boanerã yariperekõãsũama. Gãmipũ pẽbiranerã pẽakõãma. Boanerãde masãkõãma. Boporã, Marĩpurũ masakare tauri kerere weremakũ pẽma. ²³ “Yũre bũremurĩrẽ piribi, usũyari opagũkumi”, ãrĩ wererã waaka Juãrẽ! ãrĩyupũ Jesús.

²⁴ Īgũsã waadero purũ, Jesús Juãyamarẽ masakare ãsũ ãrĩ werenũgãyupũ:

—Musã masaka marĩrõgue Juãrẽ ĩãrã waarã, gũigũre gũñaturabire ĩãrã waarã meta irikuyo. Īgũ turabi, mirũ táborere wẽjãpubéorosũ ããrĩbemi. ²⁵ Irasũ ããrĩmakũ, musã ĩgũrẽ irogue ĩãrã waarã, õãrĩ surĩ sãñagũrẽ ĩãrã waarã meta irikuyo. Oãrĩ surĩ sãñarãno oparãya wiirigue ããrĩkuma. Juan ĩgũsã irirosũ ããrĩbemi. ²⁶ Musã irogue ĩgũrẽ ĩãrã waarã, Marĩpurũya kerere weredupiyurimasũrẽ ĩãrã waarã iriyo. Musãrẽ werea. Juan diayeta Marĩpurũya kerere weredupiyunerã nemorõ ããrĩmi. ²⁷ Marĩpurũya werenĩrĩ gojadea pũgue gojasũdero ããrĩbũ Juan iriburire. Irasirigu Marĩpu ĩgũ magũrẽ ãsũ ãrĩdi ããrĩmi:

Mu waaburo dupiyuro yaa kerere weredupiyubure iriugura, mu waaburore amuyudoregu, ari gojasuidero aaribu.*

28 'Musare werea. Juan aariburi dupiyuro neo sugu igu nemoro yaamarē masigu maridi aarimi. Irasu aarikerepuru, sugu Maripu umugasigue aarigayagu gapu Juan nemoro yaamarē masigu aarigakumi. Aariperera nemoro ubu aarigu aarikeregu, masigu aarigakumi, ariyupu Jesus.

29 Igu irasu aririre pera, aariperera masaka, romano mara opare niyeru wajaseabosarimasade Juan waiyesunerā aarisia: “Maripu diayeta irigu aarimi”, ari masinura. 30 Fariseo bumarā, Moisés gojadeare buerimasā gapu Juare waiyedorebirinerā aarisia, Maripu igusare iridarire gaamebiriura. 31 Irasirigu marī Opu Jesus asu arinemoypu:

—Masaka dapagora marā, zneemarano irirosu aariri? 32 Majira makā deogue igusa meramarā merā bira gaguini doanira irirosu aarima. Asu ari gaguina: “Gua tēdiru purimakū, bayabirabu. Bajawereri merā gua bayamakū, orebirabu”, ari. 33 Juan masakare waiyerimasu pa baabirimakū, igui deko pamudeare iiribirimakū iara, igure: “Wati najasudi aarimi i”, aribu musa. 34 Puru yu aariperera tigu baa, iirimakū iara: “Baapagu, iiripagu aarimi”, aribu. “Romano marā opare niyeru wajaseabosarimasā meramu, nerō irira meramu aarimi”, aribu musa yare. 35 Musā yaamarē, Juayamarē masibirikeremakū, guare masira gapu: “Diayeta Maripu iriunerā aarima”, ari masima, ariyupu Jesus.

Jesús, fariseo buma Simón waikguya wiigue ejadea

36 Igu irasu aradero puru, sugu fariseo buma Jesure iguya wiigue baadoregu siuayupu. Irasirigu Jesus iguya wiigue waa, eja, baari peoro puro eja, doayupu. 37 Sugo nomeo iri makamo, nerō iririmaso, Jesus fariseoya wiigue baagu ejadea kerere pé, iroque waayupo. Suru borewariru “alabastro” waikei utaye merā iridirure oaro sarori opadirure aiayupo. 38 Aia, Jesus purupu gapu ejanugaia, igo nerō irideare buro bajawereri merā gūna, ore, Jesus puro meedoaja, iguya guburi wekare igoya kódeko meébejamakū ia, igoya poanapu merā túkoe bojoyupo. Túkoe bojo, buremurī merā iguya guburire mimi, igo sarori aiadea merā iguya guburire pípeoyupo. 39 Igo irasirimakū iagu, fariseo buma Jesure baadoregu siuadi igu basi gūnayupu: “Igo iguya guburire moañagō nerō iririmaso aarimo. Ii diayeta Maripuya kerere weregu aarigu, irire masiabukumi”, ari gūnayupu.

40 Jesus igu gūnarire iamasi, igure ariyupu:

—Simón, yu mare gajino weredukoa, ariyupu.

—Buegu, wereka yare! ariyupu Simón.

41 Igu irasu arimakū pegu, Jesus i keori merā wereyupu igure:

—Sugu masakare niyeru wayurimasu aarikumi. Pera uma wajamokuma igure. Sugu wari niyeru koeri quinientos moarinri wajataropa wajamokumi. Gajigu meri koeriga cincuenta moarinri wajataropa wajamokumi. 42 Igu pēra, igusa wajamorire wajari iri opabirimakū iagu, niyeru wayudi igusare peraguereta: “Tropata, musa wajamorī pereburo. Irire katigukoa”, arikumi. Irasirimakū, zni gapu niyeru wayudire buro maikuri? waro wajamodi, o mērogā wajamodi gapu, ariyupu Jesus.

43 Simón yajuyupu:

—Waro wajamodi gapu buro maibukumi, ariyupu.

—Diayeta yajua mu, ariyupu Jesus igure.

44 Irasu ari odo, Jesus nomeore ia, Simore ariyupu:

—Zigo yare iriadeare iari mu? Muya wiigue yu najajamakū, mu yare yaa guburi koeburire deko sibirabu. Igo gapu yaa guburire igoya kódeko merā koe, igoya poanapu merā túkoe bojoamo. 45 Yu oadoremakū, mu yare bokatiri paba, mimibirabu. Igo gapu yu najajadero purugue yaa guburire mimiadeo neō mimiduúbemo. 46 Mu gapu yaa dipurure

uye òãrĩ sãrõrĩ merã pípeobirabu. Igo gapu yaa guburire sãrõrĩ pípeoamo. ⁴⁷ Irasirigu Simón, yu mure werea. Igo ñerõ iridea wãri ããrĩkeremakũ, yu irire kãtia. Yu irasirimakũ, yure buro maĩmo. Gajigu gapu, yu ìgũ ñerõ irideare kãtimakũ: “Yu mérõgãta ñerõ irideare opãa”, ãrĩ gũñasĩã, yure sirũta maĩmi, ãrĩyupu Jesús.

⁴⁸ Ìgũrẽ irasũ ãrĩ odo, nomeõrẽ ãsũ ãrĩyupu:

—Mu ñerõ irideare kãtia yu, ãrĩyupu.

⁴⁹ Ìgũ irasũ ãrĩmakũ pãrã, gajirã masaka iri wiigüe ìgũ merã baadoregu siuanerã ãsũ ãrĩ gãme werenĩnurã:

—¿Ñeémuno masakũ ããrĩrĩ ñĩ, irasũ ñerõ irideare kãtigu? ãrĩnurã.

⁵⁰ Jesús gapu nomeõrẽ ãrĩyupu doja:

—Yure buremusĩã, perebiri peamegue waabodeo tausũsĩãa. Irasirigo òãrõ siñajãrĩ merã waaka! ãrĩyupu.

8

Nome Jesúre iritamudea

¹ Pũru Jesús paga makãrĩ marãrẽ, mutã makãrĩgã marãdere Marĩpu ìgũyarãrẽ doreri kerere weregorenagũ waayupu. Ìgũ buerã pe mojõma pere su gubu peru pẽrẽbejarã ìgũ merã waañurã. ² Nomede ìgũ merã waañurã. Pũrĩrikurã ããrĩnerã Jesús taunerã nome ããrĩnurã. Gajirã nome, wãtãa ñajãnerãrẽ Jesús béowiusũnerã ããrĩnurã. Sugo María Magdalena wãikũgo ããrĩyupo. Igo su mojõma pere gaji mojõ peru pẽrẽbejarã wãtããrẽ Jesús béowiusũdeo ããrĩyupo. ³ Gajigo Juana wãikũgo, Cuza wãikũgu marãpo ããrĩyupo. Cuza Herodeya wiigüe moãboerimasã opu ããrĩyupu. Gajigo Susana wãikũgo ããrĩyupo. Gajirã nomede wãrã Jesús merã waañurã ìgũ buerire pãduarã. Ìgũsã nome, ìgũsã opari merã Jesúre, ìgũ buerãdere iritamuñurã.

Jesús oterimasã keori merã buedea

(Mt 13.1-9; Mr 4.1-9)

⁴ Wãrã masaka wãri makãrĩ marã Jesús puo ìgũrẽ ìãduarã nerẽñurã. Ìgũsã wãrã nerẽmakũ, Jesús i keori merã ãsũ ãrĩ bueyupu ìgũsãrẽ:

⁵ —Sugu oterimasã ìgũya oteri yerire meésirigu waakumi. Ìgũ meésiriwãgãmakũ, gaji yeri maague yurikoa. Masaka iri maague waarã, iro yuriadea yerire kũramutũkõãkuma. Mirãde iri yerire boka, baapeokõãkuma. ⁶ Gaji yeri ãtãyerikũrogue yurikoa. Iri yeri puriadikoa. Puriadi, deko marĩmakũ ñãĩ, boakõãkoa. ⁷ Gaji yeri pora watopague yurikoa. Pora gapu puritarimurã, oteri gapure wẽjẽkõãkoa. ⁸ Gaji yeri òãrĩ nikũgue yurikoa. Iri yeri òãrõ puri, wãri dukakũkoa. Su dupañu cien yerigora dukakũkoa, ãrĩyupu.

Iri keori merã were odo, ìgũsãrẽ turaro merã ãsũ ãrĩyupu doja:

—Musã gãmipũrĩ oparã, yu wererire pãduripĩka! ãrĩyupu Jesús masakare.

Jesús buerã ìgũrẽ: “¿Nasirigu keori merã bueri?” ãrĩ sãrẽñadea

(Mt 13.10-17; Mr 4.10-12)

⁹ Pũru ìgũ buerã ìgũrẽ sãrẽñañurã:

—¿Naásũ ãrĩduaro iriari, guare mu wereadea? ãrĩñurã. ¹⁰ Jesús ìgũsãrẽ yujuyupu:

—Marĩpu ìgũyarãrẽ doregu ããrĩrĩrẽ iripoegue masĩbirideare dapagorare musãrẽ masĩmakũ yãmi. Gajirã gapure keori merã dita buea. Irasirirã ìgũsã Marĩpu iririre ìãkererã, ìãmasĩbirikuma. Ìgũyare pãkererã, pãmasĩbirikuma.

Jesús oterimasã keori merã ìgũ bueadeare: “Ãsũ ãrĩduaro yãa”, ãrĩ weredea

(Mt 13.18-23; Mr 4.13-20)

¹¹ Yu iri keori merã bueadea ãsũ ãrĩduaro yãa. Iri oteri yeri Marĩpuya werenĩrĩ irirosũ ããrã. ¹² Surãyeri masaka Marĩpuya werenĩrĩrẽ pãkererã, pãmasĩbema. Maa buriri maa irirosũ ããrĩma. Ìgũya werenĩrĩrẽ pãdero puu, oteri yeri iri maague yuridea yerire mirã

baapeoderosũ, wātĩ ĩgũsã gũñarĩgue eja, ĩgũsã péadideare ĩmapeokõãmi. ĩgũsã Marĩpũre bũremubiri, tausũbirikõãburo, ãrĩgũ, irasũ yámi. ¹³ Gajirã masaka ũtãyerikũri yeba irirosũ ããrĩma. ĩgũsã Marĩpũya werenĩrĩrẽ ɥsũyari merã pékeremakũ, oteri yeri ũtãyerikũrogue yuriadero pũru, nugũrĩ marĩderosũ ĩgũsãrẽ waáa. Irasirirã yoaweyaripoe bũremuadima. Pũru Marĩpũyare iridũari waja gajirã ĩgũsãrẽ ñerõ irimakũ ĩãrã, mata ĩgũyare pirikõãma. ¹⁴ Gajirã masaka porakũri yeba irirosũ ããrĩma. Marĩpũya werenĩrĩrẽ pékererã, oteri yeri porakũrogue yuriadero pũru, pora gapũ puritarimãrĩa, wẽjẽderosũ, i ũmũmarẽ bũro gũñarikũma. Irasirirã wári oparire gũñataria, ĩgũsã gããmerõ iridũasĩã, Marĩpũya werenĩrĩrẽ kãtima. ¹⁵ Gajirã masaka õãrĩ nikũ irirosũ ããrĩma. Irasirirã Marĩpũya werenĩrĩrẽ õãrõ pérã, péduripĩma. Õãrĩ gũñarĩrẽ oparã, Marĩpũyare iridũarã ããrĩma. Gajirã ĩgũsãrẽ ñerõ irikeremakũ, ĩgũyare piribema. Wári õãrĩ dukakũdiñu irirosũ ããrĩma, ãrĩyupũ.

Jesús sĩagodiru keori merã buedea

(Mt 5.15-16; Mr 4.21-25)

¹⁶ Pũru gajĩ keori merã bueyupũ doja:

—Masaka sĩagodirure sĩagorã, kõmesoro merã muúpĩbirikuma. Kãrĩrõ dokaguedere doobirikuma. Ũmarõ, wii dekogue siukuma. Irasirirã gajirã iri wiire ñajãrã, sĩagodiru ũjũgorore õãrõ ĩã, ñajãkuma. ¹⁷ ããrĩpereri masaka iripoegue masĩbirideare masĩsũrokoa. Masaka ĩãberogue duripĩdeare sĩagoro ããrĩrõgue ĩãmasĩrõ irirosũ masĩsũrokoa. Yayedea irirosũ neõ ããrĩbirikoa.

¹⁸ Irasirirã Marĩpũya werenĩrĩrẽ pérã, õãrõ pémasĩka! Irire õãrõ péduripĩgũnorẽ Marĩpũ wári pémasĩrĩ sĩnemogũkumi. Gajigũ õãrõ pébirikeregũ: “Masĩa yũ”, ãrĩ gũñami. ĩgũ irasũ ãrĩ gũñakeregũ, õãrõ pémasĩbemi. ĩgũ pémasĩadideare ĩmasũgũkumi. Irasirigũ neõ pémasĩbi dujagũkumi pama, ãrĩyupũ Jesús.

Jesús pago, ĩgũ pagupũrã merã ĩgũrẽ ĩãgõ ejadea

(Mt 12.46-50; Mr 3.31-35)

¹⁹ Pũru Jesús pago, ĩgũ pagupũrã merã ĩgũrẽ ĩãgõ ejayupo. Masaka wárã ĩgũ pũrogue ããrĩmakũ, ejamasĩbiriypũ. ²⁰ Irasirigũ sugũ irogue ããrĩgũ Jesúsre wereyupũ:

—Mũpo, mũ pagupũrã merã mũrẽ ĩãdũarã, masaka pũrũpũgue níama, ãrĩyupũ.

²¹ ĩgũ irasũ ãrĩmakũ pégu, Jesús ãsũ ãrĩ yũjũyupũ:

—Marĩpũya werenĩrĩrẽ õãrõ péduripĩrã, ĩgũyare õãrõ iritũyarã, yũpo, yũ pagupũrã irirosũ ããrĩma, ãrĩyupũ.

Jesús mirũ, makũrĩrẽ toemakũ iridea

(Mt 8.23-27; Mr 4.35-41)

²² Sunũ Jesús ditaru tũrogue ããrĩgũ, ĩgũ buerã merã doódirugue mũrĩñajãa, ĩgũsãrẽ:

—Náka, ditaru sipãrẽgue taribujarã! ãrĩyupũ.

—Jáũ, ãrĩ, waakõãñũrã. ²³ Iro taribujagũ, Jesús kãrĩñajãkõãyupũ. Pũru ditaruguerẽ bũro mirũ waayuro. Doódiruguerẽ makũrĩ páñajãa, miũkõãdiyuro. Bũro goero waayuro ĩgũsãrẽ. ²⁴ Irasũ waamakũ ĩãrã, Jesúsre yobeñũrã:

—Gũare buegũ, marĩ mirĩmurã yáa, ãrĩ gaguinĩñũrã.

Ĩgũsã irasũ ãrĩmakũ pégu, Jesús yobe, mirũ, makũrĩrẽ toedoreyupũ. ĩgũ toedoremakũ, mirũ, makũrĩ bũro waadea toedijapereakõãyuro. ²⁵ Pũru ĩgũ buerãrẽ ãrĩyupũ:

—¿Mũsã yũre bũremurĩ opaberi?

Ĩgũsã gapũ gũkanerã ããrĩsĩã, ĩãgũka, ĩgũsã basi gãme sërẽñañũrã:

—¿Ñeémũno masakũ ããrĩrĩ ĩĩ? ĩgũ mirũrẽ, makũrĩrẽ toedoremakũ toedijakõãa, neõ tarinũgãbea ĩgũrẽ, ãrĩñũrã.

Jesús Gadaramurē wātēa ñajānerārē béowiudea
(Mt 8.28-34; Mr 5.1-20)

²⁶ Puru Galilea nikū bokatiūrō, Gadara wāikurogue taribujajañurā. ²⁷ Jesús doódirugue āārādi majānugāmakū, sugu masakū iri makāmū ĩgū puro ejanugāyupu. ĩgū wātēa ñajāsūdero puru yoakōāyuro. Neō surí sãñabi, wiiguere āārībi, masāgoberi watopegue dita āārīgú āārīyupu.

²⁸⁻²⁹ Wātī masakure wári ñeā meémejānayupu. Irasirirā masaka ĩgūrē ñeā, ĩgūya mojōrērē, guburidere kōmedari merā suanadiñurā ĩgūrē biadobomurā. ĩgū gapu ĩgūsā suarikū, tūātanokōāyupu. Irasirigū wātī ĩgūrē masaka marīrōgue waamakū irinayupu.

Jesús wātīrē: “Wirika mu ñajādire!” ārīyupu. Masakū Jesúre ĩāgū, ĩgū puro ñadukupuri merā ejamejā, buro gaguinīyupu:

—Jesús, umugasigue marā Opū āārīpererā nemorō turagu magū, ¿nasiribu yári mu yure? “Yure poyarikūmakū iribirikōāka!” ārī, buro sērēa, ārīyupu.

³⁰ Jesús ĩgūrē sērēñayupu:

—¿Ñeému wāikuri mu? ārīyupu.

—“Legión” wāikua yu, ārī yujuyupu. “Legión”, ārīrō: “wārā”, ārīduaro yāa. Wārā wātēa ñajasūdi āārīsīā, irasū wāikuyupu. ³¹ Wātēa masakugue ñajānerā Jesúre:

—Guare buro ũkūārī gobegue waadobirikōāka! ārī sērēñurā.

³² Iro ũtāūgue wārā yesea āma baarā iriñurā. ĩgūsārē ĩārā, wātēa Jesúre sērēñurā:

—Yeseague guare ñajādoreka!

—Jáu, ĩgūsāguereta ñajārā waaka! ārīyupu. ³³ ĩgū irasū ārīmakū, wātēa masakugue āārānerā wirirā, yeseague ñajāñurā. ĩgūsā ñajāmakū, yesea ũma mirēbuāa, ditarugue meébia dijāa, mirī boapereakōāñurā.

³⁴ Irasū waamakū ĩārā, yeseare korerimasā gukari merā ũmadujāa, ĩgūsāya makā marārē, iri makā turo marādere wererā waañurā. ³⁵ Irire pérā: “¿Naásū waáyuri?” ārī, Jesús puro ĩārā waañurā. Irogue eja, wātēa béowiusūdire bokajañurā. Jesús puro, suríro sãñadi, ōārō pémasīrī merā doayupu. Masaka ĩgūrē ĩārā, buro güiri merā ĩāñurā.

³⁶ Wātēārē béowiumakū ĩānerā irogue ejarārē irire wereñurā.

³⁷ Irire pérā, āārīpererā Gadara nikū marā buro güisīā, Jesúre: “Waaka ōōrē!” ārīñurā. ĩgūsā waadoremakū pégu, Jesús doódirugue marīñajāyupu.

³⁸ ĩgū marīñajāmakū ĩāgū, wātēa béowiusūadi Jesúre:

—Yude mu merā waaduakoa, ārī sērēadiyupu.

Jesús gapu ĩgūrē ārīyupu:

—Yu merā waabirikōāka! ³⁹ Muya wiigugue goedujāaka! Āārīpereri Marīpu murē ōārī iriadeare weregu waaka! ārīyupu.

ĩgū irasū ārīmakū pégu, ĩgūya makāgue waakōāyupu. Irogue eja, Jesús ĩgūrē ōārī iriadeare āārīpererā ĩgūya makā marārē wereyupu.

Jesús Jairo magōrē, gajigo nomeō ĩgūya suríro moāñagōrē taudea
(Mt 9.18-26; Mr 5.21-43)

⁴⁰ Jesús Gadara nikūgue āārīripoe wārā masaka Galilea nikūgue ĩgūrē yūrā iriñurā. Irasirirā, ĩgū taribujajamakū ĩārā, buro usuyari merā bokatiñurā. ⁴¹ Iripoere sugū judío masaka nerērī wii opu Jairo wāikugu Jesús purogue ejayupu. Eja, Jesúsya guburi puro ñadukupuri merā ejamejāja, ĩgūrē: “Yaa wiigugue waaka!” ārī, buro sērēyupu. ⁴² ĩgū magō buro sīrīgō kōmorī purogāgue āārīyupo. Igo sugota āārīyupo. Pe mojōma pere su gubu peru pērēbejari bojori opayupo. Jesús Jairoya wiigugue waamakū, wārā masaka ĩgūrē kñarōgā tuuyañurā.

⁴³ ĩgūsā watopegue sugo nomeō pe mojōma pere su gubu peru pērēbejari bojorigora dí wiriri merā pūrīrikugo āārīyupo. Irasirigo igo opadea niyerure kūririmasārē wajari

peremejākōāyupo. Īgūsā kúrikeremakūta, igo pūrīrikuri neō taribiriyuro. ⁴⁴ Jesús iro waamakū ĩāgō, ĩgū pũrũpũ gapũ waa ejanũgā, ĩgũya suriro yuware moāñayupo. Igo moāñamakūta, igo dí wiririadea tariakōāyuro.

⁴⁵ Irasirigu Jesús sērēñayupũ:

—¿Noā yũre moāñarĩ? ārĩyupũ.

Āārĩpererā: “Gũa neō moāñabea”, ārĩñurā.

Pedro, ĩgũ merāmarā merā:

—Gũare buegũ, ¿nasirigu irasũ ārĩ sērēñarĩ? Masaka wārā kũñarōgā tuuyama mũrē, ārĩñurā.

⁴⁶ Jesús gapũ ĩgūsārē ārĩyupũ:

—Sugo nomeō moāñañumo yũre. Igo moāñamakū, yũ turari merā igo pūrīrikurire tauayo. Irire masĩa yũ, ārĩyupũ.

⁴⁷ ĩgũ irasũ ārĩmakū pégo: “Yũ iriadeare masĩmi”, ārĩ gũña, bũro gũi naradari merā ĩgũ guburi pũro ñadũkupuri merā ejamejāja, āārĩpererā péuro Jesúre: “Yũ mũya surirore moāñamakūta yũ pūrīrikũadea tariakōābũ”, ārĩ weryupo. ⁴⁸ Jesús igore ārĩyupũ:

—Mũ yũre bũremurĩ opáa. Irasirigo mũ pūrīrikurire tausũa. Ũsũyari merā waaka! ārĩyupũ.

⁴⁹ Jesús irasũ ārĩripoe sugũ masakũ Jairoya wii āārādi ejayupũ, Jairore wereru ejagu:

—Mũ magō kōmoakōāmo. Marĩrē buegũre garibonemobirikōāka! ārĩyupũ.

⁵⁰ ĩgũ irasũ ārĩmakū pégu, Jesús Jairore āsũ ārĩyupũ:

—Gũibirikōāka! Bũremurĩ opaka yũre! Mũ magō tarigokumo, ārĩyupũ.

⁵¹ Irasirigu Jairoya wiigũe eja, gajirārē ñajādobiriyupũ. Pedrore, Juārē, ĩgũ tĩgũ Santiagore, boadeo pagusāmarā ditare siiu ñajāyupũ. ⁵² ĩgūsā ñajājaripoere āārĩpererā iri wiigũe āārĩrā bũro orerā iriñurā. Jesús ārĩyupũ ĩgūsārē:

—Orebirikōāka! Majĩgō boabemo. Kārĩgō yámo.

⁵³ ĩgũ irasũ ārĩmakū pérā, oeanerā gapũ ĩgũrē bũriñurā. “Igo boadeare masĩa gũa”, ārĩ gũñañurā. ⁵⁴ Jesús gapũ boadeo pũro ejanũgā, igoya mojōrē ñeā, turaro merā igore āsũ ārĩyupũ:

—Majĩgō, wāgānũgāka!

⁵⁵ ĩgũ irasũ ārĩmakū, igoya yũjupũrā goeyuro. Irasirigo mata wāgādoakōāyupo. Jesús igo pagusāmarārē: “Baari ejoka igore!” ārĩyupũ. ⁵⁶ Igo okamakū ĩārā, igo pagusāmarā gũkatariakōāñurā. Jesús igore ĩgũ masũadeare gajirārē weredorebiriyupũ.

9

Jesús ĩgũ buerārē buedoregũ iriudea (Mt 10.5-15; Mr 6.7-13)

¹ Pũrũ Jesús ĩgũ buerārē pe mojōma pere su gubu peru pērēbejarārē siiu need, ĩgũ turarire sĩyupũ: “Iri turari merā āārĩpererā wātēārē béowiumasĩrākoa. Pūrĩrĩdere tau-masĩrākoa”, ārĩyupũ. ² Irasirigu ĩgūsārē Marĩpũ ĩgũyarārē doreri kerere weredoregũ, pūrīrikurādere taudoregũ āsũ ārĩ iriuyupũ:

³—Waarā, gajinorē neō āābirikōāka! Mũsā tuadire, ajuro, baari, niyeru, gaji surĩ mũsā gorawayuburidere āābirikōāka! ⁴ Makā ejarā, mũsā ejadea wiita āārĩkōāka! Iri makārē waarāgue iri wiire wirika! ⁵ Gaji makā marā masaka mũsārē gāāmebirimakū, iri makārē diayeta tariakōāka! Irasũ tariarā, nikũwera mũsāya guburigue tuadeare mojēbéokōāka! ĩgūsā mũsārē gāāmebiri waja Marĩpũ ĩgūsārē wajamoāburire masĩburo, ārĩrā, irasirika! ārĩyupũ Jesús.

⁶ ĩgũ irasũ ārĩ odoadero pũrũ, waakōāñurā. Irasirirā āārĩpereri makārĩgue Marĩpũ masakare tauri kerere weregorenarā, pūrīrikurādere taugorenarā waañurā.

Juan masakare wāīyerimasā boadea
(Mt 14.1-12; Mr 6.14-29)

⁷ Iripoere Galilea nikū marā op_u Herodes āārīpereri Jesús iriri kerere péyup_u. Gajirā Jesúre masīmerā: “Īgū, Juan masakare wāīyerimasāta boadigue masādi āārīkumi”, ārīñurā. Herodes gap_u irire pégu: “¿Nasiriro irasū waáari?” ārī, b_uro gūñarikuyup_u. ⁸ Gajirā: “Elías iripoegue āārīunadi deyoakumi”, ārīñurā. Gajirā: “Sug_u Marīp_uya kerere weredupiyudi iripoegue āārīunadi masākumi”, ārīñurā. ⁹ Herodes gap_u āsū ārīyup_u: “Y_uta Juārē Īgūya dipurure dititádoreb_u. ¿Niino gap_u āārībukuri iropa wāri werenisūgū?” ārīyup_u. Irasirigu Jesúre b_uro ĩād_udiyup_u.

Jesús cinco mil āmarē baari ejodea
(Mt 14.13-21; Mr 6.30-44; Jn 6.1-14)

¹⁰ Jesús ĩgū buerā buedoreg_u iriunerā goedujajarā, ĩgūsā irideare werepeokōāñurā ĩgūrē. P_ur_u Jesús ĩgūsārē masaka marīrōgue Betsaida wāīk_uri makā t_uroque siuayup_u.

¹¹ ĩgūsā iroque waarī kerere pérā, wārā masaka Jesúre t_uyañurā. Jesús ĩgūsārē ōādore, Marīp_u ĩgūyarārē doreri kerere wereyup_u. Pūrīrikurā ĩgūrē taudorerārē tauyup_u.

¹² Namika āārīmakū, Jesús buerā pe mojōma pere su gubu peru pērēbejarā ĩgū p_uro eja, ĩgūrē ārīñurā:

—Masakare waadoreka! Ōō p_uro āārīrī makārīma wiirigue ĩgūsā kārīrī, baari āmarā waaburo. Ōō marī āārīrōguere neō gajino máa, ārīñurā.

¹³ Jesús gap_u ārīyup_u:

—M_usā ĩgūsārē baari sīka!

Īgūsā y_ujuñurā:

—G_ua pā duparu su mojōma duparuta, waaídere pērāta opáa. Mérōgā baari āārā. Masaka gap_u wārāgora āārīma. Irasirirā g_ua gaji baari wajarirā waamerā ĩgūsārē ejobirikoa, ārīñurā.

¹⁴ Wārā masaka āārīñurā ĩgūsā merā. Ūma ditare keomakū, cinco mil āārīñurā. Irasirigu Jesús ĩgū buerārē ārīyup_u:

—Masaka āārīpererārē boje yebori cincuenta dita dukawa, ĩgūsārē doadoreka! ārīyup_u.

¹⁵ Irasirirā ĩgū buerā ĩgū ārīrōsūta āārīpererā masakare doadoreñurā. ¹⁶ Masaka doapere-makū, Jesús su mojōma pā duparure, pērā waairé āi, ām_ugasigue ĩāmu, Marīp_ure _usuyari sī, irire peayup_u. Pea, ĩgū buerārē masakare gueredoreg_u sīyup_u. ¹⁷ Irasirirā āārīpererā masaka irire baayapiakōāñurā. P_ur_u ĩgūsā baad_uadeare Jesús buerā pe mojōma pere su gubu peru pērēbejari puuirigora seasā _utudoboñurā.

Pedro Jesúre: “M_u Cristo āārā”, ārī weredea
(Mt 16.13-19; Mr 8.27-29; Jn 6.68-69; 12.24-25)

¹⁸ Gajin_u Jesús ĩgū sug_uta Marīp_ure sērēgū iriyup_u. ĩgū buerā ĩgū merā āārīñurā. Irasirigu Jesús ĩgūsārē āsū ārī sērēñayup_u:

—Masaka y_ure, ¿naásū ārī gūñarī? ārīyup_u.

¹⁹ ĩgūsā y_ujuñurā:

—Surāyeri m_urē: “Juan, masakare wāīyerimasū āārīmi”, ārīma. Gajirā: “Elías iripoegue āārīunadi āārīmi”, gajirā: “Sug_u Marīp_uya kerere weredupiyudi iripoegue āārīunadi, masādi āārīmi”, ārīma, ārīñurā.

²⁰ Irasū ārīmakū, Jesús ĩgūsārē sērēñayup_u:

—M_usākoa y_ure, ¿naásū ārī gūñarī? ārīyup_u.

Pedro ārīyup_u ĩgūrē:

—M_u, Marīp_u iriudi, Cristo āārā, ārīyup_u.

Jesús ĩgū boaburire weredea
(Mt 16.20-28; Mr 8.30-9.1; Jn 12.24-25)

²¹ Pedro irasũ ārĩrĩrē pégu, Jesús ĩgũ buerārē buro turaro merā: “Gajirārē ire were-birikōāka!” ārĩyupũ. ²² Irasũ ārĩ odo, āsũ ārĩyupũ doja:

—Yũre āārĩpererā tĩgũrē buro ñerō tariro āārā. Judío masaka mũrā, paía oparā, Moisés gojadeare buerimasā yũre gāāmebirisā, gajirārē yũre wējēdorerākuma. ĩgũsā yũre wējēadero pũrũ, urenũ waaró merā Marĩpũ yũre masũgũkumi, ārĩyupũ.

²³ Pũrũ āārĩpererā masakare ārĩyupũ:

—Yũre tũyadũarāno ĩgũsā iridũarire piriburo. Irasirirā yũre tũyari waja curusague pábiatú, wējēsũmurā irirosũ āārĩkererā, piriro marĩrō yũre tũyanĩkōāburo. ²⁴ I ũmũgue ĩgũsāya okari ditare maĩrāno perebiri peamegue béosũrākuma. Gajirā gapũ yũre tũyari waja, masaka ĩgũsārē wējēkeremakũ, Marĩpũ pũrogoe waarākuma, ĩgũ merā ōārō āārĩnĩmurā. ²⁵ Sugũ masakũ i ũmũmarē āārĩpereri opakeregũ, ĩgũ boari pũrũ waaburi gapũre gũñabiri waja peamegue waagú, ōārĩrē neō wajatabirikumi. ²⁶ Masaka yũre, yaa kerere gũyasĩrĩmakũ, yũde ĩgũsārē gũyasĩrĩgũkoa. Yũ āārĩpererā tĩgũ yũ goesiriri merā, Yũpũ, ĩgũrē wereboerā ōārā goesiriri merā dupaturi aarigũkoa. Irasũ aarigú, yũre gũyasĩrĩnerārē gũyasĩrĩgũkoa. ²⁷ Diayeta mũsārē werea. Surāyeri mũsā ōōgue āārĩrā, mũsā boaburi dupiyuro Marĩpũ ĩgũyarārē doregũ āārĩrĩrē ĩārākoa, ārĩyupũ Jesús.

Jesús ĩgũ deyori gorawayudea

(Mt 17.1-8; Mr 9.2-8)

²⁸ ĩgũ irasũ ārādero pũrũ su mojōma pere gaji mojō urenũ pērēbejarinũrĩ waadero pũrũ, Jesús ũtāũ wekague Marĩpũre sērēgũ waagú, Pedro, Santiago, Juārē siiu mũrĩayupũ.

²⁹ Irogoe Marĩpũre sērēripoe ĩgũya diapu deyori gorawayuakōāyuro. ĩgũya surĩro buro borero kũmijũrĩñe waayuro. ³⁰ Irasũ waaripoe ĩgũ pũro ũma pērā deyoa, ĩgũ merā weretamunĩñurā. ĩgũsā iripoegue marā Moisés, Elías āārĩñurā. ³¹ ĩgũsāde goesiriri merā deyoañurā. Iripoegue: “ĩgũrē āsũ waarokoa”, ārĩderosũta Jerusalēgue ĩgũ boaburire Jesús merā werenĩñurā.

³² Pedrosā buro wũjakũkererā, kārĩrō marĩrō Jesús goesiririre, ĩgũ merā āārĩrārē ĩañurā. ³³ Moisés, Elías Jesús pũro āārānerā waaripoe Pedro ārĩyupũ:

—Gũare buegũ, marĩ ōōgue āārĩmakũ ōātaridũāa. Irasirirā urre wiigā irirāra. Mũya wii, Moiséya wii, Elíya wii irirāra, ārĩyupũ.

ĩgũ irasũ ārĩkeregũta, ĩgũ ārĩrĩrē neō pémasĩbiriyupũ. ³⁴ ĩgũ irasũ ārĩripoe su yebo ĩĩmikāyebo túbiayuro ĩgũsārē. Iri ĩgũsārē túbiamakũ, buro gũĩñurā. ³⁵ Marĩpũ ĩĩmikāyebo poekague āsũ ārĩ werenĩmakũ péñurā:

—Ī yũ magũ, yũ beyedi āārĩmi. ĩgũrē ōārō péka! ārĩyupũ.

³⁶ Marĩpũ werenĩadero pũrũ, Jesús ditare ĩañurā. Pedrosā gapũ Jesús i nikũgue āārĩrĩñurĩrē neō sugũ masakũre ĩgũsā ĩādeare werebiriñurā.

Jesús sugũ majĩgũrē wātĩ ñajāsũdire taudea

(Mt 17.14-21; Mr 9.14-29)

³⁷ Gajinũ gapũ ĩgũsā ũtāũgue āārānerā dijijadero pũrũ, wārā masaka Jesúre bokatĩrĩñurā. ³⁸ Sugũ masakũ ĩgũsā watopegue āārĩgú turaro merā ārĩyupũ:

—Gũare buegũ, yũ mũrē buro sērēa. Yũ magũ sugũta āārĩgũrē bopoñarĩ merā ĩāka!

³⁹ Wātĩ ĩgũrē ñeā, gũñaña marĩrō gaguinĩ, naradamakũ irinami. Irasirigũ majĩgũ ĩgũya disigue sũmu wirisũnami. Wātĩ ĩgũrē buro ñerō tarimakũ irinami. ĩgũrē neō piridũabemi.

⁴⁰ Mũ buerārē wātĩrē buro béowiudoreadabũ. ĩgũsā neō bokatĩũbirama, ārĩyupũ.

⁴¹ Jesús yũjũyupũ:

—Mũsā dapagora marā, yũre bũremurĩ opamerā, diayemarē neō pémasĩmerā āārā. ¿Noópa yoaripoe mũsā merā āārĩgũkuri? ¿Noópa yoaripoe mũsā yũre bũremubirire gũñaturagũkuri? ārĩyupũ. Irasũ ārĩ odo, wātĩ ñajāsũdi pagure:

—Mũ magũrē āĩrika! ārĩyupũ.

⁴² Majīgũ Jesús pũro waa ejanugãmakũ, wãtĩ ĩgũrẽ yebague túmeépikõãyupũ. ĩgũrẽ dupaturi bũro naradamakũ iriyupũ. Jesús gapũ wãtĩrẽ: “Majīgũrẽ wirika!” ãrĩ, tauyupũ. Irasiri odo, ĩgũrẽ pagũre wiayupũ. ⁴³ Masaka ããrĩpererã Marĩpũ wãri turari merã iririre ĩãrã, ĩãgukakõãñurã.

Jesús dupaturi ĩgũ boaburire weredea
(Mt 17.22-23; Mr 9.30-32)

Ĩgũsã ããrĩpererã Jesús iriadeare: “Õãtaria”, ãrĩ gũñaripoeta Jesús ĩgũ buerãrẽ ãrĩyupũ:

⁴⁴ —Yũ musãrẽ wererire õãrõ péduripĩka! Kãtibirikõãka! Masaka yũre ããrĩpererã tĩgũrẽ ñeã, gajirãguere wiarãkuma, ãrĩyupũ.

⁴⁵ ĩgũsã gapũ ĩgũ irasũ ãrĩrĩrẽ õãrõ pémasĩbiriñurã. Marĩpũ ĩgũsãrẽ irire pémasĩmakũ iribiriyupũ dapa. Irasirirã Jesúre gũirã: “¿Naásũ ãrĩduagũ iriari, mũ irasũ ãrĩgũ?” ãrĩ sãrẽñabiriñurã.

Jesús sugũ gajirã nemorõ ããrĩgũyamarẽ weredea
(Mt 18.1-5; Mr 9.33-37; Jn 13.20)

⁴⁶ Pũrũ ĩgũ buerã ãsũ ãrĩ guaseonugãñurã: “Marĩ watopere, ¿noã marĩ ããrĩpererã nemorõ ããrĩrĩ?” ãrĩñurã. ⁴⁷ Jesús ĩgũsã gũñarĩrẽ ĩãmasĩkõãyupũ. Irasirigũ sugũ majīgũrẽ ĩgũ pũro ãñũ, ãrĩyupũ:

⁴⁸ —Sugũ yaagũre, ĩĩ majīgũ irirosũ ããrĩgũrẽ õãrõ bokatĩrĩñeãgũ, yũdere bokatĩrĩñeãmi. Yũre õãrõ bokatĩrĩñeãgũ, yũre iriudidere bokatĩrĩñeãmi. Sugũ musã watopemũ: “Gajirã nemorõ ããrĩbea”, ãrĩ gũñagũ, gajirã nemorõ ããrĩmi, ãrĩyupũ.

Jesús: “Marĩrẽ ĩãturibi, marĩ merãmũ ããrĩmi”, ãrĩ weredea
(Mr 9.38-40)

⁴⁹ Pũrũ Juan Jesúre ãrĩyupũ:

—Gũare buegũ, sugũ masakũ mũ wãĩ merã wãtẽãrẽ: “Wirika musã ñajãdire!” ãrĩ béowiumakũ ĩãbũ. ĩgũ, marĩ merãmũ ããrĩbirimakũ ĩãrã, ĩgũrẽ: “Irire neõ irinemobirikõãka!” ãrãbũ, ãrĩyupũ.

⁵⁰ Jesús gapũ ãrĩyupũ:

—Kãmutabirikõãka ĩgũrẽ! Sugũ marĩrẽ ĩãturibi, marĩ merãmũta ããrĩmi, ãrĩyupũ.

Jesús Santiagore, Juãrẽ weredea

⁵¹ Pũrũ Jesús ãmũgasigue mũrĩaburi dupiyuro ejawãgãrĩripoe: “Jerusalẽgue waagũra”, ãrĩyupũ. ⁵² ĩgũ waaburi dupiyuro gajirãrẽ Samaria nikũgue ããrĩrĩ makãgue ĩgũ kãrĩburore ãmayudoregũ iriuyupũ.

⁵³ Samaria marã gapũ judío masaka merã gãmesũribirisĩã, Jesús Jerusalẽgue waaburire pérã, ĩgũrẽ bokatĩrĩñeãdũabiriñurã. ⁵⁴ Jesús buerã Santiago, Juan Samaria marã ĩgũrẽ bokatĩrĩñeãdũabirimakũ ĩãrã, ãsũ ãrĩñurã:

—Gũa Opũ, ¿iripoegue Elías Marĩpũya kerere weredupiyudi iriderosũ, ãmũgasima peamerẽ diju, ĩgũsãrẽ wẽjẽdoremakũ gããmekuri? ãrĩñurã.

⁵⁵ ĩgũsã irasũ ãrĩmakũ pé, Jesús ĩgũsãrẽ gãmenugã, ĩã, ãrĩyupũ:

—Irasũ ãrĩbirikõãka! Musãrẽ irasũ werenĩmakũ irigure masĩbea. Musã werenĩrĩ Õãgũ deyomarĩgũ wereri ããrĩbea. ⁵⁶ Yũ ããrĩpererã tĩgũ masakare béogũ aaribiribũ. ĩgũsãrẽ taugũ aarigũ iribũ, ãrĩyupũ. Irasũ ãrĩ odo, gajĩ makãgue waakõãyupũ doja.

Gajirã Jesúre: “Mũrẽ tũyadũakoa”, ãrĩdea
(Mt 8.19-22)

⁵⁷ ĩgũsã maague waamakũ, sugũ masakũ ĩgũsã pũro eja, Jesúre ãrĩyupũ:

—Yũ Opũ, mũ noó waaró mũrẽ tũyagũra, ãrĩyupũ.

⁵⁸ Jesús ĩgũrẽ yũjũyupũ:

—Makānūu marā diayéa ĩgūsā kārĩrĩ toreri opama. Mirāde ĩgūsā kārĩrõ opama. Yũ āārĩpererā tĩgũ gapũ kārĩrõ opabea, ārĩyupũ.

⁵⁹ Pũũ Jesús gajigũre ārĩyupũ:

—Náka, yũ merā!

Ĩgũ gapũ yũjũyupũ:

—Yũ Opũ, yũũ boamakũ ĩgũrē yáa odo, mũrē tũyagũra, ārĩyupũ.

⁶⁰ Jesús ĩgũrē yũjũyupũ:

—Yũre bũremumerā, boanerā irirosũ āārĩrāta boanerārē yáaburo. Mũ gapũ Marĩpu ĩgũyarārē doreri kerere weregũ aarika! ārĩyupũ.

⁶¹ Gajigũ Jesúre ārĩyupũ:

—Yũ Opũ, mũrē tũyagũra. Yũ mũrē tũyaburi dupiyuro yaa wii marārē seretugu waadũakoa dapa, ārĩyupũ.

⁶² Jesús ĩgũrē ārĩyupũ:

—Sugũ masakũ moānũgāgũ waadi, moāduabi gāmenũgādujáagu, moābirikumi. Marĩpu dorerire iritũyanũgāgũ, ĩgũ gāāmerĩrē piribi, gāmenũgādujáagu irirosũ āārĩkumi. Irasirigũ Marĩpũyare õārõ iritũyabirikumi, ārĩyupũ.

10

Jesús setenta y dos ĩgũ buerārē iriudea

¹ Pũũ marĩ Opũ Jesús gajirā setenta y dos ũmarē beye, pērā dita dukawa, ĩgūsārē āārĩpereri ĩgũ waaburi makārĩguere ² āsũ ārĩ iriuyupũ:

—Wārā masaka Marĩpũyare neõ pémerā, poeegue oteri dũka bũribejadea irirosũ āārĩma. ĩgūsārē Marĩpũyare weremurā gapũ, iri pooere moārĩmasā irirosũ mérāgā āārĩma. Irasirirā marĩ Opũre: “Gajirā mũyare weremurārē iriuka!” ārĩ sērēka! ³ Mũsāde Marĩpũyare wererā waaka! Oveja majĩrārē makānūu marā diayéa watopegue iriurosũ yũ mũsārē ñerā āārĩrõguere iriua, Marĩpũyare weredoregũ. ⁴ Mũsāya ajuri, niyeru āābirikõāka! Gubu surĩ, mũsā sāñarĩ merā dita waaka! Maague masakare bokajarā, õādore yoaripoe weretamunĩbirikõāka!

⁵ ‘Su wiino ñajārā, iri wii marārē: “Marĩpu mũsārē siñajārĩ sĩburo”, ārĩ õādorepũrorika!

⁶ Iri wii marā Marĩpu siñajārĩ sĩrĩrē opadũarā mũsārē õārõ bokatĩrĩñeārā, Marĩpu siñajārĩ sĩrĩ merā õārõ āārĩrikũrākuma. Mũsārē gāamemerā, i siñajārĩ merā āārĩbirikuma. ⁷ Mũsā ejadea wiita dujaka! Iri wii marā mũsārē ejorire baa, iirĩka! Sugũ moārĩmasũ ĩgũ moārĩ waja keoro wajatakumi. Mũsā Marĩpũyare buerā, moārĩmasā irirosũ āārā. Mũsārē iri wii marā ejori, mũsā ĩgūsārē Marĩpũyare bueri waja āārā. Irasirirā gaji wiirigue āārĩgorenabirikõāka! ⁸ Mũsā su makāgue ejarā, iro marā mũsārē õārõ bokatĩrĩñeā, ĩgūsā baari ejomakũ, õārõ baaka! ⁹ Iri makā marā pũrĩrikũrārē tauka! Āsũ ārĩ wereka: “Mérõ dũyáa, Marĩpu doreri mũsā pũroque aariburo”, ārĩka!

¹⁰ ‘Gaji makāgue mũsā ejamakũ, iro marā mũsārē bokatĩrĩñeābirimakũ, wiriwāgārā, āsũ ārĩka ĩgūsārē: ¹¹ “Mũsāya makāma nikũwera gũaya guburire tuadeare mojēbéoa. Mũsā gũare gāāmebiri waja Marĩpu mũsārē wajamoāburire masĩmakũ irirā, irasũ yáa. Ire õārõ pémasĩka! Mũsā gũare gāāmebirikeremakũ, mérõ dũyáa, Marĩpu doreri aariburo”, ārĩka ĩgūsārē! ¹² Mũsārē werea. Marĩpu āārĩpererā ñerārē wajamoārĩnũ ejamakũ, mũsārē gāāmebirinerārē Sodoma marārē wajamoārõ nemorõ wajamoāgũkumi, ārĩyupũ Jesús.

Jesús makārĩ marārē ĩgūsā ĩgũrē bũremubirire weredea (Mt 11.20-24)

¹³ Pũũ Jesús gaji makārĩ marārē āsũ ārĩyupũ:

—Mũsā Corazín marā, Betsaida marāde ñerõ tarirākoa. Iripoegue marā Tiro, Sidón marā, mũsā ĩũrõ Marĩpu ĩgũ turari merā iri ĩmurõsũ iri ĩmumakũ ĩārā, ĩgūsā ñerõ irideare piribonerā āārĩmā. ĩgūsā ñerõ irideare bũro bũjawererire ĩmurā, bũjawereri surĩ sāña,

nitikurogue doabonerã ããrĩmá. Īgũsã ñerõ irideare piri, õãrĩ gapure iribonerã ããrĩmá. Mũsã gapũ Marĩpũ turari merã iri ĩmurĩrẽ ĩãkererã, mũsã ñerõ iririre neõ piribea. ¹⁴ Irasirigũ mũsãrẽ werea. Marĩpũ ĩgũ ããrĩpererã ñerãrẽ wajamoãrĩnũ ejamakũ, Tiro, Sidón marãrẽ wajamoãrõ nemorõ mũsãrẽ wajamoãgũkumi. ¹⁵ Mũsã Capernaum marã: “Ūmũgasigue mũrĩãrãkoa”, ãrĩ gũñadãa. Iroguere neõ waabirikoã. Boanerã ããrĩrõgue béodijusũrãkoa, ãrĩyupũ.

¹⁶ Irasũ ãrĩ odo, ĩgũ buerãrẽ ãrĩyupũ:

—Mũsã wererire péduripírãno yũ wereridere péduripĩma. Mũsãrẽ gããmemerãno yũdere gããmebema. Yũre gããmemerãno yũre iriudidere gããmebema, ãrĩyupũ.

Jesús setenta y dos iriunerã goedea

¹⁷ Pũrũ Jesús setenta y dos iriunerã bũro mũsũyari merã goejañurã:

—Gũa Opũ, wãtẽãrẽ mũ dorero merã, mũ wãĩ merã gũa béowiumakũ, õãrõ yũjũama, ãrĩñurã.

¹⁸ Jesús ãrĩyupũ ĩgũsãrẽ:

—Bupu miãrõ irirosũ wãtẽa opũ Satanás ũmũgasigue ããrãdi, yurimadijarimakũ ĩãbũ.

¹⁹ Õãrõ péka! Yũ mũsãrẽ turari sĩbũ, ãñarẽ, korebabare kũrapeo, ããrĩpereri wãtĩ turaridere neõ ñerõ irisũrõ marĩrõ tarinũgãburo, ãrĩgũ. ²⁰ Mũsã wãtẽãrẽ wiridoremakũ ĩgũsã õãrõ yũjũadeare mũsũyabirikõãka! Mũsã Marĩpũyarã ããrĩmakũ, ũmũgasigue mũsã wãĩ gojatúsũdero ããrĩbũ. Iri gapure mũsũyaka! ãrĩyupũ.

Jesús ĩgũ Pagũre mũsũyari sĩdea

(Mt 11.25-27; 13.16-17)

²¹ ĩgũ irasũ ãrĩripoe Õãgũ deyomarĩgũ Jesũre bũro mũsũyamakũ iriyupũ. Irasirigũ Jesús ĩgũ Pagũre ãsũ ãrĩyupũ:

—Aũ, yũ mũrẽ: “Õãtaria mũ”, ãrĩ, mũsũyari sĩa. Mũ ũmũgasi marã, i nikũ marã Opũ ããrã. Irasirigũ: “Masĩtarinũgãrã, ããrĩpererire pémasĩa”, ãrĩ gũñãrãrẽ mũyare masĩmakũ iribea. Majĩrã irirosũ mũrẽ bũremurã gapure mũyare masĩmakũ yãa. Aũ, irasũta ããrã. Mũ gããmederosũta mũsũyari merã irasũ yãa, ãrĩyupũ.

²² Pũrũ masakare ãrĩyupũ:

—Yũpũ yũre ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrere masĩbemi. Yũpũ dita masĩmi. Neõ sugũ masakũ Yũpũ ããrĩrikũrere masĩbemi. Yũ dita masĩa. Yũ ĩgũrẽ masĩdorerãde ĩgũrẽ masĩma, ãrĩyupũ.

²³ Irasũ ãrĩ odo, ĩgũ buerãrẽ ĩã, ĩgũsã ditare ãsũ ãrĩyupũ:

—Mũsãya koye merã yũre ĩãa. Irasirirã mũsũyãa. ²⁴ Mũsãrẽ werea. Wãrã iripoegue marã Marĩpũya kerere weredupiyunerã, irasũ ããrĩmakũ oparã iripoegue ããrĩnerã mũsã dapagora ĩãrĩrẽ ĩãdũanerã ããrãdima. Irire ĩãdũakererã, ĩãbirinerã ããrĩmá. Mũsã dapagora périre pédũakererã, pébirinerã ããrĩmá, ãrĩyupũ.

Jesús õãgũ Samariamũ keori merã weredeã

²⁵ Pũrũ sugũ Moisés gojadeare buerimasũ Jesũre diaye yũjũbirimakũ iridũagu wãgãnũgã, ĩgũrẽ ãsũ ãrĩ sêrẽñayupũ:

—Buegũ, ¿ñeonorẽ yũre iriro gããmerĩ, ũmũgasigue perebiri okari opabu? ãrĩyupũ.

²⁶ Jesús ĩgũrẽ yũjũyupũ:

—¿Naásũ ãrĩ gojasũyuri, Moisés gojadeã pũgue? Mũ irire buegũ, ¿naásũ péñarĩ? ãrĩyupũ.

²⁷ Moisés gojadeare buerimasũ ĩgũrẽ yũjũyupũ:

—Ãsũ ãrĩ gojasũdero ããrĩbũ: “Marĩpũ mũ Opũre bũro maĩka! Mũya yũjũpũrã merã, mũ ããrĩrikũri merã, mũ turari, ããrĩpereri mũya gũñãrĩ merã ĩgũrẽ maĩka! Mũ basi maĩrõsũta mũ pũro ããrĩãdere maĩka!” ãrĩ gojasũdero ããrĩbũ, ãrĩyupũ.

²⁸ Irire pégu, Jesús ĩgũrẽ ãrĩyupũ:

—Diyeta yũjũma mũ. Irire irigũ, ũmũgasigue perebiri okarire opagũkoa, ãrĩyupũ.

²⁹ Moisés gojadeare buerimasū gapu masaka igūrē: “Ōāgū āārīmi”, ārī gūñamakū gāāmegū, Jesúre sērēñayupu doja:

—¿Noā āārīrī, yu puro āārīrā? ārīyupu.

³⁰ Igū irasū ārīmakū pégu, Jesús keori merā wereyupu igūrē:

—Sugu masaku Jerusalégue āārādi Jericó waarí maague buáakumi. Igū irogue buáamakū, yajarimasā igūrē bokatīrī, ñeā, igū opadea āārīpererire emapeo, igūya surídere túwea, āi, igūrē buro pá, kāmítú, waakōākuma. ³¹ Igūsā irasū iriadero puru, sugu paí iri maarē waakumi. Igūrē iākeregu, yoarogue iātariakōākumi. ³² Igū puru, gajigu Levíya bumu iri maarē waakumi. Igūde igūrē iākeregu, yoarogue iātariakōākumi. ³³ Puru sugu Samariamu iri maarē waakumi. Igūrē iāboka, buro bopoñarī merā igūrē iākumi. ³⁴ Irasirigu igū puro waa ejanugā, igūya kāmīrē uye, igui deko pāmudea merā pípeo, surí gasiri merā ōmakumi. Ōma odo, igūyagu burro wekague āiṗeo, igūrē āiākōākumi. Āia, su wii naarīmasā kārīrī wiigüe eja, irogue igūrē korekumi dapa. ³⁵ Gajinu gapu igūya niyeru penu moā wajataropa iri wii opure sīkumi. “Ōārō koreka iirē!” ārīkumi. “Dupaturi aarigú, mūrē wajarinemogura iirē koreri waja”, ārīkumi, ārīyupu Jesús. ³⁶ Irire were odo, Moisés gojadeare buerimasūrē sērēñayupu:

—¿Naásū gūñarī mu irire pégu? ¿Níino gapu iisā urerā watopemu yajarimasā pádire igū puro āārīgūrē irirosū ōārō iriyuri? ārīyupu.

³⁷ Moisés gojadeare buerimasū yujuyupu:

—Igūrē bopoñarī merā iā iritamudi gapu, ārīyupu.

Igū irasū ārīmakū, Jesús igūrē ārīyupu:

—Mude i bopoñarī merā iādi iriderosūta gajirārē irigu waaka! ārīyupu.

Jesús Marta, Maríaya wiigüe ejadea

³⁸ Puru Jesús igū buerā merā waa, su makāgue ejayupu. Iri makāguere sugo Marta wāikugo igūrē bokatīrīñeā, igoya wiigüe ñajādoreyupo. ³⁹ Jesús iri wiigüe ñajājamakū, Marta pagamo María wāikugo igūya guburi puro eja doayupo igū werenírīrē péduago. ⁴⁰ Marta gapu āārīpereri igo moārīrē buro gūñarikuyupo. Irasirigo igo pagamo Jesúsya guburi puro doamakū iāgō, igū puro waa, igūrē ārīyupo:

—Gua Opu, yu sugota āārīpererire moāgō irikōādāa. ¿Mu iāberi, yu pagamo yure neō iritamubirimakū? Iгоре iritamudoreka yure! ārīyupo.

⁴¹ Igo irasū ārīmakū pégu, Jesús yujuyupu:

—Marta, mu wári gajino moārīrē gūñarikua. ⁴² Su wāirēta iriro gāamea marīrē. María i ōārīrē beyemo. Irasirirā, yu werenírīrē igo péduamakū, gajirā neō igure irire pirimakū iribirikuma, ārīyupu.

11

Jesús Marīpure sērērīrē buedea

(Mt 6.9-15; 7.7-11)

¹ Sunu Jesús gajirogue Marīpure sērēgū iriyupu. Igū sērē odomakū, sugu igū buegu ārīyupu igūrē:

—Gua Opu, Juan masakare wāiyerimasū igū buerārē Marīpure sērērīrē buederosū guadere bueka! ārīyupu.

² Jesús Igūsārē ārīyupu:

—Marīpure sērērā, āsū ārīka:

“Gua pu umugasigue āārīgú, āārīpererā mūrē goepeyari merā buremuburo. Mu āārīpererārē doreri aariburo. Umugasigue marā mu gāamerō irirosūta i nikū marāde iriburo.

³ Umuriku guare baari sīka!

4 Gajirã guare ñerõ irideare gua kãtirosũta mude gua ñerõ irideare kãtika! Gua ñerõ iridũamakũ kãmutaka!

Ñegũ guare ñerĩ ãrĩmesãrĩrẽ tau kãmutaka!” ãrĩka Marĩpũre sërẽrã! ãrĩyupũ Jesús.

5 Irasũ ãrĩ odo, keori merã wereyupũ ìgũsãrẽ:

—Yũ ire weremakũ pérã, ¿naásũ gũñarĩ mũsã? Ñami deko ããrĩmakũ, sugũ masaku ìgũ merãmũya wiigüe waa, ìgũrẽ ãsũ ãrĩ sërẽkumi: “Yũ merãmũ, Ʃreru pã duparu sĩka yũre! 6 Gajigũ yũ merãmũ yaa wiigüe naagũ ejáami. Yũ ìgũrẽ gajino mérõ ejorino neõ opabirakubũ. Irasirigũ murẽ sërẽgũ aarabũ”, ãrĩkumi. 7 ìgũ irasũ ãrĩmakũ pékeregũ, wii poekague ããrĩgũ gapũ ãsũ ãrĩ yũjukumi: “Yũre garibobirikõãka! Makãpũrore õãrõ biakõãsiabũ. Yũ pũrã yũ merã kãrĩrãgüe yáma. Wãgãnũgã, murẽ sīgũ waasubirikoa”, ãrĩkumi ìgũrẽ. 8 Ire mũsãrẽ werea. ìgũ merãmũ ããrĩkeremakũ, ìgũrẽ sĩbirikumi. Sĩbirikeregũ, ìgũrẽ piriro marĩrõ sërẽmakũ ìã, ìgũrẽ: “Garibonemobirikõãburo”, ãrĩgũ, ããrĩpereri ìgũ gããmerĩrẽ sĩkõãkumi pama. 9 Irasirigũ mũsãrẽ werea. Marĩpũre sërẽka! Mũsã sërẽmakũ, sīgũkumi. Õãrĩrẽ ãmarã, bokarãkoa. Wiigüe ñajãduarã oemakũ, Marĩpũ makãpũro tũpã ñajãdoregũ irirosũ mũsã sërẽrĩrẽ pégũkumi. 10 ìgũrẽ sërẽãnorẽ sīgũkumi. ãmarãno bokarãkuma. Wiigüe ñajãduarã oerã irirosũ ìgũrẽ sërẽmakũ ìãgũ, ìgũsãrẽ ñajãdoregũ irirosũ ìgũsã sërẽrĩrẽ õãrõ pégũkumi. 11 Mũsã pũrã pãrẽ sërẽmakũ, Ʃtãyere sĩbirikoa. Waaĩ sërẽmakũdere ãñarẽ sĩbirikoa. 12 ãgãbo diu sërẽmakũ, korebabare sĩbirikoa. 13 Ñerã ããrĩkererã, mũsã pũrãrẽ õãrĩrẽ sĩmasĩa. Marĩpũ Ʃmũgasigüe ããrĩgũ gapũ mũsã nemorõ õãrĩrẽ sĩmasĩmi. Irasirigũ Õãgũ deyomarĩgũrẽ sīgũkumi ìgũrẽ sërẽãrẽ, ãrĩyupũ Jesús.

*Jesúre: “Wãtĩ turari opami”, ãrĩ werewũadea
(Mt 12.22-30; Mr 3.20-27)*

14 Pũrũ Jesús wãtĩ masakũre werenĩmasĩbirimakũ irigũre béowiugũ iriyupũ. Wãtĩrẽ béowiumakũ, werenĩbiradi werenĩakõãyupũ. Masaka, ìgũ irasirimakũ ìãrã, ìãgũkakõãñurã.

15 Gajirã gapũ Jesúre ãsũ ãrĩ werewũãñurã:

—Ĩ wãtẽa opũ Beelzebú turaro merã wãtẽãrẽ béowiumi, ãrĩñurã.

16 Gajirãde ìgũrẽ:

—Mũ diayeta turari opagũ, iri turari merã gajino Ʃmũgasimarẽ iri ìmuka! ãrĩñurã.

17 Jesús gapũ ìgũsã gũñarĩrẽ masĩsĩã, ãsũ ãrĩyupũ:

—Su nikũ marã ìgũsã basi dukawari gãmekẽãrã, pereakõãkuma. Su wii marã ìgũsã basi dukawari gãmekẽãrã, pereakõãkuma. 18 Mũsã yũre: “Wãtẽa opũ Beelzebú turari merã wãtẽãrẽ béowiumi”, ãrĩ werewũãã. Yũre ìgũ turari merã wãtẽãrẽ béowiudoregũ, ìgũ basi ìgũyarãrẽ béobukumi. Irasirirã ìgũsã basi dukawari gãmekẽãrã, pereakõãbukuma. 19 Iri irasũ ããrĩmakũ, mũsã buerire tũyarã gapũ wãtẽãrẽ béowiurã, ¿noã turari merã béowiukuri? Mũsã ìgũsãrẽ: “Marĩpũ turari merã wãtẽãrẽ béowiuma”, ãrã. Irasiriro mũsã yũre werewũari diaye ããrĩbea. 20 Yũ gapũ Marĩpũ turari merã wãtẽãrẽ béowiumakũ, Marĩpũ doreri mũsã pũroguere ejasiãã, ãrĩ masĩsũa.

21 ‘Sugũ wii opũ turagũ ããrĩpereri mojõkũgũ, ìgũya wiimarẽ õãrõ koremasĩkumi. Gajirã ìgũ oparire ẽmamasĩbirikuma. 22 “I mojõkũsĩã, yaa wiire õãrõ koremasĩã”, ãrĩ gũñakeremakũ, gajigũ ìgũ nemorõ turagũ gapũ ìgũrẽ tarinũgã, ããrĩpereri ìgũ mojõkũrere ẽmagũkumi. Irasirigũ ìgũ oparire ãĩpeo, ìgũ merãmarãrẽ gueregũkumi. 23 Yũre gããmemerã, yũre ìãturirã ããrĩma. Masakare yũre siiu neeõtamumerã, ìgũsãrẽ waasirimakũ irirã ããrĩma, ãrĩyupũ.

*Jesús, wãtĩ dupaturi masakũguere ñajãrĩmarẽ weredeã
(Mt 12.43-45)*

24 Irasũ ãrĩ odo, gajĩ keori merã ìgũsãrẽ wereyupũ doja:

—Wãtĩ masakũguere ããrãdi wiri, pũrũ deko marĩrõgüe ìgũ siñajãburore ãmagorenagũ waakumi. Irore bokabi, ãsũ ãrĩ gũñakumi: “Yũ wiridi, yaa wii irirosũ ããrĩmĩ. Dupaturi yũ

wiridiguereta goeñajãgura doja”, ãrĩ gũñakumi. ²⁵ Irasirigũ ãgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi. ²⁶ Irasirigũ gajirã wãtẽa su mojõma pere gaji mojõ peru pẽrẽbejarã ãgũ nemorõ ñerãrẽ siiu, ãgũsã ããrĩpererã merã masakũguere ããrĩnikõãkumi. Irasirigũ masakũ ãgũ dupiyuro ããrĩrikũdero nemorõ ñerõ ããrĩkumi, ãrĩyupũ Jesús.

Jesús diayema usũyarimarẽ weredea

²⁷ Jesús irire wereripoe sugo nomeõ masaka watopegue ããrĩgõ gaguiniyupo:

—Mũrẽ pũrãkũ masũdeo usũyatarikumo, ãrĩyupo Jesúsre.

²⁸ Jesús gapũ igore ãrĩyupũ:

—Marĩpũya werenĩrĩrẽ pãrã, ãgũ dorerire irirã gapũ õãrõ usũyarãkuma, ãrĩyupũ.

Masaka ñerã Jesúsre Marĩpũ turari merã iri ãmudoredea
(Mt 12.38-42; Mr 8.12)

²⁹ Pũrũ Jesús ãgũ pũro masaka wãrã nerẽwãgãrĩripoe ãsũ ãrĩ wereyupũ ãgũsãrẽ:

—Dapagora marã masaka ñetarirã ããrĩma. Yũre Marĩpũ turari merã gajino iri ãmudorekeremakũ, Marĩpũya kerere weredupiyudi Jonás iridea ditare weregũra.

³⁰ Iripoegue Marĩpũ Jonãrẽ Nĩnive wãikũri makã marãrẽ weredorederosũ yũre ããrĩpererã tĩgũrẽ dapagora marã masakare weredoremi. ³¹ Marĩpũ ããrĩpererã ñerãrẽ wajamoãrĩnu ejamakũ, sugo iripoeguemo Sabá nikũ marã opo musã dapagora marãrẽ: “Ñegorabu”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wãri masĩrĩ merã wererire pẽgo aarigó. Dapagora yũ Salomón nemorõ masĩgũ õõgue musã merã ããrĩkeremakũ, musã gapũ yũ wererire pẽdũabea. ³² Iripoegue Nĩnive marã Jonás Marĩpũya kerere weremakũ pãrã, ãgũsã ñerõ irideare bujawere, ãgũsã gũñarĩrẽ gorawayunerã ããrĩmã. Dapagora yũ Jonás nemorõ masĩgũ õõgue musã merã ããrã. Yũ Marĩpũya kerere werekeremakũ, musã ñerõ iririkũrere bujawerebea. Irasirirã, Marĩpũ ããrĩpererã ñerãrẽ wajamoãrĩnu ejamakũ, Nĩnive marã musã dapagora marãrẽ: “Ñegorabu”, ãrĩrãkuma, ãrĩyupũ.

Jesús masakaya koye sããgodiru irirosũ ããrĩrĩrẽ buedea
(Mt 5.15; 6.22-23)

³³ Irasũ ãrĩ odo, gaji keori merã wereyupũ:

—Masaka sããgodirure sããgorã, deyomarĩõgue duúbirikuma. Dupa kũma dokaguedere pĩbirikuma. Sããgo, wii dekgue siukuma, gajirã iri wiire ñajãrã iri sããgodiru boyorore õãrõ ãã ñajãburo, ãrĩrã. ³⁴ Musãya koye musãya gũñarĩguere sããgodiru irirosũ ããrã. Musã õãrĩ koye oparã irirosũ ããrĩmakũ, musãya gũñarĩguere õãrõ sããgoro irirosũ ããrã. Irasirirã Marĩpũyare masĩa. Musã ñerĩ koye oparã irirosũ ããrĩmakũ, musã gũñarĩguere naĩtĩãrõ irirosũ ããrã. Marĩpũyare masĩbea. ³⁵ Irasirirã pẽmasĩka, musãya gũñarĩgue sããgori, naĩtĩãrĩ waabirikõãburo, ãrĩrã! ³⁶ Musãya gũñarĩgue sããgori, naĩtĩãrõ marĩrõ irirosũ ããrĩmakũ, ããrĩpereri Marĩpũyare pẽmasĩrãkoa. Irasirirã sããgori boyorogue ããrõsũ õãrõ pẽmasĩrĩ merã ãgũyare iritũyarãkoa, ãrĩyupũ Jesús.

Jesús fariseo bumarãrẽ, Moisés gojadeare buerimasãrẽ ãgũsã ñerõ iririre weredea
(Mt 23.1-36; Mr 12.38-40; Lc 20.45-47)

³⁷ Jesús irasũ ãrĩ odoadero pũrũ, sugũ fariseo bumũ ãgũya wiigũ baadoregũ siuayupũ ãgũrẽ. Irasirigũ Jesús ãgũ merã waa, ãgũya wiigũ ñajãa, eja doayupũ ãgũ merã baabu.

³⁸ Fariseo bumũ gapũ judío masaka irinĩrõsũ Jesús baaburi dupiyuro ãgũ mojõkoebirimakũ ããgũ, ããgũkakõãyupũ. ³⁹ ãgũ ããgũkamakũ ããgũ, marĩ Opũ Jesús ãgũrẽ ãrĩyupũ:

—Musã fariseo bumarã masaka ãũrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã gajirãyare yajadũarã, ñerĩ ditare iridũarã ããrĩsã, iripa poekague gũrari utũriro irirosũ ããrã. ⁴⁰ Irasirirã neõ pẽmasĩbea. Marĩpũ, marĩya dũpũre

irigũ, marĩ gũñarĩdere iridi ããrĩmĩ. ¿Irire pémasĩberi mũsã? ⁴¹ Mũsã oparire gajirãrẽ sĩrã, òãrõ gũñarĩ merã sĩka! Irasirirã soropa poeka gapũdere koeadeapa irirosũ ããrĩrãkoa.

⁴² Mũsã fariseo bumarã bũro ñerõ tarirãkoa. Mũsã oteri mutãrĩgã: menta, ruda wãĩkũri baari morẽĩnorẽ, ããrĩpereri oteridari dukakũrinogãdere sea neeõ, keoro dukawa, pe mojõma diruri irikoa. Sudiru Marĩpũya wiigũe ãã: “Ìgũrẽ yũ sĩrĩ ããrã”, ãrĩ, irogue píkoa, ìgũ dorere irimurã. Irasirikererã, gajirãrẽ diayema iririre iribea. Marĩpũre maĩbea. Irasirirã mũsã oterire ìgũrẽ sĩduũro marĩrõ diayemadere irika! Marĩpũre maĩrĩ merã bũremuka!

⁴³ Mũsã fariseo bumarã bũro ñerõ tarirãkoa. Mũsã nerẽrĩ wiiriguere nerẽrã, òãrĩ doarigue dita doadũãa. Makã dekoguere masakare mũsãrẽ gopepyari merã bokatĩrĩ òãdoremakũ gããmea.

⁴⁴ Mũsã Moisés gojadeare buerimasã, fariseo bumarãde bũro ñerõ tarirãkoa. Mũsã masãgoberi irirosũ ããrã. Irasirirã masaka iri goberi ããrĩrõ weka tãpĩtariarã, iri goberi poekague ããrĩrĩrẽ masĩberosũ mũsã ñerõ oparire masĩbema, ãrĩyupũ Jesús.

⁴⁵ Ìgũ irasũ ãrĩmakũ pégũ, sugũ Moisés gojadeare buerimasũ ãrĩyupũ ìgũrẽ:

—Buegũ, mũ fariseo bumarãrẽ irasũ ãrĩgũ, gũadere ãrĩ turigũ yãa, ãrĩyupũ.

⁴⁶ Jesús gapũ ìgũrẽ ãsũ ãrĩyupũ:

—Mũsãde, Moisés gojadeare buerimasã bũro ñerõ tarirãkoa. Mũsã gajirãrẽ: “Ãsũ irika!” ãrĩ, dorerã, ìgũsãrẽ gajino bũro nukũrĩ kòãtãrĩrã irirosũ ããrĩmakũ yãa. Irasirirã iri dorere bokatĩũbema. Ìgũsã mũsã dorere bokatĩũbirikeremakũ, ìgũsãrẽ neõ iritamubea iri dorere iriburo, ãrĩrã.

⁴⁷ Irasirirã mũsã bũro ñerõ tarirãkoa. Iripoegue marã Marĩpũya kerere weredupiyunerã masãgoberi weka weanũdeare mũsã ãmua. Ìgũsãrẽta mũsã ñekũsãmarã wẽjẽnerã ããrĩmã. ⁴⁸ Ìgũsã irasũ wẽjẽdero pũrũgue, dapagora mũsã ìgũsã iripoegue irideare iriwekabejakõãa, ìgũsã wẽjẽnerãya masãgoberi weka weanũdeare ãmurã. Irasirirã mũsã ìgũsã wẽjẽdeare: “Ñegorabu”, ãrĩ gũñabea. Mũsã ñekũsãmarã Marĩpũya kerere weredupiyunerãrẽ gããmebiriderosũ mũsãde yũre gããmebea.

⁴⁹ Irasirigũ iripoegue Marĩpũ ìgũ masĩrĩ merã ãsũ ãrĩdi ããrĩmĩ: “Yaa kerere weredupiyurimasãrẽ, yaare buerimasãdere iriugũra. Irire buemakũ ìã, surãyerire masaka wẽjẽrãkuma. Gajirãrẽ ñerõ iridũarã, noó ìgũsã waaró tũyagorenarãkuma”, ãrĩdi ããrĩmĩ Marĩpũ. ⁵⁰⁻⁵¹ Marĩpũ i ãmurẽ iriadero pũrũ, Abere ìgũ tĩgũ wẽjẽdi ããrĩmĩ. Pũrũ Marĩpũya kerere weredupiyunerãrẽ wẽjẽnerã ããrĩmã. Pũrũ Zacariãdere Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. Irasirigũ Marĩpũ ããrĩpererãrẽ ìgũsã wẽjẽdea waja dapagora marãrẽ wajamoãgũkumi.

⁵² Mũsã Moisés gojadeare buerimasã bũro ñerõ tarirãkoa. Mũsã Marĩpũyare masĩkererã, mũsã basi irire iridũabea. Irasirirã gajirãrẽ irire masĩdũarãrẽ masĩbirimakũ yãa, ãrĩyupũ Jesús.

⁵³ Ìgũ irasũ ãrãdero pũrũ, Moisés gojadeare buerimasã, fariseo bumarãde ìgũ merã guatariakõãñurã. Irasirirã bũro ìgũrẽ werewũa, wãri ìgũrẽ sërẽñanũgãñurã. ⁵⁴ Ìgũ diaye yũjubirimakũ pérã, ìgũrẽ weresãdũarã, irasiriñurã.

12

Jesús fariseo bumarã irikatorire weredea

¹ Ìgũsã irasiriripoe Jesús pũro masaka wãrã nerẽñurã. Ìgũsã wãrã ããrĩsĩã, gãme kũratĩãnokõãñurã. Jesús ìgũ buerãrẽ ãsũ ãrĩ werenũgãyupũ:

—Fariseo bumarã irikatorire òãrõ pémasĩka! Ìgũsã irikatori pã wemasãrĩ morẽrĩ irirosũ ããrã. ² ããrĩpereri gajirã ìãberogue irideare, durirogue irideadere pũrũgue masĩsũrokoa. ³ Mũsã naĩtĩãrõgue irirosũ gajirã péberogue werenĩdeare boyorogue irirosũ

Marĩpu ìgūsārē pémakū irigukumi. Músā wii poekague yayero werenídeadere makā dekogue gaguinirōsū gajirārē òārō pémakū irigukumi.

*Jesús: “¿Noārē güiri merā b̄remurō gāāmerĩ?” āri weredea
(Mt 10.26-31)*

⁴ Músārē yu merāmarārē werea. Músārē wējērā, musāya dupu ditare boamakū irirākuma. Puruquere músārē neō ñerō irinemobirikuma. Irasirirā músārē wējēduarārē güibirikōāka! ⁵ Yu músā gopeyari merā güibure weregura. Marĩpu gapure güiri merā b̄remuka! Masakare ìgūsā okarire ēmamasĩmi. Ìgū ēmadero puru, ìgūsārē perebiri peamegue béomasĩmi. Irasirirā ìgū gapure güiri merā b̄remuka!

⁶ Masaka su mojōmarā mirā wajarirā, pe niyeru koegā, mérōgā wajakuri koerigārē sīkuma. Ìgūsā mérōgā wajakakeremakū, Marĩpu gapu ìgūsārē òārō koremi. Neō sugure kātibemi. ⁷ Marĩpu āārĩpereri músā āārĩrikurire masīgū, musāya poarire: “Irikū āārā”, āri masĩpeokōāmi. Irasirirā güibirikōāka! Músā, mirā nemorō wajakua. Irasirigu Marĩpu mirārē korero nemorō músārē koregukumi.

*Jesús: “Masakare yure b̄remurĩrē wereka!” ārĩdea
(Mt 10.32-33; 12.32; 10.19-20)*

⁸ Músārē werea. Sugū, masaka péuro: “Jesúyagu āārā”, āri weremakū, yu āārĩpererā tīgūde Marĩpūre wereboerā péuro: “Yaagu āārĩmi ĩ”, āri weregukoa. ⁹ Sugū yure masĩkeregu, masaka péuro: “Ìgūrē masĩbea”, āri weremakū, yu āārĩpererā tīgūde Marĩpūre wereboerā péuro: “Yude ìgūrē masĩbea”, āri weregukoa.

¹⁰ Sugū yure āārĩpererā tīgūrē ñerō āri werenímakū, Marĩpu kātimasĩmi. Ōāgū deyomarīgū gapure ñerō āri werenímakū, neō kātibirikumi.

¹¹ Masaka músārē ìgūsā nerērĩ wiiri oparā purogue, weresārĩrē beyerimasā purogue, o makārĩ marārē dorerā purogue músārē ìgūsā weresāmurā āĩmakū: “¿Naāsū yujurākuri, o naāsū ārĩrākuri ìgūsārē?” āri, buro güñarikubirikōāka! ¹² Ìgūsā músārē sērēñamakūta, Ōāgū deyomarīgū masĩrĩ sĩrĩ merā ìgūsārē wererākoa, ārĩyupu Jesús.

Jesús: “Wári doebiri oparārē goegorāa”, āri weredea

¹³ Puru sugū masaka watopegue āārĩgū Jesúre ārĩyupu:

—Buegu, guapu boagu ìgū opadeare guare pími. Irasirigu yu tīgūrē irire keoro dukawa, yudere sīdoreka! ārĩyupu.

¹⁴ Jesús gapu ìgūrē yujuyupu:

—Músāpu pídeare músārē dukawabu āārĩbea yu, ārĩyupu.

¹⁵ Irasū ārĩ odo, āārĩpererārē ārĩyupu:

—Pémasĩka músā! Doebirire, gajinodere wáro gāāmebirikōāka! Masaka wári oparā, òārĩ okari gapure opabema, wári opari ditare güñarā, ārĩyupu.

¹⁶ Irasū ārĩ odo, keori merā wereyupu ìgūsārē:

—Sugū masakū wári doebiri opakumi. Ìgū otedeade wárigora dukakukoa. ¹⁷ Irasirigu ìgū basi güñakumi: “¿Nasirigukuri? Yaa oteri duka sea duripíburi wii máa”, ārĩkumi. ¹⁸ Puru güñakumi doja: “Āsū irigura. Yu gajino duripĩri wii āārĩpuroridea wiire béo, nemorō wári wii irigura. Iri odo, iri wiigue yaa oteri dukare āārĩpereri, yaa doebiridere duripígura. ¹⁹ Puru yu basi āsū ārĩgura: ‘Wári doebiri opáa. Wári bojorima baaburidere opáa. Irasirigu siñajā, baa, iirĩ, usuyagura’”, ārĩkumi. ²⁰ Marĩpu gapu ìgūrē ārĩkumi: “Mū neō pémasĩbi āārā. Dapagā ñamita boagukoa. Mū boamakū, ¿noā oparākuri mū duripíadeare?” ārĩkumi. ²¹ Irasūta waarākuma, masaka ìgūsāya doebiri ditare güñarā. Ìgūsāya āārĩburi ditare güña, wári doebirire duripĩrākuma. Irasirikererā, Marĩpūre güñamerā, ìgū ĩūrōrē boporā irirosū āārĩrākuma, ārĩyupu Jesús.

Jesús, Marĩpu ĩgũ pũrãrẽ korerimarẽ buedea
(Mt 6.25-34)

²² Pũru Jesús ĩgũ buerãrẽ ãsũ ãrĩyupu doja:

—Irasirigu musãrẽ ire weregura. Musã ããrĩrikurire gũñarã: “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ, bũro gũñarikubirikõãka! ²³ Marĩ okari gapu, baari nemorõ wajakua. Marĩya dupu, surĩ nemorõ wajakua. Irasiro musã ããrĩrikuri, musã opari nemorõ wajakua. ²⁴ Mirãrẽ gũñaka! ĩgũsã baaduarã, otebema. Otedea dukare seabema. Baari duripĩri wiiridere opabema. Marĩpu gapu ĩgũsãrẽ baari sĩmi. Musã gapu, mirã nemorõ wajakutarinũgãa. ²⁵ Musã bũro gũñarikuri merã neõ mérõgã masãnemobirikoa. ²⁶ Musã irasũ gũñarikuri wajamarĩkeremakũ, ¿nasirirã gajinorẽ bũro gũñarikuri? Musã gũñarikuri merã ããrĩpererire neõ irimasĩbirikoa.

²⁷ 'Makãnúuma goori masãrĩrẽ gũñaka! Iri moãbirikerero, suabirikerero, õãrĩ surĩ sãñarõ irirosũ deyoa. Musãrẽ werea. Opu Salomón surĩ õãrĩ sãñadero nemorõ iri goori gapu õãrĩ deyoa. ²⁸ Iri goori makãnúugue mata puridea goori ããrĩkeremakũ, Marĩpu õãrĩ goori deyomakũ irikeremakũ, mérõgã pũru ñãĩdija pereakõãa. Gajinu gapu peamegue soebéokõãsũa. Iri mata pereburi ããrĩkeremakũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigukumi. Musã ĩgũrẽ mérõgã bũremukeremakũ, musãrẽ surĩ sĩgukumi. ²⁹ Irasirirã ãmũrikũ musã baaburire, musã iirĩburire bũro gũñarikuri merã ãmãbirikõãka! ³⁰ I ãmũ marã Marĩpũre bũremumerã bũro gũñarikuri merã irire ãmanĩkõãma. ĩgũsã irasũ ããrĩkeremakũ, Marĩpu musã gããmerĩrẽ masĩsiami. Irire musãrẽ sĩgukumi. ³¹ Irasirirã musã Marĩpũre masĩrã, ĩgũ musã Opu ããrĩrĩrẽ gããmepũrorika! Musã irasirimakũ, musã baa, iirĩburire, musã surĩ sãñaburidere sĩwekapeogukumi.

Jesús marĩ ãmũgasigue wajataburire buedea
(Mt 6.19-21)

³² 'Musã yaarã, mérãgã, oveja su yebo marã irirosũ ããrã. Irasũ ããrĩkererã, gũibirikõãka! Musãpu ãmũgasigue ããrĩgũ ĩgũyarãrẽ dorerogue musã ĩgũ merã ããrĩmakũ gããmemi, ĩgũ merã doreburo, ãrĩgũ. ³³ Irasirirã musã oparire duaka! Iri duadea wajare niyerure boporãrẽ sĩka! ãmũgasiguemarẽ gũñaka! Irasirirã irogue perebiri wajatarire, ajurogue doebiri neõ perebirire oparosũ oparãkoa. Irogue wajatarire yajarimasã ñajãa, ãĩmasĩbirikuma. Buruade baadedeubirikuma. ³⁴ Musã i ãmũma ditare: “Opadũakoa”, ãrĩ gũñarã, irire bũro maĩrãkoa. ãmũgasima gapũre: “Opadũakoa”, ãrĩ gũñarã, irire bũro maĩrãkoa.

Jesús i ãmũgue dupaturi aariburi dupiyuro õãrõ ãmuyudoredea

³⁵ 'Yũ i ãmũgue dupaturi aariburi dupiyuro õãrõ ãmuyuanerãgue ããrĩka! Sĩãgodirure sĩãgoanerã irirosũ yũre yũka! ³⁶ Sugũ masakũ, mojõsũadi pũrogue mojõsũari bosenu waamakũ, ĩgũrẽ moãboerã ĩgũ dujariburire yũkuma. ĩgũsã opu ĩgũya wiigue goedu-jaja, ñajãdũagu makãpũrore ĩgũ dotemakũ pérã, ĩgũrẽ moãboerã mata tũpãkuma. ĩgũsã yũrosũta musãde yũ dujariburire yũka! ³⁷ ĩgũsã opu goemakũ, ĩgũ doreaderosũta irirã, usũyarãkuma. ĩgũsã irasirimakũ ĩãgũ, ĩgũsã opu ĩgũsãrẽ moãboegũ irirosũ ĩgũsãrẽ: “Baari peoro pũro doarã aarika!” ãrĩgukumi ĩgũsãrẽ baari ejobu. ³⁸ ĩgũrẽ moãboerã ĩgũ ñami deko ããrĩmakũ, o boyoripoe ããrĩmakũ, ĩgũ goeburire õãrõ yũanerã ããrĩsĩã, usũyarãkuma. ³⁹ Ire masĩka! Sugũ wii opu ĩgũya wiigue yajarimasũ ejaburi horare masĩgũ, ĩgũrẽ yũkumi ĩgũya wiigue ñajãburire kãmutabu. ⁴⁰ Irasirirã musãde õãrõ yũka! Yũ ããrĩpererã tĩgũ gũñaña marĩrõ aarigũkoa. Irasirirã yaare iririre neõ piriro marĩrõ yũre yũka musã! ãrĩyupu Jesús.

Jesús pẽrã moãboerimasã keori merã buedea
(Mt 24.45-51)

⁴¹ ĩgũ irasũ ãrĩmakũ, Pedro gapu sẽrẽñayupu:

—Gua Opu, i keori merã weregũ, ¿gua ditare weregũ yári, o ããrĩpererãrẽ wereri? ãrĩyupu.

⁴² Igũ irasũ ãrĩmakũ, Jesús gaji keori merã ãsũ ãrĩ wereyupu Igũsãrẽ doja:

—Sugũ moãboerimasũ Igũ opũre bũremugũ òãrõ pémasĩgũ ãsũ irikumi. Igũ opũ gajirogue waagú, Igũrẽ: “Yaa wii marãrẽ òãrõ koreka!” ãrĩ píkumi. Irasirigũ baaripoe ããrĩmakũ, gajirã moãboerimasãrẽ baarire keoro ejokumi. ⁴³ Irasirigũ, Igũ opũ Igũya wii goedu-jajamakũ ããgũ, Igũ opũ dorederosũta iriadi ããrĩsã, òãrõ usuyakumi. ⁴⁴ Diaye musãrẽ werea. Igũ irasirimakũ ããgũ, Igũ opũ ããrĩpereri Igũyare Igũrẽ koredoregũ pígũkumi. ⁴⁵ Gajigũ moãboerimasũ ñegũ gapũ ãsũ irikumi. “Yũ opũ yoaripoe deyobemi”, ãrĩ gũñagũ, gajirã Igũ opũre moãboerãrẽ ãmarẽ, nomedere ñerõ pábira, baa, iirí, mejãkumi. ⁴⁶ Igũ irasiriripoe gũñaña marĩrõ Igũ opũ goejakumi. Igũrẽ moãboegũ gapũ: “Igũ iri hora goegũkumi”, ãrĩmasĩbirikumi. Irasirigũ Igũ opũ goejagũ, Igũ ñerõ irideare pégũ, Igũrẽ bũro wajamoãgũkumi. Marĩpũre bũremumerãrẽ béorogue Igũrẽ béogũkumi.

⁴⁷ Irasirigũ sugũ moãboerimasũ Igũ opũ iridorerire masĩkeregũ, òãrõ ãmubiri, irire neõ iribirimakũ ããgũ, Igũ opũ Igũrẽ wajamoã, bũro tãrãgũkumi. ⁴⁸ Gajigũ moãboerimasũ gapũ Igũ opũ iridorerire masĩbi, irire iribirimakũ ããgũ, Igũ opũ Igũrẽ sĩrũweyata tãrãgũkumi. Marĩpũ masakare Igũ iridorerire masĩmakũ yámi. Irasirigũ òãrõ masĩgũrẽ Igũ iridorerire òãrõ iridoremi. Pũrũ Igũrẽ masĩnemomakũ irigũ, Igũ iridea nemorõ òãrĩrẽ iridoremi, ãrĩyupu Jesús.

*Jesús: “Masakare gãme dukawarirãkuma”, ãrĩ weredea
(Mt 10.34-36)*

⁴⁹ Pũrũ Jesús Igũsãrẽ ãrĩyupu doja:

—Béoadere peame merã soebéorosũ i ãmũ marã ñerõ iririre béogũ aarigú iribũ. Dapagoragãta iri ñerĩ ããrĩpererire soebéomakũ ããduasiadaa. ⁵⁰ Yũ ñerõ tarigũkoa. Yũ ñerõ tariburire gũñagũ, bũro bũjawereri merã ããrĩrikũ. Irasirigũ irire tariwerepeogũgue bũro usuyagũkoa. ⁵¹ Musã yũre: “Igũ i nikũguere aarigú, masakare siñajãrĩ merã gãme ããrĩrikũmakũ irigũ aarimĩ”, ¿ãrĩ gũñarĩ? Irasũ ããrĩbea. Musãrẽ werea. Masakare Igũsã basi gãme dukawarimakũ irigũ aaribú. Irasirirã surãyeri yũre bũremurãkuma. Gajirã yũre bũremubirikuma. ⁵² Dapagã merã su wii marã su mojõ marã yaa kerere péadero pũrũ, Igũsã basi gãme dukawarirãkuma. Ërerã, pẽrã merã, pẽrã, ãrerã merã gãme ããturirãkuma. ⁵³ Surãyeri masaka yũre bũremunũgãdero pũrũ, gajirã yũre bũremubiridero pũrũ, ãsũ waarãkuma. Sugũ Igũ magũrẽ ããturigũkumi yũre bũremumakũ ããgũ. Gajigũ Igũ pagũre ããturigũkumi. Gajigo igo magõrẽ ããturigokumo. Gajigo igo pagore ããturigokumo. Sugo múñekõ igo bepore ããturigokumo. Sugo bepo igo múñekõrẽ ããturigokumo yũre bũremumakũ ããgõ, ãrĩyupu Jesús.

*Masaka Jesús iririre ããmasĩbiridea
(Mt 16.1-4; Mr 8.11-13)*

⁵⁴ Pũrũ Jesús masakare ãsũ ãrĩ wereyupu doja:

—Musã abe ñajãrõ gapũ ããmĩkãyeborire ããrã: “Deko merẽburo yáa”, ãrã. Musã ããrãderosũta waáa. ⁵⁵ Sur gapũ merã mirũ aarimakũ: “Asirinũ ããrĩrokoa”, ãrã. Musã ããrãderosũta asirinũ ããrã. ⁵⁶ Musã irikatorikũrã, i nikũmarẽ, ãmarõmarẽ ããrã: “Òãrĩnũ, o ñerĩnũ waarokoa”, ãrĩ masã. Irire òãrõ masĩkererã, ¿nasirirã inũrĩrẽ Marĩpũ turari merã yũ iri ãmurĩ gapũre ããrã, neõ òãrõ pémasĩberi? ãrĩyupu.

*Marĩrẽ ããturigũre òãrõ merã gãme ããmudoredea
(Mt 5.25-26)*

⁵⁷ Irasũ ãrĩ odo, ãsũ ããrĩnemoyupu doja:

—¿Musã diayema iririre ãã beyemasĩberi dapa? ⁵⁸ Sugũ musãrẽ weresãduamakũ, Igũ merã oparã pũroque waarã, Igũrẽ: “Dupaturi irasũ iribirikoa”, ãrĩ gãme ãmuka! Musã

Īgūrē āmubirimakū, weresārīrē beyerimasūguere mūsārē weresāgukumi. Puru beyerimasū mūsārē peresu iridoregū, suraraguere wiagukumi. ⁵⁹ Mūsārē werea. Beyerimasū mūsārē wajaridorerire mūsā wajaripeobirimakū, neō mūsārē wiubirikumi, ārīyupu.

13

Jesús masakare: “Mūsā gūñarīrē gorawayuka!” ārīdea

¹ Jesús irasū ārīripoe gajirā Īgūrē āsū ārī wereñurā:

—Galilea marā Marīpu iūrō waibure wējē, soepto bremuripoe Pilato gapu Īgūsārē wējēyupu. Īgū irasū wējēmakū, waibu dí merā masaka dí morēākōāyuro, ārīñurā. ² Īgūsā irasū ārīmakū pégu, Jesús ārīyupu:

—Pilato wējēnerārē, ¿naásū gūñarī? ¿Īgūsā irasū wējēsūrā, gajirā Galilea marā nemorō ñerā āārīdea waja boayuri? ³ Āārībea. Mūsārē werea. Mūsāde ñerī iririre bujoweremerā, mūsā gūñarīrē gorawayumerā, boarā, perebiri peamegue waarākoa. ⁴ Irinugue gajirā dieciocho masakare Siloé wāikuri wii ūmarī wii Īgūsā weka turidija, tāū wējēyuro. ¿Naásū gūñarī mūsā Īgūsārē waadeare? ¿Īgūsā irasū boarā, gajirā Jerusalén marā nemorō ñerā āārīdea waja boayuri? ⁵ Āārībea. Mūsārē werea. Mūsāde ñerīrē bujoweremerā, mūsā gūñarīrē gorawayumerā, boarā, perebiri peamegue waarākoa, ārīyupu Jesús.

Jesús higeragu duka marīdi keori merā weredea

⁶ Jesús Īgūsārē irasū ārī odo, keori merā wereyupu:

—Pooe opu Īgūya poeque Īgū otedi higeragu wāikudire opakumi. Sunu: “Dukakukoa”, ārī, iāgū waakumi. Neō bokabirikumi. Duka marīkoa. ⁷ Bokabirisā, iri pooe moāgūrē werekumi: “Īāka! Ūre bojorigora igu dukare āmadāa. Duka máa. Irasirigu irigure pábéokōāka! Duka marīkerero, gajino oteboaderore kāmutanía”, ārīkumi. ⁸ Īgū irasū ārīmakū pégu, Īgūrē moāboegu āsū ārīkumi: “Ūu opu, i bojorigora tamerārē níñaburo dapa. Ūu irigu purore nikūrē sea odo, waibu gura merā ūjātūñagura. ⁹ Ūu irasū iriadero puru, gajipoe iriro dukakubukoa. Duka marīmakū iāgū, pábéodoreka!” ārīkumi, ārī wereyupu Jesús.

Siñajārīnu āārīmakū, Jesús dupamutīrō nígōrē taudea

¹⁰ Sunu judío masaka siñajārīnu āārīmakū, Jesús Īgūsā nerērī wiigue buegu iriyupu.

¹¹ Iro sugo nomeō dieciocho bojorigora pūrīrikugo āārīyupo. Wātī igore dupamutīrō nímakū iriyupu. Irasirigo diaye nímasībiriyo. ¹² Igo irasū āārīmakū iāgū, Jesús igore: “Aarika!” ārī siuyupu:

—Nomeō, mu pūrīrikuri tausūsiáa, ārīyupu.

¹³ Irasū ārīgūta, igore Īgūya mojōrī merā ñapeoyupu. Īgū ñapeomakūta, diaye níyupo. Puru Marīpura: “Ōātaria mu”, ārī, usuyari sīnugāyupo. ¹⁴ Jesús siñajārīnu igore taumakū iāgū, iri nerērī wii opu gapu Īgū merā guayupu. Irasirigu, masakare āsū ārīyupu:

—Semanařiku, marī moārīnarī, su mojōma pere gaji mojō suru pērēbejarinarī āārā. Irasirirā mūsā pūrīrikurā taudoreduarā, irinarīrē taudorerā aarika! Dapagāno marī siñajārīnurē irinorē iribirikōārō gāāmea, ārīyupu.

¹⁵ Īgū irasū ārīmakū pégu, marī Opu Jesús āsū ārīyupu:

—Mūsā irikatorikurā āārā. Mūsā wekure, o burrore oparā siñajārīnu āārīkeremakū, Īgūsārē suadeadarire kura, Īgūsārē deko iirīdorerā āībuáa. ¹⁶ Igo Abraham parāmeō āārīturiagore wātēa opu Satanás dieciocho bojorigora pūrīrikumakū irimi. Iro merē siñajārīnu āārīmakū, ¿igore taubirikōārō gāāmeadayuri? ārīyupu Jesús. ¹⁷ Īgū irasū ārīmakū pērā, Jesure iaturirā āārīpererā gūyasīrīpereakōāñurā. Gajirā gapu āārīpereri Jesús oārī iririre iārā, usuyañurā.

Jesús mostaza wāikuri yegã puri masãdea keori merã weredeã
(Mt 13.31-32; Mr 4.30-32)

¹⁸ Pũũ ãrĩyupũ doja:

—Marĩpu ĩgũyarãrẽ doreri, ¿ñeéno irirosũ ããrĩkuri? ¿Ñeéno keori merã weregũkuri? ¹⁹ I irirosũ ããrã. Suye oteriye mostaza wāikuri yegãrẽ oterosũ ããrã. Iri yegãrẽ sugũ masaku ĩgũya poogue otekumi. ĩgũ oteadero pũũ, yukũ wádi irirosũ puri, masãkoa. Irasirirã mirã wárã irigũ dupũrigue ĩgũsãya suri suakuma, ãrĩyupũ.

Jesús pã wemasãrĩ morẽrĩ poga keori merã weredeã
(Mt 13.33)

²⁰ Dupaturi keori merã werenemoyupũ:

—Marĩpu ĩgũyarãrẽ dorerire, ¿ñeéno keori merã werenemogũkuri? ²¹ I irirosũ ããrã. Pã wemasãrĩ morẽrĩ poga irirosũ ããrã. Sugo nomeõ pã irigo, mérõgã pã wemasãmakũ iriri poga merã trigo pogare morẽkumo. Igo irasũ morẽadero pũũ, iri poga mérõgã ããrĩkerero, wemasãseyakõãkoa, ãrĩyupũ.

Jesús eyabiri makãpũrore ñajãri keori merã weredeã
(Mt 7.13-14, 21-23)

²² Pũũ Jesús Jerusalẽgue waagũ, paga makãrĩrẽ, mutã makãrĩgãdere buetariwãgãyupũ.

²³ Irogue sugũ masaku ĩgũrẽ ãsũ ãrĩ sërẽñayupũ:

—Yũ Opũ, ¿Marĩpu perebiri peamegue waabonerãrẽ taumurã mérãgã ããrĩkuri? ãrĩyupũ.

Ĩgũ irasũ ãrĩmakũ pégũ, Jesús i keori merã wereyupũ:

²⁴ —Marĩpu pũrore ñajãduarã, ĩgũyare irika! Mũsãrẽ werea. Wárã ĩgũ pũrore ñajãduakererã, ñajãmasĩbirikuma. Irogue ñajãduamakũ diasagorã. Eyabiri makãpũro ñajãrõ irirosũ ããrã. ²⁵ Marĩpu, sugũ wii opũ irirosũ ããrĩmi. Wii opũ wãgãngã, makãpũrore biadero pũũ, mũsã gapũ makãpũrore ããrĩrã ĩgũya wiire ñajãduarã, ãsũ ãrĩrãkoa ĩgũrẽ: “Gũũ opũ, gũũare tũpãsoogũ aarika!” ãrĩrãkoa. Irasũ ãrĩkeremakũ, wii opũ gapũ: “Mũsãrẽ masĩbea. Noó marã ããrĩrã ããrĩkoa”, ãrĩgũkumi. ²⁶ ĩgũ irasũ ãrĩmakũ, mũsã gapũ ãsũ ãrĩrãkoa: “Gũũ mũ merãta baa, iiri iribũ. Gũũya makãguedere buegorenabũ”, ãrĩrãkoa. ²⁷ Mũsã irasũ ãrĩmakũ, ãsũ yũjugũkumi: “ ‘Mũsãrẽ masĩbea. Noó marã ããrĩrã ããrĩkoa’ ãrĩsiãã. Mũsã ñerõ irirã ããrã. Irasirirã ããrĩpererã waaka! Yũ pũrore wirika!” ãrĩgũkumi wii opũ mũsãrẽ. ²⁸ Irasirirã, Abraham, Isaac, Jacob, ããrĩpererã Marĩpũya kerere weredupiyunerã merã Marĩpu ĩgũyarãrẽ dorerogue ããrĩmakũ ĩãrã, mũsã gapũ makãpũrore bẽosũnerã ããrĩsiã, pũrĩsũrã mũsãya guikare kũrĩduútũ orerãkoa. ²⁹ Irasũ waaripoere norte marã, sur marã, abe mũrĩro marã, abe ñajãrõ marã Marĩpu ĩgũyarãrẽ dorerogue eja, usũyari merã baa doanĩrãkuma. ³⁰ Irasirirã dapagorare ubu ããrĩrã, pũũguere oparã dujarãkuma. Dapagorare: “Oparãgora ããrã”, ãrĩrã gapũ pũũguere ubu ããrĩrã dujarãkuma, ãrĩyupũ Jesús.

Jesús Jerusalén marãrẽ ĩãgũ oredea
(Mt 23.37-39)

³¹ Jesús irasũ ãrĩripoe surãyeri fariseo bumarã ĩgũ pũrore eja, ãsũ ãrĩñurã:

—Herodes mũrẽ wẽjẽduami. Irasirigũ gajirogue waaka! ãrĩñurã.

³² Jesús gapũ ĩgũsãrẽ yũjũyupũ:

—Ãsũ ãrĩ wererã waaka, ĩgũ ãrĩkatorikugũre: “Dapagãrẽ, ñamigãdere ãsũta irigũra. Wãtẽãrẽ bẽowiugũkoa. Pũrĩrikũrãrẽ taugũkoa. Irasirigũ ñamigã sinũ gapũ odogũkoa”, ãrãmi, ãrĩ wereka ĩgũrẽ! ³³ Dapagã, ñamigã, ñamigã sinũ gapũdere Jerusalẽgue waagũra. Iro marã Marĩpũya kerere weredupiyunerãrẽ wẽjẽnerã ããrĩmã. Irasirigũ yũre Marĩpũya kerere weredupiyugũre ĩgũsã wẽjẽbure iri makãgue ããrĩrõ gããmea.

³⁴ Mũsã Jerusalén marã Marĩpũya kerere weredupiyurimasãrẽ wẽjẽkõãã. ĩgũ iri-unerãrẽ ãtãyeri merã dea wẽjẽã. Wãri yũ mũsãrẽ, ãgãbo igo pũrãrẽ, igoya kẽdupũri merã

neeõnúrõsũ neeõnúduadibũ. Mũsã gapũ yũ irasũ irimakũ neõ gããmebiribũ. ³⁵ Irasiriro mũsã ããrĩrĩ makã, béodea makã dujarokoa. Mũsãrẽ diayeta werea. Mũsã yũre dupaturi ããbirikoa. Pũrũgue mũsã: “Marĩpũ iriudi õãtarigũ õãrõ aariburo”, ãrĩrã, yũre dupaturi ããrãkoa doja, ãrĩyupũ Jesús.

14

Jesús sugũ bijiri pũrĩrikũgũre taudea

¹ Sunũ Jesús, judío masaka siñajãrĩnũ ããrĩmakũ, sugũ fariseo bumarã opũya wiigue baagũ waayupũ. Irogue ããrĩrã gajirã fariseo bumarã ãgũrẽ ããnũrũnikõãñurã. ² ãgũsã baaro pũrogue sugũ masakũ bijiri pũrĩrikũgũ Jesús diaye ããrĩyupũ. ³ Irasirigũ Jesús, Moisés gojadeare buerimasãrẽ, fariseo bumarãdere ãsũ ãrĩ sãrẽñayupũ:

—Siñajãrĩnũ ããrĩmakũ, ¿sugũ pũrĩrikũgũre taudoreri, o taudoreberi? ãrĩyupũ.

⁴ ãgũ irasũ ãrĩmakũ pérã, neõ yũjubiriñurã. ãgũsã yũjubirimakũ ããgũ, Jesús bijiri pũrĩrikũgũre tauyupũ. Odo, ãgũrẽ: “Õãrõ waaka!” ãrĩyupũ. ⁵ Pũrũ ãgũsãrẽ sãrẽñayupũ doja: —Siñajãrĩnũ ããrĩkeremakũ, mũsãyagũ burro, o mũsãyagũ wekũ gobegue meẽñajãdire ããrã, ¿mata ãrĩ wiubiribukuri? ãrĩyupũ.

⁶ ãgũsã gapũ, ãgũ irasũ ãrĩ sãrẽñarĩrẽ yũjũmasĩbiriñurã.

Mojõsũari bosenu siiusũnerãya keori merã weredea

⁷ Jesús fariseo bumarã opũya wiigue ããrĩgũ, iri wiimũ siiuanerã ejamakũ ããyupũ. ãgũsã õãrĩ doaripãrĩrẽ beyeñurã, oparã irirosũ doamurã. ãgũsã irasirimakũ ããgũ, Jesús i keori merã wereyupũ ãgũsã ããrĩpererãrẽ:

⁸⁻⁹ —Sugũ wii opũ mojõsũari bosenu irigũ mũsãrẽ siuadero pũrũ, mũsã ãgũya wiigue ejarã, oparã doarire beye doabirikõãka! Iri wii opũ gajirã ãgũ siiuanerãrẽ mũsã nemorõ gopeyarã ejamakũ ããgũ, mũsãrẽ ãsũ ãrĩgũkumi: “ãrĩsã gapũre mũsã doarire sũka! Mũsã gapũ sõõgue doarã waaka!” ãrĩgũkumi. ãgũ irasũ ãrĩmakũ pérã, mũsã gũyasĩrĩrĩ merã ubu ããrĩrã doarigue doarã waarãkoa. ¹⁰ Irasirirã, wii opũ mũsãrẽ siiumakũ, ubu ããrĩrã doarigue doaka! Mũsã irasirimakũ ããgũ, iri wii opũ mũsãrẽ: “Oparã doarigue doarã aarika!” ãrĩgũkumi. ãgũ irasirimakũ ããrã, gajirã ãgũ siiuanerã mũsãrẽ bũremurĩ merã ããrãkuma. ¹¹ Sugũ ãgũ basi: “Gajirã nemorõ ããrã”, ãrĩ gũñagũnorẽ Marĩpũ ãgũrẽ ubu ããrĩgũ dujamakũ irigũkumi. Gajigũ: “Gajirã nemorõ ããrĩbea”, ãrĩ gũñagũ gapũre Marĩpũ ãgũrẽ gajirã nemorõ ããrĩmakũ irigũkumi, ãrĩyupũ.

¹² Irasũ ãrĩ odo, ãgũrẽ siuadire ãsũ ãrĩyupũ:

—Mũ bosenu irigũ, mũ merãmarãrẽ, mũ pagũpũrãrẽ, mũyarãrẽ, doebiri oparãrẽ siubirikõãka! Mũ ãgũsãrẽ siiumakũ, mũrẽ ãgũsãde siiu gãmibukuma. ãgũsã irasiriri merã ãgũsã baadeare mũrẽ ejo gãmibukuma. ¹³ Mũ bosenu irigũ, boporãrẽ, poyarimasãrẽ, guburi bũanerãrẽ, koye ããmerãrẽ siuka! ¹⁴ Mũ irasirimakũ, Marĩpũ mũrẽ õãrõ irigũkumi. ãgũsãrẽ mũ siuidea waja, ãgũsã mũrẽ siiu gãmibirikuma. Irasirigũ Marĩpũ diayemarẽ irirã boanerãrẽ masũrĩnũ ããrĩmakũ, mũrẽ õãrĩrẽ wãjarigũkumi, ãrĩyupũ Jesús.

Jesús bosebaarinũ keori merã buedea

¹⁵ ãgũ irasũ ãrĩmakũ pãgũ, sugũ irogue baa doanígũ ãgũrẽ ãrĩyupũ:

—Marĩpũ ãgũyarãrẽ dorerogue ãgũ pũro baa doanĩrã bũro mũsũyarãkuma, ãrĩyupũ.

¹⁶ ãgũ irasũ ãrĩmakũ, Jesús keori merã wereyupũ ãgũrẽ:

—Sugũ wãri bosebaarinũ irigũ wãrã masaka siukumi. ¹⁷ ãgũ siuadero pũrũ, bosenu ããrĩrĩnũrẽ ãgũrẽ moãboegũre ãgũ siiuanerãrẽ weredoregũ iriukumi. “Aarika! ããrĩpereri bosenumarẽ ãmusiami”, ãrĩ weredorekumi. ¹⁸ ãgũ irire weremakũ pérã, ããrĩpererã: “Masĩña máa, waabirikoa”, ãrĩkuma. ãgũ siupũrorisũadi moãboegũre ãsũ ãrĩkumi: “Da-pagorata nikũ wãjari odoa. Irore ããgũ waabu yãa. Irasirigũ mũ opũre: ‘Masĩña máa,

waabirikoa', ārāmi, ārī wereka!" ārīkumi. ¹⁹ Gajigū āsū ārīkumi: "Wekūa pe mojōmarā wajariabū. Īgūsārē keoñagū waabu yāa. Irasirigū mū opure: 'Masīña máa, waabirikoa', ārāmi, ārī wereka!" ārīkumi. ²⁰ Gajigū āsū ārīkumi: "Yū dapagorata mojōsua odoa. Irasirigū iri bosenurē waabirikoa", ārīkumi. ²¹ Īgū irasū ārīmakū, moāboegū gapū goedujāa, Īgū opure Īgūsā ārādeare werekumi. Īgū weremakū pégu, opu būro gua, āsū ārīkumi Īgūrē moāboegure: "Murīgorāa. Makā dekoma maarīgue āārīrārē āmagú waaka! Irasirigū boporārē, poyarimasārē, koye iāmerārē, gubu būanerārē mumurō merā yaa wiigue āirika!" ārīkumi. ²² Pūgū moāboegū Īgū opure werekumi: "Yū opu, mū doreaderosūta masakare siuabu. Wii gapure uturibema dapa", ārīkumi. ²³ Īgū irasū ārīmakū pégu, Īgū opu Īgūrē dorekumi doja: "Maarīgue waaka! Paga maarīgue, matā maarīgāgue mū bokajarārē turaro merā siuwāgārika! Irasirimakū, yaa wiire uturirākuma. ²⁴ Diayeta mūrē werea. Neō sugū yū siupuroriadinērā baaboadideare mérōgā baabirikuma", ārīkumi opu Īgūrē moāboegure, ārī wereyupū Jesús.

*Jesús: "Sugū yūre tūyadūamakū diasagorāa", ārī weredea
(Mt 10.37-38)*

²⁵ Wārā masaka Jesúre tūyañurā. Irasirigū Īgūsārē gāmenugā iā, āsū ārīyupū:

²⁶ —Sugū yaa buerire buetūyadūagū, Īgū pagure, pagore, marāpore, pūrārē, pagupūrārē, pagupūrā nomerē, Īgū basi maīrō nemorō yū gapure maīrō gāāmea. ²⁷ Sugū yūre tūyadūari waja curusague pábiatú wējēsūbu irirosū āārīkeregū, yūre neō piriro marīrō yūre tūyanīkōāburo. Yūre tūyadūabi, yū buegū āārīmasībirikumi. ²⁸ Sugū, mūsā watopegue āārīgū, ūmarī wiire iriburo dupiyuro: "¿Ñeéno merā iripeogukuri?" ārī gūñagū, iri wiire iriburi wajakūburire keopurorikumi. ²⁹ Wajakūburire keopuroribi, iri wiire iripeobirikumi. Īgū iripeobirimakū iārā, gajirā Īgūrē būridakuma. ³⁰ "Īāka! Īi wiire iriadiñumi. Iripeomasībiriñumi", ārī būridakuma Īgūrē. ³¹ Su nikū marā opu, gajigū opu merā gāmewējēburo dupiyuro Īgūyarā surarare keopurorikumi. "¿Yū diez mil surara merā, gajigū veinte mil surara opagū merā gāmewējēgū waagú bokatiūbukuri?" ārī gūñakumi. ³² Keoña: "Bokatiūbirikoa", ārīkumi. Irasirigū, gajigū opu Īgūyarā surara merā gāmewējēgū aarimakū, yoarogue Īgū āārīmakūta: "Gāmewējēbirikōārā", ārī kere iriukumi Īgūyagure. ³³ I irirosūta yū buerā āārīdūarā mūsā iriburire oārō gūñadupiyuro gāāmea. Āsū āārā. Mūsā gāāmerīrē piridūamerā yū buerā āārīmasībea.

*Moā oārō okari irirosū āārīrō gāāmea, ārī weredea
(Mt 5.13; Mr 9.50)*

³⁴ 'Moā oārō okari āārīmakū oāgorāa. Moā okadea okabirimakū, dupaturi okamakū irimasīña máa. ³⁵ Moā okabirimakū oābea. Béokōārō gāāmea. Irasirirā mūsā moā okabirimakū béosūburi irirosū neō āārībirikōāka! Gānipūrī oparā, ire oārō péka! ārī wereyupū Jesús.

15

*Jesús oveja dederidi keori merā buedea
(Mt 18.10-14)*

¹ Gajinū wārā romano marā opure niyeru wajaseabosarimasā, ñerō iririmasāde Jesús pūro Īgū buerire pérā ejañurā. ² Īgūsā irasū ejamakū iārā, fariseo bumarā, Moisés gojadeare buerimasāde Jesúre āsū ārī werewūañurā:

—Īi ñerārē bokatiñeā, Īgūsā merā baami, ārīñurā.

³ Īgūsā irasū ārīmakū pégu, Jesús i keori merā wereyupū Īgūsārē:

⁴ —Oveja korerimasū cien oveja opagū, sugū oveja dederimakū iāgū, noventa y nueve ovejare makā tūro Īgūsā baarogue duripīkōā, dederiadire āmagú waakumi. Īgūrē

bokagugue amuduúkumi. ⁵ Igūrē bokagu, usuyari merā igūrē āikōā, ⁶ Igūya wiigue āi dujáakōākumi. Āi dujaja, igū puro āārīrārē, igūyarārē siu neeōkumi. “Yaagu oveja dederiadire bokáabu. Irasirirā yu merā usuyaka!” ārīkumi.

⁷ Musārē werea. Sugu ñerō irigu, oveja dederiadi irirosū āārīmi. Irasirigu igū ñerō iririre bujawere, igū gūñarīrē gorawayumakū, Marīpu puro āārīrā buro usuyama. Gajirā wārā masaka igūsā noventa y nueve oveja, makā turogue duripínerā irirosū āārīrā, āsū ārī gūñadima: “Ñerō iribea gua gapu. Irasirirā gua ñerō iririre bujowereri opabea”, ārī gūñama. Igūsā irasū ārī gūñamakū, Marīpu puro āārīrā usuyabema.

Jesús niyeru koe dederidea keori merā buedea

⁸ Sugo nomeō pe mojōma niyeru koeri wajapari koeri opakumo. Su koe dederimakū iāgō, sīāgodirure sīāgo, wiire ooa, oārō amapeokumo. Iri koere bokagogue amaduúkumo. ⁹ Iri koere bokago, igo puro āārīrārē, igoyarārē siu neeōkumo. “Yaa niyeru koe, dederiadea koere bokáabu. Irasirirā yu merā usuyaka!” ārīkumo. ¹⁰ Musārē werea. Sugu ñerīrē irigu igū ñerī iririre bujawere, igū gūñarīrē gorawayumakū, Marīpure wereboerā buro usuyarākuma. Igū dederiboadi dederibirimakū iārā, buro usuyarākuma, ārīyupu Jesús.

Jesús sugu pērā pūrākudi keori merā buedea

¹¹ Irasū ārī odo, Jesús gaji keori merā bueyupu doja:

—Sugu masakū pērā ūma pūrākukumi. ¹² Sunu pagumu gapu pagure āsū ārīkumi: “Au, mu boagu, yure siburire dapagorata yure sīweoka!” ārīkumi. Igū irasū ārīmakū pégu, igū pūrā pērāguereta igū oparire dukawa, sīkumi. ¹³ Mérōgā purata, pagumu gapu igū pagu sīadeare āārīpereri duapeokōākumi. Puru igū duadea waja niyeru merā yoarogue gaji nikūgue waakōākumi. Irogue eja, igūya niyerure ñerō iriri merā irisiripeokōākumi. ¹⁴ Igūya niyeru irisiribéoadero puru, iri nikūguere baari pereakōākoa. Irasirigu buro uaboapurorinugākumi. ¹⁵ Irasirigu, sugu iri nikūmu puro, moārī amagū waakumi. Igū gapu igūrē igūya moārī āārīrōgue yeseare koredoregu iriukumi. ¹⁶ Yapiduagu, yeasea baarireta baadudikumi. Neō gajirā igūrē baari ejobirikuma. ¹⁷ Irasirigu āsū ārī gūñanugākumi: “Yurūya wiire wārā igūrē moāboerā āārīkeremakū, baari wāro dūyanabu. Yu gapu oōguere buro uaboari merā kōmogūgue irikoa. ¹⁸ Irasirigu yuru purogue goedujáagura doja. Āsū ārīgura igūrē: ‘Au, yu Marīpu iūrōrē ñerō irikubu. Mudere irasūta irikubu’, ārīgura. ¹⁹ ‘Negū āārā. Yure: ‘Yu magū āārā’, ārībirikōāka! Irasirigu yure sugu murē moāboegu irirosū opaka!’ ārīgura yurure”, ārī gūñakumi. ²⁰ Irasū ārī gūña, maague waa, igū paguya wiigue goedujáakōākumi.

‘Igū yoarogue aarimakūta, igū pagu igūrē iā, buro bopoñakumi. Puru ūmawāgā, igūrē bokatīrī, pábaa, mimi irikumi. ²¹ Irasirigu igū pagure ārīkumi: “Au, yu Marīpu iūrōrē ñerō irikubu. Mudere irasūta irikubu. Negū āārā. Yure: ‘Yu magū āārā’, ārībirikōāka! Irasirigu yure sugu murē moāboegu irirosū opaka!” ārīkumi igū pagure. ²² Igū irasū ārīkeremakū, igū pagu gapu igūrē moāboerārē ārīkumi: “Murīgōráa. Surí oārīrē āirā waa, sāka! Mojōsūrū túsārī berodere sāka! Gubu surídere sāka! ²³ Weku majīgū oārō diikugure āirā waa, wējeka, igūrē baa, yu magū goejari bosenu irimurā. ²⁴ Īi yu magū boakōākumi, ārādi goejami. Okami. Dederidire marī bokāa”, ārīkumi. Puru bosenu irinugākuma.

²⁵ ‘Igūsā bosenu iriripoe, masā tīgū gapu poeague āārīkumi. Irogue āārādi goedujarigu, wii puro ejagu, igūsā bayarire pékumi. ²⁶ Igūsā bayamakū pégu, sugu igū pagure moāboegure siu, sērēñakumi: “¿Naásū waáari wiiguere?” ārīkumi. ²⁷ “Mu pagumu pūrīrī marīgū, oāgū goejami. Irasirigu muru usuyari merā weku majīgū diikugure wējédoreami”, ārī yujukumi moāboegu igūrē. ²⁸ Igū irasū ārī weremakū pégu, masā tīgū gapu buro guakumi. Wiigue ñajābirikumi. Igū ñajābirimakū iāgū, igū pagu wiria, igūrē: “Ñajārika!”

ārādikumi. ²⁹ “Aḡ, péka! Yḡ wári bojori mḡ dorerire neō suñarō tarinḡgārō marĩrō mḡrē moābosabḡ. Yḡ irasirikeremakḡ, neō sugḡ waibḡ sībiribḡ, yḡ merāmarā merā bosenu iriburo, ārīgḡ. ³⁰ Ī mḡ magḡ gapḡ ñerā nome merā mḡyare irisiribéodi āārĩmĩ. Irire irisiribéo odo, ĩgḡ goejamakḡ, wekḡ diikḡgure ĩgḡrē wējē, ejoa”, ārĩkumi ĩgḡ pagure. ³¹ “Makḡ, mḡ yḡ merā āārĩnikōāa. Irasiriro āārĩpereri yḡ opari mḡya dita āārā. ³² Ī mḡ pagumḡ boakōākumi, ārādi goejami. Okami. Dederidire marĩ bokāa. Irasirirā ĩgḡ goejamakḡ, marĩ bosenu iri ḡḡyamakḡ oāgorāa”, ārĩkumi ĩgḡ magḡrē, ārĩ wereyupḡ Jesús.

16

Jesús, wári doebiri opagḡyare koreboegḡ keori merā weredea

¹ Jesús irasḡ ārĩ odo, ĩgḡ buerārē i keori merā wereyupḡ:

—Sugḡ masakḡ wári doebiri opagḡ āārĩkumi. Irasirigḡ, ĩgḡyare koregḡre opakumi. Gajirā gapḡ ĩgḡ oārō korebirimakḡ ĩārā, ĩgḡ opḡguere: “Mḡya niyerure irisirigḡ iri-ami”, ārĩ weresākuma. ² ĩgḡsā weresāmakḡ pégu, ĩgḡyare koregḡre siiu: “Gajirā yaa niyeru mḡ irisiririre weresāma. Yaare mḡ moārĩrē gojatúri pḡrē yḡre ĩmuka! Irasirigḡ yaare korenemobirikōāka pama!” ārĩkumi ĩgḡ opḡ ĩgḡrē. ³ ĩgḡ irasḡ ārĩmakḡ, niyeru koregḡ āsḡ ārĩ gḡñakumi: “Yḡ opḡ yḡre béowiubu yámi. Yḡ turabea. Irasirigḡ turaro moārĩrē bokatĩubirikoa. Gajirārē niyeru sērē doanígḡ, gḡyasĩrĩgorakoa. ¿Nasirigḡkuri yḡ?” ārĩ gḡñakumi. ⁴ Pḡrḡ gḡñanemokumi doja: “Dapagorare yḡ iriburire masĩsíaa. Yḡre moārĩ marĩmakḡ, yḡ āsḡ irimakḡ ĩārā, yḡre gajirā ĩgḡsāya wiirigḡe ñajādorerākuma”, ārĩ gḡñakumi. ⁵ Irasirigḡ, ĩgḡ opḡre wajamorārē sugḡno ditare siiu, sērēñakumi ejapurorigure: “¿Yḡ opḡre noópa wajamorĩ mḡ?” ārĩ sērēñakumi. ⁶ Wajamogḡ ĩgḡrē yḡjukumi: “Cien dukari olivo wāĩkudi ḡyere wajamokoa”, ārĩkumi. ĩgḡ irasḡ ārĩ weremakḡ, āsḡ ārĩkumi ĩgḡrē: “Doaka, murĩgorāa! Mḡ wajamorĩrē gojatúdea pḡ, i pḡ āārā. Iri pḡrē āĩ, gajĩ pḡguere cincuenta dukarita gojatúka!” ārĩkumi. ⁷ Pḡrḡ gajigḡre sērēñakumi: “¿Mḡkoa, noópa wajamorĩ?” ārĩkumi. Wajamogḡ ĩgḡrē yḡjukumi: “Cien trigo ajuri wajamokoa”, ārĩkumi. ĩgḡ irasḡ ārĩmakḡ, āsḡ ārĩkumi ĩgḡrē: “Mḡ wajamorĩrē gojatúdea pḡ, i pḡ āārā. Iri pḡrē āĩ, gajĩ pḡguere ochenta ajurita gojatúka!” ārĩkumi. ⁸ ĩgḡ opḡ, ĩgḡ irasḡ oārō irikatomerēmakḡ ĩāgḡ: “Mḡ ñegḡ āārĩkeregḡ, mḡ masĩrĩ merā oārō niyerure moāmasía”, ārĩkumi. I ḡmḡgue marā Marĩpḡre masĩbirikererā, Marĩpḡyarā ĩgḡsāya niyerure moāmasĩrō nemorō moāmasía, ārĩ wereyupḡ Jesús.

⁹ Irasḡ ārĩ odo, āsḡ ārĩ werenemoyupḡ:

—Mḡsā i ḡmḡma oparire boporārē sĩka, mḡsārē maĩburo, ārĩrā! Mḡsā irasḡ sĩmakḡ, mḡsā opadea pereadero pḡrḡ ḡmḡgasigue mḡsā ejamakḡ, irogue āārĩrā mḡsārē ḡḡyari merā bokatĩrĩñeārākuma.

¹⁰ ‘Sugḡ mériḡgā opari merā oārō irigḡ, wári opari merādere oārō irigḡkumi. Gajigḡ mériḡgā opari merā oārō iribi, wári opari merādere oārō iribirikumi. ¹¹ Mḡsā i ḡmḡma merā oārō iribirimakḡ, ¿noā Marĩpḡyare diaye oārĩ oparire sĩbukuri mḡsārē? ¹² Gajigḡyare mḡsā oārō iribirimakḡ, ¿noā mḡsā oārō āārĩburire sĩbukuri mḡsārē?

¹³ ‘Neō sugḡ moārĩmasḡ pērā oparārē moāboemasĩbirikumi. Sugḡ opḡre maĩḡḡ, gajigḡ gapḡre maĩbirikumi, o sugḡ opḡre bḡremugḡ, gajigḡ gapḡre yḡjubirikumi. ĩgḡsā irirosḡta niyerure maĩtarigḡ, Marĩpḡ gapḡre maĩbemi, ārĩyupḡ Jesús.

¹⁴ ĩgḡ irasḡ ārĩmakḡ pērā, fariseo bumarā gapḡ niyerure maĩrā āārĩsía, ĩgḡrē bḡridañurā. ¹⁵ ĩgḡsā irasḡ bḡridamakḡ pégu, Jesús ĩgḡsārē wereyupḡ:

—Mḡsā, masaka ĩūrōrē oārō iriadāa. ĩgḡsā, mḡsā iririre ĩārā: “Oārā diayemarē irirā āārĩma”, ārĩrē bḡro péduāa. Marĩpḡ gapḡ mḡsā gḡñarē masĩmi. Masaka ĩgḡsā basi iririre: “Oātaria”, ārĩ gḡñadima. Marĩpḡ gapḡ ĩgḡsā iririre: “Ñetaria”, ārĩ ĩāmi.

Jesús, Marĩpḡ dorerire, ĩgḡ marĩ Opḡ āārĩrē weredea

¹⁶ Juan masakare wāiyedi ejaburo dupiyuro Marīpū ĩgū Moisére doreri pídea merā, ĩgūya kerere weredupiyunerā buedea merā marīrē doredi āārīmí. Dapagora gapure Juan ejadero pūru, Marīpūya ōārī kerere, ĩgūyarārē dorerire yu werea. Yu irire were-makū pérā, masaka ĩgūsā turari merā ĩgūyarārē doreroguerere buro ñajādūama.

¹⁷ Ūmugasi, i nikūde pererokoa. Iri perekeremakū, Marīpū Moisére doreri pídeare neō béobirikumi. Iri doreri merā āārīpereri ĩgū: “Āsū irigūra”, ārīdeare iriyuwarikugukumi ĩgū ārīderosūta, ārīyupū Jesús.

*Jesús masakare: “Mūsā marāposā nomerē béobirikōāka!” ārī buedea
(Mt 19.1-12; Mr 10.1-12)*

¹⁸ Irasū ārī odo, āsū ārīnemoyupū:

—Sugū ĩgū marāpore béo, gajigo merā marāpokūgū, igo merā ñerō irigū yámi. Gajigu béodeore marāpokūgūde igo merā ñerō irigū yámi, ārīyupū.

Jesús doebiri wári opagūya, gajigū Lázaro wāikūgūya keori merā buedea

¹⁹ Pūru Jesús gajī keori merā wereyupū doja:

—Sugū wári doebiri opagū āārīdi āārīmí. Surí wajaparire sāñadi āārīmí. Irasirigū wári opagū āārīsīā, ūmūrikū bosenu irigū irirosū ōārī ditare baarikūdi āārīmí. ²⁰ Gajigū bopogu Lázaro wāikūgū, ĩgūya dūpu āārīperero kāmikūgū wári doebiri opagūya wii makāpuro doanadi āārīmí. ²¹ Wári doebiri opagū baamakū, bopogu gapū ĩgū baasiridijuri pogare baayapidūagu, sea, baadi āārīmí. ĩgū iro doaripoe diayéa ĩgū puro eja, ĩgūya kāmire neerēnerā āārīmá.

²² Pūru bopogu boakōādi āārīmí. ĩgū boamakū, Marīpūre wereboerā paraíso wāikūrogue Abraham āārīrōgue ĩgūrē āimūrīānerā āārīmá. Mérōgā pūru wári doebiri opagūde boakōādi āārīmí. ĩgū boamakū, ĩgūrē yāanerā āārīmá. ²³ Irasirigū doebiri opagū āārādi boanerā āārīrōgue ejagu, buro poyari merā āārīdi āārīmí. ĩgū irogue āārīgū, ūmūgasigue ĩāmu, Abrahārē yoarogue āārīmakū ĩādi āārīmí. Lázarodere ĩgū merā āārīmakū ĩādi āārīmí. ²⁴ Irasirigū buro gaguinīdi āārīmí: “Yu ñekū Abraham, bopoñarī merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nedirure yusañajāmakū irigū aariburo. Yu i peameguere buro poyagu irikoa”, ārīdi āārīmí. ²⁵ ĩgū irasū ārīkeremakū, Abraham gapū ĩgūrē āsū ārīdi āārīmí: “Makū, okagu āārīgūgue āārīpererire ōārīrē opabu mū. Lázaro gapure ūmūrikū ñerō waabu. Dapagorare mū ñerō tariripoere ĩgū gapū ōōguere usuyari merā āārīkōāgū yámi.

²⁶ Gajī āsū āārā. Ūkūārī gobe miē āārā. Irasirirā ōōguere āārīrā mū pūrogue waamasībema. Mū pūrogue āārīrā ōōgue aaridūakererā, aarimasībema”, ārīdi āārīmí Abraham. ²⁷ ĩgū irasū ārīmakū, doebiri opadi āsū ārīdi āārīmí: “Yu ñekū Abraham, mūrē buro sērēa. Lázarore yūpūya wiigū iriuka! ²⁸ Yu su mojōma pererā pagupūrākūa. Lázarore weredoregū iriuka, ĩgūsārē ōōguere ñerō waarōguere aaribirikōāburo, ārīgū”, ārīdi āārīmí. ²⁹ ĩgū irasū ārīmakū, Abraham gapū yūjūdi āārīmí: “Marīpū ĩgū dorerire Moisére pídeare, Marīpūya kerere weredupiyunerā gojadedere opama mū pagupūrā. Irasirirā irire bue, būremuburo”, ārīdi āārīmí. ³⁰ ĩgū irasū ārīmakū, doebiri opadi gapū yūjūdi āārīmí: “Yu ñekū Abraham, ĩgūsā irire opakērerā, ōārō būremubirikuma. Lázaro boadigue masā, ĩgūsā puro waa, ĩgūsārē weremakū, ĩgūsā ñerō iririre bujawere, ĩgūsā gūñarīrē gorawayurākuma. Irasirirā ōārī gapure irirākuma pama yu pagupūrā”, ārīdi āārīmí.

³¹ ĩgū irasū ārīmakū, Abraham gapū ĩgūrē āsū ārī weredi āārīmí: “Mū pagupūrā Marīpū ĩgū dorerire Moisére pídeare, ĩgūya kerere weredupiyunerā gojadedere būremumerā, Lázaro boadigue masā, ĩgūsārē weremakūdere Marīpūre būremubirikuma”, ārīdi āārīmí Abraham, ārī wereyupū Jesús.

17

Gajirārē ñerō irimakū iribirikōāka! ārī weredea (Mt 18.6-7, 21-22; Mr 9.42)

¹ Jesús ĩgū buerārē āsū ārī wereyupũ:

—Masakare ñerō irimakū iriri, āārīnikōārokoa. Gajirārē ñerō irimakū irigũno gapũ ñetariro tarigakumi. ² Sugũ yũre buremugārē majĩgũ irirosũ āārĩgūrē ñerō irimakū irigũ, buro wajamoāsũgukumi. Irasiriro, ĩgũ gajigũre ñerō irimakū iriburi dupiyuro masaka ĩgūrē wáriye ütāye merā wúnugũgue suasiu, wádiyague meéyomakū oābukoa. ³ Irasirirā oārō pémasĩka musā! Mũyagũ mūrē ñerō irimakū ĩāgũ: “Irinorē iribirikōāka!” ārĩka ĩgūrē! Irasirigũ ĩgũ ñerō iriadeare bujawere, ĩgũ gũñarĩrē gorawayumakū ĩāgũ, ĩgũ ñerō iriadeare kātika! ⁴ Irasirigũ sunurē su mojōma pere gaji mojō peru pērēbejarigora mūrē ñerō irimakū ĩāgũ, irikũta mūrē kātiri sērēgũ ejamakū, kātika! ārĩyupũ.

Marĩpũre buremurĩrē weredea (Mt 13.31-32)

⁵ Jesús irasũ ārĩmakū pérā, ĩgũ buerā āsū ārĩñurā:

—Gũare Marĩpũre buremunemomakū irika!

⁶ ĩgũsā irasũ ārĩmakū, marĩ Opũ Jesús ārĩyupũ:

—Marĩpũre musā buremurĩ opari, mostazayegā irirosũ mérōgā āārĩkeremakū, igu sicómoro wāikũdire: “Tũāduuawāgā, wádiyague ejanugārō waaka!” ārĩbukoa. Musā buremurĩ merā doremakū, musā ārĩrōsũta waakoa, ārĩyupũ.

Sugũ moāboerimasũ iririre weredea

⁷ Irasũ ārĩ odo, āsū ārĩnemoyupũ doja:

—Musā watopegue āārĩgũ sugũ moāboegũre opakumi. ĩgũ pooegue moākumi, o wekũare korekumi. ¿ĩgũ moā odo, wiigũ dujajamakū ĩārā, ĩgūrē: “Murĩgora, baagũ aarika!” ārĩbukuri? ⁸ Ārĩbirikoa. Āsũ gapũ ārĩkoa: “Yũ baaburire āmuka! Pũrũ yũ baa, iriri iriripoere yũre baari sīnemobu yũka! Yũ baa odoadero pũrũ, mũde baagũkoa pama”, ārĩkoa musārē moāboegũre. ⁹ ¿ĩgũ musā moādorerire oārō irimakū ĩārā, ĩgūrē: “Ōāa, mũ merā usũyāa”, ārĩbukuri? Ārĩbirikoa. ¹⁰ Musāde ĩgũ irirosũta āārĩpereri Marĩpũ dorerire iri odo, āsū ārĩka! “Gũa ĩgūrē moāboerā, ubu āārĩrā āārā. ĩgũ doreri gũare pídea ditare iriabũ”, ārĩka! ārĩyupũ.

Jesús pe mojōmarā kāmĩ boarārē taudea

¹¹ Gajinũ Jesús Jerusalēgue waagũ, Samaria nikũ, Galilea nikũ watope tariwāgāyupũ.

¹² Iro āārĩrĩ makāgue ĩgũ ejaripoe pe mojōmarā ũma kāmĩ boarā ĩgūrē bokatĩrĩrā aarĩñurā. Kāmĩ boarā āārĩsĩā, yoaweyarogue dujanugā, suro merā gaguinĩñurā:

¹³ —Jesús, buegũ, gũare bopoñarĩ merā ĩāka! ārĩñurā.

¹⁴ Jesús ĩgũsārē ĩāgũ, āsū ārĩyupũ:

—Paĩare musāya dupũre ĩmurā waaka! ārĩyupũ.

ĩgũsā maague waaripoe ĩgũsāya kāmĩ yaripereakōāyuro. Kāmĩ marĩrā dujañurā.

¹⁵ Irasirigũ sugũ ĩgũsā watopemũ ĩgũya kāmĩ yarimakū ĩāgũ, Jesús pũroegue gāmedujarigũ, busuro merā Marĩpũre: “Ōātaria mũ”, ārĩ, usũyari sĩyupũ. ¹⁶ Jesús pũro ejaagũ, ĩgũya guburi pũro ñadukũpuri merā ejamejāja, ĩgũya diapure yebague moomejāja, Jesúre: “Ōāa”, ārĩ, usũyari sĩyupũ. ĩgũ Samariamũ āārĩyupũ. ¹⁷ Jesús, ĩgũ sugũta irasirimakū ĩāgũ, āsū ārĩyupũ:

—Pe mojōmarā āārāma kāmĩ tausũanerā. ¿Gajirā su mojōma pere gaji mojō wapikũdiru pērēbejarā gapũ noógue āārĩkuri? ¹⁸ ĩĩ gũaya nikũmũ āārĩbi dita Marĩpũre usũyari sīgũ gāmedujariañumi. ¿Nasirirā gajirā ĩgũ merā āārānerā gapũ aaribirayuri? ārĩyupũ.

¹⁹ Irasũ ārĩ odo, ĩgūrē āsū ārĩyupũ:

—Wāgānugā, waaka! Mũ Marĩpũre buremurĩ opasĩā, kāmĩ marĩgũ dujabũ, ārĩyupũ.

Jesús, Marĩpu doreri ejaburire weredea
(Mt 24.23-28, 36-41)

²⁰ Iro aarĩrã fariseo bumarã Jesúre àsũ arĩ sērēñañurã:

—¿Naásũ aarĩmakũ, Marĩpu ĩgũyarãrē doreri ejarokuri? arĩñurã. ĩgũsã irasũ arĩmakũ pégu, yujuyupu:

—Marĩpu ĩgũyarãrē doreri ejamakũ, musã ĩãmasĩbea. ²¹ “Marĩpu ĩgũyarãrē doreri oõgue aarãbu, o sõõgue aarã”, arĩmasĩña máa. ĩgũyarãrē doreri musã watopegue aarĩsiáa, arĩyupu.

²² Irasũ arĩ odo, ĩgũ buerãrē àsũ arĩyupu:

—Purugue yu aarĩpererã tĩgũ i umugue dupaturi aariburire buro ĩãduarãkoa. Yu aariburi dupiyuro sunu yure ĩãduakererã, neõ sunu ĩãbirikoa. ²³ Gajirã musãrē àsũ arĩrãkuma. “Īka! Cristo õõta aarĩmi”, o gajirã: “Cristo sõõgue aarãmi”, arĩrãkuma. ĩgũsã irasũ arĩkeremakũ, ĩgũsãrē neõ tuyabirikõaka! ²⁴ Yu aarĩpererã tĩgũ i umugue dupaturi aarigũ, bupu aarĩperero umarõrē gũñaña marĩrõ miarõsũ, gũñaña marĩrõ aarigũkoa. ²⁵ Yu dupaturi aariburo dupiyuro yure buro ñerõ tariro aarã. Dapagora marã yure gããmebirikuma. ²⁶ Noé aarĩdeapoe marãrē waaderosũta yu aarĩpererã tĩgũ aariburo dupiyurogãrē waarokoa. ²⁷ Noé aarĩdeapoere masaka baa, iirĩ, mojóshãunanerã aarĩmã. ĩgũsã pũrã nomerē nomesunanerã aarĩmã. Noé doódiru wádirugue ñajãrĩnugedere irasũta irinikõãunanerã aarĩmã. Puru Marĩpu ĩgũsã aarĩpererãrē miũbeopeokõadi aarĩmĩ. Irasũta waarokoa yu dupaturi aarimakũdere. ²⁸ Lot aarĩdeapoedere marãrõta iriunanerã aarĩmã. Baa, iirĩ, wajari, dua, ote, wiirire iriunanerã aarĩmã. ²⁹ ĩgũsã irasũ iriripoe ĩgũsãya makã Sodoma wãikuri makãrē Lot wirideanurē deko merẽrõsũ, umugasima peame, azufre wãikuri poga ujãdijari, ĩgũsãrē wẽjẽpeokõadero aarĩbũ. ³⁰ Yu aarĩpererã tĩgũ gũñaña marĩrõ i umugue dupaturi aarĩrĩnurē masakare irasũta waarokoa.

³¹ Irasũ waaripoere sugũ ĩgũya wii wekague aarĩgũ, wii poekague ĩgũyare aĩgũ dijabirikõãburo. Murãrõta gajigũ ĩgũya poeague aarĩgũ, ĩgũya wiigue dujãabirikõãburo. ³² Lot marãpo igoya makãrē ĩãgãmedujugo, moã turu irirosũ poyanugãdeare gũñaka! ³³ Sugũ ĩgũya aarĩburi ditare gũñagũ perebiri peamegue waadederigũkumi. Gajigũ yaare gũñagũ tarigũkumi. Marĩpu purogue waagũkumi ĩgũ merã õãrõ aarĩnĩbu.

³⁴ Musãrē werea. Irasũ waaburi ñamirẽ, pẽrã peyarogue kãrĩrãkuma. Sugũ yure bũremugũ aĩsũgũkumi. Gajigũ yure bũremubi dujagũkumi. ³⁵ Nomede pẽrã ojodũka biurã aarĩrãkuma. Sugo yure bũremugõ aĩsũgokumo. Gajigo yure bũremubeo dujagokumo. ³⁶ Pẽrã poeugere moãrã aarĩrãkuma. Sugũ aĩsũgũkumi. Gajigũ dujagũkumi, arĩyupu.

³⁷ ĩgũ irasũ arĩmakũ pẽrã, ĩgũ buerã sērēñañurã:

—Gũa Opũ, ¿noõgue irasũ waarokuri? arĩñurã.

Jesús yujuyupu:

—Mimua nerẽmakũ ĩãrã, masaka sugũ waibu boadi aarĩrõrẽ masĩkuma. I irirosũ yu aarimakũ ĩãrã, ĩgũsã wajamoãsũburire masĩrãkuma, arĩ wereyupu Jesús.

18

Jesús sugo wapiweyo, weresãrĩrẽ beyerimasũ keori merã buedea

¹ Puru Jesús ĩgũ buerãrē buegu, àsũ arĩyupu: “Musã Marĩpure sērẽrã, piriro marĩrõ gũñaturari merã sērẽka!” arĩyupu. Irasirigũ i keori merã wereyupu. ² Àsũ arĩyupu:

—Su makãrẽ sugũ weresãrĩrẽ beyerimasũ aarĩkumi. ĩgũ Marĩpure, masakadere bũremubirikumi. ³ Iri makãrẽta sugo wapiweyo aarĩkumo. Igo ĩgũ purogue ĩgũrẽ iritamurĩ sērẽgõ waanakumo: “Yure ĩaturigũre wajamoãdoreka!” arĩnakumo. ⁴ Igo irasũ arĩriku, igore: “Iribirikoa”, arĩnakumi. ĩgũ irasũ arĩkeremakũ, wãri ĩgũrẽ sērẽ, garibokumo. Igo gariborire piribirimakũ ĩãgũ, àsũ arĩ gũñakumi ĩgũ basi: “Yu Marĩpure, masakadere

buremubi aarikeremakū, ⁵ igo yare garibotarimo. Yare irasū garibogo yare gariboreamakū yámo. Irasirigu igore iaturigure igo weresarirē pé, igurē wajamoadoregukoa pama”, arikumi, arī wereyupu Jesús.

⁶ Irasū arī odo, marī Opure werenemoyupu:

—Īi weresarirē beyerimasū ñegū aarikeregu, igo sērēnirirē pékumi. Īgū irasirideare oārō pémasika musā! ⁷ Īgū nemorō Marīpu gapu Īgū beyenerārē umarī, ñamirī Īgurē buro sērēnirārē iritamugukumi. “Iritamubirikoa”, arībirikumi Īgūsārē. ⁸ Musārē werea. Marīpu gajirā Īgūsārē ñerō irimakū iāgū, Īgūsā sērērīrē pé, yooboro marīrō Īgūsārē iritamugukumi. ¿Īgū irasū oārō pégu aarikeremakū, yu aarīpererā tīgū i umague dupaturi aarigū, Marīpure buremurārē Īgurē sērērārē bokagukuri? arīyupu.

Jesús fariseo bumu, gajigu romano marā opure niyeru wajaseabosarimasū keori merā bueadea

⁹ Jesús irasū arī odo, gajī keori merā bueyupu. “Gua gapu oārā aārā. Gajirā gapu ñerō irirā aarīma”, arī gūñarārē i keori merā asū arī wereyupu:

¹⁰ —Pērā ūma Marīpuya wiigue Īgurē sērērā waakuma. Sugu fariseo bumu, gajigu romano marā opure niyeru wajaseabosarimasū aarīkuma. ¹¹ Fariseo bumu gapu ejanugā, iāmu, asū arī werenikumi: “Gua pu, yu mūrē usuyari sīa. Yu, gajirā yajarimasā, ñerī iririmasā, nome merā ñerō iririmasā irirosū aarībea. Irasū aarīmakū, neō Īi romano marā opure niyeru wajaseabosarimasū irirosū aarībea. Irasirigu mūrē usuyari sīa. ¹² Semanariku penu berea mūrē buremugū. Pe mojōma niyeru koeri wajatagu, su koe mūrē sīa. Aarīpereri yu wajatarire mūrē irasū dita sīa”, arīkumi. ¹³ Niyeru wajaseabosarimasū gapu neō ñajārōgue dujanugā, muúsiunugāja, Īgū ñerī oparire gūña, bujawere, umugasigue neō iāmurō marīrō Īgūya koretibire pá, asū arīkumi Marīpure: “Yu ñegū aārā, irasirigu yare bopoñarī merā iāka!” arīkumi. ¹⁴ Musārē werea. Īi niyeru wajaseabosarimasū, Marīpu iūrō oāgūgue Īgūya wiigue dujáakumi. Fariseo bumu gapu, Marīpu iūrō waja opaguta Īgūya wiigue dujáakōākumi. Asū aārā. Sugu Īgū basi: “Gajirā nemorō oāgū aārā”, arī gūñagūnorē Marīpu Īgurē ubu aarīgū aarīmakū irigukumi. Gajigu Marīpure: “Ñerō iriabū, irasirigu yare bopoñarī merā iāka!” arīgū gapure Marīpu Īgū iūrō oāgū aarīmakū irigukumi, arī wereyupu Jesús.

Jesús majirāya aarīburire Marīpure sērēbosadea
(Mt 19.13-15; Mr 10.13-16)

¹⁵ Pupu masaka majirāgārē Jesúre moañadorerā Īgū puro aijañurā. Īgūsā aijamakū iārā, Jesús buerā Īgūsārē bokatīrī: “Īgurē garibobirikōāka!” arīñurā. ¹⁶ Jesús gapu majirāgārē Īgū puro siu, Īgū buerārē arīyupu:

—Majirā yu purogue aariburo. Kāmutabirikōāka Īgūsārē! Marīpu Īgūyarārē dorerogue aarīmurā, iīsā majirā yare usuyari merā bokatīrīñeārā irirosū aarīma. ¹⁷ Diayeta musārē werea. Iīsā majirā Marīpure Īgūsā Opure gāamerā irirosū aarīmerāno, Īgūyarārē doreroguere waabirikuma, arīyupu.

Sugu maamu wari doebiri opagu Jesús merā werenídea
(Mt 19.16-30; Mr 10.17-31)

¹⁸ Pupu sugu judío masaka oparā merāmu Jesúre sērēñayupu:

—Oāgū buegu, yu umugasigue perebiri okarire wajatadugu, ¿ñeonorē irigukuri? arīyupu.

¹⁹ Jesús Īgurē arīyupu:

—¿Nasirigu yare: “oāgū”, arīrī? Marīpu suguta oāgū aarīmi. ²⁰ Mu, Īgū doreri pídeare masīa: Gajigu marāpo merā ñerō iribirikōāka! Masakare wējēbirikōāka! Yajabirikōāka! Gajirāyamarē arīkatori merā werebirikōāka! Mu pagusāmarārē gopeyari merā buremuka! arīyupu.

21 Īgũ irasũ ārĩmakũ pégu, Jesúre yujyuyurũ:

—Iri doreri āārĩpererire majĩgũgãgueta iripeosiabu yũ, ārĩyurũ.

22 Īgũ irasũ ārĩmakũ pégu, Jesús ĩgũrẽ āsũ ārĩyurũ:

—Murẽ su wãĩ dũyáa. Āārĩpereri mũ oparire duagu waaka! Mũ duadea wajare boporãrẽ guereka! Irasirigu ũmũgasiguere wári õārĩ opagũkoa. Odo, yũ merã aarika! ārĩyurũ.

23 Īgũ irasũ ārĩmakũ pégu, ĩgũ gapũ ĩgũ wári oparire maĩsĩã, bũro bujawereri merã āārĩnũgãyurũ. 24 Īgũ bujaweremakũ ĩãgũ, Jesús āsũ ārĩyurũ:

—Wári doebiri oparãrẽ Marĩpũ ĩgũyarãrẽ dorerogue ĩgũsã waadũamakũ diasatari-akõãa. 25 Camellu awiru gobegãgue ñajãtariweremasĩbirikumi. I nemorõ wári doebiri opagũre Marĩpũ ĩgũyarãrẽ dorerogue waamakũ diasãa, ārĩyurũ.

26 Īgũ irasũ ārĩmakũ pérã, masaka āsũ ārĩñurã:

—Iro merẽ, ¿noã gapũ Marĩpũ tausũmurã ĩgũ pũroguere waamurã āārĩbukuri? ārĩñurã.

27 Jesús ĩgũsãrẽ ārĩyurũ:

—Masaka ĩgũsã basi ĩgũsã iriri merã Marĩpũ pũroguere waamasĩbema. Marĩpũ dita ĩgũsãrẽ ĩgũ pũro āārĩmurã waamakũ irimasĩmi, ārĩyurũ.

28 Īgũ irasũ ārĩmakũ pégu, Pedro ĩgũrẽ ārĩyurũ:

—Gũa Opũ, gũa murẽ tũyarã, āārĩpereri gũa opadeare pípeokõãbu, ārĩyurũ.

29 Īgũrẽ Jesús āsũ ārĩ yujyuyurũ:

—Diayeta mũsãrẽ werea. Marĩpũ ĩgũyarãrẽ doreri kerere wererã waarã, ĩgũsãya wiirire, marãposã nomerẽ, ĩgũsã pagũpũrãrẽ, pagũsãmarãrẽ, pũrãrẽ pípeorã, wári õārĩ wãjatarãkuma. 30 ĩgũsã iro dupiyuro opaderosũ i ũmũguere nemorõ wári õārĩ wãjatarãkuma. Pũrũ i ũmũ peremakũ, ũmũgasiguere perebiri okari oparãkuma Marĩpũ merã āārĩnĩmurã, ārĩyurũ.

Dupaturi Jesús ĩgũ boaburire weredeã

(Mt 20.17-19; Mr 10.32-34)

31 Pũrũ Jesús ĩgũ buerãrẽ pe mojõma pere su gubu peru pẽrẽbejarã ditare siiuwãgã, ārĩyurũ:

—Õãrõ péka! Marĩ Jerusalẽgue waarã yáa. Iroguere āārĩpereri Marĩpũya kerere weredupiyunerã yũre āārĩpererã tĩgũrẽ gojaderosũta yũre waarokoa. 32 Irasirirã yũre ñeã, judío masaka āārĩmerãguere wiarãkuma. ĩgũsã yũre bũrida, ñerõ werení, síku eotũbirarãkuma. 33 Yũre bũro tãrãrãkuma. Irasiri odo, wẽjẽrãkuma. ĩgũsã yũre wẽjẽadererũ, urenũ waaró merã masãgũkoa, ārĩyurũ.

34 ĩgũ buerã ĩgũ irasũ ārĩ wererire āārĩpererire neõ pémasĩbiriñurã. Marĩpũ irire ĩgũsãrẽ pémasĩmakũ iribiriuyurũ dapa.

Jesús Jericómũrẽ koye ĩãbire taudeã

(Mt 20.29-34; Mr 10.46-52)

35 Pũrũ Jesús Jericó wãĩkũri makã tũroguere ejaripoe ĩgũ waarĩ maa tũro sugũ koye ĩãbi niyeru sãrẽ doanĩyurũ. 36 Irasirigu masaka wãrã ĩgũ pũro tariwãgãnamakũ pégu, iro āārĩrãrẽ sãrẽñayurũ: “¿Nasirirã masaka wãrã tariwãgãnarĩ?” ārĩyurũ.

37 —Jesús Nazaretmũ aarigũ yãmi, ārĩñurã.

38 ĩgũsã irasũ ārĩmakũ pégu, āsũ ārĩ gaguinĩyurũ:

—Jesús, David parãmi āārĩturiagu, yũre bopoñarĩ merã ĩãka! ārĩyurũ.

39 ĩgũ irasũ ārĩ gaguinĩmakũ, masaka ĩgũ dupiyuro āārĩrã gapũ ĩgũrẽ: “Toeaka!” ārĩñurã. ĩgũsã irasũ ārĩkeremakũ, ĩgũ gaguinĩadererũ nemorõ gaguinĩnemoyurũ:

—David parãmi āārĩturiagu, yũre bopoñarĩ merã ĩãka! ārĩyurũ.

40 Īgū irasū ārīmakū pé, Jesús dujanugāja, masakare: “Āīrika ĩgūrē!” āriyupū. Īgū irasū ārīmakū pérā, gajirā ĩgūrē āiwāgāñurā. Īgū purogue āijamakū, Jesús ĩgūrē sērēñayupū:

41 —¿Neénorē yu murē irimakū gāāmerī? āriyupū.

—Yū Opū, yure koye ĩāmakū irika! āri yujuyupū.

42 —Jáu, ĩāka pama! Mū yure buremurī opāa. Irasirigū tausūa, āriyupū Jesús ĩgūrē.

43 Īgū irasū ārīmakūta, ōārō ĩāmasīakōāyupū. Irasirigū Jesúre tuyawāgā, Marīpūre: “Ōātaria mū”, āri, usuyari siyupū. Āārīpererā ĩgūrē irasū waamakū ĩārāde, Marīpūre usuyari sīñurā.

19

Jesús Zaqueore ĩābokadea

1 Pūru Jesús Jericógue eja, iri makārē tariwāgāgū iriyupū. 2 Irore sugū masakū Zaqueo wāikūgū wāri doebiri opagū, romano marā opūre niyeru wajaseaboerimasā opū āārīyupū. 3 Īgū Jesúre ĩādūadiyupū. Masaka wārā watopeguere ūmabi āārīsīā, Jesúre neō ĩābokabiriyupū. 4 Irasirigū ūmadupiyuwāgā, Jesús tariwāgāburo pūromū yukū sicómoro wāikūdigue murīayupū ĩgūrē: “Īāgura”, āriġū. 5 Jesús irigū puro tariagu, ūmarōgue peyagure ĩāboka, ĩgūrē āsū āriyupū:

—Zaqueo, murīgora, dijirika! Yū dapagārē mūya wiita dujagūkoa, āriyupū.

6 Īgū irasū ārīmakū pé, Zaqueo mumurō merā dijiri, Jesúre buro usuyari merā bokatīrīgū waayupū. 7 Īgū irasirimakū ĩārā, āārīpererā masaka werewūñurā: “¿Nasirigū Jesús ñegūya wiigū dujagū waáari?” āriñurā. 8 Irasirigū Zaqueo ĩgūya wiigū ejadero pūru, wāgānugā, marī Opū Jesúre āriyupū:

—Yū Opū, péka! Gajino boporārē yu oparire deko merā dukawagūra. Yū gajirārē ārīkatori merā yajadeare wapikūri āārīnemorō ĩgūsārē wiagūra, āriyupū.

9 Jesús irire pégu, iri wii āārīrārē āsū āriyupū:

—Dapagā merā ĩgū, ĩgūya wii marā, ĩgūsā ñerō iridea wajare tausūma. Īgūde Abraham parāmi āārīturiagu, yure buremugū āārīmi. 10 Yū āārīpererā tīgū perebiri peamegue waadederibonerārē āma, taugū aarigū iribū, āriyupū.

Jesús pe mojōma niyeru koeri keori merā buedea

11 Jesús Zaqueo merā werenimakū masaka péñurā. Īgū Jerusalén turogue āārīmakū ĩārā, āsū gūñañurā: “Gūñaña marīrō Marīpū ĩgūyarārē dorero ejaburo yāa”, āri gūñañurā. Irasirigū Jesús keori merā ĩgūsārē 12 āsū āri wereyupū:

—Sugū masakū, opū ñajāburo dupiyuro yoarogue gaji nikūgue waakōākumi. Īgūrē opū sóadero pūru, ĩgūya nikūrē goekumi. 13 Īgū waaburo dupiyuro ĩgūrē moāboerā pe mojōmarārē siiukumi. Siiu, ĩgūsākū su koe wajapari niyeru koe sī, ĩgūsārē āsū ārīkumi: “Yū iroque āārīripoe i niyeru koe merā gajino wajari, duaka, gaji niyeru koeri wajatanemomurā!” ārīkumi. 14 Irasū āri odo, opū ñajābu waakōākumi pama. Īgūya nikū marā gapū ĩgūrē gāāmebirikuma. Irasirirā, ĩgū waadero pūru, gajirārē ĩgūrē weredorerā iriukuma. Irasirirā ĩgūrē: “Mū, gūa opū āārīmakū gāāmebea”, ārīkuma. 15 Īgūsā ĩgūrē gāāmebirikeremakū, ĩgūsā opū ñajākumi. Opū ñajāa odo, ĩgūya nikūgue goedujáakumi. Irasū goedujajagū, ĩgūrē moāboerārē ĩgūsā niyeru koe merā wajatanemoadeare masību, ĩgūsārē siiukumi. 16 Īgū puro ejapurorigū āsū ārīkumi: “Yū opū, mū niyeru koe yure sīdea koe merā gaji pe mojōma koeri wajatanemobū”, ārīkumi. 17 Īgū irasū ārīmakū pégu, ĩgū opū ārīkumi: “Ōāgorāa. Mū yure moāboegu ōāgū āārā. Yū dorederosūta yu mérōgā murē pídea merā ōārō iriyo. Irasirigū pe mojōma makārīrē doregu āārīgūkoa”, ārīkumi ĩgū opū ĩgūrē. 18 Pūru gajigū āsū ārīkumi: “Yū opū, mū niyeru koe yure sīdea koe merā gaji su

mojõma koeri wajatanemobu yude”, ãrĩkumi. ¹⁹ Ìgũ irasũ ãrĩmakũ pégu, ìgũ opu ãrĩkumi: “Su mojõma makãrĩrẽ doregu ããrĩgũkoa”, ãrĩkumi.

²⁰ Pũru gajigu ãsũ ãrĩkumi: “Yũ opu, mũya niyeru koe õõ ããrã. Iri koere suriro gasiro merã õma, duripĩbu. ²¹ Mũ gajirãrẽ buro turaro merã moãdoregu ããrã. Mũ basi moãbirikeregu, otebi ããrĩkeregu, mũrẽ moãboerãrẽ oterire otedore, ìgũsãrẽ oteri dukare seadore, irire mũ basita opáa. Irasirigu mũrẽ gũiabũ”, ãrĩkumi ìgũ opu. ²² Ìgũ irasũ ãrĩmakũ pégu, ìgũ opu ãrĩkumi: “Mũ yũre moãboegu ñegũ ããrã. Irasirigu mũrẽ wajamoãgũra. Mũ yũre wereri merãta mũrẽ weregũra. Mũ yũre ãsũ ãrã: ‘Mũ gajirãrẽ buro turaro merã moãdoregu ããrã. Mũ basi moãbirikeregu, otebi ããrĩkeregu, mũrẽ moãboerãrẽ oterire otedore, ìgũsãrẽ oteri dukare seadore, irire mũ basita opáa’, ãrã mũ yũre. ²³ Mũ irasũ ãrĩgũ, ¿nasirigu yũ mũrẽ sĩdea koere niyeru duripĩri wiigwe duripĩbiriri? Irogue duripĩmakũ, i wii moãrã iri koe merã wãro wajatanemobosabukuma mũrẽ. Irasirigu, yũ goejagu, mũ yũre ìgũsã iriri merã wajatanemobosadeare ñeãboakuyo”, ãrĩkumi ìgũ opu ìgũrẽ. ²⁴ Irasũ ãrĩ odo, gajirãrẽ ìgũ pũro ããrĩrãrẽ ãrĩkumi: “Ìgũrẽ niyeru koere ãma, pe mojõma koeri opagu gapũre sĩka!” ãrĩkumi. ²⁵ Ìgũ irasũ ãrĩmakũ, ìgũsã ãsũ ãrĩkuma ìgũrẽ: “Gũa opu, pe mojõma koeri opagu opasiami”, ãrĩkuma. ²⁶ Ìgũsã irasũ ãrĩmakũ, opu ãsũ ãrĩ yũjukumi: “Mũsãrẽ werea. ããrĩpererã ìgũsã opari merã õãrõ irirã õãrĩrẽ sĩnemosũrãkuma. Gajirã õãrõ irimerã ìgũsã mérõgã opadideare ãmapeokõãsũrãkuma. ²⁷ Dapagorata yũre ìaturirãrẽ yũre opu ñajãmakũ gããmemerãrẽ yũ pũrogue ãirika! Yũ ìũrõ wẽjeka ìgũsãrẽ!” ãrĩkumi opu ìgũrẽ moãboerãrẽ, ãrĩ wereyupu Jesús.

Jesús Jerusalégue ejadea

(Mt 21.1-11; Mr 11.1-11; Jn 12.12-19)

²⁸ Irasũ ãrĩ odo, gajirã dupiyuro Jerusalégue waayupu doja. ²⁹ Irogue waa, Betfagé, Betania wãikũri makãrĩ pũro ejarũroriyupu. Iri makãrĩ, Olivos wãikũdi ùtãũ ããrĩdujimejãrõgue ããrĩyuro. Irogue ejagu, ìgũ buerã pẽrãrẽ ãsũ ãrĩ iriuyupu:

³⁰ —Si makã marĩ bokatũũrõ ããrĩrĩ makãgue waaka! Iro ejarã, sugũ burrore ìgũsã suanúadire neõ suñarõ peyasũña marĩgũrẽ bokajarãkoa. Ìgũrẽ kura, õõgue ãirika! ³¹ Sugũ mũsãrẽ: “¿Nasirimurã ìgũrẽ kurari?” ãrĩmakũ: “Marĩ Opu gããmeami”, ãrĩka! ãrĩ iriuyupu.

³² Ìgũ irasũ ãrĩmakũ, ìgũ buerã pẽrã makãgue waañurã. Irogue Jesús ìgũ ãrãderosũta waayuro. ³³ Irasirirã burrore ìgũsã kuramakũ ìãrã, ìgũ oparã ìgũsãrẽ sërẽñañurã:

—¿Nasirimurã burrore kurari? ãrĩñurã.

³⁴ Ìgũsã irasũ ãrĩmakũ pẽrã, ãsũ ãrĩ yũjuñurã:

—Marĩ Opu ìgũrẽ gããmeami, ãrĩñurã.

³⁵ Pũru burrore Jesús pũrogue ãiãñurã. ãija, ìgũsãya wekama surire túwea, burro weka peo, Jesúre ìgũ wekague mũrĩbejamakũ iriñurã. ³⁶ Jesús peyawãgãrimakũ, masaka ìgũsãya wekama surire túwea ãi, ìgũ waaburi maarẽ sẽõpĩdupiyuñurã ìgũrẽ bũremurã. ³⁷ Irasirirã Jerusalén pũrogue eja, Olivos wãikũdi ùtãũ dijarirã, ããrĩpererã Jesúre bũremurã ìgũrẽ irogue tũyanerã ããrĩpereri ìgũ Marĩpu turaro merã iri ìmumakũ ìãdeare gũñarã, usuyari merã Marĩpũre: “Õãtaria mũ”, ãrĩ, buro gaguiniñurã ìgũrẽ bũremurã. ³⁸ ãsũ ãrĩñurã: Marĩ Opu usuyari sĩrã! Ìi Marĩpu marĩrẽ taugu iriudi õãrõ aariburo. Ëmũgasigue ããrĩrã siñajãburo.

Ìgũsãde Marĩpũre: “Õãtaria mũ ããrĩpererã Opu ããrĩgũ”, ãrĩ, usuyari sĩburo, ãrĩñurã.*

³⁹ Ìgũsã irasũ ãrĩmakũ pẽrã, surãyeri fariseo bumarã irogue ããrĩrã Jesúre ãrĩñurã:

—Buegu, mũ buerãrẽ wereka! Toedoreka ìgũsãrẽ! ãrĩñurã.

⁴⁰ Ìgũsã irasũ ãrĩmakũ, Jesús ìgũsãrẽ yũjuyupu:

—Mũsãrẽ werea. Ìgũsã usuyari merã werenĩbirimakũ, Marĩpu i ùtãyerire gaguiniñurã iribukumi, ãrĩyupu. ⁴¹ Pũru Jesús Jerusalén tũro eja, iri makãrẽ ìã, oreyupu. ⁴² ãsũ ãrĩyupu:

* 19:38 Sal 118.26

—Jerusalén marā, dapagā Marīp̄ m̄sārē ōārō siñajārī sīduarire pémasīmakū ōātariboakuyo. Marīp̄ irasū sīduakeremakū, m̄sā irire neō pémasīduabea. Irasiriḡ Marīp̄ m̄sārē irire pémasīdorebemi. ⁴³ Irasiriro m̄sārē ñerō waarīn̄ ejarokoa. M̄sārē īāturirā m̄sāya makā turore wea kāmūtamejājarākuma. M̄sā wiriboadeare āārīpererogue biapeokōārākuma m̄sārē ñeāmura. ⁴⁴ Irasirirā m̄sārē yebague wējēmeépīrākuma. M̄sārē iri makā marā āārīpererārē wējēpeokōārākuma. Ūtāyeri weadeade neō gajiyē weka dujabirikoa. M̄sārē Marīp̄ īgū taudharin̄ ejakeremakū, m̄sā īgūrē īāmasībiridea waja, īgūrē béodea waja irasū waarokoa, ārī wereyup̄ Jesús.

Jesús Marīp̄ya wiiḡue duarārē béowiudea
(Mt 21.12-17; Mr 11.15-19; Jn 2.13-22)

⁴⁵ P̄r̄u Jerusalēgue ejaḡu, Jesús Marīp̄ya wiiḡue ñajāyup̄. Irogue ñajāa, doebiri duarārē, īgūsā duarire wajarirādere bokaja, īgūsārē béowiuyup̄. ⁴⁶ Īgūsārē āsū ārīyup̄:

—Marīp̄ īgūya werenīrī gojadea p̄gue āsū ārīdi āārīmī: “Yaa wii, ȳre b̄remurā ȳre sērērī wii āārā”, ārīdi āārīmī. M̄sā gap̄ yajarimasāya wii irirosū āārīmakū yāa, ārīyup̄ Jesús.

⁴⁷ Ūmarik̄ Jesús Marīp̄ya wiiḡue masakare bueḡu waanayup̄. Īgū irasū bueḡu ejamakū īā, Moisés gojadeare buerimasā, paía oparā, gajirā judío masaka oparāde: “¿Nasiri īgūrē wējērākuri?” ārī gūñamañurā. ⁴⁸ Īgūsā īgūrē wējēduakeremakū, masaka āārīpererā īgū werenīrīrē ōārō p̄nurāñurā. Irasirirā Jesúre wējēduarā: “Āsū irirā, īgūrē wējēmura”, ārī, āmumasībiriñurā.

20

Judío masaka oparā Jesúre: “¿Noā m̄rē doreri?” ārī sērēñadea
(Mt 21.23-27; Mr 11.27-33)

¹ Gajin̄ Jesús Marīp̄ya wiiḡue āārīrārē Marīp̄ masakare tauri kerere bueḡu iriyup̄. Īgū irasū buemakū, paía oparā, Moisés gojadeare buerimasā, judío masaka m̄rā merā īgū p̄rogue eja, ² īgūrē sērēñañurā:

—Wereka ḡare! ¿Noā m̄rē doreri, m̄ irasirimakū? ¿Noā m̄rē: “Āsū irika!” ārīrī? ārīñurā.

³ Jesús īgūsārē ȳjuyup̄:

—Ȳde m̄sārē sērēñagura. Ȳjuka ȳdere! ⁴ Juan masakare deko merā wāiyemakū, ¿noā īgūrē wāiyedoreḡu iriyuyuri, Marīp̄, o masaka? ārīyup̄.

⁵ Īgū irasū ārīmakū pérā, īgūsā basi āsū ārī gāme werenīñurā:

—¿Naāsū ārī ȳjūrākuri marī? “Marīp̄ Juārē doredi āārīmī”, marī ārīmakū, Jesús marīrē: “¿Nasirirā īgū weredeare b̄remubiriri m̄sā?” ārībukumi. ⁶ Āārīpererā masaka: “Diyeta Juan Marīp̄yare weredupiyudi āārīmī”, ārī gūñama. Marī: “Masaka Juārē wāiyedorenerā āārīmā”, ārīmakū, masaka marīrē ūtāyeri merā dearākuma, ārīñurā. ⁷ Irasirirā Jesúre āsū ārī ȳjūñurā:

—Juārē wāiyedoredire ḡa masībea, ārīñurā.

⁸ Īgūsā irasū ārīmakū, Jesús īgūsārē ārīyup̄:

—Iro merē m̄sā ȳre: “¿Noā m̄rē irire doreri?” ārī sērēñadeare ȳde m̄sārē ȳjubea, ārīyup̄.

Jesús ñerā moārā keori merā buedea
(Mt 21.33-44; Mr 12.1-11)

⁹ P̄r̄u Jesús i keori merā masakare āsū ārī buenugāyup̄:

—Suḡu masakū īgūya pooḡue iguidarire otekumi. Ote odo, gajirārē iri pooere wayu: “Ȳu otedea dukare deko merā sīrākoa, ȳ m̄sārē iri pooere wayuri waja”, ārīkumi. Irasū ārī odo, gajirogue waakōākumi. Yoaripoe deyomarīkumi. ¹⁰ P̄r̄u igui ñīripoe āārīmakū,

Īgūrē moāboegure Īgūya pooema oteri dukare deko merā sērēdoregū iriukumi. Poore moārā gapu Īgū iriuadire irogue ejamakū ĩārā, Īgūrē pākuma. Neō sutō iguitō sīrō marīrō Īgūrē iridujukuma. ¹¹ Puru poee opu gajigu Īgūrē moāboegure iriuadikumi doja. Poore moārā gapu Īgūdere pá, ñerō irikuma. Neō gajino sīrō marīrō Īgūdere iridujukuma. ¹² Puru poee opu gajigu Īgūrē moāboegure iriuadikumi doja. Poore moārā gapu Īgūrē kāmítú, iri poee turogue béokōākuma.

¹³ Īgūsā irasiriadero puru, poee opu āsū ārī gūñakumi: “¿Nasirigukuri yu?” ārīkumi. “Āsū irigura. Yu magū yu maīgūrē iriugura. Īgūrē iriumakū, Īgūrē buremurākuma”, ārī gūñadikumi. ¹⁴ Irasirigu Īgū magūrē iriukumi. Īgū irogue ejamakū ĩārā, poee moārā gapu Īgūsā basi āsū ārī gāme wereníkuma: “Īta purugure i poore opabu āārīmi. Īgūrē wējēkōārā! Irasirirā marī basi i poore oparākoa”, ārīkuma. ¹⁵ Irasirirā Īgūrē ñeā, poee turogue āiwāgā, wējēbéokōākuma, ārīyupu Jesús.

Irasū ārī odo, Īgūsārē sērēñayupu:

—Musā péñamakū, Īgū magūrē wējēadero puru, ¿nasirigukuri poee opu Īgūya poore moārārē? Āsū irigukumi. ¹⁶ Irogue waa, Īgūsārē wējē, iri poore gajirā gapure sīgukumi, ārīyupu Jesús.

Īgū irasū ārīmakū pérā, masaka gapu āsū ārīñurā:

—Neō marīrē irasū waabirikōāburo, ārīñurā.

¹⁷ Jesús gapu Īgūsārē ĩā, āsū ārī sērēñayupu:

—Marīpaya werenírī gojadea pūgue āsū ārī gojasūdea, ¿naāsū ārīduaro yári? Āsū ārī gojasūdero āārībú:

Suye ūtāyere wii iririmasā béoadeaye merā gajigu gapu ōārō turari wii irigukumi.✧

¹⁸ Sugū i ūtāye weka meémejāgū, mutākōāgukumi. I ūtāye gapu Īgū weka meébejaro Īgūrē ōārī pogagāgue meémutūbéokōārokoa, ārīyupu Jesús.

Romano marā opu masakare niyeru wajasearire Jesúre sērēñadea

(Mt 21.45-46; 22.15-22; Mr 12.12-17)

¹⁹ Paía oparā, Moisés gojadeare buerimasāde Īgū i keori merā irasū ārī weremakū pérā: “Marīrē: ‘Pooe moārā irirosū ñerā āārā’, ārīgū irikumi”, ārī péña, Īgūrē peresu irimurā buro ñeāduadiñurā. Irasū ñeāduakererāta: “Masaka, Īgūrē marī irasirimakū ĩārā, marī merā guarākuma”, ārīñurā. Irasirirā Īgūsārē gūisīā, ñeāmasībiriñurā. ²⁰ Irasirirā: “Gajinu Īgūrē ñeārāra”, ārī, ĩānurūtayañurā. Īgū ñerō yajumakū weresāmurā péduarā iriadiñurā. Irasirirā gajirārē irikatorārē Īgū puro iriuñurā Īgū werenírīrē pēdorerā. “Īgūrē sērēñarā waarā, masaka ĩūrōrē diaye irirā irirosū āārīka!” ārī, Īgūsārē iriuñurā. “Jesús ñerō werenímakū pérā, iri nikū marā opu purogue peresu iridorerā āiwāgārāra”, ārīrā, Īgūsārē iriuadiñurā. ²¹ Īgūsā Jesús purogue ejarā, āsū ārīñurā:

—Buegū, mu iririkurire masīa. Mu ārīkatoro marīrō werenía. Marīpuyare diayeta buea. “¿Naāsū gūñarī masaka yare?” ārī gūñarō marīrō diayeta Īgūsārē werea. Oparārē, ubu āārīrādere āārīpererārē surosūta ĩāa. ²² Irasirigu gūare wereka! Romano marā opu marīrē niyeru wajasearire marī wajarimakū, ¿ōāgorari, o ōāberi? ārīñurā Jesúre.

²³ Jesús gapu Īgūsā ñerō iriduarire masīsīā, Īgūsārē ārīyupu:

²⁴ —Niyeru koere āārīka! I koegure, ¿noāya diapu keori, noāya wāi tuuyari? ārīyupu.

—Romano marā opuya diapu keori, Īgū wāita tuuyāa, ārī yajumñurā.

²⁵ Īgūsā irasū ārīmakū pégu, Jesús Īgūsārē āsū ārīyupu:

—Iro merē romano marā opuya āārīrīrē Īgūrē sīka! Marīpaya gapure Marīpūre sīka! ārīyupu.

²⁶ Irasirirā masaka péuro neō Īgūrē ñerō ārī werenímakū irimasībiriñurā. Ubu gapu Īgū yajurire pérā péguka, toekōāñurā.

✧ 20:17 Sal 118.22

*Saduceo bumarã, Marĩpu boanerãrẽ masũburire Jesúre sêrêñadea
(Mt 22.23-33; Mr 12.18-27)*

²⁷ Pũru surãyeri saduceo bumarã Jesús pũroque ejañurã. Ìgũsã: “Masaka boanerãgue masãbirikuma”, ãrĩ bũremurã ããrĩñurã. Irasirirã Jesúre ãsũ ãrĩñurã:

²⁸ —Buegu, Moisés marĩrẽ ãsũ ãrĩ gojapĩdi ããrĩmĩ: “Sugũ marãpokũdi pũrã marĩkeregu igore boaweomakũ, Ìgũ pagũmũ igore dúunorẽgũkumi. Irasirirã, Ìgũ igo merã pũrãkũrã Ìgũ tĩgũ dagũ pũrã irirosũta ããrĩrãkuma”, ãrĩ gojapĩdi ããrĩmĩ.

²⁹ ’Iripoeguere sugũ pũrã, su mojõma pere gaji mojõ peru pẽrẽbejarã ããrĩunanerã ããrĩmã. Ìgũsã tĩgũ gapũ marãpokũ, pũrã marĩgũta boakõãyupũ. ³⁰ Irasirigũ Ìgũ dagũ dokamũta Ìgũ marãpo ããrĩdeore dúunorẽyupũ. Ìgũde, Ìgũ tĩgũ dagũ irirosũta pũrã marĩgũta boakõãyupũ. ³¹ Ìgũsã pẽrã dokamũde pũrã marĩgũta boakõãyupũ. Irasũ dita pũrã marĩrãta boapereakõãñurã. ³² Ìgũsã pũru Ìgũsã marãpode boakõãyupo pama. ³³ Ìgũsã su mojõma pere gaji mojõ peru pẽrẽbejarã ãma igore marãpokũadiñurã. Irasirirã boanerã masãmakũ, ¿niĩno marãpogora ããrĩgokuri? ãrĩñurã.

³⁴ Jesús Ìgũsãrẽ yũjũyupũ:

—I ãmũgue ããrĩrã, ãma, nome merã marãpokũma. Ìgũsã pũrã nomedere nome-suma. ³⁵ Ìgũsã irasirikeremakũ, ãmũgasigue ããrĩmurã gapũ irasũ ããrĩbirikuma. Marĩpu: “Õãrã ããrĩma”, ãrĩ ããrã, boanerãgue masã, pũru Ìgũ pũroque mũrĩãrãkuma. Iroguere marãpokũbirikuma. Ìgũsã pũrã nomedere nomesubirikuma. ³⁶ Marĩpũre wereboerã irirosũ neõ dupaturi boabirimurã ããrĩsĩã, irasiribirikuma. Ìgũsã Marĩpu masũnerã, Ìgũ pũrã ããrĩrãkuma. ³⁷ Iripoeguere Moisés Ìgũ yukũgãgue ãjũrõgue waadeare gojadi ããrĩmĩ. Ìgũ iroque ããrĩmakũ, Marĩpu ãsũ ãrĩdi ããrĩmĩ Ìgũrẽ: “Yũ Abraham, Isaac, Jacob Opũta ããrã”, ãrĩdi ããrĩmĩ. I merã boanerã masãburire marĩ masã. ³⁸ Abraham, Isaac, Jacob boanerã ããrĩkererã, Marĩpu merã okarã ããrĩma. Irasirigũ Marĩpu boanerã dupaturi masãbirimurã Opũ ããrĩbemi. Okarã Opũ ããrĩmĩ. ããrĩpererã masaka boakererã, Marĩpu ããrĩ okarã ããrĩma, ãrĩyupũ Jesús.

³⁹ Ìgũ irasũ ãrĩmakũ pẽrã, surãyeri Moisés gojadeare buerimasã ãsũ ãrĩñurã:

—Buegu, mũ õãrõ yũjũã, ãrĩñurã. ⁴⁰ Irasirirã neõ dupaturi gaji Ìgũrẽ sêrêñadũabiriñurã.

*“¿Noã parãmi ããrĩturiagu ããrĩrĩ Cristo?” ãrĩ sêrêñadea
(Mt 22.41-46; Mr 12.35-37)*

⁴¹ Jesús gapũ ãsũ ãrĩyupũ:

—¿Nasirirã Moisés gojadeare buerimasã: “Cristo, David parãmi ããrĩturiagu ããrĩmĩ”, ãrĩrĩ? ⁴² David, Salmos wãĩkũri gojadea pũgue ãsũ ãrĩ gojadi ããrĩmĩ:

Marĩpu, yũ Opũre ãsũ ãrĩmĩ: “Õõ, yũ diaye gapũ doaka yũ merã dorebu!

⁴³ Irasiriripoe mũrẽ ããrĩrãrẽ mũ dorerire tarinũgãnemobirimakũ irigũra”, ãrĩmĩ, ãrĩ gojadi ããrĩmĩ David.✠

⁴⁴ David, Cristo ñekũ ããrĩkeregu, Ìgũrẽ: “Yũ Opũ ããrĩmĩ”, ãrĩdi ããrĩmĩ. ¿Nasirigũ, Cristo, David parãmi ããrĩturiagu ããrĩkeremakũ, David Ìgũrẽ irasũ ãrĩyuri? ãrĩyupũ Jesús.

*Jesús, Moisés gojadeare buerimasãrẽ: “Ñerõ yãã”, ãrĩ weresãdea
(Mt 23.1-36; Mr 12.38-40; Lc 11.37-54)*

⁴⁵ ããrĩpererã masaka péuroque Jesús Ìgũ buerãrẽ ãsũ ãrĩyupũ:

⁴⁶ —Moisés gojadeare buerimasã ñerõ iririre õãrõ pẽmasĩka! Oparã irirosũ surĩ yoari sãña, masaka ããrĩrõgue waagorenama. Makã dekoguere masakare õãrõ bũremurĩ merã bokatĩrĩ õãdoremakũ gããmema. Nerẽrĩ wiiriguere ñajãrã, õãrĩ doaripẽrĩgue dita doadũama. Bosenurĩ ããrĩmakũdere oparã doarigue dita doadũama. ⁴⁷ Wapiweyarã nome wajamomakũ ãã, Ìgũsãya wiirire ãmanokõãma. Ìgũsãrẽ bopõnarĩ merã ããbirikererã,

yoaripoe Marĩpũre sērē ĩmukatoma, masaka ĩgũsārē: “Marĩpũre õārõ bũremuma”, ārĩburo, ārĩrã. ĩgũsã irasiriri waja Marĩpũ ĩgũsārē gajirã nemorõ wajamoãgũkumi, ārĩyupũ Jesũs.

21

Wapiweyo bopogo Marĩpũya wiigue niyeru koeri sãdea
(Mr 12.41-44)

¹ Jesũs Marĩpũya wiigue ããrĩgũ, iri wiima ĩgũsã ãmuburi niyeru neeõrĩ kũmague wãri doebiri oparã ĩgũsã niyeru sãmakũ ĩãyupũ. ² Sugo wapiweyo bopogode iri kũmague pe koegã, mērõgã wajakuri koerigãrē sãmakũ ĩãyupũ. ³ Iri koerire igo sãmakũ ĩãgũ, ãsũ ārĩyupũ:

—Diayeta musãrē werea. Igo wapiweyo bopogo i kũmague niyeru sãgõ, Marĩpũ ĩũrõ gajirã ããrĩpererã ĩgũsã sãadero nemorõ sãamo. ⁴ Gajirã wãri doebiri oparã wãro sĩkeremakũ, ĩgũsãya wãro dũyãa. Igo gapũ bopogo ããrĩkerego, igo baari wajariboadeare sĩpeokõãmo Marĩpũre bũremugõ, ārĩyupũ.

Jesũs Marĩpũya wiire bẽoburimarẽ werede
(Mt 24.1-2; Mr 13.1-2)

⁵ Surãyeri ĩgũ buerã Marĩpũya wiimarẽ ĩãrã, ãsũ ārĩñurã:

—Õãrĩ ãtãyeripa merã iridea wii ããrã. Masaka iri wiire ĩgũsã sĩdeade õãrĩ ããrã, ārĩñurã. ĩgũsã irasũ ārĩmakũ pẽgu, Jesũs ĩgũsārē ārĩyupũ:

⁶ —Musã i wiimarẽ dapagorare ĩãdãa. Sunũ i wiima ããrĩpereri marĩ ĩãdea, i ãtãyeride mutãdijapreakõãrokoa. Neõ suye ãtãye gajiyewe weka weamũrĩadeade dujabirikoa, ārĩyupũ.

Jesũs: “I ãmũ pereburi dupiyuro ãsũ waarokoa”, ārĩ werede
(Mt 24.3-28; Mr 13.3-23)

⁷ ĩgũ irasũ ārĩmakũ pẽrã, ĩgũrē sērẽñañurã:

—Gũare buegu, ¿naãsũ ããrĩmakũ mũ ãrãderosũ waarokuri? ¿Ñeeno iri ĩmugakuri, iri irasũ waaburi dupiyuro? ārĩñurã.

⁸ Jesũs yũjũyupũ:

—Õãrõ pẽmasĩka! Gajirã wãrã ãrĩkatorimasã aarĩrãkuma. “Yũ Marĩpũ iriudi, Cristo ããrã”, ārĩrãkuma. “Dapagorare i ãmũ pereburo aarisiãa”, ārĩrãkuma. ĩgũsã ãrĩkatorire pẽbirikõãka! ⁹ Masaka musã pũro gãmewẽjẽrĩrẽ pẽrã, gajirogue marã ĩgũsã oparãrẽ bẽori kerere pẽrã, gũkabirikõãka! I ãmũ pereburi dupiyuro irasũ waapũrorirokoa. Irasũ waakeremakũ, i ãmũ pereburo dũyarokoa dapa, ārĩyupũ.

¹⁰ Irasũ ārĩ odo, ĩgũsārē ãsũ ãrĩnemoyupũ doja:

—Su bumarã, gaji bumarã merã gãmewẽjẽrãkuma. Su nikũ marã, gaji nikũ marã merã gãmewẽjẽrãkuma. ¹¹ Wãri makãrĩguere nikũ bũro ñomerokoa. Masaka wãrã ãboari merã boarãkuma. Pũrĩrikuri merã ñerõ tarirãkuma. Ëmũgasiguere bũro goeri, wãri gajino deyoarire ĩãrã, masaka bũro gũirãkuma.

¹² I ããrĩpereri irasũ waaburo dupiyuro musã yũre bũremurĩ waja gajirã musãrẽ ñeã, ñerõ irirãkuma. Irasirirã marĩ judĩo masaka nerẽrĩ wiirigue musãrẽ weresã, peresu irirãkuma. Makãrĩ marã oparã pũrogue ãĩãnarãkuma musãrẽ wajamoãdorerã. ¹³ ĩgũsã irogue musãrẽ ãĩjamakũ, musã gapũ Marĩpũya õãrĩ kerere wererãkoa ĩgũsārē. ¹⁴ ĩgũsã musãrẽ oparã pũrogue ãĩwãgãmakũ ĩãrã, oparãrẽ yũjũburire gũñarikũbirikõãka! “¿Naãsũ ãrĩrãkuri ĩgũsārẽ?” ārĩ gũñarikũbirikererãta ããrĩka! ¹⁵ Musã werenĩmakũ iritamugũra. Musãrẽ irasũ iritamugũ, masĩrĩ merã õãrĩ werenĩrĩ merã weremakũ irigũra. Musã irasũ weremakũ pẽrã, musãrẽ ĩãturirã gapũ musã werenĩrĩrẽ bokatĩũbirikuma. “Iri diaye ããrĩbea”, ārĩmasĩbirikuma. ¹⁶ Surãyeri musã pagusãmarã, musã pagupũrã, musãya makã marã, musã merãmarãde musãrẽ oparãguere wẽjẽdorerã wiarãkuma. Irasirirã musãrẽ surãyerire wẽjẽrãkuma. ¹⁷ Yũre musã bũremurĩ waja ããrĩperero marã masaka musãrẽ

ĩāturi doorākuma. ¹⁸ Īgūsā irasirikeremakū, sudagā mūsāya poadagā neō dederibirikoa. ¹⁹ Irasirirā mūsārē ñerō irikeremakū, yare buremurirē pirimerā, Marĩpũ pũroque perebiri okari oparākoa.

²⁰ 'Irasirirā wárā surara Jerusalén turo gāmegorobiatúmakū ĩārā, iri makārē ĩgūsā béoburo mérōgā dũyáa, ārĩ masĩrākoa. ²¹ Irasũ waamakū ĩārā, Judea nikũgue āārĩrā ũtāyukugue ũmaduriburo. Jerusalēgue āārĩrāde iri makārē wiriburo. Iri makā turo āārĩrā Jerusalēguere dupaturi goedujáabirikōāburo. ²² Irasũ waarĩnũrĩ Marĩpũ ñerārē wajamoārĩnũrĩ āārĩrokoa. Irasiro āārĩpereri ĩgũya werenĩrĩ gojadea pũgue gojaderosũta waarokoa. ²³ I nikũ marā bũro pũrĩrō péñarākuma. Marĩpũ ĩgūsārē bũro wajamoāgũkumi. Irasũ waamakū, nijĩpagosā nome, ĩgūsā pũrā mirĩrāgā oparā nomede bũro ñerō tarirākuma. ²⁴ Surāyeri i makā marā gāmewējērōgue boarākuma. Boamerā gapũre āārĩpereri nikũgue āĩwāgā, peresu irirākuma. Judío masaka āārĩmerā Jerusalērē ñerō irirākuma. Irasirirā iri makā marārē tarinũgārākuma. Marĩpũ, judío masaka āārĩmerārē: “Iri makā marārē neō opabirikōāka pama!” ārĩmakũgue opaduúrākuma.

Jesús i ũmũgue ĩgũ dupaturi aariburire weredea

(Mt 24.29-35, 42-44; Mr 13.24-37)

²⁵ 'I ũmũ pereburi dupiyuro abe ũmũmũ, abe ñamimũ, neñukāde deyori gorawayuakōārākuma. Wádiya turaro bũsũri, makũrĩ nikũguere bũro ejarokoa. Irasirirā i ũmũ marā āārĩpererā bũro gũkari merā diaye gũñamasĩbirikuma. ²⁶ Ũmarōgue marā turarā naradari merā béosũrākuma. Irasũ waamakū ĩārā, masaka i ũmũ pereburire: “¿Aarisiakuri?” ārĩ gũñarā, bũro gũiri merā kōmorā irirosũ neō gũñajabirikuma. ²⁷ Irasũ waaripoere masaka yũ āārĩpererā tĩgũ, wáro Marĩpũ turari merā, ĩgũ gosesiriri merā ĩĩmikāyebogue i nikũguere yũ dupaturi aarimakū ĩārākuma. ²⁸ Yũ ārĩderosũta iri goerire waapũrorimakū ĩārā, mūsā yaará āārĩrā gũibirikōāka! Gũñaturari merā ũmũgasigue ĩāmuka! Mérōgā dũyáa, Marĩpũ mūsārē perebiri peamegue waabonerārē tauri ejaburo, ārĩyupũ Jesús.

²⁹ Irasũ ārĩ odo, i keori merā ĩgūsārē werenemoyupũ:

—Higueragũ, o gajigũ yukũ noó gāāmedire ĩāka! ³⁰ Irigũ pũ maamamakū ĩārā: “Bojori waaburo mérōgā dũyáa”, ārĩ masĩa. ³¹ Irigũ waarósũta i āārĩpereri yũ ārĩrĩ irasũ waamakū ĩārā: “Marĩpũ ĩgũyarārē doreri aariburo mérōgā dũyáa”, ārĩ masĩrākoa. ³² Diayeta mūsārē werea. I ũmũ marā boapereburo dupiyuro i āārĩpereri yũ ārĩrĩ irasũ waarokoa. ³³ Ũmũgasi, i nikũde pereakōārokoa. Yũ werenĩrĩ gapũ neō perebirikoa. Āārĩpereri yũ ārĩrĩsũta waayuwarikũrokoa.

³⁴⁻³⁵ 'Yũ dupaturi aariburinũrē neō masĩbea mūsā. Irasirirā oārō pémasĩka! Bosenuĩrē irirā, ñerĩrē iribirikōāka! Mejābirikōāka! I ũmũmarē bũro gũñarikũbirikōāka! Mūsā ire irasirimerā, gũñaña marĩrō i ũmũguere yũ aarimakū ĩārā, gũkabirikoa. Waibũ gũñaña marĩrō weadeadague ĩgũ meésiajarosũta gũñaña marĩrō yũ aarĩnũ masakare āārĩpereri nikũ marārē waarokoa. ³⁶ Irasirirā oārō pémasĩrĩ merā yũka! Marĩpũre āsũ ārĩ sērēnikōāka! “I ũmũ peremakū, gũare iritamuka! Turarire sĩka, gũare oārō tariburo, ārĩgũ! Irasirirā gũa āārĩpererā tĩgũrē gũiro marĩrō bokatĩrĩrākoa”, ārĩ sērēka ĩgũrē! ārĩyupũ Jesús.

³⁷ Jesús ũmũrikũ Marĩpũya wiigũe buenayupũ. Ñamirikũ bue odogũ, Olivos wāĩkũdi ũtāũgue waa, iroque āārĩboyooanayupũ. ³⁸ Boyoripoe āārĩmakū, āārĩpererā masaka Marĩpũya wiigũe ĩgũ buerire pérā waanañurā.

22

Judas Iscariote Jesúre wējēdũarāguere ĩgũrē ĩmuburire āmudea
(Mt 26.1-5, 14-16; Mr 14.1-2, 10-11; Jn 11.45-53)

¹ Iripoere judío masaka pã wemasãrĩ morëña marĩrĩ baari bosenu, mërõgã duyayuro. Iri bosenu pascua wãikuyuro. ² Paía oparã, Moisés gojadeare buerimasã Jesúre wējēduarã: “¿Nasiri ĩgūrē wējērākuri marĩ?” ārĩñurã. ĩgūsã Jesúre wējēduakererã, masakare güiñurã.

³ Iripoere wãtĩ, Judas Iscariote wãikuguguerē ñajãyuru ñerõ iridoregu. Judas, Jesús buerã pe mojõma pere su gubu peru pērēbejarã watopemu ããrãdiyuru. ⁴ Wãtĩ ñajãdero puru, Judas paía oparã, Marĩpura wiire korerã surara oparã puru waayuru. Irogue eja, ĩgũ Jesúre ĩmuburire ĩgūsã merã wereniyuru. ⁵ ĩgũ irasũ ārĩmakũ pérã, usuyari merã: “ĩgūrē mu guare ĩmumakũ, murē niyeru wajarirãkoa”, ārĩñurã. ⁶ Judas: “Já”, ārĩ, puru: “¿Naásũ ããrĩmakũ, masaka ĩãberogue oparãguere yu Jesúre wiamakũ õãrokuri?” ārĩ güñayuru.

Jesús ĩgũ buerã merã baatũnudea

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Puru pã wemasãrĩ morëña marĩrĩ baari bosenu ããrĩnugãrĩnu ããrĩyuro. Irinu pascua bosenu iririnu ããrĩmakũ, Marĩpu ĩurõ oveja majĩgūrē ĩgūsã wējērĩnu ããrĩyuro. ⁸ Irinuta Jesús Pedrore, Juãrē ãsũ ārĩ iriyuru:

—Marĩ pascua bosenu baaburire ãmurã waaka!

⁹ ĩgũ irasũ ārĩmakũ pérã, ãsũ ārĩ sērēñañurã:

—¿Noógue marĩ pascua bosenu baaburire ãmumakũ gããmekuri? ārĩñurã.

¹⁰⁻¹¹ Jesús ĩgūsãrē yujuyuru:

—Jerusalēgue waaka! Irogue sugu dekosoro kõãwãgãgūrē bokajarãkoa. ĩgūrē tuyaka! ĩgũ ñajãri wiigüe ejarã, iri wii opure: “Guare buegu, ãsũ ārĩ sērēñadoreami: ‘¿Dĩ taribugue yu buerã merã i pascua bosenure baagukuri?’ ãrãmi”, ārĩka! ¹² Musã irasũ ārĩmakũ pé, wári taribu, ãmarõgue ĩgūsã ãmu odoadea taribure ĩmugukumi. Irogue marĩ baaburire ãmuka! ārĩyuru Jesús.

¹³ Irasirirã iri makãgue waa, irogue eja, Jesús wereaderosũta bokaja, pascua bosenu baaburire ãmuñurã.

¹⁴ ĩgūsã baaripoe ejamakũ, Jesús ĩgũ buerã pe mojõma pere su gubu peru pērēbejarã merã baa doaniyuru. ¹⁵ Irogue baa doanĩgũ, ĩgūsãrē ārĩyuru:

—Yu boaburo dupiyuro i pascua bosenu baarire musã merã buru baaduaa. ¹⁶ Musãrē werea. I bosenure marĩ dapagora irirosũ yu dupaturi neõ irinemobirikoa. Puru Yuru ĩgũyarãrē dorerogue dupaturi iriyuwarikugukoa, ārĩyuru.

¹⁷ Irasũ ārĩ odo, iirĩripare ãĩ, Marĩpura: “Murē usuyari sĩa”, ārĩ, ĩgūsãrē ãsũ ārĩyuru:

—Ire ãĩ, dukawa iirĩka! ¹⁸ Musãrē werea. I igui dekore marĩ dapagora iirirosũ yu dupaturi neõ iirĩnemobirikoa. Yuru ĩgũyarãrē doreri ejadero purugue dupaturi iirĩgukoa doja, ārĩyuru.

¹⁹ Puru pãrē ãĩ, Marĩpura: “Murē usuyari sĩa”, ārĩ, pãrē pea, ĩgūsãrē ãsũ ārĩ guereyuru:

—I yaa duru ããrã. Yu musã ñerõ iridea waja boagukoa. Irasirirã musã dapagora iriaderosũ nerē, pãrē baariku, yu musãrē boabosarire güñaka! ārĩyuru.

²⁰ ĩgūsã baa odoadero puru, pãrē ããaderosũta iirĩripadere ãĩ, ĩgūsãrē ãsũ ārĩyuru:

—Yu musãrē boabosagu, yaa dí béori merã Yuru musãrē: “Õãrõ irigura”, ãrĩdeare iriyuwarikugukoa.

²¹ Dapagorare yure wējēduarãguere yure ĩmubu õõ yu merã baa doanĩmi. ²² Marĩpu ãrĩderosũta yure ããrĩpererã tĩgūrē waaró yaa. Yure ĩmubu gapure ñetariro waarokoa, ārĩyuru.

²³ ĩgũ irasũ ārĩmakũ pérã, ĩgūsã basi ãsũ ārĩ gãme sērēñañurã:

—¿Noã marĩ watopuguerē irasiribukuri? ārĩñurã.

Jesús buerã: “Marĩ watopere, ¿noã ããrĩpererã nemorõ ããrĩgukuri?” ārĩ guaseodea

²⁴ Puru Jesús buerã ãsũ ārĩ gãme guaseoñurã:

—Marĩ watopere, ¿noã ããrĩpererã nemorõ ããrĩgukuri? ãrĩñurã.

²⁵ Jesús gapu ãgũsãrẽ ãrĩyupu:

—I nikũ marã oparã Marĩpũre bũremumerã gapu ãgũsãyarãrẽ dorerã, turaro merã dorema. Irasirirã ãgũsã oparãrẽ: “Masakare õãrõ iritamurã ããrĩma”, ãrĩma. ²⁶ Mũsã tamerã i nikũ marã oparã irirosũ iribirikõãka! ãsũ gapu irika! Mũsã watopeguere sugũ gajirã nemorõ ããrĩduagu, mũsã nemorõ ubu ããrĩgũ maamu irirosũ ããrĩburo. Mũsãrẽ doreduagu, moãboegu irirosũ mũsãrẽ iritamugũ ããrĩburo. ²⁷ Mũsã gũñamakũ, ¿niino gapu gajigu nemorõ ããrĩgũ ããrĩrĩ? ¿Baa doanígũ gapu, o ãgũrẽ baari ejogu gapu ããrĩrĩ? ãsũ ããrã. Baa doanígũ gajigu nemorõ ããrĩmi. Yu gapu mũsã watopegue ããrĩgũ, mũsãrẽ moãboegu irirosũta mũsãrẽ iritamugũ aaribũ.

²⁸ ’Masaka yũre ñerõ irikeremakũ, mũsã yũ merã ããrĩnĩkõãbu. ²⁹ Irasirigu, Yũpu yũre ãgũyarã Opũ pĩderosũ, yũ mũsãdere oparã sóogũra. ³⁰ Irasirirã, yũ ãgũyarã Opũ ããrĩrõgue mũsãde, yũ merã iiri, baa doanĩrãkoa. Irogue mũsã pe mojõma pere su gubu peru pẽrẽbejari oparã doarire doarãkoa. Irasirirã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa, ãrĩyupu.

*Jesús Pedrose: “Yũre masĩkeregu: ‘Masĩbea’, ãrĩgũkoa”, ãrĩ weredea
(Mt 26.31-35; Mr 14.27-31; Jn 13.36-38)*

³¹ Irasũ ãrĩ odo, marĩ Opũ Jesús Pedrose ãsũ ãrĩyupu:

—Simón, yũre péka! Wãtẽa opu Satanás Yũpũre sãrẽadami, trigo gasirire koro, yũsasiribéoro irirosũ mũsãrẽ yũre bũremurĩrẽ pirimakũ iridũagu. ³² ãgũ irasũ iridũakeremakũ, yũ gapu mũya ããrĩburire Yũpũre sãrẽbosabu, mũ yũre bũremurĩrẽ piribirikõãburo, ãrĩgũ. Irasirigu yũre dupaturi õãrõ gũñaturadero puũ, mũyarã yũre bũremurãrẽ gũñaturamakũ irika! ãrĩyupu.

³³ ãgũ irasũ ãrĩmakũ pégu, Pedro ãrĩyupu:

—Yu Opũ, mũrẽ peresu irirã, yũdere mũ merãta peresu iriburo. Mũrẽ wẽjẽrã, yũdere mũ merãta wẽjẽburo, ãrĩyupu.

³⁴ Jesús ãgũrẽ ãrĩyupu:

—Pedro, mũrẽ werea. Dapagã ñami ãgãbo wereburo dupiyuro yũre masĩkeregu urea gajirãrẽ: “Masĩbea”, ãrĩkatogũkoa, ãrĩyupu.

Jesũre ãgũsã ñẽãburo dupiyuro waadea

³⁵ Irasũ ãrĩ odo, Jesús ãgũ buerãrẽ ãsũ ãrĩ sãrẽñayupu doja:

—¿Sõõ ããrĩdeapoere mũsã niyeru, surĩ ããrĩ ajuri, gubu surĩ opamerã mũsãrẽ yũ iriudeapoere ñeénorẽ gããmenemorĩ?

—Neõ gajino gããmenemobiribu, ãrĩ yũjuñurã.

³⁶ ãgũsã irasũ ãrĩmakũ, ãrĩyupu doja:

—Dapagora gapũre surĩ, niyeru ããrĩ ajuri oparã, irire ããka! Mũsãrẽ sareri majĩrĩ marĩmakũ ããrã, mũsãya surĩ wekamarẽ dua, su majĩ wajarika! ³⁷ Ire mũsãrẽ werea. Marĩpũya werenĩrĩ gojadea pũgue gojaderosũta yũre waaró yãa. ãsũ ãrĩ gojasũdero ããrĩbũ: “ ãgũde ñegũ irirosũ ñerã watopeguere ããrĩdi ããrĩmi’, ãrĩsũgũkumi”, ãrĩ gojasũdero ããrĩbũ, ãrĩyupu. ãgũ irasũ ãrĩmakũ pẽrã, ãgũ buerã ãgũrẽ ãrĩñurã:

³⁸ —Gũa Opũ, pe majĩ sareri majĩrĩ opãa, ãrĩñurã.

—Õãsiãa, ãrĩ yũjuyupu Jesús.

*Jesús Getsemanĩgue Marĩpũre sãrẽdea
(Mt 26.36-46; Mr 14.32-42)*

³⁹ Puũ Jesús ãgũ irinarõsũ Olivos wãĩkũdi ãtãũgue waakõãyupu. ãgũ buerãde ãgũ merã waañurã. ⁴⁰ Irogue ejagu, Jesús ãgũsãrẽ ãrĩyupu:

—Marĩpũre sãrẽka, wãtĩ ãrĩmesãrĩrẽ iribukoa, ãrĩrã, ãrĩyupu.

41 Irasũ arĩ odo, ìgũ sugũta yoaweyaro waa, ñadukũpuri merã ejamejãja, Marĩpũre ãsũ arĩ sêrẽyupũ:

42 —Aũ, yũ ñerõ tariburire taudũagũ, tauka! Yũ irasũ arĩkeremakũ, yũ gããmerõsũ iribirikõãka! Mũ gããmerõsũ gapũ yũre waaburo, arĩyupũ.

43 Ìgũ irasũ arĩmakũ, Marĩpũre wereboegũ ãmũgasigue ããrãdi Jesũre deyoayupũ ìgũrẽ gũñaturamakũ irigũ. 44 Jesũs bũro pũrĩsũgũ Marĩpũre sêrẽadero nemorõ ìgũrẽ sêrẽnemoyupũ doja. Ìgũ ñajãsuririta dí yeri pagayeri wiri, yebague yuriyuro.

45 Marĩpũre irasũ arĩ sêrẽ odo, wãgãnũgã, ìgũ buerã pũrogue ejagũ, bũro bujawereri merã kãrĩrãrẽ bokajayupũ. 46 Irasirigũ ìgũsãrẽ arĩyupũ:

—¿Nasirirã kãrĩrĩ? Yobeka! Marĩpũre sêrẽka, wãtĩ arĩmesãrĩrẽ iribukoa, arĩrã, arĩyupũ.

Jesũre ñeãwãgãdea

(Mt 26.47-56; Mr 14.43-50; Jn 18.2-11)

47 Ìgũ irasũ arĩ wereripoe masaka wãrã ejañurã. Judas pe mojõma pere su gubu peru pêrẽbejarã buerã watopemũ ããrãdi masakare dupiyuyupũ. Jesũs pũro eja, ìgũrẽ bokatĩrĩ, ìgũya wayupãrãrẽ mimiyupũ. 48 Ìgũ irasũ mimimakũ ìãgũ, Jesũs gapũ ìgũrẽ arĩyupũ:

—Judas, ¿yũre ããrĩpererã tĩgũrẽ yũre ìãturirãguere wiagũ, yaa wayupãrãrẽ mimirĩ mũ? arĩyupũ.

49 Ìgũ irasũ arĩmakũ, Jesũs buerã ìgũrẽ masaka ñeãburire masĩrã: “Gũa Opũ, ¿gũa sareri majĩrĩ merã ìgũsã merã gãmekẽãsi?” arĩñurã.

50 Irasũ arĩ, sugũ Jesũs buegũ ìgũya sareri majĩ merã paía opũre moãboagure diaye gapũma gãmipũrẽ dititã dijukõãyupũ. 51 Ìgũ irasirimakũ ìãgũ, Jesũs arĩyupũ:

—Iropata irika! Inorẽ irinemobita! arĩyupũ.

Arĩ odo, gãmipũ ããrãderore moãñayupũ. Ìgũ moãñamakũ, ìgũya gãmipũ õãkõãyuro doja.

52 Irasiri odo, ìgũrẽ ñeãmurãrẽ: paía oparãrẽ, Marĩpũya wiire korerã surara oparãrẽ, judío masaka mũrãdere arĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aarĩri? 53 Ɖmũrikũ Marĩpũya wiigũe mũsã merã yũ ããrĩmakũ, yũre neõ ñeãbiribũ. Irasũ ããrĩkeremakũ, dapagora mũsã yũre ñerõ iriripoe ejasiãa. Wãtĩ naĩtĩãrõgue ããrĩgũ mũsãrẽ dorerire irirã yãa mũsã, arĩyupũ.

Pedro Jesũre masĩkeregũ: “Masĩbea”, arĩdea

(Mt 26.57-58, 69-75; Mr 14.53-54, 66-72; Jn 18.12-18, 25-27)

54 Pũrũ Jesũre ñeã, paía opũya wiigũe ãĩãñurã. Ìgũsã ìgũrẽ ãĩãmakũ, Pedro ìgũsãrẽ yoaweyarogue tũyayupũ. 55 Irogue ejarã, makãpũro ñajãrõma yeba dekogũe peame diiũñurã. Irasirirã irime tũro sũma doanĩñurã. Pedro ìgũsã pũro eja, ìgũsã watopegue doayupũ. 56 Sugo moãboerimasõ, ìgũ peame tũro doamakũ ìãgõ, ìgũrẽ õãrõ ìã, gajirãrẽ ãsũ arĩ wereyupo:

—Ĩide ìgũ merã ããrĩdita ããrãmi, arĩyupũ.

57 Igo irasũ arĩmakũ pégũ, Pedro arĩkatori merã:

—Yũ ìgũrẽ neõ masĩbea, arĩ yũjũyupũ. 58 Mérõgã pũrũ gajigũ ìgũrẽ ìã, ãsũ arĩyupũ:

—Mũde Jesũs buerã merãmũta ããrã, arĩyupũ.

—Neõ ããrĩbea yũ, arĩyupũ Pedro.

59 Su hora pũrũ gajigũ gajirãrẽ ãsũ arĩ wereyupũ:

—Ĩĩ diayeta ìgũ merã ããrĩdita ããrĩmi. Galileamũta ããrĩmi, arĩyupũ.

60 Ìgũ irasũ arĩmakũ, Pedro yũjũyupũ:

—Yũ, mũ werenĩgũrẽ masĩbea, pémãsĩbirikoa, arĩyupũ.

Ìgũ irasũ arĩripoeta ãgãbo wereyupũ. 61 Ìgũ weremakũ, marĩ Opũ Jesũs yoaweyarogue ããrĩgũ Pedrorẽ ìã gãmeuyupũ. Ìgũ irasũ ìãmakũ, Pedro, Jesũs ìgũrẽ: “Dapagã ñami ãgãbo

Īgū wereburo dupiyuro mu yure masĩkeregu, urea: ‘Masĩbea’, āĩkatogukoa”, āĩdeare guĩabokayuru. ⁶² Irire guĩaboka, wiria, bujawereri merā buro oreyuru.

Jesúre ñerō iri buridadea

(Mt 26.67-68; Mr 14.65)

⁶³ Jesúre korerā surara ĩgūrē burida, páñurā. ⁶⁴ Irasū ĩgūrē párā, suríro gasiro merā ĩgūya koyere suabiato:

—¿Noā mūrē pári? Āĩbokaka! āĩñurā.

⁶⁵ Wári gaji ñerō āĩ buridañurā.

Jesúre oparā purogue āĩadea

(Mt 26.59-66; Mr 14.55-64; Jn 18.19-24)

⁶⁶ Gajinu gapu boyodujimejāripoe judío masaka mūrā, paía oparā, Moisés gojadeare buerimasāde nerēñurā. Puru ĩgūsā nerērōgue Jesúre āija, āsū āĩ sērēñañurā:

⁶⁷ —Wereka guare! ¿Mu, Maripu iriudi Cristota āārĩrĩ? āĩñurā.

Jesús ĩgūsārē yujuyuru:

—Musārē: “Yu ĩgūta āārā”, āĩmakū, yure buremubirikoa. ⁶⁸ Musārē gajinorē yu sērēñamakū, yure yujubirikoa. ⁶⁹ Musā yure buremubirikeremakū, mérōgā puru Yuru turatarigu yure āārĩpererā tĩgūrē ĩgū diaye gapu doamakū irigukumi, āĩyuru.

⁷⁰ ĩgū irasū āĩmakū pérā, āārĩpererā ĩgūrē sērēñañurā:

—¿Irasū āĩgū, Maripu magūta āārĩrĩ mu? āĩñurā.

—Īgūta āārā musā āĩrōsūta, āĩ yujuyuru Jesús.

⁷¹ ĩgū irasū āĩmakū, āsū āĩñurā:

—Nasirimurā gajirā ĩgūrē weresārĩrē pēnemobirikoa marĩ! ĩgū werenĩrĩrē marĩ basita pésiáa, āĩñurā.

23

Jesúre Pilato puro āĩjadea

(Mt 27.1-2, 11-14; Mr 15.1-5; Jn 18.28-38)

¹ Irasū āĩ odo, āārĩpererā wāgānugā, Jesúre opu Pilato wāĩkugu purogue āĩñurā. ² Jesúre iroque āĩjarā, āsū āĩ weresānugāñurā:

—Ī marĩya nikū marārē ñerō iridoremakū péabu. Romano marā opu niyeru wajasearire: “Wajaribirikōāka!” āĩrĩrē péabu. Gajidere: “Yu judío masaka Opu, Cristo āārā”, ārāmi, āĩñurā.

³ ĩgūsā irasū āĩmakū pégu, Pilato Jesúre sērēñayuru:

—¿Muta āārĩrĩ, judío masaka Opu?

—Mu āĩrōsūta ĩgūta āārā, āĩ yujuyuru Jesús.

⁴ ĩgū irasū āĩmakū, Pilato paía oparārē, masaka iroque āārĩrārē āĩyuru:

—Īrē neō ñerĩ iridea máa, yu ĩāmakū, āĩyuru.

⁵ ĩgū irasū āĩkeremakū, ĩgūsā gapu buro weresānemoñurā:

—Īgū bueri merā masaka oparārē tarinugāmakū iriami. Galilea nikūgue irire irinugāmi. Dapagorare i makāguedere irasūta irigu ejāami, āĩñurā.

Jesúre Herodes puro āĩjadea

⁶ ĩgūsā irasū āĩmakū pégu, Pilato gapu sērēñayuru:

—¿Ī Galileamuta āārĩrĩ? āĩyuru.

⁷ “Iromuta āārĩmi”, āĩ, ĩgūsā yujumakū pégu, Pilato surarare: “Jesúre Galilea nikū marā opu Herodes puro āĩaka!” āĩyuru. Iripoere Herodes Jerusalēgue āārĩyuru. ⁸ Iro dupiyuro Herodes Jesús iridea kerere pédi āārĩmí. Irasirigu yoaripoe ĩgūrē buro ĩāduagu iriadiyuru. Jesús ĩgū turari merā iri ĩmumakū ĩāduagu iriadiyuru. Irasirigu ĩgū puro ĩgūsā

Jesúre ãijamakũ ããgũ, buru usuyayupu. ⁹ Wári Jesúre sêrêñadiyupu. Ìgũ sêrêñakeremakũ, Jesús gapũ Ìgũrê neõ yujubiriyupu. ¹⁰ Paía oparã, Moisés gojadeare buerimasãde Herodes puru ejanerã, Jesúre turaro merã weresãñurã. ¹¹ Puru Herodes Ìgũya surara merã Jesúre burida, ñerõ iriñurã. Ìgũrê buridarã, õãrĩ surĩrore opuyañerê sãñurã. Irasiri odo, Herodes: “Ìgũrê Pilato puru ããaka doja!” ãrĩyupu. ¹² Herodes, Pilato merã iro dupiyuroguere gãme ããduabirinerã ããrĩkererã, irinu merã gãmesuriñurã.

Jesúre wêjêdoredea

(Mt 27.15-26; Mr 15.6-15; Jn 18.39-19.16)

¹³ Puru Pilato paía oparãrê, judío masaka oparãrê, masakadere siiu neõ, ¹⁴ ãsũ ãrĩyupu:
—Musã ãrê yu puru ããjarã: “Ìĩ masakare ñerõ iridoremi”, ãrãbu musã yure. Musã ãrê, yu ãrê sêrêñapeobu. Musã ãrê weresãkeremakũ, ãrê ñerõ irideia máa, yu ããmakũ. ¹⁵ Herodede: “Ìrê neõ ñerĩ irideia máa”, ãrãyupu. Dupaturi ãrê yu puru iriuañumi doja. Irasiri ãrê wêjêdoreri máa. Musãde ire masã. ¹⁶ Irasirigu yu Ìgũrê tãrãdoreguko. Puru Ìgũrê wiugura, ãrãdiyupu Pilato.

¹⁷ Pilato, bojoriku pascua bosenu ããrĩmakũ, sugũ peresugue ããrãdire Ìgũsã wiudoregure wiunayupu. ¹⁸ Irasirirã, Pilato: “Jesúre wiugura”, Ìgũ ãrĩmakũ pãrã, ããrĩpererã masaka suru merã ãsũ ãrĩ gaguinínugãñurã:

—Jesúre wêjêkõãka! Barrabás gapure wiuka! ãrĩñurã.

¹⁹ Ìĩ Barrabáre iro dupiyuro Jerusalêgue oparãrê Ìgũ béodudea waja, gajirãrê Ìgũ wêjêdea waja, peresu irinerã ããrĩmã. ²⁰ Pilato Jesús gapure wiudadiyupu. Irasirigu masakare Ìgũrê wiuburire dupaturi sêrêñayupu doja. ²¹ Ìgũ Jesúre wiudakeremakũ, Ìgũsã gaguiníadero nemorõ gaguiníñurã doja:

—Curusague pábiatú wêjêka Ìgũrê! Wêjêkõãka Ìgũrê! ãrĩñurã.

²² Ìgũsã irasũ ãrĩmakũ, Pilato urea waaró merã Ìgũsãrê ãsũ ãrãdiyupu doja:

—¿Ñeéno ñerĩrê iriari ãrê, musã irasũ ãrĩ gaguinímakũ? Yu ããmakũ, neõ Ìgũrê ñerĩ irideia máa. Irasiri ãrê wêjêdoreri máa. Irasirigu Ìgũrê tãrãdore, wiugura, ãrãdiyupu.

²³ Ìgũ irasũ ãrĩmakũ, masaka, paía oparãde buru gaguinínemo: “Curusague pábiatú wêjêka Ìgũrê!” ãrĩñurã. Pilato, Ìgũsã irasũ ãrĩ gaguinímakũ neõ bokatĩbiri: “Musã gããmerõ irika!” ãrĩyupu. ²⁴ Irasirigu, Ìgũsã ãrĩrõsũta Jesúre curusague pábiatú wêjêdoreyupu. ²⁵ Puru Ìgũsã sêrêrõsũta Barrabáre peresugue ããrĩgũrê, oparãrê béodudire, masakare wêjêdi gapure wiuyupu. Irasiri odo, Pilato: “Musã gããmerõsũ irika Jesúre!” ãrĩyupu.

Jesúre curusague pábiatúdeia

(Mt 27.32-44; Mr 15.21-32; Jn 19.17-27)

²⁶ Jesúre curusague wêjêmurã Ìgũsã ããwãgãripoe sugũ Simón wãikũgũ Cirene wãikuri makãmu Jerusalén turogue ããrãdi goedujariyupu. Irasirirã Ìgũrê bokatĩrĩ, ñeã, Jesús kõãdea curusare kõãtayadoreñurã.

²⁷ Wãrã masaka Jesúre waaburire ããrã Ìgũrê tuyañurã. Ìgũsã watopegue nome Ìgũrê ããrã, gaguiní bujawereri merã oretayañurã. ²⁸ Ìgũsã oremakũ pégu, Jesús Ìgũsãrê ããgãmeu, ãsũ ãrĩyupu:

—Jerusalén marã nome yure orebirikõãka! Musã basi, musã pũrãya ããrĩburire oreka!

²⁹ Purugue masaka ñetariro tarirãkuma. ãsũ ãrĩrãkuma: “Neõ pũrãkumerã, miũñamerã nome ããrĩmakũ õãtaribuyo”, ãrĩrãkuma. ³⁰ Utãyukure ãsũ ãrĩrãkuma: “Gũare tãũ wêjê, dedeukõãburo”, ãrĩrãkuma. ³¹ Masaka yure waja opabire ñerõ irimakũ, waja oparã gapu ñetariro tarirãkuma, ãrĩyupu.

³² Jesúre ããwãgãrã, pãrã ñerõ iririmasãdere Ìgũ merã wêjêsumurãrê ããwãgãñurã.

³³ Ìgũsãrê ããwãgãrã, masakũ dipuru boaweadea pero wãikurogue eja, Jesúre curusague

pábiatú áiwāgūnúñurā. Ñerō iririmasādere curusarigue pábiatú áiwāgūnúñurā. Sugure ĩgū diaye gapu, gajigare ĩgū kúgapu pábiatú áiwāgūnúñurā. ³⁴ ĩgūsā Jesúre curusague pábiatú áiwāgūnúmakū, Jesús arĩyupu:

—Au, ĩgūsā ñerō iririre kātika! ĩgūsā yure irasiririre pémasĩbema, arĩyupu.

Surara ĩgū surí sãñadeare: “Ubu arĩboka birarā: ‘¿Noarē dujarokuri?’ ” arĩñurā irire ĩgūsā basi gāme dukawamurā. ³⁵ Masaka iroque aarĩrā ĩanıñurā. Oparāgueta Jesúre asū arĩ buridañurā:

—Gajirā gapure taumi. Irasirigu diayeta Cristo, Marĩpu beyedi aarĩgú ĩgū basi tauburo, arĩñurā.

³⁶ Surarade ĩgūrē buridañurā. ĩgū puro waa ejanugārā, igui deko sũĩrĩrē ĩgūrē irĩdoreadiñurā. ³⁷ Irire irirā, ĩgūrē asū arĩñurā:

—Mu diayeta judío masaka Opu aarĩgú, mu basi tauka! arĩñurā.

³⁸ “Ĩ asū iridea waja boami”, arĩrā: “Ĩta judío masaka Opu aarĩmi”, arĩ gojadea majĩrē curusague ĩgū weka pábiatúñurā. Griego ya merā, latín ya merā, hebreo ya merā gojasũyuro.

³⁹ Sugū ñerō iridi, Jesús merā ĩgūsā pábiatú áiwāgūnúdi Jesúre ñerō arĩ turiyupu:

—Mu diayeta Cristo aarĩgú, mu baside tau, guadere tauka! arĩyupu.

⁴⁰ ĩgū irasū arĩmakū pégu, gajigu gapu ĩgūrē asū arĩyupu:

—Irasū arĩbirikōāka! ¿Marĩpure gũiberi irasū arĩgú? Marĩrē suro merā wajamoāma.

⁴¹ Marĩ gapure marĩ ñerĩ iridea waja diayeta wajamoāma. ĩ gapu ñerĩrē neō iribi aarĩmi, arĩyupu.

⁴² Irasū arĩ odo, Jesúre asū arĩyupu:

—Jesús, muyarā Opu ñajāgū, yudere gũñaka! arĩyupu.

⁴³ —Diayeta marē werea. Dapagāta yu merā paraíso wāĩkarogue aarĩgukoa, arĩyupu Jesús ĩgūrē.

Jesús boadea

(Mt 27.45-56; Mr 15.33-41; Jn 19.28-30)

⁴⁴ Puru goeripoe aarĩmakū, i nikū aarĩpererogue naĩtĩākōāyuro. Ure hora gora naĩtĩāyuro.

⁴⁵ Abede deyomarĩyupu irasū waaripoere. Marĩpuya wii poekama taribu makāpuro kāmūtari gasiro deko merā yeguesiajakōāyuro. ⁴⁶ Irasirigu Jesús turaro merā asū arĩ gaguĩnyupu:

—Au, yaa yujupũrārē marē wiáa, arĩyupu.

Irasū arĩgūta, kōmoakōāyupu.

⁴⁷ Romano marā surara opu irasū waamakū ĩāgū, Marĩpure usuyari sĩyupu. Asū arĩyupu:

—Diayeta ĩ ñerō iribi aarĩadañumi, arĩyupu.

⁴⁸ Aarĩpererā masaka iro Jesúre waarĩre ĩārā ejanerā ĩgū boamakū ĩārā, buro bujawereri merā ĩgūsāya koretibirire páwāgā, ĩgūsāya wiirigue dujáakōāñurā. ⁴⁹ Aarĩpererā Jesús merāmarā, Galileague ĩgūrē tũyanerā nomede yorogue Jesúre irasū waarĩre ĩanıñurā.

Jesúya dũpũre masāgobegue pídea

(Mt 27.57-61; Mr 15.42-47; Jn 19.38-42)

⁵⁰⁻⁵¹ Iroque sugū José wāĩkũgu Judea nikũmu, Arimatea wāĩkũri makāmu aarĩyupu. ĩgū oāgū, diayemarē irigu, Marĩpu ĩgũyarārē doreri ejaburire yũgu aarĩyupu. ĩgū judío masaka oparā watopemu aarĩkeregu, Jesúre ĩgūsā: “Wējēka!” arĩmakū pégu: “Jáu”, arĩbiridi aarĩmí. ⁵² Irasirigu Pilato pũroque waa, Jesúya dũpũre yáabu sērēyupu. ⁵³ Sērē odo, Jesúya dũpũre curusague aarĩrĩ dũpũre aĩdiju, oārĩ surí gasiro merā omayupu. Ōma odo, utāyegue mádea gobegue píyupu. Iri gobe neō sugū boadire yáasũña marĩrĩ gobe aarĩyuro. ⁵⁴ José Jesúre yáarinu judío masaka siñajārĩnuma aarĩburire ĩgūsā amuyurinu aarĩyuro. I siñajārĩnu ñajāburo mérōgā dũyayuro.

⁵⁵ Galileague Jesúre tɔyanerã nome masãgobegue José waamakũ ããrã, waañurã. Iri gobegue Jesúya dupure ãgũ pímakũ ããñurã. ⁵⁶ ãgũsã irasũ ããdero puru, ãgũsã ããrĩrĩ wiigue dujáakõãñurã. Dujaja, sũrõrĩrẽ ãgũya dupure pípeoburire ãmuñurã. ãmu odo, siñajãrĩnu ããrĩmakũ, Moisés dorederosũta siñajãñurã.

24

Jesús masãdea

(Mt 28.1-10; Mr 16.1-8; Jn 20.1-10)

¹ Semana ããrĩpurorirĩnu* ããrĩmakũ, boyodujimejãripoe ãgũsã nome dupaturi Jesúya dupure yáadea masãgobegue waañurã. ãgũsã sũrõrĩ ãmuadeare ããñurã. Gajirã nomede ãgũsã merã wapikũwãgãñurã. ² Irogue ejarã, iri gobe biadea ãtã majĩrẽ gajirogue oyamakũ ããñurã. ³ Irire ããrã, diayeta ñajãkõãñurã. Irogue ñajãjarã, neõ marĩ Opũ Jesúya dupure bokabiriñurã. ⁴ Irasirirã buru gũka, naásũ irimasĩbiriñurã. “¿Naásũ waáayuri?” ãrĩ gũñaripoeta gũñaña marĩrõ pãrã ãma surĩ gosesiriri sãñarã ãgũsã puru nímakũ ããñurã. ⁵ ãgũsãrẽ ããrã, buru gũiri merã muúsiañurã. ãgũsã irasirimakũ ããrã, ãma ãgũsãrẽ ããrĩñurã:

—¿Nasirimurã boanerãrẽ yáarogue okagure ãmarĩ? ⁶ Õõrẽ mámi. Masãsiami. Gũñaka, ãgũ musã merã Galileague ããrĩgũ musãrẽ ããrĩdeare! ⁷ ãsũ ããrĩmi: “Yũ ããrĩpererã tĩgũ ããrĩgũ masaka ñerãguere wiasũgũkoa. ãgũsã yure curusague pábiatú wẽjẽmakũ, urũnu waaró merã Marĩpu yure masũgũkumi”, ããrĩmi, ããrĩñurã.

⁸ ãgũsã irasũ ããrĩmakũ pãrã, Jesús ããrĩdeare gũñabokañurã. ⁹ Irasirirã masãgobegue ããrãnerã goedujajarã, ããrĩpereri ãgũsã ããrĩdeare Jesús buerã pe mojõma pere su gubu suru pãrẽbejarãrẽ wereñurã. Irasũ ããrĩmakũ, gajirãrẽ Jesúre burumurã ããrĩpererãrẽ irire wereñurã. ¹⁰ Jesús buerãrẽ iri kerere wererã ejanerã nome ããsãkũ ããrĩñurã: María Magdalena, Juana, gajigo María Jacob pago, irasũ ããrĩmakũ gajirã nome ããrĩñurã. ¹¹ ãgũsã ããrĩdeare werekeremakũ, Jesús buerã gapũ burumubiriñurã. “Irasũ ããrĩkõãrã yãma ããsã nome”, ããrĩ gũñañurã.

¹² Pedro gapũ masãgobegue ããgũ ãmawãgãyupũ. Iri gobegue ããgũ ejagũ, Jesúya dupure õmadea gasiro gajiro gapũ túpeoadea gasiro ditare ããyupũ. Irire ããgũka: “¿Naásũ waáayuri?” ããrĩ gũña, ããrĩ ããrĩrĩ wiigue dujáakõãyupũ.

Emaús wãĩkũri makã waarĩ maague Jesús pãrãrẽ deyoadea

(Mr 16.12-13)

¹³ Jesús masãdeanũrẽta pãrã ãgũ buerire tɔyarã Emaús wãĩkũri makã waarĩ maague waarã iriñurã. Emaúgue waaró, Jerusalén merã wiriwãgãmakũ pe mojõma pere su gubu suru pãrẽbejari kilómetro yoaro ããrĩyuro. ¹⁴ Maa waarã, ããrĩpereri Jesúre waadeare werenĩñurã. ¹⁵ Irire werenĩripoe Jesús ãgũsã puru aari, ãgũsã merã waayupũ. ¹⁶ ããrĩ, ããrĩsã merã waamakũ ããkeremakũ, gajino ããrĩsãrẽ ããrĩrẽ ããmasĩbirimakũ iriyuro.

¹⁷ Jesús ããrĩsãrẽ sãrẽñayupũ:

—¿Ñeonorẽ werenĩrã yãri, musã maa waarã? ããrĩyupũ.

ããrĩ irasũ ããrĩmakũ pãrã, buru bujawereri merã maa deko dujanũgãñurã. ¹⁸ Cleofas wãĩkũgũ Jesúre ããrĩ ããrĩ yujũyupũ:

—ããrĩpererã inũrĩ Jerusalẽgue waadeare masĩma. ¿Mũ sugũta irogue ããrãdi irasũ waadeare masĩberĩ? ããrĩyupũ.

¹⁹ ããrĩ irasũ ããrĩmakũ, Jesús ããrĩsãrẽ:

—¿Naásũ waáari? ããrĩyupũ.

ããrĩrẽ ããrĩñurã:

* 24:1 Semana ããrĩpurorirĩnu, domingo ããrã.

—Jesús Nazaretmurē ĩgūsā iriadeare werenírā iriabũ. ĩgũ Marĩpũya kerere weregu āārādimi. Āārĩpererā masaka ĩūrō, Marĩpũ ĩūrōguedere ĩgũ turari sírĩ merā irigu, ĩgũyare weregu āārādimi. ²⁰ Paía opará, gajirá marĩ opará merā ĩgũrē wějedorerā, romano marā oparárē wiáama. ĩgūsā irasũ wiamakũ, curusague pábiatú wějěama. ²¹ “ĩgũ marĩrē taubu, marĩ Israel bumarā Opũ āārĩbu, marĩ yúdi āārĩmi”, ārĩ gũñadibũ gũa ĩgũrē. Irasiriro dapagā merā urenũ waáa, ĩgũrē wějěadero purũ. ²² Surāyeri gũa merāmarā nome, ĩgūsā wereri merā gũare gũkamakũ iriama. Dapagā ñamigāgora ĩgũrē yáaderogue ejañurā. ²³ Irogue eja, ĩgũya dupũre bokamerāta, gũa purogue goedujajama. “Irogue gũare kěrō irirosũ waamakũ, Marĩpũre wereboerārē ĩābũ”, ārāma. Marĩpũre wereboerā ĩgūsārē: “Jesús okami”, ārādeare wereama gũare ĩgūsā nome. ²⁴ Purũ gajirá gũa merāmarā ĩgũrē yáaderogue eja, ĩgūsā nome ārāderosũta ĩāñurā. ĩgūsāde Jesúre ĩābirañurā, ārĩ wereñurā Cleofasā Jesúre.

²⁵ ĩgūsā irasũ ārĩmakũ pégu, Jesús ĩgūsārē ārĩyupũ:

—Musā pémasĩmerā āārā. ¿Noópa yoaripoe Marĩpũya kerere weredupiyunerā gojadeare oārō pémasĩrĩ merā bũremubirikōārĩ musā? ²⁶ Marĩpũ iriudi Cristo ĩgũ ũmugasigue mũrĩaburo dupiyuro, ĩgũyarā Opũ ñajāburo dupiyuro ĩgũrē ñerō tarigũkumi, ārĩ gojanerā āārĩmá. ¿Ire masĩberi musā? ārĩyupũ.

²⁷ Jesús irasũ ārĩ odo, Marĩpũya kerere weredupiyunerā gojadea pũgue āārĩpereri ĩgūsā ĩgũrē gojayudeare: “Āsũ ārĩduaro yáa”, ārĩ wereyupũ ĩgūsārē. Moisés gojadeare werenũgāyupũ. Purũ āārĩpererā Marĩpũya kerere weredupiyunerā gojadeare wereyupũ.

²⁸ Purũ ĩgūsā waaró Emaúgue ejamakũ, Jesús iri makārē tariwāgāgũ irirosũ iriyupũ.

²⁹ ĩgũ irasũ tariwāgāmakũ ĩārā, ĩgũrē āsũ ārĩñurā:

—Gũa merā dujaka! Ñamikague āārā. Naĩmejārōgue yáa, ārĩñurā.

Irasirigu Jesús ĩgūsā merā waa, ĩgūsāya wiigue ñajākōāyupũ ĩgūsā merā dujagu. ³⁰ Purũ ĩgūsā merā baa doanígũ, pãrē āĩ, Marĩpũre: “Mũrē usũyari sĩa”, ārĩ, pãrē pea, ĩgūsārē guereyupũ. ³¹ ĩgũ irasirimakũ ĩārāgueta: “Jesúta āārĩmi”, ārĩ ĩāmasĩñurā. ĩgūsā ĩāmasĩmakũta, dederiakōāyupũ ĩgūsārē. ³² ĩgũ irasũ dederiadero purũ, ĩgūsā basi āsũ ārĩ gāme werenĩñurā:

—Maague ĩgũ marĩrē: “Marĩpũya werenĩrĩ gojadeare: ‘Āsũ ārĩduaro yáa’”, ārĩ were-makũ pérā, bũro usũyari merā: “Ōātaria”, ārĩ péñabũ, ārĩñurā.

³³ Irasirirā mata Jerusalėgue gāme dujáakōāñurā. Irogue eja, Jesús buerā, pe mojōma pere su gubu suru pērēbejarā nerēanerārē, gajirá ĩgūsā merāmarādere bokajañurā. ³⁴ ĩgūsā ejamakũ ĩārā, iro nerēanerā āsũ ārĩñurā:

—Diyeta marĩ Opũ masāñumi. Simōrē deyoayupũ, ārĩñurā.

³⁵ ĩgūsā irasũ ārĩmakũ pérā, Emaúgue waanerāde ĩgūsārē maague waadeare wereñurā. Jesús pãrē pea, ĩgūsārē ĩgũ sĩmakũ, ĩgũrē ĩāmasĩadeare wereñurā iro nerēanerārē.

Jesús ĩgũ buerārē deyoadea

(Mt 28.16-20; Mr 16.14-18; Jn 20.19-23)

³⁶ ĩgūsā irire irasũ ārĩ werenĩripoe Jesús ĩgūsārē deyoa, āsũ ārĩ oādoreyupũ:

—¿Āārĩrĩ musā? Siñajārĩ merā āārĩrikũka! ārĩyupũ.

³⁷ ĩgũ deyoamakũ, ĩāgũkakōāñurā. “Boadi yũjũpũrā deyoamakũ ĩārā irikoa marĩ”, ārĩ gũñañurā. Irasirirā bũro gũĩñurā. ³⁸ ĩgūsā gũimakũ ĩāgũ, Jesús ĩgūsārē ārĩyupũ:

—¿Nasirirā ĩāgũkari musā? ¿Nasirirā yũre ĩārā: “ĩgũ boadi dupaturi okabiribukumi”, ārĩ gũñarĩ musā? Irire gũñabirikōāka! ³⁹ ĩāka, yaa mojōrĩrē, yaa guburidere! Yũta āārā. Yũre moāñaka! Irasirirā masĩrākoa yũ āārĩrĩrē. Sugũ boadi ĩgũ yũjũpũrā merā deyoagu dupũ opabemi. Diĩ, gōārĩ opabi āārĩkumi. Yũ gapũ diĩre, gōārĩrē opáa, ārĩyupũ Jesús. ⁴⁰ Irasũ āārĩgáta, ĩgũya mojōrĩrē soeu, ĩgũya guburidere ĩmuyupũ ĩgūsārē.

⁴¹ Īgūsā gapu mērōgā b̄remurī opakererā, b̄uro us̄yari merā: “¿Diayeta Īgūta āārīkuri?” ārī gūñañurā.

Īgūsā irasū mērōgā b̄remurī opamakū, Jesús masīkōāyupu. Irasirigu Īgūsārē sērēñayupu:

—¿Mūsā baari opari oōrē? ārīyupu. ⁴² Īgū irasū ārīmakū pé, waaí mupūadea dukare sīñurā. Mume dekodere Īgūrē sīñurā baaburo, ārīrā. ⁴³ Irire sīmakū, Īgūsā ĩūrō āi baayupu.

⁴⁴ Baa odo, Jesús Īgūsārē wereyupu doja:

—Sōō āārīdeapoe mūsā merā āārīgū, yu mūsārē werederosūta dapagorare yure waabu. Moisés yaamarē gojaderosūta yure waabu. Marīp̄ya kerere weredupiyunerā gojaderosūta, Salmos wāikuri pūrē gojanerāde Īgūsā yure gojaderosūta waabu. Āārīpereri Marīp̄ Īgūsārē irasū gojadorederosūta yure waabu, ārīyupu Jesús. ⁴⁵ Irasū ārī odo, Marīp̄ya werenírī gojadeare Īgūsārē pémasīmakū iriyupu. ⁴⁶ Āsū ārīyupu:

—Iripoegue Marīp̄ya kerere weredupiyunerā gojadea pūgue āsū gojasūdero āārībú: “Cristo, Marīp̄ iriudi boakōāgukumi. Īgū boagu, urenu waaró merā masāgukumi doja. ⁴⁷ Īgū masādero p̄pu, Īgūrē b̄remurā Īgūya wāi, Īgū turaro merā āārīpereri nikū marāguere Īgūya kerere weregorenarākuma. Jerusalén marārē werep̄roriwāgārākuma. Āsū ārī wererākuma: ‘Mūsā ñerī iririre b̄jawereka! Mūsā gūñarīrē gorawayuka! Irasirigu Marīp̄ mūsā ñerī irideare kātīgukumi’”, ārīrākuma, ārī gojasūdero āārībú. ⁴⁸ Mūsā i āārīpereri yure waadeare ĩānerā āārā. Irasirirā irire gajirārē wererākoa. ⁴⁹ Ȳpu iripoegue ārīderosūta yu mūsārē Ōāgū deyomarīgūrē iriugura, Īgū mūsāguere āārīnīkōāburo, ārīgū. Irasirirā oō Jerusalēta dujaka dapa, Īgū mūsārē ūmugasima turarire sīgū aarimakū, ārīyupu Jesús.

Jesús ūmugasigue m̄rīadea
(Mr 16.19-20)

⁵⁰ P̄pu Jesús Īgūsārē Betania wāikuri makā turogue āīayupu. Iroque eja, Jesús Īgūya mojōrī soemu: “Ȳpu mūsārē oārō iritamuburo”, ārīyupu. ⁵¹ Irasū ārīgūta Īgūsārē pīkōā, ūmugasigue āīm̄rīākōāsūyupu. ⁵² Īgūsā, Īgū m̄rīāmakū ĩārā: “Ōātarigu āārīmi”, ārī b̄remuñurā. P̄pu b̄uro us̄yari merā Jerusalēgue goedujāakōāñurā. ⁵³ Ūm̄rikū Marīp̄ya wiigue Īgūrē: “Ōātaria m̄”, ārī, us̄yari sīñañurā.

Āsū āārā. Irasūta āārīburo.
Lucas

SAN JUAN

Jesucristo Marĩpuya werenĩrĩrẽ weregũ marĩ irirosũ dupũkũgũ ããrĩnũgãrĩmarẽ gojadea

¹ Neõgoragueta i ùmũ ããrĩburi dupiyuro Jesucristo Marĩpuya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ. ² Neõgoragueta ìgũ Marĩpũ merã ããrĩsiadi ããrĩmĩ. ³ Irasirigu Marĩpũ ìgũ merã i ùmũma ããrĩburi ããrĩpererire iridi ããrĩmĩ. Irasiriro i ùmũma ããrĩpereri Marĩpũ ìgũ merã iridea ããrã. ⁴ Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirigu ìgũsãrẽ Marĩpũre masĩmakũ yãmi. ⁵ Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ìgũsãrẽ Marĩpũre masĩmakũ yãmi. Naĩtĩãrĩ sĩãgorire neõ yaumasĩbea.

⁶ Jesucristo i ùmũgue aariburi dupiyuro Marĩpũ Juan* wãĩkũgũre iriudi ããrĩmĩ. ⁷ Juan, Jesús masakare sĩãgori sĩgũ ããrĩgũ ìgũ i ùmũgue aariburire weremi, ããrĩpererã irire pérã ìgũrẽ bũremuburo, ãrĩgũ. ⁸ Juan masakare sĩãgori sĩgũ ããrĩgũ meta ããrĩmĩ. ìgũsãrẽ Jesucristo aariburi gapũre weredupiyudi ããrĩmĩ. ⁹ Jesucristo diayeta ããrĩpererã masakare sĩãgori sĩgũ ããrĩgũ i ùmũgue ããrĩrãrẽ Marĩpũre masĩmakũ irigu aaridi ããrĩmĩ.

¹⁰ Jesucristo i ùmũguere ããrĩdi ããrĩmĩ. Marĩpũ ìgũ merã i ùmũrẽ irikeremakũ, i ùmũ marã gapũ ìgũrẽ neõ masĩbirinerã ããrĩmã. ¹¹ Ìgũya nikũgue aarikeremakũ, ìgũya nikũ marã gapũ ìgũrẽ bokatĩrĩñeãbirinerã ããrĩmã. ¹² Ìgũrẽ bokatĩrĩñeã, bũremurã gapũre Marĩpũ pũrã ããrĩmakũ yãmi. ¹³ Ìgũsã pagusãmarã ìgũsãrẽ pũrãkũrã, Marĩpũ pũrã ããrĩmakũ iribema. Irasũ ããrĩmakũ, ìgũsã pagũ ìgũ gããmerõ iriri merã ìgũsãrẽ Marĩpũ pũrã ããrĩmakũ iribemi. Marĩpũ gapũ ìgũsãrẽ ìgũ pũrã ããrĩmakũ yãmi.

¹⁴ Jesucristo, Marĩpũya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ùmũgue gũa merã ããrĩgũ, masakare bũro maĩrĩ merã, diaye werenĩgũ ããrĩmĩ. Gũa ìgũ gosesiririre ìãbũ. Ìgũ Marĩpũ magũ sugũ ããrĩgũ, ìgũ irirosũta turagũ, õãgũ ããrĩmĩ. ¹⁵ Juan masakare wãiyedi Jesucristore ìãgũ, gũare ãsũ ãrĩ weremi:

— Ìĩ ããrĩmĩ yũ mũsãrẽ weredi. Mũsãrẽ ãsũ ãrĩ werebũ: “ Ìgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigu yũ nemorõ ããrĩmĩ”.

¹⁶ Jesucristo marĩrẽ maĩtarigu ããrĩsĩã, marĩ ããrĩpererãrẽ õãrõ iritamuníkõãmi. ¹⁷ Marĩpũ ìgũ dorerire Moisés merã marĩrẽ pídi ããrĩmĩ. Jesucristo merã gapũre Marĩpũ ìgũ marĩrẽ maĩrĩrẽ, ìgũ werenĩrĩ diaye ããrĩrĩrẽ ìmumi. ¹⁸ Neõ sugũ masakũ Marĩpũre ìãdi mámi. Jesucristo ìgũ magũ sugũ ããrĩgũ gapũ ìgũ Pagũ merã ããrĩsĩã, marĩrẽ ìgũrẽ masĩmakũ yãmi.

Juan masakare wãiyerimasã Jesucristoyare weredea

(Mt 3.11-12; Mr 1.7-8; Lc 3.15-17)

¹⁹ Judío masaka oparã Jerusalén ããrĩrã paĩare, Levĩya bumarãdere Juan pũrogu ìgũrẽ: “¿Noã ããrĩrĩ mũ?” ãrĩ sãrẽñadorerã iriũnurã. ²⁰ Ìgũsã irasũ ãrĩ sãrẽñarã ejamakũ, Juan ìgũsãrẽ pẽmasĩma õãrõ ãsũ ãrĩ yũjumi:

— Yũ, Cristo Marĩpũ masakare taudoregũ iriudi ããrĩbea, ãrĩmĩ.

²¹ Irasirirã ìgũrẽ dupaturi sãrẽñama doja:

— Iro merẽ, ¿nĩno gapũ ããrĩrĩ? ¿Iripoeguemu Marĩpũya kerere weredupiyudi Elías ããrĩrĩ? ãrĩma.

Juan ìgũsãrẽ yũjumi:

— Ìãrĩbea, ãrĩmĩ.

Ìgũ irasũ yũjmakũ pérã, dupaturi ìgũrẽ sãrẽñama doja:

* **1:6** Jesucristo i ùmũgue aariburi dupiyuro Marĩpũ iriudi, Juan wãĩkũgũ masakare wãiyedi ããrĩmĩ.

—¿Mɛ, sōō āārīdeapoe masaka Marīpɛya kerere weredupiyugu aaribu āārāyupɛ, ĩgūsā ārīdi āārīrī? ārīma.

Juan yɛjɛmi:

—Āārībea.

²² Irasirirā ĩgūrē āsū ārīma:

—¿Niino gapɛ āārīrī? Gɛare iriuanerā ĩgūsā pɛrogue mɛ yɛjɛrɛre gua āīāmakū gāāmema. Irasirigɛ wereka gɛare! Mɛ basi, ¿naāsū ārī gūñarī? ārīma.

²³ Irasirigɛ Juan iripoeguemɛ Isaiás Marīpɛya kerere weredupiyudi gojadea merā ĩgūsārē āsū ārī yɛjɛmi:

—Masaka marīrōgue sugɛ bɛro bɛsɛro merā were gaguinígorenagū āsū ārī werea: “Marī Opɛ aariburi dupiyuro ĩgū aariburi maarē diayema maa ōārī maa āmurā irirosū diayemarē irika!” ārī werea, ārīmi Juan.

²⁴⁻²⁵ ĩgū irasū ārī yɛjɛmakū pérā, fariseo bumarā iriuanerā ĩgūrē sērēñama doja:

—Mɛ, Cristo Marīpɛ iriudi, o Elías, o sōō āārīdeapoe Marīpɛya kerere weredupiyudi āārā, ārībi, ¿nasirigɛ masakare wāiyeri?

²⁶ Juan ĩgūsārē ārīmi:

—Yɛ masakare deko merā wāiyea. Sugɛ mɛsā watopeguere mɛsā masībi āārīmi. ²⁷ ĩgū, yɛ pɛrɛ aarikeregɛ, yɛ nemorō āārīmi. Yɛ ubu āārīgū, ĩgūrē neō sɛropebirikoa, ārīmi.

²⁸ Juan ĩgū masakare wāiyenarōgue Betania wāikɛro, dia Jordán wāikɛdiya abe mɛrīro gapɛ i āārīpererire ĩgūsārē weremi.

Marīpɛ Jesúre oveja majīgū irirosū āārīgūrē iriudi āārīrīmarē Juan weredea

²⁹ Gajinɛ gapɛ Juan, Jesús ĩgū pɛro aarimakū ĩāgū, gɛare āsū ārīmi:

—Īāka! Īi Marīpɛ iriudi, oveja majīgū† irirosū āārīmi. ĩgū boari merā i ɛmɛ marārē ĩgūsā ñerō iridea wajare peremakū irigɛkumi. ³⁰ Īita āārīmi yɛ mɛsārē iro dupiyuro āsū āārīmi, ārī weredi. “Īgū yɛ pɛrɛ aarikeregɛ, yɛ deyoaburo dupiyuro āārīsiadi āārīmí. Irasirigɛ yɛ nemorō āārīmi”, ārī werebɛ. ³¹ Yɛde ĩgūrē: “Marīpɛ iriudi āārīmi”, ārīmasībiribɛ. ĩgūrē masībirikeregɛ, Israel bumarā masakare deko merā wāiyegɛ aarīgū iribɛ, ĩgūsā ĩgūrē masīburo, ārīgū, ārīmi.

³² Irasū ārī odo, Juan āsū ārī werenemomi doja:

—Ōāgū deyomarīgū ɛmɛgasigue merā buja irirosū deyogɛ dijari, Cristo weka ejamakū ĩābɛ. ³³ Marīpɛ yɛre masakare deko merā wāiyedoredi dupiyurogue āsū ārīmi: “Mɛ Ōāgū deyomarīgū dijari, sugɛ masakɛ weka ejamakū ĩāgɛkoa. ĩgūta masakare Ōāgū deyomarīgū merā wāiyegɛkumi, ĩgū ĩgūsā merā āārīnikōāburo, ārīgū”, ārīmi Marīpɛ yɛre.

³⁴ Irasū waamakū ĩāgū: “Īgūta Marīpɛ magū āārīmi”, ārī masībɛ. Irasirigɛ mɛsārē irire werea, ārīmi Juan.

Jesús buerā ĩgū merā āārīpɛroridea

³⁵ Gajinɛ gapɛ irogueta Juan dupaturi āārīmí doja. Gua pērā ĩgū buerā ĩgū merā āārībú.

³⁶ Jesús gua pɛro tariamakū ĩāgū, Juan āsū ārīmi:

—Īāka! Īi oveja majīgū irirosū Marīpɛ iriudi āārīmi.

³⁷ ĩgū irasū ārīmakū pérā, gua pērā Juan buerā Jesúre tɛyabɛ. ³⁸ Irasirigɛ, gua ĩgūrē tɛyamakū gāmenugā ĩā:

—¿Ñeénorē gāāmerī? ārīmi.

Gua ĩgūrē ārībɛ:

—¿Buegu, noógue āārārī mɛ?

† **1:29** Exodo 29.38-43; Números 28.1-4,9, 16-19; 29.7-8: Iripoegue Marīpɛ Moisére ĩgū dorerire āsū ārī pídi āārīmí: “Israel bumarārē āsū ārīka: ‘Mɛsā yɛ dorerosūta yɛre bɛremurā, oveja majīgūrē ōāgūrē yɛ ĩūrō wējē soepeoka! Mɛsā irasirimakū ĩāgū: ‘Mɛsā ñerō iridea wajare opamerā āārā, mɛsārē wajamoābirikoa’, ārī ĩāgɛkumi’, ārīka!’ ārīdi āārīmí.

³⁹ Īgũ guare ārĩmi:

—Īārā aarika!

Irasirirā gũa ĩgũ merā waa, ĩgũ kārĩrõgue ñamika cuatro hora āārĩmakũ ejabu. Irogue eja, iri ñamirē ĩgũ merā āārĩbũ. ⁴⁰ Gũa pērā: yũ, Andrés merā Juan weredeare pénerā āārĩsĩā, Jesúre tuyabu. Andrés, Simón Pedro pagumu āārĩmĩ.

⁴¹ Gajinu gapu, Andrés ĩgũ tĩgũ Simón Pedore āmapurumugũ waami. Īgũ pũrogue eja, ĩgũrē ārĩyupu:

—Marĩpu iriudi Mesĩare bokajabu, ārĩyupu. “Mesĩas”, ārĩrõ: “Cristo”, ārĩduaro yāa.

⁴² Irasirigu Andrés Simõrē Jesús pũrogue āĩjami. Jesús ĩgũrē ĩāgũ, āsũ ārĩmi:

—Mu, Simón wāĩkugu Jonás magũ āārā. Puru mu “Cefas” wāĩkugukoa, ārĩmi. “Cefas”, ārĩrõ: “Pedro”, ārĩduaro yāa.

Jesús Felipere, Natanaere siiudea

⁴³ Gajinu gapu Jesús: “Galilea nikũgue waagura”, ārĩ, Felipere bokaja:

—Nāka, yũ merā! ārĩmi.

⁴⁴ Felipe Betsaida wāĩkuri makāmu āārĩmĩ. Pedro, Andrésāde iri makā marāta āārĩmā.

⁴⁵ Jesús ĩgũrē: “Nāka!” ārĩmakũ pégu, Felipe Natanaere siiugu waami. Īgũ pũrogue eja, ĩgũrē ārĩyupu:

—Moisēs ĩgũya doreri gojadea pũgue ĩgũ gojadire bokajabu. Marĩpuya kerere weredupiyunerāde ĩgũrēta gojanerā āārĩmā. Īgũsā gojadi Jesús Nazaretmũ, José magũ āārāmi, ārĩyupu Felipe.

⁴⁶ Īgũ irasũ ārĩmakũ pégu, Natanael gapu ĩgũrē ārĩyupu:

—Neõ sugu Nazaretmũ õārõ irigu mámi, ārĩyupu.

Felipe gapu ĩgũrē ārĩyupu:

—Nāka, ĩmusi.

⁴⁷ Jesús, Natanael ĩgũ pũro ejarimakũ ĩāgũ, āsũ ārĩmi:

—Īĩ õāgũ, diayeta Israel bumugora, ārĩkatori marĩgũ āārĩmi.

⁴⁸ Īgũ irasũ ārĩmakũ pégu, Natanael ĩgũrē sērēñami:

—¿Naásũpero merā yũre masĩrĩ mu?

Jesús ārĩmi:

—Felipe, mũrē siiuburi dupiyuro higuera gu doka mu āārĩmakũ ĩābũ, ārĩmi.

⁴⁹ Īgũ irasũ ārĩmakũ pégu, Natanael ĩgũrē ārĩmi:

—Buegu, mu Marĩpu magũ, Israel bumarā Opũ āārā, ārĩmi.

⁵⁰ Jesús ĩgũrē ārĩmi:

—Yu mũrē: “Higuera gu doka mu āārĩmakũ ĩābũ”, ārĩrĩ ditare pésĩā, yũre buremua. Pũruguerē i nemorõ Marĩpu turari merā yũ iri ĩmurĩrē ĩāgukoa, ārĩmi.

⁵¹ Āsũ ārĩnemomi doja:

—Diayeta musārē werea. Pũruguerē ũmugasi tũpāmakũ ĩārākoa. Irasũ tũpāmakũ, Marĩpũre wereboerā yũ āārĩpererā tĩgũ pũrore mũrĩāna, dijarina irimakũ ĩārākoa, ārĩmi Jesús.

2

Jesús Caná wāĩkuri makāgue mojõsũadiya bosenure ĩāgũ waadea

¹ Jesús Felipere, Natanaere siiudero puru, urenũ waaró merā, Galilea nikũguere Caná wāĩkuri makārē sugu mojõsũadiya bosenu āārĩbũ. Jesús pagode iri bosenure ĩāgõ waamo.

² Gũa Jesús buerādere, ĩgũ merā iri bosenure ĩādorerā siiuma. ³ Pũru iri bosenu ma igui deko peremakũ ĩāgõ, Jesús pago ĩgũrē ārĩmo:

—Igui deko pereakõābũ ĩgũsārē.

⁴ Igo irasũ ārĩmakũ pégu, Jesús ārĩmi:

—¿Nasirigo irire yũre wereri mu? Masaka yũre masĩburo duyakõāa dapa, ārĩmi.

⁵ Igo gapu, ĩgũ irasũ āŗikeremakũ, tĩāboerārē āŗĩmo:

—Yũ magũ musārē dorerosũta irika!

⁶ Iri wiiguere su mojõma pere gaji mojõ suru pērēbejari sorori ũtāyeri merā iridea sorori āārĩbũ. Judío masaka Marĩpu dorederosũ irirā ĩgũsā gurari koeburi deko duripĩri sorori āārĩbũ. Sororiku wáro deko cincuenta o setenta litros ejari sorori āārĩbũ.

⁷ Jesús tĩāboerārē āŗĩmi:

—I sororire deko piusā ũtudoboepokõāka! āŗĩmi.

Īgũ irasũ āŗĩmakũ pérā, iri sororire piusā, ũtudoboepokõāma. ⁸ Īgũsā odomakũ, Jesús āŗĩmi:

—Mérõ āĩsĩā, bosenu siiu irigure tĩārā waaka! āŗĩmi.

“Jáu” āŗĩ, āĩāma.

⁹ Iri bosenu siiu irigu Jesús dekoreta igui deko iriadeare masĩbirimi. Tĩāboerā dita irire masĩma. Irasirigu iri bosenu siiu irigu irire iirĩñagũ, mojõsũadire siiu, āsũ āŗĩmi:

¹⁰ —Gajirā igui deko õārĩrē tĩādorepũrorikuma. Pũru ĩgũsā siuanerā wáro iirĩadero pũru, igui deko ubu āārĩrĩrē tĩādorekuma pama. Mu gapu igui deko õārĩrē duripĩayo gũare tĩātũnubu, āŗĩmi.

¹¹ Jesús Galilea nikũma makā Caná wāĩkũri makāgue irire irigu, Marĩpu turaro merā iri ĩmupũrorimi. Īgũ irasirimakũ ĩārā, gũa ĩgũ buerā: “Diayeta Marĩpu iriudi āārĩmi”, āŗĩ bũremubu.

¹² Pũru Jesús Capernaum wāĩkũri makāgue waakõāmi. Īgũ pago, ĩgũ pagupũrā, gũa ĩgũ buerāde ĩgũ merāta waabu. Iri makāgue eja, yoaweyaripoe āārĩbũ.

Jesús Marĩpũya wiigue duarimasārē béowiudea

(Mt 21.12-13; Mr 11.15-18; Lc 19.45-46)

¹³ Pascua bosenu mérõ dũyaripoe Jesús Jerusalén wāĩkũri makāgue waami. ¹⁴ Irogue ejagu, Marĩpũya wiigue ñajāa, wekũa, oveja, buja duarimasārē bokajami. Irasũ āārĩmakũ, niyeru gorawayurimasā ĩgũsāya kũmarĩ pũro doarārē bokajami. ¹⁵ Īgũsā irasirimakũ ĩāgũ, pũgubu merā tārāridari iri, ĩgũsārē, ĩgũsāyarā ovejare, wekũare makāgue tārānũrũwiumi. Niyeru gorawayurimasārē ĩgũsāya niyeru kũmarĩrē túmeépĩsirimi.

¹⁶ Irasiri odo, buja duarimasārē āsũ āŗĩmi:

—Īsārē āĩwiriaka! Yũpũya wiire doebiri duari wii iribirikõāka! āŗĩmi Jesús.

¹⁷ Īgũ irasũ āŗĩmakũ pérā, gũa ĩgũ buerā Marĩpũya werenĩrĩ gojadea pũgue āsũ āŗĩ gojadeare gũñabokabu:

Yũ Opũ, mũya wiire bũro maĩa. Īgũsā iri wiire ñerõ irimakũ ĩāgũ, bũro bũjawereri merā āārā, āŗĩ gojasũdero āārĩbũ.*

¹⁸ Judío masaka oparā Jesús irasirimakũ ĩārā, ĩgũrē sērēñama:

—¿Nasirigu ĩgũsārē béowiuari? Marĩpu irire mũrē iridoremakũ, ĩgũ turari merā iri ĩmuka, gũa masĩma õārõ! āŗĩma.

¹⁹ Jesús ĩgũsārē āŗĩmi:

—I wiire musā béomakũ, ũrenu merāta yũ dupaturi odonũgũkoa doja, āŗĩmi.

²⁰ Īgũ irasũ āŗĩmakũ pérā, āŗĩma:

—I wiire irirā, cuarenta y seis bojorigora irima. ¿Nasiribu mũ gapu ũrenu merāta odobukuri?

²¹ Jesús iri wiire weregu, ĩgũya dũpu gapure weregu irimi. ²² Jesús boa, masādero pũru, gũa ĩgũ buerā ĩgũ irasũ āŗĩdeare gũña, pémasĩbu. Irasirirā Marĩpũya werenĩrĩ gojadea pũgue ĩgũrē gojadeare, ĩgũ weredeaderere: “I diayeta āārĩyo”, āŗĩ bũremubu.

Jesús āārĩpererā masaka gũñarĩrē ĩāmasĩdea

²³ Pascua bosenu āārĩmakũ, Jesús Jerusalēgue āārĩmi. Masaka ĩgũ Marĩpu turari merā iri ĩmumakũ ĩārā, wārā: “Marĩpu iriudi āārĩmi”, āŗĩ bũremuma. ²⁴ Īgũsā irasũ

* 2:17 Sal 69.9

buremukeremakū, Jesús gapu āārīpererā ĩgūsā gūñarīrē ĩāmasĩkōāmi. Irasirigu ĩgūsārē: “Yure gūñaturari merā buremuníkōārākuma”, ārī ĩābirimi. ²⁵ Masaka gūñarīrē ōārō ĩāmasĩgū āārīsīā: “¿Naāsū gūñarī ĩgūsā?” ārī sērēñabirikeregu, ĩāmasīmi.

3

Nicodemo Jesús merā werenidea

¹ Sugū judío masaka oparā merā fariseo bumū Nicodemo wāikugū āārīmí. ² Su ñami Jesúre ĩāgū ejayupu. ĩgū pūroque eja, ĩgūrē ārīyupu:

—Buegu, Marīpu mū merā āārīmi. Irasirigu ĩgū turari merā mū iri ĩmumasīa. Mū iri ĩmurīrē ĩārā, gūa masīa. Marīpu marē iriudi āārīmí gūare buedoregu, ārīyupu.

³ ĩgū irasū ārīmakū pégu, Jesús ĩgūrē ārīyupu:

—Diayeta marē werea. Sugū masakū dupaturi deyoagu irirosū āārīgú dita Marīpu ĩgūyarārē doreroque waamasīmi, ārīyupu.

⁴ ĩgū irasū ārīmakū pégu, Nicodemo Jesúre sērēñayupu:

—¿Nasiri irasū waabukuri? Sugū masakū buguroque dupaturi deyoabu, ĩgū pagoya patoreguere ñajāmasībirikumi, ārīyupu.

⁵ Jesús ĩgūrē yujuyupu:

—Diayeta marē werea. Sugū masakū deko merā, Ōāgū deyomarīgū merā deyoagu dita Marīpu ĩgūyarārē doreroque waamasīmi. ⁶ Masaka pūrākumakū, ĩgūsā pūrā masakata āārīma. Ōāgū deyomarīgū ĩgū merā deyoarā gapure Marīpu pūrā āārīmakū yāmi. ⁷ Irasirigu mū: “Āārīpererā dupaturi deyoarā irirosū āārīrō gāāmea”, ārīrē pégu, pégukabirikōāka! ⁸ Mirū noó gāāmerō wējāpuwāgāa. Iri busurire péa. Irire pékererā, sōō merā aara, iro waaró yāa, ārī masīña máa. Irasūta āārā, Ōāgū deyomarīgū ĩgū merā deyoarārē Marīpu pūrā āārīmakū iriri āsū waaró yāa, ārī masīña máa, ārīyupu Jesús.

⁹ ĩgū irasū ārīmakū pégu, Nicodemo āsū ārī sērēñayupu Jesúre doja:

—¿Nasiro irasū āārībukuri? ārīyupu.

¹⁰ Jesús ĩgūrē yujuyupu:

—¿Mū Israel bumarārē Marīpuyare buegu āārīkeregu, ire masīberi? ¹¹ Diayeta marē werea. Gūa masīrē, gūa ĩādeare musārē werea. Musā gapu irire buremubea. ¹² Yū i ũmuma ubu āārīrē weremakū mañurē buremubea. ¿Nasirimurā ũmugasimarē yū wereri gapure buremubukuri?

¹³ Neō sugū masakū ũmugasiguere marīa, purū dijaridi mámi. Yū sugūta āārīpererā tīgū ũmugasigu āārīdi ōō i ũmugasigu dijaribu.

¹⁴ ĩripoegue masaka marīroque Moisés kōme merā āña keori irideare yukuge āīsiu, āīwāgūnūdi āārīmí. I āña keorire yukuge āīsiu, āīwāgūnūderosū masaka yure āārīpererā tīgūrē curusague pábiatú, āīwāgūnūrākuma. ¹⁵ Irasirirā āārīpererā yure buremurāno perebiri peamegue waabirikuma. ũmugasigu perebiri okari gapure oparākuma.

Jesús Nicodemorē: “Marīpu i ũmū marārē buro maīmi”, ārī weredea

¹⁶ Marīpu i ũmū marārē buro maīsīā, ĩgū magū sugū āārīgūrē iriudi āārīmí. ĩgūrē buremurāno perebiri peamegue waabirikuma. ũmugasigu Marīpu merā perebiri okari gapure oparākuma. ¹⁷ Marīpu ĩgū magūrē masakare peamegue waabonerārē taudoregu i ũmuguerē ĩgūrē iriudi āārīmí. Masakare wajamoādozegū meta i ũmuguerē ĩgūrē iriudi āārīmí.

¹⁸ Marīpu ĩgū magūrē buremurārē neō wajamoābirikumi. ĩgūrē burenumerā gapure: “Wajamoāgura”, ārī weresiāmi. ĩgū magūrē sugūta āārīgūrē buremubiridea waja ĩgūsārē wajamoāgukumi. ¹⁹ Marīpu magū i ũmuguerē aarimí, masakare Marīpure masīmakū iribu. Irasirigu ĩgūsārē sīāgori sīgū āārīmí. ĩgūrē burenumerā gapu ĩgūrē gāāmebema. ĩgūsā ñerī iriri gapure buro gāāmema. Irasirirā boyorogue āārīmerā, naītārōgue āārīduarā

irirosū āārīma. Irasirigū Marīpū ĩgūsārē wajamoāgukumi. ²⁰ Āārīpererā ñerō irirā Marīpū magūrē gāamebema. Boyorogue āārīduamerā irirosū āārīma, gajirā ĩgūsā ñerō iririre masībirikōāburo, āārī. ²¹ Marīpūyare keoro irirā gapū ĩgū magūrē gāamema. Boyorogue āārīduarā irirosū āārīma, gajirā ĩgūsā ōārīrē irimakū ĩārā: “Marīpū ĩgūsārē iritamumi”, āārī masīburo, āārī, āārī wereyupū Jesús.

Juan masakare wāiyerimasā Jesúyare weredeā

²² Pūpū Jesús guare ĩgū buerārē Judea nikūgue siiuwāgāmi. Irogue eja, iro marā merā yoaweyaripoe āārī, ĩgūsārē wāiyerā iribū. ²³ Juāde masakare Enón wāikuri makāgue wāiyeyupū. Enón, Salim wāikuri makā pūro āārībú. Irogue dia wādiya āārībú. Irasirirā masaka ĩgū pūrogue wāiyedorerā waanañurā. ²⁴ Gajirā ĩgūrē peresu iriburi dupiyuro āārīyuro.

²⁵ Iripoere surāyeri Juan buerā sugū judío masakū merā ĩgūsā koerikuri merā guaseopūroriñurā. ²⁶ Pūpū Juan pūrogue waa, ĩgūrē āsū āārī wereñurā:

—Buegū, dia Jordán wāikūdiya gaji koepūgue mū merā āārīdi, guare mū weredi, dapagorare masakare wāiyegū iriami. Āārīpererā ĩgū pūrogue waarā iriama, āārīñurā.

²⁷ ĩgūsā irasū āārīmakū pégu, Juan āārīyupū:

—Sugū masakū Marīpū turari merā ōārīrē iriri, Marīpū ĩgūrē pídea āārā. ²⁸ Mūsā yū weredeare pébū. “Marīpū iriudi Cristo āārībea yū”, āārībū. Yū Cristo āārībirikeremakū, Marīpū gapū Cristo aariburi dupiyuro yare ĩgūyare weredupiyudoregū iriumi. ²⁹ Āsū āārā. Sugū mojōsuamakū, nomeō ĩgū merā āārīgō waakumo. ĩgū merāmū, mojōsuamakū ĩāgū, ĩgū werenīmakū pégu, būro usuyakumi. Irasirigū mojōsuadi merāmū usuyaderosūta masaka Cristo merā waamakū ĩāgū, yūde usuyari opataria. ³⁰ Masaka Cristore tūyaro gāāmea. Yū gapūre tūyaduúkōārō gāāmea, āārīyupū Juan.

Jesucristo ūmugasigue merā dijaridi āārīmi, āārī weredeā

³¹ Irasū āārī odo, Juan āsū āārīnemoyupū doja:

—Ūmugasigue merā dijaridi āārīpererā nemorō masīgū āārīmi. Sugū masakū i ūmūmū, i ūmūmarē werenīkumi. Ūmugasigue merā dijaridi gapū āārīpererā nemorō masīgū āārīmi. ³² ĩgū ĩādeare, ĩgū pédeare weremi. ĩgū irire werekeremakū, neō sugū ĩgū wererire būremubemi. ³³ ĩgū wererire būremurā gapū: “Marīpū diaye āārīrīmarē āārīkatori marīrō āārīgū āārīmi”, āārī ĩmuma. ³⁴ Marīpū Cristore ĩgū iriudire Ōāgū deyomarīgūrē opatarimakū iridi āārīmī. Irasirigū Cristo Marīpūyare werenīrē weremi. ³⁵ Marīpū ĩgū magū Cristore būro māimi. Irasirigū ĩgūrē āārīpereri, āārīpererārē doregū āārīmakū iridi āārīmī. ³⁶ Marīpū magūrē būremurā ūmugasigue ĩgū merā perebiri okarire opama. ĩgū magūrē būremudūamerā gapū iri okarire neō opabirikuma. Marīpū ĩgūsārē būro wajamoāgukumi, āārīyupū Juan.

4

Jesús Samaria nikūmo merā werenīdea

¹ Jesús buerā, Juan buerā nemorō wārā āārīrī kerere, Jesús, Juan nemorō masakare wāiyeri kerere, fariseo bumarā péñurā. ² ĩgūsā iri kerere pékeremakū, Jesús gapū ĩgū basi masakare wāiyebirimi. Gūa ĩgū buerā gapū ĩgūsārē wāiyebu. ³ Fariseo bumarā iri kerere pédeare masīgū, Jesús Judea nikūgue āārādi, Galilea nikū gapū guare siiu, goedujāami.

⁴ Galileague goedujāagu, Samaria nikūgue tariwāgāmi. ⁵ Iro tariwāgāgū, iri nikūma makā Sicar wāikuri makāgue ejami. Iri makā, Jacob iripoeguemu ĩgū magū Josere sīdea nikū pūro āārībú. ⁶ Iroguerere deko gobe Jacob iridea gobe āārībú. Jesús yoaro aaradi, garibore, iri gobe pūro siñajā eja doami. Goeripoe ejaburi dupiyuro āārībú. ⁷⁻⁸ ĩgū irogue doaripoeta gūa ĩgū buerā makāgue baari wajarirā waabū. Gūa waadero pūru, iri gobeguere sugo nomeō Samariamo deko wāgo ejayupo.

Igo irogue ejamakū ããgũ, Jesús igore ãrĩyupũ:

—Yũre deko tĩãka!

⁹ Ñgũ irasũ ãrĩmakũ pégo, Ñgũrẽ ãrĩyupo:

—¿Nasirigũ mũ judío masakũ ããrĩkeregũ, yũre Samariamorẽ: “Deko tĩãka!” ãrĩ sërẽrĩ? ãrĩyupo. Iripoere judío masaka Samaria marã merã neõ gãmesuribirima. Irasirigo irasũ ãrĩyupo Ñgũrẽ.

¹⁰ Igo irasũ ãrĩmakũ, Jesús ãrĩyupũ:

—Mũ Marĩpũ masakare sĩrĩrẽ masĩgõ, yũdere masĩgõ, yũre: “Okari sĩrĩ dekore sĩka*”! ãrĩ sërẽboakuyo. Mũ sërẽmakũ, yũ iri dekore sĩboakuyo, ãrĩyupũ.

¹¹ Ñgũ irasũ ãrĩmakũ, Ñgũrẽ ãrĩyupo doja:

—Mũ deko ãĩburi sorore opabea, i gobe ãkũãgoráa. ¿Noógue mũ i okari sĩrĩ deko bokagũkuri? ¹² Iripoegue marĩ ñekũ Jacob i gobema dekore iirĩdi ããrĩmĩ. Ñgũ pũrã, Ñgũyarã ejorãde iirĩnerã ããrĩmã. Ñgũ marĩrẽ i gobere pídi ããrĩmĩ. ¿Mũ gapũ Ñgũ nemorõ masĩgũ ããrĩrĩ? ãrĩyupo.

¹³ Jesús igore yũjũyupũ:

—Ããrĩpererã i gobema deko iirĩrã, dupaturi ñemesiburi oparãkuma. ¹⁴ Yũ sĩburi gapũre iirĩrã, neõ ñemesiburi opabirikuma. Ñgũsãrẽ Ñgũsãya yũjũpũrãrĩguere deko ãmayoro irirosũ ããrĩrokoa. Irasirirã i merã perebiri okari oparãkuma, ãrĩyupũ.

¹⁵ Ñgũ irasũ ãrĩmakũ pégo, Ñgũrẽ ãrĩyupo:

—Iri dekore sĩka yũre! Mũ yũre sĩmakũ, yũ neõ dupaturi ñemesiburi opabiriko. Irasũ ããrĩmakũ, i gobeguere neõ dupaturi deko wágo aaribirikoa pama, ãrĩyupo.

¹⁶ Jesús igore ãrĩyupũ:

—Mũ marãpũre siiugo waaka! Ñgũrẽ siiu, õõgue Ñgũ merã dupaturi aarika! ãrĩyupũ.

¹⁷ Igo Ñgũrẽ yũjũyupo:

—Yũ, marãpũ marĩgõ ããrã.

Jesús igore ãrĩyupũ:

—Mũ yũre: “Marãpũ marĩgõ ããrã”, ãrĩgõ, diayeta yũjũ. ¹⁸ Mũ su mojõmarã ãma merã marãpũkũsiadibũ. Dapagora mũ merã ããrĩgũ mũ marãpũ diaye ããrĩbemi, mũ Ñgũrẽ neõ mojõsũabiribũ. Irasiriro mũ yũjũri diayeta ããrã.

¹⁹ Ñgũ irasũ ãrĩmakũ pégo, ãrĩyupo:

—“Mũ Marĩpũya kerere weredupiyurimasũ ããrĩkoa”, ãrĩ gũñãa yũ. ²⁰ Gũ ñekũsãmarã Samaria marã sigũ ãtããgue Marĩpũre bũremunerã ããrĩmã. Mũsã judío masaka gapũ gũare: “Jerusalẽgue Marĩpũre bũremurõ ããrã. Irogue Marĩpũre bũremurã waaka!” ãrã gũare mũsã, ãrĩyupo.

²¹ Igo irasũ ãrĩmakũ pégu, Jesús ãsũ ãrĩyupũ:

—Yũ werenĩrĩrẽ péka! Pũrũgue mũsã i ãtããguere, Jerusalẽguedere Marĩpũre bũremurã waabiriko. Mũsã irasiriburo mérõgã dũyãa. ²² Mũsã Samaria marã mũsã bũremugũrẽ masĩbea. Gũ judío masaka gapũ gũa bũremugũrẽ õãrõ masĩa. Ñgũ masakare taubu judío masakũ ããrĩmĩ. ²³ Marĩpũre diayeta bũremurã Ñgũsãya yũjũpũrãrĩgue bũremurãkuma. Marĩpũ Ñgũrẽ bũremurãrẽ ãsũta bũremurõ gããmemi. Ñgũrẽ ãsũ bũremuripoe ejaro, dapagorare ejasiãa. ²⁴ Marĩpũ deyomarĩgũ ããrĩmĩ. Irasirigũ Ñgũrẽ bũremurãya yũjũpũrãrĩgue ããrĩmĩ. Irasirirã Ñgũsãya yũjũpũrãrĩgue diayeta Ñgũrẽ bũremurõ gããmea Ñgũsãrẽ, ãrĩyupũ.

²⁵ Ñgũ irasũ ãrĩmakũ, Ñgũrẽ ãrĩyupo:

* **4:10** Jn 11.25: Jesús ãrĩmĩ: —Yũ boanerãrẽ masãmakũ irigũ, Ñgũsãrẽ okari sigũ ããrã. Yũre bũremugũ boadigue ããrĩkeregũ, okagũkumi. Jn 14.6: Jesús ãrĩmĩ: —Yũ dita Yũpũ pũrogue waarĩ maa irirosũ ããrã. Yũ diayema ããrĩrĩrẽ masakare masĩmakũ irigũ, Ñgũsãrẽ okamakũ irigũ ããrã. Yũ merãta Yũpũ pũrogue waarãkuma.

—Y_u masĩa. Mesías, Marĩp_u iriudi Cristo aarig_ukumi. Īg_u aarig_u, marĩr_e ããrĩpererire wereg_ukumi, ãrĩyupo.

²⁶ Igo iras_u ãrĩmak_u p_eg_u, ãs_u ãrĩ deyoromuyup_u:

—Y_u m_u merã werenig_u Marĩp_u iriudita ããrã, ãrĩyup_u Jesús.

²⁷ Īg_usã iras_u weretamuripoe g_ua baari wajarirã ejanerã Jesús p_urogoe goedujajab_u. Īg_u sugo nomeõ Samariamo merã werenim_umak_u ĩãrã, ĩãg_ukakõãb_u. Īg_ur_e neõ: “¿Ñeéonor_e gããmeari? o ¿ñeénomar_e igo merã wereniari?” ãrĩ s_er_eñ_eñ_eabirib_u Jesúre.

²⁸ P_ur_u nomeõ igo deko wárisorore irota béodobokõã, makãgue waakõãmo. Irogoe ejago, masakare wereyupo:

²⁹ —Náka, musãde ĩãrã aarika! Sõõ sug_u ãm_u ããrãmi. Īg_u ããrĩpereri y_u irideare masĩpeokõãmi, irire werepeokõãmi y_ure. ¿Īg_u Cristo, Marĩp_u iriudi ããrĩkuri? ãrĩyupo igoya makã marãr_e.

³⁰ Igo iras_u ãrĩmak_u p_erã, Jesús p_urogoe ĩg_ur_e ĩãrã waañurã. ³¹ Īg_usã ĩg_u p_uro aariburi dupiyuro g_ua ĩg_ur_e ãrĩb_u:

—Bueg_u, g_ua m_ur_e ãiriadea baarire baaka! ãrĩ sĩadib_u.

³² Jesús gap_u g_uare ãrĩmi:

—Y_u baari opáa, irire musã masĩbea.

³³ Īg_u iras_u ãrĩmak_u p_erã, g_ua basi ãs_u ãrĩ gãme s_er_eñ_eñ_eap_urorib_u:

—¿Gajipoe irirã gajirã ĩg_ur_e baari ejoayuri? ãrĩb_u.

³⁴ Jesús gap_u g_uare ãrĩmi:

—Y_ure iriudi gããmerĩr_e irig_u, ĩg_u y_ure moãdoredeare iriyuwarik_ug_u, baayapig_u iriros_u ããrã. ³⁵ Musã ãs_u ãrã: “Wapikurã abe d_uyáa, ĩg_usã otedea d_uka sĩburo”. Y_u gap_u musãr_e ãs_u ãrã: “Īg_usã otederore ĩãka! D_uka borerire searipoe ejasiáa”. ³⁶ Sug_u otedea d_ukare searimas_u ĩg_u moãdea wajare wajatami. Marĩp_uya wereni_rr_e wereg_u ĩg_u iriros_u ããrĩmi. Īg_u wererire p_erã, y_ure b_uremuma. Irasirirã ãm_ugasigue perebiri okarire oparãkuma. Īg_usã, ĩg_u otedea d_uka seari iriros_u ããrĩma. Irasirirã oterimas_u, ĩg_u otedea d_ukare searimas_u iriros_u ããrĩrã, usuyama, masaka y_ure b_uremumak_u ĩãrã. ³⁷ Masaka ãs_u ãrĩ werew_uakuma: “Sug_u masak_u otekumi. P_ur_u gajig_u i otedea d_ukare seakumi”, ãrĩkuma. Īg_usã iras_u ãrĩ werew_uadea diayeta ããrã. ³⁸ Iripoegue Marĩp_uya wereni_rr_e weredupiyunerã oterimasã iriros_u ããrĩnerã ããrĩmã. Dapagora y_u musãr_e iriua. Musã ĩg_usã iripoegue otedea d_ukare searimasã iriros_u ããrã. Irasirirã ĩg_usã moãdea wajare musã wajatarã iriros_u ããrã. Īg_usã moãderoquere moãwekabejarã iriros_u irirã yáa, ãrĩmi Jesús.

³⁹ Samariamo makãgue ejadero p_ur_u: “Sõõ ããrãdi ããrĩpereri y_u irideare masĩpeokõãmi”, ãrĩmak_u p_erã, wãrã iri makã marã Jesúre b_uremuñurã. ⁴⁰ Irasirirã Jesús p_uro aarirã, ĩg_ur_e: “G_ua merã dujaka!” ãrĩ s_er_ema. Īg_usã iras_u ãrĩmak_u p_eg_u, Jesús ĩg_usã merã pen_u dujami.

⁴¹ Īg_u wererire p_erã, gajirãde wãrã ĩg_ur_e b_uremuma. ⁴² Irasirirã nomeõr_e ãrĩma:

—G_ua m_u wereadea ditare p_erã, Jesúre b_uremuadab_u. Dapagora tamerãr_e g_ua basi ĩg_u wererire p_esĩã, ĩg_ur_e b_uremua. G_ua masĩa. Īg_u diayeta Marĩp_u iriudi, i ãm_u marãr_e peamegue waabonerãr_e taug_u ããrĩmi, ãrĩma.

Jesús Galilea nik_u marã op_u dokam_u mag_ur_e taudea

⁴³ Jesús pen_u Samariague ããrãdi, Galilea nik_ugue waami. ⁴⁴ Iro dupiyuro Jesús ãs_u ãrĩdi ããrĩmĩ: “Marĩp_uya kerere weredupiyug_ure ĩg_uy_u nik_u marã ĩg_ur_e b_uremubema”, ãrĩdi ããrĩmĩ. ⁴⁵ Galileague ejamak_u, iro marã ĩg_ur_e õãrõ bokatĩrĩñeãma. Iro dupiyuro ĩg_usãde Jerusal_egue pascua bosenu ĩãrã ejanerã ããrĩmã. Irasirirã ããrĩpereri Jesús irogoe irideare ĩãnerã ããrĩmã.

⁴⁶ Jesús Galileague ejadero p_ur_u, Caná wãikuri makãgue ĩg_u dekoreta igui deko iridea makãgue goemi. Iri makãguere sug_u Galilea marã op_u dokam_u ããrĩmĩ. Īg_u mag_u

Capernaum wāikuri makāgue āārīgú, pūrīrikugū iriyupū. ⁴⁷ Irasirigū opū dokamū, Jesús Judeague āārādi ĩgū Galileague ejari kerere pégu, Jesús pūro aarimí. Āsū ārī sērēmi ĩgūrē:

—Yū magū boabu iriami. ĩgūrē taubosagū aarika! ārīmi.

⁴⁸ ĩgū irasū ārīmakū pégu, Jesús ārīmi:

—Marīpū turari merā yū iri ĩmurīrē ĩābirikererā, neō yūre būremubea mūšā, ārīmi.

⁴⁹ Opū dokamū gapū Jesúre ārīmi:

—Gūa Opū, yū magū boaburo dupiyuro aarika!

⁵⁰ Jesús ĩgūrē ārīmi:

—Mūya wiigūe dujáaka! Mū magū okagukumi, ārīmi.

Opū dokamū, ĩgū irasū ārīrīrē pégu, būremurī merā ĩgūya wiigūe dujáakōāmi. ⁵¹ ĩgūya wiigūe ejawāgārīripoe ĩgūrē moāboerā bokatīrī wereñurā:

—Mū magū okami, ārīñurā.

⁵² ĩgūsā irire ārīmakū pégu: “¿Naásū āārīmakū oārī?” ārī sērēñayupū. ĩgūsā ĩgūrē ārīñurā:

—Ñamika goeripoe pūrugāta nimakuri tariabū ĩgūrē, ārīñurā.

⁵³ Irasū ārīmakū pégu, ĩgū pagū ārīyupū: “Jesús yūre: ‘Mū magū okagukumi’, ārī wereripoeta nimakuri tariakuyo”, ārīyupū. Irasirigū, āārīpererā ĩgūya wii marā merā Jesúre būremuyupū.

⁵⁴ Jesús Judea āārādi dupaturi Galileague ejadero pūru, opū dokamū magūrē ĩgū tauadea merā Caná wāikuri makāgue pea Marīpū turari merā iri ĩmumi.

5

Jesús dūpū būadire taudea

¹ Pūru Jesús Jerusalēgue judío masaka bosenu ĩāgū waami. ² Iri makā tūro sārīrōgue su makāpūro “Oveja” wāikuri makāpūro pūro wári gobe deko gobe ĩgūsā iridea gobe āārībú. Iri gobe hebreo ya merā “Betzata” wāikubū. Iri gobe tūroguere su mojōma taridupabu tīaña marīrī āārībú. ³⁻⁴ Iri taridupabugue wārā masaka pūrīrikurā oyama. Koye ĩāmerā, waamasīmerā, guburi būasūnerā āārīmá. Gajipoere Marīpūre wereboegu iri gobegue dijajanayupū. Irogue dijajagū, dekore gāmeñamakū irinayupū. ĩgū irasiriadero pūru, iri gobegue buañajāpūrorīgūno ĩgū sīrīrē tarisūnayupū. Irasirirā deko gāmeñaburire yūrā irogue oyama. ⁵ Irogue sugū dūpū būadi oyami. ĩgū treinta y ocho bojorigora pūrīrikugū āārīyupū. ⁶ Jesús iri gobe tūro tariwāgāgū, ĩ būadi oyagūre ĩāmi. “Yoaripoe pūrīrikugū āārīmi”, ārī masīkōāmi. Irasirigū ĩgūrē āsū ārī sērēñami:

—¿Mū pūrīrikurire taumakū gāāmerī? ārīmi.

⁷ ĩgū Jesúre yūjūmi:

—Yū Opū, sugū yūre iritamugū neō mámi. Deko gāmeñamakū, yū iri gobe ñajādūamakū, gajirā yū dupiyuro ñajāpūrorinama, ārīmi.

⁸ Jesús ĩgūrē ārīmi:

—Wāgānūgāka! Mū oyarore āīaka! ārīmi.

⁹ Irasū ārīmakūta, ĩgū pūrīrikuri taribū. Irasirigū wāgānūgā, ĩgū oyarore tuútūrā, āīākōāmi. Jesús ĩgūrē tauadeanu judío masaka siñajārīnū* āārībú.

¹⁰ Irasirirā judío masaka oparā Jesús tausūadi ĩgū oyarore āīāmakū ĩārā, ĩgūrē ārīñurā:

—Dapagā marī siñajārīnū āārā. Mū oyarore kōāgū, marī dorerire tarīnūgāgū yāa, ārīñurā.

¹¹ ĩgū ĩgūsārē yūjūyupū:

—Yūre tauadi: “Mū oyarore āīaka!” ārāmi.

¹² ĩgū irasū ārīmakū pérā, ĩgūrē āsū ārī sērēñañurā:

—Irire mūrē irasū ārādi, ¿noāno āārārī?

* 5:9 Judío masaka siñajārīnū, sábado āārā.

¹³ Jesús buadire tauadero puru, iro ããrĩrã masaka wárã watopegue waakõãmi. Irasirigu buadi ããrãdi ïgurẽ tauadire: “Ïgũta ããrĩmi”, ãrĩ masĩbiriypuru. ¹⁴ Puru Jesús Marĩpuru wiigue ïgurẽ bokajagu, ãrĩmi:

—Pemasĩka! Dapagorare mu pũrĩrikuri marĩgũ ããrã. Irasirigu ñerĩrẽ irinemobirikõãka! Dupaturi ñerĩrẽ irigu, mu pũrĩrikadero nemorõ ñerõ tarigukoa, ãrĩmi.

¹⁵ Ïgũ irasũ ãrãdero puru, buadi ããrãdi judío masaka oparã purogue waa, ïgũsarẽ wereypuru:

—Yure tauadi Jesús wãikugu ããrĩmi, ãrĩypuru.

¹⁶ Irire pérã, judío masaka oparã ïgũsã siñajãrĩnu ããrĩmakũ Jesús buadire tauadea waja ïgurẽ ñerõ iripurori, wẽjẽduadiñurã.

¹⁷ Ïgũsã ïgurẽ ñerõ iriduumakũ ïãgũ, Jesús ïgũsarẽ ãrĩmi:

—Yuru piriro marĩrõ moãgũ yãmi. Yude moãa, ãrĩmi.

¹⁸ Ïgũ irire ãrĩmakũ pérã, judío masaka oparã dupiyuro ïgurẽ wẽjẽduadero nemorõ wẽjẽduadiñurã. Ïgũsã siñajãrĩnu ããrĩmakũ buadire ïgũ tauadea waja, ïgũ Marĩpuru: “Yuru”, ãrĩrĩ waja ïgurẽ irasũ wẽjẽduadiñurã. “Ïgũ: ‘Yuru’, ãrĩgũ, ïgũ basi: ‘Yu Marĩpuru suro merã ããrã’, ãrĩgũ yãmi”, ãrĩ gũñañurã.

Jesús ïgũ Pagu ïgurẽ dorerosũta ïgũ iririre weredea

¹⁹ Irasirigu Jesús ïgũsarẽ ãsũ ãrĩ weremi:

—Diayeta musãrẽ werea. Yu Marĩpuru magũ yu gããmerõ neõ iribeaa. Yuru iririre ïãgũ, iri ditare yãa. ²⁰ Yuru yure ïgũ magũrẽ maĩmi. Irasirigu ããrĩpereri ïgũ iririre yure ïmumi. I dapagorare ïgũ turari merã yu iridea nemorõ gajire yure iridoregukumi. Ïgũ turari merã irire yu iri ïmumakũ ïãrã, ïãgũkarãkoa musã. ²¹ Yuru boanerãrẽ masũ, okari sĩrõsũta yude yu okari sĩduarãrẽ sigukoa. ²² Yuru masaka ñerõ iridea waja ïgũsarẽ wajamoãbemi. Yu gapuru ããrĩpereri ïgũ turarire pími, ïgũsarẽ wajamoãbure. ²³ ããrĩpererã ïgurẽ buremurõsũta yudere buremuburo, ãrĩgũ, yure irasiridoremi. Yure ïgũ magũrẽ buremumerã Yurudere buremubema. Ïgũ yure iriudi ããrĩmi.

²⁴ Diayeta musãrẽ werea. Yu werenĩrĩrẽ pérã, yure iriudire buremurã, umugasigue Yuru merã perebiri okari opama. Wajamoãsũbirikuma. Ïgũsã perebiri peamegue waabonerã tarisiamaa. ²⁵ Diayeta musãrẽ werea. Peamegue waabonerã yu Marĩpuru magũ werenĩmakũ pãripoe dapagorare ejasiãa. Yu wererire pérã, yure buremurã Marĩpuru merã okarãkuma. ²⁶ Yuru masakare okari sigũ ããrĩmi. Irasirigu yu ïgũ magũrẽ ïgũ irirosũta ïgũsarẽ okari sĩmakũ yãmi. ²⁷ Yu ããrĩpererã tĩgũ ããrã. Irasirigu Yuru yure masaka ñerõ iridea waja ïgũsarẽ wajamoãdoremi. ²⁸ Musã ire pérã, pãgukabirikõãka! Sunu boanerã ããrĩpererã yu werenĩmakũ pãrãkuma. ²⁹ Ïgũsã, yu werenĩmakũ pérã, masãgoberigue ããrĩnerã masã, wiripereakõãrãkuma. Õãrĩrẽ irinerã masãrãkuma, umugasigue perebiri okari opamurã. Ñerĩ irinerã gapu masãrãkuma, perebiri peamegue wajamoãsũmurã.

Jesús ïgũyamarẽ werenemodea

³⁰ Yu gããmerõ neõ irimasĩbeaa. Yuru yure iriudi gããmerĩrẽ, ïgũ yure masakare wajamoãdorerosũta yãa. Irasirigu ïgũsarẽ wajamoãgũ diayeta yãa. ³¹ Yu basi: “Yu Marĩpuru magũ ïgũ iriudi ããrã”, ãrĩ weremakũ: “Mu werenĩrĩ neõ diaye ããrĩbeaa”, ãrĩbukoa musã. ³² Gajigu ããrĩmi yaamarẽ weregu. Ïgũ Yuru ããrĩmi. Ïgũ yaamarẽ wereri diayeta ããrã. Irire yu õãrõ masã. ³³ Musã gajirãrẽ Juãrẽ masakare wãiyerimasũrẽ yaamarẽ sãrẽñadorerã iriubu. Ïgũde yaamarẽ diayeta weremi. ³⁴ Yu gapu sugu masakare yure: “Marĩpuru iriudi ããrĩmi”, ãrĩ werebure neõ amabeaa. Irasũ amabirikeregu, Juan yaamarẽ weredeare: “Diayeta ããrã”, ãrĩ werea, musã yure buremu, peamegue waabirikõãburo, ãrĩgũ. ³⁵ Juan musãrẽ siãgodiru irirosũ ããrĩmi. Ïgũ wereri siãgodiru ujũgoro irirosũ ããrĩbũ. Ïgũ wererire pérã, yoaweyaripoe musã usuyadibu. ³⁶ Juan weredea nemorõ yu iriri merã

yɛ āārīrikurire masīsūa. Yɛpɛ turari merā īgū yɛre iriyuwarikudoredeare irigɛ yáa. I merā yɛre īgū iriudi āārīrīrē masīsūa. ³⁷ Yɛpɛ yɛre iriudi, yaamarē ōārō weremi. Īgū irasū werekeremakū, īgū werenírīrē mɛsā neō pébea. Īgū deyorire neō iābea. ³⁸ Yɛre Yɛpɛ iriudire mɛsā neō bɛremubea. Irasirirā īgūya kerere neō péduripíbea. ³⁹ Yɛpɛyɛ werenírī gojadea pūrē mɛsā ōārō bueníkōāa. “Gɛa i pūrē buerā, Marīpɛ merā perebiri okarire bokarākoa”, ārī gūñáa mɛsā. Iri pūguere yaamarēta gojasūdero āārībú. ⁴⁰ Iri pūguere yaamarē irasū gojasūkeremakū, mɛsā gapɛ yɛre gāāmebea. Irasirirā i okari yɛ sīrīrē opabirikoa.

⁴¹ Masakare yaamarē ōārō werenímurārē āmabea. ⁴² Yɛ mɛsā masaka āārīrikurire masīa. Mɛsā Marīpɛre maírā meta āārā. ⁴³ Yɛpɛ gāāmerōsūta yɛ aarikeremakū, mɛsā yɛre gāāmebea. Gajigɛ gapɛ īgū basi īgū gāāmerō aarimakū, mɛsā īgūrē gāāmerākoa. ⁴⁴ ¿Nasirirā yɛre bɛremubukuri mɛsā? Mɛsā basi: “Ōārō yáa”, ārī gāme werenírīrē gāāmea. Marīpɛ sugɛ āārīgú mɛsārē: “Ōārō yáa”, ārī werenírī gapɛre gāāmebea. ⁴⁵ Mɛsā yɛre gāāmebiri waja: “Īgū Paguguerere guare weresāgukumi”, ārī gūñabirikōāka! “Moisés dorerire irirā, Marīpɛ merā ōārō āārīrākoa”, ārī gūñakeremakū, Moisés gapɛ mɛsārē weresāgukumi. ⁴⁶ Moisés īgū gojadea pūgue yaamarē gojadi āārīmí. Irasirirā īgū gojadeare bɛremurā, yɛdere bɛremuboayo mɛsā. ⁴⁷ Moisés gojadeare mɛsā bɛremumerā, ¿nasirirā yɛ wereri gapɛre bɛremubukuri? ārīmi Jesús.

6

Jesús cinco mil āmarē baari ejodea

(Mt 14.13-21; Mr 6.30-44; Lc 9.10-17)

¹ Jesús Jerusalēgue dupɛ buadire taudero pɛrɛ, gɛa īgū buerā īgū merā Galilea wāikuri ditaru gaji koepɛgue taribujabɛ. Iri ditaruta “Tiberias” wāikɛbɛ. ² Masaka Jesús īgū turari merā pūrīrikurārē taumakū iāsīā, wárā īgūrē tɛyama. ³ Ditaru gaji koepɛgue īgū ejadero pɛrɛ, gɛa merā útāūgue mɛrīa, doami. ⁴ Irinɛ judío masaka bosenu, pascua bosenu ejaburo mérōgā dɛyabɛ. ⁵ Jesús wárā masaka īgū pɛro aarimakū iāgū, Felipere sērēñami:

—¿Noógue marī iīsā masaka āārīpererā baaburire wajarirākuri? ārīmi.

⁶ Jesús īgū basi īgū iriburire masīkeregu: “Felipe yɛre, ¿naásū yɛjugukuri?” ārīgū, irasū ārīmi. ⁷ Felipe īgūrē yɛjumi:

—Marī dosciento nɛrī moādea waja wajataropa pā duparu wajari, masakare marī gueremakū, neō ejabirikoa, ārīmi.

⁸ Īgū irasū ārīmakū pégu, gɛa merāmu Andrés, Simón Pedro pagɛmu Jesúre ārīmi:

⁹ —Ōō īi majīgū su mojōma pā duparu, pērā waaí opami. Masaka gapɛ wárāgora āārīma. Irasiriro īgūsārē baari neō ejabirikoa.

¹⁰ Īgū irasū ārīmakū pégu, Jesús guare īgū buerārē ārīmi:

—Masakare āārīpererārē doadoreka! ārīmi.

Iro ōārō tákuro āārībú. Irasirirā iri weka doama. Őma ditare keomakū, cinco mil gora āārīmá. ¹¹ Īgūsā eja doaperemakū iāgū, Jesús pā duparure āi, Marīpɛre: “Ōāa”, ārī, usɛyari sīmi. Irasiri odo, guare āārīpererā iro doarārē irire gueredoremi. Waaídere gueredoremi. Irasirirā āārīpererārē īgūsā baadɛaropa guereyobɛ. ¹² Īgūsā yapimakū iāgū, Jesús guare īgū buerārē ārīmi:

—Īgūsā baadɛaarire seaka! Ubugorata kōmobukoa, ārīmi.

¹³ Su mojōma pā duparure masaka baadɛáadeare seasārā, pe mojōma pere su gubu peru pērēbejari puuirigora ɛtɛudobobɛ. ¹⁴ Masaka Jesús Marīpɛ turari merā īgūsārē baari sīmakū iārā, āsū ārīma:

—Diayeta āārā. “Īi Marīpɛyɛ kerere weredupiyurimasū i ɛmɛgue aaribu āārāyɛpɛ”, īgūsā ārīdita āārīmi.

¹⁵ Irasirirã Jesúre turaro merã ãã, ãgũsã Opũ ããrĩbure sóodũarã iriadima. Ìgũ gapũ irire masĩkõãmi. Irasirigũ dupaturi sugũta ùtãũgue mũrĩãkõãmi.

Jesús deko weka waadea

(Mt 14.22-27; Mr 6.45-52)

¹⁶ Naĩtĩawãgãrĩripoe ããrĩmakũ, gũã ãgũ buerã ditarugue buabũ. ¹⁷ Buaja, doódirugue ñajãã, Capernaugue taribujapũroribũ. Naĩtĩãrõgue iribũ. Jesús gũã pũrogue ejabirimi dapa. ¹⁸ Gũã taribujamakũ, mirũ bũro wẽjãpuwãgãribũ. Pagari makũrĩ wãgãbũ. ¹⁹ Su mojõma kilómetro gũã waadero pũrũ, gũayaru pũro Jesús deko wekague aarimakũ ããbũ. Ìgũ irasũ aarimakũ ããrã, bũro gũibũ. ²⁰ Jesús gapũ gũare ãrĩmi:

—Yũta ããrã. Gũimerãta!

²¹ Ìgũ irasũ ãrĩmakũ pãrã, gũã ãgũrẽ õãrõ bokatĩrĩ ñajãdorebũ. Ìgũ ñajãdero pũrũ, mata gũã waaderoguerẽ ejabũ.

Masaka Jesúre ãmadea

²² Gajinũ gapũ masaka ditaru gaji koepũgue dujanerã iri ñamirẽ gũayaru suru dujadiru merã gũã taribujamakũ, Jesús gũã merã waabirideadere masĩñurã. ²³ Irogue ãgũsã ããrĩripoere gaji doóriduparu Tiberias wãĩkũrĩ makãgue ããrãdea duparu, Jesús Marĩpũre: “Õãã”, ãrĩ, mũsũyari sĩ, masakare baari gueredero pũroweyague ejayuro. ²⁴ Irasirirã Jesús, gũã ãgũ buerã marĩmakũ ããrã, iri doóriduparugue ñajãã, Capernaugue taribujãñurã Jesúre ãmarã waarã.

Jesús pã irirosũ ãgũ ããrĩrĩmarẽ weredea

²⁵ Ditarure taribuja, Jesúre bokajarã, ãgũrẽ sãrẽñama:

—Buegũ, ¿naásũ ããrĩmakũ õõguere aarari mũ? ãrĩma.

²⁶ Jesús ãgũsãrẽ ãrĩmi:

—Diayeta mũsãrẽ werea. Yũ Marĩpũ turari merã iri ãmurĩrẽ ããkererã, ãgũ iriudi yũ ããrĩrĩrẽ bũremubea. Irasirirã, yũ mũsãrẽ ejodeare baayapinerã dita ããrĩsãã, yũre ãmãã. ²⁷ Mũsã baari pereburi gapũ ditare wajatamurã, moãbirikõãka! Gaji baari yũ ããrĩpererã tũgũ sĩburi gapũre ãmaka! Iri baarire ãmarã, Marĩpũ merã pereburi okari oparãkoa. Yũpũ yũre irire mũsãrẽ sĩdoregũ ããrĩmi. Ìgũ iriudi yũ ããrĩrĩrẽ mũsãrẽ ãmusiami, ãrĩmi.

²⁸ Ìgũ irasũ ãrĩmakũ pãrã, ãgũrẽ sãrẽñama:

—¿Nasirirãkuri Marĩpũ iridorerire õãrõ iriyuwarikũmurã?

²⁹ Jesús ãgũsãrẽ yũjũmi:

—Marĩpũ mũsãrẽ iridoreri ãsũ ããrã. Yũre ãgũ iriudire bũremudoremi, ãrĩmi.

³⁰ Ìgũ irasũ ãrĩmakũ pãrã, ãgũrẽ ãrĩma:

—Gũare mũrẽ bũremudoregũ, ¿ñeénorẽ mũ turari merã iri ãmugũkuri? ¿Naásũperire iri ãmugũkuri? ³¹ Masaka marĩrõgue marĩ ñekũsãmarã manã wãĩkũrĩre baanerã ããrĩmã. Marĩpũya werenĩrĩ gojãdea pũgue ãrĩderosũta ãmũgasima baarire ãgũsãrẽ sĩdi ããrĩmĩ, ãrĩma Jesúre.

³² ãgũsã irasũ ãrĩmakũ pãgũ, Jesús ãgũsãrẽ ãrĩmi:

—Diayeta mũsãrẽ werea. Moisés ãmũgasima baarire mũsãrẽ sĩbiridi ããrĩmĩ. Yũputa baari ãmũgasima, diayemarẽ mũsãrẽ sĩgũ ããrĩmi. ³³ Yũ ãmũgasigue ããrĩdi Marĩpũ iriudi, ãgũ baari irirosũ ããrĩgũ, i ãmũ marãrẽ okari sĩgũ ããrã, ãrĩmi.

³⁴ Ìgũ irasũ ãrĩmakũ pãrã, ãgũrẽ ãrĩma:

—Gũã Opũ, iri baarire gũare sĩnĩkõãka!

³⁵ Jesús ãgũsãrẽ ãrĩmi:

—Yũ okarire sĩgũ, baari irirosũ ããrĩgũ ããrã. Yũre tũyagũ, neõ uaboabi irirosũ ããrĩgũkumi. Yũre bũremugũ, neõ ñemesibubi irirosũ ããrĩgũkumi. ³⁶ Dupiyuro yũ mũsãrẽ ãrĩderosũta, mũsã gapũ yũre ããkererã, bũremubea dapa. ³⁷ ããrĩpererã Yũpũ yũre sĩnerã yũre tũyarãkuma. ãgũsãrẽ yũ neõ béobirikoa. ³⁸ ãmũgasigue ããrĩdi yũ gããmerĩrẽ irigũ aarigũ

meta iribu. Yure iriudi gãamerĩ gapure irigu aaribú. ³⁹ Yure iriudi àsũ gãamemi. Īgũ yure sĩnerãrẽ neõ sugure yu dedeubirimakũ gãamemi. I ùmu peremakũ, yu ĩgũsãrẽ masũmakũ gãamemi. ⁴⁰ Yuru yure iriudi ããrĩpererã yure ĩgũ magũrẽ ĩãrã, yure buremurã ĩgũ merã perebiri okarire opamakũ gãamemi. Irasirigu i ùmu peremakũ, ĩgũsãrẽ masũgũkoa, ãrĩmi Jesús.

⁴¹ Jesús: “Yu ùmugasigue merã dijaridea baari irirosũ ããrĩgũ ããrã”, ãrĩrĩrẽ pérã, judío masaka oparã ĩgũrẽ werewama. ⁴² Āsũ ãrĩma:

—¿Ī Jesús, José magũ ããrĩberi? Marĩ ĩgũ pagu, ĩgũ pagore masĩa. ¿Nasirigu ĩgũ: “Ûmugasigue ããrĩdi dijaribu”, ãrĩrĩ?

⁴³ Īgũsã irasũ ãrĩmakũ pégu, Jesús àsũ ãrĩ yujumi:

—Mũsã yure werewarire pirika! ⁴⁴ Neõ sugũ ĩgũ gãamerõ yure tuyabirikumi. Yuru gapu yure iriudi masaka yure buremumakũ irigu ããrĩmi. I ùmu peremakũ, yure buremurãrẽ masũgũkoa. ⁴⁵ Marĩruya kerere weredupiyunerã àsũ ãrĩ gojanerã ããrĩmá: “Marĩru ããrĩpererãrẽ buegũkumi”. Irasirirã ããrĩpererã Yuru buerire pé buremurã, ĩgũyare masĩrã yure tuyarãkuma.

⁴⁶ Neõ sugũ masakũ Yuru ĩãgũ mámi. Yu sugũta ĩgũ merã ããrĩdi ĩgũrẽ masĩa. ⁴⁷ Diayeta mũsãrẽ werea. Yure buremugũ Yuru merã perebiri okari opami. ⁴⁸ Yu baari irirosũ ããrĩgũ okari sĩgũ ããrã. ⁴⁹ Mũsã ñekũsãmarã masaka marĩrõgue manãrẽ baanerã ããrĩmá. Irire baakererã, boanerã ããrĩmá. ⁵⁰ Yu ùmugasigue merã dijaridea baari gapure werea. Irire baagu, neõ boabirikumi. ⁵¹ Yu ùmugasigue merã dijaridea baari okari sĩrĩ irirosũ ããrĩgũ yuta ããrã. I baarire baagu, Yuru merã okanígũkumi. I baari yu sĩrĩ, yaa dũru ããrã. I ùmu marã Yuru merã okaníkõãburo, ãrĩgũ, yaa dũpũre sĩgũkoa, ãrĩmi Jesús.

⁵² Īgũ irasũ ãrĩmakũ pérã, judío masaka oparã ĩgũsã basi gãme guaseo, àsũ ãrĩma:

—¿Nasirigu marĩrẽ ĩgũya dũpũre baadoregu sĩbukuri?

⁵³ Īgũsã irasũ ãrĩmakũ pégu, Jesús ãrĩmi:

—Diayeta mũsãrẽ werea. Yu ããrĩpererã tĩgũ ããrã. Mũsã yaa dũpũre baamerã, yaa díre iirĩmerã okari opabea. ⁵⁴ Yaa dũpũre baagu, yaa díre iirĩgu, Yuru merã perebiri okari opami. I ùmu peremakũ, ĩgũrẽ masũgũkoa. ⁵⁵ Yaa dũru diayema baari ããrã. Yaa dí diayema iirĩrĩ ããrã. ⁵⁶ Yaa dũpũre baagu, yaa díre iirĩgu yu merã õãrõ ããrĩmi. Yude ĩgũ merã õãrõ ããrã. ⁵⁷ Yuru yure iriudi okanígũ ããrĩmi. Īgũ okanígũ ããrĩsĩã, yudere okanímakũ yámi. Irasirigu yure baagure yu irirosũ okanímakũ irigũkoa. ⁵⁸ Yu irire ãrĩgũ, ùmugasigue merã dijaridea baarire werea. I baari, maná mũsã ñekũsãmarã baadea irirosũ ããrĩbea. Īgũsã irire baakererã, boanerã ããrĩmá. Ûmugasigue merã dijaridea baari gapure baagũno, okaníkõãgũkumi, ãrĩmi Jesús.

⁵⁹ Jesús Capernaugue judío masaka nerẽrĩ wiigue buegu, irire weremi.

Jesús werenĩrĩrẽ pérã perebiri okari opaburire werede

⁶⁰ Īgũ irasũ ãrĩ buemakũ pérã, wãrã Jesũre tuyarã àsũ ãrĩ gãme werenĩma ĩgũsã basi:

—Īgũ wereri marĩ pémakũ, diasagorãa. ¿Noã ire bokatĩũbukuri? ãrĩma.

⁶¹ Īgũsã werenĩrĩrẽ Jesús pékõãmi. Irasirigu ĩgũsãrẽ sãrẽñami:

—¿Yu wererire péduabirikuri? ⁶² Yu ããrĩpererã tĩgũ yu ããrĩderogue murĩãmakũ ĩãrã, ¿naásũ gũñabukuri mũsã? ⁶³ Õãgũ deyomarĩgũ masakare okarire sĩmi. Īgũsãya dũru gapu ĩgũsãrẽ okamakũ irimasĩña máa. Yu wererire pérã Õãgũ deyomarĩgũ okari sĩrĩrẽ opama. ⁶⁴ Irasũ ããrĩkeremakũ, gajirã mũsã merãmarã gapu yure buremubema dapa, ãrĩmi Jesús.

Neõgoraguere ĩgũrẽ buremumerã ããrĩmurãrẽ, irasũ ããrĩmakũ ĩgũrẽ wẽjẽduarãguere ĩgũrẽ ĩmubure masĩsiayuru. ⁶⁵ Āsũ ãrĩmi:

—Āsū ārī wereabu musārē. Neō sugu ĩgū gāāmerō yare t̄yabirikumi. Yuru, yare b̄remumakū irigu āārīmi. ĩgū irasiribirimakū, neō suguno yare b̄remubiribukumi, ārīmi Jesús.

⁶⁶ ĩgū irasū ārīrīrē pérā, wárā Jesúre t̄yanerā neō t̄yanemobirima. ⁶⁷ ĩgūsā irasirimakū ĩāgū, Jesús guare pe mojōma pere su gubu peru p̄rēbejarā ĩgū buerāre s̄erēñami:

—¿Musāde yare t̄yaduúrā yári? ārīmi.

⁶⁸ ĩgū irasū ārīmakū pégu, Simón Pedro ĩgūrē yujumi:

—Gua Opu, ¿noārē gua t̄yabukuri? Mu wereri, guare Marīpu merā perebiri okari opamakū yāa. ⁶⁹ Gua murē b̄remusiāa. Gua ire masīsiāa. Mu ōāgū, Marīpu iriudi āārā, ārīmi.

⁷⁰ ĩgū irasū ārīmakū pégu, Jesús guare ārīmi:

—Yu musārē pe mojōma pere su gubu peru p̄rēbejarāre beyebu. Yu irasirikeremakū, sugu musā merā āārīgú wātīyagu āārīmi.

⁷¹ Jesús irasū ārīgū, Judare Simón Iscariote magūrē ārīgū iriyupu. Judas pe mojōma pere su gubu peru p̄rēbejarā gua merā āārīkeregū, Jesúre w̄jēduarāguere ĩgūrē ĩmubu āārīmi.

7

Jesús pagupūrā ĩgūrē b̄remud̄abiridea

¹ Jesús masakare irire buedero puru, Galilea nikūgue naagū waami. Judío masaka oparā ĩgūrē w̄jēduarire masīgū, Judea nikūguere āārīduabirimi. ² Iripoere judío masaka ñekūsāmarā masaka marīrōgue āārīrā, wiirigā irideare gūñarī bosenu ejaburo dupiyuro āārībú. ³ Irasirirā Jesús pagupūrā ĩgūrē ārīma:

—Ōōrē dujabita, Judeague bosenure ĩāgū waaka! Irasirirā iroque mu buerā mu turari merā iri ĩmurīrē ĩārākuma. ⁴ Masaka murē masīmakū gāāmegū, mu turari merā iri ĩmurīrē āārīpererā ĩūrō iri ĩmugū waaka! ĩgūsā ĩāberogue iribirikōāka! ārīma.

⁵ ĩgū pagupūrā āārīkererā, Jesúre b̄remubirima. ⁶ Irasirigu Jesús ĩgūsārē ārīmi:

—Masaka ĩgūsā yare masīburo d̄yakoāa dapa. Musārē iri bosenure ĩārā waad̄amakū ōāgorāa. ⁷ I ũmu marā musārē ĩaturibema. Yu gapure ĩgūsā ñerō irideare yu weremakū ĩaturima. ⁸ Musā bosenure ĩārā waaka! Yure yu waaburo d̄yakoāa dapa. Irasirigu iri bosenure ĩāgū waabea dapa, ārīmi Jesús.

⁹ ĩgū irire ārādero puru, Galileague dujami.

Jesús ĩgūsā wiirigā iriri bosenure ĩāgū waadea

¹⁰ ĩgū pagupūrā bosenure ĩārā waadero puru, Jesúde masaka ĩmurō marīrō waami, ĩgūsā ĩgū waarire masībirikōāburo, ārīgū. ¹¹ Iri bosenure judío masaka oparā ĩgūrē āmarā iriñurā. Āsū ārī s̄erēñañurā:

—¿Noogue āārīkuri ĩgū? ārīñurā.

¹² Wárā masaka Jesúyamarē werenírā iriñurā. Gajirā: “Ōāgū āārīmi”, ārīñurā. Gajirā gapu: “Ōāgū meta, masakare ārīkatorikugu āārīmi”, ārīñurā.

¹³ Judío masaka oparāre gūirā, āārīpererā péurogue: “Jesús āsū āārīmi”, ārī werebirīñurā.

¹⁴ Jesús iroque eja, iri bosenu dekok̄aripoe Marīpuya wiigue ñajāa, masakare buemi.

¹⁵ ĩgū buemakū pérā, judío masaka oparā péguka, āsū ārīma:

—Ī buebiridi āārīkeregū, ¿nasirigu ōārō masīrī?

¹⁶ ĩgūsā irasū ārīmakū pégu, Jesús ĩgūsārē ārīmi:

—Yu bueri, yaa meta āārā. Yure iriudiya bueri gapu āārā. ¹⁷ Marīpu gāāmerīrē irid̄arā yu buerire pérā: “Marīpu ĩgūrē buedorerosūta buemi. ĩgū gāāmerō werebemi”, ārīrākuma.

¹⁸ Sugu ĩgū gāāmerō weregu, gajirārē: “ĩgū ōārō weremi”, ārī b̄remumakū irid̄agu

ãārĩmi. Gajigu Marĩpu ĩgũrẽ iriudi gããmerĩrẽ weregu gapu masakare: “Marĩpu õãtarimi”, ãrĩ buremumakũ yámi. ĩgũ ãrĩkatori marĩrõ diayeta weregu ãārĩmi.

¹⁹ ’Moisés Marĩpu doreri gojadea pũrẽ musãrẽ pídi ãārĩmí. Musã gapu neõ sugu iri dorerire iribea. ¿Nasirirã musã yure wějẽduari? ãrĩmi.

²⁰ Masaka ĩgũrẽ ãrĩma:

—Mu wãtĩ ñajãsũdi ããrã. ¿Noã murẽ wějẽduari?

²¹ Jesús ĩgũsãrẽ ãrĩmi:

—Suñarõ siñajãrĩnu ããrĩmakũ yu sugu pũrĩrikugure taumakũ ĩãrã, musã ããrĩpererã ĩãgũkakõãbu. ²² Iripoegue Moisés musã pũrã ãmarẽ ĩgũsãya dupuma gasirogãrẽ* wi-iridoredi ãārĩmí. ĩgũ irire doreburo dupiyuro musã ñekũsãmarã irasirisianerã ãārĩmã. Irasirirã musã majĩrãgãrẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru siñajãrĩnu ããrĩkeremakũ, ĩgũsãrẽ irasirinãa. ²³ Irasirirã Moisés dorederosũta irirã, siñajãrĩnu ããrĩkeremakũ musã majĩrãgã ãmarẽ ĩgũsãya dupuma gasirogãrẽ wiiria. Siñajãrĩnu ããrĩmakũ yu sugure ããrĩpereri ĩgũya dupumarẽ õamakũ iribu. ¿Nasirimurã yu merã guari musã? ²⁴ Musã yu irideare ĩãdero puru: “Ñerõ irimi”, ãrĩ werewubirikõãka! Yu irideare õãrõ keoro pemasĩ odorãgue werenĩka! ãrĩmi Jesús.

Jesús ãmugasigue merã aaribũ, ãrĩ weredea

²⁵ ĩgũ irasũ ãrĩripoere gajirã Jerusalén marã ãsũ ãrĩ werenĩma:

—¿ĩĩ marĩ oparã wějẽduagu meta ããrĩrĩ? ²⁶ ĩgũ ããrĩpererã ĩũrõgue buegu yámi. Suguno gaputa ĩgũrẽ gajino neõ ãrĩbema. Gajipoe irirã marĩ oparã: “ĩĩ diayeta Cristo, Marĩpu iriudi ãārĩmi”, ¿ãrĩ gũñabukuri? ²⁷ Marĩ ĩĩ aariderore masĩa. Cristo, Marĩpu iriugu gapure aarimakũ, ĩgũ ããrĩderoguere masĩbirikoa. Irasirigu Cristo ããrĩbirikumi ĩĩ, ãrĩma.

²⁸ Jesús Marĩpuya wiigue bueripoe ĩgũsã irasũ ãrĩ werenĩmakũ pẽgu, buro busuro merã ãsũ ãrĩ weremi:

—Musã yure masĩa, ãrã. ĩgũ aariderodere masĩa, ãrã. Yu gããmerõ aaribiribu. Yure iriudi keoro irigu ãārĩmi. Musã ĩgũrẽ masĩbea. ²⁹ Yu ĩgũ purogue ããrĩdi ããrĩsĩã, ĩgũrẽ masĩa. ĩgũta yure iriumi, ãrĩmi Jesús.

³⁰ ĩgũ irasũ ãrĩmakũ pẽrã, ĩgũrẽ peresu iridũakererã, ñeãbirima. ĩgũ ñerõ tariburinu duyabu dapa. Irasirirã ĩgũrẽ ñeãbirima. ³¹ Gajirã wãrã masaka ĩgũrẽ buremuma. ãsũ ãrĩma:

—Neõ sugu, ĩĩ nemorõ Marĩpu turari merã iri ĩmugũ mámi. Irasirigu ĩĩ Cristo, Marĩpu iriudi ãārĩmi.

Fariseo bumarã Jesúre peresu iridoredea

³² Fariseo bumarã, masaka Jesúre: “ĩĩ Marĩpu iriudi ãārĩmi”, ãrĩrĩrẽ pẽñurã. Irasirirã ĩgũsã paĩa oparã merã Marĩpuya wiire korerã surarare ĩgũrẽ ñeã, peresu iridorerã iriudiñurã.

³³ Irasirigu Jesús masakare ãsũ ãrĩmi:

—Yoaweyaripoe musã merã ããrĩgũkoa. Puru yure iriudi purogue waagũkoa. ³⁴ Yu ããrĩburore musã waamasĩbirikoa. Irasirirã yure ãmakererã, neõ bokabirikoa.

³⁵ ĩgũ irasũ ãrĩmakũ pẽrã, judío masaka oparã ĩgũsã basi ãsũ ãrĩ gãme sërẽñama:

—Ĩgũ marĩrẽ: “Yure musã neõ bokabirikoa”, ãrĩgũ, ¿noógue waagũkuri? ¿ĩgũ judío masaka griego ããrĩrõgue makãrĩ waanerã purogue griego masakare buegu waabukuri?

³⁶ ĩgũ marĩrẽ: “Yu ããrĩburore musã waamasĩbirikoa. Irasirirã yure ãmakererã, neõ bokabirikoa”, ãrĩrĩ, ¿naásũ ãrĩduaro iriayuri? ãrĩma.

* **7:22** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupuma gasirogãrẽ wiiridoredi ãārĩmí. Puru iri dorerire Moisére pídi ãārĩmí. Irasirirã judío masaka Abraham parãmerã ããrĩturarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru irasũ yáma.

Jesús okari sīrī dekomarē weredea

³⁷ Īgūsā bosenu iritūnurīnu dupanugora āārīmakū, Jesús wāgānugā, buro busuro merā masakare āsū ārī weremi:

—Nemesiburā yu pūroque iirirā aarika! ³⁸ Marīpūya werenīrī gojadea pūgue āsū ārī gojasūdero āārībú: “Yure buremurāya yujupūrārīguere okari sīrī deko ūmayoro irirosū āārīnikōārokoa”, ārī gojasūdero āārībú, ārīmi.

³⁹ Jesús irire ārīgū: “Yure buremurā Ōāgū deyomarīgūrē oparākuma”, ārīgū irimi. Jesús ūmugasigie mārīaburo dupiyuro Ōāgū deyomarīgū ejabirimi dapa.

Masaka dukawaridea

⁴⁰ Jesús ārīrīrē pérā, gajirā āsū ārīma:

—Ī diayeta Marīpūya kerere weredupiyurimasū: “Marī pūro aaribu āārāyupū”, Īgūsā ārīdi āārīmi.

⁴¹ Gajirā āsū ārīma:

—Ī, Cristo Marīpū iriudi āārīmi.

Gajirā gapu:

—Cristo, ¿nasiribu Galileamu āārībukuri? ārīma. ⁴² Marīpūya werenīrī gojadea pūgue āsū gojasūdero āārībú: “Cristo Marīpū iriubu, opu David parāmi āārīturiagu āārīgukumi. David deyoadea makā Belén wāikuri makāgue deyoagukumi”, ārī gojasūdero āārībú.

⁴³ Irasirirā Jesúre surosū gūñabirisā, gāme dukawariakōāma. ⁴⁴ Surāyeri Jesúre ñeā, peresu iridukerera, iribirima.

Judío masaka oparā Jesúre buremubiridea

⁴⁵ Irasirirā Marīpūya wiire korerā surara Jesúre ñeādorera iriunerā, paía oparā, fariseo bumarā pūroque goedujáañurā. Īgūsā goedujajamakū ĩārā, Īgūsārē sērēñañurā:

—¿Nasirirā Jesúre ñeā, āiribirari?

⁴⁶ Surara Īgūsārē yujañurā:

—Neō sugū Īgū irirosū werenīgū mámi.

⁴⁷ Īgūsā irasū ārīmakū pérā, fariseo bumarā Īgūsārē ārīñurā:

—¿Mūsāde Īgū ārīkatori merā weremakū: “Diayeta weremi”, ārī buremurī? ⁴⁸ Neō sugū marī oparā, neō sugū gūa fariseo bumarā Īgūrē buremugū mámi. ⁴⁹ Sīsā masaka gapu Īgū wererire buremurā, Marīpū Moisére doreri pídeare masībema. Wajamoāsūmurā āārīma.

⁵⁰ Nicodemo fariseo buma iro dupiyuro ñami merā Jesúre ĩāgū ejadi, Īgūsā merā āārīyupū. Īgūsā irasū ārīmakū pégu, Īgūsārē ārīyupū:

⁵¹ —Marīrē doreri āsū ārā. Sugū masakū Īgū irideare weremakū marī péburo dupiyuro Īgūrē: “Ñerō iribu”, ārī wajamoāmasībea, ārīyupū.

⁵² Īgū irasū ārīmakū pérā, āsū ārī yujañurā:

—¿Mūde Īgū irirosū Galileamu āārīrī? Marīpūya werenīrī gojadea pūrē bueka! Iri pūrē buegu: “Neō sugū Galileamu Marīpūya kerere weredupiyurimasū mámi”, ārī masīgukoa.

Ūmū merā ñerō irigore weresādea

⁵³ Īgūsā irasū ārādero pūru, Īgūsāya wiirigie dujáakōañurā.

8

¹ Jesús gapu ūtāū Olivos wāikudigue waami. ² Gajinu gapu boyoripoe āārīmakū, Marīpūya wiigie waami doja. Īgū ejamakū ĩārā, masaka āārīpererā Īgū pūro nerēma. Irasirigu eja doa, Īgūsārē buenugāmi. ³ Moisés gojadeare buerimasā, fariseo bumarā sugo nomeōrē gajigu igo marāpū āārībi merā igo ñerō irigore bokajañurā. Irasirirā Jesús bueripoe iri wiigie āārīpererā masaka ĩūrō igore āññajānū, Jesúre ārīma:

4 —Buegu, igo marāpukugo āārīkerego, gajigu merā ñerō irigore bokajabu. 5 Moisés Marīpu doreri gojadea pūgue igo nomeō irirosū irigonorē ūtāyeri merā dea wējēdoredi āārīmí. Mukoa, ¿naásū āārī?

6 “¿Naásū yujugukuri?” āārī, ĩgūrē irasū ārī sērēñadima. “Īgū keoro yujubirimakū, marī oparāguere weresārākoa”, ārī gūñañurā. Īgūsā irasū sērēñamakū pégu, Jesús gapu muúbia doaja, nikūgue ĩgūya mojosūrū merā gojami. 7 Īgūsā ĩgūrē sērēñaduúbirimakū pégu, Jesús wāgānugā, āsū ārīmi:

—Mūsā merāmu ñerō iribino igore ūtāye merā deapuroriburo.

8 Irasū ārī odo, dupaturi muúbia doaja, nikūgue gojami doja. 9 Īgū irasū ārīmakū pérā, ĩgūsā ñerī irideare pémasī, gūyasīrīrī merā, murā sugu puru, gajigu puru wiriapurorima. Irasirirā Jesúsre suguta nomeō iro dujago merā pikōā, waakōāma. 10 Jesús wāgānugā, igore ārīmi:

—¿Noógue āārīrī murē weresānerā? ¿Neō sugu murē wajamoādoregu márī?

11 —Mámi, yu Opu, ārī yujumo.

Igo irasū ārīmakū, Jesús igore ārīmi:

—Yude murē wajamoādorebea. Irasirigo waaka! Dupaturi ñerīrē neō irinemo-birikōāka!

Jesús i ūmu marārē sīgōri sīgū āārīrīmarē weredeā

12 Jesús dupaturi masakare āsū ārī weremi:

—Yu i ūmu marārē sīgōri sīgū āārā. Yure tūyarā naītīārōgue āārīrā irirosū āārībema. Boyorogue āārīrā irirosū āārīma. Irasirirā yu okari sīrīrē oparākuma.

13 Īgū irasū ārīmakū pérā, fariseo bumarā ārīma:

—Mu basi mu āārīrikurire werea. Irasiro mu werenírī neō wajamāa.

14 Jesús ĩgūsārē āsū ārī yujumi:

—Yu aariderore, yu waaburodere yu masīa. Mūsā gapu irire neō masībea. Irasirigu yu basi yu āārīrikurire werekeremakū, yu werenírī diayeta āārā. 15 Mūsā i ūmu marā irirosū yure werewhāa. Yu gapu neō sugure mūsā irirosū werewhabea. 16 Yu masaka āārīrikurire: “I gapu oāa, i gapu oābea”, ārīgū, keoro ārā. Yu suguta yu gāāmerō irire ārībea. Yuru yure iriudi merā irire irasū yāa. 17 Mūsārē doreri gojadea pūgue āsū ārā: “Pērā masaka ĩgūsā ĩdeare surosū weremakū: ‘Diayeta āārā’, ārī buremurō gāāmea”, ārī gojasūdero āārībú. 18 Yu basi yu āārīrikurire werea. Yuru yure iriudide yu āārīrikurire weremi, ārīmi.

19 Īgū irasū ārīmakū pérā, ĩgūrē sērēñama:

—¿Noógue āārīrī muru?

Jesús ĩgūsārē yujumi:

—Mūsā yure, Yurudere masībea. Yure masīrā, Yurudere masīboayo.

20 Jesús irasū ārī weregu, Marīpuya wiigue āārīmí. Masaka niyeru sīrā, ĩgūsā sārī kūmarī puru āārīmí. Īgū ñerō tariburinu ejabiribu dapa. Irasirirā neō sugu ĩgūrē ñeā, peresu iribirima.

Jesús: “Yu waaburore mūsā waamasībirikoa”, ārī weredeā

21 Jesús dupaturi judío masaka oparārē weremi:

—Yu āārīderogue waagukoa. Yu waadero puru, mūsā yure āmarākoa. Mūsā ñerī iridea waja, waja oparā boarākoa. Yu waaburoguere mūsā waamasībirikoa.

22 Īgū irasū ārīmakū pérā, gāme sērēñama:

—¿Nasirigu: “Yu waaburoguere mūsā waamasībirikoa”, ārīrī? ¿Īgū basi wējē boagukuri irasū ārīgū?

23 Jesús ĩgūsārē ārīmi:

—Mūsā gapu i ūmugue āārīrā, i ūmu marā āārā. Yu gapu ūmugasigue āārīdi, i ūmumu meta āārā. 24 Irasirigu mūsārē: “Mūsā ñerī iridea waja, waja oparā boarākoa”, ārābu.

Musã: “Yu ìgũ àãrà*”, ãrĩ wereadeare buremubirisĩã, musã ñerĩ iridea waja, waja oparã boarãkoa.

²⁵ Irasũ ãrĩgũ pérã ìgũrẽ sêrêñama:

—¿Noãno ããrĩrĩ mu?

Jesús ìgũsãrẽ yujumi:

—Buenagãgũgueta musãrẽ: “Yu ìgũ àãrà”, ãrĩ weresiabu. ²⁶ Yu musãyamarẽ, musã ñerõ iridea waja musãrẽ wajamoãburire wereduarĩ, wãri àãrà. Yure iriudi gapu diaye weremi. Irasirigu ìgũ weremakũ yu pédea ditare musã i ùmu marãrẽ werea, ãrĩmi.

²⁷ Jesús: “Yure iriudi”, ãrĩgũ, ìgũ Pagureta werenígũ irimi. Ìgũsã gapu irire pémasĩbirima.

²⁸ Irasirigu Jesús ìgũsãrẽ ãrĩmi:

—Yure ããrĩpererã tìgũrẽ musã curusague pábiatú ãiwãgũnúrãkoa. Musã irasũ irirã: “Yu ìgũ àãrà”, ãrĩ wereadeare: “Diayeta àãrà”, ãrĩ masĩrãkoa. Yu gããmerõ neõ iribi, irasũ ããrĩmakũ Yuru yure buedea ditare yu weregu ããrĩrĩrẽ masĩrãkoa. ²⁹ Yure iriudi yu merã ããrĩmi. Ìgũ gããmerĩ ditare irinía. Irasirigu ìgũ yure neõ béobemi.

³⁰ Jesús irasũ ãrĩmakũ pérã, wãrà masaka ìgũrẽ buremuma.

Jesús Marĩpu pũrãyamarẽ, ñerõ iririmasãyamarẽ weredea

³¹ Jesús, judío masaka: “Marĩpu iriudi ããrĩmi”, ãrĩ buremurãrẽ ãsũ ãrĩmi:

—Yu werenĩrĩrẽ buremuduúmerã, diayeta yu buerã àãrà. ³² Irasirirã diayema ããrĩrĩrẽ masĩrãkoa. Irire masĩrã, ñerõ iririre pirirãkoa. Moãboanerã musã opure wirianerã irirosũ ããrĩrãkoa.

³³ Ìgũ irasũ ãrĩmakũ pérã, ìgũrẽ ãrĩma:

—Gua Abraham parãmerã ããrĩturiarãgue àãrà. Irasirirã neõ gajirãyarã ìgũsãrẽ moãboerã ããrĩbea. Irasirigu: “Moãboanerã musã opure wirianerã irirosũ ããrĩrãkoa”, ãrĩgũ, ¿naásũ ãrĩduagu irasũ ãrĩrĩ mu?

³⁴ Jesús ìgũsãrẽ ãrĩmi:

—Diayeta musãrẽ werea. ããrĩpererã ñerĩrẽ irirã, ñerĩrẽ iridoreguyarã ìgũ dokamarã irirosũ ããrĩma. ³⁵ Sugu moãboegu wii opu magũ irirosũ neõ ããrĩbemi. Wii opu magũ gapu ìgũ paguya wiimu ããrĩnĩkõãkumi. ³⁶ Yu, ùmugasigue ããrĩgũ magũ àãrà. Irasirigu musãrẽ ñerĩrẽ iridoreguyarã irirosũ ããrĩbirimakũ irigu, diayeta moãboanerã musã opure wirianerã irirosũ ããrĩmakũ irigũkoa. ³⁷ Yu musã Abraham parãmerã ããrĩturiarire masĩa. Irasũ ããrĩkererã, musã yu wererire péduabea. Irasirirã yure wējẽduáa. ³⁸ Yuru yure masĩmakũ irideare musãrẽ werea. Musã gapu musãpu dorerire yáa.

³⁹ Ìgũsã ìgũrẽ ãrĩma:

—Abraham gua ñekũ ããrĩdi ããrĩmĩ.

Jesús gapu ìgũsãrẽ ãrĩmi:

—Musã diayeta Abraham parãmerã ããrĩturiarã ããrĩrã ìgũ iriunaderosũta iririkaboayo.

⁴⁰ Yuru yure diaye wererire musãrẽ yu werekeremakũ, yure wējẽduáa. Abraham gapu musã irirosũ neõ irasiribiridi ããrĩmĩ. ⁴¹ Musã musãpu irirosũta yáa.

Ìgũ irasũ ãrĩmakũ pérã, ãrĩma:

—Gua, pagu marĩrã irirosũ ããrĩbea. Marĩpu suguta gapu ããrĩmĩ.

⁴² Jesús ìgũsãrẽ ãrĩmi:

—Yuru diayeta musãpu ããrĩmakũ, musã yure maĩboayo. Yu ìgũ merã ããrĩdita õõ musã pũrogoe aaribú. Yu gããmerõ aaribiribu. Yuru yure iriumi. ⁴³ ¿Nasirirã yu wererire pémasĩberi musã? Musã yu wererire péduabirisĩã, pémasĩbea. ⁴⁴ Musãpu wãtĩ ããrĩmi. Musã ìgũyarã àãrà. Irasirirã ìgũ gããmerĩrẽ iriduaá. Neõgoraguetã masakare wējẽbéodi

* **8:24** Exodo 3.13-15: Iripoegue Moisés Marĩpũre sêrêñadi ããrĩmĩ: “Israel bumarã yure: ‘Mu iriudi wãĩ, ¿naásũ ããrĩrĩ?’ ãrĩ sêrêñamakũ, ¿naásũ ãrĩ weregũkuri?” Marĩpu ìgũrẽ ãsũ ãrĩdi ããrĩmĩ: “Yu wãĩ ‘YO SOY EL QUE SOY’ àãrà. Irasirigu Israel bumarãrẽ ãsũ ãrĩ wereka: ‘YO SOY yure musãguere weredoregu iriumi’, ãrĩka!” ãrĩdi ããrĩmĩ. “YO SOY EL QUE SOY”, ãrĩrõ: “Yu ããrĩnĩgũta àãrà, o ìgũta àãrà yu”, ãrĩduaro yáa.

ããrĩgú yámi. Ìgũguere diayema neõ máa. Irasirigu ìgũ neõ diayemarẽ werebemi. Neõgoraguere masakare ãrĩkatopuroridi ããrĩmí. Irasirigu ìgũ irasũ ãrĩkatorikugũ ããrĩsĩã, ãrĩkatori ditare weremi. ⁴⁵ Yũ gapũ diayemarẽ werea. Irasirirã yũ wererire pérã, musã irire buremubea. ⁴⁶ ¿Noã yũre: “Mũ ãsũ irigu, ñerõ iriabũ”, ãrĩ masĩbukuri? Yũ musãrẽ diayemarẽ werekeremakũ, ¿nasirirã yũ wererire buremuberi? ⁴⁷ Yũpũ pũrã ìgũ werenírĩrẽ péma. Musã gapũ ìgũ pũrã ããrĩbirisĩã, irire péduabea, ãrĩmi Jesús.

Cristo Abraham dupiyuro ããrĩdeamarẽ weredea

⁴⁸ Jesús irasũ ãrĩmakũ pérã, judío masaka ìgũrẽ ãrĩma:

—Gũa: “Mũ Samariamũ, wãtĩ ñajãsũdi ããrã”, ãrĩrã, diayeta ãrĩrã yáa.

⁴⁹ Jesús ìgũsãrẽ ãrĩmi:

—Yũ wãtĩ ñajãsũdi ããrĩbea. Yũ iriri merã masaka Yũpũre: “Õãtaria mũ”, ãrĩmakũ yáa. Musã gapũ yũ iririre ìãkererã: “Ñerĩrẽ irigu ããrĩmi”, ãrã. ⁵⁰ Yũre: “Õãrõ yáa”, ãrĩ buremurãrẽ ãmabea yũ. Yũpũ gapũ masakare yũre buremumakũ gããmemi. Ìgũta yũ iririre ìãgũ, yũre: “Õãrõ yáa”, ãrĩmi. ⁵¹ Diayeta musãrẽ werea. Yũ wererire irigu neõ boabirikumi.

⁵² Ìgũ irasũ ãrĩmakũ pérã, ìgũrẽ ãrĩma:

—Dapagora gũa ire masĩa. Mũ wãtĩ ñajãsũdi ããrã. Abraham iripoegue boakõãdi ããrĩmí. Marĩpũya kerere weredupiyunerãde boakõãnerã ããrĩmã. Mũ gapũ: “Yũ wererire irigu neõ boabirikumi”, ãrã. ⁵³ ¿Gũa ñekũ Abraham nemorõ ããrĩrĩ mũ? Ìgũ, Marĩpũya kerere weredupiyunerãde boakõãnerã ããrĩmã. ¿Noã ããrĩrĩ mũ irasũ ãrĩ weregũ?

⁵⁴ Jesús ìgũsãrẽ ãrĩmi:

—Yũ, yũ basi õãrõ werenírĩ wajamãa. Yũpũ gapũ musã: “Gũapũ ããrĩmi”, ãrĩgũ gapũ yũre õãrõ weremi. ⁵⁵ Musã gapũ Yũpũre neõ masĩbea. Yũ ìgũrẽ masĩa. Yũ: “Ìgũrẽ masĩbea”, ãrĩgũ, musã irirosũ ãrĩkatorikugũ ããrĩbukoa. Yũ gapũ ìgũrẽ õãrõ masĩa. Irasũ ããrĩmakũ, ìgũ wererire yáa. ⁵⁶ Musã ñekũ Abraham yũ i mũngue aariburire masĩdi ããrĩmí. Irasirigu yũ aarimakũ ìãgũ, bure usuyari merã ããrĩdi ããrĩmí.

⁵⁷ Ìgũsã Jesúre ãrĩma:

—Mũ cincuenta bojori opabirikeregũ, ¿nasirigu Abrahãrẽ ìãdi ããrĩbukuri?

⁵⁸ Jesús ìgũsãrẽ ãrĩmi:

—Diayeta musãrẽ werea. Abraham dupiyuro ããrĩdi yũta ããrã.

⁵⁹ Ìgũ irasũ ãrĩmakũ pérã, ìgũsã ãtãyeri ãĩ, ìgũrẽ dea wẽjẽduamakũ, Marĩpũya wiigũ ããrãdi ìgũsã watope duriwiriakõãmi.

9

Deyoagũgueta koye ìãmasĩbire Jesús taudea

¹ Gajinũ Jesús maague waagú, deyoagũgueta koye ìãmasĩbire bokajami. ² Gũa ìgũrẽ ìãrã, Jesúre sërẽñabũ:

—Buegũ, ¿noã ñerõ iridea waja ìgũ koye ìãmasĩbi deyoayuri? ¿ìgũ pagũsãmarã ñerõ iridea waja, o ìgũ basi ìgũ ñerõ iridea waja ìgũrẽ irasũ waayuri? ãrĩbũ.

³ Jesús gũare ãrĩmi:

—Ìgũ ñerõ iridea, ìgũ pagũsãmarã ñerõ iridea ìgũ deyoagũgueta koye ìãmasĩbi ããrĩmakũ iribiribũ. Marĩpũ ìgũ turari merã ìgũrẽ õãrĩ iririre masakare ìmugũkumi. Irasirigu ìgũ koye ìãmasĩbi deyoami. ⁴ Ɖmũ merã masaka moãmasĩrã irirosũ dapagora Marĩpũ yũre iriugũ pídeare marĩrẽ iriro gããmea. Ñami merã moãmasĩmerã irirosũ pũrugue ìgũ pídeare irimasĩbirikoa pama. ⁵ Yũ i mũngũguere ããrĩgú, masakare sĩãgori sĩgũ ããrã. Irasirigu ìgũsãrẽ Marĩpũre masĩmakũ yáa, ãrĩmi.

⁶ Irasũ ãrĩ odo, nikũgue sĩkure eomeépí, iri merã morẽ, koye ìãmasĩbiya koyeguere túwãkãmi. ⁷ Irasiri odo, ìgũrẽ ãrĩmi:

—Siloé wāikuri deko gobegue ĩgūsā iridea gobegue m̄ya koyere koeg̃u waaka! ārīmi. “Siloé”, ārīrō: “Iriug̃u”, ārīduaro yāa.

Īgū irasū ārīmakū pég̃u, koye ĩāmasībi irogue ĩgūya koyere koeg̃u waakōāmi. Koe odo, koye ĩāmasīgūgue dujariyup̃u. ⁸ Īgūya wiig̃ue dujajamakū, ĩgūya wii p̄ro āārīrā, iro dupiyuro ĩgū niyeru sērēdi āārīmakū ĩānerā, sērēñañurā:

—Ĵī dupiyuro niyeru sērē doanídita āārīrī?

⁹ Gajirā ārīñurā:

—Īgūta āārīmi.

Gajirā gap̃u ārīñurā:

—Īgū āārībemi. Īgū irirosū deyog̃u āārīmi.

Īgūsā irasū ārīmakū pég̃u, koye ĩāmasībi āārādi gap̃u āsū ārīyup̃u:

—Īgūta āārā ỹu.

¹⁰ Īgū irasū ārīmakū, masaka ĩgūrē sērēñañurā:

—M̄ ĩāmasībiradi āārīg̃ú, Ĵnasirig̃u dapagorare irasū ĩāmasīrī?

¹¹ Īgūsārē ỹj̃uyup̃u:

—Jesús wāikug̃u ĩgūya síku nikū merā moāmorē, ỹu koyere túwūkāmi. Túwūkā odo, ỹre: “Siloé wāikuri deko gobegue ĩgūsā iridea gobegue m̄ya koyere koeg̃u waaka!” ārāmi. Ỹu irogue waa, koyere koe odo, ĩāmasīp̄roriab̄u.

¹² Īgū irasū ārīmakū, ĩgūrē sērēñañurā doja:

—M̄rē irasiriadi, Ĵnoóg̃ue āārārī?

—Masībirikoa. Noó āārīg̃ú āārīkumi, ārīyup̃u.

Fariseo bumarā koye ĩāmasībi āārīdire sērēñadea

¹³ P̄r̄u ĩgūsā koye ĩāmasībiridire fariseo bumarā p̄rogue āāñurā. ¹⁴ Jesús ĩgūya síku nikū merā moāmorē, koye ĩāmasībire taudeanu judío masaka siñajārīnu āārībú. ¹⁵ Irasirirā fariseo bumarā koye ĩāmasībiridire sērēñañurā:

—ĴNasirig̃u dapagorare oārō ĩārī?

Īgūsārē ỹj̃uyup̃u:

—Sug̃u ĩgūya síku nikū merā moāmorē, yaa koyere túwūkāmi. Irasirig̃u yaa koyere koeadero p̄r̄u, ĩāmasīp̄rorib̄u.

¹⁶ Īgū irasū ārīmakū, surāyeri fariseo bumarā merāmarā ārīñurā:

—Īgūrē irasiridi, marī siñajārīn̄rīma dorerire iribi āārīmi. Irasirig̃u Marīp̄u iriudi āārībemi.

Gajirā gap̃u ārīñurā:

—Īgū ñerō irig̃uno āārīg̃ú, i iri ĩmurīrē irimasībiriboayup̃u. Irasirirā ĩgūsā surosū gūñabirisīā, dukawariñurā. ¹⁷ Irasirirā dupaturi koye ĩāmasībiridire sērēñañurā doja:

—M̄ukoa, Ĵnaásū ārīrī m̄rē koye ĩāmasīmakū iridire?

Īgū ỹj̃uyup̃u:

—Īgū Marīp̄u kerere weredupiyug̃u āārīmi, ārā ỹu, ārīyup̃u.

¹⁸⁻¹⁹ Judío masaka oparā gap̃u: “Ĵī koye ĩāmasīg̃ú, dupiyuro koye ĩāmasībi āārīdi āārībemi”, ārī gūñadiñurā. Irasirirā ĩgū pag̃sāmarārē siiu, sērēñañurā:

—“Ĵī m̄ magū neō deyoag̃ug̃ueta koye ĩāmasībi āārīdi āārīmi”, ārīrī? Īgū diayeta koye ĩāmasībiridi āārīg̃ú, Ĵnasiri dapagorare oārō ĩāmasīrī?

²⁰ Īgū pag̃sāmarā ỹj̃uñurā:

—Ire g̃ua masīa. Ĵī g̃ua magūta āārīmi. Īgū deyoag̃ug̃ueta koye ĩāmasībiridita āārīmi.

²¹ Īgū dapagora koye ĩāmasīrī gap̃ure, ĩgūrē ĩāmakū irididere masībea. Īgūrē sērēñaka! B̄g̃uro āārīmi. Īgū basi m̄sārē ỹj̃umasīmi.

²² Judío masaka oparā dupiyurogue āsū ārīñurā:

—Jesúre: “Marĩpu iriudi Cristo aãrĩmi”, aĩgũnorẽ marĩ nerẽrĩ wiirigue neõ ñajãdorebirikõãrã! aĩrĩnurã. Irasirirã, ĩgũsã aĩrĩdeare pénerã aãrĩsĩã, koye ĩãmasĩbiridi pagusãmarã ĩgũsãrẽ güigorañurã. ²³ Irasirirã ĩgũsãrẽ: “Buguro aãrĩmi. ĩgũrẽ sërẽñaka!” aĩrĩnurã.

²⁴ Judío masaka oparã irire pérã, dupaturi koye ĩãmasĩbiridire siiu, ĩgũrẽ aĩrĩnurã doja:

—Marĩpu mu wererire pémi. Irasirigu ĩgũ péurogue guare diaye wereka! Gũa ire masĩa. Jesús ñerõ irigu aãrĩmi.

²⁵ ĩgũsã irasũ aĩrĩmakũ pégu, ĩgũsãrẽ aũũ aĩrĩ yũjũyupu:

—Jesúre ĩgũ ñegũ, o õãgũ aãrĩrĩrẽ masĩbirikoa yũ. I ditare masĩa. Yũ dupiyuroguere koye ĩãmasĩbi aãrĩbũ. Dapagorare ĩãa, aĩrĩyupu.

²⁶ ĩgũ irasũ aĩrĩmakũ pérã, dupaturi ĩgũrẽ sërẽñañurã doja:

—¿Nasiriri ĩgũ mũrẽ? ¿Nasirigu ĩgũ mũrẽ koye ĩãmasĩmakũ iriri?

²⁷ ĩgũ yũjũyupu ĩgũsãrẽ:

—Irireta mũsãrẽ weresiabu. Yũ irasũ aĩrĩ werekeremakũ, mũsã gapu yũ wererire péduabirabu. ¿Nasirirã dupaturi yũ irire weremakũ péduari? ¿Mũsãde ĩgũ buerã aãrĩduakuri?

²⁸ ĩgũ irasũ aĩrĩmakũ pérã, ĩgũrẽ turiñurã:

—Mu ĩgũ buegu aãrã. Gũa gapu Moisés gojadeare buerã aãrã. ²⁹ Ire gũa masĩa. Marĩpu Moisére weredi aãrĩmĩ. Jesúre iriudi gapure gũa masĩbea.

³⁰ ĩgũsã irasũ aĩrĩmakũ, ĩgũsãrẽ aũũ aĩrĩ yũjũyupu:

—Mũsã irasũ aĩrĩmakũ, pégukakõãkoa. ĩgũ yure koye ĩãmasĩmakũ irikeremakũ, mũsã ĩgũrẽ iriudire masĩbea, aãrã. ³¹ Marĩ ire õãrõ masĩa. Marĩpu ñerõ irirã ĩgũrẽ sërẽmakũ pébemi. ĩgũrẽ buremugũ, ĩgũ dorerire irigure ĩgũ sërẽrĩ ditare pémi. ³² Marĩ neõ sugu deyoagũgueta koye ĩãmasĩbire ĩãmakũ irigu aãrĩrĩrẽ pébea. ³³ Marĩpu Jesúre iriubirimakũ, yure koye ĩãmasĩmakũ iribiriboañumi, aĩrĩyupu.

³⁴ ĩgũ irasũ aĩrĩmakũ pérã, aĩrĩnurã:

—Mu deyoagũgueta ñerĩ merã deyoadi aãrĩkeregũ, ¿irire wereduari guare buebu? aĩrĩnurã.

Irasirirã judío masaka nerẽrĩ wiigũe ĩgũrẽ ñajãdorebiriñurã.

Jesús ĩgũyare pémerã koye ĩãmasĩmerã irirosũ aãrĩma, aĩrĩ werede

³⁵ Jesús koye ĩãmasĩbiridire ĩgũsã béowiuadeare pémi. Irasirigu ĩgũrẽ bokajagu, sërẽñami:

—¿Marĩpu magũ aãrĩpererã tĩgũrẽ buremurĩ mu?

³⁶ ĩgũ Jesús aĩrĩmi:

—Yũ Opũ, ¿noã aãrĩrĩ ĩgũ? Wereka yure! ĩgũrẽ masĩgũ, buremugura.

³⁷ Jesús ĩgũrẽ aĩrĩmi:

—Mu ĩgũrẽ ĩãsiáa. Yũ mu merã werenígũ, ĩgũta aãrã.

³⁸ Irire aĩrĩmakũ pégu, Jesús puero ñadukupuri merã ejamejã, ĩgũrẽ:

—Yũ Opũ, mũrẽ buremua, aĩrĩmi.

³⁹ Puũ Jesús aũũ aĩrĩmi:

—Yũ masaka irideare: “I gapu õãa, i gapu õãbea”, aĩrĩgũ, i ãmũguere aaribũ. Yũpu gããmerĩrẽ masĩmerã, koye ĩãmasĩmerã irirosũ aãrĩma. Irasirigu koye ĩãmasĩmerã irirosũ aãrĩrãrẽ ĩgũ gããmerĩrẽ masĩburo, aĩrĩgũ, “Gũa õãrõ masĩa”, aĩrĩ gũñarã gapure koye ĩãmasĩmerã irirosũ waaburo, aĩrĩgũ aaribũ.

⁴⁰ ĩgũ irasũ aĩrĩmakũ pérã, surãyeri fariseo bumarã ĩgũrẽ aĩrĩma:

—¿Mu irire aĩrĩgũ, gũadere: “Koye ĩãmasĩmerã irirosũ aãrã”, aĩrĩgũ yári?

⁴¹ Jesús ĩgũsãrẽ aĩrĩmi:

—Mũsã koye ĩãmasĩmerã irirosũ Yũpu gããmerĩrẽ masĩmerã aãrĩrã, mũsã ñerĩ iridea wajare opabiribukoa. “Gũa õãrõ masĩa”, aĩrĩrã aãrĩsĩã, mũsã ñerõ iridea wajare opãa dapa, aĩrĩmi.

10

Jesús oveja korerimasū iririkuri keori merā weredeā

¹ Jesús irire āri odoadero puru, keori merā āsū āri weremi:

—Diayeta musārē werea. Oveja korerimasū ĩgūsārē duripiri sārīrō makāpurore űajāgū irirosū iribino, yajarimasū āārīkumi. Makāpuro marīrōgue űajākumi. ² Makāpuro űajāgū gapu oveja korerimasū āārīkumi. ³ Makāpurore koregu tūpākumi, oveja korerimasūrē űajāridoregu. Oveja korerimasū űajāmakū, oveja ĩgū werenīmakū pékuma. ĩgūyarārē ĩgūsā wāi merā oekumi. Irasū oegu, ĩgūsārē siiu wiukumi. ⁴ ĩgūyarā āārīpererārē oe, siiu wiu odo, ĩgūsārē dupiyuwāgākumi. Oveja ĩgū werenīrērē masīrā āārīsīā, ĩgūrē tuyakuma. ⁵ Gajigure ĩgūsā ĩāmasībire tuyabirikuma. ĩgū werenīrērē masīmerā āārīsīā, ĩgūrē gūi űmaduriwāgākōākuma.

⁶ Jesús iri keori merā ĩgūsārē weremakū pérā gapu pémasībirima. “Āsū ārīduaro irikoa i”, ārīmasībirima.

Jesús ovejare oārō koregu irirosū āārīrīmarē weredeā

⁷ Irasirigu Jesús ĩgūsārē werenemomi doja:

—Diayeta musārē werea. Yu ovejare duripiri sārīrō makāpuro irirosū āārā. ⁸ Āārīpererā űerā yu dupiyuro aarinerā, yajarimasā irirosū āārīma. Yaarā oveja irirosū āārīrā gapu ĩgūsārē pébema. ⁹ Yu makāpuro irirosū āārā. Yure buremurā iri makāpurore űajārā irirosū āārīma. ĩgūsārē peamegue waabonerārē taugūkoa. Oveja gūiro marīrō ĩgūsārē duripiri sārīrō makāpurore űajārā, wirirā ĩgūsā baaburi bokarā irirosū āārīrākuma.

¹⁰ Yajarimasā ovejare yajamurā, wējēmurā, poyanorēmurā aarīma. Yu gapu ĩgūsārē okarire opamakū irigu aaribú. Āārīpereri oārīrē opaburo, ārīgū, aaribú. ¹¹ Yu ovejare oārō koregu irirosū āārā. Ovejare oārō koregu wējēsūbu āārīkoregu, ĩgūsārē béobirikumi. ĩgūsā oārō āārīburire boabosagukumi. ¹² Gajigu moārīmasū gapu ĩgū moāwajatari ditare gūñami. Ovejare oārō koregu irirosū āārībemi. Oveja ĩgūyarā āārībema. Irasirigu makānūumu diayée ovejare űeā wējēgū aarimakū ĩāgū, ovejare béo, gūi űmaduriwāgākōāmi. ĩgūsārē béowāgādero puru, makānūumu diayée ovejare űeāmakū ĩārā, gajirā oveja űmasiriwāgākōāma. ¹³ Moārīmasū ĩgū moāwajatari ditare gāāmemi. Irasirigu ovejare ĩgūsā oārō āārīburire gūñabemi.

¹⁴⁻¹⁵ Yu ovejare oārō koregu irirosū āārā. Yuru yure masīmi. Yude Yuru masīa. I irirosū yaarā ovejare yu masīa. Yaarāde yure masīma. Irasirigu yu okarire maībea. ĩgūsā oārō āārīburire boabosagūkoa. ¹⁶ Gajirā oveja gaji duripiri sārīrō marā irirosū āārīma. ĩgūsāde yaarā āārīma. ĩgūsādere āīgūkoa. Yu werenīrērē pérākuma. Irasirirā yaarā āārīpererā su buta āārīrākuma. Yu suguta ĩgūsārē koregūkoa.

¹⁷ Yaarā oārō āārīburire boabosagūkoa. Yu okarire maībi āārīsīā, irasirigūkoa masā, dupaturi okabu. Yu irasiribu āārīmakū, Yuru yure maīmi. ¹⁸ Yu gāāmebirimakū, neō sugū yure boamakū irimasībiribukumi. Yu gāāmerō merā boagūkoa. Yu turaro merā yu gāāmerērē irimasīgū āārīsīā, yu gāāmerō merā boa, puru masāgūkoa. Yuru yure irireta iridoremi, ārīmi Jesús.

¹⁹ ĩgū irasū ārīmakū pérā, judío masaka dupaturi surosū ĩgūrē gūñabirisīā, dukawarima.

²⁰ Gajirā wārā ĩgūsā merāmarārē ĩgūyamarē ārīma:

—ĩgū wātī űajāsūdi, niāsūgū yāmi. ¿Nasirirā ĩgūrē péri musā?

²¹ Gajirā gapu ārīma:

—Wātī űajāsūdi, ĩgū irirosū oārō werenībiribukumi. Koye ĩāmasībidere ĩāmakū iri-masībiribukumi, ārīma.

Judío masaka Jesúre gāāmebiridea

²² Puibu ããrĩmakũ, Jerusalẽgue judío masaka bosenu irima. Iripoegue marã Marĩpũya wiire iripeodeare gũñarĩ bosenu ããrĩbũ. ²³ Iri bosenuẽ Jesús, Pórtico de Salomón wãikũri taribu Marĩpũya wii tũro biaña marĩrĩ taribugue waagorenami. ²⁴ Irogue ìgũ ããrĩmakũ ìãrã, judío masaka oparã ìgũ pũro nerẽ, ìgũrẽ sërẽñama:

—¿Naásũ ããrĩmakũ gũare òãrõ diaye weregũkuri? ¿Mũ Cristo, Marĩpũ iriudita ããrĩrĩ?

²⁵ Jesús ìgũsãrẽ yũjũmi:

—Mũsãrẽ weresiabu. Mũsã gapũ yũ wererire bũremubea. Yũ, Yũpũ yũre dorerosũta ìgũ turari merã iri ìmurĩrẽ irinagũ yãa. I merã yũ ããrĩrikũrere masĩsũa. ²⁶ Yũ ìgũ turari merã iri ìmurĩrẽ ìãkererã, mũsã gapũ yũre bũremubea. Mũsã yaarã ããrĩbirisĩã, yũre bũremubea. Yũ dupiyuro werederosũta mũsã gajigũyarã oveja irirosũ ããrã. ²⁷ Yaarã oveja yũ werenĩrĩrẽ masĩma. Yũ ìgũsãrẽ masĩa. Irasirirã yũre tũyama. ²⁸ Yũ ìgũsãrẽ ùmũgasigue perebiri okari opamakũ yãa. Irasirirã perebiri peamegue neõ waabirikuma. Yũ ìgũsãrẽ korea. Gajirã ìgũsãrẽ neõ yũre ãmamasĩbema. ²⁹ Yũpũ ìgũsãrẽ yũre sĩdi ããrĩmĩ. Ìgũ ããrĩpererã nemorõ turagu ããrĩmĩ. Ìgũde ìgũsãrẽ koremi. Gajirã ìgũsãrẽ neõ ìgũdere ãmamasĩbema. ³⁰ Yũ, Yũpũ merã sugũta ããrã, ãrĩmi Jesús.

³¹ Ìgũ irasũ ãrĩmakũ pérã, dupaturi judío masaka ùtãyeri ãĩma, ìgũrẽ dea wẽjẽduarã.

³² Ìgũsã irasiridũamakũ ìãgũ, Jesús ìgũsãrẽ ãrĩmi:

—Yũ, Yũpũ yũre dorederosũta wãri ìgũ turari merã iri ìmurĩrẽ iribu. Mũsã irire ìãbu. ¿Ñeeno yũ iridea waja mũsã yũre ùtãyeri merã dea wẽjẽduari?

³³ Ìgũsã ìgũrẽ ãrĩma:

—Mũ òãrõ iriri waja gũa mũrẽ ùtãyeri merã dea wẽjẽduabea. Mũ Marĩpũre ñerõ werenĩrĩ waja mũrẽ ùtãyeri merã dea wẽjẽduãa. Mũ masakũ ããrĩkeregu: “Marĩpũ ããrã yũ”, ãrĩ werenĩa.

³⁴ Ìgũsã irasũ ãrĩmakũ pégũ, Jesús ìgũsãrẽ ãrĩmi:

—Marĩpũ ãsũ ãrĩdi ããrĩmĩ ìgũ mũsãrẽ doreri gojadea pũgue: “Mũsã yũ irirosũ ããrã”, ãrĩdi ããrĩmĩ. ³⁵ Marĩ ire masĩa. Marĩpũ ìgũya werenĩrĩ gojadea pũgue ãrĩrĩ diayeta ããrã. Marĩrẽ neõ irire: “Diaye ããrĩbea”, ãrĩ masĩña máa. Irasiriro iri pũguere ìgũya kerere pérãrẽ: “Yũ irirosũ ããrĩma”, ãrĩrĩ diayeta ããrã. ³⁶ Marĩpũ yũre beyesĩã, i ùmũguere iriumi. Irasũ ããrĩkeremakũ: “Yũ Marĩpũ magũ ããrã”, ãrĩdea waja mũsã gapũ yũre: “Marĩpũre ñerõ werenĩmĩ”, ãrã. ¿Nasirirã yũre irasũ ãrĩrĩ mũsã? ³⁷ Yũpũ yũre dorerosũta ìgũ turari merã yũ iri ìmubirimakũ ìãrã, yũ wereri gapũre bũremubirikõãka! ³⁸ Yũpũ yũre dorerosũta yũ iri ìmumakũ ìãrã, yũ wererire bũremubirikererã, yũ iriri gapũre: “Marĩpũ turari merã iriri ããrã”, ãrĩ bũremuka! Mũsã irire ãrĩ bũremurã, Yũpũ yũguere òãrõ ããrĩrĩrẽ, irasũ ããrĩmakũ yũ ìgũ merã sugũta ããrĩrĩrẽ masĩrãkoa.

³⁹ Ìgũ irasũ ãrĩmakũ, ìgũrẽ peresu iridũarã ñeãduarã iriadima doja. Ìgũ gapũ ìgũsãrẽ duriwiriakõãmi.

⁴⁰ Wiria, Juan masakare wãiyepũroriderogue dia Jordán wãikũdiya gaji koepũgue dupaturi waa, irogue dujami. ⁴¹ Masaka wãrã ìgũrẽ ìãrã ejama. ãsũ ãrĩma:

—Juan masakare wãiyedi Marĩpũ turari merã iririre iri ìmubirikeregu, ããrĩpereri Jesũyamarẽ weredeã diayeta ããrã, ãrĩma.

⁴² Irasirirã wãrã iroguere Jesũre bũremuma.

11

Lázaro boadea (Lc 10.38-42)

¹⁻² Iripoere Betania wãikũri makãmũ Lázaro wãikũgu pũrĩrikũgu iriyupũ. Iri makã, ìgũ tĩrã nome María, Marta wãikũrãya makã ããrĩbũ. María marĩ Opũ Jesũya gubure sũrõrĩ merã piupeo, igo poari merã túkoebo ããrĩmõ. ³ Lázaro pũrĩrikũmakũ ìãrã, ìgũ tĩrã nome gajirã merã Jesũre kere iriuñurã:

—Gua Opu, mu maĩgũ pũrĩrikũgu yámi, ãrĩ kere iriuñurã.

⁴ Jesús iri kerere pégu, ãrĩmi:

—Iri pũrĩrĩ ĩgũrẽ boamakũ iriburi ããrĩbea. Iri merã Marĩpu masakare ĩgũ turarire ĩmugukumi. ĩgũ irire ĩmugũ, yu ĩgũ magũ ããrĩrĩrẽ, ĩgũ turari opagu ããrĩrdere ĩmugukumi.

⁵⁻⁶ Irasirigu Jesús Martare, igo pagumorẽ, Lázaro bũro maĩsĩã, Lázaro pũrĩrikuri kere péadero purũ, penũ ĩgũ ããrĩõguere dujanemomi. ⁷ Penũ purũ guare ĩgũ buerãrẽ ãrĩmi:

—Náka, dupaturi Judea nikũgue waarã doja!

⁸ Gua ĩgũrẽ ãrĩbu:

—Buegu, irinugue marĩ irogue ããrĩmakũ, judío masaka murẽ ütãyeri merã dea wẽjẽduama. ¿Nasirigu mu irogue dupaturi waaduari?

⁹ Gua irasũ ãrĩmakũ, Jesús keori merã guare ãsũ ãrĩ weremi:

—Sunurẽ pe mojóma pere su gubu peru pẽrẽbejari horagora ããrã. Irasirirã, i mũmugue sĩagori ããrĩyumakũ, iri boyori merã masaka noó waaró waarã, gubutũabirikuma. ¹⁰ Nami merã sĩagori marĩõ waarã gapũ gubutũama.

¹¹ ĩgũ irire ãrĩ odo, guare ãrĩmi:

—Marĩ merãmu Lázaro kãrĩakõãmi. Yu ĩgũrẽ yobegu waagũkoa.

¹² Gua ĩgũrẽ ãrĩbu:

—Gua Opu, Lázaro kãrĩmakũ, ĩgũ sĩrĩrĩ tarirokoa, ãrĩbu.

¹³ Jesús: “Kãrĩakõãmi”, ãrĩgũ, ĩgũ kõmoadeare weregũ iridi ããrĩmĩ. Gua gapũ: “Ĩgũ kãrĩrĩrẽ weremi”, ãrĩ gũñadibũ. ¹⁴ Irasirigu Jesús pémasĩma õãrõ guare weremi:

—Lázaro boakõãmi. ¹⁵ Yu mũmuyáa, yu marĩõ boami. ĩgũ boari merã musã yure bũremunemorãkoa. Náka, marĩ ĩgũrẽ ĩãrã! ãrĩmi.

¹⁶ Jesús irire ãrĩmakũ pégu, Tomás “Suduadi” ĩgũsã ãrĩgũ guare ãrĩmi:

—Marĩ Jesús merã waarã! ĩgũ irogue boamakũ, marĩde ĩgũ merãta boakõãrã!

Jesús boanerãrẽ masãmakũ irigu, okari sĩgũ ããrĩrĩmarẽ weredea

¹⁷ Jesús Betaniague ejamakũ, iro marã ĩgũrẽ werema:

—Wapikurinu taria, Lázaro dagure ĩgũsã yáadero purũ, ãrĩma.

¹⁸ Betania, Jerusalén purõgã, pe kilómetro gaji kilómetro deko yoaro ããrĩbũ. ¹⁹ Irasirirã judío masaka wãrã Lázaro boadea kerere pãrã, Marta, Marĩare ĩãrã waañurã, ĩgũsãrẽ ĩã gũñaturaburo, ãrĩrã. ²⁰ Jesús ĩgũsã purõ ejaburi kerere pégo, Marta ĩgũrẽ bokatĩrĩgõ aarimó. Marĩa gapũ wiigueta dujakõãdeo ããrĩmó. ²¹ Marta Jesús purõ ejago, ĩgũrẽ ãrĩmo:

—Yu Opu, mu õõgue ããrĩmakũ, yu pagũmu boabiriboadi ããrãmi. ²² Yu masĩa. Mu Marĩpure sãrẽmakũ, ããrĩpereri mu sãrẽõsũta irigukumi.

²³ Jesús igore ãrĩmi:

—Mu pagũmu dupaturi okagukumi.

²⁴ Igo ĩgũrẽ ãrĩmo:

—Yu masĩa. I mũmũ peremakũ ããrĩpererã boanerã masãmakũ, ĩgũde dupaturi okagukumi.

²⁵ Igo irasũ ãrĩmakũ, Jesús ãsũ ãrĩmi:

—Yu boanerãrẽ masãmakũ irigu, ĩgũsãrẽ okari sĩgũ ããrã. Yure bũremugũ boadigue ããrĩkeregu, okagukumi. ²⁶ Irasirirã okarã yure bũremurãno neõ boabirikuma*. ¿Mu ire bũremurĩ?

²⁷ Igo ĩgũrẽ ãrĩmo:

—Yu Opu, murẽ bũremua. Mu, Cristo Marĩpu magũ, i mũmũgue aarigukumi, ĩgũsã ãrĩdi ããrã.

Jesús Lázaro yã dũpure yáadea masãgobe purõ oredea

* **11:26** Jesús: “Okarã yure bũremurãno neõ boabirikuma”, ãrĩgũ, ĩgũsã mũmũgasigue perebiri okaburire, perebiri peamegue neõ waabiriburire werenĩgũ irimi.

²⁸ Marta irasũ arĩ odo, igo pagũmo Mariare siiugo waamo. Gajirã péberogã igore asũ arĩyupo:

—Marĩrẽ buegũ ejasiami. Murẽ siiuami.

²⁹ Igo irasũ arĩmakũ pégo, mata María ĩgũ pũrogue mumurõ merã aarimó. ³⁰ Jesús makãgue ejabirimi dapa. Marta ĩgũrẽ bokatĩrĩaderogueta aarĩmĩ. ³¹ Judío masaka wiigue Mariare ĩã gũñaturaburo, arĩrã, igo merã aarãnerã, igo mumurõ merã waamakũ ĩãrã, igore tũyawãgãñurã. “Igo pagũmũ yãa masãgobegue orego waagó irikumó”, arĩ gũñañurã.

³² María Jesús pũrogue ejago, ĩgũrẽ ĩã, ĩgũ guburi pũro ñadũkũpuri merã ejamejã:

—Yũ Opũ, mũ oõgue aarĩmakũ, yũ pagũmũ boabiriboadi aarãmi, arĩmo.

³³⁻³⁴ Igo, igore tũyanerã merã oremakũ ĩãgũ, Jesús bũro bopoña, bũjawereri merã ĩgũsãrẽ ĩã:

—¿Noógue ĩgũrẽ yãari mũsã? arĩ sērẽñami.

ĩgũsã ĩgũrẽ arĩma:

—Gũa Opũ, ĩãgũ aarika!

³⁵ Jesús oremi.

³⁶ ĩgũ oremakũ ĩãrã, judío masaka arĩma:

—Īãka! Noópagora ĩgũrẽ maĩayuriye!

³⁷ Gajirã ĩgũsã merãmarã gapũ arĩma:

—Koye ĩãmasĩbire ĩãmakũ iridi aarĩmĩ. ¿Lázaro boaburi dupiyuro ĩgũrẽ ĩãgũ taukõãboayuri?

Jesús Lázaro masũdea

³⁸ Jesús bũro bũjawereri merã masãgobe pũro waami. Iri gobe utãtore aarĩbũ. Iri gobe ñajãrõrẽ wãri majĩ utã majĩ merã biasũbũ.

³⁹ Jesús arĩmi:

—Utã majĩrẽ aĩ weanũka!

ĩgũ irasũ arĩmakũ pégo, Marta boadi tĩgõ arĩmo:

—Yũ Opũ, ĩgũya dũpũ daro urĩasiakuyo. Wapikũrinũ tarisiãa, ĩgũ boadero pũrũ.

⁴⁰ Jesús gapũ igore arĩmi:

—Murẽ wereabũ: “Yũre bũremugõ Marĩpũ turarire ĩãgokoa”, arãbũ.

⁴¹ ĩgũ irasũ arĩ odomakũ, ĩgũsã utã majĩrẽ aĩ weanũma. Jesús umũgasigue ĩãmu, Marĩpũre asũ arĩmi:

—Aũ, yũ sērẽrĩrẽ mũ pésiabũ. Irasirigũ murẽ: “Õãa”, arĩ, usuyari sĩa. ⁴² Yũ masĩa. Yũ murẽ sērẽrĩrẽ irasũ pėnĩkõãa. Yũ irire masĩkeregũ, oõ nĩrã yũ mũ iriudi aarĩrĩrẽ masĩburo, arĩgũ, ĩgũsã pėurogue murẽ: “Yũ sērẽrĩrẽ mũ pésiabũ”, arĩ werea.

⁴³ Irasũ arĩ odo, Jesús bũro bũsũro merã arĩmi:

—Lázaro, irore wirika!

⁴⁴ ĩgũ irasũ arĩmakũta, masãgobegue wiririmi. ĩgũya mojõrĩ, guburire surĩ gasiri merã dũrasũdi, ĩgũya diapure surĩro gasiro merã õmasũdi aarĩmĩ. Irasirigũ Jesús ĩgũsãrẽ:

—Kuranoka ĩgũ waamakũ! arĩmi.

Judío masaka oparã Jesũre ñeãdũadea

(Mt 26.1-5; Mr 14.1-2; Lc 22.1-2)

⁴⁵ Wãrã judío masaka María merã masãgobegue wapikũnerã Jesús iriadeare ĩãrã, ĩgũrẽ bũremuma. ⁴⁶ Gajirã ĩgũsã merãmarã gapũ fariseo bumarã pũrogue waa, Jesús iriadeare ĩgũsãrẽ wereñurã. ⁴⁷ Irasirirã fariseo bumarã, irasũ aarĩmakũ paĩa oparã gajirã judío masaka oparã merã nerẽ, asũ arĩ werenĩñurã:

—¿Nasirirãkuri marĩ? Jesús wãri turari merã iri ĩmugũ yãmi. ⁴⁸ Marĩ ĩgũrẽ: “Iropata irika!” arĩbirimakũ, aarĩpererã masaka ĩgũrẽ bũremurãkuma. Irasirirã romano marã oparã aarirãkuma, Marĩpũya wiire bėo, marĩrẽ marĩya nikũrẽ emamurã, arĩñurã.

⁴⁹ Sugũ ĩgũsã merãmu, Caifás wãikũgu iri bojorire paía opu ããrĩmĩ. ĩgũsã irire irasũ ãrĩmakũ pégu, ĩgũsãrẽ ãrĩyupu:

—Musã irima ããrĩpererire neõ masĩbea. ⁵⁰ Ire pémasĩbea. Sugũta marĩ judío masakaya ããrĩburire boabosamakũ õãrokoa. ĩgũ boabirimakũ, marĩ ããrĩpererã judío masaka gapu pereakõãbukoa.

⁵¹ ĩgũ Jesús judío masakaya ããrĩburire boabosaburire weregũ, ĩgũ basi gũñarĩ merã irasũ ãrĩbiriyupu. Iri bojorire ĩgũ paía opu ããrĩmakũ, Marĩpu ĩgũrẽ irire ãrĩmakũ iriyupu.

⁵² Jesús boagu, judío masakaya ããrĩburire, irasũ ããrĩmakũ ããrĩpererã Marĩpu pũrã ããrĩperero ããrĩrãdere ĩgũsãya ããrĩburidere boami, su buta ããrĩburo, ãrĩgũ. ⁵³ Caifás ĩgũsãrẽ irasũ ãrãdero purũ: “¿Nasiri Jesúre wějērākuri marĩ?” ãrĩ werenírã iriñurã.

⁵⁴ Jesús, ĩgũsã ĩgũrẽ wějēduarire masĩkõãmi. Irasirigu judío masaka oparã ĩũrõgue neõ waagorenabirimi. Judea nikũma makã, masaka marĩrõ puro ããrĩrĩ makã Efraín wãikũri makãgue waakõãmi. Irogue gũa ĩgũ buerã merã dujami.

⁵⁵ Iripoere pascua bosenu gũa judío masaka bosenu ããrĩburo mérõgã duyabu. Irasirirã bosenu dupiyuro masaka wãrã gaji makãrĩ marãde Jerusalēgue iri bosenu marẽ baaburo dupiyuro Marĩpu dorederosũta koerã waama ĩgũ ĩgũsãrẽ: “Ñerĩ opamerã, õãrã ããrĩma”, ãrĩ ĩãburo, ãrĩrã. ⁵⁶ ĩgũsã irogue ejarã, Jesúre ãmagorenañurã. Marĩpũya wiigũ ããrĩrã, ãsũ ãrĩ gãme wereniñurã:

—¿Naásũ gũñarĩ? ¿Bosenurẽ ĩãgũ aarigũkuri, o aaribirikuri?

⁵⁷ Paía oparã, fariseo bumarã masakare doreñurã. ãsũ ãrĩñurã:

—Jesús ããrĩrõrẽ masĩrã, gũare wereka! ĩgũrẽ ñeã, peresu iriduarã irasũ ãrĩñurã.

12

María Jesúya guburire sãrõrĩ piupeodea (Mt 26.6-13; Mr 14.3-9)

¹ Su mojõma pere gaji mojõ suru pěrẽbejarinurĩ pascua bosenu waaburi dupiyuro Jesús Betaniague waami. Iri makã, Lázaro boadiguere Jesús masũdiya makã ããrĩbũ. ² Irogue Jesúre bosenu iripeoma. Marta baarire gueremo. Lázaro ĩgũ merã baa doami. Gũade ĩgũsã merã baabu. ³ Gũa ĩgũsã merã baaripoe María suru sũrõdiru wãdiru su litro deko opadirure Jesús puro ãija, ĩgũya guburire piupeomo. Iri sũrõrĩ “nardo” wãikũri sũrõrĩ, gajino merã morẽña marĩrĩ, wajapari sũrõrĩ ããrĩyuro. Irire piupeo odo, igoya poañapu merã ĩgũya guburire túkoemo. Iri wii ããrĩperero sũrõseyakõãbu. ⁴ Igo irasirimakũ ĩãgũ, gũa Jesús buerã watopenu Jesúre wějēduarãguere ĩgũrẽ ĩmubu Judas Iscariote ãsũ ãrĩmi:

⁵ —¿Nasirigo i sũrõrĩrẽ duabirari? Irire duago, trescientos nurĩ moãdea wajare wãjataropa wajataboakuyo. Irasirigo iri niyerure boporãrẽ sĩboakuyo, ãrĩmi.

⁶ Yajarikusã, irasũ ãrĩmi. Boporãrẽ iritamudũagu meta ããrĩmĩ. ĩgũ gũaya niyeru ajurore koregu ããrĩmĩ. Iri ajurogue gũa niyeru duripĩrĩre yajanokõãmi.

⁷ Jesús ĩgũrẽ ãrĩmi:

—Iropata ãrĩka! Igo iri sũrõrĩ duripĩadeare yũre piupeogo, ĩgũsã yũre yáaburi dupiyuro iriburire irasũ yãmo.

⁸ Boporã musã merã ããrĩnĩkõãrãkuma. Yũ gapũ musã puro ããrĩnĩbirikoa.

Judío masaka oparã Lázarore wějēduadea

⁹ Jesús Betaniague ããrĩrĩ kerere pěrã, judío masaka wãrã irogue ĩgũrẽ ĩãrã aarirã, ĩgũ ditare ĩãrã aaribirima. Lázaro boadiguere Jesús masũdidere ĩãrã aarimã. ¹⁰⁻¹¹ Jesús ĩgũrẽ masũmakũ ĩãdero purũ, wãrã judío masaka paía oparã bueri gapũre tũyanemobiri, Jesúre bũremupũroriñurã. Irasirirã paía oparã Jesúre wějēduarosũta Lázarodere wějēduañurã.

Jesús Jerusalēgue ejadea (Mt 21.1-11; Mr 11.1-11; Lc 19.28-40)

¹² Gajinu gapu wárã masaka Jerusalëgue pascua bosenure ããrã ejanerã, Jesús irogue waaburi kerere péñurã. ¹³ Irasirirã beje pũ diti ãiwãgã, ãgũrẽ ãsũ ãrĩ gaguini bokatĩrĩã aarimã:

—Marĩ Opure usuyari sirã! Ìĩ Marĩpu marĩrẽ taugu iriudi õãrõ aariburo. Ìgũ marĩ Israel bumarã Oputa ããrĩmi, ãrĩma.

¹⁴ Jesús burrore bokaja, ãgũ weka murĩbejami. Irasirigu Marĩpuya werenĩrĩ gojadea pũgue ãrĩderosũta irimi. ãsũ ãrĩ gojasũdero ããrĩbũ:

¹⁵ Jerusalén marã güibirikõãka!

Ìãka! Musã Opu burro weka peyawãgãrimi, ãrĩ gojasũdero ããrĩbũ.✠

¹⁶ Gũã ãgũ buerã iri gojadeare pemasĩbiribũ. “Dapagora Jesús iri gojaderosũta irigu yãmi”, ãrĩ güñabiribũ. Æmugasigue ãgũ murĩadero purũ, iri gojadeare güñaboka, pemasĩbũ. “Marĩpuya werenĩrĩ gojadea pũgue ãrĩderosũta Jesũre waabu”, ãrĩ güñabu.

¹⁷ Jesús Lázarore ãgũsã yãadea gobere wiridore, ãgũrẽ masũmakũ ããnerã gajirãrẽ ãgũsã ããdeare wererã irima. ¹⁸ Irasirirã wárã masaka Lázarore Jesús masũdea kerere pénerã ããrĩsã, Jesũre bokatĩrĩã aarimã. ¹⁹ ãgũsã irasirimakũ ããrã, fariseo bumarã ãgũsã basi ãsũ gãme ãrĩ werenĩñurã:

—Ìãka! ããrĩpererã ãgũ merã dita waarã yãma. Marĩ neõ ãgũsã iririre kãmutamasĩbea.

Surãyeri griego masaka Jesũre ããduadea

²⁰ Jerusalëgue pascua bosenu ããrĩmakũ, Marĩpure buremurã ejanerã watopere surãyeri griego masaka ããrĩmã. ²¹ ãgũsã Jesũre ããduarã, Felipere wererã aarimã. Felipe Betsaida wãikuri makãmu ããrĩmĩ. Betsaida, Galilea nikũgue ããrĩrĩ makã ããrĩbũ. ãsũ ãrĩma ãgũrẽ:

—Jesũre ããduakoa gũã.

²² ãgũsã irasũ ãrĩmakũ pégu, Felipe Andrére weregu waami. Irasirirã ãgũsã pẽrãgueta Jesũre wererã waama. ²³ Jesús, griego masaka ãgũrẽ ããduarire pégu, gũare ãrĩmi:

—Mérõgã duyãa yũ ããrĩpererã tĩgũ boa, masã, Æmugasigue murĩaburo. ²⁴ Diayeta musãrẽ werea. Oteri yere otebirimakũ, suyeta dujarokoa. Iri yere otedero purũ, yeba poekague boa, purũ puri wiri, wãri dũka sũkoa. ²⁵ Sugũ ãgũ i Æmugue okarire maĩgũno, perebiri peamegue waagũkumi. ãgũ i Æmugue okarire maĩbi gapu Æmugasigue perebiri okari opagũkumi. ²⁶ Yũ dorerire iridũagu, yũre tuyaburo. Yũre tuyagu, yũ ããrĩburoguere yũ merã ããrĩgũkumi. Yũpu yũ dorerire irigure: “Õãrõ irigu yãmi”, ãrĩ, ãgũrẽ õãrõ irigũkumi.

Jesús ãgũ boaburire weredea

²⁷ ‘Dapagorare yũ buru bujawereri merã ããrã. ¿Naásũ ãrĩgũkuri? “Aũ, yũ ñerõ tariburore tauka!” ¿ãrĩgũkuri? Irire ãrĩbea. Ñerõ taributa i Æmuguerẽ aaribũ, ãrĩmi. ²⁸ Irasũ ãrĩ odo, ãgũ Pagure: “Aũ, mũ turagu ããrĩrĩrẽ masakare ãmuka!” ãrĩmi.

Ìgũ irasũ ãrĩmakũ, Marĩpu Æmugasigue ããrĩgũ werenĩrĩrẽ pébu. ãsũ ãrĩmi:

—Yũ turagu ããrĩrĩrẽ masakare ãmusiabu. Irire dupaturi ãmugura doja.

²⁹ Masaka irogue ããrĩrã ãgũ werenĩrĩrẽ pérã, ãrĩma:

—Bupu busũkumi.

Gajirã ãrĩma:

—Marĩpure wereboegu Jesũre werenĩami.

³⁰ Jesús gapu ãsũ ãrĩmi:

—Yũpu irire werenĩgũ, yũre pédoregu meta werenĩami. Musã gapure pédoregu werenĩami. ³¹ Dapagorare waarĩ merã, i Æmu marã ãgũsã ñerĩ iridea waja wãjamoãsũrãkuma. Irasũ ããrĩmakũ, ñegũ i Æmu marãrẽ doregu béosũgũkumi. ³² Curusague ãgũsã yũre pábiatũ, ãiwãgũnúmakũ, ããrĩpererã masakare siiugũkoa, yũ merã ããrĩburo, ãrĩgũ.

³³ Irasũ ārĩgũ, ĩgũ curusague boaburire weregũ irimi. ³⁴ ĩgũ ārĩrĩrẽ pérã, masaka ĩgũrẽ ārĩma:

—Marĩpũya werenĩrĩ gojadea pũgue ĩgũsã bue ĩmumakũ pébũ. “Marĩpũ iriudi Cristo okaníkõagukumi”, ārĩ bue ĩmuma. ¿Nasirigũ mũ gapũ: “Āārĩpererã tĩgũrẽ curusague pábiatú, āĩwãgũnũrākuma”, ārĩrĩ? ¿Noã āārĩrĩ āārĩpererã tĩgũ?

³⁵ ĩgũsã irasũ ārĩmakũ, Jesũs ārĩmi:

—Yũ masakare sĩãgori sĩgũ āārã. Yoaweyaripoe mũsã pũroque āārĩgũkoa dapa, Marĩpũre masĩburo, ārĩgũ. Irasirirã sĩãgori merã õārõ waamasĩrã irirosũ āārĩka! Naĩtĩārõgue waagorenagũno, ĩgũ waaburore neõ masĩbirikumi. ³⁶ Yũ mũsãrẽ sĩãgori sĩgũ āārĩgũ mũsã merã āārã, Marĩpũre masĩburo, ārĩgũ. Irasirirã, mũsã merã yũ āārĩtũnuburo dupiyuro yũre bũremuka! Yũre bũremurã, boyorogue āārĩrã irirosũ, yaarã āārĩrãkoa.

Irasũ ārĩ odo, ĩgũsãrẽ duriwãgãkõãmi.

Judío masaka Jesũre bũremubiridea

³⁷ Jesũs wãri Marĩpũ turari merã iri ĩmumakũ ĩãkererã, ĩgũrẽ bũremubirima. ³⁸ Marĩpũya werenĩrĩ gojadea pũgue Isaías gojaderosũta irima. Āsũ ārĩ gojadi āārĩmĩ Isaías:

Gũa Opũ, masaka gũa mũya kere wererire pékererã, bũremubema. Mũ turari merã mũ iri ĩmurĩrẽ ĩãkererã: “Gũa Opũ iriri āārã ĩ”, ārĩbema, ārĩ gojadi āārĩmĩ.✠

³⁹ ĩgũsã Marĩpũre bũremumasĩbirideadere Isaías gajirogue Marĩpũya werenĩrĩ gojadea pũgue āsũ ārĩ gojadi āārĩmĩ:

⁴⁰⁻⁴¹ Marĩpũ ĩgũsãrẽ koye ĩãmasĩmerã irirosũ āārĩmakũ iridi āārĩmĩ. ĩgũyare pémasĩbirimakũ iridi āārĩmĩ.

Irasirirã ĩgũ turari merã iri ĩmurĩrẽ ĩãkererã, irire neõ ĩãmasĩbema. ĩgũyare pékererã, irire neõ pémasĩbema. ĩgũrẽ neõ bũremudũabema.

Ĩgũrẽ bũremumakũ, ĩgũsãrẽ taubukumi, ārĩ, Isaías Jesũs turarire, ĩgũ goesiririre ĩãdi āārĩsĩã, irasũ ārĩ gojadi āārĩmĩ.✠

⁴² Gajirã Jesũre bũremubirikeremakũ, wãrã judío masaka, ĩgũsã oparãgueta ĩgũrẽ bũremuñurã. Irasũ bũremukererã, fariseo bumarãrẽ gũisĩã, gajirãrẽ Jesũre ĩgũsã bũremurĩrẽ werebiriñurã. Fariseo bumarã ĩgũsãrẽ: “Neõ marĩ judío masaka nerẽrĩ wi-igũe ñajãnemobirikõãka!” ārĩbukuma, ārĩrã, irasiriñurã. ⁴³ Irasirirã Jesũre bũremukererã, gajirã masaka, Marĩpũ nemorõ ĩgũsãrẽ: “Õãrã āārĩma”, ārĩmakũ gããmeñurã.

Masaka Jesũs wererire pédũabiri waja wajamoãsrãkuma, ārĩ gojadea

⁴⁴ Jesũs masaka péburo, ārĩgũ, bũro bũsũro merã āsũ ārĩ weremi:

—Yũre bũremugũ yũ ditare bũremubemi. Yũpũ yũre iriudidere bũremumi. ⁴⁵ Yũre ĩãgũ, yũre iriudidere ĩãmi. ⁴⁶ Yũ sĩãgori sĩgũ āārĩgũ ĩ ũmũguere yũre bũremurã yũre iriudire masĩmerã irirosũ āārĩbirikõãburo, ārĩgũ aaribũ. Irasirirã naĩtĩārõgue āārĩrã irirosũ āārĩbirikuma. ⁴⁷ Yũ wererire pékererã, irire irimerãrẽ yũ wajamoãbirikoa. Yũ ĩ ũmũguere masakare wajamoãgũ aaribiribũ. Ubu gapũ taugũ aaribũ, ĩgũsã perebiri peamegue waabirikõãburo, ārĩgũ. ⁴⁸ Yũre gããmemerã, yũ wererire pédũamerã wajamoãsrãkuma. ĩgũsãrẽ wajamoãbu, Yũpũ āārĩmi. ĩ ũmũ peremakũ, yũ ĩgũya werenĩrĩ wererire pébiridea waja ĩgũsãrẽ wajamoãgukumi. ⁴⁹ Yũ gããmerõ werebea. Yũpũ yũre iriudi ĩgũ weredorerosũta werea. ĩgũ yũre buedorerosũta buea. ⁵⁰ Yũpũ dorerosũta irigũno, ũmũgasigue perebiri okarire opagukumi. Irasirigũ Yũpũ yũre weredorerosũta mũsãrẽ werea, ārĩmi Jesũs.

13

Jesũs ĩgũ buerãya guburire koedea

¹ Pascua bosenu waaburo mérōgā dɔyabu. Jesús i ũmurē wiri, ĩgũ Pagu puo waaburo mérōgā dɔyarire masĩsiami. ĩgũyarā i ũmugue āārĩrārē neō maĩduúbirimi. ĩgũsarē buro maĩrĩrē ĩmuburo mérōgā dɔyabu.

²⁻⁴ Wātĩ Judare Simón Iscariote magūrē ĩgũya gũnarĩgue Jesúre wějēduarāguere ĩgūrē ĩmudoresiadi āārĩmĩ. Jesús ĩgũ Pagu puo merā aarideare, puu ĩgũ irogue waaburire masĩmi. Marĩpu ĩgũ Pagu āārĩpererārē dorebure pídeadere masĩmi. Irasirigu gha ĩgũ buerā merā baa doanĩadi, wāgānugā, ĩgũya surĩro wekamañerē túwea, túkoeri gasiro merā ĩgũya yujũrure suami. ⁵ Saa odo, soropa merā deko piusā, guare ĩgũ buerārē guaya guburire koenugāmi. Suguya guburire koe odo, ĩgũ suadea gasiro merā túkoemi. Gajirāya guburidere irasũ dita irimi.

⁶ ĩgũ Simón Pedroya guburire koebu irimakũ ĩāgũ, Pedro ĩgūrē ārĩmi:

—Yu Opu, ¿yaa guburire koeri mu?

⁷ Jesús ĩgūrē ārĩmi:

—Dapagora yu iririre mu pémasĩbea. Pũrugue pémasĩgũkoa.

⁸ Pedro ĩgūrē ārĩmi:

—Yaa guburire mu neō koebirikoa.

Jesús ĩgūrē ārĩmi:

—Murē yu koebirimakũ, yaagu āārĩbirikoa.

⁹ ĩgũ irasũ ārĩmakũ pégu, Simón Pedro ĩgūrē ārĩmi:

—Yu Opu, yaa guburi ditare koebirikōāka! Yaa guburire koegu, yaa mojōrĩ, yaa dipurudere koeka!

¹⁰ ĩgũ irasũ ārĩmakũ, Jesús āsũ ārĩmi:

—Sugu masakũ oārō guuadigue dupaturi guuabirikumi. Naagorena odoadero puu, ĩgũya guburi ditare koekumi. Āārĩpererā musā gurari marĩrā irirosũ āārā. Irasũ āārĩkeremakũ, sugu musā merāmu ñegũ, gurarikugu irirosũ āārĩmi.

¹¹ Jesús, Judas ĩgūrē wějēduarāguere ĩgūrē ĩmuburire masĩsiami. Irire masĩsĩā: “Sugu musā merāmu ñegũ, gurarikugu irirosũ āārĩmi”, ārĩgũ irimi.

¹² Guaya guburire koe odo, ĩgũya wekamañerē sãña, ĩgũ doaderogue dupaturi eja doaja, guare āsũ ārĩmi:

—¿Yu musārē dapagora iririre pémasĩrĩ musā? ¹³ Musā yure: “Guare buegu, gha Opu āārā”, ārĩrā, keoro werea. Diayeta yu musārē buegu, musā Opu āārā. ¹⁴ Yu musārē buegu, musā Opu āārĩkeregu, musāya guburire koeabu. Irasirirā musādere musāya guburire gāme koero gāāmea. ¹⁵ Musā gāme iritamumakũ gāāmegũ, musārē irasiri ĩmuabu, yu musārē iriaderosũta iriburo, ārĩgũ. ¹⁶ Diayeta musārē werea. Neō sugu moāboerimasũ, ĩgũ opu nemorō āārĩbirikumi. Sugu iriusũdi, ĩgūrē iriudi nemorō āārĩbirikumi. ¹⁷ Musā ire pémasĩrā, ire irirā, usuyari merā āārĩrākoa.

¹⁸ Yu irire ārĩgũ, musā āārĩpererārē ārĩbea. Yu beyenerārē masĩa. Marĩpuya werenĩrĩ gojadea pũgue ārĩderosũta keoro waarokoa. Āsũ ārĩ gojasũdero āārĩbũ: “Yu merā baaguta yure ĩaturigu dujami”, ārĩ gojasũdero āārĩbũ. ¹⁹ I waaburi dupiyuro yu musārē werea. Irasirirā yu weredea keoro waadero puu: “ĩgũ āārā yu*”, ārĩdeare buremurākoa. ²⁰ Diayeta musārē werea. Yu iriunerārē oārō merā bokatĩrĩñeāgũno, yudere bokatĩrĩñeāmi. Yure oārō merā bokatĩrĩñeāgũ, yure iriuididere bokatĩrĩñeāmi, ārĩmi Jesús.

Judas Jesúre wějēduarāguere ĩgūrē ĩmuburire weredea
(Mt 26.20-25; Mr 14.17-21; Lc 22.21-23)

* **13:19** Exodo 3.13-15: Iripogue Moisés Marĩpure sērēñadi āārĩmĩ: “Israel bumarā yure: ‘¿Mu iriudi wāĩ naásũ āārĩrĩ?’ ārĩ sērēñamakũ, ¿naásũ ārĩ weregũkuri?” Marĩpu ĩgūrē āsũ ārĩdi āārĩmĩ: “Yu wāĩ ‘YO SOY EL QUE SOY’ āārā. Irasirigu Israel bumarārē āsũ ārĩ wereka: ‘YO SOY yure musāguere weredoregu iriumi’, ārĩka!” ārĩdi āārĩmĩ. “YO SOY EL QUE SOY”, ārĩrō: “Yu āārĩngũta āārā, o ĩgũ āārā yu”, ārĩduaro yáa.

²¹ Irasũ arĩ odo, Jesús buru bujawereri merã aarĩmĩ. Guare pemasĩma õarõ asũ arĩ weremi:

—Diayeta musãrẽ werea. Sugũ musã merãmu yure wẽjẽduarãguere yure ãmugukumi.

²² Igũ irasũ arĩmakũ pérã, gũa: “¿Noãrẽ irasũ arĩrĩ?” arĩrã, gãme ãã oya doanĩbu. ²³ Yu Juan, Jesús buegu igũ maĩsũgũ, igũ purugã doabu. ²⁴ Simón Pedro igũya mojõ merã yure soepumi, Jesũre igũ irasũ arĩrĩrẽ sãrẽñadoregu. ²⁵ Irasirigu yu Jesús purugã gãme doaweya, igũrẽ sãrẽñabu:

—Yu Orũ, ¿noã aarĩrĩ igũ?

²⁶ Jesús yure arĩmi:

—Yu pãrũrẽ moãwa, yosa, igũrẽ sũgũkoa. Igũta aarĩmi yure ãmubu.

Irasũ arĩ odo, pãrũrẽ moãwa, yosa, Judare Simón Iscariote magũrẽ sĩmi. ²⁷ Judas ire ñeãmakũ, mata wãtĩ igũguere ñajãdi aarĩmĩ. Irasirigu Jesús Judare arĩmi:

—Mu iriburire iripurumuka!

²⁸ Jesús igũrẽ irasũ arĩrĩrẽ pakererã, gũa irogue baa doanĩrã irire pemasĩbiribu. ²⁹ Surãyeri gũa asũ arĩ gũñabu: “Judas gũa niyerure koregu aarĩmi. Irasirigu Jesús igũrẽ gũa bosenũ baaburire wajaridoregu iriuami, o boporãrẽ niyerure sĩdoregu iriuami”, arĩbu. ³⁰ Judas iri pãrũrẽ moãwa, yosadeare ñeã odogũta gũa purugue aarĩdi wiriakõami. Igũ wiriaripoe ñamigue aarĩbũ.

Jesús maama dorerire weredeã

³¹ Judas waadero purũ, Jesús guare arĩmi:

—Dapagora Marĩpu yu aarĩpererã tĩgũ yu turagu aarĩrĩrẽ masakare ãmugukumi. Irasũ aarĩmakũ, yu merã igũ turagu aarĩrĩdere ãmugukumi. ³² Yu merã igũ turagu aarĩrĩrẽ ãmugũ, yu turagu aarĩrĩdere ãmugukumi. Dapagorata iripurumugukumi. ³³ Yaarã, yure péka! Yoaweyaripoeta musã merã aarĩgũkoa. Musã yure amarãkoa. Irasirigu yu judío masakare dupiyurogue arĩderosũta dapagora musãdere: “Yu waaburore musã waamasĩbea”, arĩ werea. ³⁴ Maama dorerire musãrẽ píguara. Asũ arã. Gãme maĩka! Yu musãrẽ maĩrõsũta gãme maĩka! ³⁵ Musã gãme maĩmakũ ããrã, aarĩpererã masaka musãrẽ yu buerã aarĩrĩrẽ masĩrãkuma, arĩmi Jesús.

*Jesús Pedrorẽ: “Yure masĩkeregu: ‘Masĩbea’, arĩgũkoa”, arĩ weredeã
(Mt 26.31-35; Mr 14.27-31; Lc 22.31-34)*

³⁶ Simón Pedro Jesũre sãrẽñami:

—Yu Orũ, ¿noógue waagũkuri mu? arĩmi.

Jesús igũrẽ arĩmi:

—Yu dapagora waaburoguere mu yu merã waamasĩbea. Purũ yu purugue waagũkoa.

³⁷ Igũ irasũ arĩmakũ pégu, Pedro igũrẽ arĩmi:

—Yu Orũ, ¿nasiribu dapagorata yu mu merã waamasĩbirikuri? Igũsã yure wẽjẽduakeremakũ, yu murẽ béobirikoa. Mũya aarĩburire boabosagũkoa.

³⁸ Jesús igũrẽ arĩmi:

—“Mũya aarĩburire boabosagũkoa”, arã mu. ¿Aarĩrõta yure iribosagũkuri? Diayeta murẽ werea. Agãbo wereburo dupiyuro mu yure urea gajirãrẽ: “Igũrẽ masĩbea”, arĩgũkoa, arĩmi.

14

Jesũre burũmurã Marĩpu purũ waaburire weredeã

¹ Jesús guare asũ arĩmi:

—Buru gũñarikũbirikõãka! Marĩpũre burũmuka! Yũdere burũmuka! ² Yũpu purugue su wii wãri taridupabu opari wii irirosũ aarã. Irogue musã aarĩburore amuyugu waagũkoa. Iri diaye aarĩbirimakũ, musãrẽ irire werebiriboayo. ³ Musã aarĩburore amũ

odo, dupaturi aarigukoa musârê ãibu. Irasirirã musãde yu purogue yu merã ããrĩrãkoa. ⁴ Musã yu waaburore, yu iroguë waaburi maarê masĩa, ãrĩmi Jesús.

⁵ Tomás ïgũrê ãrĩmi:

—Gua Opu, mu waaburore masĩbea. ¿Nasiri mu waaburi maarê gua masĩrãkuri?

⁶ Jesús ïgũrê ãrĩmi:

—Yu dita Yuru purogue waarĩ maa irirosũ ããrã. Yu diayema ããrĩrẽ masakare masĩmakũ irigu, ïgũsãrê okamakũ irigu ããrã. Yu merãta Yuru purogue waarãkuma. ⁷ Musã yure masĩrã, Yurudere masĩboayo. Dapagora merã ïgũrê masĩsiãa. ïgũrê ïãsiãa.

⁸ ïgũ irasũ ãrĩmakũ, Felipe ïgũrê ãrĩmi:

—Gua Opu, Marĩpũre ïmuka guare! Iropata gããmea gua.

⁹ Jesús ïgũrê ãrĩmi:

—Felipe, yu yoaripoe musã merã ããrĩkeremakũ, ¿yure masĩberi? Sugũ yure ïãgũno, Yurudere ïãmi. ¿Nasirigu mu yure: “Marĩpũre ïmuka guare!” ãrĩrĩ? ¹⁰ ¿Yuru yugũere ããrĩrẽ, irasũ ããrĩmakũ yu ïgũ merã ããrĩrẽ buremuberi? Yu musãrê weregu, yu gããmerõ werebea. Yuru yugũere ããrĩgũ yu merã iri ïmugũ yãmi. ¹¹ Yu musãrê: “Yuru yugũere ããrĩmi, irasũ ããrĩmakũ yu ïgũ merã ããrã”, ãrĩ wererire: “Diayeta ããrã”, ãrĩ buremuka! Musã yu wererire pédero puru buremumerã, Yuru turari merã yu iri ïmurĩ gapũre gũñaka! Irire gũñarã, yu wereridere buremuka! ¹² Diayeta musãrê werea. Yure buremugũ, yu iriderosũta irigukumi. Yu, Yuru purogue waabu yãa. Yu waamakũ, yure buremugũ yu nemorõ wãri Yuru turari merã iri ïmurĩrẽ irigukumi. ¹³ Musã yure buremumakũ, ããrĩpereri musã yu wãĩ merã yure sêrêrẽrẽ pégukoa. Irasirigu musã yure sêrêrõsũta irigukoa. Yu irasiriri merã musãrê Yuru turagu ããrĩrẽ masĩmakũ irigukoa. ¹⁴ Musã yu wãĩ merã yure sêrêrõsũta irigukoa.

Jesús: “Õãgũ deyomarĩgũrê musãrê iriugũra”, ãrĩ werede

¹⁵ Musã yure maĩrã, yu dorerire irirãkoa. ¹⁶ Yurũre musãya ããrĩburire sêrêbosagukoa. Irasirimakũ, Yuru gajigũre iriugukumi, musãrê iritamuburo, ãrĩgũ. ïgũ iriubu musã merã ããrĩnikõãgukumi. ¹⁷ ïgũ Õãgũ deyomarĩgũ musãrê diayemarê masĩmakũ irigu ããrĩmi. I ãmu marã yure buremumerã gapu ïgũrê masĩbema. Irasirirã ïgũrê bokatĩrĩñeãmasĩbema. ïgũ musã merã ããrĩmi. Irasũ ããrĩmakũ, musãguere ããrĩnikõãgukumi. Irasirirã ïgũrê masĩa. ¹⁸ Yu musãrê béowãgãbirikoa. Musã merãta ããrĩgũ aarigukoa doja. ¹⁹ Mérõgã duyãa yu waaburo. Yu waadero puru, i ãmu marã yure buremumerã neõ ïãbirikuma. Musã gapu yure ïãrãkoa. Yu okãa. Irasirirã musãde okarãkoa. ²⁰ Yu aariburinũrê yu, Yuru merã sugũta ããrĩrẽ masĩrãkoa. Irasũ ããrĩmakũ, musã yu merã ããrĩrẽ, yu musãguere ããrĩrẽ masĩrãkoa. ²¹ Yu dorerire masĩgũ irire irigu yure maĩgũta ããrĩmi. Yuru yure maĩgũrê maĩgukumi. Yude ïgũrê maĩgukoa. ïgũrê yaamarê õãrõ masĩmakũ irigukoa, ãrĩmi Jesús.

²² ïgũ irasũ ãrĩmakũ, gajigu Judas wãikũgu Jesũre sêrêñami. Judas Iscariote meta ããrĩmi.

—Gua Opu, ¿nasirigu gua ditare mu ããrĩrikũrere masĩmakũ irigukuri? ¿Nasirigu i ãmu marã gapũre irire masĩmakũ iribirikuri?

²³ Jesús ïgũrê ãrĩmi:

—Yure maĩgũ yu dorerire irigukumi. Yuru ïgũrê maĩgukumi. Yuru, irasũ ããrĩmakũ yu ïgũ merã ããrĩrã aarirãkoa. ²⁴ Yure maĩbi gapu yu dorerire iribemi. Yu musãrê wereri, yaa werenĩrĩ ããrĩbea. Yuru yure iriudiya gapu werenĩrĩ ããrã.

²⁵ Yu musã merã ããrĩgũ, i ããrĩpererire musãrê werea. ²⁶ Yu sêrêmakũ, Yuru Õãgũ deyomarĩgũrê musãguere iriugukumi. Irasirigu Õãgũ deyomarĩgũ musãrê iritamubu ããrĩsĩã, ããrĩpererire buegukumi. ããrĩpereri yu musãrê weredeare gũñamakũ irigukumi.

²⁷ Yu musãrê siñajãrĩ merã ããrĩmakũ irigukoa. Yu siñajãrĩ merã ããrĩgũ irirosũ musãdere siñajãrĩ merã ããrĩmakũ irigukoa. Yu musãrê siñajãrĩ merã ããrĩmakũ iriri, i ãmuma irirosũ ããrĩbea. Bũro gũñariku, guibirikõãka! ²⁸ Yu musãrê: “Waa, dupaturi musã merãta ããrĩgũ

aarigukoa doja”, āri weremakū pébu musā. Yurū yu nemorō āārīmi. Irasirirā īgū purogue yu waaburire pédero puru, musā yure diaye maĩrā, usuyari merā āārīboayo. ²⁹ Yu musārē ire wereyugu iriabū. Irasirirā ire keoro waamakū, yu musārē weredeare: “Diayeta guare weremi”, āri buremurākoa.

³⁰ I ūmu marārē doregu ñegū āārīmi. Īgū aaribu yāmi. Irasirigu yu musārē mérōgā wereninemogura. Īgū yure neō doremasībemi. ³¹ Yu, Yurū gapure maĩa. Irasirigu īgū yure doreri gapure yāa, yu īgūrē maĩrīrē i ūmu marārē masīburo, ārīgū. Wāgānugāka! Náka waarā! ārīmi Jesús.

15

Jesús iguida keori merā werede

¹ Jesús keori merā guare āsū āri weremi:

—Yu diayeta iguida irirosū āārā. Yurū iridare koregu irirosū āārīmi. ² Yaarā iridama dūpuri irirosū āārīma. Yurū iguidare koregu duka marīrī dūpuri ditibéogu irirosū yāmi. Gaji dukakuri dūpuri gapure ditiwea āmugū irirosū yāmi dukakunemoburo, ārīgū. ³ Musā yu weredeare buremurā āārā. Irasirigu Yurū musārē ñerī opamerā āārīmakū irisiami. ⁴ Yu merā ōārō āārīka! Irasirigu musāguere ōārō āārīnikōāgukoa. Su iguidama dūpuri iridaguere marīrō iri dūpuri seyaro dukakubirikoa. I irirosūta yu merā ōārō āārīmerā neō ōārī duka sībiri dūpuri irirosū āārīma.

⁵ Yu iguida irirosū āārā. Musā yaarā iridama dūpuri irirosū āārā. Yu merā ōārō āārīnīrāno, yude īgūsāguere ōārō āārīnīmakū, īgūsā ōārō dukakuri dūpuri irirosū āārīma. Musā yu merā ōārō āārīmerā, ōārīrē neō irimasībea. ⁶ Yu merā ōārō āārīmerā ditibéodea dūpuri bojegue ñaī oyanīrī dūpuri sea, peamegue soebéoro irirosū āārīrākuma.

⁷ Musā yu merā ōārō āārīnīrā, yu buerire kātīmerā, musā gāāmerīnorē Yurūre: “Sīka!” āri sērēmakū, sīgukumi. ⁸ Musā wāri ōārī dukakuri dūpuri irirosū āārīmakū īārā, gajirā masaka Yurūre: “Ōātarigu āārīmi”, āri masīrākuma. Irasirirā musā wāri ōārī irirā, diayeta yu buerā āārīrīrē gajirārē masīmakū yāa. ⁹ Yurū yure maĩrōsūta yude musārē maĩa. Irasirirā yu musārē maīgū merā āārīnīka, yu maĩrīrē masīmurā! ¹⁰ Yu, Yurū yure maīgū dorerire irigu, īgū merā ōārō āārīnikōāa. Irasūta musāde yu dorerire irirā, yu musārē maīgū merā ōārō āārīnikōāa.

¹¹ Ire musārē werea musā yu merā usuyaburo, ārīgū. Irasirirā usuyari opatarirākoa. ¹² Yu doreri āsū ārā. Yu musārē maĩrōsūta gāme maĩka! ¹³ Sugū masakū īgū merāmarārē boabosagu, gajirā nemorō īgūsārē maĩmi. ¹⁴ Musā yu dorerire irirā yu merāmarā āārā. ¹⁵ Dapagorare yu musārē: “Yure moāboerā āārā”, ārībirikoa. Moāboerā īgūsā opu iririre masībirikuma. Yu gapu Yurū yure weredeare musārē werepeobu. Irasirigu musārē: “Yu merāmarā”, ārā. ¹⁶ Musā yure beyebiribū. Yu gapu musārē beyebu wāri ōārīrē irirā waaburo, ārīgū. Musā ōārī iriri, ōārī duka neō boabiri irirosū āārā. Irasirirā musā yure buremumakū, Yurū musā yu wāi merā īgūrē sērērōsūta musārē sīgukumi. ¹⁷ Yu musārē dorea. Musā basi gāme maĩka!

I ūmu marā Jesúre, īgūyarārē iāturiburire werede

¹⁸ I ūmu marā musārē iāturimakū īārā, yure iāturipurorideare masīka! ¹⁹ Musā diayeta i ūmu marā āārīmakū, īgūsā merāmarārē maĩrōsūta musādere maībukuma. Yu musārē i ūmu marā watopegue āārīrārē beyebu. Irasirirā i ūmu marāgora āārībea. Musā īgūsā irirosū āārībirimakū īārā, i ūmu marā musārē iāturima. ²⁰ Yu musārē ārīdeare gūñaka! “Neō sugū moāboerimasū, īgū opu nemorō āārībirikumi”, ārību. Īgūsā yure ñerō irirā, musādere ñerō irirākuma. Yu buerire pérā, musā bueridere pérākuma. ²¹ I ūmu marā yure iriudire masībema. Irasirirā musā yure buremumakū īārā, musārē āārīpereri ñerī irirākuma.

²² Yu īgūsārē weregu aaribirimakū, neō ñerī iridea wajare opabiribukuma. Dapagorare yu īgūsārē weredero puru: “Ñerī iridea wajare opabea gu”, ārīmasībema. ²³ Yure

ĩaturigu Yũpũdere ĩaturimi. ²⁴ Yũ, Yũpũ turari merã iri ĩmugũ, gajirã neõ iribirideare iribũ. Yũ ĩgũ turari merã iri ĩmubirimakũ, neõ waja opabiribukuma. ĩgũsã yũ iri ĩmurĩrẽ ĩãma. Irire ĩãdero pũrũ, yũre, Yũpũdere ĩaturima. ²⁵ I ĩaturiri, Marĩpũya werenĩrĩ gojadea pũgue gojaderosũta keoro waaró yãa. Āsũ ãrĩ gojasũdero ããrĩbũ: “ĩgũsã yũre: ‘Ñerõ yãmi’, ãrĩmasĩbirikererã, ĩaturima”, ãrĩ gojasũdero ããrĩbũ.

²⁶ ’Õãgũ deyomarĩgũ, mũsãrẽ iritamugũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Yũ ĩgũrẽ Yũpũ merã ããrĩgũrẽ mũsãrẽ iriugũkoa. ĩgũ yaamarẽ weregũkumi mũsãrẽ. ²⁷ Yũ mũsãrẽ buerpũrorimakũgueta yũ merã ããrĩbũ. Irasirirã mũsãde yaamarẽ wererãkoa, ãrĩmi Jesũs.

16

¹ Jesũs gũare ãsũ ãrĩnemomi doja:

—Yũ mũsãrẽ irire wereabũ, yũre piribirikõãburo, ãrĩgũ. ² Judío masaka ĩgũsã nerẽrĩ wi-irigue mũsã ããrãnerãrẽ bẽowĩurãkuma. Gajipoe gajirã mũsãrẽ wẽjẽrã: “Marĩpũ gããmerĩrẽ yãa”, ãrĩ gũñarãkuma. ³ Yũre, Yũpũdere masĩmerã ããrĩsĩã, irasirirãkuma. ⁴ Yũ irire werea mũsã, ĩgũsã irasirimakũ ĩãrã: “Jesũs gũare irireta weremi”, ãrĩ gũñaburo, ãrĩgũ.

Jesũs, ’Õãgũ deyomarĩgũ irimarẽ weredea

’Yũ neõgorague mũsã merã ããrĩsĩã, ire werebiribũ. ⁵ Dapagorare yũre iriudi pũrogue waagũkoa. Yũ mũsãrẽ ire werekeremakũ, neõ sugũ yũre: “¿Noógue waagũkuri?” ãrĩ sãrẽñabea. ⁶ Irasirirã yũ waaburire weremakũ pãrã, yũ waaburo gapũre sãrẽñabirisĩã, bũro bujawereri merã ããrã. ⁷ Diayeta mũsãrẽ werea. Yũ waadero pũrũ, õãrokoa mũsãrẽ. Yũ waabirimakũ, ’Õãgũ deyomarĩgũ mũsãrẽ iritamubu aaribiribukumi. Yũ irogue waagũ, ĩgũrẽ mũsãrẽ iriugũkoa, mũsã merã ããrĩnikõãburo, ãrĩgũ. ⁸ ĩgũ aarigũ, i ãmũ marãrẽ ĩgũsã ñerõ irirã ããrĩrĩrẽ, yũ diayema irigu ããrĩrĩrẽ, ĩgũsã ñerõ iridea waja Marĩpũ ĩgũsãrẽ wajamoãburire masĩmakũ irigũkumi. ⁹ ĩgũsã yũre buremubirisĩã, ñerã ããrĩma. ¹⁰ Yũ, Yũpũ pũrogue waamakũ, mũsã yũre ĩãnemobirikoa. Yũ irogue waamakũ, ’Õãgũ deyomarĩgũ aarigũkumi, i ãmũ marãrẽ yũ diayema irigu ããrĩrĩrẽ masĩmakũ iribu. ¹¹ I ãmũ marãrẽ doregũ ñegũ ĩgũsãrẽ ñerĩ iridoreri waja, Yũpũ ĩgũrẽ wajamoãdoresiami. Irasirigu ’Õãgũ deyomarĩgũ aarigũ, ĩgũsãrẽ Yũpũ ĩgũrẽ wajamoãdoredeare masĩmakũ irigũkumi.

¹² ’Wãri ããrã mũsãrẽ yũ wereburi. Dapagorare yũ ire weremakũ, mũsã pãmasĩbiribukoa. ¹³ ’Õãgũ deyomarĩgũ gapũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Irasirigu mũsãrẽ i ããrĩpererire buegũkumi. ĩgũ gããmerõ werebirikumi. Yũpũ ĩgũrẽ weredorerire, pũrũgue waaburidere mũsãrẽ weregũkumi. ¹⁴ Yũ ĩgũrẽ wererire pãdeare mũsãrẽ masĩmakũ irigu, yũ õãrõ ããrĩrĩrẽ masĩmakũ irigũkumi. ¹⁵ ããrĩpereri Yũpũ opari, yaa ããrã. Irasirigu yũ mũsãrẽ: “’Õãgũ deyomarĩgũ mũsãrẽ yaamarẽ masĩmakũ irigũkumi”, ãrãbũ.

Bũjawerenerã, mũsãyari merã ããrĩburire weredea

¹⁶ ’Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja. I Yũpũ pũrogue waadero pũrũ, irasũ waarokoa, ãrĩmi.

¹⁷ ĩgũ irasũ ãrĩmakũ pãrã, gũa surãyeri ãsũ ãrĩ gãme werenĩbũ:

—¿Naásũ ãrĩdũaro irikuri ĩgũ irasũ ãrĩrĩ? ĩgũ marĩrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”. Ire ãrĩ odo: “I Yũpũ pũrogue waadero pũrũ, irasũ waarokoa”, ãrĩmi. ¹⁸ ĩgũ marĩrẽ: “Mérõgã pũrũ”, ãrĩmakũ, ¿naásũ ãrĩdũaro irikuri? ĩgũ irasũ ãrĩrĩrẽ marĩ pãmasĩbea, ãrĩbũ.

¹⁹ Jesũs ĩgũrẽ gũa sãrẽñadũarire masĩkõãmi. Irasirigu gũare ãrĩmi:

—Yũ mũsãrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”, ¿ãrĩ wererire gãme sãrẽñarã yãri? ²⁰ Diayeta mũsãrẽ werea. Yũ boamakũ ĩãrã, bũro

bujawereri merã orerãkoa. I ùmu marã yure buremumerã gapu usuyari merã ããrĩrãkuma. Musã bujawererã, puru usuyarãkoa. ²¹ Æsũ ããrã. Nomeo majĩgũ kãoburo dupiyurogã, igore pũrĩrĩrẽ bujawereri merã gũñakumo. Majĩgũgã deyoadore iãgõ, usuyakumo. Igore pũrĩadeare gũñanemobirikumo. ²² Musãde irasũta dapagorare bujawereri merã ããrã. Puru yu musãrẽ dupaturi iãgũ aarigũkoa. Yu irasirimakũ iãrã, musã usuyari opatarirãkoa. Musã irasũ usuyari merã ããrĩmakũ, gajirã musãrẽ bujaweremakũ irimasĩbirikuma.

²³ Irinurẽ yure neo sërẽñabirikoa. Diayeta musãrẽ werea. Musã yure buremumakũ iãgũ, Yurũ ããrĩpereri musã yu wãĩ merã ãgũrẽ sërẽrĩrẽ pégũ, musã sërẽrõsũta sīgũkumi. ²⁴ Iro dupiyurogue musã yu wãĩ merã Yurũre neo sërẽbiribu. Dapagorare yu wãĩ merã ãgũrẽ sërẽka! Musã irasũ sërẽmakũ, musã sërẽrõsũta sīgũkumi. Irasirirã usuyari opatarirãkoa.

Jesús i ùmu marã ñerãrẽ tarinũgãdeare weredea

²⁵ Yu keori merã musãrẽ wereabu. Puru keori merã werebirikoa. Irasirirã, Yurũyamarẽ yu wererire õãrõ pemasĩrãkoa. ²⁶ Musã Yurũyamarẽ õãrõ pemasĩrinurẽ yu wãĩ merã ãgũrẽ sërẽrãkoa. Irasũ ãrĩgũ: “Musãya ããrĩburire yu ãgũrẽ sërẽbosagũkoa”, ãrĩgũ meta yãa. ²⁷ Yurũ musãrẽ maĩmi. Irasirirã musã yu wãĩ merã musã basi ãgũrẽ sërẽrãkoa. Musã yure maĩa. Irasũ ããrĩmakũ musã yure: “Marĩpu purogue ããrĩdi, ãgũ iriudi ããrã”, ãrĩ buremua. ²⁸ Yu, Yurũ purogue ããrĩdi, i ùmũguere aaribũ. Dapagorare i ùmũgue ããrĩdi, Yurũ purogue waagũkoa doja, ãrĩmi Jesús.

²⁹ ãgũ irasũ ãrĩmakũ pérã, gũ ãgũ buerã ãgũrẽ ãrĩbu:

—Dapagorare keori merã mu gũare werebea. Irasirirã mu wererire pemasĩa.

³⁰ Dapagorare gũ masĩa. Mu ããrĩpererire masĩpeokõãa. Gajirã murẽ sërẽñabirikeremakũ, ãgũsã gũñarĩgue sërẽñaduarire mu masĩa. Irasirirã: “Marĩpu purogue ããrĩdi, ãgũ iriudi ããrã”, ãrĩ buremua, ãrĩbu.

³¹ Jesús gũare ãrĩmi:

—¿Dapagorare buremurĩ? ³² Mérõgã duyãa, musã yure beowãgãburo. Musãya wiirigue waasiri, yure suguta dujamakũ irirãkoa. Musã irasirikeremakũ, Yurũ gapu yu merã ããrĩmi. Irasirigũ yu suguta ããrĩbea. ³³ Musã yu merã õãrõ siñajãrĩ opaburo, ãrĩgũ, musãrẽ i ããrĩpererire wereabu. Musã i ùmũgue ããrĩripoe i ùmu marã musãrẽ ñerõ tarimakũ irirãkuma. ãgũsã irasirikeremakũ, yu merã gũñaturaka! Yu i ùmu marã ñerãrẽ tarinũgãdigue ããrã. Irasirirã yu merã gũñatura usuyaka! ãrĩmi Jesús.

17

Jesús ãgũ buerãya ããrĩburire Marĩpũre sërẽbosadea

¹ Jesús irasũ ãrĩ odo, ùmũgasigue ããmu, ãgũ Pagũre ãsũ ãrĩmi:

—Au, dapagorare mu ãrĩderosũta yure waaburi ejasiãa. Irasirigũ masakare yu mu magũ, mu iriudi ããrĩrĩrẽ ãmuka! Mu irasirimakũ, yu mu turagu, mu õãgũ ããrĩrĩrẽ ãgũsãrẽ ãmũgũkoa. ² Mu yure masaka ããrĩpererãrẽ doregu píbu, mu yure sĩnerãrẽ ùmũgasigue perebiri okari opamakũ iridoregu. ³ Masaka mu diayeta Marĩpu sugũ ããrĩgũ ããrĩrĩrẽ, irasũ ããrĩmakũ yu Jesucristo mu iriudi ããrĩrĩrẽ masĩrã, ùmũgasigue perebiri okari opamurã ããrĩma.

⁴ I ùmũguere mu yure iridoredeare yu iriyuwarikũbu. Irasirigũ i ùmu marãrẽ mu turagu, õãgũ ããrĩrĩrẽ ãmubu. ⁵ Au, mu i ùmurẽ iriburo dupiyuro yu mu merã õãrõ ããrĩbu. Mu ããrĩrikũrĩre opabu. Irasirigũ dapagorare mu ããrĩrõgue yu mu merã õãrõ ããrĩmakũ murãrõta irika!

⁶ Mu yure sĩnerãrẽ i ùmu marã watope ããrĩrãrẽ beyenerãrẽ mu ããrĩrikũrĩre masĩmakũ iribu. Mu yure sĩnerã mũyarã ããrĩma. Mu dorerire irima. ⁷ Dapagorare masĩma. ããrĩpereri yu opari, mu yure sĩdea ããrã. ⁸ Mu yure weredoredeare ãgũsãrẽ werebu. Yu wererire pérã, buremuma. Yu diayeta mu purõ ããrĩdi ããrĩrĩrẽ masĩma. Yu mu iriudi ããrĩrĩrẽ: “Diayeta ããrã”, ãrĩ buremuma.

⁹ 'Y_H ĩgūsāya āārĩburire sērēbosáa. Gajirā i ũm_H marā y_Hre b_Hremumerāya āārĩburi gap_Hre sērēbosabea. Y_Hre b_Hremurā m_H y_Hre sīnerā m_Hy_Harā āārĩma. Irasirig_H ĩgūsāya āārĩburire sērēbosáa. ¹⁰ Āārĩpererā yaarā, m_Hy_Harā āārĩma. Irasirirā m_Hy_Harāde, yaarā āārĩma. ĩgūsā yaarā āārĩsīā, y_H oārō āārĩrikurire masakare masĩmakū yāma.

¹¹ 'Y_H i ũm_Hguere dujabirikoa. M_H y_Hre sīnerā gap_H i ũm_Hguere dujarākuma. A_H, m_H oāgū āārā. M_H wāi merā m_H turari merā ĩgūsārē koreka, marĩ sug_H āārĩnĩrōsūta ĩgūsāde suro merā āārĩnĩkōāburo, ārĩgū. ¹² Y_H i ũm_Hguere m_H y_Hre sīnerā merā āārĩgú, m_H turari merā ĩgūsārē oārō koreb_H. Neō sug_H dederibirima. Sug_Hta peamegue waadederibu āārĩmi. M_Hya werenĩrĩ gojadea pūgue ārĩderosūta iri irasū waab_H.

¹³ 'Dapagorare y_H m_H p_Hrogue waabu yāa. Y_H waaburi dupiyuro i ũm_Hgue āārĩgú i āārĩpererire y_Hre b_Hremurārē werea, ĩgūsāde y_H irirosūta m_Hy_Hari opatariburo, ārĩgū. ¹⁴ M_Hya kerere ĩgūsārē wereb_H. Y_H i ũm_Hm_H āārĩbea. Irasirirā y_Hre b_Hremurāde i ũm_H marā irirosū āārĩbema. Irasirirā i ũm_H marā y_Hre ĩāturirosūta y_Hre b_Hremurādere ĩāturima. ¹⁵ Y_H m_Hrē: "Y_Hre b_Hremurārē i ũm_Hrē āĩaka!" ārĩ sērēbea. Āsū gap_H ārĩ sērēa. ĩgūsārē oārō koreka, wātĩ ñerĩ iridorerire pébirikōāburo, ārĩgū! ¹⁶ Y_H i ũm_Hm_H āārĩbea. Irasirirā y_Hre b_Hremurāde i ũm_H marā irirosū āārĩbema. ¹⁷ M_Hya kere diayema āārā. Irasirig_H iri merā ĩgūsārē m_H dorerire irirā āārĩmakū irika! ¹⁸ M_H y_Hre m_Hya kerere i ũm_H marārē weredoreg_H iriuderōsūta y_Hre b_Hremurārē m_Hya kerere i ũm_H marārē weredoreg_H iriua. ¹⁹ ĩgūsāya āārĩburire m_H dorerire irig_H yāa, ĩgūsāde diayeta m_H dorerire iriburo, ārĩgū.

²⁰ 'Y_H ĩgūsāya āārĩburi ditare sērēbosabea. ĩgūsā m_Hya kere wererire pérā, gajirāde y_Hre b_Hremurākuma. Irasirig_H y_H ĩgūsāya āārĩburidere sērēbosáa. ²¹ Y_H irire sērēbosáa, y_Hre b_Hremurā āārĩpererā suro merā āārĩburo, ārĩgū. A_H, m_H y_Hguere oārō āārā. Y_H m_H merā āārā. Irasirirā marĩ āārĩrōsūta ĩgūsā marĩ merā oārō āārĩburo. ĩgūsārē suro merā āārĩmakū irika, i ũm_H marā y_H m_H iriudi āārĩrĩrē b_Hremuburo, ārĩgū! ²² M_H āārĩrikurire y_Hre sīb_H. Irasirig_H ĩgūsārē y_H irirosū āārĩrikumakū irib_H, y_H m_H merā sug_H āārĩrōsūta ĩgūsāde suro merā āārĩburo, ārĩgū. ²³ Y_H ĩgūsāguere āārā. M_H y_Hguere āārā. Marĩ ĩgūsā merā āārā, ĩgūsā diayeta suro merā āārĩburo, ārĩrā. ĩgūsā suro merā āārĩmakū ĩārā, i ũm_H marā y_H m_H iriudi āārĩrĩrē, m_H y_Hre maĩrōsūta y_Hre b_Hremurārē maĩrĩrē masĩrākuma.

²⁴ 'A_H, m_H i ũm_Hrē iriburo dupiyuro y_Hre maĩb_H. Irasirig_H m_H āārĩrikurire y_Hre sīb_H. Y_Hre m_H sīnerārē y_H āārĩburogue y_H merā āārĩmakū gāāmea m_H y_Hre āārĩrikurĩ sīdeare masīburo, ārĩgū. ²⁵ A_H, m_H keoro irig_H āārā. I ũm_H marā y_Hre b_Hremumerā m_Hrē masībema. Y_H gap_H m_Hrē masīa. Y_Hre b_Hremurā y_H m_H iriudi āārĩrĩrē masīma. ²⁶ M_H āārĩrikurire ĩgūsārē masĩmakū irib_H. Y_H ĩgūsāguere āārĩgú m_Hrē irasū masĩmakū irinĩkōāgukoa, m_H y_Hre maĩrōsūta ĩgūsāde gāme maĩburo, ārĩgū, ārĩmi Jesús.

18

Jesúre peresu ñeāwāgādea

(Mt 26.47-56; Mr 14.43-50; Lc 22.47-53)

¹ Jesús ĩgū Pagure sērē odoadero p_Hr_H, g_H ĩgū buerā merā Jerusalērē wiri, Cedrón wāikurĩ ũmayuridijari mārē taribuja, olivos wāikurĩ yuku otederogue waami. ² Iro dupiyuro wārĩ Jesús irogue g_Hare siiuwāgānami. Irasirig_H Judas Jesúre ĩāturirāguere ĩgūrē ĩmubu irore masĩmi. ³ Jesús g_H merā irogue ejadero p_Hr_H, Judas subu surara merā aarimĩ. Gajirā surara Marĩp_Hya wiire korerāde ĩgū merā aarimá. ĩgūsā paía oparā, fariseo bumarā iriunerā surara āārĩmá. ĩgūsā mojókurĩ merā, sīāgoriduparu, sīāgori tururi merā aarimá. ⁴ Jesús ĩgūrē waaburire masĩsiami. Irasirig_H, ĩgūsā ĩgū p_Hro ejarimakū, bokatĩrĩ sērēñami:

—¿Noārē āmarĩ m_Hsā?

⁵ ĩgūrē y_Hj_Hma:

—Jesús Nazaretmurẽ ãmáa.

Jesús ìgüsãrẽ ãrĩmi:

—Ìgũta ããrã yu*.

Judas Jesúre wẽjẽduarãguere ìgũrẽ ìmubu surara merã ããrĩmí. ⁶ Jesús: “Ìgũta ããrã yu”, ãrĩmakũ pérã, duusirimawãgã, yebague meémejakõãma. ⁷ Jesús ìgüsãrẽ dupaturi sërẽñami doja:

—¿Noãrẽ ãmarĩ musã?

Ìgũrẽ yujuma:

—Jesús Nazaretmurẽ ãmáa.

⁸ Jesús ìgüsãrẽ ãrĩmi:

—Yu musãrẽ: “Yu ìgũta ããrã”, ãrĩ weresiabu. Yure ãmarã, ìsã yu merãmarãrẽ waadoreka!

⁹ Ìgũ: “Yurũ yure sînerãrẽ neõ sugure dedeubiribu”, ãrĩdeare keoro waaburo, ãrĩgũ, irire irasũ ãrĩmi. ¹⁰ Ìgüsã Jesúre ñeãmurã irimakũ ìãgũ, Simón Pedro sareri majĩrẽ opagu tũãwea ãĩ, paía opure moãboegure Malco wãikugure diaye garũma gãmipũrẽ dítitã dijukõãmi.

¹¹ Jesús garũ Pedrorẽ ãrĩmi:

—Mũya sareri majĩrẽ duripíka! Yurũ yure ñerõ taridorederosũta ñerõ tarigũra, ãrĩmi.

Jesúre paía opũ prougue ãĩadea

(Mt 26.57-58; Mr 14.53-54; Lc 22.54; Jn 11.49-50)

¹² Ìgũ irasũ ãrĩmakũ, surara, ìgüsã opũ, Marĩpũya wiire korerã surara Jesúre ñeã, suama. ¹³ Sua odo, ìgũrẽ Anás wãikugũya wiigũe ãiwãgãpũrorima. Anás, Caifás wãikugũ máñekũ ããrĩmí. Caifás iri bojorire paía opũ ããrĩmí. ¹⁴ Ìgũta iro dupiyuro judío masaka oparãrẽ: “Sugũta masakũ marĩ judío masakaya ããrĩburire boabosamakũ õãrokoa”, ãrĩdi ããrĩmí.

Pedro Jesúre masĩkeregu: “Masĩbea”, ãrĩdea

(Mt 26.69-70; Mr 14.66-68; Lc 22.55-57)

¹⁵ Ìgüsã Jesúre ãĩãmakũ, yu, Simón Pedro merã Jesúre yoaweyarogue ìãtũyabu. Paía opũ yure masĩmi. Irasirigu yu Jesúre ìãtũyawãgã, paía opũya wii makãpũroma yebague ñajãbu. ¹⁶ Pedro garũ iri wii tũro ñajãri makãpũrogue dujanũgãmi. Ìgũ iro dujanũgãmakũ ìãgũ, yu iri makãpũro korego merã werení, Pedrorẽ siiu ñajãbu. ¹⁷ Ìgũ ñajãmakũ, makãpũro korego Pedrorẽ sërẽñamo:

—¿Mũ sũ buerã merãmu ããrĩberĩ?

Pedro igore ãrĩmi:

—Ããrĩbea yu.

¹⁸ Yũsagorabu. Irasirirã iri wii moãboerimasã, surara merã ìgüsã peame diudeame tũro sũma níma. Pedrorẽ ìgüsã pũrota sũma ními.

Paía opũ Jesúre sërẽñadea

(Mt 26.59-66; Mr 14.55-64; Lc 22.66-71)

¹⁹ Paía opũ Anás Jesúre sërẽñayurũ:

—¿Noã ããrĩrĩ mũ buerã? ¿Ñeénorẽ ìgüsãrẽ buerĩ? ãrĩyurũ. ²⁰ Jesús ìgũrẽ yujũyurũ:

—Yu ããrĩpererã péurogue buebu. Marĩ judío masaka nererĩ wiirigue, irasũ ããrĩmakũ Marĩpũya wiiguedere masaka nererõgue buebu. Gajirogue durisã, neõ buebiribu.

²¹ ¿Nasirigu yure sërẽñarĩ? Yu buerire sërẽñaduagu, yure pénerãrẽ sërẽñaka! Ìgüsã yu weredeare masĩma, ãrĩyurũ.

* **18:5** Exodo 3.13-15: Iripoegue Moisés Marĩpũre sërẽñadi ããrĩmí: “Israel bumarã yure: ‘¿Mũ iriudi wãĩ naásũ ããrĩrĩ?’ ãrĩ sërẽñamakũ, ¿naásũ ãrĩ werẽgũkuri?” Marĩpũ ìgũrẽ ãsũ ãrĩdi ããrĩmí: “Yu wãĩ ‘YO SOY EL QUE SOY’ ããrã. Irasirigu Israel bumarãrẽ ãsũ ãrĩ wereka: ‘YO SOY yure musãguere weredoregu iriumi’, ãrĩka!” ãrĩdi ããrĩmí. “YO SOY EL QUE SOY”, ãrĩrõ: “Yu ããrĩnĩgũta ããrã, o ìgũta ããrã yu”, ãrĩduaro yãa.

²² Īgũ irasũ ārĩmakũ pégu, Marĩpaya wii koregu surara ĩgũ mojõ merã Jesúya diapure pá, ĩgũrẽ ārĩyupũ:

—¿Nasirigu irasũ yujuri paía opure? Irasũ ārĩbita ĩgũrẽ!

²³ Jesús ĩgũrẽ yujuyupũ:

—Yũ ñerõ werenĩmakũ: “Ñeéno werenía”, ārĩka yure! Yũ diayema gapure keoro weremakũ, ¿nasirigu yure pári?

²⁴ Jesús irasũ ārãdero purũ, Anás ĩgũrẽ ĩgũsã suadire paía opu Caifás purogue iriuyupũ.

Pedro Jesúre masĩkeregu, dupaturi: “Masĩbea”, ārĩdea

(Mt 26.71-75; Mr 14.69-72; Lc 22.58-62)

²⁵ Irasiriripoe Simón Pedro peame turota sũma níkõãmakũ ĩārã, iro ãārĩrã ĩgũrẽ sērẽñama:

—¿Mũ sũ buerã merãmeta ãārĩrĩ?

Pedro ĩgũsãrẽ ārĩmi:

—Āārĩbea yũ.

²⁶ Īgũ irasũ ārãdero purũ, sugũ paía opure moãboegu Pedro ĩgũya gãmipũ dítitadiyagu Pedrore ārĩmi:

—Yũ olivos otederogue mũ ĩgũ merã ãārĩmakũ ĩãbũ.

²⁷ Pedro dupaturi: “Āārĩbea, ĩgũ merã ãārĩbirabũ”, ārĩmi. Irire ārĩripoeta, ãgãbo weremi.

Pilato Jesúre sērẽñadea

(Mt 27.1-2, 11-14; Mr 15.1-5; Lc 23.1-5)

²⁸ Purũ Jesúre Caifáya wii ãārãdire Pilato purogue ãĩãama. Boyoripoe ãārĩbũ. Pilato romanomũ judío masakare doregu ãārĩmĩ. Jesúre ĩgũ purogue ãĩārã, ĩgũya wiiguere ñajãbirima. “Marĩ judío masaka, ĩgũ judío masakũ ãārĩbiya wiiguere ñajãrã, marĩ dorerire tarinũgãbukoa. Irasirirã pascua bosenu baaburire baabiribukoa”, ārĩ gũñama. ²⁹ ĩgũsã ñajãbirimakũ ĩãgũ, Pilato ĩgũsã merã werenĩgũ wiririmi. ĩgũsãrẽ sērẽñami:

—¿Neénorẽ iriari ĩĩ, mũsã yure wajamoãdorerã aarimakũ?

³⁰ ĩgũsã Pilatore ārĩma:

—ĩĩ ñerĩ iribirimakũ, mũrẽ wiarã aaribiriboakuyo.

³¹ ĩgũsã irasũ ārĩmakũ, Pilato ārĩmi:

—Āĩaka! Mũsãrẽ doreri ārĩrõsũta mũsã basi ĩgũrẽ wajamoãka!

ĩgũsã ĩgũrẽ ārĩma:

—Gũa judío masaka sugure mũ gũare: “Wějeka!” ārĩrõ marĩrõ wějẽmasĩbea.

³² ĩgũsã irire irasũ ārĩrã, Jesúre ĩgũ curusague boaburire iro dupiyuro weredea keoro waamakũ irima†. ³³ ĩgũsã irasũ ārĩmakũ pégu, Pilato wiigüe gãmenũgã ñajãa, Jesúre siiu, sērẽñayupũ:

—¿Mũta judío masaka Opũ ãārĩrĩ?

³⁴ Jesús ĩgũrẽ ārĩyupũ:

—¿Mũ basi gũñarõ merã yure irasũ sērẽñarĩ, o gajirã mũrẽ yaamarẽ wereari?

³⁵ Pilato ĩgũrẽ ārĩyupũ:

—Yũ judío masakũ meta ãārã. Mũya nikũ marã judío masaka, irasũ ãārĩmakũ paía oparã mũrẽ õõ yũ purogue ãĩjama. ¿Ñeénorẽ iriari mũ?

³⁶ Jesús ārĩyupũ:

—Yũ Opũ ãārĩrĩ, i ãmũma ãārĩbea. I ãmũma ãārĩmakũ, yaarã gãmekẽãbukuma, judío masaka yure ñeã, peresu iribirikõãburo, ārĩrã. Yũ Opũ ãārĩrĩ, gajiroguema ãārã.

³⁷ ĩgũ irasũ ārĩmakũ pégu, Pilato ĩgũrẽ ārĩyupũ:

—¿Mũ irasũ ārĩgũ: “Opũ ãārã”, ārĩrĩ?

† **18:32** Judío masaka sugũ ñerõ irigure ãtãyeri merã dea wějẽnerã ãārĩmã ĩgũrẽ wajamoãrã. Romano masaka gapũ ĩgũrẽ wajamoãrã, curusague pábiatú wějẽnerã ãārĩmã.

Jesús ìgūrē ārīyupũ:

—Mũ ārīrōsũta Opũ āārā. Yũ deyoabũ i ũmũ marāguere diayemarē werebu. Āārīpererā diayema āārīrē pēdũarā, yũ wererire péma.

³⁸ Ĭgũ irasũ ārīmakũ, Pilato ìgūrē ārīyupũ:

—¿Ñeéno āārīrī diayema?

*Judío masaka Pilatore: “Jesúre wējēka!” ārī doredea
(Mt 27.15-31; Mr 15.6-20; Lc 23.13-25)*

Irasũ ārī odo, Pilato judío masaka oparā merā werenígũ wiriri, ìgūsārē ārīmi doja:

—Ĭrē neō ñerī iridea máa yũ ìāmakũ. ³⁹ Bojorikũ pascua bosenu āārīmakũ, musā irinarōsũta sugũ peresu āārīgūrē yũre wiudorea. ¿Musā judío masaka Opũre musārē wiumakũ gāāmekuri?

⁴⁰ Ĭgũ irasũ ārīmakũ pérā, ìgūsā gaguiníma:

—Ĭgūrē wiubirikōāka! Barrabás gapũre guare wiuka! ārīma. Barrabás yajarimasũ āārīmí.

19

¹ Ĭgūsā irasũ ārī gaguinímakũ pégu, Pilato ìgũyarā surarare Jesúre tārādoreyupũ. ² Jesúre tārā odo, pora bero iri, ìgũya dipurure peoñurā. Peo odo, opũya suríro irirosũ deyoriñe diiañiweyariñerē ìgūrē sãñurā. ³ Sã odo, ìgũ pũro ejanugã, ãsũ ārī buridañurā:

—Ōārō āārīburo judío masaka Opũ! ārīñurā, Irasũ ārīrãta, ìgūsãya mojōrī merā ìgũya diapure páñurā.

⁴ Pilato dupaturi masakare weregũ wiriri, ãsũ ārīmi:

—Ĭgūrē neō ñerī iridea máa yũ ìāmakũ. Irasirigũ musārē masīburo, ārīgũ, ìgūrē siiu wiugura musārē ìādoregu.

⁵ Irasũ ārī odo, Jesúre siiu wiumi. Irasirigũ, Jesús pora berore peyadi, opũya surírore sãñadi ìgũ wiririmakũ, Pilato masakare ārīmi:

—Ĭāka! Ĭita āārīmi ìgũ.

⁶ Paía oparā, Marīpũya wii korerā surara Jesúre ìārā, gaguinínugãma:

—Ĭgūrē curusague pábiatú wējēka! Curusague pábiatú wējēka! ārī gaguiníma.

Pilato ìgūsārē ārīmi:

—Yũ ìāmakũ, ìgūrē neō ñerī iridea máa. Irasirirā musā ìgūrē āāka! Musā basita ìgūrē curusague pábiatú wējērā waaka!

⁷ Judío masaka oparā ìgūrē ārīma:

—Ĭgũ: “Yũ Marīpũ magũ āārā”, ārīmi. Guare doreri irasũ ārīgũnorē wējēdorea.

⁸ Ĭgūsā: “Ĭgũ: ‘Yũ Marīpũ magũ āārā’, ārīmi”, ārīmakũ pégu, Pilato ìgũ dupiyuro güiadero nemorō güimi. ⁹ Irasirigũ Jesúre dupaturi siiu ñajãa, sērēñayupũ doja:

—¿Noómũ āārīrī mũ? ārīyupũ.

Jesús gapũ ìgūrē neō yũjubiriyupũ.

¹⁰ Ĭgũ yũjubirimakũ ìāgũ, Pilato ìgūrē ārīyupũ:

—¿Nasirigũ yũre yũjuberi? Yũ yaarā surarare murē peresu āārīgūrē wiudoremakũ, murē wiurākuma, o ìgūsārē murē curusague pábiatú wējēdoremakũ, murē pábiatú wējērākuma. ¿Irire masīberi mũ?

¹¹ Jesús ìgūrē yũjuyupũ:

—Mũ yũre irasũ iridoreri, Yũpũ ũmũgasigue āārīgũ murē pídea āārā. Irasirigũ yũre mũguere wiadi, mũ nemorō waja opami, ārīyupũ.

¹² Ĭgũ irasũ ārīmakũ pégu, Pilato Jesúre: “¿Nasiri wiugũkuri yũ ìgūrē?” ārī pémaadiyupũ. Ĭgūrē irasũ wiudũamakũ ìārā, judío masaka gapũ gaguiníma:

—M_u ĩgũrẽ wiug_u, romano marã op_u merãmu ããrĩbirikoa. Sug_u: “Y_u judío masaka op_u ããrã”, ãrĩgũno romano marã op_ure marĩrẽ doregure béodug_u, ĩgũrẽ ĩaturig_u yámi, ãrĩma.

¹³ ĩgũsã irasũ ãrĩmakũ pégu, Pilato Jesúre wiigue ããrĩgũrẽ ütã majĩrĩ merã ĩgũsã iridea yebague wiriridoremi. ĩgũ, masaka weresãrĩrẽ beyerimasũ doarogue eja doami. Iri ütã majĩrĩ merã ĩgũsã iridea yeba, hebreo ya merã Gabata wãik_ub_u. ¹⁴ Irasũ waarín_u, g_ua pascua bosen_uma baaburi ãmurĩn_u ããrĩbú. Goeripoe dupiyuro ããrĩbú. Pilato ĩgũ doarogue eja doa, judío masakare ãsũ ãrĩ weremi:

—Ĩta ããrĩmi musã Op_u.

¹⁵ ĩgũ irasũ ãrĩmakũ pérã, judío masaka gaguiníma:

—Boaburo ĩgũ. Boaburo. Curusague pábiatú wějẽka ĩgũrẽ! ãrĩma.

Pilato ĩgũsãrẽ ãrĩmi:

—¿Y_u yaará surarare musã Op_ure curusague pábiatú wějẽdoremakũ gããmerĩ musã?

Paía opará ĩgũrẽ y_uj_uma:

—G_ua op_u, romano marã op_u ããrĩmi. Gajig_u g_ua op_u mámi.

¹⁶ ĩgũsã irasũ ãrĩmakũ pégu, Pilato Jesúre ĩgũsãrẽ wiami, curusague pábiatú wějẽdoregu. Irasirirã ĩgũrẽ ãĩãkõãma.

Jesúre curusague pábiatú wějẽdea

(Mt 27.32-44; Mr 15.21-32; Lc 23.26-43)

¹⁷ Irasirig_u Jesús curusare kõã, “Masak_u dipuru boaweadea pero” wãik_urogue waami. Hebreo ya merã Gólgota wãik_ub_u. ¹⁸ Irogue eja, Jesúre curusague pábiatúma. Gajirã pěrãrẽ pábiatúma. Sug_ure ĩgũ diaye gap_u, gajig_ure ĩgũ kúgap_u curusague pábiatú ãĩwãgũnúma. Jesúre ĩgũsã deko ãĩwãgũnúma. ¹⁹ Pilato taboa majĩrẽ ĩgũ gojadea majĩrẽ curusague Jesús dipuru weka pábiatúdoreyup_u. ãsũ ãrĩ gojasũdero ããrĩbú: “Ĩ Jesús Nazaretm_u, judío masaka Op_u ããrĩmi”. ²⁰ Hebreo ya merã, latín ya merã, griego ya merã gojadea ããrĩbú. Jesúre curusague ĩgũsã pábiatú ãĩwãgũnúdero, makã p_urogã ããrĩbú. Irasirirã wárã judío masaka irogue aari, iri gojadeare ĩã buema. ²¹ Paía opará judío masaka ããrĩsĩã, Pilato gojadeare gããmebirĩn_urã. Irasirirã ĩgũrẽ wererã waañurã. ãsũ ãrĩñurã:

—M_u: “Ĩ judío masaka Op_u ããrĩmi”, ãrĩ gojadeare gorawayuka! ãsũ gap_u gojaka: “Ĩ: ‘Judío masaka op_u ããrã’, ãrĩmi”, ãrĩ gojaka! ãrĩñurã.

²² Pilato gap_u ĩgũsãrẽ ãrĩyup_u:

—Y_u gojadeare gorawayubirikoa, ãrĩyup_u.

²³ Jesúre curusague pábiatú ãĩwãgũnúaderó p_ur_u, wapikurã surara ĩgũya surí ããrãdeare sea, ĩgũsãk_u suñeno dita gãme dukawama. Suñe suríro su gasirota suadea suríro, eañeãña marĩrõ merã iridea gasiro ããrĩbú. ²⁴ Iri suríro irasũ ããrĩmakũ ĩãrã, gãme ãrĩ wereníma:

—Ĩñe surírore yeguebirikõãrã! Ubu ãrĩboka birarã! “¿Noãrẽ dujarokuri?” ãrĩma.

Ĩgũsã irasirimakũ, Marĩp_uya werenĩrĩ gojadea pũgue gojaderosũta keoro waab_u. ãsũ ãrĩ gojasũdero ããrĩbú: “Yaa suríre: ‘¿Noãrẽ dujarokuri?’ ãrĩboka birarãkuma, irire gãme ĩgũsã basi dukawamurã”, ãrĩ gojasũdero ããrĩbú. Iri pũgue gojaderosũta surara irasirima.

²⁵ Jesúya curusa p_uro ĩgũ pago, igo tĩgõ, María Cleofas marãpo, María Magdalena níma.

²⁶ Jesús, ĩgũ pagore, irasũ ããrĩmakũ y_u ĩgũ maĩsũgũ igo p_uro nímakũ ĩãgũ, igore ãrĩmi:

—Meõ, ĩ m_u magũ ããrĩmi.

²⁷ Irasũ ãrĩ odo, y_ure:

—Igo, m_upo ããrĩmo, ãrĩmi.

Irasirig_u Jesús pagore yaa wiigue ãã opab_u.

Jesús boadea

(Mt 27.45-56; Mr 15.33-41; Lc 23.44-49)

²⁸ Jesús irasũ ãrĩ odo: “Ããrĩpereri Yũpũ yũre iridoregũ pĩdeare iripeo odosiáa”, ãrĩ masĩmi. Irasirigũ ãsũ ãrĩmi:

—Ñemesibukoa yũre. Irire ãrĩgũ, Marĩpũya werenĩrĩ gojadea pũgue gojadeare iriyuwarikumi.

²⁹ Irogue suru borewariru igui deko sũrĩ deko utũuduru ããrĩbũ. Irasirirã iro ããrĩã Jesús irasũ ãrĩmakũ pãrã, iri igui deko sũrĩ merã yurayũsũ merã yosa, hisopo wãikũdima dũpũ yuwague sũatũ, Jesũya disire soemuũma. ³⁰ Jesús iri yurayũsũ igui deko sũrĩ yosadeare mimimi. Mimi odo, ãsũ ãrĩmi:

—Ããrĩpereri iripeo odosiáa, ãrĩmi. Ire ãrĩgũta, ĩgũya dipurure mumusiudija, ĩgũya yũjũpũrãrẽ Marĩpũre wia, boakõãmi.

Surara Jesũre curusague boadire saredea

³¹ Jesús boarinũ gũa pascua bosenũma baaburire ãmurĩnũ ããrĩbũ. Gajinũ gapũ gũa judío masaka siñajãrĩnũ, irasũ ããrĩmakũ pascua bosenũ gũa iririnũ, ubu ããrĩrĩnũ meta ããrĩbũ. Irinũrẽ boanerã curusarigue ããrĩmakũ judío masaka oparã gããmebirima. Irasirirã Pilato pũroque ĩgũrẽ sãrãrã waañurã: “Mũyarã surarare curusarigue pãbiatũsũnerãrẽ mata boaburo, ãrĩrã, ĩgũsãya ñigã gõãrĩrẽ pãnuadoreka! Pũrũ ĩgũsãya dũpũrĩre ãĩdiju, gajirogue pĩdoreka!” ãrĩñurã. ³² Irasirirã surara Jesús merã curusarigue pãbiatũsũnerãya ñigã gõãrĩrẽ pãnuama. Sugũre irasũ iripũrori, gajigũdere irasũta irima. ³³ Jesús pũro waa ejanũgãrã, boadiguere ĩãma. Irasirirã ĩgũya ñigã gõãrĩrẽ pãnuabirima.

³⁴ Sugũ surara ĩgũya sareri merã Jesũre ĩgũya arupãma doka saremi. ĩgũ saremakũ, mata ĩgũya dí, deko merã wiribũ. ³⁵ Yũ, i waamakũ ĩãbũ. Irasirigũ yũ i pũrẽ gojagũ, diayema ããrĩrĩrẽ mũsãrẽ werea. Yũ ire masĩa. Yũ ĩãdea diayeta waabũ. Yũ wereri diayeta ããrã. Irasirigũ mũsãrẽ irire werea, mũsãde Jesũre bũremuburo, ãrĩgũ. ³⁶ Surara Jesũya ñigã gõãrĩrẽ pãnuabirimakũ, Marĩpũya werenĩrĩ gojadea pũgue ãrĩderosũta waabũ. Iri pũgue ãsũ ãrĩ gojasũdero ããrĩbũ: “Ĩgũya gõãrĩrẽ, neõ su gõãrẽ pãnuabirima”, ãrĩ gojasũdero ããrĩbũ. ³⁷ Gajirogue Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Ĩgũsã saredire ĩãrãkuma”, ãrĩ gojasũdero ããrĩbũ.

José Jesũya dũpũre masãgobegue ãĩwãgã yáadea (Mt 27.57-61; Mr 15.42-47; Lc 23.50-56)

³⁸ Jesús boadero pũrũ, José Arimatea wãikũri makãmũ Pilatore Jesũya dũpũre sãrẽgũ waayupũ. José judío masaka oparãrẽ gũisã, Jesũre bũremugũ ããrĩrĩrẽ gajirãrẽ werebiridi ããrĩmĩ. Pilato ĩgũrẽ: “Jãu, ĩgũya dũpũre ãĩaka!” ãrĩmakũ, José curusa pũro waa, Jesũya dũpũre ãĩdijumi. ³⁹ Nicodemode wãri sũrõrĩrẽ treinta kilo nakũrĩrẽ ãĩjami, Jesũya dũpũre õãrõ ãmubu. ĩgũ iro dupiyuro ñami merã Jesũre werenĩgũ ejadi ããrĩmĩ. ĩgũ ãĩdea: mirra wãikũri sũrõrĩ, áloes wãikũri sũrõrĩ merã morẽdea ããrĩyuro. ⁴⁰ Irasirirã ĩgũsã pãrã Jesũya dũpũre iri sũrõrĩ merã piupeo, õãrĩ surĩ gasiri merã õmama. Judío masaka ĩgũsã boanerãya dũpũre yáaburi dupiyuro ãmunaderosũta irima. ⁴¹ Jesũre curusague pãbiatũ wẽjẽdero pũro pooe ããrĩbũ. Iri poeeguere masãgobe ãtãyegue mádea gobe ããrĩbũ. Iri gobere neõ sugũ boadire yáabirima dapa. ⁴² Gũa judío masaka siñajãrĩnũ ejaburo iribũ. Irasirirã iri gobe curusa ãĩwãgũnũadero pũrogã ããrĩmakũ, Jesũya dũpũre irogue yáama.

20

Jesús masãdea (Mt 28.1-10; Mr 16.1-8; Lc 24.1-12)

¹ Judío masaka siñajãrĩnũ* waadero pũrũ, boyoburo dupiyurogã Marĩa Magdalena ĩgũsã Jesũya dũpũre yáaderogue ĩãgõ waayupo. Irogue ejago, iri gobere biadea ãtã majĩrẽ

* 20:1 Judío masaka siñajãrĩnũ, sãbado ããrã.

bojegue ããrĩmakũ ãyũyupo. ² Irasirigo, gũa pẽrã Simón Pedro, irasũ ããrĩmakũ yũ Jesús maĩsũgũ pũrogue ãmawãgãrimo. Igo gũa pũrogue ejago, gũare ãrĩmo:

—Marĩ Opũya dũpũre ãĩkõãnerã ããrãma. Ìgũrẽ Ìgũsã píaderore marĩ masĩbea, ãrĩmo.

³ Igo irasũ ãrĩmakũ pẽrã, yũ, Pedro merã Ìgũsã Jesũya dũpũre yãaderogue ããrã waabũ. ⁴ Irogue waarã, gũa pẽrãgueta ãmawãgãbũ. Yũ gapũ Pedrore ãmatariwãgã, masãgobegue ejapũroribũ. ⁵ Irogue ejagũ, iri gobere muũbia ãã sóobũ. Irasũ ãã sóogũ, Jesũya dũpũre õmadea surĩ gasiri ditare ããbũ. Iri gobegue ñajãbiribũ. ⁶ Mẽrõgã pũrũ Simón Pedro ejami. Irogue eja, iri gobegue ñajãa, Ìgũde Jesũya dũpũre õmadea surĩ gasiri ditare ããmi. ⁷ Ìgũya dipurure Ìgũsã õmadea surĩro gasirodere ããmi. Iri gasiro túpeasũbũ. Gaji surĩ gasiri merã peyabiribũ. ⁸ Pedro irasũ ñajãmakũ ããgũ, yũde iri gobegue ejapũroridi ñajãa, iri ditare ããgũ, bũremubũ. ⁹ Gũa, Jesũya dũpũre masãgobegue marĩmakũ ããkererã, Marĩpũya werenĩrĩ gojadea pũgue Jesús boadigue masãgũkumi, ããrĩdeare pẽmasĩbiribũ. Keoro waarokoa, ããrĩ gũñabiribũ. ¹⁰ Irire ãã odorã, gũaya wiigũe goedujãakõãbũ.

Jesús María Magdalenarẽ deyoadea

(Mr 16.9-11)

¹¹ María gapũ masãgobegueta dujãa, bũro oreyupo. Oregota, iri gobegue muũbia ãã sóoyupo. ¹² Irasũ ãã sóogo, pẽrã Marĩpũre wereboerãrẽ boreri surĩ sãñarãrẽ Jesũya dũpũ peyaderogue Ìgũsã doamakũ ããyũyupo. Sugũ, Ìgũya dipuru ããrĩdero gapũ, gajigũ, Ìgũya guburi ããrĩdero gapũ doañurã. ¹³ Ìgũsã igore sẽrẽñañurã:

—¿Nasirigo orege yãri?

Igo Ìgũsãrẽ ãrĩyũyupo:

—Yũ Opũya dũpũre ãĩkõãnerã ããrãma. Ìgũrẽ Ìgũsã píderore yũ masĩbea, ãrĩyũyupo.

¹⁴ Irire ããrĩ odo, gãmenugã ããgõ, Jesũre iro nĩmakũ ããyũyupo. Ìgũrẽ ããkeregõ: “Jesũta ããrĩmi”, ããrĩ ããmasĩbiriyũyupo.

¹⁵ Jesús igore ãrĩyũyupo:

—¿Nasirigo orege yãri? ¿Noãrẽ ãmarĩ?

Igo gapũ: “Ì, i pooere koregũ ããrĩkumi”, ããrĩ gũñagõ, Ìgũrẽ ãrĩyũyupo:

—Mũ Ìgũya dũpũre gajirogue ããadi, yare wereka! ¿Noõgue píari? Mũ weremakũ, Ìgũya dũpũre ããgõ waagorãa.

¹⁶ Igo irasũ ãrĩmakũ, Jesús igore ãrĩyũyupo:

—María.

Ìgũ irasũ ãrĩmakũ pẽgo, gãmenugã, hebreo ya merã Ìgũrẽ:

—Rabuni, ãrĩyũyupo. “Rabuni”, ããrĩõ, hebreo ya merã: “Buegũ”, ããrĩdũaro yãa.

¹⁷ Jesús igore ãrĩyũyupo:

—Yũre pirika! Yũpũ pũrogue marĩabea dapa. Gajirã yaarã pũrogue waaka! Ìgũsãrẽ ããsũ ããrĩ wereka: “Jesús ããrãmi: ‘Yũpũ pũrogue waabu yãa. Ìgũ mũsãdere mũsãpũta ããrĩmi. Ìgũ yũ Opũ, irasũ ããrĩmakũ mũsãdere mũsã Opũta ããrĩmi’, ããrãmi”, ããrĩka Ìgũsãrẽ!

¹⁸ Ìgũ irasũ ãrĩmakũ pẽgo, María Magdalena gũa Jesús buerã pũrogue aari, gũare igo marĩ Opũre ããdeare, Ìgũ igore weredoreadeare weremo.

Jesús Ìgũ buerãrẽ deyoadea

(Mt 28.16-20; Mr 16.14-18; Lc 24.36-49)

¹⁹ Irinũ semana ããrĩpũrorinũta† ñamigue gũa Jesús buerã gũaya wiigũe nerẽrã, judío masaka oparãrẽ gũirã, makãpũrorire õãrõ biabũ. Gũa irogue ããrĩripoe Jesús gũa dekogue deyoa, gũare õãdoregũ, ããsũ ããrĩmi:

—Mũsã õãrõ siñajãrĩ merã ããrĩrikũka!

²⁰ Irasũ ããrĩ odo, Ìgũya mojõrĩrẽ, Ìgũrẽ arupãma doka sarederore gũare Ìmumi. Gũa Ìgũrẽ marĩ Opũre ããrã, bũro mũyabũ. ²¹ Dupaturi Jesús gũare ããrĩmi doja:

† 20:19 Semana ããrĩpũrorinũno, domingo ããrã.

—Ōārō siñajārī merā āārīrikuka masā! Yurū yure iriuderosūta yude masārē iriua, ārīmi.

²² Irasū ārī odo, guare puripeo, āsū ārīmi:

—Ōāgū deyomarīgūrē bokatīrīñeāka, masārē iritamubure! ²³ Musā masakare īgūsā ñerō irideare kātīmakū, īgūsā ñerō irideare kātīsūrākuma. Musā gajirārē īgūsā ñerō irideare kātībirīmakū, īgūsā ñerō irideare kātīsūbirīkuma, ārīmi Jesús.

Tomás Jesúre masādire iādea

²⁴ Jesús guare deyoamakū, Tomás Jesús buegu “Suduadi” īgūsā ārīdi gua merā āārībirimi.

²⁵ Purū īgū gua merā āārīmakū, īgūrē ārību:

—Gua marī Opure iābu.

Tomás gapu guare ārīmi:

—Īgūya mojōrīgue īgūsā pábiadea goberire iābi, iri goberire yaa mojōsūrū merā puuñabi, irasū āārīmakū īgū arupāma dokare īgūsā saredea gobere yaa mojō merā soesóoñabi, īgū masādea kerere neō buremubirikoa.

²⁶ Su semana Jesús guare deyoadero purū, gua īgū buerā dupaturi wiigue nerēbu. Iripore Tomás gua merā āārīmī. Iri wii biadea wii āārīkeremakū, Jesús ñajāa, gua dekogue deyoa, guare ōādoregu, āsū ārīmi:

—Musā siñajārī merā ōārō āārīrikuka!

²⁷ Irasū ārī odo, Tomārē ārīmi:

—Īāka yaa mojōrīrē! Mū mojōsūrū merā yaa mojōrīgue īgūsā pábiadea goberire puuñaka! Mū mojō merā yu arupāma doka īgūsā saredea gobere soesóoñaka! Yu masādeare: “Diaye āārībea”, ārībirīkōāka! “Diaye āārā”, ārī buremuka!

²⁸ Īgū irasū ārīmakū, Tomás āsū ārīmi:

—Mū, yu Opū, yu buremugū āārā.

²⁹ Jesús īgūrē ārīmi:

—Mū yure iāsīā: “Diayeta boadigue masādi āārā”, ārī buremua. Gajirā gapu yure iābirikererā, yu boadigue masādeare buremurākuma. Irasirirā īgūsā buro usuyari merā āārīrākuma, ārīmi.

Ipūgue āārīrē nasiriburo, ārī gojadea

³⁰ Jesús gua merā āārīgū, wari gajī Marīpu turari merā iri īmurīrē irimi. Iri āārīpereri īgū irideare i pūguere gojapeobirību. ³¹ Irire gojapeobirikeregu, surāyeri Jesús irideare gojāa, īgū Marīpu iriudi Cristo āārīrē, īgū diayeta Marīpu magū āārīrē buremuburo, ārīgū. Irasū āārīmakū masā īgūrē buremurī merā okari opaburo, ārīgū, irasū ārī gojāa.

21

Jesús dupaturi īgū buerārē deyoadea

¹ Purū Jesús Tiberias wāikuri ditaru turo dupaturi guare īgū buerārē deyoami. Guare deyoagu āsū irimi. ² Gua irogue āārīrā īsāku āārībú: Simón Pedro, Tomás “Suduadi” īgūsā ārīdi, Natanael Galilea nikūma Caná wāikuri makāmu, gua pērā Zebedeo pūrā, irasū āārīmakū gajirā pērā āārībú.

³ Gua irogue āārīripoe Simón Pedro ārīmi:

—Waaí wējēgū waagú yāa.

—Gude mū merā waarāra, ārību.

Irasū ārī, buāa, doódiru merā waabu. Iri ñamirē waaí wējēboyotamuakōādibu.

⁴ Boyowāgarīripoe Jesús ditaru turo nímakū iābu. Īgūrē iākererā, iāmasībirīkubu. ⁵ Irasirīgu guare ārīmi:

—¿Waaí wējēārī?

—Neō wējēbirakubu, ārī yujubu.

⁶ Gua irasū ārīmakū pégu, Jesús ārīmi:

—Doódiru diaye gapu buidire meéyoka! Iro gapu waaí wějērākoa. Īgū ārīrōsūta meéyomakū, wārā waaí ñajāma. Wārā waaí ñajāmakū, buidire doódirugue neō āīsāturabiribu. ⁷ Irasū waamakū ĩāgū, yu Jesús maīsūgū Pedrore ārībū:

—Īgūta marī Opū āārīmi.

Yu irasū ārīmakū pégu, Simón Pedro ĩgūya wekama surírore túweadi, sãña, ditarugue meébia bāwāgāmi. ⁸ Gūa ĩgū merāmarā ditaru turore cien metros yoaro payarā, buidire waaí wārā ñajādire gūayaru merā tūānumuabū. ⁹ Majānugārā, peame nitī dita gose oyanīrīme weka waairé Jesús mupūnugūnerārē, pādere ĩābū.

¹⁰ Jesús gūare ārīmi:

—Gajirā waaí, mērā mūsā wějērārē ārīka!

¹¹ Īgū irasū ārīmakū, Simón Pedro doódirugue ñajāa, buidire ĩmparogue tūāmajāmi. Pagarā waaí ñajānerā ciento cincuenta y tres āārīmá. Wārā waaí ñajānerā āārīkererā, buidire neō yeguebirima.

¹² Jesús gūare ārīmi:

—Baa yoberā aarika!

Gūa neō sugūno ĩgūrē: “¿Noāno āārīrī mū?” ārī sērēñabiribu. “Īgū marī Opūta āārīmi”, ārī masībū. ¹³ Jesús peame pūro waa, pā, waairé āi, gūare gueremi.

¹⁴ Jesús boadigue masādero pūru, pea gūare deyoasiami. Irasirigu ditaru turogue deyoagu, urea gūare ĩgū buerārē deyoagu irimi.

Jesús Pedro merā werenídea

¹⁵ Gūa baadero pūru, Jesús Simón Pedrore sērēñami:

—Simón, Jonás magū, ¿mū ĩsā nemorō yure maĩrī?

Pedro ĩgūrē ārīmi:

—Yu Opū, mūrē maĩa. Mū irire masĩa.

Jesús ārīmi:

—Irasirigu ovejare koregu oveja majīrārē oārō korerosūta yure būremurārē majīrā irirosū āārīrārē oārō koreka!

¹⁶ Irasū ārī odo, dupaturi Simón Pedrore sērēñami doja:

—Simón, Jonás magū, ¿yure maĩrī mū?

—Yu Opū, mūrē maĩa. Mū irire masĩa, ārīmi.

Jesús ārīmi doja:

—Ovejare koregu ovejare oārō korerosūta yure būremurārē oārō koreka! ārīmi.

¹⁷ Irasū ārī odo, dupaturi Simón Pedrore sērēñami:

—Simón, Jonás magū, ¿diayeta yure maĩrī mū?

Urea ĩgūrē irasū sērēñamakū pégu, Simón Pedro būro būjawereri merā āārīmí. Īgūrē ārīmi:

—Yu Opū, mū āārīpereri masĩa. Mūrē yu maĩrīrē masĩa.

Irasirigu Jesús ĩgūrē ārīmi:

—Ovejare koregu ovejare oārō kererosūta yure būremurārē oārō koreka! ¹⁸ Diayeta mūrē werea. Mū maamū āārīgú suríre sãña, mū gāāmerō noó waadūaro waaunabū. Pūru būgūro āārīgú, mūya mojōrīrē soemugūkoa. Gajigu mūrē suríre sāgukumi. Mū waadūaberogue mūrē āīwāgāgukumi.

¹⁹ Jesús, Simón Pedro ĩgū boaburi merā masakare Marīpu turagu, oāgū āārīrīrē masīmakū iriburire irasū ārī weremi. Irire were odo, Jesús ĩgūrē ārīmi:

—Yure tūyaka!

Jesús Juārē ĩgū maĩgūrē weredea

²⁰ Pedro gāmenugā, yu ĩgūsārē tūyawāgāmakū ĩāmi. Yu, Jesús maĩgū, iro dupiyuro Jesús pūro baa doanīgū ĩgūrē: “Yu Opū, ¿noā mūrē wējēdūarāguere mūrē ĩmubu āārīkuri?” ārī sērēñadi āārībū. ²¹ Pedro yure ĩāgū, Jesúre sērēñami:

—Y_u Op_u, ¿naásũ waarokuri ãgũrẽ?

²² Jesús ãgũrẽ ãrĩmi:

—Y_u i ãm_uguere dupaturi aariripoeta ãgũ okamakũ y_u irid_uarire, o irid_uabirire m_uya meta ããrã. Irire gũñarik_ubirikõãka! Y_ure t_uyaka!

²³ Jesús irasũ ãrĩrĩ kerere pérã, gajirã ãgũrẽ b_uremurã: “Juan boabirikumi”, ãrĩ gãme weresirima. Jesús: “Juan boabirikumi”, ãrĩdi meta ããrĩmĩ. “Y_u i ãm_uguere dupaturi aariripoeta ãgũ okamakũ y_u irid_uarire, o irid_uabirire m_uya meta ããrã”, ãrĩdi ããrĩmĩ.

²⁴ Y_u Jesús bueg_u, y_u ããdeare i pũrẽ gojáa. Irasirirã m_usã y_u gojarire: “Diayeta ããrã”, ãrĩ masãa.

²⁵ Jesús wári gaji irimi. Iri ããrĩpererire y_u gojapeomakũ, wári pũrĩ ããrĩbukoa. Y_u péñamakũ, masaka iri pũrĩrẽ i ãm_uguere duripíd_uamakũ, ut_uriakõãbukoa.

Iropata ããrã.

Juan

LOS HECHOS

Jesús ĩgũ buedoregũ beyenerãrẽ: “Õãgũ deyomarĩgũ aarigũkumi”, ãrĩ weredeã
(Lc 1.1-4)

¹ Opũ Teófilo, yũ mũrẽ gojadupiyudea pũguere Jesús neõgorague irinũgãdeare, ĩgũ buedea ããrĩpererire gojabũ. ² ĩgũ ãmũgasigue mũrĩaburo dupiyuro Õãgũ deyomarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ weredeãdere gojabũ. ³ Jesús ĩgũ boa, masãdero pũrũ, ĩgũsãrẽ cuarenta nũrĩgora deyoayupũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyupũ. Marĩpũ ĩgũyarãrẽ doreri kerere ĩgũsãrẽ wereyupũ.

⁴ Jesús ĩgũsã merã ããrĩgũ, ĩgũsãrẽ ãsũ ãrĩyupũ:

—Jerusalẽta dujaka dapa! Iripoegue Yũpũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ. ⁵ Juan mũsãrẽ deko merã wãiyedi ããrĩmĩ. Yũ gapũ mérõgã pũrũ mũsãrẽ Õãgũ deyomarĩgũ merã wãiyegũkoa, ĩgũ mũsã merã ããrĩnĩkõãburo, ãrĩgũ, ãrĩyupũ.

Jesús ãmũgasigue mũrĩadeã

⁶ Pũrũ ãtãũ Olivos wãĩkũdigue Jesús merã nerẽ, ĩgũrẽ sãrẽñañurã:

—Gũã Opũ, ¿dapagorare gajigũ gũaya nikũmũrẽ gũare dorebure, opũ pĩgũkuri? ãrĩñurã.

⁷ Jesús ĩgũsãrẽ yũjũyupũ:

—Yũpũ sugũta masĩmi. ĩgũ irasũta waaburo, ãrĩmakũ irasũta waarokoa. Mũsãya meta ããrã i. ⁸ Mérõgã pũrũ Yũpũ Õãgũ deyomarĩgũrẽ iriugũ, mũsãrẽ ĩgũ turarire opamakũ irigũkumi. ĩgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrẽ, Judea nikũ marãrẽ, Samaria nikũ marãrẽ, ããrĩperero i nikũgue ããrĩrãrẽ wererã waarãkoa, ãrĩyupũ Jesús ĩgũ buedoregũ beyenerãrẽ.

⁹ ĩgũ irasũ ãrĩ wereadero pũrũ, Marĩpũ ãmũgasigue ĩgũrẽ ãĩmũrĩãkõãyupũ. ĩgũsã ĩgũrẽ ĩãmutũyamakũ, su yebo ĩĩmikãyebo túbiakõãyuro. Irasirirã ĩgũrẽ neõ ĩãnemobiriñurã.

¹⁰ ĩgũsã ĩãmutũyaripoe gũñaña marĩrõ pãrã ãma surĩ boreri sãñanerã ĩgũsã pũro deyoa, ¹¹ ãsũ ãrĩñurã:

—Galilea marã, ¿nasirirã ãmũgasire ĩãmunĩrĩ? Jesús ãmũgasigue mũrĩagũta dupaturi i ãmũguere aarigũkumi doja. Mũsã ĩgũrẽ mũrĩãmakũ ĩãrõsũta aarimakũ ĩãrãkoa, ãrĩñurã.

Judare gorawayurã, Matías wãĩkũgũre beyedeã

¹² Irasiri, pũrũ Jesús buedoregũ beyenerã Olivos wãĩkũdi ãtãũgue ããrãnerã dijãã, Jerusalẽgue dujããkõãñurã doja. Iri makã pũrogã ããrĩyuro iri ãtãũ. ¹³ Dujaja, ĩgũsã kãrĩrĩ taribu ãmarõma taribugue ñãjãkõãñurã. ĩĩsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãĩkũri bumũ, Santiago Alfeo magũ, Judas Santiago magũ ããrĩñurã. ¹⁴ Gajirãde ĩgũsã merã nerẽñurã: Jesús pagupũrã, Jesús pago María, gajirã nome ããrĩñurã. Ëmũrikũ iri taribugue Marĩpũre sãrẽmurã nerẽñañurã.

¹⁵ Sunũ ĩgũsã merã gajirã Jesũre bũremurã ciento veinte gora nerẽñurã. Irasirigũ Pedro ĩgũsã watopegue wãgãnũgã, ĩgũsãrẽ ãsũ ãrĩyupũ:

¹⁶⁻¹⁷ —Yaarã, gũã Judas merã pe mojõma pere su gubu peru pãrẽbejarãgora ããrãdibũ. Jesús gũare beyederosũta ĩgũdere beyeadimi, gũã merã ĩgũya kerere weredoregũ. Judas gapũ Jesũre peresugue ñãwãgãmurãrẽ ĩgũrẽ ĩmumi. Õãgũ deyomarĩgũ Judas waaburire Davire iripoegue gojadorederosũta diayeta waabũ. ¹⁸ ĩgũ Jesũre oparãguere ĩmudea wajare ĩgũsãrẽ wia, makã ojarogue waa, dipuru gapũ merã meẽmejã, ĩgũya paru meẽ ooreakõã, gũramisĩ wirisiri kõmoakõãyupũ. Irasirirã oparã iri niyeru merã ĩgũ meẽmejãdea nikũrẽ wajariñurã. ¹⁹ Judas irasũ waadeare ããrĩpererã Jerusalén marã pãperekõãñurã. Irasirirã, ĩgũ irasũ waaderore: “Acældama” wãĩyeñurã. “Acældama”, ãrĩrõ,

Īgūsā ya merā: “Dí béodero”, āriḍuaro irikoa. ²⁰ Iripoegue Salmos wāikuri pūgue āsū āri gojasūdero āārībú Judare:

Īgūya wii āāridero masaka marīrō dujaburo. Neō sugu Īgū āāriderore dupaturi āārībirikōāburo, āri gojasūdero āārībú.*

Āsū āri gojasūdero āārībú doja:

Gajigu Īgūya moādeare gorawayuburo, āri gojasūdero āārībú.*

²¹⁻²² Irasirirā marīrē sugu Judas gorawayugure beyero gāāmea. Sugu, gūa merā āārīdire, Juan marī Opu Jesúre deko merā wāiyemakū ĩādire, āārīpereri Jesús irideare ĩādire, Marīpu Īgūrē ūmugasigue āimurīāmakū ĩādire beyero gāāmea. Irasirigu, Jesús boadigue masādeare gūa merā weregu waagukumi, āriyupu Pedro.

²³ Īgū irasū ārīmakū pé, pērārē beyeñurā. Sugu José wāikuyupu. Gajirā Īgūrēta “Justo”, gajirā “Barsabás” wāiyenerā āārīmá. Gajigu Matías wāikuyupu. ²⁴⁻²⁵ Beye odo, āsū āri sērēñurā Marīpure:

—Gūa Opu, mu āārīpererā masaka gūñarīrē ōārō masā. Judas Īgū dapagora āārīrōgue waagú, mūya kere weredoredeare pirikōāmi. Sugu Īgū gorawayubure beyesiabu mu. Irasirigu mu beyeadire ĩmuka gūare! ārīñurā.

²⁶ Irasū āri odo, peye ūtāyegāgue Matías, José wāirē goja, puuigāgue sā, suye āi ĩāñurā. Matías wāi gojatúadeayere āi bokañurā. Irasirirā Matiare: “Gūa pe mojōma pere su gubu suru pērēbejarā āārānerā merā Jesúya kerere weregu waagukoa”, ārīñurā Īgūrē.

2

Ōāgū deyomarīgū Jesúre bñremurāre ejadea

¹ Pentecostés* wāikuri bosenu āārīmakū, āārīpererā Jesúre bñremurā Īgūsā nerēdea wiigueta nerēñurā. ² Puru gūñaña marīrō ūmugasigue mirū bñro aarirósū, Īgūsā āārīrōguere bñro bñsu dijiriyuro. ³ Irasū waaripoe peame ūjūrī pūrā dijari, nediru irirosū deyori masakakure dipu weka deyoayuro. ⁴ Āārīpererā Ōāgū deyomarīgūrē opatari, Īgū iritamurī merā gaji masā ya Īgūsā dupiyuro werenībirideare werenīnugāñurā.

⁵ Iripoere wārā judío masaka āārīpereri nikū marā Jerusalēgue ejanerā āārīmá. Īgūsā bñremurīrē ōārō tayarimasā āārīñurā. ⁶ Irasū bñsurire pérā, Jesúre bñremurā pñroque nerēwāgāñurā. Iroque masakaku Īgūsāya werenīrī merā Jesúre bñremurā werenīmakū péñurā. Irasū waarire pémasībiriñurā. ⁷⁻⁸ Irasirirā ĩāguka, āsū āri gāme werenīñurā:

—¿Nasirirā Īgūsā Galilea marā āārīkererā, marī yare ōārō werenīrī? Marī deyoadea nikū marā irirosū werenīma. ⁹ Marī gajiro marā āārā. Partia marā, Media marā, Elam marā, Mesopotamia marā, Judea marā, Capadocia marā, Ponto marā, Asia marā, ¹⁰ Frigia marā, Panfilia marā, Egipto marā, Libia Cirene wāikuri nikū tñro marā āārā. Marī Roma marāde ōōguere naarīmasā āārā. ¹¹ Surāyeri judío masaka, gajirā judío masaka āārībirikererā, judío masaka irirosū bñremurā ōōguere āārā. Creta marā, Arabia marāde marī merā āārīma. Irasirirā marī āārīpererā gajiro marā āārīkererā, marī ya merā ĩsā ōārō werenīmakū péa. Īgūsā Marīpu ōārō iridea kerere werenīrā yāma, ārīñurā.

¹² Irasirirā āārīpererā pégukakōāñurā.

—¿Nasiro irasū waari? āri gāme werenīñurā.

¹³ Gajirā gapu:

—Mejārā yāma, āri bñridañurā.

Pedro masakare werede

¹⁴ Īgūsā irasū ārīmakū pégu, Pedro gajirā pe mojōma pere su gubu suru pērēbejarā Jesús buedoregu beyenerā merā wāgānugā, bñro bñsuro werenīyupu:

* 1:20 Sal 69.25 ☆ 1:20 Sal 109.8 * 2:1 Pascua bosenu waadero pñu, cincuenta nārī pñu, Pentecostés wāikuri bosenu waayuro.

—Musā āārīpererā judío masaka òògue Jerusalēgue āārīrā òārō péka yu wererire!
 15 Musā gware: “Mejārā yáma”, ārī gūñarā, diaye gūñabea. Goeripoe dupiyuro āārā dapa. Irasirirā gwa mejārā meta yáa. 16 Gwa irasū werenírīrē Joel Marīpuya kerere weredupiyudi āsū ārī gojadi āārīmí:

17-18 Marīpu āsū ārīmi: “I ūmu pereguro dupiyuro Ōāgū deyomarīgūrē iriugura, masaka āārīpereri buri marārē. Irasirirā musā pūrā ūma, nomede yaa kerere wererākuma. Maamarā kērō irirosū, mārā kērōgue yu ĩmurīrē ĩārākuma. Yu dorerire irirārē ūmarē, nomedere Ōāgū deyomarīgūrē iriugura. Irasirirā, yaa kerere wererākuma.
 19 Yu ūmugasiguere gajirosūperi deyoamakū irigura. I nikūdere dí, peame, ĩmikā deyoamakū irigura.

20 Abe ūmumu naĩtīāgukumi. Abe ñamimu dí irirosū deyogu waagukumi. Musā Opu i ūmuguerē dupaturi aariburo dupiyuro irasū waarokoa. Īgū aarirīnu goerīnu āārīrokoa. Ubu āārīrīnu āārībirikoa.

21 ‘Yu Opu, tauka yure!’ ārīgānorē taugura”, ārīmi Marīpu, ārī gojadi āārīmí Joel.*

22 ‘Musā Israel bumarā yu wererire òārō péka! Marīpu Jesúre Nazaretmārē iriudi āārīmí. Jesús musā pūroque āārīgú, Marīpu turari merā pūrīrikurārē tau, wātēa masakare ñajānerārē béowiu, boanerārē masūdi āārīmí. Irasirigu Jesús, Marīpu iriudi āārīsīā, ĩgū turari merā irire iri ĩmudi āārīmí. Irire musā òārō masīa. 23 Musā ñerārē ĩgūrē curusague pábiatú wējēdoremakū, Marīpu iripoegue Jesúre irasū waarokoa, ārīderosūta waabu. 24 Irasū waakeremakū, Marīpu gapu ĩgū boadiguere masūkōādi āārīmí. Boanerā āārīrōrē ĩgūrē wiudi āārīmí. Irasirimakū, boari Jesúre tarinugāmasībiridero āārībú. 25 Iripoegue David āsū ārī gojadi āārīmí, Jesús Marīpūre wereniburire:

Yu Opu, mārē ĩānīkōāa. Mu yu diaye gapu, yu merā āārīnīkōāa. Irasirigu yu neō güibebe.

26-27 Yaa yuypūrāgue buru usuyari merā āārā. Irasirigu usuyari merā werenía. Yu boamakū, boanerā āārīrōgue béobirikoa. Yu masāgobegue āārīmakū, yaa dupu neō boabirikoa. Yure dupaturi okamakū irigukoa doja. Irasirigu yu güiro marīrō āārīgukoa.

28 Mu, yu dupaturi okaburire yure òārō masīmakū yáa. Irasirigu yu merā mu āārīmakū, buru usuyari merā āārā, ārī gojadi āārīmí David.*

29 ‘Yaarā, yu musārē diayeta weregura. Marī ñekū David boadi āārīmí. Marī ñekūsāmarā ĩgūrē yāanerā āārīmá. Īgūya masāgobe i makāguere āārā dapa. 30-31 Iripoegue Marīpu Davire āsū ārī weredi āārīmí:

Yu mārē diayeta werea: “Pūrguere mu parāmi i nikū marā Opu āārīgukumi. Yu mārē píderosūta pígukoa ĩgūdere”, ārīdi āārīmí.

David Marīpuya kerere weredupiyugu āārīdi āārīmí. Irasirigu Jesúre Marīpu píburire masīsīā, āsū ārī weredi āārīmí ĩgū masāburire:

Īgū boadero pūru, boanerā āārīrōgue neō béosūbirikumi. Īgūya dupu masāgobegue neō boabirikoa, ārī gojadi āārīmí.*

32 Marīpu Jesúre boadiguere masūdi āārīmí. Īgūrē masūadero pūru, gwa āārīpererā ĩgūrē ĩābu. “Dupaturi okami”, ārī masīa. 33 Īgū Pagu ĩgūrē masū, ūmugasiguere āīmūrīa, ĩgū diaye gapu dobodi āārīmí. Īgū ārīderosūta Jesúre Ōāgū deyomarīgūrē iriudi āārīmí. Irasirigu Jesús gware Ōāgū deyomarīgūrē iriumi. Irasirirā musā, ĩgū guaguere ejamakū ĩāa. Īgū iritamurī merā gwa werenīmakū péa. 34-35 David† gapu ĩgū boadero pūru, Jesús mārīaderosū mārīabiridi āārīmí. Īgū boaburo dupiyuro āsū ārī gojadi āārīmí, Marīpu Jesúre ārīdeare gojagu:

* 2:21 J1 2.28-32 * 2:28 Sal 16.8-11 * 2:30-31 Sal 132.11 † 2:34-35 David ĩgū boadero pūru, ĩgū dupu merā ūmugasiguere mārīabiridi āārīmí. Irasirigu Jesús mārīaderosū mārīabiridi āārīmí.

Marĩpu yu Opure asũ arĩmi: “Õõ yu diaye gapu doaka, yu merã dorebu! Irasiriripoe mure ãaturirãre mu dorerire tarinugãnemobirimakũ irigura”, arĩmi, arĩ gojadi arĩmi.[☆]

³⁶ Irasirirã musã Israel bumarã arĩpererã õarõ pemasika! Marĩpu Jesure, musã curusague pábiatú wējẽdire marĩ Opu arĩmakũ iridi arĩmi. Marĩpu igũre iriudi arĩmi, marĩre tauburo, arĩgũ, arĩ wereyupu Pedro masakare.

³⁷ Igũ irasũ arĩmakũ pérã, igũsãya yujupũrãrigue buro bujawereri merã gũnariku, Pedore, gajirã Jesús buedoregu beyenerãre asũ arĩ sereñañurã:

—Gũayarã, ¿nasirirãkuri gũ?

³⁸ Pedro igũsarẽ yujuyupu:

—Musã ñerõ irideare bujawere, musã gũnarĩre gorawayuka! Irasirirã musã arĩpererã Jesucristore buremua, arĩ, gũare deko merã wãiyedoreka! Musã irasirimakũ, Marĩpu musã ñerõ irideare kãtigukumi. Õãgũ deyomarĩgũre iriugukumi, musã merã arĩnikõaburo, arĩgũ. ³⁹ Marĩpu arĩderosũta musãre, musã pũrã arĩturiarãre, gajiro marãdere arĩpererã igũ beyenerãre Õãgũ deyomarĩgũre iriugukumi, arĩyupu.

⁴⁰ Irire arĩ odo, gaji wãri werenemoyupu Pedro igũsarẽ:

—Õarõ pemasika musã! I nikũ marã Jesure wējẽnerã ñerã arĩma. Igũsã ñerõ iridea waja Marĩpu igũsarẽ wajamoãgukumi. Igũsã ñerã irirosũ neõ irinemobirikõaka pama! Irasiribirimakũ, Marĩpu igũsarẽ wajamoãgũ, musã gapure wajamoãbirikumi, arĩyupu.

⁴¹ Wãrã igũ wererire õarõ pẽñurã. Irasirirã deko merã wãiyesũñurã Jesure buremurĩre ãmurã. Irasirirã Jesure buremupũrorinerã merã arĩnugãñurã. Pedro igũsarẽ weread-eanu merãta wãrã tres mil gora masaka buremunugãñurã. ⁴² Irasirirã umariku Jesure buremupũrorinerã merã nerẽñañurã, igũ buedoregu beyenerã buerire pẽmurã. Irasũ nerẽnarã, Marĩpure sere, pãre dukawa, siiu baanañurã.

Jesure buremupũrorinerã iridea

⁴³ Jesús buedoregu beyenerã igũ iriderosũta wãri Marĩpu turari merã iri ãmunãñurã. Irasirirã pũrĩrikurãre tau, wãtea masakare ñajãnerãre beowiu, boanerãre masũnañurã. Igũsã irasirimakũ ãrã, masaka arĩpererã ãgukanañurã. ⁴⁴ Arĩpererã Jesure buremurã su bumarã irirosũ õarõ arĩrikũñurã. Irasirirã igũsã oparire gãme sãnañurã. ⁴⁵ Gajinorẽ oparã, irire dua, iri waja merã gajino opamerãre sãnañurã. ⁴⁶ Umariku arĩpererã surosũ gũnarĩ oparã Marĩpũya wiigue nerẽñañurã. Igũsãya wiirigue pãre dukawa, õarõ usuyari merã siiu baanañurã. ⁴⁷ Marĩpure: “Õãtaria mu”, arĩ, usuyari sãnañurã. Gajirã masaka igũsarẽ: “Õãrã arĩma”, arĩ ãñurã. Umariku marĩ Opu Jesús gajirãre igũre buremumakũ iriyupu. Irasirirã igũre buremurã wãrã arĩñurã.

3

Sugu waamasĩbire waamasĩmakũ iridea

¹ Sunu, ñamika tres arĩmakũ Pedro, Juan merã Marĩpũya wiigue waañurã. Iri horata masaka Marĩpure sereñañurã. ² Iri wiima makãpũrore sugu masakũ deyoagũgueta waamasĩbi arĩdi doayupu. Iri makãpũro: “Õãrĩ makãpũro” wãikũyuro. Umariku igũ merãmarã igũre arĩwãgã, iri makãpũrore dobonañurã, iri wii ñajãrãre niyeru sere doanidorã. ³ Pedrosã iri wii ñajãmurã iriripoe igũsarẽ ãã, niyeru sereyupu. ⁴ Igũsã pẽrãgueta igũre ãã, Pedro gapu igũre arĩyupu:

—Gũare ããka!

⁵ Igũ irasũ arĩmakũ: “Yure niyeru sãmurã irikuma”, arĩ gũnarĩ merã buro ãayupu. ⁶ Pedro gapu igũre arĩyupu:

—Niyerure opabea. Irire opabirikeregu, yu opari merã mure iritamugura. Jesucristo Nazaretmũ wã merã, igũ turaro merã wãgãnugã waaka! arĩyupu.

☆ 2:34-35 Sal 110.1

⁷ Pedro ìgūrē irasū ārìgūta, diayema mojōrē ñeã, tūãwãgūnúyupũ. Irasirimakūta, ìgūya guburi, ìgūya ãñagubuyeri turanũgãjayuro. ⁸ Irasirigu pari wãgãñũgãja, waapũrori, pũru ìgūsã merã Marĩpũya wiigue Marĩpũre: “Ōãtaria mũ”, ārĩ gaguinĩ, pariñajãyupũ. ⁹⁻¹⁰ Ìgũ mũyari merã Marĩpũre: “Ōãtaria mũ”, ārĩ, pariñajãmakũ ìãrã, iri wiigue ããrĩrã ããrĩpererã ìgūrē ìãmasĩ:

—Ìĩ, i wii òãrĩ makãpũrogue niyeru sērē doanĩadita ããrĩmi, ārĩñurã. Irasirirã ìgũ waamasĩmakũ ìãrã, “¿Naásũ waari?” ārĩ ìãgũkakõãñurã.

Pedro masakare Marĩpũya wiigue weredeã

¹¹ Waamasĩbiradi Pedrosãrē duúbirimakũ, ããrĩpererã masaka iri wii ããrĩrã ìãgũkari merã, ìgūsã pũrogue “Pórtico de Salomón” wãikũrogue ũmanerẽñurã. ¹² Ìgūsã irasū ũmanerẽmakũ ìãgũ, Pedro ìgūsãrē ārĩyupũ:

—Mũsã, Israel bumarã, ¿nasirirã iropa gũkari? ¿Nasirirã gũare bũro ìãrĩ? “Ìgūsã Marĩpũre bũremurĩ merã, ìgūsã turaro merã ìrē waamasĩmakũ iriama”, ārĩ gũñabirikõãka! ¹³ Jesús ìgũ turaro merã ìgūrē waamasĩmakũ iriami. Marĩ ñekũsãmarã Abraham, Isaac, Jacob Marĩpũre ũmũgasigue ããrìgūrē bũremunerã ããrĩmã. Marĩpũ ìgũ magũ Jesúre, ìgũ doreri òãrõ iridire: “Ōãtarigu ããrĩmi”, ārĩdi ããrĩmĩ. Mũsã gapũ ìgūrēta oparãguere wiabũ. Pilato ìgūrē wiudũakeremakũ, mũsã gapũ gããmebiribu. ¹⁴ Jesús òãgũ, ñerĩrē neõ iribi ããrĩkeremakũ, ìgūrē neõ wiudorebiribu. Sugu ñegũ masakare wējēdi gapũre wiudorebũ mũsã. ¹⁵ Irasirirã, Jesús marĩrē okari sīgũ gapũre wējēdorebũ. Ìgũ boadero pũru, Marĩpũ gapũ ìgūrē masũdi ããrĩmĩ. Gũã ìgūrē Marĩpũ masũdire ìãbũ, ārĩ masĩã. ¹⁶ Jesúta ìgũ turaro merã ìĩ waamasĩbiradire mũsã ìãmasìgūrē waamasĩmakũ iriami. Gũã Jesús taumasĩrĩrē bũremumakũ ìãgũ, ìgūrē tauami. Mũsã ããrĩpererã ìgũ tauadire ìgũ waamasĩmakũ ìãã.

¹⁷ Yaarã, mũsã, mũsã oparãde Jesúre: “Marĩpũ magũta ããrĩmi”, ārĩ pemasĩbirisĩã, ìgūrē wējēdorebũ. ¹⁸ Iripoegue Marĩpũ ìgūya kerere weredupiyunerã ããrĩpererãrē: “Cristo yũ iriubu ñerõ tarigũkumi”, ārĩderosũta Jesúre waabũ. ¹⁹ Irasirirã mũsã ñerõ irideare bũjawere, mũsã gũñarĩrē gorawayuka! Marĩpũ dorerire irika! Irasirimakũ, Marĩpũ mũsãrē mũsã ñerõ irideare kãti, siñajãrĩ merã ããrĩrikũmakũ irigũkumi. ²⁰ Irasirigu mũsãrē Cristore dupaturi iriugũkumi. Cristo, Marĩpũ beyedi mũsãrē taugũ, Jesúta ããrĩmĩ. ²¹ Jesucristo ũmũgasigue mũrĩadi, irogueta ããrĩmi dapa. Marĩpũ iripoegue ìgũ iriburire ìgūya kerere weredupiyunerãrē weredorederosũta ããrĩpererire òãrõ ãmu, pũru Jesúre iriugũkumi. ²² Iripoegue Moisés irimarē marĩ ñekũsãmarãrē ãsũ ārĩdi ããrĩmĩ:

Pũrũgue Marĩpũ marĩ Opũ sugũ ìgūya kerere werebure iriugũkumi. Yũre iriuderosũta ìgũdere iriugũkumi. Ìgũde marĩyagũta ããrìgũkumi. ããrĩpereri ìgũ wererire pėka! Ìgũ dorerire òãrõ iritũyaka!

²³ Ìgũ dorerire iritũyamerã gapũ bėosũrãkuma. Irasirirã Marĩpũyarã merã neõ ããrĩnemobirikuma pama, ārĩdi ããrĩmĩ Moisés.✠

²⁴ ããrĩpererã iripoegue marã Marĩpũya kerere weredupiyunerãkũ, Samuel pũru marãde dapagora waarĩre irasũta ārĩ gojanerã ããrĩmã. ²⁵ Iripoegue Marĩpũ marĩ ñekũ Abrahãrē: “Yũ, mũ parãmi ããrĩturiagu merã i ũmũ marã ããrĩpererãrē òãrõ irigũra”, ārĩdi ããrĩmĩ. Ìgūya kerere weredupiyunerãrē ìgũ Abrahãrē ãrĩdeare weredoredi ããrĩmĩ marĩ ñekũsãmarãrē. Irasirigu Marĩpũ ìgūsãrē ārĩderosũta mũsãrē iridi ããrĩmĩ. ²⁶ Irasirigu ìgũ magũ Jesús boadiguere masũ, marĩrē judío masakare iriupũroridi ããrĩmĩ, marĩrē òãrĩ gapũre iri, marĩ ñerõ iririre piriburo, ārìgũ, ārĩ wereyupũ Pedro ìgūsãrē.

4

Pedrore, Juãrē oparã pũrogue ããideã

1-2 Pedro, Juan merã masakare wereníripoe paía, Marĩpũya wii korerã surara opu, gajirã saduceo bumarã ejañurã. Pedrosã masakare: “Jesús boadero pũru masãdi ããrĩmĩ. Irasirirã marĩde boadero pũru ããrĩpererã masãrãkoa”, ãrĩ buenañurã. Īgũsã irasũ ãrĩ buemakũ pérã, saduceo bumarã, masaka boanerã masãrĩrẽ bũremubirisĩã, Īgũsã merã bũro guañurã. ³ Irasirirã abe ñajãripoe ããrĩmakũ, Pedrosãrẽ ñeã, iri ñamirẽ peresu iriñurã. ⁴ Irasirikeremakũ, gajirã wárã Jesũya kerere pénerã, Īgũrẽ bũremunugãrã ããrĩñurã. Irasirirã dupiyurogue Jesũre bũremupũrorinerã merã wárã ããrĩñurã. Ūma ditare keomakũ, cinco mil ããrĩñurã.

⁵ Pedrosãrẽ peresu iriadero pũru, gajinũ gapũ Jerusalẽgue judío masaka oparã, gajirã murã, gajirã Moisés gojadeare buerimasã nerẽñurã. ⁶ Gajirãde, paía opu Anás, Caifás, Juan, Alejandro, gajirã paía opũyarã Īgũsã merã ããrĩñurã. ⁷ Irogue nerẽ, Pedrosãrẽ Īgũsã pũro ããrĩdore, Īgũsã ejamakũ:

—¿Noã musãrẽ doreri, noã musãrẽ inorẽ irasiridoreri? ãrĩ sãrẽñañurã.

⁸⁻⁹ Pedro Ōãgũ deyomarĩgũrẽ opatarisĩã, ãsũ ãrĩ yũjũyupũ Īgũsãrẽ:

—¿Musã judío masaka oparã, murãde guare ĩi waamasĩbiradire õãrõ iriadeare, Īgũrẽ tauadeare sãrẽñarã yári? ¹⁰ Musãrẽ ire werẽgũra, ããrĩpererã Israel bumarã õãrõ pémasĩburo, ãrĩgũ. Jesucristo Nazaretmũ turaro merã, Īgũ wãĩ merã ĩi waamasĩbiradi waamasĩami. Musã Īgũrẽta curusague pábiatũ wẽjẽdorebũ. Īgũ boadero pũru, Marĩpu gapũ Īgũrẽ masũ, dupaturi okamakũ iridi ããrĩmĩ. ¹¹ Iripoegue Marĩpũya kerere weredupiyudi ãsũ ãrĩ gojadi ããrĩmĩ: “Suye ãtãye wii iririmasã Īgũsã bẽoadeaye merã gajigũ gapũ õãrõ turari wii irigũkumi”, ãrĩ gojadi ããrĩmĩ. Jesús iri ãtãye Īgũsã bẽoadeaye irirosũ ããrĩmĩ. Marĩpu Īgũrẽ beyedi ããrĩmĩ marĩrẽ taubure. ¹² I nikũguere Jesús suguta marĩrẽ taugũ ããrĩmĩ. Gajigũ marĩrẽ taugũ neõ mámi. Marĩpu Īgũrẽta iriudi ããrĩmĩ marĩrẽ taubure, ãrĩ wereyupũ Pedro Īgũsãrẽ.

¹³ Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégũkakõãñurã. Īgũsãrẽ: “Diayeta Jesús merãmarãta ããrĩma”, ãrĩ ñãmasĩñurã. ¹⁴ Waamasĩbiradi Pedrosã pũro nímakũ ñãrã, Īgũsãrẽ: “Ñerõ irirã iriabũ”, ãrĩ werewũamasĩbiriñurã.

¹⁵ Irasirirã, Īgũsãrẽ Īgũsã nerẽrĩ taribugue ããrĩrãrẽ wiriadoreñurã, Īgũsã basi gãme werenímurã:

¹⁶ Æsũ ãrĩñurã:

—¿Nasirirãkuri Īgũsãrẽ? ĩi waamasĩbiradire Īgũsã waamasĩmakũ iriadeare Jerusalén marã pépereakõãñurã. Irasirirã: “Iribirama”, ãrĩmasĩbirikoa marĩ. ¹⁷ Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesũyamarẽ gajirãguere neõ werenemobirikõãka pama!” ãrĩrã Īgũsãrẽ, ãrĩ wereníñurã.

¹⁸ Irasũ ãrĩ werení odo, Pedrosãrẽ siiu, ãsũ ãrĩñurã:

—Gajirãguere neõ Jesũyamarẽ werenemobirikõãka! Neõ Īgũya kerere buenemobirikõãka! ãrĩñurã.

¹⁹ Īgũsã irasũ ãrĩkeremakũ, Pedro, Juan gapũ ãsũ ãrĩ yũjuñurã Īgũsãrẽ:

—¿Marĩpu musã guare dorerire irimakũ gããmerĩ, o Īgũ doreri gapũre gũa irimakũ gããmerĩ? ¿Naásũ gũñarĩ musã irire? ²⁰ Gũa Īgũ dorerire iritũyarã ããrã. Irasirirã gũa ñãdeare, gũa pédeare neõ wereduũmasĩña máa, ãrĩñurã.

²¹⁻²² Īgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesũyamarẽ neõ werenemomerãta pama! Irire pirimerã, wajamoãsũrãkoa, ãrĩñurã. Gajirã gapũ usũyari merã Marĩpũre: “Mũ ĩi waamasĩbiradire tauadea õãtariabũ”, ãrĩñurã. Īgũ cuarenta bojori nemorõ opagũ ããrĩyupũ. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta Īgũsãrẽ wiukõãñurã.

Jesũre bũremurã Marĩpũre iritamurĩ sãrẽdea

²³ Pedrosã iroque ããrãnerã wiria, ïgũsã merãmarã pũroque waakõãñurã. Iroque eja, paía oparã, judío masaka mũrã ïgũsãrẽ ãrãdeare ïgũsã merãmarãrẽ wereñurã. ²⁴ ïgũsã weremakũ pérã, ããrĩpererã iro ããrĩrã Marĩpũre sërẽñurã:

—Gũa Opũ, mũ diayeta ãmũgasi, i nikũ, dia wádiya, i ãmũma ããrĩpererire iridi ããrã.

²⁵ Iripoegue gũa ñekũ Davire mũrẽ moãboegure Õãgũ deyomarĩgũ merã ãsũ ãrĩ were-doredi ããrĩbũ:

Judío masaka ããrĩmerã Marĩpũ merã bũro guama. Israel bumarãde Marĩpũyare: “Gããmebea”, ãrĩ gũñadima.

²⁶ I nikũ marã oparã Marĩpũ merã gãmekẽãduarã nerẽrãkuma. ïgũ beyedi merãdere irasũta gãmekẽãrãkuma, ãrĩ weredoredi ããrĩbũ.✠

²⁷ Mũ weredorederosũta diayeta waabũ. I makãguere opũ Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús mũ magũrẽ wẽjẽmurã. ïgũ õãgũ, mũ beyedi ããrĩmi. ²⁸ Irasirirã, iripoegue mũ turaro merã mũ beyedire: “Irasũ waarokoa ïgũrẽ”, ãrĩderosũta irima. ²⁹ Gũa Opũ, dapagora paía oparã mũya kerere: “Werebirikõãka! Mũsã irire wererã, wajamoãsũrãkoa”, ãrãma gũare. ïgũsã irasũ ãrãdeare gũñaka mũ! Gũa mũrẽ moãboerã ããrã. Irasirigũ gũare mũyare gajirãrẽ gũiro marĩrõ weremakũ irika! ³⁰ Gũare mũ turaro merã pũrĩrikarãrẽ taumakũ irika! Irasirigũ gũare mũ turaro merã Jesús mũ magũ, õãgũ wãĩ merã iri ïmurĩrẽ irimakũ irika! ãrĩ sërẽñurã Marĩpũre.

³¹ ïgũsã irasũ ãrĩ sërẽaderõ pũrũ, ïgũsã ããrĩrĩ wii gãmeñayuro. ããrĩpererã Õãgũ deyomarĩgũrẽ opatariñurã. Irasirirã, ïgũ iritamurĩ merã gũiro marĩrõ Marĩpũya kerere wererã waañurã.

Jesúre bũremurã ïgũsã oparire gãme dukawadea

³²⁻³³ Irasirirã Jesús buedoregũ beyenerã Marĩpũ turaro merã masakare: “Marĩ Opũ Jesús boadero pũrũ masãdi ããrĩmĩ. ïgũ dupaturi okadero pũrũ, gũa ïgũrẽ ïãbũ”, ãrĩ wereñurã. ããrĩpererã Jesúre bũremurã surosũ gũñañurã. Irasirirã ïgũsã oparire: “Yaa ããrã”, ãrĩrõ marĩrõ gãme dukawañurã. Marĩpũ ïgũsãrẽ ããrĩpererãrẽ õãrõ iritamuyupũ.

³⁴⁻³⁵ Irasirirã wiiri oparã, nikũ oparã, gajirãrẽ irire duañurã. ïgũsã duadea wajare Jesús buedoregũ beyenerãrẽ sinañurã. Jesús buedoregũ beyenerã irire ïgũsã watope ããrĩrãrẽ gajino opamerãrẽ dukawañurã. Irasirirã ïgũsã watopegue boporã marĩñurã pama.

³⁶ Iripoere sugũ Jesúre bũremugũ José wãikũgũ ããrĩyupũ. ïgũ Chipre wãikũri ñũgũrõmũ, Levíya bumũ ããrĩyupũ. Jesús buedoregũ beyenerã ïgũrẽ “Bernabé” wãiyẽñurã. “Bernabé”, ãrĩrõ, griego ya merã: “Masakare õãrõ yũjũpũrãkũmakũ irigũ”, ãrĩduaro irikoa. ³⁷ ïgũ nikũ opagũ ããrĩsãã, su poee ejatuaro gajirãrẽ duayupũ. ïgũ duadea wajare Jesús buedoregũ beyenerãrẽ sĩpeokõãyupũ.

5

Ananías, Safira merã ãrĩkatodea

¹ Gajigũ Ananías wãikũgũ ïgũ marãpo Safira merã su poee ejatuaro nikũrẽ duayupũ.

² ïgũ duadea wajare ïgũ basi deko merã duripíkõãyupũ. Irasirigũ ããrĩpereri niyerure Jesús buedoregũ beyenerãrẽ sĩpeobirikeregũ: “Iropata wajariama”, ãrĩkatoyupũ. ïgũ marãpo ããrĩpereri ïgũ irasiriadeare masĩyupo. ³ Pedro ãsũ ãrĩyupũ ïgũrẽ:

—Ananías, ¿nasirigũ wãtĩrẽ mũya gũñarĩguere ñajãdoreari? ïgũ ñajãmakũta, mũya nikũ duadea wajare gũare sĩpeobirikeregũ, mũ Õãgũ deyomarĩgũrẽ ãrĩkatoa. ⁴ Iri nikũ mũ duaburo dupiyuro mũya nikũ ããrĩbũ. Mũ duadea waja mũya niyeruta ããrã. Noó mũ sĩduaropa sĩboakuyo. ¿Nasiribu irasũ ãrĩkatori? Gũa ditare ãrĩkatogũ meta yãa. Marĩpũdere ãrĩkatoa mũ, ãrĩyupũ.

✠ 4:26 Sal 2.1-2

⁵ Īgũ irasũ āĩmakũ pégu, mata Ananías meémejã kōmoakōāyupũ. Īgũ irasũ waadea kerere pérã, āāĩpererã bũro gũĩñurã. ⁶ Īgũ kōmoadero pũrũ, gajirã maamarã ñajãja, Īgũya dũpũre surĩro gasiro merã ōma, āĩwiriakōāñurã Īgũrẽ yáarã waarã.

⁷ Ũre hora pũrũ, Ananías marãpo āārãdeo ñajãjayupo. Īgũ boadeare neō masĩbiriyo. ⁸ Igo ñajãmakũ ĩāgũ, Pedro igore sērẽñayupũ:

—Wereka yũre! ¿Musãya pooere duarã, iropata niyeru wajatari musã? āĩyupũ. Igo Īgũrẽ yũyũyupo:

—Iropata wajatabu, āĩyupo.

⁹ Pedro āĩyupũ igore:

—¿Nasirirã musã, marĩ Opũ Ōāgũ deyomarĩgũrẽ āĩkatoari? “Gũa irasirimakũ masĩbirikumi”, ¿āĩ gũñadari musã? ĩāka! Mũ marãpũre yáarã ejanerã sĩĩsã dujarima. Mũya dũpũdere āĩwiriarãkuma, mũ marãpũya dũpũre āĩwiriaderosũta, āĩyupũ. ¹⁰ Īgũ irasũ āĩmakũta, igode Pedroya guburi pũro meémejã kōmoakōāyupo. Irasirirã maamarã igo kōmoadeoguere bokaja, igoya dũpũre āĩwiria, igo marãpũ dagũre Īgũsã yáadero pũrogueta igodere yáañurã. ¹¹ Irasirirã āāĩpererã Jesũre bũremurã, gajirãde Ananías, Safirare waadea kerere pérã, bũro gũĩñurã.

Jesús buedoregũ beyenerã Marĩpũ turaro merã iri ĩmudea

¹² Iripoere masaka watopegue Jesũs buedoregũ beyenerãrẽ Marĩpũ Īgũ turari merã wári iri ĩmurĩrẽ irimakũ iriyupũ. Āāĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wãĩkũri taribugue nerẽñañurã. ¹³ Masaka Īgũsãrẽ: “Ōārã āāĩma”, āĩkeremakũ, gajirã gapũ Īgũsãrẽ gũĩñurã. Īgũsã merã neō nerẽdũabiriñurã. ¹⁴ Gajirã gapũ marĩ Opũ Jesũre wárã ũma, nomede bũremuñurã. ¹⁵ Irasirirã pũrĩrikũrãrẽ Īgũsã peyari gasiri merã Pedro waaburi maa tũro píñurã. “Pedro Īgũsãrẽ ñapeobirikeremakũ, Īgũ wãtĩ meépiro Īgũsã weka ejamakũ, Īgũsãrẽ pũrĩrĩ tarirokoa”, āĩ gũñarã, irasiriñurã. ¹⁶ Wárã Jerusalén tũro marãde pũrĩrikũrãrẽ, wãtẽa ñajãsũnerãrẽ iroguẽ āĩñañurã. Irasirirã Jesũs buedoregũ beyenerã Īgũsã āāĩpererãrẽ taunañurã.

Oparã Jesũs buedoregũ beyenerãrẽ ĩãturidea

¹⁷ Irasirirã paía opũ, gajirã Īgũ merãmarã saduceo bumarãde Jesũs buedoregũ beyenerãrẽ bũro ĩãturi, ¹⁸ Īgũsã merã bũro gua, Īgũsãrẽ ñeã, peresu iriñurã. ¹⁹ Irasirikeremakũ, sugũ Marĩpũre wereboegũ iri ñamita peresu wii makãpũrorire tũpã, Īgũsã āāĩrĩ taribugue ñajãja, Īgũsãrẽ āsũ āĩ āĩwiriayupũ:

²⁰ —Marĩpũya wiigũe waaka! Iroguẽ eja, Marĩpũ Jesũre bũremurãrẽ Īgũ merã ōārõ āāĩmakũ irĩburi kerere wereka masakare! āĩyupũ Marĩpũre wereboegũ Īgũsãrẽ.

²¹ Īgũ irasũ āĩmakũ pérã, Īgũsã peresu āārãnerã wiriakōāñurã. Gajinũ gapũ boyoripoe āāĩmakũ, Marĩpũya wiigũe ñajãa, masakare buenũgãñurã, Marĩpũre wereboegũ Īgũsãrẽ weredoreaderosũta.

Īgũsã iroguẽ bueripoe paía opũ gapũ, Īgũ merãmarãde, Pedrosã peresu āārãnerã wiriadeare masĩbiriñurã dapa. Irasirirã Īgũsã Israel bumarã oparãrẽ āāĩpererãrẽ neeñurã. Īgũsã nerẽperemakũ ĩārã, surarare peresu iriri wiigũe Jesũs buedoregũ beyenerãrẽ Īgũsã biadoboanerãrẽ āĩridoreñurã. ²² Irasirirã surara Īgũsãrẽ āĩrã waadiñurã. Iroguẽ eja, Pedrosãrẽ neō bokabiriñurã. Īgũsãrẽ bokabirisĩã, oparãguere wererã dujãakōāñurã doja.

²³ Dujaja, oparãrẽ:

—Peresu iriri wii makãpũrori ōārõ biadea makãpũrori āārãdabu. Iroguẽ biadoboanerãrẽ korerãde iri makãpũrorikũ níadama. Irasũ āāĩkeremakũ, gua Īgũsã āārãdeã taribure makãpũro tũpãmakũ neō marãma, āĩñurã.

²⁴ Īgũsã irasũ āĩmakũ pérã, paía opũ, Marĩpũya wii marã surara opũ, paía oparãde: “¿Naásũ waayuri Īgũsãrẽ?” āĩ gũñarikañurã. ²⁵ Īgũsã irasũ gũñarikañurã sugũ masaku Īgũsã pũro eja:

—Mũsã peresu irianerã Marĩpũya wiigũe ããrãma. Masakare buerã iriama, ãrĩyupũ.

²⁶ Ĩgũ irasũ ãrĩmakũ pérã, Marĩpũya wii marã surara opũ, Ĩgũyarã surara merã Ĩgũsãrẽ ñeãrã waañurã. Irogue eja, Ĩgũsãrẽ ñeã, paía oparã pũro ãĩãñurã doja. Masakare gũisĩã, Ĩgũsãrẽ tãrãbiriñurã. “Gũa Ĩgũsãrẽ tãrãmakũ ããrã, masaka gũare ãtãyeri merã deabukuma”, ãrĩ gũñañurã. ²⁷ Ĩgũsãrẽ judío masaka oparã pũro ãĩjamakũ, paía opũ Ĩgũsãrẽ turiyupũ:

²⁸ —Gũa mũsãrẽ: “Jesúyare neõ buenemobirikõãka!” ãrãdibũ. Gũa irasũ ãrĩkeremakũ, mũsã ããrĩperero Jerusalén marãrẽ buegorenãa. Jesús boadea waja gũare waja opamakũ iridũarã yãa mũsã, ãrĩyupũ.

²⁹ Ĩgũ irasũ ãrĩmakũ, Pedro gajirã Jesús buedoregũ beyenerã merã Ĩgũrẽ ãsũ ãrĩ yũjũyupũ:

—Masaka doreri nemorõ Marĩpũya gapũre iriro gããmea. Gũa mũsã dorerire irirã, Marĩpũ doreri gapũre iribiribukoa. ³⁰ Mũsã Jesúre curusague pábiatú wẽjẽdoredire Marĩpũ, marĩ ñekũsãmarã Opũ gapũ Ĩgũrẽ masũdi ããrĩmĩ. ³¹ Ĩgũrẽ masũ odo, ãmũgasigue ãĩmũrĩagũ, Ĩgũ diaye gapũ dobodi ããrĩmĩ. Marĩrẽ taubure, marĩ Opũ ããrĩbure irasiridi ããrĩmĩ. Irasirigũ marĩ judío masaka marĩ ñerõ irideare bujawere, gũñañurã gorawayumakũ kãtigukumi. ³² Gũa ããrĩpereri Jesús irideare ããnerã ããrã. Irasirirã irire werea. Õãgũ deyomarĩgũde gũare irire pémasĩmakũ yãmi. Irasirirã Ĩgũ iritamurĩ merã werea. Marĩpũ dorerire pérãnodere Õãgũ deyomarĩgũrẽ iriugukumi, ãrĩ wereyupũ Pedro paía opũre.

³³ Ĩgũ irasũ ãrĩmakũ pérã, oparã gapũ guataria, Pedrosãrẽ wẽjẽdũadiñurã. ³⁴ Sugũ fariseo bumũ Gamaliel wãĩkũgũ gapũ wãgãñũgãyupũ Ĩgũsãrẽ werebu. Ĩgũ judío masaka oparã merãmũ Moisés gojadeare buerimasũ ããrĩyupũ. Masaka Ĩgũrẽ: “Õãgũ ããrĩmĩ”, ãrĩ bũremuñurã. Ĩgũ wãgãñũgã, surarare: “Ĩsãrẽ ãĩwiriaka dapa!” ãrĩyupũ. ³⁵ Ĩgũsãrẽ ãĩwiriadero pũrũ, oparãrẽ ãsũ ãrĩyupũ:

—Mũsã Israel bumarã, mũsã Ĩgũsãrẽ iridũarire õãrõ gũñaka! ³⁶ Teudas wãĩkũgũ waadeare gũñaka! Irinũguere Ĩgũ masakare: “Masĩtarinũgãgũ ããrã yũ”, ãrĩdi ããrãdimi. Irasirirã wãrã cuatrocientos ãma Ĩgũ merãmarã ããrĩnerã ããrãdima Ĩgũ buerire péduarã. Pũrũ gajirã Ĩgũrẽ wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiriakõãnerã ããrĩmã. Irasũ waadero pũrũ, Ĩgũ buedea pereakõãdero ããrĩbũ. ³⁷ Pũrũ i nikũ marãrẽ Ĩgũsã keoripoe gajigũ Judas wãĩkũgũ Galileamũ ããrĩdi ããrãdimi. Wãrã Ĩgũ merãmarã ããrĩnerã ããrãdima. Pũrũ gajirã Ĩgũdere wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiripereakõãnerã ããrĩmã. ³⁸ Irasirigũ mũsãrẽ werea. Sũsãrẽ, marĩ peresugue biadoboanerãrẽ wiuka! Mũsã Ĩgũsãrẽ iridũarire iribirikõãka! Ĩgũsã bueri, Marĩpũya bueri ããrĩbero, pereakõãrokoa Teudas, Judas buedea perederosũta. ³⁹ Ĩgũsã bueri, Marĩpũya bueri ããrĩrõ, neõ perebirikoa. Ĩgũsãrẽ irire pirimakũ iribirikoa. Irasirirã irire õãrõ pémasĩka! Ĩgũsã bueri, diayeta Marĩpũya bueri ããrĩmakũ, mũsã Ĩgũsãrẽ wẽjẽdũarã, Marĩpũ merã gãmekẽãduarã irirosũ iribirikoa, ãrĩyupũ Gamaliel.

⁴⁰ Ĩgũ irasũ ãrĩmakũ pérã: “Jãũ, marĩrẽ diayeta weremi ãĩ”, ãrĩ péñurã. Irasirirã Jesús buedoregũ beyenerãrẽ siiu, surarare tãrãdoreñurã. “Jesúyare neõ werenemobirikõãka!” ãrĩñurã. Irasũ ãrĩ odo: “Waaka!” ãrĩ, wiuñurã Ĩgũsãrẽ pama. ⁴¹ Irasirirã Jesús buedoregũ beyenerã judío masaka oparã pũro ããrãnerã waakõãñurã. “Marĩ Jesúyare bueri waja marĩrẽ tãrãdoreama gũyasĩrĩburo, ãrĩrã”, ãrĩñurã. “Marĩpũ gapũ marĩrẽ: ‘Irire bokatĩũkõãma’, ãrĩ masĩmi”, ãrĩñurã. Irasirirã oparã Ĩgũsãrẽ ñerõ irikeremakũ, bũro usũyañurã. ⁴² Irasirirã ãmũrikũ Marĩpũya wiigũe, wiiriguedere masakare: “Jesúta Marĩpũ iriudi, Cristo ããrĩmĩ”, ãrĩ buenañurã.

6

Jesús buedoregũ beyenerã Ĩgũsãrẽ iritamumũrãrẽ beyedea

¹ Irasirirā irinārīrē wārā judío masaka Jesúre b̄remunugāñurā. Surāyeri hebreo ya merā wereníñurā. Gajirā griego ya merā wereníñurā. Īgūsā wapiweyarā nomerē ūmurikū Īgūsā baarire keoro guerebirimakū ĩārā, hebreo ya merā werenírā gapure turiñurā. ² Irasirirā Jesús buedoregū beyenerā Jesúre b̄remurārē āārīpererārē Īgūsā p̄rogue siiu needō, āsū ārī wereñurā:

—Gua baarire guererā, Marīp̄ya kere gapure wereduúmakū ōābiribukoa. ³ Irasirirā m̄sā ḡayarā, Jesúre b̄remurā m̄sā watope āārīrārē su mojōma pere gaji mojō peru p̄rēbejarāgora beyeka! “Ōārō masīrā, Ōāgū deyomarīgū turarire opatarirā āārīma”, m̄sā ārī ĩārārē beyeka! M̄sā beye odomakū, ḡua Īgūsārē baari gueremurārē sóorākoa. ⁴ Irasirirā ḡua ūmurikū Marīp̄re s̄rē, Īgūyare buerākoa, ārīñurā.

⁵ Īgūsā irasū ārīmakū p̄rā, āārīpererā: “Já, irasūta irirāra”, ārī, Esteban wāikugure beyeñurā. Īgū Jesúre ōārō b̄remugū, Ōāgū deyomarīgūrē opatarigū āārīyupū. Gajirā Felipe, Prócoro, Nicanor, Timón, Parmenas, Nicolás wāikurārē beyeñurā. Nicolás Antioquíamu judío masakū āārībirikeregū, judío masaka irirosū b̄remugū āārīyupū. ⁶ Īgūsārē beye odo, Jesús buedoregū beyenerā p̄ro ārīñurā. Īgūsā āijamakū ĩārā, Marīp̄re: “Ōārō iritamuka Īgūsārē!” ārī s̄rēbosa, Īgūsāya dipu weka mojōrī merā ñapeoñurā.

⁷ Irasirirā Marīp̄ya kerere weregorenamakū, wārā masaka irire péñurā. Wārā Jerusalén marā masaka, paíade Jesúre b̄remunugāñurā.

Estebārē peresu iridoredea

⁸ Esteban Marīp̄ iritamurī merā Īgū turaro merā p̄rīrikurārē tau, gaji ōārī iri ĩmurīrē iriyupū masaka wārā watopere. ⁹ Īgū irasirimakū ĩārā, surāyeri judío masaka “Esclavos Libertado” wāikuri bumarā Īgū merā guaseop̄roriñurā. Īgūsā: Cirene marā, Alejandría marā, Cilicia marā, Asia marā su wii judío masaka Īgūsā nerērī wiigue nerēnarā āārīñurā.

¹⁰ Esteban, Ōāgū deyomarīgū Īgūrē ōārī masīrī s̄rī merā werenímakū p̄rā, Īgūrē neō werení bokatīubiriñurā. ¹¹ Irasirirā masaka ĩāberogue gajirārē niyeru wajari: “Āsū ārīkatoka masakare!” ārīñurā:

—“Esteban Moisére, Marīp̄re ñerō werenímakū péabu ḡua”, ārīka! ārīñurā. ¹² Irasirirā Īgūsā ārīkatadoresūanerā irire weremakū p̄rā, iri makā marā, m̄rā, Moisés gojadeare buerimasāde Esteban merā b̄ro gua, Īgūrē ñeā, oparā p̄ro ārīñurā. ¹³ Īgūrē irogue āija, gajirārē āsū ārīkatonemodoreñurā doja:

—Ī ūmurikū Marīp̄ya wiire, Moisés gojadedere ñerō werenígorenami. ¹⁴ Masakare: “Jesús Nazaretm̄, Marīp̄ya wiire béogukumi. Moisés marīrē pídeadere gorawayugukumi”, ārīmakū péabu ḡua, ārīkatoñurā oparārē.

¹⁵ Īgūsā irasū ārīmakū p̄rā, oparā āārīpererā irogue doarā Estebārē b̄ro ĩañurā. Īgūsā ĩāmakū, Īgūya diapu Marīp̄re wereboegūya diapu irirosū deyoyuro.

7

Esteban oparārē weredea

¹ Īgūsā Estebārē ĩaripoe paía opū Īgūrē s̄rēñayupū:

—¿Diayeta ārīrī, Īgūsā m̄rē weresārā? ārīyupū.

² Esteban ȳjuyupū Īgūrē:

—Yaarā, ȳre ōārō péka! Marī ñekū Abraham, Harán wāikuri makāgue waaburo dupiyuro Mesopotamiague āārīdi āārīmí Caldea masaka āārīrōgue. Īgū irogue āārīpoe Marīp̄ ōārō goesiriri merā Īgūrē deyoa, ³ āsū ārīdi āārīmí: “I nikūrē, m̄yarārē béowāgāka! M̄ waamakū, ȳ gaji nikū m̄ āārīburi nikūrē ĩmugūkoa”, ārīdi āārīmí Marīp̄ Abrahārē. ⁴ Marīp̄ irasū ārīmakū pégu, Abraham Caldea nikū āārīdi Harāgue waadi āārīmí. Irogue ejadero p̄rū, Īgū pagū boadi āārīmí. Īgū boadero p̄rū, Marīp̄ Abrahārē wiridoredi āārīmí doja. Irasirigū Abraham ōō, marī āārīrī nikūrē ejadi āārīmí

pama. ⁵ Īgũ õõgue ejamakũ, Marĩpu ĩgũrẽ neõ nikũrẽ sĩbiridi ããrĩmĩ dapa. Sĩbirikeregu, ĩgũrẽ: “Purugue m̃ya, m̃ parãmerã ããrĩturiarãya nikũ ããrĩrokoa”, ãrĩdi ããrĩmĩ. ĩgũ irasũ ãrĩripoere Abraham neõ pũrã marĩdi ããrĩmĩ dapa. ⁶ Gaji Marĩpu ĩgũrẽ ãrĩnemodi ããrĩmĩ doja: “M̃ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. ĩgũsãrẽ moãdore, pãbirarãkuma. ⁷ Ỹ gap̃ iri nikũ marãrẽ wajamoãgura ĩgũsã irasiriri waja. Ỹ ĩgũsãrẽ wajamoã odoadero pur̃, m̃ parãmerã ããrĩturiarã iri nikũrẽ wirirãkuma. Wiri, ỹ ĩgũsãrẽ sĩburi nikũgue eja, ỹre b̃remurã ỹ dorerire irirãkuma”, ãrĩdi ããrĩmĩ Marĩpu Abrahãrẽ. ⁸ ĩgũ irasũ ãrãdero pur̃, ãsũ iridoredi ããrĩmĩ doja: “Ããrĩpererã ãmarẽ ĩgũsãya dup̃ma gasirogãrẽ* wiirika! Irasirirã musã ỹ werenĩ b̃remurĩrẽ ỹre ĩmurãkoa”, ãrĩdi ããrĩmĩ. Irasirigu Abraham ĩgũ magũ Isaare su semana ĩgũ deyoadero pur̃, ĩgũrẽ wiiridi ããrĩmĩ. Murãrõta Isaade ĩgũ magũ Jacore iridi ããrĩmĩ. Jacode murãrõta ĩgũ pũrãrẽ pe mojõma pere su gubu peru p̃rẽbejari buri ããrĩmurãrẽ iridi ããrĩmĩ.

⁹⁻¹⁰ ’Jacob pũrã marĩ ñekũsãmarã ĩgũsã pagum̃rẽ Josere ĩãturiã, Egiptogue waarãrẽ duanerã ããrĩmã, iro marãrẽ moãboegu ããrĩburo, ãrĩrã. Marĩpu gap̃ ĩgũ merã ããrĩnikõadi ããrĩmĩ ĩgũrẽ iritamugũ. ĩgũ ñerõ tarikeremakũ, ããrĩpereri ĩgũ ñerõ taririre taudi ããrĩmĩ. Wãri masĩrĩ sĩdi ããrĩmĩ. Irasirigu faraõn† Egiptom̃ i nikũ marã op̃ Josere beyedi ããrĩmĩ, ĩgũ dokam̃ op̃ ããrĩburo, ãrĩgũ. ĩgũya wiimadere moãdoregu sóodi ããrĩmĩ.

¹¹ ’Pur̃ ããrĩperero Egiptoguerẽ, Canaãn nikũguedere baari pereakõãdero ããrĩbũ. Irasirirã masaka b̃ro ñerõ tarinerã ããrĩmã. Marĩ ñekũsãmarã uaboanerã ããrĩmã. ¹² Irasirigu Egiptogue trigo ããrĩrĩ kerere p̃egu, Jacob ĩgũ pũrãrẽ marĩ ñekũsãmarãrẽ: “Wajarirã waaka!” ãrĩ iriudi ããrĩmĩ. ĩgũ irasũ ãrĩmakũ p̃erã, neõ waarã irinerã ããrĩmã iroguere. Iroguere eja, baari wajari odo, gãme dujarikõãnerã ããrĩmã doja. ¹³ ĩgũsã baari wajariadeare baapeo, dupaturi wajarirã waanerã ããrĩmã doja. Iripoeta pama Josẽ ĩgũsãrẽ: “Musã pagum̃ta ããrã ỹ”, ãrĩ weredi ããrĩmĩ. Irasirigu Egipto marã op̃ Josẽ tĩrãrẽ masĩdi ããrĩmĩ. ¹⁴ Pur̃ Josẽ ĩgũ tĩrã merã kerere iriudi ããrĩmĩ ĩgũ pagure. “Yur̃, ĩgũyarã merã aariburo”, ãrĩ iriudi ããrĩmĩ. Jacoyarã setenta y cinco gora ããrĩnerã ããrĩmã. ¹⁵ Josẽ kere iriuadeare p̃egu, Jacob ĩgũ pũrã merã Egiptogue waadi ããrĩmĩ. Jacob iroguere boadi ããrĩmĩ. ĩgũ pũrã, marĩ ñekũsãmarãde boanerã ããrĩmã. ¹⁶ Purugue ĩgũsã parãmerã ããrĩturiarã ĩgũsãya gõãrĩrẽ Siquem wãĩkuri makãgue Abraham, Hamor pũrãrẽ ĩgũ ãtãgobe wajaridea gobegue pĩmurã ãĩãnerã ããrĩmã.

¹⁷ Marĩpu Abrahãrẽ: “M̃ parãmerã ããrĩturiarãrẽ i nikũrẽ sĩgura”, ãrĩdero ejawãgãripoe Abraham parãmerã ããrĩturiarã Egiptogue ããrĩrã wãrã masãporenerã ããrĩmã. ¹⁸ ĩgũsã iroguere ããrĩmakũ, Josẽ boadero pur̃ yoadero pur̃, gajigu iri nikũ marã op̃ ñajãdi ããrĩmĩ doja. ĩgũ, Josẽ õãrõ irideare õãrõ masĩbiridi ããrĩmĩ. ¹⁹ Irasirigu marĩ ñekũsãmarã wãrã masãporemakũ ĩãgũ, ĩgũsãrẽ tarinugãduagu, ñerõ iridi ããrĩmĩ. Uma pũrã deyoarãrẽ boaburo, ãrĩgũ, bẽdoredi ããrĩmĩ. ²⁰ Iripoeta Moissẽ deyoadi ããrĩmĩ. ĩgũ Marĩpu ĩũrõrẽ õãgũ ããrĩdi ããrĩmĩ. Irasirirã ĩgũ deyoadero pur̃, ĩgũ pagusãmarã ĩgũsãya wiigũ urerã abegora duri merã ĩgũrẽ masũnerã ããrĩmã. ²¹ ĩgũrẽ duũnemomasĩmerã, diague puui merã paubõnerã ããrĩmã. Pur̃ Egipto marã op̃ magõ ĩgũrẽ boka, igoya wiigũ ãĩmajã, igo magũ diaye irirosũ masũdeo ããrĩmõ. ²² Moissẽ iri wiigũ masã, ããrĩpereri Egipto marã buerire buepeodi ããrĩmĩ. Irasirigu ĩgũ masĩrĩ merã werenĩ, ããrĩpereri õãrõ iridi ããrĩmĩ.

²³ ’Pur̃ cuarenta bojori opagu ĩgũyarãrẽ Israel bumarãrẽ ĩãduagu, ĩgũsã pur̃ogue waadi ããrĩmĩ. ²⁴ Iroguere eja, sugũ Egiptom̃ ĩgũyagure ñerõ irimakũ ĩãdi ããrĩmĩ.

* **7:8** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dup̃ma gasirogãrẽ wiiridoredi ããrĩmĩ. Pur̃ iri dorerire Moissẽre pĩdi ããrĩmĩ. Irasirirã judio masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru p̃rẽbejarinurĩ waarõ merã ĩgũsã deyoadero pur̃ irasũ yãma. † **7:9-10** “Faraõn”, ãrĩrõ, Egipto marã ya merã: “op̃”, ãrĩduaro yãa.

Irasirigu ĩgũrẽ gãmbosagu Egiptomurẽ wẽjẽkõadi ããrĩmĩ. ²⁵ ĩgũ basi: “Marĩpu yaarãrẽ wijatadoregu iriuami, ĩgũsã irire õãrõ pẽmasĩkuma”, ãrĩ gũñadi ããrĩmĩ. ĩgũsã gapu ĩgũ gũñarõsũ gũñabirinerã ããrĩmã. ²⁶ Gajinu gapu Moisés ĩgũsã purogue waadi ããrĩmĩ doja. Irogue ejagu, gajirã ĩgũyarã pẽrã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ĩNasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moisés ĩgũsãrẽ. ²⁷ ĩgũ irasũ ãrĩmakũ pẽgu, burõ pãdi gapu, Moisére túmeénú: “ ‘ĩNoã murẽ gũa opu, gũare dorebu ããrĩburo’, ãrĩ sóoari? ²⁸ ĩNamika Egiptomurẽ mu wẽjẽaderosũ yudere wẽjẽduagu yãri?” ãrĩdi ããrĩmĩ Moisére. ²⁹ ĩgũ irasũ ãrĩmakũ pẽguka, Moisés Egiptore wiri, gaji nikũ Media wãikuri nikũgue waadi ããrĩmĩ. Irogue ĩgũsã watopegue ããrĩgũ, iromorẽ marãpoku, pẽrã ũma pũrãkudi ããrĩmĩ.

³⁰ Moisés cuarenta bojorigora iri nikũguere ããrĩdi ããrĩmĩ. Iriku bojori puru Sinai wãikudi ãtãũ purõ, masaka marĩrõgue waadi ããrĩmĩ. Irogue sugu yukugã dupuri watopegue peame ãjũmakũ ĩãdi ããrĩmĩ. Marĩpure wereboegu iri peame ãjũrĩ pũrã dekgue deyoadi ããrĩmĩ ĩgũrẽ. ³¹ Moisés iri peame ãjũmakũ ĩãgũ, ĩãgũkakõadi ããrĩmĩ. “ĩNaásũ waari?” ãrĩ, iri yukugã purõgãgue ĩãgũ waagú, marĩ Opu ãsũ ãrĩ werenĩmakũ pẽdi ããrĩmĩ: ³² “Yũ, mu ñekũsãmarã: Abraham, Isaac, Jacob Opu ããrã”, ãrĩdi ããrĩmĩ. ĩgũ irasũ ãrĩmakũ pẽgu, burõ gũi narada, neõ ĩãnemodũabiridi ããrĩmĩ. ³³ Marĩpu ĩgũrẽ: “Yũ purõta nĩa mu. Irasirigu mũya gubu surĩre túweaka, yure buremurĩrẽ ĩmubu. ³⁴ Yaarã Egiptogue ããrĩrãrẽ burõ poyamakũ ĩãa. ĩgũsã burõ bujawereri merã gaguinĩmakũ pẽa. Irasirigu ĩgũsãrẽ taubu dijijabu. Irasirigu murẽ Egiptogueta iriugura ĩgũsãrẽ iritamudoregu”, ãrĩ weredi ããrĩmĩ Marĩpu Moisére.

³⁵ ĩ Moiséreta marĩ ñekũsãmarã ĩgũrẽ gããmemerã: “ ‘ĩNoã murẽ gũa opu, gũare dorebu ããrĩburo’, ãrĩ sóoari?” ãrĩnerã ããrĩmã. Marĩpu gapu ĩgũrẽ: “ĩgũsã opu píguura murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregu. Marĩpu ĩgũrẽ wereboegu yukugã dupuri watopegue peame ãjũderogue deyoadi merã ĩgũrẽ iriudi ããrĩmĩ. ³⁶ Irasirigu Moisés Egiptogue eja, Marĩpu turaro merã wãri iri ĩmurĩrẽ iridi ããrĩmĩ. Puru marĩ ñekũsãmarãrẽ Egiptogue ããrãnerãrẽ siuwãgã, wãdiya deko diadiyague eja, Marĩpu turaro merã irasũta iridi ããrĩmĩ doja. Puru cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja. ³⁷ Moiséta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Purugue marĩyagure Marĩpu iriugukumi ĩgũya kerere werebure. Yure ĩgũ iriuderosũta ĩgũdere iriugukumi. ĩgũ wererire õãrõ pẽduripĩka!” ãrĩ weredi ããrĩmĩ. ³⁸ Marĩ ñekũsãmarã masaka marĩrõgue nerẽmakũ, Moisés ĩgũsã merã ããrĩdi ããrĩmĩ. Irogue Sinai wãikudi ãtãũgue Marĩpure wereboegu ĩgũrẽ weredi ããrĩmĩ. ĩgũ irasũ weremakũ pẽadeare Moisés marĩ ñekũsãmarãrẽ weretaudi ããrĩmĩ. Marĩ irire pẽmakũ, Marĩpu marĩrẽ ĩgũ merã õãrõ ããrĩmakũ yãmi. Iri neõ perebirikoa.

³⁹ Moisés irire werekeremakũ, marĩ ñekũsãmarã gapu neõ buremubirinerã ããrĩmã. ĩgũdere buremubiri: “Egiptogue dujãakõãrã”, ãrĩ gũñanerã ããrĩmã. ⁴⁰ Irasirirã Moisés ãtãũgue ããrĩripoe ĩgũ tĩgũ Aarõrẽ: “Marĩrẽ Egiptogue ããrĩrãrẽ ãrĩdi, ĩnaásũ waayuri? Marĩ neõ masĩbea”, ãrĩnerã ããrĩmã. Irasirirã Aarõrẽ: “Keori weabosaka gũare! I keori weadea merã kõãdupiyurãkoa, marĩ waaburi maarẽ ĩmuburo, ãrĩrã”, ãrĩnerã ããrĩmã. ⁴¹ Irasũ ãrĩ odo, sugu weku majĩgũ keori oro merã weanerã ããrĩmã. Puru ĩgũsãyarã waimurã ejorãrẽ wẽjẽ, soeponerã ããrĩmã iri weadeare buremurã. Puru irire usuyari merã ĩãrã, bosenu irinũgãnerã ããrĩmã. ⁴² ĩgũsã weadeare buremumakũ ĩãgũ, Marĩpu ĩgũsãrẽ bẽodi ããrĩmĩ, ĩgũsã gããmerõ iriburo, ãrĩgũ. Irasirirã neñukãrẽ, abeare buremunũgãnerã ããrĩmã. Marĩpũya kerere weredupiyunerã ãsũ ãrĩ gojanerã ããrĩmã Marĩpu ãrĩdeare gojarã:

Musã, Israel bumarã masaka marĩrõgue cuarenta bojori ããrĩrã, yu gapure musãyarãrẽ waimurã ejorãrẽ wẽjẽ soepeo buremubiribu.

⁴³ Irasirirã musã Moloc wãikugũ keorire b̄remurã, ãgũrẽ b̄remurĩ wiire, musã suri gasiri merã iridea wiire kõãgorenabu.

Gajigũ Refán wãikugũ neñukãmũ keori musã weadeadere b̄remubu. Musã iri keorire weabu b̄remuduarã. Irasirigũ, musã yure b̄remubiridea waja musãrẽ Babilonia wãikuro koregue béogura, ãrĩ gojanerã ããrĩmã.✠

⁴⁴ Irasũ ãrĩ odo, Esteban oparãrẽ Marĩpũya wiima gapure wereyupũ doja:

—Marĩ ñekũsãmarã masaka marĩõgue ããrĩrã, Marĩpũre b̄remurĩ wii, waimurã gasiri merã ãgũsã iridea wiire opanerã ããrĩmã. Iri wiiguere Marĩpũ pe mojóma doreri gojadea majĩ ùtã majĩ ããrĩdero ããrĩbũ. ãgũsã iri wiire iriburo dupiyuro Marĩpũ Moisére iri wii keorire: “Ãsũpero irika!” ãrĩdi ããrĩmĩ. Irasirirã marĩ ñekũsãmarã iri wiire Marĩpũ dorederosũta keoro irinerã ããrĩmã. ⁴⁵ ãgũsã boadero pũrũ, ãgũsã pũrũ marã iri wiire opaturianerã ããrĩmã. Pũrũ Josué ãgũsãrẽ siiuwãgãmakũ, iri wiire ãgũsã noó waaró ãñãnerã ããrĩmã. ãgũsã õõgue ejamakũ, Marĩpũ i nikũ marãrẽ judío masaka ããrĩbirinerãrẽ béokõãdi ããrĩmĩ. Yoaripoe marĩ ñekũsãmarã Marĩpũre iri wiigue b̄remunerã ããrĩmã. David opũ ñajãdero pũrũguedere opanerã ããrĩmã. ⁴⁶ Marĩpũ Davire ãgũ ãũrõ õãrõ iridire usuyari merã ããdi ããrĩmĩ. Irasirigũ David Marĩpũre ãsũ ãrĩdi ããrĩmĩ: “Gua ñekũ Jacob b̄remudi ããrã mũ. Irasirigũ yũ marẽ wãri wii mũ ããrĩburi wiire iribosasi”, ãrĩdi ããrĩmĩ. ãgũ irasiridũakeregũ, iri wiire iribiridi ããrĩmĩ. ⁴⁷ ãgũ magũ Salomón gapũ iri wiire iridi ããrĩmĩ pama. ⁴⁸ Irasirikeremakũ, Marĩpũ gapũ ããrĩpererãrẽ doregũ ããrĩsã, masaka iridea wiirigue dita ããrĩbemi. Iripoegue ãgũya kerere weredupiyudi ãsũ ãrĩ gojadi ããrĩmĩ Marĩpũ ãrĩdeare gojagũ:

⁴⁹ Yũ, ããrĩpererã Opũ ããrã. Ëmũgasi yũ doaro irirosũ ããrã. I nikũ yaa guburi kũraña doanĩrõ irirosũ ããrã. Irasirirã, yũ ããrĩburi wiire irimasĩbea musã.

⁵⁰ Yũta ããrĩpererire iribũ, ãrĩmi Marĩpũ, ãrĩ gojasũdero ããrĩbũ.✠

⁵¹ Esteban irasũ ãrĩ odo, ãsũ ãrĩ werenemoyupũ doja:

—Musã Marĩpũ dorerire tarinũgã. ãgũrẽ masĩmerã irirosũ ãgũ wererire neõ péduabea. Õãgũ deyomarĩgũ dorerire neõ iridũabea. Marĩ ñekũsãmarã iriderosũta iririkũkõã.

⁵² ãgũsã ããrĩpererã Marĩpũya kerere weredupiyunerãrẽ ñerõ waamakũ irinerã ããrĩmã. Gajirãrẽ: “Jesús marĩrẽ taubu, Marĩpũ doreri iribu aarigũkumi”, ãrĩ wererãrẽ wẽjẽnerã ããrĩmã. ãgũrẽta ãgũ ejadero pũrũ, musã gapũ ñeã, gajirãrẽ wia wẽjẽdorebũ. ⁵³ Marĩpũ ãgũrẽ wereboerã merã ãgũ dorerire marĩ ñekũsãmarãrẽ píkeremakũ, musã irire bũro tarinũgã, ãrĩ wereyupũ Esteban oparãrẽ.

Estebãrẽ wẽjẽdea

⁵⁴ ãgũ irasũ ãrĩmakũ pérã, bũro guari merã ãgũsãya guikare kũrĩduútũñurã. ⁵⁵ Esteban gapũ Õãgũ deyomarĩgũrẽ opatariyupũ. Ëmũgasigue ããmu, Marĩpũ goesiririre ããyupũ. Marĩpũ diaye gapũ Jesús nímakũ ããyupũ. ⁵⁶ Esteban ãgũrẽ ããgũ: “ããka!” ãrĩyupũ. “Ëmũgasi tũpãmakũ ãã. Jesús ããrĩpererã tũgũ Marĩpũ diaye gapũ nímakũ ãã yũ”, ãrĩyupũ oparãrẽ.

⁵⁷⁻⁵⁸ ãgũ irasũ ãrĩmakũ péduamerã, bũro gaguinĩ, ãgũsãya gãmipũrĩrẽ biañurã. Suro merã ùmawãgã, ãgũrẽ ñeã, iri makã tũroque ããñurã. ãgũsãya suri wekamarẽ túwea pí, sugũ maamũ Saulo wãikũgũre irire koredoreñurã. Odo, Estebãrẽ ùtãyeri merã dea wẽjẽñurã.

⁵⁹ ãgũsã irasirimakũ, Esteban ãsũ ãrĩ sërẽyupũ:

—Jesús yũ Opũ, yũ kõmomakũ, yaa yũjũpũrãrẽ ñeãka! ãrĩyupũ. ⁶⁰ Pũrũ ãgũya ñadũkupuri merã ejamejãja, bũro gaguinĩrĩ merã:

—Yũ Opũ, kãtika, ããsãrẽ yũre ãgũsã irasiririre, ãrĩyupũ. Irasũ ãrĩ, kõmoakõãyupũ pama.

8

Saulo Jesũre b̄remurãrẽ ñerõ iridea

1 Saulo ìgūsā Estebārē dea wējēmakū ìāgū: “Ōārō irirā irasū yāma”, ārī gūñayurū. Irin̄ta Jesúre b̄remumerā ìgūrē b̄remurārē Jerusalēgue āārīrārē ñerō irin̄gāñurā. Irasirimakū ìā, Jesúre b̄remurā gap̄ āārīpererā Judea nikūgue, Samaria nikūgue waasiriakōāñurā. Jesús buedoregū beyenerā dita Jerusalēguere dujañurā. Gajirogue waabiriñurā. 2 Gajirā ūma Marīp̄ure b̄remurā Estebāya dup̄re yáarā, b̄ro ore b̄jawereñurā. 3 Saulo gap̄ neō sugū Jesúre b̄remugū marīkōāburo, ārīgū, Jesúre b̄remurāya wiirigue ñajāa, ūmarē, nomedere ñeā, peresu iribu āñayurū.

Felipe Samaria marārē buedea

4 Ìgū irasirimakū, Jesúre b̄remurā Jerusalērē wirirā, noó ìgūsā waaró Marīp̄u masakare tauri kerere werenañurā. 5 Felipe wāikugū Samaria nikū āārīrī makāgue waa, iroque eja, iro marārē Jesucristoya kerere werenayurū. 6 Ìgū iri kerere weremakū pérā, ìgū Marīp̄u turaro merā iri ìmumakū ìārā, ìgū p̄ro nerēnañurā ìgū wererire ōārō pémurā. 7 Wárā wātēa ñajāsūnerārē tauyurū. Wātēa gap̄ ìgūsāguere āārīnerā b̄ro gaguinīrī merā wiriñurā. Wárā dup̄ b̄uarārē, waamasīmerādere tauyurū. 8 Irasirimakū ìārā, iri makā marā b̄ro us̄yañurā.

9 Iri makārē sugū Simón wāikugū yé āārīyurū. Ìgū yoaripoe yéa iririk̄r̄ire irigore-namakū ìārā, Samaria marā ìāgukanokōāñurā. “Ȳu masītarin̄gāgū āārā”, ārī werenayurū ìgūsārē. 10 Irasirirā āārīpererā iri makā marā oparā, oparā āārīmerāde ìgūrē: “Ì ìm̄gasigue marā Op̄u irirosū turari opagū āārīkumi”, ārī gūñadiñurā.

11 Ìgū sōō gap̄ merā wári yéa iririk̄r̄ire irimakū ìārā, wárā masaka ìgūrē b̄remuñurā. 12 Felipe gap̄ Samaria marārē: “Marīp̄u āārīpererā Op̄u āārīmi. Ìgū magū Jesucristo marīrē taugū āārīmi”, ārī wereyurū. Ūma, nome, ìgū wererire pé b̄remumakū ìāgū, ìgūsārē deko merā wāiyeyurū. 13 Simōde Jesúre: “B̄remua ȳu”, ārīmakū pégu, Felipe ìgūdere wāiyeyurū. P̄ru Felipe merā waagorenayurū. Felipe Marīp̄u turaro merā iri ìmumakū ìāgū, ìāgukanokōāyurū.

14 Jesús buedoregū beyenerā Jerusalēgue āārīrā: “Samaria marā Marīp̄uyare ōārō b̄remun̄gāñurā”, ārīrī kerere pérā, Pedro, Juārē ìādorerā iriñurā. 15 Iroque ejarā, Jesúre b̄remurārē Marīp̄ure sērēbosañurā, Ōāgū deyomarīgūrē bokatīrīñeāburo, ārīrā. 16 Ìgūsā marī Op̄u Jesúre b̄remun̄gādero p̄ru, ìgū wāi merā dita wāiyēsūñurā. Ōāgū deyomarīgū ìgūsārē ejabiriyurū dapa. 17 Irasirirā Pedrosā ìgūsāya mojōrī merā Jesúre b̄remun̄gānerāya dipu weka ñapeoñurā. Ìgūsā ñapeomakū, Ōāgū deyomarīgū ìgūsāguere ejayurū.

18 Pedrosā ñapeomakū, Ōāgū deyomarīgū ejamakū ìāgū, Simón gap̄ ìgūsā turarire gāāmegū, niyeru merā wajarid̄adiyurū. Āsū ārīyurū:

19 —Iri turarire sīka ȳdere! Ȳu ñapeorāguere Ōāgū deyomarīgū ejamakū irid̄akoa, ārīyurū.

20 Ìgū irasū ārīmakū, Pedro ìgūrē ȳj̄yurū:

—M̄u Marīp̄u turari sīrīrē: “Niyeru merā wajariḡukoa” ārī gūñarī waja, m̄ya niyeru, m̄u merāta béosūrokoa. 21 Marīp̄u ìūrōrē m̄u gūñarī diaye āārībea. Irasirigū ḡua irirosū irimasībirikoa. 22-23 M̄u ñerō iririre iripautariadi āārā. Irasirigū m̄u ñerō iririre b̄jawere, m̄u gūñarīrē gorawayuka! Marīp̄ure sērēka, m̄u ñerō gūñarīrē kātiburo, ārīgū. Gajipoe irigū irire kātibukumi m̄u ìgūrē sērēmakū, ārīyurū.

24 Irasū ārīmakū pégu, Simón ìgūsārē ārīyurū:

—M̄usā Marīp̄ure sērēbosaka, ȳure m̄usā ārādea waabirikōāburo, ārīrā, ārīyurū.

25 Pedrosā, Jesús irimakū ìādeare, ìgū buemakū pédeare iri makā marārē were odo, Jerusalēgue goedujāañurā. Goedujāarā, wárā masakare Samaria nikū āārīrī makārī marādere Jesúya kerere werewāgāñurā.

Felipe Etiopíam̄rē weredea

²⁶ Pɯɯ sugɯ Marĩpɯre wereboegɯ Felipere ʼsũ ʼrĩyupɯ:

—Jerusalén merā ʼāārĩɯgāwāgārĩ maa, Gaza wāĩkɯri makā buari maague waaka! Iri maa masaka marĩrōgue ʼāārĩwāgāa, ʼrĩyupɯ.

²⁷ Īgũ irasũ ʼrĩmakũ pé, Felipe iri maague buagɯ, sugɯ Etiopíamɯrē bokajayupɯ. Īgũ iri nikũ marā opo dokamɯ, ʼāārĩpereri igoya niyerure korerimasũ ʼāārĩyupɯ. Īgũ Jerusalēgue Marĩpɯre bɯremugũ ejadi ʼāārĩyupɯ. ²⁸ Irogue ejadi Īgũya nikũgue goedujáagɯ, Īgũya tũrũdiru caballua tũādiru wekague doagɯ, Isaías Marĩpɯya kerere weredupiyudi gojadea pũrē buegɯ iriyupɯ. ²⁹ Īgũ bueripoe Ōāgũ deyomarĩgũ Felipere:

—Iriru pɯroweya waaka! ʼrĩyupɯ.

³⁰ Īgũ irasũ ʼrĩmakũ pé, Felipe iriru pɯro ũmawāgā, Etiopíamɯ Isaías gojadea pũrē buemakũ péyupɯ. Īgũ irire buemakũ pégu:

—¿Mɯ buerire pémasĩrĩ? ʼrĩ sērēñayupɯ.

³¹ Īgũ garɯ yɯjɯyupɯ:

—¿Nasiri pémasĩbukuri, yɯ gajigɯ yɯre i irasũ ʼrĩduaro yáa, ʼrĩgũ marĩkeremakũ? Mɯrĩñajāka, irire yɯre buebu, ʼrĩyupɯ Felipere.

³² Īgũ bueri ʼsũ ʼrĩyuro:

Ovejare ñeā wējēderosũta Īgũdere ñeā wējērākuma. Oveja majĩgũrē Īgũya poarire Īgũsā peramakũ, Īgũ gaguinĩbiriderosũta ñĩ masakude gaguinĩbirikumi.

³³ Masaka Īgũrē bɯridarākuma. Īgũ ñerō iribirikeremakũ, neō sugɯ Īgũrē: “Waja opabemi”, ʼrĩbirikuma.

Irasirirā, Īgũ i nikũgue ʼāārĩripoe Īgũya nikũ marā Īgũrē ñerō iri, wējērākuma. Īgũsā ñerō irideare neō sugɯ werepeomasĩbirikumi, ʼrĩ gojadea ʼāārĩyuro.✠

³⁴ Irire bue odo, Felipere sērēñayupɯ:

—Wereka yɯre! ¿Noārē gojagɯ iriyuri Isaías, Īgũ basi, o gajigugure?

³⁵ Felipe ʼsũ ʼrĩ yujɯyupɯ Īgũrē:

—Iri Jesúre ʼrĩ gojadea ʼāārā, ʼrĩyupɯ. Irasirigɯ Jesúyare Īgũ ōārō iridea kerere wereyupɯ Īgũrē. ³⁶ Irasũ wereniwāgārā, ditarugue ejañurā. Iri ditarure Īgũ, Etiopíamɯ Felipere:

—Īāka! Deko ʼāārā. ¿Mɯ yɯre wāiyemakũ ōāgorabukuri? ʼrĩyupɯ.

³⁷ Felipe garɯ Īgũrē:

—Mɯ Jesucristore ōārō bɯremumakũ, mɯrē deko merā wāiyegara, ʼrĩyupɯ. Etiopíamɯ Īgũrē ʼrĩyupɯ doja:

—Jesucristore bɯremua yɯ. Īgũta Marĩpɯ magũ ʼāārĩmi, ʼrĩyupɯ.

³⁸ Irasirigɯ Etiopíamɯ Īgũya tũrũdiru wejatugure dujupídore, Īgũsā pērā dijinugā, ditarugue ñumuwija, Felipe Īgũrē deko merā wāiyeyupɯ. ³⁹ Īgũrē wāiye odo, ñumuwāgārĩripoe gũñaña marĩrō merā Ōāgũ deyomarĩgũ Felipere gajirogue ʼāākōāyupɯ. Etiopíamɯ Īgũrē dupaturi ĩānemobirikeregɯ, Īgũrē waadeare gũña, bɯro usɯyari merā Īgũya makāgue dujāakōāyupɯ. ⁴⁰ Felipe garɯ Ōāgũ deyomarĩgũ Īgũrē ʼāādero pɯɯ, Azote wāĩkɯri makāgue ejayupɯ. Irogue eja, makārĩkɯ Jesúya kerere weregorenagũ, Cesarea wāĩkɯri makāgue weretũnujayupɯ.

9

Saulo Jesúre bɯremunugādea
(Hch 22.6-16; 26.12-18)

¹ Felipe buegorenaripoe Saulo garɯ Jesúre bɯremurārē ĩāturigɯ: “Wējēpeokōāgɯra”, ʼrĩrĩrē piribirisĩā, paía opɯ pɯrogue waa, ʼsũ ʼrĩyupɯ:

✠ 8:33 Is 53.7-8

²—Yure papera pũ ãmubosaka, Damascogue waaburire. Iri pũrẽ marĩ nerẽrĩ wiiri marã oparãrẽ wiabu yáa. Iri makã marã Jesúre bñremurãrẽ ãma, nomerẽ, noó yu bokajarãrẽ ñeã ãirigura Jerusalẽgue peresu iribu, ãrĩ sërẽyupũ Saulo paía opure. ³ Iri pũrẽ sñadero purũ, Saulo gajirã merã Damascogue waakõãyupũ. Ìgũ iri makã ejabu iriripoe gũñaña marĩrõ ãmugasigue merã bñro kũmijũrõ ìgũ purore gosesiridijuyuro. ⁴ Irasũ waamakũ, Saulo yebague meémejëgũ, ãsũ ãrĩ werenimãkũ péyupũ:

—Saulo, ¿nasirigu yure ñerõ yári mu?

⁵ Ìgũ irasũ ãrĩmakũ pégu: “¿Noã ããrĩrĩ mu?” ãrĩyupũ.

—Yu Jesús, mu ñerõ iriguta ããrã. Mu yure ñerõ irigu, mu basita ñerõ yáa, ãrĩyupũ.

⁶ Ìgũ irasũ ãrĩmakũ, Saulo bñro gũi naradari merã:

—Yu Opũ, ¿naásũpero gapũ yu irimakũ gããmerĩ? ãrĩyupũ.

Ìgũ irasũ ãrĩmakũ, ìgũrẽ:

—Wãgãñugã, makãgue waaka! Irogue sugũ yu mure iridoreburire weregũkumi, ãrĩyupũ Jesús Saulore.

⁷ Saulo merã waanerãde Jesús werenírĩrẽ pérã gũka, werenímasĩbiriñurã. Irire pékererã, Jesús gapure neõ ããbiriñurã. ⁸ Saulo yebague oyadi wãgãñugãja, ããpãgũ, neõ ããbiriñurã. Irasirirã ìgũ merãmarã ìgũrẽ tããwãgãñurã Damascogue waarã. ⁹ Irogue eja, ãrenugora koye ããbiri, neõ baabiri, irĩbiri iriyupũ.

¹⁰ Damascoguere sugũ Jesúre bñremugũ Ananías wãikũgu ããrĩyupũ. Kẽrõ irirosũgue Jesús ìgũrẽ wereniyupũ:

—¿Ananías, ããrĩrĩ mu?

—Yu Opũ, õõta ããrã, ãrĩ yujuyupũ.

¹¹ Ìgũ irasũ ãrĩmakũ, Jesús ìgũrẽ:

—Wãgãñugãka! “Diayema maa” wãikũri maague waaka! Iri maague waagũ, Judaya wiigũ ñajãa, sugũ Tarsomure Saulo wãikũgure sërẽñaka! Dapagorare ìgũ yure sërẽgũ yámi. ¹² Ìgũdere neãgue kẽrõ irirosũ ããrĩrĩ merã ìmuabũ. Mu ìgũ purõ ñajãa, ìgũya dipurure ñapeori merã dupaturi ìgũya koye ããburire ìmuabũ. Mu wãidere ìmuabũ ìgũrẽ, ãrĩyupũ Jesús Ananíare.

¹³ Ìgũ irasũ ãrĩmakũ pégu, ãsũ ãrĩyupũ:

—Yu Opũ, ìgũ mure bñremurãrẽ Jerusalẽgue ããrĩrãrẽ ñerõ iriadeare wãrã masaka yure wereama. ¹⁴ I makã marãdere mure bñremurãrẽ ããrĩpererã mu wãĩ merã Marĩpũre sërẽrãrẽ peresu iribu, paía oparã: “Ãsũ irika!” ãrĩ iriuadea pũ merã ejáayupũ, ãrĩ wereyupũ.

¹⁵ Ìgũ irasũ ãrĩkeremakũ, Jesús gapũ:

—Ìgũ purogue waaka! Ìgũ yu beyesũdi ããrĩmi. Irasirigu yaa kerere gaji nikũ marãrẽ, ìgũsã oparãrẽ, Israel bumarãdere weregũkumi. ¹⁶ Irire weregorenagũ, bñro ñerõ tarigũkumi. Yu basi ìgũrẽ weregura, ãrĩyupũ.

¹⁷ Ìgũ irasũ ãrĩmakũ pé, Ananías Judaya wiigũ waa, iri wiigũ ñajãa, Saulore bokaja, ìgũya dipurure ñapeo, ãsũ ãrĩyupũ:

—Yaagũ Saulo, péka yure! Marĩ Opũ Jesúta mure maague deyoadi yure iriuami, mure dupaturi koye ããburo, ãrĩgũ. Õãgũ deyomarĩgũdere opatariburo, ãrĩgũ, iriuami, ãrĩyupũ.

¹⁸ Ìgũ irasũ ãrĩripoeta Sauloya koyeguere waaĩ nãtũrĩ irirosũ deyori tuuyadea yurisiridijakõãyuro. Õãrõ ããkõãyupũ doja. Irasirigu wãgãñugã, deko merã wãiyesũadi dujayupũ. ¹⁹ Purũ baa, turakõãyupũ. Iri makãguere yoaweyaripoe Jesúre bñremurã merã dujayupũ dapa.

Saulo Damasco marãrẽ Jesúyare buenugãdea

²⁰ Iro ããrĩgũ, judío masaka nerẽrĩ wiirigue waa, iroque ããrĩrãrẽ: “Jesús, Marĩpũ magũ ããrĩmi”, ãrĩ werenayupũ. ²¹ Ĩgũ weremakũ pérã, ããrĩpererã péguka, ĩgũsã basi ãsũ ãrĩ gãme werenĩñurã:

—Ĩrĩ Jerusalẽgue Jesúre bũremurãrẽ ĩgũ wãĩ merã Marĩpũre sãrẽrãrẽ wẽjẽdoredita ããrĩmi. Dapagorare i makãguedere õõ marãrẽ Jesúre bũremurãrẽ ñeãgũ aarigũ iriañumi Jerusalẽgue ãia, paía oparãguere wiabu, ãrĩñurã.

²² Ĩgũsã irasũ ãrĩkeremakũ, Saulo gapũ ãmũrikũ judío masakare, Damascogue ããrĩrãrẽ gũiro marĩrõ õãrõ merã: “Jesús diayeta Marĩpũ iriudi, Cristo ããrĩmi”, ãrĩ werenayupũ. Ĩgũ irasũ ãrĩ weremakũ pérã, ĩgũrẽ: “Ãrĩkatogũ yámi ĩĩ”, ãrĩmasĩbiriñurã.

Saulo judío masakare duriwãgãdea

²³ Yoadero pũrũ, surãyeri judío masaka Saulore ĩgũsã wẽjẽburire werenĩmurã nerẽñurã.

²⁴ Irasirirã ãmũrikũ, ñamirĩkũ makã tũro ĩgũsã ãtã koeri merã weadea sãrĩrõ makãpũrore koreñañurã ĩgũrẽ wẽjẽduarã. Saulo gapũ ĩgũsã ĩgũrẽ wẽjẽduarire masĩkõãyupũ.

²⁵ Irasirirã su ñami Jesúre bũremurã wári puui merã ĩgũrẽ iri sãrĩrõma gobegue yótaudijuñurã. ãsũ irisĩã, Saulo iri makãrẽ wiriyupũ.

Saulo Jerusalẽgue goedujáadea

²⁶ Pũrũ Jerusalẽgue goedujayupũ doja. Iroque ejagũ, Jesúre bũremurã merã ããrĩduadiyupũ. Ĩgũsã gapũ ĩgũrẽ gũigorañurã. “Jesúre bũremugũ ããrĩbemi ĩĩ”, ãrĩñurã.

²⁷ Ĩgũsã irasirimakũ ĩãgũ, Bernabé gapũ Saulore Jesús buedoregũ beyenerã pũro ãiayupũ. Iroque eja, ĩgũsãrẽ Saulo maague waagũ ĩgũ Jesúre ĩãdeare, Jesús ĩgũ merã werenĩadeare, ĩgũ Damascogue Jesúya kerere gũiro marĩrõ merã wereadeadere ĩgũsãrẽ wereyupũ.

²⁸⁻²⁹ Ĩgũ irasũ ãrĩ wereadero pũrũ, Saulo ĩgũsã merã ããrĩnũgãyupũ. Irasirigũ ĩgũsã merã Jerusalẽgue gũiro marĩrõ marĩ Opũ Jesúya kerere weregorenayupũ. Iri kerere weregorenagũ, surãyeri judío masaka, griego ya merã werenĩrãrẽ were, ĩgũsã merã gãme werenĩyupũ. Ĩgũsã gapũ ĩgũ wererire péduabirisĩã, ĩgũrẽ wẽjẽduadiñurã. ³⁰ Irasirirã ĩgũsã wẽjẽduamakũ ĩãrã, Jesúre bũremurã gapũ ĩgũrẽ Cesarea wãĩkũri makãgue ãia, iroque eja, ĩgũya makã Tarsogue iriukõãñurã pama.

³¹ Ĩgũ iroque waadero pũrũ, ããrĩpererã Jesúre bũremurã Judea marã, Galilea marã, Samaria marã siñajãrĩ merã dujañurã. Õãgũ deyomarĩgũ iritamurõ merã bũremunemoñurã. Jesúyare goepeyari merã iritayañurã. Gajirã wãrã ĩgũrẽ bũremunũgãñurã.

Pedro Enearẽ taudea

³² Pedro ããrĩpereri makãrĩ marãrẽ Jesúre bũremurãrẽ ĩãgorenagũ waagũ, Lida wãĩkũri makãguedere ejayupũ. ³³ Iroque eja, sugũ Eneas wãĩkũgũre bokajayupũ. Su mojõma pere gaji mojõ ureru pẽrẽbejari bojorigora ĩgũya wiiguere dupũ buadi peyayupũ. ³⁴ Pedro ĩgũrẽ ãrĩyupũ:

—Eneas, Jesucristo mũrẽ taugakumi. Wãgãnũgã, mũ peyaderore ãmu duripíka!

Ĩgũ irasũ ãrĩmakũta, Eneas wãgãnũgãkõãyupũ. ³⁵ ããrĩpererã Lida marã, Sarón marãde ĩgũrẽ ĩãrã, iripoegue ĩgũsã bũremunadeare piri, Jesús gapũre bũremunũgãñurã.

Pedro Dorcare masũdea

³⁶ Gaji makã Jope wãĩkũri makãgue sugo nomeõ Jesúre bũremugõ “Tabita” wãĩkũgo ããrĩyupo. Griego ya merã “Dorcãs” wãĩkũyupo. Igo õãrĩrẽ irigo, boporãrẽ õãrõ iritamugõ ããrĩyupo. ³⁷ Iripoere Pedro Lidague ããrĩripoie igo pũrĩrikũ kõmoakõãyupo. Igo kõmoadero pũrũ, ĩgũsã irinaderosũta igo merãmarã igoya dupũ darore koeñurã. Koe odo, ãmarõma taribugue píñurã. ³⁸ Jope, Lida pũrogã ããrĩyuro. Irasirirã Jope marã Jesúre bũremurã Pedro Lidague ããrĩmakũ pérã, ãma pẽrãrẽ ĩgũ pũroque iriuñurã. Iroque ejarã, ĩgũrẽ:

—Mumurõ merã Jopegue waaka! ãrĩñurã.

³⁹ Īgūsā irasū ārīmakū pégu, mata Pedro ĩgūsā merā Jopegue waayupu. Irogue ejarā, ĩgūrē Dorcas boadeo peyari taribugue siu marīāñurā. Īgū iri taribugue ejamakū, wapiweyarā nome Pedro puo nerēnugāñurā. Orerāta, igo ĩgūsārē suri eabosadeare ĩmuñurā ĩgūrē. ⁴⁰ Pedro iri taribugue āārīrārē āārīpererārē wriadoreyupu. Īgūsā wriadero puu, ñadukupuri merā ejamejāja, Marīpure sērēyupu. Sērē odo, boadeore gāmenugā ĩā:

—Tabita, wāgānugāka! ārīyupu.

Īgū irasū ārīmakūta, koye ĩāpā, Pedrore ĩāgōta wāgādoayupo. ⁴¹ Pedro igoya mojōgue ñeā, tūāwāgūnū, puu wapiweyarā nomerē gajirā Jesúre bāremurādere siumu, ĩgūsārē wiayupu igore. ⁴² Āārīpererā Joje marā igore ĩgū masūadea kerere péperekōāñurā. Irasirirā wārā Jesúre bāremunugāñurā. ⁴³ Pedro yoaripoe Jopeguere sugū Simón wāikugu, waimarā gasirire āmurīmasūya wiigūe āārīyupu.

10

Cornelio Pedrore siudoredea

¹ Cesareaguere Cornelio wāikugu wārā surara, “Italiano” wāikuri bumarā opu āārīyupu. ² Cornelio, āārīpererā ĩgūya wii marā merā Marīpure gopeyari merā bāremuñurā. Irasirigu judío masaka boporārē iritamugū wāri niyeru sīnayupu. Ūmuriku Marīpure sērēnayupu. ³ Sunu ñamika tres āārīmakū, kērō irirosūgue sugū Marīpure wereboegu deyoa, ĩgū puo ñajāmakū ĩāyupu. Ñajāa, ĩgūrē:

—Cornelio, ārīyupu.

⁴ Cornelio buro güiri merā ĩgū ditare ĩā:

—Yu Opu, ¿ñeēnorē gāāmerī? ārīyupu.

Īgū irasū ārīmakū, Marīpure wereboegu ĩgūrē ārīyupu:

—Marīpu mu sērērē pēmi. Mu boporārē niyeru sīrdere ĩāmi. ⁵ Irasirigu Simón Pedro wāikugure siudoregu, Jopegue iriuka mūyarā ūmarē! ⁶ Īgū gajigu Simón wāikugu waimarā gasirire āmurīmasūya wiigūe āārīmi. Iri wii wādiya turo āārā, ārīyupu.

⁷ Marīpure wereboegu irasū ārī odo, waadero puu, Cornelio ĩgūrē moāboerā pērārē, gajigu surara ĩgūrē iritamugūrē Marīpure gopeyari merā bāremugūrē siuyupu. ⁸ Īgūsārē siu, āārīpereri Marīpure wereboegu ĩgūrē wereadeare wereyupu. Were odo, ĩgūsārē Jopegue iriukōāyupu.

⁹ Īgūsā waadeanu gajinu gapu goeripoe āārīmakū, Jopegue ejamurā iriripoe Pedro ĩgū āārīrī wii wekague Marīpure sērēgū marīayupu. ¹⁰ Īgū irogue āārīgū buro uaboa, baadūdiyupu. Iri wii marā ĩgūsā baari āmuripoe kērō irirosū waasū, ūmugasi tūpāmakū ĩāyupu. ¹¹ Irasū tūpāmakū, suñe surīro irirosū deyori gasiro wapikuri turo suadea gasiro miē, yebague dijarimakū ĩāyupu. ¹² Iri gasiro poekaguere āārīpererā waimarā: paárā, yebague sīgūwāgārā, wārā sāñañurā. ¹³ Marīpu ĩgūrē:

—Pedro, wāgānugā, ĩsārē wējē baaka! ārīyupu.

¹⁴ Īgū irasū ārīmakū:

—Yu Opu, yu ĩgūsānorē neō baañabea. Ñerārē, mu guare baadorebirinerārē neō baabea, ārīyupu.

¹⁵ Marīpu ĩgūrē dupaturi ārīnemoyupu doja:

—Yu: “Ōārā āārīma”, ārīrārē, ĩgūsārē: “Ñerā, baaya marīrā āārīma”, ārībirikōāka! ¹⁶ Ūrea ĩgūrē irire ĩmuadero puu, iri gasirore ūmugasigūe āimurīākōāyupu doja. ¹⁷ Pedro: “¿Naásū ārīduaro irikuri iri yure ĩmuadea?” ārī gūñarikaripoe Cornelio iriuanerā ĩgū āārīrī wii makāpuo: “¿Simōya wii noogue āārīrī?” ārī sērēñarā ejañurā. ¹⁸ Irogue eja, iri wii marārē: “¿Ōōta āārīrī, Simón Pedro wāikugu?” ārī oeñurā. ¹⁹ Pedro ĩgū ĩadeare gūñagū iriyupu dapa. Īgū irire gūñarikaripoe Ōāgū deyomarīgū ĩgūrē:

—Īāka! Ūma ɯrerā āmarā yāma mūrē. ²⁰ Murĩgora dijapurumuka! “¿Naāsũ waarokuri yure?” ārĩ, neō gũñarikuro marĩrō ĩgūsā merā waaka! Yũ ĩgūsārē iriuabu mūrē, ārĩyupu Pedrore.

²¹ ĩgũ irasũ ārĩmakũ pégu, Pedro dija, ĩgūsārē:

—Yuta āārā musā āmagú. ¿Nasirirā aarari? ārĩyupu.

²² ĩgūsā ĩgūrē ārĩñurā:

—Surara opu Cornelio wāikugu guare iriuami. ĩgũ oārĩrē irigu, Marĩpure goepeyari merā buremugũ āārĩmi. Āārĩpererā judío masaka ĩgūrē: “Ōāgũ āārĩmi”, ārĩ ĩāma. Sugũ Marĩpure wereboegu mūrē ĩgũya wiigue waadoregu siiudoreayupu. Mu ĩgũ puro waa-makũ, mu wererire pégukumi. Irasirirā mūrē siiurā aarirā iriabu, ārĩñurā.

²³ ĩgūsā irasũ ārĩmakũ pégu, Pedro: “Ñajārika! Ōō kārĩka dapagā ñamirē!” ārĩyupu. Gajinu gapu ĩgūsā merā waakōayupu. Gajirāde Jope marā Jesúre buremurā ĩgūsā merā wapikuwāgāñurā.

²⁴ Gajinu gapu Cesareaguere ejañurā. Cornelio gapu, ĩgũyarārē, ĩgũ merāmarādere ĩgũya wiigue siiu neeō, Pedrore yuyupu. ²⁵ Pedro ĩgũya wii ejamakũ, Cornelio makāpurogue bokatĩrĩgũ wiria, ñadukupuri merā ejamejāyupu ĩgūrē buremugũ. ²⁶ ĩgũ irasirimakũ ĩā, Pedro gapu ĩgūrē tūāwāgūnū:

—Wāgānugāka! Yude mu irirosũta masakũ āārā, ārĩyupu.

²⁷ ĩgũya wiigue weretamu ñajārā, Pedro wārā masaka irogue nerēanerārē bokajayupu.

²⁸ Irasũ bokajagu, ĩgūsārē ārĩyupu:

—Gua judío masaka āārĩrā, judío masaka āārĩmerāya wiiriguere ñajārā, Moisés guare pídeare tarinugābukoa. Musā irire oārō masā. Marĩpu gapu gaji bumarārē: “Ñerā āārĩma”, ārĩdorebirami yure. ²⁹ Irasirigu mu iriuanerā yure siiurimakũ, “Waabea”, ārĩrō marĩrō mata aarabu. Dapagora yu oōgue ejasīā, musārē: “¿Nasiribu yure siiuari?” ārĩ sērēñaduakoa, ārĩyupu.

³⁰ Cornelio ĩgūrē ārĩyupu:

—Wapikurinu taria i horanota tres āārĩmakũ, i wii yu bere, Marĩpure sērēripoe gũñaña marĩrō sugũ ũmu surĩro buro goseriñe sāñagũ deyoa: ³¹ “Cornelio, Marĩpu mu sērērĩrē pémi. Mu boporārē iritamurĩdere ĩāmi”, ārĩmi yure. ³² “Muyarā ũmarē iriuka, Jopegue Simón Pedro wāikugare siiudoregu. ĩgũ gajigu Simón wāikugu waimarā gasirire āmugáya wiigue wádiya turo āārĩrĩ wiigue āārĩmi. ĩgũ mu puro ejagu, mūrē werégukumi”, ārĩ weremi yure. ³³ Irasirigu mata yaarā ũmarē mūrē siiudoregu iriuabu. Irasirigu mu gua puro oārō aarayo. Marĩ āārĩpererā oōrē Marĩpu ĩūrō āārā. Irasirirā āārĩpereri mūrē Marĩpu weredorerire mu guare weremakũ péduakoa, ārĩyupu Cornelio Pedrore.

Pedro Cornelioya wii āārĩrārē weredea

³⁴ ĩgũ irasũ ārĩmakũ pégu, Pedro āsũ ārĩ werenugāyupu ĩgūsārē:

—Yu dapagoragueta pémasā. Diayeta āārā. Marĩpu marĩ āārĩpererārē surosũ ĩāmi.

³⁵ Irasirigu āārĩpereri bumarā ĩgūrē buremu, oārĩrē irirānorē ĩābéobirikumi. ³⁶ Marĩpu ĩgũya kerere judío masakare pídi āārĩmĩ. “Jesucristo merā siñajārĩ bokarākuma”, ārĩdi āārĩmĩ. ĩgũta āārĩpererā opu āārĩmi. ³⁷ Āārĩpereri gua judío masaka āārĩrĩ nikũgue waadeare oārō masĩkoa musā. Juan masakare bue, ĩgūsārē deko merā wāiyemi. ĩgũ irasiriadero puro, Jesús Galileague buenugāmi. ³⁸ Idere masĩkoa musā. ĩ Jesús Nazaretmūrē Marĩpu Ōāgũ deyomarĩgũ merā ĩgūrē turarire sĩdi āārĩmĩ. Marĩpu ĩgũ merā āārĩnikōādi āārĩmĩ. Irasirigu Jesús masakare oārĩrē irigorenami. Noó ĩgũ waaró āārĩpererā wātĩ doreri irirārē taumi. ³⁹ Gua judío masaka āārĩrĩ nikũgue Jerusalēguedere āārĩpereri ĩgũ irideare ĩābu. Irogue ĩgūrē curusague pábiatú wējēma.

⁴⁰ ĩgūsā wējēkeremakũ, ɯrenu waaró merā Marĩpu gapu ĩgūrē masũkōādi āārĩmĩ. ĩgūrē masũ, puro guare deyoamakũ irimi, ĩgũ dupaturi okarire masĩburo, ārĩgũ. ⁴¹ Jesús

ããrĩpererã masakare deyoabiridi ããrĩmĩ. Gũa ditare deyoami. Īgũ deyoamakũ, gũa Īgũ merã baa, iirĩbũ. Iripoegueta Marĩpũ gũare beyedi ããrĩmĩ, Jesũre Īgũ masũadire ĩãmurãrẽ. ⁴² Marĩpũ Jesũreta masaka ããrĩpererã okarãrẽ, boanerãdere: “Ōãrãrẽ taugũkoa, ñerã gapũre wajamoãgũkoa!” ãrĩ beyebure pĩdi ããrĩmĩ. Irire masakare weredoremi gũare Jesũs. ⁴³ ããrĩpererã Jesũre bũremurãrẽ Marĩpũ Īgũsã ñerõ irideare kãtigũkumi, ãrĩrĩrẽ gojanerã ããrĩmã ããrĩpererã Marĩpũya kerere weredupiyunerã, ãrĩ wereyupũ Pedro Cornelioya wii nerẽanerãrẽ.

Judío masaka ããrĩmerãde Ōãgũ deyomarĩgũrẽ opamũgãdea

⁴⁴ Pedro werenĩrĩrẽ pãrãguere Ōãgũ deyomarĩgũ dijijayupũ. ⁴⁵⁻⁴⁶ Īgũ ejadero pũrũ, Īgũsã gajirã ya merã werenĩmasĩbirideare werenĩnũgã, usũyari merã Marĩpũre: “Ōãtarĩgũ ããrã mũ”, ãrĩ bũremuñurã. Īgũsã irasũ ãrĩmakũ pãrã, Pedro merã irogue ejanerã judío masaka Jesũre bũremurã pãgũkakõãñurã. “Marĩpũ Ōãgũ deyomarĩgũrẽ iriumi judío masaka ããrĩmerãdere”, ãrĩñurã. ⁴⁷ Irasirĩgũ Pedro Īgũ merãmarãrẽ ãrĩyupũ:

—Marĩpũ Ōãgũ deyomarĩgũrẽ marĩ judío masakare iriuderosũta ĩĩsãdere iriumi. Irasirirã Īgũsã Ōãgũ deyomarĩgũrẽ opamakũ ĩãrã, marĩ Īgũsãrẽ deko merã wãĩyebirikõãrã, ãrĩmasĩña máa. ⁴⁸ Irasirirã: “Mũsã Jesucristore bũremurã Īgũyarã ããrã”, ãrĩ wãĩyeka Īgũsãrẽ! ãrĩ wereyupũ Pedro Īgũ merãmarãrẽ.

Īgũsãrẽ wãĩyeadero pũrũ, Pedrosãrẽ: “Yoaweyaripoe dujaka gũa merã dapa!” ãrĩñurã.

11

Pedro Jerusalén marãrẽ Jesũre bũremurãrẽ werede

¹ Jesũs buedoregũ beyenerã, gajirã Īgũrẽ bũremurã Judeague ããrĩrã: “Judío masaka ããrĩmerãde Marĩpũyare bũremuma”, ãrĩrĩ kerere pãñurã. ² Pedro Cesareague ããrãdi Jerusalẽgue dujajamakũ ĩãrã, iro marã judío masaka Jesũre bũremurã Īgũrẽ ãsũ ãrĩ werewũa, sãrẽñãñurã:

³ —¿Nasirĩgũ judío masakũ ããrĩkerẽgũ, judío masaka ããrĩmerãya wiigũe ñajãa, Īgũsã merã baáari?

⁴ Īgũsã irasũ ãrĩmakũ, Pedro ããrĩpereri Īgũrẽ irogue waadeare ãsũ ãrĩ wereyupũ:

⁵ —Yũ Jopegue ããrĩgũ, Marĩpũre sãrẽripoe kãrõ irirosũ waabũ yũre. Ūmũgasĩgue suñe surĩro irirosũ deyori gasiro wapikũri tũrori suadea gasiro miẽ, yũ pũro dijarimakũ ĩãbũ. ⁶ Yũ iri gasiro poekaguere: “¿Ñeẽno ããrĩrĩ?” ãrĩ, õãrõ ĩãgũ, ããrĩpererã waimũrã: paárã, makãnúũ marã, yebague sĩgũwãgãrã, wũrã sãñamakũ ĩãbũ. ⁷ Yũ Īgũsãrẽ ĩãnrĩpoe Marĩpũ yũre: “Pedro, wãgãnũgãka! Īgũsãrẽ wẽjẽ baaka!” ãrĩmakũ pãbũ. ⁸ Yũ gapũ Īgũrẽ yũjubũ: “Baabea yũ Opũ. Gajirã waimũrã gũa judío masaka baaya marĩrã ããrĩma. Neõ suñarõ Īgũsãnorẽ baañabi ããrĩkubũ”, ãrĩbũ Īgũrẽ. ⁹ Yũ irasũ ãrĩmakũ, Marĩpũ ãmũgasĩgue ããrĩgũ dupaturi ãrĩmi doja: “Yũ baadorerãrẽ: ‘Baaya marĩrã ããrĩma’”, ãrĩbirikõaka! ãrĩmi yũre. ¹⁰ Ūrea Īgũ irire ĩmuadero pũrũ, iri gasirore ããrĩpererã merã ãmũgasĩgue ãĩmũrĩãkõãmi doja. ¹¹ Irasirirĩpoeta nrerã ãma Cesarea marã yũre siudorerã iriuanerã yũ ããrĩrĩ wiiguere ejama. ¹² Ōãgũ deyomarĩgũ yũre: “Īgũsã judío masaka ããrĩmerã merã waabea’, ãrĩ gũñabita waaka!” ãrĩmi. Irasirĩgũ yũ Jope marã Jesũre bũremurã su mojõma pere gajĩ mojõ suru pãrẽbejarã merã waa, Cesareague eja, gũa ããrĩpererã Cornelioya wiigũe ñajãbũ. ¹³ Gũa iro ñajãjamakũ, Cornelio gũare: “Sugũ Marĩpũre wereboegũ yaa wii ñajãjamakũ ĩãbũ. Īgũ yũre: ‘Jopegue ãma mũyarãrẽ iriuka, Simón Pedro wãĩkũgũre siudoregũ!’ ãrĩmi”, ãrĩ weremi. ¹⁴ “Īgũ mũrẽ Marĩpũyare weremakũ bũremugũ, mũ, mũyarã ããrĩpererã õãrõ tarirãkoa. Ūmũgasĩguere Marĩpũ merã õãrõ usũyari bokarãkoa’, ãrĩ weremi yũre Marĩpũre wereboegũ”, ãrĩmi Cornelio. ¹⁵ Irasirĩgũ yũ Īgũsãrẽ werenũgãripoe Ōãgũ deyomarĩgũ marĩrẽ neõgora Īgũ dijijaderosũta Īgũsãguere

dijijami. ¹⁶ Irasirimakū ĩāgū, Jesús āĩdeare gūñabokabu. Āsūta āĩmi: “Juan musārē deko merā wāiyedi āāĩmí. Yū gapu musārē Ōāgū deyomarīgū merā wāiyeguko, ĩgū musā merā āāĩnikōāburo, āĩgū”. ¹⁷ Marĩpu marĩrē iriuderosūta Ōāgū deyomarīgūrē iriumi, judío masaka āāĩmerādere, marĩ Opu Jesucristore ĩgūsā b̄remumakū. ĩgū irasirimakū ĩāgū, Marĩp̄re: “Irasiribirikōāka ĩgūsārē!” āĩmasĩbiribu yu, āĩ wereyupu Pedro iro āāĩrārē.

¹⁸ ĩgū wereadero puu, toeperea:

—Marĩpu judío masaka āāĩmerādere ĩgūsā ñerō irideare bujawere, piridoremi, ĩgūsāde ũmugasigue ĩgū merā oārō usuyari bokaburo, āĩgū, āĩ, usuyari sīñurā Marĩp̄re.

Antioquía marā Jesúre b̄remudea

¹⁹ Estebārē wējēadero puu, Jesúre b̄remurārē ñerō iriñurā. Irasirirā surāyeri Feniciague, gajirā Chipre nuḡūrōgue, gajirā Antioquíague duriwāgāñurā. ĩgūsā iroque ejarā, Jesúya kerere wereñurā judío masaka ditare. ²⁰ Surāyeri Jesúre b̄remurā Chipre marā, Cirene marā āāĩñurā. ĩgūsā Antioquíague eja, judío masaka āāĩmerārē Jesúya kerere wereñurā. “Jesús, marĩrē taugu, āāĩpererā Opu āāĩmi”, āĩ wereñurā ĩgūsārē. ²¹ Marĩpu irasū āĩ wererārē oārō iritamuyupu. Irasirirā ĩgūsā weremakū pérā, iro marā wárā Jesúre b̄remunugāñurā. ĩgūsā dupiyuro b̄remudeare pirikōāñurā.

²² “ĩgūsāde Jesúre b̄remuma”, āĩrĩ kerere pérā, Jerusalén marā Jesúre b̄remurā Bernabére Antioquíague iriñurā: “‘¿Naásū waáari?’ āĩ ĩāgū waaka!” āĩrā. ²³ Irasirigu iroque eja, Marĩpu ĩgūsārē ĩgū iritamuadeare ĩā, buro usuyari merā:

—Marĩ Opu Jesúre oārō b̄remuníka! ĩgūrē b̄remurĩrē neō piribirikōāka! āĩ wereyupu ĩgūsārē. ²⁴ Bernabé Ōāgū deyomarīgūrē opatarigu, oāgū, Jesúre oārō b̄remugū āāĩyupu. Irasirirā ĩgū weremakū pérā, wárā masaka Jesúre b̄remuñurā.

²⁵ Puu Bernabé Antioquíague āārādi Saulore Tarsogue āāĩgūrē āmagú waayupu.

²⁶ ĩgūrē bokaja, ĩgūsā pērāgueta Antioquíague goedujaja, Jesúre b̄remurā merā su bojorigora iri makāguere āāĩñurā. Iroguere wárā masakare Jesúyare bueñurā. Iripoe merāta iro marārē Jesúre b̄remurārē: “Cristoyarā, Cristiano āāĩma”, āĩ wāiyep̄oriñurā.

²⁷ Bernabé, Saulo merā Antioquíague āāĩripoe gajirā Jerusalén marā Marĩp̄ya kerere weredupiyurā iroguere waañurā. ²⁸ Sugū ĩgūsā merā, Agabo wāĩkugu āāĩyupu. ĩgū iroque eja, Ōāgū deyomarīgū masĩrĩ sĩrĩ merā iro marārē:

—Āāĩpereroguerē masaka ũboarākuma, āĩ wereyupu ĩgūsārē. Claudio wāĩkugu romano marā opu ñajādero puu Agabo ĩgū āĩdea waayuro. ²⁹ ĩgū irasū āĩmakū pérā, Antioquía marā Jesúre b̄remurā āsū āĩñurā:

—Marĩ Judeague āāĩrārē Jesúre b̄remurārē marĩ niyeru oparire, marĩ s̄rō bokatĩūrō iriurā! āĩñurā. ³⁰ Irasirirā niyeru neō, Bernabé, Saulo merā: “Jesús buedoregu beyenerārē iritamurārē wiaka!” āĩ iriñurā.

12

Santiagore wējēdea, Pedrore peresu iridea

¹ Iripoe Herodes wāĩkugu Judea marā opu, surāyeri Jesúre b̄remurā Jerusalēgue āāĩrārē ñerō irinugāyupu. ² Irasirigu ĩgūyarā surarare Santiagore Juan tīgūrē sareri majĩ merā wējēdoreyupu. ³ ĩgūrē wējēmakū ĩārā, judío masaka usuyañurā. Herodes ĩgūsā usuyamakū ĩāgū, Pedrore ñeādere, peresu iriyupu. Irasiriripoe pā wemasārĩ morēña marĩrĩ baari bosenu pascua bosenu āāĩyuro. ⁴ ĩgūrē peresu iriadero puu, wapikuri bu surarare gorawayu koredoreyupu. Iri buriku wapikurā dita āāĩñurā. “Pascua bosenu puu, āĩwiugura masaka ĩūrōgue ĩgūrē wējēdorebu”, āĩ gūñadiyupu Herodes. ⁵ Irasirirā

Pedrore surara òãrõ koreníkõãñurã. Ìgũ irogue ããrĩripoe Jesúre b̄remurã gapu Marĩp̄ure b̄uro s̄er̄ebosaníkõãñurã.

Marĩp̄u Pedrore peresugue ããrĩgũr̄e taudea

⁶ Herodes Pedrore masaka Ìurõgue Ìgũr̄e ãiwiuburi ñamir̄e p̄rã surara watopegue peda kõmeda merã suasũadi kãrĩyupu. Gajirã surara p̄rã makãp̄uro wiriarore koreñurã. ⁷ ããrĩpererã kãrĩripoe gũñaña marĩrõ sugu Marĩp̄ure wereboegu Pedro ããrĩrĩ taribugue deyoayupu. Irasiriro iri taribu poekague òãrõ boyosiriakõãyuro. Marĩp̄ure wereboegu Pedroya dukare tũkare, Ìgũr̄e yobeyupu.

—Murĩgora wãgãnuãgãka! ãrĩyupu. Ìgũ irasũ ãrĩmakũta, Pedroya mojõrĩr̄e Ìgũsã kõmedari suadea kuradijakõãyuro. ⁸ Marĩp̄ure wereboegu Ìgũr̄e:

—Yujutũka! M̄aya gubu surĩre sãñaka! ãrĩyupu.

Ìgũ irasũ ãrĩmakũ p̄egu, yujutũ, Ìgũya gubu surĩre sãñayupu. Ìgũ sãña odomakũ, ãrĩyupu doja:

—Wekamañe surĩrore sãñaka! Náka, yu merã! ãrĩyupu.

⁹ Ìgũ irasũ ãrĩmakũ p̄egu, Pedro Ìgũr̄e tuyawiriayupu. “¿Diayeta Marĩp̄ure wereboegu yure ãiwiriagu irikuri? Gajipoe irigu k̄egũ iribukoa”, ãrĩ gũñayupu. ¹⁰ Marĩp̄ure wereboegu, Pedro merã surara korerã ããrĩp̄urorirãr̄e tari, p̄uru gajirãr̄e tari, iri wii ñajãp̄uroriri kõme makãp̄urogue ejañurã. Iro Ìgũsã ejamakũ, iri makãp̄uro basi tũpãkõãyuro. Iri makãp̄urore tariwiria, yoawayaro waa, Marĩp̄ure wereboegu dederiakõãyupu. Pedro suguta dujayupu pama. ¹¹ Marĩp̄ure wereboegu dederiadero p̄uru, Pedro Ìgũr̄e waadeare òãrõ p̄emasĩ:

—Diayeta Marĩp̄u yure wijatadoregu, Ìgũr̄e wereboegure iriuañumi Herodes yure ñerõ iribirikõãburo, ãrĩgũ, gaji ããrĩpereri judío masaka yure ñerõ iriduarire kãmutadoregu, ãrĩ gũñayupu.

¹² Irire gũñawãgã, Maríaya wiigüe ejayupu. Igo, Juan Marcos wãikugu pago ããrĩyupo. Iri wiigüere masaka wárã ner̄e, Marĩp̄ure s̄er̄ebosarã iriñurã Ìgũr̄e. ¹³ Irogue ejagu, Pedro iri wii turo ñajãri makãp̄urore doteyupu. Ìgũ dotemakũ p̄ego, sugo Rode wãikugo iri wii marãr̄e moãboego: “¿Noã ããrĩrĩ?” ãrĩ Ìãgõ waayupo. ¹⁴ Ìgũ werenĩr̄e p̄emasĩ, makãp̄urore tũpãbeota usuyari merã ùmañajãa, iro ner̄eãner̄e: “Pedro makãp̄uro ããrĩgũ kárinami”, ãrĩ wereyupo. ¹⁵ Igo irasũ ãrĩmakũ p̄erã, igore: “M̄u irasũ ãrĩmoãmakõãgõ yãa”, ãrĩ, igo wererire b̄remubiriñurã.

Igo gapu Ìgũsãr̄e: “Diayeta ãrã yu”, ãrĩyupo.

“Iro mer̄e Pedroya yujupũrã ããrĩkoa”, ãrĩñurã.

¹⁶ Pedro gapu makãp̄urore dotegu iriyupu dapa. Irasirimakũ waa, iri makãp̄urore tũpã, Ìgũ iro nímakũ Ìãrã, gũkakõãñurã. ¹⁷ Ìgũ gapu Ìgũya mojõ merã irikeo, Ìgũsãr̄e toedoreyupu. P̄uru wiigüe ñajãja, Ìgũ peresu ããrĩgũr̄e Marĩp̄u Ìgũr̄e ãiwiriadeare wereyupu Ìgũsãr̄e:

—Irire wereka, Santiagore, gajirã Jesúre b̄remurãr̄e! ãrĩ were odo, gajirogue waakõãyupu.

¹⁸ P̄uru boyoripoe peresu korerã Pedro marĩmakũ Ìãrã: “¿Naásũ waáyuri?” ãrĩ gãme gaguiniñurã Ìgũsã basi. ¹⁹ Irasirigu Herodes Ìgũyarã surarare Pedrore ãmadoreyupu. Ìgũsã bokabirimakũ Ìãgũ, Pedrore koreadinerãr̄e b̄uro s̄er̄eña, Ìgũsã yujubirimakũ, Ìgũsãr̄e w̄j̄edoreyupu. P̄uru Judeare wiri, Cesareague ããrĩgũ waayupu Herodes.

Herodes boadea

²⁰ Iripoere Herodes Tiro, Sidón wãikuri makãrĩ marã merã b̄uro guayupu. Iri makãrĩ marã baari, Herodeya nikũ marã duadea ããrĩyuro. Irasirirã, Ìgũ guamakũ Ìãrã: “Gũare baari duabiribukumi”, ãrĩ, Ìgũ p̄urogue irire ãmurã waañurã. Irogue eja, Herodeya wii koregu Blasto wãikugure: “Iritamuka gũare!” ãrĩñurã. Ìgũ: “Jãu”, ãrĩmakũ p̄erã:

“Herodere wereníbosaka, ìgũ g̃ma merã guanemobirikõãburo, ãrĩgũ!” ãrĩñurã ìgũrẽ. ²¹ Irasirigũ Herodes ìgũsã merã wereníduarinũ ejamakũ, opũ sãñarĩ suríre sãña, masaka ìũrõ opũ doarogue doa, ìgũsãrẽ wereníyupũ. ²² Ìgũ irasũ werenímakũ pérã, masaka gaguiníñurã:

—Ìĩ õõ werenígũ masakũ ããrĩbemi. Ëmũgasigue marã Opũ ããrĩmi, ãrĩñurã.

²³ Ìgũsã irasũ ãrĩmakũ pégu, Herodes ìgũsãrẽ: “Masakũta ããrã yũ”, ãrĩbiryupũ. Irasirigũ Marĩpũre bũremubiri waja, mata Marĩpũre wereboegu Herodere pũrĩrikũmakũ iriyupũ. Irasirigũ Herodes beka baaweasũ boakõãyupũ. ²⁴ Iri irasũ waadero pũrũ, Jesúre bũremurã Marĩpũya kerere ããrĩpereroguerẽ weregorenañurã. Wãrã masaka ìrĩre péñurã. ²⁵ Bernabé, Saulo merã Jerusalégue gajirã Jesúre bũremurãrẽ iritamu odo, Antioquíague gãme dujáañurã. Juan Marcos wãikũgũde ìgũsã merã waayupũ.

13

Bernabé, Saulo merã Jesúya kerere buenũgãdea

¹ Antioquíaguere Jesúre bũremurã watopegue surãyeri Marĩpũya kerere weredupiyurã, gajirã masakare buerimasã ããrĩñurã. Bernabé ìgũsã merãmũ ããrĩyupũ. Gajigũ Simón wãikũgũ ããrĩyupũ. Ìgũrẽta masaka: “Ñígũ” ãrĩ wãíyeyurã. Gajigũ Lucio wãikũgũ Cirenemũ ããrĩyupũ. Gajigũ Manaén wãikũgũ, Herodes Galilea marã opũ dagũ merã suro merã masãdi ããrĩyupũ. Gajigũ Saulo ããrĩyupũ. ² Sunũ ìgũsã bere, Marĩpũre sërëripoe Òãgũ deyomarĩgũ ìgũsãrẽ wereyupũ:

—Bernabé, Saulore beyepíka! Ìgũsã yũre moãboemurã, yũ beyesũnerã ããrĩma, ãrĩyupũ.

³ Ìgũ irasũ ãrĩmakũ pérã, ìgũsã bere, Marĩpũre sërë odo, ìgũsãya dipure ñapeo, seretu iriũñurã.

Bernabé, Saulo merã Chipre marãrẽ buedea

⁴ Pũrũ Bernabé, Saulo merã Òãgũ deyomarĩgũ ìgũsãrẽ iriuderosũta Seleucia wãikũri makãgue waa, irogue eja, doódiru merã Chipre wãikũri nũgũrõgue waañurã. ⁵ Iri nũgũrõma makã Salamina wãikũri makãrẽ eja, judío masaka nererĩ wiirigue Marĩpũya kerere wereñurã. Juan Marcode ìgũsãrẽ iritamugorenayupũ. ⁶ Pũrũ iri nũgũrõrẽ tariwerewãgã, Pafos wãikũri makãgue ejañurã. Irogue ejarã, sugũ judío masakare yé ããrĩgũrẽ bokajañurã. Ìgũ Barjesús wãikũgũ ããrĩyupũ. Griego ya merã Elimas wãikũyupũ. Iri makã marãrẽ: “Ëmũgasigue marã Opũya kerere weredupiyurimasũ ããrã yũ”, ãrĩkatogorenayupũ. ⁷ Sergio Paulo wãikũgũ merãmũ ããrĩyupũ. Sergio Paulo iri nũgũrõ marã opũ, wãri masĩgũ ããrĩyupũ. Ìgũ Marĩpũya kerere péduagũ, Bernabé, Saulore siudoreyupũ. ⁸ Irasirirã ìgũsã ìgũ pũrogue wererã waañurã. Elimas, yé ããrĩgũ gapũ Sergio Paulo Jesúre bũremumakũ gããmebiriyupũ. Irasirigũ ìgũsã wererire kãmutaduadiyupũ. ⁹ Irasirimakũ, Saulo Òãgũ deyomarĩgũrẽ opatarigũ, ìgũrẽ bũro ìãyupũ. Saulota, “Pablo” wãikũyupũ. ¹⁰ Æsũ ãrĩyupũ:

—Mũ ãrĩkatorikũgũ, ñegũ, ããrĩpereri õãrõ iririre kãmutaduagũ, wãtĩ irirosũ ããrã. Marĩ Opũya diayemarẽ gorawayuduagũ ããrã. ¹¹ Mũ irasiriri waja marĩ Opũ mũrẽ wajamoãgũkumi. Irasirigũ mũ koye ìãbi dujagũkoa. Marĩ Opũ mũrẽ wajamoãrõpa abe gosesiririre ìãbirikoa, ãrĩyupũ Pablo ìgũrẽ. Ìgũ irasũ ãrĩrĩ merãta ìgũrẽ naĩtĩãkõãyuro. Neõ koye ìãbi dujayupũ. Irasirigũ ìgũrẽ tũãwãgãbure ãmayupũ. ¹² Ìgũ irasũ waamakũ ìãgũ, Sergio Paulo marĩ Opũ Jesúya buerire pégũkakõãyupũ. Irasirigũ Jesúre bũremuyupũ.

Pablo, Bernabé merã Pisidia nikũma makã Antioquia wãikũri makãgue ejadea

13 Puru Pablo ĩgũ merãmarã merã Pafogue ããrãnerã wiri taribuja, Perge wãikuri makãgue ejañurã. Iri makã Panfilia wãikuri nikũgue ããrĩyuro. ĩgũsã Pergegue eja-makũ, Juan Marcos gapu ĩgũsãrẽ iro pí, Jerusalẽgue gãme dujáakõãyupu doja. 14 Puru Pergegue ããrãnerã gajĩ makã Antioquia wãikuri makãgue waañurã. Iri makã Pisidia wãikuri nikũgue ããrĩyuro. Irogue eja, judío masaka siñajãrĩnu* ããrĩmakũ ĩgũsã nerẽrĩ wiiguet† ñajãa, doañurã. 15 Iri wii marã oparã Moisés gojadeare, Marĩpuya kerere weredupiyunerã gojadeare bueadero puru, Pedrosãrẽ siiu:

—Guaryã, masakare wereduarã, wereka, ĩgũsãrẽ õãrõ ããrĩrikuburo, ãrĩrã! ãrĩñurã.

16 ĩgũsã irasũ ãrĩmakũ pégu, Pablo wãgãnugã, ĩgũya mojõ merã irikeo, ĩgũsãrẽ wereyupu:

—Musã Israel bumarã, gajirã ĩgũsã irirosũ Marĩpure buremurã, õõ ããrĩrã, yu wererire õãrõ péka! 17 Marĩpu, gua judío masaka Israel bumarã buremugũ, gua ñekũsãmarãrẽ beyedi ããrĩmi. Irasirigu iripoegue ĩgũsã Egiptogue ããrĩrãrẽ wãrã masãporemakũ iridi ããrĩmĩ. Puru iri nikũgue ããrĩrãrẽ ĩgũ turaro merã ãiwiridi ããrĩmĩ. 18 ĩgũsã Egiptore wiridero puru, cuarenta bojorigora masaka marĩõgue waagorenãnerã ããrĩmã. Irogue ĩgũsã ĩgũ dorerire tarinugãkeremakũ, Marĩpu ĩgũsãrẽ õãrõ koredi ããrĩmĩ. 19 Puru ĩgũsã Canaán nikũgue ejamakũ, iri nikũ marãrẽ su mojõma pere gajĩ mojõ peru pẽrẽbejari buri marãrẽ Marĩpu béosã, gua ñekũsãmarãrẽ pídi ããrĩmĩ iro ããrĩdoregu. 20 Marĩpu ĩgũsãrẽ iri nikũgue pídero puru, cuatrocientos cincuenta bojorigora ããrĩnerã ããrĩmã. ĩgũsã irogue ããrĩmakũ, Marĩpu ĩgũsãrẽ doremurãrẽ pídi ããrĩmĩ. ĩgũsã Samuel wãikugu Marĩpuya kerere weredupiyudi ĩgũ ããrĩnugãripoegue doretũnunerã ããrĩmã. 21 Gua ñekũsãmarã Samuere: “Sugu gua opu gããmekoa”, ãrĩ sãrẽmakũ pégu, Marĩpu ĩgũsã opu ããrĩbure Saure pídi ããrĩmĩ. Saúl, Cis wãikugu magũ, Benjamĩya bumu ããrĩdi ããrĩmĩ. ĩgũ cuarenta bojorigora ĩgũsã opu ããrĩdi ããrĩmĩ. 22 Puru Marĩpu Saure Israel bumarã opu ããrĩrẽrẽ bẽo, David wãikugure ĩgũsã opu ããrĩbure pídi ããrĩmĩ. ãsũ ãrĩdi ããrĩmĩ ĩgũrẽ: “Davire Isaĩ magũrẽ bokabu. Buro usuyãa ĩgũ merã. ããrĩpereri yu gããmerĩrẽ irigukumi”, ãrĩdi ããrĩmĩ. 23 “Sugu David parãmi ããrĩturiagu, musãrẽ Israel bumarãrẽ taugu aarigukumi”, ãrĩ weredi ããrĩmĩ Marĩpu gua ñekũsãmarãrẽ. Irasirigu ĩgũ ãrĩderosũta Jesũre iriudi ããrĩmĩ. 24 Jesũs masakare buenugãburi dupiyuro Juan ããrĩpererã Israel bumarãrẽ: “Musã ñerõ irideare bujawere, musã gũñarĩrẽ gorawayuka! Musã irasirimakũ ĩãgũ, musãrẽ deko merã wãiyegukoa”, ãrĩ buedi ããrĩmĩ. 25 ĩgũ buetũnuburi dupiyuro ĩgũsãrẽ ãrĩdi ããrĩmĩ: “Musã yure: ‘Guare taugu ããrĩmi’, ãrĩ gũñadãa. ããrĩbea yu. Yu puru gajigu aarigukumi. Yu gapu ubu ããrĩgũ, ĩgũrẽ neõ sãropebirikoa”, ãrĩdi ããrĩmĩ.

26 Yuarã, Abraham parãmerã ããrĩturiarã, gajirã ĩgũsã irirosũ Marĩpure buremurã õõ ããrĩrãde õãrõ péka! Marĩpu marĩrẽ: “Taugura”, ãrĩ kere iriudi ããrĩmĩ. 27 Jerusalén marã, ĩgũsã oparãde Jesũs marĩrẽ taugure ĩãmasĩbirinerã ããrĩmã. Siñajãrĩnuriku Marĩpuya kerere weredupiyunerã gojadeare buekererã, neõ pẽmasĩbirinerã ããrĩmã. Pẽmasĩbirisã, Jesũre wẽjẽdorerã, Marĩpuya werenĩrĩ gojadea pũgue ãrĩderosũta irinerã ããrĩmã. 28 Jesũs ĩgũ ñerõ irideare bokabirikererã, Pilatore: “Wẽjẽka ĩgũrẽ!” ãrĩ sãrẽñurã. 29 Irasirirã iripoegue Marĩpuya kerere weredupiyunerã gojadea pũgue ãrĩderosũta Jesũre ããrĩpererire iri odo, ĩgũrẽ curusague boadire ãrĩdiju, masãgobe ãtãyegue mádea gobegue pínerã ããrĩmã. 30 ĩgũrẽ wẽjẽkeremakũ, Marĩpu gapu boadiguere masũdi ããrĩmĩ. 31 ĩgũ masãdero puru, wãrinurĩ deyoadi ããrĩmĩ ĩgũ merãmarãrẽ. Dupiyurogue ĩgũsã ĩgũ merã Galileague wiri, Jerusalẽgue wapikugorenarã waanerã ããrĩmã. Dapagorare ĩsãta ĩgũ masãdire ĩãnerã, ĩgũyare werema guaryarãrẽ.

* 13:14 Judío masaka siñajãrĩnu, sãbado ããrã. † 13:14 Judío masaka nerẽrĩ wii, sinagoga wãikuri wii ããrã. Irogue ĩgũsã siñajãrĩnu ããrĩmakũ nerẽ, Marĩpuya werenĩrĩ gojadea purẽ buenama.

32-33 'Irasirirã yu, yu merãmu Bernabé musãrê Jesúya kerere wererã aaribú. Iripoegue Marĩpu ìgũ Jesús merã õãrõ iriburire weredi ããrĩmĩ gha ñekúsãmarãrê. Ìgũ ãrĩderosũta gware ìgũsã parãmerã ããrĩturiarãrê irasiridi ããrĩmĩ Jesúre boadiguere masũgũ. Salmos wãikuri gojadea pũgue ãsũ ãrĩ gojasũdero ããrĩbú: “Yu magũ ããrã mu. Dapagã murê masãmakũ yáa”, ãrĩdi ããrĩmĩ Marĩpu. 34 Gaji pũgue Marĩpu ãsũ ãrĩdi ããrĩmĩ, Jesúre boadiguere masũburire, ìgũ dũpu boabiriburire: “Iripoegue yu Davire: ‘Õãrõ irigũra’, ãrĩderosũta murê irigũkoa”, ãrĩdi ããrĩmĩ. 35 Gaji Salmos pũ David ìgũ gojadea pũgue ãsũ ãrĩ gojadi ããrĩmĩ: “Mu dorerire õãrõ iridiya dũpũre neõ boadobirikoa”, ãrĩ gojadi ããrĩmĩ. 36 Diayeta werea. David okagu, Marĩpu gããmederosũta ìgũ ããrĩdeapoe marãrê iritamunĩkõãdi ããrĩmĩ. Ìgũ boadero pũru, ìgũ ñekúsãmarã darãrê yãaderogueta gajirã ìgũrê yãanerã ããrĩmã. Ìgũrê yãadero pũru, ìgũya dũpu boakõãyuro. 37 Jesús Marĩpu masũdiya dũpu gapũ neõ boabiridero ããrĩbú. 38-39 Musã ããrĩpererã Jesúya kerere yu weremakũ, õãrõ péka! Ìgũ merã marĩ ñerõ irideare kãtiri bokarãkoa. Ìgũrê bũremurãnorê ìgũsã ñerõ irideare Marĩpu kãtigakumi. Moisés doreri iriri merã neõ kãtiri bokabirikoa. 40 Irasirirã musã dapagora marã õãrõ pémasĩka! Musã õãrõ pémasĩbirimakũ, iripoegue marã Marĩpũya kerere weredupiyunerã gojaderosũta musãdere waarokoa. 41 ãsũ ãrĩ gojanerã ããrĩmã Marĩpũya werenĩrĩ gojadea pũgue:

Õãrõ péka, yũre bũridarimasã! Musã okarinũrĩrê musãrê gajino bũro goerire ìmugũra. Gajirã musãrê irire weremakũ pékererã, bũremubirikoa. Irasirirã musã bũremubiridea waja béosũrãkoa, ãrĩ gojanerã ããrĩmã,*

ãrĩ wereyupũ Pablo Antioquía marãrê. 42 Pablosã irire were odo, wiriamakũ, judío masaka ããrĩmerã iri wiigũ nerẽanerã ìgũsãrê:

—Gaji siñajãrĩnu ããrĩmakũ, gware irireta werenemoka doja! ãrĩ sêrẽñurã. 43 Irasirirã iri wii nerẽanerã wiriamakũ, wãrã judío masaka, judío masaka irirosũ bũremurãde Pablosã wererire bũremusiã, ìgũsãrê tũyañurã. Irasirirã Pablosã ìgũsãrê: “Marĩpu musãrê bũro maĩrĩ merã ìãgũrê bũremurĩrê neõ piribirikõãka!” ãrĩñurã.

44 Gaji semana siñajãrĩnu ããrĩmakũ, wãrã iri makã marã Marĩpũya kerere pémurã iri wiigũ nerẽñurã doja. 45 Ìgũsã wãrã nerẽmakũ ìãrã, judío masaka Pablore bũro ìãturiñurã. Irasirirã ñerõ werenĩrĩ merã Pablo wererire: “Diaye ããrĩbea”, ãrĩñurã. 46 Ìgũsã irasũ ãrĩmakũ pérã, Pablo, Bernabé gũiro marĩrõ merã ìgũsãrê ãrĩñurã:

—Marĩpu dorederosũta gha musãrê judío masakare ìgũya kerere werepũroriadabu. Musã gapũ irire neõ gããmebea. Marĩpu pũro perebiri okari opaburidere gããmebea. Irasirirã gha judío masaka ããrĩmerã gapũre iri kerere wererãkoa. 47 ãsũta doredi ããrĩmĩ Marĩpu ìgũya werenĩrĩ gojadea pũguere:

Musãrê judío masaka ããrĩmerãrê yaa kerere weredoregũ píũkoa. Irasirigũ ìgũsãrê ããrĩpererã i nikũ marã musã irire weremakũ pérãnorê taugũkoa perebiri peamegue waabonerãrê, ãrĩdi ããrĩmĩ Marĩpu, ãrĩ wereñurã.*

48 Ìgũsã irasũ ãrĩmakũ pérã, judío masaka ããrĩmerã bũro usũyari merã: “Marĩpũya kere gapũ õãrĩ ããrã”, ãrĩñurã. Irasirirã Marĩpu beyesũnerã, ìgũ pũroque perebiri okari ìgũ sũsũmurã, Jesúre bũremuñurã. 49 Irasirirã Marĩpũyare ããrĩpererogue iri nikũ marãrê weregorenañurã. 50 Irasirimakũ ìãrã, surãyeri judío masaka Pablosãrê ñerõ werenĩñurã. Ìgũsã wererire pérã, gajirã wãro niyeru oparã judío masaka iririkũrere bũremurã nome Pablosã merã guañurã. Iri makã marã oparãde ìgũsã merã guañurã. Irasirirã ìgũsãrê ñerõ irinũgã, ìgũsãya nikũrê béowiukõãñurã. 51 Irasirirã Pablo, Bernabé ìgũsãya gubu surire tuadea nikũwerare mojébéoñurã, iri makã marã ìgũsã ñerĩ iriri waja ìmurã. Irasiri odo, Iconiogue waakõãñurã. 52 Ìgũsã waakeremakũ, Jesúre bũremurã gapũ iroque ããrĩrã Õãgũ deyomarĩgũrê opatari, bũro usũyari merã dujañurã.

* 13:41 Hab 1.5 * 13:47 Is 49.6

14

Pablo, Bernabé merã Iconiogue ejadea

¹ Pablo, Bernabé merã Iconiogue eja, judío masaka nerērĩ wiigüe ñajãa, Jesúya kerere wereñurã. Īgūsã weremakũ pérã, judío masaka, gajirã judío masaka ããrĩmerãde wárã Jesúre b̄remunugãñurã. ² Judío masaka Jesúyare péduamerã gap̄, Jesúre b̄remurãrẽ ñerõ wereníñurã. Judío masaka ããrĩmerãrẽ, Jesúre b̄remurã merã guamakũ iriñurã. Irasirirã judío masaka ããrĩmerã Jesúre b̄remurãrẽ ñerõ gũñañurã. ³ Īgūsã irasũ gũñamakũ ããrã, Pablosã gap̄ yoaripoe irore duja, güiro marĩrõ merã: “Marĩp̄ masakare b̄ro maĩrĩ merã ããmi”, ãrĩ bueñurã. Īgūsã buemakũ, Marĩp̄ ĩgũyare: “Diyeta buema”, ãrĩgã, ĩgũ turaro merã iri ĩmurĩrẽ ĩgūsã irimakũ iritamuyup̄. ⁴ Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã. ⁵ Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ãtãyeri merã dea wẽjẽduãñurã. ⁶⁻⁷ Īgūsã irasũ wẽjẽduarire pérã, Pablo, Bernabé merã Licaonia nikũgue duriwãgãñurã. Iroque eja, iro marãrẽ Jesúya kerere buegoreñañurã. Īgūsã irasũ buegorenarã, iri nikũ ããrĩrĩ makãrĩ Listra, Derbe wãĩkari makãrĩgue ejañurã.

Listrague Pablöre ãtãyeri merã deadea

⁸ Listrague eja, suḡ neõ deyoagugüeta waamasĩbiridire iro doagure bokajañurã. ⁹ Irasiriḡ iroque doaḡ, Pablo buemakũ péyup̄. Īgũ pémakũ, Pablo su diayeta ããyup̄ ĩgũrẽ. “Ĩ Jesúre b̄remumi. ‘Īgũ ȳre taumasĩmi’, ãrĩ gũñakumi”, ãrĩ gũñayup̄ Pablo ĩgũrẽ ããgũ. ¹⁰ Irasiriḡ turaro merã:
—Wãgãñugãka! ãrĩyup̄ ĩgũrẽ.

Īgũ irasũ ãrĩmakũ pégu, pariwãgãñugã waayup̄. ¹¹ Pablo ĩgũrẽ irasirimakũ ããrã, Licaonia marã ĩgūsã ya merã ãsũ ãrĩ gaguiniñurã:

—Marĩ b̄remurã ãmarõgue ããrãnerã ãma irirosũ deyorã marĩ p̄roque dijajama, ãrĩ gaguiniñurã.

¹² Irasirirã Bernabére: “Marĩ b̄remurã op̄ Zeus wãĩkuḡ ããrĩmi”, ãrĩ wãĩyeñurã. Pablo gap̄re ĩgūsãrẽ werep̄roridi ããrĩmakũ: “Marĩ b̄remugũ Hermes wãĩkuḡ ããrĩmi”, ãrĩ wãĩyeñurã. ¹³ Iri makã ñajãrõ turo Zeure b̄remurĩ wii ããrĩyuro. Suḡ paĩ iri wiire koreḡ wekware, goori ĩgũ ãmuadeare ãiwãgãyup̄. Īgũ, iro marã merã wekware wẽjẽ soepeod̄adiyup̄ Pablosãrẽ b̄remud̄aḡ. ¹⁴ Īgūsã irasũ irid̄amakũ ããrã, Pablosã ĩgūsãya surĩre yegue, iro ããrĩrã watopegue ãmawãgã, ãsũ ãrĩ gaguiniñurã:

¹⁵ —Musã guare, ¿nasirimurã irasũ yãri? Guade musã irirosũta masaka ããrã. Gua musãrẽ Marĩp̄ya kerere ãsũ ãrĩ wererã aaribũ. Keori weadeare béokõãka! Marĩp̄ okagu gap̄re b̄remuka! Īgũta ãmugasi, i nikũ, dia, ããrĩpererã i ãmugue ããrĩrãrẽ iridi ããrĩmi. ¹⁶ ĩripoegue ããrĩpereri buri marãrẽ ĩgūsã gããmerõ irimakũ kãmutabiridi ããrĩmi. ¹⁷ Masaka ĩgũrẽ b̄remubirikeremakũ, marĩrẽ õãrõ iriḡ, ĩgũ õãrõ ããrĩrikurire ĩmumi ããrĩpererãrẽ. Irasiriḡ deko merẽmakũ yãmi. Marĩ oterire dukakumakũ yãmi marĩ baaburire s̄igũ. Irasiriḡ us̄yari merã ããrĩmakũ yãmi marĩrẽ, ãrĩñurã Pablosã ĩgūsãrẽ.

¹⁸ Īgūsã irasũ ãrĩmakũ pékererã, Pablosãrẽ b̄remud̄arã, wekware wẽjẽ soepeod̄adiñurã dapa. Pablosã gap̄ ĩgūsãrẽ: “Iropata irika! Iririre pirikõãka!” ãrĩmakũ pérã, irire pirikõãñurã pama.

¹⁹ P̄p̄ gajirã judío masaka, Antioquã marã, Iconio marãde Listrague ejañurã. Iroque ejarã, Pablöre ñerõ wereníñurã. Īgūsã irasũ ãrĩmakũ pérã, iro marãde ĩgũ merã gua, ĩgũrẽ ãtãyeri merã deañurã. Dea odo: “Ĩ kõmoakõãmi”, ãrĩ, iri makã turogue tũãwãgã meépibéokõãñurã. ²⁰ Īgūsã irasirikeremakũ, Jesúre b̄remurã gap̄ ĩgũ p̄ro nerẽjañurã.

Īgūsā nerējamakū, wāgānugā, Īgūsā merā makāgue dujáakōāyupū doja. Gajinū gapū Bernabé merā Derbegue waayupū.

²¹ Irogue eja, Jesúya kerere wereñurā. Īgūsā weremakū pérā, wárā iro marā Jesúre b̄remuñurā. Irire were odo, Listrague goedujáañurā. Iro eja, Iconiogue waañurā. P̄r̄r̄ Pisidiana makā Antioquíague ejañurā. ²² Iri makārīgue weregorenarā, Jesúre b̄remurārē ōārō āārīrikumakū iriñurā. “Jesúre b̄remurīrē neō piribirikōāka! Marīp̄r̄ Īgūyarārē doreroguerē waad̄r̄r̄, ōōguere wári poyari merā āārīrākoa”, ārī bueñurā Īgūsārē.

²³ P̄r̄r̄ iri makārīkū marārē Jesúre b̄remurārē iritamumurārē beyeñurā. Beye odo, bere, āsū ārī sērēñurā Marīp̄r̄re Īgūsā b̄remugūrē:

—Ḡr̄r̄ Op̄r̄, ĩsā m̄yarārē iritamuka! ārīñurā.

Pablo, Bernabé merā Siria nikūma makā Antioquíague dujáadea

²⁴ Īgūsā Pisidia nikūgue weregorenadero p̄r̄r̄, Panflia nikūgue ejañurā. ²⁵ Iri nikūma makā Pergere Marīp̄r̄ya kerere were odoadero p̄r̄r̄, Atalia wāikuri makāgue waañurā. ²⁶ Iri makā āārānerā Antioquíague dujáarā, doódiru merā waañurā. Iripoegue iri makā marā Jesúre b̄remurā Pablosārē iriup̄rorirā, Marīp̄r̄re Īgūsāya āārīburire āsū ārī sērēbosanerā āārīmá: “Ḡr̄r̄p̄r̄, m̄ maĩrī merā ĩsārē m̄yare buegorenamakū, ōārō koreka!” ārī sērēnerā āārīmá. Irasirirā Pablo, Bernabé merā Īgūsā buedoreadeare buepeo, iri makārē goeñurā doja. ²⁷ Irasirirā iri makārē goejarā, gajirā Jesúre b̄remurā merā nerē, āārīpereri Īgūsā Marīp̄r̄ turari merā iriadeare, Marīp̄r̄ judío masaka āārīmerādere Jesúre b̄remumakū iriadeare wereñurā Īgūsārē. ²⁸ Yoaripoe iroguerē Jesúre b̄remurā merā āārīñurā.

15

Jerusalēgue Jesúre b̄remurā nerēdea

¹ Pablo, Bernabé Antioquíague āārīripoe gajirā Judea nikū marā irogue eja, Jesúre b̄remurārē āsū ārī buenugāñurā.

—Moisés dorederosūta āārīpererā m̄sāya d̄p̄r̄ma gasirogārē wiiribirimakū, Marīp̄r̄ m̄sārē taubirikumi, ārīñurā. ² Īgūsā irire ārīmakū pérā, Pablosā Īgūsā merā buro gāme guaseoñurā. Irasirirā Antioquíā marā Jesúre b̄remurā Pablore, Bernabé, gajirā iro marādere Jerusalēgue waamurārē beyeñurā. Āsū ārīñurā: “Jerusalēgue waaka! Jesús buedoregū beyenerārē, Īgūsārē iritamurādere: ‘¿Judea marā buerire diayeta āārīrī?’ ārī sērēñarā waaka!” ārī iriñurā.

³ Irasirirā Jesúre b̄remurā Īgūsārē iriadero p̄r̄r̄, Pablo, Bernabé merā Fenicia nikū waa, p̄r̄r̄ Samaria nikūrē tariwāgā, judío masaka āārīmerā Īgūsā ñekūsāmarā b̄remunadeare piri, Marīp̄r̄ya gap̄r̄re b̄remunugārī kerere wererā iriñurā Jesúre b̄remurārē. Irire pérā, āārīpererā buro m̄sāyāñurā.

⁴ Pablosā Jerusalēgue ejamakū ĩārā, Jesúre b̄remurā, Jesús buedoregū beyenerā, Īgūsārē iritamurāde ōārō m̄sāyari merā bokatīrīñurā. Irasirirā Pablo, Bernabé merā āārīpereri Īgūsā Marīp̄r̄ turari merā irideare wereñurā. ⁵ Iroguerē surāyeri fariseo bumarā Jesúre b̄remurā āārīñurā. Pablosā weremakū pékererā, Īgūsā gapū wāgānugā, āsū ārīñurā:

—Judío masaka āārīmerā Jesúre b̄remurā, Īgūsāya d̄p̄r̄ma gasirogārē wiiriburo. “Moisés doredeare irika m̄sāde!” ārīrō gāāmea Īgūsārē, ārīñurā.

⁶ Īgūsā irasū ārīmakū pé, Jesús buedoregū beyenerā, gajirā Īgūsārē iritamurā nerē, irire āmud̄r̄r̄ wereníñurā. ⁷ Īgūsā yoaripoe wereníadero p̄r̄r̄, Pedro wāgānugā, wereyupū Īgūsārē:

—Yaarā, ōārō péka yare! Iripoegue, yū m̄sā merā āārīgūrē Marīp̄r̄ beyedi āārīmí, yare Īgūya kerere judío masaka āārīmerārē weredoregū. Irasirigū Īgū masakare tauri

kerere werea, Jesúre b̄remuburo, āriḡũ. ⁸ Marĩp̄ũ āārĩpererā ḡũñarĩrē masĩḡũ, judío masaka āārĩmerārē Jesúre b̄remurārē: “Yaarā āārĩma”, āri ĩmubu, ĩḡsādere Ōāḡũ deyomarĩḡūrē iriumi marĩrē iriuderosũta. ⁹ Irasiriḡũ marĩrē ĩḡsā merā surosũ ĩāmi. ĩḡsā Jesúre b̄remumakũ, ĩḡsādere ĩḡsā ḡũñarĩḡue ōārō āārĩrik̄makũ yāmi. ¹⁰ Marĩp̄ũ Moisere doreri pídeare marĩ ñekūsāmarā bokatĩũbirinerā āārĩmā. Marĩde ĩḡsā irirosũ bokatĩũbirikererā, ĩnasirimurā Jesúre b̄remurārē judío masaka āārĩmerārē irire iridorebukuri? ĩNasirimurā Marĩp̄ũ judío masaka āārĩmerārē ĩḡyuarā āārĩmakũ iririre: “Iro āārĩbea”, āri ḡũñabukuri? ¹¹ Āsũ ḡap̄ũ ḡũñarō ḡāāmea. Marĩ Op̄ũ Jesús marĩrē maĩrĩ merā, Marĩp̄ũ marĩrē taumi. Irasiriḡũ marĩrē taurosũta judío masaka āārĩmerādere taumi, āriyup̄ũ Pedro ĩḡsārē.

¹² ĩḡũ irasũ ārĩmakũ pérā, āārĩpererā toepereakōāñurā. Irasirirā Pablo, Bernabé merā judío masaka āārĩmerā watopegue Marĩp̄ũ turari merā ĩḡsā iri ĩmudeare weremakũ ōārō péñurā. ¹³ ĩḡsā irire were odoadero p̄r̄ũ, Santiagode wereyup̄ũ:

—Yaarā, péka ȳre! ¹⁴ Marĩp̄ũ judío masaka āārĩmerārē ĩḡyuarā āārĩñḡāmakũ neō irideare weresiami Simón Pedro m̄sārē. ¹⁵ Marĩp̄ũya kerere weredupiyunerā werederosũta waabũ judío masaka āārĩmerārē. Marĩp̄ũya werenĩrĩ gojadea p̄ḡue āsũ ārĩ gojanerā āārĩmā ĩḡũ ārĩdeare gojarā:

¹⁶ P̄r̄ũ Daviya bumarā ĩḡsā oparā āārĩdea pereadero p̄r̄ũḡue dupaturi ĩḡũ parāmi āārĩturiagure ĩḡsā Op̄ũ sóḡura doja. Irasiriḡũ ĩḡyuarārē ĩḡsā ōārō āārĩrik̄makũ iriḡukoa.

¹⁷⁻¹⁸ Irasirirā āārĩpererā judío masaka āārĩmerā ȳũ beyenerā, ȳre ĩḡsā Op̄ũre b̄remurākuma, ārĩmi Marĩp̄ũ masakare irire masĩdoreḡũ, ārĩ gojanerā āārĩmā.*

¹⁹ Irasiriḡũ āsũ ḡũñāa ȳũ. Judío masaka āārĩmerārē Jesúre b̄remunḡārārē wāri: “Āsũ irika!” ārĩ garibobirikōārō ḡāāmea marĩrē. ²⁰ Irasirirā marĩ ĩḡsārē āsũ ārĩ gojarā: “Keori weadea p̄ro baari pídeare baabirikōāka! Nome merā ñerō iribirikōāka! Nomedede ũma merā ñerō iribirikōāka! Waimurā wánugũ biu wějēanerāya díkuri díre baabirikōāka! Díre iiribirikōāka!” ārĩ gojarā! ²¹ Iripoegueta marĩ nererĩ wiirigue siñajārĩnurikũ Marĩp̄ũ Moisere doreri pídeare masaka buema. Irasirirā āārĩpereri makārĩ marā iri dorerire masĩkuma. Irasirirā ȳũ ārādeade ditare gojarā! āriyup̄ũ Santiago ĩḡsārē.

Judío masaka āārĩmerārē gojadea

²² Irasirirā Jesús buedoreḡũ beyenerā, ĩḡsārē iritamurā, gajirā āārĩpererā Jesúre b̄remurā merā Santiago ārādeade: “Irasũta irirā!” ārĩ, ĩḡsā merāmarā p̄rārē beyeñurā Antioquíague Pablo, Bernabé merā waamurārē. Irasirirā Judare, Silare beyeñurā. Judata, “Barsabás” wāik̄nyup̄ũ. ĩḡsā Jesúre b̄remurā watopegue āārĩrā oparā irirosũ āārĩrā āārĩñurā. ²³ P̄r̄ũ ĩḡsā gojadea p̄rē ĩḡsā merā iriñurā. Āsũ ārĩ gojañurā:

ḡũ, Jesús buedoreḡũ beyenerā, ḡũare iritamurā, gajirā Jesúre b̄remurā ōḡue āārĩrā ōādoea m̄sārē.

Āārĩpererā judío masaka āārĩmerā Antioquíague, Siriague, Ciliciague āārĩrārē Jesúre b̄remurārē ōādoea.

²⁴ Gajirā ḡũ merāmarā m̄sā p̄roḡue ejarā, m̄sārē garibogoreñañurā. M̄sāya d̄p̄ũma gasirogārē wiiridore: “Āārĩpereri Moisés doredeare irika!” āriḡoreñañurā. ḡũ ḡap̄ũ ĩḡsārē irire: “Buerā waaka!” ārĩbiradibũ. ²⁵ Irasirirā ḡũ āārĩpererā nerē, ḡũ merāmarā Judas, Silas wāik̄urārē beyeabũ m̄sā p̄roḡue iriumurā. ĩḡsā marĩ maĩrā Pablo, Bernabé merā waarākuma. ²⁶ Masaka Pablosārēta Jesucristo marĩ Op̄ũya kerere ḡũiro marĩrō merā buemakũ wějēboyaunanerā āārĩmā. M̄erōḡā tarinerā āārĩmā.

²⁷ Judasā m̄sā p̄roḡue ejarā, ḡũ gojadeade wererākuma. ²⁸ Ōāḡũ deyomarĩḡũ ḡũare ḡũñarĩ s̄rōsũta: “Gaji dorerire píbirikoa m̄sārē”, ārĩ ḡũñāa. Irasirirā i doreri ditare

* 15:17-18 Am 9.11-12

pírãkoa: ²⁹ “Keori weadea pũro baari pídeare baabirikõãka! Díre iiribirikõãka! Waimurã wánugũ biu wějēanerãya díkuri díre baabirikõãka! Nome merã ñerõ iribirikõãka! Nomede ãma merã ñerõ iribirikõãka!” I gũa dorerire irirã, õãrĩrẽ irirãkoa mũsã. Iropata ããrã mũsãrẽ gũa wereduari, ãrĩ gojañurã Jesúre bũremurã Jerusalégue ããrĩrã.

³⁰ Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Pũrũ Pablosã Antioquíague waañurã. Iroque eja, Jesúre bũremurãrẽ siiu needõ, iri pũrẽ wiañurã. ³¹ Iri pũrẽ bue odo, õãrĩ ìgũsã were gojadeare ìãrã, bũro usũyañurã. ³² Judas, Silas merã Marĩpũya kerere weredupiyurã ããrĩñurã. Irasirirã Jesúre bũremurãrẽ Marĩpũ ìgũsãrẽ weredoredeare wereñurã. Ìgũsã weremakũ pérã, Jesúre bũremurã gapũ usũya, õãrõ gũñaturari merã dujañurã. ³³ Judas iroguere yoaweyaripoe ããrĩ: “Dujáagũ yáa”, ãrĩ seretuyupũ iro marãrẽ. Irasũ ãrĩmakũ pé: “Õãrõ waaka! Bũro siñajãrĩ merã dujáaka Jerusalégue. Õãburo iro marã, mũsãrẽ iriuanerã”, ãrĩ dujuñurã. Ìgũsã irasũ ãrãdero pũrũ, Judas, gajirã merã Jerusalégue dujáakõãyupũ doja. ³⁴ Silas gapũ: “Õõgue dujagũra”, ãrĩ gũñasã, Antioquíague dujakõãyupũ dapa. ³⁵ Pablo, Bernabé merã yoaweyaripoe iroguere dujañurã. Irasirirã wárã gajirã merã iro marãrẽ bue, marĩ Opũ Jesúya kerere weregoreñañurã.

Dupaturi Pablo Jesúya kerere buegorenagũ waadea

³⁶ Mérõgã pũrũ Pablo Bernabére wereyupũ:

—Náka, ããrĩpereri makãrĩ marĩ Opũ Jesúya kerere marĩ buegorenadea makãrĩ marãrẽ: “¿Naásũ ããrĩrikuri?” ãrĩ, ìãgorenarã! ãrĩyupũ.

³⁷ Ìgũ irasũ ãrĩmakũ pégũ, Bernabé gapũ Juan Marcove ããadũadiyupũ. ³⁸ Dupiyurogue Juan Marcos ìgũsã merã Panfiliague ããrĩgũ, ìgũsã moãrĩrẽ bokatĩũbiridea waja Pablo dupaturi ìgũrẽ ããadũabiriyupũ. Irasirigũ Bernabére: “Ìgũrẽ ããabirimakũdere õãrokoa”, ãrĩyupũ. ³⁹ Irasirirã ìgũsã basi irire bũro gãme guaseo, dukawariakõãñurã. Irasirigũ Bernabé gapũ Juan Marcove ããayupũ, doódiru merã Chipre nũgũrõgue waagũ. ⁴⁰ Pablode Silare beyeyupũ ìgũ merã waabure. Ìgũsã buerã waaburi dupiyuro Jesúre bũremurã ìgũsãrẽ: “Marĩ Opũ mũsãrẽ maìgũ õãrõ koreburo”, ãrĩ sërẽbosa, iriũñurã. ⁴¹ Irasirirã Síria nikũ, Cilicia nikũdere tariwãgã, Jesúre bũremurãrẽ ìgũyare bue, õãrõ gũñaturamakũ iriñurã ìgũsãrẽ.

16

Timoteo, Pablo, Silasãrẽ wapikũwãgãdea

¹ Pũrũ Pablo, Silas merã Derbegue, Listrague ejañurã. Iroque ejarã, Timoteore Jesúre bũremugũrẽ bokajañurã. Ìgũ pagode Jesúre bũremugõ, judío masako ããrĩyupo. Pagũ gapũ griego masakũ ããrĩyupũ. ² Jesúre bũremurã Listra marã, Iconio marãde Timoteore: “Õãgũ ããrĩmi”, ãrĩ ìãñurã. ³ Irasirigũ Pablo Timoteore ìgũrẽ wapikũbure ããadũayupũ. Judío masaka iri nikũ marã gapũ Timoteo pagũ griego masakũ ããrĩrẽ masĩñurã. Irasirigũ Pablo ìgũsã merã guamakũ iridũabi, Timoteoya dũpũma gasirogãrẽ wiiriyupũ judío masaka irinarõsũ irigũ. ⁴ Pũrũ Pablo, Timoteo merã waa, ìgũsã gojadea pũmarẽ Jesúre bũremurãrẽ ìgũsã ejari makãrĩ marãrẽ wereñurã. Iri pũ Jerusalégue Jesús buedoregũ beyenerã, ìgũsãrẽ iritamurã: “Ãsũ irika!” ãrĩ gojadea pũ ããrĩyuro. ⁵ Ìgũsã irire weremakũ pérã, Jesúre bũremurã: “Jáũ”, ãrĩ, gũñaturari merã Jesúre bũremunemoñurã. Gajirãde ãmũrikũ Jesúre bũremubirinerã, bũremunemowãgãñurã.

Pablo kërõgue irirosũ Macedoniamũrẽ ìãdea

⁶⁻⁷ Pũrũ Pablosã Asia nikũgue Jesúya kerere buerã waadũarãrẽ Õãgũ deyomarĩgũ waadorebiriyupũ. Irasirirã ìgũsã Frigia nikũrẽ taria, Galacia nikũdere taria, Misia nikũ tãroque eja, Bitinia nikũgue waadũadiñurã. Õãgũ deyomarĩgũ gapũ iroguedere

waadorebiryupũ. ⁸ Irasirirã Misia nikũ tũrore tariwãgã, Troas wãikuri makãgue buajañurã. ⁹ Irogue iri ñamirẽ Pablo kërõgue irirosũ sugũ Macedonia nikũmũ Ìgũ pũro nímakũ Ìãyupũ. “Guare Macedonia marãrẽ iritamugũ aarika!” ãrĩ siiuyupũ. ¹⁰ Pablo kërõ irirosũ waadeare guare weremakũ pérã: “Marĩpũ iri nikũ marãrẽ Ìgũya kerere weredoregu iriugũ irikumi marĩrẽ”, ãrĩ gũña, guayare ãmu, Macedoniague waakõãbũ. ((Yũ Lucas i pũrẽ gojabude Ìgũsã merã waabũ.))

Pablo, Silas merã Filipogue waadea

¹¹ Irasirirã Troague ããrãnerã doódiru merã Samotracia wãikuri nũgũrõgue taribuja, gajinũ gapũ Neápoligue waabũ. ¹² Iri makãrẽ taria, Filipino romano marãya makãgue ejabũ. Iri makãta Macedonia nikũma makãrĩrẽ doreri makã ããrĩbũ. Iroguere yoaweyaripoe ããrĩbũ. ¹³ Judío masaka siñajãrĩnũ ããrĩmakũ, Ìgũsã Marĩpũre sërẽrã nerẽnarõrẽ ãmarã waarã, iri makã tũro, dia wekague waabũ. Irogue eja, iro nerẽanerã nomerẽ Jesúya kerere were doanĩbũ. ¹⁴ Iroguere sugo Tiatira wãikuri makãmo, Lidia wãikũgo õãrĩ suri diiari surĩre duarimasõ ããrĩmó. Marĩpũre bũremugõ ããrĩmó. Irasirigũ Marĩpũ igore Pablo wererire õãrõ pémasĩrĩ merã pé bũremumakũ irimi. ¹⁵ Irasirigũ Pablo igore, igoya wii marã ããrĩpererãrẽ deko merã wãiyemi. Ìgũ wãiyeadero pũrũ, ãsũ ãrĩmo:

—Mũsã yũre: “Diyeta Jesúre bũremugõ ããrĩmo”, ãrĩ gũñarã, yaa wiigue dujaka! ãrĩmo guare.

Igo irasũ ãrĩmakũ pérã, igoya wiigue dujabũ.

¹⁶ Sunũ iro marã Marĩpũre sërẽrã nerẽnarõgue dupaturi waarã, wãtĩ ñajãsũdeore bokajabũ. Igo gajirãrẽ moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa mũsãrẽ”, ãrĩboka, wãro niyeru wajatabosamo igo oparãrẽ. ¹⁷ Igo guã noó waaró guã merã waagó, ãsũ ãrĩ gaguinĩmo:

—Ìgũsã Marĩpũ ããrĩpererãrẽ doregũre moãboerimasã ããrĩma. Marĩpũ marĩrẽ tauri kerere werema mũsãrẽ, ãrĩ gaguinĩmo.

¹⁸ Wãrinũrĩ guare garibomakũ, Pablo gãmenũgã, wãtĩ iogugere ããrĩgũrẽ ãsũ ãrĩmi:

—Jesucristo wãĩ merã, Ìgũ turari merã mũrẽ: “Igori iropata wirika!” ãrĩmi.

Ìgũ irasũ ãrĩmakũta, wãtĩ igore wiriakõãmi.

¹⁹ Wãtĩ igore wiriadero pũrũ, masakare: “Ãsũ waarokoa”, ãrĩ weremasĩbiri, igo oparãrẽ niyeru wajatanemobosabirimo pama. Irasirirã, igo oparã gapũ Pablo, Silare ñeã, iri makã marã oparã pũrogue ãĩãma. ²⁰ Pũrũ weresãrĩrẽ beyerimasã pũrogue Ìgũsãrẽ ãija, ãsũ ãrĩma:

—Ìĩsã judío masaka ããrĩma. Marĩya makã marãrẽ gariborã yãma. ²¹ Ìgũsã marĩrẽ buerã, marĩ romano marã iririkũrere iridorebema. Irasirirã Ìgũsã buerire gããmebea. Ìgũsã doreridere irimasĩbea, ãrĩma.

²² Ìgũsã irasũ ãrĩmakũ pérã, masaka wãrã irogue ããrĩrã Pablosã merã guama. Weresãrĩrẽ beyerimasã gapũ Pablosãya surĩre túweadore, yuku merã tãrãdorema. ²³ Ìgũsãrẽ bũro tãrã odo, peresu irima. Ìgũsãrẽ korebure õãrõ Ìãduripídorema. ²⁴ Irasirigũ Ìgũsãrẽ koregũ gapũ iri wii dekoma taribugue Ìgũsãrẽ Ìgũsãya guburire taboa majĩrĩma goberigue sũadobo, õãrõ biadobokõãyupũ.

²⁵ Pũrũ ñami deko ããrĩmakũ, Pablosã Marĩpũre sërẽ, bayapeoñurã. Ìgũsã irasũ bayamakũ, gajirã peresugue ããrĩrã péñurã. ²⁶ Ìgũsã bayaripoe gũñaña marĩrõ nikũ bũro ñomeyuro. Irasiriro iri wiide bũro gãmeña, suro merã ããrĩpereri iri wiima makãpũrori tũpãperekõãyuro. Peresugue ããrĩrãrẽ Ìgũsã kõmedari merã sũadeadaride kurakõãyuro.

²⁷ Irasũ waamakũ, Ìgũsãrẽ koregũ yobe, iri wiima makãpũrori toyomakũ Ìãgũ: “Peresu ããrãnerã duriwiriaperekõãñuma”, ãrĩ gũñayupũ. Irasirigũ Ìgũya sareri majĩrẽ ãĩ, Ìgũ basi sareboadũagũ iriadiyupũ. ²⁸ Ìgũ irasirimakũ Ìãgũ, Pablo Ìgũrẽ gaguinĩyupũ:

—Mũ basi ñerõ neõ iribirikõãka! ããrĩperekõãa guã, ãrĩyupũ.

²⁹ Īgũ irasũ āřĩmakũ pégu, sĩağodore, Pablosã pũro ũmawãgã, ĩgũsãya guburi pũro naradari merã ejamejãyupũ. ³⁰ Pũru ĩgũsãrẽ āĩwiu, āsũ āřĩ sērẽñayupũ:

—¿Nasirigukuri, yũ Marĩpu yũre taumakũ gããmegũ? ³¹ Pablosã yũjuñurã:

—Marĩ Opũ Jesucristore bũremuka! Mũya wii marãde ĩgũrẽ bũremuburo. Mũsã ĩgũrẽ bũremumakũ ĩãgũ, Marĩpu mũsãrẽ taugũkumi, āřĩñurã.

³² Irasũ āřĩ odo, ĩgũya wii marãdere Jesũya kerere wereñurã. ³³ Ñami deko pũru ĩgũsãrẽ koreadi ĩgũsãya kãmirẽ koeypũ. Īgũ koe odoadero pũru, Pablosã ĩgũrẽ, ĩgũya wii marãdere deko merã wãĩyeñurã. ³⁴ ĩgũsãrẽ wãĩyeadero pũru, Pablosãrẽ ĩgũya wiigũe ãĩa, baari ejoyupũ. Īgũ, ĩgũya wii marã merã Marĩpũre bũremusĩã, bũro mũyãñurã.

³⁵ Boyoripoe oparã surarare iriũñurã, peresu wii koregũre Pablosãrẽ wiudorerã. ³⁶ Iri wii koregũ ĩre pégu, Pablosãrẽ āřĩyupũ:

—Oparã mũsãrẽ wiridoreañurã. Irasirirã gũiro marĩrõ mũyari merã wirika! āřĩyupũ.

³⁷ Īgũ irasũ āřĩmakũ pégu, Pablo gapũ āřĩyupũ surarare:

—Oparã gũa ñerõ irideare bokabirikererã, masaka wárã ĩũrõ gũare tãrãdoreama. ĩgũsã, gũa romano marã āãřĩkeremakũ, tãrãdoreama. Pũru peresu iriama. ¿Dapague gũare masaka ĩãbero wiudũari? Āãřĩbea. ĩgũsã basita wiurã aariburo gũare, āřĩyupũ Pablo.

³⁸ Īgũ irasũ āřĩmakũ pérã, surara Pablo ārãdeare oparãrẽ wererã waañurã. Pablo, Silas romano marã āãřĩma, āřĩrĩ kerere pérã, oparã gũigorañurã. ³⁹ Irasirirã Pablosã pũro ejarã, āsũ āřĩñurã:

—Kãtika, gũa mũsãrẽ peresu iriadeare! Irasũ āřĩ odo, ĩgũsãrẽ peresugũe āãrãnerãrẽ wiu: “Gũaya makãrẽ wirika!” āřĩñurã. ⁴⁰ Irasirirã Pablosã peresugũe āãrãnerã wiria, Lidiaya wiigũe waañurã. Irogũe eja, Jesũre bũremurã nerẽanerãrẽ bokajarã, õãrõ gũñaturanemomakũ iriñurã. Pũru waakõãñurã.

17

Tesalónica marã Pablo, Silas merã guadea

¹ Pablo, Silas merã waarã, Anfĩpolire, Apoloniare taria, Tesalónicague ejañurã. Iri makãguere judío masaka nerẽrĩ wii āãřĩyuro. ² Irogũe eja, Pablo iri wiigũe waayupũ ĩgũ gaji makãřĩrẽ irinaderosũta. Īre semana judío masaka siñajãřĩnũrĩ āãřĩmakũ, iro marãrẽ Marĩpũyare werenayupũ. ³ Āsũ āřĩ bueyupũ:

—Marĩpu iriudi, Cristo āãřĩmi. Marĩ ñerõ iridea waja ñerõ taridi āãřĩmĩ. Īgũ boadero pũru, Marĩpu gapũ ĩgũrẽ masũdi āãřĩmĩ marĩ õãrõ āãřĩburire. Īĩ Jesũs yũ āsũ āřĩ weregũ, ĩgũta Cristo āãřĩmi marĩrẽ taugũ. Āsũta āřĩ werea, Marĩpũya kerere ĩgũsã gojadea pũguere, āřĩ wereyupũ.

⁴ Īgũ irasũ āřĩmakũ pérã, surãyeri judío masaka ĩgũ wererire: “Diayeta āãrã”, āřĩ bũremuñurã. Irasirirã Pablosã merã waañurã. Gajirã wárã griego masaka Marĩpũre bũremurĩmasã, oparã nomede, Pablo wererire pérã, bũremuñurã. Irasirirã ĩgũsãde ĩgũsã merã waañurã. ⁵ Gajirã judío masaka irasirimakũ ĩãrã, Pablosãrẽ ĩãturi, wárã ñerã moãmerãrẽ siiu needõ: “Pablo ĩgũ merãmarã merã ñerõ irigũ yãmi”, āřĩ gaguinĩrã waaka i makã marãrẽ, āřĩ iriũñurã. Irasũ āřĩ gaguinĩrã, āãřĩpererã iri makã marãrẽ Pablosã merã guamakũ iriñurã. Irasirirã Jesũre bũremugũ Jasón wãĩkũgũya wiima makãpũrore turaro merã tũãkoro, ñajãa, Pablosãrẽ amadiñurã masakaguere wiadũarã. ⁶ ĩgũsãrẽ bokabirisĩã, Jasõrẽ, gajirã Jesũre bũremurãdere ñeã tũãwãgã, iri makã marã oparã pũrogũe ãĩa, irogũe eja, gaguinĩñurã:

—Pablosã āãřĩpererogũe masakare gariborã iriama. Dapagorare marĩya makãrẽ ejasiama. ⁷ Īĩ Jasón ĩgũsãrẽ ĩgũya wiigũe ñajãdoreami. Īĩsã āãřĩpereri marĩ romano marã opũ dorerire tarinũgãma. “Gajigũ mũsã Opũ, Jesũs wãĩkũgũ āãřĩmi”, āřĩ buema masakare, āřĩ gaguinĩñurã oparãrẽ.

⁸ Īgūsā irasū āri gaguinimākū pérā, āārīpererā iri makā marā, Īgūsā oparāde Pablosā merā guañurā. “¿Naásū waáari?” āri gaguinisirikōañurā. ⁹ Irasirirā oparā Jasōrē, Īgū merāmarādere peresu waadoremerā: “Dupaturi Pablosārē iritamubirikōāka!” āri, niyeru wajaridore, wiukōañurā.

Pablo, Silas merā Bereague ejadea

¹⁰ Pᵃᵣᵃ iri ñamita Jesúre bᵃremurā Pablosārē Bereague iriukōañurā. Irogue eja, judío masaka nerērī wiigüe waañurā. ¹¹ Judío masaka Berea marā gapᵃ Tesalónica marā nemorō Jesúya kerere oārō péduañurā. Irasirirā irire: “¿Diayeta āārīrī?” āri masīduarā, ūmurikᵃ Marīpᵃya werenirī gojadea pūmarē bueníkōañurā. ¹² Irasirirā wārā Jesúre bᵃremuñurā. Gajirā griego masakade, iri makā marā oparā nomede bᵃremuñurā. ¹³ Pablo, Berea marārē Marīpᵃyare wereri kerere pérā, Tesalónica marā judío masaka ejañurā. Irore eja, Berea marārē kere āri, Pablosā merā guamakū iriñurā. ¹⁴ Īgūsā irasirimākū ĩārā, Jesúre bᵃremurā Pablōre mumurō merā dia wádiya tarogue iriuñurā. Īgū merāmarā gapᵃ Silas, Timoteo merā Bereague dujañurā. ¹⁵ Pablōre āiwāgānerā Atenas wāikuri makāgue eja, Īgūrē irogue pí, Bereague gāme dujáakōañurā doja. Irogue dujajarā, Pablo Īgū: “Murīgōra Silas, Timoteode oōgue aariburo”, āri kere iriudeare wereñurā Īgūsārē.

Pablo Atenague āārīdea

¹⁶ Pablo Atenague Silas, Timoteore yúgᵃ, iri makā marā keori weadeare wāri opamakū ĩāgū, bᵃro bujawereyupᵃ. ¹⁷ Irasirigᵃ judío masaka nerērī wiigüe Īgūsā merā werenígū waayupᵃ. Iroguere gajirā judío masaka āārīmerā Marīpᵃre bᵃremurā āārīñurā. Īgūsā merādere wereniyupᵃ. Ūmurikᵃ iri makā marā Īgū bokajarā merā wereniyupᵃ. ¹⁸ Gajirā ūmade Epicúreos wāikuri bumarāyare buerimasā, gajirā Estoicos wāikuri bumarāyare buerimasā Pablo merā wereniñurā. Īgū weremākū pérā, āsū āri gāme sērēñañurā:

—¿Naásū āri weredᵃgᵃ yāri, ĩi iropa werenígū? ārīñurā.

Pablo Jesúyare, Īgū masā mārīdeare weremākū pérā, gajirā āsū ārīñurā:

—Gajiro marā Īgūsā bᵃremurāyare weregᵃ irikumi, ārīñurā. ¹⁹ Irasirirā Īgūsā nerērō Areópago wāikurogue Pablōre āiñurā. Irogue āija, Īgūrē ārīñurā:

—Gᵃma maama bueri mᵃ wererire masīduakoa. ²⁰ Mᵃ bueri gajirosū āārā. Irasirirā gᵃma: “¿Naásū ārīduaro yāri iri?” āri masīduakoa, ārīñurā Pablōre.

²¹ Āārīpererā Atenas marā, gajiro marā iri makā ejanerāde maama bueri ditare wereniduañurā.

²² Irasirigᵃ Pablo Areópagogue Īgūrē āijadero pᵃᵣᵃ, wāgānugā, āsū āri wereyupᵃ Īgūsārē:

—Keori weadeare mᵃsā āārīpererā oārō bᵃremua. Irire masīa yᵃ. ²³ I makā mᵃsāya makārē naagorenagū, mᵃsā bᵃremurōrē ĩābᵃ. Sugᵃ mᵃsā bᵃremugūrē sīdea soepeorogue gojatúdeadere ĩābᵃ. “Ūmᵃgasigue marā Opᵃ marī masīña marīgūrē bᵃremurō āārā”, āri gojatúdeare ĩābᵃ. Mᵃsā Īgūrē masībirikeremākū, Īgūrēta werea yᵃ mᵃsārē, āriyupᵃ Pablo. Irasū āri odo, ārīnemoyupᵃ doja:

²⁴ —Marīpᵃ i ūmurē āārīpereri iridi āārīmí. Ūmᵃgasi, i nikū Opᵃ āārīmí. Masaka iridea wiirire āārībemi. ²⁵ Marī iritamurīrē gāāmebemi. Īgū gapᵃ marīrē iritamumi. Marī āārīrikurire, āārīpereri gajinodere sīmi. Okari opamakū yāmi. Yᵃjuāñimākū yāmi marīrē.

²⁶ Marīpᵃ sugᵃ ūmᵃmᵃ merāta āārīpereri buri marā āārīmakū iridi āārīmí, Īgūsārē i nikū āārīpererogue āārīburo, ārīgū. “Oōpa yoaripoe okarākuma Īgūsā āārīrōguere”, āri pídi āārīmí. ²⁷ Marīpᵃ: “Yᵃre āmarā bokaburo”, ārīgū, irasiridi āārīmí. Īgūrē marī bokaburo, ārīgū, yoarogue āārībemi. Marī merāta āārīmí. ²⁸ Marīpᵃ marīrē āārīmakū yāmi. Īgū marīmakū marībukuyo. Marī okari, marī irimasīrī, marī āārīrikurire sīgū āārīmí. Mᵃsā bayarire gojarimasāde āsū āri gojanerā āārīmá: “Marīde ūmᵃgasigue marā Opᵃ pūrā āārā”, āri gojanerā āārīmá. ²⁹ Irasirirā marī Īgū pūrā āārīrā, keori masaka weadeare

Īgūsā gūñarō merā irideare: “Marīpū irirosū āārīmi”, ārī gūñabirikōārā! Marīpū, masaka oro, plata, ūtāyeri merā keori weadea irirosū āārībemi. ³⁰ Marīpū iripoegue marā Īgūrē masīmerā Īgūrē būremubirimakū irasū ĩākōādi āārīmī. Irasirigū, dapaguere pama marīrē āārīpererā i nikūgue āārīrārē: “Mūsā ñerō irideare būjawereka! Mūsā gūñarīrē gorawayuka!” ārīmi. ³¹ Pūpū Marīpū āārīpererā ñerārē wajamoārīnū ejamakū, Īgū beyedi Jesús merā āārīpererā i nikūgue āārīrārē diayeta irigukumi ōārārē beye, ñerā gapure béobu. Jesús boadero pūpū, Marīpū Īgūrē masūgū, Īgū beyedi āārīrīrē ĩmudi āārīmī āārīpererārē, ārī wereyupū Pablo Atenas marārē.

³² Īgū Jesús boadigue masādeare weremakū pérā, gajirā Īgūrē ubu būrikōāñurā. Gajirā gapū:

—Dupaturi ire mū weremakū péduakoa doja, ārīñurā.

³³ Pablo Īgūsārē piri waakōāyupū. ³⁴ Gajirā, Īgū wererire pénemoduarā Īgū merā waañurā. Irasirirā Jesúre būremunugāñurā. Īgūsā merā sugū Dionisio wāikugū Areópague oparā merā nerērīmasū āārīyupū. Gajigo Dámaris wāikugode gajirā merā Jesúre būremunugāyupo.

18

Pablo Corintogue ejadea

¹ Pūpū Pablo Atenague āārādi waa, Corinto wāikuri makāgue ejayupū. ² Irogue judío masakū Aquila wāikugūre Ponto nikūmarē bokajayupū. Aquila, Īgū marāpo Priscila merā Italia nikūgue āārīnerā āārādima. Īgūsā irogue āārīripoe romano marā opū Claudio wāikugū āārīpererā judío masakare Romarē wiridoremakū, Aquila Īgū marāpo merā Corintogue ejanerā āārīmā. Īgūsā irogue āārīmakū, Pablo Īgūsārē ĩāgū waayupū. ³ Īgūde Īgūsā moārīkūrinorēta moāgū āārīyupū. Irasirigū dujakōāyupū Īgūsā merā moābu. Īgūsā surí gasiri merā wiiri irirā āārīñurā. ⁴ Pablo, judío masaka siñajārīñurīkū Īgūsā nerērī wiigū waa, judío masakare, judío masaka āārīmerādere Jesúya kerere werenayupū, Īgūsā iri kerere: “Diayeta āārā”, ārī gūñaburo, ārīgū.

⁵ Timoteo, Silas merā Macedoniague āārānerā Pablo pūrogue Īgūsā ejadero pūpū, Pablo surí gasiri merā wiiri moārīrē piri, ūmūrikū judío masakare Jesúya kerere diaye ārīrī merā bueyupū:

—Jesús āārīmi marī yoaripoe yúdi. Īgūta Marīpū iriudi, Cristo āārīmi, ārīyupū.

⁶ Īgū irasū ārī buekeremakū, judío masaka gapū Īgūrē péduabiriñurā. Irasirigū Īgūsā ñerō werenírī merā Īgūrē werewūamakū pégu, Pablo Īgūsārē: “Buenemobirikoa”, ārī ĩmugū Īgūya suríre iroma nikū tuadeare pásiri, āsū ārīyupū:

—Marīpū dorederosūta mūsārē bueabu. Mūsā gapū yūre péduabea. Irasirirā mūsā péduabiri waja perebiri peamegue waarākoa. Irasirigū yū mūsārē bueadeare pirigūkoa. Dapagorare judío masaka āārīmerārē buegū waagūra, ārīyupū.

⁷ Irasū ārī, iri wiigū āārādi wiria, Ticio Justo wāikūya wiigū waayupū. Īgūya wii judío masaka nerērī wii turo āārīyuro. Īgū Marīpūre būremugū āārīyupū. ⁸ Nerērī wii opū Crispo wāikugū, āārīpererā Īgūya wii marāde Jesúre būremuñurā. Gajirā Corinto marāde wārā Jesúya kerere pérā, Īgūrē būremunugāñurā. Irasirirā deko merā wāīyesūñurā, Īgūsā Jesúre būremurīrē ĩmurā. ⁹ Su ñami Pablōre kērōgue irirosū marī Opū Īgūrē āsū ārī wereyupū:

—Gūibirikōāka! Neō piriro marīrō yaa kerere bueníkōāka i makā marārē! ¹⁰ Yū, mū merā āārā. Irasirirā masaka mūrē ñerō irimasībema. I makārē wārā yaarā āārīma, ārīyupū.

¹¹ Irasirigū Pablo iro marā merā su bojori gajī bojori deko āārīyupū Marīpūya kerere buegū.

¹² Iripoeere romanomū Galión wāikugū Acaya nikū marā opū āārīripoe judío masaka suro merā nerē, Pablōre ñeā, Galión pūrogue āīja, ¹³ āsū ārīñurā:

—Īi masakare: “Āsū gapu irika, Marīpūre buremurā!” āri buegu, i nikūma doreri gapure béodoremi, āriñurā Galiōrē.

¹⁴ Īgūsā irasū ārimakū, Pablo Īgūsārē werebu iriripoeta Galión gapu judío masakare āriyupu:

—Īgū ñerō iriadero puru tamerārē yu péboakuyo musā judío masaka weresārērē. ¹⁵ Musā dorerire tarinugāmakū, musā basi āmuka! Ire masībea yu. Irasirigu irire: “Irasūta irika!” ārimasībirikoa, āriyupu.

¹⁶ Irasū āriḡūta Īḡūyarā surarare Pablōre weresārārē béowiudoreyupu. ¹⁷ Irasirimakū iārā, āārīpererā iri wii āārīrā Sostenērē judío masaka nerērī wii opure ñeā, Galión iūrō pañurā. Īgūsā pāmakū iāḡū, Galión gapu: “Īgūsā gāāmerō iriburo”, āri iākōāyupu.

Pablo Antioquíaque goedujáa, dupaturi buegorenadea

¹⁸ Pablo Corintogue yoaripoe āārīyupu dapa. Puru Jesúre buremurārē: “Waagú yáa”, āri odo, doódiru merā Priscila, Aquila merā Siriama makāgue waakōāñurā. Īgū doódiru merā waaburi dupiyuro Cencreague āārīḡū, Marīpūre: “Āsū irigura murē buremugū”, ārīderosūta Īḡūya poarire wuapeokōāadoreyupu. ¹⁹ Puru Īgūsā merā waa, Efeso wāikuri makāgue eja, Priscila, Aquilare pikōā, judío masaka nerērī wiigie waayupu. Iri wiigie eja, judío masaka iro nerēanerā merā Marīpūyare wereyupu. ²⁰ Īgū irasū weremakū pérā, Īḡūrē: “Yoaripoe dujaka gu merā!” ārādiñurā. Īḡū gapu: “Dujabea musā merā”, ²¹ āriḡūta Īgūsārē seretuyupu:

—Jerusalēgue bosenu iāḡū waagú yáa. Marīpū gāāmemakū dupaturi iāḡū dujaribukoa musārē, āriyupu.

Irasū āri odo, Efesogue āārādi doódiru merā waakōāyupu. ²² Irasirigu Cesareare tariwāgā, Jerusalēgue eja, iro marā Jesúre buremurārē oādogu ejayupu. Puru Antioquíaque waayupu doja. ²³ Irore yoaweyaripoe āārī, puru Galaciama makārīgue Frigiama makārērē dupaturi eja, iri makārī marārē Jesúre buremurārē bue, Īgūsārē oārō usuyari merā āārīrikumakū iriyupu.

Apolos Efesogue buedea

²⁴ Iripoere judío masakū Apolos wāikugu, Alejandría wāikuri makāmu Efesogue ejayupu. Īḡū oārō weregu, Marīpūya werenírī gojadeare masīḡū āārīyupu. ²⁵ Gajirā Īḡūrē marī Opū Jesúya kerere weresianerā āārīmā. Irasirigu usuyari merā Jesús irideare diaye ārīrī merā wereyupu. Irasirikeregu, Juan masakare deko merā wāiyedea ditare masīyupu. ²⁶ Güiro marīrō judío masaka nerērī wiigie āārīrārē buenugāyupu. Īḡū buerire péanerā Priscila, Aquila Īḡūsāya wiigie Īḡūrē āia, irogue oārō diaye ārīrī merā wereñurā Īḡū Marīpūyare masībirire. ²⁷ Puru Apolos Acayague waadhamakū, Jesúre buremurā Īḡūrē su pū gojabosañurā. Irasirirā Jesúre buremurārē Acayague āārīrārē: “Apolore oārō bokatīrīñeāka!” ārīrī pūrē Īḡū merā iriuñurā. Irasirigu Apolos irogue ejamakū, Marīpū Īgūsārē maīḡū, Īḡū merā oārō iritamuyupu. ²⁸ Irasirigu Apolos āārīpererā iūrō judío masakare oārō turari merā:

—Marīpū iriudi, musā yoaripoe yúdi, Cristo āārīmi. Īḡūta Jesús āārīmi, āriyupu. Irasirirā Marīpūya werenírī gojadea pūrē keoro weremakū pérā, judío masaka: “Diaye āārībea”, ārimasībiriñurā.

19

Pablo Efesogue buedea

¹ Apolos Corintogue āārīripoe Pablo gapu ūtāyuku watopegue taria, Efesogue eja, wárā Jesúre buremurārē bokajayupu. ² Bokaja, Īgūsārē sērēñayupu:

—¿Musā Jesúre buremurā, Ōāḡū deyomarīḡūrē bokatīrīñeārī? āriyupu.

Īḡūrē yuñurā:

—“Ōāgū deyomarīgū āārīmi”, āārimakū, neō pébiribu gūa.

³ Pablo ĩgūsārē sērēñayupu doja:

—¿Noāya buerire pédero pūru, deko merā wāiyeri mūsārē? āāryupu. ĩgūsā gapu yujūñurā:

—Juāya buerire gūa pédero pūru, gūare wāiyema, āāññurā.

⁴ Pablo āsū āāryupu doja:

—Juan masakare ĩgūsā ñerī irideare bujawere, gūñarīrē gorawayurārē wāiyedi āārīmí. Irasū wāiyekeregu: “Yū pūru aaribure būremuka!” āāññurā. Irasū āāryupu: “Jesúre Marīpu iriudire būremuka mūsā!” āāryupu iridi āārīmí, āāryupu Pablo.

⁵ ĩgū irasū āārimakū pérā, marī Opū Jesús wāi merā wāiyesūñurā ĩgūrē būremurīrē ĩmurā. ⁶ Pūru Pablo ĩgūsāya dipu weka ĩgūya mojōrī merā ñapeomakū, Ōāgū deyomarīgū dijijayupu ĩgūsārē. ĩgū dijijamakū, gaji masā ya werenírī merā ĩgūsā werenímasībirideare wereníñurā. Marīpu ĩgūsārē weredorerire wereñurā. ⁷ ĩgūsā āārīpererā pe mojōma pere su gubu peru pērēbejarāgora āāññurā.

⁸ Pablo iri makāguere urerā abe āārīgū, judío masaka nerērī wiigue ñajāa, gūiro marīrō Marīpu marī Opū āārīrī kerere masakare werenayupu. Irire gūñaturari merā weremakū pérā: “I diayeta āārā”, āāññurā. ⁹ Gajirā gapu Marīpuyare péduamerā, ĩgū wererire būremubiriñurā. Irasirirā masaka péurogue marī Opūya bueri: “Ñegorāa”, āāññurā. ĩgūsā irasū āārimakū pégu, Pablo gapu Jesús būremurārē siu wiria, Tiranno wāikugūya bueri wiigue waayupu. Iroguere ūmūrikū masakare buenayupu. ¹⁰ Pe bojorigora bueyupu ĩgūsārē iri wiiguere. ĩgū irasū buemakū, āārīpererā Asia nikū marā judío masaka, judío masaka āārīmerāde marī Opūyare pépereakōāññurā.

¹¹ Pablo iri makāgue āārimakū, Marīpu ĩgū turari merā ĩgūrē wāri iri ĩmurīrē iri-makū iriyupu. ¹² Irasirimakū ĩārā, masaka surí gasiri, Pabloya dūpu pērēadea gasirire pūrīrikurā pūro āāññurā. ĩgūsā āāññurā, pūrīrikurā iri gasirire moāña, tarinaññurā. Wātēa ñajāsūnerāde irire moāña, wirisūññurā.

¹³⁻¹⁴ Iripoere gajirā judío masaka wātēārē béowiugorenarā iriññurā. ĩgūsā Esceva wāikugū pūrā su mojōma pere gaji mojō peru pērēbejarāgora āāññurā. Esceva paía opu āāryupu. ĩgū pūrā Pablo irirosūta marī Opū Jesús wāi merā wātēārē béowiuduarā, āsū āāññurā:

—Jesús, Pablo weredi wāi merā dorea mūsārē. Wirika mūsā ñajādire! āāññurā. ¹⁵ ĩgūsā irasū āārīkeremakū, wātī masakugere ñajādi āsū āāryupu:

—Jesúre, Pablore masā. Mūsā gapure masībea. ¿Níisāno āārīrī mūsā? āāryupu.

¹⁶ ĩgū irasū āārimakūta, wātī ñajāsūdi gapu pari meébeja, būro turaro merā ĩgūsā āārīpererārē ñeā, tarinugāyupu. ĩgūsārē pá, kāmítú, ĩgūsāya suríre yeguepeokōāyupu. Irasirirā surí marīrā, kāmīkūrāgue ūmawiriaññurā. ¹⁷ ĩgūsā irasū waadea kerere pérā, āārīpererā Efeso marā, judío masaka, judío masaka āārīmerāde péguka, būro gūññurā. Irasirirā marī Opū Jesús wāirē ōārō goepeyari merā būremuññurā pama.

¹⁸ Irasirirā wārā dupiyuro Jesús būremunugānerā gapu ĩgūsā ñerō irideare masaka péurogue weretarirā ejaññurā. ¹⁹ ĩgūsā merā wārā yéa āārīrā āāññurā. Irasirirā ĩgūsā bayirima gojadea papera turirire iroguere āāññurā, masaka ĩūrō irire soebéokōāññurā. Āārīpereri iri wajakūdeare ĩgūsā keoññamakū, cincuenta mil niyeru koeri wajakūadiyuro. ²⁰ ĩgūsā irasirimakū ĩādero pūru, ūmūrikū wārā masaka Marīpūya kerere pérā, ĩgū turari merā Jesús būremunugāññurā.

²¹ Irasū waadero pūru, Pablo āsū āāññurā: “Macedonia nikū waapūrori, iri nikūrē taria, Acaya nikūdere taria, Jerusalēgue waagūra. Iro merāta Romarē ĩāgū waagūra”, āāññurā. ²² Irasirigū ĩgū waaburi dupiyuro pérā ĩgūrē iritamurārē Erasto, Timoteore iriuyupu Macedoniague. Pablo gapu sugūta dujayupu dapa Asiaguere.

Efeso marã Pablo merã gua, gaguinídea

²³ Pablo Efesogue ããrĩripoe gajirã iro marã bũro werenĩrĩ merã ãgũrẽ ããturiñurã, masaka wárã Jesũre bũremumakũ ããrã. ²⁴ Sugũ plata wãĩkũri kũme merã moãrĩmasũ Demetrio wãĩkũgũ Pabloure ããturiwãgũyupũ. ãgũ plata merã iro marã bũremugõ Artemisa wãĩkũgo bũremurĩ keori wiirigãrẽ weanayupũ. ãgũ, gajirã moãrã merã ãgũsã weadeare masakare duarã, wáro wajatanañurã. ²⁵ Irasirigũ Demetrio ãgũ merã moãrãrẽ, gajirã ãgũ irirosũ plata moãrãrẽ siiu neõ, ãsũ ãrĩyupũ:

—Yũ merãmarã, õãrõ péka! Irire masãa mũsã. Marĩ weadeare duari merã wáro wajata, õãrõ ããrĩkõãa. ²⁶ Pablo buedeaderẽ masãa. ãsũ ãrĩ buegorenami: “Masaka bũremurã keori weadea, turari oparã irirosũ ããrĩbea. ãmũgasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pérã, wárã masaka õõ marã, ããrĩperero Asia marãde ãgũ buedeare: “Diayeta ããrã”, ãrĩ gũñama. ²⁷ I marĩrẽ bũro goea. Marĩya moãrĩ wajamarĩãkõãburo yáa. Marĩ bũremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã bũremuadima igore. Masaka Pablo wererire bũremurã sõõ gapũ merã igore bũremunemobirikuma pama, ãrĩyupũ Demetrio ãgũsãrẽ.

²⁸ ãgũ irasũ ãrĩmakũ pérã, bũro guari merã:

—Artemisa, Efeso marã bũremugõ turago ããrĩmo, ãrĩ gaguinĩpũroriñurã.

²⁹ ãgũsã gaguinĩmakũ, gajirã wárã Efeso marã: “¿Naásũ waari?” ãrĩ pémasĩbirikererã, ãgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ãgũsãrẽ tũãwãgãñurã. Gayo, Aristarco Macedonia marã, Pabloure wapikũwãgãnerã ããrĩñurã. ³⁰ ãgũsãrẽ ñeãmakũ ããgũ, Pablo gapũ masaka wárã watopegue ãgũsãrẽ werẽgũ waadũadiyupũ. Jesũre bũremurã gapũ waadorebiriñurã. ³¹ Gajirã iri nikũ marã oparãde, Pablo merãmarã ãgũrẽ: “Gũa mũrẽ dorea: ‘ãgũsã nerẽrõgue waabirikõãka!’ ” ãrĩ kere iriñurã.

³² Irogue nerẽanerã bũro gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ãgũsã gããmerõ gaguinĩmirẽkõãñurã. ³³ Irasirirã judío masaka ãgũsãyagũre Alejandro wãĩkũgũre gaguinĩrã ãũrõgue túmeénũñurã ãgũsãrẽ weredorerã. Irasirigũ ãgũ gapũ ãgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gũa judío masaka ñerõ iribeã”, ãrĩ weredũadiyupũ. ³⁴ ãgũ judío masakũ ããrĩrĩrẽ ããmasĩrã, ããrĩpererã suro merã pe hora gaguinĩñurã:

—Artemisa, Efeso marã bũremugõ turago ããrĩmo, ãrĩ gaguinĩñurã.

³⁵ ãgũsã bũro gaguinĩmakũ ããgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

—Mũsã, Efeso marã õãrõ péka! Artemisa, marĩ bũremugõ turago ããrĩmo. Igore bũremurĩ wiire, igo keori ãmũgasigue dijarideaderẽ korerã ããrã marĩ. Irire ããrĩperero marã õãrõ masĩma. ³⁶ “I diaye ããrĩbeã”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka mũsãde! Noó gããmerõ pémasĩrĩ marĩrõ gajinorẽ iribirikõãka! ³⁷ ãĩsã mũsã ñeãnerã marĩ bũremurĩ wiirimarẽ neõ yajabirama. Marĩ bũremugõrẽ ñerõ neõ ãrĩ werenĩbirama. ãgũsã ñerõ iribirikeremakũ, ãgũsãrẽ ñeã, õõgue ãrĩyayo. ³⁸ Demetrio, ãgũ merã moãrã ãgũsãrẽ weresãduarã, weresãrĩrẽ beyerimasã pũrogue waaburo. Irogue i nikũ marã oparã ãũrõgue ãgũsãrẽ weresãdeare ãmumasĩma. ³⁹ Oparã i makã marãrẽ siiu neõmakũ ããrã, gajino sãrẽduarã, werenĩrã aarika! ⁴⁰ Dapagã mũsã guari merã gaguinĩadea kerere marĩ oparã pérã: “Marĩrẽ tarinũgãduarã yáma”, ãrĩ weresãbukuma. Irasirirã marĩ bũro gaguinĩadea waja marĩrẽ weresãmakũ neõ yũjumasĩbiribukoa, ãrĩyupũ oparãrẽ iritamugũ ãgũsãrẽ. ⁴¹ Irire were odo: “Iropata ããrã. Waaka mũsãya wiirigue!” ãrĩyupũ.

20

Pablo Macedoniague, Greciague ejadea

¹ Īgūsā irasū āri gaguinimirēdero p̄r̄u, Pablo gap̄u Jesúre b̄remurārē siiu needō, Īgūsārē ōārō āārīrikudoreḡu, wereyup̄u. Were odo, mojō ñeā, Īgūsārē seretu, Macedoniague waakōāyup̄u. ² Irogue eja, iroma makārī marārē Jesúre b̄remurārē Īgū werenírī merā ōārō gūñaturamakū iriyup̄u. P̄r̄u Greciague waayup̄u. ³ Irore ɯrerā abegora āārīyup̄u. P̄r̄u Siria nikūgue doódiru merā taribujabu iriripoe judío masaka: “Murē ñerō iriduarā iriama”, āārī kerere péyup̄u. Irasiriḡu: “Maa merā Macedoniagueta dujáagura doja”, āri gūñayup̄u. ⁴⁻⁵ Ḡua, Īgū merā waaburi dupiyuro gajirā Īgū merāmarā Troas wāik̄urī makāgue waa, ḡuare yūñurā. Īsāk̄u āārīmá: Sópater wāik̄uḡu Beream̄u, Pirro wāik̄uḡu magū āārīmí. Gajirā Tesalónica marā p̄r̄a Aristarco, Segundo wāik̄urā āārīmá. Gajiḡu Derbem̄u Gayo wāik̄uḡu, gajiḡu Timoteo, gajirā Asia marā Tíquico, Trófimo āārīmá. ⁶ Īgūsā yúripoe ḡua gap̄u p̄a wemasārī morēña marīrī baari bosenu p̄r̄u, Filipogue āārānerā doódiru merā su mojōma n̄rī taribuja, Troague ejabu. Irogue Īgūsārē bokaja, Īgūsā merā su semana dujabu.

Troague Pablo naadea

⁷ Siñajārīn̄u āārīmakū, gajirā Jesúre b̄remurā merā p̄r̄e dukawa baamurā nerēb̄u. Pablo gajin̄u gap̄u waabu āārīsīā, yoaripoe buemi Īgūsārē. Ñami deko āārīmakū bue odobirimi dapa. ⁸⁻⁹ Ḡua nerērī taribu, ɯre kaya wekama taribu, sīāgori wári opari taribu āārīb̄u. Pablore iro āārīrā péripoe suḡu maam̄u Eutico wāik̄uḡu ventanague doami. Pablo Īgūsārē yoaripoe buemakū, Īgūrē w̄uja ejayuro. Irasiriḡu kārītari, yebague yuridijakōāmi. Īgū yuridijamakū ĩārā, Īgū p̄uro waa, kōmoadiguere āiwāgū doboma. ¹⁰ Īgūsā irasū irimakū ĩāgū, Pablo dijari, maam̄urē páb̄ua āiwāgūnú, Īgūsārē weremi:

—Ḡukabirikōāka! Okami dapa, ārīmi.

¹¹ Īgū irasū ārīmakū, maam̄u kōmoadigue āārīkereḡu, masākōāmi. Īgū masāmakū ĩāgū, Pablo dupaturi m̄rīa, p̄r̄e dukawa, Īgūsā merā baami. Īgū irasiriadero p̄r̄u, yoaripoe buenemomi doja. Boyoburo dupiyurogā Īgūsārē bue odo, wiriakōāmi. ¹² Īgū wiriadero p̄r̄u, irogue nerēanerā Eutico kōmoadigue masādire ɯs̄uyari merā Īgūya wiiḡue āiāma.

Pablosā Troas āārānerā Miletogue waadea

¹³ Pablo ḡuare ārīderosūta doódiru merā Īgū dupiyuro Asogue waabu. Īgū gap̄u Īgū waad̄uaderosūta maague waami. ¹⁴ Asogue ḡuare bokaja, ḡua merā doódirugue ñajāa, Mitilenegue waami. ¹⁵⁻¹⁶ Gajin̄u iro merā waarā, Quío wāik̄urī n̄gūrō bokatīūrōgue ejabu. Gajin̄u waarā, Samogue ejabu doja. Iro merā waa, Trogilio wāik̄urogue kārīb̄u. Pablo, Pentecostés bosenu dupiyuro Jerusalēguere ejad̄uagu, ḡuare: “Asiare yoaripoe āārīduabirikoa ȳu”, ārīmi. “Irasirirā Efesore diayeta taria, Miletogue waapurumurā!” ārīmi. Irasirirā gajin̄u gap̄u waa, Miletogue ejabu.

Pablo Efeso marā Jesúre b̄remurā oparārē werede

¹⁷ Pablo Miletogue āārīgū, Efeso marā Jesúre b̄remurā oparārē kere iriumi Īgū p̄uro aaridoreḡu. ¹⁸ Īgūsā Īgū p̄uro ejamakū, Īgūsārē ārīmi:

—Asiague ejaḡu, m̄sā merā neōgora ȳu irideare ōārō masīa m̄sā. ¹⁹ M̄sā merā āārīgū, marī Op̄uyare irib̄u. Irasiriḡu m̄sārē neō tarin̄ugābirib̄u. Masaka Jesúre b̄remubirimakū ĩāgū, oreb̄u. Judío masaka ȳure wējēduakeremakū, m̄sārē bueb̄u. ²⁰ M̄sā nerērōgue, m̄sāya wiiriguedere āārīpereri m̄sā ōārō āārīrik̄uburire bueb̄u. ²¹ Judío masakare, judío masaka āārīmerādere irireta bueb̄u. “Ōārō péka! M̄sā ñerō iririre piri, Marīp̄uya gap̄ure ōārō irin̄ugāka! Marī Op̄u Jesúre b̄remuka!” ārī bueb̄u. ²² Irasiriḡu dapagorare Ōāgū deyomarīgū dorederosūta Jerusalēgue waagū yāa. Irogue ȳure āsū waarokoa, ārīmasībirikoa dapa. ²³ Ȳu ejadea makārīk̄u Ōāgū deyomarīgū āsū ārīmi ȳure: “M̄u irogue waamakū, masaka murē peresu iri, ñerō tarimakū irirākuma”, ārīmi. Iri ditare masīa. ²⁴ Irire masīkereḡu, güibe. Yaa okaridere maībea. Marīp̄u masaka

ããrĩpererãrẽ maĩrĩ merã ããmi, ãrĩrĩ kerere marĩ Opũ Jesús weredoremi yũre. I ditare ãgũ yũre moãrĩ pídeare iripeoduáa.

²⁵ Yũ musã merã ããrĩgũ, Marĩpũ ãgũyarãrẽ doreri kerere weregorenabũ. Dapagorare musã neõ dupaturi yũre ããnemobirikoa. Irire masĩa yũ. ²⁶⁻²⁷ Irasirigũ dapagãrẽ irire werea musãrẽ. ããrĩpereri Marĩpũyare ãgũ yũre weredoredeare werebũ musãrẽ. Irasirirã musã ããrĩpererã irire: “Neõ pébea yũ”, ãrĩmasĩbirikoa. Perebiri peamegue waamakũ, ãgũsã péduabiridea waja ããrĩrokoo. Yaa waja ããrĩbirikoa. ²⁸ Irasirirã Marĩpũyare õãrõ péduripĩka! Musã Jesúre bũremurãrẽ, Õãgũ deyomarĩgũ musãrẽ koredorerãdere: “Õãrõ péka musãde!” ãrĩ wereka! ãgũ magũ boagũ dí béodea merã Marĩpũ ãgũsãrẽ ãgũyarã ããrĩmakũ iridi ããrĩmĩ. Irasirirã ãgũsãrẽ õãrõ koreka, oveja korerã ãgũsãyarã ovejare õãrõ korederosũta! ²⁹ Yũ waadero pũrũ, gajirã ãrĩkatorimasã, makãnúũ marã diayéa ovejare wẽjẽdũarã irirosũ musã pũro ejarákuma. ãgũsã bueri merã musãrẽ dukawarimakũ iridũarákuma. ³⁰ Pũrũguere gajirã musã merãmarãta musãrẽ Jesúre bũremurãrẽ ãrĩkatorãkuma ãgũsã buerire pédorerã. ³¹ Irasirirã õãrõ pémasĩka! Ære bojorigora ãmũrĩ, ñamirĩ oreri merã musã ããrĩpererãrẽ werebũ. Irasirirã yũ weredeare gũñanikõãka!

³² Dapagorare Marĩpũre sãrẽbosagũra musãrẽ koreburo, ãrĩgũ. ãgũ musãrẽ maĩrĩ merã ããrĩ kerere buerã, õãrõ ããrĩrikũrãkoo. Æmũrikũ ãgũ turari merã musãrẽ ãgũrẽ bũremunemomakũ yãmi. Musãrẽ ãgũyarãrẽ ããrĩpererãrẽ õãrĩrẽ sĩgũkumi ãgũ iripoegue ãrĩderosũta. ³³ Yũ musã merã ããrĩgũ, musãya niyerure, musãya surĩdere: “Yũre sĩka!” neõ ãrĩbiribũ. ³⁴ Yũ basi moãdea waja merã, yũ gããmerĩrẽ, yũ merãmarã gããmerĩdere bokabũ. Irire õãrõ masĩa musã. ³⁵ Marĩ moã wajatadea merã gajino opamerãrẽ iritamurõ gããmea. Ire musãrẽ iri ãmubũ: “Ãsũ iririkũka musãde!” ãrĩgũ. Marĩ Opũ Jesús ãrĩdeare gũñaka! Ãsũ ãrĩyupũ: “Sugũ gajino sĩgũ gapũ ãgũ sĩrĩrẽ ñeãgũ nemorõ usuyami”, ãrĩ weremi Pablo Efeso marã Jesúre bũremurãrẽ.

³⁶ Irasũ ãrĩ odo, Pablo ãgũsã merã ñadũkupuri merã ejamejã, Marĩpũre sãrẽmi. ³⁷⁻³⁸ Sãrẽ odo: “Musã dupaturi neõ ããnemobirikoa yũre”, ãgũ ãrĩdeare gũñarã, bũro bũjawereri merã dujama. Irasirirã ããrĩpererã ãgũrẽ pábua, orema. Pũrũ ãgũrẽ perague tũyabuajama gũa doódiru merã waamakũ ããtũyarã.

21

Pablo dupaturi Jerusalãgue waadea

¹ Gũa Efeso marãrẽ Jesúre bũremurãrẽ seretu odo, doódiru merã Cos wãĩkũri nũgũrõgue diaye waakõãbũ. Gajinũ Rodas wãĩkũri nũgũrõrẽ taria, Pátara wãĩkũri makãgue ejabũ. ² Irogue eja, doódiru Feniciague waaburidirure bokaja, iriru merã waabũ doja. ³ Waa, Chipre wãĩkũri nũgũrõrẽ tariarã, iri nũgũrõ kũgapũ dujamakũ ããbũ. Irore taria, Siria nikũrẽ eja, Tiro wãĩkũri makãma perague ejabũ. Irogue doódirure moãrã iriruma doebirire píma. ⁴ Irogue eja, Jesúre bũremurãrẽ bokaja, su mojõma pere gaji mojõ peru pãrẽbejarinũrĩ ãgũsã merã ããrĩbũ. ãgũsã Õãgũ deyomarĩgũ masĩrĩ sĩsũnerã ããrĩsĩã, Pablõre: “Jerusalãgue waabirikõãka mũrẽ wẽjẽrĩ!” ãrĩ werema. ⁵ ãgũsã irasũ ãrĩkeremakũ, su mojõma pere gaji mojõ peru pãrẽbejarinũrĩ pũrũ, waakõãbũ. Gũa waamakũ, ããrĩpererã Jesúre bũremurã, ãgũsã marãposã nome, ãgũsã pũrã iri makã tũrogue gũare ããtũyarã ejama. Irasirirã gũa ããrĩpererã ãgũsã merã perague buáa, iroma ãmparogue ñadũkupuri merã ejamejãja, Marĩpũre sãrẽbũ. ⁶ Pũrũ ãgũsãrẽ pábua seretu odo, doódiru merã waakõãbũ. ãgũsã gapũ ãgũsãya wiirigue majãkõãma.

⁷ Irasirirã gũa Tirore ããrãnerã waa, Tolemaida wãĩkũri makãgue ejabũ. Irogue eja, Jesúre bũremurãrẽ õãdore, sunũ ãgũsã merã ããrĩbũ. ⁸ Gajinũ gapũ Pablo gũa merã maague waami, Cesarea wãĩkũri makãgue waagũ. Irogue eja, Felipe wãĩkũgũ Jesúya kerere

weregorenagya wiigue waa, ĩgũ merã ããrĩbũ. Felipe Jesũre bũremurã su mojõma pere gaji mojõ peru pẽrẽbejarã baari guerenerã watope ããrĩdi ããrĩmĩ. ⁹ Felipe pũrã wapikurã nõome, marãpũ marĩrã nome ããrĩmã. ĩgũsã Marĩpũ weredorederosũta ĩgũya kerere wereturiarã nome ããrĩmã. ¹⁰ Gũa irore yoaweyaripoe ããrãdero pũrũ, Agabo wãĩkũgu Marĩpũya kerere weredupiyugũ Judeague ããrãdi gũare ĩãgũ ejami. ¹¹ ĩgũ gũa pũro eja, Pabloya yũjũwẽñarĩdare ãĩ, ĩgũ basi ĩgũya guburire, ĩgũya mojõrĩrẽ sũami. Sũa odo, gũare ãrĩmi:

—Ãsũ ãrĩmi Oãgũ deyomarĩgũ yũre: “Idare opagũ Jerusalẽgue ejamakũ, mũ basi ida merã sũaderosũta judío masaka sũarãkuma ĩgũrẽ. Sũa odo, judío masaka ããrĩmerãrẽ ĩgũrẽ wiarãkuma”, ãrĩmi yũre, ãrĩ weremi Agabo gũare.

¹² ĩgũ irasũ ãrĩmakũ pãrã, gũa Cesarea marã merã Pablore: “Jerusalẽguere waabirikõãka!” ãrĩ werebũ. ¹³ Pablo gapũ gũare ãrĩmi:

—¿Nasirimurã iropa ore, yũre bũro bũjaweremakũ yãri? Jerusalẽgue ĩgũsã yũre sũa, peresu irimakũ õãrokoa. Marĩ Opũ Jesũya kerere weredeã waja yũ boamakũ õãrokoa. Ñerõ yũre ããrĩkeremakũ waagũra, ãrĩmi.

¹⁴ Irasirirã gũa ĩgũrẽ: “Waabirikõãka!” ãrãnerã pirikõãbũ pama. Ãsũ ãrĩbũ:

—Marĩ Opũ ĩgũ gããmerõsũta iriburo, ãrĩkõãbũ.

¹⁵ Pũrũ gũayare ãmu, Jerusalẽgue waakõãbũ. ¹⁶ Irogue waamakũ, gajirã Cesarea marã Jesũre bũremurã gũa merã waama. ĩgũsã merãmũ Mnasõn wãĩkũgu Chipremũ ããrĩdi, yoaripoe Jesũre bũremugũ ããrĩmĩ. Irasirirã Jerusalẽgue eja, ĩgũya wiigue ĩgũ merã ããrĩbũ.

Pablo Santiagore ĩãgũ ejadea

¹⁷ Gũa Jerusalẽgue ejamakũ, iro marã Jesũre bũremurã usũyari merã bokatĩrĩma. ¹⁸ Gajinũ Pablo gũa merã Santiagore ĩãgũ waami. ĩgũ pũroguere ããrĩpererã Jesũre bũremurã oparã, nerẽnerã ããrĩmã. ¹⁹ Pablo ĩgũsãrẽ õãdore odo, judío masaka ããrĩmerãrẽ ããrĩpereri Marĩpũ ĩgũ merã irideare weremi. ²⁰ ĩgũ weremakũ pãrã, Marĩpũre: “Oãtaria mũ”, ãrĩ, usũyari sĩma. Pũrũ ãsũ ãrĩma Pablore:

—Gũayagũ, ire õãrõ masĩa mũ. Wãrã judío masaka Jesũre bũremukererã, ããrĩpererã: “Moisės doredeare iriro gããmea dapa”, ãrĩma. ²¹ Gajirã masaka ãsũ ãrĩ werewũama mũrẽ: “Ĩgũ judío masaka ããrĩmerã ããrĩrõgue ããrĩgũ, judío masaka irogue ããrĩrãrẽ Moisės doredeare iridorebemi. ĩgũsã pũrãrẽ ĩgũsãya dũpũma gasirogãrẽ wiiridorebemi. Marĩ judío masaka iririkũrere iridorebemi”, ãrĩ werewũama. ²² ĩgũsã mũ õõrẽ ejayupũ, ãrĩrĩ kerere pãrã, nerẽ, mũrẽ turirãkuma. Iro tamerãrẽ, ¿nasirigũkuri mũ? ²³ Ãsũ irika! Oõrẽ wapikurã ãma ããrĩma. “Marĩpũre bũremurã, ãsũ irirãra!” ãrĩnerã ããrĩma. ²⁴ ĩgũsã merã Marĩpũya wiigue waaka! Mũde ĩgũsã irirosũta irika! Moisės doredeare irirã waamurã yãma. Irasirigũ Marĩpũ ĩũrõrẽ ĩgũsã iriri wajare wajaribosaka! Mũ irasiriadero pũrũ, ĩgũsãya poarire wũadorerãkuma. Mũ irasirimakũ ĩãrã, ããrĩpererã masaka mũrẽ werewũadeare: “Ãrĩkatorã iriĩũma”, ãrĩrãkuma. “Ĩgũde Moisės doredeare õãrõ irigũ ããrĩmi”, ãrĩrãkuma. ²⁵ Judío masaka ããrĩmerãrẽ Jesũre bũremurãrẽ gũa gojadea pũrẽ iriusiabũ. Ãsũ ãrĩ gojabũ: “Keori weadeã pũro baari pĩdeare, waimũrã wũnugũ biu wẽjẽanerãya díkũri díre baabirikõãka! Díre iirĩbirikõãka! Nome merã ñerõ iribirikõãka! Nomede ãma merã ñerõ iribirikõãka!” ãrĩ gojabũ gũa, ãrĩma Pablore.

Marĩpũya wiigue judío masaka Pablore ñeãdea

²⁶ Irasirigũ Pablo gajinũ gapũ wapikurã ãma merã Marĩpũ ĩũrõ Moisės doredeare irigũ waayupũ. Pũrũ Marĩpũya wiigue ñajãa, Pablo paĩre ãrĩyupũ: “Su semana dũyãa, gũa Moisės doredeare iri odoburo. Gũa odorinũ ããrĩmakũ, guakũ waimũrã ejorãrẽ ãĩrĩrãkoa. Marĩpũ ĩũrõ ĩgũsãrẽ wẽjẽ soepeoka! ãrĩrã!” ãrĩyupũ.

²⁷ Īgūsā Moisés doredeare iri odoburipoe Asia marā judío masaka Pablöre Marīpuya wiigue āārīgūrē iāñurā. Irasirirā gajirārē iri wii āārīrārē ĩgū merā guamakū iri, Pablöre ñeā, āsū ārī gaguinīñurā:

²⁸ —Gūayarā Israel bumarā, gūare iritamuka! Īta āārīmi, āārīpereroguerē marīrē ñerō ārī werenīgorenagū. “Judío masaka ñegorama. Moisés doredea wajamāa. I wiide ñegorāa”, ārī buegorenami masakare. Gajire griego masakare i wiigue āāñajāgū ñerō irīgū yāmi i wiire, ārīñurā.

²⁹ Pablo iro dupiyuro Trófimo merā makāgue āārīmakū iānerā āārīsīā, Pablo ĩgūrē Marīpuya wiigue āāñajāgū irikumi, ārī gūñañurā. Trófimo Efesomū judío masakū āārībi āārīyupū. Irasiriro ĩgūnorē iri wiiguere ñajāmasīña marīyuro.

³⁰ Pablöre weresā gaguinīmakū pérā, iri makā marā āārīpererā buro guañurā. Irasirirā ūmañajāa, Pablöre ñeā tūāwiria, iri wii makāpurore mata biakōāñurā. ³¹ Īgūsā Pablöre wējēmūrā iriripoe gajirā surara opūguere wererā waañurā. ĩgū pūroque eja: “Āārīpererā Jerusalén marā nerē, buro guari merā gaguinīrā iriama”, ārī wereñurā. ³² Īgūsā irasū ārīmakū pégu, surara opū ĩgūyarā surarare, ĩgūsārē dorerādere siiu need, ĩgūsā merā Pablöre wējēduarā pūroque ūmawāgāyupū. Īgūsā ejamakū iārā, Pablöre pánerā piriñurā. ³³ Surara opū Pablo pūroque eja, ĩgūyarā surarare ĩgūrē ñeādore, pe kōmeda merā suadoreyupū. Īgūsā sua odomakū iāgū, surara opū masakare sērēñayupū:

—¿Níino āārīrī ĩ? ¿Nasiriari, ĩgū mūsā irasirimakū? ārī sērēñayupū.

³⁴ ĩgū irasū ārīmakū, masaka gapū: “Āsū iriami”, ārī, gajirā gajirosū, gajirā gajirosū gaguinīmirēkōāñurā. Īgūsā irasū gaguinīmakū, surara opū neō diaye pébiryupū. Irasirigū ĩgūyarā surara āārīrī wiigue Pablöre āiadoreyupū. ³⁵⁻³⁶ Īgūsā iroque ĩgūrē āiāmakū iārā, wārā masaka: “Wējēkōāka ĩgūrē!” ārī gaguinī, tūyañurā. Irasirirā surara ĩgūsāya wii makāpuro marīaro ejarā, Pablöre āikōā mūrīñurā, masaka ĩgūrē wējērī, ārīrā.

Pablo masakare: “Neō ñerō iribeayū”, ārī weredeayū

³⁷ Iri wiigue eja, ĩgūrē peresu irimurā iriripoe surara opūre:

—Yū, mū merā wereníduakoa, ārīyupū.

Pablo griego ya merā werenímakū pégu, surara opū gapū ārīyupū:

—¿Mū griego yare masīrī? ³⁸ ¿Sōō āārādi, Egiptomū meta āārīrī mū? ĩgū romano marā oparā merā gāmekēādūagū, wārā cuatro mil wējērīmasārē siiu need, masaka marīrōgue āiayupū. ¿ĩgū meta āārīrī mū?

³⁹ ĩgū irasū ārīmakū pégu, Pablo yūjuyupū:

—Yū, ĩgū meta āārā. Judío masakū āārā. Tarso, Cilicia nikū āārīrī makā deyoabū. Ubu āārīrī makāmū āārībea. Irasirigū mūrē sērēa. Īsā masaka merā werenídoreka yūre! ārīyupū.

⁴⁰ ĩgū irasū ārīmakū pégu, surara opū: “Jāyū, wereníka!” ārīyupū. Irasirigū Pablo mūrīroque mūrīnūgā, ĩgūya mojō merā masakare toeburo, ārīgū, irikeoyupū. ĩgū irasirimakū iārā, toekōāñurā. Īgūsā toemakū, Pablo hebreo ya merā wereyupū ĩgūsārē:

22

¹ —Yaarā, yū irideare mūsārē weremakū, oārō péka! ārīyupū Pablo.

² ĩgū hebreo ya merā werenímakū pérā, masaka toepereakōāñurā. Irasirigū Pablo ĩgūsārē āsū ārī wereyupū:

³ —Yū judío masakata āārā. Cilicia nikū Tarso wāikūri makāgue deyoabū. Iro deyoadi āārīkeregū, oō Jerusalén masābū. Gamaliel wāikūgū buemi yūre. Irasirigū marī ñekūsāmarārē Moisés doreri pídeare oārō masīa. Irasirigū mūsā irirosūta yūde Marīpū doredeare oārō yāa. ⁴ Iripoeguere Jesūre būremurārē ñerō iriunabū. Surāyerire wējēdorebū. Ūmarē, nomedere ñeā, peresu iriunabū. ⁵ Paía opū, āārīpererā judío

masaka oparã yu ãrĩrĩrẽ: “Irasũta iriunami”, ãrĩ weremasĩma musãrẽ. Ìgũsãta yure su pũ gojabosama marĩyarã Damasco marãrẽ Jesũre buremurãrẽ ñeãdorerã. Irasirigu iri pũ merã Jesũre buremurãrẽ ñeãgũ waadibu, õõ Jerusalẽgue ìgũsãrẽ ãija peresu iribu.

Pablo ìgũ Jesũre buremunugãdeare werede

⁶ 'Goeripoe ããrĩmakũ, yu Damascogue ejabu iriripoe gũñaña marĩrõ ùmugasi bũro kũmijũrõ yu pũrore gosesiribu. ⁷ Irasũ waamakũ, yebague meémejã, pũru ãsũ ãrĩ werenĩmakũ pébu. “Saulo, ¿nasirigu yure ñerõ yãri mu?” ⁸ Ìgũ irasũ ãrĩmakũ pégu: “¿Noã ããrĩrĩ mu?” ãrĩ sërẽñabu. Ìgũ gapu: “Yu, Jesús Nazaretmu mu ñerõ irigũta ããrã”, ãrĩmi yure. ⁹ Yu merã ããrĩnerã iri gosesiririre ìagukakõãma. Irire ìãkererã, Jesús yure werenĩmakũ pébirima. ¹⁰ Pũru: “Yu Opu, ¿nasirigukuri yu?” ãrĩ sërẽñabu ìgũrẽ. Ìgũ yure yujumi: “Wãgãnugã, Damascogue waaka! Irogue sugu ããrĩpereri yu murẽ iridoreburire murẽ weregukumi”, ãrĩmi. ¹¹ Bũro kũmijũrõ waadea yaa koyere neõ deyomarĩmakũ irikubu. Irasirirã yu merãmarã yaa mojøgue ñeã, Damascogue ãĩãma.

¹² 'Yu iro ejadero pũru, Ananías wãikugu, Marĩpũre buremugũ, Moisés doredeare õãrõ irigu yure ìãgũ ejami. Ìgũ iro marã judío masaka ããrĩpererã buremugũ ããrĩmĩ. ¹³ Ìgũ yu pũro ejanugãja: “Yaagu Saulo, mu dupaturi koye ìagukoa doja”, ãrĩmi. Ìgũ irasũ ãrĩmakũta, dupaturi ìãbu doja. Irasirigu Ananías yu pũro nĩmakũ õãrõ ìãbu. ¹⁴ Yu ìãmasĩadero pũru, yure ãrĩmi doja: “Iripoegue Marĩpu marĩ ñekũsãmarã buremudi murẽ beyesiadi ããrĩmĩ, ìgũ dorerire õãrõ iribure, ìgũ magũrẽ ñerĩ opabire ìãbure, ìgũ werenĩrĩrẽ pébure. ¹⁵ Irasirigu ããrĩpererã masakare mu ìãdeare, mu pédeare weregorenagukoa. ¹⁶ Dapagorare yoaripoe yũbirikõãka! Wãgãnugã, deko merã wãiyedoreka, mu marĩ Opu Jesũre buremurĩrẽ ìmugũ! Marĩpũre: ‘Jesũre buremua, irasirigu yu ñerõ irideare kãtika!’ ãrĩ sërẽka, mu ñerõ irideare kãtiburo, ãrĩgũ!” ãrĩmi Ananías yure.

Pablo judío masaka ããrĩmerãrẽ Marĩpu ìgũrẽ buedoredeare werede

¹⁷ Pũru Damascogue ããrãdi i makã Jerusalẽgue dujajagu, Marĩpũya wiigue ìgũrẽ sërẽgũ waabu. Irogue kërõ irirosũ waarire ìãbu. ¹⁸ Irogue Jesús yure deyoya, weremi: “Jerusalén marã yaare mu weremakũ péduabema. Irasirigu murĩgora gajirogue waaka!” ãrĩmi. ¹⁹ Ìgũ irasũ ãrĩmakũ pégu, ìgũrẽ ãrĩbu: “Yu Opu, Jerusalén marã yu irideare õãrõ masĩma. Yu judío masaka nerẽrĩ wiirigue ããrĩrãrẽ murẽ buremurãrẽ ñeã pá, peresu iribu. ²⁰ Mũya kerere weredi Estebãrẽ ìgũsã wẽjẽmakũ, ìgũrẽ wẽjẽrãya surĩ wekamarẽ korebosabu. ‘Õãrõ irirã, wẽjẽma’, ãrĩ gũñabu”, ãrĩ werebu yu Opũre. ²¹ Yu irasũ ãrĩmakũ pégu, yu Opu weremi: “Yoarogue waaka! Judío masaka ããrĩmerãrẽ buedoregu iriugũra murẽ”, ãrĩmi, ãrĩ wereyupu Pablo ìgũsãrẽ.

Surara opu Pablo merã werenĩdea

²² Pablo: “Yu Opu Jesús judío masaka ããrĩmerãrẽ buedoregu iriugũra”, ãrĩrĩrẽ pérã, bũro guari merã gaguinĩñurã:

—Dapagorare ñ ããrĩnemobirikõãburo. Dapagorata boaburo, ãrĩ gaguinĩñurã.

²³ Irasũ ãrĩ gaguinĩrã, ìgũsãya surĩ wekamarẽ wẽjãsiri, nikũwera merã meésiriñurã. ²⁴ Irasirimakũ ìãgũ, surara opu ìgũyarãrẽ Pablõre ìgũsãya wiigue ãññajãadoreyupu. Pablõre: “¿Nasirirã masaka murẽ guari merã gaguinĩrĩ?” ãrĩ masĩduagu ìgũrẽ tãrãdoreyupu. ²⁵ Irasirirã ìgũrẽ sua, tãrãmurã iriripoe Pablo gapu ìgũ pũro nĩgũrẽ surarare doregũre ãrĩyupu:

—Yu romano marãya nikũmu ããrã. Irasirirã weresãrĩrẽ beyerimasũ yure: “Ãsũ iriami ñerõ irigu”, ãrĩ weresãbirikeremakũ, ubugorata tãrãmasĩbea musã yure, ãrĩyupu.

²⁶ Ìgũ irasũ ãrĩmakũ pégu, surarare doregu ìgũ opu weregu waayupu:

—Õãrõ pémasĩka! “Romano marãya nikũmu ããrã yu”, ãrãmi. Irasirigu ñerõ iribirikõãka ìgũrẽ! ãrĩyupu.

²⁷ Īgũ irasũ āřĩmakũ, surara opũ Pablöre sērēñagũ waayupũ:
—¿Diayeta romano marāya nĩkũmũ āārĩrĩ mũ? Wereka yũre!
Pablo gapũ Īgũrē:

—Īgũta āārã, ārĩ yũjũyupũ.

²⁸ Surara opũ Īgũrē ārĩyupũ:

—Yũ romanomũ āārĩdũagũ wáro niyeru wajaribũ.

Pablo Īgũrē ārĩyupũ doja:

—Yũ tamerã romanoma makãgue deyoabũ. Irasirigũ deyoagũgueta romanomũ āārĩdi āārã yũ.

²⁹ Īgũ irasũ āřĩmakũ pérã, Īgũrē tārãboanerã gũi wiriakõãñurã. Surara opũde Pablo romanomũ āārĩrĩrē pégu, kõmedari merã Īgũrē sua tārãdoreadeare gũñagũ, gũiyupũ.

Pablo judío masaka oparã pũro āārĩdea

³⁰ Irasirigũ gajinũ gapũ judío masaka Pablöre weresãdeare masĩdũagũ, paía oparãrē, gajirã āārĩpererã judío masaka oparãrē siiu neeõyupũ. Īgũsã nerēmakũ ĩãgũ, Pablöre Īgũsã suadea kõmedarire kura, āĩ, Īgũsã ĩũrõ doboyupũ.

23

¹ Pablo judío masaka oparãrē ĩãbokatĩũnũgãja, āsũ ārĩyupũ:

—Yaarã, yũ okaro bokatĩũrõ Marĩpũ ĩũrõ õārõ āārĩrikũa, ārĩ péñãa. Irasirigũ gũñarikũro marĩrõ āārĩkõãa.

² Īgũ irasũ āřĩmakũ pégu, paía opũ Ananías Pablo werenĩrĩrē péduabi Īgũ pũro āārĩrãrē ĩgũya disire pádoreyupũ. ³ Irasirigũ Pablo Ananĩare āsũ ārĩyupũ:

—Marĩpũ mũrē wajamoãgukumi gajirãrē mũ yũre pádoreri waja. Mũ irikatorikũgu āārã. Yũre: “Moisés doredeare tarinũgãa”, ārĩ ĩãkeregũ, mũ gapũ iri dorerire tarinũgãa, gajirãrē yũre pádoregu, ārĩyupũ.

⁴ Irasũ āřĩmakũ pérã, iro āārĩrã āsũ ārĩñurã Pablöre:

—Ñerõ ārĩ werenĩbirikõãka paía opũre Marĩpũ beyedire!

⁵ Īgũsã irasũ āřĩmakũ pégu, Pablo ārĩyupũ doja:

—Yaarã, yũ masĩbirakubũ Īgũ paía opũ āārĩrĩrē. Masĩgũ irasũ ārĩbiriboakuyo. Marĩpũya werenĩrĩ gojãdea pũguere: “Musãya makã marã opũre ñerõ ārĩ werenĩbirikõãka!” ārĩ gojasũdero āārĩbũ.

⁶ Irogue āārĩrã: Saduceo bumarã, gajirã fariseo bumarã āārĩñurã. Irasirigũ Īgũsãrē ĩãgũ, Pablo busũro werenĩyupũ:

—Yaarã, yũde fariseota āārã. Fariseo bumũ magũta āārã. Irasirirã masaka boanerã masãrĩrē yũ bũremurĩ waja yũre wajamoãduakoa, ārĩyupũ.

⁷ Īgũ boanerã masãrĩrē weremakũ pérã, fariseo, saduceo bumarã merã gãme guaseonũgãñurã. Irasirirã iri wiigue suro merã āārãnerã āārĩkererã, gãme dukawariakõãñurã. ⁸ Saduceo bumarã: “Masaka boanerã masãbirikuma. Marĩpũre wereboerã marĩkuma. Masaka boanerã yũjũpũrãrĩde marĩkoa”, ārĩ wererã āārĩñurã. Fariseo bumarã gapũ āārĩpereri irimarē bũremurã āārĩñurã. ⁹ Irasirirã irimarē gãme guaseo, bũro gaguinĩnũgãñurã. Irasirirã surãyeri fariseo bumarã Moisés doredeare buerimasã wãgãnũgã, wereñurã:

—Masakũ boadi, o Marĩpũre wereboegu diayeta ĩĩ merã werenĩakumi. Irasirirã Īgũrē ñerõ iriami, neõ ārĩmasĩbea. Īgũrē wajamoãrã, Marĩpũre ñerõ irirã iribukõãa marĩ, ārĩñurã.

¹⁰ Īgũsã bũro gaguinĩmakũ ĩãgũ, surara opũ gapũ Pablöre gũisãyupũ. “Īgũrē ñeã, tũãwẽjãsiribéokõãbukuma”, ārĩgũ, Īgũyarã surarare: “Pablöre āĩaka, dupaturi marĩ āārĩrĩ wiigue!” ārĩ iriyupũ.

¹¹ Iri ñamita marĩ Opũ Jesús Pablöre deyoa, wereyupũ:

—Gũñaturaka! Gũibirikõãka! I makã Jerusalén marãrẽ yaa kerere wereaderosũta Roma marãdere weregũ waaka! ãrĩyupũ.

Judío masaka Pablore wějẽduadea

¹² Gajinũ gapũ surãyeri judío masaka Pablore wějẽduarã nerẽ, ãsũ ãrĩñurã:

—Dapagã merã neõ baabiri, iiribirikõãrã! Īgũrẽ wějẽmerã ãamerãta boarã! Īgũrẽ wějẽbirimakũ, Marĩpũ marĩrẽ wajamoãburo, ãrĩñurã.

¹³ Irasũ ãrĩ werenĩrã cuarenta nemorõ ããrĩñurã. ¹⁴ Pũrũ paĩa oparã, gajirã judío masaka oparã pũrogue wererã waañurã:

—“Dapagã merã neõ baabirikõãrã! Īgũrẽ wějẽmerã ãamerãta boarã! Īgũrẽ wějẽbirimakũ, Marĩpũ marĩrẽ wajamoãburo”, ãrãbũ, ãrĩñurã. ¹⁵ Irasirirã mũsã, mũsã merãmarã oparãde ãrĩkatori merã kere iriuka surara opũguere! “Ñamigã Pablore dupaturi Īgũ irideare weremakũ pẽduakoa”, ãrĩka Īgũrẽ! Surara opũ iri kerere pẽgũ, Pablore õõgue ãĩwãgãridoregũkumi. Irasirirã maague yúrã, Īgũ õõrẽ ejaburo dupiyuro Īgũrẽ wějẽmurã, ãrĩñurã.

¹⁶ Pablo tĩgõ magũ gapũ Īgũsã irasũ ãrĩ werenĩmakũ pẽyupũ. Irasirigũ Pablore surara ããrĩrĩ wiigũ ããrĩgũrẽ weregũ waayupũ. ¹⁷ Pablo irire pẽgũ, sugũ surarare siiu wereyupũ:

—Ĩĩ maamũ mũ opũre gajino weredũayupũ. Irasirigũ Īgũ pũrogue ãĩaka! ãrĩyupũ.

¹⁸ Īgũ irasũ ãrĩmakũ pẽgũ, surara Pablo tĩgõ magũrẽ Īgũ opũ pũrogue ãĩja, ãrĩyupũ:

—Pablo peresugũ ããrĩgũ yũre ĩĩ maamũrẽ mũ pũro iriuami. Īgũ mũrẽ gajino weregũ aarigũ iriami, ãrĩyupũ.

¹⁹ Īgũ irasũ ãrĩmakũ pẽgũ, surara opũ maamũrẽ Īgũya mojõrẽ ñeã tũãwãgã, masaka pẽberogue sãrẽñayupũ:

—¿Naásũ ãrĩbu iriari mũ yũre?

²⁰ Maamũ gapũ Īgũrẽ ãrĩyupũ:

—Judío masaka oparã mũrẽ Īgũsã pũrogue Pablore ãĩadorerãkuma. Mũrẽ ãsũ ãrĩ werenĩama: “Ñamigãrẽ dupaturi Pablore sãrẽñaduakoa Īgũ irideare õãrõ masĩmurã”, ãrĩkatorãkuma. ²¹ Irasirigũ Īgũsãrẽ yujubirikõãka! Ëma cuarenta nemorõ maague Pablore wějẽmurã duriri merã yũsiama. “Dapagã merã neõ baabirikõãrã! Īgũrẽ wějẽmerã ãamerãta boarã! Īgũrẽ wějẽbirimakũ, Marĩpũ marĩrẽ wajamoãburo”, ãrãma, ãrĩ wereyupũ maamũ surara opũre.

²² Īgũ irasũ ãrĩmakũ pẽgũ, surara opũ gapũ:

—Waaka doja! Irire gajirãrẽ neõ werebirikõãka! ãrĩyupũ Īgũrẽ.

Surara opũ Pablore Félix pũrogue iriudea

²³ Maamũ waadero pũrũ, opũ pẽrã Īgũyarã surarare dorerãrẽ siiu wereyupũ:

—Yaarã surarare doscientos gubu merã waamurãrẽ, setenta caballu weka peyamurãrẽ, doscientos sareri yuku oparãdere Cesareague waamurãrẽ Īgũsãyare ãmudorerã waaka! Īgũsã ãmu odomakũ, dapagã ñami nueve ããrĩmakũ, Īgũsãrẽ siiuaka! ²⁴ Pablo peyamurã caballuadere ãmubosaka! Irasirigũ õãrõ waagũkumi. Õãrõ pĩrã waaka, Īgũrẽ opũ Félix pũro Cesareague! ãrĩyupũ surara opũ Īgũ dokamarãrẽ.

²⁵ Irasũ ãrĩ odo, Félire su papera pũ ãsũ ãrĩ gojayupũ:

²⁶ Yũ, Claudio Lisias, mũrẽ opũ Félire yũ bũremugũrẽ õãdorea.

²⁷ Judío masaka ĩĩ Pablo wãikũgũre ñeã, wějẽadima. Īgũ romano marã nikũmũ ããrĩrĩrẽ masĩgũ, yũ gapũ Īgũrẽ Īgũsã wějẽboadire yaarã surara merã wijatagũ ejabũ. ²⁸ Irasirigũ Īgũrẽ Īgũsã weresãdeare masĩduagu judío masaka oparã pũro ãĩjabũ. ²⁹ Judío masakaya doreri ditare Īgũ tarinũgãdea waja Īgũsã weresãmakũ pẽgũ, Īgũrẽ peresu iribiribũ. Ñeeno waja wějẽmasĩña marĩbũ Īgũrẽ. ³⁰ Irasirigũ judío masaka Īgũrẽ wějẽkõãrã, ãrĩrĩ

kerere pégu, mu p̄roguete iriua. Īgūrē weresānerā mu p̄rogueta waa, murē weresārā waaburo, āriḅu ĩgūsārē. Iropata āārā, āri gojayup̄u surara op̄u Félire.

³¹ Irasirirā surara ĩgūsā op̄u doreaderosūta iri ḅami merā Pablōre Antípatris wāikuri makāgue āiāñurā. ³² Gajinu gap̄u surara gubu merā waanerā iro merāta ĩgūsā āārīri wiigie gāme dujáakōñurā. Caballua weka waanerā dita Pablōre Cesareague āi tariañurā.

³³ P̄ru Cesareague Pablōre āija, surara op̄u ĩgū iriuadea p̄rē Félire wiañurā. Irasirirā Pablōre Félix p̄rogueta pikōñurā. ³⁴ Félix iri p̄rē bueña odo, āsū āri sērēñayup̄u:

—¿Díi nikūmu āārīri ĩi?

—Cilicia nikūmu āārīmi, āri yujunurā.

³⁵ Félix Pablōre āriyup̄u:

—Murē weresānerā ōōrē ejamakū, mu wererire pégu, āriyup̄u.

Irasū āri odo, op̄u Herodes daḡuya wiigie Pablōre pí, ĩgūyarā surarare koredoreyup̄u.

24

Pablōre Félix ĩūrō weresādea

¹ Su mojōma n̄ri tariadero p̄ru, paía op̄u Ananías Cesareague waayup̄u. ĩgū merā gajirā judío masaka oparā, gajigu masakare wereníbosarimasū Tértulo wāikugude op̄u Félire Pablōre weresārā waañurā. ² Pablōre ĩgūsā nerērōgue āijamakū, Tértulo ĩgūrē Félire āsū āri weresānugāyup̄u:

—Gua op̄u, wári masīri merā guare i nikū marārē doregu āārā mu. Mu doreri merāta i nikū ōārī gorawayuro yáa. Gāmekēārō marīrō ōārō āārīkōāa. ³ Irasirirā gua āārīperero marāgue mu merā ōārō usuyáa. ⁴ Yoaripoe mu merā wereníbirikoa. Irasirigu yu mu merā mérōgā werenímakū péka dapa! ⁵ Gua ire weredukakoa murē. ĩi Pablo wāikugu guare garibotarimi. Āārīpereri nikūgue judío masakare guari merā gaguiní, ĩgūsā basi gāme dukawarimakū irigorenami. “Nazarenos” wāikuri bumarā op̄u āārīmi. ⁶ Marīp̄uya wiire ĩgū ḅerō iridukamakū ĩārā, ĩgūrē peresu irimurā ḅeāḅu, gua judío masakaya dorerire ĩgū tarinugārī waja ĩgūrē wajamoāduarā. ⁷ Gua irasiridukamakū ĩāgū, surara op̄u Lisias wāikugu gap̄u gua p̄ro eja, ĩgūrē turaro merā emakōāmi. ⁸ P̄ru Lisias, gua ĩgūrē weresānerārē mu p̄roguete iriuami. ĩgū irasū āriimakū pérā, ōōgue aarabu. Mu basita ĩgūrē sērēñagū, āārīpereri gua ĩgūrē weresārīrē diayeta āriḅa, āriḅukoa, āriyup̄u Tértulo Félire.

⁹ Gajirā judío masaka iro āārīrāde: “Tértulo diayeta wereními”, āriñurā. ¹⁰ ĩgūsā irasū āriimakū pégu, op̄u Félix Pablōre mojō merā irikeo, weredoreyup̄u. Pablo āriyup̄u ĩgūrē:

—Wári bojori i nikū marārē mu dorerire ōārō masīa yu. Irasirigu yaamarē usuyari merā murē weregara. ¹¹ Pe mojōma pere su gubu peru p̄rēbejarinurīta taria, yu Jerusalēgue Marīp̄ure b̄remugū ejadero p̄ru. Irire diaye masiduḡu, gajirārē sērēñaka! ¹² Yu iri makāgue āārīmakū, yure weresānerā yu gajirā merā guaseomakū neō ĩābirama. Marīp̄uya wiire, judío masaka nerērī wiiriguedere, noó gajiro iri makā marārē gua gaguinímakū iribirabu. ¹³ Irasirirā yure weresānerā: “Āsū iriami, irasirigu waja opami”, āriḅasībema. ¹⁴ Murē gajī gap̄ure weregara. Gua ḅekūsāmarā Marīp̄ure, Moisés doreri pídeare, Marīp̄uya kerere weredupiyunerā gojadeare b̄remuderōsūta yu b̄remua. Irire b̄remukeregu, Jesús buedeade b̄remua. Yure weresānerā: “Jesús bueadea āriḅatori āārā”, āri wereníma. ¹⁵ ĩgūsā: “Marīp̄u āārīpererā masaka boanerārē ōārārē, ḅerādere masūgukumi”, āri gūñarōsūta yude gūñāa. ¹⁶ Irasirigu yu Marīp̄u ĩūrō, masaka ĩūrōdere yu turaro bokatiūrō ōārō iridukakoa.

¹⁷ Yaa makā Jerusalērē yu wiriadero p̄ru, wári bojori gajiroguete naagorena, p̄ru irogueta dujáabu. Iroguete eja, yaarā boporārē niyeru sigū ejabu. Iroguete āārīgū, Marīp̄u ĩūrō waibure soepeodudibū ĩgūrē b̄remugū. ¹⁸ Marīp̄uya wiigie waa, ĩgū ĩūrō Moisés doredeare yu iriripoe judío masaka Asia marā yure bokajama. Yu merā gajirā masaka mérāgā āārīmā. Neō ĩgūsārē gua gaguinímakū iribiribu. ¹⁹ Judío masaka Asia marā yu

Marĩpɥaya wiigüe irideare ãnerã, yure: “Ñerõ iriami”, ãrĩ weresãduarã, õõgue mɥ ãũrõgue weresãrã aariburo. ²⁰ Ìgũsã aaribirimakũ, judío masaka oparã õõgue ããrĩrã yɥ Ìgũsã oparãrẽ wereadeare péanerã: “Ãsũ ããrã”, ãrĩ weresãduarã, weresãburo. ²¹ I tamerãrẽ yure weresãmasĩma. Yɥ Ìgũsã merã ããrĩgũ, bɥro turaro merã: “ ‘Boanerã masãrãkuma’, ãrĩdea waja yure wajamoãduakoa”, ãrĩbɥ Ìgũsãrẽ, ãrĩ wereyupɥ Pablo Félire.

²² Ìgũ irasũ ãrĩmakũ pégu, Félix gapɥ Jesúre bɥremurã iririkurire õãrõ masĩsĩã, ãsũ ãrĩyupɥ Pablore:

—Iropata pégu. Surara opɥ Lisias ejadero pɥɥ, mɥrẽ yɥ iriburire weregũkoa, ãrĩyupɥ.

²³ Irasũ ãrĩ odo, Pablore koregure: “Peresugüe õãrõ koreka Ìgũrẽ! Iri wiigueta naãã ããrĩkõãburo. Ìgũ merãmarã Ìgũrẽ iritamudɥamakũ kãmutabirikõãka!” ãrĩyupɥ.

²⁴ Yoaweyaripoe tariadero pɥɥ, Félix Ìgũ marãpo judío masako Drusila wãikũgo merã eja, Pablore ãrĩdoreyupɥ, Jesucristore Ìgũ bɥremurĩrẽ weremakũ péduarã. ²⁵ Pablo Ìgũsãrẽ ãsũ ãrĩyupɥ: “Marĩpɥ masakare diayemarẽ irimakũ, Ìgũsã basi ñerõ iridɥarire iribirimakũ gããmemi. I ãmɥ peremakũ, Marĩpɥ ããrĩpererã ñerãrẽ wajamoãgũkumi”, ãrĩ weremakũ, Félix gapɥ péguaka, gũi, “Waaka!” ãrĩyupɥ Ìgũrẽ:

—Gajipoe yure gajino moãrĩ marĩmakũ siiugura doja mɥrẽ, ãrĩyupɥ.

²⁶ Félix irasũ ãrĩkeregu: “Pablo yure niyeru sĩburo”, ãrĩgũ, Ìgũ merã werenígũ wãri Ìgũrẽ siiunayupɥ. “Gajipoe irigu niyeru sĩmakũ Ìgũrẽ wiubukoa”, ãrĩ gũñadiyupɥ. ²⁷ Pe bojori pɥɥ, Porcio Festo wãikũgu Félire gorawayugɥ, opɥ ñajãyupɥ. Irasirigu Félix gapɥ Ìgũ opɥ ããrĩrĩrẽ wirigu, judío masaka merã õãrõ ããrĩdɥagu, Pablore peresugueta ããrĩdorekõãyupɥ dapa.

25

Pablo, Festo merã werenídea

¹ Ƴrenɥ Ìgũ opɥ ããrĩrĩ ñajãdero pɥɥ, Festo Cesareague ããrãdi, Jerusalégue waayupɥ.

² Ìgũ irogue ejadero pɥɥ, paía oparã, gajirã judío masaka oparã Pablore Ìgũsã weresãdeare Festoguere wererã waañurã. ³ Ìgũ pɥro eja, turaro merã: “Gɥare iritamuka! Pablore õõ Jerusalégue ãrĩdoreka!” ãrĩ sãrẽñañurã. Ìgũsã Ìgũrẽ maague aarigũre: “Wějẽkõãrã!” ãrĩ ãmuyusiadiñurã. ⁴ Festo gapɥ Ìgũsãrẽ yɥjuyupɥ:

—Pablo Cesareague peresu ããrĩmi dapa. Mérõgã pɥɥ irogue goedujãagũkoa doja.

⁵ Pablo ñerõ iririkũgu ããrĩmakũ Ìãrã, mɥsã oparã Cesareague yɥ merãta waa, Ìgũrẽ weresãrã waaburo, ãrĩyupɥ.

⁶ Irasirigu Festo su semana pere, gaji semana ɥrenɥ waaró merã Jerusalégue ããrãdi Cesareague goedujãakõãyupɥ. Ìgũ dujajadero pɥɥ, gajinɥ gapɥ weresãrĩrẽ beyeri wiigüe waayupɥ. Iro eja, opɥ doarogue doa, Pablore ãrĩdoreyupɥ. ⁷ Pablo irogue ejamakũ Ìãrã, judío masaka Jerusalén merã aaranerã Ìgũ pɥro waa ejanugã, Ìgũrẽ wãri ñerĩ weresãdiñurã. Irasũ ãrĩ weresãkererã: “Ãsũ irimakũ Ìãbɥ”, neõ ãrĩmasĩbiriñurã. ⁸ Pɥɥ Pablo Ìgũ irideare wereyupɥ:

—Judío masaka dorerire, Marĩpɥaya wiima dorerire, romano marã opɥ doreridere neõ tarinũgãbiribɥ yɥ, ãrĩyupɥ.

⁹ Festo gapɥ judío masaka merã õãrõ ããrĩdɥagu, Pablore sãrẽñayupɥ:

—¿Jerusalégue waadɥakuri? Irogue mɥ irideare yure weremakũ, Ìgũsã mɥrẽ weresãdeare weremakũ péduakoa, ãrĩyupɥ.

¹⁰ Ìgũ irasũ ãrĩmakũ, Pablo yɥjuyupɥ:

—Yɥ õõ romano marãrẽ weresãrĩrẽ beyerogue ããrĩsĩãã. Irasirigu Jerusalégue waadɥabirikoa. Õõta yure irire beyero gããmea. Judío masakare neõ ñerõ iribiribɥ. Mɥ irire õãrõ masĩkoa. ¹¹ Yɥ ñerõ iridi tamerã: “Yure wějẽbirikõãka!” ãrĩbiriboakuyo. Ìgũsã

yure ãrĩkatori merã weresãdea ããrĩmakũ, neõ sugũ opũguere wiamasĩña máa. Yũ irideare romano marã opũre beyemakũ gããmekoa, ãrĩyupũ Pablo Festore.

¹² Ìgũ irasũ ãrĩmakũ pégu, Festo Ìgũ merãmarã merã werení odo, Pablöre ãrĩyupũ doja:
—Mũ irideare romano marã opũre weredũamakũ, Ìgũ pũrogue iriugũra mũrẽ, ãrĩyupũ.

Pablo, opũ Agripare werede

¹³ Yoaweyaripoe pũru Festo opũ ñajãdero pũru, Judea marã opũ Agripa wãikũgu, Ìgũ tĩgõ Berenice merã Cesareague Festore õãdorerã waañurã. ¹⁴ Agripa irore yoaripoe ããrĩmakũ, Festo Pablöre Ìgũsã irideare wereyupũ Ìgũrẽ:

—Õõrẽ sugũ ããrĩmi Félix peresu iridi. ¹⁵ Yũ Jerusalẽgue ããrĩmakũ, paía oparã, gajirã judío masaka oparã Ìgũrẽ yure weresãrã ejama. “Ìgũ ñerõ iridea waja wẽjẽdoreka!” ãrĩ sërẽma yure. ¹⁶ Yũ gapũ: “Gũa romano marã ubogorata gajirãrẽ neõ wẽjẽdorebea. Irasirirã sugũ masakũre weresãnerã Ìgũsã weresãdi merã weresãrĩrẽ beyerimasũ Ìũrõ gãme werenĩbirikererã: ‘Wẽjẽkõãka!’ ãrĩmasĩbema”, ãrĩ yũjubũ. ¹⁷ Irasirigũ Ìgũrẽ weresãnerã yũ merã õõgue Ìgũsã ejadero pũru, yooboro marĩrõ gajinũ gapũ weresãrĩrẽ beyeri wiigũe waabũ. Iro eja, opũ doarogue doa, Ìgũsã weresãdire ãĩridorebũ. ¹⁸ Ìgũ yũ pũro ejamakũ Ìãrã, Ìgũrẽ weresãnerã wãgãñugãma. Ìgũsã wãgãñugãmakũ Ìãgũ: “Ìgũ ñerĩ irideare wãri weremurã yãma”, ãrĩ gũñadibũ. Ìgũsã gapũ: “Ìgũ ñerĩ irimakũ Ìãbũ”, ãrĩ neõ weremasĩbirima. ¹⁹ Judío masaka bũremurĩ ditare weresãma. “Jesús wãikũgu boa, pũru masãdi ããrĩmi”, Ìgũ ãrĩdea waja weresãma Ìgũrẽ. ²⁰ Nasirimasĩbirisĩã, Ìgũrẽ sërẽñabũ: “¿Jerusalẽgue mũde yũ merã waadũakuri? Irogue yũ merã waasĩã, mũ irideare wereaso yure”, ãrĩbũ Ìgũrẽ. ²¹ Yũ irasũ ãrĩmakũ pégu: “Irogue waadũabirikoa, Romano marã opũ gapũre yũ irideare weregũ waadũakoa”, ãrĩmi. Irasirigũ yũ gapũ Ìgũrẽ õõta píkõãbũ dapa. “Yũ mũrẽ iriumakũ, romano marã opũ Augusto pũro waagũkoa mũ”, ãrĩbũ Ìgũrẽ, ãrĩ wereyupũ Festo Agripare.

²² Agripa Festore ãrĩyupũ:

—Yũde Ìgũ weremakũ pédũakoa.

—Jãũ, ñamigãta Ìgũrẽ pégũkoa mũ, ãrĩyupũ.

²³ Gajinũ gapũ Agripa, Ìgũ tĩgõ Berenice merã iri makã marã nerẽrĩ taribugue waañurã. Irogue ñajãrã, oparã sãñarĩ suri merã ñajãñurã. Gajirã surara oparã, iri makã marã oparãde Ìgũsã merã ñajãñurã. Ìgũsã nerẽadero pũru, Festo Pablöre ãĩridoreyupũ. ²⁴ Pablo Ìgũsã pũrogue ñajãjamakũ, Festo iro ããrĩrãrẽ ãrĩyupũ:

—Opũ Agripa, ããrĩpererã i taribugue nerẽanerã õãrõ péka yure! Wãrã judío masaka Jerusalén marã, i makã marãde Ìrẽ weresãma yure. “Wẽjẽkõãka Ìgũrẽ!” ãrĩ gaguinĩma. ²⁵ Ìgũsã irasũ ãrĩkeremakũ, yũ gapũ Ìgũsã Ìgũrẽ wẽjẽrõ gããmea, ãrĩrĩ wajare bokabiribũ. Irasirigũ opũ Augustore Ìgũ irideare weregũ waadũakoa, ãrĩmakũ: “Ìgũ pũrogue iriugũra”, ãrĩ gũñabũ. ²⁶ Yũ gapũ Ìgũrẽ Ìgũsã weresãdeare õãrõ masĩbirisĩã, opũ Augustore irimarẽ gojabiribũ dapa. Irasirigũ Ìgũrẽ ãĩridoreabũ, Ìgũ irideare musã péuro weredoregũ. Opũ Agripa, Ìgũ irideare weremakũ mũ péadero pũru, Ìgũrẽ sërẽña, pũru yũ õãrõ gojagũkoa pama marĩ opũ Augustore. ²⁷ Sugũ masakũre Ìgũ ñerõ irideare masĩbirikererã, marĩ opũ Augusto pũrogue iriumasĩña máa. Ìgũrẽ weresãdeare õãrõ masĩbirikererã Ìgũrẽ iriurã, ubogorata iriubukoa, ãrĩyupũ Festo Agripare.

26

Pablo Agripare werede

¹ Irasirigũ Agripa Pablöre:

—Wereka yure mũ irideare! Ìgũsã mũrẽ weresãdeare mũ yũjumakũ pédũakoa, ãrĩyupũ. Ìgũ irasũ ãrĩmakũ pégu, Pablo Ìgũya mojórẽ soemu, Ìgũ irideare werenũgãyupũ:

² —Opu Agripa, dapagorare mu yure weredoremakū, buro usuyāa. Irasirigu yu irideare, judío masaka yure weresādeare āārīpererire murē weregura. ³ Gna judío masaka iririkurire gna gāme werenírídere ōārō masíkoa. Irasirigu bopoñarī merā yu weremakū, ōārō péka!

Pablo Jesúre bremuburi dupiyuro ĩgū āārīrikudeare werede

⁴ Āārīpererā judío masaka yaa nikū marā, Jerusalén marāde yu majīgūgueta ĩgūsā merā āārīdeare masíma. ⁵ Yu maamuguetā fariseo bumā āārīdi āārībú. Murē irire wereduarā, weremasíma. Āārīpererā gna judío masaka watopeguere fariseo bumarā gna bremurīrē gajirā nemorō ōārō yāma. ⁶ Marīpu gna ñekūsāmarārē masaka boanerārē masūgura, ārīdeare yu bremurī waja yure weresārā ōogue iriuma wajamoāburo, ārīrā. ⁷ Gna judío masaka, Israel bumarā pe mojōma pere su gubu peru pērēbejari buri marāgora, Marīpu marī boadero puru masūburire usuyari merā yūa. Irasirirā umarī, ñamirī Marīpūre bremunikōāa. Opu Agripa, gna irire yúkeremakū, surāyeri judío masaka weresāma yu irire bremurī waja. ⁸ Musā gapu, ¿nasirirā Marīpu boanerārē masūburire bremuberi?

Pablo Jesúre bremurārē ĩgū ñerō iriunadeare werede

⁹ Iripoegue Jesús Nazaretmurē bremurārē yu bokatūrō ñerō iridudibū. ¹⁰ Jerusalēguere paía oparā dorero merā wārā Jesúre bremurārē peresu iribū. Irasirigu oparā ĩgūsārē wējēdoremakū, yude neō kāmatabiribū. ¹¹ Āārīpereri ĩgūsā nerērī wiirigue ñajāa, Jesúre bremurārē ñerō iriunabū, ĩgūrē bremurīrē piriburo, ārīgū. ĩgūsā merā buro guabū. Gaji makārīguedere irasūta ñerō irigorenabū.

Pablo Jesúre bremunūgādeare werede

¹² Irasirigu Damascogue Jesúre bremurārē ñerō irigu waadibū, paía oparā yure: “Gna dorero merā waaka!” ārīmakū pégu. ¹³ Opu Agripa, yu maague waamakū, āsū waabū. Goeripoe āārīmakū, umugasigue abe umumu gosero nemorō gosesiribū yu puro, yu merā waanerā purodere. ¹⁴ Gna āārīpererā yebague meémejābū. Sugū yure hebreo ya merā werenímakū pébū. “Saulo, ¿nasirigu yure ñerō yāri mu? Mu yure ñerō irigu, mu basita ñerō yāa”, ārīmi yure. ¹⁵ ĩgū irasū ārīmakū pégu, yu gapu: “¿Noā āārīrī mu?” ārī sērēñabū. Marī Opu gapu āsū ārīmi: “Yu, Jesús, mu ñerō irigūta āārā. ¹⁶ Wāgānugāka! Yu murē deyoa, yure moāboegu āārīburo, ārīgū. Irasirigu mu yure ĩādeare, purugue yu murē ĩmuburidere gajirārē weregūkoa. ¹⁷ Yu murē judío masaka āārīmerārē buebure iriugura. Judío masaka, judío masaka āārīmerāde murē ñerō irimakū wijatagura. ¹⁸ Yu murē judío masaka āārīmerārē buedoregu iriugūkoa, yaa kerere masīburo, ārīgū. Irasirirā ñerīrē pirirākuma. Koye ĩāpāmerā, naītīārōgue āārīrā irirosū āārībirikuma. Boyorogue āārīrā irirosū āārīrākuma. Wātī ĩgūsā opu āārībirikumi pama. Marīpu gapu ĩgūsā Opu āārīgukumi. Irasirigu, ĩgūsā yure bremumakū ĩāgū, Marīpu ĩgūsā ñerī irideare kātīgukumi. ĩgūsārē ĩgūyarā āārīmakū irīgukumi”, ārīmi Jesús yure.

Pablo, Jesús dorerire yujūdea

¹⁹ Opu Agripa, umugasigue Jesús yure werenídeare tarinūgābiribū. ²⁰ Irasirigu Damasco marārē ĩgūya kerere werepuroribū. Puru Jerusalén marārē, āārīpererogue Judea marārē werebū. Judío masaka āārīmerādere werebū. “Musā ñerō irideare bujawere, musā gūñarīrē gorawayuka! Marīpu gāāmerī gapure irika! Irasirirā musā gūñarī gorawayuadeare ĩmurākoa”, ārī buebū ĩgūsārē. ²¹ Yu irire budea waja judío masaka Marīpuya wiigue yu āārīgūrē ñeā wējēduarā irima. ²² ĩgūsā irasirikeremakū, Marīpu gapu yure iritamunikōāmi. Irasirigu āārīpererā oparārē, ubu āārīrādere yu ĩgūya kerere wererire neō piribeā. Iripoegue Moisés, gajirā Marīpuya kerere weredupiyunerā, purugue āsū waarokoa, ārīdeare werea. Āsū ārī gojanerā āārīmā: ²³ “Cristo, Marīpu iriudi buro ñerō tarīgukumi. ĩgū boadero puru, ĩgūta masāpurori, neō dupaturi

boabirikumi. Irasirigu ìgũ masakare taugũ ããrĩrĩrẽ judío masakare judío masaka ããrĩmerãdere masĩmakũ irigukumi”, ãrĩ gojanerã ããrĩmã, ãrĩ wereyupũ Pablo Agripare.

Pablo Agripare: “Jesúre bũremuka!” ãrĩ weredea

²⁴ Ìgũ irasũ ãrĩripoeta Festo gaguiniyupũ:

—Pablo, mirẽgũ yáa. Wári buetarisĩã, mirẽrĩmasũ waáa, ãrĩyupũ.

²⁵ Pablo gapũ Festore ãrĩyupũ:

—Yũ opũ, mirẽbea. Yũ wereri diayeta ããrã. Irasirigu ire gopeyaro merã werea. ²⁶ Opũ Agripa gapũ, yũ wereri ããrĩpererire õãrõ masĩkumi. Irire masĩa yũ. Irasirigu ìgũrẽ gũiro marĩrõ werea. Yũ Jesúyare weregũ, yayerogue werebea, ãrĩyupũ Pablo Festore. Irasũ ãrĩ odo, ãsũ ãrĩyupũ Agripare:

²⁷ —Opũ Agripa, Marĩpũya kerere weredupiyunerã gojadeare bũremua mũ. Mũ irire bũremurĩrẽ masĩa yũ, ãrĩyupũ.

²⁸ Agripa ìgũrẽ yũjũyupũ:

—Iropagã werekeregũ, ¿yũre Jesúre bũremumakũ iridũari? ãrĩyupũ.

²⁹ Ìgũ irasũ ãrĩmakũ pégũ, Pablo yũjũyupũ ìgũrẽ:

—Jesúyare wári, o mérõgã weregũ, mũsã ããrĩpererãrẽ yũ irirosũ ìgũrẽ bũremumakũ gããmea. Marĩpũguere irire sërëbosáa. Yũ peresugue ããrĩgũ irirosũ mũsã ããrĩmakũ tamerãrẽ gããmebea, ãrĩyupũ.

³⁰⁻³¹ Ìgũ irasũ ãrĩmakũ pérã, Agripa, Festo, Berenice gajirã ìgũsã merã doanerãde wãgãnũgã, gaji taribugue waa, ìgũsã basi ãsũ ãrĩ gãme werenĩñurã:

—Ìgũrẽ i waja wějërõ gããmea, ãrĩrĩ máa. I waja peresu iriro gããmea, ãrĩrĩde máa, ãrĩ gãme werenĩñurã.

³² Irasirigu Agripa ãsũ ãrĩyupũ Festore:

—Pablo romano marã opũre yũ irideare weredũakoa, ìgũ ãrĩbirimakũ, marĩ ìgũrẽ peresugue ããrĩgũrẽ wiukõãboakuyo, ãrĩyupũ.

27

Pablöre Romague iriudea

¹ Irasirirã Pablöre, gajirã peresu ããrĩrãdere doódiru merã Italia nikũma makã Romague gũa merã iriuma. Julio wãikũgũ surara opũdere iriuma ìgũsãrẽ koredorerã. Ìgũsã romano marã opũ Augusto wãikũgũyarã surara ããrĩmã. ² Gũa Adramitio wãikũri makã marãya doódiru Asia nikũma perague waadiru merã waabũ. Gajigũ Aristarco wãikũgũ Macedonia nikũma makã Tesalónica wãikũri makãmũde gũa merã waami. ³ Gajinũ gapũ Sidón wãikũri makãma perague ejabũ. Irogue ejadero pũrũ, Julio Pablöre bopoñarĩ merã ìã, ìgũrẽ ìgũ merãmarã pũro naadoregũ iriumi, ìgũsã ìgũ gããmerĩrẽ sĩburo, ãrĩgũ. ⁴ Gũa iri makãgue ããrãnerã doódiru merã waamakũ, bũro mirũ gũare gajipãrẽgue wějãputaribujubũ. Irasirirã Chipre wãikũri nũgũrõ kũgapũ dujamakũ taribũ. Iro gapũ mirũ wějãpubiriweyabũ. ⁵ Ciliciare, Panfiliadere taribũ. Pũrũ Licia nikũma makã Mira wãikũri makãgue ejabũ.

⁶ Gũa irogue ejamakũ, surara opũ gajiru doódiru bokajami. Iriuru Alejandriague aaradiru, Italiague waaburidiru ããrĩbũ. Irasirigu gũare irirugue ñajãdoremi. ⁷ Iriuru merã waarã, mirũ gũare bũro wějãpu kãmutamakũ, yoaripoe yoobobũ. Bũro ñerõ tariri merã waa, Gnido wãikũri makã bokatĩũrõ ejabũ. Irore gũa tarimakũ, mirũ dupaturi bũro wějãpubũ. Gũa waaderoguere ejamasĩbiribũ. Irasirirã Creta wãikũri nũgũrõgue waa, Salmón wãikũri ñorõrẽ tariadero pũrũ, mirũ gũare neõ wějãputaribujubiribũ pama. ⁸ Iri nũgũrõ tũro taria, gariboretarianerãgue “Õãrĩ pera” wãikũroque ejabũ. Iri pera Lasea wãikũri makã pũroque ããrĩbũ.

⁹ Gwa yoaripoe yooboadea waja puibwa waaburo mérōgā dwayabu. Irasirigu Pablo doódiru moārārē weremi:

¹⁰ —Péka! Marī dapagora waamakū, iru doódiru, doebiride dederibukoa. Marīdere mirīboama goegorāa, ārādimi.

¹¹ Īgū irasū ārīkeremakū, surara opu Pablo wererire pébirimi. Doódiru opu, iriru wejatugu wereri gapure baremami. ¹² Īgūsā ejadea pera gapu puibwa tamumakū, ñegorayuro. Irasirirā: “Fenice wāikuri makāgue waakōādorea. Gajipoe irirā irogue puibwa tamubukoa”, ārīma. Fenice, Creta nūgūrōma makā abe ñajārō gapu āārīrī makā āārīyuro. Iri makāma pera gapure mirū wējāpubiriweyayuro.

Wádiyague buro mirū waadea

¹³ Irasirirā sur gapu mirū wējāpuweyamakū ĩārā, doódiru moārā: “Ōārīnwa āārīrokoa”, ārī gūñadima. Gwa irirure ñajāa, Creta nūgūrō turo waabu Fenicegue waaduarā.

¹⁴ Mérōgā puru buro mirū nordeste wāikuri aaribú. ¹⁵ Irasiriro gwaya doódirure mirū wējāpubéokōābu. Mirū iro wējāpumakū gāme goroamasībiri, mirū wējāpuro gaputa waabu.

¹⁶ Gwa Cauda wāikuri nūgūrōgā turogue ejamakū, mirū wējāpubiriweyabu. Irasirirā gwa buro moātarianerāgue doódirumarū médiru kūmagārē oārō tūāmu suapeobu. Iriru wádiru mirīmakū, Īgūsā ñajāburidirugā āārībú. ¹⁷ Irirugārē suapeo odo, wádirure pūgubudari merā suanemoma mirū merā waarīri, ārīrā. Puru güi, Sirte wāikuri ĩmiparo miēgue marīrē mirū āārīrī, ārīrā, Īgūsā mirū ñeārī gasiri suatúdea gasirire kuradijukōāma. Īgūsā kuradijuadero puru, mirū wējāpuro gaputa waabu. ¹⁸ Gajinwa gapu murārōta buro mirū wējāpumakū ĩārā, iriruma doebirire diague béobu. ¹⁹ Gajinwa gapudere iriruma āārīrīrē diague béobu. ²⁰ Yoaripoe ñīpirinurī āārīmakū, abe ũmumwa, neñukāde neō deyomarīma. Buro mirū wējāpubu dapa. Irasirirā: “Iro diaye waakōāa”, ārī masīña marībwa guare. “Mirī boakōārākoa”, ārī gūñabu.

²¹ Irasirigu yoaripoe gwa baabirimakū ĩāgū, Pablo gwa watopegue āārādi wāgānugā, āārīpererārē ārīmi:

—Musā yu Cretague weredeare pémakū oāgorabukuyo. Marī iro wirimerā, irure poyanorē, doebiridere dedeubiriboakuyo. ²² Irasirirā dapagorare yu weremakū péka! Gūñaturaka! Gūbirikōāka! Neō sugu boabiriko. Iru doódiru dita dederirokoa. ²³ Yu Marīpuyagu āārā. Īgūrē baremua. Dapagā ñami Īgūrē wereboegu yure deyoami. ²⁴ Āsū ārāmi: “Pablo, neō gūbirikōāka! Mu romano marā opure mu irideare weregukoa. Marīpu murē maīrī merā ĩāgū, mu sērēaderosūta murē, mu merāmarā irugue āārīrādere taugukumi”, ārāmi. ²⁵ Irasirirā gūñaturaka! Marīpu Īgūrē wereboegu yure ārēaderosūta waamakū irigukumi, ārī baremua. ²⁶ Irasiriro marīrē nūgūrōgue mirū wējāpumeétúrokoa, ārī weremi Pablo.

²⁷ Su ñami, pe semana gwa Cretare wiriadero puru, wádiya Adria wāikudiya mirū buro wējāpuro gaputa waabu dapa. Ñami deko āārīmakū, doódiru moārā: “Marī nikūgue ejarā irisuyua”, ārīma. ²⁸ Irasirirā pūgubudague kōmerūrē suatúdiyu keoñama. Īgūsā keoñamakū, treinta y seis metrogora ũkūābu. Mérōta waa, dupaturi keoñamakū, veintisiete metrogora ũkūābu. ²⁹ Irasirirā ñami āārīyomakū, ũtāyerigue meétuabukoa, ārī güirā, āsū irima. Wapikuri majī kōme majīrīpare iriyaburigue pūgubudari merā suatúdeare wejaturu gapu meéyoma irirure tūāñeāpauburo, ārīrā. Irasiri odo: “Murīgora boyoro gāameadāa”, ārī gūñarikuma. ³⁰ Iri ñamita irirure moārā gapu duriduarā irima. Irasiri gajī kōme majīrīrē wejadupiyuro gapu meéyomurā yāa, ārīkato, doódirumarū médirugārē āīdiyu, iriru merā duriduarā irima. ³¹ Īgūsā duridūamakū ĩāgū, Pablo surara opure ĩgūyarā suraradere weremi:

—Īsā iru moārā médirugā merā waamakū, musā āārīpererā taribiriko, ārīmi.

³² Īgū irasū ārīmakū pérā, surara gapu médirugā Īgūsā suadeadarire dititá, diague béokōāma.

³³ Boyoburi dupiyuro Pablo ïgūsārē baadoregũ, ãsũ ãrĩmi:

—Pe semanagora waáa, mũsã baamerãta bũro gũñarikũro. ³⁴ Irasirigũ taridũarã baaka! ãrĩ, bũro sērēa. Neõ sugũ mũsã dederibirikoa. Mũsãya poadaride neõ dederibirikoa, ãrĩmi.

³⁵ Irasũ ãrĩ odo, Pablo pãrē ãĩ, ããrĩpererã ïũrõ Marĩpure: “Mũ merã usũyãa”, ãrĩ, irire dukawa baami. ³⁶ ïgũ baamakũ ïãrã, ïgūsãde ããrĩpererã gũñatura baama. ³⁷ Gũa irirugue ããrĩrã ããrĩpererã doscientos setenta y seis gora ããrĩbũ. ³⁸ Irasirirã ïgūsã ããrĩpererã baayapi, pũrũ irirugue ããrĩrĩ, wãri trigore diague béoma, kãrãwũridiru dujaburo, ãrĩrã.

Doódiru ïmparogue soemũrĩbeja mirĩdea

³⁹ Boyoripoe doódiru moãrã nũgũrõrē ïãboka: “Ãsũ wãikũri nũgũrõ ããrã”, ãrĩ ïãmasĩbirima. Dupatũgũguere ïmparo ããrĩmakũ ïãrã: “Sõõ bũanumuarã! Gajipoe irirã iro majãbukoa”, ãrĩma. ⁴⁰ Irasirirã kõme majĩrĩrē ïgūsã suadeadarire ditimeedijubekõãma. Iri odo, wejadupabu wejaturi ïgūsã suadeadarire kurama. Pũrũ iriru wejadupiyuro gapũ ããrĩrĩ suri gasirore ãiwãgũnúma mirũ ãĩaburo, ãrĩrã. Irasiriro ïmparo pũro gapũ numuabũ.

⁴¹ Numua, wejadupiyuro gapũ ïmparo ïkũãberogue soemũrĩbejabũ. Neõ soebumasĩña marĩbũ. Iriru wejaturu gapũ makũrĩ pagari meétuamakũ waariakõãbũ.

⁴² Irasũ waamakũ ïãrã, surara gapũ ãrĩma:

—Iru mirĩmakũ, marĩ peresu irianerã bánumuã, duriakõãbukuma. Irasirirã ïgūsārē wējẽpeokõãrã! ãrĩ werenĩma ïgūsã basi.

⁴³ ïgūsã opũ gapũ Pabloure taudũagu: “Neõ sugũre wējẽbirikõãka! ããrĩpererã bámasĩrã mata nũgũrõ tũroque bánumuaka!” ãrĩmi. ⁴⁴ “Gajirã taboa majĩrĩ merã, gaji iriruma waariadea majĩrĩ merã payanumuaka!” ãrĩmi. Irasirirã ããrĩpererã iri merã bánumuã, õãrõ tariperekõãbũ.

28

Pablo, Malta wãikũri nũgũrõgue ejadea

¹ ããrĩpererã tũroque majãnũgãdero pũrũ iri nũgũrõrē ïãmasĩbũ. Malta wãikũri nũgũrõ ããrĩdero ããrĩbũ. ² Iri nũgũrõ marã masaka guare õãrõ irima. Deko merẽmakũ, guare bũro yũsakubũ. Irasirirã guare peame diubosa, sũmadorema. ³ Pablode pea bojoñajãri seagu waa, seatĩãmi. ïgũ seatĩãripoe ãña ïgũ seadeague ããrãdi peame asiri gũiwirigũ, Pabloure ïgũya mojõgue kũrĩmeésiami. ⁴ ïgũrē kũrĩmeésiamakũ ïãrã, iri nũgũrõ marã ïgūsã basi ãsũ ãrĩ gãme werenĩma:

—Ïĩ masakare wējẽdi ããrĩkumi. ïgũ dia wãdiyare tariadi ããrĩkeremakũ, marĩ bũremugõ masakare wajamoãdorego ïgũrē okadorebirikumo, ãrãdima.

⁵ Pablo gapũ ãñarē peamegue wējãsiri meépeokõãmi. Neõ pũrĩsũbirimi. ⁶ Irasirimakũ ïãrã, iro marã gapũ: “Bijakõãrokoa”, ãrĩma. ïgũrē bijibirimakũ ïãrã: “Gũñaña marĩrõ kõmoakõãgũkumi”, ãrĩma doja. Yoaripoe ïgũ pũrĩsũbirimakũ ïãrã: “Ïĩ sugũ ãmũgasigue marã opũ ããrĩkumi”, ãrĩma.

⁷ Gũa majãdero pũro iri nũgũrõ marã opũ Publio wãikũya nikũ ããrĩbũ. Guare ïgũya wiigüe siuami. Irasirirã gũa ãrenũ ïgũ merã ããrĩmakũ, guare õãrõ irimi. ⁸ Publio pagu nimakũri yojo merã sĩrĩgũ ïgũ kãrĩrõgue peyami. Irasirigũ Pablo ïgũrē ïãgũ waa, ïgũya taribugue ñajãa, Marĩpure sērē odo, ïgũya mojõrĩ merã ïgũ weka ñapeo, taumi. ⁹ ïgũrē taumakũ ïãrã, ããrĩpererã gajirã iri nũgũrõ marã pũrĩrikũrã Pablo pũro ejama. ïgūsã ejamakũ ïãgũ, Pablo ïgūsãdere taumi. ¹⁰ ïgũ irasirimakũ ïãrã, wãri gajino sĩma, guare ïgūsã bũremurĩrē ïmurã. Pũrũ gũa waaburi dupiyurogã ããrĩpereri gũa gããmerĩ, gũa baaburidere doódirugue durisãbosama.

Pablo Romague ejadea

11 Gha iri nūgūrōgue ɱrerā abe āārādero pɱɱɱ, doódiru Alejandríague aaradiru merā waabɱ doja. Iri ru iri nūgūrōgue puibɱ tamudero āārībú. Iri ru wejadupiyurore pērā masaka bɱremurā Cástor, Pólux wāikurā keori weadea āārībú. 12 Gha iri ru merā waa, Siracusa wāikuri makāma perague ejabɱ. Irore ɱrenɱ āārībú. 13 Iri makārē wiriwāgā, iri nūgūrō turo taria, Regio wāikuri makāgue ejabɱ. Gajinɱ gapɱ gha waaripoe gha pɱɱ gapɱ mirū wējāpuwāgāribɱ. Irasirirā gajinɱ gapɱta Puteoli wāikuri makāgue ejabɱ. 14 Irogoe gajirā Jesúre bɱremurārē bokajabɱ. Īgūsā gɱare: “Su semana gha merā dujaka!” ārīmakū pērā, su semanagora Īgūsā merā dujabɱ. Pɱɱ Romague waarā, maa merā waabɱ. 15 Gajirā Roma marā Jesúre bɱremurā gha waarí kerere pērā, Apio wāikuri makāgue gɱare bokatīrīrā ejama. Iri makā doebiri duari makā āārībú. Pɱɱ maague yoawayaro waaripoe naarā kārīrī wiiri, ɱre wii āārīrōgora gajirā gɱare bokatīrīrā ejama. Īgūsā bokatīrīrā ejamakū ĩāgū, Pablo ɱɱɱyari merā Marīpɱɱe: “Mɱrē ɱɱɱyari sīa”, ārī, siñajā gūñaturakōāmi. 16 Romague gha ejadero pɱɱɱ, surara opɱ peresu āārīrārē Pablo merā āānerārē iro marā peresu āārīrārē korerā opɱre wiami. Pablo gapɱre: “Sugɱta āārīdɱamakū ōārokoa”, ārī, sugɱ surara Īgūrē korebure pími.

Pablo Roma marārē buedea

17 ɱrenɱ pɱɱ Pablo judío masaka oparārē iro āārīrārē siiu neeōmi. Īgūsā nerēperemakū ĩāgū, āsū ārīmi:

—Yaará, yɱ marīyarārē, marī ñekūsāmarā iriunadeadere tarinūgābirikeremakū, Jerusalén marā yɱre ñeā, romano marā oparāguere wia, yɱre peresu irima. 18 Romano marā oparā gapɱ yɱre sērēña wiudɱadima wējērō gāāmea, ārīrī bokabirisīā. 19 Marīyarā judío masaka gapɱ neō yɱre wiudɱabirima. Īgūsā irasirimakū ĩāgū: “Romano marā opɱre yɱ irideare weredorerā iriuka!” ārī sērēbu. Iri re sērēgū, yɱ gapɱ marīyarārē: “Ñerō irima”, ārī weresābiribɱ. 20 Irasirigɱ mɱsārē ire werebu siiuabɱ. Marī judío masaka yoaripoe yúdi, marīrē taugɱ, Jesucristo āārīmi. Yɱ Īgūrē bɱremurī waja peresugue i kōmeda merā ɱɱsúdi āārā, ārī weremi Pablo judío masaka oparārē.

21 Īgūsā Īgūrē ārīma:

—Neō su papera pū, marīyarā Judea marā, mɱyamarē gojadea pūrē ñeābea. Īgūsā ōōgue naarā ejanerāde mɱrē neō ñerō ārī weresābirima. Gajirāde: “Ñerō irimi”, ārī werebirima gɱare. 22 I ditare masīa. Āārīpererogue marā masaka mɱ merāmarārē: “Īgūsā bueri ñegorāa”, ārī wereníma. Irasirirā mɱ buerire pédɱakoa, ārīma.

23 Irasirirā sunɱ irire wereníburinurē beye odo, waakōāma. Pɱɱ irinɱ ejamakū ĩārā, wārā masaka Pablo āārīrī wiigue ejama. Irasirigɱ boyoripoe āārīmakū, Īgūsārē buenūgādi, bueneākōāmi. Marīpɱ Īgūyarārē doreri kerere buemi. Moisés gojadeare, Marīpɱya kerere weredupiyunerā gojadeadere buemi, Jesúre bɱremuburo, ārīgū. 24 Surāyeri Īgū buerire bɱremuma. Gajirā gapɱ neō pédɱabirima. 25 Irasirirā surosū gūñabiri, wirianokōāma. Īgūsā wiriaripoe Pablo ārīmi:

—Ōāgū deyomarīgū Marīpɱya kerere weredupiyugɱ Isaías merā marī ñekūsāmarārē diayeta weredi āārīmí. Āsū ārī weredi āārīmí:

26 Masakare āsū ārī weregɱ waaka: “ɱmɱrikɱ mɱsā yaare pékererā: ‘Irasū ārīdɱaro irikoa’, ārī neō pémasībea. ɱmɱrikɱ yɱ ōārō iririre ĩākererā: ‘Irasū ārīdɱaro irikoa’, ārī neō ĩāmasībea”, ārī wereka Īgūsārē!

27 Yaa werenírē pémerā diayeta pémasībema. Irasirirā gāmpūrī pémerā, koye ĩāpāmerā irirosū āārīma. Irasū āārīmerā ĩāmasī, ōārō pémasībukuma. Irasirirā yɱ pémasīrī sīrīrē oparā yɱre bɱremubukuma. Irasirigɱ Īgūsārē tauboakuyo, ārīdi āārīmí.✠

28 'Irasirirã masã yure péduabiri waja dapagora merã Marĩpu masakare tauri kerere judío masaka ããrĩmerã gapure wererã waarãkoa. Ĩgũsã gapu pérãkuma, ãrĩmi Pablo judío masaka ĩgũ puro nerẽanerãrẽ.

29 Ĩgũ irasũ ãrĩmakũ pérã, ĩgũsã basi buro gãme turi wiriama.

30 Pe bojorigora Pablo iro marã ĩgũrẽ wayudea wiigüe ããrĩmí. Ĩgũ iri wiigüe ããrĩrĩ waja ĩgũsãrẽ niyeru merã wajarinami. Iri wiigüe ããrĩgũ, ĩgũrẽ ããrã ejanarãrẽ usuyari merã bokatĩrĩñeãnami. 31 Güiro marĩrõ Marĩpu ĩgũyarãrẽ doreri kerere, Jesucristoya keredere buenami. Neõ sugu ĩgũrẽ: “Buebirikõãka!” ãrĩbirima.

Iropata ããrã.

Lucas

ROMANOS

Pablo Roma marârê ôãdoredea

¹ Yũ Pablo, Jesucristore moãboegu ãârã. Marĩpu yũre ãgũ masakare tauri kerere buedoregu beyepĩmi.

² Iripoegue Marĩpu ãgũyare weredupuyunerãrê iri kerere weredi ãârĩmĩ. Irasirirã irire ãgũya werenĩrĩ gojadea pũgue gojanerã ãârĩmã. ³ ãgũsã gojadea, Marĩpu magũ marĩ Opũ Jesucristoya kere ãârã. ãgũta i ãmũguere marĩ irirosũ dupũkũgu deyoagu, David parãmi ãârĩturiagu ãârĩdi ãârĩmĩ. ⁴ ãgũ, Ôãgũ deyomarĩgũrê opagu ãârĩmĩ. ãgũ boadero pũrũ, Marĩpu ãgũ turari merã ãgũrê masũdi ãârĩmĩ ãârĩpererãrê: “Diayeta yũ magũ ãârĩmĩ”, ãrĩ ãmũgũ. ⁵ ãgũta guare ôãrõ irigu, Jesucristo merã ãgũyare weredoregu pĩmi, ãârĩpereri buri marãrê ãgũrê bũremurãno ãgũ dorerire iriburo, ãrĩgũ. ⁶ Mũsãdere Jesucristoyarã ãârĩburo, ãrĩgũ, beyedi ãârĩmĩ.

⁷ Irasirigu yũ mũsãrê Marĩpu beyenerãrê ãârĩpererã Roma marãrê ôãdorea. Marĩpu ãârĩnĩgũ, marĩ Opũ Jesucristo mũsãrê ôãrõ iritamu, siuñajãrĩ merã ãârĩrikũmakũ iriburo.

Pablo: “Romague waadũakoa”, ãrĩ gojadea

⁸ Ire mũsãrê wererũrorigũra. ãârĩperero marã masaka, mũsã Jesucristore bũremurĩrê werenĩpereakõãma. Irire pẽgu, Jesucristo iritamurĩ merã Marĩpũre mũsũyari sĩa. ⁹ ãârĩpereri yũ turari merã Marĩpu yũre dorerosũta masakare ãgũ magũya kerere werea. Irasirigu ãgũrê sãrẽrikũ, mũsãya ãârĩburire sãrẽbosanĩkõãa. Marĩpu irire masĩmi. ¹⁰ Irasirigu Marĩpũre: “Mũ yũre Romague iriudũagu, yũ waaburire ãmuyuka!” ãrĩ sãrẽnãa. ¹¹ Mũsã pũro ejagu, gũñaturari merã Jesũre bũremunemburo, ãrĩgũ, ãgũyare weredũakoa, Ôãgũ deyomarĩgũ yũre iritamurõsũta mũsãdere iritamuburo, ãrĩgũ. ¹² Marĩ Jesũre bũremurã ãârã. Irasirirã mũsã, yũ ãgũrê bũremumakũ ãârã, nemorõ gũñaturarãkoa. Yũde, mũsã ãgũrê bũremumakũ ãrĩgũ, gũñaturagũkoa.

¹³ Yaarã, yũ mũsã pũro waadũarire masĩmakũ gããmekoa. Gajero marã masaka yũ Jesũya kerere weremakũ pãrã, ãgũrê bũremuma. Irasirigu mũsãya makã marãdere irire weregu waadũakoa, ãgũsãde ãgũrê bũremuburo, ãrĩgũ. ¹⁴ Marĩpu yũre ãârĩpererãrê iri kerere weredoremi. Paga makãrĩ marãrê, mũtã makãrĩ marãrê, masĩrãrê, masĩmerãdere weredoremi. ¹⁵ Irasirigu mũsãya makã marãrê Jesũre bũremumerãrê ãgũya kerere bũro weredũakoa.

Jesũya kerere pãrã, ãgũrê bũremunũgãrãkuma, ãrĩ gojadea

¹⁶ Masaka iri kerere pãrã, ãgũrê bũremunũgãrãkuma. Irasirigu Marĩpu ãârĩpererã Jesũre bũremurãrê ãgũ turari merã taugũkumi, perebiri peamegue waabirikõãburo, ãrĩgũ. Judío masaka, judío masaka ãârĩmerãde iri kerere pã, ãgũrê bũremumakũ, Marĩpu ãgũsãrê taugũkumi. Irasirigu yũ, gũyasĩrĩrĩ marĩrõ gũñaturari merã iri kerere werea.

¹⁷ Iri kere ãsũ ãrã. Marĩpu Jesucristore bũremurã direta: “Ôãrã ãârĩma”, ãrĩ ããmi. Marĩpũya kerere gojadea pũguedere ãsũ ãrĩ gojasũdero ãârĩbũ: “Marĩpu irasũ bũremurãrê: ‘Ôãrã ãârĩma’, ãrĩ ããmi. Irasirirã ãgũ merã ãârĩnĩkõãrãkuma”, ãrĩ gojasũdero ãârĩbũ.

Masaka ãgũsã ñerĩ iriri merã waja opama, ãrĩ gojadea

¹⁸⁻¹⁹ Marĩpu masakare ãgũyamarê ôãrõ masĩmakũ yãmi. ãgũ irire masĩmakũ irikererũ, ñerĩrê yãma. Irasirirã Marĩpũya diayemarê masĩmerã dujama. Irasirigu Marĩpu ãmũgasigue ãârĩgũ ãârĩpererã diayemarê irimerãrê, ñerõ irirãrê ãgũ bũro wajamoãburire masĩmakũ yãmi. ²⁰ Marĩpu deyomarĩgũ ãârĩkererũ, ãgũ neõgorague i ãmũrê ãârĩpereri iride merã ãgũ perebiri turarire, ãgũyamarê masĩsũa. Irasirirã masaka ãgũrê: “Masĩbirisĩã, waja opabea”, ãrĩmasĩbirikuma.

21 Marĩpuyamarẽ masĩkererã, ĩgũrẽ: “Õãtaria mũ”, ãrĩ bũremubema. ĩgũ õãrõ irikererũ, ĩgũrẽ: “Õãa”, ãrĩ, usuyari sĩbema. Irasirirã ĩgũyare pẽmasĩmerã dujama. Ñerĩ direta gũñarĩ opama. Irasiriro ĩgũsã gũñarĩguere naĩtĩãrõ irirosũ ããrã. 22 “Gũa masĩrã ããrã”, ãrĩkererã, Marĩpuyare neõ pẽmasĩmerã waama. 23 Irasirirã Marĩpũ ããrĩnĩgũ gapũre bũremubema. Pũrugue boaburi gapũre: masaka keorire, mirã, waimũrã paãrã, pĩrũa keori ĩgũsã weadeare bũremuma.

24 Irasirigũ Marĩpũ ĩgũsãrẽ ĩgũsã ñerĩrẽ ùaribejari direta irinaburo, ãrĩgũ, béomi. Irasirirã gũyasiũrõ ñerĩrẽ gãme irinĩkõãma. 25 Marĩpũya diayema gapũre bũremubema. Ærĩgatori direta õãrõ pẽma. Irasirirã Marĩpũ ããrĩpereri i ùmũmarẽ iridi gapũre bũremumerã, ĩgũ iridea gapũre bũremuma. ĩgũsã ĩgũrẽ bũremubirikerepũrũ, marĩ gapũ ĩgũrẽ: “Õãtaria mũ”, ãrĩ, usuyari sĩnĩkõãrõ gããmea. Irasũta irirã!

26 ĩgũsã bũremubiri waja Marĩpũ ĩgũsãrẽ béomi, ĩgũsã gããmerõ gũyasiũrõ ñerĩrẽ iriburo, ãrĩgũ. Irasirirã nome ùmarẽ marãpũkũduabema. Nome basita gãme marãpũkũduarã irirosũ ããrĩma. Irasirirã ĩgũsã nome seyaro ñerõ yãma. 27 Æmade irirosũta yãma. Nomerẽ marãpokũduabema. Æma basita gãme marãpokũduarã irirosũ ããrĩma. ĩgũsã ùma seyaro ñerõ yãma. Irasirirã ĩgũsã basita ñerõ iriri waja ĩgũsãya dupũrĩre poyanorẽma.

28 ĩgũsã Marĩpũre masĩduabiri waja ĩgũsãrẽ béomi, ñerĩ gũñarĩ direta opaburo, ãrĩgũ. Irasirirã noó gããmerõ ñerĩrẽ irinĩkõãma. 29 Æãrĩpereri ñerĩrẽ iririkũma. Æma nome merã, nome ùma merã ñerõ iririkũma. Ñetariro iririkũma. Gajerãyare bũro gããmemema. Gajerãrẽ ñerõ iridũama. Gajerã gajino opamakũ ĩãrã, ĩgũsãrẽ ĩãturima. Gãmewẽjẽrikurã, gãmekẽãrikurã, ãrĩgatorikurã, ñerõ ããrĩrikurã, bũro kerekurã ããrĩma. 30 Gajerãrẽ ãrĩgatori merã ñerõ ãrĩ werenĩma. Marĩpũre gããmemerã dooma. Gajerãrẽ ĩãmuĩrikũma. “Gajerã nemorõ ããrã”, ãrĩ gũñarã: “Õãrõ yãa”, ãrĩ weregorenama. Gajerosũperi ñerĩ iririre iribokadũama. ĩgũsã pagũsãmarãrẽ tarinũgãrikũma. 31 Õãrĩrẽ pẽmasĩduabema. Gajerãrẽ: “Æsũ irirãra”, ãrĩdeare neõ keoro iribema. Neõ sugũnorẽ maĩrĩ merã ĩãbema. ĩgũsãrẽ gajerã ñerõ irideare neõ kãtimasĩbema. Gajerãrẽ bopoñabema. 32 Marĩpũ irasirirãrẽ: “Wajamoãgũra”, ãrĩderosũta irigũkumi. Perebiri peamegue béogũkumi. ĩgũsãrẽ béoburire masĩkererã, ñerĩrẽ neõ piribema. Gajerã ĩgũsã irirosũ ñerĩrẽ irimakũ ĩãrã, õãrõ usuyari merã ĩãma.

2

Ñerĩ irirãrẽ Marĩpũ diayeta wajamoãgũkumi, ãrĩ gojadea

1 Irasirirã gajerãrẽ werewũarã ĩgũsã irirosũ irikererã, mũsã basita werewũarã yãa. ĩgũsãrẽ: “ĩgũsã ñerõ iriri waja, waja opama”, ãrĩrã, mũsã basita: “Gũade waja opãa”, ãrĩrã irirosũ ãrĩrã yãa. 2 Marĩpũ ñerĩ irirãrẽ: “ĩgũsã ñerĩ iriri waja, wajamoãgũra”, ãrĩgũ, diayeta ãrĩgũ yãmi. Irire masĩa marĩ. 3 Mũsã gajerãrẽ: “Ñerõ yãma”, ãrĩ werewũarã, ĩgũsã irirosũ irikererã: “Marĩpũ gũa gapũre wajamoãbirikumi”, ¿ãrĩ gũñarĩ? Irire irasũ ãrĩ gũñabirikõãka! Marĩpũ mũsãdere mũsã ñerõ iriri waja, wajamoãgũkumi.

4 Mũsã ñerĩ irirã: “Marĩpũ gũare bũro bopoñarĩ merã ĩãgũ, mata wajamoãbemi”, ãrĩ gũñabirikõãka! Õãrõ pẽmasĩka! Mũsã ñerõ iririre bũjoweremakũ ĩãduagũ, mũsã gũñarĩrẽ gorawayumakũ ĩãduagũ, mata wajamoãbirikeregũ, mũsã ĩgũrẽ neõ pẽbirimakũ ĩãgũ, ñerõ iririre neõ piridũabirimakũ ĩãgũ, mũsã merã guanemomi. Irasirigũ pũrugue ããrĩpererã ñerãrẽ ĩgũ wajamoãrĩnũ ejamakũ, mũsãrẽ bũro wajamoãgũkumi. ĩgũ irasirimakũ ĩãrã, ããrĩpererã: “Diayeta ĩgũsãrẽ wajamoãgũta yãmi”, ãrĩ masĩrãkuma. 6 Irinũrẽ Marĩpũ masakakũre ĩgũsã irideare ĩã beye, keoro wajarigũkumi. 7 Õãrĩrẽ irinĩrã gapũ: Marĩpũ merã ããrĩduarã: “Mũsã õãrõ yãa”, ãrĩmakũ pẽduarã, ĩgũ pũrogue perebiri okarire opadũarã ããrĩma. Irasirigũ ĩgũsãrẽ perebiri okarire sĩgũkumi, ĩgũ merã ããrĩnĩkõãburo, ãrĩgũ. 8 ĩgũsã gããmerõ irirã gapũ diayemarẽ iridũabema. Ñerĩ direta

iriduma. Irasirigu Marĩpu ĩgũsã merã gua, buro ĩgũsãrẽ wajamoãgukumi. ⁹ Āārĩpererã ñerĩ irirã ñerõ tari, buro gũñarikurãkuma. Judío masakare waapũrorirokoa. Judío masaka āārĩmerãdere irasũta waarokoa. ¹⁰ Marĩpu āārĩpererã õārĩ irirã gapũre: “Õārõ yãma”, ārĩ ĩãgukumi. ĩgũsãrẽ ĩgũ merã õārõ āārĩmakũ irigukumi. Irasirigu siuñajãrĩ opamakũ irigukumi. Judío masakare irire iripũrorigukumi. Judío masaka āārĩmerãdere irasũta irigukumi.

¹¹ Marĩpu marĩ āārĩpererãrẽ: judío masakare, judío masaka āārĩmerãdere sũrosũta ĩãmi. ¹² Judío masaka āārĩmerã, Marĩpu Moisere doreri pídeare opabirikererã ñerĩ irimakũ ĩãgũ, Marĩpu ĩgũsãrẽ perebiri peamegue béogukumi. Judío masaka ĩgũ doreri pídeare oparãde ñerĩ irimakũ ĩãgũ, ĩgũsãdere irire tarinũgãrĩ waja, wajamoãgukumi. ¹³ ĩgũ Moisere doreri pídeare pékererã irire iribirimakũ ĩãgũ, ĩgũsãrẽ: “Õãrã āārĩma”, ārĩ ĩãbemi. Irire irirã gapũre: “Õãrã āārĩma”, ārĩ ĩãmi. ¹⁴ Judío masaka āārĩmerã Marĩpu Moisere doreri pídeare opabirikererã õārõ irirã, Marĩpu dorederosũta yãma. Irasirirã ĩgũsã basi Marĩpu doredeare oparã irirosũ irire yãma. ¹⁵ Marĩpu ĩgũsã gũñarĩgue ĩgũ doredeare masĩmakũ iridi āārĩmĩ. Irasirirã ĩgũ dorederosũta irirã, irire masĩrã irirosũ yãma. Õārõ irirã, o ñerõ irirã, ĩgũsã gũñarĩ merã ĩgũsã irideare masĩma. Ñerĩrẽ irianerã: “Waja opãa”, ārĩ gũñama. Irasũta õārĩrẽ irianerãde: “Waja opabea”, ārĩ gũñama.

¹⁶ Irasirigu Marĩpu āārĩpererã ñerãrẽ wajamoãrĩnũ ejamakũ, Jesucristore: “Āārĩpererã gũñarĩrẽ, ĩgũsã gajerã ĩãberogue irideare ĩã beyeka!” ārĩgukumi. Irasirigu Jesucristo ñerĩ gũñarĩ oparãrẽ, ñerĩ iririkurãrẽ: “Wajamoãgura”, ārĩgukumi. Õārĩ gũñarĩ oparãrẽ, õārõ iririkurãrẽ: “Wajamoãbirikoa”, ārĩgukumi. Marĩpu masakare tauri kerere buegu, irireta buea yũ.

Marĩpu Moisere doreri pídeamarẽ gojadea

¹⁷ Mũsã gapũ: “Gũna judío masaka Marĩpu Moisere doreri pídeare buremusĩã, gajerã nemorõ Marĩpuyarã āãrã”, ārĩ gũñadãa. ¹⁸ Gajire ãsũ ārĩ gũñãã: “Gũna Marĩpu gããmerĩrẽ, ĩgũ Moisere doreri pídeare masĩrã āārĩsĩã, õārĩ direta beyemasĩã. ¹⁹ Irasirirã koye ĩãmerãrẽ tũãdupuyuwãgãrã irirosũ Marĩpuyare masĩmerãrẽ buemasĩã. Naĩĩãrõgue āārĩrãrẽ sĩãgoro irirosũ diayema iririre masĩmerãrẽ diayema gapũre ĩgũsãrẽ iridorea. ²⁰ Marĩpu Moisere doreri pídeare opasĩã, diayema iririre õārõ masĩã. Irasirirã masĩmerãrẽ, majĩrã irirosũ āārĩrãrẽ buerimasã āãrã”, ārĩ gũñadãa mũsã. ²¹ Gajerãrẽ irasũ ārĩ buekererã, ¿nasirirã mũsã basi bueberi? “Yajabirikõãka!” ārĩ buekererã, ¿nasirirã yajari mũsã? ²² “Gajigu marãpo, gajego marãpu merã ñerõ iribirikõãka!” ārĩ buekererã, ¿nasirirã irasũ yãri? Masaka buremurĩ keori weadeare dookererã, ¿nasirirã ĩgũsã buremurĩ wiirimarẽ yajari, irire opamurã? ²³ “Marĩpu Moisere doreri pídeare opasĩã, gajerã nemorõ āãrã”, ārĩ gũñakererã, iri dorerire tarinũgãrã, gajerãdere ĩgũrẽ buremubirimakũ irirã yãa. ²⁴ Marĩpuya werenĩrĩ gojadea pũgue mũsã irasiririre ãsũ ārĩ gojasũdero āārĩbũ: “Mũsã judío masaka, judío masaka āārĩmerãrẽ Marĩpũre ñerõ ārĩ werenĩmakũ yãa”, ārĩ gojasũdero āārĩbũ.

²⁵ Mũsã judío masaka Marĩpu Moisere doreri pídeare irirã, mũsãya dupũma gasirogãrẽ* wiirisũnerã āārĩmakũ õãgorãa. Marĩpu mũsãrẽ: “Yaarã āārĩma”, ārĩ ĩãmi. Irire tarinũgãrã, mũsãya dupũma gasirogãrẽ wiirisũbirinerã irirosũ āãrã. ²⁶ Judío masaka āārĩmerã irasũ wiirisũbirinerã āārĩkererũ, Marĩpu Moisere doreri pídeare irimakũ: “Yaarã āārĩma”, ārĩ ĩãgukumi. Judío masakadere ĩgũsã irire irimakũ, irasũta ārĩ ĩãgukumi. ²⁷ Judío masaka āārĩmerã gapũ ĩgũsãya dupũma gasirogãrẽ wiirisũbirinerã āārĩkererã, Marĩpu doredeare irirã, mũsãrẽ judío masakare iri doredeare oparãrẽ mũsã irire tarinũgãrĩ

* **2:25** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã āārĩburo”, ārĩgũ, ĩgũsãya dupũma gasirogãrẽ wiiridoredi āārĩmĩ. Pũru iri dorerire Moisere pídi āārĩmĩ. Irasirirã judío masaka Abraham parãmerã āārĩturĩarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarĩnũrĩ waarõ merã ĩgũsã deyoadero pũru irasũ yãma.

waja: “Waja opama”, ãrĩrãkuma. ²⁸ Sugu judío masakũ irasũ wiirisũdi: “Marĩpũyagu ããrã”, ãrĩ gũñakeregu, Marĩpũre bũremubi, diayeta Marĩpũyagu, judío masakũgora ããrĩbemi. ²⁹ Marĩpũyarã gapũ irasũ wiirisũnerã dita ããrĩbema. Õãgũ deyomarĩgũ ìgũsãya gũñarĩgue òãrĩ merã gorawayumakũ iridero pũru, ìgũsã Marĩpũyarã, judío masakũgora ããrĩma. Masaka ìgũsãrẽ: “Õãrã ããrĩma”, ãrĩ ìãbirikerepũru, Marĩpũ gapũ: “Õãrã ããrĩma”, ãrĩ ìãmi.

3

¹ Musã, yũ irasũ ãrĩmakũ pérã: “¿Gua judío masaka, guaya dupũma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ? ² Gua judío masaka ããrĩmakũ òãgorãa. Marĩpũ guare wãri òãrĩrẽ sĩdi ããrĩmĩ. Irasirĩgu guare ìgũya kerere pĩpũroridi ããrĩmĩ, irire gajerãrẽ weredoregu. ³ Yũ irasũ ãrĩmakũ pérã: “Judío masaka surãyeri Marĩpũ ìgũsãrẽ: ‘Ãsũ irigũra’, ãrĩdeare bũremubirimakũ, irire iribirikumi” ¿ãrĩ gũñarĩ? ⁴ Neõ irasũ ãrĩ gũñabirikõãka! ããrĩpererã masaka ãrĩgatokerepũru, Marĩpũ gapũ neõ ãrĩgatobemi. ìgũya werenĩrĩ gojãdea pũgue ãsũ ãrĩ gojasũdero ããrĩbũ:

Gũapũ, mũ werenĩrĩ merã masakare mũ diayema iririre masĩmakũ yãa. Mũ ãrĩderosũta keoro irimakũ, neõ sugu masakũ mũrẽ: “Diaye iribemi”, ãrĩmasĩbirikumi, ãrĩ gojasũdero ããrĩbũ.*

⁵ Gajerã irire pérã, ãsũ ãrĩmoãmabokuma: “Gua ñerõ iriri merã Marĩpũ diaye iriri masakare masĩmakũ yãa. Gua irasirikerepũru, Marĩpũ guare wajamoãgũ, diaye iribemi”, ãrĩbokuma. ⁶ Neõ irasũ ããrĩbea. ìgũsã irasũ ãrĩrĩ keoro ããrĩmakũ, Marĩpũ neõ sugũnorẽ ìgũsã ñerõ irikerepũru, wajamoãbiribokumi.

⁷ Gajerã idere ãrĩmoãmabokuma: “Gua ãrĩgatori merã Marĩpũ ãrĩgatobi ããrĩrĩrẽ masakare masĩmakũ yãa. Irasirirã ìgũrẽ: ‘Õãtarimi’, ãrĩ bũremuma. Gua irasirikerepũru, Marĩpũ guare wajamoãgũ, diaye iribemi”, ãrĩbokuma. ⁸ ãsũ ãrĩbokuma doja: “Gua ñerĩ irimakũ, gajerã Marĩpũ òãgũ ããrĩrĩ gapũre masĩnemorãkuma”, ãrĩbokuma. Surãyeri guare ñerõ gũñarĩ merã: “Pablosãde irasũta ãrĩ buema”, ãrĩ werenĩma. ìgũsã irasũ ãrĩrĩ waja Marĩpũ ìgũsãrẽ wajamoãgũ, diayeta irigũkumi.

ããrĩpererã masaka waja oparã dita ããrĩma, ãrĩ gojãdea

⁹ ¿Naãsũ ãrĩ gũñarĩ? ¿Marĩpũ ìũrõ marĩ judío masaka, gajerã nemorõ òãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsã, waja oparã dita ããrã. Irire yũ mũsãrẽ weresiabu.

¹⁰ Marĩpũya werenĩrĩ gojãdea pũgue ãsũ ãrĩ gojasũdero ããrĩbũ:

Neõ sugũno òãgũ mámi. Neõ marĩgorakõãmi.

¹¹ Neõ Marĩpũyare pémasĩgũ mámi. Neõ sugũno ìgũrẽ masĩdũagu mámi.

¹² ããrĩpererã Marĩpũyare iritũyamerã, dedirimurã dita ããrĩma. Neõ sugũno òãrĩrẽ irigu mámi. Neõ marĩgorakõãmi.*

¹³ Masãgobe toyori gobe ãrĩwiurosũ ìgũsã ñerĩ werenĩrĩ ããrã. ãrĩgatorikuma. ããrã disigue nima opagu irirosũ pũrĩrõ werenĩma.*

¹⁴ Ñerĩ direta werenĩ, gajerãrẽ dojama. Bũro turirikuma.*

¹⁵ Masakare wẽjẽbéoduari direta opasũrima.

¹⁶ Noó ìgũsã waaró masakare poyanorẽ, ìgũsãrẽ ñerõ tarimakũ yãma.

¹⁷ Gajerãrẽ siuñajãrĩ merã ããrĩmakũ neõ iribema.*

¹⁸ Marĩpũre goepeyari merã bũremubema. Irasirirã ìgũrẽ gũibema, ãrĩ gojasũdero ããrĩbũ.*

¹⁹ Marĩ ire masã. ããrĩpererã Moisés doreri gua judío masakare: “ãsũ irika!” ãrĩ pĩdeare iripeobirisã: “Waja opabea”, ãrĩmasĩbema. Irasirirã ããrĩpererã judío masaka,

* 3:4 Sal 51.4 * 3:12 Sal 14.1-3; 53.1-3 * 3:13 Sal 5.9; 140.3 * 3:14 Sal 10.7 * 3:17 Is 59.7-8 * 3:18 Sal 36.1

judío masaka ããrĩmerãde waja opasĩã, Marĩpũ wajamoãsumurã dita ããrĩma. ²⁰ Neõ sugũ masakũ Moisés doredeare iripeomasĩbemi. Irasirigũ: “Marĩpũ yũre: ‘Õãgũ ããrĩmi’, ãrĩ ããgũkumi”, ãrĩmasĩbirikumi. Marĩpũ iri dorerire pídea merãta marĩrẽ: “Ñerã ããrã”, ãrĩ masĩmakũ yãmi.

Marĩ Jesucristore bũremurĩ merã tausũrãkoa, ãrĩ gojadea

²¹⁻²² Daporare Marĩpũ marĩrẽ ire masĩmakũ yãmi. Marĩ Jesucristore bũremumakũ, ãgũ Moisére doreri pídeare iripeobirikerepũrũ, marĩrẽ: “Õãrã, waja opamerã ããrĩma”, ãrĩ ããmi. Irasirigũ marĩ ããrĩpererãrẽ Jesucristore bũremurãrẽ sũrosũta ããmi. ãgũ irasũ ãrĩ ããburire Moisés, gajerã ãgũyare weredupuyurimasãde ãgũya kerere gojadea pũgue gojanerã ããrĩmã.

²³ Marĩ ããrĩpererã ñerĩ irirã dita ããrã. Irasirirã, Marĩpũ: “Yũ merã õãrõ ããrĩrãkoa”, ãrĩdeare marĩ basi neõ bokabirikoa. ²⁴ Marĩ irasũ ããrĩkerepũrũ, Marĩpũ marĩrẽ maĩgũ ãgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregũ. Irasirigũ, marĩrẽ Jesucristore bũremurãrẽ: “Waja opamerã ããrĩma”, ãrĩ ããmi. ²⁵ Marĩpũ Jesucristore ããrĩpererã masakare ãgũsã ñerĩ iridea wajare wajaridoregũ, ãgũrẽ iriudi ããrĩmĩ. Irasirigũ, Jesucristo boagũ dí béodea merã ãgũrẽ bũremurãrẽ ãgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ãgũsã ãgũ: “Ãsũ irigũra”, ãrĩdeare bũremudea merã ãgũsã ñerõ iridea wajare kãtidi ããrĩmĩ. Irire irigũ, ãgũ diaye irigũ ããrĩrĩrẽ ãmudi ããrĩmĩ. ²⁶ Marĩpũ dapora marãdere Jesús marĩ ñerĩ iridea wajare wajaribosadea merã ãgũrẽ bũremurãrẽ: “Õãrã, waja opamerã ããrĩma”, ãrĩ ããmi. Irasirigũ marĩrẽ ãgũ diaye irigũ ããrĩrĩrẽ masĩmakũ yãmi.

²⁷ Irasirirã Marĩpũ ãũrõ marĩ basita: “Õãrã ããrã, ãgũ Moisére doreri pídeare iripeorã yãa”, ãrĩmasĩbea. Ãsũ gapũ ãrĩ masĩa. Marĩpũ, Jesúre marĩ bũremumakũ, marĩrẽ: “Õãrã ããrĩma”, ãrĩ ããmi. ²⁸ Ire masĩa. Marĩpũ Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ããmi. Marĩ Jesúre bũremumakũ, marĩrẽ: “Õãrã ããrĩma”, ãrĩ ããmi.

²⁹⁻³⁰ ¿Marĩpũ judío masaka direta Opũ ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ãgũ sugũta ããrĩpererã Opũ ããrĩmi. Irasirigũ, ãgũsã Jesúre bũremumakũ: “Õãrã, waja opamerã ããrĩma”, ãrĩ ããmi. ³¹ Irasirirã marĩ Jesúre bũremurã, ¿Marĩpũ Moisére doreri pídeare béorã yãri? ããrĩbea. Marĩ ãgũrẽ bũremurã Marĩpũ dorerire nemorõ irinemowãgãrãkoa.

4

Pablo, Abraham Marĩpũre bũremudeare gojadea

¹ Irasirirã, ¿naásũ ãrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ãgũrẽ? ² Marĩpũ Abrahãrẽ: “Õãrõ irigũ ããrĩsĩã, õãgũ ããrĩmi”, ãrĩ ããbodi ããrĩkerepũrũ, Abraham ãgũ basi: “Marĩpũ ãũrõ õãrõ yãa”, neõ ãrĩmasĩbiriunadi ããrĩmĩ. ³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpũre bũremumakũ, Marĩpũ ãgũrẽ: ‘Õãgũ ããrĩmi’, ãrĩ ããdi ããrĩmĩ”, ãrĩ gojasũdero ããrĩbũ.

⁴ Ãsũ ããrã. Sugũ gajino moãdire wajarirã, irasũ sũkõãrã meta irikuma. ãgũ moãdea waja wajarirã irikuma. ⁵ Marĩpũ gapũ irasiribemi. Ñerãrẽ, ãgũsã õãrĩrẽ iribirikerepũrũ, ãgũrẽ bũremumakũ: “Waja opamerã ããrĩma”, ãrĩ ããmi. Irasirigũ, marĩ ãgũrẽ bũremumakũ: “Yũ ãũrõ õãrã ããrĩma”, ãrĩ ããmi. ⁶ Iripoeguemu Davide yũ ãrĩrõsũta gojadi ããrĩmĩ. Marĩpũ masaka iririre ããgũ: “Õãrã ããrĩma”, ãrĩ ããgũ meta ããrĩmi. ãgũrẽ bũremurã direta: “Õãrã ããrĩmã”, ãrĩ ããgũ ããrĩmi. Irasirirã ãgũ merã õãrõ usuyama. ⁷ Irire ãsũ ãrĩ gojadi ããrĩmĩ David:

Marĩpũ dorerire tarinũgãrãrẽ ãgũsã ñerõ iridea wajare ãgũ kãtimakũ, õãrõ usuyama.

⁸ Marĩpũ ĩgũsã ñerõ iridea wajare: “Neõ gũñabirikoã”, ãrĩmakũ, õãrõ usũyama, ãrĩ gojadi ããrĩmĩ David.*

⁹ Judío masaka ĩgũsãya dupũma gasirogãrẽ wiirisũnerã dita usũyabirikuma. Judío masaka ããrĩmerãde usũyarãkuma. Abrahãrẽ dupaturi gũñaka! ĩgũ Marĩpũre bũremumakũ, Marĩpũ ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ. ¹⁰ ĩNaásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? ĩgũya dupũma gasirogãrẽ wiiridero pũru, ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ. ¹¹ Marĩpũ ĩgũrẽ: “Õãgũ ããrĩmi”, ãrĩ ĩãdero pũru, ĩgũrẽ irasũ wiiridoredi ããrĩmĩ, ĩgũyagu ããrĩrĩrẽ ĩmudoregu. Irasirigu dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãmi. Irasirigu Abraham ããrĩpererã Marĩpũre bũremurã ñekũ ããrĩpũroridi ããrĩmĩ, ĩgũsãya dupũma gasirogãrẽ wiirisũbirikerepũru.

¹² ããrĩpererã ĩgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ ĩgũsãde bũremurã, diayeta Abraham parãmerã ããrĩma.

Marĩpũ, Abraham ĩgũrẽ bũremumakũ: “Ãsũ irigũra”, ãrĩdeare gojadea

¹³ Marĩpũ Abrahãrẽ: “I nikũrẽ murẽ, mũ parãmerã ããrĩturiarãdere sĩgũra”, ãrĩdi ããrĩmĩ. ĩgũ doredeare irimakũ ĩãgũ meta irasũ ãrĩdi ããrĩmĩ. ĩgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigu ĩgũrẽ: “I nikũrẽ sĩgũra”, ãrĩdi ããrĩmĩ. ¹⁴ Marĩpũ ĩgũ doredeare irirã direta: “Sĩgũra”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikukõãbokuyo. ¹⁵ Marĩpũ Moisere doreri pĩdeare masĩkererã, irire tarinũgãrã, wajamoãsurãkuma. Iri doreri marĩmakũ, irire neõ tarinũgãrĩ marĩbokuyo.

¹⁶ Irasirigu Marĩpũ ĩgũrẽ bũremurã direta ĩgũ Abrahãrẽ ãrĩderosũta sĩgũkumi. ĩgũ doreri pĩdeare irirã direta: “Sĩgũra”, ãrĩbirikumi. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigu Marĩpũ Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sĩgũkumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ. ¹⁷ Marĩpũ ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Murẽ wãri buri marã ñekũ ããrĩbure pĩbũ”, ãrĩdi ããrĩmĩ. Marĩpũ irasũ ãrĩmakũ pẽgu, Abraham ĩgũrẽ bũremudi ããrĩmĩ. Irasirigu Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpũ boanerãrẽ masũgũ ããrĩmĩ. ĩgũ werenĩrĩ merã dupuyurogue marĩdeare ããrĩmakũ irimasĩmi.

¹⁸ Marĩpũ Abrahãrẽ: “Mũ parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregu: “Marĩpũ ĩgũ yure ãrĩderosũta irigũkumi”, ãrĩ bũremudi ããrĩmĩ. Irasirigu Abraham wãri buri marã ñekũ waadi ããrĩmĩ. ¹⁹ ĩgũ cien bojori opakeregu, ĩgũ marãpode báro ããrĩkerepũru, Marĩpũre bũremusiã: “Neõ pũrãkũbirikoã”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Guare pẽrãguereta pũrãkũboadero tarikerepũru, Marĩpũ ĩgũ yure ãrĩderosũta irigũkumi. Yũ irire masĩa”, ãrĩdi ããrĩmĩ. ²⁰ “Marĩpũ ãrĩderosũta irigũkumi”, ãrĩ bũremurĩrẽ neõ piribiridi ããrĩmĩ. Irasirigu gũñatura, Marĩpũre bũremunemodi ããrĩmĩ. “Marĩpũ turatarigu ããrĩmĩ”, ãrĩ, usũyari sĩdi ããrĩmĩ. ²¹ Irasirigu Abraham: “Marĩpũ yure ãrĩderosũta diayeta ĩgũ turari merã iriyuwarikũgũkumi. Yũ irire õãrõ masĩa”, ãrĩ bũremudi ããrĩmĩ. ²² ĩgũ bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãdi ããrĩmĩ.

²³ Irire Marĩpũya werenĩrĩ gojadea pũguere gojasũdero ããrĩbũ. Iri Abrahãyama direta gojadea meta ããrĩdero ããrĩbũ. ²⁴⁻²⁵ Marĩpũ Abrahãrẽ: “Õãgũ ããrĩmi”, ãrĩ ĩãderosũta marĩdere: “Õãrã ããrĩma”, ãrĩ ĩãburire gojadea ããrĩdero ããrĩbũ. Irasirigu Marĩpũ, marĩ ĩgũrẽ

* 4:8 Sal 32.1-2

buremumakū, marĩdere: “Ōārā āārĩma”, ārĩ ĩāmi. Marĩ ñerĩ iridea waja Marĩpu Jesúre ĩgũrē wējẽmurāguere wiadi āārĩmĩ, marĩrē boabosaburo, ārĩgũ. Marĩ Opũ Jesús boadero puũ, Marĩpu marĩrē ōārā, waja opamerā āārĩmakū iribu, ĩgũrē masũdi āārĩmĩ.

5

Marĩpu ĩũrō waja opamerā āārā, ārĩ gojadea

¹ Marĩ Opũre Jesucristore marĩ buremumakū, Marĩpu marĩrē: “Ōārā, waja opamerā āārĩma”, ārĩ ĩāmi. Irasirigũ Marĩpu, Jesús marĩ ñerĩ iridea waja boabosadea merā marĩrē ĩgũ merā siuñajārĩ opamakū iridi āārĩmĩ. ² Marĩ Jesucristore buremurā, Marĩpu marĩrē maĩgũ merā ōārō āārā. Puũgue Marĩpu ĩgũ irirosũ marĩrē ōārā āārĩmakū irigũkumi. Irasirirā gũñaturari merā, ōārō usũyari merā ĩgũ ōārō iriburire yúa. ³ Gajire masĩa. Marĩ ñerō tarirā, Marĩpũre marĩrē iritamugũrē gũñaturanemorākoa. Irasirirā marĩ ñerō tarikererā, usũyamasĩa. ⁴ Marĩ ĩgũrē gũñaturari merā ñerō tarire bokatĩumakū, Marĩpu marĩrē: “Ōārō yāma”, ārĩgũkumi. Irasirirā, ĩgũ marĩrē ōārō iriburire gũñaturari merā yúa. ⁵ Marĩpu marĩrē Ōāgũ deyomarĩgũrē iriudi āārĩmĩ marĩ merā āārĩdoregũ. Irasirigũ Ōāgũ deyomarĩgũ merā marĩrē ĩgũ maĩrĩrē opatarimakū yāmi. Irasirirā: “Marĩpu marĩrē: ‘Ōārō iritamugũra’, ārĩdeare keoro irigũkumi”, ārĩ masĩa.

⁶ Marĩ basi peamegue waaburire tarimasĩbirimakū, Marĩpu marĩrē tauripoe ejamakū, Cristo marĩ ñerārē boabosadi āārĩmĩ. ⁷ Marĩ gapũ sugũ boaboadeare boabosabirikoa, ĩgũ diayemarē irigũ āārĩkerepuũ. Gajipoe irirā sugũ ōāgũ gapũre boabosabokoa. ⁸ Marĩpu gapũ marĩ ñerā āārĩkerepuũ ĩgũ marĩrē buro maĩrĩrē masĩmakū iribu, Cristore iriudi āārĩmĩ. Irasirigũ Cristo marĩya āārĩburire boabosadi āārĩmĩ. ⁹ Cristo boagũ ĩgũya dí béodea merā Marĩpu marĩrē waja opamerā āārĩmakū iridi āārĩmĩ. ĩgũ irasiridero nemorō ĩgũ āārĩpererā ñerārē wajamoārĩnu ejamakū, Cristo merāta marĩrē taugũkumi. ¹⁰ Marĩ Marĩpũre gāāmemerā āārĩkerepuũ, ĩgũ magũ marĩrē boabosadea merā ĩgũ merā siuñajārĩ opamakū iridi āārĩmĩ. ĩgũ irasiridero nemorō Cristo marĩrē boabosa, dupaturi okadea merā marĩrē ĩgũ merā siuñajārĩ oparārē taugũkumi. ¹¹ I gaji āārĩnemoa. Marĩpu, marĩ Opũ Jesucristo merā marĩrē ĩgũ merā siuñajāmakū irideare gũñarā, ĩgũ merā buro usũyāa.

Adán, irasũ āārĩmakū Cristo iridea

¹² Āsũ āārā. Neōgoraguere Adán ñerĩ iripũroridi āārĩmĩ. ĩgũ ñerĩ iridea waja boadi āārĩmĩ. ĩgũ sugũya waja merāta āārĩpererā ĩgũ parāmerā āārĩturiarāde ñerĩ iri, boamurā dita āārĩma. ¹³ Marĩpu Moisére ĩgũ doreri pĩburi dupuyurogueta masaka ñerĩ irisianerā āārĩmā. ĩgũsā ñerĩ irikerepuũ iri doreri marĩmakū, Marĩpu ĩgũsārē: “Iri dorerire tarinũgārĩ waja, waja opama”, ārĩbiridi āārĩmĩ dapa. ¹⁴ Irasũ āārĩkerepuũ, Adán parāmerā āārĩturiarā Moisés āārĩdeapoegue āārĩnerāde boanerā āārĩmā. ĩgũsā Marĩpu doredeare Adán tarinũgāderosũ iribirikererā, ĩgũsā ñerĩ iridea waja boanerā āārĩmā. Adán i ũmũrē āārĩpũrorigũ, Marĩpu doredeare tarinũgāpũroridi āārĩmĩ. Jesucristo gapũ i ũmũguere aarigũ, Marĩpu dorerire tarinũgābiripũroridi āārĩmĩ.

¹⁵ Marĩ Adán tarinũgādeare, Marĩpu marĩrē maĩgũ ōārō irideare masĩa. Adán sugũya waja merāta masaka āārĩpererā boamurā dita āārĩma. Marĩpu gapũ marĩrē maĩgũ, marĩrē taubure Jesucristore iriudi āārĩmĩ. Irasirigũ Jesucristo sugũ āārĩkeregũ, āārĩpererāya āārĩburire wajamarĩrō boabosadi āārĩmĩ. Irasirigũ Marĩpu Jesucristo merā marĩrē wáro ōārĩ iridi āārĩmĩ. ¹⁶ Adán Marĩpu doredeare suñarō tarinũgāde waja merāta āārĩpererā masaka waja opama. Marĩ wári ñerĩ irikerepuũ, Marĩpu marĩrē maĩgũ, wajamarĩrō Jesucristore iriudi āārĩmĩ, marĩ ñerō iridea wajare taudoregũ. Irasirigũ Jesús merā marĩrē waja opamerā āārĩmakū iridi āārĩmĩ. ¹⁷ Adán sugũ Marĩpu doredeare tarinũgāde waja merāta marĩ āārĩpererā boamurā dita āārā. Marĩpu gapũ marĩrē buro maĩgũ Jesucristore iriudi āārĩmĩ, marĩrē boabosadoregũ. Irasirigũ Jesucristo sugũ marĩrē

wajamarĩrõ boabosadea merã Marĩpu marĩrẽ: “Õãrã, waja opamerã ããrĩma”, ãrĩ ããmi. Ìgũ irasiridero nemorõ Jesucristo merã Ìgũ irasũ ãrĩ ããrãrẽ maama okari opamakũ irigũkumi, Ìgũ turari merã Ìgũyare iriburo, ãrĩgũ.

¹⁸ Adán, Marĩpu doredeare tarinũgãdea waja merãta masaka ããrĩpererã ñerĩrẽ iriwekabejama. Irasirirã Marĩpu wajamoãsumurã dita ããrĩma. Jesucristo diayema irigũ marĩ ñerĩ iridea waja boabosadea merã gapũ Marĩpu marĩrẽ: “Õãrã, waja opamerã ããrĩma”, ãrĩ ããmi, Ìgũ merã ããrĩnikõãburo, ãrĩgũ. ¹⁹ Æsũ ããrã. Adán, Marĩpu doredeare tarinũgãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpu dorerire iridea merã ããrĩpererã Ìgũrẽ buremurãnorẽ waja opamerã ããrĩmakũ iridi ããrĩmĩ. Irasirigũ Marĩpu Ìgũsãrẽ: “Õãrã ããrĩma”, ãrĩ ããmi.

²⁰ Marĩpu Ìgũ dorerire pídi ããrĩmĩ, marĩrẽ iri dorerire tarinũgãrĩrẽ masĩnemomakũ iribu. Wári ñerĩ marĩ irikerepũrũ, Marĩpu gapũ marĩrẽ burõ maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmĩ. ²¹ Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkerepũrũ, Marĩpu marĩrẽ maĩgũ, bopoñarĩ merã ããsĩã, marĩ Opũ Jesucristo boabosadea merã marĩrẽ waja opamerã ããrĩmakũ iridi ããrĩmĩ, Ìgũ purõ perebiri okarire opadoregũ.

6

Cristo merã õãrõ ããrĩrã, waja opamerã ããrĩrĩmarẽ gojadea

¹ Marĩpu marĩrẽ bopoñamakũ ããrã, ¿naãsũ ããrĩrãkuri? Marĩrẽ Ìgũ bopoñanemomakũ ããduarã, ¿ñerĩrẽ irinemorãkuri? ² Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea. ³ Musã ire masĩa. Marĩ deko merã wãiyesũrã, marĩ Jesucristoyarã ããrĩrĩrẽ Ìmubu. Marĩ Ìgũyarã ããrĩsĩã, Ìgũ boamakũ, marĩde Ìgũ merã boanerã irirosũ waanerã ããrĩbũ. ⁴ Marĩ wãiyesũrã, Ìgũ boadero purũ yãasũmakũ, marĩde Ìgũ merã yãasũnerã irirosũ waanerã ããrĩbũ. Marĩpu ãmũgasigue ããrĩgũ Ìgũ turari merã Ìgũrẽ masãgũ, marĩdere Ìgũ merã masãnerã irirosũ ããrĩmakũ iridi ããrĩmĩ, Ìgũ merã maama okarire opaburo, ãrĩgũ.

⁵ Marĩ Cristoyarã ããrĩsĩã, Ìgũ boaderosũta marĩde Ìgũ merã boanerã irirosũ waanerã ããrĩbũ. Irasirirã, Ìgũ boadigue masãderosũta marĩde masãrãkoa. ⁶ Æsũ masĩa. Cristo curusague boamakũ, marĩ ñerĩ direta iririkũnerã Ìgũ merã curusague boanerã irirosũ waanerã ããrĩbũ. Irasiriro marĩ ñerĩrẽ ãaribejari, marĩrẽ tarinũgãmasĩbirikoa pama. ⁷ Masaka boadero purũ, Ìgũsã ñerĩ iririkũrere neõ irinemobirikuma.

⁸ Marĩ Cristo merã boanerã irirosũ ããrĩrã: “Ìgũ merã õãrõ ããrĩnikõãrãkoa”, ãrĩ buremua. ⁹ Idere õãrõ masĩa. Cristo boadero purũ, Marĩpu Ìgũrẽ masũ, dupaturi okamakũ iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi Ìgũrẽ tarinũgãmasĩbirikoa. ¹⁰ Ìgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. Ìgũ boadero purũ, Marĩpu Ìgũrẽ masũ, dupaturi okamakũ iridi ããrĩmĩ. Ìgũrẽ masũ, dupaturi okamakũ iridero purũ, Marĩpu gããmerõsũta irigũ Marĩpu merã õãrõ ããrĩnikõãmi. ¹¹ Irasirirã musã ãsũ ãrĩ gũñaka! “Gũna Opũ Jesucristo merã gũna boanerã irirosũ ããrĩsĩã, gũna ñerĩrẽ iriunaderosũ irinemobirikoa”, ãrĩ gũñaka! “Irasirirã Ìgũyarã ããrĩsĩã, Marĩpu gããmerõsũta iri, Ìgũ merã õãrõ ããrĩnikõãrã!” ãrĩ gũñaka!

¹² Irasirirã musãya dupũ boaburi dupũ merã ñerĩrẽ neõ irinemobirikõãka, musã ñerĩrẽ ãaribejari musãrẽ tarinũgãbirikõãburo, ããrĩrã! ¹³ Musãya mojõrĩ, musã gũñarĩ, ããrĩpereri musãya dupũgue ããrĩrĩ merã ñerĩrẽ iribirikõãka! Musã Cristo merã boanerã dupaturi okarã irirosũ ããrã. Irasirirã ãsũ gapũ irika! Æãrĩpereri musãya dupũgue ããrĩrĩrẽ Marĩpure wiaka, Ìgũ gããmerõsũta õãrĩ direta irimurã! ¹⁴ Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpu marĩrẽ: “Yũ Moisére doreri pídeare iribirimakũ,

musārē béogura”, āriḃemi. Āsū gapu marĩrē yámi. Īgū marĩrē maĩgū āārĩsĩā, marĩrē iritamumi, Īgū doredeare iriburo, āriḃgū.

Marĩ, Cristore moāboerā āārĩrĩmarē gojadea

¹⁵ Marĩpu marĩrē maĩmakū ĩārā: “Marĩ, Marĩpu doreri pídea merā āārĩbea. Irasirirā ñerĩrē irirā!” ĵārĩrĩ? Irire neō āriḃirikōārā! ¹⁶ Musā ire oārō masĩa. Marĩ sugu dorerire irirā, ĩgūyarā ĩgūrē moāboerā āārĩrākoa. Īgū marĩ opu āārĩgukumi. Iri irirosūta marĩ ñerĩ iriduarĩ, marĩ opu, marĩrē doregu irirosū āārĩrokoa. Irasirirā marĩ ñerĩ iririre pirimerā, Marĩpu merā perebiri okari bokabirikoa. Īgū doreri gapure irirā ĩgūrē moāboerā diayemarē irinĩrākoa. ¹⁷⁻¹⁸ Iripoegue ñerĩ iridoreguyarā ĩgūrē moāboerā irirosū musā ñerĩ iriduarire irinerā āārĩbú. Marĩpu musārē ĩgūya buerire pémasĩmakū iridero puru, ĩgū doreri gapure musā oārō iritayáa. Irasirirā ñerĩ iridoreguyarā ĩgūrē moāboerā irirosū neō āārĩbea pama. Īgūrē wirinerā irirosū āārĩrā, Marĩpure moāboerā ñajānerā āārā, diayema gapure irimurā. Irasirirā irire gūñarā: “Mu guare irasiridea oātaria”, ārĩ, usuyari sĩka ĩgūrē! ¹⁹ Yu ire musārē pémasĩmakū gāamegū, masaka ĩgūsā gūñarĩ merā wererosū werea. Iripoegue āārĩpereri musāya dupugue āārĩrĩ merā umuriku ñerĩ direta irinikōānerā āārĩbú. Daporare āārĩpereri musāya dupugue āārĩrĩrē Marĩpure wiaka, ĩgūrē moāboerā diayema direta irimurā! Irasirirā ĩgū gāamerĩ direta iririkurākoa.

²⁰ Iripoegue musā ñerĩ iriduarĩ direta irirā, Marĩpure moāboerā ĩgū gāamerĩ direta iriro gāamekoa, āriḃirinerā āārĩbú. ²¹ Musā ñerĩrē irasirirā, ĵñeéno oārĩrē bokari? Dapora musā ñerĩ iriunadeare gūñarā, buro guyasĩrĩa. Iri ñerĩrē musā iridea waja perebiri peamegue waabokuyo. ²² Iripoegue marĩ ñerĩ direta iridoregure moāboerā irirosū āārĩunanerā āārĩbú. Daporare Marĩpu marĩrē wiudero puru, ĩgūrē moāboerā āārā. Irasirirā ĩgū gāamerĩrē iriwāgārā, ĩgū puro perebiri okarire opamurā āārā. ²³ Ñerĩ irirāno, ĩgūsā ñerĩ iriri waja, perebiri peamegue waarĩre wajatarākuma. Marĩpu, marĩ Opu Jesucristore buremurā gapure wajamarĩrō ĩgū puro perebiri okari opaburire sīgukumi.

7

Mojōsiarima keori merā werede

¹ Yaarā, musā Marĩpu Moisére doreri pídeare oārō masĩa. Sugu masakū ĩgū okarinurĩ direta iri dorerire irimasĩmi. ² Marĩpu doreri pídea āsū ārā. Sugo nomeō igo mojōsiadero puru, igo marāpu okaripoere igo ĩgū merā āārĩnĩkōākumo. Īgū boamakū, igo marāpu dagu merā āārĩdea perekoa. Gajigu merā mojōsiamasĩkumo doja. ³ Igo marāpu okakerepuru gajigu merā marāpukugo, ĩgū merā ñerō irigo Marĩpu dorerire tarinugāgō irikumō. Igo marāpu boadero purugue dita gajigu merā marāpukumasĩkumo. Irasirigo ĩgū merā ñerō irigo meta irikumō. Marĩpu dorerire tarinugābirikumō.

⁴ Yaarā, musāde āsūta āārā. Iripoegue Marĩpu Moisére doreri pídea merā āārĩnerā āārĩbú. Jesucristo boamakū, ĩgū merā boanerā irirosū āārĩsĩā, daporare iri doreri pídea merā āārĩbea. Jesucristo boa, masārĩ merā Marĩpu marĩrē ĩgūyarā āārĩmakū iridi āārĩmĩ, ĩgū gāamerĩrē iriburo, āriḃgū. ⁵ Iripoeguere marĩ ñerĩrē uribejari direta iriunanerā āārĩbú. Marĩpu Moisére doreri pídeare masĩdero puru, iri dorerire tarinugā, āārĩpereri marĩya dupuma merā ñerĩrē uribejanemonerā āārĩbú. Irasirirā perebiri peamegue waamurā dita āārĩnerā āārĩbú. ⁶ Daporare pama marĩ Cristo merā boanerā irirosū āārĩsĩā, Marĩpu Moisére doreri pídea merā āārĩbea. Irire tariwerenerāgue āārā. Irasirigu Marĩpu, Ōgū deyomarĩgū merā marĩrē maama okarire opamakū yámi, ĩgū gāamerĩrē iridoregu.

Marĩrē ñerĩ irimakū iriri marĩquere āārĩrĩmarē werede

⁷ Irasirirā, Marĩpu Moisére doreri pídeare: “Ñegorāa”, ĵārĩrākuri? Neō irasū āriḃirikōārā! Irita yu ñerĩ iririkurire masĩmakū iribu. Iri doreri pídea āsū ārā. “Gajerāyare

buro haribejabirikōāka!” Irasirigu, iri doreri marĩmakū, yu gajerāyare haribejarire masĩbiribokuyo. ⁸ Iri doreri: “Āsū iribirikōāka!” ārĩdeare masĩdero puru, iri yure āārĩpereri ñerĩrē haribejamakū iribu. Iri doreri marĩmakū: “Irire tarinugāgū irikoa”, ārĩmasĩbiribokuyo. ⁹ Yu iri dorerire masĩburi dupuyuro: “Yu, Marĩpu merā oārō āārĩkōāgū irikoa”, ārĩ gūñadibu. Iri dorerire masĩdero puru, irire tarinugāgū: “Ñerō irigu irikoa, Marĩpu merā oārō āārĩbirikoa”, ārĩ masĩbu pama. ¹⁰ Marĩ iri dorerire irirā, Marĩpu merā oārō āārĩkōābokoa. Yu gapu irire iripeomasĩbirisĩā, ñerĩ iridea waja, waja opagu, perebiri peamegue waabodi dujabu. ¹¹ “Marĩpu dorerire irigu, ĩgū merā oārō āārĩkōāgū irikoa”, ārĩ gūñakererupu, yu ñerĩ haribejari, yure Marĩpu dorerire tarinugāmakū iribu. Irasirigu iri dorerire tarinugāsĩā, ñerĩ iridea waja, waja opagu peamegue waabodi dujabu.

¹² Irasū āārĩkererupu, Marĩpu Moisere doreri pidea oārĩ āārā. Diayema doreri āārā. Marĩpu irire pidi āārĩmĩ marĩrē iritamubu. ¹³ Iro tamerārē Marĩpu doreri oārĩ āārĩkerero, ħmarĩrē peamegue waabonerā dujamakū irikuri? Neō irasū āārĩbirikoa. Marĩ ñerĩ iriri gapu marĩrē peamegue waabonerā dujamakū iribu. Irasiro Marĩpu ĩgū oārĩ doreri pidea merā marĩ ñerō iririre: “Ñegorāa”, ārĩ masĩsūa.

¹⁴ Ire masĩa marĩ. Marĩpu ĩgū dorerire Ōāgū deyomarĩgū merā Moisere pidi āārĩmĩ. Irasiro oārĩ dita āārā. Marĩ gapu marĩ ñerĩrē haribejari merā ñerĩ iridoregure dasūnerā irirosū āārā. Irasirirā ñerĩrē iririkurā āārā. ¹⁵ Ōārĩrē iridakererā, iribea. Ñerĩrē iridabirikererā, irinĩkōāa. Marĩ irasiririre pemasĩbea. ¹⁶ “Ñerĩrē iridabirikoa”, ārĩkererā, irikōāa. Irasirikererā: “Ñerĩrē iridabirikoa”, ārĩrā, Marĩpu dorerire: “Ōārĩ āārā”, ārĩ masĩa. ¹⁷ “Marĩ ñerĩrē dupaturi iribea pama”, ārĩkererā, ñerĩrē irirā, marĩ basi meta irire yāa. Marĩguere ñerĩ āārĩrĩ gapu marĩrē irire irimakū yāa. ¹⁸ Marĩ ñerĩrē haribejari merā ñerĩ direta irirā yāa. Irasirirā: “Marĩguere oārĩ máa”, ārĩ masĩa. Marĩ oārĩrē iridakererā, bokatĩũbea. ¹⁹ Marĩ oārĩ iridakererā, iribea. Ñerĩ iridabirikererā, iri gapure yāa. ²⁰ Irasirirā marĩ basi: “Ñerĩrē dupaturi iribirikoa”, ārĩkererā, irikōāa doja. Marĩguere ñerĩ āārĩrĩ gapu marĩrē irire irimakū yāa.

²¹ Irasiro āsū waāa marĩrē. Ōārĩrē marĩ iridakererupu, marĩguere ñerĩ āārĩrĩ marĩrē ñerĩ direta irimakū yāa. ²² Marĩ basi marĩ gūñarĩgue: “Marĩpu dorerire iridakoa”, ārĩ gūñāa. ²³ Iri dorerire iridakererupu, marĩ ñerĩ iriduari gapu marĩ gūñarĩgue oārĩ iridharire tarinugāa. Irasirirā marĩ basi iri ñerĩ iridharire tarinugāmasĩbea.

²⁴ Marĩ basi ñerĩ iridharire tarinugāmasĩmerā, buro bujawereri merā: “ħNoā marĩrē ñerĩ iridea wajare taugakuri, Marĩpu merā oārō āārĩburo, ārĩgū?” ārĩ gūñāa. ²⁵ Marĩpu dita Jesucristo marĩ Opu merā marĩrē taumasĩmi. Irasirirā Marĩpura: “Ōātaria mu”, ārĩ, usuyari sĩa. Irasirirā marĩ gūñarĩgue: “Marĩpu dorerire iridakoa”, ārĩ gūñāa. “Guu Opu āārā mu”, ārā ĩgūrē. Marĩ irasū ārĩkererupu, marĩ ñerĩrē haribejari, marĩrē ñerĩrē iridoregu irirosū āārĩkōāa dapa.

8

Ōāgū deyomarĩgū iritamurĩ merā oārō āārĩrĩmarē gojadea

¹ Dapora Marĩpu marĩrē Jesucristoyarārē ñerĩrē haribejarire piri, Ōāgū deyomarĩgū dorerosū irirārē: “Wajamoāgura”, ārĩrĩno neō máa. ² Ōāgū deyomarĩgū, marĩ Jesucristoyarā ĩgū dorerosū irimakū, marĩ ñerĩ iririkurire pirimakū yāmi. Irasirigu marĩrē, perebiri peamegue waabonerārē Marĩpu merā oārō āārĩmakū yāmi. ³ Marĩ ñerĩ iriri direta haribejasĩā, Marĩpu Moisere doreri pideare neō iripeomasĩbirinerā āārĩbũ. Irasirigu Marĩpu gapu ĩgū magūrē iriudi āārĩmĩ, marĩ ñerĩ iridea wajare boa, wajaribosadoregu. ĩgū ñerĩrē iribirikeregu, marĩ ñerĩ iridea waja, waja oparā irirosū dupakugu, marĩrē boabosadi āārĩmĩ, marĩ ñerĩ iridea waja oparire wajarigu. ⁴ Marĩpu, marĩrē ĩgū dorerire

iriburo, ãrĩgũ, irasiridi ããrĩmĩ. Irasirirã marĩ ñerĩ iririre ùaribejabea. Õãgũ deyomarĩgũ dorerosũ irirã yáa.

⁵ Ñerĩ iririre ùaribejarã, iri direta gũña, iridũama. Õãgũ deyomarĩgũ dorerosũ irirã gapũ, ĩgũ gããmerĩ direta gũña, iridũama. ⁶ Ñerĩ direta gũña, iridũarã, perebiri peamegue waarākuma. Õãgũ deyomarĩgũ gããmerĩ direta gũña, iridũarã gapũ Marĩpũ merã perebiri okari oparākuma. Irasirirã siuñajãrĩ merã ããrĩrākuma. ⁷ Ñerĩ direta gũña, iridũarã, Marĩpure ĩaturirã ããrĩma. ĩgũ dorerire iridũabiri, irire neõ irimasĩbema. ⁸ Irasirirã ñerĩ iriri direta ùaribejarã, Marĩpure ùsũyamakũ irimasĩbema.

⁹ Musã gapũ ñerĩ iriri direta ùaribejabea. Õãgũ deyomarĩgũ musãguere ããrĩmi. Irasirirã ĩgũ turari merã ĩgũ dorerosũ yáa. Õãgũ deyomarĩgũrẽ opamerã gapũ, Cristoyarã ããrĩbema. ¹⁰ Marĩ ñerõ iridea waja marĩya dupũ boaburi dupũ ããrĩkererũ, Cristo marĩguere ããrĩmakũ, Marĩpũ marĩrẽ: “Õãrã, waja opamerã ããrĩma”, ãrĩ ĩãmi. Irasiriro marĩya dupũ boakererũ, marĩya yũjũpũrã ùmũgasigue okanĩkõãrokoa. ¹¹ Marĩpũ, Õãgũ deyomarĩgũ merã Jesucristore boadiguere masũ, dupaturi okamakũ iridi ããrĩmĩ. Õãgũ deyomarĩgũ marĩguere ããrĩmakũ, Marĩpũ Jesucristore masũdita marĩya dupũ boadero pũũ, marĩdere masũ, maama okari opamakũ irigũkumi.

¹² Yaarã: “Marĩpũ marĩrẽ irasũta irigũkumi”, ãrĩ masĩrã, ñerĩ iririre ùaribejabirikõãrã! ¹³ Ñerĩ iriri direta ùaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ ùaribejarire pirirã, Marĩpũ merã perebiri okarire oparãkoa.

¹⁴ Õãgũ deyomarĩgũ dorerosũ irirãno, Marĩpũ pũrã ããrĩma. ¹⁵ Marĩpũ marĩrẽ Õãgũ deyomarĩgũrẽ iriudi ããrĩmĩ. ĩgũ marĩrẽ Marĩpũ pũrã ããrĩmakũ yãmi. ĩgũ merã Marĩpũ marĩrẽ wajamoãburire gũiderosũ dupaturi gũibe. Irasirirã ĩgũ iritamurĩ merã gũiro marĩrõ Marĩpure: “Yũpũ”, ãrĩ masĩa. ¹⁶ Õãgũ deyomarĩgũ marĩ gũñarĩgue marĩrẽ: “Diayeta Marĩpũ pũrã ããrã”, ãrĩ masĩmakũ yãmi. ¹⁷ Irasirirã marĩ ĩgũ pũrã ããrĩsĩa: “Ããrĩpererire yũ pũrãrẽ sĩgũra”, ãrĩdeare Cristo merã irire oparãkoa. Marĩ Cristoyarã ããrĩsĩa, ĩgũ i ùmũgue ñerõ tariderosũ marĩde ñerõ tarikererã, pũrugue ùmũgasigue ĩgũ ããrĩrõsũta ĩgũ merã õãrõ ããrĩrãkoa.

¹⁸ Dapora marĩ i ùmũgue ñerõ tarikererã, pũrugue ùmũgasigue Marĩpũ marĩrẽ õãrĩ sĩburire gũñarã: “Bũro ñerõ taribe”, ãrĩ masĩa. ¹⁹ Sunũ Marĩpũ marĩrẽ: “Īsã yũ pũrã ããrĩma”, ãrĩ, õãrĩrẽ sĩgũkumi. ĩgũ marĩrẽ sĩburire ããrĩpereri ĩgũ i ùmũma iridea, masaka gajinorẽ bũro ĩãduarã irirosũ yũro yáa.

²⁰ Iripoegue Adán ñerĩrẽ iripũroridea waja i ùmũma poyakõãdero ããrĩbũ. Iri gããmerõ poyabiridero ããrĩbũ. Marĩpũ dorederosũ poyadero ããrĩbũ. Irasirikeregũ, pũrugue õãrĩ gorawayugũkumi. ²¹ Irasirigũ Marĩpũ, i ùmũma boapereburi ããrĩkererũ, marĩrẽ ĩgũ pũrãrẽ õãrã gorawayurosũ, i ùmũma ããrĩpererire õãrĩ dita gorawayugũkumi doja. ²² Ire marĩ masĩa. Adán ñerĩrẽ iripũroridero pũũ, daporaguedere ããrĩpereri i ùmũma Marĩpũ iridea, nomeõ majĩgũ nijĩwãgũgõ pũrĩsũrõsũ ããrã. ²³ I ĩgũ iridea irirosũta marĩde poyari merã ããrã. Marĩ ĩgũyarã ããrĩnũgãmakũ, Õãgũ deyomarĩgũrẽ marĩrẽ sĩdi ããrĩmĩ. Daporare bũro ñerõ tarikererã, pũrugue ĩgũ marĩrẽ: “Yũ pũrã ããrĩma”, ãrĩ, boabiri dupũre maama dupũre sĩburire ùsũyari merã yũa. ²⁴ “Marĩpũ marĩrẽ: ‘Taugũra’, ãrĩderosũta taugũkumi”, ãrĩ yũmasĩa. ĩgũ marĩrẽ taudero pũũ, marĩ irire yũderosũ neõ yũnemobirikoa. ²⁵ Marĩ gajinorẽ ĩãbirikererã gũnaturari merã: “Īãrãkoa”, ãrĩ yũrosũ, Marĩpũ pũrugue ĩgũ marĩrẽ tauburire gũnaturari merã yũro gããmea.

²⁶ Marĩ Marĩpure: “¿Naásũ sērẽrõ gããmerĩ?” ãrĩ masĩbirimakũ, Õãgũ deyomarĩgũ marĩrẽ iritamumi. Irasirigũ, marĩ Marĩpure keoro sērẽmasĩbirimakũ, Õãgũ deyomarĩgũ marĩya ããrĩburire Marĩpure õãrõ sērẽbosami. Masaka werenĩrõsũ sērẽbemi. Marĩrẽ bũro bopoñarĩ merã, õãrõ masĩrĩ merã sērẽbosami. ²⁷ Marĩpũ gããmerõsũta Õãgũ deyomarĩgũ marĩ

Īgūyarā āārīburire sērēbosami. Irasirigū Marīpū, āārīpereri marī gūñarīrē masīpeogu, Ōāgū deyomarīgū marīrē sērēbosaridere ōārō masīmi.

Jesucristo turari merā ñerīrē tarinūgāmasīa, ārī gojadea

²⁸ Idere marī masīa. Marīpū Īgū gāāmederosūta marīrē beyedi āārīmī. Irasirigū āārīpereri marīrē Īgūrē maīrārē waaburire āmumi ōārī direta iribu. ²⁹ Neōgoragueta Marīpū marīrē Īgūyarā āārīmurārē masīsiadi āārīmī. Marī neō deyoaburo dupuyurogueta beyesiadi āārīmī, marīrē Īgū magū irirosū āārīburo, ārīgū. Irasirigū Īgū magū marī tīgū āārīmī. Marī Īgū pagupūrā wārā āārā. ³⁰ Neōgoragueta Marīpū Īgūyarā āārīmurārē: “Yū pūrā āārīma”, ārī beyesiadi āārīmī. Irasirigū marīrē Īgū beyenerārē Jesúre būremunūgādoge sīiu: “Ōārā, waja opamerā āārīma”, ārī ĩāmi. Īgū marīrē irasū ārī ĩārārē ūmūgasigue Īgū āārīrōsūta Īgū merā ōārō āārīmakū irigūkumi.

³¹ Marī irire masīrā, ĩnaásū ārīrī? Āsū ārā. Marīpū marīrē iritamumakū, gajerā marīrē ĩaturikererā, neō poyanorēmasībema. ³² Marīpū marī ñerī iridea waja boabosabure Īgū magū Jesucristore iriudi āārīmī. “Yū magūrē maīsīā, iriubea”, ārībiridi āārīmī. Irasirigū Īgū magūrē iriudi āārīsīā, āārīpereri marīya āārīburire ōārī direta sīgūkumi. ³³ Marīpū marīrē Īgū beyenerārē: “Ōārā, waja opamerā āārīma”, ārī ĩāmakū, gajerā marīrē: “Ñerā āārīma”, neō ārī weresāmasībema.

³⁴ Cristo marī ñerī iridea wajare boabosa, masā, ūmūgasigue mūrīadi āārīmī. Irasirigū Marīpū diaye gapū doami. Marīya āārīburire sērēbosanīkōāmi. Irasirirā gajerā Marīpūre marīrē: “Īīsā ñerī iridea waja Īgūsārē wajamoāka!” neō ārīmasībema. ³⁵ Cristo marīrē būro maīmakū, gajerā Īgūrē: “Neō maīnemobirikōāka Īgūsārē!” ārīmasībirikuma. Marī ñerō tarikererū, marī diasaro péñakererū, gajerā marīrē ñerō irikererū, marī ūaboakererū, surī marīrā āārīkererū, goero marīrē āārīkererū, gajerā marīrē wējēkererū, Cristo marīrē maīgū marī merā āārīnīkōāmi. Īgū marīrē maīrīrē neō piribirikumi. ³⁶ Marīpūya werenīrī gojadea pūgue marī waaburire āsū ārī gojasūdero āārībú:

Gūa mūyarā āārīrī waja gajerā gūare ūmūrikū wējēduanīkōāma. Ovejare wējēmurā wējēōgue āārā irirosū gūare yāma, ārī gojasūdero āārībú.*

³⁷ Marī gapū ñerō tarikererā, Cristo marīrē maīgū iritamurī merā, marī āārīpereri ñerīrē tarinūgāa. Irasirirā Īgū merāta gūñaturanemoa. ³⁸ Irasirigū ire ōārō masīa. Marīpū marīrē būro maīmi. Marī Opūre Jesucristore iriugū, Īgū marīrē maīrīrē masīmakū iridi āārīmī. Marī boamakū, o marī yoaripoe okamakū, marīrē maīgū marī merā āārīnīkōāmi. Marīpūre wereboerā, masaka oparā, wātēa oparāde Marīpūre marīrē maīrīrē pirimakū irimasībema. Marīrē gajino irimakū, Marīpū marīrē maīgū marī merā āārīmī. Daporama āārīrī, pūrama āārīburide Marīpūre marīrē maīrīrē pirimakū irimasībirikoa. ³⁹ Marī ūmarōgue waamakū, o ūkūārōgue waamakū, marīrē maīgū marī merā āārīmī. Gajinode Marīpū iridea āārā. Irasiriro iride Īgūrē marīrē maīrīrē pirimakū irimasībea. Marīrē marī Opū Jesucristoyarārē Īgū maīrī neō perebirikoa.

9

Israel bumarā Marīpū beyenerā āārīma, ārī gojadea

¹ Yū, Cristore būremugū āārīgū, diayeta werea mūsārē. Ārīgatobea. Ōāgū deyomarīgūde yū merā āārīgū, yū ārīrīrē: “Diayeta āārā”, ārī masīmakū yāmi. ² Yaarā Israel bumarā Cristore būremubirimakū ĩāgū, būro būjawereri merā gūñarikūa. ³ Īgūsā Īgūrē būremumakū gāāmegū, yū gapū gorawayudūadāa: “Perebiri peamegue wajamoāsūbokuma”, ārīgū. Yū Īgūsārē irasiribosagu Cristore dukawarinūgājagu, Īgūrē neō dupaturi ĩānemobiribokoa. ⁴ Īgūsā, Israel parāmerā āārīturiarā āārīma. Marīpū Īgūsārē: “Yū pūrā āārā”, ārīdi āārīmī.

* 8:36 Sal 44.22

Īgū gosewasiriri merā Īgūsā watope āārīdi āārīmī. Īgūsārē: “Yū, musā Opū āārā. Musā, yaarā āārā”, ārīdi āārīmī. Īgūsārē Īgū dorerire masīburo, ārīgū, Moisére irire pīdi āārīmī. “Yaa wiigue yure buremurā, āsū irika!” ārī pīdi āārīmī. “Musā parāmerā āārīturiarārē ōārō iritamugara”, ārīdi āārīmī. ⁵ Israel pūrā pe mojōma pere su gubu peru pērēbejarāgora, gūa ñekūsāmarā āārīnerā āārīmā. Cristode marī irirosū dupukugū deyoagu Īgūsā parāmi āārīturiagu, Israel bumuta āārīdi āārīmī. Īgū āārīpererā, āārīpereri Opū āārīmi. Irasirirā Īgūrē: “Ōātaria mu”, ārī, usuyari sīnīrā! Irasūta irirā!

⁶ Israel bumarā āārīpererā diayeta Marīpūyarāgora āārībema. Irasirigū Marīpū Israel bumarārē: “Yaarārē āsū irigūra”, ārīdeare Īgūsārē āārīpererārē iribirimakū iāgū: “Marīpū Īgū ārīderosūta iribemi”, ārī gūñabea yū. ⁷ Israel bumarā, Īgūsā ñekū Abraham parāmerā āārīturiarā āārīkerepūru, Marīpū Īgūsārē āārīpererārē: “Diayeta yū pūrā āārīma”, ārī iābemi. Irasirigū Abrahārē: “Mū magū Isaac parāmerā āārīturiarā dita diayeta mū parāmerā āārīturiarā āārīrākuma”, ārīdi āārīmī. ⁸⁻⁹ Marīpū Abrahārē Īgū magū Isaac deyoaburire weregū, āsū ārīdi āārīmī: “Gaji bojori ipapoeta aarigūra doja. Iripoeta mū marāpo Sara majīgūrē pūrākugokumo”, ārīdi āārīmī. Irasirigū Marīpū ārīderosūta Abraham magū deyoadi āārīmī. Irasirirā marī ire masīa. Abraham parāmerā deyoaturawāgārā āārīpererā Marīpū pūrā āārībema. Marīpū ārīdeare buremurā dita diayeta Abraham parāmerā āārīturiarā, Marīpū pūrā āārīma.

¹⁰ Gaji āsū āārā. Isaac, Rebeca merā marāpokūdero pūru, igo ūma pērāgue pūrākūdeo āārīmō. Īgūsā pagū Isaac, gūa ñekū āārīdi āārīmī. ¹¹⁻¹³ Īgū pūrā deyoaburi dupuyuro, Īgūsā ōārīrē, o ñerīrē iriburi dupuyuro Marīpū Īgūsā pago āārībore āsū ārīdi āārīmī: “Īgū tīgū Īgū pagūmurē moāboegukumi”, ārīdi āārīmī. Īgū igore irire ārīderosūta Īgūya werenīrī gojādea pūgue āsū ārī gojasūdero āārībū: “Jacore beyebu. Esāu gapure beyebiribū”, ārī gojasūdero āārībū. Irasirigū Marīpū Jacore beyederosūta Īgūyarā āārīmurārē beyegu, Īgūsā gajino iriburi dupuyuro Īgū gāāmederosūta Īgūsārē: “Yaarā āārīma”, ārīdi āārīmī.

¹⁴ Irire pérā, ¿naāsū gapū ārīrākuri marī? “Sugū gajino iriburi dupuyuro Marīpū Īgūrē beyegu, diaye iribemi”, ¿ārīrākuri? Irasū ārībirikōārā! Marīpū diayeta irigū āārīmi. ¹⁵ Iripoegue Marīpū Moisédere āsū ārīdi āārīmī: “Yū bopoñarī merā iāduarārē bopoñarī merā iāgūra. Yū maīrī merā iāduarārē maīgūra”, ārīdi āārīmī. ¹⁶ Irasirirā ire masīa. Marīpū, Īgū bopoñaduarārē bopoñarī merā iāmi. Masaka Īgūrē bopoñadoremakū meta, Īgūsā ōārō irimakū meta Īgūsārē bopoñarī merā iāmi. ¹⁷ Marīpū Īgūya werenīrī gojādea pūgue āsū ārīdi āārīmī Egipto marā opure, faraōrē: “Yū gāāmerōsūta murē Egipto marā opū āārībure pībū, mū merā yū turarire āārīpererārē Īmubu. Āārīperero marārē, yū turagu āārīrīrē masīdoregū, irasiribū”, ārīdi āārīmī. ¹⁸ Irasirigū Īgū bopoñaduarārē bopoñarī merā iāmi. Īgū dorerire péduamerārē nemorō péduabirimakū yāmi.

¹⁹ Yū irasū ārīrīrē pérā, musā āsū ārībokoa: “Marīpū Īgū basita masakare Īgū dorerire péduabirimakū irikeregū, ¿nasirigū Īgūsārē wajamoāgukuri? ¿Nasirisīā, Īgū gāāmerō irasiririre kāmutamāsībokuri marī?” ārī pūrīwisi sērēñabokoa. ²⁰ Irire irasū ārībirikōāka! Marī masaka ubu āārīrā, Marīpū irinerā āārā. Irasirirā Īgūrē: “¿Nasirigū yure irasū yāri mū?” ārī pūrīwisi sērēñamasībea. Diarisoro irisoro weagore: “¿Nasirigo yure irasū yāri mū?” ārīberosūta marīde Marīpūre irasū ārīmasībea. ²¹ Sorori weago diari merā igo iridūaro irikumō. Irasirigo ōārī soro iridūago, ōārī soro irikumō. Iri diari merāta ubu āārīrī sorodere iridūago, ubu āārīrī soro irikumō. Igo diari merā irirosūta Marīpūde masakare Īgū iridūarosūta yāmi.

²² Marīpū peamegue Īgū béomurārē, Īgūsārē Īgū turari merā būro wajamoāburire masīdoregū, Īgūsā ñerō irire gūñatura, mumurō marīrō Īgūsārē wajamoābemi. ²³ Marī Īgū bopoñarī merā iārā gapure Īgū ōātarigū āārīrīrē masīburo, ārīgū, Īgūsārē irasirigū yāmi. Neōgoragueta marīrē ūmugasigue Īgū āārīrōsūta Īgū merā ōārō āārīmurārē beyedi āārīmī. ²⁴ Marīrē beyegu, surāyeri judío masaka watopegue āārīrārē, gajerā

judío masaka aãrĩmerã watopegue aãrĩrãdere beyedi aãrĩmí, ìgũyarã aãrĩburo, ãrĩgũ.
²⁵ Marĩpũya werenĩrĩ gojadea pũgue ìgũya kerere weredupuyudi Oseas, judío masaka aãrĩmerãyamarẽ ãsũ ãrĩ gojadi aãrĩmí:

Marĩpũ ãsũ ãrĩmí: “Yaarã aãrĩbirinerãrẽ: ‘Yaarã aãrĩma’, ãrĩgũkoa. Yũ maĩbirinerãrẽ: ‘Yũ maĩrã aãrĩma’, ãrĩgũkoa”, ãrĩmí.

²⁶ Marĩpũ: “Mũsã, yaarã meta aãrã”, ãrĩdea nikũ marãrẽ: “Yũ okanígũ pũrãta aãrã”, ãrĩsũrãkuma, ãrĩ gojadi aãrĩmí.✧

²⁷⁻²⁸ Isaías, Israel bumarã gapũre ãsũ ãrĩ gojadi aãrĩmí: “Marĩ Opũ ìgũ ãrĩderosũta i ùmũ marãrẽ mumurõ merã diayeta wajamoãgũkumi. Irasirirã Israel bumarã wadiyama ìmipayeri irirosũ wãrã aãrĩkererã, mërãgã tausũrãkuma”, ãrĩ gojadi aãrĩmí. ²⁹ Ìgũta idere ãrĩ gojadi aãrĩmí doja:

Marĩ Opũ aãrĩpererã nemorõ turagũ, marĩ ñekũsãmarã aãrĩturiarãrẽ mërãgãrẽ taubiri-makũ, marĩ judío masaka aãrĩpererã béosũbonerã aãrĩbũ. Sodoma marãrẽ, Gomorra marãrẽ béoderosũta marĩdere béobodi aãrĩmí, ãrĩ gojadi aãrĩmí.✧

Judío masaka Jesucristoya kerere bũremubiridea

³⁰ Irire pérã, ¿naásũ ãrĩrãkuri? ãsũ aãrã. Judío masaka aãrĩmerã Marĩpũ merã ìgũsã õãrõ aãrĩburire ãmabirikererã, ìgũsã Jesucristore bũremurĩ merã irire bokama. Irasirigũ Marĩpũ ìgũsãrẽ: “Õãrã aãrĩma”, ãrĩ ìãmi. ³¹ Judío masaka gapũ: “Marĩpũ Moisére doreri pídeare marĩ irimakũ, marĩrẽ: ‘Õãrã, waja opamerã aãrĩma’, ãrĩ ìãgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpũ merã õãrõ aãrĩbema.

³² ¿Nasirirã Marĩpũ merã õãrõ aãrĩberi? Jesucristore bũremurõ marĩrõ ìgũsã basi Marĩpũ Moisére doreri pídeare iridea merã gapũ, Marĩpũ merã õãrõ aãrĩduadima. Irasirirã Cristore Marĩpũ iriudire bũremumerã, Marĩpũ pũrogue neõ waabirikuma. Ìgũsã ùtãye, maa deko píadeayegue gubu tuameémejãnerã irirosũ aãrĩrãkuma. ³³ Marĩpũya werenĩrĩ gojadea pũgue Marĩpũ ìgũ magũrẽ iriburire ãsũ ãrĩ gojasũdero aãrĩbũ:

Sugũ yũ iriubure ùtãye irirosũ aãrĩgũrẽ Jerusalẽgue pígũra. Ìgũrẽ bũremumerã, iri yegue gubu tuameémejãrã irirosũ aãrĩrãkuma. Irasirirã yũ pũrogue neõ ejabirikuma. Ìgũrẽ bũremurã gapũ: “Ìgũrẽ ubugorata bũremukubũ”, ãrĩbirikumã. Yũ pũro ejarãkuma, ãrĩ gojasũdero aãrĩbũ.✧

10

¹ Yaarã, yũ Israel bumarãrẽ Marĩpũ ìgũ tauburire bũro gããmea. Irasirigũ ìgũrẽ ìgũsãya aãrĩburire bũro sërẽbosáa. ² Diayeta ìgũsã Marĩpũ gããmerĩrẽ bũro iridũakererã, ìgũ gããmerĩrẽ õãrõ pëmasĩbema. ³ Marĩpũ marĩrẽ Jesucristore bũremurĩ merã: “Õãrã aãrĩma”, ãrĩ ìãrĩrẽ masĩbema. Irasirirã ìgũsã basi õãrĩrẽ iridũakererã, Marĩpũ Jesucristore bũremudoregũ iriudire bũremubema. Irasirigũ Marĩpũ ìgũsãrẽ: “Õãrã aãrĩma”, ãrĩ ìãbemi. ⁴ Cristo aãrĩpereri Marĩpũ Moisére doreri pídeare iripeodi aãrĩmí. Irasirigũ Marĩpũ aãrĩpererã Cristore bũremurãnorẽ: “Õãrã, waja opamerã aãrĩma”, ãrĩ ìãmi.

⁵ Moisés ãsũ ãrĩ gojadi aãrĩmí: “Marĩ, Marĩpũ dorerire aãrĩpereri iripeomakũ, Marĩpũ marĩrẽ: ‘Õãrã, waja opamerã aãrĩma, yũ merã õãrõ aãrĩrãkuma’, ãrĩ ìãgũkumi”, ãrĩ gojadi aãrĩmí. ⁶ Marĩpũ marĩrẽ: “Õãrã, waja opamerã aãrĩma”, ãrĩ ìãrĩ gapũ ãsũ aãrã. Marĩ Cristore bũremumakũ, Marĩpũ marĩrẽ: “Õãrã aãrĩma”, ãrĩ ìãgũkumi. Irasirirã ãsũ ãrĩ gũñabirikõãka: “¿Noã Cristore ùmũgasigue aãrĩgũrẽ ãrdijugũkuri marĩrẽ taudoregũ?” ãrĩ gũñabirikõãka! Cristo i ùmũguere marĩrẽ taugũ ejasiadi aãrĩmí. ⁷ Irasirirã doja: “¿Noã, boanerã aãrĩrõgue ùkũãrĩ gobegue dijagũkuri Cristore siiu mũrĩribu?” ãrĩ gũñabirikõãka! Marĩ basi irire irimasĩña máa. Ìgũ boa, masã, mũrĩasiadi aãrĩmí. ⁸ Marĩpũya werenĩrĩ gojadea pũgue ãsũ ãrĩ gojasũdero aãrĩbũ: “Marĩpũya kerere mũsã pësiáa. Irire mũsãya

disi merã werenía. Musãya gũnarĩgue: ‘Diayeta ããrã iri’, ãrĩ gũñáa”, ãrĩ gojasũdero ããrĩbú. Irire, marĩrẽ Jesucristo tauri kerere diayeta b̄remua. Irasirirã masakare irireta werea. ⁹ Irasirirã marĩya disi merã: “Jesús, ȳ Op̄ ããrĩmi”, ãrĩ werenímakũ, marĩya gũnarĩgue: “Ígũ boadero p̄r̄, Marĩp̄ ããrĩrẽ masũdi ããrĩmĩ”, ãrĩ b̄remumakũ, Marĩp̄ marĩrẽ perebiri peamegue waabonerãrẽ tauḡkumi, ãgũ merã õãrõ ããrĩníkõãburo, ãrĩgũ. ¹⁰ Marĩp̄, marĩ Jesucristore b̄remumakũ, marĩrẽ: “Õãrã, waja opamerã ããrĩma”, ãrĩ ããrĩmĩ. Marĩ gajerãrẽ: “Jesucristo ȳre tauḡ ããrĩmi, ãgũrẽ b̄remua”, ãrĩ weremakũ, marĩrẽ peamegue waabonerãrẽ ãgũ taumurã ããrĩmakũ yãmi.

¹¹ Marĩp̄ya werenĩrĩ gojadea pũgue: “Neõ suḡ ããrĩrẽ b̄remugũ: ‘Ígũrẽ ubugorata b̄remukubũ’, ãrĩbirikumi”, ãrĩ gojasũdero ããrĩbú. ¹² Marĩp̄, ããrĩpererã Op̄ ããrĩmĩ. Irasirigũ judío masakare, judío masaka ããrĩmerãdere s̄rosũta ããrĩmĩ. Irasirigũ ããrĩpererãrẽ ããrĩrẽ b̄remurĩ merã s̄rẽrãrẽ õãrĩrẽ wãri s̄ḡkumi. ¹³ Marĩp̄ya werenĩrĩ gojadea pũgue ããrĩ ããrĩrẽ gojasũdero ããrĩbú: “‘Ȳ Op̄, ȳ ñerõ irideare ȳre kãtika!’ ããrĩ s̄rẽrãno tausũrãkuma. Peamegue wajamoãsũbirikuma”, ããrĩ gojasũdero ããrĩbú. ¹⁴ Irasũ ããrĩkererũ, marĩ Op̄re: “Diayeta marĩrẽ tauḡ ããrĩmi”, ããrĩ b̄remumerã, ããrĩrẽ s̄rẽmasĩbema. Ígũya tauri kerere p̄merã, ããrĩrẽ b̄remumasĩbema. Ígũya kerere ããrĩsãrẽ wererũ marĩmakũ, irire masĩbirikuma. ¹⁵ Marĩp̄ ããrĩrẽ kerere weremurãrẽ iriubirimakũ, irire wererã waabirikuma. Ígũya werenĩrĩ gojadea pũgue ããrĩ ããrĩrẽ gojasũdero ããrĩbú: “Marĩp̄ya õãrĩ kerere, ããrĩ merã õãrõ siuñajãrĩ opari kerere wererã ejamakũ ããrĩrã, marĩ b̄ro usuyãa”, ããrĩ gojasũdero ããrĩbú.

¹⁶ Iri Marĩp̄ masakare tauri kere ããrĩkererũ, wãrã p̄d̄abema. Isaías ããrĩrẽ ããrĩrẽ gojadi ããrĩmĩ: “Ḡ Op̄, ããrĩrẽ ḡ wererire p̄d̄abema”, ããrĩ gojadi ããrĩmĩ. ¹⁷ Irasirirã Cristoya kerere weremakũ p̄duripĩrã, ããrĩrẽ b̄remurãkuma.

¹⁸ Irasirigũ ire s̄rẽñaduakoa musãrẽ. ¿Israel bumarã iri kerere p̄biriyuri? P̄nerã ããrĩmã. Marĩp̄ya werenĩrĩ gojadea pũguedere irasũta ããrĩrẽ gojasũdero ããrĩbú: Marĩp̄yare wererimasã ããrĩpererogue marãrẽ ããrĩrẽ kerere wererã waama. Irasiriro ããrĩrẽ wererĩ i ããrĩrẽ ããrĩpererogue seyakõã, ããrĩrẽ gojasũdero ããrĩbú.*

¹⁹ Dupaturi musãrẽ s̄rẽñaduakoa doja. ¿Israel bumarã p̄kererã, õãrõ p̄masĩbiriyuri? P̄masĩnerã ããrĩrẽ ããrĩrẽ. Ȳ irire werenemogũ, Moisés ããrĩrẽ wererũorigũra. ããrĩrẽ ããrĩrẽ gojadi ããrĩmĩ:

Marĩp̄ Israel bumarãrẽ ããrĩrẽ ããrĩrẽ: “Ubu ããrĩrãrẽ, yaare p̄masĩmerãrẽ yaarã ããrĩmakũ irigũra. Ȳ irasirimakũ ããrĩrã, musã gap̄ ããrĩrẽ ããrĩrẽ ããrĩrẽ. Irasirigũ musãrẽ ããrĩrẽ merã guamakũ irigũkõã”, ããrĩrẽ, ããrĩrẽ gojadi ããrĩmĩ Moisés.*

²⁰ P̄r̄ Isaíade: “Irasũ ããrĩbokõã”, ããrĩ, gũiri marĩrõ ããrĩ ããrĩnemopeodi ããrĩmĩ:

ããrĩrẽ ããrĩrẽ Marĩp̄: “Ȳre ããrĩrẽ gap̄ ȳre bokama. Irasirigũ ȳre masĩmerãrẽ ȳre masĩmakũ iribũ”, ããrĩrẽ, ããrĩrẽ gojadi ããrĩmĩ Isaías.*

Judío masaka ããrĩmerã Marĩp̄yarã ããrĩburire wererũ irasũ ããrĩrẽ gojadi ããrĩmĩ. ²¹ Israel bumarã gap̄re ããrĩrẽ ããrĩrẽ gojadi ããrĩmĩ: “ããrĩrẽ ããrĩrẽ Marĩp̄: ‘Ëmurikũ ȳ merã õãrõ ããrĩduarã aarika!’ ããrĩrẽ ããrĩrẽ. ‘Ígũsã gap̄ ȳ dorerire tarinũgãrã, ȳre p̄d̄abirima’, ããrĩrẽ”, ããrĩrẽ gojadi ããrĩmĩ Isaías.

11

Marĩp̄ Israel bumarãrẽ beyedeamarẽ gojadea

¹ Irasirigũ musãrẽ ire s̄rẽñagũra. ¿Marĩp̄ Israel bumarãrẽ: “Yaarã ããrĩma”, ããrĩdero p̄r̄, ããrĩrẽ b̄okõãyuri? B̄obiridi ããrĩmĩ. Ȳde Israel bumũ, Abraham parãmi ããrĩturiaguta Benjamĩya bumũ ããrĩrã. ² Iripoegue Marĩp̄ Israel bumarãrẽ ããrĩrã ããrĩburo, ããrĩrẽ, beyedi ããrĩmĩ. Ígũ irasũ beyenerãrẽ b̄obemi. Musã Marĩp̄ya kerere

* 10:18 Sal 19.4 * 10:19 Dt 32.21 * 10:20 Is 65.1

weredupuyudi Elías ĩgũrẽ: “Israel bumarã waja opama”, ãrĩdeare masĩkoa. Irire Marĩpũya werenĩrĩ gojadea pũgue ãsũ ãrĩ gojadi ããrĩmĩ: ³ “Yũ Opũ, Israel bumarã mũya kerere weredupuyurimasãrẽ wẽjẽkõãma. Mũrẽ sĩdea soepeorore tuúmeédijukõãma. Irasirigũ ĩgũsã watope yũ sugũta mũrẽ bũremua. Yũ irasũ ããrĩmakũ ĩãrã, yũdere wẽjẽdũama”, ãrĩ gojadi ããrĩmĩ. ⁴ ĩgũ irasũ ãrĩmakũ pẽgu, Marĩpũ ãsũ ãrĩ yũjudi ããrĩmĩ: “Mũ, sugũta ããrĩbea. Yaarã siete mil ããrĩma. ĩgũsãrẽ iritamubũ. Irasirirã yũre õãrõ bũremuma. Baal wãĩkũgũ keori weadeare neõ bũremubema. Irasirigũ mũrẽ wẽjẽdũarãrẽ gũibirikõãka!” ãrĩdi ããrĩmĩ. ⁵ Elías ããrĩripoe Marĩpũ ĩgũ beyenerãrẽ iritamuderosũta daporadere Israel bumarã watopere surãyeri ĩgũ beyenerãrẽ iritamumi. Irasirirã ĩgũrẽ bũremuma. ĩgũsãrẽ bopoñarĩ merã ĩãsiã, beyedi ããrĩmĩ. ⁶ ĩgũsã iririkũrere ĩãgũ meta beyedi ããrĩmĩ. ĩgũsãrẽ bopoñagũ beyedi ããrĩmĩ. ĩgũsã õãrõ iriadero pũru ĩgũsãrẽ beyegũ, bopoñagũ meta iribokumi. ĩgũsã õãrĩrẽ iridea waja ããrĩbokuyo.

⁷ ãsũ ããrã. Israel bumarã ĩgũsã iriri merã, Marĩpũ ĩgũsãrẽ: “Õãrã ããrĩma”, ãrĩ ĩãmakũ gããmekererã, ĩgũsã Marĩpũ merã õãrõ ããrĩburire neõ bokabema. Irasirirã Marĩpũyare neõ pẽmasĩmerã dujama. Marĩpũ beyenerã gapũ ĩgũ merã õãrõ ããrĩma. ⁸ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũrẽ gããmemerãrẽ ĩgũyare pẽmasĩbirimakũ yãmi. Irasirirã diayemarẽ pẽkererã, pẽmasĩbema. ĩgũ iririre ĩãkererã, ĩãmasĩbema. Daporaguedere irasũta ããrĩnikõãma”, ãrĩ gojasũdero ããrĩbũ.

⁹ Davide ãsũ ãrĩdi ããrĩmĩ Marĩpũre: Israel bumarã bosenũrĩ irirã ñerõ yãma. Irasirigũ, ĩgũsã ñerĩrẽ iriri merã ĩgũsãrẽ wajamoãsumurã ããrĩmakũ irika!

¹⁰ ĩgũsãrẽ pẽmasĩmerã, koye ĩãmerã irirosũ waamakũ irika! Ɛmũrikũ nukũrĩ ũũmarã sũgũ pũrĩsũrã irirosũ ñerõ tarimakũ irika! ãrĩdi ããrĩmĩ David Marĩpũre.*

Marĩpũ judío masaka ããrĩmerãrẽ taugũkumi, ãrĩ gojadea

¹¹ Gaji mũsãrẽ sërẽñanemogũra. ¿Judío masaka Jesucristore bũremubirimakũ, Marĩpũ ĩgũsãrẽ béopeokõãyuri? Béopeobiridi ããrĩmĩ. ĩgũsã Cristore irasũ bũremubirimakũ, daporare judío masaka ããrĩmerã gapũ Marĩpũ taumurã ããrĩma. ĩgũsãrẽ ĩgũyarã waamakũ yãmi, judío masakade ĩgũsãrẽ ĩãkũĩ, ĩgũsãde Cristore bũremuburo, ãrĩgũ. ¹² Judío masaka Cristore bũremubirisĩã, Marĩpũ ĩgũsãrẽ: “Yũ pũrãrẽ õãrĩ sĩgũra”, ãrĩdeare opabema. Irasirirã judío masaka ããrĩmerã gapũ Cristore bũremurã, irire oparãkuma. Pũru judío masaka Cristore bũremumakũ, ããrĩpererãrẽ i ũmũ marãrẽ nemorõ õãrõ waarokoa.

¹³ Daporare mũsãrẽ judío masaka ããrĩmerãrẽ weregũra. Jesucristo yũre mũsãrẽ judío masaka ããrĩmerãrẽ ĩgũya kerere weredoregũ pími. Ire weregũ, ubugora irigũ meta yãa. ¹⁴ ĩgũyare weregũ, gajipoe irigũ surãyeri yaarãrẽ judío masakare mũsãrẽ ĩãkũĩmakũ iribokoa, ĩgũsãde Jesucristore bũremuburo, ãrĩgũ. ĩgũrẽ bũremurã, tausũrãkuma ĩgũ merã õãrõ ããrĩmurã. ¹⁵ Marĩpũ judío masakare Cristore bũremumerãrẽ béomakũ, gajerã gapũ ĩgũ merã siuñajãrĩ opama. Judío masakade ĩgũrẽ bũremumakũ, õãtarirokoo. ĩgũsã boanerãgue masãnerã irirosũ Marĩpũ merã perebiri okarire oparãkuma. ¹⁶ ãsũ ããrã. Pã iriri merã suru iripũroridiru Marĩpũre sĩmakũ, ããrĩpereri iri pã iriri Marĩpũya ããrã. Yuku nũgũrĩ Marĩpũya ããrĩmakũ, irigũ dũpũride ĩgũya ããrã. Gũa ñekũ Abraham, irigũ nũgũrĩ irirosũ ããrĩdi ããrĩmĩ. Marĩ Jesucristore bũremurã Abraham parãmerã ããrĩturiarã ããrã. Irasirigũ Marĩpũ ĩgũrẽ: “Yaagũ ããrĩmĩ”, ãrĩ ĩãderosũta marĩdere: “Yaarã ããrĩma”, ãrĩ ĩãmi.

¹⁷ Judío masaka olivogũ dũpũri irirosũ ããrĩma. ĩgũsã irasũ ããrĩkerepũru, su dũpũrere ditibéoderosũ Marĩpũ surãyeri ĩgũsãrẽ béodi ããrĩmĩ. Pũru iri dũpũri ããrĩderore gajigũ olivo makãnúmũma dũpũrere purĩñeãtuadoregũ, wiiri, puũñeãturosũ iridi ããrĩmĩ. Irasiriderosũ mũsãrẽ judío masaka ããrĩmerãrẽ ĩgũyarã ñajãmakũ iridi ããrĩmĩ. Irasirirã mũsã judío masaka ããrĩbirikererã, ããrĩpereri Marĩpũ Abraham parãmerã ããrĩturiarãrẽ õãrĩrẽ sĩgũra,

* 11:10 Sal 69.22-23

ārīdeare mūsāde ñeānerā āārībú. ¹⁸ Mūsārē ĩgũ irasirimakũ: “Gũa judío masaka nemorõ õārā āārā”, ārĩ gũñabirikõāka! Ire gũñaka! Judío masaka olivogu Marĩpu otedi irirosũ āārĩma. Mūsā gapu irigugue ĩgũ āitũdea dupuri irirosũ āārā. Irasirigu judío masaka merā mūsārē iritamumi. Mūsā merā meta ĩgũsārē iritamumi.

¹⁹ Mūsā judío masaka āārĩmerā gapu āsũ ārĩbokoa: “Surāyeri judío masakare, olivogu dupurire ditibéoderosũ Marĩpu ĩgũsārē béodi āārĩmĩ. Irasũ béogu, gaji dupurire irigugue ĩgũ āitũderosũ marĩrē pídi āārĩmĩ, ĩgũyarā āārĩmurārē”, ārĩbokoa mūsā. ²⁰ Irasũta āārā. ĩgũsā Jesucristore buremubiridea waja Marĩpu ĩgũsārē béodi āārĩmĩ. Irasirigu mūsādere Cristore buremubirimakũ, ĩgũyarā āārĩmakũ iribiribodi āārĩmĩ. Irasirirā: “Gũa judío masaka nemorõ õārā āārā”, ārĩ gũñabirikõāka mūsā! Irasũ ārĩmerāta Marĩpure õārõ gopeyari merā buremuka! ²¹ Purorima dupuri irirosũ judío masaka Marĩpuyarā āārĩpurorinerā āārĩmā. Mūsā gapu ĩgũsā puru ĩgũyarā waanerā āārībú. Irasirigu Marĩpu ĩgũyarā āārĩpurorinerā ĩgũrē buremubirimakũ, ĩgũsārē béodi āārĩmĩ. Mūsā ĩgũrē buremubirimakũ, ĩgũsārē béoderosũta mūsādere béogukumi. ²² Marĩpu õārõ irigu bopoñarĩrē, ĩgũ turari merā wajamoārĩrē pémasĩka! ĩgũrē buremumerārē wajamoāgukumi. Irasirikeregu, mūsā piriro marĩrõ ĩgũrē buremunĩmakũ, mūsārē õārõ irigukumi. ĩgũrē buremubirimakũ, ñerĩ dupurire ĩgũ ditibéoderosũta mūsādere béogukumi. ²³ Judío masaka ĩgũ béosũnerā Jesucristore buremumakũ, ĩgũsārē yuku dupurire ditibéodeare dupaturi iriguguetā āitũro irirosũ irigukumi, ĩgũyarā ñajāmakũ irigu. ĩgũ suguta ĩgũ turari merā irire irimasĩmi. ²⁴ Mūsā judío masaka āārĩmerā olivo makāñũmũma dupuri irirosũ āārā. Judío masaka gapu ĩgũ beyepurorinerā āārĩmā. Olivogu Marĩpu otedi irirosũ āārĩma. Mūsā irigugue ĩgũ āitũdea dupuri irirosũ āārā. Irasirigu Marĩpu mūsārē ĩgũyarā ñajāmakũ iridi āārĩmĩ. Mūsārē irasirikeregu, judío masakare ĩgũ beyepurorinerā gapure mūsā nemorõ ĩgũyarā dupaturi ñajāmakũ irimasĩmi.

Purugue Israel bumarārē Marĩpu taugukumi, ārĩ gojadea

²⁵ Yaarā, masaka iripoegue masĩbirideare, Marĩpu ĩgũ gũñaderosũta iriburire weregura mūsārē: “Gũa judío masaka nemorõ masĩpeokõāa”, ārĩ gũñabirikõāburo, ārĩgũ. Wārā judío masaka Marĩpuyarē pémasĩturabema dapa. Marĩpu judío masaka āārĩmerārē: “Buremurākuma”, ārĩnerākuta Cristore buremudero puru, judío masakade buremurākuma. ²⁶ ĩgũsā irasũ buremumakũ, āārĩpererā Israel bumarārē Marĩpu ĩgũsā peamegue waabonerārē taugukumi. ĩgũya werenĩrĩ gojadea pũgue āsũ ārĩ gojasũdero āārībú:

Jerusalēgue, Siõn wāĩkari makāgue, judío masakaya makāgue ĩgũsārē taubu aarigukumi.

ĩgũsārē Jacob parāmerā āārĩturiarārē ĩgũsā ñerĩrē béogukumi.*

²⁷ Marĩpu āsũ ārĩmi: “ĩgũsārē ñerĩrē béogu, yu ĩgũsārē ārĩdeare irigukoa”, ārĩ gojasũdero āārībú.*

²⁸ Inuguerē wārā judío masaka Jesucristoya kerere péduamerā, Marĩpure ĩaturirā āārĩma. ĩgũsā irasũ āārĩmakũ, mūsā judío masaka āārĩmerā gapu Cristore buremunugābu. Irasirigu Marĩpu judío masaka ñekūsāmarā ĩgũ beyenerā ĩgũsā āārĩmakũ, ĩgũsārē āārĩturiarādere maĩmi. ²⁹ “ĩgũsārē õārĩrē sĩgura”, ārĩ gũñadeare gorawayubemi. ĩgũ ārĩderosũta ĩgũ beyenerārē õārĩrē diayeta sĩgukumi. ³⁰ Iripoeguere mūsāde Marĩpu dorerire tarinugānerā āārībú. Inuguerē judío masaka Marĩpu dorerire ĩgũsā tarinugāmakũ ĩāgũ, mūsā gapure bopoñarĩ merā ĩāmi. ³¹ Daporare judío masaka ĩgũ dorerire tarinugārā āārĩma. ĩgũsā irasũ āārĩkerepuru, Marĩpu mūsārē bopoñarĩ merā ĩārõsũta, ĩgũsādere bopoñarĩ merā ĩāmi. ³² Āsũ āārā. Marĩpu āārĩpererā masakare

* 11:26 Is 59.20 * 11:27 Jer 31.33-34

Īgū dorerire Īgūsā tarinugāmakū, Īgūsārē peresu irigu irirosū iridi āārīmí, p̄r̄ugue Īgū āārīpererārē bopoñarī merā Īārīrē masīburo, ārīgū.

³³ Marīp̄u marīrē bopoñatarigu, turatarigu, āārīpererire masīpeogu āārīmi. Irasirirā marī Īgū gūñarīrē, Īgū iriburire oārō pémasībea. ³⁴ Āsū ārī gojasūdero āārībú Marīp̄uya werenīrī gojadea p̄ugue: “Masaka marī Op̄u gūñarīrē oārō pémasībema. Irasirirā Īgūrē: ‘Āsū irika!’ ārī weremasībema. ³⁵ Marīp̄ure gajino sī, p̄r̄u: ‘Marīrē wajamomi’, neō ārīmasībema”, ārī gojasūdero āārībú. ³⁶ Marīp̄u āārīpererire iridi āārīmí. Īgū turari merā āārīpererire āārīmakū iridi āārīmí. Irasiriro āārīpereri Īgūya dita āārā. Irasirirā āārīpererā Īgūrē: “Ōātaria m̄u”, ārī, us̄yari sīnīkōārā! Irasūta irirā!

12

Marīp̄u dorerire irinīkōāka! ārī gojadea

¹ Yaarā, Marīp̄u marīrē b̄uro bopoñarī merā Īāmi. Irasirirā marīrē Īgūrē b̄uremurā waib̄u sīunaderosūta daporare marī basita sīrō gāāmea. Irasirirā marī okaro bokatīūrōpā Īgūyarā āārīrā Īgū dorerire oārō irinīkōārā! Īgūrē marī merā us̄yamakū gāāmerā, irasirirākoa. Āsū iriro gāāmea marīrē Īgūrē b̄uremurārē. ² I ūm̄u marā Īgūsā ñerī iririk̄urire neō irinemobirikōārā! Āsūpero gap̄u ārīrā! Marīp̄ure: “Ḡua gūñarīrē oārī gap̄ure gorawayuwāgānīkōāka!” ārīrā! Īgū marīrē gorawayumakū, marī Īgū gāāmerīrē: “Āsū āārā”, ārī masīrākoa. Īgū gāāmerī, oārī dita āārā. Iri, ñerī marīrī āārā. Marī Īgū gāāmerīrē irirā, Īgūrē us̄yamakū irirākoa.

³ Marīp̄u ȳure oārō irigu, m̄usārē Īgūya kerere weredoreḡu beyedi āārīmí. Irasirigu m̄usārē āārīpererārē āsū ārī wereḡura. Neō suḡu irimasībirikereḡu: “Ȳu irikōāmasīa”, ārī gūñabirikōārō gāāmea. Marī irimasīrī direta: “Diaye irimasīa”, ārī gūñarō gāāmea. Irasirirā marī masakak̄u āsū ārī gūñarā: “Marīp̄u ȳure irimasīrī p̄ideare Īgūrē ȳu b̄uremurō oparosūta ȳu bokatīūrō irimasīa”, ārī gūñarā! ⁴ Suḡu masak̄uya dup̄u āsū āārā. Su dup̄u āārīkerero, w̄ari opāa. W̄ari āārīkerero, s̄urosū moābea. ⁵ I irirosūta marī Jesucristore b̄uremurā w̄arā āārīkererā, Īgū merā āārīrā suḡuya dup̄u irirosū āārā. Irasirirā marī āārīpererā su dup̄uma moārō irirosū yāa.

⁶ Irasirigu Marīp̄u marīrē maīgū, marī masakak̄ure gajerosūperi dita marī irimasībure p̄idi āārīmí. Irasirirā irire oārō iriro gāāmea. Marīrē Īgūya kerere weretaudoreḡu p̄imakū, marī Īgūrē b̄uremurō oparosūta Īgūyare gajerārē oārō weretauro gāāmea. ⁷ Marīrē gajerārē iritamudoreḡu p̄imakū, Īgūsārē oārō iritamurō gāāmea. Gajerārē Īgūyare bue-doreḡu p̄imakū, Īgūsārē oārō buero gāāmea. ⁸ Marīrē gajerārē gūñaturamakū irimurārē p̄imakū, irire oārō iriro gāāmea. Marīrē gajerārē Īgūsā gāāmerīrē sīmurārē p̄imakū, gajinorē sīrā oārō us̄yari merā sīrō gāāmea. Marīrē gajerārē doremurārē p̄imakū, oārō merā dorero gāāmea. Marīrē gajerārē bopoñarī merā iritamumurārē p̄imakū, Īgūsārē iritamurā us̄yari merā iritamurō gāāmea.

Jesucristore b̄uremurā āsūpero āārīdorea, ārī gojadea

⁹ Gajerārē maīrā, diayeta maīka! Ñerīrē dooka! Ōārī gap̄u direta iriwāgānīka! ¹⁰ M̄usā Jesucristore b̄uremurā, suḡu p̄ūrā gāme maīrōsūta m̄usā merāmarā merā gāme maīka! Īgūsāya āārīburire m̄usāya nemorō gūñaka! B̄uremurī merā oārō gāme iritamuka!

¹¹ Marī Op̄u dorerire irirā, neō tébori marīrō oārō us̄yari merā irika!

¹² “Marīp̄u oārō iritamuḡukumi ȳure”, ārī, us̄yari merā Īgū iritamuburire yúka! Irasirirā ñerō tarirā, Marīp̄ure piriro marīrō s̄urosū gūñaturari merā b̄uremunīkōāka! Īgūrē irasū s̄erēnīkōāka!

¹³ Jesucristore b̄uremurā gajino gāāmemakū Īārā, m̄usā opari merā Īgūsārē iritamuka! M̄usāya wiiriḡue ejarārē oārō bokatīrīñeāka!

14 Musārē ñerō irirārē ĩgūsāya āārĩburire Marĩpũre sērēbosaka! “Īgūsā yũre ñerō iriri waja ĩgūsārē wajamoāka!” ārĩ sērēbirikōāka!

15 Gajerā usuyamakũ ĩārā, ĩgūsā merā musāde usuyaka! Gajerā oremakũ ĩārā, musāde ĩgūsā merā oreka!

16 Gajerā merā sũrosũ usuyari merā āārĩrikũka! “Yũ gajerā nemorō oāgũ āārā”, ārĩ gũñabirikōāka! Ubu āārĩrā merādere oārō āārĩrikũka! “Masĩtarinũgāgũ āārā yũ”, ārĩ gũñabirikōāka!

17 Gajerā musārē ñerō irikererũ, ĩgūsārē ñerō iri gāmibirikōāka! Ñerĩ gapũre irirono irirā, āārĩpererā masaka ĩũrōrē oārĩ gapũre irika! 18 Āārĩpererā merā musā oārō āārĩrikũburosũta musā bokatĩũrō oārĩrē irika! 19 Yaarā yũ maĩrā, gajerā musārē ñerō irikererũ, ñerō iri gāmibirikōāka! Musā basi ĩgūsārē wajarākũbirikōāka! Marĩpũ gapũ musārē ñerō irinerārē wajamoāgũkumi. ĩgũya werenĩrĩ gojadea pũgue āsũ ārĩ gojasũdero āārĩbũ: “Marĩ Opũ āsũ ārĩmi: ‘Yũ gapũ, masaka ñerō iridea waja ĩgūsārē wajamoāgũ āārā. ĩgūsārē diayeta wajamoāgũra’, ārĩmi”, ārĩ gojasũdero āārĩbũ. 20 Gaji āsũ ārĩ gojasũdero āārĩbũ: “Mũrē ĩaturigũ uaboamakũ ĩāgũ, baari ejoka! ĩgũ ñemesibusũmakũ ĩāgũ, ĩĩrĩrĩ tĩāka! Mũ irasirimakũ, ĩgũ mũrē ñerō irideare gũyasĩrĩgũkumi”. 21 Irasirirā musārē ñerō irinerārē ñerō iri gāmibirikōāka! Ñerĩ gapũre irirono irirā, ĩgūsārē oārō irika! Irasiriri merā ñerĩ iririre tarinũgārākoa.

13

1 Marĩpũ dita i ũmũ marā oparārē sóomi. ĩgũ pĩnerā āārĩma. Irasirirā āārĩpererā ĩgūsārē oārō yũjũka! 2 Sugũ oparārē tarinũgāgũno, Marĩpũ pĩnerārē tarinũgāgũ yámi. Marĩpũ ĩgūsārē tarinũgārārē wajamoāgũkumi. 3 Oparā, oārō irirārē gũimakũ iribema. Ñerō irirā gapũre gũimakũ yáma. Gũimerāta āārĩrikũduarā, oārō irika! Irasirimakũ, oparā musārē: “Oārō yáa”, ārĩrākuma. 4 Marĩpũ ĩgūsārē musāya āārĩburire iritamudoregũ pĩdi āārĩmĩ. Irasirirā ñerō irirā gũika! Oparā, ñerĩ irirārē wajamoārā, Marĩpũ dorero irirāta yáma. Marĩpũ ñerō irirārē wajamoādoregũ oparārē pĩdi āārĩmĩ. 5 Irasirirā oparā marĩrē doremakũ, bũremurĩ merā ĩgūsā dorerire oārō yũjũro gāāmea. Wajamoārĩ, ārĩrā dita yũjubirikōārō gāāmea. “Marĩpũ ĩũrō ĩgũ gāāmerĩrē iridũakoa”, ārĩ gũñarĩ merā ĩgūsā dorerire oārō yũjũro gāāmea. 6 Oparā ĩgūsā moārĩrē oārō irirā, Marĩpũre moāboerā irirosũ āārĩma. Irasirirā ĩgūsā wajasearopā keoro wajarika!

7 Āārĩpererā oparā dorerosũta keoro irika! ĩgūsā wajaseamakũ wajarika! ĩgūsā gajinorē irimurā wajaseamakũde wajarika! Irasirirā musā oparārē bũremuka! ĩgūsārē gopeyari merā ĩāka!

8 Neō gajerārē wajamorĩrē opabirikōāka! ĩgūsārē wajamorĩrē oparono irirā, maĩrĩ gapũre opaka! Sugũ ĩgũ bokajagũnorē maĩrĩ merā iritamugũno, Marĩpũ doreri pĩdeare keoro irigũ yámi. 9 Āsũ ārā Marĩpũ doreri pĩdea: “Gajigũ marāpo merā, nomede gajego marāpũ merā ñerō iribirikōāka! Masakare wējēbéobirikōāka! Yajabirikōāka! Gajerāyamarē ārĩgatori merā werebirikōāka! Gajerāyare uaribejabirikōāka!” ārĩ werea. Gaji ĩgũ doreri pĩdea āsũ ārā: “Mũ basi maĩrōsũta mũ pũro āārĩrādere maĩka!” ārĩ werea. Musā gajerārē maĩrā, Marĩpũ doreri pĩdea āārĩpererire irirā yáa. 10 Gajerārē maĩgũno, ĩgūsārē neō ñerō iribemi. Irasirigũ ĩgūsārē maĩgũno, Marĩpũ doreri pĩdeare iripeogũ yámi.

11 I āārĩpererire gũñaka! Irasirirā pėmasĩka! Kārĩrā irirosũ āārĩbirikōāka! Marĩ iripoegue Jesucristoya kerere bũremupũrorirā, ũmũgasigue marĩ waaburi dũyataria, ārādibu. Daporare marĩ masĩa. Jesucristo dupaturi aariburo mērō dũyáa. 12 Irasiro boyomũrĩro irirosũ āārā. Irire masĩrā, ñerĩrē masaka naĩtĩārōgue iririre pirirā! Oārĩrē boyorogue masaka ĩũrō iriri gapũre irirā! Marĩ irasirirā, Marĩpũ turari merā ñerĩ iririre pirikōārākoa. 13 Irasirirā masaka ũmũ merā deyorogue oārĩrē irirā irirosũ irirā! Bosenũrĩ āārĩmakũ, mejā, gainĩbirikōārā! Nome merā ñerō iribirikōārā! Nomede ũma merā ñerō

iribirikõãburo. Gajerã merã gãme guaseobirikõãrã! Gajerãyare ububirikõãrã! ¹⁴ Æsũ gapu ããrĩrikurã! Marĩ Opu Jesucristo iritamurĩ merã ãgũ irirosũ õãrõ ããrĩrikurã! Marĩ ñerĩ uribejarire iridurire pirikõãrã!

14

Marĩ Jesucristore buremurã gãme werewurabirikõãrõ gããmea

¹ Sugũ Jesucristore buremuturabi ããrĩkeregũ, ãgũ musã merã ããrĩduramakũ, ãgũrẽ werewuraro marĩrõ ñeãka! ãgũrẽ ñeãrã, Marĩpuyare masĩbirimakũ ããrã, ãgũ merã guaseobirikõãka! ² Gajerã surãyeri Jesucristore buremurã: “Marĩ ããrĩpereri baamakũ õãgorãa”, ãrĩma. Gajerã gapu Jesucristore buremuturamerã: “Marĩ waibu diĩ baarã, Marĩpu dorerire tarinũgãbokoã”, ãrĩ gũñama. Irasirirã oteri direta baarikuma. ³ Æãrĩpererire baagũ, oteri direta baagũre irasũ ããbãobirikõãburo. Oteri direta baagũde ããrĩpererire baagũre: “Irasũ baamakũ ñegorãa”, ãrĩbirikõãburo. Marĩpu ããrĩpereri baagũdere: “Yaagu ããrĩmi”, ãrĩ ããsiadi ããrĩmi. ⁴ Marĩ gajigũre moãboegũre: “Ñerõ yãa”, ãrĩmasĩbirikoa. ãgũ opu dita irasũ ãrĩmasĩmi. Marĩ Jesucristore buremurãde irasũta ããrã. Irasirirã marĩ gajerã Jesucristore buremurãrẽ: “Ñerõ yãa”, ãrĩmasĩbirikoa. Marĩpu ãgũsã Opu ããrĩmi. ãgũ sugũta ãgũsãrẽ: “Õãrõ yãa, o ñerõ yãa”, ãrĩmasĩmi. ãgũ turagũ ããrĩsã, ãgũyarãrẽ ãgũrẽ õãrõ buremuturamakũ irigũkumi.

⁵ Gaji werenemogura musãrẽ. Surãyeri: “Sunũta gajinurĩ nemorõ Marĩpũre buremurõ gããmea”, ãrĩ gũñama. Gajerã gapu: “Æãrĩpererinurĩ surõsũ, Marĩpũya ããrã”, ãrĩ gũñama. Irasirirã masakakũ: “Marĩpu yũre ãsũ irimakũ gããmemi”, ãrĩ gũñarõ gããmea. ⁶ Sugũ: “Irinũno direta nerẽ, Marĩpũre buremudorea”, ãrĩ gũñagũ, Marĩpũre buremubu irasũ ãrĩ gũñami. Gajigũ ããrĩpererire baagũde Marĩpũre: “Yũ baari, mũ sãdea ããrã”, ãrĩ, urũyari sãmi. Irasirigũ ãgũde Marĩpũre buremugũta ããrĩmi. Gajigũ gajinorẽ baabide Marĩpũre buremumi. ãgũde Marĩpũre: “Yũ baari, mũ sãdea ããrã”, ãrĩ, urũyari sãmi.

⁷ Marĩ okarã, boarãde marĩ basi: “Æsũ irigũra”, ãrĩmasĩña mãa. ⁸ Marĩ, Jesucristoyarã marĩ okarinurĩrẽ ãgũyare irimurã ããrã. Marĩ boadero purũgũdere ãgũyarã ããrĩnikõãrãkoa. Irasirigũ marĩ okamakũ, marĩ boamakũdere Cristo marĩ Oputa ããrĩnikõãgũkumi. ⁹ Irasũta ããrã. Cristo boa, purũ masãdi ããrĩmi ããrĩpererã okarã, boanerã Opu ããrĩbu.

¹⁰ Iro merẽ, ãnasirirã musã gajerã Jesucristore buremurãrẽ: “Ñerõ yãma”, ãrĩ werewurari? ãnasirirã ãgũsãrẽ irasũ ããbãobirikõãrĩ? Cristo marĩ ããrĩpererãrẽ ãgũ diaye nĩdoregũkumi marĩ irideare werebu. Irasirirã gajerã Jesucristore buremurãrẽ: “Ñerõ yãma”, ãrĩ werewurabirikõãrõ gããmea. ¹¹ Marĩpũya werenĩrĩ gojãdea pũgue ãsũ ãrĩ gojasũdero ããrĩbũ:

Æsũ ãrĩmi marĩ Opu: “Yũ okagũ ããrã. Yũ werenĩrĩ diayeta ããrã. Æãrĩpererã yũ ããrõ ñadũkupuri merã ejamejãrãkuma. Æãrĩpererã yũre: ‘Mũ, gũã Opu õãgũ, turagũ ããrã’, ãrĩrãkuma”, ãrĩ gojasũdero ããrĩbũ.*

¹² Irasirirã, Marĩpu marĩ irideare sãrẽñamakũ, marĩ masakakũ ããrĩpereri marĩ irideare wererãkoa.

Neõ musã iriri merã gajerã Jesucristore buremurãrẽ ñerĩ irimakũ iribirikõãka!

¹³ Irasirirã gãme werewuranemobirikõãrã! Æsũ gapu ãrĩ gũñarã! “Gũã iriri merã gajerã Jesucristore buremurãrẽ ñerĩ irimakũ iridurabirikoa”, ãrĩ gũñarã! ¹⁴ Yũ, marĩ Opu Jesucristore buremugũ, ãsũ õãrõ masã. Æãrĩpereri Marĩpu baari pãdea õãgorãa yũre. Gajigũ gapu: “Yũ irire baamakũ, ñegorãa”, ãrĩ gũñamakũ, ãgũrẽ diayeta ñegorãa. ¹⁵ I diayeta ããrã. Gajigũ Jesucristore buremugũ, ãgũ baabirire musã baamakũ ããgũ: “Iri Marĩpu baadorebiridea ããrã”, ãrĩ gũñakeregũ, musãrẽ ããkũ, baabokumi. Irasũ

* 14:11 Is 45.23

baagu: “Ñerō iriabũ”, ãrĩ gũñarikũbokumi. Irasirirã, ïgũ baabirire dupaturi baarã, ïgũrẽ maĩrã meta yáa. Cristo ïgũdere boabosadi ããrĩmĩ. Irasirirã mũsã baari merã gajigu Cristore bũremugũrẽ poyanorẽbirikõãka! ¹⁶ Irasirirã: “Gua ãsũ iriri õãgoráa”, ãrĩ gũñakerepũ, gajerã gapũ mũsãrẽ: “Ñerō yáma”, ãrĩ werewũamakũ pérã, dupaturi irire irinemobirikõãka! ¹⁷ Marĩpũ ïgũyarãrẽ doreri: baa, iirĩri meta ããrã. I gapũ ããrã. Diayemarẽ irinĩrĩ, ïgũ merã siuñajãrĩ opari, usũyari merã ããrĩrĩ ããrã. Irire Õãgũ deyomarĩgũ iritamurĩ merã irisũa. ¹⁸ Sugũ irasũta Cristoyare õãrõ irigu Marĩpũre usũyamakũ yámi. Masakade ïgũ õãrõ irimakũ ïãrã, ïgũrẽ: “Õãrõ yámi”, ãrĩrãkuma.

¹⁹ Marĩpũ merã siuñajãrĩ opamurã, marĩ basi gãme iritamumurã irasiro gããmea. Irire irirã, Jesucristore bũremunemowãgãnrãkoa. ²⁰ Marĩpũ Jesucristore bũremurãnorẽ ïgũ merã õãrõ ããrĩmakũ yámi. Irasirirã, mũsã baari merã Marĩpũyare ïgũsã iririre pirimakũ iribirikõãka! Diayeta ããrĩpereri Marĩpũ baari pídea õãrĩ dita ããrã. Gajigu ïgũ baabirire mũsã baamakũ ïãgũ: “Iri Marĩpũ baadorebiridea ããrã, irire baagu ñerõ iribokoa”, ãrĩ gũñakeregũ, mũsãrẽ ïãkũĩ, baagu ñerõ iribokumi. Irasirirã mũsã irire baarã, ïgũrẽ ñerõ irimakũ iribokoa. Mũsã irasiriri ñegorãa. ²¹ Gajigu Jesucristore bũremugũrẽ marĩ iriri merã ïgũrẽ ñerĩ irimakũ iribokoa, ãrĩrã, ãsũpero iiro gããmea. ïgũ waibũ díi baabirimakũ ïãrã, irire baabirikõãrõ gããmea. Iguí deko pãmudeare ïgũ iirĩbirimakũ ïãrã, irire iirĩbirikõãrõ gããmea. ïgũrẽ Jesucristore bũremuturabirimakũ iribirikõãrõ gããmea. ²² “Marĩpũ ïũrõ yũ iriri õãgoráa”, ãrĩ bũremugũno irimarẽ gajerã bũremuturamerãrẽ guaseobirikõãburo. Sugũ: “Marĩpũ ïũrõ ñerõ iribea, waja opabea, diayeta yáa”, ãrĩ gũñagũ, usũyari merã ããrĩgũkumi. ²³ Gajigu gapũ: “Iri baarire baagu, ñerõ iribokoa”, ãrĩ gũñarikukeregũ irire baagu, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. ããrĩpereri marĩ irasiriri, ñerĩ iriri ããrã.

15

Gajerãya ããrĩburidere gũñarõ gããmea, ãrĩ gojadea

¹ Marĩ Jesucristore bũremurã, ïgũrẽ bũremuturamerãrẽ iritamurõ gããmea. Marĩya ããrĩburi direta iribirikõãrõ gããmea. ² Marĩ masakakũ marĩ pũro ããrĩrãya ããrĩburire gũñarõ gããmea, ïgũsãde Jesucristore bũremunemowãgãburo, ãrĩrã. ³ Cristode ïgũyama direta iribiridi ããrĩmĩ. Marĩpũya gapũre iridi ããrĩmĩ. Irasiro ïgũrẽ waadeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Mũrẽ ñerõ werenĩrã, yũguere ãrĩmeétuma”. ⁴ ããrĩpereri iripoegue Marĩpũya werenĩrĩ gojadea marĩrẽ buedorero gojasũdero ããrĩbũ. Irire buerã, gũñatura, õãrõ yũjũpũrãkũrãkoa. Irasirirã ñerõ tarirã, Marĩpũ iritamuburire usũyari merã yúa. ⁵ Marĩpũ marĩrẽ gũñatura, õãrõ yũjũpũrãkũmakũ irigu, Jesucristo gããmerõsũta mũsãrẽ sugũ pũrã irirosũ sũrosũ ããrĩrikũmakũ iriburo. ⁶ Irasirirã mũsã ããrĩpererã suro merã Marĩpũre marĩ Opũ Jesucristo Pagũre: “Õãtaria mũ”, ãrĩ, usũyari sũrãkoa.

Jesucristo judío masaka ããrĩmerãrẽ taiburire gojadea

⁷ Jesucristo ïgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, ããrĩpererã Marĩpũre: “Õãtaria mũ”, ãrĩburo, ãrĩrã. ⁸ Mũsãrẽ ire werea. Marĩpũ gua ñekũsãmarãrẽ ïgũ: “Ãsũ irigũra”, ãrĩdeare diaye iridi ããrĩmĩ. Irasirigu Jesucristo judío masakare iritamugũ i ãmũguere aaridi ããrĩmĩ. ïgũ irasiriri merã ïgũ Pagũ ãrĩdeare iri ïmupeodi ããrĩmĩ. ⁹ Irasũ ããrĩmakũ, judío masaka ããrĩmerã: “Marĩpũ guadere bopoñagũ õãtarimi”, ãrĩdoregũ, aaridi ããrĩmĩ. Marĩpũya werenĩrĩ gojadea pũgue gojaderosũta irasiridi ããrĩmĩ. ãsũ ãrĩ gojasũdero ããrĩbũ:
Marĩpũre ãsũ ãrĩmi: “Judío masaka ããrĩmerã watopegue mũrẽ usũyari sũgũra. ‘Turatarigu ããrã’, ãrĩ bayapeogũra mũrẽ”, ãrĩmi, ãrĩ gojasũdero ããrĩbũ.*

* 15:9 2 S 22.50; Sal 18.49

¹⁰ Gajeroguedere àsũ arĩ gojasũdero ããrĩbú:

Mũsã judío masaka ããrĩmerã Marĩpũyarã judío masaka merã usũyaka! arĩ gojasũdero ããrĩbú.✠

¹¹ Gajeroguedere àsũ arĩ gojasũdero ããrĩbú:

Ããrĩpererã judío masaka ããrĩmerã Marĩpũre: “Õãtaria mũ”, arĩ, usũyari sĩburo. ããrĩperero marã masaka: “Ìgũ turatarigũ ããrĩmi”, arĩburo, arĩ gojasũdero ããrĩbú.✠

¹² Isaíade àsũ arĩ gojadi ããrĩmĩ David pagũ, Isaí wãikũgũre gojagũ:

Isaí parãmi ããrĩturiagũ aarigũkumi. Irasũ aarigũ, judío masaka ããrĩmerã Opũ ããrĩgũkumi. Ìgũsã Ìgũrẽ: “Gũare taubu ããrĩmi”, arĩ bũremurãkuma, arĩ gojadi ããrĩmĩ.✠

¹³ Marĩpũ marĩrẽ Ìgũ õãrõ iriburire usũyari merã yũmakũ irigũ, mũsãrẽ Ìgũrẽ bũremurãrẽ usũyari, siũñajãrĩ sĩnemoburo. Irasirirã mũsã Õãgũ deyomarĩgũ iritamurĩ merã nemorõ usũyari merã yũrãkoa.

¹⁴ Yaarã mũsã, yũ péñamakũ, Jesucristore bũremurã, gajerã merã õãrõ ããrĩrikũa. Cristoyare õãrõ masĩa. Irasirirã mũsã basi irire õãrõ gãme weremasĩa. ¹⁵ Mũsã irasũ masĩkerepũrũ, i papera pũguere gũiro marĩrõ irire gojáa, mũsã masĩdeare kãtibirikõãburo, arĩgũ. Marĩpũ yũre õãrõ irigũ, mũsãrẽ Jesucristoyare buedoregũ pími. ¹⁶ Ìgũ yũre irasũ pímakũ, paía Marĩpũre gajino sĩrõ irirosũta yũ judío masaka ããrĩmerãrẽ Ìgũrẽ wiadũakoa, Ìgũyarã ããrĩburo, arĩgũ. Irasirigũ Ìgũsãrẽ Jesucristoya kerere buea. Yũ irasũ buemakũ pérã, Jesũre bũremurãkuma. Ìgũsã irasũ bũremumakũ Ìãgũ, Marĩpũ Ìgũsãrẽ: “Õãrã ããrĩma”, arĩ Ìãgũkumi. Õãgũ deyomarĩgũ Ìgũsãrẽ Marĩpũyarã waamakũ irigũkumi. Irasirigũ Marĩpũ Ìgũsãrẽ: “Yaarã ããrĩma”, arĩ ñeãgũkumi.

¹⁷ Yũ Jesucristore bũremugũ, Ìgũ iritamurĩ merã Marĩpũ yũre pídeare õãrõ yáa. Irasirigũ yũ moãrĩ merã õãrõ péñáa. ¹⁸ Irasirigũ Jesucristo yũ merã iridea direta mũsãrẽ weregũra. Mũsã judío masaka ããrĩmerãrẽ Marĩpũre bũremumakũ gããmesãgũ, yũre iritamumi. Irasirigũ yũ bueri merã, yũ iriri merã mũsã judío masaka ããrĩmerãrẽ Marĩpũre bũremumakũ irimi. ¹⁹ Yũ, Marĩpũ turari merã iri Ìmurĩ merã, Õãgũ deyomarĩgũ iritamurĩ merã mũsãrẽ buebũ. Irasũ buegũ, Jesucristo masakare tauri kerere Jerusalén merã buerũrori, pũrũ ããrĩpererogue buegorena, pũrũ Ilírigo wãikũri nikũgue iri kerere buetũnubũ. ²⁰ Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã Ìgũsã buedeaguere buewekapeobiribũ. ²¹ Irasũ buegũ, Marĩpũya werenĩrĩ gojadea pũgue gojasũderosũta iribũ. Àsũ arĩ gojasũdero ããrĩbú Cristore masĩbirinerã masĩburire:

Ìgũya kerere neõ pébirinerã weresũrãkuma. Ìgũyare neõ pébirinerã õãrõ pémasĩrãkuma, arĩ gojasũdero ããrĩbú.✠

Pablo Ìgũ Romague waaburire gojadea

²² Yũ gaji makãrĩ marãrẽ buegorenasĩa, wãri mũsãrẽ Ìãgũ waadũakeregũ, waa-masĩbiribũ dapa. ²³ Dapagueta iri makãrĩguere yũ moãrĩ peoa. Irasirigũ iripoegueta mũsã pũrogue waadũanĩdĩ ããrĩsĩa, pũrũ weya irogue waagũra, mũsã merã ããrĩbu. ²⁴ Irasirigũ Espaĩague waagũ, mũsã pũro eja, mũsãrẽ Ìã, usũya, mũsã merã mérõgã ããrĩ, pũrũ mũsã yũre iritamurĩ merã tariagũra. ²⁵ Daporare Jerusalẽgue waapũroribu yáa dapa. Iro marãrẽ Jesucristore bũremurãrẽ iritamugũ, niyeru ãĩabu yáa. ²⁶ Jesucristore bũremurã Macedonia, Acaya marã Jerusalẽgue ããrĩrãrẽ boporãrẽ gũña, niyerure neõ, iriudũama Ìgũsãrẽ iritamurã. Irasirigũ irogue iri niyerure Ìgũsãrẽ sīgũ waabu yáa. ²⁷ Judío masaka ããrĩmerã Macedonia, Acayague ããrĩrã, judío masaka Jerusalẽgue ããrĩrãrẽ gũñama Ìgũsãrẽ iritamumurã. Ìgũsã irasũ gũñarĩ õãgoráa. Judío masaka, judío masaka ããrĩmerã gapũre Jesucristoya kerere wererũrorima. Irasirirã judío masaka ããrĩmerã Jesucristore bũremurã, Marĩpũ judío masakare: “Sĩgũra”, arĩdeare Ìgũsãde ñeãma. Irasirirã

judío masaka ããrĩmerã ãgũsã opari merã judío masakare boporãrẽ iritamurõ gããmea. ²⁸ Irasirigũ Jerusalén marãrẽ iri niyerure yũ sĩ odoadero pũũ, Españague waagũ, mũsãrẽ ãtariagũra. ²⁹ Yũ mũsã pũrogue waagũ, Jesucristoya kerere mũsãrẽ weregũkoa. Irasirirã mũsã iri merã õãrõ yũjũpũrãkũrãkoa.

³⁰ Yaarã, mũsã marĩ Opũre Jesucristore bũremua. Õãgũ deyomarĩgũ marĩrẽ gãme maĩmakũ yãmi. Irasirigũ yũ mũsãrẽ ãsũ irimakũ gããmea. Yũre iritamurã, yaa ããrĩburire Marĩpũre sërẽbosaka, yũ moãrĩmarẽ! ³¹ Ìgũrẽ yaa ããrĩburire ãsũ sërẽbosaka! Judea nikũ marã Jesũre bũremumerã yũre ãgũsã ñerõ iridũamakũ, Marĩpũ yũre iritamuburire sërẽka! Jerusalén marãrẽ iri niyerure yũ sĩmakũ, ãgũsã irire usũyari merã õãrõ ñeãburire sërẽka! ³² Mũsã irasũ sërẽmakũ, Marĩpũ gããmemakũ, usũyari merã mũsã pũro waagũkoa. Irasirigũ mũsã merã usũya, siũñajãgũkoa. ³³ Marĩpũ marĩrẽ siũñajãrĩ merã ããrĩmakũ irigũ, mũsã ããrĩpererã merã ããrĩburo. Irasũta ããrĩburo.

16

Pablo Romague ããrĩrãrẽ õãdoreri gojadea

¹ Gũa merãmo Jesucristore bũremugõ Febe wãikũgo mũsã pũrogue waabo yãmo. Igo Cencrea wãikũri makãgue Jesucristore bũremurãrẽ iritamugõ ããrĩmo. ² Mũsã Jesucristore bũremurã usũyari merã igore bokatĩrĩñeãka! Marĩrẽ Jesucristore bũremurãrẽ irasũta õãrõ bokatĩrĩñeãrõ gããmea. Igo wãrãrẽ iritamudeo ããrĩmo. Yũdere iritamumo. Irasirirã, igo gajino gããmemakũ iritamuka!

³ Aquila, ãgũ marãpo Priscilade õãburo. Jesucristoyare yũ buemakũ, ãgũsãde yũre buetamuma. ⁴ Gajerã yũre wẽjẽdũamakũ, ãgũsã yũre iritamurĩ waja ãgũsãdere mërõ wẽjẽboyama. Ìgũsã yũre irasũ õãrõ iritamurĩrẽ yũ dita Marĩpũre usũyari sĩbea. Judío masaka ããrĩmerã Jesucristore bũremurã ããrĩpererã Marĩpũre usũyari sĩma. ⁵ Jesucristore bũremurã Aquilaya wiigue nerẽnarãde õãburo. Yũ maĩgũ Epenetode õãburo. Ìgũta Asiaguere Cristore bũremupũrorinũgãdi ããrĩmĩ. ⁶ Mariãde õãburo. Igo mũsã merã bũro moãyupo. ⁷ Yaarã Andrónico, Juniãde õãburo. Peresu yũ ããrĩmakũ, ãgũsãta yũ merã ããrĩmã. Yũ Cristore bũremuburi dupuyuro ãgũsã gapũ bũremunũgãsianerã ããrĩmã. Jesús buedoregũ pĩnerã ãgũsãrẽ: “Diayeta õãrã ããrĩma”, ãrĩ werenĩma.

⁸ Amplias yũ maĩgũ Jesũre bũremugũ õãburo. ⁹ Urbano õãburo. Ìgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo. ¹⁰ Apelede õãburo. Ìgũ diayeta Jesucristore õãrõ bũremumi. Ìgũ iririkũrere ããrĩ: “Cristore õãrõ bũremugũ ããrĩmĩ”, ãrĩ masĩa. Aristóbulo yũ wii marãde õãburo. ¹¹ Gajigũ yaagũ judío masaku Herodiõde õãburo. Narcisoya wii marã marĩ Opũ Jesũre bũremurãde õãburo. ¹² Trifena, Trifosa õãburo. Ìgũsã nome marĩ Opũ Jesũyare moãma. Gũa maĩgõ Pérsidade õãburo. Igo marĩ Opũ Jesucristoyare bũro moãmo. ¹³ Rufode õãburo. ããrĩpererã ãgũrẽ: “Jesucristore õãrõ bũremumi”, ãrĩ ããma. Ìgũ pagode õãburo. Igo, yũpo irirosũta yũre õãrõ irimo. ¹⁴ Asíncrito, Flegonte, Hermes, Patrobas, Hermas, gajerã Jesũre bũremurã ãgũsã merã ããrĩrãde õãburo. ¹⁵ Filólogo, Julia, Nereo, ãgũ pagũmode Olimpã, gajerã Jesũre bũremurã ãgũsã merã ããrĩrãde õãburo.

¹⁶ Mũsã gãme õãdorerã, õãrõ usũyari merã, bũremurĩ merã pãbũa õãdoreka! ããrĩpererã Jesucristore bũremurã mũsãrẽ õãdoreri iriuma.

¹⁷ Yaarã mũsã Jesucristore bũremurã, surãyeri mũsã watopegue ããrĩrã ãgũsã iriri merã mũsãrẽ ñerõ irimakũ, mũsãrẽ gãme dukawarimakũ iridũama. Irasirirã, mũsãrẽ Jesũyare buedeare goroweodũama. Irasirirã irasũ ããrĩrãrẽ wapikũbirikõãka! ¹⁸ Ìgũsã, marĩ Opũ Jesucristo dorerire irirã meta ããrĩma. Ñerĩrẽ ãgũsã ãaribejari direta irirã ããrĩma. Ìgũsã õãrõ pẽma õãrĩ werenĩrĩ merã pẽmasĩturamerãrẽ ãrĩgatoma. Ìgũsã irasũ ãrĩgatoma, ãgũsãrẽ õãrõ pẽtũyama. Irasirirã ãrĩgatorimasãrẽ wapikũbirikõãka! ¹⁹ ããrĩpererã masaka

m̄sã Jesucristoyare õãrõ iririre masĩsiamã. Irasirigũ yũ m̄sã merã burõ usũyãã. Yũ m̄sãrẽ õãrĩ gapũre masĩmakũ gããmekoa. Neõ ñerĩ tamerãrẽ gããmesãbirikoa. ²⁰ Marĩpũ marĩrẽ õãrõ siuñajãrĩ merã ããrĩmakũ irigũ, mérõgã purũ wãtẽã opũ Satanãrẽ béogakumi, m̄sãrẽ neõ tarinũgãnemobirikõãburo, ãrĩgũ. Marĩ Opũ Jesucristo m̄sãrẽ õãrõ iritamunĩkõãburo.

²¹ Timoteo yũ merã Jesucristoya kerere weretamugorenagũ m̄sãrẽ õãdoremi. Yaarã Lucio, Jasón, Sosípater m̄sãrẽ õãdorema.

²² Yũ, Tercio wãĩkũgũ i pũrẽ Pablõre gojabosãã. Ìgũ yũre gojadorerire gojatúa. Irasirigũ yũde Jesucristore burẽmugũ, m̄sãrẽ Jesucristore burẽmurãrẽ õãdorea.

²³ Yũ Pablo, Gayoya wii ããrã. Ìgũya wiigũe Jesucristore burẽmurã nerẽnama. Ìgũde m̄sãrẽ õãdoremi. Erasto, i makã marã oparãrẽ niyeru duripĩboerimasũ m̄sãrẽ õãdoremi. Cuartode Jesucristore burẽmugũ m̄sãrẽ õãdoremi.

²⁴ Marĩ Opũ Jesucristo m̄sãrẽ ããrĩpererãrẽ õãrõ iritamuburo. Irasũta iriburo.

Pablo usũyari merã gojatũnudeã

²⁵ Daporare Marĩpũre: “Õãtaria mũ”, ãrĩ, usũyari sĩrã! Marĩpũ, marĩ Opũ Jesucristoya kere merã marĩrẽ ìgũrẽ nemorõ burẽmumakũ yãmi. Yũ iri kerere, Marĩpũ ìgũ Cristo merã marĩrẽ tauri kerere wereã m̄sãrẽ. Neõgoragueta Marĩpũ ìgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkererũ, ããrĩpererã masaka gapũ irire masĩbirinerã ããrĩmã.

²⁶ Daporare Marĩpũyare weredupuyunerã gojadeã kere merã ìgũ marĩrẽ: “Taugũra”, ãrĩdeare marĩ masĩã pama. Marĩpũ ããrĩnĩgũ ìgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi. ããrĩpererã masakare ìgũrẽ burẽmu, ìgũ dorerire iriburo, ãrĩgũ, irasũ yãmi. ²⁷ Marĩpũ sugũta ããrĩmi. Ìgũ sugũta ããrĩpererire masĩpeogũ ããrĩmi. Irasirirã Jesucristo iritamurĩ merã ìgũrẽ: “Õãtaria mũ”, ãrĩ burẽmunĩkõãrã! Irasũta irirã!

Iropãta ããrã.

Pablo

1 CORINTIOS

Pablo Corinto marārē òãdoredea

¹ Y_H Pablo, Sóstenes merā m_usārē òãdoredea. Marĩp_H gããmederosũta Jesucristo y_Hre ìgũyare buedoreg_H beyepími. Sóstenes Jesúre b_uremugũ, marĩyaguta ããrĩmi. ² Y_H ìgũ merā m_usã Corinto marārē gojáa. M_usã Jesucristore b_uremurã, ìgũ merā òãrõ ããrĩsĩã, Marĩp_Hyarã ããrã. Marĩp_H m_usārē, gajerã ããrĩpererogue marã marĩ Op_H Jesucristore: “Iritamuka y_Hre!” ãrĩ sērērãrē siiudi ããrĩmĩ ìgũyarã ããrĩburo, ãrĩgũ. Jesucristo ìgũsã Op_H ããrĩmi. Irasũ ããrĩmakũ, marĩdere marĩ Op_Hta ããrĩmi. ³ Marĩp_H ããrĩnĩgũ, marĩ Op_H Jesucristo m_usārē òãrõ iritamu, siuñajãrĩ merã ããrĩrik_umakũ iriburo.

Marĩp_H Jesucristo merã m_usārē òãrõ iritamumi, ãrĩ gojadea

⁴ Ŭm_urik_u y_H Marĩp_Hre usuyari sñikõãã Jesucristo iridea merã ìgũ m_usārē òãrõ iritamumakũ ìãgũ. ⁵ M_usã Cristo merã òãrõ ããrĩmakũ, Marĩp_H m_usārē ìgũyamarē ããrĩpereri òãrĩrē sidi ããrĩmĩ. Irasirig_H m_usārē òãrõ pémasĩrĩ merã ìgũyare gajerãrē weremakũ, irire masĩmakũ yámi. ⁶ Marĩp_H irire sĩgũ, y_H m_usārē: “Cristo òãrõ iritamugakumi”, ãrĩderosũta irire iridi ããrĩmĩ. ⁷ Irasirirã marĩ Op_H Jesucristo dupaturi aariburire yúrã Marĩp_H sĩrĩrē opapeokõãã. ⁸ I ùm_u peremakũguedere ìgũ turari merã m_usārē Jesucristore b_uremunĩmakũ irigukumi. Irasirig_H marĩ Op_H Jesucristo dupaturi aarimakũ, marĩrē waja opamerã ããrĩmakũ irigukumi. ⁹ Marĩp_H, ìgũ: “Ãsũ irigura”, ãrĩdeare keoro irigu ããrĩmi. Ìgũta m_usārē beyedi ããrĩmĩ, ìgũ magũ Jesucristo marĩ Op_H merã òãrõ ããrĩburo, ãrĩgũ.

Pablo Corinto marārē Marĩp_Hyarãrē: “Gãme dukawaribirikõããka!” ãrĩ gojadea

¹⁰ Yaarã, y_H marĩ Op_H Jesucristo dorederosũta m_usārē ãsũ ãrĩ weregura. S_urosũ gũñarĩ merã werenĩka! M_usã werenĩrĩ merã gãme dukawaribirikõããka! Ŭsuyari merã werenĩ, s_urosũ gũñarĩ merã ããrĩrik_uka! ¹¹ Yaarã, Cloéya wii marã y_Hre m_usã gãme werenĩ guaseorire werema. ¹² M_usã ãsũ ãrĩ gãme guaseoyuro: “G_ua Pabloyarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristoyarã ããrã”, ãrĩ gãme guaseoyuro. ¹³ Irasũ ãrĩ gãme guaseobirikõããka! Marĩ Cristore b_uremurã ããrã. Irasirirã ìgũ suguyarãta ããrã. Gãme dukawarimasĩña máa. Y_H, m_usãya ããrĩburire curusague boabosabirib_u. M_usã, y_H wãĩ merã wãĩyesũbirib_u. ¹⁴ Y_H Marĩp_Hre: “Òãã” ãrĩ, usuyari sĩa. Y_H m_usārē deko merã wãĩyebirib_u. Crispo, Gayosã direta wãĩyeb_u. ¹⁵ Irasirirã m_usã: “G_ua Pablo wãĩ merã wãĩyesũnerã ããrã”, ãrĩmasĩbea. ¹⁶ Gajerãrē Estéfanaya wii marãdere wãĩyeb_u, ãrĩ gũñab_u. Gajerãgue tamerãrē wãĩyeb_u, ãrĩmasĩbirikoa. ¹⁷ Cristo y_Hre wãĩyedoreg_H pĩbirimi. Ìgũ masakare tauri kere gap_Hre weredoreg_H pími. Irire y_Hre pígu, masĩrĩmasã werenĩrõsũ werenĩdorebirimi. Y_H, ìgũsã irirosũ werenĩmakũ, masaka Cristo curusague boabosadeare pémasĩbiribokuma. Irasirirã ìgũ taiburire neõ masĩbiribokuma.

Cristo merã Marĩp_H turarire, ìgũ masĩrĩrē masĩsũa, ãrĩ gojadea

¹⁸ Jesucristore b_uremumerã peamegue béosũmurã, ìgũ curusague boadea kerere pérã: “Pémasĩmerãya bueri ããrã”, ãrĩma. Marĩ ìgũ tausũmurã gap_Hre i kerere pémakũ, Marĩp_H ìgũ turari merã marĩrē ìgũrē b_uremumakũ yámi. ¹⁹ Marĩp_Hya werenĩrĩ gojadea pũgue ãsũ ãrĩ gojasũdero ããrĩb_u:

I ùm_u marã masĩrĩmasã ìgũsã masĩrĩrē ubu ããrĩrĩ dujamakũ irigura. Gajinorē ãmabéogu irirosũ ìgũsã pémasĩrĩrē ãmagura, ãrĩdi ããrĩmĩ Marĩp_H.[☆]

²⁰ Irasirirã: “Masĩpeokõãã”, ãrĩrã, ubu ããrĩrã dujama. Gajerã ìgũsã gũñarõ buerimasãde irasũta dujama. I ùm_umarē òãrõ werenĩmasĩrãde irasũta dujama. I ùm_umarē: “Òãrõ

☆ 1:19 Is 29.14

masĩa”, ārkerepuru, Marĩpu gapu ĩgũsā masĩrĩrē ubu āārĩrĩ dujamakū yāmi. ²¹ Marĩpu masĩgũ āārĩsĩā, i ũmu marārē ĩgũsā masĩrĩ merā ĩgũrē masĩmakū iribiridi āārĩmĩ. Āsũ gapu ārĩdi āārĩmĩ. Jesucristoya kerere buremurārē: “Taugura”, ārĩdi āārĩmĩ. ĩgũrē buremumerā gapu iri kerere pérā: “Pemasĩmerāya bueri āārā”, ārĩma.

²² Judío masaka iri kerere buremumerā: “Marĩpu turari merā gajino iri ĩmumakū ĩārāgue buremurākoa”, ārĩma. Judío masaka āārĩmerā griego masakade i ũmuma ĩgũsā masĩrĩ direta masĩduama. ²³ Gũa gapu Jesucristo curusague boadiya kerere werea. Judío masaka iri kerere pérā: “ĩgũ gũare taugũ meta āārĩmĩ”, ārĩma. Judío masaka āārĩmerāde iri kerere pérā: “Pemasĩmerāya bueri āārā”, ārĩma. ²⁴ Marĩ gapu Marĩpu beyenerā āārĩsĩā, iri kerere pérā: “Marĩpu masĩgũ, turatarĩgũ āārĩsĩā, Cristo iridea merā marĩrē peamegue waabonerārē taugukumi”, ārĩ masĩa. Marĩ judío masaka, judío masaka āārĩmerāde Cristore buremurā āārĩsĩā, irire masĩa. ²⁵ Cristore buremumerā gapu Marĩpu ĩgũ masĩrĩ merā, ĩgũ turari merā iririre āsũ ārĩ gũñama: “Ubu āārĩrĩ āārā”, ārĩ gũñama. ĩgũsā irasũ ārĩ gũñakerepuru, Marĩpu masĩrĩ gapu masaka masĩrĩ nemorō ōārĩ āārĩtarĩnugārĩ āārā. ĩgũ turari gapu, masaka turari nemorō āārā.

²⁶ Yaarā, Marĩpu mũsārē ĩgũyarā āārĩdoregũ siiuburo dupuyuro mũsā āārĩrikũdeare gũñaka! Mũsā i ũmu marā masĩrĩmasā, dorerimasā, oparā pũrā irirosũ āārĩrā mērāgā āārĩnerā āārĩbũ. ²⁷ Marĩpu, i ũmu marā masĩrārē gũyasĩũrō taridoregũ, ĩgũsā pemasĩmerā āārĩma, ārĩrā gapure beyedi āārĩmĩ. Irasũ āārĩmakū, i ũmu marā oparārē gũyasĩũrō taridoregũ, ubu āārĩrā gapure beyedi āārĩmĩ. ²⁸ Ubu āārĩrā gapure, masaka ĩāduña marĩrā gapure beyedi āārĩmĩ ĩgũyarā āārĩburo, ārĩgũ. Oparā irirosũ āārĩrā gapure ubu āārĩrā dujaburo, ārĩgũ, irasĩrĩdi āārĩmĩ. ²⁹ Irasĩrĩgũ neō sugũ masakũ: “Yũ gajerā nemorō masĩtarĩnugāgũ āārĩmakū ĩāgũ, Marĩpu yũre beyedi āārĩmĩ”, ārĩmasĩbirikumi. ³⁰ Mũsārē Marĩpu basita Jesucristo merā ōārō āārĩmakū iridi āārĩmĩ. Irasĩrĩgũ Marĩpu Cristo merā marĩrē ĩgũyare masĩmakū yāmi. ĩgũ merā marĩrē: “Ōārā, waja opamerā āārĩma”, ārĩ ĩāmi. Irasĩrĩrā marĩ ĩgũyarā, peamegue waabonerā ĩgũ tausũnerā āārā. ³¹ Irasĩrĩro Marĩpuya werenĩrĩ gojadea pũgue āsũ ārĩ gojasũdero āārĩbũ: “Neō sugũ: ‘Gajerā nemorō masĩtarĩnugāgũ āārā’, ārĩbirikōāburo. Irasũ ārĩrōno irĩgũ marĩ Opu gapure: ‘Turatarĩgũ āārĩsĩā, marĩrē ōātarĩro iridi āārĩmĩ’, ārĩburo”, ārĩ gojasũdero āārĩbũ.

2

Cristo curusague boadea kerere gojadea

¹ Yaarā, yũ mũsā pũroge Marĩpuya kerere, masaka masĩbirideare buegũ ejagũ, masĩrĩmasā diasari werenĩrĩ merā buerosũ buebiribũ. ² Yũ mũsā merā āārĩgũ: “Jesucristoya kerere, irasũ āārĩmakū ĩgũ curusague boadea direta buegura”, ārĩ gũñabũ. ³ Irasĩrĩgũ mũsā merā āārĩgũ, ubu āārĩgũ irirosũ péñabũ. “Gajipoe irĩgũ yũ iri kerere ōārō buemasĩbiribokoa”, ārĩgũ, gũĩ naradari merā āārĩkubũ. ⁴ Yũ mũsārē iri kerere buremumakū gāamegũ, masĩrĩmasā werenĩrĩosũ buebiribũ. Irasĩrĩrā, Marĩpu turari, Ōāgũ deyomarĩgũ iritamurĩ merā yũ mũsārē iri kerere buemakū pérā: “Diyeta āārā”, ārĩ buremubũ. ⁵ “Masaka masĩrĩ merā ĩgũsā gũare buemakū buremua”, ārĩ gũñamakū gāamebiribũ. “Marĩpu, ĩgũ turari merā gũare Jesucristoya kerere buremumakū yāmi”, ārĩ gũñamakū gāamegũ, irasũ buebũ mũsārē.

Marĩ Ōāgũ deyomarĩgũ iritamurĩ merā Marĩpũre masĩa, ārĩ gojadea

⁶ Gũa mũsārē Jesucristore ōārō buremurĩ oparārē buerā, Marĩpu wáro masĩrĩ sĩrĩ merā buea. Iri masĩrĩ i ũmuma meta āārā. Irasũ āārĩmakū, i ũmu marā masakare dorerāya meta āārā. I ũmuma ĩgũsā basi masĩrĩ pereakōārokoa. ⁷ Gũa, Marĩpu ĩgũ masĩrĩ merā irideare, neōgorague masaka ĩgũsā masĩbirideare buea. I ũmu iriburo dupuyuro, Marĩpu: “Āsũ irĩgura”, ārĩ gũñasiadi āārĩmĩ. Irasĩrĩgũ marĩrē tauburire, marĩ ũmugasĩgue ĩgũ merā

ããrĩnĩburire gũñasiadi ããrĩmĩ. ⁸ ããrĩpererã i ùmũ marã masakare dorerã gapũ Marĩpu òãrõ gũñadeare pémasĩbirinerã ããrĩmã. Irire òãrõ pémasĩrãno ããrĩã, marĩ Opũ Jesucristo òãtarigure curusague pábiatú wějėbiribonerã ããrĩmã. ⁹ ãsũ ãrĩ gojasũdero ããrĩbũ Marĩpũya werenĩrĩ gojadea pũgue:

Marĩpu ĩgũrẽ maĩrãya ããrĩburire òãrõ ãmuyusiadi ããrĩmĩ. I ĩgũ òãrĩ ãmubosadea, ĩgũsã neõ ĩãbiridea, pébiridea, neõ mérõgã gũñabiridea ããrã, ãrĩ gojasũdero ããrĩbũ.✠

¹⁰ Marĩpu ĩgũ irideare, marĩ masĩbirideare Òãgũ deyomarĩgũ merã marĩrẽ masĩmakũ yámi. Òãgũ deyomarĩgũ Marĩpu gũñarĩrẽ masĩgũ ããrĩpererire masĩpeokõãmi.

¹¹ Gajigũ masakũ gũñarĩrẽ marĩ neõ masĩbea. ĩgũ basi ĩgũ gũñarĩrẽ masĩmi. ĩgũ irirosũta Òãgũ deyomarĩgũ sugũta Marĩpu gũñarĩrẽ masĩmi. ¹² Marĩrẽ i ùmũma direta gũñabirikõãburo, ãrĩgũ, Marĩpu marĩrẽ Òãgũ deyomarĩgũrẽ sĩdi ããrĩmĩ ĩgũ irirosũ gũñaburo, ãrĩgũ. Marĩrẽ maĩgũ, Òãgũ deyomarĩgũ merã ããrĩpereri ĩgũ sĩdeare masĩburo, ãrĩgũ, irasiridi ããrĩmĩ. ¹³ Irasirirã gũa mũsãrẽ Marĩpũyare buerã, Òãgũ deyomarĩgũ masĩrĩ sĩrĩ merã buea. Gũa basi masĩrĩ merã buebea. Irasirirã, Òãgũ deyomarĩgũ gũare buedorerosũta ĩgũrẽ oparãrẽ buea.

¹⁴ Òãgũ deyomarĩgũrẽ opamerã, Marĩpu Òãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Òãgũ deyomarĩgũ iritamurĩ merãta marĩ ĩgũyare pémasĩa. ĩgũrẽ opamerã gapũ ĩgũyare neõ pémasĩbema. ¹⁵ Marĩ Òãgũ deyomarĩgũrẽ oparã, ĩgũ iritamurĩ merã ããrĩpereri ñerĩrẽ, òãrĩrẽ ĩã beyemasĩa. Òãgũ deyomarĩgũrẽ opamerã gapũ, marĩ ĩgũrẽ oparã iririre neõ ĩã beyemasĩbirikuma. ¹⁶ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ĩgũrẽ buemasibirikumi”, ãrĩ gojasũdero ããrĩbũ. Marĩ gapũ Òãgũ deyomarĩgũrẽ oparã ããrĩsĩã, marĩ Opũ Cristo gũñarĩrẽ masĩa.

3

Marĩpũyarã ĩgũrẽ moãboerã ããrĩma, ãrĩ gojadea

¹ Yaarã, yũ Òãgũ deyomarĩgũ doreri irirãrẽ buerosũ mũsãrẽ buebiribũ. I ùmũ marã Òãgũ deyomarĩgũrẽ opamerã irirosũ mũsã ããrĩmakũ ĩãgũ, irasiribũ. Cristoyare mũsã bũremuturabirimakũ ĩãgũ, majĩrãgãrẽ buerosũ mũsãrẽ buebũ. ² Irasirigũ, majĩrãgã baari baamasĩmerã, ùpĩku dita mirĩrã irirosũ mũsã ããrĩmakũ ĩãgũ, diasabiri direta mũsãrẽ buebũ. Daporadere mũsã diasari buerire pémasĩbea dapa. ³ Mũsã, Òãgũ deyomarĩgũrẽ opamerã irirosũ gãme uburikũrã, gãme ĩãduamerã, gãme dukawaridũarã yáa. Irasirirã i ùmũ marã ĩgũsã noó gããmerõ iridũarosũ yáa. ⁴ Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenĩa. Irasũ ãrĩrã, i ùmũ marã masaka Òãgũ deyomarĩgũrẽ opamerã irirosũ werenĩa.

⁵ Gũa Apolos merã, ¿nasirirã ããrĩrĩ mũsã ĩãmakũ? Gũa Marĩpũre moãboerã ããrã. Gũa ĩgũ iridorederosũta yáa. Irasirirã gũa Jesucristoya kerere weremakũ pérã, mũsã ĩgũrẽ bũremunũgãbũ. ⁶ Yũ neõgoraguere mũsãrẽ buerũroribũ. Irasirigũ sugũ oterĩ yerire otegu irirosũ iribũ. Irasiriadero pũrũ, Apolos mũsãrẽ buenemogũ, oterire koregu irirosũ iridi ããrĩmĩ. Marĩpu gapũ oterĩ purimakũ irirosũ mũsãrẽ Jesũre bũremunũgãmakũ iridi ããrĩmĩ. ⁷ Irasirirã oterĩ yerire oterimasã, korerimasãde ubu ããrĩã ããrĩma. Marĩpu gapũ iri oterire purimakũ irigũ ããrĩmi. ĩgũ sugũta irire irimasĩmi. ⁸ Otepuroridi, pũrũ iri oteadeare koredi ĩgũsã suro merã moãboerimasã ããrĩma. Marĩpu ĩgũsã moãderopã ĩgũsãrẽ keoro wajarigũkumi. ⁹ Gũa Marĩpũyarã ĩgũrẽ moãboerã ããrã. Mũsã gũayarã ããrĩbea. Marĩpũyarã ããrã. Irasirirã mũsã ĩgũya pooere otedea irirosũ ããrã.

Irasũ ããrĩmakũ, mũsã ĩgũ wãri wii irimũrĩri wii irirosũ ããrã. ¹⁰ Wii irimerẽgũ borari keoro nũpurorigũ irirosũ, yũ, Marĩpu iritamurõ merã mũsãrẽ Jesucristoyare keoro

✠ 2:9 Is 64.4

buep̄rorib̄u. P̄ru gajerā m̄sārē buenemorā, iri wiire peom̄rĩārā irirosū irirākuma. Iri wiire odorā irirosū m̄sārē buenemorā, goepeyari merā keoro buero gāāmea.

¹¹ Marĩp̄u Jesucristore suḡureta pídi āārĩmĩ masakare tauburo, ārĩgũ. Irasiriḡu yu m̄sārē bueḡu, Jesucristo masakare tauri kerere buep̄rorib̄u. Neō suḡuno iri kerere gorawayumasĩbirikumi. ¹² Jesucristoyare ōārō keoro buenemorā, oro, plata, gaji wajapari ūtāyeri merā wii irirā peom̄rĩārā irirosū irirākuma. Gajerā gap̄u piriri yuku merā, tá merā, mijĩ p̄u merā tiiam̄rĩārā irirosū irirākuma. Īḡusā irirosū gajerā m̄sārē buenemorā, ubu āārĩrĩrē, mata pererinorē buerākuma. ¹³⁻¹⁴ I ūm̄u peremak̄u, Jesucristo masakare Īḡusā buedeare: “I m̄sā buedea ōāb̄u, i ōābirib̄u”, ārĩ wereḡukumi. Oro, plata, wajapari ūtāyeri merā iridea gap̄u peamegue soemak̄u ūj̄ubirikoa. Yuku, tá, p̄urĩ merā iridea gap̄u ūj̄upereakōārokoa. Irasiriḡu, gajinorē peamegue soeḡu, ĩdĩ ūj̄urokuri, dĩ ūj̄ubirikuri? ārĩ beyerosū, Jesucristo Īḡusā ōārō, ñerō buedeare beyeḡukumi. Ōārō keoro buedire keoro wajariḡukumi. ¹⁵ Ōārō keoro buebiridi gap̄ure wajaribirikumi. Gajino ūj̄arōsū Īḡu buedea waja, wajataboadea pereakōārokoa. Īḡu wajatabirikereḡu, peamegue waabirikumi. Tausũḡukumi. Wii ūj̄amak̄u duriwiriaḡu irirosū mérōḡa tariḡukumi.

¹⁶ ĩM̄sā masĩberi? Ōāḡu deyomarĩḡu marĩguere āārĩmi. Irasirirā Marĩp̄uya wii irirosū āārā. ¹⁷ Īḡuya wii irirosū āārĩrā, Īḡuyarā āārā. Irasiriḡu Marĩp̄u Īḡuyarārē poyanorērānorē poyanorēḡukumi.

¹⁸ M̄sā basi péwisibirikōāka! “Ȳu i ūm̄u marā buerire masĩtarinuḡāḡu āārā”, ārĩbirikōāka! Irire masĩmerā irirosū āārĩka! Irasirimak̄u, Marĩp̄u diayeta ōārō masĩrā dujamak̄u iriḡukumi. ¹⁹ I ūm̄u marā Īḡusā masĩrĩ, Marĩp̄u ĩāmak̄u ubu āārĩrĩ āārā. Marĩp̄uya werenĩrĩ gojadea p̄ugue āsū ārĩ gojasũdero āārĩb̄u: “Marĩp̄u gap̄u masĩrĩmasā: ‘Āsū irirāra’, ārĩ ḡũñaderosū iriduarire iribirimak̄u yāmi”, ārĩ gojasũdero āārĩb̄u. ²⁰ Gajeroguedere āsū ārĩ gojasũdero āārĩb̄u: “Marĩ Op̄u, i ūm̄u marā masĩrĩmasā ḡũñarĩrē masĩmi. Irire masĩḡu: ‘Ubu āārĩrĩ āārā iri’, ārĩ ĩāmi”, ārĩ gojasũdero āārĩb̄u. ²¹ Irasirirā m̄sārē bueḡure: “Gajiḡu nemorō ōārō buemi”, ārĩbirikōāka! Marĩp̄u āārĩpereri m̄sāya āārĩburire sĩsiadi āārĩmĩ. ²² Irasiriḡu yare, Apolore, Pedrore iriumi m̄sā ōārō āārĩburire buedoreḡu. Irasū āārĩmak̄u, i ūm̄uma, m̄sāya āārĩburire sĩdi āārĩmĩ. Dapora m̄sā āārĩburire, m̄sā boadero p̄urugue āārĩburidere sĩdi āārĩmĩ. I āārĩpereri m̄sāya āārā. ²³ Irasū āārĩmak̄u, m̄sā Cristoyarā āārā. Cristo Marĩp̄uyaḡu āārĩmi. Irasirirā m̄sā Cristo merā Marĩp̄uyarā āārā.

4

Pablo, Jesucristo Īḡuyare buedoreḡu pínerā moārĩrē gojadea

¹ M̄sā guare: “Cristore moāboerimasā āārĩma”, ārĩ ḡũnarō gāāmea. Guare Marĩp̄uya kerere, masaka masĩbirideare buedoreḡu pídi āārĩmĩ. ² Moārĩmasā Īḡusā op̄u dorerire keoro irirā irirosū ḡua Cristore moāboerimasādere Īḡu dorerire keoro iriro gāāmea. ³ M̄sā yare: “Marĩ Op̄uyare ōārō buemi, o ōārō buebirimi”, ārĩmak̄u, neō bujawerebirikoa. Gajerā masaka, yu buerire: “Keoro āārā, o keoro āārĩbea”, ārĩmak̄udere neō bujawerebirikoa. Yu baside yu buerire: “I gap̄ure ōārō bueb̄u, i gap̄ure ōārō buebirib̄u”, ārĩmasĩbirikoa. ⁴ Yu buedeare ḡũñaḡu: “Ñerō buekub̄u”, ārĩ ḡũñabea. Irasiriḡu: “Yu ñerō buedea waja, waja op̄aa” ārĩmasĩbea. Marĩ Op̄u suḡuta yu buerire: “Ōāgorāa, o ōābea”, ārĩ masĩmi. ⁵ Irasirirā marĩ Op̄u i ūm̄ugue dupaturi aariburo dupuyuro gajerārē: “Īḡu dorederosū keoro iribema”, ārĩ werewuabirikōāka! Īḡu dupaturi aariḡu, āārĩpererārē Īḡusā iridea gajerā masĩbirideare masĩmak̄u iriḡukumi. Īḡusā ḡũñarĩgue: “Āsū iriduaakoa”, ārĩ ḡũñadeadere masĩmak̄u iriḡukumi. Irasiriḡu Marĩp̄u ōārō irirārē: “Ōārō irib̄u”, ārĩḡukumi. Īḡusā ōārō irideropā Īḡusārē keoro iriḡukumi.

⁶ Yaarā, m̄sāya āārĩburire gua Apolos merā iririkurire wereb̄u, m̄sāde gua irirosūta iriburo, ārĩḡu. Marĩp̄uya werenĩrĩ gojadea p̄ugue Īḡu dorerire tarinuḡābirikōāburo,

āriḡū, mūsārē irire werebū. Irasirirā mūsā guare iākūirā: “Guare bueḡu gapu, mūsārē bueḡu nemorō masītarinḡāmi”, āribirikoā. ⁷ Mūsā gajerā nemorō masītarinḡārā āārībea. Āārīpereri mūsā opari, Marīpu mūsārē sīdea dita āārā. Īḡū sīdea āārīkerepuru, iro tamerārē, ḡnasirirā mūsā basi: “Īḡūyare masīpeokoa”, ārīrī? Īḡū mūsārē masīrīrē sībirimakū, neō masībiribokoa. Īḡū mūsārē masīmakū iridea direta masīa.

⁸ Mūsā i gapure āsū ārī ḡūñadāa: “Guā āārīpereri opāa. Marīpuyare masīpeokōāa”, ārī ḡūñadāa. Irasirirā guā mūsārē Īḡūyare buenemomakū ḡāāmebea. Mūsā oparā irirosū: “Āārīpereri masītarinḡārā āārā”, ārī ḡūñadāa. Mūsā diayeta oparā irirosū āārīpereri masītarinḡārā āārīmakū oātari bokoa. Irasirirā guā mūsārē buerāde mūsā merā oparā irirosū āārībokoa. ⁹ Yu āsū ārī péñāa: “Marīpu guare Jesucristoyare buedoreḡu píḡu, āārīpererā nemorō ubu āārīrā irirosū āārīdoreḡu pídi āārīmī”, ārī péñāa. Irasirirā guā wējēbéosūmurā irirosū āārā. Āārīpererā i umu marā masaka, Marīpure wereboerā iūrō guā ñerō taria. ¹⁰ Jesucristoya kerere guā buemakū, masaka guare: “Pemasīmerā āārīma”, ārīma. Mūsā gapu mūsā basi: “Guā Cristoyare pēmasīpeorā āārā”, ārīkoā. Guā, mūsā iāmakūta ubu āārīrā āārā. Mūsā gapu: “Guā oparā irirosū āārā”, ārīkoā. Masaka guā gapure ubu iābéokōāma. Mūsā gapure goepeyari merā iāma. ¹¹ Guā neōgoragueta ñerō tarīpurorimūrīrinerā, daporaguedere irasūta āārīkōāa. Ūaboāa, ñemesibua, surī opabea. Jesucristore buremumerā guare buro ñerō iribirama. Guā buegorenasīā, wiiri opabea. ¹² Irasū āārīmakū, guāya āārīburire, guā baaburidere, guā basi moāpoyāa. Gajerā guare ñerō werenīmakū, guā gapu Marīpure Īḡūsāya āārīburire sērēbosāa. Gajerā guā noó waaró guare ñerō irimakū, ubu péñakōāa. ¹³ Gajerā guare ñerō ārī werewhamakū, guā gapu Īḡūsārē āmuduarā, Īḡūsārē oārō merā werea. I umumarē Īḡūsā ḡāāmebirire Īḡūsā béodea irirosū guare iāma. Neōgoragueta guare doopurorinerā, daporaguedere irasūta doonīkōāma.

¹⁴ Irire gojagu, mūsārē ḡuyasīrdoreḡu meta yāa. Yu mūsārē maīḡū, yu pūrārē irirosū werea. ¹⁵ Wārā gajerā diez mil gora mūsārē Cristoyare buebonerā āārīkerepuru, Īḡū masakare tauri kerere buepuroridi sugūta āārīmi. Iri kerere mūsārē buepuroridi yūta āārā. Yu iri kerere buemakū pérā, mūsā Īḡūrē buremunḡābū. Irasirigū yu mūsāpu irirosū āārā. ¹⁶ Irasirigū mūsārē: “Yu iririkurire, majīrā Īḡūsā pagure iākūirōsū iākūituyaka!” ārī werea.

¹⁷ Mūsā irire irimakū ḡāāmegū, Timoteore mūsā pūroḡue iriua. Īḡū yu buedi yu magū irirosū, yu maīḡū āārīmi. Marī Opū ḡāāmerōsū keoro irinīkōāmi. Yu Cristore buremugū iririkurire mūsārē ḡūñamakū irigukumi mūsāde irasūta iriburo, āriḡū. Irasirigū, āārīpererā Cristore buremurārē āārīpererogū āārīrārē yu buederosūta mūsārē bueḡukumi. ¹⁸ Surāyeri mūsā watope āārīrā: “Pablo guā pūro aaribirikumī”, ārī ḡūñañurā. Irasirirā Īḡūsā basi: “Guā gajerā nemorō masītarinḡārā āārā”, ārī, ḡūñanīkōāñurā. ¹⁹ Yu gapu āsū ārī ḡūñāa: “Marī Opū ḡāāmemakū, mata mūsā pūroḡue waagura”, ārī ḡūñāa. Iroḡue ejagu, masītarinḡārā āārā, ārī werenīrārē iāḡura. Iri direta iābirikoā. “ḡDiayeta Īḡūsā marī Opū turari merā Īḡūyare irirāta yāri?” ārī iāḡukoā. ²⁰ Marīpu Īḡūyarārē doreri āsū āārā. Marī Īḡūyare werenīkererā irire marī iribirimakū, marī werenīrī wajamāa. Īḡū turari merā Īḡūyare irimakū ḡāāmemi. ²¹ ḡÑeēnorē ḡāāmekuri mūsā? ḡMūsā pūroḡue mūsā ñerō iriri waja mūsārē turigū waamakū ḡāāmekuri, o mūsā oārō iriri waja gapure usuyari merā mūsārē wereḡu waamakū ḡāāmekuri?

5

Ñerō irigūre béokal ārī gojadea

¹ Gajerā āsū ārī kere werema yure. Sugū mūsā merāmu Īḡū búamorēta marāpokuyayuru. Irire péḡu, péḡukakōābū. Gajerā Marīpure masīmerā āārīkererā, irasūgora ñerō iribema.

² Īḡū ñerī irigū mūsā merā āārīkerepuru, mūsā gapu: “Guā gajerā nemorō oārā āārā”,

ãrĩ gũñadáa. Irasũ gũñarõno irirã, ìgũ ñerĩ iriri gapure buro bujawereri merã gũñaka! Irasirirã, ìgũ ñerõ iririre piribirimakũ ìãrã, ìgũrẽ béokõãka! Mũsã merã nerẽdorebirikõãka! ³ Yũ gapũ mũsã pũroque ããrĩbirikeregũ, yũ gũñarĩ merã mũsã merã ããrĩgũ irirosũ ããrã. Irasirigũ yũ gũñarĩgue mũsãrẽ: “Ìgũ ñerõ irigure béokõãrõ gããmea”, ãrĩ gũñasiãa. ⁴ Irasirirã mũsã, marĩ Opũ Jesucristoyarã, ìgũ dorero merã nerẽka! Yũde, yũ gũñarĩ merã mũsã merã nerẽgũ irirosũ ããrĩgũkoa. Marĩ Opũ Jesũde ìgũ turari merã mũsã merã ããrĩgũkumi. ⁵ Mũsã irasũ nerẽrã, ìgũ ñerõ irigure béokõãka, wãtẽa opũ Satanás ìgũ gããmerõ ìgũrẽ iriburo, ãrĩrã! Irasirigũ ñerõ tarigũ, ìgũ ñerõ iririre pirigũkumi. Marĩ Opũ Jesũs i ãmũgue dupaturi aarigũ, ìgũrẽ taugũkumi.

⁶ Ìgũ ñerõ irigure béomerã: “Gua gajerã nemorõ õãrã ããrã”, ãrĩ gũñabirikõãka! Mũsã ìgũ ñerõ iririre ubu ìãkõãrã, ããrĩpererã mũsãde ìgũ ñerõ iririre pẽrẽbejarãkoa. ¿Mũsã ãsũ ãrĩ wererire masĩberi? “Pãrẽ irirã, mërõgã pã wemasãrĩ poga merã trigo pogare morẽkuma. Pũrũ iri wemasãseyakõãkoa”, ãrĩ werea. Iri poga wemasãseyarosũta ñerĩde mũsãguere õãrõ seyakõãrokoa. ⁷ Irasirirã ìgũ ñerĩ irigure béoka, gajerãde ñerõ iriri, ãrĩrã! Gũayarã, judío masaka pascua bosenu irimurã pã wemasãmakũ iriri pogare béokuma. Irire béorosũta mũsã ñerĩ iririre béoka, ñerĩrẽ opamerã ããrĩmurã! Pascua bosenu ããrĩmakũ, judío masaka ovejare wẽjẽkuma ìgũsã ñerĩ irideja wajare Marĩpũre béodorã. Oveja boaderosũta Cristo marĩ ñerõ irideja waja boabosadi ããrĩmĩ Marĩpũ marĩrẽ: “Ñerĩ marĩrã ããrĩma”, ãrĩ ìãburo, ãrĩgũ. ⁸ Irasirirã marĩ ñerĩ iririkũdeare pirikõãrõ gããmea. Ñerĩrẽ iriro marĩrõ ããrĩrõ gããmea. Irigatori marĩrõ, diayema õãrõ werenĩrĩ merã ããrĩrõ gããmea.

⁹ Yũ mũsãrẽ iripoegue gojadea pũgue ãsũ ãrĩ gojabũ: “Nomerẽ ñerõ gãmebirarikũrãrẽ wapikũbirikõãka!” ãrĩ gojabũ. ¹⁰ Yũ irasũ gojagũ: “Ããrĩpererã ñerõ iririmasã i ãmũgue ããrĩrãrẽ neõ wapikũbirikõãka!” ãrĩgũ meta iribũ. I ãmũguere noó mũsã waaró Jesũre bũremumerã ããrĩma. Nomerẽ ñerõ gãmebirarikũrã, gajerãyare buro gããmerã, yajarimasã, keori weadeare bũremurĩmasã wãrã ããrĩma. Ìgũsã ããrĩpererogue ããrĩmakũ, ìgũsãno marĩrõgue waamasĩña máa. ¹¹ ãsũ gapũ ãrĩ gojabũ: “Surãyeri mũsã merã ããrĩrã: ‘Jesũre bũremua’, ãrĩkererã ñerĩ iririkũmakũ ìãrã, ìgũsãrẽ wapikũbirikõãka!” ãrĩ gojabũ. “Irasirirã nomerẽ ñerõ gãmebirarikũrãrẽ, gajerãyare buro gããmerãrẽ, keori weadeare bũremurãrẽ, gajerãrẽ ñerõ kere wererãrẽ, mejãrikũrãrẽ, yajarikũrãrẽ wapikũbirikõãka! Irasiririkũrãno merã neõ baabirikõãka!” ãrĩ gojabũ. ¹²⁻¹³ Marĩpũ Jesũre bũremumerãrẽ ìgũsã ñerõ irideja waja wajamoãgũkumi. Irasirigũ yũ mũsãrẽ: “Wajamoãka ìgũsãrẽ!” ãrĩbea. Mũsã tamerã mũsã merã ããrĩrãrẽ ìgũsã ñerõ irimakũ ìãrã, ìgũsãrẽ wajamoãka! Marĩpũya werenĩrĩ gojadea pũgue gojaderosũta irika! ãsũ ãrĩ gojasũdero ããrĩbũ: “Sugũ mũsã merã ããrĩgũ ñerõ irimakũ ìãrã, ìgũrẽ béokõãka!” ãrĩ gojasũdero ããrĩbũ. Irasirirã mũsã merã ããrĩgũrẽ ìgũ búamorẽ ñerõ irigure béokõãka!

6

Jesũre bũremurã gãme weresãrĩrẽ gojadea

¹ Mũsã basi gãme guaseorã, ¿nasirirã weresãrĩrẽ beyerimasã Jesũre bũremumerã pũroque ãmudorerã waari? Jesũre bũremurãrẽ mũsã merãmarãrẽ weresãduarã, gajerã Jesũre bũremurãrẽ irire ãmudorerã waaró gããmea. ² ¿Ire mũsã masĩberi? I ãmũ pere-makũ, marĩ Jesũre bũremurã Marĩpũyarã ããrĩsĩã, Jesũs merã i ãmũ marãrẽ dorerã ããrĩrãkoa. Irasirirã ìgũsãrẽ doremurã daporadere marĩ gãme guaseorire ãmudoremasĩa. ³ ¿Idere masĩberi mũsã? Marĩ Jesũs merã Marĩpũre wereboerã ãmũgasigue ããrĩrãrẽ dorerãkoa. Irasirirã ìgũsãrẽ doremurã ããrĩsĩã, i ãmũmadere ãmudoremasĩa. ⁴ ¿Nasirirã i ãmũmarẽ gãme guaseorã, Marĩpũyare masĩmerã pũroque irire ãmudorerã waari? ⁵ Mũsãrẽ gũyasĩrĩburo, ãrĩgũ, ire gojãa. ¿Mũsã watopeguere neõ sugũ masĩgũ, mũsã

guaseorire amugano marigorakõarĩ? ⁶ Musã merãmu masĩgũno gapure amudorerono irirã, gajĩgu Jesũre bũremugũrẽ weresãduarã, Jesũre bũremumerã pũroguẽ amudorerã waãa.

⁷ Irasiriro, musã gãme guaseorã, musã basi amumasĩmerã, Jesũre bũremumerã pũroguẽ irire amudorerã waamakũ õãbea. Igũsarẽ weresãrõno irirã, gajerã Jesũre bũremurã musãrẽ diaye iribirideare, musãrẽ yajadeare irasũ iãkõãmakũ nemorõ õãboakuyo. ⁸ Musã Jesũre bũremurã ããrĩkererã, gajerã musãyarãrẽ diaye irimerã, musãde Igũsãyare yajarã yãa.

⁹ ¿Ire musã masĩberi? Ñerõ iririkurã Marĩpu Igũyarãrẽ doreroguere waabirikuma. Ire pẽwisibirikõãka! Ūma nomerẽ ñerõ gãmebirarikurã, keori weadeare bũremurĩmasã, gajĩgu marãpore ãma marãpokurã, gajego marãpu merã ñerõ iririkurã, ãma seyaro Igũsã dupurĩ merã ñerõ iririkurã, nome de Igũsã seyaro ñerõ iririkurã Marĩpu pũroguere neõ waabirikuma. ¹⁰ Irasũ ããrĩmakũ, yajarimasã, gajerãyare bũro gããmerĩmasã, mejãrikurã, gajerãrẽ ñerõ kere wererimasã, ãrĩgatori merã gajerãyare yajarimasã neõ Marĩpu pũroguẽ waabirikuma. ¹¹ Iripoeguere musã surãyeri irasiririkurã ããrĩnerã ããrĩbũ. Irasiririkurã ããrĩkererũ, Marĩpu musã ñerĩ oparire koedi ããrĩmĩ Igũyarã ããrĩmakũ irigu. Irasirigu musãrẽ: “Õãrã, waja opamerã ããrĩma”, ãrĩ iãmi. Marĩ Opũ Jesucristo iridea merã, Õãgũ deyomarĩgũ musãguere ããrĩrĩ merã irasũ ãrĩ iãmi.

Marĩya dupũ merã õãrõ iridorea, ãrĩ gojãdea

¹² Masaka surãyeri ãsũ ãrĩ werenĩma: “Marĩ iriduarire noó gããmerõ irimasã”, ãrĩ werenĩma. Irasũta ããrã, ãrĩrõ tamerã. Yũ iriduarĩ gajerãrẽ iritamubirimakũ iãgũ, irire iribea. Irasirigu irire piridũagu, pirikõãrõ gããmea. ¹³ I masaka werenĩrĩ diayeta ããrã. ãsũ ãrĩ werenĩma: “Baari, marĩya paruma ããrĩburi ããrã. Marĩya paru, baari baasãdiru ããrã”, ãrĩ werenĩma. Marĩpu gapũ i pe wãirẽ peremakũ irigũkumi. Irasiriro baari, marĩya paru irasũ ããrĩkõãrõ yãa. ãsũ gapũ ããrã. Marĩpu, marĩya dupũ irigu, ñerĩrẽ ãaribebaburi dupure iribiridi ããrĩmĩ. Marĩ Opũ Jesucristo gããmerĩ gapure iriburi dupũ ããrã. Igũta marĩ merã ããrĩgũ marĩya dupũ Opũ ããrĩmĩ irire õãrõ iribu. ¹⁴ Marĩpu Igũ turari merã marĩ Opũ Jesucristo boadero pũrũ, Igũya dupure masũdi ããrĩmĩ. Igũrẽ masũderosũta marĩ boadero pũrũ, marĩya dupũdere masũgũkumi.

¹⁵ ¿Ire musã masĩberi? Marĩ Cristoyarã ããrĩmakũ, marĩya dupũ, Igũya dupũma ããrĩrĩ irirosũ ããrã. Marĩ irasũ ããrĩrã, nomeõ ãma merã ñerõ iririkurimasõ merã ñerõ irimakũ õãbirigorakõãa. Irasirirã irinorẽ neõ iribirikõãdorea. ¹⁶ ¿Idere musã masĩberi? Marĩpũya werenĩrĩ gojãdea pũgue ãsũ ãrĩ gojasũdero ããrĩbũ: “Ūmũ, nomeõ merã marãpokũgu, pẽrã ããrĩkererã, Marĩpu iãmakũ su dupũ irirosũta ããrĩrãkuma”, ãrĩ gojasũdero ããrĩbũ. Irasirigu sugũ ñegõ merã marãpokũmakũ, Igũya dupũ igoya dupũ merã ããrĩrõ, su dupũ irirosũta ããrã. ¹⁷ Irasũta sugũ marĩ Opũ Jesucristore bũremugũ Igũ merã pẽrã ããrĩkererã, su dupũ irirosũta ããrĩma. Irasirirã su gũñarĩta opama.

¹⁸ Irasirirã ãma nomerẽ gãmebirarire neõ iribirikõãka! Gaji marĩ ñerõ iririre irirã, marĩya dupũguere ñerõ iribea. Ūma Igũsã marãposã nome ããrĩmerã nomerẽ gãmebirarã gapũ Igũsã basi Igũsãya dupure ñetariro irirã yãma. Cristoya dupũguere ñerõ irirã irirosũ yãma. ¹⁹ ¿Musã ire masĩberi? Marĩpu marĩrẽ Õãgũ deyomarĩgũrẽ sĩdi ããrĩmĩ. Irasirigu Õãgũ deyomarĩgũ marĩguere ããrĩmakũ, marĩya dupũ Igũya wii irirosũ ããrã. Irasiriro marĩya dupũ marĩya dupũgora ããrĩbea. ²⁰ Marĩpu marĩrẽ bũro maĩgũ, Jesucristore iriudi ããrĩmĩ marĩ ñerĩ iridea wajare wajaridoregu. Igũyarã ããrĩburo, ãrĩgũ, irasiridi ããrĩmĩ. Irasirirã marĩ Igũ wajarinerã ããrĩsã, marĩya dupũ merã Marĩpu gããmerõsũta iriro gããmea gajerãde Igũrẽ bũremuburo, ãrĩrã.

¹ Daporare musã yare sêrêña gojadeare yujugura. Marâpokubirimakû, marâpokubirimakû, ôãgoráa. ² Irasû ãârîkerepuru, ãârîpereroguere ùma nomerê gãmebirari ãârã. Irasirirã ùma ìgûsãkû marâpokuro gããmea, gajerã nome merã ñerõ iriri, ãrîrã. Nomede ìgûsãkû marâpokuro gããmea, gajerã ùma merã ñerõ iriri, ãrîrã. ³ Marâpokugu ìgû marâpo merã ôârõ ãârîrikuro gããmea. Igoode marâpu merã ôârõ ãârîrikuro gããmea. ⁴ Marâpokugore igoya dupu igoya dita ãârîbea. Igo marâpu gããmerõsûta ìgû merã ãârîrõ gããmea. Igo marâpudere ìgûya dupu ìgûya dita ãârîbea. ìgû marâpo gããmerõsûta igo merã ãârîrõ gããmea. ⁵ Æsû iriburo. Igo marâpu igo merã ãârîduamakû yujuburo. ìgûde igore yujuburo. ìgûsã Marîpûre sêrêmurã: “Irikunurî marî iririkurinerê iribirikõârã”, ãrî ãmuadero puru merê irasû iribirikõãburo. Marîpûre sêrê odoadero puru, dupaturi ìgûsã ãârîrikuderosûta ãârîburo doja. ìgûsã irasiribirimakû, wãtî ìgûsãrê gajerã merã ñerõ irimakû iribokumi.

⁶ Yu musãrê ire dorerigora irirosû werenígû meta yáa. Musã irasû irimakû ôãrokoa, ãrîgû, irasû ãrã. ⁷ Yu ãsû ãrî gûñáa. Æârîpererã musã yu irirosûta marâpo marîrã ãârîmakû gããmeadikoa. Marîpu gapu marî ãârîpererãrê surõsû píbiridi ãârîmí. Surayerire marâpo marîmurãrê, o marâpu marîmurãrê pídi ãârîmí. Gajerã gapure marâpokumurãrê, o marâpokumurãrê pídi ãârîmí.

⁸ Irasirigû musã marâpo marîrãrê, marâpu marîrãrê, wapiweyarã nomerê ãsû ãrã. Yu irirosû musã marâpokubirimakû, o marâpokubirimakû ôãgoráa. ⁹ Æma, nome merã ãârîduarire nûgãmerãno marâpokuburo. Nomede irasûta iriburo. ìgûsã marâpokumakû, marâpokumakû ôãgoráa. Irasirirã ìgûsã nome merã, ùma merã ãârîduari direta gûñanîbirikuma.

¹⁰ Marâpokurãrê, marâpokurãrê yu ãsû dorea. I yu doreri ãârîbea. Marî Opû ire doredi ãârîmí. Æsû ãrî doredi ãârîmí: “Nomeõ igo marâpûre béobirikõãburo”. ¹¹ Nomeõ igo marâpûre béogo, gajigure marâpokubirikõãrõ gããmea. Igo marâpu ãârîdi merã ãmubeo, sugota ãârîkõãrõ gããmea. Æmãude ìgû marâpore béobirikõãrõ gããmea. ìgûde ìgû marâpo ãârîdeo merã ãmubi, marâpo marîgûta ãârîkõãrõ gããmea.

¹² Gajerãrê yu gûñarîrê weregura marî Opû weredoredea ãârîbirikerepuru. Æsû ãrã. Sugû Jesúre buremugû, Jesúre buremubeore marâpokuburo puru, igo ìgû merãta dujaduamakû, igore béobirikõãrõ gããmea. ¹³ Nomeõde Jesúre buremugõ Jesúre buremubire marâpokugo, igo merã ìgû dujaduamakû, ìgûrê béobirikõãrõ gããmea. ¹⁴ Sugû Jesúre buremubi marâpo Jesúre buremugõ ãârîmakû ìãgû, Marîpu ìgûrê: “Yaagu irirosû ãârîmí”, ãrî ìãmi. Irasûta sugo Jesúre buremubeo marâpu Jesúre buremugû ãârîmakû ìãgû, Marîpu igore: “Yaago irirosû ãârîmo”, ãrî ìãmi. ìgû irasû ìãbirimakû, ìgûsã pûrã Jesúre buremumerã pûrã irirosû ãârîbokuma. Irasirigû ìgûsã pûrãdere Jesúre buremurã pûrã irirosû ìãmi. ¹⁵ Jesúre buremubi gapu ìgû marâpo Jesúre buremugõrê béoduagu, béoburo. Irasûta Jesúre buremubeo igo marâpu Jesúre buremugûrê béoduago, béoburo. Marîpu marîrê gajerã merã gãmekêãrõ marîrõ usuyari merã ãârîmakû gããmemi. Irasirirã ìgûsã béoduamakû ôãgoráa. ¹⁶ Jesúre buremugõ, igo marâpu Jesúre buremubire: “Yu merã ãârîgû, buremugukumi”, ãrîmasîña máa. Irasûta Jesúre buremugû, ìgû marâpo Jesúre buremubeore: “Yu merã ãârîgõ, buremugokumo”, ãrîmasîña máa.

¹⁷ Æsû iriro gããmea marîrê ãârîpererã marî Opû Jesucristoyarãrê. Marîpu marîrê Jesúre buremunugãdoregu siiudeapoe ìgû marîrê: “Æsû irika!” ãrî píderõsûta iriwãgãrõ gããmea. Yu irire ãârîperero marãrê Jesúre buremurãrê dorea. ¹⁸ Marîpu sugure ìgûya dupuma gasirogãrê* wiirisûdire siiumakû, irasûta dujaro gããmea. Irasûta wiirisûbire

* **7:18** Gn 17.1-14: Iripoegue Marîpu Abrahãrê ìgû pûrã ãmarê: “Yaarã ãârîburo”, ãrîgû, ìgûsãya dupuma gasirogãrê wiiridoredi ãârîmí. Puru iri dorerire Moisére pídi ãârîmí. Irasirirã judío masaka Abraham parãmerã ãârîturiarã iri dorerire irirã, ìgûsã pûrã ãmarê su mojõma pere gaji mojõ ureru pêrêbejarinurî waaró merã ìgûsã deyoadero puru irasû yáa.

siiumakū, wiirisūbita dujaro gāamea. ¹⁹ Daporare wiirisūnerā āārīrī, wiirisūbirinerā āārīrīde wajamáa. Marīpɯ dorerire marī iriri gapɯ wajakɯtarinɯgāa. ²⁰ Irasirirā Marīpɯ marīrē masakakɯre siuideapoe īgū marīrē pīderosūta iriwāgārō gāamea.

²¹ Marīpɯ mɯsārē siuideapoe surāyeri gajerārē moāboerimasā āārībú. Irasū āārīkererā, mɯsā moāboerimasā āārīrīrē gūñarikɯbirikōāka! Gajipoe mɯsā oparā mɯsārē wiudɯamakū, wirika! ²² Marīpɯ mɯsārē marī Opɯ Jesucristore bɯremudoregɯ siiudi āārīmí. Irasirirā surāyeri mɯsā gajerārē moāboerimasā āārīkererā, daporare Jesucristoyarā īgū wiunerā irirosū āārā īgūyare irimurā. Mɯsā gajerārē moāboerimasā āārībirikererā, daporare Jesucristore moāboerā āārā. ²³ Marīpɯ marīrē īgūyarā āārīburo, ārīgū, īgū magū Jesucristo boagɯ dí béodea merā wajaridi āārīmí. Irasirirā masakare moāboerā irirosū āārībirikōāka! Masaka gāamerīnorē iribirikōāka! Marīpɯ gāamerī gapɯre irika! ²⁴ Irasirirā, Marīpɯ mɯsārē Jesucristore bɯremunɯgādoregɯ siuideapoe mɯsārē pīderosūta īgū merā ōārō āārīnīkōāka!

²⁵ Daporare mɯsā marāpo marīrārē, marāpɯ marīrādere weredɯakoa. I yɯ wereburi marī Opɯ weredoredea āārībea. Irasū āārībirikererɯɯ, yɯ basi gūñarī merā mɯsārē wererere. Marī Opɯ yɯre bopoñarī merā īāsīā, yɯre iritamumi. Irasirirā mɯsā yɯ wererere: “Irimakū ōāgorāa”, ārī masīrākoa. ²⁶ Daporare marīrē wári ñerō tariri āārā. Irasirirā mɯsā āārīrikɯrosūta dujamakū ōāgorāa. ²⁷ Marāpokurā, marāpukurā gāme béobirikōāka! Marāpo marīrā, marāposā nome āmabirikōāka! ²⁸ Yɯ mɯsārē irire wererere, mɯsā marāpokurā, Marīpɯ dorerire tarinɯgārā meta yāa. Nomeōde marāpukɯgo, Marīpɯ dorerire tarinɯgāgō meta yāmo. Irasū āārīkererɯɯ, marāpokurā, marāpukurā gapɯ īgūsā okarinɯrīrē poyari merā āārīrākuma. Irasirigɯ yɯ irire: “Poyari merā āārībokuma”, ārīgū: “Marāpo marīrā, marāpɯ marīrā āārīkōāka!” ārā mɯsārē.

²⁹ Yaarā, yɯ mɯsārē irasū ārīgū, āsū ārīdɯagɯ yāa. Marī i ūmɯgue āārīrikɯri pereburo mērō dɯyāa. Irasirirā daporare marāpo marīrā Marīpɯyare ōārō moārōsūta marāpokurādere ōārō moārō gāamea. Marāpukurā nomede irasūta Marīpɯyare ōārō iriro gāamea. ³⁰ Marī orekererā, bujaweremerā irirosū āārīrō gāamea. Ūsuyakererā, ūsuyari merā bosenu irimerā irirosū āārīrō gāamea. Gajino wajarikererā: “I yaa āārīnīkōārokoa”, ārī gūñabirikōārō gāamea. Irasirirā, marīrē Marīpɯyare ōārō iriro gāamea. ³¹ I ūmɯma marī īārī perewāgārō yāa. Irasirirā i ūmɯmarē iridɯarire bɯro gūñarikɯbirikōārō gāamea.

³² Yɯ mɯsārē gūñarikɯro marīrō āārīmakū gāamea. Marāpo marīgū, marī Opɯyare ōārō gūñami. Irasirigɯ īgūrē ūsuyamakū gāamegū, īgūyare ōārō yāmi. ³³ Marāpokɯgɯ gapɯ īgū marāpo ōārō ūsuyari merā āārīmakū gāamegū, i ūmɯmarē gūñami. ³⁴ Irasirigɯ marī Opɯ gāamerīrē, īgū marāpo ūsuyamakū gāamerī gapɯdere gūñami. Nomedere irasūta āārā. Marāpɯ marīgō marī Opɯyare ōārō gūñamo. Igo gūñarī merā Marīpɯyago ōārō āārīdɯago, īgū gāamerōsūta iridɯamo. Marāpukɯgo gapɯ igo marāpɯ ōārō ūsuyari merā āārīmakū gāamegō, i ūmɯmarē gūñamo.

³⁵ Yɯ mɯsārē ōārō waaburo, ārīgū, marī Opɯ gāamerī direta keoro iridoregɯ ire gojāa. Mɯsārē marāpokurire, marāpukurire kāmɯtagɯ meta yāa.

³⁶ Sugɯ īgū magō búro waamakū īāgū, āsū ārībokumi: “Yɯ magōrē ōārō iribirikoa. Igo marāpukɯmakū ōāboko”, ārībokumi. Irasū ārīgū nomesukōāburo. Irasiriri, ñerō iriri āārībea. ³⁷ Gajigɯ gapɯ: “Nomesuro gāamekoa”, ārībiribokumi. Āsū gapɯ ārībokumi: “Yɯ magō marāpukɯbirikōāburo”, ārībokumi. Īgū irasū ārīmakū, igore ōārō waaboko. Īgū irasū iridɯari ōāgoraboko. ³⁸ Magōrē marāpukɯdoregɯ, ōārō irigɯ yāmi. Irota marāpukɯdorebi gapɯ nemorō ōārō iritarinɯgāgū yāmi. Daporare marīrē wári ñerō tariri āārā. Irasiriro marāpukɯbirimakū, marāpokɯbirimakū nemorō ōāa.

³⁹ Marīpɯ marīrē doreri āsū ārā. Marāpukɯgo igo marāpɯ okamakū, īgū merā āārīnīkōāburo. Īgū boadero pɯrɯgue, gajigɯ igo suyugure marāpukɯmasīgokumo īgū Jesúre bɯremugū āārīmakū. ⁴⁰ Yɯ gapɯ āsū ārī gūñāa. Igo dupaturi marāpukɯbeo,

nemorõ ɯɯyabokumo. Yude, gajerã mɯsãrẽ buerimasã irirosũ Õãgũ deyomarĩgũrẽ opáa. Irasirigɯ irire werea mɯsãrẽ.

8

¿Keori weadea ɱuro baari pídeare baamakũ õãkuri? ãrĩ gojadea

¹ Dapora mɯsã: “¿Keori weadea ɱuro baari pídeare baamakũ õãkuri?” ãrĩ sêrẽñadeare yɱjugura. Mɯsã irire masĩa. Ìgũsã bɱremurĩ weadea neõ wajamáa. Irasirirã: “Gɱa tamerã õãrõ masĩa”, ãrĩ gũñarã, gajerãrẽ masĩtarinugãduarã irirosũ yáa. Gajerãrẽ maĩrã, ãsũ gapɱ iriro gããmea. Nemorõ Ìgũsãrẽ Marĩɱuyare bɱremunemomakũ iriro gããmea. ² Sugɱ: “Masĩpeokõã”, ãrĩgũno, õãrõ masĩbemi. Wári dɱyáa Ìgũ masĩbiri. ³ Marĩɱ Ìgũrẽ maĩgũ gapɱre masĩmi. “Yaagɱ ããrĩmi, Ìgũrẽ masĩa”, ãrĩmi.

⁴ Irasirigɱ yɱ mɯsãrẽ keori weadea ɱuro baari pídea baarire weregura. Diayeta ããrã. Ìgũsã bɱremurĩ weadea neõ wajamáa. Gajigɱ, Marĩɱ irirosũ ããrĩgũ neõ mámi. Ìgũ suguta ããrĩmi. ⁵ Gajerã masaka Ìgũrẽ bɱremumerã wárã gajerãnorẽ bɱremuma. Ɛmarõgue ããrĩrãrẽ, i ɱmugue ããrĩrãrẽ bɱremuma. “Marĩ bɱremurã, marĩ oparã ããrĩma”, ãrĩ bɱremuma. ⁶ Marĩɱ suguta ããrĩpererire iridi ããrĩmi. Irasirirã marĩ Ìgũyarã ããrĩsĩã, Ìgũ dorerire irimurã ããrã. Irasũ ããrĩmakũ, Jesucristo suguta marĩ Opɱ ããrĩmi. Ìgũ merã Marĩɱ ããrĩpererire iridi ããrĩmi. Ìgũ merã marĩdere Ìgũyarã ããrĩmakũ iridi ããrĩmi. Irasirirã Ìgũ merã ããrĩníkõãrãkoa.

⁷ Yɱ wereri diaye ããrĩkereɱɱɱ, surãyeri Jesúre bɱremurã irire masĩbema. Iripoegue keori weadeare bɱremunerã ããrĩsĩã, daporadere iri keori weadea ɱuro baari pídeare baarã: “Marĩ bɱremunerã keori weadeare bɱremurã yáa”, ãrĩ gũñadima. Irasirirã õãrõ masĩmerã irire baarã: “Ñerõ irirã yáa”, ãrĩ gũñadima. Irasũ gũñakererã, irire baakõãma. ⁸ Marĩ irire baarã, Marĩɱ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa. ⁹ Irasũ ããrĩkereɱɱɱ, õãrõ pémasĩka! Mɯsã noó gããmerõ baarã, gajigɱ Jesúre bɱremuturabire ñerõ irimakũ iribirikõãka! ¹⁰ Æsũ ããrã. “Ìgũsã bɱremurĩ keori weadea neõ wajamáa”, ãrĩ masĩa. Irasirirã iri keori weadeare bɱremurĩmasã baarogue baarã: “Õãbea”, ãrĩ gũñabea. Jesúre bɱremuturabi gapɱ, mɯsã irogue baamakũ Ìãgũ: “Irogue baarã, Marĩɱre bɱremubema”, ãrĩ gũñabokumi. Irasũ ãrĩ gũñakeregɱ, mɯsãrẽ Ìãkũĩ, Ìgũde baakõãbokumi. Irasũ baagɱ: “Ñerõ irigɱ yáa”, ãrĩ gũñabokumi. Ìgũ irasũ gũñamakũ, mɯsã Ìgũrẽ ñerõ irimakũ irirãkoa. ¹¹ Mɯsã õãrõ masĩrã irogue baarã, gajigɱ õãrõ masĩbi gapɱre ñerõ irimakũ iribokoa. Cristo Ìgũdere boabosadi ããrĩmi. Irasirirã mɯsã baari merã Cristoyagɱre poyanorẽbokoa. ¹² Irasũ ããrĩmakũ, gajigɱ õãrõ masĩbire: “Irire baamakũ ñegorãa”, ãrĩ gũñakeregɱ irire baamakũ irirã, Cristodere ñerõ irirã yáa. ¹³ Irasirigɱ yɱ baari merã gajigɱ Cristoyagɱre ñerõ irimakũ iribokoa, ãrĩgũ, iri baarire neõ dupaturi baabirikoa.

9

Jesús buedoregɱ pídi Ìgũ wajatarimarẽ gojadea

¹ Jesucristo yɱre Ìgũyare buedoregɱ pídi ããrĩmi. Irasirigɱ yude gajerã Ìgũ buedoregɱ pínerã irirosũta irimasĩa. Yude marĩ Opɱ Jesúre Ìãdita ããrã. Irasũ ããrĩmakũ, yɱ mɯsãrẽ Ìgũya kerere buemakũ pérã, Ìgũrẽ bɱremunugãbɱ. ² Gajerã yɱre: “Ìgũ Jesús buedoregɱ pídi meta ããrĩmi”, ãrĩ werewɱakerereɱɱɱ, mɯsã gapɱ irasũ ãrĩbea. Yɱ buemakũ pérã, mɯsã Jesúre bɱremubɱ. Irasirirã Ìgũrẽ bɱremurã ããrĩsĩã, yɱre: “Ìgũ Jesús buedoregɱ pídi ããrĩmi”, ãrĩ masĩa.

³ Yure werewuarārē āsū ārī yuḡugura. ⁴ Yu musārē bueri waja, musā yure baari ejo, iiriri tīmakū ñeāmasīa. ⁵ Gajerā Jesús buedoregḡ pīnerā, ĩgū pagḡpūrā, Pedrosā buegorenarā, ĩgūsā marāposā nomerē āīānama. ĩgūsā irirosūta yude Jesucristore bḡremugōrē marāpokugḡ āīānabokoa. ⁶ ¿Naāsū gūñarī musā? Gajerā Jesús buedoregḡ pīnerā musārē buerā, ĩgūsā baaburire moā wajatabema. ¿Nasirirā yu, Bernabé musārē buerā, gḡa baaburire wajataduarā, moāduūmasībirikuri? ⁷ Surara ĩgū baaburi waja ĩgū basi wajaribirikumi. ĩgū surara moārī waja ĩgū oparā gapḡ irire wajaribosakuma. Iguidari otedi, ĩgū otedea dukare tea, baamasīkumi. Ovejare koregude, ĩgūsāya ūpīkure bipi, iirīmasīkumi. ⁸ Yu musārē irasū ārīgū, masaka gūñarī merā werebea. Yu ārīrōsūta Marīpḡ doreri gojadea pūgue āsū ārī gojasūdero āārībú: ⁹ “Wekḡ trigo yeri gasirire ĩgūya guburi merā kura koro, trigore baadugḡ baaburo. ĩgūya disi túsārī berore túsābirikōāka!” ārī gojasūdero āārībú. Marīpḡ irire doregḡ, wekḡayama direta ārīgū meta iridi āārīmī. ¹⁰ Irire doregḡ, gḡa ĩgūya kerere buerāya āārīburire ārīgū iridi āārīmī. Āsū āārā. Sugḡ oteburore āmukumi. Pḡḡ gajigḡ iro otedea dukare seakumi. Irasirirā iri otedea dukare dukawaburire gūñarā, pērāgueta ōārō moākuma. ¹¹ Gḡa musārē Marīpḡya werenīrē buerā, oterimasū ĩgū oteri yerire otegḡ irirosū iribu. Oterimasū ĩgū moārī waja, ĩgū otedea dukare seamasīkumi ĩgūya āārīburire. Irasiriro, gḡa musārē bueri waja, musā gḡaya āārīburire gajino gḡare sīmakū ōābokoa. ¹² Musā gḡare sībirikererā, gajerā buerā musārē sērēmakū, ĩgūsā gapḡre sīyuro. Gḡa gapḡ ĩgūsā nemorō sērēmasīa musārē bueri waja.

Gḡa musārē: “Sīka!” ārībonerā āārīkererā, neō irasū ārībea. “ĩgūsā Cristoya kerere péduabiribokuma gḡa ĩgūsārē gajinorē sērēmakū”, ārī gūñabu. Irasirirā gḡa gāāmerīrē opabirikerepḡḡ, musārē neō sērēbiribu. ¹³ Musā ire masīa. Marīpḡya wiigḡe moārīmasā, Marīpḡre bḡremurā waibu diī āiri sīdeare baama ĩgūsā irogue moārī waja. Iri wiima waimurārē wējē soepeoro pḡro moārāde irireta baama. ¹⁴ I irirosūta marī Opḡ ĩgūya kerere wererāya āārīburire āsū ārīdi āārīmī: “ĩgūsā moārī merā ĩgūsā baaburire wajata baaburo”, ārīdi āārīmī. ¹⁵ Irasū āārīkerepḡḡ, yu gapḡ musārē: “Sīka!” neō ārībiribu. Daporadere gojagḡ, musārē gajino sērēgū meta gojāa. Ūboari merā boakeregḡ, musārē buedea waja neō wajaseabirikoa. Irasirigḡ wajamarīrō musārē usayari merā buea. Yu musārē buedea waja merā neō wajata baabirikoa.

¹⁶ Marīpḡ yure ĩgū masakare tauri kerere weredoregḡ pídi āārīmī. Irasirigḡ yu iri kerere weregḡ: “Gajerā nemorō masītarinḡgāgū āārā”, neō ārī gūñabea. Iri kerere werebi, buro bujawereri merā ñerō taribokoa. ¹⁷ Iri kerere yu basi yu gūñarī merā buegḡ, wajatabokoa. Marīpḡ yure dorederosūta iri kerere buegḡ, ĩgū yure pídea gapḡre irigḡ yāa. ĩgū yure píderosūta iriro gāāmea. Gaji gapḡre neō irimasīña máa. ¹⁸ Irasirigḡ Jesucristoya kerere buegḡ, yu bueri waja musārē: “Wajarika!” ārī sērēbuno āārīkeregḡ, irire neō sērēbiribu. Yu irasirimakū, yu wajatari āsū āārā: “Jesucristo ĩgūrē bḡremurārē taugḡkumi”, ārīrī kerere wajamarīrō buegḡ, ōārō usayari merā āārā. Irita āārā yu wajatari.

¹⁹ Masakare moāboegḡ neō āārībirikeregḡ, āārīpererārē moāboegḡ irirosū irigḡ yāa, ĩgūsā Jesucristoya kerere péburo, ārīgū. Wārā ĩgūrē bḡremumakū gāāmegḡ, irasū yāa. ²⁰ Irasirigḡ yaarā judío masaka merā āārīgú, ĩgūsā ōārī iririkurosūta yāa, ĩgūsā Jesúre bḡremumakū gāāmegḡ. Āsū āārā. ĩgūsā Moisés dorerire bḡremuma. Yu Moisés doreri direta bḡremugḡ āārībirikeregḡ, ĩgūsā merā āārīgú, ĩgūsā iririkurosūta yāa, yu buerire pémakū gāāmegḡ. ²¹ Moisés dorerire bḡremumerā merā āārīgú, ĩgūsā ōārī iririkurosūta yāa, ĩgūsāde Jesúre bḡremumakū gāāmegḡ. Irasirikeregḡ, Cristore bḡremusīa, Marīpḡ dorerire tarinḡgābea. ²² Jesúre bḡremuturamerā merā āārīgú, ĩgūsā ōārī iririkurosūta yāa, ĩgūsāde Jesúre bḡremunemburo, ārīgū. “Musā nemorō Jesúre bḡremugḡ, ĩgūyare

masĩpeogu ããrã”, neõ ãrĩbea ĩgũsãrẽ. Irasirigu ããrĩpererã õãrĩ iririkũrosũta yáa: “Surãyeri yũ buerire pérã, tausũrãkuma”, ãrĩgũ. ²³ I ããrĩpererire irasũ yáa: “Jesucristo ĩgũrẽ bũremurãrẽ taugũkumi”, ãrĩrĩ kerere ĩgũsã õãrõ péburo, ãrĩgũ. ĩgũsã iri õãrĩ kerere bũremumakũ ĩãgũ, yũ ĩgũsã merã bũro usuyáa.

²⁴ Musãrẽ i keori merã ãsũ ãrĩ werea. Ũma birarimasã, ããrĩpererã ũmakererã, wajataperebirikuma. Ũmaturagu dita wajakatumi. Irasirirã, wajataduagu bũro ũmaderosũta musãde Marĩpũ gããmerĩrẽ õãrõ irika, ĩgũ sĩburire wajatamurã! ²⁵ ããrĩpererã ũma biramurã ĩgũsã ũmaburi dupuyuro õãrõ ũma buekuma. ããrĩpereri ĩgũsãya dupure poyanorẽrĩrẽ pirikõãkuma. Olivo wãikũdima pũrĩ merã iridea berore wajataduarã, irasũ ũma buekuma. Pũũ gajerãrẽ ĩmurã, wajatadiya dipurugue iri berore peokuma. Iri bero mata boakõãkoa. Marĩde Marĩpũyare õãrõ buero gããmea. Ñerĩrẽ pirikõã, ĩgũ gããmerĩ gapure iriro gããmea, ĩgũ sĩburire wajatamurã. ĩgũ sĩrĩ neõ boabirikoa. ²⁶ Irasirigu yũ gapũ, ũma birarimasũ ĩgũ noó gããmerõ ũmagũ irirosũ iribebe. Yũ gããmerõ irimoãmabea. Marĩpũyare masĩsĩã, ĩgũ gããmerĩrẽ irigu yáa. ²⁷ Irasirigu yũ iriduarire, yũ uaribejarire iribebe. Yũ iriduarire irimakũ, gajerãrẽ Marĩpũyare buedi ããrĩkererũ, Marĩpũ yare: “Õãrõ iribu”, ãrĩbiribokumi.

10

Keori weadeare bũremubirikõãka! ãrĩ gojadea

¹ Yaarã, musãrẽ irire masĩmakũ gããmea. Marĩpũ, gũ ñekũsãmarã merã ããrĩdi ããrĩmĩ ĩgũsãrẽ Egiptogue ããrĩrãrẽ ãrĩ wiugu. ĩgũ iriudea mikãyebo merã ĩgũsãrẽ dupuyudi ããrĩmĩ. ããrĩpererã ĩgũrẽ tuyarã, dia wãdiya, deko diadiya wãikũdiya dekogue, bojori maã ĩgũ iridea maague taribujanerã ããrĩmã. ² ĩgũsã Moisés merã mikãyebo doka, dia wãdiyare taribujanerã ããrĩmã. Iro taribujarã, ããrĩpererã ĩgũ merã wãdiya dekogue wãiyesũrã irirosũ waanerã ããrĩmã. Iri merã ĩgũyarã ããrĩrĩrẽ ĩmunerã ããrĩmã. ³ ĩgũsã ããrĩpererã Marĩpũ sĩdea ũmugasima baarire baanerã ããrĩmã. ⁴ ããrĩpererã Marĩpũ ũtãyegue deko wiridoredeare iirĩnerã ããrĩmã. Cristo iri ũtãye irirosũ ããrĩdi ããrĩmĩ. ĩgũta okari sĩdi ããrĩmĩ. Irasirigu ĩgũta ĩgũsãrẽ wapikũwãgãdi ããrĩmĩ. ⁵ Marĩpũ ĩgũsãrẽ õãrõ iritamukererũ, wãrã ĩgũ dorerire tarinũgãnerã ããrĩmã. ĩgũsã irasirimakũ ĩãgũ, Marĩpũ ĩgũsãrẽ ĩãsuyubiridi ããrĩmĩ. Irasirigu ĩgũsãrẽ masaka marĩrõgue boamakũ iridi ããrĩmĩ ĩgũ dorerire tarinũgãdea waja.

⁶ ããrĩpereri ĩgũsãrẽ waadea kere, marĩrẽ ĩgũsã iriderosũ ñerĩrẽ iribirikõãburo, ãrĩ keori pídea ããrã. ⁷ Irasirirã, keori weadeare surãyeri ĩgũsã bũremuderosũ bũremubirikõãka! Keori weadeare ĩgũsã bũremudeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Masaka baa, iirĩ odo, bosenu irinũgãnerã ããrĩmã”, ãrĩ gojasũdero ããrĩbũ. ⁸ Pũũ surãyeri ũma nomerẽ ñerõ iri gãmebiranerã ããrĩmã. ĩgũsã iriderosũ iribirikõãrõ gããmea marĩrẽ. ĩgũsã ñerõ iriri waja, sunũrẽ veintitrés mil masaka boanerã ããrĩmã. ⁹ Gajipoe gajerã: “Marĩpũ gũare õãrõ korebemi”, ãrĩ werewũanerã ããrĩmã. ĩgũsã ãrĩderosũ ãrĩbirikõãrõ gããmea marĩrẽ. ĩgũsã ñerõ werenĩrĩ waja ĩgũsãrẽ ãña kũrĩ wẽjẽnerã ããrĩmã. ¹⁰ Gajipoe gajerã ĩgũsã Marĩpũ irideare ñerõ ãrĩ werewũamakũ, Marĩpũ wereboegu ĩgũsãrẽ wẽjẽdi ããrĩmĩ. ĩgũsã ãrĩderosũ ãrĩbirikõãrõ gããmea marĩrẽ.

¹¹ Marĩrẽ inũ marãrẽ i ũmũ pereburo mérõgã dũyawãgãriro yáa. Irasirigu Marĩpũ ĩgũya werenĩrĩ gojadea pũgue gũ ñekũsãmarãrẽ ĩgũ wajamoãdeare gojadoredi ããrĩmĩ, ĩgũsã iriderosũ ñerõ iribirikõãburo, ãrĩgũ. ¹² Sugu: “Yũ tamerã Marĩpũre õãrõ bũremusĩã, ñerõ iribirikoa”, ãrĩ gũñagũno, õãrõ pémasĩka, iripoegue marã iriderosũ ñerĩrẽ iriri, ãrĩgũ! ¹³ Gajipoere marĩ ããrĩpererã sugu dũyaro marĩrõ ñerĩrẽ iriduarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkererũ, Marĩpũ gapũ ĩgũ ãrĩderosũta marĩrẽ

iritamunikōāmi ñerĩrẽ tarinugāburo, āringū. Marĩ ñerĩrẽ tarinugānemomasĩbirimakū ìāgū, gaji ñerĩrẽ tau kāmūtāgukumi marĩrẽ poyanorẽĩ, āringū. Irasirigū marĩrẽ ìgū merā gūñaturamakū irigukumi ñerĩrẽ iribirikōāburo, āringū.

¹⁴ Yaarā yu maĩrā, yure péka! Neō keori weadeare buremubirikōāka! ¹⁵ Musā oārō pémasĩrā āārĩmakū, irire musārẽ werea. Irasirirā yu ārĩrĩrẽ: “Diayeta āārā”, ārĩ masĩa.

¹⁶ Marĩ nerẽ bokatĩrĩrā Marĩpũre: “Ōāa”, ārĩ, usuyari sĩ odo, igui deko iirĩripare iirĩa. Irasū iirĩrā: “Cristo boagu, marĩ ñerĩ iridea wajare ìgū dí béodea merā wajaribosadi āārĩmĩ”, ārĩ ìmua. Pārũrẽ marĩ dukawa baarā: “Cristo ìgūya dupũ curusague boadea merā marĩrẽ ìgūyarā āārĩmakū iridi āārĩmĩ”, ārĩ ìmua. ¹⁷ Marĩ wārā āārĩkererā, suru pārũrẽ dukawa baarā, āārĩpererā marĩ Cristoyarā su dupũta irirosū āārā. Irasirirā suguyarāta āārā.

¹⁸ Guayarā Israel marā Moisés dorederosũta iririre gūñaka! Marĩpũre buremurā, ìgūya wiigue waibure āĩa wējẽ soema. Wējẽ soe odo, Marĩpũ iũrō diire baama. Irasū baarā: “Marĩpũyarā āārā”, ārĩ ìmuma. ¹⁹ Yu ire irasū āringū: “Keori weadea wajakua, irasiriro iri keori weadea pũro waibu dí pídea, gaji waibu dí nemorō āārā”, āringū meta yáa. ²⁰ Āsū gapũ ārĩ werea. Marĩpũre masĩmerā, keori weadea pũro waibu dí pĩrā, Marĩpũre buremubema. Wātẽa gapũre buremurā yáma. ìgūsā irasū buremumakū, ìgūsā buremurĩ wiigue musā ìgūsā merā baarā: “Wātẽayarā āārā”, ārĩ ìmurā irirosū yáa. Musā irasirimakū, neō gāamebea.

²¹ Marĩ Opũ Jesucristoyarā āārĩsĩā, ìgũrẽ buremurā nerẽ bokatĩrĩrā, igui deko iirĩripare iirĩ, pārũrẽ dukawa baáa. Gajerā ìgūsā keori weadeare buremurā iirĩri, waibu dí ìgūsā baari, wātẽaya āārā. Irasirirā marĩ Opũ Jesúyare baarā, wātẽayare baamasĩbea. Irasũta wātẽayare baarā, Jesúyare baamasĩbea.

²² Marĩ Opũ ìgūyarārẽ ìgū direta buremumakū gāamemi. Irasirirā marĩ wātẽārẽ buremurā, marĩ ìgũrẽ guamakū iribokoa. ìgū guamakū, marĩ ìgũrẽ tarinugāmasĩbirikoa. Marĩrẽ wajamoāburire kāmutamāsĩbirikoa.

Marĩpũ gāāmerĩ direta irika! ārĩ gojadea

²³ Masaka surāyeri āsū ārĩ werenĩma: “Marĩ iridũarire noó gāāmerō irimasĩa”, ārĩ werenĩma. ìgūsā irire irasū ārĩkerepũrũ, āārĩpereri marĩ iridũarire irirā, gajerārẽ iritamurā meta yáa. Noó marĩ gāāmerō irirā, gajerārẽ Marĩpũre buremunemomakū iribiribokoa. ²⁴ Marĩya āārĩburi direta gūñabirikōārō gāamea. Gajerāya āārĩburidere gūñarō gāamea.

²⁵ Irasirirā baari duarogue baarire wajarirā, noó gāāmerō wajari baaka! “¿I baari keori weadea pũroge pídea āārĩrĩ?” ārĩ sērẽñabirikōāka: “Irire baarā, ñerō irirā yáa”, ārĩ gūñarĩ, ārĩrā! ²⁶ Marĩpũya werenĩrĩ gojadea pũgue āsū ārĩ gojasũdero āārĩbũ: “Āārĩpereri ì umuma, marĩ Opũya āārā”, ārĩ gojasũdero āārĩbũ. Irasirirā āārĩpereri ìgū baari pídeare baamasĩa.

²⁷ Jesúre buremubi musārẽ baadoregũ siumakū, waadũarā waaka! Baarā waarā, musārẽ ìgū ejorire baaka! “¿I baari, keori weadea pũroge pídea āārĩrĩ?” ārĩ sērẽñabirikōāka: “Irire baarā, ñerō irirā yáa”, ārĩ gūñarĩ, ārĩrā! ²⁸ Gajigũ iro āārĩgũ āsū ārĩbokumi musārẽ: “I baari, keori weadea pũroge pídea dí āārā”, ārĩbokumi. ìgū irasū ārĩmakū, iri díre baabirikōāka! ìgū, musā baamakū: “Ñerĩrẽ irirā yáma”, ārĩ gūñabokumi. ìgū irasū ārĩ gūñabirikōāburo, ārĩrā, irire baabirikōāka! ²⁹ Yu irire āringū, ìgū gūñarĩrẽ werenĩgũ yáa. Musā gūñarĩrẽ werenĩbea.

Musā gapũ āsū ārĩ sērẽñabokoa yure: “¿Nasirirā, gajigũ diaye gūñabiri waja, gũa iridũarire gorawayubokuri? ³⁰ Gũa baarire Marĩpũre: ‘Ōāa’, ārĩ, usuyari sĩmakū, gajigũ gũa baarire werewũamasĩbemi”, ārĩbokoa musā yure. ³¹ Yu gapũ āsū ārĩ werea musārẽ. Musā baa, iirĩrā, gajinorẽ irirāde, Marĩpũ gāāmerĩ direta irika, gajerāde ìgũrẽ: “Ōātarigũ āārĩmĩ”, ārĩ buremuburo, ārĩrā! ³² Neō musā iriri merā judío masakare, judío masaka āārĩmerārẽ, Marĩpũyarādere ñerō irimakū iribirikōāka! ³³ Yu irirosū irika! Āārĩpereri yu

iriri merã masaka ããrĩpererãrẽ õãrõ iriduãa. Irasirigu õãrõ yu ããrĩburi direta gũñabea. Gajerãya ããrĩburi gapure õãrõ gũñãa, ìgũsãde Jesucristore buremuburo, ãrìgũ. Ìgũrẽ buremumakũ, ìgũsãrẽ taugakumi, peamegue waabirikõãburo, ãrìgũ.

11

¹ Irasirirã yu Cristore irituyarosũta musãde yure irituyaka!

Jesúre buremurã nerẽrõgue nome irimarẽ gojadea

² Yaarã, yure musã gũñamakũ, ããrĩpereri yu buedeare keoro irimakũ ìãgũ, musãrẽ: “Õãrõ yãa”, ãrì, usuyari merã werea. ³ Gaji musãrẽ masĩmakũ gããmea. Cristo, ããrĩpererã ãma dipuru ããrĩmì. Ëmũu, marãpore igo dipuru ããrĩmì. Marĩpu, Cristo dipuru ããrĩmì. ⁴ Musã Marĩpure buremurã nerẽmakũ, sugu Marĩpure sërẽgũ, Marĩpu ìgũrẽ weredoredeare weregu, ìgũya dipurure buremabirikumi. Ìgũya dipurure buremabu, guyasĩũrõ irigu iribokumi. Cristore ìgũ Opure gopeyari merã buremubiribokumi. ⁵ Nomeõ gapu Marĩpure sërẽgõ, Marĩpu ìgore weredoredeare werego, igoya dipurure buremabokumo. Igoya dipurure buremabeo, guyasĩũrõ irigo iribokumo. Marãpure igo dipurure gopeyari merã buremubiribokumo. Poari pera buremabeodeo irirosũ ããrìbokumo. ⁶ Igoya dipurure buremabirimakũ, diayeta igoya poarire pera buremabeokõãrõ gããmea. Igoya poarire pera buremabeodeo: “Guyasĩũgorãa”, ãrìgõ, igoya dipurure buremaburo. ⁷ Ëmũu gapu Marĩpu irirosũ opu ããrìsã, ìgũya dipurure buremabirikõãburo, Marĩpu yu Opure ããrìmì, ãrì ìmubu. Nomeõ gapu igoya dipurure buremaburo, ãmũu yu opu ããrìmì, ãrì ìmubo. ⁸ Neõgoraguere Marĩpu ãmũurẽ irigu, nomeõya gõã merã iribiridi ããrìmì. Nomeõ gapure ãmũuya gõã merã iridi ããrìmì. ⁹ Irasirigu ãmũurẽ irigu, nomeõrẽ iritamubure iribiridi ããrìmì. Nomeõ gapure, ãmũurẽ iritamubore iridi ããrìmì. ¹⁰ Irasirirã musã Marĩpure buremurã nerẽrõguere, nome ìgũsãya dipure buremabo gããmea. Irasũ buremarã, ãmũu dorerire õãrõ yujurire ìmurakuma. Ìgũsã irasiririre Marĩpure wereboerã ìãrãkuma. ¹¹ Irasũ ããrìkererũ, marì Jesucristore buremurã gãme iritamua. Ëma, nome iritamurì marìrõ ããrìmasìbirikuma. Nomedede ãma iritamurì marìrõ ããrìmasìbirikuma. ¹² Diayeta ããrã. Marĩpu nomeõrẽ ãmũuya gõã merã iridi ããrìmì. Ide diayeta ããrã. Ëma, nome merã deyoama. Irasirirã ããrĩpererã masaka: ãma, nome Marĩpu irinerã ããrìma.

¹³ I ããrĩpereri diayeta ããrìmakũ, ¿musã basi naãsũ gũñarì? Musã Marĩpure buremurã nerẽrõgue, nomeõ igoya dipurure buremabeota, Marĩpure sërẽmakũ ¿õãrì, o õãberi? ¹⁴ Ëmũu poañapu ãmamakũ guyasĩũgorãa. ããrĩpererã masaka irire masìma. ¹⁵ Nomeõ poañapu ãmagõ ããrìmakũ: “Õãgorãa”, ãrã. Igo poañapu ãmamakũ, igoya dipuru buremabo irirosũ ããrã. ¹⁶ Yu werenìrìrẽ: “Irasũ ããrìbea”, ãrì guaseodugunorẽ ãsũ ãrì weregura. Marì Jesúre buremurã, gajerã Marĩpureyãrãde irire irasũ dita yãa.

Marì Opure Jesucristo boadeare gũñarã, ìgũ nerẽ baadorederosũ keoro iribiridea

¹⁷ Dapora musãrẽ gaji gojãa. Irire gojagu, yu musãrẽ: “Õãrõ irirã yãa”, ãrìbea. Musã nerẽrã, õãrõ iriboanerã, ubu gapu poyanorẽayuro. ¹⁸ Irasirigu ãsũ ãrì werepurorigura musãrẽ. Musã nerẽrã, gãme guaseo dukawariayuro. Gajerã yure irire weremakũ pẽgu: “Diayeta ããrìkoa”, ãrì gũñãa. ¹⁹ Musã gãme dukawarirã, ãsũ ãrì gũñakoa: “Marìrẽ gãme dukawariro gããmea. Irasirirã, ¿noã gapu Jesucristoyarãgora ããrìrì? ãrì masìrãkoa”, ãrìkoa. ²⁰ Irasirirã musã gãme dukawariri waja, musã marì Opure Jesucristo boadeare nerẽ gũñarã, ìgũ buerã merã baatũnugũ dorederosũ keoro iirì, baabea. ²¹ Musã nerẽ baarã, surãyeri noó gããmerõ baapurorikõã. Gajerã naboama. Gajerã mejãma. ²² Musã noó gããmerõ iirì, baadmarã, ¿nasirirã musãya wiirigue baa, iirìberi? Musã Marĩpureyãrã ããrìkererã, noó gããmerõ baa, iirirã, musã nerẽrìrẽ wajamarìrõsũ irirã yãa. Musã watopegue ããrìrã baari opamerãrẽ guyasĩũrõ tarimakũ irirã yãa. Musã irasiriri kerere pẽgu, ¿naãsũ ãrì weregukuri yu musãrẽ? “Õãrõ irirã yãa”, ãrìbirikoa.

Marĩ Opũ Jesucristo ĩgũ buerã merã baatũnudeare gojadea

²³⁻²⁴ Marĩ Opũ Jesucristo yũre buedeare yũ musãrẽ werebũ. Iri ãsũ ããrã. ĩgũrẽ wẽjẽduarãguere ĩgũrẽ Judas ĩmuburi dupuyuro ma ñamita marĩ Opũ Jesucristo pãrũrẽ ãĩ, Marĩpũre: “Murẽ usuyari sĩa”, ãrĩ, irirure pea, ĩgũ buerãrẽ: “I yaa dupũ ããrã”, ãrĩ gueredi ããrĩmĩ. “Irasirirã yũ musã merã dapora iriaderosũ nerẽ, pãrũrẽ baarikũ, yũ musãrẽ boabosarire gũñaka!” ãrĩdi ããrĩmĩ. ²⁵ ĩgũsã baa odoadero pũrũ, pãrũrẽ ãĩderosũta iirĩripare ãĩ, ãsũ ãrĩdi ããrĩmĩ: “Yũ musãrẽ boabosagũ yaa dí béori merã Yũpũ musãrẽ: ‘Õãrõ irigura’, ãrĩdeare iriyuwarikũgũkumi. Irasirirã musã nerẽ, iirĩripare iirĩrikũ, yũ dí béobosarire gũñaka!” ãrĩdi ããrĩmĩ. ²⁶ ĩgũ ãrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ããrĩmĩ”, ãrĩ ĩmurãkoa. Irire irinĩkõãrõ gããmea. ĩgũ i ĩmũgue dupaturi aarimakũ, irire irinemobirikoa.

Marĩ Opũ Jesucristo boadeare gũñarã, ãsũ iridorea, ãrĩ gojadea

²⁷ Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgũno ñerõ irigũ yãmi. Jesucristo marĩrẽ boabosagũ dí béodeare ubu ããrĩrĩ irirosũ gũñami. ²⁸ Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea. ²⁹ Marĩ Opũ Jesucristoya dupũ ããrĩrĩrẽ pẽmasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi. ³⁰ Musã irire pẽmasĩbiridea waja wãrã musã merãmarã pũrĩrikũrã, turamerã ããrĩma. Surãyeri boakõãsiama. ³¹ Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi. ³² Marĩ Opũ gapũ marĩrẽ ĩgũyarãrẽ marĩ ñerĩ iririre piriburo, ãrĩgũ, wajamoãmi. Irasirigũ ĩgũrẽ bũremumerãrẽ peamegue waadore, marĩ gapũre ĩgũsã merã wajamoãbirikumi.

³³ Irasirirã yaarã, musã nerẽ baarã, suro merã baamurã gajerãdere yũka! ³⁴ Uaboagũno ĩgũya wiigũ baaburo. Irasirimakũ, musã õãrõ nerẽ baamakũ, Marĩpũ musãrẽ wajamoãbirikumi. Gajire musã pũroque waagũ, õãrõ were ãmũgũra.

12

Õãgũ deyomarĩgũ Marĩpũyare marĩrẽ irimasĩmakũ iririre gojadea

¹ Yaarã, Õãgũ deyomarĩgũ Marĩpũyare marĩrẽ irimasĩmakũ irigũ ããrĩmĩ. Yũ irire musãrẽ õãrõ masĩmakũ gããmea. ² Musã ire õãrõ masĩsiãa. Jesucristore bũremuburi dupuyuro keori weadeare bũremutũyanerã ããrĩbã. Iri keori weadea okari opabea. Neõ werenĩbea. ³ Irasirigũ daporare yũ musãrẽ ire masĩmakũ gããmea. Neõ sugũ Õãgũ deyomarĩgũ iritamurĩ merã weregũ: “Jesũre ñerõ waanaburo”, ãrĩmasĩbirikumi. Gajigũ Õãgũ deyomarĩgũ iritamurĩ marĩrõ merã weregũ: “Jesũs marĩ Opũ ããrĩmĩ”, neõ ãrĩmasĩbirikumi.

⁴ Õãgũ deyomarĩgũ Marĩpũyare marĩrẽ irimasĩmakũ iriri, wãri ããrã. ĩgũ sugũta irire sĩgũ ããrĩmĩ. ⁵ Marĩ Opũ Jesucristo marĩrẽ moãdoreri, wãri ããrã. ĩgũ sugũta irire moãdoregu ããrĩmĩ. ⁶ Marĩpũyare iriri, sũrosũ ããrĩbea. Marĩpũ sugũta marĩ ããrĩpererãrẽ ĩgũyare õãrõ irimasĩmakũ irigũ ããrĩmĩ. ⁷ Marĩpũ Õãgũ deyomarĩgũrẽ marĩ masakakũre sĩrĩ merã ĩgũ marĩ merã ããrĩrĩrẽ ĩmumi, ããrĩpererã Jesucristore bũremurãrẽ gãme iritamuburo, ãrĩgũ. ⁸ Õãgũ deyomarĩgũ surãyerire õãrõ masĩrĩ merã Marĩpũyare weremakũ yãmi. Gajerãdere õãrõ pẽmasĩrĩ merã ĩgũyare weremakũ yãmi. ⁹ Gajerãrẽ: “Marĩpũ iritamurĩ merã marĩ õãrõ irimasĩãa”, ãrĩ bũremumakũ yãmi. Irasũ ããrĩmakũ, gajerãrẽ ĩgũ turarire sĩmi pũrĩrikũrãrẽ tauburo, ãrĩgũ. ¹⁰ Gajerãrẽ ĩgũ turari merã iri ĩmurĩrẽ irimasĩmakũ yãmi. Gajerãrẽ Marĩpũ ĩgũsãrẽ weredorerire õãrõ weremasĩmakũ yãmi. Gajerãrẽ: “Wãtĩ turari merã, o Õãgũ deyomarĩgũ turari merã ãsũ yãmi ĩĩ”, ãrĩ masĩrĩrẽ sĩmi. Gajerãrẽ gajĩ masã ya werenĩrĩ merã ĩgũsã dupuyuroque werenĩmasĩbirideare werenĩmasĩmakũ yãmi. Gajerãrẽ, iri werenĩrĩrẽ masĩbirikererã, Õãgũ deyomarĩgũ iritamurĩ merã: “Ãsũ ãrĩduaro

yáa i”, ãrĩ masĩmakũ yámi. ¹¹ Õãgũ deyomarĩgũ marĩ masakakũre gajerosũperi dita ãgũ sĩdũarire sĩmi. ãgũ sugũta Marĩpũyare marĩ irimasĩburire sĩgũ ããrĩmi.

Marĩ Cristoyarã ããrĩrã su dupũta irirosũ ããrã, ãrĩ gojadea

¹² Marĩya dupũma wári ããrã. Wári ããrĩkerero, su dupũta ããrã. Cristode irasũta ããrĩmi. Marĩ ãgũrẽ bũremurã wárã ããrĩkererã, su dupũta irirosũ ããrã. ¹³ Mũrãrõta marĩ ãgũrẽ bũremurã ããrĩpererã: judío masaka, judío masaka ããrĩmerã, gajerãrẽ moãboerã, moãboemerãde wárã ããrĩkererã, Õãgũ deyomarĩgũ sugũ merãta wãiyesũbũ. Irasirigũ marĩrẽ su dupũta irirosũ ããrĩmakũ yámi. Irasirirã marĩ ããrĩpererã Õãgũ deyomarĩgũrẽ opáa.

¹⁴ Marĩya dupũma ããrĩrĩ su wãita ããrĩbea. Wári ããrĩkõãa. ¹⁵ Marĩya gubu werenĩrĩ gubu ããrĩrõ ãsũ ãrĩbokoa: “Mojõ ããrĩbea. Irasiriro mũya dupũma ããrĩbea”, ãrĩbokoa. Marĩya gubu irasũ ãrĩkerero, marĩya dupũmata ããrã. ¹⁶ Marĩya gãmipũ werenĩrĩ gãmipũ ããrĩrõ ãsũ ãrĩbokoa: “Koyeru ããrĩbea. Irasiriro mũya dupũma ããrĩbea”, ãrĩbokoa. Marĩya gãmipũ irasũ ãrĩkerero, marĩya dupũmata ããrã. ¹⁷ Marĩya dupũ, koyeru dita ããrĩmakũ, ¿nasirisĩã, pėbokuri marĩ? Marĩya dupũ, gãmipũ dita ããrĩmakũ, ¿nasirisĩã, gajinorẽ wĩjĩbokuri marĩ? ¹⁸ Marĩpũ marĩya dupũre irigũ, ããrĩpereri ãgũ gããmerõsũta keoro iridi ããrĩmi. ¹⁹ ããrĩpereri marĩya dupũgue ããrĩrĩno su wãita ããrĩmakũ, marĩya dupũ marĩbokuyo. ²⁰ ãsũ ããrã. Marĩya dupũgue ããrĩrĩ wári ããrĩkererũ, su dupũta ããrã. I irirosũta marĩ Jesũre bũremurã wárã ããrĩkererã, su dupũta irirosũ ããrã.

²¹ Irasiriro koyeru, mojørẽ: “Mũrẽ gããmebea”, ãrĩmasĩbirikoa. Dipuru, guburire: “Mũrẽ gããmebea”, ãrĩmasĩbirikoa. ²² ãsũ gapũ ããrã. Gaji marĩya dupũgue ããrĩrĩ, turabiri ããrĩkererũ, marĩ gapũ irire bũro gããmea. ²³ Gaji marĩya dupũgue ããrĩrĩrẽ: “Ubu ããrĩrĩ ããrã”, ãrĩ gũñãa. Irasirirã irire õãrõ deyoburo, ãrĩrã, õãrõ ãmua. Gaji marĩ gũyasĩrĩsãrĩrẽ surĩ sãña kãmutãa masaka ããrĩkõãburo, ãrĩrã. ²⁴ Gaji marĩya dupũgue ããrĩrĩrẽ õãrĩ deyori gapũre ãmubea. Marĩpũ marĩya dupũgue ããrĩrĩrẽ ããrĩpererire õãrõ ãmudi ããrĩmi, su dupũta õãrõ dupũkũburo, ãrĩgũ. Irasirigũ: “Ubu ããrĩrĩ ããrã”, marĩ ãrĩrĩ gapũre õãrõ gããmemakũ yámi. Irasirirã marĩ neõ gajigũ Jesũyagũre: “Ubu ããrĩgũ ããrĩmi, irasirirã ãgũrẽ gããmebea”, ãrĩbirikõãrõ gããmea. ²⁵ ãsũta ããrĩdoredi ããrĩmi, Marĩpũ marĩya dupũ suro merã iritamuburo, ãrĩgũ. ²⁶ Marĩya dupũgue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirẽ õãrõ ãmumakũ: “Marĩya dupũ ããrĩperero õãrõ ããrã”, ãrĩ gũñãa.

²⁷ Yũ irire ãrĩgũ, ãsũ ãrĩdũagũ yáa. Marĩ Cristore bũremurã ãgũya dupũ irirosũ ããrã. Irasirirã marĩ masakakũ ãgũya dupũgue ããrĩrã irirosũ ããrã. ²⁸ Irasirigũ Marĩpũ marĩ Jesũre bũremurãrẽ gãme iritamuburire pígũ, ãsũ pídi ããrĩmi. Jesucristo buedoregũ pínerãrẽ pípũroridi ããrĩmi. Pũrũ Marĩpũ gajerãrẽ ãgũ weredorerosũ weremurãrẽ pídi ããrĩmi. Pũrũ gajerãrẽ ãgũyare buemurãrẽ pídi ããrĩmi. Gajerãrẽ ãgũ turaro merã iri ãmumurãrẽ, gajerãrẽ pũrĩrikũrãrẽ taumurãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenĩmasĩbirideare werenĩmasĩmurãrẽ pídi ããrĩmi. ²⁹ Irasirigũ marĩ ããrĩpererãrẽ sũrosũ irimurãrẽ píbiridi ããrĩmi. Irasirirã marĩ ããrĩpererã Jesucristo buedoregũ pínerã meta ããrã. Marĩ ããrĩpererã Marĩpũ weredorerosũ wererã meta ããrã. Marĩ ããrĩpererã Marĩpũyare buerã meta ããrã. Marĩ ããrĩpererã Marĩpũ turaro merã iri ãmumurã meta ããrã. ³⁰ Marĩ ããrĩpererã pũrĩrikũrãrẽ taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrẽ péadero pũrũ: “ãsũ ãrĩdũaro yáa”, ãrĩ wererã meta ããrã. ³¹ Irasirirã Õãgũ deyomarĩgũ Marĩpũyare irimasĩrĩ sĩrĩrẽ gããmekã mũsã! Yũ mũsãrẽ i ããrĩpereri nemorõ õãrĩrẽ wererũ.

13

Gãme maĩrĩmarẽ gojadea

¹ Marĩ gaji masã ya werenĩrĩre werenĩmasĩkererã, Marĩpũre wereboerã ya werenĩrĩre werenĩmasĩkererã, gajerãrẽ maĩbirimakũ, marĩ werenĩrĩ wajamarĩbokoa. Kõme majĩ pábiramakũ busurosũ marĩ werenĩrĩ busukõãbokoa. ² Marĩpũ marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩbokoa. Aãrĩpererire masĩkererã, Marĩpũyare masaka dupuyurogue masĩbiridea aãrĩpererire pémasĩkererã, gajerãrẽ maĩbirimakũ, marĩ masĩrĩ wajamarĩbokoa. Marĩpũre bũremurĩ marĩrẽ ãgũ sĩrĩ merã buúrure gajerogue waadoremasĩkererã, gajerãrẽ maĩbirimakũ, marĩ bũremurĩ merã iriri wajamarĩbokoa. ³ Marĩ opari aãrĩpereri boporãrẽ sĩkererã, ãgũsãrẽ maĩbirimakũ, marĩ iriri wajamarĩbokoa. Marĩpũyare marĩ iridea waja marĩya dupũre masaka sokekererũ, marĩ gajerãrẽ maĩbirimakũ, Marĩpũ marĩrẽ: “Õãrõ iribũ”, aĩbiribokumi.

⁴ Marĩ gajerãrẽ maĩrã, mata ãgũsã merã guaña máa. ãgũsãrẽ bopoñarĩ merã õãrõ yáa. ãgũsãrẽ ãturiña máa. “ãgũsã nemorõ õãgũ aãrã”, aĩmasĩña máa. “ãgũsã nemorõ masĩtarĩngãgũ aãrã”, aĩmasĩña máa. ⁵ Marĩ gajerãrẽ maĩrã, ãgũsãrẽ bũremurĩ merã keoro werea. Marĩya aãrĩburi direta gũñabea. ãgũsãya aãrĩburidere gũñáa. ãgũsãrẽ guari merã wereña máa. ãgũsã marĩrẽ ñerõ irimakũ, yoaripoe ãgũsã merã guanĩña máa. ⁶ Gajerãrẽ maĩrã, ãgũsã ñerõ irimakũ ãrã, usuyamasĩña máa. Diayema gapũre ãgũsã irimakũ ãrã, usuyáa. ⁷ Marĩ gajerãrẽ maĩrã, ãgũsã ñerõ irimakũ ãrã, masakare neõ kere werebea. Gajerã ãgũsãrẽ werewhakerepũ, marĩ ãgũsãrẽ bũremurĩrẽ neõ piribirikoa. “Pũrugue ãgũsãde õãrĩ gapũre irirãkuma”, aĩ gũñáa. ãgũsã iriri merã marĩ ñerõ tarikererã, ãgũsãrẽ maĩsĩã, neõ piribeã.

⁸ Marĩ gãme maĩrĩ neõ perebirikoa. Marĩpũ weredorerosũ wereri gapũ pererokoa. Gaji masã ya merã marĩ werenĩrĩde pererokoa. Marĩpũyare masĩrĩ merã õãrõ wereride, pũrugue pererokoa. Iri irasũ waamakũ, marĩ masĩdero nemorõ aãrĩpererire masĩrãkoa. ⁹ Daporare marĩ aãrĩpereri Marĩpũyare masĩbea. ãgũ weredorerosũta ãgũ masĩrĩ sĩrĩ merã werekererã, aãrĩpereri ãgũyare weremasĩbea. ¹⁰ Pũrugue Jesucristo Marĩpũyare masĩpeogũ aarimakũ, marĩ masĩbirideare masĩpeorãkoa.

¹¹ Yũ majĩãgũ aãrĩãgũ, majĩrã irirosũ gũñarĩ marĩrõ werenĩ, ãgũsã irirosũta iriunabũ. Yũ bũgũro waagũ, majĩrã irirosũ aãrĩdeare pirikõãbũ. ¹² Daporare Marĩpũyare marĩ õãrõ masĩbea. Diuru bũgũru merã marĩ aĩñamakũ õãrõ deyomarĩrõ irirosũ aãrã. Õãrõ deyobeã. Pũũ õãrõ deyorogue Marĩpũre ãrãrãkoa. Daporare marĩ ãgũrẽ sĩrũgã masĩã. Pũũ Marĩpũ marĩrẽ masĩpeorosũta marĩde masĩpeorãkoa.

¹³ Daporare urre wãĩ aãrã: Marĩpũre bũremurĩ, ãgũ marĩrẽ õãrõ irigũkumi, aĩ usuyari, marĩ gãme maĩrĩ aãrã. Iri urre wãĩ neõ perebirikoa. Gãme maĩrĩ gapũ gaji nemorõ õãrĩ aãrã.

14

Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea

¹ Gajerãrẽ maĩnemoka! Irasũ aãrĩmakũ, Marĩpũyare Õãgũ deyomarĩgũ musãrẽ irimasĩrĩ sĩrĩrẽ gããmekã! Aãrĩpereri ãgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre bũro gããmekã! ² Sugũ gaji masã ya werenĩrĩ merã werenĩmasĩbirikeregũ werenĩmakũ, Marĩpũ dita ãgũ werenĩrĩrẽ pémi. Masaka gapũ ãgũ werenĩrĩrẽ pébema. Õãgũ deyomarĩgũ turari merã Marĩpũyare masĩña marĩdeare werenĩmi. ³ Marĩpũ weredorerosũ weregũ gapũ masakare weremi. ãgũ wereri pérãrẽ Jesucristore bũremunemomakũ yãmi. ãgũ wereri merã ãgũsãrẽ õãrõ aãrĩrikũmakũ, õãrõ yũjũpũrãkũmakũ yãmi. ⁴ Gaji masã ya werenĩrĩ merã werenĩmasĩbirikeregũ werenĩgũ ãgũ basi Jesucristore bũremunemogũ yãmi. Marĩpũ weredorerosũ weregũ gapũ gajerã Jesucristore bũremurãrẽ ãgũrẽ bũremunemomakũ irigũ yãmi.

⁵ Gaji masã ya werenírĩ merã musã werenímasĩbirideare ããrĩpererã musã werenímasĩmakũ gããmea yu. Iri nemorõ Marĩpu weredorerosũ musã weremakũ buro gããmea. Marĩpu weredorerosũ weregu gapu, gaji masã ya werenírĩ merã werenígũ nemorõ masakare iritamugũ ããrĩmi. Irasũ ããrĩkerepu, gaji masã ya werenírĩrẽ pégu: “Ásũ ãrĩduaro yáa”, ãrĩ weremakũ õãgoráa. Ígũ irasũ ãrĩ weregu, Jesucristore buremurãrẽ ígũrẽ buremunemomakũ irigu yámi. ⁶ Yaarã, yu musã prougue waagú, gaji masã ya werenírĩ merã werenígũ, musãrẽ iritamubiribokoa. Marĩpu ígũyare yure masĩmakũ irideare weregu, ígũya diayema kerere masĩrĩ merã weregu, ígũ yure weredorerire weregu, ígũyare musãrẽ buegu, musãrẽ iritamubokoa.

⁷ Keori merã musãrẽ weregura. Tẽrẽdirure keoro puribirimakũ, o arpa wãikuro buaputẽrõde keoro buaputẽbirimakũ, iri wãĩ bayari ããrĩkoa, ãrĩmasĩña máa. ⁸ Surara gãmewẽjẽrã waaburi dupuyuro sugu ígũsã merãmu puridirure keoro puribirimakũ, gajerã surara ígũsã mojõkuburire ãmubirikuma. ⁹ Musãde irasũta ããrã. Musã gaji masã ya werenírĩ merã werenímakũ pérã: “Ásũ ãrĩrã irikuma ígũsã”, ãrĩmasĩbirikuma. Irasirirã musã ubugorata werenímoãmakõãrã irikoa. ¹⁰ I ãmuguerẽ wári buri marã ããrĩma. Ígũsã basi ígũsã werenírĩrẽ pémasĩma. ¹¹ Yu gaji masã ya werenírĩ merã werenígũrẽ pébi: “Gajeromu ããrĩmi”, ãrĩ gũñagukoa. Ígũde yu gaji masã ya werenírĩ merã werenímakũ pébi yure: “Gajeromu ããrĩmi”, ãrĩ gũñagukumi. ¹² Irasũta ããrã musãdere. Musã Óãgũ deyomarĩgũ turaro merã irimasĩrĩ sĩrĩrẽ gããmea. Irasirirã gajerã Jesucristore buremurãrẽ ígũrẽ buremunemomakũ irimasĩrĩrẽ buro gããmekã!

¹³ Irasirigu sugu gaji masã ya werenírĩ merã werenímasĩbirikeregu werenígũno Marĩpũre: “Yu werenírĩrẽ gajerãrẽ: ‘Ásũ ãrĩduaro yáa’, ãrĩ weremakũ iritamuka yure!” ãrĩ sãrẽburo. ¹⁴ Yu gaji masã ya werenírĩ merã werenímasĩbirikeregu werenírĩ merã Marĩpũre sãrẽgũ, Óãgũ deyomarĩgũ gũñarĩ sĩrĩ merã sãrẽa. Irasũ sãrẽkeregu, gũñarĩ merã yu sãrẽadeare: “Ásũ ãrĩduaro irikoa”, ãrĩ pémasĩbirikoa. ¹⁵ Irasirirã ãsũ iriro gããmea. Óãgũ deyomarĩgũ turari merã gaji masã ya werenírĩ merã Marĩpũre sãrẽrõ gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre sãrẽrõ gããmea. Óãgũ deyomarĩgũ turari merã gaji masã ya werenírĩ merã Marĩpũre bayapeoro gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre bayapeoro gããmea. ¹⁶ Marĩ Óãgũ deyomarĩgũ turari merã gaji masã ya werenírĩ merã Marĩpũre usuyari sĩkerepu, marĩ merã ããrĩrã pãbiribokuma. Ígũsã irire pémerã: “Irasũta ããrã”, ãrĩ, marĩ merã Marĩpũre usuyari sĩbiribokuma. ¹⁷ Marĩ gaji masã ya werenírĩ merã Marĩpũre usuyari sĩrĩ õãgoráa. Irasũ ããrĩkerepu, marĩ merã ããrĩrã gapu marĩ werenírĩrẽ pãbirimakũ, marĩ ígũsãrẽ Jesucristore buremunemomakũ iribirikoa. ¹⁸ Gaji masã ya werenírĩ merã werenímasĩbirikeregu werenírĩrẽ yuta musã ããrĩpererã nemorõ werenía. Irire irisã, Marĩpũre usuyari sĩa. ¹⁹ Irasũ ããrĩkeregu, Jesure buremurã nerẽrõgue gaji masã ya werenírĩ merã wári musã pãbirire yu weremakũ musãrẽ õãbirikoa. Musã pémasĩrĩrẽ yu mérĩgã weremakũ gapu, musãrẽ õãrokoa.

²⁰ Yaarã, majĩrã pémasĩmerã irirosũ gũñabirikõãka! Murã irirosũ õãrõ pémasĩrĩ merã gũñaka! Nerõ iriri gapure majĩrãgã gũñamerã irirosũ ããrĩka! ²¹ Marĩpũya werenírĩ gojadea pũgue ãsũ ãrĩ gojasũdero ããrĩbũ: “Marĩ Opũ ãsũ ãrĩmi: ‘Gajero marãrẽ ígũsã ya werenírĩ merã i makã marãrẽ weredoregura. Yaare ígũsãrẽ irasũ weredorekerepu, i makã marã yure neõ buremubirikuma’, ãrĩmi marĩ Opũ”, ãrĩ gojasũdero ããrĩbũ. ²² Irasirigu Marĩpu gajero marãrẽ ígũsã ya werenírĩ merã ígũrẽ buremurãrẽ weredoregu, ígũsã ígũrẽ buremubirire ãmumi. Ígũrẽ buremurã gapure irasiribemi. Ígũyare ígũ weredorerosũ wererã merã ígũsãrẽ weremi. ²³ Irasirirã musã Jesure buremurã nerẽrõgue gaji masã ya werenírĩ merã werenímasĩbirikererã werenírĩrẽ musã ããrĩpererã wereníbokoa. Musã irasũ werenímakũ, Marĩpũyare masĩmerã, gajerã Jesure

buremumerãde ñajãjabokuma. Mũsã irasũ werenírĩrẽ pérã, mũsãrẽ: “Niãrĩmasã ããrĩma”, ãrĩbokuma. ²⁴ Mũsã ããrĩpererã Marĩpũ weredorerosũ weremakũ Marĩpũyare masĩbi, Jesũre buremubide ñajãri pégu, ãgũ ñerõ irideare masĩgukumi. Irasirigu ãgũ ñerĩ irideare bujaweregukumi. ²⁵ ãgũ gũñarĩgue ñerõ: “Ñerĩrẽ gũñayo yũ”, ãrĩ pémasĩgukumi. Irasirigu ñadũkũpuri merã ejamejã, Marĩpũre: “Yũ Opũ ããrã”, ãrĩ buremugukumi. Irasũ ããrĩmakũ: “Marĩpũ diayeta mũsã merã ããrĩmi”, ãrĩ masĩgukumi.

Mũsã nerẽrã, gopeyari merã õãrõ keoro irika! ãrĩ gojadea

²⁶ Yaarã, mũsãrẽ ãsũ ãrĩ werea. Mũsã nerẽmakũ, surãyeri Marĩpũre bayapeoma. Gajerã Marĩpũyare buema. Gajerã Marĩpũ ãgũyare ãgũsãrẽ masĩmakũ irideare werema. Gajerã gaji masã ya werenírĩ merã werenĩmasĩbirikererã werenĩma. Gajerã iri werenírĩrẽ: “Ãsũ ãrĩduaro yãa”, ãrĩ werema. Irasirirã ããrĩpereri irire mũsã Jesũre buremurã õãrõ keoro irika, mũsã ãgũrẽ buremunemoburosũta! ²⁷ Irasirirã gaji masã ya werenírĩ merã werenĩmasĩbirikererã werenírã, pẽrã, o urerã werenĩburo. Sugũ werenĩ odoadero pũrũ, gajigu werenĩburo. Pũrũ gajigu ãgũsã werenírĩrẽ: “Ãsũ ãrĩduaro yãa”, ãrĩ wereburo. ²⁸ Mũsã nerẽmakũ, ãgũsã werenírĩrẽ: “Ãsũ ãrĩduaro yãa”, ãrĩ werebu marĩmakũ, gaji masã ya merã werenĩbirikõãburo. ãgũsã seyaro ãgũsã gũñarĩgue Marĩpũ merã werenĩburo. ²⁹ Marĩpũ weredorerosũ wererãde, pẽrã, o urerã wereburo. Irasũ keoro weremakũ pérã, gajerã ãgũsã wererire: “Diayeta Marĩpũya kereta ããrã”, ãrĩburo. ³⁰ Mũsã nerẽrõgue sugũ weremakũ, Marĩpũ gajigũre irogũe doagũre weredoremakũ, werepũroriadi gapũ toeburo. ³¹ Mũsã irasũ irirã, mũsã ããrĩpererã Marĩpũ weredorerosũ weremasĩrãkoa. Sugũ werepũroriadi were odoadero pũrũ, gajigu werewãgãnaburo. Irasirimakũ, ããrĩpererã pé, õãrõ yũpũrãkũrãkuma. ³² Marĩpũ weredorerosũ wererã mũsã wereburi dupuyuro: “¿Naãsũ ããrĩmakũ irire wererãkuri?” ãrĩ gũñapũroriro gããmea. ³³ Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ uryari merã nerẽmakũ gããmemi. ããrĩpererogue Jesũre buremurã nerẽrãrẽ irasũ dita irimakũ gããmemi.

³⁴ Jesũre buremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpũya werenírĩ gojadea pũgue doredorosũta õãrõ péro gããmea. ³⁵ Jesũre buremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pébirideare masĩduago igoya wiigũe igo marãpũre sërẽñaburo.

³⁶ Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ãgũyare buremurã ããrĩbea. Gajerãde ãgũrẽ buremurã ããrĩma. ³⁷ Sugũ mũsã merãmũ: “Yũ Marĩpũ weredorerosũ weregu ããrã”, ãrĩ gũñagũ, o gajigu: “Yũ Õãgũ dey-omarĩgũ irimasĩrĩ sĩrĩrẽ opãa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgukumi. ³⁸ Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpũyare weregu ããrĩbemi”, ãrĩka!

³⁹ Yaarã, Marĩpũ weredorerosũ weremasĩrĩrẽ buro gããmea mũsã! Mũsã merãmarãrẽ ãgũsã gaji masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka! ⁴⁰ Mũsã nerẽrã, noó gããmerõ iribirikõãka! Gopeyari merã ããrĩpereri mũsã iririre õãrõ keoro irika!

15

Cristo masãdeare gojadea

¹ Yaarã, yũ mũsãrẽ iripoegue werede, Jesucristo masakare tauri kerere daporare gũñamakũ gããmea. Mũsã irire pérã, buremubũ. Daporadere irire buremunikõãa. ² Mũsã iri kerere buremusĩã, peamegue waamurã meta ããrã. Iri kerere mũsãrẽ yũ weredeare buremurĩrẽ piribirimakũ, Marĩpũ mũsãrẽ taugukumi. Mũsã iri kerere buremubirinerã, diayeta tausũbiribokoa.

³ Yure buedeare masārē weretaubũ. Iri bueri, gaji bueri nemorõ õätaria. Āsũ āārã. Marĩpũya werenĩrĩ gojadea pũgue gojaderosũta Cristo marĩ ñerõ iridea waja marĩrē boabosadi āārĩmĩ. ⁴ Īgũ boadero pũũ, ĩgũrē yáanerã āārĩmã. Pũũ Marĩpũya werenĩrĩ gojadea pũgue gojaderosũta urenũ waaró merã Marĩpũ ĩgũrē masũdi āārĩmĩ. ⁵ Īgũrē masũdero pũũ, Cristo Pedrore deyoayupũ. Pũũ ĩgũ buedoregũ pĩnerã, pe mojõma pere su gubu peru pērēbejarārē deyoayupũ. ⁶ Pũũ suñarõ wárã quinientos masaka nemorõ ĩgũrē bũremurārē deyoayupũ. Wárã ĩgũrē ĩānerã okama dapa. Gajerã boasianerã āārĩmã. ⁷ Pũũ Santiagore deyoayupũ. Iro pũũ āārĩpererã ĩgũ buedoregũ pĩnerārē deyoayupũ.

⁸ Āārĩpererã gajerārē ĩgũ deyoadero pũũ, yũdere deyoatũnumi pama. Majĩgũgã keoro deyoabigã deyoadi irirosũ yũ āārĩkeregũ, Jesũre bũremutũyãa. ⁹ Īgũ yure deyoaburi dupuyurogue ĩgũrē bũremurārē ñerõ irigorenabũ. Irasirigũ gajerã Jesús buedoregũ pĩnerã āārĩpererã dokague āārã. Masaka yure: “Īgũ Jesús buedoregũ pĩdi āārĩmĩ”, ārĩmakũ: “Yũ Jesús buedoregũ pĩbodi āārĩbiradibũ”, ārĩ gũñãa. ¹⁰ Irasũ āārĩkerepũũ, Marĩpũ yure õārõ iritamumi. Irasirigũ Jesucristo yure ĩgũyare buedoregũ pĩmĩ. Marĩpũ yure ubugora õārõ iritamugũ meta yãmi. Yũ āārĩpererã gajerã Jesucristo buedoregũ pĩnerã nemorõ moãa. Yũ gũñarĩ merã irasiribea. Marĩpũ yure õārõ iritamugũ, yũ merã āārĩnkõãmi. Yure ĩgũ iritamurĩ merã õārõ moãmakũ yãmi. ¹¹ Yũ bueri, gajerã Jesucristo buedoregũ pĩnerã bueri irirosũta āārã. Gũã āārĩpererã Jesucristo boa, masãdea kerere buea. I kerere pērã, masã ĩgũrē bũremunũgãbũ.

Boanerã masãburire gojadea

¹² Gũã, Cristo boa, masãdeare buekerepũũ, gajerã masã merã āārĩrã: “Boanerã neõ masãbirikuma”, ārĩma. ¿Nasirirã irasũ ārĩrĩ ire? ¹³ Boanerã masãburi marĩmakũ, Cristode masãbiribodi āārĩmĩ. ¹⁴ Cristo masãbirimakũ, gũã bueri neõ wajamarĩbokoa. Masã ĩgũrē bũremurĩde wajamarĩbokoa. ¹⁵ Marĩpũ boanerārē masũbi, Cristodere masũbiribodi āārĩmĩ. Īgũ irasũ iribirimakũ, gũã: “Marĩpũ Cristore masũdi āārĩmĩ”, ārĩrã, ārĩgatorã iribokuyo. ¹⁶ “Boanerã masãbirikuma”, ĩgũsã ārĩrĩ diaye āārĩmakũ, Cristode masãbiribodi āārĩmĩ. ¹⁷ Cristo masãbirimakũ, ĩgũrē masã bũremurĩ wajamarĩbokoa. Irasirirã masã ñerĩ iridea waja, waja opakõãbokoa dapa. ¹⁸ Diayeta i irasũ āārĩmakũ, Cristore bũremurã boanerã, ĩgũrē bũremubirinerã peamegue waamurã irirosũ āārĩbokoma. ¹⁹ Marĩ Cristore bũremurã: “Marĩ okarinurĩ dita ĩgũ merã õārõ āārĩrãkoa. Marĩ boadero pũũ masãburire masĩña máa”, ārĩ gũñarã, āārĩpererã masaka nemorõ boporã āārĩbokoa.

²⁰ “Cristo boadero pũũ, masãdi āārĩmĩ”, ārĩrĩ gapũ diaye āārã. Marĩ āārĩpererã masaka boadero pũũ masãburi dupuyuro masãpũroridi āārĩmĩ. ²¹ Āsũ āārã. Neõgorague āārĩpũroridi Adán ñerĩ iripũroridea waja marĩ masaka āārĩpererã boamurã dita āārã. Pũũ Jesucristo õārĩrē iripeodea waja marĩ boadero pũũ masãrãkoa. ²² Marĩ masaka āārĩpererã Adán parãmerã āārĩturiarã āārĩrĩ waja boamurã dita āārã. Cristoyarã marĩ āārĩmakũ, marĩ boadero pũũ, Marĩpũ marĩ āārĩpererārē masũgũkumi. ²³ Marĩpũ marĩrē keoro masũgũkumi. Cristo masãsiadi āārĩmĩ. Pũũ ĩgũ i ãmũgue dupaturi aarimakũ, marĩ ĩgũyarã āārĩsĩã, masãrãkoa. ²⁴ Irasũ waamakũ, i ãmũ pereakõãrokoa. Irinurē Cristo āārĩpererã ñerārē: oparārē, dorerārē, turarārē béogũkumi. Īgũ irasiriadero pũũ, ĩgũ Pagure ĩgũ āārĩpererã Opũ āārĩrĩrē wiagũkumi. ²⁵ Īgũ wiaburi dupuyuro Marĩpũ Cristore ĩaturirã āārĩpererārē béogũkumi. Īgũsārē béoburi dupuyuro Marĩpũ gããmederosũta Cristo āārĩpererã Opũ āārĩgũkumi. ²⁶ Āārĩpererã ĩgũrē ĩaturirārē béodero pũũ, boaridere pere-makũ irigũkumi. ²⁷ Marĩpũ ĩgũya werenĩrĩ gojadea pũgue ārĩderosũta Cristore āārĩpererārē doregũ, āārĩpererire opagũ āārĩmakũ iridi āārĩmĩ. Irasũ ārĩrõ: “Marĩpũ weka doregũ Cristo āārĩmĩ”, ārĩduaro meta yãa. Marĩputa āārĩpererire, āārĩpererārē Cristo dokague pĩdi āārĩmĩ. ²⁸ Marĩpũ ĩgũrē irasiri ododero pũũ, Cristo Marĩpũ magũ ĩgũ āārĩpererārē doregũ,

ããrĩpereri opagu ããrĩrĩrẽ Marĩpũre wiagakumi. Irasirigu Marĩpũ ããrĩpereri, ããrĩpererã Opũ ããrĩgũkumi.

²⁹ Gaji ããrã. “Boanerã masãbirikuma”, ĩgũsã ãrĩkerekerepũ, ¿nasirirã gajerã masaka boanerãya ããrĩburire wãĩyebosayuri? ĩgũsã: “Boanerã masãbirikuma”, ãrĩrã, ĩgũsãya ããrĩburire wãĩyebosabiribokuma.

³⁰ Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ĩgũsã ñerõ iridũakererepũ, boanerã masãburire masĩsĩã, irire buenĩkõãa. ³¹ Yaarã, i diayeta ããrã. Marĩ Opũ Jesucristore musã buremumakũ ĩãgũ, yũ burõ usũyãa. Ide diayeta ããrã. Ñmũrikũ: “Masaka yũre wẽjẽkõãrãkuma”, ãrĩ pẽñaã. ³² Yũ Jesucristoya kerere bueri waja Efesoguere makãnúũ marã yãa burõ guarã irirosũ ããrĩrã, yũre ñerõ irima. “Boanerã masãbirikuma”, ĩgũsã ãrĩrĩ diaye ããrĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ĩgũsã ãrĩrĩ diaye ããrĩmakũ, marĩde gajerã irirosũ ãsũ ãrĩ werenĩbokoã: “Nãka baa, iirĩrã! Ñamigã boakõãbokoa. Irasirirã marĩ boaburi dupuyuro marĩ gããmerõ irirã!” ãrĩbokoa.

³³ Gajerã ãrĩgatorire pãbirikõãka! Masaka ãsũ ãrĩ werewũakuma: “Ñerãrẽ wapikũrã, musã õãrõ iririkũre pirikõãrãkõã”. ³⁴ Irasirirã musã dupuyurogue goepeyari merã keoro iriderosũta irika doja! Ñerĩrẽ irinemobirikõãka! Musã surãyeri Marĩpũre masĩbea. Musãrẽ gũyasĩrĩdoregũ irasũ ããrã.

Boanerã masãburire gojanemodea

³⁵ Gajipoe sugũ ãsũ ãrĩ sãrẽñabokumi: “¿Nasiri boanerã masãrãkuri? ¿Naásũperi dupũ oparãkuri?” ãrĩbokumi. ³⁶ Irasũ sãrẽñagũ pẽmasĩbi ããrĩmi. Marĩ oteri yeri otedero pũrũ, iri yeri puriburi dupuyuro yeba poekague boakõãkõã. Boa, pũrũ puri wirikõã. Boabirimakũ, neõ puri wirimasĩbirikõã. ³⁷ Marĩ oterã, puridiguere ãĩ otebea. Dupayeri direta otea. Iri yeri trigo yeri ããrĩrõ, o gaji yeri ããrĩrõ ããrĩkõã. ³⁸ Iri yerire marĩ otedero pũrũ, Marĩpũ gapũ ĩgũ gããmederosũta iri yerire purimakũ yãmi. Irasirigu ojodũka yerire ojodũkañũ waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ. ³⁹ ããrĩpererã okari oparã sũrosũ dupũkũrã ããrĩbema. Masakaya dupũ, waimũrãya dupũ irirosũ ããrĩbea. Mirãya dupũ, waaiya dupũ irirosũ ããrĩbea. ⁴⁰ Ñmarõ marãya dupũ, i ãmũ marãya dupũ irirosũ ããrĩbea. Ñmarõ marã õãrĩ dupũ opama. I ãmũ marã, ãmarõ marã irirosũ ããrĩbirikererã, ĩgũsãde õãrĩ dupũ opama. ⁴¹ Abe ãmũmũ kũmijũrĩ merã asimi. Ñamimũ irirosũ boyobemi. Neñukãde gajerosũperi gosema. Neñukãrẽ marĩĩãmakũ, gajerã sĩrũgã goserã deyoma. Gajerã burõ goserã deyoma.

⁴² Marĩ boanerã masãrã ãsũ ããrĩrãkõã. Marĩ boamakũ yãadero pũrũ, marĩya dupũ boarokõã. Pũrũ masãrã, gaji dupũ neõ boabiri dupũ oparãkõã. Irasirirã neõ dupaturĩ boabirikõã. ⁴³ Marĩya dupũre yãamakũ, boanerãya dupũ boari dupũ, turabiri dupũ darõ ããrã. Marĩpũ marĩrẽ masũmakũ, marĩya dupũ õãrĩ dupũ, turari dupũ ããrĩrokõã. ⁴⁴ Marĩya dupũre yãamakũ, marĩya dupũ i ãmũma dupũ ããrã. Marĩ boanerã masãmakũ, marĩya dupũ ãmũgasima dupũ ããrĩrokõã. Irasirirã ãsũ ãrĩ masĩã. Daporare marĩ i ãmũma dupũre opãã. Pũrũ ãmũgasima dupũre oparãkõã.

⁴⁵ Marĩpũya werenĩrĩ gojadea pũgue ãsũ ãrĩ gojasũderõ ããrĩbũ: “Marĩpũ ĩgũ iripũroridi Adãrẽ okarire sĩdi ããrĩmĩ”, ãrĩ gojasũderõ ããrĩbũ. Adãn pũrũmũ Jesucristo gapũ perebiri okarire sĩgũ ããrĩmĩ. ⁴⁶ Marĩ i ãmũma dupũre opapũroria. Pũrũguere ãmũgasima dupũre oparãkõã. ⁴⁷ I ãmũgue ããrĩpũroridi Adãn, nikũ merã irisũdi ããrĩmĩ. ĩgũ pũrũmũ marĩ Opũ Jesucristo gapũ ãmũgasiguemũ ããrĩmĩ. ⁴⁸ Adãn nikũ merã iridea dupũ dupũkũderõsũ marĩ ããrĩpererã nikũ merã iridea dupũ dupũkũã. Irasũ ããrĩmakũ, ãmũgasiguemũ Jesucristoyarã ããrĩsĩã, ĩgũya dupũ irirosũ dupũkũrãkõã. ⁴⁹ Adãn nikũ merã irisũdi ããrĩmĩ. Marĩ ĩgũ irirosũ dupũkũã. Pũrũ ãmũgasiguemũ Cristo irirosũ dupũkũrãkõã.

⁵⁰ Yaarã, musãrẽ ire werea. Marĩrẽ i ãmũma dupũ merã ãmũgasigue Marĩpũ ĩgũyarãrẽ dorerogue neõ waamasĩña mãã. I ãmũma boaburi dupũ merã ãmũgasigue perebiri okari

ããrĩrõguere neõ waamasĩña máa. ⁵¹⁻⁵² Masaka masĩbirideare daporare musãrẽ weregura. Jesucristo i amugue dupaturi aariburi dupuyuro ããrĩpererã ãgũyarã boabirikuma. Jesucristo aaripoe Marĩpũ wereboegu puriduru puritũnugukumi. Irasũ puriadero pũrũ, mata kãrĩ yoberã irirosũ marĩ ããrĩpererã Jesucristore bũremurã gorawayurãkoa. Marĩ boanerã gajĩ dupũ boabiri dupũ merã masãrãkoa. Irasirirã neõ dupaturi boabirikoã. Okarãde gajĩ dupũ boabiri dupũ oparãkuma. ⁵³ Marĩpũ marĩya dupũ pereburi dupũ gorawayugukumi, perebiri dupũ opaburo, ãrĩgũ. Marĩya dupũ boaburi dupũ gorawayugukumi, neõ boabiri dupũ opaburo, ãrĩgũ. ⁵⁴ Marĩya dupũ pereburi dupũ, neõ perebiri dupũ gorawayumakũ, marĩ boaburi dupũ, neõ boabiri dupũ gorawayumakũ, Marĩpũya werenĩrĩ gojadea pũgue ãrĩderosũta waarokoa. Æsũ ãrĩ gojasũdero ããrĩbũ iri pũguere: “Marĩpũ boarire bẽokõãmi, dupaturi marĩrẽ neõ boabirikõãburo, ãrĩgũ. ⁵⁵ Marĩ boakõãrãkoa, ãrĩ gũidea pereakõãã”, ãrĩ gojasũdero ããrĩbũ. ⁵⁶ Marĩ ñerõ iridea waja boamurã dita ããrã. Marĩpũ Moisére doreri pídea merã marĩ ñerõ irideare masĩa. ⁵⁷ Irasũ ããrĩkerepũrũ, Marĩpũ marĩ Opũ Jesucristo iridea merã marĩrẽ peamegue waabonerãrẽ taumi. Irasirirã Marĩpũre: “Õãtaria mũ”, ãrĩ, usũyari sĩa.

⁵⁸ Irasirirã, yaarã yũ maĩrã, musãrẽ ãsũ ãrĩ weregura. Musã marĩ Opũ Jesucristore bũremurĩrẽ neõ piribirikõãka! Gajerã musãrẽ ãgũyare bẽodoremakũ, neõ bẽobirikõãka! Æmũrikũ ãgũ moãdorerire õãrõ irinĩkõãka! Ire marĩ masĩa. ãgũ merã marĩ õãrõ ããrĩrã ãgũ marĩrẽ moãdorerire irimakũ, marĩ moãrĩ, ubu ããrĩrĩ neõ ããrĩbea.

16

Corinto marã gajerã Jesũre bũremurãrẽ niyeru sĩburi neeõrĩrẽ gojadea

¹ Daporare musãrẽ niyeru neeõ, musã gajerã Jesũre bũremurãrẽ sĩburire weregura. Yũ gajerã Jesũre bũremurãrẽ Galacia nikũgue ããrĩrãrẽ dorederosũta musãde irika! ² Semanarikũ siuñajãrĩnũ* ããrĩmakũ, ããrĩpererã musã gajerã Jesũre bũremurãrẽ sĩburi niyerure dukawa duripĩka! Mẽrõgã oparã mẽrõgã dukawa duripĩka! Waaweyaro oparã waaweyaro dukawa duripĩka! Irasirirã, yũ musã pũrogue ejamakũ, musã sĩburire opasiarãkoa. ³ Yũ musã pũrogue ejagu, musã beyenerãrẽ Jerusalẽgue iriugukoa. Papera pũgue ãsũ ãrĩ gojagukoa: “Ïsã ããrĩma Corinto marã beyenerã”. Irasũ ãrĩ goja odo, ãgũsã merã iri pũrẽ, musã duripĩ neeõdea niyerure iriugukoa, Jesũre bũremurã Jerusalẽgue ããrĩrãrẽ sĩdoregu. ⁴ Musã yũre: “ãgũsã merã waamakũ gããmea”, ãrĩmakũ, ãgũsã yũ merã waarãkuma.

Pablo ãgũ Corintogũ waaburire gojadea

⁵ Yũ musã pũrogue waagũ, Macedonia nikũgue waapũrorigukoa. Ire tariwãgã, musã pũro waagukoa. ⁶ Gajipoe irigu yoaweyaripoe musã merã ããrĩgukoa, o gajipoe irigu puibũre ããrĩpeogu, ããrĩpeokõãbokoa. Irasirirã musã yũ gajerogue waaburire iritamumasĩrãkoa. ⁷ Yũ musãrẽ ããrĩ dita ããrĩtariadũabirikoã. Irasirigu marĩ Opũ gããmemakũ, yoaripoe musã merã ããrĩgukoa. ⁸ Pentecostẽs bosenu ããrĩmakũ, õõ Efesogueta taugukoa dapa. ⁹ Õõguere wãri moãrĩ ããrã. Marĩ Opũya kerere pẽdũarã wãrã ããrĩma. Irasũ ããrĩmakũ, yũ irire weremakũ kãmutadũarãde wãrã ããrĩma.

¹⁰ Timoteo musã pũrogue ãgũ ejamakũ, ãgũrẽ õãrõ merã bokatĩrĩ, õãrõ usũyari merã ñeãka! Musã irasirimakũ, ãgũ musã merã bũjawereri marĩrõ ããrĩgukumi. ãgũ yũ irirosũ marĩ Opũyare moãmi. ¹¹ Irasirirã ãgũrẽ irasũ ããrĩbẽomerãta õãrõ merã ãgũrẽ iritamuka! Musã irasirimakũ, ãgũ yũ pũrogue õãrõ usũyari merã goedujarigukumi. Gajerã Jesũre bũremurã merã gũ ãgũrẽ yũrã yãa. Irasirirã, ãgũ õõgue aariburire iritamuka!

* **16:2** Jesũre bũremurãya siuñajãrĩnũ, domingo ããrã. Domingo ããrĩmakũ, Jesũs boadigue masãdi ããrĩmĩ. Irasirirã, domingo ããrĩmakũ, ãgũrẽ bũremurã nerẽnama.

¹² Apolore marĩyagu Jesúre b̄remuḡrē m̄s̄rē ãḡũ waamakũ b̄uro ḡãmeadibũ. Irasirigu ãḡrē gajerã Jesúre b̄remurã merã waadoreadibũ. Yũ waadorekerepũ, ãḡũ daporare waad̄habemi. Pũ ãḡrē gajino iriri marĩmakũ, m̄s̄ã p̄rogue waaḡkumi.

Pablo Corinto marãrē õãdoretũnudea

¹³ Õãrõ pémasĩka! Jesucristore b̄remurĩrē neõ piribirikõãka! Güiri marĩrõ õãrõ gũñaturarã ããrĩka! Marĩpũ turari merã õãrõ ããrĩrikuka! ¹⁴ ããrĩpereri gajinorē irirã, gajerãrē maĩrĩ merã irika!

¹⁵ Yaarã, m̄s̄ã masĩa. Acaya nikũguere Estéfanos wãĩkũgũya wii marã, gajerã iro marã Jesúre b̄remup̄roriburi dupuyuro ãḡrē b̄remup̄rorinerã ããrĩma. ãḡsã, gajerã Jesúre b̄remurãrē õãrõ iritamuníkõãma. ¹⁶ ãḡsã irirosũ irirãrē õãrõ ãḡsã dorerire iritũyaka! Gajerã ãḡsã merã Jesucristoyare moãtamurãrē m̄s̄ã õãrõ ãḡsã dorerire iritũyamakũ ḡãmea yũ. ¹⁷ M̄s̄ã merãmarã Estéfanos, Fortunato, Acaico yũ p̄rogue ejasiama. ãḡsã yũ merã ããrĩmakũ, b̄uro usũyã. ãḡsã m̄s̄ã yũre iritamuboadearē iritamuma. ¹⁸ Yũre õãrõ yũjũpũrãkũmakũ yãma. M̄s̄ãdere irasũta iriñurã. M̄s̄ãrē gajerã p̄rogue ãḡsã irirosũ irirãrē: “Õãrõ irirã yãma”, ãrĩ werero ḡãmea.

¹⁹ Asia nikũ marã Jesúre b̄remurã m̄s̄rē õãdorema. Aquila, Priscila, gajerã Jesúre b̄remurã ãḡsãya wiigue nerẽnarãde m̄s̄rē b̄uro õãdorema. ²⁰ Õõ marã Jesúre b̄remurã ããrĩpererã m̄s̄rē õãdorema. Usũyari merã gãme bokatĩrĩ, õãrõ merã mojõ ñeãnaka!

²¹ Yũ Pablo, yũ basi: “M̄s̄ãrē õãdorea”, ãrĩ gojãa.

²² Marĩ Op̄re Jesucristore maĩbino wajamoãsũburo. “Gũa Op̄re aarika!”

²³ Marĩ Op̄re Jesucristo m̄s̄rē õãrõ iritamuburo. ²⁴ Marĩ ããrĩpererã Jesucristoyarã ããrã. Irasirigu yũ m̄s̄ã ããrĩpererãrē b̄uro maĩa. ãsũ ããrã. Irasũta ããrĩburo.

Iropãta ããrã.

Pablo

2 CORINTIOS

Pablo Corinto marārē òãdoredea

¹ Y_u Pablo, marĩyagu Timoteo merã musã Marĩpuyarã Corinto marārē, irasũ ããrĩmakũ ããrĩpererã Acaya nikũgue ããrĩrãrē òãdoredea. Marĩpu gããmederosũta Jesucristo yare ĩgũyare buedoregu pími. ² Marĩpu ããrĩngũ, marĩ Op_u Jesucristo musãrē òãrõ iritamu, siuñajãrĩ merã ããrĩrikũmakũ iriburo.

Pablo ĩgũ ñerõ tarideare gojadea

³ Marĩpu, marĩ Op_u Jesucristo Pag_u marĩrē bopoñarĩ merã ĩãmi. ĩgũ sugũta marĩrē gũñaturamakũ irigu ããrĩmi. Irasirirã ĩgũrē: “Òãtaria mu”, ãrĩ, usuyari sĩrã! ⁴ Marĩ ñerõ taririkũ, Marĩpu marĩrē gũñaturamakũ yãmi. Irasirirã gajerã ñerõ tarimakũ ĩãrã, Marĩpu marĩrē gũñaturamakũ iriderosũ marĩde ĩgũsãrē gũñaturamakũ irimasĩa. ⁵ Marĩde Cristoyarã ããrĩslã, ĩgũ ñerõ tariderosũ buro ñerõ taria. Marĩ ñerõ tariro nemorõ Marĩpu Cristo merã marĩrē iritamugũ òãrõ gũñaturamakũ irigũkumi. ⁶ G_{ua} Marĩpu musãrē taurire gũñaturaburo, ãrĩrã, ñerõ taria. G_{ua} ñerõ tarimakũ, Marĩpu gũare iritamumi gũñaturari merã tariburo, ãrĩgũ. Musã, g_{ua} irirosũ ñerõ tarimakũ, Marĩpu musãdere iritamumasĩmi gũñaturari merã tariburo, ãrĩgũ. ⁷ G_{ua} ire masĩa. G_{ua} ñerõ tarirosũ musãde g_{ua} merã ñerõ taria. Irasũ ñerõ tarimakũ, Marĩpu gũare gũñaturamakũ irirosũ musãdere òãrõ gũñaturamakũ yãmi. Irasirirã musã gũñaturari merã ñerõ tariburire g_{ua} masĩa.

⁸ G_{uay}arã, Asia nikũgue gũare waadeare musãrē masĩmakũ gããmea. G_{ua} iroguere ããrĩrã buro ñerõ tarirã: “I ñerõ taririre neõ bokatĩũbirikoa. Boarãkoa. ⁹ Wẽjẽbéokõãrãkuma”, ãrĩ gũñadibu. Marĩpu direta g_{ua} gũñaturaburire irasũ ñerõ taribu. Irasirirã: “Marĩ basi neõ iritamumasĩbirikoa. Marĩpu boanerãrē masũgũ sugũta marĩrē taumasĩmi”, ãrĩ gũñaturabu. ¹⁰ G_{uare} buro wẽjẽduakerepuru, Marĩpu gũare taumi. Irasirirã: “Dapoadere, puruguedere taugũkumi”, ãrĩ buremua. ¹¹ Irasirirã musã gajerã merã Marĩpũre gũaya ããrĩburire sërẽbosarõũta ĩgũ gũare iritamumakũ ĩãrã, wãrã ĩgũrē: “Pablosãrē òãrõ iritamubu”, ãrĩ, usuyari sĩrãkuma.

Pablo ĩgũ Corintogue waadũadideare gojadea

¹² G_{ua} irideare gũñarã, usuyari merã ãsũ ãrĩ gũñãa: “G_{ua} i ãmũguere Marĩpu ĩũrõ ãrĩgatori marĩrõ goepeyari merã masakare buebu”, ãrĩ gũñãa. Musãdere irasũta iribu. G_{ua} masĩrĩ merã buebiribu. Marĩpu gũare maĩgũ ĩgũ turari merã iritamumi. ¹³ G_{ua} musãrē gojarã, pémasĩma òãrõ dita gojabu, òãrõ pémasĩmakũ gããmerã. ¹⁴ Irasirirã g_{ua} musãrē gũñarã: “G_{uayamar}ẽ ĩgũsã pémasĩturabirideare purugue òãrõ pémasĩrãkuma”, ãrĩ gũñãa. Irasirirã, marĩ Op_u Jesús dupaturi aarimakũ, g_{ua} musã iridea merã usuyarosũta, musãde g_{ua} iridea merã usuyarãkoa.

¹⁵⁻¹⁶ Irasũ ãrĩ gũñagũ, Macedonia nikũgue waagũ musãrē ĩãgũ waapuroridũadibu. Irasirigu musãrē ĩãtariwãgã, gãme dujari, musãrē dupaturi ĩãbokuyo. Pea yare musã ĩãrĩ merã usuyamakũ iridũagu, irasiridũadibu. Musã, irasirimakũ, y_u Judea nikũgue waaburire iritamubokuyo. ¹⁷ “Y_u musã puro waagura”, ãrĩkeregũ, ejabirimakũ ĩãrã: “Pablo, gajerã masaka ĩgũsã gããmerõ irirosũ iriañumi”, ¿ãrĩ gũñarĩ? “ĩgũ ãrĩderosũ iribirañumi”, ¿ãrĩ gũñarĩ? ¹⁸ Marĩpu ĩgũ: “Ãsũ irigũra”, ãrĩdeare yãmi. G_{uade}: “Ãsũ irirãkoa”, ãrĩdeare: “Iribirikoa” ãrĩrã meta yãa. Irire masĩmi Marĩpu. ¹⁹ Y_u, Silvano, irasũ ããrĩmakũ Timoteo, Marĩpu magũ Jesucristoyare musãrē werebu. Marĩpu: “Y_u magũ merã ãsũ irigũra”, ãrĩgũ, diayeta irigũno ããrĩmi. “ĩgũ merã ãsũ irigũra”, ãrĩ, puru: “Iribirikoa”, ãrĩgũ meta yãmi. ²⁰ Irasirigu ããrĩpereri Marĩpu masakare: “Ãsũ irigũra”, ãrĩdeare Jesucristo ĩgũ magũ merã iripeokõadi ããrĩmi. ĩgũ irasirimakũ ĩãrã, marĩ Jesucristoyarã Marĩpũre: “Irasũta ããrã, mu magũ Jesucristo merã iridea òãtaria”, ãrĩ,

usuyari sĩa. ²¹ Guare, irasũ ããrĩmakũ musãdere Cristore piriro marĩrõ buremurã, ãgũ merã õãrõ ããrĩmakũ irigũ, Marĩputa ããrĩmi. Ìgũta marĩrẽ beyepĩdi ããrĩmĩ Cristoyarã ããrĩdoregũ. ²² Irasirigũ marĩrẽ ãgũyarã ããrĩrĩrẽ masĩmakũ iridoregũ, Õãgũ deyomarĩgũrẽ marĩ merã ããrĩmakũ iridi ããrĩmĩ. Irasirigũ ããrĩpereri ãgũ marĩrẽ sĩburire ãgũ merã masĩmakũ yãmi.

²³ Marĩpu yũ wererire, yũ gũñarĩrẽ masĩmi. Irasirigũ yũ musã pũroguere Corintoguere waabirideare diayeta wererũra. Musã ñerõ iridea waja turidũabi, musã pũroguere waabiribũ, musãrẽ bujaweremakũ iribokoa, ãrĩgũ. ²⁴ Gũta musãrẽ bure doreri merã: “Jesucristore buremurã ãsũpero gapũ iriro gããmea”, ãrĩrã meta ããrã. Piriro marĩrõ musã ãgũrẽ õãrõ buremua. Irasirirã, musãrẽ ãgũ merã nemorõ usuyamakũ gããmerã, õãrõ iritamudũãa.

2

¹ Iro dupuyuro yũ musãrẽ ãgũ ejagũ, yũ wereri merã musãrẽ bujaweremakũ iribũ. Irasirigũ: “‘Dupaturi ãgũsãrẽ bujaweremakũ iribokoa’, ãrĩgũ, daporare ãgũsãrẽ ãgũ waabea”, ãrĩ gũnabũ. ² Musãrẽ bujaweremakũ irigũ, yũde bujawerebokoa. Marĩ basi gãme bujaweremakũ irirã, gãme usuyamakũ irimasĩña marĩbokoa. ³ Irasirigũ irinũgue musãrẽ su pũ gojabũ yũ musã pũroguere waaburi dupuyuro iririre ãmudoregũ. Irire ãmuburi dupuyuro yũ musãrẽ ãgũ waamakũ, yũre usuyamakũ iriboanerã, yũre bujaweremakũ iribokoa. Yũ ãsũ ãrĩ gũnãã: Yũ musã merã usuyamakũ, musãde yũ merã usuyarãkoa. Irasirigũ musã merã bujaweredũabi: “Waabea dapa”, ãrĩ gojabũ. ⁴ Musãrẽ irire gojagũ, bure gũñarĩkũri merã, õãrõ yũjũpũrãkũri marĩrõ merã, bure oreri merã musãrẽ gojabũ. Musãrẽ bujawereburo, ãrĩgũ meta gojabũ. Yũ musãrẽ bure maĩrĩrẽ masĩmakũ iridũagũ, gojabũ.

Ñerõ iridi irideare kãtika! ãrĩ gojãdea

⁵ Sugũ musãyagũ ãgũ ñerõ iridea merã yũre bujaweremakũ irimi. Yũ direta irasũ iribirimi. Musãdere ããrĩpererãrẽ bujaweremakũ iridi ããrĩmĩ. Ìgũ yũre musã nemorõ bujaweremakũ irikererũra: “Ìgũrẽ bure wajamoãka!” ãrĩgũ meta yãa. ⁶ Musã nerẽnarõgue: “Ìgũ ñerõ iridea waja marĩ merã neõ nerẽnemobirikõãburo”, ãrĩdeare irisi-ayuro. Irasirigũ yũ musãrẽ: “Iropãta ãgũrẽ wajamoãka!” ãrĩ gojãa. ⁷ Ìgũ ñerõ irideare bujawerekeregũ, ãgũrẽ musã wajamoãnemomakũ, bure bujawereri merã dujabokumi. Irasirirã ãgũ ñerõ irideare kãti, ãgũrẽ iritamuka, gũñaturari merã ããrĩburo, ãrĩrã! ⁸ Irasirigũ yũ musãrẽ: “Dupaturi ãgũrẽ õãrõ bokatĩrĩñeãka, musã dupuyurogue maĩderosũta ãgũrẽ maĩrĩrẽ masĩburo, ãrĩrã!” ãrĩ gojãa. ⁹ Iro dupuyuro musãrẽ gojagũ: “¿Diayeta yũ dorerire irirãkuri?” ãrĩ masĩdũagũ gojabũ. ¹⁰ Musã ãgũ ñerõ irideare kãtirosũta, yũde irire kãtia. Yũre ñerõ iribirikererũra, musãrẽ iritamudũagũ: “Ìgũ ñerõ irideare kãtia. Cristo marĩ ñerõ irideare kãtigũ ãrĩrõ, irasũ yãa”, ãrĩ gojãa. ¹¹ Marĩ ãgũ ñerõ irideare kãtimakũ ãgũ, wãtẽa opu Satanás marĩrẽ ñerõ iridoredũagũ marĩrẽ tarinũgãmasĩbirikumi. Ìgũ marĩrẽ ñerĩ irimakũ gããmerĩrẽ õãrõ masĩa.

Pablo: “Troague ããrĩgũ gũñarĩkũbũ”, ãrĩ gojãdea

¹² Yũ Troas wãikũri makãgue Jesucristoya kerere buegũ ejamakũ, marĩ Opu Jesucristo wãrã iroguere ããrĩrãrẽ iri kerere pẽdũamakũ iridi ããrĩmĩ. ¹³ Irasũ ããrĩkererũra, marĩyagu Titore bokabirisĩã, bure bujawere gũñarĩkũbũ. Irasirigũ iro marãrẽ: “Waagũ yãa”, ãrĩ, Macedonia nikũgue ãgũrẽ ãmagũ waabũ.

Cristoyarã wãtĩ ñerõ iridorerire tarinũgãmasĩma, ãrĩ gojãdea

¹⁴ Yũ gũñarĩkũkererũra, Marĩpũre: “Mũ yũre õãrõ iritamunĩã”, ãrĩ, usuyari sĩa. Marĩ Jesucristoyarã ããrĩmakũ, Marĩpu marĩrẽ ãgũ iritamurĩ merã ããrĩpereri wãtĩ ñerõ iridorerire tarinũgãmasĩmakũ yãmi. Marĩ Jesucristoya kerere bueri merã masakare ãgũyamarẽ masĩmakũ yãmi. Sũrõrĩ ããrĩpererogũ sũrõ seyaro irirosũ ããrĩpererogũ marãrẽ masĩmakũ

yámi. ¹⁵ Ásũ ããrã. Marĩpũ, marĩ Jesucristoya kerere were, ìgũyare iritũyamakũ ìãgũ, òãrĩ sãrõrĩ ìgũrẽ sïdea soemurĩ merã usũyarusũ, marĩ merã usũyami. Sãrõrĩrẽ ìgũ ìũrõ soemumakũ sãrõ seyarosũ, marĩ noó waaró marĩ Jesucristoyarã ããrĩrĩrẽ ìgũ taumurãrẽ, peamegue waamurãdere masĩmakũ yámi. ¹⁶ Peamegue waamurã Jesucristoya kerere marĩ weremakũ pérã, ìgũrẽ gããmebiri waja irogue wajamoãsũburire masĩma. Jesucristo taumurã gapũ iri kerere marĩ weremakũ pé buremurã, Marĩpũ pũro ìgũ merã ããrĩburire masĩma. Marĩ basi iri kerere òãrõ weremasĩbea. Marĩpũ iritamurĩ merã irire òãrõ weremasĩa. ¹⁷ Wãrã gajerã Marĩpũyare buegorenarã, niyeru direta wajatadũama. Gũa gapũ ìgũsã irirosũ iribebea. Gũa Cristore moãboerã, Marĩpũ iriunerã ìgũ ìũrõ ìgũ weredoredeare goepeyari merã werea.

3

Marĩpũ Jesucristo iridea merã: “Òãrõ irigũra musãrẽ”, ãrĩrĩrẽ gojadea

¹ Gũa musãrẽ irire ãrĩrã, dupaturi gũa basi òãrõ werenĩrã meta yáa. Gajerã buerimasã musã pũro ejaburi dupuyuro ìgũsã buenerãrẽ su papera pũgue ìgũsã buerire: “Keoro ããrã”, ãrĩrĩrẽ gojadoreñurã. Irasirirã musã pũro ejarã, iri pũrẽ musãrẽ wiañurã. Musã gũare masĩsĩaã. Irasirirã gũa ìgũsã irirosũ musãrẽ iri pũnorẽ iriubea. Irasũ ããrĩmakũ gajerogue buerã waamurã, musãrẽ iri pũnorẽ gojabosadorebea. ² Gũa iri pũnorẽ gããmebea. Musã, gũa Jesucristoya kerere weremakũ pérã, ìgũrẽ buremu, ìgũyare irinũgãbũ. Masaka, musã irasirimakũ ìãrã, gũa buerire: “Keoro ããrã”, ãrĩ masĩrãkuma. Gũade gũa gũñarĩgue musãrẽ: “Diayeta Jesucristore buremu, ìgũyare iritũyarã yáma”, ãrĩ masĩa. Musã irasiriri merã masaka gũare: “Òãgorama”, ãrĩ masĩrãkuma. Gũayamarẽ gojadea pũ merã masĩrõsũ irire masĩrãkuma. ³ Jesucristo, gũa ìgũya kerere weremakũ, musãrẽ ìgũrẽ buremu, ìgũyare iritũyamakũ iridi ããrĩmĩ. Irasirirã masaka musã ìgũyare iririre ìãrã, ìgũyarã musã ããrĩrĩrẽ gojadea pũ merã masĩrõsũ masĩrãkuma. Irasirirã musã Cristo gojadea pũ irirosũ ããrã. Irire masĩdoregũ, papera pũgue gojadi merã gojabiridi ããrĩmĩ. Marĩpũ okanĩgũ gããmerõsũta Òãgũ deyomarĩgũ turari merã musãya gũñarĩgue: “Ìgũ iritamurĩ merã gũa ãsũ ããrĩrikua”, ãrĩ masĩmakũ yámi. Irasirigũ, iripoegue Marĩpũ Moisére ìgũ dorerire pídeare ùtã majĩrĩgue gojaderosũ iribiridi ããrĩmĩ.

⁴ Gũa Cristo iritamurĩ merã Marĩpũre gũñaturasĩã, musãrẽ irire gojáa. ⁵ “Gũa masĩrĩ merã i moãrĩrẽ yáa”, neõ ãrĩmasĩbea. Marĩpũ iritamurĩ merãta Jesucristoya kerere werea. ⁶ Irasirigũ gũare iri kerere, ìgũ masakare: “Òãrõ irigũra musãrẽ”, ãrĩrĩrẽ òãrõ buemakũ yámi. Iri kere, iripoegue Marĩpũ Moisére ìgũ doreri pídea irirosũ ããrĩbea. Marĩpũ Jesucristo iridea merã, Òãgũ deyomarĩgũ iritamurĩ merã marĩrẽ ìgũ merã òãrõ ããrĩmakũ iriri kere ããrã. Neõ sugũ ìgũ dorerire iripeogũ mámi. Irasirirã marĩ irire iripeobiri waja peamegue waamurã dita ããrĩbokoã. Òãgũ deyomarĩgũ iritamurĩ merãta Marĩpũ merã òãrõ ããrĩmasĩa.

⁷ Marĩpũ Moisére ìgũ doreri pídeare ùtã majĩrĩgue gojagũ, ìgũ ããrĩrõgue gosewasiriri waamakũ iridi ããrĩmĩ. Irasiriro Moiséya diapu Marĩpũ gosewasiriri merã kũmijũdero ããrĩbũ. Iri gosewasiriri peredijakerepũrũ, Israel bumarã ìgũrẽ ìãmeétũmasĩbirinerã ããrĩmã. Marĩpũ bũro gosewasiriri merã deyoa, Moisére iri doreri pídea ããrĩkerepũrũ, iri doreri, masakare ìgũsã irire iripeomasĩbiri waja peamegue waamurã dita ããrĩmakũ iridero ããrĩbũ. ⁸ Irasirigũ Marĩpũ iri doreri merã iridea nemorõ, ìgũ Òãgũ deyomarĩgũ iritamurĩ merã marĩrẽ ìgũ merã òãrõ ããrĩmakũ iriri òãtaria. ⁹ Marĩpũ, masaka Moisére ìgũ doreri pídeare iripeobiri waja ìgũsãrẽ: “Wajamoãgũra”, ãrĩkerepũrũ, òãgoradero ããrĩbũ. Iri nemorõ, Marĩpũ Jesucristo iridea merã marĩrẽ: “Òãrã, waja opamerã ããrĩma”, ãrĩ ìãrĩ, òãtaria. ¹⁰ Irasiriro Marĩpũ Moisére ìgũ doreri pídea òãrĩ ããrĩkerepũrũ, Jesucristoya kere gapũ, iri nemorõ òãtaria. Iri kere, iri dorerire ubu ããrĩrĩ dujamakũ yáa. ¹¹ Marĩpũ bũro gosewasiriri merã Moisére ìgũ dorerire píkerepũrũ, iri pereburi ããrĩdero ããrĩbũ.

Jesucristo ìgũ iridea merã marĩrẽ tauri kere gapũ òãtaria. Neõ ubu ããrĩrĩ ããrĩbirikoa. Neõ perebirikoa.

¹² Irasirirã gũa irire masĩsĩã, gũiro marĩrõ merã pémasĩma òãrõ musãrẽ Jesucristoya kerere werea. ¹³ Iri kere, Marĩpũ Moisére ìgũ doreri pídea perederosũ neõ perebirikoa. Irasirirã gũa iri kerere wererã, Moisés iriderosũ irirã meta yáa. Moisés Marĩpũ merã ããrĩdero pũũ, ìgũya diapu Marĩpũ gosewasiriri merã kũmijũdero ããrĩbũ. Israel bumarã iri gosewasiriri peredijarire masĩrĩ, ãrĩgũ, ìgũya diapure suríro gasiro merã buuadi ããrĩmĩ. ¹⁴ Moisés irasirimakũ, iri gosewasiriri peredijarire masĩbiriderosũ, Marĩpũ doreri ìgũrẽ pídeare: “Ásũ ãrĩduaro irikoa”, ãrĩ pémasĩbirinerã ããrĩmã. Daporaguedere Israel bumarã irire buerã, pémasĩbema dapa. Cristoyarã dita irire pémasĩma. ¹⁵ Daporaguedere Israel bumarã Marĩpũ Moisére ìgũ doreri pídeare buekererã, pémasĩrĩ marĩrõ buema. ¹⁶ Sugũ masakũ marĩ Opũre bũremunugãmakũ, marĩ Opũta ìgũyare pémasĩmakũ yámi. ¹⁷ Marĩ Opũ, Òãgũ deyomarĩgũ merã sugũta ããrĩmi. Irasirirã, Òãgũ deyomarĩgũ marĩ merã ããrĩmakũ: “Marĩpũ Moisére ìgũ doreri pídeare marĩ tarinugãdea waja marĩrẽ wajamoãgũkumi”, ãrĩ gũñabea. ¹⁸ Irasirirã marĩ Opũyarã ããrĩsĩã, marĩ Opũ òãtarigu ããrĩrĩrẽ masĩa. Gajerãde marĩ ìgũyarã ããrĩrĩrẽ masĩma. Irasirigu marĩrẽ ìgũ òãgũ ããrĩrõsũ ããrĩmakũ gããmegũ, ããrĩpereri marĩ okarinũrĩrẽ gorawayumakũ yámi. Marĩ Opũ, Òãgũ deyomarĩgũ merã sugũta ããrĩmi. Ìgũta marĩrẽ irasũ yámi.

4

¹ Marĩpũ gũare bopoñarĩ merã ìãgũ, gũare Jesucristoya kerere weremurãrẽ pídi ããrĩmĩ. Irasirirã piriro marĩrõ gũñaturari merã masakare iri kerere werea. ² Gũyasĩũrõ iririre, masaka ìãberogue ñerĩ iririre doogorãa. Ærĩgatori merã buebea. Marĩpũya werenĩrĩrẽ gorawayuro marĩrõ buea. Marĩpũ iũrõ diayema ããrĩrĩ diretta pémasĩma òãrõ masakare werea, ããrĩpererã gũare: “Keoro buema”, ãrĩburo, ãrĩrã. ³ Peamegue waamurã dita Marĩpũ Jesucristo iridea merã masakare tauri kerere gũa wererire pémasĩbema. ⁴ Ìgũsã Jesucristore bũremubiri waja, wãtĩ i ãmũ marã ñerã opũ ìgũsãrẽ iri òãrĩ kerere pémasĩbirimakũ yámi. Koye ìãmerã sĩãgorire ìãmasĩmerã irirosũ ããrĩmakũ yámi. Irasirirã Cristo òãtarigu ããrĩrĩrẽ ìãmasĩbema. Cristo, Marĩpũ ããrĩrikũrere opagũ, Marĩpũta ããrĩmi. ⁵ Gũa Jesucristoya kerere wererã, masaka gũare òãrõ gũñaburo, ãrĩrã meta yáa. Ìgũsãrẽ: “Jesucristo marĩ Opũta ããrĩmi. Ìgũrẽta bũremurõ gããmea”, ãrĩ werea. Gũayamarẽ wererã: “Jesús gũare maĩgũ ìgũyare weredoredea merã gũa musãrẽ moãboerã irirosũ musãrẽ iritamurã yáa”, ãrĩ werea. ⁶ Neõgoraguere ããrĩperero i ãmũgue naĩtĩãrõ ããrĩmakũ, Marĩpũ: “Boyori waaburo”, ãrĩrĩ merãta boyori waamakũ iridi ããrĩmĩ. Ìgũta iriderosũ marĩya gũñarĩgue boyori ããrĩmakũ yámi. Irasirigu marĩrẽ ìgũ òãtarigu ããrĩrĩrẽ masĩmakũ yámi. Marĩ Jesucristo òãtarigu ããrĩrĩrẽ masĩã, Marĩpũ òãtarigu ããrĩrĩdere masĩa.

Jesucristore bũremurã Marĩpũ merã òãrõ ããrĩma, ãrĩ gojadea

⁷ Gũa Marĩpũ òãtarigu ããrĩrĩrẽ masĩã, diarisoro ubu ããrĩrĩ soro, òãtariri opari soro irirosũ ããrã. Irasirirã gajerã, gũa Marĩpũya kerere weremakũ pérã: “Marĩpũ turatarigu iritamurĩ merãta marĩrẽ ìgũyare werema ìgũrẽ bũremuburo, ãrĩrã”, ãrĩ gũñarãkuma. ⁸ Gũa noó waaró ñerõ tarikerepũũ, Marĩpũ iritamumi, gajerã gũare ìgũyare wererire pirimakũ iribirikõãburo, ãrĩgũ. Irasirirã: “¿Naásũ waarokuri?” ãrĩ gũñarĩkũkererã: “Marĩpũ marĩrẽ iritamubirikumi”, ãrĩ gũñabea. ⁹ Gajerã gũare ñerõ irikerepũũ, Marĩpũ gũare koregũ neõ béowãgãbemi. Ìgũsã gũare wẽjẽduarã pámeépĩkerepũũ, Marĩpũ ìgũsãrẽ gũare wẽjẽdorebemi. ¹⁰⁻¹¹ Jesús i nikũgue ããrĩmakũ, masaka ìgũrẽ wẽjẽma. Irasirirã gũa ìgũyarã ããrĩrĩ waja ããrĩpereri gũa okarinũrĩrẽ ããrĩpererogue gũa noó waaró gũadere wẽjẽduama. Marĩpũ gapũ Jesúre dupaturi okamakũ iridi ããrĩmĩ. Irasirigu, gũa boaburi dupure opakerepũũ, gũare Jesús okari sĩrĩrẽ opamakũ yámi gajerã irire masĩburo, ãrĩgũ.

¹² Irasirirã gũa Jesúya kerere wereri waja gajerã gũare wějẽma goero ããrĩkerepũũ, masã gapũ iri kerere bũremurã, Marĩpũ pũro perebiri okari opamurã ããrã.

¹³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Marĩpũre bũremubũ. Irasirigũ ĩgũyare werebũ”. Gũade irasũta bũremua. Irasirirã ĩgũyare werea. ¹⁴ Ire masĩa. Marĩpũ, marĩ Opũ Jesũre boadiguere masũdi ããrĩmĩ. ĩgũrẽ masũderosũta marĩ Jesũyarã ããrĩmakũ, marĩdere masũgũkumi. Irasirigũ marĩrẽ ĩgũ pũrogue ãĩmũrĩagũkumi ĩgũ merã ããrĩdoregũ. Gũa irire masĩsĩa, mũsarẽ ĩgũyare werea. ¹⁵ Irasirirã mũsarẽ iritamudũarã masã õãrõ ããrĩburire i ããrĩpererire irirã ñerõ taria. Wãrã gajerãdere gũa wererire pãrã Marĩpũ Jesũs merã õãrõ iririre masĩmakũ gããmerã, irasũ yãa. Irire masĩrã, ĩgũrẽ: “Õãtaria mũ”, ãrĩ, usũyari sĩrãkuma.

¹⁶ Irasirirã gũa ñerõ tarikererã, piriro marĩrõ gũñaturari merã masakare ĩgũyare werea. Æmũrikũ gũaya dupũma turari perewãgãkerepũũ, Marĩpũ gũare gũñaturamakũ yãmi. ¹⁷ Irasirirã gũa Jesúya kerere wereri waja gũa daporare ñerõ taririre, Marĩpũ pũrũgue gũare iriburire ãsũ ãrĩ gũñãa: “Marĩ ñerõ tariri, pereburi ããrã. Marĩpũ pũrũgue nemorõ õãrĩ iriburi gapũ neõ perebirikoa. Bũro usũyari merã ĩgũ pũro ããrĩnikõãrãkoa”. ¹⁸ Daporare gũa i nikũmarẽ ĩãrĩrẽ gũñarikũbea. Æmũgasima ĩãña marĩrĩrẽ, irogue Marĩpũ merã ããrĩburire gũñãa. Gũa daporare i nikũmarẽ ĩãrĩ, pereakõãrokoa. Æmũgasima ĩãña marĩrĩ gapũ ããrĩnikõãrokoa.

5

¹ Marĩ ire masĩa. Marĩya dupũ, marĩya wii irirosũ ããrã. Wii irirosũ marĩya dupũ boamakũ, Marĩpũ gaji wii marĩrẽ sĩrõsũ gaji dupũ ãmũgasima dupũre sĩgũkumi. Iri dupũ, masaka iridea dupũ meta ããrĩrokoa. Irasiriro neõ boabiri dupũ ããrĩrokoa. ² Marĩ i nikũma dupũre oparã yũjũpũrãkũturabiri, bũjawereri merã ñerõ taria. Maama wii marĩ õãrõ ããrĩburi wiire bũro opadũarosũ, ãmũgasima dupũre bũro gããmea. ³ Surĩro maa-mãnerẽ sãñadũarosũ iri dupũre gããmea. Surĩ marĩrã ããrĩdũamerã irirosũ, dupũ marĩrã ããrĩdũabea. ⁴ I nikũma dupũre oparã yũjũpũrãkũturabiri, gũñarikũ, ñerõ taria. Ñerõ tarikererã, marĩya dupũ, boaburi dupũre bẽodũarã meta yãa. Maama dupũ, neõ boabiri dupũ gapũre bũro opadũãa. Iri dupũre oparã, Marĩpũ pũro ĩgũ merã ããrĩnikõãrãkoa. ⁵ Marĩpũ marĩrẽ maama dupũre opamurã ããrĩmakũ iridi ããrĩmĩ ĩgũ pũro õãrõ ããrĩburo, ãrĩgũ. Marĩrẽ irire masĩburo, ãrĩgũ, Õãgũ deyomarĩgũrẽ marĩ merã ããrĩdoregũ sĩdupuyudi ããrĩmĩ.

⁶ Irasirirã Marĩpũre gũñaturanĩkõãa. Ire masĩa. Marĩ i nikũma dupũkũrã, marĩ Opũ pũro ããrĩbea. ⁷ ĩgũrẽ ĩãbirikererã: “Diyeta ĩgũ ãrĩderosũta irigũkumi”, ãrĩ bũremurĩrẽ neõ piribea. ⁸ Gũñaturari merã marĩya ããrĩburire ãsũ ãrĩ gũñãa: “Marĩ boarã, i nikũma dupũre bẽorã, marĩ Opũ pũro bũro usũyari merã ããrĩrãkoa. Irire bũro gããmea marĩ”. ⁹ Irasirirã marĩ Opũre marĩ merã usũyamakũ iridũarã, i nikũgue ããrĩrã, o ĩgũ pũrogue ããrĩrã, ĩgũ gããmerĩrẽ iridũãa. ¹⁰ Marĩ Cristo pũrogue waamakũ, marĩ ããrĩpererãrẽ ĩgũ diaye nidoregũkumi marĩ i nikũgue ããrĩrã irideare werebu. Irasirigũ, marĩ õãrĩ irideare, o ñerĩ irideare keoro weregũkumi. Marĩ, ĩgũ irasiriburire masĩrã, ĩgũ gããmerĩrẽ iridũãa.

Marĩpũ merã õãrõ ããrĩrĩmarẽ gojadea

¹¹ Irasirirã gopepyari merã marĩ Opũ Jesucristore bũremua. Gũa masakare ĩgũsã ĩgũrẽ bũremumakũ gããmerã, ĩgũyare werea. Marĩpũ gũa iririre masĩmi. Yũ, mũsãdere gũa iririre: “Õãrõ yãma”, ãrĩ masĩmakũ gããmea. ¹² Yũ mũsarẽ gojagũ, dupaturi gũayamarẽ: “Õãgorãa”, ãrĩ gojagũ meta yãa. Gũare õãrõ masĩ, usũyari merã gũñaburo, ãrĩgũ, mũsarẽ gojãa. Gajerã buerimasã: “Gajerã nemorõ õãrã ããrã”, ãrĩ gũñarã, masaka ĩũrõ direta õãrã irirosũ ããrĩma. ĩgũsã ããrĩrikũri gapũre pẽmasĩbema. Gũare: “Keoro buebema”, ãrĩ werewũamakũ, masã ĩgũsarẽ õãrõ yũjũrãkoa. ¹³ Gajerã gũa iririre ĩãrã: “Niãsũrã yãma”, ãrĩ ĩãkerepũũ, niãsũrã meta yãa. Marĩpũ gããmerĩrẽ irirã, irasũ yãa. Pẽmasĩrĩ merã mũsarẽ

iritamurã yáa. ¹⁴ Cristo suguta marĩ ããrĩpererãrẽ maĩgũ marĩ ñerĩ iridea waja marĩrẽ boabosadi ããrĩmĩ. Irasirirã marĩ ããrĩpererã ĩgũ merã boanerã irirosũ dujabũ. Gũa irire gũñarã: “Diayeta ããrã”, ãrĩ gũñáa. Irasirirã ĩgũyare piriro marĩrõ yáa. ¹⁵ ããrĩpererã marĩ ñerĩ iridea waja marĩrẽ boabosadi ããrĩmĩ, marĩ gããmerõ irinemobirikõãburo, ãrĩgũ. Marĩ õãrõ ããrĩburire marĩrẽ boabosa, masãdi ããrĩmĩ ĩgũ gããmerĩrẽ iridoregũ. ¹⁶ Irasirirã ĩgũrẽ masĩsĩã, i ãmũ marã ĩgũrẽ masĩmerã gajerãrẽ werewũari merã ĩãrã irirosũ neõ ĩãbea. Iripoeguere yũ ĩgũrẽ: “Ubu ããrĩgũ, i nikũmuta ããrĩmĩ”, ãrĩ ĩãunabũ. Dapora gapũre ĩgũrẽ masĩã. ¹⁷ Marĩ Cristoyarã ñajãmakũ, Marĩpũ marĩrẽ maama ããrĩrikũrĩre opamakũ iridi ããrĩmĩ. Irasirirã marĩ ĩgũyarã ããrĩburi dupuyurogue ããrĩrikũunaderosũ neõ ããrĩbea.

¹⁸ Marĩpũ marĩrẽ iri ããrĩpererire irasiridi ããrĩmĩ. Iripoeguere marĩ, Marĩpũ merã õãrõ ããrĩbiriunanerã ããrĩbã. Irasirigũ Marĩpũ, Cristo boari merã marĩrẽ ĩgũ merã õãrõ ããrĩmakũ iridi ããrĩmĩ. ããrĩpererã irasũ ããrĩmakũ gããmegũ, gũare ĩgũya kerere weredoregũ pídi ããrĩmĩ. ¹⁹ Iri kere ãsũ ãrã: “Marĩpũ, Cristo boari merã ããrĩpererã i ãmũ marãrẽ ĩgũ merã õãrõ ããrĩburire pídi ããrĩmĩ. ĩgũsã ñerõ iridea wajare peremakũ iridi ããrĩmĩ”. Irasirigũ ããrĩpererãrẽ ĩgũ merã õãrõ ããrĩmakũ gããmegũ, gũare iri kerere weredoregũ pídi ããrĩmĩ. ²⁰ Irasirirã Cristore wereboerã ĩgũ iriunerã ããrã. Gũa ĩgũyare wererã, Marĩpũ ĩgũ basi masakare wereboderosũta gũa ĩgũsãrẽ ãsũ ãrĩ werea: “Cristore wereboerã ĩgũyare wererã yáa. Irasirirã musãrẽ: ‘Marĩpũ merã õãrõ ããrĩka!’ ” ãrĩ werea. ²¹ Cristo neõ ñerĩ iribirikerepũrũ, Marĩpũ, marĩ ñerĩ iridea waja marĩrẽ wajamoãboderosũ ĩgũrẽ iridi ããrĩmĩ marĩrẽ Cristoyarã ããrĩdoregũ. ĩgũ gããmerõsũta ĩgũ irirosũ marĩrẽ diaye irirã ããrĩdoregũ, irasiridi ããrĩmĩ.

6

¹ Gũa Marĩpũyare moãrã ããrĩsĩã, turaro merã musãrẽ: “Marĩpũ Cristo merã musãrẽ õãrõ iritamudeare ubu ããrĩrĩrẽ irirosũ ĩãbéobirikõãburo, ãrĩrã, ĩgũyare irinĩkõãka!” ãrĩ werea. ² Marĩpũ ĩgũya werenĩrĩ gojadea pũgue ãsũ ãrĩdi ããrĩmĩ:

Yũ musãrẽ: “Õãrõ iritamugũra”, ãrĩdeare iriripoe ããrĩmakũ, musã sãrẽrĩrẽ pãbũ. Yũ tauripoe ããrĩmakũdere musãrẽ iritamubũ, ãrĩdi ããrĩmĩ.✠

Irasirirã gũa wererire õãrõ pãka! Daporare masaka Marĩpũre: “Yũre iritamuka!” ãrĩ sãrẽrãrẽ ĩgũ pãdũaripoe ããrã. Daporare ĩgũrẽ: “Yũre tauka!” ãrĩ sãrẽrãrẽ ĩgũ taudũaripoe ããrã, ãrĩ werea.

³ Gũa Marĩpũyare buerire ñerõ werenĩrĩ, ãrĩrã, gũa neõ sugũnorẽ ñerõ iribeã, ĩgũyare piribokumi, ãrĩrã. ⁴ ããrĩpereri gũa iriri merã Marĩpũre moãboerã ããrĩrĩrẽ gajerãrẽ masĩmakũ gããmerã, ãsũ gapũ yáa. ĩgũyare buegorenarã, ñerõ taririre, gũa gããmerĩrẽ opabirire, ñerõ gũare waarĩre õãrõ merã gũñatura, bokatĩũa. ⁵ Gajipoere gajerã gũare tãrãma. Peresugue biadoboma. Gajipoere wãrã masaka nerẽ, guarĩ merã gainĩma gũare wẽjẽdũarã. Gajipoere bũro poyari merã moãbũ. Kãrĩrõ marĩrõ, ãboari merã moãbũ.

⁶ Gũa Marĩpũre moãboerã ããrĩrĩrẽ masakare masĩmakũ gããmerã, idere yáa. ĩgũsãrẽ ĩgũyare buerã, õãrĩ direta iridũari merã, diayema ããrĩrĩ masĩrĩ merã, bopoñarĩ merã, iritamudũari merã, Õãgũ deyomarĩgũ gũaguere ããrĩrĩ merã, diaye maĩrĩ merã, ⁷ diayema ããrĩrĩrẽ wereri merã, Marĩpũ turari merã buea. Sugũ masakũ ĩgũ mojókũri merã ĩgũ merã gãmekẽãdũagũre kãmuta tarinũgãgũ irirosũ gũa diayema iriri merã ñerĩrẽ kãmuta tarinũgãa. ⁸ Gũa masakare buemakũ, surãyeri gũare bũremurĩ merã ĩãma. Gajerã gũare bũremubema. Surãyeri gũare õãrõ werenĩma. Gajerã gũare ñerõ werenĩma. Diayema ããrĩrĩrẽ gũa werekerepũrũ: “Ãrĩgatori merã buema”, ãrĩma. ⁹ Gajerã gũare ĩãmasĩkererã: “Ubu ããrĩã ããrĩma”, ãrĩsĩã, ĩãmasĩmerã irirosũ ĩãma. Gũa noó waaró gajerã gũare wẽjẽdũakererũ, okãa dapa. Gũare bũro wajamoãkererã, wẽjẽbema. ¹⁰ Gũa bujawereri

✠ 6:2 Is 49.8

merã ããrĩkererã, usuyankõãa. Boporã ããrĩkererã, gũa buerire pérãrẽ wajaparire opamakũ irirosũ yáa. Wári i umumarẽ opabirikererã, Marĩpũ merã ããrĩpereri õãrĩrẽ opáa.

¹¹ Gũayarã Corinto marã, gũa musãrẽ gojarã, gũa gũñarĩrẽ diayeta gojáa. Musãrẽ gũa bũro maĩrĩrẽ masĩmakũ gããmea. ¹² Gũa musãrẽ maĩrĩrẽ neõ piribea. Musã gapũ gũare maĩturabea. ¹³ Irasirigũ sugũ ãgũ pũrãrẽ wererosũ, musãrẽ ãsũ ãrĩ weregura. Yũ musãrẽ diaye maĩrõsũta yũdere maĩka!

Marĩpũ okanígũ marĩ merã ããrĩmi, ãrĩ gojadea

¹⁴ Cristore bũremumerã merã sũrosũ ããrĩbirikõãka! Sugũ õãrĩrẽ irigũ, ñerĩrẽ irigũ merã õãrõ gãmesuribemi. Boyorogue ããrĩrã irirosũ Marĩpũre masĩrã, naĩtĩarõgue ããrĩrã irirosũ Marĩpũre masĩmerã gãme wapikumasĩbema. ¹⁵ Cristo, wãtẽa opũ merã sũrosũ gũñabemi. Cristore bũremugũ, Cristore bũremubi merã sũrosũ gũñarĩrẽ opabemi. ¹⁶ Marĩpũre bũremurĩ wii ãgũ ããrĩrĩ wii, masaka ãgũsã bũremurĩ keori weadeare pĩburi wii ããrĩbea. Marĩ, Marĩpũ okanígũya wii irirosũ ããrĩsĩã, ãgũ direta bũremua. ãgũya wiigũ ããrĩrõsũta marĩ merã ããrĩmi. ãgũya werenĩrĩ gojadea pũgue irire ãsũ ãrĩ weredi ããrĩmi:

Yũ ãgũsã merã ããrĩgũ, ãgũsã watopegue ããrĩnikõãgũkoa. Yũ ãgũsã Opũ ããrĩgũkoa. ãgũsã, yaarã ããrĩrãkuma, ãrĩdi ããrĩmi.*

¹⁷ Irasirigũ marĩ Opũ ãsũ ãrĩnemodi ããrĩmi:

Ñerõ iririkurãrẽ wapikunemobirikõãka! ãgũsã ñerĩ iririre iribirikõãka! ãgũsã irirosũ ñerĩ iribirimakũ, yũ musãrẽ õãrõ bokatĩrĩñeã, wapikuníkõãgũkoa.*

¹⁸ Yũ, Musãpũ ããrĩgũkoa. Musã yũ pũrã ããrĩrãkoa, ãrĩdi ããrĩmi marĩ Opũ ããrĩpererã nemorõ turagũ.*

7

¹ Yaarã yũ maĩrã, musãrẽ ire werea. Marĩ, i Marĩpũ ãrĩdeare pérã, ããrĩpereri ñerõ iririre, ñerĩ gũñarĩdere pirirã! Irasirirã gopeyari merã ãgũrẽ bũremu, ãgũ gããmerĩ direta irinĩrã!

Pablo, Corinto marã gũñarĩ gorawayudeare gojadea

² Gũare maĩka! Gũa musãrẽ neõ poyanorẽbiribũ. Gũa bueri merã musãrẽ ñerõ irimakũ iribiribũ. Neõ sugũnorẽ musã merãmũrẽ ãrĩgatori merã ãgũyare ãĩabiribũ. ³ Yũ irire irasũ ãrĩgũ: “Musã gũare ñerõ werenĩdea waja opáa”, ãrĩgũ meta yáa. Gũa musãrẽ bũro maĩrĩ merã gũñanĩa. Yũ irire musãrẽ weresiabũ. Irasirirã marĩ okarã, o boarã, suro merãta ããrĩnrãkoa. ⁴ Yũ, musã õãrõ iriri kerere pégu: “Diayeta yáa”, ãrĩ gũñãa. Irasirigũ ñerõ tarikeregũ, gũñatura, bũro usuyáa.

⁵ Gũa Macedonia nikũgue ejarãgueta neõ siuñajãrĩ bokabiribũ. Noó waaró ñerõ taribũ. Gajerã gũa merã gãme guaseodũama. Musãrẽ gũa buenerãrẽ gũñarã, bũro gũñarikũbũ. ⁶ Marĩpũ, bũjawereri merã ããrĩrãrẽ gũñaturamakũ irigũ gapũ Tito gũa pũrogue ejari merã gũare gũñaturamakũ irimi. ⁷ ãgũ gũa pũrogue ejari direta usuyabiribũ. Musã ãgũrẽ gũñaturamakũ irideare ãgũ weremakũ pérã, bũro usuyabũ. Musã yũre ããduarire, musã yũre werewũadeare bũjawereri merã ããrĩrĩrẽ, musã yũre gũñarikũrere gũare weremi. Yũ irire pégu, bũro usuyanemobũ.

⁸ Yũ musã ñerõ irideare musãrẽ gojadupuyudea pũ merã yoaweyaripoe bũjaweremakũ iribũ. Irasirigũ: “Yũ gojabirimakũ õãboyo”, ãrĩ gũñabũ. Irasũ ãrĩ gũñakeregũ, daporare: “Yũ irire gojamakũ õãgorabũ”, ãrĩ gũñãa. ⁹ Irasirigũ daporare usuyagũ, musã bũjaweredeare usuyagũ meta yáa. Yũ musãrẽ gojadea pũrẽ buedero pũrũ, musã ñerõ irideare gũña, Marĩpũ gããmerõsũta bũjawereyuro. Musã gũñarĩrẽ gorawayu, ñerõ iririre piriyo. Iri gapũ yũre usuyamakũ yáa. Musãrẽ bũjaweremakũ irikeregũ, neõ poyanorẽbiribũ. ¹⁰ Marĩ ñerõ irideare gũñarã, Marĩpũ gããmerõsũta bũjawere, marĩ gũñarĩrẽ gorawayu, ñerĩ iririre pirirã, peamegue waabonerã tausũrãkoa. Gajerã i umũ

* 6:16 Lv 26.12; Ez 37.27 * 6:17 Is 52.11 * 6:18 2 S 7.14; 1 Cr 17.13; Is 43.6; Jer 31.9

marã Jesúre b̄remumerã gap̄ ãḡsã ñerõ irideare b̄jawerekererã, ãḡsã ḡñarĩrẽ neõ gorawayubema. Ñerĩ iririre piribema. Irasirirã peamegue waamurã ããrĩma. ¹¹ M̄sã gap̄ m̄sã ñerõ irideare ḡñarã, Marĩp̄ gããmerõsũta b̄jawereyuro. Irasirirã m̄sã iririre goepeyari merã ḡñanugãyuro. M̄sã ñerõ irideare piririre gajerãrẽ b̄ro masĩmakũ gããmeyuro. M̄sã ñerõ irideare ḡñarikũ, b̄ro b̄jawere, ḡuyuro. Irasirirã yure b̄ro ããduayuro. Ñerĩ iriḡure wajamoãyuro, ãḡ ñerõ irideare dupaturi iribirikõãburo, ãrĩrã. ããrĩpereri m̄sã irasiriri merã m̄sã daporare diaye irirã ããrĩrẽ ḡure ãmua. ¹² Irasiriḡ ȳ m̄sãrẽ gojadupuyuḡ, ñerõ iridire ãḡ ñerõ irididere iritamud̄aḡ iribũ. M̄sãdere iritamubu, iri p̄rẽ gojabũ, Marĩp̄ ãũrõ ḡure m̄sã õãrõ ḡñarĩrẽ masĩburo, ãrĩḡ. ¹³ Irasirirã m̄sã ḡure ḡñaturamakũ yãa.

Irasũ ããrĩmakũ m̄sã Titore õãrõ bokatĩrĩñeãrã ãḡrẽ us̄yamakũ iriyuro. Ḡua irire p̄rã, m̄sã merã us̄yadero nemorõ us̄yanemobũ. M̄sã ãḡrẽ õãrõ ããrĩrikũmakũ iriyuro. ¹⁴ Tito m̄sã p̄ro waaburi dupuyuro ȳ m̄sã merã us̄yarire ãḡrẽ werebũ. ãḡ irogue ejamakũ, ȳ ãrĩderosũta ãḡrẽ õãrõ iriyuro. Irasiriḡ ȳ ãḡrẽ weredeare ḡuyasĩrĩbea. Ḡua m̄sãrẽ diayema ããrĩrĩ direta wererosũta ḡua Titore m̄sãyamarẽ weredeade diayeta ããrĩbũ. ¹⁵ M̄sã p̄rogue ãḡ ejamakũ, ããrĩpererã b̄remurĩ merã ãḡrẽ õãrõ bokatĩrĩñeãyuro. Goepeyari merã ãḡ dorerire iriyuro. M̄sã irasirideare ḡñaḡ, m̄sãrẽ maĩdero nemorõ maĩnemomi. ¹⁶ Ȳ, m̄sã õãrõ iririre masĩsã, “Õãrõ yãma”, ãrĩ, b̄ro us̄yãa.

8

Gajerãrẽ ãḡsã gããmerĩrẽ sĩburimarẽ gojadea

¹ Ḡuyarã, ḡua m̄sãrẽ ire masĩmakũ gããmea. Marĩp̄ Jesúre b̄remurĩ buri marãrẽ Macedonia nikũgue ããrĩrãrẽ õãrõ iritamumi. ² ãḡsã b̄ro ñerõ tarikererã, gajerãrẽ iritamuma. B̄ro bopokererã, ãḡsãya niyerure maĩrõ marĩrõ, b̄ro us̄yari merã ãḡsãrẽ sĩburire neeõnama. ³ ãḡsã gããmerõ ããrĩpereri ãḡsã s̄rõ bokatĩũrõ s̄kererã, s̄nemonama. Ȳ, ãḡsã irasirideare masĩa. Irasiriḡ m̄sãrẽ irire werea. ⁴ Marĩp̄yarãrẽ boporãrẽ iritamud̄arã, ãḡsãrẽ s̄d̄uarire ḡure: “Ãabosaka!” ãrĩ s̄rẽma. ⁵ Irasũ ãrĩrã, ḡua ḡñadero nemorõ õãrõ yãma. Niyerure ãḡsã sĩburire neeõburi dupuyuro marĩ Op̄re: “M̄ gããmerĩ direta irid̄akoa”, ãrĩma. P̄rũ ḡure: “Marĩp̄ gããmerõsũta m̄sã dorerire irirãra” ãrĩma. ⁶ ãḡsã irasirideare ããrã, ḡua Titore m̄sã p̄ro Corintogue waadorebũ. Iro dupuyuro m̄sã p̄rogue ããrĩḡ, boporãrẽ iritamuburire niyerure s̄rẽ, neeõnugãdi ããrĩmĩ. Irasirirã, m̄sã õãrõ irinugãderosũta irire odonúburo, ãrĩrã, ãḡrẽ iriua. ⁷ M̄sã Marĩp̄yare ããrĩpererire õãrõ yãa. ãḡrẽ diayeta b̄remua. ãḡya kerere ãḡ masĩrĩ s̄rĩ merã keoro buea. ãḡ gããmerõsũta gajerãrẽ õãrõ iritamud̄ãa. Ḡure b̄ro maĩa. Irasirirã m̄sã i ããrĩpererire õãrõ irirosũta m̄sã boporãrẽ s̄buri neeõrĩdere õãrõ irika!

⁸ Ȳ irire m̄sãrẽ irasũ ãrĩḡ, turaro merã: “ãḡsãrẽ niyeru s̄ka!” ãrĩḡ meta yãa. Macedonia marã boporãrẽ õãrõ iritamudeare werea, ãḡsã irirosũ m̄sãde diayeta maĩrĩ merã boporãrẽ iritamud̄uarire masĩd̄aḡ. ⁹ Ire m̄sã masĩa. Marĩ Op̄ Jesucristo marĩrẽ b̄ro maĩḡ, marĩrẽ õãrõ iritamudi ããrĩmĩ. ããrĩpereri ãm̄gasiguema õãrĩrẽ opaḡ ããrĩkereḡ, marĩya ããrĩburire i nikũguere aariḡ, bopoḡ irirosũ aaridi ããrĩmĩ, marĩrẽ ããrĩpereri ãm̄gasiguema õãrĩrẽ opaburo, ãrĩḡ.

¹⁰ Irasiriḡ ȳ m̄sãrẽ: “Ãsũ irimakũ õãgorabokoa”, ãrĩ ḡñarĩrẽ wereḡra. M̄sã gap̄ si bojori merã gaji makã marã dupuyuro boporãrẽ niyeru s̄burire us̄yari merã neeõp̄rorisiabũ. ¹¹ Irasirirã m̄sã us̄yari merã neeõp̄roriderosũta daporare s̄yuarikũka! Wãro oparã, wãro s̄ka! M̄rõgã oparã, m̄rõgã s̄ka! ¹² Us̄yari merã m̄sã s̄d̄uaropã s̄makũ, Marĩp̄ m̄sã merã us̄yagakumi. Wãro opamerãrẽ wãro s̄dorebemi.

¹³ Y_H m̄sārē: “Boporārē iritamuka!” āřīgū, “Īgūsā gap_H wáro oparā dujaburo, m̄sā gap_H boporā dujaka!” āřīgū meta yáa. ¹⁴ Āārīpererā s̄rosū āārīrikuburo, āřīgū, irire irasū ārā. Daporare m̄sā opari merā Īgūsārē iritamumasīa. P̄r̄gue m̄sā gāāmerīrē opabirimakū, Īgūsāde m̄sārē iritamumasīrākuma. M̄sā irasū gāme sīrā, m̄sā gāāmerīrē opapeokōārākoa. ¹⁵ Marīp̄ya werenīrī gojadea p̄gue marī gāme sīrīrē āsū ārī gojasūdero āārībú*: “Wáro opadi gajig_H nemorō opabirimi. Mérōgā opadide mérōgā opakereg_H, Īgū gāāmerīrē opapeokōāmi”, ārī gojasūdero āārībú.

Tito Īgū merāmarā merā Corintogū waadea

¹⁶ Y_H m̄sārē b̄ro iritamud̄arosūta Marīp̄ Titore m̄sārē iritamud̄amakū yámi. Irasirig_H Marīp̄re Ɂs̄yari sīa. ¹⁷ Tito, ḡa Īgūrē m̄sā p̄rogue waadoburi dupuyurogueta m̄sārē iritamugū waad̄asiadi āārīmí. Irasirig_H, ḡa Īgūrē waadoburmakū pégu: “JáɁ, waagura”, ārī yujami.

¹⁸ Īgū merā gajig_H marīyagure iriua. Āārīpererogue Jesúre b̄remurī buri marā Īgūrē: “Marīp̄ masakare Jesucristo iridea merā tauri kerere ōārō buemi”, ārī werenīnūrā. ¹⁹ Īgūrēta beyenerā āārīmá, niyerure boporā p̄rogue ḡa āāmakū ḡare wapikuburo, ārīrā. Iri niyerure m̄sā gajerā merā neeōdeare ḡa boporārē sīmakū Īārā: “Marī Op̄ marīrē ōārō iritamugū yámi”, ārīrākuma. Marī Īgūsārē b̄ro iritamud̄arire masīrākuma. ²⁰ Ḡa iri niyerure wáro m̄sā neeōdeare ōārō kore, boporārē keoro sīrākoa, gajerā ḡare: “Keoro iribirima”, ārī werew̄abirikōāburo, ārīrā. ²¹ Ḡa marī Op̄ Īūrō, masaka Īūrōdere diayemarē irid̄aa.

²² Irasirirā Titosā merā gajig_H marīyagure iriua. Ḡa, Īgū gajerārē ōārō iritamumakū wári Īāb̄. Irasirig_H daporare m̄sā gajerārē iritamud̄arire p̄sīā, Īgū dupuyuro m̄sārē iritamud̄adero nemorō iritamugū waad̄ami. ²³ Masaka Titoyamarē s̄rēñamakū, Īgūsārē āsū ārī yujaka: “Pablo merāɁ, Īgū merā moāgū āārīmí m̄sārē iritamubu”, ārīka! Gajerā Īgū merā waamurārē s̄rēñamakū, āsū ārīka: “Jesúre b̄remurī buri marā iriuanerā āārīma. Cristoyare iriri merā gajerārē Cristore: ‘Ōātarimi’, ārī, Ɂs̄yari sīmakū yáma”, ārīka! ²⁴ Irasirirā ḡa Titosārē: “Corinto marā m̄sārē ōārō bokatīrīñeārākuma”, ārī wererosūta ōārō bokatīrīñeāka! M̄sā irasiririre p̄rā, Īgūsārē iriuanerā m̄sā Īgūsārē maīrīrē masīrākuma.

9

Jesúre b̄remurārē niyeru sīburi neeōrīrē gojadea

¹ Y_H m̄sārē gojag_H: “Īgūsā gajerā Jesúre b̄remurārē niyeru sīburi neeōrīrē masīsīama. Irasirig_H irire gojanemobeá”, ārī gūñáa. ² Y_H, gajerārē m̄sā iritamud̄arire masīsīaa. Irasirig_H Ɂs̄yari merā Macedonia nikū marārē āsū ārī wereb̄: “Si bojorire Corinto marā Acaya nikūgue āārīrā, gajerā Jesúre b̄remurārē boporārē iritamud̄asiama”, ārīb̄. Irire p̄rā, wárā Macedonia nikū marāde m̄sā irirosū Ɂs̄yari merā Īgūsārē iritamud̄ama. ³ Y_H Macedonia nikū marārē: “Corinto marā niyeru sīrākuma”, ārīderosūta waamakū gāāmea. Irasirig_H iri niyeru m̄sā sīd̄arire y_H m̄sā p̄rogue ejaburi dupuyuro neeō odosiaburo, āřīgū, Titosārē iriua. ⁴ Y_H Macedonia nikū marā merā m̄sā p̄rogue ejag_H, m̄sā sīd̄arire neeō odobirimakū Īāgū, ḡyasīrībokoa. Y_H Īgūsārē: “Corinto marā boporārē sīrākuma”, ārīdero p̄r̄ m̄sā sībirimakū Īāgū, ḡyasīrībokoa. M̄sāde irasūta ḡyasīrībokoa. ⁵ Irasirig_H: “Y_H m̄sā p̄rogue ejaburo dupuyuro Titosārē iriup̄rorig_Hra”, ārī gūñáa. Īgūsā irogue ejarā, m̄sārē iritamurākuma m̄sā: “Sīrākoa”, ārīdeare iri odoburo, ārīrā. Irasirirā ḡa m̄sā p̄rogue ejamakū, ḡa m̄sārē sīdorero marīrō m̄sā gajerārē sīd̄arire b̄ro iritamud̄ari merā, neeō odosiarākoa.

* **8:15** Exodo 16.13-18: Iripogue Israel bumarā masaka marīrōgue waagorenamakū, Ɂm̄rik_H Marīp̄ Īgūsārē maná wāik̄uri baari sīdi āārīmí. Irasirig_H Marīp̄ dorederosūta Moisés Īgūsārē irire keoro seadoredi āārīmí, Īgūsākū Īgūsā baaburire opaburo, āřīgū.

⁶ Ire gũñaka! Méri yeri otedi, mérĩgã ðuka seagukumi. Wári yeri otedi, wári ðuka seagukumi. Iri irirosũ marĩ boporãrẽ mérõgã sĩmakũ, Marĩpũ marĩrẽ mérõgã sĩgukumi. Wáro marĩ sĩmakũ, wáro sĩgukumi. ⁷ Irasirirã mũsã: “Õõpã sĩgũra”, ãrĩ gũñaderosũta sĩka! “Sĩðuabirikerepũ, yũre sĩdorema. Irasirigũ sĩgũkoa”, ãrĩ gũñarõ marĩrõ sĩka! Marĩpũ, usũyari merã sĩrãrẽ maĩmi. ⁸ Æãrĩpereri õãrĩrẽ mũsãrẽ sĩmasĩmi mũsã gããmerĩrẽ opapeokõãburo, gajerãdere mũsã opari merã õãrõ iritamuníkõãburo, ãrĩgũ. ⁹ Marĩpũya werenĩrĩ gojadea pũgue irire ãsũ ãrĩ gojasũdero ããrĩbũ:

Õãgũ boporãrẽ wáro sĩmi. Ìgũsãrẽ õãrõ iritamurĩ neõ perebirikoa.*

¹⁰ Marĩpũ, oterimasũrẽ oteri koyere Ìgũ oteburire opamakũ yámi. Oterimasũ irire otedero pũrũ, Marĩpũ Ìgũ otedeare ðukakumakũ yámi masaka baaburire. Irire irirosũ mũsãrẽ ããrĩpereri mũsã boporãrẽ sĩburire opamakũ irigukumi. Irire sĩdero pũrũ, mũsã opadero nemorõ mũsã boporãrẽ sĩnemoburire opamakũ irigukumi. ¹¹ Marĩpũ mũsãrẽ ããrĩpereri õãrĩrẽ opamakũ irigukumi gajerãrẽ wáro sĩburo, ãrĩgũ. Irasirirã gũa iri niyerure mũsã neeõdeare marĩyarã boporãrẽ sĩmakũ Ìãrã, Marĩpũre usũyari sĩrãkuma. ¹² Mũsã Ìgũsãrẽ iritamurã, Ìgũsã gããmerĩ diretta sĩrã meta yáa. Marĩpũre: “Õãtaria, mũ Ìgũsãrẽ gũare sĩmakũ iriri”, ãrĩ, usũyari sĩmakũ yáa. ¹³ Mũsã Ìgũsãrẽ iritamumakũ Ìãrã: “Corinto marã Cristoyare õãrõ yáma. Gũare wáro sĩrã, gajerãdere õãrõ sĩma”, ãrĩrãkuma. Irasirirã Marĩpũre buru usũyari sĩrãkuma. ¹⁴ Ìgũ mũsãrẽ õãrõ iritamurĩrẽ masĩrãkuma. Irasirirã mũsãrẽ buru maĩrĩ merã mũsãya ããrĩburire Ìgũrẽ sërẽbosarãkuma. ¹⁵ Marĩpũ Jesucristo merã marĩrẽ õãtariro iridi ããrĩmĩ. Ìgũ irasũ irideare marĩ werenĩrĩ merã weredũarã, werepeomasĩña máa. Irasirirã Ìgũrẽ: “Õãtaria mũ”, ãrĩ, usũyari sĩa.

10

Pablo Ìgũ Jesús buedoregũ pídi ããrĩrĩrẽ gojadea

¹ Yũ Pablo mũsãrẽ gaji weregũra. Ire weregũ, Cristo turiro marĩrõ bopoñarĩ merã werederosũta mũsãrẽ weredũãa. Surãyeri mũsã pũro ããrĩrã, yũre ãsũ ãrĩñũrã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ buru turari merã were gojami”, ãrĩñũrã. ² Irasirigũ mũsãrẽ ãsũ ãrĩ werea. Yũ mũsã pũro gũe ejamakũ, yũre turaro merã weremakũ iribirikõãka! Gajerã mũsã watopegue ããrĩrã gũare: “I ãmũ marã irirosũ Ìgũsã gããmerĩ diretta irirã yáma”, ãrĩñũrã. Irasũ ãrĩrãrẽ turaro doreri merã weregũra. ³ Gũa i ãmũgue ããrĩkererã, gũare Ìãturirãrẽ wererã, i ãmũ marã irirosũ iribea. ⁴ I ãmũ marã Ìgũsã turaro merã Ìgũsãrẽ Ìãturirãrẽ tarinũgãmurã werema. Gũa gapũ Marĩpũ doreri merã Ìgũsãrẽ werea, Ìgũyare ãrĩgatori merã gũñarĩrẽ: “Diaye ããrĩbea”, ãrĩ masĩburo, ãrĩrã. ⁵ Iri doreri merã Marĩpũyare: “Diaye ããrĩbea”, ãrĩrãrẽ diayema ããrĩrĩrẽ masĩmakũ irimasĩa. “Masĩtaria”, ãrĩ gũñarãrẽ ããrĩpereri Ìgũsã gajerãrẽ Marĩpũre masĩbirimakũ iririre pirimakũ irimasĩa. Iri doreri merã ããrĩpereri Ìgũsã gããmerõ gũñarĩrẽ pirimakũ irimasĩa, Cristo gapũre gũña, Ìgũ gããmerĩ diretta iriburo, ãrĩrã. ⁶ Mũsã: “Ìgũ dorerire tarinũgãbirikoa”, ãrĩdero pũrũ, iri dorerire tarinũgãgũnorẽ gũa wajamoãmasĩa.

⁷ Mũsã gajerãrẽ Ìãrã, Ìgũsã iririkũri diretta Ìãrã yáa. Ìgũsã gũñarĩ gapũre neõ Ìãmasĩbea. “Cristoyagũ ããrã”, ãrĩgũno guadere: “Cristoyarã ããrĩma”, ãrĩ masĩdorea. ⁸ Yũ mũsãrẽ: “Marĩ Opũ gũare Ìgũyare buedoregũ pími”, ãrĩ werekeregũ, irire gũyasĩrĩbea. Gũare irasũ buedoregũ, mũsãrẽ iritamudoregũ pími. Mũsãrẽ poyanoredoregũ meta pími. ⁹ Yũ mũsãrẽ gojagũ, yũ gojari merã gũkamakũ iridũagũ meta yáa. ¹⁰ Surãyeri mũsã watopegue ããrĩrã ãsũ ãrĩma: “Pablo marĩrẽ gojagũ, buru turari merã doremi. Irasirikeregũ, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma. ¹¹ Irire irasũ ãrĩgũnorẽ ãsũ ãrĩ

* 9:9 Sal 112.9

weregura: “Gua gajerogue ããrĩrã, musãrẽ: ‘Ãsũ irirãra’, ãrĩ gojaderosũta musã pãroque ejarã, irire irirãkoa”.

¹² Surãyeri musã watopegue ããrĩrã ãgũsã basi: “Marĩ gapũ õãrõ masĩa, gajerã nemorõ ããrã”, ãrĩ gãme werenĩma. Irasũ ãrĩ werenĩkererã, masĩbema. Gua gapũ ãgũsã irirosũ gua basi gua iririre neõ werenĩñabea. ¹³ Irasirirã gua musãrẽ wererã, Marĩpũ guare buedoregũ pídea direta werea. Gajerãrẽ ãgũ pídeare irirã meta yáa. ãgũta guare pími musãdere buedoregũ. ¹⁴ Irasirirã, ãgũ guare buedoregũ píderosũta musãrẽ Cristoya õãrĩ kerere buepãrorirã ejabũ. Irogue musãrẽ buerã ejarã, ãgũ guare dorederosũta iribũ. ¹⁵ ãgũ guare buedoregũ píderosũta iririre wererã, keoro werea. Gajerã iririre: “Gua iriri ããrã”, neõ ãrĩbea. Musãrẽ buerã, musãrẽ Cristore bũremunemomakũ gããmea. Musã bũremunemomakũ ããrã, Marĩpũ guare dorederosũta irirã, gajerã musã pãroque ããrĩrãdere buerãkoa Cristore bũremuburo, ããrã. ¹⁶ Pãrũ yoarogue marãrẽ Marĩpũ Jesucristo merã masakare tauri kerere pémerãrẽ buerã waarãkoa. Gajerã iri kerere buederoguere buerã waa: “Gua bueri gapũre pérã, Jesucristore bũremunãgãma”, ããrã meta yáa.

¹⁷ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩgũ ããrã’, ãrĩbirikõãburo. Irasũ ããrĩõno irigũ marĩ Opũ gapũre: ‘Turatarigũ ããrĩsĩã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ. ¹⁸ Sugũ ãgũ basi: “Õãrõ yáa”, ãrĩ werenĩrĩ wajamáa. Marĩ Opũ: “Õãrõ yámi”, ãrĩ ããsũgũ gapũ diayeta õãrõ irigũ ããrĩmi.

11

Pablo ãrĩgatori merã buerimasãyamarẽ gojadea

¹ Daporare musãrẽ mérõgã yaamarẽ ãrĩmoãmagũ irirosũ were gojagũra. Yũ irasũ ãrĩ gojarire gariborero marĩrõ buemakũ gããmekoa. ² Marĩpũ musãrẽ maĩrõsũta yũde bũro maĩa. Musã yũ magõ irirosũ ããrã. Cristo musã marãpũ ããrĩbu irirosũ ããrĩmi. Irasirigũ, yũ magõ gajerã ãma merã neõ ñerõ iribeo sugureta marãpũkũmakũ gããmegũ irirosũ, yũ musãrẽ Cristoyarã dita ããrĩmakũ gããmea. ³ Irasũ gããmekeregũ: “Evare iripoegue waaderosũ ãgũsãdere waabokoa”, ãrĩ gũñarikũa. Wãtĩ, pĩrũ irirosũ deyoa, ãgũ masĩrĩ merã ãrĩgatomakũ pégo, Marĩpũ dorerire tarinũgãdeo ããrĩmõ. ãgũ iriderosũ gajerã musãrẽ ãrĩgatomakũ pérã, musã gũñarĩgue Cristoya direta musã iridũarire piribokoa. ⁴ Musã ãsũ yáa. Gajerã musã pũro ãrĩgatori merã buerã ejamakũ, ãgũsã buerire õãrõ pésuyua. ãgũsã Jesũyamarẽ, Õãgũ deyomarĩgũ musã bokatĩrĩñeãdiyamarẽ, Marĩpũ Jesús merã masakare tauri kerere gua musãrẽ buedea irirosũ ãgũsã buebirikerepũrũ, ãgũsã buerire pé bũremua. ⁵ ãgũsã musãrẽ buerã: “Gua gajerã Jesús buedoregũ pínerã nemorõ masĩa”, ãrĩ péñakuma. Yũ gapũ: “Jesús yũre ãgũyare buedoregũ pími. Irasirirã yũre masĩtarinũgãbema”, ãrĩ péñáa. ⁶ Yũ õãrõ wererimasũ irirosũ werebirikeregũ, Marĩpũ werenĩrĩrẽ õãrõ masĩa. Yũ masĩrĩrẽ, ããrĩpereri yũ ãgũyare iriri merã musãrẽ masĩmakũ iribũ.

⁷ Yũ musãrẽ Marĩpũ Jesús merã masakare tauri kerere buegũ: “Niyeru sĩka!” neõ ãrĩ sãrẽbiribũ. Ubu ããrĩgũ irirosũ moã wajata baabũ, musãrẽ Marĩpũyare õãrõ masĩburo, ãrĩgũ. ¿Yũ irasiridea õãberi? ¿Naásũ gũñarĩ? ⁸ Gajerã Jesũre bũremurĩ buri marã yũre niyeru sĩma musãrẽ bueburo, ãrĩrã. ãgũsã sĩrĩrẽ ñeãbũ musãrẽ iritamubu. Irire ñeãgũ, ãgũsãya niyerure ãmawãgãgũ irirosũ péñabu. ⁹ Musã merã ããrĩgũ, gajino yũ gããmerĩrẽ opapeobirikeregũ, musãrẽ niyeru neõ sãrẽbiribũ. Marĩyarã Macedonia nikũ marã yũ gããmerĩnorẽ ãĩjama. Irasirigũ musãrẽ: “Niyeru sĩka!” neõ ãrĩ garibobiribũ. Pũrũguedere musãrẽ neõ garibobirikoa. ¹⁰ “Cristo weregũ, diayeta weredi ããrĩmĩ”, ãrĩ masĩa. ãgũ diaye werederosũta yũde musãrẽ niyeru sãrẽbirideare diayeta werea. Neõ sugũ ããrĩperero Acaya nikũgue ããrĩgãno i musãrẽ yũ sãrẽbirideare wererire: “Diaye werebemi”,

ārīmasībirikumi. ¹¹ Mūsārē yu sērēbirideare wererire pérã, ¿naásũ gũñarĩ mūsã? “Pablo guare maībirisĩã, irasũ arĩ weremi”, ¿arĩ gũñarĩ? Aārĩbea. Mūsārē maĩa. Marĩpu irire masĩmi.

¹² Irasirigu yu mūsārē irinugãderosũta iriwãgãnikõãgura. “Gajerã Jesús buedoregu pĩnerã nemorõ masĩa”, arĩgatorã mūsārē bueri waja niyeru wajataduama. Gua gapu ĩgũsã irirosũ wajataduabea. Irasirirã ĩgũsã: “Guade Pablosã irirosũta yãa”, neõ arĩmasībema. ¹³ “Jesús buedoregu pĩnerã aãrã”, arĩrã, arĩgatorã yãma. “Diayeta Jesús buedoregu pĩnerã aãrĩma”, arĩ gũñamakũ iriduarã aãrĩsĩã, masakare arĩgatorã. ¹⁴ Yu gapu ĩgũsã irasirimakũ ĩãkeregũ: “¿Nasirimurã irire irasũ yãri?” arĩ gũñabea. Wãtẽa opu Satanãde Marĩpũre wereboegu irirosũ deyoami masaka ĩgũ arĩgatorire: “Diayeta aãrã”, arĩ gũñamakũ iridugũ. ¹⁵ Irasirirã arĩgatori merã buerimasã wãtĩrẽ moãboerã ĩgũ irirosũ yãma. Ñerã aãrĩkererã, ĩgũsã irigatori merã masakare: “Marĩpũre moãboerã aãrĩma, õãrõ yãma”, arĩ gũñamakũ iridũama. Daporare masaka ĩgũsãrẽ: “Õãrã aãrĩma”, arĩ gũñakererũ, pũrugũre aãrĩpereri ĩgũsã ñerõ iridea waja buro wajamoãsũrãkuma.

Pablo, ĩgũ ñerõ tarideare gojadea

¹⁶ Dupaturi mūsārē ire were gojagũra. Neõ sugũ yũre: “Niãrĩmasũ aãrĩmi”, arĩ gũñabirikõãka! Irasũ arĩ gũñarã: “Niãrĩmasũ irirosũ werenĩburo”, arĩka! Irasirigu mérõgã yu basi werenĩgũra. ¹⁷ Yu irasũ werenĩgũ, niãrĩmasũ irirosũ werenĩgũ yãa. Marĩ Opu yũre: “Irire wereka!” arĩbirimi. ¹⁸ Wãrã masaka i ãmũma direta gũñakererã, ĩgũsã iririre: “Õãrõ yãa”, arĩma. Yũde ĩgũsã irirosũ mūsārē yu õãrõ iririre weregũra. ¹⁹ Mūsã basi: “Masĩtaria”, arĩkererã, niãrĩmasã irirosũ werenĩrã bueri gapũre gariborero marĩrõ péa. ¿Nasirirã ĩgũsãrẽ õãrõ péri? ²⁰ ĩgũsãrẽ moãboerãrẽ dorerosũ mūsārē buro dorekererũ, arĩgatori merã mūsãyare aĩakererũ, mūsārē oparã irirosũ dorerã ĩgũsã gããmerĩ direta gũñakererũ, mūsārẽ: “Ubu aãrĩrã aãrĩma”, arĩ ĩãbéokerepũ, mūsārẽ gũyasĩrĩmakũ iriduarã mūsãya wayupãrãrĩrẽ pákererũ, aãrĩpereri ĩgũsã irasiririre gariborebirikoa mūsã. ²¹ Mūsārẽ irasirirã, ñerõ irirã yãma. Gua gapu ĩgũsã irirosũ mūsārẽ neõ irasiribiri-bokoa.

Yu ĩgũsã irirosũ mūsārē ñerõ iribirikeregũ, niãrĩmasũ ĩgũ iririre: “Õãrõ yãa”, arĩ werenĩgũ irirosũ mūsārẽ ãsũ arĩ weregũra. ²² ĩgũsã: “Hebreo masaka aãrã”, arĩma. Yũde hebreo masakũta aãrã. “Israel bumarã aãrã”, arĩma. Yũde Israel bumãta aãrã. ĩgũsã: “Abraham parãmerã aãrã”, arĩma. Yũde Abraham parãmita aãrã. ²³ ĩgũsã: “Cristore moãboerã aãrã”, arĩma. Yu tamerã ĩgũsã nemorõ Cristore moãboegu aãrã. ĩgũyare õãrõ yãa. Yu basi niãrĩmasũ irirosũ werenĩkeregũ, yu õãrõ iririre ãsũ arĩ werenemogũra. Yu Cristoyare irigu, ĩgũsã nemorõ moãtarinugãbu. Cristoya kerere wereri waja ĩgũsã nemorõ peresugue biadobosũbu. ĩgũsã nemorõ tãrãsũbu. Wãri masaka yũre wẽjẽboyama. Irasirigu mérõgã merã taribu yu boaboderore. ²⁴ Su mojõmagora judío masaka yũre ñeãma. ĩgũsã yũre ñeãriku, treinta y nueve gora tãrãnama. ²⁵ Urea gajerã yũre ñeã, yuku merã páma. Suñarõ masaka ãtãyeri merã yũre deama. Urea doóriduparu merã mirĩbu. Suñarõ mirĩgũ, sunũ, su ñami taboa majĩ weka wãdiyague bá payanĩbu. ²⁶ Yu wãri makãrĩguere buegorenagũ waanabu. Yu buegorenamakũ, goetaribu. Diarigue yu mirĩrĩ, yũre yajari, yaa nikũ marã judío masaka, judío masaka aãrĩmerãde yũre ñerõ iriduarĩ, makãrĩgue, masaka marĩrõgue yũre wẽjẽduari, wãdiyague mirĩboama goetaribu. “Mu merãmarã aãrã”, arĩgatorãde yũre ñerõ irima goetarima. ²⁷ Cristoya kerere weregu, buro moã wajata baabu. Irasũ moãgũ, ñerõ taribu. Wũja pũrĩkererũ, irasũ moãnikõãbu. Gajipoere uaboabu. Ñemesibubu. Gajipoere baabiritaunokõãbu. Gajipoere buro yusamakũ, gajĩ surĩ sãñanemoburi marĩbu.

²⁸ Irasũ aãrĩmakũ ãmũriku Jesũre bũremurĩ buri marãrẽ aãrĩpererogue aãrĩrãrẽ gũñarikua. ²⁹ Irasirigu sugũ gũñaturabi aãrĩmakũ ĩãgũ, yu basi gũñaturabi irirosũ péñaã. Jesũre bũremugũrẽ ñerõ irimakũ irirã merã gua, Jesũre bũremugũrẽ gũyasĩrĩsãã.

³⁰ M̄s̄ārē yaamarē werenemogū, yu turabi āārīrīrē masīburo, ārīgū, yure waadeare weregura. ³¹ Marī Op̄u Jesús Paḡu, yu m̄s̄ārē ārīgatori marīrō merā yaamarē wererire masīmi. Īgūrēta: “Turatariḡu āārā”, ārī, us̄uyari s̄inikōārō gāāmea. ³² Yu Damascogue āārīmakū, iro marā op̄u Areta wāikuḡu dokamu yure ñeād̄uadi āārād̄imi. Yure ñeād̄uagu, iri makā turogue ĩgūsā ūtā majīrī merā weadea sārīrōma disip̄ororik̄u surarare koredoredi āārīmī. ³³ Yu merāmarā gap̄u puui wāri puui merā iri sārīrō āārīrī gobegue yure yótaudijuma. Irasiriḡu, ĩgūsā iritamurī merā yure ñerō irid̄uarārē duriwāgākōāb̄u.

12

Pablo kērō irirosū ĩgū ĩādeare gojadea

¹ Marī basi: “Ōārō masīa”, ārī werenígozenarī wajamarīkerep̄u, marī Op̄u Jesús kērō irirosū yure ĩmudeare, ĩgū yure masīmakū irideare werenemogura. ² Yu Cristore b̄uremunugādero p̄ru, Marīp̄u yure ūm̄ugasigue ĩgū āārīrōgue āīm̄rīāmi. Irogue āīm̄rīaderō p̄ru, catorce bojorigora taria. Yu dup̄u merā, o yu yuj̄p̄ūrā merāta iroguere waagū waakuyo, masībirikoa. Marīp̄u dita masīmi. ³⁻⁴ I gap̄ure masīa. Yure irogue āīm̄rīaḡu, paraiso wāikurogue āīm̄rījami. Yu dup̄u merā, o yu yuj̄p̄ūrā merāta yure irogue āīaḡu, āīaḡukumi, masībirikoa. Marīp̄u suḡta irire masīmi. Yu irogue āārīgū, ĩgū masaka iripoegue neō masībirideare werenírīrē péb̄u. Iri, ĩgū neō suḡu masakure were-doreri meta āārībú. ⁵ Iroguere ĩgū yure āīm̄rīadeare ḡuyasírīrī marīrō m̄s̄ārē weremasīa. Yaama gap̄ure wereḡu, ḡuyasírībokoa. Irasiriḡu yu turabi āārīrī direta werenemogura. ⁶ Yu basi yaamarē wered̄uamakū, yu werenírī diaye āārībokoa. Niārīmasū werenírī irirosū āārībirikokoa. Yaamarē weremasīkereḡu, werebirikoa m̄s̄ā yure: “Gajerā nemorō ōāmi”, ārī gūñabirikōāburo, ārīgū. Yu iririk̄urire ĩādero p̄ru, yu bueri gap̄ure pédero p̄ru, m̄s̄ā yure: “Ōāgorami”, ārī gūñamakū gāāmea.

⁷ Marīp̄u yure ĩmudea ōātarib̄u. Yu irire gūñaḡu: “Gajerā nemorō masīa”, ārī gūñabokuyo. Marīp̄u gap̄u irire gūñabirikōāburo, ārīgū, wātēa op̄u Satanás yaa dup̄ure p̄uririk̄umakū iririre kām̄utabiridi āārīmī. Iri p̄urīrī poraru ñajārōsū p̄urīa. ⁸ Ūrea yu marī Op̄ure: “Yure i p̄urīrīrē tauka!” ārī s̄erēadib̄u. ⁹ ĩgū gap̄u yure āsū ārīmi: “Murē maīsīā, ōārō iritamugura. Yu murē iritamurī neō perebirikoa. ‘Turabea’, ārī gūñaḡunorē yu turari merā ōārō iritamua gajerā yu turarire masīnemoburo, ārīgū”, ārīmi. Irasiriḡu yu turabi āārīrīrē us̄uyari merā wereḡukoa Cristo ĩgū turari merā yure ōārō iritamunikōāburo, ārīgū. ¹⁰ Irasiriḡu Cristoyagu yu āārīrī waja p̄urīrī merā turabi āārīsīā, us̄uyari merā irire bokatīūa. Gajerā yure ñerō wereníkerep̄u, yu gāāmerīrē opabirikereḡu, gajerā yure ñerō irikerep̄u, yure ñerō waakerep̄u, us̄uyari merā irire bokatīūa. Āsū āārā. Yu, turari opabirimakū, Cristo gap̄u yure ĩgū turarire opamakū yāmi ñerō taririre bokatīūburo, ārīgū. Irasiriḡu us̄uyāa.

Pablo Corinto marārē Jesúre b̄uremurārē ĩgū gūñarik̄urire gojadea

¹¹ Yu basi yaamarē werenígū: “Niārīmasū irirosū werenígū irib̄u”, ārī gūñāa. M̄s̄ā gap̄u yure irasirimakū irib̄u. M̄s̄ā yaamarē ōārō werenímakū, ōāgorabokuyo. M̄s̄ā yure ōārō werenībirikerep̄u, “Ubu āārīgū āārīmi”, ārīkerep̄u: “Jesús buedoreḡu pínerā āārā”, ārīgatorā yu nemorō āārībema. ¹² Yu m̄s̄ā p̄uro āārīgū, m̄s̄ārē b̄uro iritamud̄uari merā, wāri Marīp̄u turari merā iririre iri ĩmub̄u, diayeta Jesús buedoreḡu pídi āārīrīrē masīburo, ārīgū. ¹³ Gajerā Jesúre b̄uremurī buri marārē, m̄s̄ādere s̄urosū irib̄u. Yaa āārīburire m̄s̄ārē niyeru wajaseabirib̄u. M̄s̄ā péñamakū, ¿iri m̄s̄ārē ñegorari? Iri m̄s̄ārē ñemakū, m̄s̄ārē: “Irire kātika!” ārī s̄erēa.

¹⁴ Pea m̄s̄ā p̄urogue ejasiab̄u. Daporare dupaturi yu irogue waaburire āmugū yāa. Irogue ejaḡu, m̄s̄ārē: “Niyeru yure s̄ika!” ārī s̄erēbirikoa. M̄s̄āyare gāāmebea. Cristoya gap̄ure m̄s̄ā irit̄yanemomakū gāāmea. Āsū āārā. Paḡusāmarā ĩgūsā p̄urārē masūrā,

Īgūsā gāāmerīrē sīma. Pūrā gapu pagusāmarārē Īgūsā gāāmerīrē sībema. ¹⁵ Irasirigu musārē yu pūrā irirosū āārīrārē iritamugū āārīpereri yu oparīre sīmakū ōārokoa. Musāya āārīburire, āārīpereri yu turari merā musārē buro iritamudhakoā. Musārē yu buro maīkererū: “Īgūsā gapu yure sīrūgā maīma”, āri gūñāa.

¹⁶ Surāyeri musā watopegue āārīrā, yu musārē sērēbirideare masīkererā, āsū ārīma: “Guare sērēbirikeregu, ārīgatori merā guayare āīadi āārīmī”, ārīma. ¹⁷ Musā pūrogu yu iriunerā ārīgatori merā musāyare yure āriyuri? Musā masīkoa. Neō gajino musāyare āiribirinerā āārīmā. ¹⁸ Irinugue Titore musā pūrogu waadorebu. Gajigu marīyagure Īgū merā iriubu. Tito musā merā āārīgū, gajino musāyare ārīgatori merā āārī? Musā masīkoa. Neō āīabiridi āārīmī. Īgū yu irirosūta musārē iritamudhagu āārīmi.

¹⁹ Gajipoe irirā, yu musārē gojarire buerā: “Pablosā Īgūsāyamarē wereri merā guare: ‘Ōāgorama Īgūsā’, āri gūñadorerā yāma”, āri gūñabokoā. Āārībea. Gua Cristoyarā āārā. Irasirirā Marīpu iūrō musārē diayeta werea. Yaarā yu maīrā, āārīpereri gua iriri merā musārē iritamudhāa Cristoyare irituyanemoburo, āārīrā. ²⁰ Yu musārē gūñarikuā. Gajipoe irirā, yu musā pūrogu ejamakū, yu gāāmerōsū iribiribokoā. Irasirigu yude musā gāāmerōsū iribiribokoā. Gajipoe irirā gāme guaseorikurā, gajerārē ĩaturirikurā, mata guarikurā, musāya āārīburi direta gūñarikurā, gajerārē ñerō kere wererikurā, ñerō āri werewharikurā, “Gajerā nemorō āārā”, āri weregorenarā, musā nerērōgue noō musā gāāmerō iririkurā āārībokoā. Gajipoe irigu irasū āārīrārē bokajabokoā, ārīgū, irasū āri gūñarikuā. ²¹ Irasirigu yu musā pūrogu dupaturi ejamakū, Marīpu musā ñerō iririkuri waja yure guyasīūrō tarimakū iribokumi. Wārā musā iro dupuyurogu gūñarīgue ñerī opadeare, āma nome merā, nome āma merā ñerō irideare, musā noō gāāmerō guyasīūrī ñerī irideare piridhuro marīrō iriwāgāmakū ĩāgū, buro bhjawereri merā oregukoā.

13

Pablo: “Āsū irika!” āri ōādoretūnudea

¹ Dapora yu musā pūrogu waarī merā urea waarokoā. Irasirigu musārē: “Marīpuya werenīrī gojadea pūgue gojaderosūta āārīpererire iriro gāāmea”, āri werea. Iri pūgue āsū āri gojasūdero āārībū: “Pērā, o urerā sugū ñerō irideare ĩānerā oparāguere weresārō gāāmea”, āri gojasūdero āārībū. ² Iro dupuyuro yu musā pūrogu āārīgū, musā āārīpererā pēurogu ñerō irirārē: “Wajamoāgura”, āri weresiabu. Puru ejagu, musārē irireta werebu doja. Daporadere yoarogue āārīkeregu, gopeyaro merā irireta were gojāa doja. Mērōgā puru musā puro dupaturi waagū, yu werederosūta ñerō irirārē diayeta wajamoāgura pama. ³ Yu irasirimakū ĩārā, ire masīrākoā. Yu musārē Cristo yure gūñarī sīrī merā werea. Cristo turabi āārībemi. Īgū turari merā musā watopegue ñerō irirārē wajamoāgakumi, Īgūsā ñerō iririre piriburo, ārīgū. ⁴ Diayeta āārā. Īgū turari opabi irirosū curusague pābiatūsū, boadi āārīmī. Irasū boakeregu, daporare Marīpu turari merā okami. Guade Īgū āārīderosūta turamerā āārā. Irasū āārīkererā, Cristoyarā āārīsīā, Marīpuya turari merā okāa Īgū turari merā musārē iritamumurā.

⁵ Irasirirā musā basi: “ĪDiayeta Jesucristore piriro marīrō buremurī yu?” āri gūñaka! Diayeta musā Jesucristoyarā āārīmakū, Īgū musā merā āārīmi. ⁶ Diayeta gua Jesucristoyarā, Īgū buedoregu pīnerā āārīrīrē musārē masīmakū gāāmea. ⁷ Irasirirā ñerō iribirikōāburo, āārīrā, Marīpure musāya āārīburire sērēbosāa. Īgūrē sērērā, musārē guare ōārō gūñadorerā meta yāa. Musā guare ōārō gūñabirikerepuru, Marīpure musāya āārīburire sērēbosāa, Īgū iritamurī merā ōārīrē iriburo, āārīrā. ⁸ Marīpuya, diayema āārīrī āārā. Irasirirā Īgūyare keoro irimakū ĩārā, gua musārē: “Irire iribirikōāka!” neō ārīmasībirikoā. “Diayema direta irika!” ārīmasīa. ⁹ Irasirirā musā ōārō yujpūrākaturari merā Īgūyare keoro irimakū ōāgorāa. Gua buro turari merā musārē: “Āsū gapu irika!” ārīmasīmerā, usuyāa. Marīpure musāya āārīburire sērēbosanīkōāa, Īgūyare keoro iriwāgānemoburo, āārīrā. ¹⁰ Irasirigu

m̄sã p̄rogue waaburi dupuyuro m̄sãrẽ i p̄rẽ gojáa. Irogue ejagu, m̄sã ñerõ iririre piribirimakũ ããgũ, marĩ Op̄u ȳre dorederosũta m̄sãrẽ b̄ro wajamoãḡra. Pirimakũ ããgũ, wajamoãbirikoa. Marĩ Op̄u ȳre: “Ȳ dorerosũta irika!” ãrĩ pími. M̄sã ãgũrẽ b̄remunemomakũ gããmegũ, irasirimi. M̄sãrẽ poyanorẽmakũ gããmebemi.

¹¹ Yaarã, iropãta ããrã ȳ m̄sãrẽ gojari. Õãrõ ããrĩrikuka! Ȳ dorerire õãrõ ȳjup̄rãkuri merã keoro irika! Guaseori marĩrõ suro merã gũña, õãrõ siuñajãrĩ merã ããrĩka! Irasirigu Marĩp̄u m̄sãrẽ siuñajãrĩ s̄gũ, m̄sãrẽ maĩgũ m̄sã merã ããrĩgukumi. ¹² M̄sã merãmarã merã õãrõ merã gãme mojõ ñeãka! ¹³ ããrĩpererã Jesúre b̄remurã õõgue ããrĩrã m̄sãrẽ õãdorema.

¹⁴ Marĩ Op̄u Jesucristo marĩrẽ õãrõ iritamugũ, Marĩp̄u marĩrẽ maĩgũ, Õãgũ deyomarĩgũ marĩ merã ããrĩnĩgũ ããrĩpererã m̄sã merã õãrõ ããrĩburo.

Iropãta ããrã.

Pablo

GÁLATAS

Pablo Galacia nikũ marãrẽ õãdoredea

¹⁻² Yũ Pablo, ããrĩpererã marĩyarã yũ merã ããrĩrã merã musãrẽ Galacia nikũgue ããrĩrãrẽ Jesũre bũremurãrẽ õãdore, gojáa. Jesucristo yũre ãgũyare buedoregũ beyepĩmi. Irasũ ããrĩmakũ, Marĩpũ ãgũrẽ boadiguere masũdi yũre pídi ããrĩmĩ, ãgũ magũyare bueburo, ãrĩgũ. Masaka yũre beyepĩbirima. ³ Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo. ⁴ Jesucristo, Marĩpũ gããmederosũta irigũ, ãgũ basi marĩ ñerĩ irideea waja boabosadi ããrĩmĩ, í ùmũ marã ñerĩ irirã irirosũ irinemobirikõãburo, ãrĩgũ. ⁵ Irasirirã ùmũrikũ Marĩpũre: “Õãtaria mũ”, ãrĩ, usũyari sĩnĩkõãrã! Irasũta irirã!

Cristo sugũta marĩrẽ taugũ ããrĩmĩ, ãrĩ gojadea

⁶ Marĩpũ musãrẽ maĩgũ, Cristore bũremunũgãdoregũ siiudi ããrĩmĩ musãrẽ peamegue waabonerãrẽ taubu. Musã gapũ, ãgũ irasirikerepũrũ, matagora ãgũ Cristo merã masakare tauri kerere bũremuduũrã irikoa. Gaji bueri gapũre tuyakoa. Musã irasiririre pẽgũ, bũro pẽgũkãa. ⁷ Gajerã musãrẽ, musã Cristoya kerere bũremunũgãdeare bũremuduũdorerã: “Gaji ããrã marĩrẽ tauri kere”, ãrĩgato, werema. Marĩrẽ gaji tauri kere máa. Cristore bũremurĩ merãta marĩ tarimasĩa. ⁸ Gũa musãrẽ Marĩpũ Cristo merã marĩrẽ tauri kerere werebũ. “Gaji ããrã marĩrẽ tauri kere”, ãrĩgato, wererãrẽ Marĩpũ bũro wajamoãburo. Yũ, o Marĩpũre wereboegũ ùmũgasiguemũ musãrẽ irasũ ãrĩgato, weremakũdere wajamoãburo. ⁹ Musãrẽ ire weresiabũ. Weredi ããrĩkeregũ, dupaturi musãrẽ werenemoduakoa doja. Sugũ, gũa Marĩpũ Cristo merã marĩrẽ tauri kerere musãrẽ weredeare: “Diaye ããrĩbea, gaji ããrã marĩrẽ tauri kere”, ãrĩgato, weremakũ, Marĩpũ ãgũrẽ perebiri peamegue wajamoãburo.

¹⁰ Yũ ire weregũ, Marĩpũ gããmerõsũta buea. Masaka yũre: “Õãrõ weremi”, ãrĩdoregu meta buea. Irasũ ãrĩdoregũ tamerã Cristoyare iribiribokoa. ãgũrẽ moãboegũ meta ããrĩbokoa.

Pablo: “Jesucristoya kerere weredoregũ Marĩpũ yũre pími”, ãrĩ werede

¹¹ Yaarã, musãrẽ ire masĩmakũ gããmea. Yũ musãrẽ Marĩpũ Cristo merã marĩrẽ tauri kerere bueri, masaka ãgũsã basi ãgũsã gũñarĩ merã bueri meta ããrã. ¹² Iri kerere neõ sugũ masakũ yũre werebirimi. Neõ sugũ masakũ yũre irire buebirimi. Jesucristo ãgũ basi yũre irire masĩmakũ irimi.

¹³ Musã, yũ iripoegue judío masaka ãgũsã bũremurĩrẽ iririkũdeare pẽunakuyo. Yũ Marĩpũyarãrẽ Jesũre bũremurãrẽ ñerõ iridũari merã ãgũsãrẽ bũro ããturitũyaunabũ. ãgũsã Jesũre bũremurĩrẽ peodũagũ irasiriunabũ. ¹⁴ Yũ, judío masaka ãgũsã bũremurĩrẽ õãrõ iririkũunakubũ. Gajerã, yũ merãmarã nemorõ gũa ñekũsãmarã iririkũunadeare iritarinũgãunakubũ. ¹⁵ Yũ irasirikũkerepũrũ, Marĩpũ, yũ deyoaburi dupuyuro yũre beyesiadi ããrĩmĩ ãgũyagũ ããrĩburo, ãrĩgũ. Irasirigũ ãgũ yũre bũro maĩrĩ merã ãgũ gããmerõsũ iridoregũ siiumi. ¹⁶ ãgũ irasiriderosũta keoro ãgũ magũrẽ yũre masĩmakũ irimi, judío masaka ããrĩmerãrẽ ãgũ magũ merã ãgũsãrẽ tauri kerere weredoregũ. I yũre irasũ waadero pũrũ, gajerãrẽ: “¿Nasirigũkuri yũ?” ãrĩ sãrẽñagũ waabiribũ. ¹⁷ Jerusalẽgue ããrĩrãrẽ Jesucristo yũ dupuyuro ãgũyare buedoregũ beyepĩnerãdere sãrẽñagũ waabiribũ. Ubu gapũ Arabia nikũgue diaye waakõãbũ. Pũrũ Damasco goedujãabũ doja.

¹⁸ Ñre bojori tariadero pũrũ, Jerusalẽgue Pedrore ããgũ waabũ. Pe semanata ãgũ merã ããrĩbũ. ¹⁹ Irogue ããrĩgũ, gajerã Jesucristo ãgũyare buedoregũ beyepĩnerãrẽ neõ ããbiribũ. Marĩ Opũ Jesucristo pagũmũ Santiago direta ããbũ. ²⁰ Marĩpũ ããrõ musãrẽ gojáa. Yũ gojari, ãrĩgatori meta ããrã.

²¹ Jerusalégue ããrĩdi Siria nikũgue, Cilicia nikũgue waabu. ²² Iripoere Judea nikũgue ããrĩrã Jesucristore b̄remurĩ buri marã yure ããmasĩbirima. ²³ Yaa kere diretta pénerã ããrĩmá. Ìgũsãrẽ yaamarẽ wererã ãsũ ãrĩ werenerã ããrĩmá: “Sõõ ããrĩdeapoe guere marĩrẽ ñerõ iridũari merã b̄ro ããturitayadi, marĩ Jesucristore b̄remurĩrẽ peodũadi daporague masakare: ‘Jesucristore b̄remuka!’ ãrĩ weregorenagũ iriayupũ”, ãrĩ werenerã ããrĩmá. ²⁴ Irasirirã Judea nikũgue ããrĩrã Jesucristore b̄remurã yũ ãgũrẽ b̄remurĩrẽ pérã, Marĩpũre usũyari s̄nerã ããrĩmá.

2

Jesús buedoregũ pínerã Pablõre õãrõ bokatĩrĩñeãdea

¹ Catorce bojori pũrũ, dupaturi Jerusalégue Bernabé merã waabu doja. Tito wãikũgũdere ããabũ. ² Marĩpũ yure iroguere waadõremi. Irasirigũ iroguere waabu. Iroguere eja, Jesúre b̄remurã oparã merã dita nerẽ, werenĩbũ. Judío masaka ããrĩmerãrẽ Marĩpũ Cristo merã marĩrẽ tauri kerere yũ buedeare ãgũsãrẽ werebũ. Yũ neõgorague buenagãdeare, dapora yũ buerire: “Diaye ããrã, õãgorã”, ãrĩ masĩburo, ãrĩgũ, irasũ ãrĩ werebũ. Gajerã yũ buerire: “Wajamã”, ãrĩrĩ, ãrĩgũ, irasũ ãrĩ werebũ. ³ Titodere, ãgũ judío masakũ ããrĩbirikerepũrũ: “Gũa judío masaka iririkũrosũ dupũma gasirogãrẽ* wiiriõ gããmea”, neõ ããrĩbirima. ⁴ Irire dorebirikerepũrũ, gajerã ubu ããrĩboerã gapũ: “Moisés doredederõsũta dupũma gasirogãrẽ wiiriõ gããmea”, ããrĩma. Ìgũsã Jesúre b̄remugatorã, irigatorimasã ããrĩmá. Irasirirã, gũa judío masaka ããrĩkererã Jesúre b̄remurã iririre ããmurã gũa nerẽrõgue gũa merã nerẽnama. “Gũare peamegue waabõnerãrẽ tausũmurã, Jesucristore b̄remurõ gããmea. Moisés doredereare iriri merã tausũbirikõ”, ããrĩmakũ ããma. Irire ããrã: “Moisés doredereare irirã dita tausũrãkuma, irasirirã ãgũ doredereare irika!” ããrĩma. Gũare irire b̄remudorerã, irasũ ããrĩma. ⁵ Ìgũsã gũare irasũ dorekerepũrũ, neõ ãgũsã dorerire iribiribũ. Gũa musãrẽ Jesucristore b̄remurĩ merã dita tausũrãkõ, ããrĩrĩ kerere: “Diaye ããrã”, ããrĩ b̄remunĩmakũ gããmea. Irasirirã ãgũsã dorerire neõ iribiribũ.

⁶ Jesúre b̄remurã oparã yure: “Ãsũ gapũ wereka!” ããrĩbirima. “Judío masaka ããrĩmerãrẽ: ‘Gũa ñekũsãmarãrẽ Moisés iridoredereare iriro gããmea’, ããrĩ wereka!” ããrĩbirima. Ìgũsãrẽ masaka b̄remukerepũrũ, Marĩpũ ããrĩpererãrẽ s̄rosũ ããma. Irasirigũ: “Ããrã oparã, yũ nemorõ ããrĩma”, ããrĩ gũãbiribũ. “Marĩpũ ããrĩsãrẽ beyederõsũta yũdere beyemĩ”, ããrĩ gũãabũ. ⁷ Oparã irasũ yure: “Ãsũ gapũ wereka!” ããrĩrõno irirã, yure ããmasĩ, ããrĩ ããrĩma: “Mũde, Marĩpũ judío masaka ããrĩmerãrẽ Jesucristoya kerere weredoregũ beyepĩdita ããrã. Marĩpũ Pedrõre judío masakare iri kerere weredederõsũta mũdere iri kerere weredoreñumi”, ããrĩma yure. ⁸ Marĩpũ Pedrõre judío masakare Jesucristoya kerere weredoregũ iriudi ããrĩmĩ. Ìgũta yũdere judío masaka ããrĩmerã p̄ro iri kerereta weredoregũ iriumi.

⁹ Jerusalégue Jesúre b̄remurã urerã oparã: Santiago, Pedro, Juan wãikũrã ããrĩmá. Gajerã oparã nemorõ ããrĩmá. Ìgũsã yure Marĩpũ ããrĩ maĩrĩ merã beyepĩdi yũ ããrĩmakũ ããmasĩ, yure, Bernabédere õãrõ bokatĩrĩ: “Marĩ s̄rosũ moãrãkõ”, ããrĩma. “Musã Jesucristoya kerere judío masaka ããrĩmerãrẽ wererã waaka!” ããrĩma. “Gũa gapũ judío masakare wererãkõ”, ããrĩma. ¹⁰ Gũare: “Bõpõnarãrẽ iritamuka!” ããrĩrĩ diretta werema. I dita ããrĩbũ: “Yũ õãrõ irigura”, ããrĩ, b̄ro gũãadea.

Pablo Pedrõre Antioquãgue weredea

¹¹ Pũrũ gũa Antioquã wãikũri makãgue ããrĩripõ Pedro ejami. Ìgũ iroguere ejadero pũrũ keoro iribirimakũ ãã, ããgũguereta turaro merã werebũ. ¹² Iro dupuyuro ããrĩ

* **2:3** Gn 17.1-14: Iripõgue Marĩpũ Abrahãrẽ ããrĩ pũrã ããmarẽ: “Yaarã ããrĩburo”, ããrĩgũ, ããrĩsãyã dupũma gasirogãrẽ wiiridoredi ããrĩmĩ. Pũrũ iri dorerire Moisésĩ pĩdi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ããrĩ pũrã ããmarẽ su moĩõma pere gajĩ moĩõ ureru p̄rẽbejarinurĩ waarõ merã ããrĩ deyoadero pũrũ irasũ yãma.

irogue aarĩgũ, judío masaka aarĩmerã Jesúre buremurã merã baa, aarĩrikukõãyupũ. Īgũ irasiriripoe gajerã judío masaka Santiago iriunerã ejañurã. Īgũsã ejamakũ iã, judío masaka aarĩmerã merã aarãdi aarĩduúkõãyupũ: “Yũre turibokuma”, aarĩgũ. Iroque ejanerã judío masaka aarĩmerãrẽ: “Moisés dorederosũta dupũma gasirogãrẽ wiiri ro gããmea”, aarĩ weregorenarã iriñurã. Irasirigũ Pedro, Antioquía marã Īgũsãya dupũma gasirogãrẽ wiirisũbirinerã aarĩmakũ, Īgũsã merã baa, aarĩrikũadi duúkõãyupũ. ¹³ Īgũ irasirimakũ iãrã, gajerã judío masaka Jesúre buremurã, Īgũ irirosũta irigatori merã iriñurã. Judío masaka aarĩmerã merã aarĩrikũanerã, Īgũsã merã baanerã baanemobiriñurã. “Īgũsã merã baaduúmakũ õãbea”, aarĩ masĩkeregũ, Bernabéde Īgũsã irirosũta iriyupũ. ¹⁴ Īgũsã: “Jesucristore buremurĩ merã dita tausũrãkoa”, aarĩrĩ kerere masĩkererã, keoro iribirima. Irasirigũ, irire iã, Pedore aarĩpererã Jesucristore buremurã iũrõgue burõ turaro merã aũũ aarĩ werebũ: “Mũ judío masakũ aarĩkererũ, judío masaka aarĩmerã irirosũta Īgũsã merã baa, aarĩkõãbũ. Mũ irasirigũ, Moisés marĩrẽ judío masakare iridorederosũ iribiribũ. ¿Nasirigũ judío masaka aarĩmerã gapũre: ‘Gũã judío masaka iririkũrere irika!’ aarĩdũari?” aarĩbũ Īgũrẽ.

Āarĩpererã Jesúre buremurã tausũrãkuma, aarĩ gojadea

¹⁵ Gũã neõ deyoarãgueta judío masaka aarĩsianerã aarĩbũ. Gaji buri marã irirosũ Marĩpũ Moisére doreri pídeare tarinũgãbea. ¹⁶ Irasũ aarĩkererã, ire masĩa. Marĩpũ Moisére Īgũ doreri pídeare masaka irimakũ meta Īgũsãrẽ: “Õãrã, waja opamerã aarĩma”, aarĩ iãmi. Masaka Jesucristore buremumakũ, Marĩpũ Īgũsãrẽ: “Õãrã, waja opamerã aarĩma”, aarĩ iãmi. Irasirirã guade Jesucristore buremunũgãbũ. Īgũrẽ buremumakũ, Marĩpũ guadere: “Õãrã, waja opamerã aarĩma”, aarĩ iãmi. Marĩpũ, iri doreri pídeare gũã irimakũ meta guare irasũ aarĩ iãmi. Neõ sugũ masakũ iri doreri pídeare iripeomasĩbemi. Irasirigũ Marĩpũ neõ sugũre: “Yũ dorerire iripeokõãmi, irasirigũ Īgũrẽ: ‘Õãgũ aarĩmi’, aarĩ iãã”, aarĩbirikumi.

¹⁷ Irasirirã: “Gũã Jesucristore buremumakũ, Marĩpũ guare: ‘Õãrã, waja opamerã aarĩma’, aarĩ iãmi”, aarĩrã: “Gũã judío masakade Marĩpũ Moisére doreri pídeare iripeobirikoa, irasirirã guade ñerõ yáa”, aarĩ masĩa. ¿Irire irasũ aarĩ masĩrã: “Jesucristore buremusĩã, ñerõ irikerepũru, õãgoráa”, aarĩrã yári? Irire neõ aarĩbea. Jesucristo guare Īgũrẽ buremurãrẽ ñerõ siiu irigũ meta aarĩmi. ¹⁸ Irasirigũ masakare aũũ aarĩ werea. “Jesucristore buremumakũ, Marĩpũ mũsãrẽ: ‘Õãrã, waja opamerã aarĩma’, aarĩ iãmi” aarĩ werea. “Marĩpũ Moisére Īgũ doreri pídeare mũsã irimakũ, mũsãrẽ: ‘Õãrã, waja opamerã aarĩma’, aarĩ iãmi”, aarĩgũ meta yáa. Īgũsãrẽ: “Marĩpũ Moisére doreri pídeare mũsã iriri merã Marĩpũ iũrõ waja opabirikoa”, aarĩgũ, yũde waja opabokoa irire iripeobirisĩã.

¹⁹ Iripoeguere: “Yũ, Marĩpũ Moisére doreri pídeare irigũ, Īgũ iũrõ waja opabi aarĩgũkoa”, aarĩ gũñadibũ. Irasũ aarĩ gũñakeregũ, bokatĩũbirikubũ. Waja opagũ, peamegue waa-bodĩ aarĩbũ. Daporare: “Iri dorerire iriri merã Marĩpũ merã õãrõ aarĩ, Īgũ gããmerĩrẽ yáa”, aarĩ masĩa. ²⁰ Jesucristo Marĩpũ magũ yũre maĩgũ curusague boagũ, yũ ñerõ iridea wajare wajaribosadi aarĩmĩ. Yũ Īgũyagũ aarĩsĩã, Īgũ boaderosũta yũde Īgũ merã boadi irirosũ waadi aarĩbũ. Sugũ boagũ Īgũ iridũarire neõ irinemomasĩbi irirosũ waadi aarĩbũ. Irasirigũ Cristore buremusĩã, yũ iridũarire piri, Īgũ turaro merã Īgũyare irigũ yáa. ²¹ Yũ: “Marĩpũ Cristo merã marĩrẽ õãrõ iritamudĩ aarĩmĩ”, aarĩ buremurĩrẽ piridũabea. Marĩpũ Moisére Īgũ doreri pídeare marĩ iriri merã waja opabirimakũ, Cristo marĩ ñerõ iridea waja boabosadea wajamarĩbokuyo.

3

¿Moisés doredeare iriri merã, o Jesucristore buremurĩ merã Marĩpũyarã aarĩrĩ? aarĩ gojadea

¹ Mũsã Galacia marã pémasĩmerã irirosũ irirã yáa. ¿Nasirirã ãrĩgatorimasã buerire pénuġãrĩ? Īġũsã buerire pésĩã, Jesucristoya diayema kerere bũremurĩrẽ pirirã yáa. Ġũa, mũsã pũrogue ããrĩrã, mũsãrẽ Jesucristo curusague boadea kerere diaye werebũ. Iri ġũa wererire mũsã õãrõ pébũ. ² Irasirigũ mũsãrẽ ire sërẽñadũakoa. ¿Mũsã Moisés doredeare iriri merã Õãġũ deyomarĩġũrẽ opanũġãrĩ? Īġũrẽ opabiribũ. Jesucristoya kerere péã, Īġũrẽ bũremunũġãrã, Õãġũ deyomarĩġũrẽ opanũġãbũ. ³ ¿Nasirirã daporare pémasĩmerã irirosũ irirã yári? Mũsã Jesucristore bũremurã Õãġũ deyomarĩġũ iritamurĩ merã Marĩpũ dorerire irinũġãbũ. ¿Nasirirã daporare Īġũ iritamurĩ marĩrõ mũsã basi mũsã turari merã iri dorerire iripeodũari? ⁴ ¿Mũsã Jesucristore bũremunũġãripoe gajerã mũsãrẽ ñerõ tarimakũ irideare ġũñaberi? Daporare Īġũya kerere bũremuduúrã: “Ubugora irire bũremubũ”, ¿ãrĩ ġũñarĩ? ⁵ Marĩpũ mũsãrẽ Īġũyagũre Õãġũ deyomarĩġũrẽ iriudi ããrĩmĩ. Õãġũ deyomarĩġũ mũsã merã ããrĩmakũ, Marĩpũ Īġũ turari merã mũsã watopeguere wári iri ĩmurĩrẽ irigũ yámĩ. Mũsã Moisés doredeare irimakũ, ¿irasirigũ yári? Iribemi. Mũsã Jesucristoya kerere pé bũremumakũ ġapũ irasũ yámĩ.

⁶ Abraham Marĩpũre bũremumakũ, Marĩpũ Īġũrẽ: “Õãġũ, waja opabi ããrĩmĩ”, ãrĩ ĩãdi ããrĩmĩ. ⁷ Irasirirã mũsã ire masĩka! Abraham Marĩpũre bũremuderosũta bũremurãno Abraham parãmerãgora ããrĩma. ⁸ Marĩpũya werenĩrĩ gojadea pũgue judío masaka ããrĩmerãdere Īġũsã Marĩpũre bũremumakũ, Marĩpũ Īġũsãrẽ: “Õãrã, waja opamerã ããrĩma”, ãrĩ ĩãburire gojasiusũdero ããrĩbũ. Marĩpũ Abrahãrẽ irire wereġũ, ãsũ ãrĩdi ããrĩmĩ: “Yũ, mũ merã ããrĩpereri buri marãrẽ õãrõ irigũra”, ãrĩdi ããrĩmĩ. ⁹ Abraham Marĩpũre bũremumakũ, Marĩpũ Īġũrẽ õãrõ iridi ããrĩmĩ. Irasirigũ daporadere ããrĩpererã Īġũrẽ bũremurãnorẽ õãrõ yámĩ.

¹⁰ “Moisés doredeare irimakũ, Marĩpũ marĩrẽ: ‘Õãrã, waja opamerã ããrĩma’, ãrĩ ĩãġũkumi”, ãrĩ ġũñarãnorẽ Marĩpũ wajamoãġũkumi. Marĩpũya werenĩrĩ gojadea pũgue irimarẽ ãsũ ãrĩ gojasũdero ããrĩbũ: “Ããrĩpereri Moisés doredeare iripeomerãno wajamoãsũrãkuma”, ãrĩ gojasũdero ããrĩbũ. ¹¹ Neõ sugũ Moisés doredeare iripeomasĩġũ mámi. Irasirigũ Marĩpũ neõ sugũre: “Yũ dorerire iripeokõãmi, irasirigũ Īġũrẽ: ‘Õãġũ ããrĩmĩ’, ãrĩ ĩãã”, ãrĩbirikumi. Irire marĩ masĩa. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ Īġũrẽ bũremurãrẽ: ‘Õãrã, waja opamerã ããrĩma’, ãrĩ ĩãmi. Irasirirã Īġũ merã õãrõ ããrĩnĩkõãrãkuma”, ãrĩ gojasũdero ããrĩbũ. ¹² Moisés doreri gojadea pũgue: “Marĩpũre bũremugũno Marĩpũ ĩũrõ waja opabi ããrĩmĩ”, neõ ãrĩ gojasũbiribũ. ãsũ ġapũ ãrĩ gojasũdero ããrĩbũ: “Ããrĩpereri Moisés doredeare iripeogũno, Marĩpũ merã õãrõ ããrĩnĩkõãġũkumi”, ãrĩ gojasũdero ããrĩbũ. Iri dorerire iripeobi ġapũre Marĩpũ Īġũrẽ: “Yũ ĩũrõ waja opami, yũ merã neõ õãrõ ããrĩbirikumi”, ãrĩ ĩãġũkumi.

¹³ Irasirigũ, marĩ ããrĩpererã Moisés doredeare iripeobirimakũ, Marĩpũ marĩrẽ: “Iri dorerire iripeobema”, ãrĩġũ: “Waja opama”, ãrĩdi ããrĩmĩ. Irasirigũ Jesucristo curusague pábiatúsũġũ, waja opagũ irirosũ marĩrẽ wajamoãbodeare boa, wajaridi ããrĩmĩ. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ yukũgue siasiusũadi, Marĩpũ wajamoãdoreadi ããrĩmĩ”, ãrĩ gojasũdero ããrĩbũ. Jesucristo boari merã marĩ ñerõ iridea wajare taudi ããrĩmĩ. ¹⁴ Īġũ marĩ ñerõ iridea wajare boa, wajaribosadea merã Marĩpũ Abrahãrẽ: “Irasũta irigũra”, ãrĩderosũta judío masaka ããrĩmerãdere iridi ããrĩmĩ. Irasirigũ Īġũ ãrĩderosũta marĩrẽ Jesucristore bũremurãrẽ: “Õãrã, waja opamerã ããrĩma”, ãrĩ ĩã, Õãġũ deyomarĩġũrẽ sĩdi ããrĩmĩ marĩ merã ããrĩburo, ãrĩġũ.

Marĩpũ: “Abraham merã ãsũ irigũra”, ãrĩdea

¹⁵ Yaarã, masaka Īġũsã iririkũrere, su keori merã mũsãrẽ wereġũra. Īġũsã: “Ãsũ irirã!” ãrĩ, oparã pũro papera ãmukuma. Īġũsã irire ãmuadero pũrũ, neõ gajerã Īġũsãrẽ: “I pũrẽ béokõãka! ãsũ ġapũ ġojaka!” ãrĩbirikuma. ¹⁶ Marĩpũ Abrahãrẽ Īġũ ãrĩdea, i irirosũta ããrã.

Gajerã ìgũ àrĩdeare neõ béomasĩbema. Àsũ àrĩ weredi àãrĩmĩ ìgũrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdi àãrĩmĩ. “Mũ parãmerã àãrĩturiarã merã õãrõ irigũra”, àrĩbiridi àãrĩmĩ. Ubu gapũ: “Mũ parãmi àãrĩturiagu sugũ merãta irasirigũra”, àrĩdi àãrĩmĩ. Irasũ àrĩgũ, Jesucristore àrĩgũ iridi àãrĩmĩ. ¹⁷ Yũ mũsãrẽ wereri àsũ àrĩduaro yáa. Marĩpũ Abrahãrẽ masakare ìgũ õãrõ iriburire weredi àãrĩmĩ. Pũrũ cuatrocientos treinta bojori pũrũ, Marĩpũ ìgũ doreri Moisére pídi àãrĩmĩ. Irire pígu, Abrahãrẽ: “Yũ irasirigũkoa”, àrĩdeare peremakũ iribiridi àãrĩmĩ. ¹⁸ Marĩpũ, Moisés doredeare irirã direta: “Yũ merã õãrõ àãrĩrãkuma”, àrĩmakũ, ìgũ Abrahãrẽ àrĩdea wajamarĩbokuyo. Irasũ àãrĩbea. Marĩpũ Abrahãrẽ maìgũ wajamarĩrõ ìgũ: “Àsũ irigũra”, àrĩdeare keoro iridi àãrĩmĩ. ((“Àãrĩpererã mũ irirosũ yũre bũremurãrẽ yũ merã õãrõ àãrĩmakũ irigũra”, àrĩdi àãrĩmĩ.))

¹⁹ Iro merẽ, ¿nasirigũ Marĩpũ ìgũ dorerire Moisére píyuri? Masaka ñerõ irirã, waja oparã àãrĩrĩrẽ ìgũsãrẽ masĩdoregu irire pídi àãrĩmĩ. Abraham parãmi àãrĩturiagu Jesucristo aariripoegue Marĩpũ masakare: “Àsũ irika!” àrĩ pítũnudi àãrĩmĩ. Jesucristo aarimakũ, Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdea keoro waabũ. Marĩpũ ìgũ dorerire ìgũrẽ wereboerãrẽ Moisére weredoredi àãrĩmĩ. Irasirigũ Moisés irire pégu, masakare wereturiadi àãrĩmĩ. ²⁰ Marĩpũ Abraham parãmi àãrĩturiagu merã masakare õãrõ iriburire gajerãgue merã Abrahãrẽ weredorebiridi àãrĩmĩ. Ìgũ basita weredi àãrĩmĩ. ((Irasiriro Abrahãrẽ ìgũ weredea gapũ, Moisére ìgũ dorerire pídea nemorõ àãrã.))

Pablo, Moisés doredeare weredea

²¹ Iro merẽ, Marĩpũ Abrahãrẽ weredea, ìgũ dorerire Moisére pídea nemorõ àãrĩmakũ, ¿ìgũ dorerire Moisére pídea gapũ wajamarĩyuri? Irasũ àãrĩbiridero àãrĩbú. Àsũ gapũ àãrã. Masaka àãrĩpereri Moisés doredeare iripeori merã Marĩpũ merã õãrõ àãrĩmasĩmakũ, Marĩpũ irire iripeorãrẽ: “Õãrã, waja opamerã àãrĩma”, àrĩ ìãbodi àãrĩmĩ. ²² Marĩpũya werenĩrĩ gojadea pũgue irimarẽ àsũ àrĩ gojasũdero àãrĩbú: “Masaka àãrĩpererã ñerõ irirã, waja oparã àãrĩma”, àrĩ gojasũdero àãrĩbú. Irasirigũ Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩderosũta irigũkumi. Àãrĩpererã Jesucristore bũremurãrẽ: “Õãrã, waja opamerã àãrĩma”, àrĩ ìãgũkumi.

²³ Marĩ Jesucristoya kerere pé, ìgũrẽ bũremuburi dupuyuro Marĩpũ ìgũ dorerire Moisére pídea direta masĩnerã àãrĩbú. Irasirirã marĩ ñerõ iridea waja peresugue do-bosũnerã marĩrẽ peresu iridi doreri direta masĩrã irirosũ àãrĩnerã àãrĩbú. ²⁴ Marĩpũ ìgũ dorerire Moisére pídea merã marĩ iri dorerire iripeomerã àãrĩrĩrẽ masĩmakũ iridi àãrĩmĩ. Pũrũ Cristoyare masĩmakũ iridi àãrĩmĩ ìgũrẽ bũremumakũ, marĩrẽ: “Õãrã, waja opamerã àãrĩma”, àrĩ ìãbu. ²⁵ Daporare Jesucristore bũremua. Irasirirã ìgũrẽ bũremusĩã: “Marĩpũ Moisére ìgũ doreri pídeare marĩ irimakũ meta marĩrẽ: ‘Õãrã, waja opamerã àãrĩma’, àrĩ ìãmi”, àrĩ masĩã.

²⁶ Irasirirã mũsã àãrĩpererã Jesucristore bũremurĩ merã ìgũyarã àãrĩsĩã, Marĩpũ pũrã àãrã. ²⁷ Mũsã àãrĩpererã deko merã wãiyesũnerã àãrĩbú mũsã Cristoyarã àãrĩrĩrẽ ìmumurã. Irasirirã ìgũyarã àãrĩsĩã, ìgũ irirosũ àãrĩrikũ. ²⁸ Marĩ àãrĩpererã ìgũyarã àãrĩsĩã, sugũyarãta àãrã. Irasirigũ Marĩpũ judío masakare, judío masaka àãrĩmerãdere, moãboerimasãrẽ, moãboemerãdere, ùmarẽ, nomedere sũrosũta ìãmi. Irasiriro marĩrẽ Jesucristoyarãrẽ dukawari masĩña máa. ²⁹ Marĩ Cristoyarã àãrĩsĩã, Abraham parãmerã àãrĩturiarã àãrã. Irasirigũ Marĩpũ Abrahãrẽ: “Mũrẽ õãrõ irigũra”, àrĩderosũta marĩdere irigũkumi. Marĩ Cristoyarã àãrĩmakũ, marĩrẽ irasirigũkumi.

4

¹ Mũsãrẽ i keori merã wereduakoa. Sugũ majìgũ àãrĩpereri ìgũ pagũyare opaturiyabu àãrĩkeregũ, majìgũ àãrĩsĩã, sugũ moãboegũ irirosũ àãrĩkumi. ² Gajerã ìgũrẽ,

Īgūya āārīburidere ĩāduripībosakuma. Irasirigu, ĩgūsā doreri doka āārīkumi. Sunu ĩgū pagu, ĩgū boaburi dupuyuro ĩgūya āārīdeare ĩgū magūrē wiaburinurē werepīkumi. “Inu ejamakū, āārīpereri yaa āārīdeare yu magūrē wiaka!” āārīkumi. Irasirirā irinu ejamakū, ĩgūrē wiakuma pama. ³ Marīde Jesucristore b̄remuburi dupuyuro marī ñekūsāmarā i ūmumarē buerire iritayarā, majīgū ĩgū āārīderosū marī ñekūsāmarā doreri doka āārīunanerā āārībú. Irasirirā gajerārē moāboerā irirosū āārīnerā āārībú. ⁴ Irasū āārīkerepuru, Marīpu gapu ĩgū: “Āsū irigura”, āārīdeanu ejamakū, keoro ĩgū magūrē i ūmuguere iriudi āārīmí. ĩgū iriumakū, sugo nomeōguere deyoadi āārīmí. ĩgū judío masaku āārīsīā, Marīpu doreri Moisére pīdeare iridi āārīmí. ⁵ Marīpu ĩgū magūrē, marī iri dorerire iripeobiri wajare boa, wajaribosadoregu iriudi āārīmí ĩgū pūrā waaburo, āārīgū.

⁶ Irasirigu Marīpu marīrē: “Yu pūrā āārīsīama”, āārīgū, ĩgū magū Jesucristo merā Ōāgū deyomarīgūrē iriudi āārīmí. Irasirirā Ōāgū deyomarīgū iritamurī merā Marīpūre: “Guapu”, āārī masīa. ⁷ Marī, Marīpu pūrā āārīsīā, moāboerimasā irirosū āārībea pama. Irasirirā āārīpereri Marīpu ĩgū magū Cristo iridea merā marīrē ĩgū pūrārē sīburire ñeārākoa.

Pablo Jesúre b̄remurārē Galaciague āārīrārē gūñarikūdea

⁸ Iripoegure mūsā Marīpūre masībirisīā, gajerānorē b̄remunerā āārībú. ĩgūsārē b̄remurā, ĩgūsā doreri doka āārītuuyanírā irirosū āārīnerā āārībú. Marīpūgorare b̄remubirinerā āārībú. ⁹ Dapora mūsā Marīpūre masīa. ĩgū mūsārē masīgū ĩgūrē masīmakū iridi āārīmí. Mūsā ĩgūrē masīsīā, mūsā iripoegue ubu āārīrērē b̄remudeare b̄remuduúkōānerā āārībú. Irasirikererā, daporare Moisés doredeare iripeoduarā, mūsā ubu āārīrērē b̄remupurorideare b̄remurā irirosū irirā yāa. ¿Nasirirā irire irasirirā yārī? ¿Nasirirā dupaturi moāboerimasā irirosū āārīduari doja? ¹⁰ Mūsāde, Marīpu merā ōārō āārīduarā, judío masaka bosenuārī irinarōsūta iriadīkoa. Iri bosenuārērē irirā, siuñajārīnurīku, abe deyoarikū, gajinurī bosenuarīku, bojorīku bosenuārērē irīkoa. ¹¹ Mūsā irasirimakū pégu: “¿Yu ĩgūsārē ubugora bueyuri?” āārīgū, b̄ro mūsārē gūñarikūa.

¹² Yaarā, yu mūsārē āsū irimakū gāāmea. Mūsā judío masaka āārībirisīā, Moisés doredeare iribirinerā āārībú. Yude, judío masakū āārīkeregu, mūsā iriderosūta iri dorerire irībea. Irasirigu dupaturi mūsādere yu irirosū irimakū gāāmea. Marī Jesucristore b̄remusīā, Marīpu merā ōārō āārīmasīa. Yu mūsārē Jesucristoyare buemakū, mūsā yure neō ñerō iribirību. ¹³ Mūsā masīa. Yu, Jesucristo masakare tauri kerere mūsārē buepurorigu, pūrīrikūbu. ¹⁴ Yu pūrīrikūmakū mūsārē diasagorabu. Irasū āārīkerepuru, mūsā yure ĩāturi doobirību. Ubu gapu Marīpūre wereboegure irirosū ōārō bokatīrīñeābu. Jesucristore irirosū yure ōārō irību. ¹⁵ Mūsā yu merā usuyari opadea, ¿naāsū waāari? Ire yu masīa. Mūsā irasirimasīrā, mūsāya koyere yure wea sībokuyo yure iritamumurā. ¹⁶ Yu mūsārē diayemarē weredeā waja daporare yure: “Guare ĩāturigu irirosū irigu yāmi”, ¿ārī ĩārī?

¹⁷ Gajerā āārīgatori merā buerimasā gapu mūsārē b̄ro iritamuduarā irirosū irikererā, ōārō merā irirā meta āārīma. Mūsārē guā buerire iritayarire piri, ĩgūsā bueri gapure irituyadorerā yāma. ¹⁸ Gajerā mūsārē iritamudūamakū ōāgorāa. ĩgūsā mūsārē iritamuduarā, ōārō gūñarī merā iritamunīkōāburo. Yu mūsā merā āārīmakū direta irasiribirīkōāburo. ¹⁹ Mūsā yu pūrā irirosū āārīrārē mūsāya āārīburire gūñagū, dupaturi b̄ro pūrīsūrī merā ñerō tarīgu irirosū āārā. Sugo nomeō pūrākūburi dupuyuro pūrīrī péñarōsū péñakoa. Mūsā Jesucristo irirosū āārīrikūmakūgue, irasū poyarikātūnugūkoa. ²⁰ Yu mūsā p̄ro mūsā merā b̄ro āārīduadīkoa. Mūsārē daporata turīro marīrō ōārō pémasīma ōārō weredūadīkoa. Weredūakeregu, ñeēno merā werenīumasībirīkoa.

Pablo, Agar, Saraya keori merā weredeā

²¹ Mūsā, Moisés doredeare iridūakererā, ¿nasirirā iri dorerire ōārō pémasīberī?

²² Marīpūya werenīrī gojadea pūgue āsū āārī gojasūdero āārībú: “Abraham pērā ūma

pūrākudi āārīmí. Sugure ĩgũ marāpore moāboego Agar wāikũgo merā pūrākudi āārīmí. Gajigure ĩgũ marāpo diaye Sara merā pūrākudi āārīmí. Igo, moāboego meta āārīdeo āārímó”, ārĩ gojasũdero āārībú. ²³ Abraham marāpore moāboego magũ marĩ masaka deyoarosũta deyoadi āārīmí. Abraham marāpo magũ gapũ Marĩpũ Abrahārē: “Mũ marāpo sugũ majĩgũ pūrākũgokumo”, ārĩderosũta deyoadi āārīmí.

²⁴⁻²⁵ ĩgũsā pērā nomeya, pe keori irirosũ āārā. Saraya: Abraham, Marĩpũ ĩgũrē ārĩdeare bũremuderostũta Jesucristore bũremurāya keori irirosũ āārā. Agarya: Marĩpũ Sinaí wāikũri buúrũgue Arabia nikũgue ĩgũ dorerire Moisére pídeare irirāya keori irirosũ āārā. Agar, moāboego āārīsā, igo magũde moāboegũ āārĩdi āārīmí. Irasirirā Moisés doredeare irirā igo magũ irirosũ āārĩma. Moāboerā irirosũ iri doreri doka āārĩma. Daporare Jerusalén marā Moisés doredeare irirā, Agar magũ irirosũ āārĩma. Irasirirā, moāboerā irirosũ iri doreri doka āārĩma. ²⁶ Saraya: Jerusalén ũmũgasima makā marā Jesucristore bũremurāya keori irirosũ āārā. Sara, moāboego āārĩbirimakũ, igo magũde, moāboegũ meta āārĩdi āārīmí. Irasirirā marĩ Jesucristore bũremurā, Sara magũ irirosũ āārā. Moāboerā irirosũ Moisés doreri doka āārĩrā meta āārā. ²⁷ Marĩpũ ĩgũya werenĩrĩ gojadea pũgue āsũ ārĩdi āārīmí:

“Nomeō, mũ pũrā marĩkerego, usũyaka! Sugo nomeō, pũrākũgo pũrĩrĩ péñarōsũ péñabirikerego, bũro usũyaka! Mũ pũrā marĩkerepũrũ, pũrũguere mũ parāmerā āārĩturiarā wārā āārĩrākuma.

Gajego marāpũkũgo igo marāpũ merā āārĩgō parāmerā āārĩturiarā nemorō wārā āārĩrākuma”, ārĩdi āārīmí Marĩpũ. ((Iri ārĩdea āsũ ārĩdũaro yāa. Jesucristore bũremurā Sara parāmerā āārĩturiarā āārĩma. ĩgũsā, Moisés doredeare irirā nemorō wārā āārĩrākuma.))^{*}

²⁸ Irasirirā yaarā, marĩ Sara magũ Isaac irirosũ āārā. Marĩpũ pũrā Abrahārē ārĩderosũta Sara Isaare pũrākũdeo āārímó. Irasirigũ Marĩpũ ĩgũ ārĩderosũta marĩrē Jesucristore bũremurārē ĩgũ pũrā āārĩmakũ iridi āārīmí. ²⁹ Iripoeguere Agar magũ marĩ masaka deyoaderostũta deyoadi, Sara magũ Ōāgũ deyomarĩgũ turari merā deyoadore ĩāturi, ñerō iridi āārīmí. Daporadere irasũta āārā. Moisés doredeare irirā, marĩrē Jesucristore bũremurārē ĩāturi, ñerō irirā yāma. ³⁰ Marĩpũ ĩgũya werenĩrĩ gojadea pũgue Abrahārē āsũ ārĩdi āārīmí: “Moāboego magũ mũ sĩburire opabirikumi. Mũ marāpo diaye moāboego āārĩbeo magũ gapũ mũ sĩburire opagũkumi. Irasirigũ moāboegore, igo magũ merāta béoka!” ārĩdi āārīmí Marĩpũ. ³¹ Irasirirā yaarā, marĩ Jesucristore bũremurā, Sara parāmerā āārĩturiarā āārā. Moāboego parāmerā āārĩturiarā meta āārā. Sara magũ ĩgũ pagũ sĩburire opaderosũta, marĩ Marĩpũ ĩgũ pũrārē sĩburire oparākoa.

5

Pablo: “Jesucristoyare bũremurĩrē piribirikōāka!” ārĩ gojadea

¹ Jesucristo marĩrē Moisés doreri doka āārĩnerārē taudi āārīmí. Marĩ ñerō iridea wajare ĩgũ boari merā wajaribosadi āārīmí, Marĩpũ merā ōārō āārĩburo, ārĩgũ. Irasirirā mũsā Marĩpũ pũrā āārīsā, Jesucristoyare gũñaturari merā bũremuníkōāka! Ārĩgatori merā buerimasā mũsārē Moisés doredeare iridoremakũ, ĩgũsārē pébirikōāka! Iri dorerire irirā, moāboerā irirosũ āārĩma. Irasirirā iri doreri doka neō āārĩnemobirikōāka!

² Ōārō péka yũre! Yũ Pablo, mũsārē ire weregũra. “Gũaya dupũma gasirogārē wiirirā, Marĩpũ merā ōārō āārĩrākoa”, ārĩ gũñabirikōāka! Mũsā irasũ ārĩ gũñamakũ, mũsārē Jesucristo boabosadea wajamarĩboyo. ³ Irasirigũ gopeyari merā mũsārē werea doja. Marĩpũ merā ōārō āārĩburire ĩgũsāya dupũma gasirogārē wiirirānorē Moisés doredeare āārĩpererire iripeoro gāāmea. ⁴ Mũsā: “Moisés doredeare irimakũ, Marĩpũ gũare: ‘Ōārā, waja opamerā āārĩma’, ārĩ ĩāgũkumi”, ārĩ gũñarā, Jesucristore pirirā yāa. Mũsā irasirirā, Marĩpũ mũsārē maĩgũ ōārō iritamurĩdere gāāmebea. ⁵ Marĩ: “Ōāgũ deyomarĩgũ iritamurĩ

^{*} 4:27 Is 54.1

merã Jesucristore buremumakũ, Marĩpu guare: ‘Õãrã, waja opamerã ããrĩma’, ãrĩ ãĩami”, ãrĩ masĩa. ⁶ Irasiriro, marĩ Jesucristoyarã ããrĩmakũ, Marĩpu iũrõ dupuma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩpu iũrõ marĩ Jesucristore buremurã ããrĩrĩ gapu wajakua. Ìgũrẽ buremusĩã, gajerãrẽ maĩa.

⁷ Musã Jesucristore buremunugãrã, ìgũyare õãrõ irituyanerã ããrĩbũ. Dapora gapure gajerã musãrẽ ìgũya diayemarẽ õãrõ irituyabirimakũ irirã yãma. ⁸ Ìgũsã musãrẽ irasirirã Marĩpu gããmerĩ gapure irirã meta yãma. Marĩputa musãrẽ Jesucristore buremunugãdoregu siiudi ããrĩmi, Jesucristoyare õãrõ irituyaburo, ãrĩgũ. ⁹ Masaka ãsũ ãrĩ werema: “Pãrẽ irirã, mërõgã pã wemasãrĩ poga merã trigo pogare morẽkuma. Pũũ iri wemasãseyakõãkoa”, ãrĩ werema. I irirosũ, ãrĩgatori merã buerimasã buerire surãyeri irire irituyarã, pũugue musã ããrĩpererã ãrĩgatori buerire irituyarãkoa. ¹⁰ Yũ gũñaturari merã marĩ Opũ Jesucristore buremua. Musãde, yũ irirosũ ìgũrẽ buremua. Irasirigu musãya ããrĩburire ãsũ ãrĩ gũñãa: “Ìgũsã ãrĩgatori merã buerimasã buerire irituyarire piri, dupaturi yũ irirosũ Jesucristoya diayemarẽ irituyarãkuma doja”, ãrĩ gũñãa. Marĩpu, musãrẽ ãrĩgatori merã buerã gapure wajamoãgukumi.

¹¹ Yaarã, gajerã yũre ãsũ ãrĩma: “Pablo masakare: ‘Marĩpu merã õãrõ ããrĩduarã, dupuma gasirogãrẽ wiirika!’ ãrĩ buemi”, ãrĩma. Yũ irire neõ irasũ ãrĩ buebea. Yũ irasũ ãrĩ buemakũ, judío masaka gajerãrẽ irire iridorerã yũre ñerõ iribiribokuma. Yũ, Jesucristo ìgũ curusague boari merã masakare tauri kere gapure buea. Yũ irire bueri waja judío masaka yũre ñerõ tarimakũ yãma. ¹² Yũ, ìgũsã ãrĩgatori merã buerimasã musãrẽ dupuma gasirogãrẽ wiiridorerãrẽ musã puro neõ ããrĩnemobirimakũ gããmea. Musãrẽ irasũ wiiridoreduarã, ìgũsã basi wiiri, pũrã marĩrã dujaburo.

¹³ Yaarã, Marĩpu musãrẽ Moisés doreri doka ããrĩburo, ãrĩgũ meta siiudi ããrĩmĩ. Irasirirã: “Gũã gããmerõ ñerĩ ñaribejarire irimakũ õãrokoa”, ãrĩ gũñabirikõãka! ãsũ gapu irika! Maĩrĩ merã gãme iritamunĩka! ¹⁴ Musã gajerãrẽ diaye maĩrã, Moisés doredeare ããrĩpererire irirã yãa. Irasũta ãrĩ gojasũdero ããrĩbũ: “Mũ basi maĩrõsũta mũ puro ããrĩrãdere maĩka!” ãrĩ gojasũdero ããrĩbũ. ¹⁵ Irasirirã pẽmasĩka! Musã gãme ãaturiduũmerã, pũrĩsũrĩ sĩtĩrĩ werenĩduũmerã, musã basi gãme dukawaripereakõãrãkoa.

Pablo: “Õãgũ deyomarĩgũ gããmerĩrẽ irinĩka!” ãrĩ weredea

¹⁶ Yũ musãrẽ ãsũ ãrĩ werea. Õãgũ deyomarĩgũ gããmerĩrẽ irinĩka! Musã irasirirã, musã gããmerõ ñerĩ ñaribejarire iribirikoa. ¹⁷ Marĩ ñerĩ ñaribejari, Õãgũ deyomarĩgũ gããmerĩrẽ meta ããrã. Irasirirã marĩ ñerĩ ñaribejarire irirã, Õãgũ deyomarĩgũ gããmerĩrẽ irirã meta yãa. Õãgũ deyomarĩgũ gããmerĩ gapure irirã, marĩ gããmerõ ñerĩ ñaribejarire iribirikoa. ¹⁸ Marĩ Õãgũ deyomarĩgũ marĩrẽ iridorerire irirã, Moisés doreri doka ããrĩrã meta ããrã. “Marĩ Moisés doredeare irirã, Marĩpu merã õãrõ ããrĩrãkoa”, ãrĩ gũñabea.

¹⁹ Masaka ìgũsã ñerĩ ñaribejarire irimakũ, marĩ õãrõ ããmasĩa. Ìgũsã ñerĩ ñaribejarire irirã, ãsũ yãma: Ëma, ìgũsã marãposã nome ããrĩmerãrẽ; nomede, ìgũsã marãpusãmarã ããrĩmerãrẽ ñerõ gãmebiragorenama. ããrĩpereri gũyasĩũrĩ, ñerõ iririre yãma. Gũyasĩrĩrõ marĩrõ ñerõ iririre taubẽokõãma. ²⁰ Keori weadeare buremuma. Yãa iririre yãma. Gajerãrẽ ãaturi dooma. Gãme guaseoma. Gãme ãaturima. Gajerã merã mata gua, sĩtĩrĩ werenĩma. Ìgũsãya ããrĩburi direta gũñama. Ìgũsã gããmerĩ direta iriduarã, ìgũsãya bumarãrẽ gãme dukawarimakũ yãma. ²¹ Gajerãrẽ gajinorẽ ìgũsã opamakũ, ãaturima. Masakare wẽjẽbẽoma. Mejãrikurã ããrĩma. Bosenũrĩrẽ irirã, mejãrã ñerĩrẽ yãma. Irasũ ããrĩmakũ, wãri gajino ñerĩdere yãma. Irasirigu yũ musãrẽ ãrĩderosũta gopepyari merã werea doja. Iri ñerĩrẽ irinĩgũno, Marĩpu ìgũyarãrẽ doreroguerẽ waabirikumi.

²² Õãgũ deyomarĩgũ gapu marĩrẽ ìgũyare irimakũ yãmi. Irasirirã ìgũ iritamurĩ merã masakare maĩa. Ësũyari opãa. Siuñajãrĩ merã ããrĩrikũa. Gajerã marĩrẽ ñerõ irikerepũũ, ìgũsã merã guabea. Masakare bopoñarĩ merã ããa. Ìgũsãrẽ õãrõ gũñarĩ merã iritamua.

Piiriro marĩrõ Marĩpũ gããmerõsũ gajerãrẽ keoro õãrõ yáa. ²³ “Gajerã nemorõ ããrã”, ãrĩ péñabea. Marĩ ñerĩ ñaribejarire iridũakererã, iribeã. Õãgũ deyomarĩgũyare irirã, irasũta yáa. Gajigũ irasirirãnorẽ: “Irire irasiribirikõãka!” neõ ãrĩbemi. ²⁴ Marĩ Jesucristoyarã ããrĩsĩã, marĩ ñerĩ ñaribejarire piribũ. Irasirirã marĩ gããmerĩrẽ, marĩ ñerõ iridũarire iribeã. ²⁵ Marĩ, Õãgũ deyomarĩgũ iritamurĩ merã Marĩpũ merã õãrõ ããrĩrikũã. Irasirirã Õãgũ deyomarĩgũ marĩrẽ iridorerire ĩgũ iritamurĩ merã irinĩkõãrõ gããmea.

²⁶ Irasirirã marĩ: “Gajerã nemorõ ããrã”, ãrĩbirikõãrã! Marĩ werenĩrĩ merã gajerãrẽ gãme ĩaturimakũ iribirikõãrã! Gajerã õãrõ ããrĩrikũrere ĩaturibirikõãka!

6

Pablo: “Mũsã Jesucristore bũremurã gãme iritamuka!” ãrĩ gojadea

¹ Yaarã, sugũ Jesũre bũremugũ ñerĩrẽ irimakũ ĩãrã, mũsã Õãgũ deyomarĩgũ iridorerire irirã ĩgũrẽ iritamuka, ĩgũ iri ñerõ iririre piriburo, ãrĩrã! “Gũã, ĩgũ nemorõ ããrã”, ãrĩ gũñarõ marĩrõ õãrõ merã ĩgũrẽ wereka! Irasũ iritamurã, õãrõ pémasĩka, mũsãde ĩgũ irirosũta ñerĩrẽ iriri, ãrĩrã! ² Mũsã bũjawererãnorẽ, gũñaturamerãnorẽ, ñerĩ ñaribejarire tarinũgãmasĩmerãnorẽ iritamuka! Mũsã irasũ iritamurã, Jesucristo dorederosũta irirãkoa.

³ Sugũ õãrĩrẽ iribirikeregũ: “Yũ õãrĩrẽ irigũ ããrã”, ãrĩ gũñagũ, ĩgũ basi ãrĩgatogũ yámi.

⁴ Marĩ masakakũ: “¿Õãrõ irigũ yári?” ãrĩrã, marĩ basi marĩ iririre pémasĩrĩ merã gũñarõ gããmea. Irasiridero pũrũ, marĩ iriri õãrĩ ããrĩmakũ: “Gajerã nemorõ ããrã”, ãrĩ gũñarõ marĩrõ ñũyari merã: “Yũ õãrĩrẽ yáa”, ãrĩ masĩrãkoa. ⁵ Irasirirã marĩ masakakũ, Marĩpũ ĩũrõ ĩgũ: “Yaare irirã, ãsũ irika!” ãrĩ pídeare õãrõ iriro gããmea.

⁶ Mũsã Jesúya kerere buerimasãrẽ iritamuka! ĩgũsã mũsãrẽ bueri waja, mũsã õãrĩ oparire ĩgũsãrẽ dukawaka, ĩgũsã gããmerĩrẽ opaburo, ãrĩrã!

⁷ Mũsã basi ãrĩgatobirikõãka! Marĩpũre gopepyari marĩrõ merã: “Yũ ñerõ irimakũ, yũre wajamoãbirikumi”, ãrĩ gũñabirikõãka! Marĩ õãrĩ oterã, pũrũgue õãrĩ dukare bokarosũ marĩ õãrĩ irirã, pũrũgue õãrĩrẽ bokarãkoa. Ñerĩrẽ irirã, pũrũgue ñerĩrẽ bokarãkoa.

⁸ Sugũ ĩgũ ñerĩ ñaribejarire irinĩgũno, ĩgũ ñerĩ iridea waja ñerĩrẽ bokagũkumi. Perebiri peamegue wajamoãsũgũkumi. Õãgũ deyomarĩgũ gããmerĩrẽ irigũ gapũ õãrĩrẽ bokagũkumi. Marĩpũ pũro perebiri okari opagũkumi. ⁹ Irasirirã Õãgũ deyomarĩgũ gããmerõsũ gariborero marĩrõ õãrĩrẽ irinĩkõãrã! Marĩpũ iridũarinũ ejamakũ, marĩrẽ õãrĩ iririre pirimerãrẽ õãrĩrẽ sĩgũkumi. ¹⁰ Irasirirã noó waaró ããrĩpererã marĩ bokajarãnorẽ õãrĩrẽ irirã! Marĩyarãrẽ Jesucristore bũremurãrẽ neõ piiriro marĩrõ ĩgũsãrẽ õãrĩrẽ irinĩkõãrã!

Pablo weretũnudea

¹¹ ĩãka! Yũ basi mũsãrẽ ire gojadũakoa. Irasirigũ i pagari gojari merã mũsãrẽ ãsũ ãrĩ gojagũ yáa. ¹² ĩgũsã mũsãrẽ dupũma gasirogãrẽ wiiridorerimasã, ĩgũsãrẽ gajerã judío masaka õãrõ gũñamakũ gããmerã, irasũ wiiridorema. Marĩ Jesucristo ĩgũ curusague boadea merã masakare tauri kerere bueri waja judío masaka marĩrẽ turi, ñerõ yáma. Mũsãrẽ dupũma gasirogãrẽ wiiridorerimasã gapũ gajerã ĩgũsãrẽ turi, ñerõ irimakũ gããmemerã, mũsãrẽ irasũ wiiridorema. ¹³ ĩgũsã ĩgũsãya dupũma gasirogãrẽ wiirisũnerã ããrĩkererã, ããrĩpereri Moisés doredere iripeobema. Iri dorerire iripeobirikererã, gajerã judío masaka péuro: “Gũã Moisés doredere iridoremakũ, Galacia marã, gũã iridorederosũta irima”, ãrĩdũarã, mũsãrẽ irasũ wiiridorema.

¹⁴ Yũ tamerã ĩgũsã irirosũ irasũ ãrĩrĩrẽ gajerã péuro neõ ãrĩbirikoa. Marĩ Opũ Jesucristo ĩgũ curusague boari merã marĩ ñerõ iridea wajare wajaribosadea kere direta masakare weregũkoa. Jesucristo yũre yũ ñerõ iridea wajare taudi ããrĩmakũ, i ãmũma ñerĩ ñaribejarĩ iririre piribũ. I ãmũ marã yũre ĩgũsã irirosũ ñerĩ ñaribejarire iridoremakũ, neõ iribeã.

¹⁵ Irasiriro, marĩ Jesucristoyarã ããrĩmakũ, Marĩpũ ĩũrõ dupũma gasirogãrẽ wiirisũnerã

ããrĩrĩ, wiirisũbirinerã ããrĩrĩde wajamáa. Marĩ Jesucristoyarã ñajãmakũ, Marĩpũ marĩrẽ maama ããrĩrikũrire opamakũ iridi ããrĩmĩ. Iri maama ããrĩrikũrire opari dita wajakũa.
¹⁶ Marĩpũ ããrĩpererãrẽ yũ Jesucristoyare buerire iritũyarãrẽ bopoñarĩ merã ãã, siuñajãrĩ merã ããrĩrikũmakũ iriburo. Marĩpũ ããrĩpererãrẽ ããrĩrĩrẽ irasiriburo.

¹⁷ Yũ Jesucristoyare buedea waja gajerã yũre pá, yaa dupũre kãmitú, ñerõ tarimakũ irima. ããrĩrĩrẽ irasirideã merã yũ Jesucristore moãboegũ ããrĩrĩrẽ masĩsũa. Irasirirã dapora merã neõ sugũ yũre garibonemobirikõãburo. Yũ buerire: “Diaye ããrĩbea”, ããrĩ, yũre ñerõ werenĩnemobirikõãburo.

¹⁸ Yaarã, marĩ Opũ Jesucristo musãrẽ ããrĩpererãrẽ õãrõ iriburo. Irasũta iriburo.

Iropãta ããrã.

Pablo

EFESIOS

Pablo Efeso marãrẽ õãdoredea

¹ Yũ Pablo, mũsãrẽ õãdoredea. Marĩpũ gããmederosũta Jesucristo yũre ãgũyare buedoregũ pĩmi. Irasirigũ mũsãrẽ Efeso marãrẽ Marĩpũyarãrẽ Jesucristore bũremurãrẽ gojãa. ² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo.

Marĩpũ, Cristo merã marĩrẽ õãrõ iritamũmi, ãrĩ gojãdea

³ Ũsũyari sĩrã marĩ Opũ Jesucristo Pagũre! ãgũ marĩrẽ Cristoyarãrẽ ããrĩpereri ãmũgasimarẽ, marĩya yũjũpũrãrĩma õãrĩrẽ sĩdi ããrĩmĩ. ⁴ I ãmũ iriburi dupuyuro marĩrẽ Cristoyarã ããrĩmurãrẽ beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ. ⁵ Neõgoragueta ãgũ marĩrẽ maĩgũ ãgũ gããmederosũta Jesucristo iridea merã marĩrẽ: “Yũ pũrã ããrĩmakũ irigũra”, ãrĩ beyepĩsiadi ããrĩmĩ. ⁶ Marĩpũ marĩrẽ bũro bopoñarĩ merã ããrĩsã, ãgũ magũ ãgũ maĩgũ merã marĩrẽ ãgũyarãrẽ õãrõ iridi ããrĩmĩ. Irasirirã ãgũrẽ ũsũyari sĩnĩkõãrã! ⁷ ãgũ magũ boagũ, ãgũ dí béori merã marĩ ñerĩ iridea wajare wajaribosadi ããrĩmĩ. Irasirigũ Marĩpũ marĩrẽ bũro maĩgũ, marĩrẽ bopoñarĩ merã ããrĩgũ, marĩ ñerĩ irideare kãtidi ããrĩmĩ. ⁸ Marĩrẽ irire masĩburo, ãrĩgũ, ããrĩpereri masĩrĩ, pẽmasĩrĩdere sĩdi ããrĩmĩ. ⁹ ãgũ iriburire marĩ dupuyurogue masĩbirideare marĩrẽ masĩmakũ iridi ããrĩmĩ. Irasirigũ marĩrẽ: “Yũ gããmerõsũta ũsũyari merã ããrĩsũ irigũra”, ããrĩdeare masĩmakũ iridi ããrĩmĩ. ¹⁰ ãgũ: “Ãsũ irigũra”, ããrĩdeare iriripoe ejamakũ, ããrĩpereri irigũkumi. Irasirigũ ããrĩpererã ãmũgasi ããrĩrãrẽ, i nikũ ããrĩrãdere Cristore ãgũsã Opũ ããrĩmakũ irigũkumi.

¹¹ Iripoegueta Marĩpũ gũare Cristo merã õãrõ ããrĩmurãrẽ beyesiadi ããrĩmĩ ãgũ sĩgũra, ããrĩdeare opaburo, ãrĩgũ. ãgũ gããmederosũta i ããrĩpererire õãrĩ irigũra, ããrĩdeare irisiadi ããrĩmĩ. ¹² Gũare Cristore bũremupũrorinerãrẽ irasiridi ããrĩmĩ. ãgũ gũare wãri õãrĩrẽ irimakũ ããrĩrã, ãgũrẽ: “Õãtaria mũ”, ãrĩ, ũsũyari sĩa. ¹³ Marĩpũ, Cristo merã masakare tauri kerere mũsãde pẽbũ. Iri diayema kerere pẽrã, Cristore bũremunũgãbũ. Irasirigũ Marĩpũ mũsãrẽ Cristo merã õãrõ ããrĩmakũ iridi ããrĩmĩ. ãgũ iripoegue ããrĩderosũta Õãgũ deyomarĩgũrẽ mũsãrẽ iriudi ããrĩmĩ ãgũ merã ãgũyarã ããrĩrĩrẽ masĩdoregũ. ¹⁴ Irasirigũ Marĩpũ marĩrẽ ãgũyarãrẽ tariwepereperemakũ iridero pũrũ, ãgũ iripoegue: “Sĩgũra”, ããrĩdeare sĩgũkumi. Õãgũ deyomarĩgũ marĩ merã ããrĩgũ, Marĩpũ marĩrẽ: “Sĩgũra”, ããrĩdeare marĩ opaburire masĩmakũ yãmi. Irasirirã Marĩpũre: “Õãtaria mũ”, ãrĩ, ũsũyari sĩnĩkõãrã!

Pablo Marĩpũre: “Cristore bũremurãrẽ mũyare masĩburo”, ãrĩ sãrẽbosarire gojãdea

¹⁵ Yũ mũsã õãrõ iririkũrere masĩa. Mũsã marĩ Opũ Jesũre õãrõ bũremua. Mũsã ããrĩpererã gajerã Marĩpũyarãrẽ maĩa. ¹⁶ Irasirigũ yũ mũsãrẽ gũñagũ, Marĩpũre: “Õãtaria ãgũsã irasũ ããrĩmakũ”, ãrĩ, ãgũrẽ mũsãya ããrĩburire sãrẽnĩkõãa. ¹⁷ Marĩpũ, marĩ Opũ Jesucristo Pagũ õãtarimi. Irasirigũ yũ ãgũrẽ mũsãya ããrĩburire ããrĩ ããrĩ sãrẽbosãa: “Gũarũ, Õãgũ deyomarĩgũ masĩrĩ sĩa, ãgũsã mũyamarẽ pẽmasĩrĩ merã masĩnemoburo, ãrĩgũ!” ¹⁸ Marĩpũ, ãgũyarã ããrĩmurãrẽ iripoegue ããrĩderosũta mũsãrẽ ãgũ beyepĩnerãrẽ sĩgũkumi. Õãtaria ãgũ mũsãrẽ sĩburi. Irasirigũ yũ Marĩpũre: “ãgũsã gũñarĩgue ãgũsãrẽ irire õãrõ pẽmasĩmakũ irika!” ãrĩ sãrẽã. ¹⁹⁻²⁰ Gajidere mũsã õãrõ pẽmasĩburire sãrẽbosãa. Marĩpũ ããrĩpererã nemorõ turagũ ããrĩmĩ. ãgũ turari merãta marĩ Jesucristore bũremurãrẽ ãgũ merã õãrõ ããrĩmakũ yãmi. ãgũ iri turari merãta Cristo boadiguere masũ, ãmũgasigue ãgũ diaye gapũ doamakũ iridi ããrĩmĩ ãgũrẽ ããrĩpererã Opũ ããrĩdoregũ. ²¹ ãgũrẽ iroguẽ doamakũ irigũ, ããrĩpererã ãmũgasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregũ wekamũ ããrĩmakũ iridi ããrĩmĩ. Irasirigũ Cristo ããrĩpererã dapora marã oparãrẽ,

pɔɔɔgue marã oparãdere doregɔ ããrĩmi. ²² Marĩpɔ ããrĩpererire, ããrĩpererãrẽ Cristo doka dujamakũ iridi ããrĩmĩ. Irasirigɔ Cristo, ããrĩpererã marĩ ãgũrẽ bɔremurĩ bumarã Opɔ, marĩ dipuru ããrĩmi. ²³ Marĩ ãgũrẽ bɔremurĩ bumarã, sugɔyarãta ããrĩsĩã, ãgũya dupɔ irirosũ ããrã. ãgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri ãgũyare opamakũ yãmi.

2

Marĩpɔ marĩrẽ maĩgũ taurimarẽ gojadea

¹ Iripoeguere Jesucristore bɔremuburo dupuyuro mɔsã ñerõ iririkɔ, Marĩpɔ dorerire tarinɔgãnerã ããrĩbũ. Irasirirã, Marĩpɔ ãũrõrẽ boanerã irirosũ ãgũ merã õãrõ ããrĩbirinerã ããrĩbũ. ² Mɔsã i ãmɔ marã irirosũ ñerõ iriunanerã ããrĩbũ. Wãtẽa opɔ dorerire iriunanerã ããrĩbũ. ãgũta i ãmɔ marã ããrĩpererã Marĩpɔ dorerire tarinɔgãrãrẽ doregɔ ããrĩmi. ³ Iripoeguere marĩ ããrĩpererã ñerĩ direta iriunanerã ããrĩbũ. Irasirirã marĩ noó gããmerõ iridɔarire, ñerĩ gũñarĩrẽ iriunanerã ããrĩbũ. Irasirirã marĩde Marĩpɔre bɔro wajamoãsumurã ããrĩbonerã ããrĩbũ. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbũ. ⁴ Marĩpɔ gapɔ marĩrẽ bɔro maĩgũ, bopoñarĩ opatarigɔ ããrĩmi. ⁵ Marĩ ñerõ iridea waja ãgũ ãũrõrẽ marĩ boanerã irirosũ ããrĩkererɔ, marĩrẽ Cristo merã õãrõ ããrĩmakũ iridi ããrĩmĩ. ãgũ Cristore masũ, dupaturi okamakũ iriderosũta marĩdere ãgũ pɔro perebiri okari sĩdi ããrĩmĩ. Irasirigɔ marĩrẽ bopoñarĩ merã ããrĩsĩã, taudi ããrĩmĩ.

⁶ Marĩpɔ Jesucristo boadiguere masũdi ããrĩmĩ. Masũ, ãmɔgasigue ãgũ merã doamakũ iridi ããrĩmĩ ããrĩpererãrẽ doregɔ ããrĩburo, ãrĩgũ. ãgũrẽ masũderosũta marĩdere Cristoyarãdere masũ: “Ëmɔgasigue doarã ãgũ merã dorerã ããrĩma”, ãrĩ ããrĩmĩ. ⁷ ãgũ, Jesucristo merã marĩrẽ wãro maĩrĩrẽ ãmudi ããrĩmĩ. Pɔɔguere ããrĩpererãrẽ ãgũ marĩrẽ bopoñarĩrẽ masĩmakũ gããmegũ, irasiridi ããrĩmĩ. ⁸ Marĩpɔ marĩrẽ bopoñagũ, Cristore bɔremumakũ, marĩrẽ taudi ããrĩmĩ. Marĩ basi marĩ iridea merã neõ taribirikoa. Marĩpɔ marĩrẽ taudea: ãgũ marĩrẽ wajamarĩrõ sĩdea, ãgũ marĩrẽ iribosadea ããrã. ⁹ Marĩ õãrõ iririre ããrĩ meta taudi ããrĩmĩ marĩrẽ. Irasirirã marĩ basi: “Yɔ õãrõ iridea waja Marĩpɔ yɔre taumi”, ãrĩmasĩbirikoa. ¹⁰ Marĩ, Marĩpɔ irinerã ããrã. ãgũ marĩrẽ Jesucristoyarã ããrĩdoregɔ, irasiridi ããrĩmĩ. Iripoegue marĩ õãrõ iriburire gũñasiadi ããrĩmĩ. Irasirigɔ marĩrẽ Jesucristoyarãrẽ ire pídi ããrĩmĩ õãrĩrẽ iridoregɔ.

Marĩ, Jesucristo merã õãrõ mɔsɔyari opãã, ãrĩ gojadea

¹¹ Mɔsã iripoegue ããrĩrikũdeare õãrõ gũñaka! Gɔa mɔsãrẽ, judío masaka ããrĩmerãrẽ, mɔsã ãmaya dupɔma gasirogãrẽ wiiribiri waja: “Marĩpɔyarã ããrĩbea”, ãrĩ ããturiunanerã ããrĩbũ. Gɔa judío masaka gapɔ irasũ wiirisũnerã: “Marĩpɔyarã ããrã”, ãrĩ gũñakererɔ, iri wiiridea marĩrẽ ãgũyarã waamakũ iribea. ¹² Iripoeguere Marĩpɔ iriudi Cristore mɔsã bɔremubirinerã ããrĩbũ. Irasirirã mɔsã Israel bumarã merã ããrĩbirinerã ããrĩbũ. Marĩpɔ Israel bumarãrẽ: “ãgũsãrẽ õãrõ irigura. ãgũsã Opɔ ããrĩgura. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mɔsã: “Marĩpɔ gɔare taugakumi”, ãrĩmasĩbirinerã ããrĩbũ. Marĩpɔ merã õãrõ ããrĩbirinerã ããrĩbũ. ¹³ Mɔsã iripoegue Marĩpɔre masĩbirinerã ããrĩkererã, daporare mɔsã Jesucristore bɔremurã ãgũyarãta ããrã. ãgũ boari, ãgũ dí béori merã Marĩpɔ mɔsãrẽ ãgũrẽ masĩrã, ãgũyarã waamakũ iridi ããrĩmĩ. ¹⁴ Gɔa judío masaka, mɔsã judío masaka ããrĩmerã merã pe bumarã ããrĩkererɔ, Cristo iridea merã marĩrẽ sugɔ pũrãta ããrĩmakũ iridi ããrĩmĩ. Irasirigɔ marĩ basi gãme ããturiideare pirimakũ iridi ããrĩmĩ. Irasirigɔ Cristo marĩrẽ ãgũyarãrẽ siuñajãmakũ yãmi. ¹⁵ Cristo curusague boagɔ: “Marĩpɔ merã õãrõ ããrĩdɔarã, ããrĩpereri ãgũ Moisére doreri pídeare iripeoka!” ãrĩdeare peremakũ iridi ããrĩmĩ. Irasirigɔ Cristo marĩrẽ ãgũyarãrẽ pe bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ. ¹⁶ ãgũ curusague

boari merã marĩ pe bumarã gãme ãaturideare pirimakũ iridi ããrĩmĩ. Irasirigũ marĩrẽ pe bumarã ããrĩnerãrẽ, Marĩpũyarã ãgũ merã õãrõ ããrĩmakũ iridi ããrĩmĩ.

¹⁷ Cristo, Marĩpũ merã marĩ õãrõ ããrĩburi kerere weregũ aaridi ããrĩmĩ. Mũsãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpũ Moisére doreri pídea oparãdere weregũ aaridi ããrĩmĩ, marĩ ããrĩpererã Marĩpũ merã siuñajãrĩ bokaburo, ãrĩgũ. ¹⁸ Irasirirã Cristo merã, irasũ ããrĩmakũ Õãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpũ marĩ merã ããrĩmakũ ãgũrẽ sërẽmasĩa. ¹⁹ Irasirirã daporare mũsã gajero marã irirosũ ããrĩbea. Mũsãya nikũrẽ ããrĩmerã irirosũ ããrĩbea. Mũsã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

²⁰ Mũsã, gũa merã Jesucristore bũremurã, Marĩpũ moãrĩ wii irirosũ ããrã. Iripoegue Marĩpũya kerere weredupuyurimasã ãgũyare gojapũrorinerã ããrĩmã. Pũru Jesucristo buedoregũ pínerã ãgũyare werenerã ããrĩmã. Mũsã, ãgũsã gojadeare buedero pũru, ãgũsã wereideare pédero pũru, Jesucristore bũremunũgãbũ. Jesucristo, Marĩpũya wiima weanũpũrorideã ãtãye irirosũ ããrĩmĩ. Marĩpũyare gojapũrorinerã, Jesucristo buedoregũ pínerã, gaji weanũdea ãtãyeri irirosũ ããrĩma. ²¹ Jesucristo gajerãdere ãgũrẽ bũremumakũ yãmi Marĩpũyarã ããrĩburo, ãrĩgũ. ãtãyeri merã wiire peoturiamũrĩagũ keoro weanũrĩ wiire irirosũ irigũ yãmi. Irasirigũ marĩrẽ gajerã Marĩpũyarã merã õãrõ gãmesurimakũ yãmi. ããrĩpererã marĩ, ãgũsã merã Marĩpũyarã ããrĩsĩa, ãgũ ããrĩrĩ wii irirosũ ããrĩrãkoa. ²² Irasũ ããrĩmakũ mũsãde, gajerã Jesucristore bũremurã ããrĩpererã merã Marĩpũyarã ããrã. Irasirirã Marĩpũ moãrĩ wii, ãgũ ããrĩrĩ wii irirosũ marĩ ããrã. Marĩpũ, Õãgũ deyomarĩgũ merã marĩ merã ããrĩmĩ.

3

Pablo judío masaka ããrĩmerãrẽ Jesucristoya kerere weredea

¹ Yũ Pablo, Jesucristoya kerere mũsãrẽ judío masaka ããrĩmerãrẽ weredea waja peregũ ããrã. Marĩpũ, Jesucristo merã mũsãdere ãgũyarã ããrĩmakũ yãmi. Irasirigũ yũ mũsãya ããrĩburire sërẽbosãa ãgũrẽ. ² Mũsã ire masĩsiãa. Marĩpũ mũsãrẽ bopoñagũ, Jesucristoya kerere buedoregũ yũre pími mũsã õãrõ irigũ. ³ Marĩpũ, ãgũ Cristo merã iriburire, iripoegue marã masĩbirideare yũre masĩmakũ irimi. Mũsãrẽ irire mérõ gojasiabũ. ⁴ Yũ gojadeare buerã, Marĩpũ, ãgũ Cristo merã iriburire yũ masĩdeare mũsãde masĩrãkoa. ⁵ Marĩpũ, ãgũ Cristo merã iriburire iripoegue marã gapũre masĩmakũ iribiridi ããrĩmĩ. Dapora gũa gapũre Jesucristoyare wererimasãrẽ, ãgũya kerere weredupuyurimasãdere Õãgũ deyomarĩgũ merã masĩmakũ yãmi. ⁶ ãsũ ããrã Marĩpũ iriburi, iripoegue marã masĩbirideã. Gũa judío masaka, mũsã judío masaka ããrĩmerãde Marĩpũ masakare tauri kerere bũremumakũ, gũare, mũsãdere Jesucristoyarã ããrĩmakũ yãmi. Marĩrẽ sugũ pũrãta ããrĩmakũ yãmi. Irasirigũ Marĩpũ judío masakare: “ãsũ sĩgũra”, ãrĩpũroriderosũta marĩrẽ ããrĩpererã Cristoyarãrẽ õãrĩrẽ sĩgũkumi.

⁷ Marĩpũ Jesucristoya kerere buedoregũ yũre pídi ããrĩmĩ. Yũre õãrõ iri, ãgũ turarire sĩdi ããrĩmĩ iri kerere õãrõ wereburo, ãrĩgũ. ⁸ ããrĩpererã gajerã Marĩpũyarã yũ nemorõ ããrĩma. Irasũ ããrĩkererũ, Marĩpũ yũre õãrõ iri, judío masaka ããrĩmerãrẽ Jesucristoya kerere buedoregũ pími. Irasirigũ: “Cristo õãtarigũ ããrĩmĩ, ãgũ marĩrẽ sĩburi õãtariri ããrã”, ãrĩ wereã ãgũsãrẽ. Ire neõ pẽmasĩbokajaya mãã marĩrẽ. ⁹ Marĩpũ yũre pígũ: “ãsũ taugũkoa judío masaka ããrĩmerãdere”, ãrĩ gũñadupuyudeare yũre weredoremi. ãgũta ããrĩpereri i ãmũmarẽ iridi, iripoegue marãrẽ ãgũ judío masaka ããrĩmerãrẽ Cristo merã tauburire werebiridi ããrĩmĩ. Daporague yũre weredoremi ããrĩpererã masakare irire masĩdoregũ. ¹⁰ Marĩpũ marĩrẽ Jesucristore bũremurãrẽ su bumarã ãgũyarãta ããrĩmakũ iririre ããrã, ãmarõ marã dorerã ãgũrẽ wereboerã, wãtẽade, ãgũ ããrĩpereri masĩpeogu ããrĩrĩrẽ masĩrãkuma. ãgũsãrẽ irire masĩmakũ gããmemi Marĩpũ.

11 I umu iriburo dupuyurogueta Maripu igu gaamederosuta marire: “Yaara aarimura aarima”, arideare mari Opu Jesucristo mera iriyuwarikudi aarimi. 12 Mari Cristore buremurā igu mera oaro aarisia, guiro mariro gunaturari mera Maripure seremasia. 13 Yu musare Jesucristoya kerere weredeja waja peresugue poyari mera aara. Musā oaro aariburire iri kerere werebu. Irasirira musa yu poyarire gunara, bujawereri mera aaribirikoka! Poyakeregu, Maripu musare oaro irideare gajerare masimaku yaa.

Cristo marire buro maigu aarimi, ari gojadea

14 Irasirigu Maripu, mari Opu Jesucristo Pagu aaripereri irideare yu gunagu, igu iurore yaa nudukupuri mera ejameja, igure: “Oataria mu”, ari, usuyari sia. 15 Iguta aariperera iguyara umugasigie aarira, i nikugie aarira Pagu aarimi. 16 Iguta turatarigu aarimi. Irasirigu yu musaya aariburire igure serebosaa musaguere Oagu deyomarigu mera igu turarire opaburo, arigu. 17 Musā Cristore buremumaku, igu musaguere oaro aarinikoburo, arigu, sera. Gaji serebosaa Cristo musare buro maire masia, gajerare maiburo, arigu. 18 Irasirigu musare, aariperera gajera igure buremuradere Cristo marire buro maire pemasidoregu, serebosaa. Cristo marire maire neo keomasina ma. “Oopa eyaro, yoaro, umaro, ukuro ara”, neo ari masina ma. 19 Cristo marire maire mari neo masipeobirikerepu, yu musaya aariburire Maripure serebosagu: “Ire igusare oaro masinemomaku irika!” ari sera. Irasirira mari ire masipeora, Maripuyamarē masipeorako.

20 Irasirira Maripure: “Asu iribosaka guare!” ari seremaku, mari sereri nemoro irimasimi. Mari basita: “Asupero iriburo igu”, ari gunamakū, mari gunari nemoro irimasimi. Igu turagu aarisia, igu turari marire sidea mera irire iribosami. 21 Irasirira Jesucristoyamarē, igure buremurā bumarā mari aaririre masira, aariperereri aariperera Maripure: “Oataria mu”, ari, usuyari siburo. Aariperera dapora mara, puge marade neo igure usuyari sirire piribirikoburo. Irasuta ara.

4

Mari Cristoyara Oagu deyomarigu mera su bumarata ara, ari gojadea

1 Yu mari Opuya kerere weredeja waja peresugue aarigu, turaro mera asu werea musare doja. Maripu musare siiudi aarimi iguyara aariburo, arigu. Irasirira igu musare: “Asu irika, yaara aarisia!” arideare oaro irika! 2 “Gajera nemoro ara”, ari gunabirikoka! Gajerare oaro mera irika! Guari mariro gajerare boponarā mera iaka! Gajera musare garibokerepu, igusare mari mera iaka! 3 Oagu deyomarigu iritamuri, igu musare siunajari piri mera suro mera oaro aaririkoka! Musā irasū aaririre piri mariro aarinikoka! 4 Mari Jesucristoyara su bumarā aarisia, iguya dupu irirosu ara. Oagu deyomarigu sugata aarigu, igu sugu masakū mera aarirosu mari aariperera mera aarimi. Maripu mari aariperare umugasigie perebiri okari sibu, siiudi aarimi. 5 Mari Opu Jesucristo mari buremugū sugata aarimi. Marire deko mera wayeride su waita ara mari iguyara aaririre imuburi. 6 Maripu sugata marire iridi aarimi. Iguta mari aariperera Opu aarimi. Mari aariperera mera aarimi. Irasirigu igu gaamederosuta mari aariperera mera aariperere oaro yami.

7 Mari su bumarā aarikererepu, Cristo mari iguyarare masakakure Maripuyare irimasiburire dukawa pidi aarimi. Irasirigu igu dukawa piderosuta keoro mari game iritamumaku yami. 8 Cristo igu i nikugie aariburo dupuyuroguere asu gojasūdero aaribu Maripuya wereniri gojadea puge:

Igure iaturare tarinugadero pu, umugasigie muriakogukumi. Irasirigu masakare i nikugie aarirare arire sigukumi, ari gojasūdero aaribu.*

* 4:8 Sal 68.18

⁹ Īgū ũmugasigue mūrīarire ārī gojadea, āsū ārīduaro yāa. Jesucristo ũmugasigue mūrīaburi dupuyuro i nikūgue dijari, ōōgue āārīdi āārīmī. ¹⁰ Īgūta i nikūgue āārīdi, ũmugasigue Marīpu āārīrōgue mūrīākōādi āārīmī. Irasirigu āārīpererogue āārīgū, āārīpererārē doregu āārīmi. ¹¹ Irasirigu marī Īgūyarārē masakakure Marīpuhare irimasīburire pīdi āārīmī ōārō gāme iritamuburo, ārīgū. Surāyerire beyepīdi āārīmī Īgūyare buedoregu. Gajerārē Marīpu weredoredeare wererimasā āārīmurārē, Īgū masakare tauri kerere weregorenarīmasā āārīmurārē, Īgūyarārē korerimasā āārīmurārē, Īgūyarārē buerimasā āārīmurārē beyepīdi āārīmī. ¹² Irasū beyepīdi āārīmī marī Īgūyarā gāme iritamuburo, ārīgū. Irasirirā marī Īgūyarā su bumarā, Īgūya dupu irirosū ōārō turarā masārōsū Īgūrē buremuturawāgānemorākoa.

¹³ Irasirirā marī āārīpererā surosū Cristore buremurā, masā odorā irirosū āārīpereri Īgū, Marīpu magū āārīrīrē nemorō ōārō masīrākoa. Irasirirā marīde Cristo irirosū āārīrikurākoa. ¹⁴ Majīrāgā irirosū āārīrā meta, pémasīrākoa. Irasirirā marīrē ārīgatomerērā buemakū pérā, diayema āārīrīrē buremurīrē pirimerā: “Īgūsā maama bueri, diaye āārā”, ārī buremubirikoa. ¹⁵ Marī gāme maīrī merā diayema āārīrīrē werero gāāmea. Irasirirā majīrāgā masā pémasīrōsūta marīde marī Opu Cristo marī dipuru āārīgū merā Marīpuhare ōārō pémasīrākoa. ¹⁶ Marī Īgūyarā su bumarā āārīsīā, Īgūya dupu irirosū āārā. Sugū masakū turagu masā, āārīpereri Īgūya dupuma merā ōārō irimasīmi. I irirosū, Cristo marī masakakure: “Āsū iriburo”, ārī dukawa pīdeare irirā, marī āārīpererā ōārō gāme iritamumasīa. Irasirirā gāme maīrā, gāme iritamurā, nemorō turaro merā Cristoyare ōārō iriwāgānemorākoa.

Marīpu Cristoyarārē maama āārīrikurire opamakū iridi āārīmī, ārī gojadea

¹⁷ Irasirigu yu marī Opu Cristo dorero merā musārē āsū ārī werea. Marīpurre masīmerā gapu noó gāāmerō gūñamoāmakōāma. Īgūsā irirosū neō irinemobirikōāka! ¹⁸ Īgūsā Marīpuhare péduabema. Irasirirā irire neō pémasībirigorakōāma. Īgūsāya gūñarīguere buro naītīārī oparā irirosū āārīma. Irasirirā Marīpu merā ōārō āārīburire Īgū sīrīrē neō opabema. ¹⁹ Ņerīrē irirā, neō guyasīrībirigorakōāma. Āārīpereri űerī haribejarire neō pīriduaro marīrō űerī direta iririkurā yāma. ²⁰ Cristoya bueri gapu, musārē Īgūsā irirosū űerō iririre iridoreri máa. ²¹ Musā Īgūya diayema buerire pérā: “Jesús diayeta āsū āārīmi, diayema āārīrīrē buemi”, ārī masīkuyo. ²² Iripoeguere musā űerī haribejari iririre: “Ōāgorāa”, ārī gūñarā, musā basita ārīgatonerā āārībú. Iri űerīrē irirā, musā basita poyanorēnerā āārībú. Irasirirā musā iripoegue āārīunaderosūta āārīnemobirikōāka! ²³ Musā űerī direta gūñaunadeare pirikōāka! Ōārī gūñarī gapure gorawayuro gāāmea musārē. ²⁴ Marīpu Īgū gāāmederōsūta marīrē maama āārīrikurire opamakū iridi āārīmī Īgū irirosū diayema irirā, Īgū ĩūrō ōārā āārīburo, ārīgū. Irasirirā, surīro boari dariñe bēo, maama surīro ōārīñe gorawayu sñarā irirosū, iripoegue űerī iriunadeare piri, maama iririkurire gorawayu irika!

²⁵ Marī Cristoyarā Īgū dupu irirosū āārīrā, su bumarā āārā. Irasirirā marī basi neō gāme ārīgatonebobirikōārā! Marī merāmarārē ārīgatoro marīrō diaye wererā!

²⁶ Gajerā merā guarā, Īgūsārē űerō iribirikōāka! Irinu merāta Īgūsā merā guarire pirikōāka! ²⁷ Wātī musārē gajerā merā guamakū iririre kāmataka! ²⁸ Yajarikugu āārīdi neō dupaturi yajabirikōāburo. Ōārī moārī gapure moāburo, Īgū moā wajatari merā gajerā boporārē iritamubu.

²⁹ Neō űerō werenīrīrē werenībirikōāka! Ōārī gapu direta werenīka! Musā werenīrī merā gajerārē iritamuka! Irasirirā musā ōārī werenīrīrē pérā, Īgūsāde ōārō āārīrikurākuma. ³⁰ Marī űerīrē irirā, űerō werenīrā, Ōāgū deyomarīgūrē bujaweremakū irirākoa. Irire iribirikōāka! Ōāgū deyomarīgū marīrē: “Marīpuyarā āārā”, ārī masīmakū

yámi. Irasirirã marĩ masĩa. Marĩpu, Jesucristo merã marĩrẽ taurinu ejamakũgue õãrõ taugorakõãgukumi.

³¹ Irasirirã musã gajerã merã suyubirire, ãgũsã merã guataririre, ñerõ gainírĩ merã gãme turirire, ñerõ ãrĩ buridarire pirikõãka! Irasirirã ããrĩpereri ñerõ iririre pirika! ³² Æsũ gapu irika! Bopoñarĩ merã gãme õãrõ iritamuka! Marĩpu marĩrẽ Cristo merã marĩ ñerĩ irideare kãtiderosũta musãde gajerã musãrẽ ñerõ irideare kãtika!

5

Marĩpu pũrã ããrĩrã ãsũ ããrĩrikuro gããmea, ãrĩ gojadea

¹ Musã Marĩpu pũrã, ãgũ maĩrã ããrã. Irasirirã ãgũ irirosũ ããrĩrikuro gããmea.

² Cristo marĩrẽ maĩrosũta musãde gajerãrẽ maĩka! ãgũ marĩrẽ maĩgũ ãgũ basita ãgũrẽ wẽjẽduarãguere wiadi ããrĩmĩ marĩrẽ boabosabu. ãgũ boabosagu, judío masaka oveja majĩgũrẽ wẽjẽ, Marĩpu ãũrõrẽ soepeosũdi irirosũ ããrĩdi ããrĩmĩ. Irasirĩgu ãgũ irasiriri merã Marĩpure usuyamakũ iridi ããrĩmĩ.

³ Irasirirã Marĩpuyarã ããrĩrã, musã marãposã nome ããrĩmerãrẽ, marãpusãmarã ããrĩmerãrẽ neõ ñerõ gãmebiragorenabirikõãka! ããrĩpereri gũyasĩũrĩ ñerõ iririre neõ iribirikõãka! Gajerãyare uaribejabirikõãka! Neõ mérõgã ñerõ iririre iribirikõãka!

⁴ Gũyasĩũrõ werenĩrĩrẽ werenĩbirikõãka! Pémasĩmerã irirosũ werenĩmoãmabirikõãka! Ñerĩrẽ ãrĩ buridabirikõãka! Æsũpero gapu werenĩka! Marĩpure: “Õãrõ yãa mu gũare”, ãrĩ, usuyari sĩka! ⁵ Ire õãrõ masĩka musã! Gajigu marãpo merã ñerõ iririkurã, gajego marãpu merã ñerõ iririkurã, gũyasĩũrõ ñerĩrẽ iririkurã, Marĩpuyarã ããrĩbema. Gajerãyare uaribejarikurãde Marĩpuyarã ããrĩbema. ãgũsã gajino gapure Marĩpure gããmerõ nemorõ gããmerã, keori weadeare buremurã irirosũ yãma. Marĩpu gapure buremubema. Irasirirã Marĩpu ãgũyarãrẽ dorerogue neõ waabirikuma. Irogue Cristo merã neõ ããrĩbirikuma. ⁶ Gajerã musãrẽ ãgũsã ñerõ irideare: “Æsũ irimakũ õãgorãa”, ãrĩgatorire pëbirikõãka! Marĩpu, ãgũsã irasũ ñerõ iri, ãgũ dorerire tarinugãrĩ waja ãgũsãrẽ perebiri peamegue wajamoãgukumi. ⁷ ãgũsã ñerĩ irirã merã neõ ñerĩrẽ iriwekabejabirikõãka!

⁸ Marĩ Opuyarã musã ããrĩburo dupuyuro ñerĩrẽ irirã, ãgũrẽ masĩmerã naĩtĩãrõgue ããrĩrã irirosũ ããrĩnerã ããrĩbũ. Dapora gapure ãgũrẽ masĩrã ãgũyarã ããrĩsĩã, boyorogue ããrĩrã irirosũ ããrã. Irasirirã ãgũ ãũrõ õãrĩrẽ iririkuka! ⁹ Boyorogue ããrĩrãno, õãrĩrẽ, Marĩpu dorerire, diayemarẽ irirãkuma. ¹⁰ Irasirirã marĩ Opuyare õãrõ bueka, ãgũrẽ usuyamakũ iririre irimurã! ¹¹ Ñerĩ iririkurã, naĩtĩãrõgue ããrĩrã irirosũ ããrĩma. ãgũsã irirosũ neõ iribirikõãka! Æsũ gapu irika! ãgũsã ñerõ iririre: “Ñegorãa”, ãrĩ wereka, ãgũsãrẽ irire masĩdorerã! Musã wererire pãrã, boyorogue ããrĩrã irirosũ ñerõ irideare piri, õãrĩ gapure irirã dujarãkuma. ¹² Masaka ããberogue ãgũsã ñerõ iriboedeare marĩ werenĩmakũ gũyasĩũgorãa. ¹³ Boyorore ããrĩpereri ããmasĩsũa. Marĩ ãgũsã ñerõ iririre: “Ñegorãa”, ãrĩmakũ, ãgũsã ñerõ iririkurire masĩrãkuma. ¹⁴ Irasirirã gajerã sugu ñerõ iririkugunorẽ ãsũ ãrĩ werema:

Mu pémasĩbi, kãrĩgũ irirosũ ããrã. Yobe, pémasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigu wãgãnugã, ãgũ merã õãrõ ããrĩka! Mu irasirimakũ, Cristo murẽ boyorogue ããrĩmakũ irirosũ ãgũyare masĩmakũ irigukumi.

¹⁵ Irasirirã õãrõ pémasĩka, õãrĩrẽ irimurã! Marĩpuyarã masĩmerã irirosũ iribirikõãka! ãgũya gapure õãrõ masĩka! ¹⁶ Dapora marã masaka ñerĩ iririkuma. Irasirirã musã okarinũrĩrẽ Marĩpu gããmerĩ direta irika, gajerãde ãgũyare masĩburo, ãrĩrã! ¹⁷ Pémasĩmerã irirosũ iririkubirikõãka! Marĩpu gããmerĩrẽ õãrõ pémasĩduaka, irire irimurã! ¹⁸ Irasirirã mejãbirikõãka! Mejãrã ãgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka! ¹⁹ Musã ãgũrẽ opatarirã, Marĩpuya bayari merã musã basi gãme

werenírãkoa. Salmos gojadea pũgue bayarire, gaji marĩ Opure buremu bayaridere ãgũrẽ bayapeorãkoa. Mũsãya yũjũpũrãrĩgue õãrõ mũsũyari merã bayapeorãkoa ãgũrẽ: “Õãtaria mũ”, ãrĩ buremurã. ²⁰ Marĩpũ ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ãgũ wãĩ merã Marĩpũre: “Mũ iridea õãtaria”, ãrĩnĩkõãka!

Su wii marã Cristoyarã ãsũ ããrĩrõ gããmea, ãrĩ gojadea

²¹ Mũsã ããrĩpererã Cristore gopeyari merã buremurã ããrĩsĩã, õãrõ gãme pé buremuka!

²² Mũsã marãposã nomerẽ ãsũ ãrĩ weregũra. Cristo marĩ Opure marĩ pé buremurõsũta mũsã marãpũsãmarãrẽ õãrõ pé buremuka! ²³ Cristo marĩrẽ ãgũyarãrẽ oparosũta, marãpũsãmarã mũsãrẽ ãgũsã marãposã nomerẽ opama. Cristo marĩrẽ ãgũrẽ buremurĩ bumarãrẽ taudi ããrĩmĩ. Irasirigũ ãgũ marĩ Opũ ããrĩmĩ. Marĩrẽ doregũ, marĩ dipuru ããrĩmĩ. Marĩ, ãgũya dupũ irirosũ ããrã. ²⁴ Irasirirã marĩ Cristore buremurĩ bumarã ãgũrẽ pé buremurõsũta mũsã marãpũkũrã nome mũsã marãpũsãmarãrẽ õãrõ pé buremuka!

²⁵ Mũsã marãpũsãmarãdere weregũra. Cristo marĩrẽ ãgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ãgũ maĩrõsũta mũsãde mũsã marãposã nomerẽ maĩka!

²⁶ Cristo marĩrẽ boabosadi ããrĩmĩ ãgũyarã ããrĩmakũ irigũ. Irasirigũ, marĩ ãgũ werenĩrẽ buremumakũ, deko merã gũrarire koebóro irirosũ marĩrẽ ñerĩ opamerã ããrĩmakũ iridi ããrĩmĩ. ²⁷ ãgũ irire irasirimakũ, marĩ ãgũ ãũrõrẽ neõ mérõgã ñerĩ opamerã, gũrari marĩrã õãrõ deyorã irirosũ ããrĩrãkoa. ãgũyarã õãrã dita ããrĩrãkoa. Irasirigũ: “Yaarã ããrĩma”, ãrĩ, mũsũyari merã marĩrẽ opagũkumĩ.

²⁸ Mũsã marãpokũrã mũsã marãposã nomerẽ maĩrõ gããmea. Sugũ ãgũ marãpore maĩgũ, ãgũ baside maĩmi. Irasirigũ Cristo marĩrẽ ãgũya dupũ irirosũ ããrĩrãrẽ maĩrĩ merã korerosũta mũsã marãposã nomerẽ maĩrĩ merã õãrõ koreka! ²⁹⁻³⁰ Neõ marĩya dupũre ñerõ waamakũ gããmebea. Marĩ basi marĩya dupũre korea. Marĩ Cristoyarã ããrĩrã ãgũya dupũ irirosũ ããrã. Irasirigũ Cristo marĩrẽ õãrõ koremi. ³¹ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ mũmũũ nomeõrẽ marãpokũgũ, ãgũ pagũsãmarãrẽ wirigũkumĩ ãgũ marãpo merã ããrĩbu. ãgũsã pẽrã ããrĩkererã, Marĩpũ ãũrõrẽ su dupũta ããrĩrãkuma”, ãrĩ gojasũdero ããrĩbũ. ³² Iri gojadeare õãrõ pẽmasĩduamakũ, diasagorãa marĩrẽ. Irasũ ããrĩkererũ, yũ irire: “Ãsũ ãrĩduaro yãa”, ãrĩ werea. Cristoyarã Marĩpũ ãũrõrẽ su dupũta ããrĩma. ³³ Gaji i marẽ mũsãrẽ ãrĩ werenemogũra doja. Mũsã basi korerosũta mũsã marãposã nomedere maĩrĩ merã koreka! Mũsã nomede mũsã marãpũsãmarãrẽ õãrõ gopeyaro merã pé buremuka!

6

¹ Mũsã majĩrãrẽ ãsũ weregũra. Mũsã marĩ Opure buremurã mũsã pagũsãmarãrẽ õãrõ yũjũka! Irasiriri, õãrĩ ããrã. ²⁻³ Iri poegue Marĩpũ ãgũ pe mojõma dorerire pígu, su dorerire ãsũ ãrĩ pídi ããrĩmĩ: “Mũsã pagũsãmarãrẽ õãrõ buremuka!” ãrĩ pídi ããrĩmĩ. I dorerireta pígu, gajidere pídi ããrĩmĩ. “ãgũsãrẽ irasũ buremurã, i nikũguere yoaripoe mũsũyari merã ããrĩrãkoa”, ãrĩdi ããrĩmĩ.

⁴ Mũsã pagũsãmarãdere ãsũ ãrĩ weregũra. Mũsã pũrãrẽ bũro turiri merã ãgũsãrẽ guamakũ iribirikõãka! ãsũ gapũ irika! ãgũsãrẽ marĩ Opũyare bueka, ãgũrẽ buremuburo, ãrĩrã! ãgũsã, ãgũ dorerire iribirimakũ ããrã, ãgũsãrẽ: “ãsũ gapũ irika!” ãrĩ bueka! Irasirirã ãgũsãrẽ õãrã masãmakũ irirãkoa.

⁵ Moãboerimasãdere ãsũ ãrĩ weregũra. Mũsã i nikũgue ããrĩrãrẽ mũsã oparãrẽ õãrõ yũjũka! Õãrõ buremurĩ, gopeyari merã moãboeka! Irasũ moãboerã, Cristore moãboerã irirosũ yãa. ⁶ Mũsã oparã ãũrõ moãrõsũta, ãgũsã ããberoguedere moãka! ãgũsã ãũrõ direta õãrõ moãrã, ãgũsã mũsãrẽ: “Õãrõ moãma”, ãrĩ gũñamakũ iriduarã dita ããrĩbokoa. Irasirirã ãgũsã ããberoguedere õãrõ moãka! Cristore moãboerã irirosũta Marĩpũ gããmerõsũ õãrõ merã moãka! ⁷ Mũsã masakare moãboerã ããrĩkererã: “Cristore moãboerã irirosũ ããrã”, ãrĩ

gũñaka! Irasirirã usuyari merã moãboeka musã oparãrẽ! ⁸ Irire masĩsiãa musã. Marĩ Opũ Cristo marĩrẽ õãrõ moãrãkure õãrĩ wajatamakũ irigũkumi. Irasirigũ moãboerimasã ããrĩrãrẽ, ããrĩmerãdere marĩ õãrõ moãderopãta marĩrẽ õãrĩ wajatamakũ irigũkumi.

⁹ Oparãdere ãsũ ãrĩ weregũra. Musãrẽ moãboerãrẽ õãrõ irika! Ìgũsãrẽ wajamoãduari merã dorebirikõãka! Ire õãrõ pémasĩka! Marĩ Opũ Cristo ùmũgasigue ããrĩgũ, musã Opũ ããrĩmi. Ìgũta musãrẽ moãboerã Opũ ããrĩmi. Marĩ ããrĩpererã Ìgũrẽ moãboerã ããrã. Irasirigũ oparã ããrĩrãrẽ, ããrĩmerãdere sũrosũta Ìãmi marĩ ããrĩpererãrẽ.

Cristoyarã wãtĩrẽ tarinũgãrĩmarẽ gojadea

¹⁰ Musãrẽ ãsũ ãrĩ weretũnugũra. Musã, marĩ Opũyarã ããrĩsĩã, Ìgũ merã õãrõ ããrã. Irasirirã Ìgũya turari merã Ìgũrẽ gũñaturaka! ¹¹ Wãtĩ ãrĩgatori merã musãrẽ ñerõ iridoremakũ, Marĩpũ iritamurĩ merã Ìgũ ñerĩ ãrĩmesãrĩrẽ kãmutaka! Sugũ surara kãmutari kõme surĩro sãñadi irirosũ ããrĩka! ¹² Marĩrẽ Marĩpũ dorerire tarinũgãmakũ iriduarã, masak-
agora meta ããrĩma. Wãrã ñerã: ùmarõ marã, oparã, turarã, i ùmũma ñerĩrẽ iridorerã ããrĩma. Deyomarĩrã, masakare gũñarĩgue ñerõ iridorerã ããrĩma. ¹³ Irasirirã musã, surara Ìgũya kõme surĩro sãñadero pũrũ, Ìgũ merã gãmekẽãduarãrẽ kãmuta tarinũgãmasĩgũ irirosũ ããrĩka! Irasirirã, Marĩpũ iritamurĩ merã wãtĩrẽ kãmuta tarinũgãrãkoa. Ìgũrẽ tarinũgãrã, gũñaturarã dujarãkoa.

¹⁴ ãsũ irika, wãtĩrẽ tarinũgãmurã! Marĩpũya werenĩrĩ diayema ããrĩrĩrẽ õãrõ péduripĩka! Irasirirã musã surara Ìgũya surĩrore yũjũwẽñarĩda merã õãrõ yũjũwẽñadi irirosũ ããrĩrãkoa. Marĩpũ iritamurĩ merã diayema irika! Irasirirã musã surara Ìgũya koretibi kãmutari kõme surĩro sãñadi irirosũ ããrĩrãkoa. ¹⁵ Marĩpũ masakare siuñajãrĩ sĩburi kerere weregorenarã waamurã õãrõ ãmuyuka! Irasirirã musã surara sapatu sãñadero pũrũ, Ìgũ waaburire õãrõ ãmu ododi irirosũ ããrĩrãkoa. ¹⁶ I ããrĩpererire iri odo, gajidere irika, wãtĩrẽ tarinũgãmurã! Musã Cristore bũremurĩrẽ neõ piribirikõãka! Irasirirã musã surara Ìgũ kãmutari kõmeti opagũ, iriti merã gãrũyuku peame opari yukure kãmutagũ irirosũ ããrĩrãkoa. Irasirigũ wãtĩ musãrẽ bokatĩũbirikumi musã Cristore bũremumakũ Ìãgũ. ¹⁷ “Cristo marĩrẽ taugũkumi”, ãrĩ gũñanĩkõãka! Irasirirã musã surara Ìgũya dipurugue kõme pero peyarosũ ããrĩrãkoa. Gajidere irika! Marĩpũ werenĩrĩrẽ Õãgũ deyomarĩgũ musãrẽ masĩrĩ sĩrĩ merã wereka! Irasirirã musã surara Ìgũya sareri majĩ opagũ irirosũ ããrĩrãkoa. Iri merã wãtĩrẽ tarinũgãrãkoa.

¹⁸ Irasirirã ùmũrikũ Õãgũ deyomarĩgũ gããmerõsũta Marĩpũre sërẽnĩkõãka! Õãrõ gũñaka! Ìgũrẽ sërẽrĩrẽ neõ piribirikõãka! ããrĩpererã Ìgũyarãya ããrĩburidere sërẽbosanĩkõãka! ¹⁹ Yũdere Marĩpũre ãsũ ãrĩ sërẽbosaka! “Ìgũ weremakũ iritamuka, Ìgũ mũyare gũiro marĩrõ õãrõ wereburo, ãrĩgũ”, ãrĩ sërẽka! Irasirigũ Marĩpũ masakare Cristo merã tauburire yũ õãrõ weregũkoa Ìgũsã iripoegue masĩbirideare masĩburo, ãrĩgũ. ²⁰ Marĩpũ yũre iriumi Cristoya kerere weredoregũ. Yũ irire weredea waja peresugue ããrã. Irasirirã Marĩpũre: “Iroge ããrĩgũ, gũiro marĩrõ mũyare wereburo”, ãrĩ sërẽka!

Pablo, Efeso marãrẽ õãdoretũnudea

²¹ Tĩquico, marĩyagũ marĩ maĩgũ, yũ merã ããrĩmi. Ìgũ marĩ Opũyare õãrõ iritamunĩkõãmi. Musã pũroge ejagũ, yũ iririre musãrẽ weregũkumi. Irasirirã musã yũre: “Irasũta iriñumi”, ãrĩrãkoa. ²² Irasirirã gũa ããrĩrikũrere musãrẽ weredorerã Ìgũrẽ iriua. Ìgũ irire weregũ, musãrẽ usuyari merã ããrĩmakũ irigũkumi.

²³ Marĩpũ ããrĩnĩgũ, marĩ Opũ Jesucristo ããrĩpererãrẽ musãrẽ siuñajãmakũ iriburo. Musãrẽ Cristore bũremurĩ merã õãrõ gãme maĩmakũ iriburo. ²⁴ Marĩpũ ããrĩpererã marĩ Opũ Jesucristore maĩnĩrãrẽ õãrõ iriburo. Irasũta iriburo.

Iropãta ããrã.

Pablo

FILIPENSES

Pablo peresugue ããrĩgũ Filipos marãrẽ õãdoredea

¹ Yũ Pablo, Timoteo merã Jesucristore moãboerã ããrã. Irasirirã ããrĩpererãrẽ mũsãrẽ Filipos marãrẽ Jesucristore bũremurãrẽ õãdoredea. Mũsã oparãdere, ãgũsãrẽ iritamurãdere õãdoredea. ² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamu, siuñajãrĩ merã ããrĩrikũmakũ iriburo.

Pablo Marĩpũre Jesũre bũremurãya ããrĩburire sãrẽbosadea

³ Yũ mũsãrẽ gũñarikũ, Marĩpũre yũ Opũre usũyari sĩa. ⁴ Irasũ ããrĩmakũ, yũ mũsãya ããrĩburire sãrẽbosarikũ, Marĩpũre usũyari merã sãrẽa. ⁵ Mũsã neõgoragueta yũ Jesũya kerere weremakũ pé bũremunũgãdero pũgũ, yũre iritamunũgãbũ. Dapaguedere irasũta õãrõ iritamunĩkõãa. ⁶ Irasirigũ ire õãrõ masĩa. Marĩpũ mũsãrẽ õãrĩrẽ iridũamakũ irinũgãdi irasirigũ yãmi. Mũsãrẽ ãgũ irinũgãderosũta Jesucristo i ãmũgue dupaturi aarimakũgue iriyuwarikũgũkumi. ⁷ Yũ mũsãrẽ ããrĩpererãrẽ õãrõ gũñarĩ merã gũñamakũ õãgorãa. Mũsãrẽ bũro maĩa. Marĩpũ yũre iritamurõsũ mũsãdere iritamumi. Irasirirã, yũ oparãrẽ Jesũs masakare tauri kerere: “Diayeta ããrã”, ãrĩ weremakũ, mũsã yũre iritamubũ. Peresu yũ ããrĩmakũdere iritamubũ. Irasirirã marĩ suro merã Marĩpũ iritamurĩrẽ opãa. ⁸ Marĩpũ ire masĩmi. Jesucristo mũsãrẽ gũña maĩrõsũ yãde mũsãrẽ gũña maĩa. ⁹ Marĩpũre mũsãya ããrĩburire ãsũ ãrĩ sãrẽbosãa. “Gũapũ, ãgũsã mũyare õãrõ masĩrĩ merã õãrõ pãkũĩnũpeoburo, gajerãrẽ maĩdero nemorõ maĩnemoburo”, ãrĩ sãrẽbosãa. ¹⁰ Irire irasirirã: “Marĩpũ gããmerĩrẽ irirã, gajino nemorõ iririre irirã yãa”, ãrĩ, õãrĩrẽ beyemasĩrãkoa. Mũsã irire beyemasĩrã, Cristo i ãmũgue dupaturi aarimakũ, õãrĩrẽ irinĩnerã, waja opamerã ããrĩrãkoa. ¹¹ Jesucristo mũsãrẽ Marĩpũ gããmerĩ direta irimakũ irigũkumi. Irasirirã õãrĩrẽ irinĩnerã ããrĩrãkoa. Gajerã ãgũrẽ: “Marĩpũ õãtarigũ, turatarigũ ããrĩmi”, ãrĩ, bũremumakũ irirãkoa.

Pablo ãgũ Cristoyagũ ããrĩrĩrẽ gojadea

¹² Yaarã, ire mũsã masĩmakũ gããmea. Daporare yũ peresugue ããrĩkerekerepũ, Jesucristo masakare tauri kere gapũ pãnemosũa. ¹³ Irasirirã ããrĩpererã surara romano marã opũya wii korerã yũ Cristoyagũ ããrĩrĩ waja peresugue dobobiarire masĩperekõãma. ããrĩpererã gajerãde irire masĩma. ¹⁴ Yũ peresugue ããrĩkeregũ marĩ Opũ Jesũre gũñaturari merã bũremumakũ ããrã, wãrã marĩyarãde gũñaturari merã ãgũrẽ bũremunemoma. Irasũ bũremurã, gũiro marĩrõ Marĩpũya kerere gajerãrẽ werema.

¹⁵ Surãyeri Cristoyare buerã ããrĩkererã, yũre ããturima. Masakare yũ buerire tũyabirimakũ iridũama. Gajerã gapũ õãrõ gũñarĩ merã Cristoyare buema. ¹⁶⁻¹⁷ Jesucristo masakare tauri kerere: “Diaye ããrã”, ãrĩ wereburire Marĩpũ yũre pĩdeare õãrõ masĩma. Irasirirã yũre maĩrã Cristoyare buema. Gajerã gapũ yũre ããturirã, masakare ãgũsã gapũre tũyamakũ gããmerã ãgũsãde Cristoyare buema. Yũ peresugue ããrĩmakũ, ãgũsã yũre bũjaweremakũ iridũarã, irasũ yãma. ¹⁸ ãgũsã yũre maĩbirikerekerepũ õãrokoa. Óãrõ gũñarĩ marĩrõ Cristoyare buerekerekerepũ õãgorãa. Gajerã õãrõ gũñarĩ merã ãgũyare buemakũdere õãgorãa. ããrĩpererã ãgũsã Cristoyareta buerã yãma. Irasirigũ usũyãa. Irasũ usũyanĩkõãgũkoa.

¹⁹ Ire masĩa. Marĩpũre yaa ããrĩburire mũsã sãrẽbosadea merã, Jesucristo yũre Óãgũ deyomarĩgũ sĩdi iritamurĩ merã Marĩpũ yũre õãrõ tarimakũ irigũkumi. ²⁰ Marĩpũ iritamurĩ merã ãsũta irinĩkõãdũãa dapa. Yũ irideare gũyasĩrĩrõ marĩrõ gũñadũãa. Irasirigũ doyarõ marĩrõ yũ iriderosũta dapaguedere masaka Cristore: “Óãtarigũ, turatarigũ ããrĩmi”, ãrĩ bũremumakũ irinĩkõãdũãa. Boagũ, o okagũgora yũ boari merã, o yũ okari merã irasũta iridũakõa. ²¹ Yũ okaro bokatĩũrõ Cristoyare irinĩkõãgũkoa dapa. Boagũ, Cristo

puro ĩgũ merã ããrĩmakũ õãtarirokoa. Yũ okagũ ããrĩdero nemorõ ããrĩgũkoa. ²² Okagũ, marĩ Opũ Cristoyamarẽ irinemomasĩa. Irasirigũ: “Boamakũ, o okamakũ õãgorarokoa”, ãrĩmasĩbirikoa. ²³ “Yũ boadũakoa, o okadũakoa”, ãrĩ beyemakũ diasagorãa yũre. Irasũ ããrĩkerepũ, boadũakoa Cristo puro ĩgũ merã ããrĩbu. Irasirigũ: “Yũ boamakũ õãtarirokoa”, ãrĩ gũñãa. ²⁴ Irasũ ããrĩkerepũ: “Okagũ gapũ musãrẽ nemorõ iritamugũkoa, irasiriro gããmea”, ãrĩ gũñãa. ²⁵ Irire masĩgũ, musã merã yũ ããrĩburidere masĩa. Musã merã ããrĩgũ, musãrẽ iritamugũkoa Cristoyare bũremunemoburo, ãrĩgũ. Irasirirã bũremurĩ merã nemorõ usũyarãkoa. ²⁶ Yũ, musã pũro gũ ããrĩburidere musã merã dupaturi ããrĩmakũ, usũyarãkoa. Irasirirã, Jesucristo yũre iritamurĩrẽ masĩrã, ĩgũrẽ: “Turataria mũ”, ãrĩ, usũyari sĩrãkoa.

²⁷ I diretta irika! Cristoya bueri ãrĩrõsũta ããrĩrikũka! Gũñaturarã ããrĩka! Irasirirã gãme dukawariro marĩrõ ĩgũ masakare tauri kerere suro gũñarĩ merã bueka, gajerã ĩgũrẽ bũremuburo, ãrĩrã! Yũ musã puro ĩãgũ waabirimakũ, o yũ ĩãgũ waamakũdere musã irasirimakũ gããmea. Musã suro gũñarĩ merã õãrõ ããrĩrikũmakũ pẽduãa. ²⁸ Musãrẽ ĩãturirãrẽ neõ gũibirikõãka! Musã gũibirimakũ ĩãrã, musã Marĩpũyarã ããrĩrĩrẽ masĩrãkuma. Irasirirã, Marĩpũ ĩgũsãrẽ peamegue beoburire, ĩgũ musãrẽ tauburidere masĩrãkuma. Marĩpũ masakare ãsũta irire masĩmakũ yãmi. ²⁹ Marĩpũta musãrẽ Cristore bũremudoregũ pĩdi ããrĩmĩ. Irasũ ããrĩmakũ: “Cristoyare musã wereri waja ñerõ tarirãkoa”, ãrĩ pĩdi ããrĩmĩ. ³⁰ Irasirirã marĩ Cristoyarã ããrĩrĩ waja gajerã marĩrẽ ñerõ yãma. Musã merã yũ ããrĩmakũ, yũre ĩgũsã ñerõ irasirimakũ ĩãbũ. Daporadere ĩgũsã yũre irasiririre pẽkoa musã.

2

Cristo i ãmũgue marĩ irirosũ dupũkũgũ ããrĩpererã Opũ ããrĩrĩmarẽ gojadea

¹ Cristo musãrẽ ĩgũyarãrẽ gũñaturamakũ yãmi. ĩgũ musãrẽ maĩgũ õãrõ yũpũrãkũri merã usũyamakũ yãmi. Oãgũ deyomarĩgũ musã merã ããrĩmĩ. Marĩpũ ĩgũ musãrẽ maĩrĩrẽ, ĩgũ musãrẽ bopoñarĩ merã ĩãrĩrẽ masĩmakũ yãmi. ² Irasirirã yũre usũyari opatarimakũ irika! Sũrosũ gũñarĩ merã õãrõ ããrĩrikũka! Sũrosũ gãme maĩka! Sũrosũ õãrõ yũpũrãkũri merã õãrõ ããrĩka! ³ Musãyama directa gũñarĩkũri marĩrõ: “Gajerã nemorõ ããrã”, ãrĩ gũñarĩ marĩrõ masakare õãrõ irika! Gajerã gapũre: “Ĩgũsã nemorõ ããrĩbea”, ãrĩ gũñaka! Bũremurĩ merã ĩgũsãrẽ: “Gũa nemorõ õãrã ããrĩma”, ãrĩ gũñaka! ⁴ Musãya ããrĩburi directa gũñabirikõãka! Gajerãya ããrĩburidere gũñaka! Gãme iritamuka!

⁵ Jesucristo ĩgũyamarẽ gũñaderosũta musãde musãyamarẽ gũñaka! ⁶ ĩgũ Marĩpũ ããrĩrikũrĩre opakeregũ, i ãmũgue aarigũ, Marĩpũre: “Yũ ãmũgasigue ããrĩrikũrĩre piribirikoa”, ãrĩbiridi ããrĩmĩ. ⁷ Irasirigũ ĩgũ Opũ ããrĩrĩrẽ piri, i ãmũgue aarigũ marĩ irirosũ dupũkũgũ deyoa, moãrĩmasũ irirosũ ããrĩdi ããrĩmĩ. ⁸ Irasirigũ marĩ irirosũ dupũkũgũ ubu ããrĩgũ irirosũ waadi ããrĩmĩ. ĩgũ Pagũ ĩgũrẽ masakare boabosabu iriudeare masĩgũ, ĩgũ Pagũre yũpũgũ tarinũgãbiridi ããrĩmĩ. Curusague gũyasĩũrõ boakeregũ, ĩgũ Pagũre tarinũgãbiridi ããrĩmĩ. ⁹ ĩgũ irasirimakũ, Marĩpũ ĩgũrẽ: “Ããrĩpererã Opũ ããrĩbure sóobũ, ĩgũ wãĩ yũ ĩgũrẽ sĩdea wãĩ, ããrĩpererã gajerã wãĩ nemorõ ããrã”, ãrĩ pĩdi ããrĩmĩ. ¹⁰ Irasirirã ããrĩpererã ãmũgasi marã, i nikũ marã, boanerã ããrĩrõgue ããrĩrãde Jesús wãĩrẽ pẽrã, ñadũkũpuri merã ejamejã, ĩgũrẽ bũremurãkuma. ¹¹ ĩgũsã ããrĩpererã: “Jesucristo marĩ Opũ ããrĩmĩ”, ãrĩrãkuma. Irasirirã Marĩpũre bũremurãkuma.

Jesucristore bũremurã ĩgũyare iriro gããmea, ãrĩ gojadea

¹² Irasirirã yũ maĩrã, musã merã yũ ããrĩmakũ, musã Marĩpũ dorerire iriderosũta daporadere yũ yoarogue ããrĩmakũdere irire õãrõ irika! Marĩpũ musãrẽ peamegue waabonerãrẽ taudi ããrĩmĩ. Irasirirã, ĩgũ tausũnerã ããrĩsĩã: “Gajerã nemorõ ããrã”, ãrĩ gũñarõ marĩrõ gopeyari merã ĩgũyare irinĩkõãka! ¹³ ãsũ ããrã. Marĩpũ musãrẽ ĩgũ gããmerĩrẽ iridũamakũ yãmi. Irasũ ããrĩmakũ, musãrẽ iritamunĩkõãmi, ĩgũ gããmerõsũta iriburo, ãrĩgũ. Irasirirã, ĩgũ: “Ãsũ irika!” ãrĩderosũta irimasĩa.

14 Āārīpererire gajerārē guaseoro marĩrõ usuyari merã irika! 15 Mũsã Marĩpũ pũrã irasirirã, waja opamerã, ñerĩrē irimerã āārĩrãkoa. I ũmũ marã ñerã, Marĩpũya diayemarē irimerã watopegue mũsã āārã. Īgũsã ñerã i ũmũ marã naĩtĩārõgue āārĩrã irirosũ āārĩma. Īgũsã watopegue mũsã Marĩpũyare irirã, neñukã naĩtĩārõgue boyorosũ irirã yãa. Īgũsãrē mũsã Marĩpũyarã āārĩrĩrē masĩmakũ yãa. 16 Irasirirã Cristore bũremurã Marĩpũ merã perebiri okari opaburire Īgũsãrē wererã yãa. Yũ, mũsã irire weremakũ ĩãgũ: “Mũsãrē buegũ, ubugorata buebirikuyo”, ārĩ masĩgũkoa. Cristo i ũmũgue dupaturi aarimakũ, mũsã merã usuyagũkoa. 17 Yũ mũsãrē Cristoyare bueri waja yũre Īgũsã wẽjẽduakerepũũ, usuyãa. Cristore mũsã bũremuturamakũ, ĩgũyare irimakũ ĩãgũ, Marĩpũ, mũsã ĩgũrē gajinorē sĩrĩ merã usuyarosũ mũsã merã usuyami. Irasirigũ yũde mũsã merã usuyãa. 18 Mũsãde yũre usuyatamuka!

Pablo Timoteoyamarē, Epafroditoyamarē weredea

19 Marĩ Opũ Jesús gããmemakũ, mata Timoteore mũsã pũroguere iriugũra mũsã āārĩrikũrere masĩbu. Mũsã õãrõ āārĩrĩ kerere pẽgũgueta usuyagũkoa. 20 Timoteo yũ irirosũta mũsã õãrõ āārĩburire bũro gũñami. Gajigũ ĩgũ irirosũ mũsã õãrõ āārĩburire gũñagũ mámi. 21 Gajerã gapũ ĩgũsã āārĩburi direta gũñarikũma. Jesucristo gããmerĩ gapũre gũñabema. 22 Mũsã, Timoteo õãrõ irinĩrĩrē masĩa. Sugũ, pagũ merã moãgũ irirosũ ĩgũ yũ merã Jesucristoya kerere weretamumi. 23 Irasirigũ: “Yũre waaburire õãrõ masĩadero pũũ, ĩgũrē mũsã pũroguere iriugũra”, ārĩ gũñãa. 24 ĩgũrē iriudũakeregũ: “Marĩ Opũ Jesús yũdere iriugũkumi, irasirigũ mata mũsã pũroguere waagũkoa”, ārĩ gũñãa.

25 Idere ārĩ gũñãa: “Epafroditodere mũsã pũroguere iriugũra”, ārĩ gũñãa. Mũsã ĩgũrē yũre iritamudorerã, yũ pũroguere iriunerã āārĩbũ. ĩgũ, yaagũ yũ merã moãgũ, Marĩpũyare yũre weretamugũ āārĩmi. 26 ĩgũ mũsãrē āārĩpererãrē bũro ĩãduami. ĩgũ pũrĩrikũdeare mũsã masĩmakũ pẽgũ: “Īgũsã yũre gũña, bũjawerekuma”, ārĩ gũñarikũmi. 27 Diayeta āārã. ĩgũ bũro pũrĩrikũmi. Mẽrõgã boaboyatarimi. ĩgũ irasũ pũrĩrikũkerepũũ, Marĩpũ ĩgũrē bopoña, tarimakũ irimi. Yũdere: “Īgũ boamakũ bũro bũjawerebokumi”, ārĩgũ, Marĩpũ bopoñarĩ merã ĩãmi. Irasirigũ ĩgũrē tarimakũ irimi. 28 Irasirigũ, ĩgũrē ĩã, usuya, gũñaturaburo, ārĩgũ, mũsã pũroguere dupaturi bũro iridũari merã iriua. Mũsã usuyari kerere pẽgũ, yũde usuyagũkoa. 29 ĩgũ mũsã pũro ejamakũ, ĩgũrē marĩ Opũ Jesũyagũre õãrõ usuyari merã bokatĩrĩñeãka! Gajerãrē ĩgũ irirosũ āārĩrãrē bũremurĩ merã ĩãka! 30 ĩgũ Cristoyare iridũagũ boakõãdimi. Mũsã yũre iritamumasĩbirire iridũagũ, irasũ waami. Irasirirã ĩgũrē õãrõ bokatĩrĩñeãka!

3

Pablo: “Āsũ āārĩrikũka!” ārĩ gojadea

1 Yaarã, daporare mũsã marĩ Opũyarã āārĩsĩã, usuyaka! Yũ iro dupuyuroguere mũsãrē gojãdeare dupaturi mũsãrē gojamakũ õãgorãa, ārĩ gũñãa. Ire dupaturi gojanemogũ, mũsãrē iritamugũ yãa. 2 Ñerõ irirãrē pẽmasĩka! ĩgũsã ñerã keoro buemerã āārĩma. Āārĩpererãrē ĩgũsãya dupũma gasirogãrē wiiridorema. 3 Irasũ wiiridorerã: “Iri merã Marĩpũre bũremusĩã, peamegue waabirikoa”, ārĩ gũñadima. Marĩ gapũ Īãgũ deyomarĩgũ iritamurĩ merã diayeta Marĩpũre bũremua. “Marĩ Jesucristoyarã āārĩsĩã, peamegue waabirikoa”, ārĩ usuyãa. 4 Irasũ āārĩkerepũũ, yaamarē ĩgũsã irirosũ ārĩduagũ, ĩgũsãrē tarinũgãkõãbokuyo. Gajerã ãsũta ārĩ tarinũgãkõãduama. Yũ gapũ ĩgũsã nemorõ ārĩmasĩa. 5 Āsũ ārã yũre. Su mojõma pere gaji mojõ ureru pẽrẽbejanurĩ waaró merã yũ deyoadero pũũ, yaa dupũma gasirogãrē wiirinerã āārĩmã. Yũ Israemũ, Benjamĩya bumũ āārã. Yũ pagũsãmarãde hebreo masaka āārĩnerã āārĩmã. Irasirigũ hebreo masakũta āārã. Moisés dorerire iripeodũagũ fariseo bumũ āārĩbũ. 6 Iri dorerire tarinũgãrõ marĩrõ iriunabũ. Neõ sugũ yũre: “Iri dorerire keoro iribemi”, ārĩmasĩbirimi. Irasirigũ Jesũre bũremurã

gapure: “Moisés dorerire b̄remubema”, ā̄rī gũña, ĩgũsārē ñerō iriunabu. ⁷ Iripoeguere: “Ȳu ā̄rīrik̄urire ōāgorāa”, ā̄rī gũñaunadibu. Daporare: “Jesucristore b̄remusiā, ā̄rīpereri ȳu iripoegue iriunadeama wajamāa”, ā̄rī gũñāa.

⁸ Jesucristore ȳu Op̄ure ȳu masĩmakū ōātaria. “Gajino ā̄rīpereri gapu wajamāa”, ā̄rī gũñāa. Irasirigu, masaka gajino gāamebirire béorosū iri ā̄rīpereri ȳu iriunadeare béobu. Cristore ōārō masĩbu, ĩgũyagu ā̄rību irasiribu. ⁹ Jesucristo ȳu merā ā̄rīnĩmakū gāamea. Marĩpu ĩgũ Moisére doreri pídeare ȳu iridea merā ȳure: “Waja opabi, ōāgũ ā̄rĩmi”, ā̄rī ĩābemi. Jesucristo gapure ȳu b̄remumakū: “Waja opabi, ōāgũ ā̄rĩmi”, ā̄rī ĩāmi. Marĩ ĩgũrē b̄remumakū, Marĩpu marĩrē waja opamerā ōārā ā̄rĩmakū yāmi. ¹⁰ Irasirigu Cristore ōārō masĩduakoa. Cristo ñerō tarikeregu, Marĩpu gāamerĩrē iridi ā̄rĩmĩ. Irasirigu curusague boadi ā̄rĩmĩ. ĩgũ iriderosũta yude ñerō tarikeregu, Marĩpu gāamerĩrē iridũakoa. Boagugue irire iridũakoa. Marĩpu ĩgũ turari merā Cristo boadiguere masũdi ā̄rĩmĩ. Irasirigu iri turari merā Marĩpu gāamerĩrē iridũakoa. ¹¹ “Marĩpu ĩgũ boanerārē masũrĩnu ejamakū, Cristore masũderosũta, yudere masũgukumi”, ā̄rī gũñāa. Yure irasirimakū buro gāamea.

¹² I ā̄rīpereri irasũ ā̄rĩgũ: “Cristo irirosũ Marĩpu gāamerĩrē iripeosiāa”, ā̄rĩgũ meta yāa. Ȳu irasiribirikereper̄u, Cristo yure ĩgũyagu ā̄rĩmakū irisiadi ā̄rĩmĩ. Irasirigu ĩgũ irirosũ ā̄rĩduagu turaro merā ĩgũyare yāa. ¹³ Yaarā, ȳu m̄sārē irasũ ā̄rĩgũ: “Cristo irirosũ ā̄rĩgũ ĩgũyare iripeosiāa”, ā̄rĩgũ meta yāa. Āsũ gapu ā̄rĩgũ yāa. Ȳu iripoegue iriunadeare gũñabea. “Ȳu Op̄u, ĩnaāsũ irimakū gāamerĩ yure?” ā̄rĩgũ, buro ĩgũyare iritayāa. ¹⁴ Ūma birarimasũ ejapurorigu wajatadũarosũ ĩgũyare buro iripeodũāa. Marĩpu ĩgũ gāamerĩ direta iriburo, ā̄rĩgũ, yure Jesucristoyagure ūmugasigue ĩgũ merā ā̄rĩdoregu siudi ā̄rĩmĩ. Irasirigu irire buro iridũagu Cristoyare turaro merā yāa.

¹⁵ Ā̄rīpererā Cristore ōārō b̄remurā ȳu ā̄rĩrōsũta gũñarō gāamea. M̄sā ȳu were-deare péduabirimakū, gajerosũ m̄sā gũñamakū, Marĩpu m̄sārē diaye gũñamakū iritamugukumi. ¹⁶ Irasirirā Cristoyare marĩ iritayaderosũta ōārō gũña, iritayarā!

¹⁷ Yaarā, m̄sā ā̄rīpererā ȳu iririkurire ĩākũĩt̄yaka! Gajerā ḡua irirosũ irirārē ĩgũsā iriridere ĩākũĩka! ¹⁸ Ȳu m̄sārē wāri gajerā ñerō iririre weresiabu. Daporadere oreri merā ĩgũsārēta werea m̄sārē doja. ĩgũsā ñerō iriri merā: “Cristo, marĩ ñerō iridea waja curusague boabosadi ā̄rĩmĩ”, ā̄rī buerire b̄remumerā ā̄rĩma. ¹⁹ ĩgũsā p̄r̄yaguere peamegue waadedirirākuma. Marĩp̄ure b̄remumerā ĩgũsā ūaribejari direta irirā yāma. Ḡyasĩrĩrō marĩrō: “Marĩ iriri ōārĩ ā̄rā”, ā̄rĩtarinugāma. I ūm̄ma direta gũñama. ²⁰ Marĩ gapure marĩya makā ūmugasigue ā̄rā. Irogue merāta marĩrē taugu marĩ Op̄u Jesucristo dupaturi aarigukumi. Irasirirā ĩgũ aariburire ūsuyari merā yūrā yāa. ²¹ Marĩrē ĩgũ turari merā marĩya dupure ubu ā̄rĩrĩ dupure ĩgũya dupu irirosũ ōārĩ ūmugasima dupu gorawayugukumi. Iri turari merā ā̄rīpererārē, ā̄rīpererire doregukumi.

4

Marĩ Op̄u Jesucristo merā ūs̄yanĩkōāka! ā̄rĩ gojadea

¹ Irasirirā yaarā ȳu maĩrā, buro ȳu gũñarā, yure ūs̄yamakū irirā, neō piriro marĩrō gũñaturari merā marĩ Op̄ure b̄remunĩkōāka!

² Evodiare, Síntiquere ire weregura: “M̄sā Jesúyarā nome ā̄rā. Irasirirā m̄sā gāme guaseorire piri, ōārō s̄rosũ gũñarĩ merā ā̄rīrik̄uka!” ³ Ȳu merām̄, m̄dere ȳu merā ōārō moāgũrē weregura: “ĩgũsā nomerē iritamuka!” Ȳu, Clemente merā, gajerā ȳu wapikurā merā Jesús masakare tauri kerere weremakū, ĩgũsā nome ḡuare ōārō iritamuma. ĩgũsā wāirē, Marĩpu merā perebiri okari opamurā wāirē gojatúri p̄gue gojatúsũnerā ā̄rĩma.

⁴ M̄sā marĩ Op̄uyarā ā̄rĩsĩā, ĩgũ merā ūs̄yanĩkōāka! Dupaturi werenemogura doja. Piriro marĩrō ūs̄yanĩkōāka! ⁵ M̄sā gajerārē bopoñarĩ merā ōārō iritamurĩrē ā̄rīpererā masaka ĩāmasĩburo. Marĩ Op̄u Jesucristo i ūmugue dupaturi aariburo mérō d̄yāa.

⁶ Musārē gajerosū waaríre bujawereri merā gūñarikubirikōāka! Āsū gapu irika! Āārīpereri musārē waaríre Marīpure werepeokōāka! Musā gāāmerīrē ĩgūrē sērēka! ĩgūrē sērērā: “Ōāa”, ārī, usuyari sīka! ⁷ Musā irasirimakū, Marīpu musārē siuñajārī merā āārīrikumakū irigukumi. ĩgū irasū iriri ōātaria. Marī irire neō pémasīpeobirikoa. Marī Jesucristoyarā āārīmakū, Marīpu ĩgū siuñajārī sīrī merā marīrē ōārō yujupūrākumakū irigukumi. Irasū āārīmakū, marī gūñarīguere ōārī gūñamakū irigukumi.

Ōārī direta gūñarō gāāmea, ārī gojadea

⁸ Yaarā, musārē ire weretūnugura. Āārīpereri diayema āārīrīrē, Marīpure goepeyari merā buremurīrē, diayemarē iririre, ōārīrē, Marīpu: “Ōārī āārā”, ārī ĩārīrē, ĩgū ĩūrō keoro iririre, ĩgūrē: “Mu iriri, ōātari āārā”, ārī, usuyari sīrīrē gūñaka! I āārīpererire gūñaka irire irimurā!

⁹ Yu musā merā āārīgū, musārē yu buederosūta, yu werederosūta, yu iriderosūta irinīkōāka! Musā irasirimakū, Marīpu musārē siuñajārī merā āārīrikumakū irigu musā merā āārīgukumi.

Filipo marā Pablore iritamudea

¹⁰ Musā yoadero purugue dupaturi yure gūñarā, musā iritamurīrē buro usuyagu, marī Opu Jesucristore: “Ōāa”, ārī, usuyari sīa. “Musā yure kātiakōābu”, ārīgū meta yāa. Musā yure iritamudhakerepuru, iritamumasīña marību. ¹¹ Musārē irasū ārīgū: “Gajino yu gāāmerīrē opabea”, ārīgū meta yāa. Yu opari merā usuyamasīa. ¹² Gajinorē opabide, wári opagude ōārō usuyari merā āārīmasīa. Noó waaró ōārō usuyari merā āārīmasīa. Ūboagude, yapigude, wári opatarigude, opabide usuyamasīa. ¹³ Cristo yure turamakū irigu merā āārīpererire yu irasū waaríre bokatīumasīa. ¹⁴ Yu irasū āārīkerepuru, yu ñerō tariripoe musā yure iritamurā, ōārō iribu.

¹⁵ Musā Filipino marā ire masīa. Yu Macedonia nikū musāya nikū āārīdi Jesús masakare tauri kerere weregu waagorenanugāmakū, musā dita yure iritamubu. Musārē yu Jesúyare buemakū, usuyari merā pébu. Irasirirā yure iritamubu. ¹⁶ Musā, yu Tesalónicague āārīmakū, yure iritamunabu. Irasirirā gajino yu gāāmerīrē iriunabu. ¹⁷ Yu musārē gajino sīuro dita gāāmegū meta yāa. Marīpu ĩūrō gajerārē musā iritamudea merā nemorō ĩgūya ōārī opanemomakū gāāmea. Musā irasū iritamumakū, Marīpu musārē ōārō iritamugukumi. ¹⁸ Musā yure yu gāāmerī āārīpereri sību. Musā Epafrodito merā yure iriudero puru, nemorō yu gāāmerī āārīpererire opāa. Musā yure sīdea, Marīpure sīdea irirosū āārā. Musā irasiriri merā Marīpure ōārō usuyamakū yāa. ¹⁹ Marīpu yu Opu āārīpereri musā gāāmerīnorē musārē sīgukumi. ĩgū wári ōārī oparire Jesucristo merā musārē sīgukumi. ĩgū musārē sīburi ōātaria. ²⁰ Ūmariku piriro marīrō marī Opu Marīpure usuyari sīnīrā! Irasūta irirā!

Pablo ōādoretūnudea

²¹ Āārīpererā Marīpureyarā Jesucristore buremurā ōāburo. Marīyarā Jesúre buremurā yu merā āārīrā musārē ōādorema. ²² Āārīpererā ōō marā Marīpureyarā musārē ōādorema. Marīpureyarā romano marā opuya wii āārīrāde buro ōādorema.

²³ Marī Opu Jesucristo musā āārīpererārē ōārō iritamuburo.

Iropāta āārā.

Pablo

COLOSENSES

Pablo Colosas marĩrẽ õãdoredea

¹ Yũ Pablo, marĩyagũ Timoteo merã musãrẽ õãdorea. Marĩpũ gããmederosũta Jesucristo yũre ìgũyare buedoregũ pími. ² Irasirigũ musãrẽ Colosas marãrẽ Marĩpũyarãrẽ Jesúre gũñaturari merã bũremurãrẽ gojáa. Marĩpũ ããrĩnìgũ musãrẽ iritamũ, siuñajãrĩ merã ããrĩrikũmakũ iriburo.

Pablo Jesúre bũremurãya ããrĩburire Marĩpũre sërẽbosadea

³ Marĩpũre marĩ Opũ Jesucristo Pagũre musãya ããrĩburire sërẽbosarikũ usũyari sĩa. ⁴ Gũa, musã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pébũ. ⁵ Iripoegue musã Jesucristo masakare taurĩ kerere õãrõ péduripíbũ. I diayema kerere pérã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ìgũ merã õãrõ ããrĩmakũ irigũkumi”, ãrĩ masĩbũ. Irasirirã Jesúre bũremurã, gajerãrẽ Marĩpũyarãrẽ maĩa. ⁶ ããrĩpererogue Jesúya kerere weremakũ pérã, gajerãde musã iriderosũta Jesúre bũremunũgãma. Irasirirã ìgũyare irinũgãma. Musã iri kerere pépũrorirãgueta: “Marĩpũ marĩrẽ maĩsĩã, Jesús merã marĩrẽ taugũkumi”, ãrĩ masĩbũ. Irasirirã: “Iri kere diayeta ããrã”, ãrĩ masĩa. ⁷ Gũa maĩgũ Epafras musãrẽ iri kerere weremi. Ìgũ, gũare moãtamugũ, Cristore moãboegu, ìgũyamarẽ musãrẽ weregu ããrĩmi. Iri moãrĩrẽ neõ piribemi. ⁸ Ìgũta gũare musã gajerã Jesúyarãrẽ Õãgũ deyomarĩgũ iritamurĩ merã maĩrĩ kerere weremi.

⁹ Irasirirã Epafras musãya kerere gũare weredeanũ merãta Marĩpũre musãya ããrĩburire sërẽbosanerã, inũguedere ãsũ ãrĩ sërẽbosanĩkõãa: “Gũapũ, ìgũsãrẽ Õãgũ deyomarĩgũ mũ gããmerĩrẽ masĩpeomakũ iriburo, mũyare pémasĩpeomakũ iriburo”, ãrĩ sërẽbosãa. ¹⁰ Marĩpũre musã marĩ Opũ Cristoyarã ããrĩsĩã, ìgũ gããmerõsũta õãrõ irinĩburire sërẽbosãa. Ìgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Musã irasirimakũ ìãgũ, usũyagũkumi. ¹¹ Marĩpũre turatarigũre ìgũ turari merã musã õãrõ yũpũrãkũturarã ããrĩburidere sërẽbosãa. Irasirirã, ñerõ tarikererã, ããrĩpereri musãrẽ waaburire gũñaturari merã, usũyari merã ããrĩrikũrãkoa. ¹² Marĩpũ marĩrẽ ìgũyarã ããrĩmakũ iridi ããrĩmĩ. Irasirigũ ìgũyarãrẽ: “Yũ gosewasiriri ããrĩrõgue ãsũ sĩgũra”, ãrĩdeare marĩrẽ opamurã ããrĩmakũ iridi ããrĩmĩ. Irasirirã, musã Marĩpũre: “Mũ gũare irasiriburi, õãtaria”, ãrĩ, usũyari sĩburidere ìgũrẽ sërẽa. ¹³ Ìgũta marĩrẽ naĩtĩãrõgue ããrĩrã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãaburo, ãrĩgũ. Ìgũ magũrẽ ìgũ maĩgũrẽ marĩ Opũ ããrĩburo, ãrĩgũ, irasiridi ããrĩmĩ. ¹⁴ Ìgũ magũ boari merã marĩ ñerõ iridea wajare taudi ããrĩmĩ. Irasirigũ marĩ ñerĩ irideare kãtidi ããrĩmĩ.

Cristo boagũ, marĩrẽ Marĩpũ merã siuñajãrĩ bokamakũ iridea

¹⁵ Marĩpũre ìãña máa. Cristo ìgũ magũ, ìgũ Pagũ ããrĩrikũrere ìmudi ããrĩmĩ masakare. Ìgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigũ ããrĩpererã Marĩpũ irinerã nemorõ Opũ ããrĩmĩ. ¹⁶ Cristo merã Marĩpũ ããrĩpererã ãmũgasigue, i nikũgue ããrĩrã, marĩ ìãrãrẽ, marĩ ìãmerãdere iridi ããrĩmĩ. Gaji marĩ ìãrĩrẽ, marĩ ìãbiridere iridi ããrĩmĩ. Oparãrẽ, dorerãrẽ, turarãrẽ, ãmũgasigue ããrĩrãrẽ, i nikũgue ããrĩrãdere ããrĩpererãrẽ iridi ããrĩmĩ. Irasiriro ããrĩpererã, ããrĩpereri ìgũ iridea ããrã. Irire irigũ: “Yũ magũya ããrã”, ãrĩdi ããrĩmĩ. ¹⁷ Cristo ããrĩpererã, ããrĩpereri dupuyuro ããrĩsiadi ããrĩmĩ. Irasirigũ ìgũ turari merã ããrĩpererãrẽ, ããrĩpereridere i ãmũguere ìgũ gããmerõsũta keoro ããrĩmakũ irinĩmĩ. ¹⁸ Marĩ ìgũrẽ bũremurĩ bumarã, ìgũyarã ããrĩsĩã, ìgũya dupũ irirosũ ããrã. Irasirigũ marĩ dipuru, marĩ Opũ ããrĩmĩ. Ìgũ boadero pũrũ, marĩ ããrĩpererã dupuyuro ãmũgasigue masã mũrĩapũroridi ããrĩmĩ ããrĩpererere, ããrĩpererãrẽ dorebu.

19 Marĩpu ĩgũ gããmederosũta ĩgũrẽ ասũ արիւմի ասիմի: “Կս մագս, կս արիւսũտա ասիւբւրո”, արիւմի ասիմի. Իրասիրիցս Կրիստո ասիւբերերի Մարĩպս ասիւրիկարիւրե օքամի. 20 Մարĩպս ասիւբերերի ի սմսմարե, ասիւբերերա ի սմսցւե ասիւրադերե ĩգս մերա օարօ ասիւմակս գաամեցս, Կրիստո արիւմի ասիմի. ĩգս գաամեդերոսũտա Կրիստո արիւսացւե քօքս ճի քերի մերա սմսցասի մարաօ, ի նիկս մարադերե: “Կս մերա օարօ ասիւբւրո”, արիւցս, արիւրիւմի ասիմի.

21 Իրիքօցւե մսսադե ներիւրե արիւրիկսիա, Մարĩպս մերա օարօ ասիւբիրի, ĩգսրե իատուրի, ներօ ցսնսաներա ասիւբս. 22 Մսսա արիւսս ասիւրիքերքս, Մարĩպս, Կրիստո քօքսա մերա մսսարե ĩգս մերա օարօ ասիւմակս արիւմի ասիմի. Կրիստո, մարի արիւսսս ճքսքսցս ներօ տարի, քօքսի ասիմի. Իրասիրիցս Կրիստո քօքսա մերա Մարĩպս մսսարե ĩգս քսրօցւե ĩգսյարա օարա, աա օքամերա ասիւբիրիւրե սմսսի ասիմի. 23 Մսսա քսրիւրօ մարիւրօ ցսնստարարի մերա Կրիստո քսրեմսսմակս, ĩգս մսսարե տարի քերերե կատիբիրիմակս, Մարĩպս մսսարե ĩգս քսրօցւե ĩգս մերա ասիւմակս արիւցսքսսմի. Իրի քերերե մսսա քեդերե ասիւբերերօ ի սմս մարա քեքերեքօսա. Կս Քաբլոդե արի քերերե աերետացստա ասիւրա.

Մարĩպս Քաբլօրե Եսսսրե քսրեմսսրաօրե արիտսսսդերեա

24 Կրիստո մարի ĩգսյարա ասիւբիրիւրե արիւսացւե քօքս, քսրօ ներօ տարիւմի ասիմի. Մարի Կրիստո քսրեմսսրի քսրա, ĩգսյարատա ասիւրիսիա, ĩգսյարա ճքս արիւսսս ասիւրա. Իրասիրիա ĩգսյարա ասիւրի աա ներօ տարի. Մարի ներօ տարիւրօ ճքսյա ճաքս. Իրասիրիցս կսդե ĩգսրե քսրեմսսրաօրե արիտսսսցս, ներօ տարի. Մերօ տարիքերցս, սսսյա. Քսրացւե մարի ներօ տարի քերերօքս. 25 Մարĩպս կսրե Եսսսրե քսրեմսսրաօրե արիտսսսքս, մսսյա ասիւբիրիւրե ĩգսյարա քերերե մսսարե աերեքսքս քսիմի. 26 Իրիքօցւերե աարի քսրի մարաօ արի քերերե մասիքսքսմակս արիբիրիւնաճի ասիմի. ճաքսա մարաօրե ĩգսյարաօրե արիւրե օարօ մասիքսքսմակս կսմի. 27 Իրասիրիցս արի քերերե արիքօցւե մարա մասիբիրեդերե մսսա յճիօ մասակա ասիւրեադերե մասիմակս գաամեմի. Իրի քերե ասս արա: “Կրիստո ĩգսյարացւերե ասիւրիմի. Իրասիրիա սմսցասիցւե ĩգս օատարիւրօ ասիւրիօցւե ĩգս մերա ասիւրիաքսսմա”.

28 Կս Կրիստօյարաօրեա աերեա. Գսրիքերերաօրե ĩգսյարե քեմասիճօրերա, ասիւբերերի Մարĩպս ցսարե մասիւրի սիւրի մերա քսա. ĩգս գաամերօսստա արիճօրերա, ĩգս մերա օարօ ասիւբւրօ, արիւրա, աերեա. 29 Իրիտա ասիւրա կս մօարի. Կրիստո տարարի սիճօրօ քօքստիւրօ մասակարե ĩգսյարե քսա, ĩգսսյա ասիւբիրիւրե Մարĩքսրե սերեքսսա.

2

1 Իրե մսսա մասիմակս գաամեա. Մսսյա ասիւբիրիւրե, Լաճիքսա մարայա ասիւբիրիւրե, ասիւբերերա կսրե իաերայա ասիւբիրիւրե քսրօ ցսնս, Մարĩքսրե սերեքսսա. 2 Գսսս արի սերեա Մարĩքսրե: “Կսարս, ĩգսսարե օարօ կսքսքսրիւրիւրակսմակս արիկա! օարօ գաե մարի մերա ասիւրիւրակսմակս արիկա! ĩգսսարե մս մագսյարաօրե օարօ քեմասիմակս արիկա! Մս մագսյարաօրե քեմասիւրա, ցսնստարարի մերա ասիւրիկարիւրակսսմա. Իրիքօցւե մարա մասիբիրեդերե օարօ մասիւրիւրակսսմա”, արի սերեքսսա. 3 Կրիստո ճիտա ասիւբերերիւրե օարօ մասիցս, օարօ քեմասիցս ասիւրիմի. ĩգս ճիտա մարիւրե ĩգսյարաօրե մասիմակս արիցս ասիմի. Իրիւրե մասիւրա, օատարիւրե մասի. 4 Գաքերա մսսարե օարօ քեսսյարի աերնիւրի մերա արիգատօքսսմա, արիւցս, արիւրե աերեա. 5 Կս մսսա ատօքսցւե ասիւբիրիկերցս, մսսա մերա ասիւրիցս արիւրսս քենսա. Մսսարե քսրօ ցսնսա. Մսսա Կրիստո ցսնստարարի մերա օարօ քսրեմսսրիւրե մսսա օարօ ասիւրիկարիւրե քեքս, սսսյա.

6 Իրասիրիա մարի Օքս Եսսսրիստօրե քսրեմսսրա ĩգսրե մսսա քսրեմսսսգաճերօսստա: “Կսրե արիտսսսքսսմի”, արի քսրեմսսսնի, սմսրիկս ĩգս մերա օարօ ասիւրիւրիւրակս! 7 ĩգսրե օարօ մասիւրա, ĩգսյարե արիւրա ասիւրիկա! Գաքերա մսսարե քսճերօսստա քսրիւրօ մարիւրօ ցսնստարարի մերա ĩգսրե քսրեմսսսնեմօքս! Սմսրիկս Մարĩքսրե: “օսա”, արի, սսսյարի սիկա!

Եսսսրե քսրեմսսրա Մարĩպս մերա օարօ ասիւրիւրակսրե ցօքսա

8 օարօ քեմասիկա! Մասակա ĩգսսա գաամերօ քսրիւրե, ĩգսսա արիգատարիւրե քեբիրիւրիւրակս! ĩգսսա արիքօցւե մարա ասիւրիւրեդերե, ĩգսսա քսս ի սմսմարե ĩգսսա ցսնսարիւրե քսա. Գաքերաօրե Եսսսրիստօյարե քսրա մետա ասիւրիմա. ĩգսսա ĩգսյարե քսրիմակս արիճարա, արիւրսս քսա.

⁹ Cristo, marĩ irirosũ dupukugũ ããrĩgũ ããrĩpereri Marĩpu ããrĩrikurire opagũ ããrĩmi. ¹⁰ Musã Cristoyarã ããrĩmakũ, Marĩpu musãrẽ ĩgũ irirosũ õãrã ããrĩmakũ yãmi. Cristota ãmugasi marã, i nikũ marã, deyorã, deyomarĩrã ããrĩpererã oparã nemorõ Opũ ããrĩmi. Irasirirã ãrĩgatori merã buerãrẽ pãbirikõãka!

¹¹ Cristoyarã ããrĩsĩã, dupũma gasirogãrẽ wiirisũbirikererã, wiirinerã irirosũ ããrã. Masaka musãrẽ irasũ ããrĩmakũ iribirima. Marĩpu gapũ musã Cristoyarã ããrĩmakũ, musãrẽ ĩgũ merã taudi ããrĩmĩ, musã ñerĩ ãaribejarire piriburo, ãrĩgũ. ¹² Musã Cristoyarã ããrĩsĩã, deko merã wãiyesũrã, Cristo boa, yãasũderosũta musãde ĩgũ merã boa, yãasũnerã irirosũ waabũ. Boanerã ñerĩrẽ neõ irinemomasĩbema. Irasirirã musã wãiyesũrã, musã iripoegue ñerõ iriunadeare piririre ĩmurã iribũ. Musã irasũ wãiyesũmakũ, Marĩpu Cristo boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ. “Marĩpu ĩgũ turari merã Cristore masũdi ããrĩmĩ”, ãrĩ bũremumakũ, musãrẽ irasiridi ããrĩmĩ õãrĩ gapũre iriburo, ãrĩgũ. ¹³ Iripoeguere musã ñerõ iridea waja peamegue waabonerã ããrĩnerã ããrĩbũ. Marĩpuyarã ããrĩbirisĩã, irasũ ããrĩnerã ããrĩbũ. ĩgũ dorerire opabirisĩã, irire iribirinerã ããrĩbũ. Daporare pama Marĩpu marĩrẽ ĩgũ merã irasũ õãrõ ããrĩnĩmurã ããrĩmakũ yãmi. Cristo boadea merã irasũ yãmi. ĩgũ boadea merãta ããrĩpereri marĩ ñerĩ irideare kãtidi ããrĩmĩ. ¹⁴ Iripoegue Marĩpu ĩgũ dorerire marĩrẽ: “Ãsũ irika!” ãrĩ pĩdi ããrĩmĩ. Marĩ iri dorerire tarinũgãnerã ããrĩkererũ, Cristo curusague boadea merã marĩ ñerĩ iridea wajare kãtipeokõãdi ããrĩmĩ. ¹⁵ Irasũ ããrĩmakũ, Cristo curusague boari merã wãtẽa oparãrẽ, ĩgũsãrẽ dorerã turarãrẽ tarinũgãkõãdi ããrĩmĩ. Irasirigũ ĩgũ ĩgũsãrẽ tarinũgãdeare gajerãrẽ masĩmakũ iridi ããrĩmĩ.

Ɛmũgasimarẽ, Marĩpuyare iritũyaka! ãrĩ gojadea

¹⁶ Irasirirã gajerã musãrẽ doredũarã: “Irire baarã, irire iirĩrã ñerĩrẽ irirã yãa”, ãrĩ werewũamakũ irasũ pãkõãka! Bojorikũ, abe deyoanarikũ, semanarikũ bosenũrĩ ããrĩrĩnũrĩrẽ ĩgũsã judĩo masaka irirosũ musã iridũabirimakũ werewũaridere irasũ pãkõãka! ¹⁷ Iripoegue Marĩpu marĩrẽ ĩgũ dorerire pĩdi ããrĩmĩ, ĩgũ marĩrẽ Cristo merã iritamuburire pãmasĩburo, ãrĩgũ. Daporare Cristo iri dorerire iripeogu ejadigue ããrĩmĩ marĩ ñerõ iridea wajare taubu. ¹⁸ ĩgũsã musãrẽ doredũarã: “Gajerã nemorõ ããrã”, ãrĩ gũñakererã, masaka pãurogue: “Gajerã nemorõ ããrĩbea”, ãrĩ weregorenama. Marĩpũre wereboerãrẽ bũremurã, ĩgũsãrẽ: “Iritamuka gũare!” ãrĩ sãrẽma. “Kẽrõ irirosũ Marĩpu gũare ĩmudeare ĩãbũ”, ãrĩmoãmarã: “Masĩtarinũgãrã ããrã”, ãrĩ gũñadima. ĩgũsã basi gũñarõsũ yãma. Irasirirã musãrẽ: “Gũa irirosũ iribirimakũ, diayemarẽ iribeã”, ãrĩ werewũamakũ irasũ pãkõãka! ¹⁹ ĩgũsã Cristore bũremubema. Marĩ gapũ ĩgũrẽ bũremurĩ bumarã, ĩgũyarã ããrĩsĩã, ĩgũya dupũ irirosũ ããrã. ĩgũta marĩrẽ doregũ, marĩ dipuru ããrĩmi. Irasirigũ, Marĩpu gããmerõsũta marĩrẽ ĩgũya dupũ irirosũ ããrĩrãrẽ gãme iritamu, ĩgũrẽ bũremunemomakũ yãmi.

²⁰ Musã, Cristo boaderosũta ĩgũ merã boanerã irirosũ waanerã ããrĩsĩã, musãrẽ doredũarã i ãmũmarẽ ĩgũsã gũñarõsũ buerire bũremubirikõãka! Musã ñerõ iririre pirikererã, Cristoya buerire bũremukererã, ¿nasirirã ĩgũsã dorerire iridũari dapa? ²¹ ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ããrĩmakũ, ¿nasirirã ĩgũsã dorerire yujuri? ²² ĩgũsã doreri: i ãmũma pereburi, masaka ĩgũsã gũñarĩ merã bueri ããrã. Irasiriro wajamãa. ²³ ĩgũsã dorerire irirã: “Marĩpuyare õãrõ masĩrĩ merã ĩgũrẽ bũremurã yãa”, ãrĩ gũñadima. ĩgũsã dupũre ñerõ tarimakũ irirã, “Goepeyari merã Marĩpũre bũremurã yãa”, ãrĩ gũñadima. ĩgũsã dorerire irirã, masaka pãurogue: “Gajerã nemorõ ããrĩbeã”, ãrĩ weregorenakererã, diayemarẽ irirã irirosũ iriadima. ĩgũsã dorerire irikererã, ĩgũsã ñerĩ ãaribejarire piribema. Irasiriro ĩgũsã doreri wajamãa.

3

¹ Marĩpu Cristore boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ òãrĩ gapure iriburo, ãrĩgũ. Irasirirã musã iro dupuyuro ñerĩ irideare piri, umugasimarẽ Cristoyare gããmekã! Irogue Cristo ĩgũ Pagu diaye gapu doagu ããrĩpererãrẽ doregu ããrĩmi. ² Umugasimarẽ gũñanĩka! I umumarẽ gũñanĩbirikõãka! ³ Musã Cristoyarã ããrĩsĩã, ĩgũ boaderosũta musãde ĩgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ musã iripoegue ñerõ iriunadeare piribu. Daporare Cristo merã Marĩpu purogue masaka ĩãberogue perebiri okari opamurã ããrã. ⁴ Irasirirã, Cristo marĩrẽ okari sĩgũ i umugue dupaturi aarimakũ, umugasigue ĩgũ gosewasiri ããrĩrõgue ĩgũ merã waarãkoa.

Iro dupuyuro ñerĩ irideare pirika! ãrĩ gojadea

⁵ Irasirirã i umuma ñerĩ iririre pirikõãka! Neõ sugu mojõsiabirikeregu, nomeõ merã ããrĩbirikõãka! Neõ sugo mojõsiabirikerego, umũu merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ haribejarire iribirikõãka! Gajinorẽ opaduarã, buro gããmebirikõãka! Masaka Marĩpũre gããmerõ nemorõ gajino gapure gããmerã, keori weadeare buremurã irirosũ yãma. ⁶ Iri ñerĩrẽ irirã, Marĩpu dorerire tarinugãrã ããrĩma. Irasirigu ĩgũsarẽ buro wajamoãgukumi. ⁷ Iripoeguere iri ñerĩrẽ irirã irirosũ musã ããrĩunanerã ããrĩbũ. ⁸ Dapora ããrĩpereri i ñerĩrẽ pirika! Guarire, sĩtĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasĩũrĩ werenĩrĩrẽ pirikõãka! ⁹ Gãme ãrĩgatobirikõãka! Musã Cristoyarã ããrĩsĩã, musã ĩgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã. ¹⁰ Musã Cristoyarã ñajãmakũ, Marĩpu musãrẽ maama ããrĩrikũrere opamakũ iridi ããrĩmĩ. Irasirigu musãrẽ ĩgũ òãgũ ããrĩrõsũ ããrĩmakũ yãmi. Musãrẽ ĩgũrẽ òãrõ masĩnemoburo, ãrĩgũ, irasũ yãmi. ¹¹ Irasirirã marĩ Cristoyarã ããrĩrã: judío masaka, judío masaka ããrĩmerãde, dupuma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpu ĩũrõrẽ sũrosũ ããrã. Cristo marĩ ããrĩpererã Opũ ããrĩmi. Irasirigu ããrĩpererã ĩgũyarã merã ããrĩmi.

¹² Irasirirã musã Marĩpu beyenerã, òãrã, ĩgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ĩãka! ĩgũsarẽ òãrõ usũyari merã iritamuka! “Gajerã nemorõ ããrã”, ãrĩ gũñabirikõãka! Musãrẽ ñerõ irikerepũru, irasũ peñakõãka! Gũñaturaka! ¹³ Guarĩ marĩrõ gajerãrẽ bopoñarĩ merã ĩãka! Gajerã merã gãme turianerã, ĩgũsã musãrẽ ñerõ irideare ĩgũsarẽ kãtika! Marĩ Opũ musã ñerĩ irideare kãtidi ããrĩmĩ. ĩgũ kãtiderosũta musãde musã merãmarã musãrẽ ñerõ irideare kãtika! ¹⁴ I doreri nemorõ musãrẽ: “Gajerãrẽ buro maĩ buremuka!” ãrã. Musã irasirirã ããrĩpererã gajerã merã òãrõ ããrĩrãkoa. ¹⁵ Marĩpu marĩrẽ siuñajãrĩ merã ããrĩrikũmakũ yãmi. Irasirirã musã merãmarã merã òãrõ ããrĩka! Marĩ ĩgũyarã su bumarãta ããrã. Marĩpu marĩrẽ irasũ ããrĩmurãrẽ pídi ããrĩmĩ. Irasirirã ĩgũrẽ: “Òãã”, ãrĩ, usũyari sĩnĩkõãka!

¹⁶ Cristoya kerere gũñanĩkõãka, irire masĩnemomurã! Òãrõ pémasĩrĩ merã ĩgũyare gajerãrẽ bueka! Goepeyari merã wereka, ĩgũsãde ĩgũyare òãrõ iriburo, ãrĩrã! Irasirirã Salmos wãĩkũri gojadea pũgue Marĩpũya bayarire, gaji ĩgũrẽ buremurĩ bayarire ĩgũrẽ bayapeoka! Òãrõ gũña buremurĩ merã bayapeoka! Irasirirã Marĩpũre: “Òãã”, ãrĩ, usũyari sĩka! ¹⁷ Marĩ Opũ Jesús usũyaburosũta ããrĩpereri musã iririre, ããrĩpereri musã werenĩrĩrẽ òãrõ yũpũrãkũri merã irika! Irasirirã, Jesús iritamurĩ merã Marĩpũre: “Òãã”, ãrĩ, usũyari sĩka!

Pablo Jesũre buremurãrẽ: “Ãsũ irika!” ãrĩ gojadea

¹⁸ Musã marãpũkũrã nome, Cristo marĩ Opũyarã nome ããrĩsĩã, musã marãpũsãmarãrẽ òãrõ yũjũka! ¹⁹ Musã marãpokũrã, musã marãposã nomerẽ maĩ buremuka! ĩgũsarẽ turibirikõãka! ²⁰ Musã ĩgũsã pũrãde ããrĩpereri musã pagũsãmarã dorerire

tarinugābirikōāka! Mūsā irasirimakū, marī Opū oārō usuyagukumi. ²¹ Mūsā ĩgūsā pagūsāmarāde mūsā pūrārē turi, ĩgūsārē guamakū iribirikōāka, bujawereri merā yujupūrākuri, ārīrā! ²² Moāboerimasā, āārīpereri mūsā oparā i ũmū marā dorere yujuka! ĩgūsā ĩūrōrē, ĩgūsā ĩāberoguedere oārō moāka! ĩgūsā mūsārē oārō gūñaburire ĩgūsā ĩūrō direta oārō moāmakū oābea. Mūsā, marī Opūre goepeyari merā buremurā āārīsīā, mūsā oparādere oārō merā yujuka! ²³ Āārīpereri mūsā iririre, oārō yujupūrākuri merā irika! Masakare moāboekererā, diayeta marī Opūre Cristore moāboerā āārā. Irasirirā mūsā oparārē oārō moāboeka! Irasū moāboerā, Cristore moāboerā irirosū yāa. ²⁴ Mūsā irasirimakū, Cristo mūsārē wajarigukumi. ĩgūyarārē: “Āsū sīgura”, ārīdeare mūsārē sīgukumi. Mūsā irire masīa. Mūsā marī Opūre Cristore moāboerā āārā. ĩgūta mūsā Opūgora āārīmi. ²⁵ Marīpū ñerō irirārē ĩgūsā ñerō iridea waja wajamoāgukumi. ĩgūsārē āārīpererārē sūrosū ĩāgū, keoro wajamoāgukumi. Neō sugū tariwerebirikumī.

4

¹ Mūsā oparā, mūsārē moāboerimasārē diayemarē irika! ĩgūsārē oārō opaka! Ire mūsā masīa. Mūsāde Opū opāa. Mūsā Opū ũmugasigue āārīgū Marīpū āārīmi.

² Ūmurikū oārō gūña pémasī, Marīpūre sērēnikōāka! ĩgūrē: “Oāa”, ārī, usuyari sīka! ³ Marīpūre guaya āārīburidere sērēbosaka! Gūa Cristoya kerere iripoegue marā masībirideare gajerārē buedukoa. Irasirirā Marīpūre gūa ĩgūsārē iri kerere oārō bueburire sērēbosaka! Yū iri kerere wereri waja daporare peresugue āārā. ⁴ Irasirigū Marīpūre yaa āārīburire mūsā sērēbosamakū gāāmea. Marīpūre ĩgū dorederosūta Cristoya kerere gajerārē pémasīma oārō yū wereburire sērēbosamakū gāāmea.

⁵ Jesúre burenumerārē pémasīrī merā oārō irika! ĩgūsārē ĩgūyare wereka! ĩgūsā merā mūsā āārīrōpā ĩgūsārē oārō irika, ĩgūsāde Jesúre buremuburo, ārīrā! ⁶ Gajerā merā weretamurā, oārō merā weretamuka! Oārī direta werenīka! Mūsā irasirirā gajerā ĩgūsā Jesúyamarē mūsārē sērēñamakū, oārō masīrī merā yujurākoa ĩgūsārē.

Pablo oādoretūnudea

⁷ Tīquico, marīyagū marī maīgū, Jesúre buremugū āārīmi. ĩgū yū āārīrikurire mūsārē weregukumi. Marī Opūyare buegū, yū merā moāgū āārīmi. Neō iri moārīrē piribemi. ⁸ Mūsā pūroque ĩgūrē iriua, gūa āārīrikurire masī, mūsārē gūñatura, usuyamakū iriburo, ārīgū. ⁹ Onésimo merā ĩgūrē iriua. ĩgūde Jesúyare neō piribemi. Mūsāya makāmū, marīyagū marī maīgū āārīmi. ĩgūsā pērā gūa naásū waadeare āārīpererire wererākuma mūsārē.

¹⁰ Aristarco yū merāmū, yū merā peresugue āārīgū mūsārē oādoremi. Marcode oādoremi. ĩgū Bernabé pagumū āārīmi. Mūsā pūroque ĩgū ejamakū, oārō merā ĩgūrē bokatīrīñeāka, yū mūsārē werederosūta! ¹¹ Jesús wāikugū, gajerā “Justo” wāiyedi mūsārē oādoremi. ĩgū, Marcos, Bernabé merā yūre moātaturā āārīma. ĩsā ũrerāta gajerā judío masaka Jesúre buremurā watopeguere yūre moātaturā, masaka Marīpū ĩgūyarārē doreri kerere péburo, ārīrā. ĩgūsā yūre iritamurī merā gūñatura, usuyāa. ¹² Epafra mūsāya makāmude mūsārē oādoremi. ĩgū Cristoyagū ĩgūrē moāboegū āārīmi. Marīpūre sērēgū, turaro mūsāya āārīburire sērēbosanīkōāmi. Marīpūre oārō gūñaturaní, ĩgū gāāmerōsū iriburo, ārīgū, irasū sērēbosami. ¹³ ĩgū Marīpūre mūsāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. ĩgū irasirimakū ĩāgū, mūsārē irire diaye werea. ¹⁴ Duturu Lucas, marī maīgū mūsārē oādoremi. Demade oādoremi.

¹⁵ Oāburo marīyarā Laodicea marā. Ninfa wāikugode oāburo. Jesúre buremurā igoya wiigū nerērāde oāburo. ¹⁶ I pūrē yū gojadea pūrē mūsā nerērōgue bue ĩmu odo, Laodicea marādere iriuka, ĩgūsāde ĩgūsā nerērōgue bue ĩmuburo, ārīrā! Irasirirā ĩgūsārē gajī yū

gojadea pūrē ñeārã, müsãde iri pūrē bue ñmuka! ¹⁷ Ñsũ ãrĩka Arquipore: “Marĩ Opũ Jesúyagũ mũ ããrĩmakũ, mũrē ñgũ moãrĩrē pídi ããrĩmí. Irasirigũ irire õãrõ moãyuwarikũka!” ãrĩka ñgũrē!

¹⁸ Yũ Pablo, yaa mojõ merã ire gojáa: “Müsãrē õãdorea”. Peresugue yũ ããrĩrĩrē gũña, Marĩpure yaa ããrĩburire sērēbosaka! Ñãrõ ããrĩka müsã! Marĩpũ müsãrē õãrõ iritamuburo. Iropãta ããrã.
Pablo

1 TESALONICENSES

Pablosã Tesalónica marârê òãdoredea

¹ Y_H Pablo, y_H merãmarã Silvano, Timoteo merã musã Tesalónica marârê Jesúre b_Hremurârê òãdoredea. Musã Marĩp_Huyarã, marĩ Op_H Jesucristoyarã ããrã. Irasirig_H musãrê i papera pũrê gojáa. Marĩp_H ããrĩnĩgũ, marĩ Op_H Jesucristo musãrê òãrõ iritamu, siuñajãrĩ merã ããrĩrik_Hmakũ iriburo.

Pablo, Tesalónica marã Jesúre b_Hremurĩrê gojadea

² G_Hua Marĩp_Hure musãya ããrĩburire sêrêbosarã, musã òãrõ iririre gũñáa. Irasirirã ìgũrê: “M_H iritamurĩ merã òãrõ yáma”, ãrĩ, _Huyari sĩnĩkõãa. ³ Ìgũrê sêrêrã, ãsũ ãrĩ sêrêa: “G_Hap_H, Tesalónica marã m_H magũ Jesucristore b_Hremusĩã, ìgũyare òãrõ irirã yáma. Maĩrĩ merã gajerãrê òãrõ iritamuma. Marĩ Op_H Jesucristo dupaturi aariburire _Huyari merã yúsĩã, ñerõ tarikererã gũñaturama. Irasirig_H ìgũsãrê irire iriduúbirimakũ irika!” ãrĩ sêrêa. ⁴ G_Huayarã, Marĩp_H musãrê maĩmi. Ìgũta musãrê beyedi ããrĩmĩ, ìgũyarã ããrĩburo, ãrĩgũ. G_Hua irire masĩa. ⁵ Musãrê Jesús masakare tauri kerere wererã, g_Hua masĩrĩ merã werebirib_H. Òãgũ deyomarĩgũ turari merã gap_H musãrê iri kerere wereb_H. G_Hua musãrê òãrõ iritamudeare masĩsĩã, g_Hua iri kerere weremakũ pérã: “Diayeta ããrã”, ãrĩ masĩb_H.

⁶ Irasirirã, g_Hua irideare iãnerã ããrĩsĩã, g_Hua iriderosũ, irasũ ããrĩmakũ Jesucristo iriderosũ irirã dujab_H. Ñerõ tarikererã, Òãgũ deyomarĩgũ iritamurĩ merã Jesúya kerere _Huyari merã pé, b_Hremun_Hgãb_H. ⁷ Musã irasirideare pérã, ããrĩpererã Jesúre b_Hremurã, Macedonia nikũ marã, òõ Acaya nikũ marã: “Marĩdere ìgũsã irirosũta ããrĩrik_Hro gããmea”, ãrĩma. ⁸ Musã merãta ããrĩpererogue marã marĩ Op_H Jesúya kerere pépereakõãñurã. Macedonia marã, Acaya marã dita iri kerere pérã meta iriñurã. ããrĩpererogue marã musã Marĩp_Hure b_Hremurĩrê masĩsiañurã. Irasirirã g_Hua ìgũsãrê irire werenemobirikoa. ⁹ Ìgũsã gap_H g_Hua musã p_Hro ejamakũ, musã g_Huare òãrõ bokatĩrĩñeãdeare gajerãguere werema. Gaji musã keori weadeare b_Hremurĩrê pirikõã, Marĩp_H gap_Hure b_Hremu, ìgũ gããmerĩ direta irin_Hgãdeare werema. Ìgũ diayeta Marĩp_H okanĩgũ ããrĩmi. ¹⁰ Musã, ìgũ magũ Jesús ùm_Hgasigue ããrĩgũ i ùm_Hgue dupaturi aariburire òãrõ _Huyari merã yúrã iriayuro. Marĩp_H Jesúre boadiguere masũdi ããrĩmĩ. Jesúta marĩrê peamegue b_Hro wajamoãsũbonerãrê taug_H ããrĩmi.

2

Pablo Tesalónicague ìgũ buedeare gojadea

¹ G_Huayarã, musã ire òãrõ masĩa. G_Hua musã p_Hro ããrĩrã, ubu ããrĩrĩrê irirã meta irib_H. G_Hua buerire pérã, wãrã musã Jesúre b_Hremun_Hgãb_H. ² G_Hua musã p_Hro waaburi dupuyuro Filipogue ããrĩb_H. G_Hua irogue ããrĩmakũ, iro marã g_Huare ñerõ iri, ñerõ ãrĩ b_Hridama. Musã irire masĩa. Musãya makã marãde g_Huare ñerõ irid_Hakerer_H, Marĩp_H g_Huare iritamumi. Irasirirã gũiro marĩrõ gũñaturari merã ìgũ masakare tauri kerere musãrê wereb_H. ³ G_Hua musãrê: “Iri kerere b_Hremuka!” ãrĩ wererã, diayema ããrĩrĩrê b_Hremumakũ gããmeb_H. Musãrê ñerõ irid_Harã, ãrĩgatori merã buerire b_Hremumakũ irid_Harã meta irib_H. ⁴ Marĩp_H ìgũ gããmederosũta g_Huare ìgũ masakare tauri kerere weremurãrê beyepĩdi ããrĩmĩ. Irasirirã, masaka g_Hua merã _Hyaburo, ãrĩrã meta iri kerere werea. Marĩp_H gããmerĩ gap_Hure irid_Harã, irire werea. Ìgũta ããrĩpereri marĩ gũñarĩrê iãmasĩgũ ããrĩmi. ⁵ Musã masĩa. G_Hua musã p_Hro ããrĩrã, musãrê òãrõ werenĩgatori merã g_Hua gããmerĩrê irimakũ irid_Harã meta irib_H. Musãrê niyerure ãid_Harã ãrĩgatori merã wererã meta irib_H. Marĩp_Hude irire masĩmi. ⁶ G_Hua Marĩp_Huya kerere wererã, musã g_Huare: “Òãrõ buema”, ãrĩmakũ irid_Harã meta yáa. Gajerãde g_Huare irasũ ãrĩmakũ neõ gããmebea. ⁷ G_Hua, Cristo

buedoregũ beyepínerã ããrĩsĩã, mũsãrẽ: “Gũare iritamuka!” ãrĩbonerã ããrĩkererã, neõ irasũ ãrĩbiribũ. Sugo pago igo pũrãrẽ maĩrĩ merã õãrõ korerosũta mũsãrẽ maĩrĩ merã õãrõ korebũ. ⁸ Mũsãrẽ bũro maĩsĩã, Marĩpũya kerere õãrõ iridũari merã buebũ. ããrĩpereri gũa irimasĩrĩ merã mũsãrẽ iritamubũ. Mũsãrẽ maĩsĩã, irasiribũ. ⁹ Mũsã gũayarã, gũa mũsã merã ããrĩrã bũro moãdeare gũñakoa. Mũsãrẽ Marĩpũya kerere buerã: “Gũare iritamuka!” ãrĩdũabirisĩã, gũa baaburire wajarimurã ãmũrĩ, ñamirĩ moãbũ.

¹⁰ Gũa iririkũrere mũsã masĩa. Marĩpũde masĩmi. Gũa, mũsã Jesũre bũremurã merã ããrĩrã, gũa mũsãrẽ õãrõ irirã, diayema iribũ. Irasirirã gajerã gũare: “Ñerõ yãma, waja oparã ããrĩma”, neõ ãrĩmasĩbirima. ¹¹ Idere mũsã masĩa. Sugũ pagũ ãgũ pũrãrẽ õãrõ wereri merã ãgũsãrẽ gũñaturamakũ irirosũta gũa mũsãdere ããrĩpererãrẽ irasiribũ. ¹² Marĩpũ mũsãrẽ ãgũyarãrẽ dorerogue ãgũ õãrõ gosewasirogue mũsã ããrĩmurãrẽ beyedi ããrĩmi. Irasirirã mũsãrẽ ãgũyarãrẽ: “ãgũyare õãrõ irinĩkõãka!” ãrĩ werebũ.

¹³ Gũa mũsãrẽ Marĩpũya kerere weremakũ pérã, mũsã: “I Marĩpũya werenĩrĩgora ããrã”, ãrĩ bũremubũ. “Masakaya werenĩrĩ meta ããrã”, ãrĩbũ. Gũa, mũsã irasirideare gũñarã, Marĩpũre mũyari sĩnĩkõã. ãgũ mũsãrẽ ãgũya kerere bũremurãrẽ iri merã mũsã gũñarĩrẽ, mũsã iririre õãrĩ gapũre gorawayumakũ yãmi. ¹⁴ Gũayarã, mũsã Jesucristore bũremurã ããrĩmakũ ããrã, mũsãya nikũ marã mũsãrẽ ñerõ tarimakũ iriañurã. Mũsãrẽ waarõsũta Judea nikũ marãdere Marĩpũyarãdere waarõ iriayuro. ãgũsã Jesucristore bũremurã ããrĩmakũ ããrã, ãgũsãya nikũ marã judío masaka ãgũsãrẽ ñerõ tarimakũ iriañurã. Judío masaka Jesũre gããmemerã ããrĩsĩã, ãgũrẽ bũremurãrẽ ñerõ tarimakũ iriañurã. ¹⁵ ãgũsã ñekũsãmarã Marĩpũya kerere weredupuyunerãrẽ wẽjẽderosũ, marĩ Opũ Jesũdere wẽjẽnerã ããrĩmã. Gũadere gũa mũsãya makãgue ããrĩmakũ, ñerõ iri, béowiuma. Marĩpũ, ãgũsã irasirideare neõ gããmebemi. ãgũsã ããrĩpererãrẽ gããmebema. ¹⁶ Judío masaka ããrĩmerãrẽ peamegue waabirikõãburo, ãrĩrã, gũa ãgũsãrẽ Jesũyare buedũamakũ, judío masaka Jesũre gããmemerã gũare kãmutadũadima. Gũare ãgũyare weredorebirima. Irasirirã ãgũsã ñerõ iririre nemorõ irisĩã, wãro waja opama. ãgũsã daporata Marĩpũ bũro wajamoãsũmurã dujasiamã.

Pablo Tesalónica marãrẽ ãgũ dupaturi ããgũ waadũarire gojãdea

¹⁷ Gũayarã, gũa mũsã pũrogue ããrãnerã wiridero pũrũ mërõgã tarikerepũrũ, mũsãrẽ gũñanĩkõã, dupaturi bũro ããrã waadũadibũ. ¹⁸ Wãri gũa mũsãrẽ ããrã waadũadibũ. Yũ Pablo wãri: “Irogue waagũra”, ãrĩnadibũ. Gũa waadũarikũ, wãtĩ gapũ gũa waadũarire kãmutanami. ¹⁹⁻²⁰ Mũsãta gũare mũyamakũ irirã, gũare mũsã õãrõ iriburimarẽ gũñaturamakũ irirã ããrã. Irasirirã mũsãrẽ ããrã waadũadibũ. Marĩ Opũ Jesucristo i ãmũgue dupaturi aarimakũ, mũsã õãrõ irideare gũñarã, gũa ãgũrẽ: “ãgũsãta ããrĩma, gũare bũro mũyamakũ irinerã. Gũa mũyare buemakũ pérã, mũrẽ bũremunũgãma. Mũyare õãrõ iritũyanĩkõãma”, ãrĩ wererãkoa. Irasirirã mũsã merã bũro mũyãa.

3

¹⁻² Mũsãya kerere pédũarã bokatĩũbirikubũ. Irasirirã, Timoteore: “ãgũsãrẽ ããgũ waaka!” ãrĩ iriubũ. “Gũa gapũ Atenague dujarãkoa”, ãrĩbũ. Timoteo marĩyagũ, Marĩpũre moãboegũ, gũa merã Jesucristoya kerere buegũ ããrĩmi. “ãgũ Jesũyare buemakũ pérã, gũñaturari merã ãgũrẽ bũremunemorãkuma”, ãrĩrã, ãgũrẽ iriubũ. ³ Mũsã Jesucristore bũremurĩ waja gajerã mũsãrẽ ñerõ iriañurã. Irasirirã, mũsã Jesũyare neõ piribirikõãburo, ãrĩrã, Timoteore mũsã pũrogue iriubũ. Marĩ Jesũre bũremurĩ waja gajerã marĩrẽ ñerõ irirãkuma. Irire masĩa mũsã. ⁴ Iro dupuyuro gũa irogue mũsã merã ããrĩrã, irire ãsũ ãrĩ weresiabũ: “Marĩ Jesũre bũremurĩ waja ñerõ tarirãkoa”, ãrĩbũ. Gũa ãrĩderosũta gajerã marĩrẽ ñerõ irirã yãma. Mũsã irire masĩsĩã. ⁵ Irasirigũ, mũsãrẽ: “¿Jesũre gũñaturari merã bũremunĩkõãkuri?” ãrĩ sërẽña, mũsãya kerere pédũagũ bokatĩũbirisĩã, Timoteore iriubũ. “Gũñaturanerãrẽ gajipoe

irigũ wātĩ ĩgũsārē Jesúya buerire b̄remuduúmakũ irikumi, ḡua irire ubugora bueyo”, āĩ gũñarikabũ. Irasirigũ Timoteore m̄sā p̄rogue iriubũ.

⁶ Daporare, Timoteo, m̄sārē ĩāgũ ejadi oōguere goejasiami. ĩgũ oārĩ m̄sāyare kereku goejami. M̄sā piriro marĩrō Jesúre oārō gũñaturari merā b̄remurĩrē, m̄sā gāme maĩrĩrē, ḡuare were goejami. Ḡuare maĩrĩ merā gũñanĩkōāyuro. Ḡua m̄sārē ĩād̄uārosũta, m̄sāde ḡuare b̄uro ĩād̄uāyuro. ⁷ Irasirirā, m̄sā Jesúre b̄remurĩrē p̄rā, ḡua ñerō tarikererā, oārō ȳj̄p̄rākari merā us̄yāa. ⁸ Marĩ Op̄u Jesúre m̄sā b̄remunĩmakũ p̄rā, dapagueta siuñajārĩ op̄āa. ⁹ Irasirirā m̄sārē gũñarā, Marĩp̄re b̄uro us̄yari s̄ā. Nasiri us̄yari s̄ibokatĩũmasĩña m̄āa. ¹⁰ Ũm̄arĩ, ñamirĩ Marĩp̄re: “Ḡua ĩgũsārē ĩārā waaburire āmubosaka!” āĩ, b̄uro s̄ērēa. M̄sārē Jesúya kerere wereyuwarik̄rā waad̄uakoa, ĩgũrē oārō b̄remunemoburo, āĩrā.

¹¹ Marĩp̄u āārĩnĩgũ, marĩ Op̄u Jesucristo ḡuare iritamuburo. Ḡuare m̄sārē ĩārā waaburire āmu, iriuburo. ¹² Marĩ Op̄u m̄sārē nemorō gāme maĩwāgānĩmakũ iriburo. Ḡua m̄sārē maĩrōsũta m̄sāde gajerā āārĩpererārē gāme maĩnemomakũ iriburo. ¹³ M̄sārē ĩgũrē piriro marĩrō oārō gũñaturari merā b̄remunĩmakũ iriburo. Irasirirā, marĩ Op̄u Jesús āārĩpererā ĩgũyarā merā i ũm̄gue dupaturi aarimakũ, Marĩp̄u āārĩnĩgũ ĩũrōgue ĩgũ iritamurĩ merā ñerĩ marĩrā, waja opamerā āārĩrākoa.

4

Pablo Jesúre b̄remurārē: “Marĩp̄u gāāmerĩ direta irika!” āĩ gojadea

¹ Daporare marĩ Op̄u Jesús doreri merā m̄sārē āsũ āĩ werea: “Ḡua m̄sārē: ‘Āsũ iriro gāāmea’, āĩ buederosũta irika, Marĩp̄u gāāmerĩ direta irimurā! Daporare m̄sā ĩgũ gāāmerĩrē irirā iriayuro. Irasirirā: ‘Irire nemorō irinemoka!’ ” āĩ werea. ² Ḡua buedeare m̄sā mas̄ā. Irire buerā, marĩ Op̄u Jesús doreri merā m̄sārē buebũ.

³ Marĩp̄u m̄sārē ñerĩ marĩrā āārĩmakũ gāāmeme. Irasirirā: marāpo marĩrā, marāpok̄rā, marāp̄u marĩrā, marāp̄uk̄rā gāmebirabirikōāka! ⁴ M̄sākũ ñerō iri ĩmurō marĩrō gopeyari merā m̄sā marāposā nomerē opaka! Gajerā m̄sā irasirimakũ ĩārā: “Oārō yāma”, āĩ ĩārākuma. ⁵ Marĩp̄re mas̄imerā irirosũ, nomerē ñerō irid̄uari merā uaribejabirikōāka! ⁶ M̄uyagũ marāpore gāmebirarā, igo marāp̄udere ñerō irikoa. Irinorē iribiririkōāka! Marĩp̄u irasirirānorē b̄uro wajamoāgukumi. Ḡua m̄sārē irire weresiabũ. ⁷ Marĩp̄u marĩrē ñerĩrē iriburo, āĩgũ meta beyepĩdi āārĩmĩ. ĩgũ gāāmerĩ direta iridoregũ, marĩrē beyepĩdi āārĩmĩ. ⁸ I buerire gāāmemeā, ḡua direta gāāmemeā meta yāma. Marĩp̄udere gāāmebema. Marĩp̄u marĩrē ĩgũ gāāmerĩ direta iridoregũ, Ōāgũ deyomarĩgũrē iriudi āārĩmĩ. Ōāgũ deyomarĩgũ ñerĩ opabi āārĩmĩ.

⁹ M̄sā sugũ p̄rā irirosũ gāme maĩrĩ tamerārē gojabea. Marĩp̄u ĩgũ basi m̄sārē gāme maĩdoresiadi āārĩmĩ. ¹⁰ M̄sā irasũta iriayuro. Marĩp̄u m̄sārē dorederosũta āārĩperero Macedoniague āārĩpererā Jesúre b̄remurārē maĩayuro. M̄sā gāme maĩrĩ merā āārĩkerer̄ũ: “Nemorō gāme maĩnemoka!” āĩ werea. ¹¹ Gāme ĩaturiro marĩrō oārō āārĩrik̄ka! Gajerāya āārĩrĩnorē gũñarikũ, ĩgũsārē werew̄abirikōāka! M̄sāyama āārĩburi gap̄re gũña, oārō moārĩkũ, āārĩkōāka! Ḡua m̄sā p̄rogue āārĩrā, ire m̄sārē weresiabũ. ¹² M̄sā oārō moārā, gajerārē baari s̄ērēbirikoa. M̄sā moārĩ merā m̄sā baaburire oparākoa. M̄sā irasirimakũ ĩārā, Jesúre b̄remumerā gopeyari merā m̄sārē ĩārākuma.

Pablo marĩ Op̄u dupaturi i ũm̄gue aariburire gojadea

¹³ Ḡuayarā, m̄sārē boanerā waaburire wered̄uakoa, irire mas̄iburo, āĩgũ. Jesúre b̄remurā boarā, ĩgũ merā āārĩnĩrā waarākuma. M̄sā irire mas̄irā, m̄sāyarā Jesúre b̄remurā boamakũ, b̄uro b̄jawerebirikoa. Jesúre b̄remumerā gap̄u, ĩgũsāyarā boamakũ, b̄uro b̄jawererākuma. ĩgũsā irirosũ b̄uro b̄jawerebirikoa. ¹⁴ Marĩ ire b̄remua. Jesús boadigue mas̄adi āārĩmĩ. ĩgũ dupaturi i ũm̄gue aarimakũ, ĩgũrē b̄remurā

boanerārē Marīpυ ĩgūrē masūderosūta ĩgūsārē masūgukumi. Masū odo, ĩgū āārīrōgue āīmūrīagukumi.

¹⁵ Marī Opυ Jesús weredeare mūsārē werea. Jesús dupaturi i ũmugue aarimakū, ĩgūrē b̄remurā boanerā masā, āīmūrīāsūrākuma. ĩgūsā p̄p̄, marī Jesúre b̄remurā okarāde āīmūrīāsūrākoa. ¹⁶ Āsū waarokoa. Marī Opυ Jesús ĩgū basita ũmugasigue āārīdi b̄ro turaro werenīrī merā aarigukumi. ĩgū aarimakū, Marīp̄re wereboerā op̄de werenīgukumi. Marīp̄yaru puridirude b̄surokoa. Irasū waamakū, Jesúre b̄remurā boanerā masāp̄rorirākuma. ¹⁷ ĩgūsā p̄p̄, marī okarāde Jesúre b̄remurā, ĩgūsā merā mikāyeborigue mūrīa, irogue Jesúre bokatīrīrākkoa. Ũmugasigue ĩgū merā āārīnikōārākkoa. ¹⁸ Mūsā basi irire gāme werenīka! Irasirirā gāme gūñaturamakū irirākkoa.

5

¹ Irin̄, iropā āārīmakū, Jesús dupaturi aarigukumi, ārīrī tamerā masīña máa. Irasirigu iri tamerārē gojabea. ² Mūsā masīsīáa. Sugu yajarimasū ñami merā gūñaña marīrō yajagu ejarosū, Jesúde marī gūñabiripoe ejagukumi. ³ Jesúre b̄remumerā ĩgū dupaturi aariburi dupuyurogārē: “Ḡa gūiro marīrō ōārō āārīkōāa”, ārī gūñarākuma. ĩgūsā irasū gūñaripoere ĩgūsārē wāri ñerī waarokoa. Sugo nomeō nijīpo āārīgō, majīgū nijīwāgūgō pūrīsūrōsū, Jesúre b̄remumerā irasūta gūñaña marīrō b̄ro ñerō tarirākuma. Neō sugu taribirikumī. ⁴ Masaka Jesúre b̄remumerā, naītīārōgue āārīrā irirosū āārīma. Mūsā gap̄ ĩgūsā irirosū āārībea. Irasirirā Jesús dupaturi i ũmugue aarimakū, yajarimasūrē ĩagukarā irirosū waabirikoa. ⁵ Mūsā āārīpererā Jesúyarā āārā. Irasirirā ũm̄ boyorogue āārīrā ĩāmasīrōsū Jesús aariburire masīa. Jesúre b̄remumerā gap̄ naītīārōgue āārīrā irirosū āārīma. Irasirirā ñami merā ĩāmasīberosū Jesús aariburire masībema. ⁶ Irasirirā ñami merā kārīrā irirosū āārībirikōārā marī! Jesús dupaturi aariburire gūñamerā, kārīrā irirosū āārīma. Marī gap̄ ĩgū aariburire pémasīrī merā gūñanīkōārā! Mejārā irirosū iribirikōārā! Diayema gap̄re irirā! ⁷ Masaka ñamirē kārīkuma. Mejārīmasā ñamirē mejākuma. ⁸ Marī Jesúyarā gap̄ ũm̄ boyorogue āārīrā irirosū āārā. Irasirirā ōārō pémasīrī merā diayemarē irinīkōārā!

Sugu surara gāmewējērōgue waabu, ĩgūya koretibire kāmūtagu, kōme surírore sāñakumi. ĩgū irirosūta marīde Jesúre b̄remurī merā, marī gāme maīrī merā, wātīrē ĩgū marīrē irire pirimakū irid̄arire kāmutarā! Surara ĩgūya dipurure kāmūtagu, kōme perore peyakumi. ĩgū irirosūta marīde, Jesús marīrē taugu aariburire: “Diayeta aarigukumi”, ārī masīrī merā wātīrē ĩgū marīrē: “Irasū waabirikoa”, ārīgatorire kāmutarā! ⁹ Marīp̄ marīrē wajamoābu meta beyepīdi āārīmī. Marī ñerō iridea wajare marī Opυ Jesucristo merā taubu, marīrē beyepīdi āārīmī. ¹⁰ Jesús ĩgū merā āārīnīkōāburo, ārīgū, marīrē boabosadi āārīmī, marī ñerō iridea wajare wajarigu. Irasirirā ĩgū dupaturi aarimakū, ĩgūrē b̄remurā boanerā, marī okarāde ĩgū merā āārīnīkōārākkoa. ¹¹ Irire gūñarā, mūsā irinīrōsū nemorō gāme iritamu, gūñaturamakū irika! Irasirirā Jesúre b̄remunemorākkoa.

Pablo Jesúre b̄remurārē weretūnudea

¹² Ḡayarā, mūsārē turaro merā āsū ārī wered̄akoa. Marī Op̄ya kerere mūsārē wererārē gopepyari merā ĩāka! Marī Op̄ ĩgūsārē mūsārē ōārō doreburo, ārīgū, beyepīdi āārīmī, mūsārē ōārō āārīrik̄burire, ōārō iririk̄burire buedoreḡ. ¹³ ĩgūsā mūsārē irire buerā, marī Op̄yare ōārō irirā yāma. ĩgūsā irasirimakū ĩārā, ĩgūsārē b̄ro b̄remurī merā, b̄ro maīrī merā ĩāka! Gāme turiro marīrō ōārō āārīrik̄ka!

¹⁴ Ḡayarā, gaji mūsārē āsū ārī wered̄akoa doja. Moād̄amerārē moādoreka! Gūñaturamerārē gūñaturamakū irika! Jesúre b̄remuturamerārē iritamuka, ĩgūrē b̄remunemoburo, ārīrā! Āārīpererā merā guaro marīrō bopōnarī merā ōārō irika!

¹⁵ M̄s̄ar̄ē gajerā ñerō irimakū, ĩḡs̄ar̄ē ḡamibirikoaka! Ōārī gap̄ure m̄s̄ayar̄ar̄ē, āārīpererā gajerādere ōārō irinikōāka!

¹⁶ M̄s̄ā Jesúyarā āārīsīā, us̄yari merā āārīnikōāka! ¹⁷ M̄s̄ā noó waaró, m̄s̄ā noó āārīrō, Marīpure gūña, ĩḡr̄ē m̄s̄āya āārīburire s̄ērēnikōāka! ¹⁸ M̄s̄ar̄ē gajinu ñerō waamakū, ōārō waamakūdere Marīpure us̄yari s̄īnikōāka! Marīpu, marī Jesucristore b̄uremur̄ar̄ē irire irimakū ḡāāmemi.

¹⁹ Ōāḡū deyomarīḡū, m̄s̄ā gūñarīḡue ĩḡū weremakū, irire k̄amutabirikōāka! ĩḡū dorerire ōārō yujuka! ²⁰ Sugu Jesúre b̄uremuḡū Ōāḡū deyomarīḡū masīrī s̄īrī merā, Marīpu weredoredeare weremakū pérā, irire doo b̄uridabirikōāka! ²¹ Ubu gap̄u ĩḡs̄ā weremakū, ōārō pékūinú, gūñaka! “¿Diayeta wereri?” ārī masīduarā, irasirika! Ōārī bueri āārīmakū, iri gap̄ure irika! ²² Noó ñerī āārīmakū, irire iribirikōāka!

²³ Marīpu siuñajārī merā āārīrikumakū irigu m̄s̄ar̄ē ōārō, ñerī marīrō, ĩḡū ḡāāmerī direta iririkumakū iriburo. M̄s̄ā ñerī opabirimakū, m̄s̄āya gūñarīḡue ōārī direta opamakū, m̄s̄āya dup̄ari merā ñerō iribirimakū iriburo. M̄s̄ar̄ē waja opamerā āārīmakū iriburo. ĩḡū irasirimakū, marī Op̄u Jesucristo dupaturi aarigú, m̄s̄ar̄ē waja opamerā āārīmakū bokajagukumi. ²⁴ Marīpu m̄s̄ar̄ē ĩḡūyarā āārīburo, ārīḡū, beyepídi, i āārīpereri ĩḡū m̄s̄ar̄ē: “Āsū iriḡura”, ārīdeare diayeta irigukumi.

Pablo ōādoretūnudea

²⁵ Guayarā, m̄s̄āde Marīpure guaya āārīburire s̄ērēbosaka!

²⁶ Āārīpererā iro marā Jesúre b̄uremur̄ar̄ē, ĩḡū marīrē maīrōsūta maīrī merā ōādoreka!

²⁷ Marī Op̄u Jesucristo doreri merā i p̄rē āārīpererā ĩḡr̄ē b̄uremur̄ar̄ē siiu need, bue ĩmuka!

²⁸ Marī Op̄u Jesucristo m̄s̄ar̄ē ōārō iritamuburo.

Iropāta āārā.

Pablo

2 TESALONICENSES

Pablo Tesalónica marārē òãdoredea

¹ Y_u Pablo, y_u merāmarā Silvano, Timoteo merā m_usā Tesalónica marārē Jesúre b_uremurārē òãdoredea. M_usā Marĩp_uyarā, marĩ Op_u Jesucristoyarā āārā. Irasirig_u m_usārē i papera pūrē gojáa. ² Marĩp_u āārĩníg_u, marĩ Op_u Jesucristo m_usārē òārō iritamu, siuñajārĩ merā āārĩrik_umakū iriburo.

Pablo, Jesucristo ñerō irirārē wajamoãgũ aariburire gojadea

³ G_uayarā, m_usā Jesucristore b_uremudero nemorō ìgūrē b_uremunemo, gāme maĩnemo iriayuro. Irasirirā g_ua m_usārē gũñarā, diayema irirā Marĩp_ure _usuyari síníkòārō gāmea. G_ua irasirimakū òārokoa. ⁴ G_ua noó waaró, m_usāyamarē gajerārē Marĩp_uyarārē ìgūsā nerērōgue _usuyari merā werea. M_usā Jesúre b_uremurĩ waja masaka m_usārē ñerō irikerep_u, neō ìgūrē b_uremuduúbea. M_usārē ñerō waamakūdere gũñaturakòāa. Irire ìgūsārē werea. ⁵ I merāta marĩ masīa. M_usā Marĩp_uyarā āārĩrĩ waja gajerā m_usārē ñerō irikerep_u, gũñaturaníkòāa. Irasirig_u Marĩp_u diayema irig_u m_usārē: “Yaarārē dorerogue aarika! Yaarā, òārā āārā”, ārìg_ukumi.

⁶ Marĩp_u diayema irig_u āārĩsīā, m_usārē ñerō tarimakū irinerārē ñerō tarimakū irig_ukumi. ⁷⁻⁸ M_usārē ñerō tarinerārē, g_uadere òārō siuñajārĩ bokamakū irig_ukumi. Marĩ Op_u Jesús aarirín_u āārĩmakū irasirig_ukumi. Jesús ùm_ugasigue merā aarigú, ìgūrē wereboerā turarā merā, peame ùjārĩ pūrā watopegue dijarig_ukumi. Ìgūya kerere péduamerārē, Marĩp_ure gāāmemerārē b_uro wajamoãgũ aarig_ukumi. ⁹ Ìgūsā ñerō iri-dea waja perebiri peamegue béosūrākuma. Irasirirā, marĩ Op_u turag_u āārĩrōgue neō waabirikuma. Ìgū gosewasiririre neō ìārō marĩrōgue béodijusūrākuma. ¹⁰ Ìgū aarirínurē ìgūyarā ìgūrē b_uremurā āārĩpererā ìgūrē ìārākuma. Ìgūrē ìārā: “Diayeta òātarig_u, turatarig_u, āārĩpererā oparā nemorō Op_u āārĩmi”, ārì, ìāg_uka, b_uro _usuyarākuma. M_usāde, g_ua m_usārē ìgūyare buedeare b_uremusīā, ìgūsā merā _usuyarākoa.

¹¹ G_ua irire gũñarā, Marĩp_ure m_usāya āārĩburire āsū ārì sērēbosanía: “G_uap_u, m_u ìgūsā y_u gāāmerĩ direta irirā āārĩburo, ārìg_u, ìgūsārē beyepídi āārĩbú. Irasirig_u ìgūsārē m_u gāāmeròsūta āārĩrik_umakū irika! Ìgūsā āārĩpereri m_urē b_uremurĩ merā òārō iriduarire iriyuwarik_uburo. Ìgūsārē m_u turari merā irasirimakū irika!” ārì sērēbosáa. ¹² M_usā irire irimakū ìārā, gajerā, marĩ Op_u Jesúre goepeyari merā ìārākuma. Ìgū m_usārē: “Yaarā āārĩma, òārō yáma”, ārì ìāg_ukumi. Marĩp_u, marĩ Op_u Jesucristo m_usārē iritamu, b_uro maĩmakū, irasū waarokoa.

2

Pablo, ñegũ aariburire gojadea

¹ G_uayarā, daporare marĩ Op_u Jesucristo aariburire, ìgū marĩrē neeònú, ìgū p_urogue āimurĩburire wereg_ura. ² Gajerā m_usārē: “Marĩ Op_u i ùm_ugue dupaturi aarirín_u ejasiáa”, ārĩmakū gũñarík_ubirikòāka! Irire péwisibirikòāka! Gajerā: “Irire Òãgũ deyomarìg_u yure irasū ārì wereami”, gajerā: “Sug_u g_uare irasū ārì wereami”, gajerā: “Pablosā irasū ārì gojanerā āārĩmá”, ārìbokuma. Irire pérā, gũñarík_ubirikòāka! ³ Ārìgatosùbirikòāka! Marĩ Op_u Jesús aariburín_u dupuyuro āsū waarokoa. Wárā masaka Marĩp_u dorerire tarin_ugārākuma. Irasiriripoe sug_u ñerō iri, tarin_ugãgũgora deyoag_ukumi. Ìgūta perebiri peamegue béosūbu āārìg_ukumi. ⁴ Ìgū Marĩp_ure ìaturig_u, āārĩpereri masaka Marĩp_uyare b_uremurĩrē ñerō ārì werenìg_ukumi. Ìgū direta b_uremumakū gāāmeg_ukumi. Irasirig_u

Īgūrē b̄remudoreḡu: “Yuta āārā, ūm̄ugasiguem̄u m̄usā Op̄u”, ārīgū, Marīp̄uya wiigue ñajāa, doanaḡukumi.

⁵ Ȳu, m̄usā p̄rogue āārīgú, irire m̄usārē wereb̄u. ¿M̄usā irire gūñaberi? ⁶ M̄usā Īgū ñegū aariburire kām̄utaḡare masīa. Īgū aariburire kām̄utanemobirimakū aariḡukumi. ⁷⁻⁸ Īgū wári ñerī iriburire marī masībirikerep̄uru, ñerī Īgū iririno āārīsíaa. Īgū aariburire kām̄utaḡu gajerogue āāsūḡukumi. Īgūrē āādero p̄uru, ñegū gap̄u aariḡukumi. Īgū ñerō iriri masīsūrokoa. P̄uru marī Op̄u Jesucristo dupaturi i ūm̄ugue aarīgú, puriri merā, Īgū turari merā ñegūrē wējēḡukumi. Īgū gosewasiriri merā aarīgú, Īgūrē béodediuḡukumi. ⁹ Ñegū aarīgú, wātēa op̄u Satanás iritamurī merā ejaḡukumi. Irasiriḡu wātī turari merā wári iri ĩm̄uḡukumi. “Ūm̄ugasiguema turari merā iri ĩm̄ugū yáa”, ārīgatorḡukumi. ¹⁰ Wári Īgū ñerō iriri merā perebiri peamegue waamurārē Īgū ārīgatorire b̄remumakū iriḡukumi. Īgūsā Marīp̄uya diayema āārīrīrē b̄remubirisīā, iri ārīgatorire b̄remurākuma. Irasirirā tausūbirikuma. ¹¹ Īgūsā diayema āārīrīrē b̄remud̄uabiri waja, Marīp̄u Īgūsārē irire masībirimakū iriḡukumi, ārīgatori gap̄ure b̄remuburo, ārīgū. ¹² Irasirirā āārīpererā Īgūsā Marīp̄uya diayema āārīrīrē b̄remud̄uamerā āārīsīā, ñerō iririre b̄ro irid̄uanemorākuma. Irasiriḡu Marīp̄u Īgūsārē wajamoādediuḡukumi.

Pablo, Marīp̄u Īgū beyenerārē tauburire gojadea

¹³ Ḡuayarā, m̄usā marī Op̄u Jesús maīrā, Marīp̄u beyenerā āārā. Irasirirā ḡua m̄usārē gūñarā, Marīp̄ure us̄uyari s̄nīkōārō gāāmea. Neōgoragueta m̄usārē beyedi āārīmī peamegue waabonerārē tauḡu. Ōāgū deyomarīgū turari merā m̄usārē Īgūyarā āārīmakū iribu, m̄usā diayema āārīrīrē b̄remuburo, ārīgū, beyedi āārīmī. Irasirirā tausūmurā āārā. ¹⁴ Marīp̄u Īgū tauri kerere ḡua m̄usārē buedea merā m̄usārē siudi āārīmī, marī Op̄u Jesucristo ōārī oparire Īgū merā opaburo, ārīgū.

¹⁵ Irasirirā piriro marīrō gūñaturaka! Ḡua m̄usā p̄rogue āārīrā buedeare, irasū āārīmakū ḡua m̄usārē gojadeare gūña, irire irit̄uyaka! ¹⁶⁻¹⁷ Marī Op̄u Jesucristo basita, irasū āārīmakū Marīp̄u āārīnīgū m̄usārē āārīpereri m̄usā werenírī, m̄usā iririk̄urire gūñaturari merā ōārō āārīrik̄umakū iriburo. Marīp̄u marīrē bopoñarī merā maīgū, perebiri gūñaturari opamakū iriḡu, Īgū ōārī s̄iburire: “Oparākoa”, ārī masīmakū iriḡu āārīmī.

3

Pablo: “Ḡuaya āārīburire Marīp̄ure s̄erēbosaka!” ārī gojadea

¹ Ḡuayarā, m̄usārē āsū ārī gojatūnua. Ḡuaya āārīburire Marīp̄ure s̄erēbosaka! M̄usā, ḡua marī Op̄uya kerere buedeare pé b̄remub̄u. Irasirirā, wārā masaka m̄usā iriderosūta ḡua buerire pé b̄remuburire, Īgūsā ḡuare ōārō bokatīrīñeāburire Marīp̄ure s̄erēbosaka! ² Surāyeri masaka Jesúya kerere b̄remubema. Irasirirā masaka diayema irimerā ñerā ḡuare ñerō iribirikōāburo, ārīrā, Marīp̄ure serebosaka! ³ Marī Op̄u: “Āsū iriḡura”, ārīderosūta m̄usārē gūñaturamakū iriḡukumi. Ñegūrē, m̄usārē Īgū ñerō irid̄uarire kām̄utaḡukumi. ⁴ Ḡua m̄usārē iridorederosūta irirā irikoa. “Irire marī Op̄u iritamurī merā ōārō irinīkōārākuma”, ārī b̄remua. ⁵ Marī Op̄u Jesucristo, Marīp̄u m̄usārē maīrīrē masīnemomakū iriburo. Īgū ñerō tariḡu gūñaturaderosūta m̄usādere gūñaturamakū iriburo.

Pablo moādoxeda

⁶ Ḡuayarā, Jesucristo marī Op̄u wāi merā Īgū dorero merā m̄usārē werea. Gajerā Jesúre b̄remurā moāduamerārē, ḡua m̄usārē buedeare irit̄uyamerārē wapik̄unemobirikōāka! ⁷ M̄usā masīa. M̄usādere ḡua iriderosūta iriro gāāmea. Ḡua m̄usā merā āārīrā, gajino iriro marīrō āārībirib̄u. ⁸ Neō suḡure wajamarīrō s̄erē, baabirib̄u. M̄usārē garibod̄uamerā, ūmurī, ñamirī ḡua baaburire moā wajatab̄u. ⁹ Ḡua m̄usārē bueri waja: “Ḡuare baarī ejoka!” ārībonerā āārīkererā, neō irasū ārībirib̄u. M̄usārē: “Āsū iriro gāāmea”, ārī ĩm̄ud̄arā

gua basi moã wajata baabu. ¹⁰ Gua musã merã ããrĩrã, musãrẽ ãsũ ãrĩbu: “Baaburi moã wajatadubino baabirikõãburo”, ãrĩbu. ¹¹ Gajerã musã iriri kerere guare ãsũ ãrĩ werema: “Surãyeri ĩgũsã merã moãmerã ããrĩma. Moãbirikererã, wãri irimoãmarĩ merã gajerãrẽ garibogorenarã yãma”, ãrĩma. ¹² Gua marĩ Opũ Jesucristo wãĩ merã ĩgũ dorero merã irasirirãnorẽ: “Irimoãmarĩrẽ iropãta irika! Musã baaburire, musã gããmerĩnorẽ moã wajataka!” ãrĩ werea.

¹³ Guayarã, gariborero marĩrõ õãrĩrẽ irinĩkõãka! ¹⁴ Gua dorerire i pũgue gojarire tarinũgãgũnorẽ ĩãmasĩ, ĩgũrẽ guyasĩũrõ tariburo, ãrĩrã, wapikubirikõãka! ¹⁵ ĩgũrẽ wapikubirikererã, musãrẽ ĩãturĩgure irirosũ ĩãbirikõãka! Musã pagumũrẽ wererosũ ĩgũrẽ wereka, õãrĩrẽ iriburo, ãrĩrã!

Pablo õãdoretũnudea

¹⁶ Marĩ Opũ ĩgũ basi marĩrẽ siuñajãrĩ merã õãrõ ããrĩrikumakũ irigũ musãrẽ ãsũ iriburo. Musã noó waaró, musãrẽ gajerosũ waamakũ, siuñajãrĩ sĩnĩkõãburo. Musã ããrĩpererã merã ããrĩburo.

¹⁷ Yũ Pablo, yũ basita i õãdorerire gojãa. Yũ musãrẽ gojanarõsũta gojãa. Irasirirã musã: “ĩgũta gojañumi”, ãrĩ ĩãmasĩrãkoa. ¹⁸ Marĩ Opũ Jesucristo musã ããrĩpererãrẽ õãrõ iritamuburo. Irasũta iriburo.

Iropãta ããrã.

Pablo

1 TIMOTEO

Pablo Timoteore õãdoredea

¹ Y_H Pablo m_{ur}ẽ õãdorea. Jesucristo, Marĩp_H marĩrẽ peamegue waabonerãrẽ taugu dorederosũta y_{ur}e pídi ããrĩmĩ ĩgũyare buedoreg_H. ĩgũrẽta, ĩgũ marĩrẽ õãrõ iriburire y_{ur}ã yáa. ² M_H diayeta y_H magũ irirosũ ããrĩgũ ããrã. Irasirig_H m_{ur}ẽ ire gojáa. Marĩp_H ããrĩngũ, marĩ Op_H Jesucristo m_{ur}ẽ iritamu, bopoñarĩ merã ĩã, siuñajãrĩ merã ããrĩrik_umakũ iriburo.

Pablo ãrĩgatori merã buerire pédorebiridea

³ Y_H Macedonia nikũgue waagũ, m_{ur}ẽ Efesogue dujadoreb_H, irore surãyeri ãrĩgatori merã buerãrẽ: “Iropãta bueka!” ãrĩ weredoreg_H. ⁴ ĩgũsãrẽ: “Iripoegue marã ĩgũsã basi ĩgũsã gũñarĩ merã kere wereunadeare, m_{ur}sã ñekũsãmarã iririk_uunadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩp_H marĩrẽ iridorerire iribea. “Marĩp_H y_{ur}e iritamug_ukumi”, ãrĩ b_{ur}emurĩ merãta ĩgũ marĩrẽ dorerire irimasãa.

⁵ Marĩp_H marĩrẽ: ñerĩrẽ opamerã, ĩgũ ĩũrõ waja opamerã ããrã, ãrĩ gũñarã, diaye Jesucristore b_{ur}emurã ããrĩmakũ gããmemi. Irasirig_H õãrĩrẽ doremi. Marĩ irasũ ããrĩrã, ĩgũrẽ, gajerãdere õãrõ maĩrãkoa. ⁶ Surãyeri irire t_uyanemobema. Irasirirã gaji ubu ããrĩrĩrẽ gãme guaseoma. ⁷ Marĩp_H Moisére doreri pídeare gajerãrẽ buerimasã ããrĩduakererã: “I ãsũ ãrĩduaro yáa”, ãrĩ buekererã, ĩgũsã buerire pémasĩbema.

⁸ Marĩ masãa. Marĩp_H Moisére doreri pídeare diaye buemakũ õãgoráa. Marĩp_H, masakare iri dorerire tarinũgãrĩrẽ masĩdoreg_H, irire pídi ããrĩmĩ. ⁹ Iri dorerire buerã, ire masĩrõ gããmea. Marĩp_H iri dorerire pígu, diayema irirãrẽ diayema iridoreg_H meta pídi ããrĩmĩ. Iri dorerire irimerã gap_{ur}e irire pídi ããrĩmĩ, diayema gap_{ur}e masĩburo, ãrĩgũ. Iri dorerire tarinũgãrãrẽ, ñerãrẽ, ñerõ iririk_urãrẽ, ĩgũrẽ b_{ur}emumerãrẽ, ĩgũya buerire gããmemerãrẽ, ĩgũsã pagusãmarãrẽ wẽjẽrãrẽ, masakare wẽjẽbéorãrẽ, ¹⁰ nome merã ñerõ irirãrẽ, ãma merã ñerõ irirã nomerẽ, ãma seyaro ñerõ irirãrẽ, nome seyaro ñerõ irirãrẽ, masakare ñeã gajerãguere duarãrẽ, ãrĩgatorik_urãrẽ, ãrĩgatori merã: “Ãsũ irirãkoa”, ãrĩdeare irimerãnorẽ, ããrĩpererã õãrĩ buerire kãmutad_uarãrẽ iri dorerire pídi ããrĩmĩ. ¹¹ I õãrĩ bueri, Marĩp_H masakare tauri kerere wereri ããrã. Marĩp_H õãtarig_H y_{ur}e i kerere masakare weredoreg_H pídi ããrĩmĩ.

Pablo, Marĩp_H ĩgũrẽ bopoñarĩ merã ĩãrĩrẽ gojadea

¹² Y_H marĩ Op_H Jesucristore m_{ur}uyari sãa. ĩgũ y_{ur}e: “Õãrõ bueg_ukumi”, ãrĩ gũñagũ ĩgũyarãrẽ iritamudoreg_H beyepídi ããrĩmĩ. Irasirig_H ĩgũ turarire y_{ur}e sídi ããrĩmĩ. ¹³ Iro dupuyurogue y_H Jesucristore ñerõ werenĩ, ĩgũrẽ b_{ur}emurãrẽ ñerõ iri: “Ĩgũ õãbemi”, ãrĩnab_H. Y_H ĩgũrẽ b_{ur}emubirisãa, y_H ñerõ iririre: “Ñerõ irig_H irikoa”, ãrĩ gũñabirisãa, irasirib_H. Irasirikerep_{ur}H, Marĩp_H y_{ur}e bopoñarĩ merã ĩãgũ, beyedi ããrĩmĩ. ¹⁴ Marĩ Op_H y_{ur}e b_{ur}o maĩgũ õãrõ irimi. ĩgũ y_{ur}e Jesucristore b_{ur}emumakũ, gajerãdere maĩmakũ irimi. Marĩrẽ Jesucristo merã ĩgũrẽ b_{ur}emumakũ, gajerãdere maĩmakũ irimi.

¹⁵ I y_H wereburi diayeta ããrã. ããrĩpererã irire b_{ur}emurõ gããmea. Jesucristo ñerõ irirãrẽ ĩgũsã ñerĩ iridea wajare taug_H, i ãmũguere aaridi ããrĩmĩ. Y_Hta ããrĩpererã nemorõ ñerõ iritarinũgãdi ããrã. ¹⁶ Y_H irasũ ããrĩkerep_{ur}H, Marĩp_H y_{ur}e bopoñarĩ merã ĩãmi. Irasirig_H, Jesucristo y_{ur}e neõ perebiri bopoñarĩrẽ masĩmakũ irimi. Gajerãrẽ Jesucristore b_{ur}emurãrẽ ĩgũ y_{ur}e bopoñarõsũta ĩgũsãdere bopoñarĩrẽ masĩmakũ irig_ukumi. P_{ur}H ĩgũsãrẽ ĩgũ p_{ur}o perebiri okari opamakũ irig_ukumi. ¹⁷ Irasirirã Marĩp_{ur}e: “Õãtarig_H, turatarig_H ããrã”,

ārī, usuyari sīnīkōārā! Īgūta marī Opu āārīnīkōāgukumi. Īgū neō boabirikumi. Īgū suguta Marīpu āārīmi. Deyomarīgū, masītarīgū āārīmi. Irasūta āārīmi.

18-19 Timoteo, mu yu magū irirosū āārā. Irasirīgū yu mūrē: “Āsū irika!” ārī werea. Iro dupuyuro Marīpu marīyarārē mu iriburire mūrē weredoredi āārīmi. Irasirīgū, Īgūsā mūrē: “Marīpuyare Īgū turaro merā āsū irigūkoa”, ārī werederosūta Īgūrē b̄remurīrē piriro marīrō gūñaturari merā irika! “Marīpu Īūrō ñerō iridea waja opabea”, ārī, ōārō gūñagū āārīka! Surāyeri: “Ñerīrē iribirikōārō gāāmea”, ārī gūñakererā, ñerō irima. Irasirirā Jesúyare b̄remurīrē poyanorēma. ²⁰ I, Himeneorē, Alejandrorē irasūta waabu. Irasirīgū Īgūsā pērārē wātēa opu Satanás Īgū gāāmerō iriburo, ārīgū, Jesúre b̄remurā merā āārīnemodorebiribu. Marīpure ñerō ārī werenīnemobirikōāburo, ārīgū, irasiribu.

2

Marīpure sērērā āsū iriro gāāmea, ārī gojadea

¹ Musārē āsū iridorep̄roria. Āārīpererāya āārīburire Marīpure sērēbosaka! Īgūsārē ōārō iritamu, bopoñarī merā Īāburo, ārīrā, Īgūsārē sērēbosaka! Īgūrē: “Mu merā usuyāa”, ārīka! ² Oparāya āārīburire, masakare dorerā āārīpererāya āārīburidere Marīpure sērēbosaka, ōārō doreburo, ārīrā! Īgūsā ōārō doremakū, gopeyari merā Marīpure b̄remu, Īgū gāāmerī direta iri, ōārō siuñajārī merā āārīrikurākoa. ³ Marī gajerāya āārīburire Marīpure sērēbosamakū ōāgorāa. Irire marī irimakū Īāgū, Marīpu marīrē taugū usuyari merā marīrē Īāmi. ⁴ Īgūta āārīpererā masakare perebiri peamegue waabirimakū gāāmeme. Diayema āārīrīdere masīmakū gāāmeme. ⁵ Īgū suguta Marīpu āārīmi. Jesucristo, Marīpu merā marī masakare ōārō āārīmakū āmubosagu suguta āārīmi. Īgū marī irirosū dupukūgu āārīmi. ⁶ Īgū curusague boari merā āārīpererā masakare Īgūsā ñerī iridea wajare wajaribosadi āārīmi Īgūsārē taugū. Irasirīgū Marīpu Īgū masakare irire masīmakū iriripoe ejamakū, iri kerere wererārē weredoremi āārīpererā masīburo, ārīgū. ⁷ Jesucristo judío masaka āārīmerārē iri kerere weredoregu, Īgūsārē Īgūrē b̄remurīrē, Īgūyama diaye āārīrīrē yure buedoregu pīmi. Irire diayeta mūrē werea. Ārīgatorū meta yāa.

⁸ Yu āārīperero marā ūmarē guaro marīrō, gāme guaseoro marīrō Marīpuyare ōārō irirārē mojōrī soemu, Marīpure sērēmakū gāāmea. ⁹ Nomerē, ūma merā ñerō irirā nome sāñarōsūpero sāñabirimakū gāāmea. Ōārō keoro Īgūsārē ejari surīre sāñaburo. Gajerā Īgūsārē: “Ōārō deyoma”, ārī gūñamakū iriduarā, Īgūsāya poañapure w̄napuwea nome āārīduari direta gūñarikūbirikōāburo. Īgūsāya dupuridere oro merā, perla wāīkuri yeri wajapari yeri merā iridea merā mamubirikōāburo. Wajapari surīdere sāñabirikōāburo. ¹⁰ Masaka Īgūsārē: “Ōārā āārīma”, ārī gūñaburo, ārīrā, āsū gapu iriburo. Gajerā nome: “Marīpure b̄remua”, ārīrā nome irirosūta ōārīrē iriburo. ¹¹ Jesúre b̄remurā nerērōgue nerērārē Marīpuyare buerimasā bueripoere nome werenīrō marīrō b̄remurī merā pēburo. ¹² Musā nerērōgue nerēmakū, nome ūmarē buebirikōāburo. Īgūsārē dorebirikōāburo. Werenīrō marīrō buerimasā buerire pēburo. ¹³ Āsū āārā. Marīpu Adārē irip̄roridi āārīmi. Puru Evare iridi āārīmi. ¹⁴ Adán, wātī ārīgatosūdi meta āārīdi āārīmi. Eva gapu wātī ārīgatorire b̄remusā, Marīpu dorerire tarinugādeo āārīmó. ¹⁵ Irasū āārīkererū, igo pūrākūdea merā* Jesúre b̄remu, gajerārē maī, ñerō iribiri, diayema gapure irirāno tausūrākuma.

* 2:15 Génesis 3.15: Eva Marīpu dorerire tarinugādero puru, Marīpu āārīnīgū pīrūrē āsū ārīdi āārīmi: “Igo nomeō mūrē Īāduabirikumo. Dapagā merā igo parāmerā āārīturiarāde mu parāmerā āārīturiarārē Īāduabirikuma. Mu, sugū igo parāmerā āārīturiagūya gubure kūrīmakū, Īgū gapu m̄ya dipurure k̄ramutūgukumi”, ārīdi āārīmi. Irasirīgū Jesús, Eva pūrākūdi parāmerā āārīturiaguta, marī Īgūrē b̄remurārē taugū āārīmi.

3

Jesúre b̄remurã oparãymarẽ gojadea

¹ I ȳ wereburi diayeta ããrã. Suḡ Jesúre b̄remurã op̄ ããrĩduaḡ, õãrĩ moãrĩrẽ irid̄aḡ ããrĩmi. ² Irasirid̄aḡno ãsũ ããrĩburo. Masaka: “Ñerõ iriḡ ããrĩmi”, ãrĩsũña marĩḡ, sugoreta marãpokuḡ, pémasĩrĩ merã iririkuḡ, diayemarẽ iriḡ, masaka b̄remusũḡ, ĩḡya wii gãmeñajãrã ejarãrẽ õãrõ bokatĩrĩñeãḡ, gajerãrẽ õãrõ bueḡ ããrĩburo. ³ Neõ mejãbi, gãmekẽãduabi, gajerã merã guaseobi, ñerõ iriri merã niyeru wajatad̄abi ããrĩburo. Irasirirono iriḡ: masakare bopoñarĩ merã iritamuḡ, niyerure uaribejabi ããrĩburo. ⁴ ĩḡya wii marãrẽ õãrõ doremasĩḡ, ĩḡ pũrãrẽ b̄remurĩ merã ĩḡrẽ õãrõ ȳjumakũ iriḡ ããrĩburo. ⁵ ĩḡya wii marãrẽ doremasĩbi, Marĩp̄re b̄remurĩ bumarãrẽ irota nemorõ koremasĩbirikumĩ. ⁶ Suḡ Jesúre b̄remurã op̄ ããrĩduaḡ maama b̄remunuḡãḡ ããrĩbirikõãburo. Maama b̄remunuḡãḡ gajipoe iriḡ ĩḡ: “Gajerã nemorõ ããrã ȳ”, ãrĩ gũñabokumi. Irasũ ãrĩ gũñaḡ, wãtĩ gũñaderosũ gũñabokumi. Irasiriḡ Marĩp̄ wãtĩrẽ wajamoãderosũ ĩḡrẽ iribokumi. ⁷ Irasiriḡ Jesúre b̄remurã op̄ ããrĩbu Jesúre b̄remumerã: “Õãḡ ããrĩmi”, ãrĩsũḡ ããrĩburo. ĩḡ õãrĩrẽ iribirimakũ ĩãrã, ĩḡrẽ ñerõ werenĩbokuma. Wãtĩ ĩḡrẽ ñerĩ iridorerire iribokumi.

Jesúre b̄remurã oparãrẽ iritamurãymarẽ gojadea

⁸ Jesúre b̄remurã oparãrẽ iritamurãde masaka b̄remusũrã ããrĩburo. Ārĩgatori marĩrõ wererã, mejãmerã, ñerõ iriri merã niyerure wajatad̄amerã ããrĩburo. ⁹ Jesúya diayema ããrĩrĩrẽ Marĩp̄ marĩrẽ ĩmudeare piriro marĩrõ b̄remurã: “Marĩp̄ ĩũrõ waja opabea”, ãrĩ gũñarã ããrĩburo. ¹⁰ ĩḡsãrẽ sóoburi dupuyuro ĩḡsã ããrĩrikurire õãrõ ĩãburo. P̄ru ĩḡsã õãrõ ããrĩrikurire ĩã odo: “Waja opabema”, ãrĩ, ĩḡsãrẽ sóoburo. ¹¹ Jesúre b̄remurã oparãrẽ iritamurã nomede irasũta masaka b̄remusũrã ããrĩburo. Gajerãrẽ ñerõ kere ãrĩ weremerã nome, pémasĩrĩ merã irirã nome, õãrĩrẽ irinĩrã nome ããrĩburo. ¹² Suḡ Jesúre b̄remurã oparãrẽ iritamuḡ sugoreta marãpokuḡ, ĩḡ pũrãrẽ, gajerãrẽ ĩḡya wii marãrẽ õãrõ doremasĩḡ ããrĩburo. ¹³ Jesúre b̄remurã oparãrẽ iritamurã õãrõ iritamumakũ ĩãrã, gajerã ĩḡsãrẽ: “Õãrõ yãma”, ãrĩrãkuma. Irasirirã güiro marĩrõ ḡyasĩrĩrĩ marĩrõ gũñaturari merã ĩḡsã Jesucristore b̄remurĩrẽ gajerãrẽ wererãkuma.

Jesúymarẽ gojadea

¹⁴⁻¹⁵ Mata ȳ m̄ p̄rogue waad̄adãa. Waad̄akereḡ, gajipoe iriḡ waamasĩbiribokoa. Irasiriḡ i pũ merã m̄rẽ: “Marĩp̄ pũrã ãsũ iriburo”, ãrĩ were gojãa. Marĩp̄ pũrã Jesúre b̄remurĩ bumarã Marĩp̄ okanĩḡyarã ããrĩma. ĩḡsãta Marĩp̄ya diayemarẽ b̄remurã, gajerãrẽ irire buerã ããrĩma. ¹⁶ Marĩ: “I diayeta ããrã”, ãrĩ masĩa. Marĩp̄ya diayema, marĩ dupuyuro masĩbiridea, ĩḡ marĩrẽ ĩmudea õãtaria. I ãsũ ããrã:

Marĩp̄ maḡ marĩ irirosũ dup̄kuḡ deyoadi ããrĩmĩ. Õãḡ deyomarĩḡ: “Ĩḡ diayema iriḡ ããrĩmi”, ãrĩrĩrẽ marĩrẽ masĩmakũ iridi ããrĩmĩ.

Marĩp̄re wereboerã ĩḡrẽ ĩãnerã ããrĩmã. ĩḡyarã ĩḡya kerere ããrĩperero marãrẽ weren-erã ããrĩmã. Irasirirã i ãm̄guere masaka ĩḡrẽ b̄remunerã ããrĩmã. P̄ru Marĩp̄ ãm̄gasigue ĩḡrẽ ãĩm̄ĩadi ããrĩmĩ.

4

Pablo Timoteore Jesúre b̄remudinerã ĩḡrẽ b̄remuduúrãymarẽ gojadea

¹ Õãḡ deyomarĩḡ ire pémasĩma õãrõ marĩrẽ weremi. I ãm̄ pereburi dupuyuro surãyeri masaka Jesúre b̄remudinerã ĩḡrẽ b̄remuduúrãkuma. Wãtẽa ãrĩgatorire, wãtẽaya buerire pét̄yarãkuma. ² Irigatorikurã irire buemakũ pérã: “Õãrĩ bueri ããrã”, ãrĩ gũñarãkuma. Ārĩgatori merã buekererã, ĩḡsã basi: “Ñerõ irirã yãa”, neõ ãrĩ gũñabirikuma. ³ Masakare: “Marãpok̄birikõãka! I baarire baabirikõãka!” ãrĩma. Marĩp̄ ããrĩpereri

marĩ baaburire iridi ããrĩmĩ. Irasirirã marĩ Jesúre b̄remurã diayemarẽ masĩrã, ĩgũrẽ: “Õãa”, ãrĩ, ɯɯyari sĩ odo, baarire baamasĩa. ⁴ ããrĩpereri Marĩp̄u iridea õãrĩ ããrã. Irasirirã ĩgũ irideare: “Gããmebea”, ãrĩbirikõãrã! ĩgũrẽ: “Õãa”, ãrĩ, ɯɯyari sĩ odo, baaro gããmea. ⁵ Marĩp̄u ĩgũ irideare: “Õãa”, ãrĩ weresiadi ããrĩmĩ. Irasirirã marĩ baaburi dupuyuro ĩgũrẽ: “Õãa”, ãrĩ, ɯɯyari sĩmakũ, marĩ baarire õãrĩ waamakũ yámi.

Pablo Jesúre moãboeḡuyamarẽ werede

⁶ M̄u, i ȳu weredeare Jesúre b̄remurãrẽ bueḡu, Jesucristore õãrõ moãboeḡu ããrĩḡukoa. Irasiriḡu Marĩp̄uya werenĩrĩ marĩ b̄remurĩrẽ, ĩgũyare õãrĩ buerire m̄u õãrõ irit̄uyarire gũñaturari merã b̄remunemoḡukoa. ⁷ Masaka i ùm̄umarẽ ĩgũsã basi ĩgũsã gũñarĩ merã kere wererire pébirikõãka! Iri Marĩp̄uya ããrĩbea. Marĩp̄u gããmerĩ direta irit̄uyawãḡanĩka! ⁸ Marĩ õãrõ moãpaumakũ õãgorãa. I nemorõ Marĩp̄u gããmerĩrẽ õãrõ irimakũ õãtaria. ĩgũ gããmerĩrẽ iripaurã, i ùm̄uguere marĩ ĩgũ merã õãrõ ããrã. P̄u ùm̄ugasiguedere ĩgũ merã ããrĩrãkoa. ⁹ Iri ȳu wereri diayeta ããrã. ããrĩpererã irire: “Diayeta ããrã”, ãrĩ b̄remurõ gããmea. ¹⁰ Irasirirã marĩ gajerãrẽ Marĩp̄uyare buerã, ñerõ tari, b̄uro moãa. Marĩp̄u okanígũ marĩrẽ õãrõ iriburire ɯɯyari merã yúsĩa, irasũ yáa. ĩgũ ããrĩpererãrẽ tauḡu ããrĩmĩ. Jesúre b̄remurã direta tauḡukumi ĩgũ p̄uro ããrĩburo, ãrĩgũ.

¹¹ Jesúre b̄remurãrẽ iri ããrĩpereri ȳu ãrĩrĩrẽ iridore, bueka! ¹² Gajerã, m̄u maamu ããrĩmakũ ĩãrã, m̄urẽ péduabiribokuma. Irasiriḡu, Jesúre b̄remurãrẽ m̄urẽ péburo, ãrĩgũ, õãrĩrẽ werenĩka! Óãrõ irinĩka! Gajerãrẽ maĩka! Jesúre b̄remut̄uyanĩkõãka! Marĩp̄u ĩũrõ ñerĩ marĩgũ ããrĩka! M̄urẽ ĩãkũburo, ãrĩgũ, irasirika! ¹³ Ȳu, m̄u p̄rogue ejaburo dupuyuro Jesúre b̄remurã nerẽrãrẽ Marĩp̄uyare gojadea p̄urẽ bue ĩmuka! ĩgũsãrẽ: “Ãsũ ããrĩrikũka!” ãrĩ wereka! Marĩp̄uyare õãrõ bueka, ĩgũsã irire masĩnemoburo, ãrĩgũ! ¹⁴ Iro dupuyuro Marĩp̄u Jesúre b̄remurã oparã m̄urãrẽ m̄urẽ weredoredi ããrĩmĩ. Irasiriḡu, ĩgũsãya mojõrĩ merã m̄urẽ ñapeomakũ, ĩgũ turarire sidi ããrĩmĩ, ĩgũ weredorederosũta m̄u ĩgũyare irimasĩburo, ãrĩgũ. Irasiriḡu, ĩgũ m̄urẽ irimasĩrĩ sĩrĩrẽ kãtibirikõãka!

¹⁵ Irire gũña, irinĩka, ããrĩpererã m̄u Marĩp̄uyare irimasĩnemowãḡarire ĩãburo, ãrĩgũ! ¹⁶ “¿Óãrõ iriḡu yári?” ãrĩ gũñagũ, m̄u iririk̄urire, gajerãrẽ m̄u buerire gũñaka! Óãrĩ direta irinĩka! Irasirirã m̄u, m̄urẽ pénerãde tausũrãkoa.

5

Pablo Timoteore: “Jesúre b̄remurãrẽ ãsũ irika!” ãrĩ gojadea

¹ M̄urãrẽ turibirikõãka! M̄up̄ure m̄u õãrõ irirosũta m̄urãdere õãrõ b̄remurĩ merã wereka! M̄u paḡup̄urãrẽ m̄u õãrõ irirosũta maamarãdere b̄remurĩ merã wereka! ² M̄upore m̄u õãrõ irirosũta m̄urã nomedere õãrõ b̄remurĩ merã wereka! M̄u paḡup̄urã nomerẽ m̄u õãrõ irirosũta nõomedere ñerõ ɯaribejaro marĩrõ õãrõ b̄remurĩ merã wereka!

³ Wapiweyarã nome iritamusũña marĩrãrẽ iritamuka! ⁴ Wapiweyo p̄urãk̄udeo ããrĩmakũ, parãmerãk̄udeo ããrĩmak̄udere ĩgũsã igore iritamuburo, igo ĩgũsãrẽ masũdea waja. Irasũ iritamurã, Marĩp̄u ĩgũsãyarãrẽ iritamudorederosũta irirã yáma. ĩgũsã irasiriri merã Marĩp̄ure ɯɯyari merã ĩãmakũ yáma. ⁵ Bopogo wapiweyo igoyarã marĩgõ: “Marĩp̄u ȳure iritamuḡukumi”, ãrĩ gũñamo. Irasirigo ùm̄urĩ, ñamirĩ Marĩp̄ure: “Iritamuka ȳure!” ãrĩ s̄er̄enĩkõãmo. ⁶ Gajego wapiweyo igo gããmerĩ direta irimoãmagõ, okago ããrĩkeregõ, boadeo irirosũ Marĩp̄u gããmerĩrẽ irimasĩbeo ããrĩmo. ⁷ Iri ããrĩpereri wapiweyarã nomerẽ iritamurĩmarẽ ȳu m̄urẽ gojarire Jesúre b̄remurãrẽ wereka, gajerã ĩgũsãrẽ: “Ñerõ yáma, ĩgũsãyarãrẽ iritamubema”, ãrĩ werew̄uabirikõãburo, ãrĩgũ! ⁸ Sugu ĩgũyarãrẽ, ĩgũya wii marãdere õãrõ korebi: “Jesúre b̄remubea”, ãrĩgũ irirosũ yámi. Jesúre b̄remumerã nemorõ ñerõ iriḡu ããrĩmĩ.

⁹ Wapiweyarã nomerẽ iritamuburi dupuyuro, papera pũgue ãsũ ããrĩrã nomerẽ gojatúka! Búro, sesenta bojori nemorõ opago, sugureta marãpũkũdeo ããrĩburo. ¹⁰ Masaka: “Igo õãrĩrẽ irigo ããrĩmo”, ãrĩsũgõ, igo pũrãrẽ õãrõ masũdeo, igoya wiire gãmeñajãrã ejarãrẽ õãrõ bokatĩrĩneãgõ, moãboego irirosũ Jesúre bũremurãrẽ iritamugõ, ñerõ tarirãrẽ iritamugõ, ããrĩpererãrẽ bopoñarĩ merã ããgõ, gajino õãrĩrẽ irinĩgõ ããrĩburo.

¹¹ Wapiweyarã nome, nóomeweya nome ããrĩmakũ, i papera pũgue gojatúbirikõãka! Ìgũsã Cristoyare iridũaro nemorõ ãma merã ããrĩduarã, dupaturi marãpũkũdũabokuma. ¹² Irasũ Ìgũsã dupaturi marãpũkũrã, Ìgũsã: “Marãpũ marĩgõ, Cristoya direta irigokoa”, ãrĩdeare iribiribokuma. Irire iribiridea waja, waja opabokuma. ¹³ Ìgũsã dupaturi marãpũkũmerã, térĩkũrã, gajerãya wiirigue gãmeñajãgorenarã, gajerãrẽ ñerĩ kerere werenĩrã, gajerãrẽ Ìgũsãamarẽ sãrẽñarikũrã, gajerã Ìgũsãrẽ weredorebirideareta masakare weregorenarã dujabokuma. ¹⁴ Irasirigu: “Ìgũsãrẽ, gajerã wapiweyarã nome mũrãrẽ iritamurõsũ iritamubirikõãrõ gããmea”, ãrĩ werea. Dupaturi marãpũkũ, pũrãkũburo doja. Ìgũsãya wii marãrẽ õãrõ koreburo. Ìgũsã irasirimakũ, ñegũ marĩrẽ ãaturigu masakare Ìgũsãrẽ: “Ñerĩrẽ irirã yãma”, ãrĩ werewũamakũ iribiribokumi. ¹⁵ Surãyeri wapiweyarã nome Cristoyare pirikõã, wãtẽa opũ Satanãya gapũre iritũyasiama.

¹⁶ Jesúre bũremurã, Ìgũsãyarã wapiweyarã nome ããrĩmakũ Ìgũsãrẽ iritamuburo. Jesúre bũremurĩ bumarãguere Ìgũsãrẽ iritamudorebirikõãburo. Irasirirã Jesúre bũremurĩ bumarã gajerã wapiweyarã nome iritamuña marĩrã gapũre iritamumasĩma.

¹⁷ Jesúre bũremurã oparã mũrã Ìgũsãyarãrẽ õãrõ dorerãrẽ gajerãrẽ bũremurõ nemorõ bũremurõ gããmea. Ìgũsã õãrõ moãrĩ waja õãrõ wajariburo. Surãyeri Marĩpũyare wererã, Ìgũsãyarãrẽ buerã ããrĩma. ¹⁸ Marĩpũya werenĩrĩ gojadea pũgue, sugũ moãgũrẽ marĩ wajariburire ãsũ ãrĩ gojasũdero ããrĩbũ: “Wekũ trigo yeri gasirire Ìgũya guburi merã kũra koro, trigore baadũagũ baaburo. Ìgũya disi tũsãrĩ berore tũsãbirikõãka!” ãrĩ gojasũdero ããrĩbũ. Gajero ãsũ ãrĩ gojasũdero ããrĩbũ: “Moãgũrẽ Ìgũ moãrĩ wajare wajariro gããmea”.

¹⁹ Sugũta Jesúre bũremurã opũre: “Ñerĩrẽ iriami”, ãrĩ werewũamakũ pãbirikõãka! Pẽrã o mũrerã Ìgũ irideare ããnerã Ìgũrẽ werewũarire péka! ²⁰ Jesúre bũremurã nerẽrõgue ããrĩpererã péurogue ñerõ irigũre: “Irire neõ irinemobirikõãka!” ãrĩ wereka, gajerã gũirã, Ìgũ irirosũ iribirikõãburo, ãrĩgũ!

²¹ Yũ, Marĩpũ Ìũrõ, Jesucristo Ìũrõ, irasũ ããrĩmakũ Marĩpũre wereboerã Ìgũ beyenerã Ìũrõguedere mũrẽ ãsũ ãrĩ weregũra. Yũ mũrẽ dorerire irigu, ããrĩpererã Jesúre bũremurãrẽ bũremurĩ merã sũrosũ ããka! Mũsã surãyeri Ìgũsãrẽ õãrõ irirosũ, gajerã Ìgũsã watope marãdere sũrosũ õãrõ irika! ²² Gajerãrẽ Jesúre bũremurã oparã ããrĩmurãrẽ mũya mojõrĩ merã ñapeo, Ìgũsãrẽ sóoburi dupuyuro Ìgũsã ããrĩkũrĩre õãrõ ããpũrorika! Ñerĩrẽ irirãrẽ sóogũ, Ìgũsã irirosũta mũde ñerõ irigu ããrĩbokoa. ããrĩpereri ñerĩrẽ iribita ããrĩrikũka!

²³ Mũ paru pũrĩrĩ opagũ ããrã. Irasirigu irire kũkũgũ, deko direta iirĩbirikõãka! Mẽrõgã igui deko pãmudeadere iirĩka!

²⁴ Mũ Jesúre bũremurã oparã ããrĩmurãrẽ Ìgũsã ããrĩkũrĩre ããgũ, ire õãrõ masĩka! Marĩpũ ñerãrẽ wajamoãburi dupuyuro surãyeri masaka Ìgũsã ñerĩrẽ iririre marĩ ããmasĩa. Gajerã gapũre Ìgũsã ñerĩ iririre ããmasĩbea. Marĩpũ ããrĩpererã ñerãrẽ wajamoãrĩnũ ããrĩmakũ, Ìgũsã ñerĩ irideare masĩrãkoa. ²⁵ Irasũta masaka Ìgũsã õãrĩ iririre ããmasĩsũa. Gajerã Ìgũsã õãrĩrẽ iririre daporare ããmasĩbirikererã, pũrũgue masĩrãkoa.

6

¹ Moãrĩmasã Jesúre bũremurã Ìgũsã oparã dorerire gopeyari merã iriburo. Ìgũsã irasirimakũ ããrã, gajerã Marĩpũre, marĩ bueridere ñerõ ãrĩ werenĩbirikuma. ² Ìgũsã oparã Jesúre bũremurã ããrĩmakũ: “Ìgũsã gũare dorebirikõãrõ gããmea”, ãrĩ gũñabirikõãburo. Irasũ gũñarõno irirã Ìgũsã dorerire bũremurĩ merã iriburo. “Marĩ oparã Jesúre

buremurã ããrĩmakũ, ĩgũsãrẽ maĩa, irasirirã ĩgũsãrẽ õãrõ moãboerãkoa”, ãrĩ gũñaburo. I yu were gojarire Jesúre buremurãrẽ bueka!

Marĩpũre buremurĩmarẽ, õãrõ ããrĩrikũrimadere gojadea

³ Masakare ãrĩgatori merã buerã marĩ Opũ Jesucristoya diayema ããrĩrĩrẽ buedeare buremubema. Marĩpũyare marĩ buremurĩrẽ gããmemerã ããrĩma. ⁴ “Gajerã nemorõ masĩa”, ãrĩ gũñakererã, diayemarẽ neõ masĩbema. Pémasĩmerã irirosũ masaka werenĩrĩrẽ gãme guaseodũarã ããrĩma. Irasirirã gajerãrẽ gãme ĩãturi, gãme ĩãdũabiri, ñerõ kere gãme ãrĩ were, ñerõ gãme gũñamakũ yáma. ⁵ Diaye gũñamerãrẽ gãme guaseonĩmakũ yáma. ĩgũsã diayema ããrĩrĩrẽ masĩmerã ããrĩmakũ, ĩgũsãrẽ: “Marĩpũyare iritũyarã, wáro niyerure wajatarãkoa”, ãrĩ gũñamakũ yáma. ĩgũsãnorẽ wapikũbirikõãka! ⁶ Marĩ, Marĩpũyare buremurĩrẽ õãrõ iritũyarã, wári õãrĩ oparã irirosũ ããrã. I merã usũyáa. ⁷ Marĩ i ãmũguere deyoarã, neõ gajino merã deyoabiribũ. Boarãde neõ gajinorẽ ãĩabirikoã. ⁸ Irasirirã surĩ, baari marĩ dapora opari merãta usũyaro gããmea. ⁹ Gajerã gapũ wári opadũasĩa, ĩgũsã ñerĩ iridũarire pirimerã, pémasĩrĩ marĩrõ ñerĩrẽ ãaribejarã dujama. Irasirirã iri merã ĩgũsã basita poyanorẽsĩa, peamegue béosũrãkuma. ¹⁰ Niyeru maĩrĩ, masakare ããrĩpereri ñerĩrẽ irinũgãmakũ iriri ããrã. Surãyeri niyerure bũro gããmerã, Jesúyare buremuadideare piri, ĩgũsã basita bũro bũjawereri bokama.

Pablo Timoteore: “Mũ Jesúre buremurĩrẽ neõ piribirikõãka!” ãrĩ gojadea

¹¹ Mũ tamerã Marĩpũyagũ i ããrĩpereri ñerĩrẽ ãaribejabirikõãka! Diayema irigũ, Marĩpũ gããmerĩrẽ irigũ, ĩgũyare: “Diaye ããrã”, ãrĩ buremugũ, gajerãrẽ maĩgũ, ñerõ tarikeregũ gũñaturari merã Marĩpũyare irigũ, “Gajerã nemorõ ããrã”, ãrĩ gũñarõ marĩrõ ĩgũsãrẽ iritamugũ ããrĩka! ¹² Marĩpũ mũrẽ siiudi ããrĩmĩ, ĩgũ pũro perebiri okari opaburo, ãrĩgũ. Irasirigũ Jesucristore mũ buremurĩrẽ wãrã masaka péurogue werebũ. Iri okarire opabu, ñerõ tarikeregũ, ĩgũrẽ buremurĩrẽ piribirikõãka! ¹³ Yũ, Marĩpũ ããrĩpererãrẽ okari sĩgũ ĩũrõ, Jesucristo ĩgũyamarẽ Poncio Pilatore diaye weredi ĩũrõ ire mũrẽ iridorea. ¹⁴ Jesucristo i ãmũguere dupaturi aarimakũguedere ñerĩ marĩgũ, masaka werewũasũña marĩgũ ĩgũ doredeare gorawayuro marĩrõ irinĩkõãka! ¹⁵ Marĩpũ ĩgũ: “Ãsũ irigũra”, ãrĩdeare iririnũ ejamakũ, Jesucristore dupaturi iriugũkumi. ĩgũ sugũta õãtarigũ, turagũ, ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi. ¹⁶ ĩgũ sugũta neõ boabi ããrĩmi. Boyorogue neõ sugũ masakũ ejamasĩberogue ããrĩmi. Neõ sugũ masakũ ĩgũrẽ ĩãdi, ĩgũrẽ ĩãgũde mámi. Irasirirã neõ piriro marĩrõ ããrĩpererinũrĩ ĩgũrẽ: “Turataria mũ”, ãrĩ buremurã! Irasũta irirã!

¹⁷ I ãmũmarẽ wári oparãrẽ ãsũ ãrĩ wereka: “‘Gajerã nemorõ ããrã’, neõ ãrĩ gũñabirikõãka! Mũsã opari pereakõãrokoa. Irasirirã: ‘Yũ wári opari merã õãrõ ããrĩgũkoa’, ãrĩ gũñabirikõãka! ‘Marĩpũ yũre sĩrĩ merã õãrõ ããrĩgũkoa’, ãrĩ gũñaka!” ãrĩka ĩgũsãrẽ! Marĩpũ marĩrẽ ããrĩpereri marĩ oparire sĩmi, iri merã usũyaburo, ãrĩgũ. ¹⁸ Wári oparã õãrĩrẽ iriburo. ĩgũsã wári opari merã opamerãrẽ iritamuburo. ĩgũsãrẽ iritamurã, ĩgũsã oparire õãrõ merã sĩburo. ¹⁹ ĩgũsã irasirirã, wári ãmũgasimarẽ opasiarãkuma. Irogue ããrĩrĩ neõ perebirikoã. Irasirirã irogue Marĩpũ merã perebiri okari opanĩkõãrãkuma.

Pablo Timoteore doretũnudea

²⁰ Timoteo, Marĩpũ mũrẽ weredoregũ pídeare piribirikõãka! Marĩpũre gããmemerã i ãmũma ubu ããrĩrĩ werenĩrĩrẽ, ĩgũsã noõ gããmerõ werenĩmoãmarĩdere pétũyabirikõãka! “Marĩ werenĩrĩ, masĩrĩmasã werenĩrĩ ããrã”, ãrĩkererã, Marĩpũyare masĩrã irirosũ werenĩrã meta yáma. ²¹ Surãyeri ĩgũsã werenĩrĩrẽ pétũyarã, Marĩpũyare ĩgũsã buremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããrã.

Pablo

2 TIMOTEO

Pablo Timoteore òãdoredea

¹ Y_u Pablo m_urē òãdoredea. Marĩp_u g_ããmederosũta Jesucristo y_ure beyepĩdi *ããrĩmĩ*. Marĩp_u: “Jesucristore b_uremur_ã y_u mer_ã òãr_õ *ããrĩrãkuma*”, *ãrĩdeare* y_ure masakare buedoreg_u beyepĩdi *ããrĩmĩ*. ² M_u diayeta y_u mag_ũ irirosũ *ããrĩg_ũ ããrã*. Irasirig_u m_urē ire goj_ãa. Marĩp_u *ããrĩnĩg_ũ*, marĩ Op_u Jesucristo m_urē iritamu, bopoñarĩ mer_ã *ĩã*, siuñaj_{ãrĩ} mer_ã *ããrĩrik_umak_ũ iriburo*.

Pablo Timoteore: “Masakare Cristoyare wereka!” ãrĩ gojadea

³ Y_u Marĩp_ure s_ẽr_ẽrik_u, m_urē g_ũñ_ãa. *Ɔm_urik_u, ñamirik_u ĩg_ũr_ẽ*: “*Òãã*”, *ãrĩ*, *u_suyari sĩ*, m_uya *ããrĩburire s_ẽr_ẽbosanĩk_õãã*. Y_u ñek_ũs_ãmar_ã ĩg_ũr_ẽ b_uremuderosũta: “Y_u, ĩg_ũ ĩũr_õ waja opabi *ããrã*”, *ãrĩ masĩrĩ* mer_ã y_ude ĩg_ũr_ẽ b_uremua. ⁴ Y_u, m_u p_urogue *ããrãdi waamak_ũ m_u oredeare g_ũñanĩsĩã*, m_urē *ĩãduakoa doja*, m_u mer_ã b_uro *u_syad_uag_u*. ⁵ M_u Jes_ũre diayeta b_uremurĩr_ẽ g_ũñ_ãa. M_u ĩg_ũr_ẽ b_uremuburi dupuyuro m_u ñek_õ Loida, m_upo Eunicede Jes_ũre b_uremup_urorima. Daporare y_u òãr_õ masĩã. ĩg_ũs_ã ĩg_ũr_ẽ b_uremurĩ oparosũta m_ude op_ãa.

⁶ Irasirig_u ire m_urē g_ũñamak_ũ irid_uãã. Iro dupuyuro yaa moj_õrĩ mer_ã m_urē y_u ñapeomak_ũ, Marĩp_u ĩg_ũ turarire m_urē sĩmi, ĩg_ũyare irimasĩburo, *ãrĩg_ũ*. Daporare ĩg_ũ m_urē iridorederosũta ĩg_ũ turari mer_ã ĩg_ũyare iriw_ãg_ãnĩka! ⁷ Marĩp_u marĩr_ẽ *Òãg_ũ deyomarĩg_ũr_ẽ sĩmi*. *Òãg_ũ deyomarĩg_ũ marĩr_ẽ g_ũimak_ũ irig_u meta ããrĩmĩ*. Marĩp_uyare ĩg_ũ turari mer_ã irir_ã, masakare maĩr_ã, p_ẽmasĩrĩ mer_ã irir_ã *ããrĩmak_ũ irig_u ããrĩmĩ*. ⁸ Irasirig_u marĩ Op_uyare gajer_ãr_ẽ wereg_u, g_uyasĩrĩbirik_õãka! ĩg_ũyare gajer_ãr_ẽ y_u weredeã waja peresugue *ããrĩmak_ũ*, y_ure g_uyasĩrĩs_ãbirik_õãka! M_u Marĩp_u masakare tauri kerere wereri waja y_u irirosũ ñer_õ tarig_u: “*Òãrokoa*”, *ãrĩ g_ũñaka!* Marĩp_u m_urē turaro sĩr_õp_ã irasirika! ⁹ Marĩp_u marĩr_ẽ perebiri peamegue waaboner_ãr_ẽ taudi *ããrĩmĩ*. *Òãrã ĩg_ũyar_ã ããrĩburo*, *ãrĩg_ũ*, marĩr_ẽ siiudi *ããrĩmĩ*. “*Òãrĩr_ẽ yãma*, irasirig_u ĩg_ũs_ãr_ẽ siiub_u”, *ãrĩ g_ũñag_ũ meta siiudi ããrĩmĩ*. ĩg_ũ marĩr_ẽ Jesucristoyar_ãr_ẽ maĩg_ũ i *ãm_u iriburi dupuyuro*: “*Ĩg_ũs_ãr_ẽ taug_ura*”, *ãrĩ g_ũñã*, marĩr_ẽ beyedi *ããrĩmĩ*. ¹⁰ Irasirig_u Jesucristore marĩr_ẽ taug_ure iriug_u, ĩg_ũ marĩr_ẽ diayeta maĩr_ẽ masĩmak_ũ iridi *ããrĩmĩ*. Jesucristo marĩr_ẽ ĩg_ũr_ẽ b_uremur_ãr_ẽ perebiri peamegue waamur_ã *ããrĩmak_ũ neõ iribiridi ããrĩmĩ*. ĩg_ũ marĩr_ẽ tauri kerere weredeare b_uremurĩ mer_ã marĩr_ẽ Marĩp_u p_uro ĩg_ũ mer_ã *ããrĩnĩburire masĩmak_ũ iridi ããrĩmĩ*.

¹¹ Marĩp_u y_ure iri kerere weredoreg_u beyedi *ããrĩmĩ judĩo masaka ããrĩmer_ãr_ẽ Jesucristoyare buedoreg_u*. ¹² Irire bueri waja y_u b_uro ñer_õ taria. Ñer_õ tarikereg_u, Jes_ũre y_u g_ũñaturari mer_ã b_uremug_ũr_ẽ masĩã. Irasirig_u peresugue *ããrĩkereg_u*, g_uyasĩrĩr_õ marĩr_õ *ããrĩk_õãã*. Jes_ũta turag_u, y_ure ĩg_ũyare buedoreg_u pĩdi, y_ure òãr_õ koreg_u *ããrĩmĩ*. Irasirig_u dupaturi aarig_ũ, ĩg_ũ y_ure buedoredea mer_ã: “*Ãs_ũ irig_ura*”, *ãrĩdeare iriyuwarik_ug_ukumi*. Irire masĩã.

¹³ Y_u m_urē diayema buedeare: “*Ãs_ũ iriro g_ããmea y_ure*”, *ãrĩ*, Jes_ũre b_uremurĩ mer_ã, gajer_ãr_ẽ maĩrĩ mer_ã irinĩk_õãka! Marĩ Jes_ũyar_ã *ããrĩsĩã*, irasirimasĩã. ¹⁴ *Òãg_ũ deyomarĩg_ũ marĩguere ããrĩg_ũ iritamurĩ mer_ã Marĩp_u m_urē ĩg_ũya kerere weredoredeare gorawayuro marĩr_õ wereka!*

¹⁵ M_u masĩsiãã. Y_u peresugue *ããrĩmak_ũ ĩãrã*, *ããrĩpererã Asia nik_ũ marã Jes_ũre b_uremur_ã y_ure b_ẽowãgãperek_õããã*. ĩg_ũs_ã watope *ããrĩnerãde Figelo, Hermógenesãde b_ẽowãgãk_õããã*. ¹⁶ Onesĩforo gap_u irasiribirimi. Marĩ Op_u ĩg_ũya wii mar_ãr_ẽ bopoñarĩ mer_ã *ĩãburo*. Wãri Onesĩforo y_ure g_ũñaturamak_ũ irimi. Y_u peresugue *ããrĩmak_ũ ĩãg_ũ*, y_ure g_uyasĩrĩs_ãbirimi. ¹⁷ Irasirig_u Romague eja_{g_u}, y_ure *ãmanĩk_õãdi ããrĩmĩ*. Y_ure bokag_ugue

ãmuduúmi. ¹⁸ Marĩ Op_u dupaturi aarigú, ìgùrè bopoñarĩ merã ìãburo. Efesoguedere ìgù marĩrè iritamudeare m_u òãrò masĩsíaa.

2

Pablo Timoteore òãrò iridorerimarè gojadea

¹ M_u, Jesucristoyag_u diayeta y_u magù irirosù ããrìgù ããrà. Irasirig_u Jesucristo iritamurĩ merã ìgùrè gũnaturari merã b_uremuníkòãka! ² Y_u wárã masaka péurogue buemakù m_u pédeare Jesucristoyare gũnaturarãrè bueturiaka! Irasirirã irire gajerãrè keoro buemasĩrãkuma.

³ Surara ñerò tarikereg_u gũnaturakumi. Ìgù irirosù m_u Jesucristoyag_u gajerã ìgùyarã merã ñerò tarikereg_u gũnaturaka! ⁴ Surara ìgù op_u gããmeròsù doreri diretta irikumi. Surara ããrĩbi moãròsù iribirikumi. Irasirig_u m_u ìgù irirosù marĩ Op_u doreri diretta irika! ⁵ I irirosù ùma birarimasãde gajerã nemorò ùmakereg_u, oparã dorerire keoro iribi, ìgùsã ìgùrè sĩboadeare wajatabirikumi. Irasirig_u marĩ Op_u dorerire òãrò irika, ìgù òãrĩ sĩburire wajatabu! ⁶ Pooere òãrò moãgù ìgù moãdea waja iri pooema oteri ðakare opap_urorikumi. Irasirig_u ìgù irirosù marĩ Op_uyare òãrò moãgù, gajerãrè ìgùyare bueri waja ìgù murè sĩrĩrè opagakoa. ⁷ Y_u wererire òãrò gũnaka! M_u irasirimakù, marĩ Op_u i ããrĩpererire masĩmakù irig_ukumi.

⁸ Jesucristore gũnaka! Ìgù, op_u David parãmi ããrĩturiag_u ããrĩmi. Ìgùta boadigue masãdi ããrĩmĩ marĩrè peamegue waabonerãrè taug_u. Iri marĩrè tauri kerereta y_u werea. ⁹ Iri kerere wereri waja ñerò taria. Masaka y_ure ñerò irig_u irirosù kòme dari merã sia, peresugue biadoboma. Ìgùsã y_ure peresu irikerep_ur_u, Marĩp_uya kerere ããrĩpererogue pésùrokoa. ¹⁰ Irasirig_u y_u ñerò tarikereg_u, gũnaturaníkòãka, Marĩp_u beyenerã ìgù merã òãrò ããrĩburo, ãrìgù. Ìgùsãde marĩ irirosùta Jesucristoyarã ããrĩma. Irasirig_u, ìgùsãde peamegue waabirikòãburo, ãrìgù, irasù yáa. ¹¹ I diayeta ããrà:

Marĩ Jesucristore b_uremurĩ waja gajerã marĩrè wèjèmakù, ùm_ugasigue ìgù merã ããrĩnìkòãrãkoa.

¹² Marĩ ñerò tarikererã gũnaturari merã marĩ ìgùrè b_uremurĩrè pirimerã, ìgùyarãrè dorerogue ìgù merã dorerã ããrĩrãkoa. Marĩ Jesùre masĩkererã gajerãrè: “Ìgùrè masĩbea”, ãrìmakù, ìgùde marĩrè: “M_usãrè masĩbea”, ãrìg_ukumi.

¹³ Marĩ, ìgù: “Àsù irig_ura”, ãrìdeare b_uremubirikerep_ur_u, ìgù ãrìdeare diayeta irig_ukumi. Ìgù ããrĩpereri ìgù ãrìrĩ, diayeta ããrà. Neò ãrìgatomasĩbirikumi.

Pablo Timoteore keoro buerimarè gojadea

¹⁴ I y_u were gojarire m_u buerãrè gũnanìmakù irika! Marĩ Op_u ìüròrè ìgùsãrè turaro merã àsù ãrì wereka! Masaka werenìrìrè m_usã gãme guaseori wajamãa. Irire pérãrè diaye gũnamerã dujamakù yáa. ¹⁵ M_u gap_u Marĩp_u ìürò ìgùya diretta b_uro irid_uag_u ããrìka! Ìgùya diayema kerere pémasĩrĩ merã gajerãrè keoro bueka! Ìgù murè: “Òãrò yámi”, ãrì ìãburo, ãrìgù, òãrò moãgù ìgù moãdeare g_uyasĩrĩberosù ããrìbu, irasirika!

¹⁶ Masaka i ùm_u ubu ããrìrì werenìrìrè pébirikòãka! Irire irasù werenìrã nemorò ñerĩrè iriwãgãnemorãkuma. ¹⁷ Ìgùsã bueri, dup_ure kãmirò boawãgãrò irirosù gajerãrè poyanorã. Ìgùsã watopere Himeneo, Fileto ããrĩma. ¹⁸ Ìgùsã Marĩp_uya diayemarè buebema. “Jesùre b_uremurã boanerã ìgùsã dup_u merã masã, m_urĩasianerã ããrìmã, irasirirã i ùm_u peremakù, ìgùsã dupaturi masãbirikuma”, ãrì buema. Irasù ããrìrã, surãyeri Jesùre b_uremurãrè ìgùya diayema buerire b_uremuduúmakù yáma. ¹⁹ Marĩp_uya werenìrì, ìgù marĩrè pídea neò gorawayubea. Wii neò boabiriburi borari merã òãrò núdea wii irirosù ããrà. Neò perebirikoa. Àsù ãrì gojasùdero ããrìbú: “Marĩ Op_u ìgùyarãrè masĩmi. Ìgùrè ããrìpererã: ‘Ìgùyarã ããrà’, ãrìrã ñerì iririre pirikòãburo”.

²⁰ I keori merã ãsũ ãrĩ weregura. Sugu wári opaguya wiiguere wári soropari ããrĩkoa. Bosenũ ããrĩmakũ oro merã irideapari, plata merã irideapari baarogue peokuma. Diiari merã irideaparire, o kooáre ubu ããrĩrĩnũrĩrẽ peokuma. ²¹ Marĩ õãrĩ pari irirosũ ããrĩduarã, ããrĩpereri ñerĩrẽ opamerã ããrĩnĩkõãrõ gããmea. Irasirirã, marĩ Opuyarã ãgũ irisũnerã ããrĩsĩã, ããrĩpereri ãgũ iridorerire õãrõ irirã ããrĩrãkoa.

²² Irasirigũ, maamarã ñerĩ ãaribejarire iribirikõãka! Diayemarẽ irinĩka! Jesúre bũremunĩka! Masakadere maĩka! Gajerã merã õãrõ ããrĩrikũka! Irasũta ããrĩpererã ñerĩ opamerã marĩ Opure sërênirã merã ããrĩka! ²³ Pémasĩmerã ubu ããrĩrĩrẽ gãme guaseorire pébirikõãka! Mũ masĩa. ãgũsã irasũ gãme guaseo, purũ gãme turirãkuma. ²⁴ Mũ, marĩ Opure moãboegũ ããrã. Irasirigũ gajerã merã gãme turibirikõãka! ãsũ gapũ ããrĩka! ããrĩpererã merã õãrõ ããrĩgũ, ãgũsãrẽ õãrõ buegũ, bopoñarĩrẽ opagũ ããrĩka! ²⁵ Gajerã mũ buerire gããmebirimakũ, ãgũsãrẽ bũremurĩ merã õãrõ wereka! Marĩpũ ãgũsãrẽ ãgũsã ñerĩ iririre bũjawere, õãrĩ gapure gorawayumakũ irigũkumi, ãrĩgũ, irasirĩka! Irasirirã diayema ããrĩrĩrẽ masĩngãrãkuma. ²⁶ Irire masĩrã, pémasĩrãkuma. Wãtĩ ãgũsãrẽ ãgũ gããmerĩrẽ iridorerire pirirãkuma.

3

Pablo Timoteore i ãmũ pereburi dupuyuro ñerõ waaburire gojadea

¹ Ire masĩka! I ãmũ pereburi dupuyuro wári ñerĩ aarirokoa. ² Masaka ãsũ ããrĩrãkuma. ãgũsãya ããrĩburi direta gũñarã, niyerure ãaribejarã: “Gajerã nemorõ ããrã”, ãrĩ werenirã, gajerãrẽ ñerõ turirã, Marĩpũre ñerõ ãrĩ werenirã, pagusãmarãrẽ tarinũgãrã, gajerã ãgũsãrẽ sĩkerepurũ: “ãgũsã gũare õãrõ iriabu”, neõ ãrĩ, usuyari sĩmerã, gopeyari merã Marĩpũyare bũremumerã ããrĩrãkuma. ³ Gajerãrẽ maĩrĩ merã iritamumerã, bopoñarĩ merã ããmerã, ñerĩ kere wererã, ñerĩ ãaribejarire pirimasĩmerã, gajerãrẽ ñerõ tarimakũ irirã, ããrĩpereri õãrĩrẽ doorã ããrĩrãkuma. ⁴ ãgũsã merãmarãrẽ ãgũsãrẽ ñerõ iriduarãguere wiarã, pémasĩrĩ marĩrõ ãgũsã noó gããmerõ irirã, “Masĩpeorã ããrã”, ãrĩ gũñarã ããrĩrãkuma. Marĩpũre gããmerõnorẽ irirã, ãgũsã gããmerõ ãaribejarire iri, usuyarã ããrĩrãkuma. ⁵ Masaka ãũrõ Marĩpũre bũremurã irirosũ irikererã: “Marĩpũ gããmerĩrẽ ãgũ turari merãta irimasĩa”, ãrĩ gũñarãmerã ããrĩrãkuma. “Yũ basi irire irimasĩa”, ãrĩ gũñarãkuma.

ãgũsãnorẽ neõ wapikũbirikõãka! ⁶ ãgũsãno ãsũ yãma. Masakaya wiirigue õãrõ werenĩgato, ñajãa, pémasĩmerã nomerẽ ãgũsã ãrĩgatorire pé bũremumakũ yãma. ãgũsã nome bũro ñerĩrẽ irirã nome ããrĩsĩã, ããrĩpereri ñerĩ ãaribejarire iriduarã ããrĩma. ⁷ Gajino buerire buenĩkererã, Marĩpũya diayema gapure neõ pémasĩbema. ⁸ Iripoegue marã Janes, Jambres yéa ããrĩnerã Moisés weredeare péduabiriderosũ, ãgũsã ãrĩgatori merã buerã diayemarẽ neõ péduabema. Ñerĩ direta gũñapausĩã, Jesúre bũremumerã ããrĩma. ⁹ Irasũ ããrĩkererã, wãrã masakare ãgũsã ãrĩgatori merã buerire pé bũremumakũ irimasĩbirikuma. Moisére péduabirinerã Janes, Jambreere waaderosũ ãgũsãdere waarokoa. Irasirirã, ãgũsãrẽ ãrĩgatorikurã, pémasĩmerã ããrĩrĩrẽ ããrĩpererã ããmasĩrãkuma.

Pablo Timoteore doretũnudea

¹⁰ Mũ gapũ yũ buedeare õãrõ irinĩkõãa. Yũ ããrĩrikũrĩre, yũ: “ãsũ irigũra”, ãrĩ gũñarĩrẽ, Jesúre yũ bũremurĩrẽ, masakare bopoñarĩ merã yũ iritamurĩrẽ, ãgũsãrẽ yũ maĩrĩrẽ, ñerõ tarikeregũ yũ gũñaturarire mũ masĩa. ¹¹ Jesucristoyare yũ iridea waja masaka yũre ñerõ irima. Bũro ñerõ taribũ. Yũ Antioquíague, Iconiogue, Listrague ããrĩmakũ, ããrĩpereri yũre waadeare, iri makãrĩ marã yũre ñerõ tarimakũ irideare mũ masĩa. Yũ ñerõ taririkũ, marĩ Opũ gapũ yũre iritamumi. ¹² I diayeta ããrã. ããrĩpererã Jesucristoyarã Marĩpũ gããmerĩrẽ irinĩduarãnorẽ gajerã ãgũsãrẽ ñerõ tarimakũ irirãkuma. ¹³ Ñerã, ãrĩgatorikurã, ãgũsã ñerõ iridero nemorõ ñerõ irinemonirãkuma. Gajerãrẽ ãgũsã ãrĩgatorire pé bũremumakũ irirã, ãgũsãde gajerã ãrĩgatorire pé bũremurã ããrĩma.

14 M_u gap_u y_u m_urē buedeare irinikōāka! M_u Marīp_uyare: “Diayeta āārā”, ārī b_uremudeare piriro marīrō b_uremunikōāka! M_u masīa m_urē buenerārē. 15 M_u majīgūgueta, Marīp_uyaya werenírí gojadeare masīnūgāyuro. Irasirig_u ĩgūyare masīgū: “Marīp_u Jesucristore b_uremurārē taumi, perebiri peamegue waabirikōāburo, ārīgū”, ārī masīa. 16 Āārīpereri Marīp_uyaya werenírí gojadea, ĩgū masīrī sīrī merā gojadea āārā. Iri gojadeare buerā, diayemarē marī masīa. Marī ñerō irideare: “Ñegorab_u”, ārī, “Ōārī gap_ure iriro gāāmea”, ārī masīa. Irasirirā iri pūgue gojadeare buerā, diayemarē irimasīa. 17 Marīp_u ĩgūyarārē ĩgūyare ōārō masīdoreg_u, ĩgūyaya werenírí gojadeare marīrē pídi āārīmí, āārīpereri ōārīrē irimasīburo, ārīgū.

4

1 Jesucristo āārīpererā Op_u i ūmūguere dupaturi aarigukumi. Irasū aarigú, masaka okarārē, boanerādere: “¿Níisā waja oparā, níisā gap_u waja opamerā āārírí?” ārī beyegukumi, waja oparārē wajamoābu. Irasirig_u ĩgū ĩūrō, Marīp_u ĩūrōdere turaro merā m_urē dorea. 2 Marīp_uyaya kerere masakare ĩgūsā péduamakū, péduabirimakūdere wereka! ĩgūsārē ĩgūsā ñerī irideare masī, piridoreg_u, iri kerere wereka, ōārī gap_ure iriburo, ārīgū! B_uro bopoñarī merā pémasīma ōārō ĩgūsārē irire bueka! 3 P_ung_uguere masaka Marīp_uyaya ōārī buerire péduabirikuma. Irasirirā ĩgūsā gāāmerīrē irirā, ĩgūsā péduari direta buemurārē wárā āmarākuma. 4 Marīp_uyaya diayema āārīrē béo, masaka ĩgūsā basi ĩgūsā gūñarī merā wererire pétyarākuma. 5 M_u gap_u pémasīrī merā diayemarē irinikōāka! Ñerō tarikereg_u, gūñaturaka! Ōārō iriduari merā Jesús masakare tauri kerere bueka, peamegue waabirikōāburo, ārīgū! Marīp_u m_urē moādoredeare ōārō iri odonúkōāka!

6 Y_u Marīp_uyare iridea waja okanemosūbirikoa, y_u boaburo mérō d_uyáa, ārī péñáa. 7 Y_u Jesucristo y_ure buedoreg_u pídeare ōārō bueyuwarikub_u. ĩgū y_ure iridorerire ōārō iri odonúb_u. Ñerō tarikereg_u, ĩgūrē b_uremurīrē neō piribirib_u. 8 Irasirig_u dapora y_u diayema iridea waja marī Op_u y_ure y_u wajatadeare siburire usuyari merā yúa. ĩgūta diayemarē irig_u masakare: “¿Níisā waja oparā, níisā gap_u waja opamerā āārírí?” ārī beyerin_u āārīmakū, y_u wajatadeare sīgukumi*. Y_u direta sibirikumi. Āārīpererā ĩgū aariburire b_uro ĩād_uari merā, ĩgūrē maírī merā yúrārē irire sīgukumi.

Pablo Timoteore iridorenemodea

9 M_u aariró bokatīūrō y_ure ĩāgū aarika! 10 Demas i ūm_umarē gāāmesīa, y_ure béo, Tesalónicague waakōāmi. Crescente Galacia nikūgue, Titode Dalmaciague marī Op_uyare buerā waama. 11 Lucas dita y_u merā āārīmí. Irasirig_u Marcore āma, ĩgūrē āarika! ĩgū y_ure iritamugukumi, marī Op_uyare ōārō moāburo, ārīgū. 12 Y_u Tíquicore Efesogue iriub_u. 13 M_u ōōgue aarigú, y_u weka sāñarī surírore, Troas wāik_uari makā Carpoya wiigue y_u pídeañerē āarika! Yaa papera tūrūrīrē āarika! Waim_urāya gasiri merā iridea tūrūrīdere b_uro gāāmea. Irasirig_u iridere āarika!

14 Alejandro kōme merā moārīmasū y_ure ñetariro irimi. ĩgū y_ure irasiridea waja marī Op_u ĩgūrē wajamoāgukumi. 15 ĩgū marī buerire neō gāāmebirigorami. Irasirig_u ĩgūrē pémasīka!

16 Oparā y_ure peresugue biadoborā y_u irideare sērēñapurorimakū, neō sug_u y_ure iritamubirimi. Āārīpererā y_ure béowāgāperekōāma. Marīp_u ĩgūsā y_ure irasirideare kātiburo. 17 ĩgūsā y_ure béowāgākerep_uru, marī Op_u y_ure iritamumi. Y_ure turari sīmi, ĩgū masakare tauri kerere ōārō wereburo, ārīgū. Āārīpererā judío masaka āārīmerā iri

* 4:8 Sug_u ūma birarimasū gajirā nemorō ōārō ūmagū, olivo wāikūdimā pūrī merā iridea berore wajatakumi. Masaka iri berore ĩgūya dipurugue peokuma, gajerārē ĩgū wajatadeare ĩmumurā. I irirosū, sug_u Jesúre b_uremugū ĩgū diayema iridea waja ūmagasigue perebiri okari wajatagukumi. Iri ūmagasigue perebiri okari wajatari, i berore wajatari irirosū āārā.

kerere péburo, ãrĩgũ, irasirimi. Ëõkaye yare baabéobodire tariweremakũ irirosũ ñegũ yare wējébéobodire tariweremakũ irimi. ¹⁸ Irasũ ããrĩmakũ, ããrĩpereri ñerã yare ñerõ iriburire yare tariweremakũ irigukumi. Ëmũgasigue ĩgũyarãrẽ dorerogue waaburo, ãrĩgũ, yare õãrõ koregukumi. Marĩ Opure: “Õãtarigũ, turatarigũ ããrã”, ãrĩ, usuyari sĩnĩkõãrã! Irasũta irirã!

Pablo õãdoretũnudea

¹⁹ Priscila, igo marãpũ Aquila, Onesíforoya wii marãde õãburo. ²⁰ Erasto Corintogue dujami. Trófimo pũrĩrikũakõãmi. Irasirigũ Miletogue ĩgũrẽ píbũ. ²¹ Mũ puibũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã mure õãdorema.

²² Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsãrẽ õãrõ iritamuburo. Irasũta irinĩkõãburo.

Iropãta ããrã.

Pablo

TITO

Pablo Titore òãdoredea

¹ Yũ Pablo, mũrẽ òãdorea. Yũ Marĩpũre moãboegũ ããrã. Jesucristo yũre ìgũya kerere buedoregũ pími. Marĩpũ beyenerãrẽ ìgũrẽ òãrõ buremumakũ gããmegũ, ìgũsãrẽ ìgũyare òãrõ irimakũ gããmegũ, yũre iriumi, ìgũya diayema kerere masĩburo, ãrĩgũ. ² Irasirirã iri kerere masĩrã, ìgũsã ùmũgasigue perebiri okari opaburire masĩma. Marĩpũ i ùmũrẽ iriburo dupuyuro: “Perebiri okari sĩgũra”, ãrĩdi ããrĩmĩ. Ìgũ ãrĩgatobi ããrĩsĩã, ìgũ ãrĩderosũta marĩrẽ sĩgũkumi. ³ Daporare Marĩpũ: “Ãsũ irigũra”, ìgũ ãrĩdeare iriripoe ejasiãa. Irasirigũ ìgũya kerere wererãrẽ weredoremi marĩrẽ irire masĩburo, ãrĩgũ. Ìgũ marĩrẽ taugũ, yũdere iri kerere weredoregũ pími.

⁴ Tito, yũ mũrẽ gojãa. Yũ Jesúyare weremakũ pégu, mũ ìgũrẽ buremunũgãbũ. Irasirigũ yũ magũ irirosũ ããrã. Daporare marĩ pẽrãgueta Jesúre buremurã ããrã. Marĩpũ ããrĩngũ, Jesucristo marĩrẽ taugũ mũrẽ òãrõ iritamu, siuñajãrĩ merã ããrĩrikũmakũ iriburo.

Pablo Titore Creta marãrẽ buedoredea

⁵ Yũ mũrẽ Creta wãikũri nũgũrõgue píwãgãribũ, mũrẽ Jesúre buremurãrẽ yũ iripeo-birideare òãrõ ãmupeokõãburo, ãrĩgũ. Irasirigũ iri nũgũrõma makãrĩrẽ waagorenagũ, iri makãrĩkũ yũ mũrẽ dorederosũta Jesúre buremurãrẽ ìgũsã oparã ããrĩmurãrẽ sóoka! ⁶ Sugũ ìgũsã opũ ããrĩbure sóogũ, ãsũpero ããrĩgũrẽ sóoka! Masaka: “Ñerõ irigũ ããrĩmĩ”, ãrĩ werewũasũña marĩgũrẽ, sugoreta marãpokũdire sóoka! Ìgũ pũrãde Jesúre buremurãta ããrĩburo. Masaka ìgũ pũrãrẽ: “Ñegorama, ìgũsã pagũsãmarãrẽ tarinũgãgorama”, ãrĩ werewũasũña marĩrã ããrĩburo. ⁷ Sugũ Jesúre buremurã opũ Marĩpũre moãboegũ ããrĩmĩ. Irasirigũ masaka werewũasũña marĩgũ ããrĩburo. Ìgũ gããmerĩ direta gajerãrẽ iridorebino, mata gajerã merã guarikũbi, mejãbi, gãmekẽãdũabi, ñerõ iriri merã niyeru wajatadũabi ããrĩburo. ⁸ Ãsũ gapũ irigũ ããrĩburo. Ìgũya wiigũe gãmeñajãrã ejarãrẽ òãrõ bokatĩrĩñeãgũ, òãrĩ gapũre gããmegũ, pẽmasĩrĩ merã iririkũgu, diayemarẽ irigũ, Marĩpũyagũ, noó gããmerõ iridũarire iribi ããrĩburo. ⁹ Marĩpũya diayema kerere, marĩ ìgũrẽ buedea buremurĩrẽ piribi ããrĩburo. Irasirigũ, ìgũde gajerã Jesúre buremurãrẽ òãrĩ bueri merã ìgũsãrẽ Marĩpũyare gũñatura, òãrõ ããrĩrikũmakũ irigũkumi. Irire buegũ, diayema buerire werewũarãrẽ òãrõ yũjũmasĩgũkumi, ìgũsãde diaye gũñanũgãburo, ãrĩgũ.

¹⁰ Wãrã ããrĩma Marĩpũ dorerire tarinũgãrã. Ìgũsã noó gããmerõ werenĩmoãmarĩ merã masakare ìgũsã ãrĩgatorire buremumakũ yãma. Judío masaka surãyari irasũgora yãma. ¹¹ Niyeru direta wajatadũarã, ìgũsã gããmerõ buemoãmakõãma. Irasirirã wiiri marãrẽ poyanorẽma. Irasirigũ mũ ìgũsãrẽ kãmutakõãka! “Irire iropãta buenemoka!” ãrĩka ìgũsãrẽ!

¹² Iripoegue sugũ iro Creta nũgũrõmũ òãrõ wererimasũ ãsũ ãrĩ wereyupũ iro marãrẽ: I nũgũrõ marã bũro ãrĩgatorikũma. Makãnúũ marã waimũrã bũro goerã irirosũ ããrĩma. Baaparã, baari direta gũñarikũrã, moãdũamerã, bũro tãrikũrã ããrĩma, ãrĩyupũ.

¹³ Ìgũ irasũ ãrĩgũ, diayeta ãrĩ werenĩdi ããrĩmĩ. Daporare Creta marã iripoegue iriderosũta yãma. Irasirigũ Tito, turaro merã ìgũsãrẽ wereka, Marĩpũya diayema buerire òãrõ gũñaturari merã buremuburo, ãrĩgũ! ¹⁴ Ìgũsãrẽ òãrõ bueka, judío masaka noó gããmerõ gũñaboka, weremoãmadea kerere, Marĩpũya diayema kerere gããmemerã dorerire pẽnemobirikõãburo, ãrĩgũ!

¹⁵ Marĩpũyare buremurãrẽ òãrĩ gũñarĩ oparãrẽ, ããrĩpereri gajino ìgũsãrẽ ñerĩrẽ gũñamakũ iribirikoa. Marĩpũyare burenumerã gapũre ñerĩ gũñarĩ direta oparãrẽ, ããrĩpereri gajino ìgũsãrẽ ñerĩrẽ gũñamakũ yãa. Irasirirã ñerĩrẽ irirã: “Ñerõ iriakubũ

у”, neõ arī bujawerebema. ¹⁶ “Marĩpure masĩa guа”, а̀rĩkererã, ĩgũrẽ masĩbema. ĩgũsã ñerõ iriri merã ĩgũrẽ masĩbema, а̀rĩ masĩsũа. Gajerãrẽ ĩãturi dooma. Marĩpu dorerire tarinugãgorama. А̀arĩpereri õarĩrẽ neõ irimasĩmerã, ñerãgora а̀arĩma.

2

Keoro buedorerimarẽ gojadea

¹ Irasirigu Marĩpuya diayema а̀arĩrĩrẽ masakare keoro bueka!

² А̀sũ а̀rĩ wereka, mурã ũmarẽ: “Mսsã pemasĩrĩ merã iririkurã, masaka buremusũrã, diayemarẽ irirã, Marĩpure gũñaturari merã buremurã, gajerãrẽ maĩrã а̀arĩka! Mսsãrẽ ñerõ waamakũ, gũñaturanĩkõõaka!” а̀rĩ wereka ĩgũsãrẽ!

³⁻⁴ Mурã nomedere: “Mսsã Marĩpure gopeyari merã buremuka! Gajerãrẽ ñerõ а̀rĩ werewuamerãta, wãro mejãrĩnorẽ iirĩmerãta а̀arĩka! Maamarã nomerẽ õarĩrẽ bueka, ĩgũsãrẽ irire irimasĩburo, а̀rĩrã! Mսsã irasũ buemakũ peduripĩrã, ĩgũsã marãpusãmarãrẽ, ĩgũsã pũrãdere õarõ maĩrãkuma. ⁵ Diayemarẽ irirã, õarĩ gũñarĩ oparã, ĩgũsãya wi-irigue а̀arĩrãrẽ õarõ korerã, gajerãrẽ iritamurã, ĩgũsã marãpusãmarãrẽ tarinugãmerã а̀arĩrãkuma. Irasirirã ĩgũsã maamarã nome irire õarõ irimakũ ĩãrã, gajerã Marĩpuya kerere ñerõ werenĩmasĩbirikuma. ‘Tri kerere buremurã ñerõ yãma’, а̀rĩ masĩbirikuma”, а̀rĩ wereka ĩgũsãrẽ!

⁶ Maamarã ũmadere: “Mսsãde diayemarẽ irika!” а̀rĩ wereka! ⁷ Mս õarĩ direta irika! Mս irasirimakũ ĩãrã, gajerãde õarĩrẽ irirãkuma. Masakare gopeyari merã diayema а̀arĩrĩrẽ keoro bueka! ⁸ Õarõ pemasĩrĩ merã werenĩka, gajerã mурẽ werewuabirikõõaburo, а̀rĩgũ. Mս werenĩrĩrẽ pẽrã, mурẽ gããmemerã: “I diaye а̀arĩbea”, а̀rĩmasĩbirikuma. Irasirirã marĩrẽ werewuanerã guyasĩrĩrãkuma. Marĩrẽ ñerĩ werenĩrĩ merã werewuamasĩbirikuma.

⁹ Moãboerimasãdere: “Mսsã oparã dorerire tarinugãbirikõõaka! ĩgũsã doremakũ, а̀arĩpereri ĩgũsã dorerire irika! ĩgũsãrẽ mսsã merã usuyamakũ irika! ĩgũsã mսsãrẽ doremakũ: ‘Iribea’, а̀rĩbirikõõaka! ¹⁰ ĩgũsã oparire neõ yajabirikõõaka! ĩgũsã oparire mսsã õarõ koremakũ ĩãrã: ‘Õarõ yãma’, а̀rĩrãkuma. Gajerãde mսsã õarõ iririre ĩãrã, marĩrẽ taugu Marĩpuya buerire: ‘Õarĩ а̀arã’, а̀rĩ gũñarãkuma”, а̀rĩ wereka ĩgũsãrẽ!

¹¹ Marĩpu marĩrẽ maĩgũ а̀arĩpererã i ũmս marã ĩgũsã ñerõ iridea wajare tauduagu, Jesucristore iriudi а̀arĩmĩ. ¹² Marĩrẽ ĩgũ gããmebinorẽ, i ũmսma ñerõ uaribejarire piriburo, а̀rĩgũ, irasiridi а̀arĩmĩ. Marĩ i ũmugue а̀arĩrãde õarõ pemasĩrĩ merã diayemarẽ irirã, Marĩpu gããmerĩrẽ irirã а̀arĩrõ gããmea. ¹³ Marĩ Opս turatarigu marĩrẽ taugu Jesucristo dupaturi aariburire usuyari merã yũrã yãa. ĩgũ а̀rĩderosũta aarigukumi marĩrẽ õarĩrẽ irigu aarigũ. Ire marĩ masĩsĩã, ĩgũ gããmerĩrẽ iriro gããmea. ¹⁴ Marĩ ñerõ iridea wajare wajaribosabu, ĩgũrẽ wẽjẽrãrẽ kãmutaro marĩrõ boadi а̀arĩmĩ. Irasirigu а̀arĩpereri marĩ ñerõ iridea wajare taudi а̀arĩmĩ, marĩrẽ neõ ñerĩrẽ opabirikõõaburo, а̀rĩgũ. Marĩrẽ ĩgũyarã а̀arĩburo, õarĩrẽ õarõ iriburo, а̀rĩgũ, irasiridi а̀arĩmĩ.

¹⁵ Mս Jesũre buremurãrẽ irire õarõ bueka, õarĩrẽ usuyari merã iriburo, а̀rĩgũ! Marĩpu mурẽ irire weredoredi а̀arĩmĩ. Irasirigu ĩgũ dorero merã irire iriduerãrẽ: “А̀sũ irika!” а̀rĩ wereka! Neõ sugս masakս, mս weremakũ, mурẽ irasũ ĩãbẽobirikõõaburo.

3

Pablo Jesũre buremurãrẽ: “А̀sũ irika!” а̀rĩ gojadea

¹ Irogue marã Jesũre buremurãrẽ а̀sũ а̀rĩ wereka: “Mսsã oparãrẽ, mսsãrẽ dorerãrẽ tarinugãbirikõõaka! ĩgũsã dorerire õarõ pẽka! Õarõ iririre irirã а̀arĩka! ² Neõ sugս masakure ñerõ а̀rĩ werewuabirikõõaka! Masaka merã gãme turimerãta, ĩgũsã merã õarõ usuyari merã а̀arĩrikuka! Gajerãrẽ maĩrĩ merã iritamuka! А̀arĩpererãrẽ buemurĩ merã gũña maĩka!” а̀rĩ wereka ĩgũsãrẽ!

³ Iripoegue marĩ Jesúre b̄remubirisĩã, Marĩp̄uyare pémasĩbiri, ĩgũ dorerire tarinugã, ãrĩgatorire b̄remu, dedirinerã ããrĩbú. ããrĩpereri noó gããmerõ ɯaribejarire, ñerĩ iridɯarire pirimasĩbirinerã ããrĩbú. Gajerãrẽ uburikɯrã, ĩgũsãrẽ ñerõ irirã ããrĩnerã ããrĩbú. Gajerã marĩrẽ ĩãturi doonerã ããrĩmá. Marĩ baside gãme ĩãturi doonerã ããrĩbú.

⁴ Marĩ irasũ ããrĩkerepɯrɯ, Marĩp̄u marĩrẽ taugɯ gapɯ ĩgũ marĩrẽ maĩrĩrẽ, ĩgũ marĩrẽ iritamudɯarire marĩrẽ masĩmakũ iridi ããrĩmĩ. ⁵ Irasirigɯ marĩrẽ taudi ããrĩmĩ. Marĩ õãrĩrẽ neõ iribirikerepɯrɯ, marĩrẽ b̄ro bopoñarĩ merã ĩãsiã, marĩrẽ taudi ããrĩmĩ, perebiri peamegue waabirikõãburo, ãrĩgũ. Marĩ ñerĩ oparire koedi ããrĩmĩ, Õãgũ deyomarĩgũ merã marĩrẽ majĩrã maama deyoarã irirosũ ããrĩburo, ãrĩgũ. Irasirigɯ marĩrẽ maama okarire sĩdi ããrĩmĩ ĩgũ pũrã ããrĩburo, ãrĩgũ. ⁶ Õãgũ deyomarĩgũrẽ Jesucristo marĩ ñerõ iridea wajare taugɯ merã marĩrẽ iriudi ããrĩmĩ ĩgũ turarire opatarikõãburo, ãrĩgũ. ⁷ Irasirigɯ marĩrẽ maĩgũ: “Õãrã, waja opamerã ããrĩma”, ãrĩ ĩãdi ããrĩmĩ. Irasirirã gũñaturari merã: “Ĩgũ marĩrẽ ĩgũ pũrãrẽ: ‘Ɛmugasigue perebiri okarire sĩgura’, ãrĩdeare oparãkoa”, ãrĩ masĩa.

⁸ Iri yɯ m̄rẽ wereri, diayema kere ããrã. Irasirigɯ Marĩp̄ure b̄remurãrẽ irire õãrõ gũñaturari merã bueka, piriro marĩrõ õãrĩrẽ irinikõãburo, ãrĩgũ! I bueri õãgorãa. Irire péduripĩrãnorẽ õãrõ ããrĩrikɯmakũ iriri ããrã. ⁹ Gajerã merã ubu ããrĩrĩrẽ, gua ñekũsãmarã iriunadea kerere, Marĩp̄u Moisére doreri pídeare: “¿Naásũ ãrĩdɯaro yári?” ãrĩ s̄erẽñarĩrẽ gãme guaseobirikõãka! Irire gãme guaseori ñegorãa. Masakare õãrõ ããrĩrikɯmakũ iriri ããrĩbea.

¹⁰ Sugɯ masakɯ Jesúre b̄remurĩ bumarãrẽ gãme guaseo, dɯkawarimakũ irigɯnorẽ: “Irire iribirikõãka!” ãrĩ wereka! Mɯ suñarõ o péa ĩgũrẽ wereadero p̄rɯ ĩgũ pébirimakũ ĩãgũ, Jesúre b̄remurã nerẽrõgue ĩgũsã merã ããrĩgũrẽ béowiuka! ¹¹ ĩgũsãrẽ gãme guaseo, dɯkawarimakũ iriri merã: “Ñegũ, waja opagɯ ããrĩmi”, ãrĩ masĩsũa.

Pablo iritamudoredea

¹² Yɯ Artemarẽ o Tíquicore mɯ p̄rogue iriugɯkoa. Mɯ p̄ro ejamakũ, Nicópolis wãĩkɯri makãgue yɯre bokatĩrĩgũ waapurumuka! Yɯ: “Irogue puibɯ tamugɯkoa”, ãrĩ gũñãa.

¹³ Mɯ iritamurõ bokatĩũrõ Zenas masakare werenĩbosarimasũrẽ, Apolodere iritamuka! ĩgũsã gajerogue waaburi dupuyuro ĩgũsã gããmerĩrẽ sĩka, iri ããrĩpererire opaburo, ãrĩrã!

¹⁴ Mɯ irasũ iritamumakũ ĩãrã, marĩyarãde õãrĩ iri, ĩgũsã basi gãme iritamurãkuma ĩgũsã gããmerĩrẽ opamurã. Irasirirã irimoãmamerãta ããrĩrãkuma.

Pablo õãdoretũnudea

¹⁵ ããrĩpererã yɯ merã ããrĩrã m̄rẽ õãdorema. Marĩyarã Jesúre b̄remurãrẽ marĩrẽ maĩrãrẽ mɯ p̄ro ããrĩrãrẽ õãdoreka! Marĩp̄u m̄sãrẽ ããrĩpererãrẽ õãrõ iritamuburo.

Iropãta ããrã.

Pablo

FILEMÓN

Pablo Filemórē òãdoredea

¹ Y_H Pablo, Jesucristoya kerere weredeadea waja peresugue ããrã. Marĩyag_H Timoteo merã m_Herē òãdoreade. Filemón, m_H g_Hua maĩgũ, g_Hua merã moãgũ ããrã. ² Y_H gajerã Jesúre b_Hremurã m_Huya wiig_Hue nerērãrē, marĩyago Apia wãik_Hgore, irasũ ããrĩmakũ Arquipodere òãdoreade. Arquipo g_Hua merã moãmi, gajerã Jesucristoya kerere péburo, ãrĩgũ. ³ Marĩp_H ããrĩnĩgũ, marĩ Op_H Jesucristo m_Hsãrē òãrõ iritamu, siuñajãrĩ merã ããrĩrik_Hmakũ iriburo.

Filemón gajerãrē maĩgũ Jesúre b_Hremugũ ããrĩmi, ãrĩ gojadeade

⁴⁻⁵ Y_H Marĩp_Hre sērērik_H m_Huya ããrĩburire sērēbosáa. Marĩ Op_H Jesúre m_H maĩrĩrē, ãgũrē m_H b_Hremurĩrē, gajerã Marĩp_Hyarãrē m_H maĩrĩrē péb_H. Irasirig_H Marĩp_Hre: “Òãa”, ãrĩ, usuyari sĩa. ⁶ M_H Jesúre b_Hremusĩã, ãgũrē b_Hremurĩrē gajerãrē wereade, ãgũsãde ãgũrē b_Hremuburo, ãrĩgũ. Irasirig_H y_H Marĩp_Hre: “Ígũsãrē wereg_H, ããrĩpereri Jesucristo marĩrē òãrõ iririre masĩpeog_H waaburo”, ãrĩ sērēa. ⁷ Yaag_H, m_H Marĩp_Hyarãrē òãrõ y_Hjp_Hrãk_Hmakũ irib_H. M_H ãgũsãrē maĩrĩrē pég_H, y_H m_H merã òãrõ y_Hjp_Hrãk_H, usuyáa.

Pablo Filemórē: “Onésimo m_Herē moãboeg_Hre òãrõ bokatĩrĩñeãka!” ãrĩ sērēdeade

⁸ Irasirig_H y_H Jesucristo buedoreg_H pídi ããrĩsĩã, m_Herē doremasĩkereg_H: “Ásũ iriro gããmeade, irasirig_H irire irika!” ãrĩbirikoa. ⁹ Maĩrĩ merã gap_H m_Herē sērēduakoa. Y_H Pablo b_Hg_Hro ããrã. Jesucristoya kerere weredeade waja peresugue ããrã. ¹⁰ Irasirig_H Onésimõyamarē m_Herē sērēduakoa. Ígũ, y_H peresugue ããrĩgũ p_Hro eja, y_H Jesúyare were-makũ pég_H, ãgũrē b_Hremunugãmi. Irasirig_H y_H magũ irirosũ ããrĩmi.

¹¹ Jesúre b_Hremuburi dupuyuro Onésimo m_Herē òãrõ moãboebirisĩã, béowãgãdi ããrĩmi. Dapora tamerãrē marĩ pērãguereta iritamumi. Y_Hre òãrõ iritamugũ yãmi. M_Hdere òãrõ iritamug_Hkumi. ¹² Irasirig_H daporare m_H p_Hrogue ãgũrē y_H b_Hro maĩgũrē iriua. ãgũrē òãrõ bokatĩrĩñeãka! ¹³ Y_H Jesucristoya kerere weredeade waja peresu ããrĩripoe m_H y_Hre iritamuboadeare iritamudoreg_H, òõgue ãgũrē y_H merã dujamakũ gããmeadãa. ¹⁴ Ígũ, y_H merã dujamakũ gããmekereg_H, m_H gããmerĩ direta irid_Hakoa. Irasirig_H m_H y_Hre: “Jáa”, ãrĩmakũ tamerãrē y_H doreri meta ããrĩrokoa. M_H gããmerõsũ waarokoa. ¹⁵ “Gajipoe irig_H Onésimo m_Herē béowãgãgũ yoaripoe ããrĩbu meta waakumi. Dupaturi m_H merã òãrõ ããrĩnikõãbu irasirikumi”, ãrĩ gũñãa. Irasirig_H ãgũrē y_H merã dujadorebirikoa. ¹⁶ Ígũ m_Herē moãboeg_H ããrĩkereg_H, daporare Jesúre b_Hremumi. M_Huya wereg_H irirosũ ããrĩmi. Y_H ãgũrē b_Hro maĩa. M_H gap_H y_H nemorõ ãgũrē maĩrõ gããmeade. “Y_Hre moãboeg_H ããrĩkereg_H, Jesúre b_Hremusĩã, yaa wereg_H irirosũ ããrĩmi, irasirig_H ãgũrē b_Hro maĩa”, ãrĩ gũñarõ gããmeade.

¹⁷ Irasirig_H m_H y_Hre: “Y_H merã moãgũ ããrĩmi gajerã Jesúyare péburo, ãrĩgũ”, ãrĩ gũñagũ, y_Hre bokatĩrĩñeãrõsũta Onésimorē òãrõ bokatĩrĩñeãka! ¹⁸ Ígũ gajino m_Hyare poyanorēdi, o m_Herē wajamomakũ, y_Hre wereka! Y_H m_Herē wajarig_Hkoa. ¹⁹ Y_H Pablo, y_H basi ire m_Herē ãrĩ gojáa: “Y_H wajarig_Hra”. Irire irasũ ãrĩ gojakereg_H, m_Herē gaji gũñamakũ irimasĩa. Jesúyare y_H m_Herē weremakũ pég_H, ãgũrē b_Hremunugãb_H. Irasirig_H, y_H m_Herē weredeade waja y_Hre wãro wajamogũ irirosũ ããrã. ²⁰ Irasirig_H m_Herē yaag_Hre ãsũ ãrĩ sērēa: “M_H marĩ Op_H Jesucristore b_Hremugũ ããrĩsĩã, Onésimorē òãrõ bokatĩrĩñeãka!” Marĩ Cristoyarã ããrã. Irasirig_H y_Hre òãrõ y_Hjp_Hrãk_Hmakũ irika!

²¹ I y_H m_Herē sērērĩrē: “Irig_Hkumi”, ãrĩ masĩa. Irasirig_H ire m_Herē gojáa. Idere masĩa. Y_H sērērĩrē nemorõ m_H òãrõ irig_Hkoa. ²² M_Herē gojag_H, gajidere sērēa. Y_Hre wiuadero p_Hr_H, m_Hsã p_Hrogue waad_Hakoa. Irasirig_H y_H irogue ejaburi dupuyuro y_H kãrĩburi tarĩbure ãmuyuka! Marĩp_H m_Hsã ãgũrē sērērĩrē: “Jáa”, ãrĩmakũ, m_Hsã p_Hrogue waag_Hkoa.

Pablo Filemórē gojatũnudeade

²³ Epafras m̄rē òãdoremi. Īgũ Jesucristoya kerere weredeia waja ȳ merã peresugue ããrĩmi. ²⁴ Ȳ merã moãrã Marcos, Aristarco, Demas, irasũ ããrĩmakũ Lucas m̄rē òãdorema.

²⁵ Marĩ Op̄ Jesucristo m̄sãrē òãrõ iritamuburo. Irasũta iriburo.

Iropãta ããrã.

Pablo

HEBREOS

Marĩpu ĩgũ magũ Jesucristo merã weredeamarẽ gojadea

¹ Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenugãdi ããrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kërõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ. ² Dapagorare i ãmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i ãmurẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure. ³ Jesucristo, Marĩpu gosesiririre opagũ, turatarigũ, õãtarigũ, Marĩpu ããrĩrikũrere opagũ ããrĩmĩ. ĩgũ turaro doreri merã ããrĩpereri i ãmũmarẽ ããrĩnikõãmakũ yãmi. Marĩ ñerõ iridea wajare tau odo, pũũ ãmũgasigue Marĩpu turatarigũ diaye gapũ eja doadi ããrĩmĩ, ããrĩpererãrẽ doregũ ããrĩbu.

Marĩpu magũ, Marĩpũre wereboerã nemorõ turagũ ããrĩmĩ, ãrĩ gojadea

⁴ Irasirigũ Marĩpu magũ Jesucristo, Marĩpũre wereboerã nemorõ turagũ ããrĩmĩ. Marĩpu ĩgũrẽ: “Makũ, mũ yũ magũ ããrã”, ãrĩdi ããrĩmĩ. Ángeles gapũre: “Yũre wereboerã ããrã”, ãrĩdi ããrĩmĩ. ⁵ ĩgũ magũrẽ ãsũ ãrĩdi ããrĩmĩ: Yũ magũ ããrã mũ. Dapagã merã mũ, yũ magũ ããrĩrẽ masakare masĩmakũ yãa, ãrĩdi ããrĩmĩ.✧

Neõ sugũ ĩgũrẽ wereboegũre irasũ ãrĩbiridi ããrĩmĩ. ĩgũ magũyamarẽ ãsũ ãrĩdi ããrĩmĩ doja: Yũ, ĩgũ pagũ ããrã. ĩgũ, yũ magũ ããrĩmĩ, ãrĩdi ããrĩmĩ.✧

Neõ sugũ ĩgũrẽ wereboegũre irasũ ããrĩbiridi ããrĩmĩ. ⁶ ĩgũ magũrẽ sugũ ããrĩgũrẽ i ãmũgue iriugũ, ãsũ gapũ ãrĩdi ããrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi ããrĩmĩ.✧

⁷ ĩgũrẽ wereboerãyamarẽ ãsũ ãrĩdi ããrĩmĩ:

Yũre wereboerãrẽ mirũ wẽjãpu taurosũ, peame ãjãrĩ pũrã irirosũ waamakũ yãa, ãrĩdi ããrĩmĩ.✧

⁸ ĩgũ magũ gapũre ãsũ ãrĩdi ããrĩmĩ:

Mũ ããrĩpererã Opũ ããrĩnĩgũ ããrã. Mũyarãrẽ diayeta dorea.

⁹ Diayema iririre gããmea. Ñerõ iririre dooa. Irasirimakũ ĩãgũ, yũ mũpũ mũrẽ ããrĩpererã Opũ ããrĩbure beyebũ.

Irasirigũ mũrẽ ããrĩpererã mũ merãmarã nemorõ usũyari merã ããrĩmakũ iribũ, ãrĩdi ããrĩmĩ.✧

¹⁰ Idere ãrĩdi ããrĩmĩ Marĩpu ĩgũ magũrẽ:

Mũ ããrĩpererã Opũ, neõgoragueta i nikũ, ãmũgasidere iribũ.

¹¹ Gajipoe i ãmũ mũ iridea pereakõãrokoa. Mũ gapũ ããrĩnikõãgũkoa. ããrĩpereri mũ iridea gapũ surĩro boarosũ, boapereakõãrokoa.

¹² Irasirigũ surĩro bũgũñerẽ túwea bẽo, gajĩne maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Mũrãrõta ããrĩnikõãgũkoa, ãrĩdi ããrĩmĩ.✧

¹³ Irasirigũ ĩgũ magũrẽ ãsũ ãrĩdi ããrĩmĩ doja:

Yũ diaye gapũ doaka! Mũ doaripoe mũrẽ ĩãturirãrẽ mũ dorerire neõ tarĩnũgãnemobirimakũ irigũra, ãrĩdi ããrĩmĩ.✧

ĩgũrẽ wereboerã gapũre neõ irasũ ãrĩbiridi ããrĩmĩ. ¹⁴ ããrĩpererã Marĩpũre wereboerã deyomarĩrã, ĩgũrẽ moãboerã ããrĩma. Marĩpu Jesucristo taurãrẽ iritamudoregũ ĩgũsãrẽ iriumi.

✧ 1:5 Sal 2.7 ✧ 1:5 2 S 7.14; 1 Cr 17.13 ✧ 1:6 Dt 32.43 ✧ 1:7 Sal 104.4 ✧ 1:9 Sal 45.6-7 ✧ 1:12 Sal 102.25-27 ✧ 1:13 Sal 110.1

2

Marĩpu ĩgũ masakare tauri kerere õãrõ pémakũ gããmemi, ãrĩ gojadea

¹ Irasirirã Marĩpu magũ Jesucristoya kerere marĩ pédeare irasũ gãñaníkõãrõ gããmea, ĩgũrẽ bũremurĩrẽ piriri, ãrĩrã. ² Iripoegue Marĩpu ĩgũrẽ wereboerãrẽ ĩgũya kerere weredoredi ããrĩmĩ. Irasirigu: “Ñerõ irirãnorẽ, yũ dorerire tarinũgãrãrẽ wajamoãgura”, ãrĩderosũta ĩgũsãrẽ diayeta wajamoãdi ããrĩmĩ. ³ Marĩpu masakare tauri kere õãtaria. Marĩ gapũ irire pémerã, ĩgũ wajamoãrĩrẽ tausũbirikoa. Marĩ Opũ Jesucristo iri kerere werepũroridi ããrĩmĩ. ĩgũ weredeare pérã: “Diayeta ããrã”, ãrĩ masĩnerã ããrĩmã. Irasirirã marĩdere wereturiamã, irire masĩburo, ãrĩrã. ⁴ Marĩpu gajĩ irinemodi ããrĩmĩ. Iri kerere wererãrẽ ĩgũ turari merã wãri iri ĩmurĩrẽ irimakũ iridi ããrĩmĩ. Irasũ ããrĩmakũ ĩgũ gããmederosũta ĩgũsãrẽ wãri Õãgũ deyomarĩgũ iritamurĩ merã irimasĩrĩrẽ sĩdi ããrĩmĩ, iri kerere weremakũ pérã: “Diayeta ããrã”, ãrĩ masĩburo, ãrĩgũ.

Jesucristo, marĩ irirosũ dupũkũgũ deyoadi ããrĩmi, ãrĩ gojadea

⁵ Marĩpu ĩgũrẽ wereboerãrẽ: “I ãmũ peredero pũrũguere oparã ããrĩrãkoa mũsã”, ãrĩ, neõ píbiridi ããrĩmĩ. ⁶ ĩgũyare weredupiyudi ãsũ gapũ ãrĩ gojadi ããrĩmĩ: Gũã Opũ, masaka ubu ããrĩrã ããrĩkeremakũ, ĩnasirigu ĩgũsãrẽ gãñarĩ mũ? ĩgũsã boamurã dita ããrĩkeremakũ, ĩnasirigu ĩgũsãrẽ iritamurĩ mũ?
⁷⁻⁸ Yoabiripoegãta ĩgũsãrẽ mũrẽ wereboerã doka ããrĩmakũ iridi ããrĩbũ. Irasirikeregũ, pũrũguere ĩgũsãrẽ oparã sóogu, mũ turarire sĩbu, ĩgũsãrẽ ããrĩpereri opaburo, ãrĩgũ, ãrĩ gojadi ããrĩmĩ.*

Marĩpu masakare irasũ sĩgũ: “Ããrĩpererire dorerãkuma”, ãrĩ pídi ããrĩmĩ. ĩgũsãrẽ irire píkeremakũ, ããrĩpererire dorebema dapa. ⁹ Marĩ Jesúyama gapũre: “Ããrĩpererã Opũ ããrĩmĩ”, ãrĩ masĩa. Yoabiripoegãta ĩgũdere Marĩpu ĩgũrẽ wereboerã doka pídi ããrĩmĩ, ããrĩpererãya ããrĩburire boabosabure. Jesús marĩrẽ boabosamakũ, Marĩpu ĩgũrẽ maĩgũ, õãrõ iritamudi ããrĩmĩ. Irasirigu ĩgũ boadigue masãdero pũrũ, Marĩpu ĩgũrẽ turarire sĩ, Opũ sóodi ããrĩmĩ, ããrĩpererã ĩgũrẽ bũremuburo, ãrĩgũ.

¹⁰ Marĩpu ĩgũ gããmederosũta ããrĩpereri i ãmũmarẽ iridi ããrĩmĩ. ããrĩpereri ĩgũya dita ããrã. ĩgũ pũrã ããrĩpererã ãmũgasigue ĩgũ ããrĩrõgue ĩgũ merã ããrĩmakũ gããmemi. Irasirigu ĩgũ magũ Jesúre iriudi ããrĩmĩ, marĩrẽ ĩgũ ñerõ tariri merã taubure. ĩgũrẽ iriudi ããrĩmĩ, marĩ Opũ ããrĩbure, marĩrẽ ãmũgasigue ãĩmũrĩabure. ¹¹ Jesús marĩrẽ taugũ, Marĩpũyarã ããrĩmakũ iridi ããrĩmĩ. Irasirirã marĩ ĩgũyarã ããrĩsĩã, sugũ pũrã irirosũ, Jesús marĩ tĩgũ merã Marĩpu pũrã ããrã. Irasirigu Jesús marĩrẽ: “Yũ pagũpũrã ããrĩmã”, ãrĩgũ, neõ gũyasĩrĩbemi. ¹² Marĩpũya werenĩrĩ gojadea pũgue Jesús ĩgũ Pagũre weredeare gojasũdero ããrĩbũ. ãsũ ãrĩdi ããrĩmĩ ĩgũrẽ:

Mũ ããrĩrĩkũrĩre, mũyamarẽ weregũkoa yũ pagũpũrãguere. ĩgũsã nerẽnarõgue nerẽmakũ, ĩgũsã merã: “Õãtaria mũ”, ãrĩ bayapeogũkoa mũrẽ, ãrĩdi ããrĩmĩ.*

¹³ Gajĩ ãrĩdi ããrĩmĩ doja:

Yũde mũrẽ yũ Opũre bũremuníkõãgura.*

Idere ãrĩdi ããrĩmĩ doja:

Õõta ããrã Yũpũ pũrã ĩgũ yũre pínerã merã, ãrĩdi ããrĩmĩ.*

¹⁴ Marĩ, Marĩpu pũrã, dupũkũrã ããrã. Irasirigu Jesúde marĩ irirosũta dupũkũgũ aaridi ããrĩmĩ. ĩgũ curusague boari merã wãtĩrẽ, boarire gũirã opũre tarinũgã béodi ããrĩmĩ.

¹⁵ Jesús ĩgũrẽ irasũ tarinũgãgũ, marĩ boaburire gũiníkõãnerãrẽ taudi ããrĩmĩ. ¹⁶ ãsũ ããrã. Jesucristo Marĩpũre wereboerãrẽ iritamugũ meta aaridi ããrĩmĩ. Marĩ, Abraham parãmerã gapũre ĩgũ Marĩpũre bũremuderosũta bũremurãrẽ iritamugũ aaridi ããrĩmĩ.

¹⁷ Irasirigu marĩ irirosũta dupũkũgũ aaridi ããrĩmĩ, ĩgũ boari merã marĩ ñerĩ iridea wajare

wajaribosabu. I merã Marĩpũre: “Waja opamerã ããrĩma”, ãrĩ ããmakũ iridi ããrĩmĩ. Paía opũ marĩya ããrĩburire Marĩpũre sãrẽbosarosũ, ãgũde marĩrẽ õãrõ sãrẽbosami. Irasingũ marĩrẽ bopoñarĩ merã ããgũ marĩrẽ õãrõ iritamunĩkõãmi. ¹⁸ Wãtĩ ããgũrẽ ñerõ iridoremakũ, Jesũs burõ ñerõ tarikeregũ, ãgũ dorerire iribiridi ããrĩmĩ. Irasingũ wãtĩ marĩdere ñerĩ iridoremakũ ããgũ, Jesũs marĩrẽ iritamumasĩmi, ñerĩ iribirikõãburo, ããrĩgũ.

3

Jesũs, Moisãs nemorõ ããrĩmi, ãrĩ gojadea

¹ Yaarã, mũsã Marĩpũ beyenerã, ããgũyarã ããrã. Irasingũ Jesucristore: “Bũremua mũrẽ”, ããrĩnerã ããrĩsĩã, ããgũrẽ õãrõ gũñanĩkõãka! Marĩpũ ããgũrẽ iriudi ããrĩmĩ, ããgũya kerere werebure, paía opũ irirosũ marĩya ããrĩburire sãrẽbosabure. ² Marĩpũ ããgũrẽ beyepĩdi ããrĩmĩ irire iribure. Irasingũ Moisãs, Marĩpũ ããgũrẽ: “Ãsũ iridoreka yaarãrẽ!” ãrĩ pĩdeare õãrõ iriderosũta Jesũde Marĩpũ ããgũrẽ pĩdea ããrĩpererire õãrõ iridi ããrĩmĩ. ³ Irasingũ Moisãs beyemudero nemorõ Jesũs gapũre bũremurõ gããmea marĩrẽ. Iri ããsũ ããrã. Wiire: “Õãrĩ wii ããrã”, ãrĩ ããrõ nemorõ iri wiire iridi gapũre: “Õãtarimi”, ãrĩ bũremurõ gããmea marĩrẽ. ⁴ Masaka gapũ wiiri irirã ããrĩma. Marĩpũ gapũ ããrĩpererĩ i ããmũmarẽ iridi ããrĩmĩ. ⁵ Moisãs gapũ Marĩpũyarãrẽ doregũ, ããgũsãrẽ õãrõ iritamudi ããrĩmĩ. “Ãsũ irika, Marĩpũre bũremurã!” ãrĩ weredi ããrĩmĩ, pũrũgue marã Marĩpũya kerere pẽmasĩburo, ããrĩgũ. ⁶ Cristo, Marĩpũ magũ gapũ Moisãs nemorõ Marĩpũyarãrẽ õãrõ doregũ ããrĩmĩ. Irasingũ marĩ Marĩpũyarã, gũñaturarire piriro marĩrõ ããgũ tauburire usũyari merã yũnĩrã, ããgũya wii marã ããrã.

Marĩpũ ããgũyarãrẽ ããgũ merã õãrõ siñajãmakũ gããmemi, ãrĩ gojadea

⁷ Irasingũ Õãgũ deyomarĩgũ ire ããsũ ãrĩ weredi ããrĩmĩ, Marĩpũya werenĩrĩ gojadea pũgue:

Dapagãrẽ mũsã Opũ mũsãrẽ weremakũ, pẽdũamerã irirosũ ããrĩbirikõãka!

⁸ Õãrõ pẽka ããgũrẽ! Iripoegue Israel bumarãrẽ masaka marĩrõgue ããrĩrãrẽ ããgũ werekeremakũ, ããgũ dorerire tarinũgãma. “Marĩrẽ iritamumasĩbirikumi”, ããrĩrã, ããgũrẽ bũremubirĩma.

⁹ Irasingũ ããsũ ããrĩmi: “Iroguere cuarenta bojorigora yũ turaro merã iririre iri ããmuadibu ããgũsãrẽ iritamugũ. Yũ irasingũkeremakũ: ‘ããgũ marĩrẽ iritamumasĩbirikumi’, ããrĩ gũñanama yũre.

¹⁰ Irasingũ ããgũsã merã gua, ããsũ ããrĩbũ: ‘Yaa gapũre neõ gũñatũyabema. Yũ dorerire iridũabema’, ããrĩbũ.

¹¹ Irasingũ ããgũsã merã guagũ, gopeyaro merã ããsũ ããrĩ werebũ: ‘Yũ merã õãrõ siñajãrĩ bokabirikoa mũsã yũre bũremubiri waja’ ”, ããrĩmi.*

¹² Irasingũrã yaarã, õãrõ pẽmasĩka! Neõ sugũ mũsã watopemũ ñerõ gũña, bũremubi ããrĩbirikõãburo. Irasingũ ããrĩgũno, Marĩpũ ããrĩnĩgũrẽ bẽogũ iribukumi. ¹³ ããsũ gapũ iriro gããmea. ããmũrikũ mũsã basi Marĩpũyare gãme werenĩka, ñerĩrẽ iriri, ããrĩrã! Dapagã merã Marĩpũya werenĩrĩ gojadea pũgue doredersũta gãme werenĩka! “Ñerĩ gapũre irirã, usũyãa gũ”, ããrĩ gũñarã, mũsã basita ããrĩkatorã yãa. Ñerĩrẽ irirã, Marĩpũ dorerire tarinũgãrãkoa. ¹⁴ Cristore bũremunũgãdersũta marĩ okaro bokatũũrõ bũremunĩkõãrã, ããgũ ããrĩrõgue ããgũ merã ããrĩrãkoa.

¹⁵ Yũ wererosũta Marĩpũya werenĩrĩ gojadea pũgue ããsũ ããrĩ gojasũdero ããrĩbũ: Dapagãrẽ Marĩpũ mũsãrẽ weremakũ, ããgũrẽ õãrõ pẽka! Iripoegue Israel bumarã ããgũ dorerire tarinũgãdersũ iribirikõãka! ããrĩ gojasũdero ããrĩbũ.*

¹⁶ ããgũsã Marĩpũya werenĩrĩrẽ pẽkererã, ããgũ dorerire tarinũgãnerã ããrĩmã. ããrĩpererã Egiptogue ããrĩrãrẽ Moisãs ããrĩsũnerã ããrĩkererã, Marĩpũ dorerire tarinũgãnerã ããrĩmã.

* 3:11 Sal 95.7-11 * 3:15 Sal 95.7-8

17 Īgūsā tarinugādea waja cuarenta bojorigora Marīpu Īgūsā merā guadi āārīmi. Masaka marīrōgue Īgūsārē āārīdoredi āārīmi. Irogueta boanerā āārīmá. 18 Īgū dorerire tarinugāmakū Īgū, gopepyaro merā Īgūsārē āsū ārī weredi āārīmi: “Yū merā ōārō siñajārī bokabirimakū irigura”, ārīdi āārīmi. 19 Irasirirā ire masīa marī. Īgūsā Marīpure b̄remubiridea waja Īgū merā ōārō siñajārī bokabirinerā āārīmá.

4

1 Marīpu iripoegue marārē: “Yū merā siñajārī bokarākoa”, ārī píderosūta marīdere pídi āārīmi. Irasirirā marīde gopepyaro merā Marīpure yujuro gāāmea, Īgū merā ōārō siñajārī bokamurā. 2 Marīpu masakare tauri kerere iripoegue marā péderosūta marīde pébu. Īgūsā gapu iri kerere pékererā, b̄remurī merā pébirinerā āārīmá. Irasirirā irire ubugorata péunanerā āārīmá. 3 Marī gapu Marīpure b̄remurā Īgū merā ōārō siñajārī bokarākoa. Īgūrē b̄remumerā gapure āsū ārīdi āārīmi:

Yūre b̄remubiri waja Īgūsā merā guabu. Irasirigu Īgūsārē gopepyaro merā āsū ārī werebu: “Yū merā ōārō siñajārī bokabirikuma”, ārīdi āārīmi.*

I ūmurē iri odo, siñajādi āārīmi. Irasirigu masakadere Īgū merā siñajāburire pídi āārīmi.

4 Gaji āsū ārī gojasūdero āārībú, Īgūya werenírī gojadea pūgue:

I ūmuma āārīpererire iripeo odogu, su mojōma pere gaji mojō peru pērēbejarinurī waaró merā Īgū moārīrē piri, siñajādi āārīmi.*

5 Īgūrē b̄remumerā gapure āsū ārīdi āārīmi doja Īgūya werenírī gojadea pūgue:

Yū merā ōārō siñajārī bokabirikuma, ārīdi āārīmi.*

6 Iripoegue marā, Īgū masakare tauri kerere pépurorinerā, Īgū dorerire tarinugādea waja Īgū merā ōārō siñajārī bokabirinerā āārīmá. Gajirā gapu Īgūrē b̄remurā Īgū merā ōārō siñajārī bokarākuma. 7 Irasirigu Marīpu masakare Īgū merā siñajāburire pígu: “Dapagorare yūre ōārō péka!” ārīdi āārīmi. Israel bumarā Īgū dorerire tarinugādero puru, yoaripoe puru irire Davire gojadedi āārīmi. Irasirigu musārē dupaturi irire weregura doja. Āsū ārī gojadi āārīmi David:

Dapagorare Marīpu musārē weremakū, ōārō péka! Īgūrē péduamerā irirosū āārībirikōāka! ārī gojadi āārīmi.*

8 Iripoegue David irire gojaburi dupiyuro Josué Israel bumarārē Marīpu Īgūsārē sídea nikūgue āījadi āārīmi. Iro gapure siñajārī bokabirinerā āārīmá. Irasirigu Marīpu Īgūyarārē gaji siñajārī sīburire weredi āārīmi. 9 Irasirirā, Marīpu i ūmurē iri odo, Īgū siñajāderosūta marī Īgūyarāde Īgū merā ōārō siñajārī bokarākoa. 10 Marīpu merā siñajārā, marī gāāmerō moārīrē piri, Īgū gāāmerī gapure iripurorirā, Īgū merā ōārō siñajāníkōārākoa, Īgū i ūmumarē iri odo siñajāderosūta. 11 Irasirirā Īgūrē ōārō b̄remurō gāāmea, Īgū merā siñajārī bokamurā. Iripoegue marā Īgūrē b̄remubiridea waja Īgū merā neō siñajārī bokabirinerā āārīmá. Īgūsā iriderosū iribirikōārō gāāmea marīrē.

12 Marīpuya werenírīrē pérā, Īgū merā ōārō āārīníkōāa. Sareri majī pe gapu usiri majī sareñajārō nemorō Marīpuya werenírī marīya yujupūrārīgue, marī gūñarīgue ñajārokoa. Irasirirā Īgūya werenírīrē pérā, marīya yujupūrārīmarē marī gūñarīdere: “I gapu ōāgorāa, o i gapu ñegorāa”, ārī masīrākoa. 13 Marī masaka āārīpererā Marīpu irinerā dita āārā. Īgū ĩāberogue neō āārībea. Āārīpereri marī āārīrikurire marī iririkurire masīmi. Irasirirā ōārī gūñarī oparā ōārō irirā, Īgū ĩūrō marī irideare, marī gūñadeare weredoremakū, gūyasīrīrō marīrō weremasīrākoa.

Jesús paía opu nemorō āārīmi, ārī gojadea

14 Jesús, Marīpu magū, paía opu nemorō marīya āārīburire Marīpure sērēbosagu āārīmi. Īgū Marīpu purogue āārīmi. Irasirirā neō piri marīrō Īgūrē b̄remunikōārā! 15 Jesús

paía opu nemorõ, marĩ turamerãrẽ bopoñarĩ merã ãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesũdere ããrĩpereri ñerĩrẽ iridoredi ããrĩmĩ. Jesũs gapu ñerĩrẽ neõ iribiridi ããrĩmĩ. ¹⁶ Ñgũ marĩya ããrĩburire sërẽbosagu ããrĩmakũ ããrĩ, Marĩpũre gũiri marĩrõ marĩ sërẽmasĩa. Ñgũ ããrĩrõgue Ñgũ merã ããrĩrã irirosũ sërẽmasĩa. Ñgũ marĩrẽ maĩgũ, marĩrẽ bopoñarĩ merã ããrĩ, marĩ ñerõ tariripoere diayeta iritamugũkumi.

5

¹ Marĩ ire masĩa. Sugũ paía opu, masaka watope Marĩpũ beyepĩsũdi ããrĩmi. Masakaya ããrĩburi ããrĩpererire Marĩpũre sërẽbosagu ããrĩmi. Irasirigu Marĩpũre Ñgũsã sĩduarire sĩbosagu ããrĩmi. “Ñgũsã ñerĩ iridea waja Ñgũsãrẽ wajamoãbirikõãka!” ãrĩ sërẽgũ, Marĩpũ ããrĩrõ waĩbũre wẽjẽ soepeobosagu ããrĩmi. ² Paía opu marĩ irirosũta Ñgũ turari merã Ñgũ ñerĩ iriduarire tau kãmutamasĩbemi. Irasirigu pẽmasĩmerãrẽ, ñerõ irirãrẽ bopoñarĩ merã ããrĩmasĩmi. ³ Turabi ããrĩsĩa, gajirãrẽ iribosarosũta Ñgũ basi ñerõ iridea waja Marĩpũ ããrĩrõ waĩbũre wẽjẽ soepeomi.

⁴ Neõ sugũ Ñgũ gããmerõ paía opu ñajãmasĩbemi. Marĩpũ gapu Ñgũrẽ beyepĩmi, iripoeguemu Aarõrẽ Ñgũ beyepĩderosũta. ⁵ Cristode Ñgũ gããmerõ paía opu ñajãbiridi ããrĩmĩ. Marĩpũ Ñgũrẽ Opu pĩdi ããrĩmĩ. ããrĩ ããrĩmĩ Ñgũrẽ: Yu magũ ããrã mu. Dapagã merã mu, yu magũ ããrĩrẽrẽ masakare masĩmakũ yãa, ããrĩdi ããrĩmĩ.✧

⁶ Gajirogue Ñgũya werenĩrĩ gojadea pũgue Ñgũ magũrẽ ããrĩ ããrĩdi ããrĩmĩ: Melquisedec paĩ ããrĩderosũta mu ããrĩnĩkõãgũkoa, ããrĩdi ããrĩmĩ.✧

⁷ Cristo i ãũague ããrĩgũ, bũro oreri gaguinĩrĩ merã Marĩpũre Ñgũ turari merã Ñgũ boaburire taumasĩgũrẽ sërẽdi ããrĩmĩ. Ñgũ, Marĩpũ gããmerĩ ditare iriduamakũ ããrĩgũ, Ñgũ sërẽrẽrẽ pé, Ñgũrẽ gũñaturamakũ iridi ããrĩmĩ. ⁸ Cristo, Marĩpũ magũ ããrĩkeregũ, bũro ñerõ taridi ããrĩmĩ. Ñerõ tarikeregũ, Marĩpũ dorerire tarinũgãrõ marĩrõ Ñgũrẽ õãrõ yũjuri merã irire iritariweredi ããrĩmĩ. ⁹ Ñgũ curusague boagu, ããrĩpereri Marĩpũ Ñgũrẽ iridoredeare iripeodi ããrĩmĩ. Irasirigu ããrĩpererã marĩrẽ Ñgũrẽ yũjũrãrẽ taudi ããrĩmĩ, Ñgũ pũro perebiri okari opaburo, ããrĩgũ. ¹⁰ Irasirigu Marĩpũ Ñgũrẽ: “Melquisedec paĩ ããrĩderosũta mu ããrĩnĩkõãgũkoa”, ããrĩ pĩdi ããrĩmĩ, marĩya ããrĩburire sërẽbosabure.

Jesucristore bũremurĩrẽ piriri, ããrĩã, Ñgũrẽ gũñaturanĩkõãrõ gããmea, ããrĩ gojadea

¹¹ Cristo paía opu nemorõ ããrĩrẽrẽ wãri werenemodũadãa. Mũsã pẽmasĩturabirimakũ, irire weremasĩbirikoa. ¹² Mũsã yoaripoe Cristore bũremubu. Irasirirã dapagoraguere gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoraguedere neõ buepũrorirã irirosũta ããrĩkõãa. Ñpĩkũ mirĩrã, baari baagasĩmerã, majĩrãgã irirosũta ããrĩkõãa. Irasirirã gajirã buerimasã mũsãrẽ buepũrorideare dupaturi buero gããmea. ¹³ Ñpĩkũ mirĩrã majĩrãgã irirosũ ããrĩrãno, “I ñerĩ, i gapu õãrĩ ããrã”, ããrĩ beyemasĩbema. ¹⁴ Baari bũriri gapu mũrã baari ããrã. Mũrã ããrĩrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

6

¹ Irasirirã mũrã pẽmasĩrã irirosũ Cristoyamarẽ õãrõ pẽmasĩrã dujarã, irire buenemorõ gããmea. Neõgorague Ñgũyare buepũrorirã, marĩ ñerõ irideare bũjawere, gũñarĩ gorawayurire buebu, Marĩpũ marĩrẽ perebiri peamegue béori, ããrĩã. Marĩ ñerõ iririkũdeare piri, Marĩpũre õãrõ bũremurĩdere buebu. ² Gajidere, deko merã, Ñãgũ deyomarĩgũ merã wãiyerire buebu. Marĩ oparã Ñgũsãya mojørĩ merã marĩrẽ: “Marĩpũ mũrẽ iritamuburo”, ããrĩ ñapeoridere buebu. Boanerã masãburire, Marĩpũ Cristore bũremumerãrẽ perebiri peamegue wajamoãburidere buebu. ³ Irasirirã marĩ Cristore bũremurã Ñgũyare buenemowãgãnĩkõãrãkoa, Marĩpũ gããmemakũ Ñgũ iritamurĩ merã masĩnemorã.

⁴ Āsū āārā. Masaka Jesucristoya kerere pémasīkererā, Marīpu ĩgūyarārē ōārī sīburire masīkererā, Ōāgū deyomarīgūrē opakkererā, ⁵ Marīpu ōārī werenírīrē pékererā, i ūmu peredero puru ĩgū turari merā iriburire masīkererā, ⁶ iri gapure gāāmemerā, neō dupaturi ĩgūsā ñerō irideare bujawereri merā pirimasībirikuma. Neō dupaturi ĩgūsā gūñarīrē ōārī gapu gorawayumasībirikuma. Irasirirā Marīpu yare gāāmebiri waja, Marīpu magū Cristore buremumerā, ĩgūrē dupaturi curusague pábiatú wējērā irirosū āārīrākuma. Gajirārē ĩgūrē masaka ĩūrōgue buridamakū irirākuma. ⁷ Āsū āārā. Marī, su pooema nikū irirosū āārā. Ōārī nikūrē ūmurikū deko merēmakū, sibi ñajānakoā. Irasiriro iri pooe opu otedea ōārō puri dukakukoa. Irasirigu iri pooe opu dukare opakumi ĩgū baaburire. Gajirā iri yebare ōārī dukakumakū ĩārā: “Marīpu ōārō dukakumakū irikumi”, ārīkuma. Irasūta yāmi Marīpu ĩgūyare pérārē. Gajirā ĩgūsā ĩgūyare ōārō irimakū ĩārā: “Marīpu ĩgūsārē ōārō iritamumi, irasirirā ōārō yāma”, ārīrākuma. ⁸ Iri poeere pora, ñerī tá dita puri dukakumakū, béokōārō gāāmea. Irasūta yāmi Marīpu ĩgūyare pékererā irimerārē. Perebiri peamegue béogukumi ĩgūsārē wajamoāgū.

Jesucristore buremurīrē piriro marīrō marī ūmugasigue waaburire yúro gāāmea, ārī gojadea

⁹ Yū, Marīpu ĩgūsārē béoburire weregu, musārē yū maīrārē: “Īgū béosūmurā āārā”, ārīgū meta yāa. Marīpu musārē Cristo merā taudi āārīmī, ĩgūyarā āārīburo, ārīgū. Irasirirā musā ōārī yebague otedea ōārō dukakurosūta ōārīrē yāa. Irire yū masīa. ¹⁰ Marīpu diayema irigu āārīmi. Irasirigu ĩgūyare musā ōārō iririre kātibirikumi. Musā ĩgūrē maīsīā, gajirā ĩgūyarārē iritamurīdere kātibirikumi. ¹¹ Yū, musā okaropa usuyari merā gajirārē iritamunimakū gāāmea. Irasirirā Marīpu ĩgūyarārē: “Ōārīrē sīgura”, ārīdeare musā yūrere, purugue diayeta oparākoā. ¹² Irasirigu musā Marīpu yare téri merā irituyamakū gāāmebea. Gajirā Marīpu Jesucristo merā tauri kerere buremurā ñerō tarikererā, Marīpore: “Diayeta yure iritamugukumi”, ārī buremunikōāma. ĩgūsā irasirimakū ĩāgū, Marīpu ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā musāde ĩgūsārē ĩākūī, ĩgūsā irirosūta irinīkōāka!

¹³⁻¹⁴ Iripoegue Marīpu Abrahārē āsū ārī pídi āārīmī: “Diayeta murē ōārīrē irigura yū ārīderosūta. Mu parāmerā āārīturiarārē wārā āārīmakū irigura”, ārī pídi āārīmī. Irasū ārī pígu, ĩgū wāī merā wāīpeodi āārīmī. Gajigu ĩgū nemorō āārīgú neō marīmakū, ĩgū wāī merā wāīpeodi āārīmī. ¹⁵ Abraham, Marīpu ĩgūrē ārī pídeare ōārō buremurī merā yūdi āārīmī. Irasirigu Marīpu ĩgū ārīderosūta ĩgūrē ōārō iridi āārīmī. ¹⁶ Sugu masakū gajirā péuro: “Diayeta ārīgū yāa”, ārīgū, ĩgū nemorō āārīgúya wāī merā wāīpeokumi. ĩgū irasū ārī wāīpeomakū pérā: “Diayeta werekumi”, ārī, ĩgū merā neō guaseomasībirikuma. ¹⁷ Irasirigu Marīpu Abrahārē: “Diayeta murē ōārīrē irigura”, ārī pígu, ĩgū wāī merā wāīpeodi āārīmī. Marī ĩgū irasū wāīpeo weredeare pérā: “Īgū ārīderosūta diayeta irigukumi”, ārī masīa. “Īgū ārīdeare neō gorawayubirikumi”, ārī masīa. Irasirigu irire marīrē ōārō masīburo, ārīgū, Abrahārē ārī pídeare weregu, ĩgū wāī merā wāīpeodi āārīmī. ¹⁸ Marīpu neō ārīkatobi āārīmī. Irasirigu ĩgū ārī pídea merā, ĩgū wāīpeodea merā, ĩgū ārīdea neō gorawayubiriburire marīrē masīmakū iridi āārīmī. Marī irasirigure masīrā, marī ñerō irideare piri, ĩgū marīrē taaburire gūñaturari merā yūa. “Irasūta irigukumi”, ārī masīa. ¹⁹ Irasirigu Marīpu marīrē ĩgū ōārō iriburire yūrārē ūmugasigue ĩgū merā āārīmakū irigukumi. ĩgū turatarigu āārīsīā, irire diayeta irigukumi. Irire ōārō masīa marī.

Āsū āārā. Sugu paía opu Marīpu āārīrī taribu poekague ñajāgū, iri taribu makāpuro kāmūtari gasiro tariñajāmi. Irasū ñajāgū, masakaya āārīburire sērēbosami Marīpore. ²⁰ Marīpu āārīrī taribugorogue ñajārōsū Jesús ūmugasigue Marīpu āārīrōgue ñajādi āārīmī. Marī iroque ñajāburi dupiyuro ñajāsiadi āārīmī, paía opu nemorō Marīpore marīya āārīburire sērēbosanīkōābu. Melquisedec paí āārīderosūta āārīnīkōāgukumi.

7

Melquisedec paí ããrĩderosũta Jesũs ããrĩmi, ãrĩ gojadea

¹ Iripoegue Melquisedec wãikũgũ Salem* wãikũri makã marã opũ ããrĩdi ããrĩmĩ. Ĩgũ paí ããrĩgũ, masakaya ããrĩburire Marĩpũre ããrĩpererãrẽ doregure sãrẽbosagũ ããrĩdi ããrĩmĩ. Abraham gajirã oparãrẽ wẽjẽ tarinũgãgũ ejadi goedujãamakũ, Melquisedec ĩgũrẽ bokatĩrĩgũ waadi ããrĩmĩ. Ĩgũrẽ bokatĩrĩgũ, Marĩpũre: “Gũapũ, ĩrẽ õãrõ irika!” ãrĩ sãrẽbosadi ããrĩmĩ. ² Abraham gajirã oparãrẽ wẽjẽ tarinũgãsiã, ĩgũsãya ããrĩdeare ãĩadi ããrĩmĩ. Irasirigũ ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. “Melquisedec”, ãrĩrõ: “Opũ diayeta irigũ”, ãrĩduaro yãa. Ĩgũ Salem marãrẽ doregũ ããrĩdi ããrĩmĩ. Ĩgũyarãrẽ õãrõ siñajãrĩ merã ããrĩmakũ iridi ããrĩmĩ. Irasiriro: “Salem”, ãrĩrõ: “Siñajãrĩ”, ãrĩduaro yãa. ³ Melquisedec pagũsãmarãrẽ, ĩgũ ñekũsãmarãrẽ ĩgũsã were gojatũdea neõ máa. Ĩgũ deyoadeare, ĩgũ boadeare, ĩgũrẽ gorawayubure were gojatũdea neõ máa. Irasirigũ ĩgũ, Marĩpũ magũ Jesucristo paí ããrĩnĩkõãgũ irirosũ ããrĩdi ããrĩmĩ.

⁴ Irasirirã Melquisedere gũñaka! Ubu ããrĩgũ meta ããrĩdi ããrĩmĩ. Marĩ ñekũ Abraham marĩya bumũ ããrĩpũroridi ããrĩkeremakũ, Melquisedec, Abraham nemorõ ããrĩdi ããrĩmĩ. Irasirigũ Abraham Melquisedere, gajirã oparãrẽ wẽjẽ tarinũgãsiã, ĩgũsãya ããrĩdea ãĩadeare pe mojõma buri dukawa pí, subu sĩdi ããrĩmĩ. ⁵ Ĩsũ ããrã. Moisés dorederosũta ããrĩpererã gajirã Israel bumarã ĩgũsãyare, Levĩ parãmerã ããrĩturiarãrẽ paía ããrĩrãrẽ keoro sĩma. Abraham Levĩya bumarã ñekũ ããrĩdi ããrĩmĩ. Ĩgũ ããrĩpererã gajirã Israel bumarã ñekũ ããrĩdi ããrĩmĩ. Ĩgũ, ĩgũsã ñekũ ããrĩdi ããrĩkeremakũ, ĩgũsã gapũ Moisés dorederosũta irirã, Levĩ parãmerã ããrĩturiarã ditare sĩma. ⁶ Melquisedec gapũ Levĩ parãmi ããrĩturiagu ããrĩbiridi ããrĩmĩ. Abraham gapũ Marĩpũ: “Õãrõ irigũra”, ãrĩ písũdi ããrĩkeregũ, Melquisedere sĩdi ããrĩmĩ. Irasirigũ Melquisedec Abrahãrẽ: “Marĩpũ mũrẽ õãrõ iriburo”, ãrĩdi ããrĩmĩ. ⁷ Irasirirã marĩ ire masĩa. Melquisedec Abrahãrẽ: “Marĩpũ mũrẽ õãrõ iriburo”, ãrĩgũ, Abraham nemorõ ããrĩdi ããrĩmĩ. ⁸ Gajire masĩa. Paía, marĩ watope ããrĩrã, marĩ irirosũta masaka ããrĩma. Irasirirã boamurãta ããrĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sĩgũ, ããrĩnĩgũ irirosũ ããrĩgũrẽ sĩdi ããrĩmĩ. Marĩpũya werenĩrĩ gojadea pũgue Melquisedere: “Boakõãdi ããrĩmĩ”, ãrĩ gojadea neõ máa. ⁹⁻¹⁰ Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ããrĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ããrĩmĩ. Ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. Levĩ, Abraham parãmi ããrĩdi ããrĩmĩ. Ĩgũ parãmerã ããrĩturiarãde Abraham parãmerãta ããrĩnerã ããrĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ããrĩnerã ããrĩmã. Irasirigũ Melquisedec ĩgũsã nemorõ ããrĩdi ããrĩmĩ.

¹¹ Marĩpũ Israel bumarãrẽ ĩgũ dorerire pígu, Aarõn parãmerã ããrĩturiarã Levĩya bumarãrẽ: “Paía ããrĩma”, ãrĩ pídi ããrĩmĩ. Irasirirã ĩgũ dorederosũta paía waimũrãrẽ wẽjẽ soepeo, Marĩpũre masakaya ããrĩburire sãrẽbosanerã ããrĩmã. Ĩgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ ĩgũsãrẽ gorawayubure Cristore iriudi ããrĩmĩ, paí ããrĩbure, marĩrẽ õãrã ããrĩmakũ iribure. Cristo gapũ Levĩya bumũ, Aarõn parãmi ããrĩturiagu ããrĩbemi. Melquisedec ããrĩderosũta paí ããrĩmi.

¹² Irasirigũ Marĩpũ Cristore paĩare gorawayubure iriugu, ĩgũ iripoegue dorededere gorawayudi ããrĩmĩ. ¹³⁻¹⁴ Marĩpũ ĩgũ iripoegue dorederosũta Levĩya bumarã ditare paía sóounadi ããrĩmĩ. Marĩ Opũ Jesucristo gapũ Israel bumũ ããrĩkeregũ, Levĩya bumũ meta ããrĩmi. Judãya bumũ ããrĩmi. Marĩpũ Moisére ĩgũ dorerire pígu, neõ Judãya bumarãrẽ: “Paía ããrĩrãkuma”, ãrĩbiridi ããrĩmĩ. Irire masĩa marĩ.

* 7:1 Salem wãikũri makã, Jerusal'eta ããrĩyuro.

¹⁵ Irire masĩrã, idere õãrõ pémasĩa. Cristo, Marĩpu paĩ sóodi, gajirã paĩare gorawayugu, Melquisedec irirosũ ããrĩgũ ããrĩmi. ¹⁶ Marĩpu iripoegue dorederosũta Levĩya bumarã dita paĩa ñajãunanerã ããrĩmã. Jesucristo gapu Marĩpu pídi gajirã paĩa irirosũ paĩ ñajãbiridi ããrĩmĩ. Marĩpu turari merã ããrĩnĩgũ ããrĩsĩã, paĩ ñajãdi ããrĩmĩ. ¹⁷ Marĩpu ĩgũ werenĩrĩ gojadea pũgue ĩgũ magũrẽ irire ãsũ ãrĩdi ããrĩmĩ:

Melquisedec paĩ ããrĩderosũta mu ããrĩnĩkõãgũkoa, ãrĩdi ããrĩmĩ.*

¹⁸ Marĩpu Moisére doreri pípuroridea marĩrẽ Marĩpu merã õãrõ ããrĩmakũ irimasĩbea. Irasirigu Marĩpu iri dorerire bojepikõãdi ããrĩmĩ. ¹⁹ Marĩpu Moisére doreri pídea merã marĩ ĩgũ ĩũrõ õãrã neõ ããrĩmasĩbea. Irasirigu Marĩpu Jesucristo merã marĩrẽ õãrã ããrĩmakũ iriburire pídi ããrĩmĩ. Irasirirã marĩ Cristore buremurã, Marĩpu purogue ñajãrã irirosũ ĩgũrẽ diayeta sërẽmasĩa.

²⁰ Marĩpu Cristore paĩ sóogu: “Yu wãĩ merã murẽ wãĩpeo píã”, ãrĩdi ããrĩmĩ. ²¹ Gajirã paĩa gapure ĩgũ wãĩ merã wãĩpeo píbiridi ããrĩmĩ. Cristo gapure wãĩpeo, paĩ pídi ããrĩmĩ. ãsũ ãrĩ weredi ããrĩmĩ Marĩpu Cristore:

Yu, mu Opu ããrã. Irasirigu yu wãĩ merã murẽ wãĩpeogu, diayeta werẽgura.

Irasirigu neõ gorawayuro marĩrõ murẽ ãsũ ãrĩ werea: “Melquisedec paĩ ããrĩderosũta mu ããrĩnĩkõãgũkoa”, ãrĩdi ããrĩmĩ Marĩpu ĩgũ magũrẽ.*

²² Marĩpu irasũ ãrĩ weregu, ĩgũ Jesucristo merã marĩrẽ õãrã ããrĩmakũ iriburire pídi ããrĩmĩ. Iri ĩgũ Moisére doreri pípuroridea nemorõ, marĩ õãrõ ããrĩburire pídea ããrã.

²³ ããrĩpurorinerã paĩa boamakũ, gajirã gorawayu ñajãnerã ããrĩmã doja. Irasirirã wãrã paĩa ñajãnanerã ããrĩmã. ²⁴ Jesús gapu irasũ ããrĩnĩkõãmi. Irasirirã ĩgũrẽ gorawayurã paĩa neõ máma. ²⁵ Irasirigu Marĩpure marĩya ããrĩburire sërẽbosanĩkõãmi. Marĩpure masĩrãno, Jesúre buremurã ããrĩma. Irasirigu ããrĩpererã marĩrẽ ĩgũrẽ buremurãrẽ taumasĩmi, Marĩpu merã õãrõ ããrĩnĩkõãburo, ãrĩgũ.

²⁶ Irasirigu Jesús paĩa opu nemorõ, ããrĩpereri marĩya ããrĩburire keoro iritamugũ ããrĩmi. ĩgũrẽta marĩ buro gããmea. ĩgũ õãtarigu, neõ ñerĩrẽ iribi, ñerĩ opabi ããrĩmi. Irasirigu Marĩpu ĩgũrẽ ñerã watope ããrĩdire ãĩ, umugasigue ããrĩpererã gajirã nemorõ Opu pídi ããrĩmĩ. ²⁷ Gajirã paĩa oparã irirosũ ããrĩbemi. ĩgũsã gapu umurĩku waimurãrẽ wẽjẽ soepeo sërẽbosama, Marĩpure masaka ñerĩ iridea waja ĩgũsãrẽ wajamoãbirikõãburo, ãrĩrã. Paĩade ĩgũsã ñerĩ iridea waja Marĩpu ĩũrõ ĩgũsã basi waimurãrẽ wẽjẽ soepeopurorima. Puru gajirã ñerĩ ĩgũsã iridea waja waimurãrẽ wẽjẽ soepeobosama. Umurĩku irasirinama. Jesús gapu paĩa opu nemorõ ããrĩgũ, marĩ ñerĩ iridea waja waimurãrẽ wẽjẽ soepeobiridi ããrĩmĩ. Suñarõta marĩ ããrĩpererãrẽ boabosadi ããrĩmĩ, marĩ ñerĩ iridea wajare taugu.

²⁸ Marĩpu Moisére doreri pídea merã paĩa oparã sóosũma. ĩgũsã irasũ sóosũkererã, õãrĩ ditare irimerã ããrĩma. Iri dorerire pídero puru, Marĩpu ĩgũ magũ gapure ĩgũ wãĩ merã wãĩpeo, paĩa opu nemorõ sóodi ããrĩmĩ. Irasirigu ĩgũrẽ sóogu, ĩgũ gããmerõsũta õãrĩ iripeogu ããrĩnĩmakũ iridi ããrĩmĩ.

8

Jesús marĩya ããrĩburire Marĩpure sërẽbosagu ããrĩmi, ãrĩ gojadea

¹ ããrĩpereri yu musãrẽ wererire pérã, ire õãrõ pémasĩka! Jesucristo paĩa opu nemorõ ããrĩgũ umugasigue Marĩpu turatarigu diaye gapu doami ĩgũrẽ marĩya ããrĩburire sërẽbosabu. ² Umugasigue marĩ Opu iridea wii ĩgũya wiigora ããrã. Iri wii, masaka iridea wii meta ããrã. Irasirigu Jesucristo irogu marĩya ããrĩburire Marĩpure sërẽbosagu, iri wiigueta sërẽbosami. ³ Marĩpu i nikũ marã paĩa oparãrẽ sóogu, ĩgũ ĩũrõ waimurãrẽ wẽjẽ soepeomurãrẽ, gajino ĩgũrẽ sĩmurãrẽ sóomi. Irasirigu Jesucristode ĩgũsã Marĩpure gajino sĩrã irirosũ irigu, ĩgũ basi marĩrẽ boabosadi ããrĩmĩ. ⁴ Jesucristo i nikũgue ããrĩgũ, paĩ ããrĩbiribukumi. Gajirã paĩa Moisés dorederosũta Marĩpu ĩũrõ ĩgũrẽ gajinorẽ sĩrã ããrĩsiamã.

⁵ I nikū marā paía Marĩpuya wiigüe ãgũ ãũrõ moãma. Iri wii i nikũma wii ããrã. Marĩpuya wiigora ãmũgasigüe ããrã. Irasiriro Marĩpuya wii i nikũma wii, ãmũgasima wii keori ããrã. Moisés i nikũma wiire iriburo dupiyuro Marĩpũ ãsũ ãrĩdi ããrĩmĩ ãgũrẽ: “Yũ murẽ ãtãũgüe ãmuderosũta yaa wiire irigũkoa. Yũ dorederosũta yaa wiire keoro irika!” ãrĩdi ããrĩmĩ.

⁶ Jesús gapure: “Paía opu nemorõ ããrã mu”, ãrĩ pídi ããrĩmĩ. Irasiriro Jesús ãmũgasigüe paí moãrĩ, i nikũ marā paía moãrĩ nemorõ õãrĩ ããrã. Iripoegüe Marĩpũ masakare: “Moisére yũ doreri pídeare iripeorãrẽ õãrõ irigũra”, ãrĩ werepídi ããrĩmĩ. Pũrũ Jesucristore iriugũ: “ãgũrẽ bũremurãrẽ yũ merã õãrã ããrĩmakũ irigũra”, ãrĩ werepídi ããrĩmĩ. Irasiriro ãgũ iripoegüe werepídea nemorõ õãrĩ ããrã. Irasirigũ Jesucristo Marĩpũ merã marĩ õãrõ ããrĩburire ãmubosagu ããrĩsã, paía opu nemorõ ããrĩmĩ.

⁷ Moisére Marĩpũ doreri pídea, marĩrẽ Marĩpũ merã õãrõ ããrĩmakũ iribiridero ããrĩbũ. Iri doreri marĩrẽ õãrõ irimakũ tamerãrẽ Marĩpũ dupaturi gajĩ werepĩbiribodi ããrĩmĩ.

⁸ ãgũyarã, Israel bumarã ãgũ doredeare iribiri waja ãgũsãrẽ ãsũ ãrĩdi ããrĩmĩ ãgũya werenĩrĩ gojadea pũgüe:

Yũ mũsã Opu, ãsũ ãrã: “Õãrõ péka! Mũsã Israel bumarãrẽ, Judãya bumarãdere pũrũguere gajĩ maama werepĩgũkoa.

⁹ Iri, yũ mũsã ñekũsãmarãrẽ iripoegüe werepídea irirosũ neõ ããrĩbirikoa. Yũ basi ãgũsãrẽ Egipto nikũgüe ããrĩrãrẽ õãrõ koreri merã wiubu. Wiu: ‘Yũ dorerire irimakũ, mũsãrẽ õãrõ irigũra’, ãrĩ werepĩbũ. Yũ irasũ ãrĩdeare ãgũsã gapũ tarinũgãma. ãgũsã tarinũgãrĩ waja ãgũsãrẽ béobũ, ãgũsã gããmerõ iriburo, ãrĩgũ.

¹⁰ Irasirigũ pũrũguere Israel bumarãrẽ ãsũ ãrĩ weregũra: Yũ dorerire ãgũsãrẽ gũña pémasĩmakũ irigũkoa. Yũ dorerire ãgũsãrẽ iridũamakũ irigũkoa. Irasirigũ yũ, ãgũsã Opu ããrĩgũkoa. ãgũsã, yaarã yũ ditare bũremurã ããrĩrãkuma.

¹¹ Neõ sugũ ãgũyarãrẽ ãgũ merãmarãrẽ, ãgũ pagũpũrãrẽ: ‘Marĩ Opuere masĩka mũsã!’ ãrĩ buebirikuma. ããrĩpererã yũre masĩrãkuma. Majĩrã, irasũ ããrĩmakũ murã yũre masĩrã dita ããrĩrãkuma.

¹² Irasirigũ ãgũsã ñerĩ irideare kãtigũkoa. ãgũsã ñerĩ irideare neõ gũñanemobirikoa. ãgũsãrẽ wajamoãbirikoa”, ãrĩdi ããrĩmĩ Marĩpũ Israel bumarãrẽ.*

¹³ Irasũ ãrĩ weregũ, maama werepĩri merã iripoegüe ãgũ masakare werepĩpũrorideare peremakũ iridi ããrĩmĩ. Gajino bũgũre béo gorawayurosũ, maama merã ãgũ werepĩpũrorideare gorawayudi ããrĩmĩ.

9

Marĩpũre bũremurĩ wiimarẽ gojadea

¹ Iripoegüe Marĩpũ Moisére ãgũ dorerire pípũrorigũ, masaka ãgũrẽ bũremuburidere pídi ããrĩmĩ. Irasirigũ ãgũsãrẽ ãgũrẽ bũremuburi wii i nikũma wiire iridoredi ããrĩmĩ.

² Iri wii waimurã gasiri merã ãgũsã iridea wii, pe taribu opari wii ããrĩdero ããrĩbũ.

Ñajãnũgãpũroriri taribu Marĩpuya taribu wãĩkũdero ããrĩbũ. Iri taribure sãgõri yuku peodi, irasũ ããrĩmakũ baari peyaro ããrĩdero ããrĩbũ. Iri peyaro weka Marĩpũ ãũrõ pã duparu peyadero ããrĩbũ. ³ Iri taribu korema taribu surĩro gasiro merã kãmutadea taribu ããrĩdero ããrĩbũ. Iri taribu Marĩpũ ããrĩrĩ taribugora wãĩkũdero ããrĩbũ. ⁴ Iri taribugüe ñajãrõ pũro sũrõrĩ soemurõ oro merã iridero ããrĩdero ããrĩbũ. Iri taribu poekagüe oro merã õmabiadea kũma, Marĩpũ ãgũ doreri gojadea ãtã majĩrĩ opari kũma ããrĩdero ããrĩbũ. Gajĩ soro oro merã iridea soro Marĩpũ masakare ejodea manã wãĩkũri poga oparisoro, irasũ ããrĩmakũ Aarõyagũ tuadi ñasãtuadi iri kũmagüe ããrĩdero ããrĩbũ.

⁵ Marĩpũ iri kũma bũhari majĩ weka pẽrã ãgũrẽ wereboerã kẽdũpũrikũrã keori weadea merã ãgũ iri taribugüe ããrĩrĩrẽ ãmudi ããrĩmĩ. ãgũsãya kẽdũpũri merã iri kũma bũhari majĩrẽ sãẽ kãmutadero ããrĩbũ. Iri bũhari majĩ, Marĩpũ masakare: “ãgũsã ñerõ iridea

* 8:12 Jer 31.31-34

waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

⁶ Iri wiimarẽ ãmu ododero pũũ, ãmũrikũ paía ããrĩpũroriri taribure ñajãunanerã ããrĩmá Marĩpũ iũrõ ãgũsã moãrĩrẽ irirã. ⁷ Paía opũ dita gaji taribuguerẽ ñajãunadi ããrĩmí. Bojorikũ iri taribuguerẽ suñarõta waimũrã díre ãi ñajãunadi ããrĩmí. Dí marĩrõ neõ ñajãbiridi ããrĩmí. ãgũ basi ñerĩ iridea waja, irasũ ããrĩmakũ masaka ãgũsã masĩña marĩrõ ñerõ iridea waja iri díre ãi ñajãdi ããrĩmí, Marĩpũre: “Wajamoãbirikõãka gũare! Gũa ñerõ irideare kãtika!” ãrĩ sãrẽgũ. ⁸ I ããrĩpereri merã Õãgũ deyomarĩgũ marĩrẽ ire pãmasĩmakũ yãmi. Iri wii ããrĩdeapoe masaka Marĩpũre bũremurã, ãgũ ããrĩrĩ taribuguerẽ ñajãbirinerã ããrĩmá. ⁹ I ããrĩpereri Marĩpũ ãgũrẽ bũremurĩ wiimarẽ pídeare marĩ buesĩã: “Dapagoraguerẽ marĩ ãgũrẽ bũremurĩ ãsũ ãrĩdũaro yãa”, ãrĩ pãmasĩã. Iro dupiyuro paía gajino Marĩpũre sĩrĩ, waimũrãrẽ wẽjẽ soepeori, masakare: “Marĩpũ iũrõ waja opamerã ããrã gũa”, neõ ãrĩ masĩmakũ iribiridero ããrĩbú. ¹⁰ ãsũ ããrã. Marĩpũ Moisére doreri pídea ãgũ masakare baadoreri, iirĩdoreri, ãgũ iũrõ koedoreri dita ããrã. ãgũsãya yũjũpũrãrĩma ããrĩbea. Irasiriro iri doreri marĩrẽ õãrã waamakũ iribeã. Marĩpũ iri dorerire masaka ãgũsã iriburire pídi ããrĩmí. Irire Jesucristo merã gorawayuburo dupiyuro pídi ããrĩmí.

¹¹ Cristo gapũ paía opũ nemorõ ããrĩgũ aarisiadi ããrĩmí. Irasirigũ ãgũ boadeã merã marĩrẽ õãrõ iridi ããrĩmí. Marĩpũ iũrõ marĩ ñerĩ iridea wajare peredoregũ, Marĩpũ ããrĩrõgũ ãmũgasima wiigũ ñajãdi ããrĩmí. I nikũma wiire ñajãbiridi ããrĩmí. ãmũgasima wii, i nikũma wii nemorõ õãtariri wii, masaka iridea wii meta ããrã. ¹² Irasirigũ Cristo, Marĩpũ ããrĩrõgũ ãmũgasima wiigũ suñarõta ñajãdi ããrĩmí. Irogũ ñajãgũ, paía oparã i nikũma wiigũ Marĩpũ ããrĩrĩ taribuguerẽ cabraya díre, wekũa majĩrãya díre ãi ñajãderosũ ãi ñajãbiridi ããrĩmí. ãgũ basi marĩ ñerĩ iridea waja boagũ, ãgũya dí merã Marĩpũ ããrĩrõgũ ñajãdi ããrĩmí, marĩrẽ Marĩpũ merã õãrõ ããrĩnikõãburo, ãrĩgũ. ¹³ Paía oparã cabraya, wekũaya dí merã, wekũgo majĩgõrẽ ãgũsã soeidea nitĩ merã masakare ãgũsã ñerĩ iridea waja Marĩpũya wiigũ ñajãmasĩmerãrẽ wẽãsiripeoma. ãgũsãrẽ wẽãsiripeomakũ, Marĩpũ iũrõ ñerĩrẽ opamerã duja, Marĩpũya wiigũ dupaturi ñajãmasĩma doja. ¹⁴ Paía oparã wekũaya dí merã, cabraya dí merã masakare iritamuma. Cristo gapũ ãgũsã nemorõ ãgũya dí merã marĩrẽ õãrõ iritamutarigũ yãmi. ãgũ ñerĩ marĩgũ, Õãgũ deyomarĩgũ ããrĩnĩgũ iritamurĩ merã ãgũ basi Marĩpũre wiadi ããrĩmí curusague boabu. Paía waimũrã Marĩpũre wia, ãgũ iũrõrẽ soepeorosũ ãgũ basi irasũ wiadi ããrĩmí. Irasirigũ marĩrẽ Marĩpũ merã neõ õãrõ ããrĩbonerãrẽ taudi ããrĩmí, Marĩpũ okanĩgũ dorerire õãrõ irimasĩburo, ãrĩgũ. Irasirigũ marĩ gũñarĩgũ: “Marĩpũ gũare wajamoãgũkumi gũa ñerõ iridea waja”, ãrĩ gũñarĩkũnemobirimakũ iridi ããrĩmí.

¹⁵ Irasirigũ Jesucristo, Marĩpũ ãgũ beyenerãrẽ maama werepĩderosũta iridi ããrĩmí marĩrẽ taubu. Marĩrẽ taugũ, Marĩpũyarã ãgũ merã õãrõ ããrĩnĩmakũ iridi ããrĩmí. Irasirirã Marĩpũ ãgũyarãrẽ sĩburire oparãkoa. Moisés doreri dita ããrĩmakũ, marĩ ñerĩ iridea waja, waja oparã dita ããrĩbukoa dapa. Cristo marĩrẽ curusague boabosadi ããrĩmí, marĩ ñerĩ iridea waja, waja opabonerãrẽ taubu. ¹⁶⁻¹⁷ ãsũ ããrã. Sugũ masakũ ãgũ boaburo dupiyuro ãgũyarãrẽ: “Yũ opari mũsãrẽ dujarokoa”, ãrĩkumi. Irasirigũ ãgũ boaburo dupiyuro sĩbirikumi dapa. ãgũ boadero pũũ, ãgũyarãrẽ: “Mũsãrẽ dujarokoa”, ãrĩderosũta ãgũ opadeare ãĩkuma.

¹⁸ Irasiriro Marĩpũ masakare: “ãsũ irigũra”, ãrĩ werepĩpũroridea, waimũrãrẽ wẽjẽ, ãgũsãya dí béoro marĩrõ wajamarĩdero ããrĩbú. Waimũrãrẽ wẽjẽ, ãgũsãya díre béodero pũũ, Marĩpũ dorerire diayeta irinerã ããrĩmá. ¹⁹ Irasirigũ Moisés, Marĩpũ ãgũ doreri pídeare masakare werepeodi ããrĩmí. Pũũ cabraya díre, wekũa majĩrãya díre deko merã morẽdi ããrĩmí. Morẽ odo, hisopo wãĩkũdi dupũ merã oveja poarire diari merã ñimudeã merã tũrãdi ããrĩmí. Iri dupũ merã díre yosa, Marĩpũ dorerire ãgũ gojãdea pũ weka, ããrĩpererã masaka wekadere wẽãsiripeodi ããrĩmí. ²⁰ Pũũ ãgũsãrẽ ãsũ ãrĩdi ããrĩmí: “Marĩpũ marĩrẽ

Īgū doreri pídea, i dí merā diaye āārīmakū masīa. I díre ĩārā, diayeta ĩgū ārīderosūta ĩgū marīrē iriburire masīa. Irasirigū Marīpū: ‘Yū dorerire ōārō irika!’ ārīmí”, ārīdi āārīmí Moisés. ²¹ Pūpū masakare ĩgū iriderosūta Marīpūre būremurī wii wiamurā gasiri merā ĩgūsā iridea wiire, āārīpereri iri wiigue āārīrīdere wēāsiripeodi āārīmí. ²² Āsū āārā. ĩgū dorederosūta Marīpūre būremurī wiimarē dí merā wēāsirimakū, Marīpū irire: “Yū ĩūrō ōārī āārā”, ārī ĩādi āārīmí. Irasū wēāsiribirimakū: “Ōārī āārā”, ārī ĩābiribodi āārīmí. Irasirigū dí béoro marīrō, marī űerī iridea wajare marīrē kātimasībirikumi.

Jesucristo, ĩgū boari merā marī űerō iridea wajare taudi āārīmí, ārī gojadea

²³ Irasirirā i nikūma wiire, iri wiigue āārīrīdere paía: “Marīpū ĩūrō ōārī āārā”, ārīrā, waimurā dí merā wēāsiripeonerā āārīmá. I nikūma wii, ũmugasima wii keori dita āārīdero āārībú. Irasiriro ũmugasima wiire, iri wiigue āārīrīdere: “Marīpū ĩūrō ōārī dita āārā”, ārī, waimurā dí nemorō Cristoya dí merā wēāsiripeoro gāāmea. ²⁴ Irasirigū Cristo marīya āārīburire Marīpūre sērēbosagū, Marīpūre būremurī wii masaka iridea wiire űajābiridi āārīmí. Iri wii, ũmugasima wii keori āārīdero āārībú. Marīpūya wiigora ũmugasigue āārā. Irasirigū Cristo ũmugasima wiigue űajādi āārīmí, Marīpū ĩūrō marīya āārīburire sērēbosabu.

²⁵ Bojorikū sugū paía opū i nikūma wiigue, Marīpū āārīrī taribugue waimurā dí merā űajānadi āārīmí. Cristo gapū marīrē boabosagū, suñarōta ũmugasima wiigue, Marīpū āārīrōgue ĩgūya dí merā űajādi āārīmí. ²⁶ Paía opū dí merā űajānaderosū irigū, i ũmū āārīnūgādeapoegueta boa, masādi tamerā irasūta boa, masānīkōābodi āārīmí. Suñarōta i ũmū pererīnū ejaburi dupiyuro i nikūguere deyoadi āārīmí, ĩgū suñarōta boari merā marī āārīpererā űerī iridea wajare béobu. ²⁷ Āārīpererā marīde suñarōta boarākoa. Marī boadero pūpū, Marīpū ĩgū ĩūrōrē marīrē nídoregukumi ĩgūrē būremurārē ōārō iri, ĩgūrē būremubirinerārē wajamoābu. ²⁸ Marī suñarōta boarosū, Cristode suñarōta boadi āārīmí. Irasirigū ĩgū boari merā wārā masaka űerō iridea wajare béobosadi āārīmí. Irasiri odo, ũmugasigue mūrīa, pūpū i nikūgue dupaturi aarīgukumi doja. Irasū aarīgú, masaka űerō iridea wajare béogū aarīgú meta irīgukumi. ĩgūrē ũsuyari merā yūrārē taugū aarīgukumi, ũmugasigue ĩgū merā āārīburo, ārīgū.

10

¹ Marīpū Moisére ĩgū doreri pídea, pūpūgue ĩgū Cristo merā masakare ōārō iriburi keori dita āārīdero āārībú. Cristo masaka űerī iridea wajare béodi āārīmí. Marīpū Moisére doreri pídea gapū ĩgūsā űerī iridea wajare béomakū irimasībiridero āārībú. Irasiriro iri dorederosūta paía bojorikū Marīpū ĩūrō waimurārē wējē soepeorire irinakeremakū, masaka űerī iridea wajare béomakū irimasībiridero āārībú. ĩgūsārē Marīpū ĩūrō ōārā āārīmakū irimasībiridero āārībú. ² Iri doreri masakare ōārā āārīmakū irimasīmakū, suñarōta waimurā wējē soepeori merāta ĩgūsā űerī iridea wajare béosūbonerā āārīmá. “Waja opamerā āārā”, ārī gūñabonerā āārīmá. Irasirirā, Marīpū ĩūrō ĩgūsā waimurā wējē soepeorire pirikōābonerā āārīmá. ³ Āsū gapū āārīdero āārībú. Marīpū, bojorikū ĩgūsā waimurārē wējē soepeodea merā ĩgūsā űerō irideare gūñamakū iridi āārīmí. ⁴ Irasirirā wekūaya dí, cabraya dí merā marī űerī iridea wajare neō béomasībea.

⁵ Irasirigū Cristo i nikūguere aariburo dupiyuro ĩgū Pagure āsū ārīdi āārīmí: Mū ĩūrō ĩgūsā waimurārē wējē soepeorire, gajino ĩgūsā mūrē sīrīdere gāāmebea. Irasirigū yūre dupūkūgu deyoamakū irīgukoa, ĩgūsā űerō iridea waja ĩgūsārē boabosadoregū.

⁶ Masaka ĩgūsā űerō irideare kātidoreduarā, mū ĩūrō ĩgūsā waimurārē wējē soepeorire, gajino ĩgūsā mūrē sīrīdere ũsuyari merā ĩābea.

7 Irasirigũ yũ ãsũ ãrĩbũ: “Mũ, yũ Opũ ããrã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagũra”, ãrĩdi ããrĩmĩ Cristo ĩgũ Pagũre.✠

8 Irire ãrĩgũ, ire ãrĩpũroridi ããrĩmĩ Marĩpũre: “Mũ ĩũrũ ĩgũsã waimũrãrẽ wẽjẽ soepeorire, gajino ĩgũsã mũrẽ sĩrĩdere gããmebea. ĩgũsã irasũ iririre usũyari merã ĩãbea”, ãrĩdi ããrĩmĩ Marĩpũ dorederosũ ĩgũsã irikeremakũ. 9 Pũrũ ãsũ ãrĩnemodi ããrĩmĩ: “Mũ, yũ Opũ ããrã. Irasirigũ mũ gããmerĩrẽ irigũ waagũra”, ãrĩdi ããrĩmĩ. Irasirigũ Marĩpũ ĩgũ masakare waimũrãrẽ wẽjẽ soepeodoredeare bẽodi ããrĩmĩ. Irire bẽogũ: “Cristo boari merã gapũ masakare ĩgũsã ñerĩ iridea wajare taugũra”, ãrĩ werepĩdi ããrĩmĩ. 10 Jesucristo, Marĩpũ gããmederosũta ĩgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagũ. Irasirigũ ĩgũ boari merã Marĩpũ marĩrẽ ĩgũyarã õãrã, waja opamerã ããrĩmakũ iridi ããrĩmĩ.

11 ããrĩpererinũrĩ Marĩpũ ĩũrũ judĩo masaka paĩa waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ bẽomakũ irimasĩbea. 12 Jesucristo gapũ suñarõta marĩrẽ boabosadi ããrĩmĩ, marĩ ñerĩ iridea wajare bẽobu. Irire irasiri odo, ãmũgasigue Marĩpũ diaye gapũ doadi ããrĩmĩ marĩ Opũ ããrĩgũ. 13 Iroguere doagũ, ĩgũrẽ ĩãturĩrãrẽ Marĩpũ tarinũgãbosaburire yũgũ yãmi. 14 ĩgũta suñarõta boari merã ĩgũyarãrẽ õãrã, waja opamerã ããrĩnĩmakũ iridi ããrĩmĩ. 15 Jesucristo irasũ irideare Oãgũ deyomarĩgũ marĩrẽ: “Irasũta ããrã”, ãrĩ masĩmakũ yãmi. ãsũ ãrĩ weredi ããrĩmĩ:

16 Mũsã Opũ ãsũ ãrĩmi: “Pũrũguere yaarãrẽ ãsũ ãrĩ weregũra: ‘Yũ dorerire ĩgũsãrẽ iridũamakũ irigũkoa. Yũ dorerire gũña pẽmasĩmakũ irigũkoa’ ”.✠

17 Idere ãrĩnemomi: “ĩgũsã ñerũ irideare dupaturi neõ gũñanemobirikoa”, ãrĩmi, ãrĩ weredi ããrĩmĩ Oãgũ deyomarĩgũ.✠

18 Irasirirã marĩ ñerĩ irideare Marĩpũ kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeorire gããmenemobea.

Marĩpũ ããrĩrõgue ñajãrã irirosũ marĩya ããrĩburire ĩgũrẽ sërẽrõ gããmea, ãrĩ gojadea

19 Irasirirã dapagorare marĩ ãmũgasigue Marĩpũya wiigue ĩgũ ããrĩrĩ taribugorague ñajãrã irirosũ gũiro marĩrõ ĩgũrẽ diaye sërẽmasĩa. Jesucristo marĩrẽ boabosagũ dí bẽodea merã irasirimasĩa. 20 Jesucristo boaburi dupiyuro Marĩpũ ããrĩrĩ taribugoraguere paĩa opũ dita iri taribu makãpũro kãmutari gasirore tariñajãdi ããrĩmĩ, masakaya ããrĩburire Marĩpũre sërẽbosabu. Jesucristo gapũ ĩgũ boadea merã Marĩpũ merã marĩ õãrõ ããrĩrĩrẽ kãmutadeare bẽodi ããrĩmĩ. Irasirirã dapagorare marĩ Jesucristo marĩrẽ boabosadea merã Marĩpũ ããrĩrõguere ñajãrã irirosũ marĩya ããrĩburire Marĩpũre diaye sërẽmasĩa.

21 Jesucristo paĩa opũ nemorõ paĩ ããrĩgũ Marĩpũ ããrĩrõgue marĩya ããrĩburire sërẽbosagũ ããrĩmĩ. Iroguere ĩgũ marĩrẽ Marĩpũyarãrẽ õãrõ doregũ ããrĩmĩ. 22 Irasirirã diaye gũñarĩ merã, bũremurĩrẽ neõ piriro marĩrõ merã Marĩpũ ããrĩrõgue ñajãrã irirosũ marĩ ĩgũrẽ diaye sërẽrõ gããmea. Cristo ĩgũ boadea merã marĩrẽ waja opamerã ããrĩmakũ iridi ããrĩmĩ: “Ñerĩ iridea waja, waja oparã ããrã gũã”, ãrĩ neõ gũñarikũnemobirikõãburo, ãrĩgũ. Irasirirã gũrari marĩrĩ deko merã marĩya dupũre túkoenerã irirosũ Marĩpũ ĩũrũ õãrã ããrã. 23 Marĩpũ marĩrẽ: “Taugũra”, ãrĩderosũta irigũkumi. Irasirirã marĩrẽ ĩgũ ãrĩdeare bũremupũroriderosũta piriro marĩrõ õãrõ usũyari merã bũremuwãgãnĩkõãrã! 24 Gajirã Jesũre bũremurãdere gũñarã! Irasirirã gãme iritamurã! Gãme maĩrĩ merã õãrõ irirã! 25 Piriro marĩrõ merã Marĩpũyare nerẽ buerã! Surãyeri marĩ merã nerẽ buemerã irirosũ iribirikõãrã! Marĩ Opũ i nikũguere dupaturi aariburo mërõ duyãa. Irasirirã irire masĩrã, gãme iritamurõ gããmea ĩgũrẽ bũremunemomurã.

26 Marĩpũ marĩrẽ Jesũya kerere: “Diayeta ããrã”, ãrĩ masĩmakũ iridero pũrũ, marĩ ñerĩ iridũarire piriro marĩrõ iriwãgãnĩkõãrã, marĩ ñerũ iridea waja Jesucristo ĩgũ boadea merã marĩrẽ taudeare bẽobukoa. Irire bẽomakũ, dupaturi ĩgũ marĩrẽ boabosari neõ mãa.

27 Marĩ ĩgũ taudeare bẽomakũ ĩãgũ, Marĩpũ ããrĩpererã ĩgũrẽ ĩãturĩrãrẽ bũro wajamoãgũ,

marĩdere ĩgũsã merã perebiri peamegue béogukumi. Irasirirã marĩrẽ gajirã ĩgũyare béonerã merã ĩgũ wajamoãburire bũro gũiri merã ããrĩbukoa. ²⁸ Iripoegue marã Moisés dorerire tarinũgãgũrẽ wajamoãnerã ããrĩmã. ĩgũ ñerõ irideare pêrã, o ƿrerã ĩã, ĩgũrẽ weresãdero ƿũũ, Marĩƿũ dorederosũta neõ bopoñarĩ merã ĩãrõ marĩrõ ĩgũrẽ wẽjẽnerã ããrĩmã. ²⁹ ¿Naásũ gũñarĩ mũsã? ĩgũrẽ wajamoãdero nemorõ Marĩƿũ magũrẽ ĩãturigũnorẽ bũro wajamoãgukumi. ĩgũ magũya dí béodea merã Marĩƿũ marĩrẽ: “Õãrã, waja opamerã ããrĩma”, ãrĩ ĩãdi ããrĩmĩ. Iripoegue irire werepĩdi ããrĩmĩ. Irasirigu Jesucristoya dí béodeare: “Wajamãa”, ãrĩrãrẽ, Õãgũ deyomarĩgũrẽ Marĩƿũ marĩrẽ maĩrĩrẽ masĩmakũ irigũre ñerõ werenĩrãrẽ bũro wajamoãgukumi. ³⁰ Marĩ Opũ ãrĩdeare masĩa marĩ. Āsũ ãrĩdi ããrĩmĩ: “Yũ ããrã, waja oparãrẽ wajamoãbu. ĩgũsã ñerĩ iridea waja ĩgũsãrẽ wajamoãgũra”, ãrĩdi ããrĩmĩ. Āsũ ãrĩnemodi ããrĩmĩ doja: “Yaarã iririre ĩãgũ, ĩgũsãrẽ diayemarẽ irigũra”, ãrĩdi ããrĩmĩ. ³¹ Marĩƿũ okanĩgũ masakare wajamoãrĩ bũro goeri ããrã.

³² Mũsã iripoegue ããrĩdeare gũñaka! Marĩƿũ mũsãrẽ Jesucristoya kerere masĩnũgãmakũ iridero ƿũũ, gajirã mũsãrẽ ñerõ tarimakũ irinerã ããrĩmã. Irasirikeremakũ, mũsã gapũ ĩgũrẽ bũremurĩrẽ neõ piribirinerã ããrĩbũ. ³³ Masaka ĩũrõ gajirã surãyeri mũsãrẽ ñerõ werenĩ, ñerõ iribiranerã ããrĩmã. Gajipoe mũsã merãmarãrẽ gajirã ñerõ iribiramakũ ĩãrã, ĩgũsãrẽ béobiri, mũsãde ĩgũsã merã ñerõ iribirasũnerã ããrĩbũ. ³⁴ Surãyeri mũsã merãmarã peresugue ããrĩmakũ ĩãrã, bopoñarĩ merã ĩã, ĩgũsãrẽ iritamunerã ããrĩbũ. Gajirã mũsãyare ãmakeremakũ, usũyari merã: “Õãrokoa”, ãrĩnerã ããrĩbũ. I nikũma nemorõ õãrĩ perebiriburire ãmagasiguere mũsã opaburire masĩnerã ããrĩbũ. Irasirirã mũsã oparire ĩgũsã ãmamakũ, bũjawerebirinerã ããrĩbũ. ³⁵ Irasirirã Jesucristore gũñaturanĩkõãka! ĩgũrẽ bũremurĩrẽ neõ piribirikõãka! ĩgũrẽ bũremurã, wãri õãrĩrẽ wajatarãkoa. ³⁶ Mũsãrẽ õãrõ gũñaturari merã Marĩƿũ gããmerĩrẽ irinĩkõãrõ gããmea. Irasirirã, ĩgũ: “Õãrĩrẽ sĩgũra”, ãrĩdeare oparãkoa. ³⁷ Marĩƿũ ãsũ ãrĩdi ããrĩmĩ ĩgũya werenĩrĩ gojadea ƿũgue: Mẽrõ dũyãa yũ iriudi i ãmũguere dupaturi aariburo. Yooboro marĩrõ ejangukumi.

³⁸ ĩgũrẽ bũremurãrẽ: “Õãrõ irirã, yaarã ããrĩma”, ãrĩ ĩãa. Yũ merã ããrĩnĩkõãrãkuma. ĩgũrẽ bũremurĩrẽ pirirã gapũre suyubirikoa, ãrĩdi ããrĩmĩ Marĩƿũ.✠

³⁹ Marĩ gapũ ĩgũrẽ bũremurĩrẽ pirirã irirosũ ããrĩbea. Irasirirã perebiri peamegue waamurã ããrĩbea. Marĩ Jesucristore bũremua. Irasirirã ĩgũ taunerã, ĩgũ ƿũro waamurã ããrã.

11

Marĩƿũre bũremurĩmarẽ gojadea

¹ Marĩƿũre bũremurã: “Ĩgũ marĩrẽ: ‘Õãrĩrẽ sĩgũra’, ãrĩdeare diayeta sĩgukumi”, ãrĩ bũremua. Irire ĩãbirikererã, ĩãrã irirosũ: “Diayeta ããrã, ĩgũ ãrĩdeare oparãkoa”, ãrĩ bũremua. ² Iripoeguere marĩ ñekũsãmarã ĩgũrẽ bũremumakũ, ĩgũsãrẽ: “Õãrã ããrĩma”, ãrĩ ĩãdi ããrĩmĩ.

³ Marĩƿũre bũremurĩ merã: “Ĩgũ werenĩrĩ merã i ãmũma ããrĩpereri ããrĩmakũ iridi ããrĩmĩ. Irasirigu iro dupiyuro neõ marĩdeare i ãmũmarẽ ããrĩpereri marĩ dapagora ĩãrĩrẽ iridi ããrĩmĩ”, ãrĩ masĩa.

⁴ Iripoeguemu Abel Marĩƿũre bũremusĩã, ĩgũ ĩũrõ oveja majĩgũrẽ wẽjẽ soepeogu, ĩgũ tĩgũ Caín sĩdea nemorõ sĩdi ããrĩmĩ. Marĩƿũ, Abel ĩgũrẽ bũremurĩrẽ ĩãgũ, ĩgũ sĩdeare: “Õãgorãã”, ãrĩdi ããrĩmĩ. Irasirigu ĩgũrẽ: “Õãgũ ããrĩmĩ”, ãrĩ ĩãdi ããrĩmĩ. Abel iripoegue boadi ããrĩkeremakũ, ĩgũ Marĩƿũre bũremurĩ merã irideare marĩde gũñãa. Irasirirã ĩgũ bũremuderosũta marĩdere Marĩƿũre bũremurõ gããmea.

⁵ Enoc Marĩƿũre bũremusĩã, boabiridi ããrĩmĩ. ĩgũ boabirikeremakũ, Marĩƿũ ĩgũrẽ ãĩmũrĩãkõãdi ããrĩmĩ. Masaka ĩgũrẽ ãmakererã, neõ bokabirinerã ããrĩmã. Marĩƿũya

✠ 10:38 Hab 2.3-4

wereníř gojadea pũgue ašũ ařĩ gojasũdero aãrĩbũ: “Marĩpũ Enorẽ aĩmarĩaburi dupiyuro ɯsɯyari merã ĩadi aãrĩmĩ”. ⁶ Marĩpũre marĩ bũremumerã ĩgũrẽ ɯsɯyamakũ irimasĩbea. ĩgũrẽ sērẽgũno: “Diayeta ĩgũ Marĩpũgora aãrĩmi”, ařĩ gũñarõ gããmea. “Marĩ ĩgũrẽ bũremurĩ merã sērẽrĩrẽ õãrõ pémi”, ařĩ gũñarõ gããmea. Marĩ irire gũñamerã ĩgũrẽ sērẽmasĩbea.

⁷ Noé Marĩpũre bũremusĩã, Marĩpũ ĩgũrẽ: “Mũ neõ ĩãbiridea merã i nikũ marãrẽ ĩgũsã yũre bũremubiri waja bũro wajamoãgũra”, ařĩdeare bũremudi aãrĩmĩ. Irasirigũ, Marĩpũ dorederosũta wádiru doódiru iridi aãrĩmĩ, ĩgũyarã merã dia mirĩburire taribu. Marĩpũre bũremusĩã, i nikũ marãrẽ ĩgũsã ĩgũrẽ bũremubirire masĩmakũ iridi aãrĩmĩ. Marĩpũ, ĩgũrẽ bũremumakũ: “Õãgũ aãrĩmi”, ařĩ ĩadi aãrĩmĩ.

⁸ Abraham Marĩpũre bũremusĩã: “Gaji nikũ yũ mũrẽ sĩburi nikũgue waaka!” ařĩmakũ pégu, ĩgũrẽ yũjudĩ aãrĩmĩ. “Irogue waagũ irikoa”, ařĩmasĩbirikeregu, ĩgũya nikũrẽ wiriwãgãdi aãrĩmĩ. ⁹ Marĩpũ ĩgũrẽ: “Iri nikũrẽ sĩgũra”, ařĩdeare bũremugũ, iri nikũgue eja, aãrĩmejãjadi aãrĩmĩ. Iro aãrĩmejãjakeregu, gaji nikũmũ irirosũ surĩ gasiri merã iridea wiiri merã naaunadi aãrĩmĩ mũrãrõ aãrĩbirisĩã. Marĩpũ ĩgũ magũ Isaare, ĩgũ parãmi Jacore: “Iri nikũrẽ sĩgũra mũsãdere”, ařĩmakũ, ĩgũsãde Abraham irirosũta iri nikũgue naaunanerã aãrĩmã. ¹⁰ Abraham iri nikũrẽ naagũ, makãrĩ iribiridi aãrĩmĩ. Gaji makãgue Marĩpũ aãrĩrĩ makãgue ɯmũgasigue ĩgũ waaburire yũgu iridi aãrĩmĩ. Iri makã Marĩpũ iridea makã neõ p rebiri makã aãrã.

¹¹ Abraham marãpo Sara pũrã marĩdeo Marĩpũre bũremusĩã, búrogora aãrĩkeregõ: “Marĩpũ ařĩderosũta yũre irigũkumi”, ařĩ bũremurĩ merã pũrãkũdeo aãrĩmõ. ¹² Irasirigũ Abraham bũgũrogora aãrĩkeregu, Sara merã majĩgũrẽ pũrãkũdi aãrĩmĩ. ĩgũ parãmerã aãrĩturiarã wãrã aãrĩnerã aãrĩmã. Neñukãrẽ, ĩmipa yerire keo bokatiũña marĩrõ irirosũ ĩgũsãrẽ keo bokatiũmasĩña mãa.

¹³ Aãrĩpererã, Marĩpũ ĩgũsãrẽ: “Sĩgũra”, ařĩdeare neõ opamerãgue boanerã aãrĩmã. Irire opabirikererã, gũñaturari merã: “Marĩpũ ĩgũ ařĩderosũta pũrũgue sĩgũkumi gũare”, ařĩ, ĩgũrẽ bũremunikõãnerã aãrĩmã. Irasirirã gajirãrẽ: “Gaji nikũ marã irirosũ i nikũgue naarã dita aãrã”, ařĩ werenerã aãrĩmã. ¹⁴ ĩgũsã irirosũta irire ařĩrãno, gaji nikũ, ĩgũsãya nikũ aãrĩburire aãrã yãma. Irire õãrõ masĩa marĩ. ¹⁵ Marĩ ñekũsãmarã: “Gaji nikũ marã aãrã”, ařĩrã, ĩgũsã béowãgãdea nikũrẽ gũñabirinerã aãrĩmã. Irasũ ařĩ gũñarã, goedujãakõãbonerã aãrĩmã. ¹⁶ I nikũ nemorõ ɯmũgasigue õãrĩ nikũ gapũre: “Bũro waadũakoa”, ařĩ gũñanerã aãrĩmã. Irasirigũ Marĩpũ ĩgũsã ĩgũrẽ: “Gũa Opũ aãrĩmi”, ařĩmakũ pégu, gũyasĩrĩrĩ marĩrõ: “Ĩgũsã Opũ aãrã”, ařĩdi aãrĩmĩ. ĩgũ pũro ĩgũsãya makã aãrĩburore aãmubosasiadi aãrĩmĩ.

¹⁷ Marĩpũ Abrahãrẽ: “¿Diayeta yũre bũremugũ yãri?” ařĩ gũñagũ, ĩgũrẽ: “Yũ ĩũrõ mũ magũ Isaare wẽjẽ soepeoka!” ařĩdi aãrĩmĩ. Abraham gapũ Marĩpũre bũremusĩã: “Neõ yũ magũ sugũ aãrĩgũrẽ wẽjẽ soepeobirikoa”, ařĩbiridi aãrĩmĩ. ¹⁸ Iro dupiyurogue Marĩpũ ĩgũrẽ: “Mũ magũ Isaac merã mũ parãmerã aãrĩturiarãrẽ opagũkoa”, ařĩsũdi aãrĩkeregu, Abraham Marĩpũre: “Yũ magũrẽ neõ wẽjẽ soepeobirikoa”, ařĩbiridi aãrĩmĩ. ¹⁹ Abraham: “Marĩpũ ĩgũ turari merã boanerãrẽ masũmasĩsĩã, yũ magũrẽ wẽjẽkeremakũ, masũgũkumi”, ařĩ gũñadi aãrĩmĩ. Irasirigũ, Marĩpũ Abrahãrẽ kãmutagũ: “Mũ magũrẽ wẽjẽbirikõãka!” ařĩdi aãrĩmĩ. Irasirirã ire masĩa. Abraham ĩgũ magũrẽ boadigue masãdi irirosũ dupaturi opadi aãrĩmĩ.

²⁰ Isaac Marĩpũre bũremusĩã, ĩgũ pũrã Jacore, Esaũre: “Pũrũgue Marĩpũ mũsãrẽ õãrõ irigũkumi”, ařĩdi aãrĩmĩ.

²¹ Jacob Marĩpũre bũremusĩã, ĩgũ boaburo dupiyurogã ĩgũ tuadi merã tuawãgãnũgãja, Marĩpũre sērẽ bũremudi aãrĩmĩ. Irasirigũ ĩgũ magũ José pũrãrẽ: “Marĩpũ mũsãrẽ õãrõ iritamuburo”, ařĩdi aãrĩmĩ.

²² José Marĩpũre bũremusĩã, ĩgũ boaburo dupiyurogã ĩgũ pũrãrẽ ãsũ ǎrĩ weredi ǎǎrĩmĩ: “Marĩ parãmerã ǎǎrĩturiarã Egiptogue ǎǎrĩrã pũrũ wirirãkuma”, ǎrĩdi ǎǎrĩmĩ. “Irore wirirã, yaa gõǎrĩrẽ ǎǎaburo, ĩgũsã ejari nikũgue yáamurã”, ǎrĩdi ǎǎrĩmĩ.

²³ Moisés pagũsãmarã Marĩpũre bũremusĩã, Moisés deyoadero pũrũ, ĩgũ õǎgũ ǎǎrĩmakũ ĩǎrã, ǎrerã abegora ĩgũrẽ duripĩnerã ǎǎrĩmã. Egipto marã opũ: “Israel bumarã majĩrã ǎmarẽ wẽjẽburo”, ǎrĩ doregũ ǎǎrĩdi ǎǎrĩmĩ. Moisés pagũsãmarã gapũ: “Marĩpũ marĩrẽ iritamugũkumi”, ǎrĩ gũñarã, iri dorerire gũiri marĩrõ tarinũgãnerã ǎǎrĩmã. ²⁴ Pũrũ Moisés Egipto marã opũ magõ masũdi ǎǎrĩkeregũ, Marĩpũre bũremusĩã: “Igo magũ ǎǎrĩmĩ”, ĩgũsã ǎrĩmakũ pẽduabiridi ǎǎrĩmĩ. ²⁵ ǎsũ gapũ iridũadi ǎǎrĩmĩ. Marĩpũyarã Israel bumarã merã ñerõ taridũadi ǎǎrĩmĩ. Egipto marã merã wári opakeregũ, ĩgũsã merã ǎǎrĩduabiridi ǎǎrĩmĩ. ĩgũsã ñerĩ iriri gapũ iridũabiridi ǎǎrĩmĩ. ²⁶ Irasirigũ ñerõ tarikeregũ, Egipto marã opari nemorõ Cristo Marĩpũ iriubuyarã merã ñerõ tariburire suyudi ǎǎrĩmĩ. Pũrũgue Marĩpũ ĩgũrẽ õǎrĩrẽ sĩburire masĩgũ, ĩgũsã merã ñerõ taridũadi ǎǎrĩmĩ. ²⁷ Moisés Marĩpũre bũremusĩã, Egipto marã opũ ĩgũ merã guamakũ ĩǎgũ: “Marĩpũ yũre iritamugũkumi”, ǎrĩ, irore ǎǎrĩdi gũiri marĩrõ wiridi ǎǎrĩmĩ. Irasirigũ Marĩpũ deyomarĩgũrẽ ĩǎgũ irirosũ ĩgũ: “Marĩpũ iritamurĩ merã ǎsũ irigũra”, ǎrĩrĩrẽ neõ gorawayuro marĩrõ iridi ǎǎrĩmĩ.

²⁸ Moisés Marĩpũre bũremusĩã, Israel bumarãrẽ Egiptogue ǎǎrĩrãrẽ ǎĩwiuburi dupiyuro pascua wǎĩkũri bosenu iripũroridi ǎǎrĩmĩ. Irasirigũ Marĩpũ dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wũkãdoredi ǎǎrĩmĩ. Irire ĩǎgũ, Marĩpũre wereboegũ Egipto marã masã tĩrã ǎmarẽ wẽjẽgũ, Israel bumarã masã tĩrã gapũre wẽjẽbiridi ǎǎrĩmĩ. ²⁹ Israel bumarã Marĩpũre bũremusĩã, dia wádiya deko diiadiya deko dukawanũgãdea maa bojoñajãri maarẽ taribujanerã ǎǎrĩmã. ĩgũsã irasũ taribujamakũ ĩǎrã, Egipto marã gapũ ĩgũsãrẽ tũya taribujanerã, mirĩ boakõǎnerã ǎǎrĩmã.

³⁰ Israel bumarã Marĩpũre bũremusĩã, Jericó tũroma sãrĩrõrẽ ũtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinurĩ iri makãrẽ ĩgũsã gãmegorodero pũrũ, iri sãrĩrõ meẽmejãdero ǎǎrĩbũ. ³¹ Iro dupiyuro iri makãmo ǎma merã ñerõ irideo, Rahab wǎĩkũgo Marĩpũre bũremusĩã, Israel bumarã iri makãrẽ ĩǎdurirã ejarãrẽ iritamudeo ǎǎrĩmõ. Irasirigo iri makã marã Marĩpũ dorerire tarinũgãrã merã boabirideo ǎǎrĩmõ.

³² ¿Ñeẽnorẽ werenemogũkuri yũ? Gajirã Marĩpũre bũremurã: Gedeón, Barac, Sansón, Jeftẽ, David, Samuel irideare, irasũ ǎǎrĩmakũ Marĩpũya kerere weredupiyunerã irideare weregũ, werepeobiribukoa. ³³ ĩgũsã Marĩpũre bũremusĩã, gaji nikũgue ǎǎrĩrĩ makãrĩ marãrẽ gãmewẽjẽ, tarinũgãnerã ǎǎrĩmã. ĩgũsãyarã masakare diaye dorenerã ǎǎrĩmã. Marĩpũ: “Mũsãrẽ õǎrõ iritamugũra”, ǎrĩderosũta ĩgũsãrẽ õǎrõ iritamudi ǎǎrĩmĩ. Eõkayea ĩgũsãrẽ baabonerãrẽ disirire biamakũ irinerã ǎǎrĩmã. ³⁴ Surãyeri peame bũro asirogue bẽosũkererã, ǎjũbirinerã ǎǎrĩmã. Gajirã, sareri majĩrĩ merã sare wẽjẽduamakũ, tarinerã ǎǎrĩmã. Turamerã ǎǎrĩkererã, Marĩpũre bũremusĩã, turarã waanerã ǎǎrĩmã. Irasirirã gaji nikũ marã ĩgũsãrẽ ĩǎturirãrẽ gãmewẽjẽ tarinũgãnerã ǎǎrĩmã. ³⁵ Surãyeri nome ĩgũsãyarã boanerãgue dupaturi okamakũ ĩǎnerã ǎǎrĩmã.

Gajirã Marĩpũre ĩgũsã bũremurĩrẽ piridũabiri waja peresugue bũro ñerõ iribirari merã boanerã ǎǎrĩmã. ĩgũsã pũrũgue masã, Marĩpũ merã ǎmũgasigue õǎrõ ǎǎrĩburire gãǎmesĩã, ĩgũrẽ bũremurĩrẽ piridũabirinerã ǎǎrĩmã. ³⁶ Gajirã Marĩpũre bũremurã, bũridari merã bũro tãrãsũnerã ǎǎrĩmã. Gajirã ĩgũsãya guburi, mojõrĩrẽ kõme dari merã sua, peresugue biadobosũnerã ǎǎrĩmã. ³⁷ Gajirã ũtãyeri merã dea wẽjẽsũnerã ǎǎrĩmã. Gajirã ĩgũsãya dũpũre wiiri merã wiritã wẽjẽsũnerã ǎǎrĩmã. Gajirã sareri majĩrĩ merã wẽjẽsũnerã ǎǎrĩmã. Gajirã surĩ marĩrã, oveja gasiri, cabra gasiri merã surikũrã waagorenerã ǎǎrĩmã. Bũro boporo tarinerã ǎǎrĩmã. ³⁸ I nikũgue ǎǎrĩkererã, i nikũ marã ñerã irirosũ neõ ǎǎrĩbirinerã ǎǎrĩmã. Oǎrã ǎǎrĩnerã ǎǎrĩmã. Surãyeri wiiri marĩrã, masaka marĩrõgue,

ūtāyukugue waagorenanerā āārīmá. Ʋtāyukugue āārīrī goberigue, yebague āārīrī goberiguedere kārīgorenanerā āārīmá. ³⁹ Marīpɥ ĩgūrē bɥremurārē āārīpererārē: “Ōārō yáma”, ārī ĩādi āārīmí. ĩgūrē ōārō bɥremukererā, ĩgū āārīpereri ĩgūsārē: “Āsū irigura”, ārīdeare ĩgūsā boaburi dupiyuro bokabirinerā āārīmá dapa. ⁴⁰ Marīpɥ āsū ārī gūñasiadi āārīmí: “ĩgūsārē, pɥrɥgue marā yɥre bɥremurādere suro merā yɥ merā ōārō āārīmakū irigura”, ārīdi āārīmí. ĩgū ārīderosūta irigukumi. Irasiro ĩgū iro dupiyuro iridero nemorō, ĩgū Jesucristo merā iridea ĩgūsārē, marīdere ōātariro āārīrokoa.

12

Jesúre ĩākū ĩgūñanídorerimarē gojadea

¹ Iripoegue marā wárā yɥ werenerā ĩgūsā iridea merā ĩgūsā Marīpɥre bɥremurīrē ĩmunerā āārīmá. Irasirirā marī, ĩgūsā ĩānīgāmegorosūrā irirosū sugɥ ũma birarimasū ōārō ũmaduagu āārīpereri nukūrīrē pirirosū, ōārō iriduarā āārīpereri ñerō iririre piriro gāamea. Irire pirirā, Marīpɥ gāamederosūta ōārī gapɥre gūñaturari merā iriwāgānīkōārō gāamea. ² Irasirirā Jesúre ĩākū ĩgūñanīkōārā! ĩgūta marīrē Marīpɥre bɥremunugāmakū iridi, marīrē piriro marīrō ĩgūrē bɥremuwāgānīkōāmakū irigɥ āārīmí. Bɥro poyari merā ñegū irirosū curusague boagu, gɥyasīrībodi āārīkeregɥ, ĩgū pɥrɥgue ɥsɥyaburire masīsā, gɥyasīrībiriidi āārīmí. Masā mɥrīadero pɥrɥ, dorebu Marīpɥ diaye gapɥ doadi āārīmí.

³ Irasirirā Jesús waadeare gūñaka! Ñerā ĩgūrē bɥro ñerō tarimakū irinerā āārīmá. Irasirirā mɥsāde ñerō tarirā, ōārō yɥjɥpūrāku, piriro marīrō ĩgūrē gūñaturanīkōāka! ⁴ Ñerā ñerīrē iridorerire mɥsā tarinugāduamakū ĩārā, mɥsārē wējēñabema dapa. ⁵ ¿Marīpɥ mɥsārē ĩgū pūrārē weredeare kātiakōārī? ĩgūya werenírī gojadea pūgue āsū ārīdi āārīmí: Yɥ magū, yɥ mɥ Opɥ, mɥrē ōārō iriburo, ārīgū, wajamoārīrē pémasīka! Mɥrē: “Ñerīrē iropata irika!” ārīmakū pégu, bujawerebirikōāka!

⁶ Āsū āārā. Yɥ maīrārē: “Ñerīrē irimerāta!” ārī, pūrīrō páro irirosū werea. Yɥ pūrā āārīpererārē wajamoāa ōārō iridoregu, ārīdi āārīmí.*

⁷ Marīpɥ mɥsārē wajamoāmakū ĩārā, ĩgūrē ōārō yɥjuka! Sugɥ pagɥ ĩgū magū ñerō irimakū ĩāgū, ĩgūrē wajamoākumi. Irasūta Marīpɥ, marī ñerō irimakū ĩāgū, marīrē ĩgū pūrārē pūrīrō páro irirosū weregukumi ōārō iriburo, ārīgū. ⁸ Marīpɥ āārīpererā ĩgū pūrārē ĩgūsā ñerō iridea waja pūrīrō páro irirosū weremi. ĩgū werebirimakū, mɥsā ĩgū pūrā āārībiribukoa. Pagɥ marīrā, ñerō irisīā bokasūnerā irirosū āārībukoa. ⁹ Marī majīrā āārīmakū, marī pagɥsāmarā marī ñerō iriri waja pūrīrō páro irirosū weremakū, ĩgūsārē bɥremubɥ. Irasirirā marī pagɥsāmarārē bɥremurī merā yɥjɥro nemorō, Marīpɥ ũmugasigue āārīgūrē bɥremurī merā ōārō yɥjɥro gāamea. ĩgūrē bɥremurā, ĩgū merā ōārō āārīrākoa. ¹⁰ Marī ñerō irimakū, marī pagɥsāmarā ĩgūsā gāamerōsū yoabiripoe wajamoāma. Marīpɥ gapɥ diayema merā wajamoāmi, marīrē ĩgū irirosū ōārā āārīmakū irigɥ. ¹¹ Diayeta āārā. Marīpɥ marīrē wajamoāmakū, ɥsɥyabea. Marī bujawerekererā, ĩgū marīrē wajamoādero pɥrɥ, marī ĩgūrē ōārō yɥjɥrā, diayema iririre iri, ĩgū merā siñajārī oparākoa.

Marīpɥ werenírīrē péduabirimakū gogoráa marīrē, ārī gojadea

¹² Irasirirā mɥsā Marīpɥre bɥremuturamerā āārībirikōāka! ĩgūrē ōārō gūñaturanemoka! ĩgūyare piriro marīrō ōārō iritɥyaka! ¹³ Ōārō diayema irika! Gajirā Marīpɥre gūñaturamerā, mɥsā irasirimakū ĩākūrā, gūñaturari merā ĩgūyare iritɥyarākuma.

¹⁴ Āārīpererā masaka merā gāmekēārō marīrō ōārō āārīrikuka! Ñerō iriro marīrō āārīka! Ñerī marīrā dita marī Opɥ Jesucristore ĩārākuma. ¹⁵ Ōārō pémasīka! Marīpɥ mɥsārē iritamurīrē: “Gāamebirikoa”, ārībirikōāka! Ñerī tá puri masā, ōārī oteri gapɥre

* 12:6 Job 5.17; Pr 3.11-12

poyanorẽrokoa. Musãde ñerĩrẽ irirã, gajirãrẽ poyanorẽrãkoa. Irasirirã ñerĩrẽ iribirikõãka!
¹⁶ Sugũ Ìgũ marãpo ããrĩbeo merã, neõ sugo ìgo marãpũ ããrĩbi merã ñerõ iribirikõãburo. Marĩpũyadere gããmemerã irirosũ neõ ããrĩbirikõãka! Iripoeguemũ Esau Marĩpũyare gããmebiridi ããrĩmĩ. Ìgũ masã tĩgũ ããrĩsĩã, Ìgũ pagũyare Ìgũ boadero purũ opabu ããrĩkeregũ, sunũ burũ uaboa, baari merã Ìgũ pagũmurẽ Ìgũ opabodeare gorawayudi ããrĩmĩ. ¹⁷ Ìgũ irasiridero purũ waadeare masĩa musã. Esau, Ìgũ pagũ Ìgũrẽ: “Yũ sĩburi merã õãrõ ããrĩgũkoa”, ãrĩburire pẽduakeremakũ, Ìgũ pagũ gapũ Ìgũrẽ: “Mũ pagũmurẽ sĩsiabu irire”, ãrĩdi ããrĩmĩ. Ìgũ irasũ ãrĩmakũ pẽgũ, Esau burũ oreri merã Ìgũ pagũre: “Sĩka yũre!” ãrĩ sẽrẽkeregũ, Ìgũ pagũ Ìgũrẽ sĩmakũ neõ irimasĩbiridi ããrĩmĩ.

¹⁸ Marĩpũ Ìgũ dorerire Moisere pĩmakũguere marĩ ñekũsãmarã Israel bumarã Marĩpũ ããrĩrõgue ejanũgãmakũ goegoradero ããrĩbũ. Dapagorare musã gapũre irasũ ããrĩbea. Marĩpũ Ìgũ dorerire Moisere pĩgũ, Sinai wãikũdi ùtãũgue ããrĩdi ããrĩmĩ. Irasiriro irogue Ìgũsã ejanũgãburipoe iri ùtãũguere peame burũ ùjũrõ, naĩtĩãrõ, ñĩmikãyebori, mirũ burũ wẽjãpuro ããrĩdero ããrĩbũ. ¹⁹⁻²⁰ Irogue puriduru burũ busumakũ penerã ããrĩmã. Purũ Marĩpũ Ìgũsãrẽ werenĩmakũ penerã ããrĩmã. Marĩpũ goero merã ãsũ ãrĩdi ããrĩmĩ Ìgũsãrẽ: “Iri ùtãũrẽ ñapeorãnorẽ ùtãyeri merã dea wẽjẽka, o sareri majĩ merã sare wẽjẽka!” ãrĩdi ããrĩmĩ. “Waimũradere irasũta irika!” ãrĩdi ããrĩmĩ. Ìgũ irasũ ãrĩ werenĩmakũ pẽrã, gũiri merã Moisere: “Iropata guare wereburo”, ãrĩ, burũ sẽrẽnerã ããrĩmã. ²¹ Moisès ããrĩpererire ùtãũguere goero ããrĩrĩrẽ Ìãgũ: “Burũ gũiri merã naradagũ yãa”, ãrĩdi ããrĩmĩ.

²² Musã gapũ iripoegue marã Sinai wãikũdi ùtãũgue ejanũgãnerã irirosũ ããrĩbea. Æmũgasigue Marĩpũ ããrĩrõgue Sion wãikũdi ùtãũgue mũrĩjarosũ diaye Ìgũ merã werenĩmasĩa. Irogue Marĩpũ okanĩgũya makã, Jerusalen wãikũri makã ããrã. Irogue Marĩpũ wereboerã wãrãgora ããrĩma. ²³ Ìgũsã usũyari merã nerẽrã, Marĩpũre: “Õãtaria mũ”, ãrĩ burũmuma. Irogue Marĩpũ pũrãde ùmũgasima gojadea pũgueta Ìgũsã wãrẽ gojatúsũnerã nerẽma. Marĩpũ ããrĩpererã iririre: “I gapũ õãa, i gapũ õãbea”, ãrĩ weregũ ããrĩmĩ. Marĩde Ìgũ merã õãrõ ããrã. Irasirirã irogue marã merã nerẽrãsũta ããrã. Marĩpũ Ìgũsãrẽta ñerĩ opamerã ããrĩmakũ irisiadi ããrĩmĩ. ²⁴ Marĩ Jesũre burũmurã ããrã. Iripoegue Marĩpũ marĩrẽ: “Õãrõ irigũra”, ãrĩ werepĩdi ããrĩmĩ. Ìgũ irasũ ãrĩ werepĩderosũta Jesũs iridi ããrĩmĩ. Ìgũya díre bẽo boadea merã marĩrẽ taudi ããrĩmĩ. Iripoeguemũ Abel Ìgũya dí bẽodeare Ìãgũ, Marĩpũ Ìgũrẽ wẽjẽdire wajamoãdi ããrĩmĩ. Jesucristoya dí bẽodea gapũre Ìãgũ, marĩrẽ waja opamerã ããrĩmakũ iridi ããrĩmĩ. Irasiriro Cristo dí bẽodea, Abel dí bẽodea nemorõ wajakũa.

²⁵ Irasirirã õãrõ pẽmasĩka! Marĩpũyare weregũre pẽduamerã irirosũ ããrĩbirikõãka! Iripoegue i nikũmũ Moisès Marĩpũyare weremakũ pẽrã, wãrã irire pẽduabirinerã ããrĩmã. Ìgũsã irire pẽduabiridea waja Marĩpũ Ìgũsãrẽ wajamoãdi ããrĩmĩ. Ìgũsã nemorõ Cristore pẽduamerã gapũre burũ wajamoãgũkumi. Cristo ùmũgasiguemũ Marĩpũyare weregũ ããrĩmĩ. ²⁶ Iripoegue Marĩpũ Ìgũ dorerire Moisere pĩgũ, Ìgũ werenĩrĩ merã nikũ ñomemakũ iridi ããrĩmĩ. Dapagorare ãsũ ãrĩmĩ: “Sunũ i nikũ ñomemakũ irigu, suñarõta gajino irinemogũra. I nikũ dita ñomemakũ iribi meta ããrĩgũkoa. Æmũgasiguedere ñomemakũ irigũra”, ãrĩmĩ. ²⁷ “Sunũ i nikũ ñomemakũ irigu, suñarõta gajino irinemogũra”, ãrĩgũ: “Ããrĩpereri yũ irideare bẽogũkoa”, ãrĩgũ yãmi. Ìgũyarãrẽ doregũ ããrĩrĩ gapũre bẽobirikumi. Irasiriro Ìgũ irideare bẽomakũ, Ìgũyarãrẽ doregũ ããrĩrĩ dita dujarokoa. ²⁸ Marĩpũ Ìgũyarãrẽ dorerogue marĩrẽ Ìgũ merã ããrĩmakũ irigũkumi. Irasirirã Ìgũyarãrẽ doregũ ããrĩrĩrẽ bẽosũbirimakũ Ìãrã, Marĩpũre: “Mũ merã usũyãa”, ãrĩrõ gããmea. Irasirirã burũmurĩ, gopeyaro merã Ìgũyare iritũyaro gããmea. Irasũ irirã, marĩ Ìgũrẽ usũyamakũ irirãkoa. ²⁹ Peame ùjũrõ goerosũ Marĩpũ goero wajamoãgũ ããrĩmĩ. Irasirirã Ìgũrẽ gopeyaro merã burũmurã!

13

Marĩpũ suyuri ditare iriro gããmea, ãrĩ gojadea

¹ Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka! ² Musã pũro ejarãrẽ õãrõ merã musãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpũre wereboerãrẽ ãgũsãya wiigue ñajãdorenerã ããrĩmã. “Marĩpũre wereboerã ããrĩmã”, ãrĩmasĩbirinerã ããrĩmã.

³ Peresugue ããrĩrãrẽ bopoñarĩ merã gãñaka! ãgũsã merã peresugue ããrĩrã irirosũ pẽñaka! Gajirã ñerõ tarirãdere bopoñarĩ merã gãñaka! ãgũsã merã musãde ñerõ tarirã irirosũ pẽñaka! Iritamuka ãgũsãrẽ!

⁴ ããrĩpererã marãpokũrã, marãpokũrã gãme gopeyari merã iãburo. Ũma ãgũsã marãposã nome merã õãrõ ããrĩrikũburo. Nomedede ãgũsã marãpusãmarã merã õãrõ ããrĩrikũburo. Marãpũ marĩrã, marãpokũrãde gajirã ũma merã ñerõ irimakũ iãgũ, marãpo marĩrã, marãpokũrãde gajirã nome merã ñerõ irimakũ iãgũ, Marĩpũ ãgũsãrẽ wajamoãgũkumi.

⁵ Niyerure maĩbirikõãka! Musã opari merã usũyaka! Marĩpũ ãsũ ãrĩdi ããrĩmĩ: “Musãrẽ neõ béobirikoã. Musã merã ããrĩnĩgũkoã musãrẽ iritamubu”, ãrĩdi ããrĩmĩ. ⁶ Irasirirã gãñaturari merã ãsũ ãrĩ masĩa:

Marĩ Opũ yũre iritamugũ ããrĩmi. Neõ sugũ masakũ yũre ñerõ iridũarire gãũbea, ãrĩ masĩa.✧

⁷ Musãrẽ õãrõ siiu, Marĩpũya kerere werenerãrẽ gãñaka! ãgũsã okaro bokatĩũrõ õãrõ ããrĩrikũdeare gãñaka! Irasũ gãñarã, Jesucristore ãgũsã bũremuderosũta musãde bũremuka!

⁸ Jesucristo marĩrẽ iritamugũ, neõ gorawayubirikumi. Iripoegue, dapagoradere, pũrũguedere ãgũ ããrĩderosũta ããrĩnikõãgũkumi. ⁹ Gajirã gajirosũ buerire pẽnemobirikõãka, Marĩpũya diayema buerire béori, ãrĩrã! ãgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gãñaturamakũ iribeã. Marĩpũ dita ãgũ marĩrẽ maĩrĩ merã marĩrẽ gãñaturamakũ yãmi.

¹⁰ Iripoegue Marĩpũya wiigue paía waimũrãrẽ wẽjẽ soepeonerã ããrĩmã. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmã. Jesucristo gapũ ãgũ boari merã marĩ ñerõ iridea wajare taudi ããrĩmĩ. ¹¹ Paía opũ waimũrã wẽjẽ, Marĩpũ ããrĩrĩ taribugorague ãgũsãya díre ãĩ ñajãdi ããrĩmĩ. Irogue Marĩpũre masaka ãgũsã ñerõ iridea wajare: “Béoka!” ãrĩ sãrẽbosadi ããrĩmĩ. ãgũ wẽjẽnerã waimũrãya dũpũri gapũre makã tũrogue soebéokõãdi ããrĩmĩ. ¹² Irire iriderosũta Jesúdere makã tũrogue wẽjẽbéonerã ããrĩmã. Irasirikeremakũ, ãgũya dí béori merã marĩrẽ waja opamerã ããrĩmakũ iridi ããrĩmĩ. ¹³ Jesús makã tũrogue curusague boari: “Gũyasĩũgorãa”, ãrĩsũdero ããrĩbũ. ãgũ boamakũ, masaka ãgũrẽ turi, bũridanerã ããrĩmã. ãgũrẽ irasiriderosũta masaka marĩdere turi, bũridakeremakũ, piriro marĩrõ ãgũrẽ tũyaro gããmea. ¹⁴ I nikũgue marĩ ããrĩburi makã máa. Gaji makã, marĩ pũrũgue ããrĩburi makãrẽ ũmũgasima makãrẽ yũrã yãa. ¹⁵ Irasirirã Jesucristo iritamurĩ merã Marĩpũre bũremurã, iro dupiyuro ãgũrẽ gajino sũnaderosũ, dapagorague ãgũrẽ usũyari sĩnikõãrã! ãgũrẽ: “Gũapũ, õãtarigu ããrã”, ãrĩ bũremurã! ¹⁶ Gajirãrẽ õãrõ irika! Musã oparire opamerãrẽ guereka! Irire kãtibirikõãka! Musã irasirirã, Marĩpũre sĩrã irirosũ irirãkoã. ãgũrẽ usũyamakũ irirãkoã.

¹⁷ Musã oparãrẽ õãrõ péka! ãgũsã dorerire bũremurĩ merã iritũyaka! Marĩpũ pídi ããrĩmĩ, ãgũsãrẽ musãrẽ õãrõ koredoregũ. Irasirirã musãrẽ ãgũyare õãrõ buenikõãma, ãgũrẽ bũremurĩrẽ piribirikõãburo, ãrĩrã. Pũrũgue Marĩpũ ãgũsãrẽ: “Wereka yũre! ¿Naásũ bueri?” ãrĩ sãrẽñamakũ, ãgũrẽ yũjũrãkuma. Irire masĩsĩã, õãrõ buedũama. Irasirirã

ĭgŭsā buerire mŭsā ōārō pémakŭ, ŭsuyari merā moārākuma. Mŭsā pébirimakŭ gapu bujawererākuma. Mŭsā ĭgŭsārē tarinugārā, ōārō āārīrikubirikoa.

¹⁸ Mŭsā Marīpure sērērā, gŭaya āārīburire sērēbosanīka! Gŭa ōārī ditare iridŭāa. Marīpu ĭūrō: “Ōārīrē irirā, waja opamerā āārā”, ārī péñāa. ¹⁹ Yŭre Marīpure sērēbosarā, āsŭ ārī sērēka: “Mérōgā pŭrŭta ĭgŭ gŭa pŭroque dupaturi aariburire āmuka!” ārī sērēka!

Ōādoretŭnudea

²⁰ Marīpu marīrē ĭgŭ merā ōārō siñajārī sĭgŭ marī Opŭ Jesucristo boadiguere masŭdi āārīmí. Jesucristo ovejare korerimasŭ irosŭ marīrē ōārō koregŭ āārīmi. Iripoegue Marīpu marīrē: “Ōārō irigŭra”, ārī werepídi āārīmí. ĭgŭ werepídeare Jesús boagŭ ĭgŭya dí béodea merā marīrē iriyuwarikŭdi āārīmí. Irire neō béobirikumi. ²¹ Irasirigŭ Marīpu mŭsārē iritamuníkŭāburo. Iri iritamunírī merā āārīpereri ōārīrē, ĭgŭ gāāmerī ditare irimakŭ iriburo. ĭgŭ gāāmerōsŭta Jesucristo merā marī āārīpererārē irasiriburo. Irasirirā Cristore: “Ōātaria mŭ”, ārī bŭremuníkŭāārā! Irasŭta irirā!

²² Yaarā, i pŭgue yŭ mŭsārē: “Āsŭ irika!” ārī gojarire ōārō merā péka! Yŭ mŭsārē wárigora gojabodi āārīkeregŭ, mérĭgā were gojabŭ. Irasirirā irire ōārō bueka! ²³ Idere mŭsārē weregŭra. Marīyagŭ Timoteore peresugue āārādire wĭuañurā. Dapagorare ĭgŭ aarimakŭ, yŭ ĭgŭ merā mŭsārē ĭāgŭ waagŭra.

²⁴ Mŭsā oparārē, gajirā Jesucristore bŭremurārē āārīpererā iro āārīrārē ōādorea gŭa. Gŭa merāmarā Italia marā mŭsārē ōādorema.

²⁵ Marīpu mŭsā āārīpererārē ōārō iritamuburo. Irasŭta iriburo.

Iropata āārā.

SANTIAGO

Santiago Marĩpũyarã ããĩpererogue waasirinerãrẽ gojadea

¹ Yũ Santiago i pũ merã mũsãrẽ õãdorea. Yũ Marĩpũre, irasũ ããĩmakũ marĩ Opũ Jesucristore moãboegũ ããrã. Mũsãrẽ Israel bumarãrẽ pe mojõma pere su gubu peru pẽrẽbejari buri marãrẽ ããĩpererogue waasirinerãrẽ gojáa.

Marĩpũ masĩrĩ sĩrĩmarẽ gojadea

² Yaarã, mũsãrẽ wári gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ usuyari merã ããĩnikõãka! ³ Mũsã ire masĩa. Ñerõ tarirã: “Marĩpũ yũre iritamugukumi”, ãrĩ bũremurĩrẽ pirimerã, gũñaturari merã ìgũrẽ bũremunemorãkoa. ⁴ Mũsãrẽ Marĩpũre bũremurĩrẽ neõ piriro marĩrõ gũñaturanikõãrõ gããmea. Gũñaturanĩrã, õãrõ pémasĩrã, Marĩpũ ìgũ masĩrĩ sĩrĩrẽ oparã ããĩrãkoa.

⁵ Mũsã masĩrĩrẽ opamerã, Marĩpũre sërẽka! Mũsã sërẽmakũ pégu, mũsãrẽ sũgukumi. Neõ turiro marĩrõ merã ããĩpererã ìgũrẽ sërẽrãrẽ wári masĩrĩ sũgukumi. ⁶ Irasirirã irire sërẽrã: “¿Yũre sũgukuri?” ãrĩ gũñamerãta bũremurĩ merã sërẽka! Sugũ: “¿Yũre sũgukuri, o sĩbirikuri?” ãrĩ gũñarikugũ, dia wádiyama makũrĩ gorawayuro irirosũ ìgũ gũñarĩrẽ gorawayunakumi. ⁷ Irasirigu: “¿Yũre sũgukuri, o sĩbirikuri?” ãrĩ gũñagũ: “Marĩ Opũre sërẽrĩrẽ opagũkoa”, neõ ãrĩ gũñabirikõãburo. ⁸ Sunũrẽ gajirosũ, gajinũrẽ gajirosũ gũñami. Irasirigu: “Ãsũ irigũra”, ãrĩ gũñabirisĩã, keoro neõ irimasĩbemi.

⁹ Sugũ ubu ããĩgũ ããĩkeregũ, Jesũre bũremusĩã, Marĩpũ ìũrõrẽ ubu ããĩgũ meta ããĩmi. Ìgũyagũ ããĩmi. Irasirigu usuyaburo. ¹⁰ Gajigu wári doebiri opagũ, ìgũya doebiri peremakũ ìãkeregũ, Jesũre bũremusĩã, usuyaburo. Marĩpũ ìũrõrẽ ìgũya doebiri ubu ããĩrĩ ããrã. Tá goori irirosũ pererokoa. ¹¹ Abe mũrĩja, bũro asimakũ, tá ñãã, iri gooride ñããdijakoa. Iri goori õãrĩ ããĩkerero, pereakõãkoa. Ãsũta waakoa doebiri opagũre. Ìgũ moãrĩ merãta boakumi.

Ñerõ taririre, irasũ ããĩmakũ ñerõ iridũarire gojadea

¹² Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, usuyami. Ìgũ gũñaturari merã tariwerederõ pũrũ, Marĩpũ ìgũrẽ: “Õãrõ irimi”, ãrĩgũkumi. Irasirigu ìgũrẽ ãmũgasigue perebiri okari sũgukumi*. ããĩpererã ìgũrẽ maĩrãrẽ: “Iri okarire sũgũra”, ãrĩdi ããĩmĩ. ¹³ Sugũ ñerĩrẽ iridũagũ: “Marĩpũ yũre ñerõ iridũamakũ yãmi”, ãrĩ gũñabirikõãburo. Marĩpũ neõ ñerĩrẽ iridũabemi. Irasũ ããĩmakũ, neõ marĩrẽ ñerõ iridũamakũ iribemi. ¹⁴ Ãsũ gapũ ããrã. Masaka ìgũsã ñerĩ ãaribejari gũñarĩrẽ piribirimakũ, iri gũñarĩ ìgũsãrẽ ñerõ iridũamakũ yãa. ¹⁵ Irasirirã ìgũsã ñerĩ ãaribejari gũñarĩrẽ pirimerã, pũrũ iri ñerĩ ãaribejarire irirãkuma. Iri ñerĩ iririre pirimerã, pũrũ perebiri peamegue waarãkuma.

¹⁶ Yaarã yũ maĩrã, diayeta gũñaka! “Marĩpũ yũre ñerõ iridũamakũ yãmi”, neõ ãrĩ gũñabirikõãka! ¹⁷ Marĩpũ ãmũgasigue ããĩgũ marĩrẽ õãrĩ, diayema ditare sĩmi. Ìgũ abe ãmũmũrẽ, ñamimũrẽ, neñukãdere iridi ããĩmi. Neõ gorawayubemi. Irasirigu ìgũ ããĩderosũta ããĩnikõãgũkumi. ¹⁸ Ìgũ gããmederosũta ìgũya kere diayema ããĩrĩ merã marĩrẽ ìgũyarã ããĩmakũ iridi ããĩmĩ, ìgũ pũrã ããĩpũroriburo, ãrĩgũ.

Marĩpũya kerere pérã, ìgũ dorerosũta irika! ãrĩ gojadea

* **1:12** Sugũ ãma birarimasũ gajirã nemorõ õãrõ ãmũgũ, olivo wãikũdima pũrĩ merã iridea berore wajatakumi. Masaka iri berore ìgũya dipurugue peokuma, gajirãrẽ ìgũ wajatadeare ìmurã. I irirosũ, sugũ Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, ãmũgasigue perebiri okari wajatagũkumi. Iri ãmũgasigue perebiri okari wajatari, i berore wajatari irirosũ ããrã.

¹⁹ Yaarã yu maĩrã, ire masĩka! Mũsã ããrĩpererãrẽ Marĩpũya kerere õãrõ péro gããmea. Gajirã mũsãrẽ weremakũ pérã, õãrõ gãña odorãgue ìgũsãrẽ wereka! Mata guabirikõãka! ²⁰ Sugũ noó gããmerõ guagũ, Marĩpu gããmerĩrẽ iribemi. ²¹ Irasirirã ããrĩpereri mũsã ñerõ gãñarĩrẽ, ñerĩ iririre pirikõãka! Marĩpũya kerere mũsã pédeare bũremurĩ merã õãrõ irika! Ìgũya kerere pémakũ, ìgũ turari merã mũsãrẽ peamegue waabonerãrẽ taugũkumi.

²² Ìgũya kere pédeare õãrõ irika! Iri kerere pékererã, irire irimerã, mũsã basi ãrĩkatori merã: “Õãrõ yáa”, ãrĩ gãñarãkoa. ²³ Mũsã Marĩpũya kerere pékererã, irire irimerã, sugũ masakũ ìgũya diapure diuru merã ãñĩagũ irirosũ ããrã. ²⁴ Ìgũya diapure ãñĩadero purũ, gajirogue waa, ìgũ deyorire mata kãtiakõãkumi. Irasirirã, ìgũ kãtiderosũta Marĩpũya kerere péadero purũ, mata kãtikõãa. ²⁵ Gajigũ gapũ Marĩpũya kere pédeare gãñanìgũ, kãtibirikumi. Irasirirã, ìgũ irirosũ irirã, marĩ pédeare kãtibirikoa. Marĩpu dorerire irinĩrãkoa. Irasirigũ Marĩpu marĩrẽ marĩ iriri merã usũyamakũ irigũkumi. Ìgũ doreri keoro ããrã. Irire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ.

²⁶ Sugũ: “Marĩpũre bũremua”, ãrĩ gãñakeregũ, gajirãrẽ werewũarire, ìgũsãrẽ ñerõ werenĩrĩrẽ piribirimakũ, ìgũ: “Marĩpũre bũremua”, ãrĩrĩ wajamãa. Ìgũ basita ãrĩkatogu yámi. ²⁷ Marĩ diayeta Marĩpu ããrĩnìgũrẽ bũremurã, ãsũ iriro gããmea. Pagũsãmarã marĩrãrẽ, wapiweyarãdere ìgũsã ñerõ tarimakũ ìãrã, ìgũsãrẽ iritamurõ gããmea. I ùmu marã ñerĩ irirã irirosũ iribirikõãrõ gããmea.

2

Masakare surosũ ìãka! ãrĩ gojadea

¹ Yaarã, mũsãrẽ Jesucristo marĩ Opũ õãtarigũre bũremurã masakare surosũ ìãrõ gããmea. Surãyeri masakare õãrõ irirã, gajirãdere õãrõ irika! ²⁻³ Mũsãrẽ i keori merã weregũra. Wãri doebiri opagũ oro merã iridea mojõsũrĩ túsãrĩ berorĩre opagũ õãrĩ surĩ sãñagũ, mũsã Jesũre bũremurã nerẽrõgue aarimakũ ìãrã, ìgũrẽ õãrõ merã: “Õõ, i õãrĩ doaripẽrõgue doaka!” ãrĩbukoa. Gajigũ bopogu boaro daro surĩro sãñagũ aarimakũ ìãrã, ìgũ gapũre õãrõ bokatĩrĩñeãbiribukoa. Gajipoe irirã ìgũrẽ: “Irota dujaka!” o “Õõ yebague doaka!” ãrĩbukoa. ⁴ Mũsã ìgũsãrẽ surosũ ìãmerã, ñerõ gãñarĩ merã: “Wãri doebiri opagũ, bopogu nemorõ ããrĩmĩ”, ãrĩrã yáa.

⁵ Yaarã yu maĩrã, yũre péka! Marĩpu i ãmũgue: “Boporã ããrĩma”, masaka ãrĩrãrẽ beyedi ããrĩmĩ, ìgũrẽ wãro bũremurĩ opamurãrẽ. Ìgũrẽ maĩrãrẽ: “Sĩgũra”, ãrĩdeare ìgũyarãrẽ dorerogue opaburo, ãrĩgũ, ìgũsãrẽ beyedi ããrĩmĩ. ⁶ Marĩpu boporãrẽ beyek-eremakũ, mũsã gapũ ìgũsãrẽ bũremubea. Doebiri oparã gapũ mũsãrẽ bũro poyari merã moãdorenama. Ìgũsãta mũsãrẽ weresãrĩrẽ beyerimasã purõguere weresãmurã ãñwãgãnama. ⁷ Mũsã: “Jesús õãgũyarã ããrĩma”, ãrĩsũrã ããrã. Doebiri oparã gapũ ìgũyamarẽ ñerõ werenĩrã ããrĩma.

⁸ Marĩpu marĩrẽ doregũ ìgũ dorerire gojadea pũgue ãsũ ãrĩdi ããrĩmĩ: “Mu basi maĩrõsũta mu purõ ããrĩrãdere maĩka!” Mũsã i dorerire irirã, õãrĩrẽ irirã yáa. ⁹ Mũsã gajirãrẽ surosũ ìãmerã ñerõ irirã yáa. Marĩpu doreri gojadea pũgue irasirirãrẽ ãsũ ãrĩ gojasũdero ããrĩbũ: “Marĩpu dorerire tarinũgãrã ããrĩma”. ¹⁰ Sugũ ããrĩpereri Marĩpu dorerire irikeregũ, su wãrẽ tarinũgãgũ, ñerõ iridea wajare opami. Irasirigũ ããrĩpereri Marĩpu dorerire tarinũgãgũ irirosũ ããrĩmĩ. ¹¹ Marĩpu ãsũ ãrĩdi ããrĩmĩ: “Gajigũ marãpo merã ñerõ iribirikõãka!” Gajidere ãrĩdi ããrĩmĩ: “Masakare wẽjẽbirikõãka!” Irasirigũ sugũ, gajigũ marãpo merã ñerõ iribirikeregũ, masakare wẽjẽgũ, Marĩpu dorerire tarinũgãgũ ããrĩmĩ. Ñerõ iridea waja, waja opami. ¹² Marĩpu ìgũ dorerire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ. Ìgũ masakare ìgũsã ñerõ iridea waja, wajamoãgũ ããrĩmĩ. Ìgũ dorerire marĩ irideare: “Õãgorabũ”, marĩ iribirideare: “Ñegorabũ”, ãrĩ beyegũkumi. Irasirirã ìgũ dorerire irika! Ìgũ gããmerõsũta werenĩka! ¹³ Marĩpu ìgũ ããrĩpererã ñerãrẽ

peamegue wajamoārĩnũ ejamakũ, masakare bopoñarĩ merã ãamerãrẽ bopoñarĩ merã ãabirikumi. Gajirãrẽ bopoñarĩ merã ãarã gapũre bopoñarĩ merã ãagũkumi. ãgũsãrẽ wajamoãbirikumi.

Jesũre bũremurĩrẽ, irasũ ããrĩmakũ õãrĩ iririre gojadea

¹⁴ Yaarã, ire pẽka! Sugũ õãrĩrẽ iribi: “Jesũre bũremua”, ãrĩrĩ wajamãa. Irire ãrĩrĩ merã dita tausũbirikumi. Peamegue waagũkumi. ¹⁵ Jesũre bũremugũ, o Jesũre bũremugõ, surĩ gorawayumerã, baari mërõgã opamakũ ãarã, ¿nasirirãkuri mũsã? ¹⁶ ãgũsãrẽ: “Õãrõ waaburo mũsãrẽ. Õãrĩ surĩ bokarã, baayapirã waaka!” ãrĩrã, ãgũsã gããmerĩ gapũre sĩbirimakũ, mũsã ãrĩrĩ neõ wajamãa. ¹⁷ I irirosũ ããrã. Sugũ: “Jesũre bũremua”, ãrĩgũ, õãrĩ gapũre iribirimakũ, ãgũ: “Jesũre bũremua”, ãrĩrĩ neõ wajamãa.

¹⁸ Gajipoe irigũ yũ wererire pẽduabi gapũ yũre ãsũ ãrĩbukumi: “Sugũ Jesũre bũremurĩ opami. Gajigũ gapũ Jesũre bũremubirikeregũ, õãrĩrẽ yãmi”, ãrĩbukumi. ãgũ irasũ ããrĩmakũ pẽgũ, yũ ãgũrẽ ãsũ ãrĩbukoa: “Masaka sugũ õãrĩ iririre neõ ããbirikererã, ãgũrẽ: ‘Jesũre bũremugũ ããrĩmi’, ããrĩmasĩbirikuma. Gajigũ gapũ ãgũ õãrĩ iriri merã gajirãrẽ ãgũ Jesũre bũremugũ ããrĩrĩrẽ masĩmakũ yãmi”, ãrĩbukoa. ¹⁹ Mũsã: “Marĩpũ sugũta ããrĩmi”, ãrĩ bũremua. Mũsã irasũ ãrĩ bũremumakũ õãgorãa. Wãtẽa õãrĩrẽ neõ irimerãde irire bũremuma. ãgũsã Marĩpũ ããrĩrikurire masĩma. Irasirirã ãgũrẽ gũirã, naradama. ²⁰ Mũsã pẽmasĩmerã ããrã. Irasirigũ ire mũsãrẽ werenemogũra, pẽmasĩdoregũ. Sugũ: “Jesũre bũremua”, ãrĩgũ õãrĩ gapũre iribirimakũ, ãgũ: “Jesũre bũremua”, ãrĩrĩ neõ wajamãa. Jesũre bũremugũ meta ããrĩmi.

²¹ Iripoeguemu marĩ ñekũ Abraham irideare gũñaka! “¿Diayeta ãgũ yũre bũremurĩ?” ãrĩgũ, Marĩpũ ãgũ magũ Isaare ãtãyeri merã iridea soepeorogue wẽjẽ soepeodoredi ããrĩmi. Irasirigũ Abraham Marĩpũ dorederosũta ãgũ magũrẽ ãĩ wẽjẽbu iridi ããrãdimi. Marĩpũ ãgũ dorerire Abraham tarinũgãbirimakũ ããgũ, ãgũrẽ: “Mũ magũrẽ wẽjẽbirikõãka!” ãrĩdi ããrĩmi. Irasirigũ ãgũrẽ: “Diayeta yũre bũremumi, õãgũ ããrĩmi”, ãrĩ ããdi ããrĩmi. ²² Irasirirã mũsã ire masĩa. Abraham Marĩpũre bũremusiã, ãgũ doredere iridi ããrĩmi. Irasũ ããrĩmakũ ãgũ doredere irisĩã, Marĩpũre bũremurĩ opatarigũ dujadi ããrĩmi. ²³ Irasiro Marĩpũya werenĩrĩ gojadea pũgue Abraham irideare gojaderosũta waadero ããrĩbũ. ãsũ ãrĩ gojasũdero ããrĩbũ: “Abraham Marĩpũre bũremudi ããrĩmi. ãgũ bũremumakũ ããgũ: Marĩpũ ãgũrẽ: ‘Õãgũ ããrĩmi’, ãrĩ ããdi ããrĩmi”, ãrĩ gojasũdero ããrĩbũ. Irasũ ããrĩmakũ, Marĩpũ ãgũrẽ: “Abraham, yũ merãmũ ããrĩmi”, ãrĩdi ããrĩmi.

²⁴ Irasirirã Abrahãyamarẽ gũñarã, mũsã ire masĩa. Sugũ: “Marĩpũre bũremua”, ãrĩgũ, õãrĩ gapũre iribirimakũ ããgũ, Marĩpũ ãgũrẽ: “Õãgũ ããrĩmi”, ãrĩ ããbemi. Gajigũ gapũ diayeta Marĩpũre bũremugũ õãrĩrẽ yãmi. Irasirimakũ ããgũ, Marĩpũ ãgũrẽ: “Õãgũ ããrĩmi”, ãrĩ ããmi. ²⁵ Gaji iripoeguemo ãma merã ñerõ irideo Rahab wãikũgo irideare gũñaka! Josuẽ iriunerã igoya makãgue ããdurirã ejamakũ, ãgũsãrẽ iritamudeo ããrĩmõ. Igoya makã marã ãgũsãrẽ boka wẽjẽrĩ, ãrĩgõ, igoya wiigũ ãgũsãrẽ duũdeo ããrĩmõ. Pũrũ ãgũsã duri dujariri maarẽ ãmudeo ããrĩmõ. Igo Marĩpũyarãrẽ iritamurĩ merã Marĩpũre igo bũremurĩrẽ ãmudeo ããrĩmõ. Irasirimakũ ããgũ, Marĩpũ igore: “Õãgõ ããrĩmõ”, ãrĩ ããdi ããrĩmi. ²⁶ ãsũ ããrã. Masakũ yũjũpũrã marĩmakũ, ãgũya dũpũ okabirikoa. Sugũ: “Marĩpũre bũremua”, ãrĩgũ, õãrĩ gapũre iribi, diayeta Marĩpũre bũremubemi. Irasiro ãgũ: “Marĩpũre bũremua”, ãrĩrĩ neõ wajamãa. Yũjũpũrã marĩrĩ dũpũ, boari dũpũ irirosũ ããrã.

3

Marĩya disi wiririre gojadea

¹ Yaarã, ire mũsã masĩa. Marĩpũ gũa ãgũyare buerimasã buerire, gajirã moãrĩmasã iriri nemorõ ãã beyegũkumi. ãgũyare keoro buebirimakũ ããgũ, gajirã nemorõ gũare wajamoãgũkumi. Irasirirã mũsã watopegue ããrĩrã mërãgã dita gajirãrẽ buerimasã

ãārĩburo. ² Marĩ ãārĩpererã wári òãrõ iribirire yáa. Sugũ ñerĩ neõ wereníbi: òãgũ Marĩpũ gããmerĩ ditare irigũ ãārĩmi. Gaji ñerõ iriridere neõ iribemi. Ígũ ñerĩ werenírĩ Ígũya disi wiririre kãmutamasígũ, ãārĩpereri Ígũya dupugue ãārĩrĩ merã gaji ñerõ iriridere kãmutamasĩmi.

³ Marĩ werenírĩmarẽ keori merã weremakũ i irirosũ ããrã. Marĩ kõme berore cabal-luya disire túsãkoa. Irasirirã i berogã merã, Ígũ wágu waibu ãārĩkeremakũ, tũãgãmenú, marĩ waadũaro waamakũ irikoa. ⁴ Doódirude irasũta ããrã. Iriuru wádiru ãārĩkeremakũ, mirũ buru wẽjãpukeremakũ, wejatugũ mérĩ majĩgã merã dita iriru waaróre wejatukumi. ⁵ Marĩ werenírĩ irasũta ããrã. Marĩya nediru médirugã ãārĩkeremakũ, marĩya disi wári: “Masítaria”, ãrĩ werenírĩ wiria. Ásũ ããrã. Peame marĩ mérĩmegã diukeremakũ, wári makãnúurẽ ãjũmakũ irikoa. ⁶ Irasiro marĩya disi nediru merã ñerĩ werenírĩ, i peame irirosũ ããrã. Marĩya dupugue, marĩya nediru su wãĩgã ãārĩkeremakũ, marĩ ñerĩ werenírĩ marĩrẽ ãārĩpereri gajirosũperi ñerĩrẽ irimakũ irikoa. Irasiro peame gajinorẽ ãjũwãgã, poyanorẽrõ irirosũ, marĩ ñerĩ werenírĩ, marĩ i ãmũgue okarinũrĩrẽ òãrõ ãārĩrĩrẽ poyanorẽmakũ yáa. Marĩ ñerĩ werenírã, wãtĩ ñerĩ iridorerire irirã yáa. ⁷ Masaka Ígũsãyarã ejorãrẽ kãmutarosũ ãārĩpererã makãnúu marã waimũrãrẽ, wãrãrẽ, pĩrũãrẽ, dia marãrẽ kãmutamasĩma. Neõgoraguedere Ígũsãnorẽ kãmutamasĩsianerã ããrĩmã. ⁸ Ígũsãrẽ kãmutamasĩkeregũ, neõ sugũ masakũ Ígũ basi Ígũ werenírĩrẽ kãmutamasĩbemi. Irasirirã marĩ ñerĩrẽ wereníduabirikererã, ñerĩ werenía. Áña kũrĩmakũ Ígũya nima merã masakare wẽjẽrõ irirosũ, marĩ ñerĩ werenírĩ merã gajirãrẽ ñetariro yáa.

⁹ Marĩ werenírĩ merã Marĩpũ marĩ Opũre: “Òãtaria”, ãrĩ, usuyari sĩa. Marĩ werenírĩ merãta masakare: “Ñerõ waaburo Ígũsãrẽ”, ãrĩ werenía. Marĩpũ marĩ masaka ãārĩpererãrẽ Ígũ irirosũ ããrĩmakũ irikeremakũ, marĩ gãme ñerõ werenía. ¹⁰ Su disita òãrĩ werenírĩ, irasũ ããrĩmakũ ñerĩ werenírĩ wiria. Yaarã, irasiribirikõãrõ gããmea. ¹¹ Deko wiriri gobere òãrĩ wiriro, ñerĩ wiribirikoa. ¹² Yaarã, musã ire masĩa. Higuera, iguĩ dukakũbirikoa. Iguigũ, higuera dukakũbirikoa. Misõrĩ deko wiriri gobere moãkũri dekode wiribirikoa. Marĩde i irirosũ òãrĩ ditare werenírõ gããmea.

Diayema masĩrĩ ásũ ããrã, ãrĩ gojãdea

¹³ Musã watopegue sugũ òãrõ masígũ ããrĩgũno, òãrĩrẽ irinĩkõãburo. “Gajirã nemorõ masítarinũgã”, ãrĩbi, Ígũ masĩrĩ merã òãrĩrẽ iriburo. Irasirimakũ ããrã, gajirã Ígũrẽ: “Òãrõ masĩmi”, ãrĩrãkuma. ¹⁴ Musã gajinorẽ oparãrẽ buru ubu ããturirã, Ígũsã nemorõ ããrĩduarã, musãya ããrĩburi ditare iriduarã: “Masítarinũgã”, ãrĩ gũñabirikõãka! Musã irasũ ãrĩ gũñarã, ãrĩkatorikũrã, diayema ããrĩrĩrẽ keoro werenírã meta yáa. ¹⁵ Musã: “Masítarinũgã”, ãrĩ gũñarĩ, Marĩpũ gũñarĩ sĩrĩ ããrĩbea. I ãmũ marã gũñarĩ, wãtĩya ããrã. ¹⁶ Masaka gajirãrẽ ubu ããturi, Ígũsãya ããrĩburi ditare iriduarã, gãme guaseonírã ããrĩma. ããrĩpereri gajirosũperi ñerĩrẽ yáma. ¹⁷ Marĩpũ masĩrĩ sĩrĩ oparã gapũ òãrã ããrĩma. Gãme guaseodũamerã, gajirãrẽ iritamurã, gajirã wererire burumuri merã pérã, bopoñarĩ merã ããrã, òãrĩrẽ irirã, masakare surosũ ããrã, irikatoro marĩrõ irinírã ããrĩma. ¹⁸ Gajirã merã òãrõ ããrĩduarã, gãmekẽãrõ marĩrõ òãrõ siñajãrĩ merã ããrĩmakũ iriduarã, diayema iririre irinírã ããrĩma.

4

I ãmũmarẽ gããmerã, Marĩpũre gããmebema, ãrĩ gojãdea

¹ ¿Nasirirã gãme guaseo, gãmekẽãrĩ musã? Ásũ ããrã. Musã gũñarĩgue musã ñerĩrẽ iriduarĩ, òãrĩrẽ iriduarĩ merã gãmekẽãrĩ irirosũ ããrã. ² Gajinorẽ musã gããmea. Irasirirã irire opabirisĩã, masakare wẽjẽa, Ígũsãyare ãmaduarã. Gajigũ gajinorẽ opamakũ ããrã, Ígũrẽ ubu ããtura. Irasirirã Ígũyare opabirisĩã, gãme guaseo, gãmekẽãa. Musã Marĩpũre sãrẽbirisĩã, musã gããmerĩrẽ opabea. ³ Gajipoere gajinorẽ sãrẽkererã, ñerõ gũñarĩ merã sãrẽa. Musã basi musã ñerĩ ãaribejari ditare iriduarã sãrẽa. Irasirigũ Marĩpũ musã

sērērīrē sībemi. ⁴ Mūsā sugo nomeō marāpukugo āārīkerego gajigūre gāāmegō irirosū āārā. ĸMūsā ire masīberi? Sugū i ūmū marā űērīrē irirā irirosū iridūagū, Marīpūre gāāmebemi. I ūmū marā űērīrē irimakū iāgū: “Īgūsā irirosū irigūra”, ārī gūñagū, Marīpūre iāturingu dujami.

⁵ Marīpūya werenírī gojadea pūgue irire āsū ārī gojasūdero āārībú: “Marīpū Ōāgū deyomarīgūrē marīrē pídi āārīmí marī merā āārībure. Ōāgū deyomarīgū marīrē maīgū, marī űērīrē iridūamakū gāāmebemi”, ārī gojasūdero āārībú. Iri gojadea ubu āārírī meta āārā. Āārīrōma āārā. ⁶ Irasirigū Marīpū marī űērīrē irinemobirikōāburo, ārīgū, marīrē bopoñarī merā iā, ōārō iritamumi. Irasiriro ĩgūya werenírī gojadea pūgue āsū ārī gojasūdero āārībú: “‘Gajirā nemorō āārā’, ārī gūñagūrē Marīpū iritamubemi. ‘Yū ubu āārīgú āārā, yūre iritamuka!’ ārīgū gapūre ōārō iritamumi”, ārī gojasūdero āārībú. ⁷ Irasirirā Marīpū dorerire būremurī merā irika! Wātī dorerire iribirikōāka! Mūsā ĩgūrē pēbirimakū iāgū, mūsārē piri, duriwāgākōāgukumi. ⁸ Marīpū pūroque ĩgūrē: “Yū merā āārīka!” ārī ejanūgārā irirosū irika, ĩgūrē masīnemoduarā! Irasirimakū iāgū, mūsā pūroque ejanūgāgū irirosū irigukumi mūsārē iritamunemobu. Mūsā űērō irirā āārā. Irasirirā űērō iririre pirika! Mūsā Marīpūyare irirā, o i ūmū marā irirosū irirā: “Ōāgorāa”, ārī gūñadāa. Ire irasū ārī gūñabirikōāka! I ūmū marā irirosūta űērīrē irimakū, űegorāa. Marīpūya ditare irimakū, ōāa. ⁹ Mūsā űērō iririre gūñarā, ūsūyari merā būrirono irirā, būjawereri merā oreka! Mūsā űērō iririre gūyasīrīrī merā, būjawereka! ¹⁰ Marī Opūre: “Mū ĩūrōrē yū űegū, ubu āārīgú āārā, irasirigū yūre iritamuka!” ārī sērēka! Mūsā irasū ārī sērēmakū: “Mūrē iritamugūra, yaagū, ōāgū āārā”, ārī iāgukumi.

Mūsā Jesúre būremurā mūsā basi gāme werewūabirikōāka! ārī gojadea

¹¹ Yaarā, mūsā Jesúre būremurā mūsā basi gāme werewūabirikōāka! Gajirārē űērī werenírā, o ĩgūsārē werewūarā, Marīpū marīrē gāme maīdoredeare tarinūgārā yāa. Irire tarinūgārā: “Iri doreri ōābea”, ārīrā irirosū yāa. Irasirirā Marīpū dorerire: “Ōābea”, ārī werewūarā: “Yū Marīpū nemorō doremasīa”, ārīrā irirosū yāa. ¹² Marīpū sugūta masakare ĩgū dorerire pídi āārīmí. Īgū sugūta ĩgūsā iririre iā beyemasīmi. Masakare tau-masīmi, o peamegue béomasīmi. Irasirirā mūsā gapū: “Gajirā masakare werewūamasīa”, ārī gūñabirikōāka!

űamigāgue marī iriburire masībirimarē gojadea

¹³ Dapagorare gajire weremakū, ōārō péka! Mūsā surāyeri: “Dapagā, o űamigā gajī makāgue su bojori moā, wáro niyeru wajatarākoa”, ārī werenía. Irasū ārī werenírārē āsū ārī weregura. ¹⁴ Mūsārē űamigāgue waaburire neō masībea. Marī i ūmūgue okari, ĩmikā boyoripoe duji, mérōgā pūru perero irirosū āārā. Marī i ūmūgue āārī, mérōgā pūru boakōārākoa. ¹⁵ Irasirirā mūsārē āsū ārī werenírō gāāmea: “Marīpū gāāmemakū, okarākoa ire, o gajire irimurā”. ¹⁶ Mūsā gapū: “Marī masīa, irasirirā marī gāāmerō āsū irirākoa”, ārī werenía. Iri āārīpereri mūsā irasū ārī werenírī, űegorāa. ¹⁷ Irasirirā: “Marī āsū irirā, ōārīrē irirākoa”, ārī masīkererā, irire irimerā, űērīrē irirā yāa.

5

Wári doebiri oparārē waaburire gojadea

¹ Mūsā wári doebiri oparā yūre péka! Mūsā űērō tarirākoa. Irasirirā ire gūña, būro būjawereri merā gaguiní oreka! ² Mūsāya doebiri boakōārōkoa. Mūsāya surīre burua baarākuma. ³ Mūsā niyeru koeri, oro, plata merā iridea koeri mūsā duripídea gūrawijiakōārōkoa. Irasū waamakū, mūsā niyerure maīsīā, duripídeare masīsūrokoa. I niyeru mūsā maīrī, peame gajinorē soebéorosū mūsārē poyanorēmakū irirokoa. Dapagorare mūsā, i ūmū pererīnū ejaburo dupiyuro, wáro niyerure duripírā yāa. Irire duripírī waja būro wajamoāsūrākoa. ⁴ Mūsāya pooerire moānerārē wajarībea. Irasirirā mūsārē:

“Gware musā ārāderosūta wajarika!” āri gaguiníma. Īgūsā irasū āri gaguinírīrē marī Opu Īgūrē wereboerārē doregū pémi. ⁵ Musā i ūmugue okarā, wári doebiri opáa. Musā opari merā musā gāamerī ditare yáa. Musā irasiriri waja wajamoāsūrākoa. Wekure Īgūsā wējēburi dupiyuro oārō baa, diikugū irirosū āārā. ⁶ Musā ñerō irimerārē: “Ñerō yáma”, āri, peresugue āiwāgā: “Wējēka!” ārā, musā Īgūsārē iririre kāmutamasiña marīrō.

Jesucristo i ūmugue dupaturi aariburire marīrē oārō yúro gāāmea, āri gojadea

⁷ Irasirirā yaarā, marī Opu Jesucristo i ūmugue dupaturi aariburire gūñaturari merā oārō yúka! Pooe opu Īgū otedea dukakuburire oārō yúkumi. Īgūya pooere otedero puru, deko merēburire, irasū āārīmakū Īgū otedea puri, masāburire oārō yúkumi. ⁸ Musāde Īgū irirosūta oārō yúka! Marī Opu dupaturi aariburo mérō dūyáa. Irasirirā gūñaturari merā Īgūrē bāremurīrē neō piriro marīrō merā Īgū aariburire oārō yúníkōāka!

⁹ Yaarā, Marīpu musārē wajamoārī, ārīrā, gāme turibirikōāka! Īgū āārīpererā ñerārē wajamoāgū aariburo mérō dūyáa. ¹⁰ Yaarā, iripoegue marārē marī Opūya kerere weredupiyunerārē gūñaka! Marī Opūyare werede waja gajirā Īgūsārē ñerō irinerā āārīmá. Īgūya kerere weredupiyunerā gapu ñerō tarikererā, Īgūyare wereduúbirinerā āārīmá. Īgūsārē ñerō irirārē ñerō iribirinerā āārīmá. Irasirirā musāde Īgūsā iriderosūta irika! ¹¹ Ñerō tarikererā marī Opūre bāremurīrē neō piribirinerārē gūñarā: “Marī Opu oārō iritamunerā, usuyari bokanerā āārīma”, āri gūñāa. Iripoeguemu Job wāikugū ñerō taridea kerere musā pébu. Īgū buro ñerō tarikeregū, marī Opūre bāremurīrē piribiridi āārīmí. Irasirigū Īgū ñerō taridero puru, marī Opu Īgūrē maīgū Īgūrē bopoñarī merā iāsīā, wári oārīrē iridi āārīmí. Irasirirā, Īgū marīdere maīrīrē, Īgū marīdere bopoñarī merā iārīrē musā masīa.

¹² Yaarā, gaji yu wererire gopeyari merā oārō péka! Musā gajirārē wererā, āsū āri werebirikōāka: “Ūmugasima merā āsū irigūra”, o “I nikūma merā āsū irigūra”, āribirikōāka! Musā gajirārē wererā, ārikatori marīrō su diayeta wereka! Gajinorē irianerā: “Iriabu”, ārika! “Āsū irirāra”, ārīrā, irika! “Āsū iribirikoa”, ārīrā, iribirikōāka! Marīpu wajamoābirikōāburo, ārīrā, irasirika!

¹³ Musā ñerō tarirā, Marīpūre: “Iritamuka yure!” āri sērēka! Usuyari merā āārīrā, bayapeori merā Īgūrē: “Ōātaria mu”, āri, usuyari sīka! ¹⁴ Sugu pūrīrikugū, Jesúre bāremurā oparārē siiuburo. Īgūsā Īgūrē uye merā piupeo, marī Opūre: “Jesús, iī mārē bāremugūrē tauka!” āri sērēbosarākuma. ¹⁵ Īgūsā marī Opūre bāremurī merā sērēmakū, marī Opu Īgūrē taugukumi. Irasirigū Īgūrē pūrīrī marīgū dujamakū irigukumi. Pūrīrikūadi ñerō iridi āārīmakū, Marīpu Īgū ñerō irideare kātigukumi. ¹⁶ Irasirirā musā ñerō irideare gāme weretarika! Irasū āārīmakū, Marīpūre musāya āārīburire gāme sērēbosaka! Irasirika, Marīpu musārē pūrīrī marīrā āārīburo, ārīrā! Ōārīrē iririkugū buro bāremurī merā gajirāya āārīburire Marīpūre sērēbosamakū, Marīpu Īgū sērērōsūta irigukumi. ¹⁷ Iripoeguemu Marīpūya kerere weredupiyudi Elías wāikugū marīsūta masakū āārīdi āārīmí. Īgū āārīdeapogue marā ñerō irimakū iāgū, Marīpūre: “Deko merēbirimakū irika!” āri, buro bāremurī merā sērēdi āārīmí. Marīpu Īgū sērērīrē pé, ure bojori gaji bojori dekogora, Īgūsāya nikūrē deko merēbirimakū iridi āārīmí. ¹⁸ Paru Marīpūre: “Deko merēmakū irika doja!” āri sērēdi āārīmí. Īgū sērēmakū, deko merēdero āārībú. Irasū waamakū, Īgūsāya nikūrē dupaturi oteri puri dukakūdero āārībú.

¹⁹ Yaarā, sugu musā merāmu diayema āārīrīrē irinemobirimakū iārā, dupaturi Marīpūyare irimakū irirā, Īgūrē oārō irirā irikoa. ²⁰ Ire masīka! Musā sugu ñerō irigūre Īgū ñerō iririre pirimakū irirā, Īgūrē oārō irirā irikoa. Marīpu Īgūrē peamegue waabodire taugukumi. Īgū wári ñerī irideare kātigukumi.

1 SAN PEDRO

Pedro Jesúre bɔremurã waasirinerãrẽ gojadea

¹ Yɛ Pedro mɔsãrẽ õãdorea. Jesucristo yɛre ãgũyare buedoregɛ beyemi. Irasirigɛ mɔsãrẽ, mɔsãya nikũrẽ wiri, gajirogue Ponto, Galacia, Capadocia, Asia, Bitinia wãikuri nikũgue waasirinerãrẽ i pũrẽ gojáa. ² Marĩpɛ ããrĩnĩgũ dupiyurogue mɔsãrẽ: “Yaarã ããrĩma”, ãrĩderosũta beyedi ããrĩmĩ. Õãgũ deyomarĩgũ merã mɔsãrẽ ããrĩmakũ iridi ããrĩmĩ, Jesucristo gããmerĩrẽ iriburo, ãrĩgũ. Jesucristo dí béori merã ñerĩrẽ koesũnerã ããrĩburo, ãrĩgũ, irasiridi ããrĩmĩ. Mɔsãrẽ õãrõ iritamũ, siñajãrĩ merã ããrĩdero nemorõ ããrĩrikũmakũ iriburo.

Jesúre bɔremurã Marĩpɛ merã õãrõ ããrĩnĩburire gojadea

³ Marĩpɛre, marĩ Opɛ Jesucristo Pagɛre: “Õãtaria mɛ”, ãrĩ, ɔsɔyari sĩrã! ãgũ marĩrẽ bɔro bopõnasĩã, Jesucristore boadiguere masũrĩ merã marĩrẽ dupaturi deyoarã irirosũ ãgũ pũrã ñajãmakũ iridi ããrĩmĩ. Irasirigɛ ãgũ merã marĩ õãrõ ããrĩnĩkõãburire masĩmakũ yãmi. ⁴ Irasirirã, ãgũyarãrẽ: “Õãrĩrẽ sĩgura”, ãrĩdeare marĩ opaburire ɔsɔyari merã yũrã yãa. ãgũ marĩrẽ sĩburi: ãgũ ɔmũgasigue õãrĩ opari, neõ pereburi, boaburi meta ããrã. ⁵ Marĩpɛ marĩrẽ ãgũrẽ bɔremurãrẽ ãgũ turari merã koremi. Irasirigɛ, i ɔmũ peremakũ, ãgũ marĩrẽ peamegue waabonerãrẽ: “Taugɛra, yɛ merã ããrĩnĩkõãrãkuma”, ãrĩdeare iriyuwarikɛrere masĩmakũ irigukumi.

⁶ Marĩ mérõgã i ɔmũgue ããrĩrõpa wãri gajirosũperi ñerõ tarikererã, ɔmũgasigue Marĩpɛ marĩrẽ sĩburire gũñarã, bɔro ɔsɔyari merã ããrã. ⁷ Ñerõ tarikererã, marĩ diayeta Marĩpɛre õãrõ bɔremunĩrĩ, oro nemorõ wajakɛa. Oro wajakɛkerero, pereburi ããrã. Masaka irire peamegue soekuma õãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɛre õãrõ bɔremunĩrã dujarãkoa. Irasirigɛ, Jesucristo dupaturi aarimakũ, Marĩpɛ marĩrẽ: “Õãrõ iribɛ, irasirirã yɛ pɔro yɛ merã ããrĩnĩkõãrãkoa”, ãrĩgukumi.

⁸⁻⁹ Mɔsã Jesucristore ãgũ i ɔmũgue ããrĩmakũ ããrĩnerã ããrĩkererã, ãgũrẽ maĩa. Dapagoradere ãgũrẽ ããrĩkererã, gũñaturari merã ãgũrẽ bɔremua. Mɔsã ãgũrẽ irasũ bɔremunĩmakũ, Marĩpɛ mɔsãrẽ peamegue waabonerãrẽ tarimakũ irigukumi. Irasirirã mɔsã Marĩpɛ pɔrogue waaburire gũñarã, irogue eja, ɔsɔyarosũ bɔro ɔsɔyãa. I ɔsɔyari oparire werenĩrĩ merã weremasĩña mãa.

¹⁰ Iripoegue Marĩpɛya kerere weredupiyunerã ãgũ mɔsãrẽ õãrõ iritamugũ tauburire werenẽrã ããrĩmã. Irire werekererã, pẽmasĩbirinerã ããrĩmã. Irasirirã irire masĩduarã, bue, gũñamanerã ããrĩmã. ¹¹ Õãgũ deyomarĩgũ Cristo ãgũsãrẽ iriudi iritamurĩ merã Cristo ñerõ tari, boadigue masã, ɔmũgasigue mũrĩa, pɔrɛ ããrĩpererã Opɛ ããrĩburire weredupiyunerã ããrĩmã. Irasirirã: “¿Noã irasũ waagukuri, ñããsũ ããrĩmakũ irasũ waarokuri?” ãrĩ masĩduarã, irire bue, gũñamanerã ããrĩmã. ¹² Marĩpɛ ãgũsã masĩmakũ gããmegũ, ãgũsãrẽ ãsũ ãrĩdi ããrĩmĩ: “Mɔsã ããrĩripoe i irasũ waabirikoa dapa. Pɔrɛ marã gapɛ irire ããrãkuma”, ãrĩdi ããrĩmĩ. Dapagorare Marĩpɛ marĩrẽ tauri kerere wererã ãgũsã iripoegue weredeareta mɔsãrẽ werema. Õãgũ deyomarĩgũ Marĩpɛ ɔmũgasigue merã iriudi iritamurĩ merã mɔsãrẽ irire werema. Marĩpɛ Jesucristo iridea merã marĩrẽ taurire Marĩpɛre wereboerãde bɔro masĩduama.

Marĩpɛ marĩrẽ ñerĩ marĩrã ããrĩdoremi, ãrĩ gojadea

¹³ Irasirirã mɔsã iriburire õãrõ pẽmasĩrĩ merã gũñaka! Jesucristo i ɔmũgue dupaturi aarimakũ, Marĩpɛ mɔsãrẽ õãrõ iritamugũ mɔsã peamegue waabonerãrẽ tauburire gũñanĩkõãka! Irire gũñarã, bɔro ɔsɔyari merã yũka! ¹⁴ Iripoegue mɔsã Marĩpɛre masĩburi dupiyuro ñerõ ɔaribejarire iriunaderosũta dapagorare neõ irinemobirikõãka! Majĩrã ãgũsã pagũsãmarã dorerire tarinũgãmerã irirosũ Marĩpɛ dorerire tarinũgãbirikõãka!

15 Marĩpu musãrẽ ãgũyarã ããrĩdoregu siiudi, ñerĩ marĩgũ ããrĩmi. Irasirirã, ãgũ irirosũ musãde ñerĩ marĩrãta õãrĩ ditare irika! 16 Marĩpuya werenĩrĩ gojadea pũgue irasũta ãrĩ gojasũdero ããrĩbũ. Æsũ ãrĩdi ããrĩmi: “Yũ õãgũ, ñerĩ marĩgũ ããrã. Irasirirã musãde ñerĩ marĩrã ããrĩka!” ãrĩdi ããrĩmi.

17 Marĩpu ããrĩpererãrẽ surosũ ãgũ, ãgũsã irideare: “Iri õãbũ, iri õãbiribũ”, ãrĩ weregu ããrĩmi. Irasirirã ãgũrẽ: “Guapu”, ãrĩrã, i ãmũgue musã ããrĩrõpa gopeyari merã ãgũyare irika! 18 Musã ñekũsãmarã Marĩpuyare iribirinerã ããrĩmã. Musã ãgũsã iriderosũ iriri wajamã. Irasirigũ Marĩpu musãrẽ ãgũsã iriderosũ iriunanerãrẽ taudi ããrĩmi ãgũyare iriburo, ãrĩgũ. Musã ire masĩa. Marĩpu marĩrẽ taugũ, marĩ ñerõ iridea wajare wajari-bosadi ããrĩmi. Irasũ wajaribosagũ, niyeru, oro merã wajaribosabiridi ããrĩmi. Niyeru, oro pereburi ããrã. 19 Irasirigũ iri wajakuro nemorõ marĩ ñerĩ iridea wajare wajaribosadi ããrĩmi. ãgũ magũ Cristo boagũ dí béodea merã gapũ marĩ ñerĩ iridea wajare wajaribosadi ããrĩmi. Oveja majĩgũ masaka Marĩpũre bũremurã wẽjẽ soepeobu õãgũ ããrĩderosũta Cristo õãgũ ñerĩ marĩgũ ããrĩmi. 20 Marĩpu i ãmũrẽ ãgũ iriburo dupiyurogueta Cristo ãgũ boagũ dí béoburire masĩsiadi ããrĩmi. Ipapoere i ãmũ pereburi dupiyuro Cristore i ãmũgue iriudi ããrĩmi, ãgũya dí béori merã musãrẽ iritamuburo, ãrĩgũ. 21 Irasirirã Cristo iritamurĩ merã Marĩpũre bũremua. Marĩpu Cristore boadiguere masũ, ãmũgasigue ãmũrĩa, ããrĩpererã Opũ sóodi ããrĩmi. Irasirirã Marĩpũre: “Guare õãrõ irigũ ããrĩmi”, ãrĩ bũremu, ãgũ merã õãrõ ããrĩnĩburire õãrõ masĩa.

22 Cristoya diayema kerere pé bũremusĩa, musã ñerĩ iririkũrere pirinerã ããrĩbũ. Dapagorare diayeta musãyarãrẽ maĩmasĩa. Irasirirã musãya yũjũpũrãrĩ, ããrĩpereri musã turari merã gãme maĩka! 23 Musã Marĩpuya werenĩrĩrẽ bũremurã, dupaturi deyoarã irirosũ waabũ. Irasirirã ãgũ pũrã waabũ. Marĩ pagũsãmarã merã deyoa, pũrũ boakõãrãkoa. Iri irirosũ ããrĩbea Marĩpu pũrã waamakũ. ãgũya werenĩrĩ, perebiri werenĩrĩ ããrã. Irasirirã iri werenĩrĩ merã ãgũ pũro ãgũ merã ããrĩnĩkõãrãkoa. 24 ãgũya werenĩrĩ gojadea pũgue ãsũ ãrĩ gojasũdero ããrĩbũ:

Ããrĩpererã masaka tá irirosũ ããrĩma. ãgũsã õãrĩ oparide tá goori irirosũ ããrã. Tá masã, boakõã. Gooride boakõã. Iri irirosũta marĩ masakade boarãkoa.

25 Marĩ Opũ werenĩrĩ gapũ neõ perebirikoa. ãgũ ãrĩderosũta waarokoa. ããrĩpereri ãgũ: “Æsũ irigũra”, ãrĩdeare iriyuwarikũgũkumi, ãrĩ gojasũdero ããrĩbũ.*

Iri õãrĩ bueri, musãrẽ ãgũsã weredea, Jesucristo marĩrẽ tauri kerere bueri ããrã.

2

1 Irasirirã ããrĩpereri gajirosũperi ñerĩ iririre: ãrĩkatorire, irikatorire, gajirã gajino opamakũ ãaturirire, gajirãrẽ ñerõ ãrĩ werewũarire pirika! 2-3 Musã, marĩ Opũ musãrẽ õãrõ iririre sĩrũ masĩsiã. Irasirirã neõ deyoarãgã õpĩkũrẽ gããmerõsũ musãde marĩ Opũyare diayemarẽ bũro gããmekã! Irire gããmerã, ãgũrẽ bũremunemorãkoa. Musã irasirimakũ, musãrẽ taugũkumi.

Cristo masakare okari sĩgũ ãtãye irirosũ ããrĩmi, ãrĩ gojadea

4 Cristo marĩrẽ okari sĩgũ suye ãtãye masaka ãgũsã béoadeaye irirosũ ããrĩgũ ããrĩmi. ãgũsã ãgũrẽ gããmberikeremakũ, Marĩpu ãgũ Pagũ gapũ ãgũrẽ: “Õãtarigũ, ããrĩpererã Opũ ããrĩmi”, ãrĩ beyedi ããrĩmi. Irasirirã ãgũrẽ: “Õãgũ ããrĩmi”, ãrĩ bũremua. 5 Marĩde Cristo merã okari oparã ãtãyeri irirosũ ããrã. Marĩpu, sugũ ãtãyeri merã wii irigũ irirosũ marĩ merã irigũ yãmi. Irasirigũ marĩrẽ ãgũyarãrẽ ãgũya wiima irirosũ ããrĩmakũ yãmi. ãgũyarã paĩa ãgũrẽ bũremurã, ãgũ dorederosũta gajino sĩa. Marĩrẽ ãgũsã irirosũ ããrĩmakũ yãmi, Jesucristo iritamurĩ merã ãgũrẽ usũyari sĩburo, ãrĩgũ. Irasirirã ãgũyare irirã, ãgũrẽ usũyamakũ irirãkoa. 6 Marĩpu ãgũya werenĩrĩ gojadea pũgue ãsũ ãrĩdi ããrĩmi:

* 1:25 Is 40.6-8

Y_u beyedire yaa wiima weanú_{pu}roridea útāye irirosū āārīgūrē Jerusalēgue pí_{gu}ra. Īgū, y_u beyedi ōātarig_u, āārīpererā Op_u āārīmi. Īgūrē b_uremurāno, b_uro _uṣ_uyarākuma. “Ubugorata Īgūrē b_uremukub_u”, ārī gūñabirikuma, ārīdi āārīmi.✠

7 M_usāde Īgūrē b_uremurā: “Ōātarig_u āārīmi”, ārī ĩāa. Īgūrē b_uremumerā gap_ure Marī_{pu}ya werenī_{ri} gojadea pūgue āsū ārī gojasūdero āārībú:

Marī_{pu} beyedi suye útāye wii iririmasā béoadeaye irirosū āārīkeremakū, Marī_{pu} gap_u Īgūrē iri wiima weanú_{pu}roridea útāye irirosū āārīmakū iridi āārīmi. Irasirig_u Īgūrē āārīpererā Op_u pídi āārīmi, ārī gojasūdero āārībú.✠

8 Gaji Marī_{pu}ya werenī_{ri} gojadea pūgue āsū ārī gojasūdero āārībú:

Marī_{pu} beyedire b_uremumerā, iri útāyegue gubut_uameémejānerā irirosū āārīma. Irasirirā Marī_{pu} p_urogue neō waabirikuma, ārī gojasūdero āārībú.✠

Īgūya kerere b_uremubiri waja útāyegue gubut_uameémejānerā irirosū āārīma. Marī_{pu} p_urogue ejabirikuma. Īgūsārē irasū waaburire Marī_{pu} iripoeguetā: “Irasū waarokoa”, ārīsiadi āārīmi.

Marī_{pu}yarā āsū āārīma, ārī gojadea

9 M_usā gap_u Marī_{pu} pūrā Īgū beyenerā āārā. Marī Op_uyarā paía irirosū Īgūyare moārā, Marī_{pu}ya bumarā Īgū ĩūrō ñerī marīrā Īgūyarā āārā. M_usārē naītīārō āārīrā irirosū Īgūyare neō masībirinerārē masīdoreg_u siiudi āārīmi. Irasirig_u m_usārē boyorogue āārīrā irirosū irire ōārō masīrā āārīmakū iridi āārīmi. M_usārē Īgū ōārō irideare gajirārē weredoreg_u, irasiridi āārīmi. 10 M_usā iro dupiyurogue Marī_{pu} pūrā āārībirib_u. Dapagorare Marī_{pu} pūrā āārā pama. M_usā iro dupiyurogue bopoñarī merā ĩāsūña marīb_u. Dapagorare m_usārē Marī_{pu} bopoñarī merā ĩāmi.

Marī_{pu}yare irirā āārīka! ārī gojadea

11 Yaarā y_u maīrā, m_usā i ũmūrē naagorenarīmasā m_usāya makāgue āārīmerā irirosū, Marī_{pu} p_uro waamurāta āārā. Irasirig_u m_usārē ire turaro werea. M_usā ñerī _uaribejarire iribirikōāka! M_usārē ñerō irimakū irid_uarā irirosū m_usā ñerī _uaribejari m_usārē ñerō irimakū irid_uaro yāa. 12 Marī_{pu}re masīmerā watopegue āārīrā ōārō irirā āārīka, m_usārē werew_uari, ārīrā! M_usā irasirimakū m_usārē werew_uad_uakererā, Marī_{pu} Īgūsārē Īgūyare masīmakū iriripoe m_usā ōārō iririre ĩānerā āārīsīā, Īgūrē: “Ōāgū, turag_u āārīmi”, ārī b_uremurākuma.

13 Marī Op_ure b_uremusīā, āārīpererā i nikū marā oparārē ōārō merā y_ujuka! I nikū marā oparā op_u āārīgūdere y_ujuka! 14 Īgū dokamarā oparādere y_ujuka! Īgūsārē Īgū doreri tarinugārārē wajamoāmurārē pídi āārīmi. Īgū dorerire irirārē: “Ōārō iriab_u m_usā”, ārīdoreg_u pídi āārīmi. Irasirirā Īgūsārē y_ujuka! 15 Marī_{pu}, m_usā ōārō irimakū gāāmemi. M_usā irasirimakū ĩārā, pémasīmerā m_usārē werew_uad_uakererā, werew_uamasībema.

16 M_usā, Marī_{pu} tausūnerā āārīsīā, gajirārē moāboerimasāgora āārībea. Marī_{pu} tausūnerā āārīkererā, “G_uare doreri máa. Irasirirā g_ua gāāmerō ñerīrē irirākoa”, ārī gūñabirikōāka! Āsū gap_u irika! “Marī_{pu}re moāboerā āārā g_ua”, ārī gūñaka! Irasū ārī gūñarā, Īgū dorerire irika! 17 Āārīpererā masakare b_uremurī merā ĩāka! Marīyarārē Jesúre b_uremurārē maīka! Marī_{pu}re gopeyari merā b_uremuka! I nikū marā op_udere b_uremurī merā ĩāka!

Cristo ñerō tarig_u Īgū bokatīūderosū m_usāde bokatīūka! ārī gojadea

18 Moāboerimasā, ōārō b_uremurī merā m_usā oparārē y_ujuka! M_usārē ōārō irirā ditare y_ujubirikōāka! M_usārē turaro merā dorerādere y_ujuka! 19 M_usā ñerō iribirikeremakū, m_usā oparā m_usārē wajamoābukuma. M_usā, Marī_{pu} ĩūrō diayemarē irid_uamakū, Īgūsā wajamoārīrē bokatīūmakū, Marī_{pu} m_usārē: “Ōārō yāma”, ārī ĩāgukumi. 20 M_usā ñerō iriri waja gap_u Īgūsā m_usārē wajamoāmakū, irire m_usā bokatīūkeremakū, Marī_{pu} m_usārē:

“Ōārō yáma”, āri iābirikumi. Musā ōārō irikeremakū ĩgūsā musārē wajamoāmakū, musā ōārō merā guaro marīrō bokatīumakū, Marīpu musārē: “Ōārō yáma”, āri iāgakumi. ²¹ Irasiriburo, āriġū, Marīpu musārē ĩgūyarā āārīdoregū siudi āārīmí. Cristode musāya āārīburire ñerō tarimi, musāde ĩgū iriderosū iritayaburo, āriġū. ²² ĩgū neō suñarō ñerō iribirimi. Gajirārē ārīkatori merā neō wereníbirimi. ²³ Masaka ĩgūrē turimakū, ĩgūsārē neō turi gāmibirimi. ĩgūrē ĩgūsā ñerō irikeremakū: “Musārē ñerō irigura”, neō ārībirimi. ĩgū Pagū gapure: “Yupū diayemarē irigū, yure ñerō irirārē diayeta wajamoāgukumi. ĩgūgue āmugakumi”, āri gūñadi āārīmí. Irasirirā marīdere ĩgū ārīderosū ārīrō gāamea. ²⁴ Cristo, marī irirosū dupukugū ĩgū basi marī ñerī iridea wajare wajaribosagū curusague boami. Marī okaropa ñerī iririre piri, Marīpuya diayema gapure iriburo, āriġū, boami. ĩgū marīrē peamegue waabonerārē taugū, buro kāmikū, buro ñerō tarimi. ²⁵ Oveja dederinerā irirosū musāde peamegue dederibonerā āārībú. Dapagorare Cristore buremusiā, ĩgūyarā āārā. Irasirigū ovejare koregū irirosū Cristo musārē koremi. Musā ōārō āārīrikuburo, āriġū, musārē ōārō koremi.

3

Mojōshanerā āsū irika! āri gojadea

¹⁻² Moāboerimasārē yu werederosūta musā marāposā nomerē weregura. Musā marāpusāmarārē ōārō merā yujuka! ĩgūsā dorerosū irika! Surāyeri musā marāpusāmarā Marīpuya kerere buremumerā āārīma. Irasirirā ĩgūyare musā ĩgūsārē werebirikererā, ĩgūyare ōārō iririkuka! Ōārī ditare irika! Musā marāpusāmarā musārē dorerire buremurī merā yujuka! Musā irasirimakū iārā, ĩgūsāde Marīpuya kerere buremubukuma. ³ Musāya dupure wāri mamarikubirikōāka! Musāya dupure gajirārē iāsuyumakū iribirikōāka! Musārē: “Ōārō deyoma”, āri iāmakū iribirikōāka! Irasirirā musāya poañapure wūapuwea mamuanerā nome, oro merā iridea dari buyanerā nome, wajapari surī sāñanerā nome āārīduari ditare gūñarikubirikōāka! ⁴ Āsū gapū āārīka, ōārā, ōārō deyorā nome āārīduarā! Ōārī gūñarī oparā nome, gajirārē turiro marīrō gopepyaro merā weretamurā nome, siñajārī merā āārīrikurā nome āārīka! Ōārō āārīrikuri, dupure mamarī ōārō deyori pereburosū neō perebirioka. Musā ōārō āārīrikuri, Marīpu iūrōrē ōatariri āārā. ⁵ Iripoeguere Marīpuyarā nome āsūta āārīunanerā āārīmá. ĩgūsā nome: “Marīpu ārīderosūta yure ōārō irigukumi”, āri buremurā, ĩgūsā marāpusāmarā dorerire ōārō yujunerā āārīmá. ⁶ Āsūta Sara igo marāpure Abrahārē ōārō merā yujudeo āārīmó. Irasirigo ĩgūrē: “Yu opu”, āārīunadeo āārīmó. Irasirirā musā ōārō irirā, güiro marīrō āārīrikurā, Sara āārīderosū āārīrākoa.

⁷ Āsūta musā marāpokurāde musā marāposā nomerē pémasīrī merā ōārō irika! Nome, marī ūma irirosū turarā āārībema. Irasirirā ĩgūsārē buremurī merā iritamuka! Marīpu musārē bopoña, ĩgū puro perebiri okari sīburosūta nomedere bopoña, perebiri okari sīgukumi. Irasirirā musā marāposā nomerē ōārō koreka! Marīpu musā sērērīrē yujuburosūta ĩgūsā nomerē ōārō irika!

Ōārō ĩgūsā irikeremakū, gajirā ĩgūsārē ñerō iririre weredeā

⁸ I merā musā āārīpererārē weretūnugura. Suro merā ōārō āārīrikuka! Musā merāmarārē bopoñarī merā iāka! Sugū pūrā irirosū gāme maīrikuka! Ōārō merā gāme iritamuka! “Gua, gajirā nemorō āārībea”, āri gūñaka! ⁹ Gajirā musārē ñerō irimakū, ĩgūsārē gāmibirikōāka! Musārē ĩgūsā ñerō āri werenímakū, ĩgūsārē ñerō āri gāmibirikōāka! Āsū gapū irika! ĩgūsāya āārīburire Marīpure sērēbosaka! Marīpu musārē ōārō iribu, irire irimurārē pídi āārīmí. ¹⁰ Marīpuya werenírī gojadea pūguere āsūta āri gojasūdero āārībú: Musā okaropa ōārō usuyari merā āārīduarā, neō ñerō wereníbirikōāka! Neō ārīkatobirikōāka!

11 Āārīpereri ñerī iririre pirikōāka! Ōārī gapure irika! Gāme iāturiro marīrō siñajārī merā āārīrikuka! Irire bure gāameka!

12 Diayemarē irirārē marī Opu irasū koreníkōāmi. Īgūsā Īgūrē sērērīrē irasū pénikōāmi. Ñerō irirā gapure gāamebemi, ārī gojasūdero āārībú.✠

13 Ōārī ditare iriduumakū, ¿noā musārē poyanorēbukuri? 14 Diayemarē musā irik-eremakū, gajirā musārē ñerō irimakū, Marīpu gapu musārē oārō yāmi. Irasirirā usuyāa. Musārē ñerō iriduarārē gübirikōāka! Īgūsā musārē iriburire güñarikubirikōāka! 15 Āsū gapu irika! Cristore: “Gua Opu āārīmi”, ārī buremuka! Musārē: “¿Nasirirā Cristore buremurī?” ārī sērēñarānorē pémasīrī merā oārō yujuka! Īgūsā musārē sērēñaburo dupiyuro Īgūsārē yujaburire oārō güñayuka! Irasirirā Īgūsārē Cristo musārē tauburire oārō yujarākoa. 16 Turiro marīrō oārō buremurī merā Īgūsārē yujuka! Ōārō irika! Irasirirā: “Marīpu iūrō waja opabea”, ārī güñarākoa. Cristore musā buremurā Īgūyare oārō irirā āārīmakū gajirā musārē: “Ñerō yāma”, ārī werewuanerā Īgūsā musārē werewuadea diaye āārībirimakū iārā, gūyasīrīrākuma. 17 Marī ñerō iriri waja gajirā marīrē ñerō tarimakū iribukuma. Marīpu gāamemakū, marī oārō iriri waja gajirā marīrē ñerō tarimakū iriri gapu oāgorāa.

18 Irasūta Cristo oāgū āārīkeregu, ñerō tarimi. Suñarōta āārīpererā ñerī iridea wajare boa, wajaribosadi āārīmī. Marī ñerā āārīmakū, marīya āārīburire ñerō tarimi, marīrē Marīpuyarā waamakū iribu. Īgū, marī irirosū dupukugu āārīsīā, Īgūya dupugora tamerā boakōāmi. Īgū boakeremakū, Īgūya yujapūrā merā okakōādi āārīmī. 19 Irasirigu Īgūya yujapūrā merā boanerā Īgūsā peresu irisūnerā āārīrōgue waa, Īgūsāya yujapūrārīrē Marīpuhare weredi āārīmī. 20 Īgūsā iripoeguere Marīpu dorerire tarinugāunanerā āārīmā. Noé āārīdeapoeguere Īgū wādiru doódirure dooripoe Marīpu Īgūrē buremumakū gāamedi āārādimi. Irasirigu: “Gajipoe irirā yare buremubukuma”, ārī, Īgūsārē yoaripoe yūdi āārādimi. Īgūsā gapu neō buremubiriunanerā āārīmā. Irasirigu Marīpu Īgūsārē wajamoādi āārīmī. Noé Īgūya wii marā merā dita: su mojōma pere gaji mojō ureru pērēbejarā dia mirīrīrē tariweredi āārīmī. 21 Marīpu i nikūrē miūgū Īgūsārē taudea, marīrē deko merā wāiyeri irirosū āārā. Irasiriro marī peamegue waabonerārē tauburire ĩmua. Deko merā marīrē wāiyemakū, marīya dupure gurarire koerosū āārībea. Marī wāiyesūrā, Marīpurre: “Gūare mu iūrō ñerī marīrā āārīmakū irika!” ārī sērēa. Irasirirā, Jesucristo masādea merā marī peamegue waabonerā tarimurā āārā. 22 Jesucristo masādero puru, ũmugasigue marīadi āārīmī. Irasirigu Marīpu diaye gapu doami Īgū merā dorebu. Īgū Marīpurre wereboerā nemorō, ũmarō marā oparā nemorō, āārīpererā dorerā nemorō doregu āārīmī.

4

Marīpu iritamurī merā Īgūyare irimasīrākoa, ārī weredea

1 Jesucristo, marī irirosū dupukugu ñerō tarimi. Irasirirā: “Īgū ñerō tarikeregu Marīpu gāamerīrē iriderosū marīde ñerō tarikererā Marīpu gāamerīrē irirākoa”, ārī güñarō gāamea. Marīde, Īgū ñerō tariderosū ñerō tarirā, ñerō iririre pirikōāa. 2 Irasū pirirā, i ũmu marī āārīrōpa dupaturi ñerī uribejarire iribirikoa. Marīpu gāamerīrē irinīrākoa. 3 Iripoegue, Marīpurre masīmerā ñerīrē iriduarire iriderosūta musāde ñerīrē iriunanerā āārībú. Irasirirā gūyasīrīrō marīrō ñerīrē iririkurā, ñerī uribejarire iririkurā, mejārikurā, bosenuī irirā mejā, gaguinīrikurā āārīnerā āārībú. Marīpu dorerire tarinugārā keori weadeare buremunerā āārībú. Irasirirā iropata iri ñerīrē irika! 4 Dapagorare irire marārōta irirā gapu musā iri ñerīrē Īgūsā merā iribirimakū iārā, iāgukakōāma. Irasirirā musārē iāhuri, ñerō werenīma. 5 Marīpu Īgūsārē: “Musā irasū ñerī irideare werepeoka!”

✠ 3:12 Sal 34.12-16

ārīgukumi. Īgūta okarārē, boanerādere: “Ire irimakū òāgorabu, iri gapure irimakū òābiribu”, āri beyebu āārīmi. ⁶ I ūmūrē āārīpererā masaka boamurā dita āārīkeremakū, Marīpu Īgūya kerere wererārē Īgūsārē irire weredoredi āārīmi, boadero puṛu Īgū irirosū Īgū puṛo okanikōāburo, ārīgū.

⁷ Āārīpereri i ūmuma pereburo mérō dūyanugāwāgārisiāa. Irasirirā òārō pémasīrī merā diayemarē irinikōāka! Irasirirā Marīpūre būremurī merā sērērākoa. ⁸ Āārīpereri gajino iriri nemorō diayeta gāme maīka! Neō gāme maīduūbirikōāka! Marī gajirārē maīrā, marīrē Īgūsā ñerō irikeremakū, mata Īgūsā ñerō iriadeare kātiakōāka. ⁹ Mūsā merāmarā mūsāya wiirigue ejamakū, òārō ūṣuyari merā Īgūsārē bokatīrīñeāka! ¹⁰ Marīpu Īgūyarākure Īgūyare irimasīburire pídi āārīmi. Irasirirā iri merā òārō gāme iritamuka! Marīpu mūsākure mūsā Īgūyare irimasīburire pídea merā Īgū gāāmerōsū gāme iritamurā, òārō gāme iritamurā yāa. ¹¹ Irasirirā Marīpūyare wererā, Īgū weredorederosūta wereka! Gajirārē iritamurāde Īgū turari sīrō bokatīūrō iritamuka! Āārīpereri mūsā iririre Marīpūre masaka ūṣuyari sīburosū irika! Jesucristo iritamurī merā irasirika! Marīpūre āārīpererinurī būremuka! Marī āārīpererā Īgūrē: “Òātarigu, turatarigu āārā”, āri, ūṣuyari sīrā! Irasūta irirā!

Jesúre būremurī waja ñerō taririre gojadea

¹² Yaarā yu maīrā, mūsā Jesúre būremurī waja ñetariro tarirā, diayeta Īgūrē būremurīrē masīsūa. Irasirirā: “¿Nasiriro yure irasū waari? Gajirosū waakoa”, āri gūkabirikōāka! ¹³ Āsū gapu irika! Ñerō tarirā: “Cristo ñerō tariderosū guade ñerō taria”, āri ūṣuyaka! Irasirirā Cristo dupaturi i ūmugue Īgū gosesiriri merā, Īgū turari merā aarimakū iārā, būro ūṣuyarākoa. ¹⁴ Cristoyarā mūsā āārīrī waja gajirā mūsārē ñerō āri būridamakū, mūsārē ñerō werenīmakūdere ire masīka! Marīpūyagu Ōāgū deyomarīgū mūsā merā āārīmi. Īgū turatarigu mūsārē iritamumi. Irasirirā ūṣuyāa. ¹⁵ Masakare wējēbéorimasā, yajarimasā, noó waaró ñerō iririmasā, gajirārē Īgūsāyamarē sērēñarikurā ñerō tarirākuma. Īgūsā irirosū iribirikōāka! Ōārī iridea waja merā gapu ñerō tarimakū òāgorāa. ¹⁶ Cristoyarā mūsā āārīrī waja gajirā mūsārē ñerō tarimakū irirā yāma. Īgūsā irasirimakū, guyasīribirikōāka! Ubu gapu Marīpūre: “Mu guare Jesucristoyarā āārīmakū iridi āārā, irasirirā mūrē ūṣuyari sīa”, ārīka!

¹⁷ Marīpu marīrē Īgūyarārē marī irideare: “I gapure irimakū òāgorabu, i gapure irimakū òābiribu”, āri beyeripoe ejasiāa. Āārīpererārē marīrē Īgūyarārē marī irideare irasū āri beyepuṛorigukumi. Īgūyarārē irasū beyepuṛorigu, ¿nasirigukuri Īgūyarā āārīmerā gapure? Īgūya kerere gāāmebiri waja Īgūsārē būro wajamoāgukumi. ¹⁸ Marīpūya werenīrī gojadea pūgue āsū āri gojasūdero āārībú: “Òārā Marīpūyarā būro ñerō taridero puṛu, Marīpu Īgūsārē tau, Īgū puṛo āīagukumi. Ñerā Īgūrē gāāmemerā gapu ñetariro tarirākuma. Peamegue waadederirākuma”, āri gojasūdero āārībú. ¹⁹ Irasirirā Marīpu gāāmerōsū marī ñerō tarirā, òārī iririre irinikōārō gāāmea. Marīya āārīburire Marīpūre marīrē iridire wiaro gāāmea. Āārīpereri Īgū: “Mūsārē òārō irigura”, ārīdeare diayeta irigukumi. Irasirirā Īgūrē: “Mu gāāmerō yure irika!” ārīrō gāāmea.

5

Pedro, Jesúre būremurā iriburire gojadea

¹ Dapagorare mūsārē Jesúre būremurā oparā mūrārē weregura. Yude Jesúre būremurārē doregu āārā. Cristo ñerō tarimakū iābu. Īgū gosesiri merā, Īgū turari merā dupaturi i ūmugue aarimakū, yude āārīpererā Īgūrē būremurā merā iāgukoa. ² Marīpūyarā oveja irirosū āārīma. Mūsā Īgūyarārē dorerā ovejare korerā irirosū āārā. Irasirirā Marīpu mūsārē Īgū pínerārē Īgūyarārē òārō koreka! Marīpu gāāmerōsū

ōārō yujupūrākuri merā ĩgūsārē koreka! ĩgūsārē korerā: “Niyerure wajatarākoa”, āri gũñabirikōāka! ³ ĩgūsārē korerā, pūrīrō merā dorebirikōāka! Ōārō iririkuka! Irasirirā musā iririkurire ĩākūrā, ĩgūsāde ōārō iririkurākuma. ⁴ Musā irasū ōārō iririkurā, Cristo marīrē āārīpererā korerā Opu dupaturi i umugue aarigá, musārē: “Ōārō iribu”, āriḡukumi. Irasirirā, ĩgū puro gosesirogue ĩgū ōātariiri sīburire* wajatarākoa. Iri neō perebirikoa.

⁵ Yu musā oparārē wererosū musā maamarādere weregara. “Murārē buremurī merā yujuka!” āri werea. Irasirirā musā Jesúre buremurā āārīpererā: “Gajirā nemorō āārā”, āri gũñarō marīrō gāme iritamuka! Marīpuya werenīrī gojadea pūgue āsū āri gojasūdero āārībú:

“Gajirā nemorō āārā”, āri gũnagūrē Marīpu iritamubemi. “Yu ubu āārīgá āārā, yure iritamuka!” āriḡū gapure ōārō iritamumi, āri gojasūdero āārībú.*

⁶ Irasirirā: “Gajirā nemorō āārā”, āri gũñabirikōāka! Marīpu turagu musārē doremakū, yujuka! Musā irasirimakū, Marīpu ĩgū: “Āsū irigura”, āriḡu ejamakū, masaka ĩūrō musārē: “Yu maīrā, yu iritamurā āārīma”, āri ĩmugukumi. ⁷ Marīpu buro maīrī merā musārē koremi. Irasirirā āārīpereri musā gũñarikurire ĩgūrē wereka! ĩgū musārē iritamugukumi.

⁸ Ōārō pémasīrī merā diaye gũnaka! Wātī musārē ĩaturigu musārē ñerī irimakū iridugū ēōkaye guagu waibure baadugū āmagorenagū irirosū musārē poyanoredugū āmagorenami. ⁹ Ire masīa. Musā ñerō tarirosūta āārīpererogue gajirā Jesúre buremurā ñerō tarirā yāma. Irasirirā ñerō tarikererā, wātīrē neō yujubirikōāka! Jesús gapure gũñaturaníkōāka! ĩgūrē buremurīrē neō pibirikōāka! ¹⁰ Musā i umugue āārīrōpa dita ñerō tarirākoa. Pupu Marīpu musārē gũñaturarā, ōārā, turarā āārīmakū irigukumi. Marīputa neō piro marīrō marīrē iritamunīgū Jesucristore buremunugādogu siudi āārīmī, marīrē ĩgū merā ĩgū gosesirogue āārīnīkōāburo, āriḡū. ¹¹ Irasirirā ĩgūrē: “Mu turatarigu, āārīpererā Opu āārā”, āri, usuyari sīnīrā! Irasūta irirā!

Pedro ōādoletūnudea

¹² Silvano iritamurī merā i pūguere yu musārē mérīgā gojáa. ĩgū, yu ĩāmakū, Jesúre buremugū marīyagu diayemarē irigu āārīmi. Irasirigu ĩgū iritamurī merā musārē gũñatura, usuyamakū irigu, Marīpu marīrē diayeta maīgū āārīmi, āriḡū, i pūrē musārē gojáa. Marīpu marīrē maīrīrē masīrā ĩgūrē irasū buremuníkōāka!

¹³ Babilonia marā Jesúre buremurā musārē ōādorema. ĩgūsāde, musā irirosūta Marīpu beyenerā āārīma. Marcos yu magū irirosū āārīgūde musārē ōādolemi. ¹⁴ Musā merāmarārē bokatīrīrā, maīrī merā, ōārō usuyari merā mojō ñeāka!

Marīpu āārīpererā musārē Jesucristoyarārē ōārō siñajārī merā āārīrikamakū iriburo. Irasūta iriburo.

Iropata āārā.

Pedro

* **5:4** Sugu ūma birarimasū gajirā nemorō ōārō ūmagū, olivo wāikūdima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmurā. I irirosū, sugu Jesúre buremugū ñerō tarikeregu: “Marīpu yure iritamugukumi”, āri buremurīrē piri, umugasigue perebiri okari wajatagukumi. Iri umugasigue perebiri okari wajatari, i berore wajatari irirosū āārā. ☆ **5:5** Pr 3.34

2 SAN PEDRO

Pedro Jesúre bɔremurãrẽ gojadea

¹ Yɔ Simón Pedro, Jesucristore moãboegɔ, ìgũ buedoregɔ pídi, mɔsãrẽ i pũrẽ gojáa. Marĩ Opɔ Jesucristo marĩrẽ taugɔ diayemarẽ irigɔ ããrĩmi. Irasirigɔ Marĩpɔ Jesucristo merã gɔhare iriderosũta mɔsãdere ìgũrẽ bɔremumakũ iridi ããrĩmi. Marĩ Jesucristore bɔremurĩ opamakũ òãtaria. ² Mɔsã Marĩpɔre, irasũ ããrĩmakũ marĩ Opɔ Jesúre masĩa. Irasirigɔ Marĩpɔ ìgũ mɔsãrẽ òãrò iritamurĩrẽ, ìgũ mɔsãrẽ siñajãrĩ sĩrĩrẽ masĩnemomakũ iriburo.

Jesucristoyarã ãsũ ããrĩma, ãrĩ gojadea

³ Marĩpɔ marĩrẽ ìgũrẽ masĩmakũ iridi ããrĩmi. Irasirigɔ ìgũ turari merã marĩrẽ ããrĩpereri òãrĩrẽ sĩdi ããrĩmi ìgũ merã òãrò ããrĩ, ìgũ gããmerĩrẽ iriburo, ãrĩgũ. Ìgũ òãtarigɔ, ããrĩpereri òãrò irigɔ marĩrẽ siiudi ããrĩmi, ìgũyarã ããrĩdoregɔ. ⁴ Ìgũ òãgũ, òãrò irigɔ ããrĩsĩã, marĩrẽ: “Yɔ turari merã mɔsãrẽ wãri òãtaririre irigɔra”, ãrĩdi ããrĩmi. Irasirigɔ ìgũ ãrĩderosũta marĩrẽ yãmi, ìgũ irirosũ òãrĩrẽ iriburo, ãrĩgũ. Marĩrẽ i ùmɔma ñerĩrẽ ɔaribejarire piriburo, ãrĩgũ, irasirimi. ⁵ Ìgũ marĩrẽ irasirimakũ ìãrã, mɔsã Jesúre bɔremurã ããrĩpereri mɔsã turari merã ire irinemoka! Òãrĩ irika! Òãrĩ irirã, òãrò pémasĩrĩ merã irika! ⁶ Pémasĩrĩ merã irirã, mɔsã ñerò iridɔarire iribirikòãka! Ñerò iridɔarire irimerã ñerò tarikererã, Marĩpɔre gũñaturaníkòãka! Irasũ gũñaturanĩrã, Marĩpɔre bɔremurĩ merã ìgũ gããmerĩrẽ iririkɔka! ⁷ Ìgũ gããmerĩrẽ iririkɔrã, sugɔ pũrã irirosũ mɔsã basi gãme iritamuka! Gãme iritamurã ããrĩpererã gajirãdere maĩ bɔremuka!

⁸ Mɔsã irasiriwãgãrã, òãrò irirãkoa. Irasirirã marĩ Opɔ Jesucristore masĩrã, ìgũ gããmerĩrẽ òãrò irinĩrãkoa. Ubu ããrĩrĩrẽ iribirikoa. ⁹ Sugɔ òãrò iriwãgãbi gapɔ koye ìãbi, o koye òãrò ìãjabi ìgũ waaburire masĩbi irirosũ ããrĩmi. Marĩpɔyare masĩbi: “Ìgũyare iriro gããmea”, ãrĩ gũñabemi. Ìgũ ñerò iridea wajare Marĩpɔ koebéodeare gũñabemi. ¹⁰ Yaarã, ire péka! Marĩpɔ mɔsãrẽ siiu, beyedi ããrĩmi, ìgũyarã ããrĩburo, ãrĩgũ. Irasirirã ìgũyarã ããrĩsĩã, ìgũ gããmerĩrẽ neò piriro marĩrò merã iridɔarã ããrĩka! Irasiridɔarã, ìgũyarã ããrĩmerã ñerĩrẽ iririkɔrã irirosũ neò ããrĩbirikoa. ¹¹ Marĩpɔ ìgũ gããmerĩrẽ marĩ irimakũ ìãgũ, marĩ Opɔ marĩrẽ taugɔ Jesucristo ìgũyarãrẽ perebiri dorerogue marĩrẽ òãrò bokatĩrĩñeã: “Òò, yɔ merã òãrò ããrĩnókòãka!” ãrĩ ñajãdoregukumi.

¹² Mɔsã yɔ wererire masĩsiãa. Irasũ ããrĩmakũ, diayema ããrĩrĩrẽ mɔsã pédeare piriro marĩrò òãrò yãa. Mɔsã irire masĩkeremakũ, yɔ wererire kãtiri, ãrĩgũ, gũñanimakũ irigɔra. ¹³⁻¹⁴ Marĩ Opɔ Jesucristo yɔre: “Mérògã dɔyãa mɔ boaburo”, ãrĩ weresiãmi. Irasirigɔ yɔ okaro ejatuario mɔsãrẽ: “Ãsũ irika!” ãrĩ weredeare mɔsãrẽ gũñamakũ irigɔra. “Irasiriro gããmekoa yɔre”, ãrĩ gũñãa. ¹⁵ Irasirigɔ yɔ boadero pɔrɔ, yɔ weredeare neò kãtibirikòãburo, ãrĩgũ, ããrĩpereri yɔ iridɔaropã merã mɔsãrẽ irire gojapigɔra.

Gɔna Jesucristo ìgũ turagɔ ããrĩrĩrẽ ìãbɔ, ãrĩ gojadea

¹⁶ Gɔna marĩ Opɔ Jesucristo turarire, irasũ ããrĩmakũ ìgũ dupaturi i ùmɔgue aariburire mɔsãrẽ weresiãbɔ. Irire wererã, sugɔ masakũ ìgũ gããmerò gũñaboka weredeare wererã meta iribɔ. Gɔna basi ìgũ turagɔ ããrĩrĩrẽ ìãbɔ. Irasirirã ire mɔsãrẽ werebɔ. ¹⁷ Marĩpɔ ããrĩnĩgũ Jesucristo turatarigɔ, gosesirigɔ ããrĩrĩrẽ gɔhare ìmumakũ ìãbɔ. Irire ìmugũ, ùmɔgasigue merã ãsũ ãrĩ werenĩmi: “Ìĩ yɔ magũ, yɔ maĩgũ ããrĩmi. Ìgũ merã bɔro ɔsɔyãa”, ãrĩmi. ¹⁸ Ùmɔgasigue merã irasũ ãrĩ werenĩrĩrẽ pérã, ùtãũ wekague marĩ Opɔ Jesús merã ããrĩbũ. Irigɔgue ããrĩgũta ùmɔgasiguema gosesiriri merã ìgũ deyomakũ ìãbɔ.

¹⁹ Gɔna irire ìãnerã ããrĩsĩã: “Marĩpɔyã kerere weredupiyunerã gojadea diayeta ããrã”, ãrĩ masĩa. Irasirirã mɔsã ìgũsã gojadeare òãrò péka! Ìgũsã gojadea mɔsãrẽ sĩãgodiru

irirosũ aãrã. Naĩtĩãrõgue sĩãgodiru merã marĩ waaróre sĩãgowãgãrã irirosũ ìgũsã gojadea merã Marĩpũyare masĩa. Irasirirã Jesucristo dupaturi aarimakũguedere irire buenĩkõãka! Ìgũ neñukãmũ boyodiru õãrõ boyoro irirosũ aãrĩgũ, marĩrẽ maama ùmurẽ píbu aãrĩmi. Irasirigu aarigũ, marĩrẽ Marĩpũyare masĩbirideare õãrõ masĩmakũ irigukumi. ²⁰ I gapure masĩpurorika! Marĩpũya kerere weredupiyunerã ìgũya werenĩrĩ gojadea pũgue ìgũyare gojarã, ìgũsã masĩrĩ merã ìgũsã basi gũñarĩ merã gojarã meta irinerã aãrĩmã. ²¹ Ìgũsã Marĩpũya kerere weredupiyudea, ìgũsã gããmerõ ìgũsã gũñarĩ merã werede meta aãrã. I ìgũsã weredupiyudea, Marĩpũ ìgũsãrẽ weredorede aãrã. Irasirirã ìgũsã Marĩpũyarã, Õãgũ deyomarĩgũ iritamurĩ merã Marĩpũyare were, irire gojanerã aãrĩmã.

2

Ãrĩkatori merã buerimasãyamarẽ gojadea (Jud 4-13)

¹ Iripoegue Israel bumarã surãyeri: “Marĩpũya kerere weredupiyurimasã aãrã”, ãrĩkatonerã aãrĩmã. Ìgũsã iriderosũta dapagoradere ãrĩkatori merã buerimasã musã pũro aarirãkuma. Musãrẽ masĩña marĩrõ diayema aãrĩbirire buerãkuma. Marĩ Opũ Jesucristore ìgũsã ñerõ iridea waja ìgũ boari merã wajaribosadire: “Gũã Opũ aãrĩbemi”, ãrĩrãkuma. Ìgũsã irasiriri waja gũñaña marĩrõ Marĩpũ ìgũsãrẽ peamegue béogukumi. ² Ìgũsã ãrĩkatori merã buerire pérã, ìgũsã ñerĩ ùaribejari iririre ìãrã, wãrã musã watopegue aãrĩrã ìgũsãrẽ ìãkũirãkuma. Ìgũsãrẽ ìãkũĩmakũ ìãrã, gajirã musã Jesúre buremurã watopegue aãrĩmerã Jesúyamarẽ ñerõ ãrĩ werenĩrãkuma. ³ ãrĩkatori merã buerimasã niyerure bũro gããmesĩã, musãrẽ ãrĩkatori bueri merã musã ìgũsãrẽ niyeru sĩmakũ irirãkuma. Iripoegue Marĩpũ gapũ: “Ìgũsã irasiriri waja ìgũsãrẽ wajamoãgũra”, ãrĩsiadi aãrĩmĩ. Irasirigu ìgũ ãrĩderosũta ìgũsãrẽ peamegue béogukumi.

⁴ Irasirigu yũ musã masĩdeare dupaturi gũñamakũ iridũãã. Iripoegue Marĩpũ ìgũrẽ wereboerã aãrãdinerã ìgũsã ñerõ irimakũ peamegue peresu iribéodi aãrĩmĩ. Naĩtĩãrõgue kõmedari merã siadobobéodi aãrĩmĩ. Aãrĩpererã ñerãrẽ wajamoãrĩnũ ejamakũ, ìgũsã ñerõ iridea waja ìgũsãrẽ wajamoãgoragukumi. ⁵ Noé aãrĩdeapoegue marãrẽ ìgũsã ñerõ iridea waja ìgũsãrẽ wajamoãdi aãrĩmĩ. Irasirigu i nikũ aãrĩperero miũgũ, ìgũsãrẽ mirĩboaperemakũ iridi aãrĩmĩ. Noé ditare, marãpo, ìgũ pũrã ùma ùrerã, ìgũsã marãposã nomerẽ taudi aãrĩmĩ. Noé masakare: “Diayemarẽ irika!” ãrĩ weregũ aãrĩdi aãrĩmĩ.

⁶ Marĩpũ Sodoma, Gomorra wãĩkũri makãrĩ marãdere wajamoãdi aãrĩmĩ. Ìgũsã ñetariro iriri waja ìgũsãya makãrĩrẽ peame merã soebéogu, nitĩ poga dita dujamakũ iridi aãrĩmĩ. Pũrgue gajirã ñerãrẽ wajamoãburire masĩburo, ãrĩgũ irasiridi aãrĩmĩ. ⁷ Iri makãrĩ marãrẽ wajamoãgũ, Lot diayema irigu ditare taudi aãrĩmĩ. Lot Sodomamũ, gajirã ìgũya makã marã Marĩpũ dorerire irimerã ñerĩ iririkumakũ ìãgũ, bũro gariboredi aãrĩmĩ. ⁸ Ìgũ õãgũ, ìgũsã watope aãrĩgũ, ùmurikũ ìgũsã ñerõ iririre ìãgũ, ìgũsã ñerõ werenĩrĩrẽ pégu, ìgũya yũjũpũrãgue bũro bũjawereri merã poyadi aãrĩmĩ. ⁹ Irasirirã, iripoegue marã waadeare marĩ masĩsĩã, idere masĩa. Marĩ Opũ ìgũrẽ gããmerãrẽ ñerõ tarimakũ taumasĩmi. Ñerã gapũre: “Wajamoãgũra”, ãrĩdeare pídi aãrĩmĩ. Irasirigu aãrĩpererã ñerãrẽ wajamoãrĩnũ ejamakũ, ìgũsãrẽ wajamoãgukumi.

¹⁰ Gajirã ñerã nemorõ ñerĩ ùaribejari iririkũrãrẽ, ìgũ Opũ aãrĩrĩrẽ gããmemerãrẽ wajamoãgukumi. Ìgũsã musãrẽ ãrĩkatori merã buerã noó gããmerõ yãma. “Gajirã nemorõ õãrõ masĩa”, ãrĩ gũñama. Gũiri marĩrõ turari oparãrẽ ñerõ ãrĩ bũridama. ¹¹ Marĩpũre wereboerã gapũ ãrĩkatori merã buerimasã nemorõ turarã aãrĩkererã, Marĩpũ ìũrõ neõ ñerõ ãrĩ bũridari merã turari oparãrẽ: “Ñerã aãrĩma”, ãrĩ weresãbema.

¹² Ārīkatori merā buerimasā gapu waimurā pémasīmerā iririkurosū noó gāāmerō iriduarī ditare yáma. Īgūsā pémasībirideare ñerō wereníma. Masaka waimurārē ñeā, wējékuma. Ārīkatori merā buerimasā, waimurā irirosū boamurā dita āārīma. Boadero puru peamegue béosūrākuma. ¹³ Irasirirā gajirārē ñerō tarimakū iriri waja, ñerō tarirākuma. Ūmūrī, masaka iūrōgue noó gāāmerō Īgūsā ñerī uaribejarire iri, usuyama. Musā merā bosebaarā, ñerō guyasīūrī iririkurā āārīma.

¹⁴ Nomerē iārā, Īgūsā merā ñerō iriduumama. Īgūsā merā ñerō iririre neō piribema. Marīpuyare gūñaturamerārē Īgūsā irirosū ñerō iriduumamakū yáma. Īgūsā buro opaduarire: “Āsū irirāra opamurā”, ārī gūñarā āārīma. Irasirirā Marīpu wajamoāsūmurā āārīma. ¹⁵ Diayemarē piri, iripoeguemu Balaam iriderosū ñerō yáma. Balaam, Beor wāikugu magū āārīdi āārīmī. Īgū ñerī iriri merā niyerure wajataduagu āārīdi āārīmī. ¹⁶ Īgū irasiribu maague waamakū, Īgūyago burra Īgūrē turideo āārímó. Marīpu igore masako irirosū werenímakū iridi āārīmī. Igo werenímakū pégu, Balaam Īgū pémasībi irirosū iriboaidiare pirikōādi āārīmī.

¹⁷ Masaka deko āārīrī gobegue deko bokarākoa, ārī gūñama. Ārīkatori merā buerimasā gapu deko āārīrī gobegue deko marīrō irirosū āārīma. Īmīkāyebori mirū wējāpuri merā eja, otederogue deko merērō marīrō tariaro irirosū neō masakare iritamubema. Irasirigu Marīpu: “Īgūsārē āsū wajamoāgura”, ārīderosūta gajiro nemorō naītīārōgue āārīnīmakū irigukumi. ¹⁸ Ārīkatori merā buerimasā werenírī, Īgūsā: “Masītarinugāa”, ārīrī neō wajamāa. Jesúre buremunugārārē ñerō iririkurā iririre piriwāgārārē: “Marī noó gāāmerō irimakū oāgorāa”, ārī buema. Irire irasū ārī buerā, Jesúre buremunugārārē ñerō uaribejarire dupaturi iriduumamakū yáma. ¹⁹ Īgūsārē: “Marī noó gāāmerō irimasīa”, ārī buema. Irasū āārīkeremakū, Īgūsā ñerō uaribejari, Īgūsārē ñerō irimakū yáa. Ñerō iririre neō pirimasībema. Irasirirā ñerō iridoregure moāboerā, Īgū doreri ditare irirā irirosū āārīma. ²⁰ Marī Opu Jesucristore marīrē taugure masīnugārā i ūmama ñerīrē pirikōāma. Iri ñerīrē piridero puru, dupaturi piriro marīrō irinemomakū, ñegorakoa. Īgūsā Jesucristore masīburo dupiyuro Īgūsā āārīpuroridero nemorō ñerō dujama. ²¹ Ñerīrē irasiririkurārē diayeta Jesucristoyare diayema iririre masībirimakū oābukuyo. Marīpu doreri Īgūsārē Īgū pídeare masīdero puru irire gāāmemerā, ñetariro dujama. ²² Irasirirā dupaturi ñerīrē piriro marīrō irinemorā, masaka ārīnarōsū irirā yáma. Āsū ārīnama: “Dīayée doka, puru Īgū dokadeareta baakumi doja. Irasū āārīmakū yesede guua, puru ñerī sóoberogue oyakumi doja”, ārīma.

3

Marī Opu Jesucristo dupaturi i ūmugue aariburire gojadea

¹ Yaarā yu maīrā, musārē su pū gojasiabu. Yu iri dupiyurogue gojadea pū, irasū āārīmakū i pū merā musārē: “Āsū irika!” ārīrīrē oārō gūñamakū iriduumagu yáa. ² Iripoegue marā oārā Marīpuya kerere weredupiyunerā gojadeare, irasū āārīmakū marī Opu marīrē taugu dorerire gūñaka! Iri dorerire guā Īgū buedoregu pīnerā musārē buebu.

³ Ire gūñapurorika! I ūmu pereburi dupiyuro masaka Marīpuyare buridarākuma. Ñerō uaribejarire iririkurākuma. ⁴ Buridari merā: “Cristo: ‘Dupaturi aarigura’, Īgū ārīdea, ŷnaāsū waari? Marī ñekūsāmarā boanerā āārīmá. Neōgorague i ūmu āārīnugādero puru, āārīpereri murārōta āārīnīkōāa. Irasirigu Cristo neō aaribirikumī”, ārīrākuma. ⁵ I gapure neō gūñaduumabema. Iripoeguere Marīpu i nikū, ūmugasire āārīmakū iridi āārīmī. Īgū werenírī merā dorederosūta deko āārīrōgue nikū deyoamakū iridi āārīmī. Irasū āārīmakū deko merā i nikū āārīmakū iridi āārīmī. ⁶ Puru deko merāta i nikūrē miūdi āārīmī. Irire miūgū, i nikūma āārīdeare peremakū iridi āārīmī. ⁷ Dapagorare Īgū werenírī merā dorerosūta ūmugasi, i nikū āārīnīmakū yámi. Puruguerē āārīpererā ñerārē

wajamoãrĩnũ ejamakũ, i ããrĩpererire peame merã peremakũ irigukumi. Irinũ ããrĩmakũ, ñerãrẽ peamegue béogukumi ìgũsãrẽ wajamoãgũ.

⁸ Yaarã yũ maĩrã, i gapũre gũñaka! Marĩ: “Mil bojori tariri yoataria”, ãrĩ gũñaá. Marĩ Opũ gapũ gũñamakũ, mil bojori tariri, sunũ tariro irirosũ ããrã. Sunũ tariride mil bojori tariri irirosũ ããrã ìgũrẽ. ⁹ Surãyeri masaka marĩ Opũ ìgũ: “Dupaturi aarigukoa”, ãrĩdeare gũñarã: “Yoobotarimi, aaribiribukumi”, ãrĩ gũñama. Ìgũsã irasũ gũñarĩ diaye ããrĩbea. Masakare bopoñarĩ merã ìãsiã, mata aaribirikumi. Neõ sugũ masakũre peamegue waamakũ gããmebemi. ããrĩpererã ìgũsã ñerõ iririre bũjawere, gũñarĩrẽ gorawayumakũ gããmemi. Irasirigu aaribemi dapa.

¹⁰ Marĩ Opũ dupaturi i ãmũgue aarirĩnũ ããrĩmakũ, yajarimasũ gũñaña marĩrõ yajagu aarigũ irirosũ gũñaña marĩrõ aarigukumi. Ìgũ aarimakũ, bũro bũsũro merã ãmũgasi pereakõãrokoa. I ãmũma ãjũperekõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ãjũperekõãrokoa.

¹¹ Marĩpũ i ããrĩpereri peremakũ iriburire pérã, marĩ ñerõ iririre piri, Marĩpũ gããmerĩ gapũre iriro gããmea marĩrẽ. ¹² Marĩ Opũ dupaturi i ãmũgue aarirĩnũrẽ yúrãta Marĩpũ gããmerĩrẽ iriri merã ìgũ aarimakũ iriyuwarikũpurumurã! Irinũrẽ ãmũgasima ãjũperekõãrokoa. I ãmũgue ããrĩrĩ ãjũ sebeberekõãrokoa. ¹³ Marĩ gapũ Marĩpũ ìgũ: “Maama ãmũgasi, maama nikũrẽ irigũra”, ãrĩderosũta ìgũ iriburire yúa. Ìgũ maama dita iriadero pũrũguere õãrã diayema irirã dita ããrĩrãkuma.

¹⁴ Irasirirã mũsã yũ maĩrã, marĩ Opũ aariburire yúrãta, bũro iridũari merã õãrĩ ditare irika! Irasirimakũ, ìgũ aarigũ, mũsãrẽ ìgũ merã õãrõ siñajãrĩ oparã, Marĩpũ ìũrõ ñerĩ marĩrã, waja opamerãrẽ bokajagukumi. ¹⁵ Mũsã ire masĩka! Marĩ Opũ masakare bopoñarĩ merã ìãgũ, ìgũsã peamegue waabirimakũ gããmegũ, mata aaribirikumi. Ìgũsã ñerõ iririre bũjowereri merã gũña, ìgũrẽ bũremunũgãmakũ yámi. Marĩyagu Pablo marĩ maĩgũ, Marĩpũ masĩrĩ sĩrĩ merã ãsũta mũsãrẽ gojadi ããrĩmĩ. ¹⁶ ããrĩpereri ìgũ gojadea pũgue marĩ Opũ dupaturi aariburimarẽ gojadi ããrĩmĩ. Irire marĩ pémasĩdũamakũ diasagorãa marĩrẽ. Marĩpũyare masĩmerã, irasũ ããrĩmakũ ìgũyare gũñaturamerã: “Pablo gojadea ãsũ ãrĩdũaro yáa”, ãrĩ buerã, keoro buebema. ãrĩkatori merã buema. Gaji Marĩpũya werenĩrĩ gojadea pũgue gojadeare buerãde irasũta yáma. Irasiriri waja peamegue béosũrãkuma.

¹⁷ Yaarã yũ maĩrã, yũ mũsãrẽ ãrĩkatori merã buerimasã iririre weresiabũ. Irasirirã ñerã mũsãrẽ ãrĩkatori merã buerire pémasĩka! Ìgũsã Marĩpũ dorerire irimerã irirosũ ããrĩbirikõãka! Irasũ ããrĩmakũ, mũsã ìgũyare gũñaturari merã bũremurĩrẽ neõ piribirikõãka! ¹⁸ Marĩ Opũ Jesucristo marĩrẽ taugũ gapũre, irasũ ããrĩmakũ ìgũ marĩrẽ maĩrĩ gapũre masĩnemoka! Dapagorare, pũrũguedere neõ piriro marĩrõ marĩ ìgũrẽ bũremunikõãrã! “Õãtaria mũ”, ãrĩrã ìgũrẽ! Irasũta ãrĩrã!

Iropata ããrã.

Pedro

1 SAN JUAN

Juan Jesucristoyamarē gojadea

¹ Gwa musārē Jesucristoyamarē gojáa. Neōgoragueta i ũmu āārīburi dupiyuro āārīsiadi āārīmí. I ũmugue deyoadero puru, ĩgūrē guaya koye merā ĩā, ĩgū werenírĩrē pébu. ĩgū āārĩrĩrē ĩāmasĩ, guaya mojōrĩ merā ĩgūrē moañabu. ĩgū marĩrē Marĩpu merā āārĩnĩmakū irigu Marĩpuya werenírĩrē weregu āārĩmi. ² ĩgū, Marĩpu merā āārĩnĩgū, i ũmugue deyoadi āārīmí, marĩrē Marĩpu merā āārĩnĩmakū iribu. ĩgū deyoadero puru, guare ĩgū Pagu merā perebiri okarire sīgū āārĩrĩrē masĩmakū irimi. Gwa ĩgūrē ĩāsĩā, gwa ĩādeare musārē werea. ³ Gwa Marĩpu merā, irasū āārĩmakū ĩgū magū Jesucristo merā oārō āārā. Irasirirā gwa ĩā, pédeare musārē werea, musāde gwa irirosūta Marĩpu merā, Jesucristo merā oārō āārĩ, gwa merādere oārō āārĩburo, ārĩrā. ⁴ Irireta gwa musārē gojáa, buro usuyari opaburo, ārĩrā.

Marĩpu āārĩrĩ, boyorigora āārā, ārĩ gojadea

⁵ Jesucristo guare ĩgūya kere buedeare musārē werea. Āsū ārĩmi: “Marĩpu āārĩrĩ, boyorigora āārā. ĩgūguere naĩtĩārĩ neō máa. Irasirigu oārĩ ditare opagu, ñerĩrē neō opabi āārĩmi”. ⁶ Ñerĩrē irirā naĩtĩārōgue āārĩrā irirosū āārĩma. Marĩ, ĩgūsā irirosū ñerĩrē iririkakererā, “Marĩpu merā oārō āārĩ, oārō yáa”, ārĩrā, ārĩkatorā yáa. Diayemarē iribea. ⁷ Marĩpu oārĩ ditare irigu irirosū marĩ oārĩrē iririkarā, boyorogue āārĩrā irirosū āārā. Irasirirā, Marĩpu merā oārō āārĩrā, marĩ baside oārō āārĩrā yáa. Jesucristo, Marĩpu magū curusague boagu ĩgūya dí béodea merā marĩ ñerĩ opari āārĩpererire koenĩkōāmi.

⁸ Marĩ ñerĩrē irirā: “Ñerĩrē irirā meta āārā”, ārĩrā, marĩ basita ārĩkatorā yáa. Diayema āārĩrĩrē masĩbea. ⁹ Marĩ ñerō irideare Marĩpure weretaripeomakū, ĩgū ārĩderosūta diayemarē irigu āārĩsĩā, marĩ ñerō irideare kātipeokōāgukumi. Āārĩpereri marĩ ñerĩ oparire koepeokōāgukumi. ¹⁰ Marĩpu: “Āārĩpererā masaka ñerĩrē irirā āārĩma”, ārĩdi āārīmí. Irasirirā marĩ: “Neō ñerĩrē iribea”, ārĩrā: “Marĩpu ārĩkatogu āārĩmi”, ārĩrā irirosū āārā. ĩgū werenírĩrē gāāmemerā irirosū āārā.

2

Juan: “Cristo ĩgū Pagure marĩya āārĩburire sērēbosami”, ārĩ gojadea

¹ Yaarā, musā yu purā irirosū āārā. Yu musārē ire gojáa, ñerĩrē iribirikōāburo, ārĩgū. Marĩ ñerō irimakū, Jesucristo diayemarē irigu ĩgū Pagure marĩya āārĩburire āsū ārĩ sērēbosami: “ĩgūsā ñerō irideare kātika, ĩgūsārē wajamoābirikōāka!” ārĩmi. ² Jesucristo ĩgū boari merā marĩ ñerō iridea wajare marĩrē wajaribosadi āārīmí. Marĩ ñerō iridea waja ditare wajaribosabiridi āārīmí. Āārĩpererā i ũmu marārē ĩgūsā ñerō iridea wajare wajaribosadi āārīmí.

³ Marĩpu dorerire marĩ irirā: “Marĩpure diayeta masĩa”, ārĩ masĩa. ⁴ Sugū Marĩpu dorerire iribi: “Yude Marĩpure masĩa”, ārĩgū, ārĩkatogu yámi. Diayema āārĩrĩrē masĩbemi. ⁵ Marĩpu dorerire irigu gapu Marĩpure buro maĩmi. Irasirigu: “Yu Marĩpu merā oārō āārā”, ārĩ masĩmi. ⁶ Irasirirā marĩ: “Marĩpu merā oārō āārā”, ārĩrā, Jesucristo ĩgū iririkaderosūta iriro gāāmea.

Juan, Marĩpu dorerimarē gojadea

⁷ Yaarā, yu musārē dapagora gojari, maama doreri meta āārā. I doreri, musā Jesúya kerere buremunugādeapoegue pédeata āārā. Irasirirā musā iri dorerire pésiabu. ⁸ Iri doreri: “Gāme maĩka!” ārā. Irasiro iri doreri, iripoeguema doreri āārĩkerero, maama doreri irirosū āārā. Iri dorerire irimerā naĩtĩārōgue āārĩrā irirosū āārĩma. Iro dupiyuro

musã iri dorerire iribirinerã ããrĩbú. Dapagorare Cristo irirosũ musãde irire irirã yáa. Irasirirã naĩtĩãrõgue ããrĩrã irirosũ ããrĩbea. Boyorogue ããrĩnugãrã irirosũ irirã yáa.

⁹ Sugũ gajigu ĩgũyagũre ĩãturi dookeregũ: “Marĩpu dorerire irigu ããrã”, ãrĩgũ, naĩtĩãrõgue ããrĩgũ irirosũ ããrĩmi dapa. ¹⁰ Gajirãrẽ ĩgũyarãrẽ maĩgũ gapũ boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrẽ ñerõ irimakũ iriri máa. ¹¹ Gajirãrẽ ĩgũyarãrẽ ĩãturi doorikũgapũ gapũ naĩtĩãrõgue waagorenagũ irirosũ ñerĩrẽ iririkũgapũ ããrĩmi. ĩgũ ñerĩrẽ iririkuri waja, koye ĩãbi ĩgũ waaburore masĩbi irirosũ Marĩpu dorerire neõ masĩbi ããrĩmi.

¹² Yũ musãrẽ yũ pũrã irirosũ ããrĩrãrẽ gojáa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñerĩ irideare kãtidi ããrĩmĩ. Irasirigu musãrẽ gojáa. ¹³ Musã pagusãmarã, musã Cristore neõgoragueta ããrĩdire masĩa. Irasirigu musãdere gojáa. Musã maamarã, wãtĩrẽ tarinũgãnerã ããrã. Irasirigu musãrẽ gojáa.

¹⁴ Musã Marĩpure masĩa. Irasirigu musãrẽ yũ pũrã irirosũ ããrĩrãrẽ gojáa. Musã pagusãmarã, musã Cristore neõgoragueta ããrĩdire masĩa. Irasirigu musãrẽ gojáa. Musã maamarã, Marĩpure gũñaturarã ĩgũ werenĩrĩrẽ gããmerã, wãtĩrẽ tarinũgãnerã ããrã. Irasirigu musãrẽ gojáa.

¹⁵ I ãmũrẽ, i ãmũma ñerĩrẽ maĩbirikõãka! Sugũ i ãmũmarẽ maĩgũno, Marĩpure maĩbemi. ¹⁶ I ãmũma ãsũ ããrã. Masaka noó gããmerõ ñerĩ ãaribejari, gajinorẽ ĩã bũro gããmerĩ, gajirã nemorõ opari merã usũyari ããrã. Iri Marĩpũyama ããrĩbea. I ããrĩpereri i ãmũma dita ããrã. ¹⁷ I ãmũ pereburo yáa. ããrĩpereri masaka ĩgũsã i ãmũma ñerĩ ãaribejaride pereakõãrokoa. Marĩpũya gapũ neõ perebirikoa. Irasirirã, Marĩpu gããmerĩrẽ irirã ĩgũ merã ããrĩnĩkõãrãkuma.

Juan: “Diayema ããrĩrĩ, diayema ããrĩbiri ããrã”, ãrĩ gojadea

¹⁸ Musã yũ pũrã irirosũ ããrĩrã, i ãmũ pereburo mérõ dũyáa. I ãmũ pereburo dupiyuro Cristore ĩãturigu aarigũkumi. Musã irire pésiabũ. Dapagoradere gajirã Cristore ĩãturirã wãrã ããrĩsiamã. Irasirirã marĩ i ãmũ pereburo mérõ dũyarire masĩa. ¹⁹ ĩgũsã Cristore ĩãturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ béo wiriamã. ĩgũsã irasirimakũ ĩãrã, masĩa. ĩgũsã marĩyarã ããrĩnerã, marĩ merã dujabonerã ããrĩmã.

²⁰ Cristo musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirirã musã ããrĩpererã Ōãgũ deyomarĩgũ merã Jesucristoya kere diayema ããrĩrĩrẽ masĩa. ²¹ Irasirigu yũ musãrẽ gojagũ: “Diayema ããrĩrĩrẽ masĩbea musã”, ãrĩ gojagũ meta yáa. Musã diayema ããrĩrĩrẽ masĩsĩa: “Jesucristoya kere, diayema ããrĩrĩ, neõ ãrĩkatori kere meta ããrã”, ãrĩ masĩa. Irasirigu musãrẽ gojáa.

²² Ārĩkatorikurã gapũ ãsũ ãrĩma: “Jesús, Marĩpu iriudi Cristo ããrĩbemi”, ãrĩma. Irire irasũ ãrĩrã Cristore ĩãturirã ããrĩma. ĩgũrẽ Marĩpu magũ ããrĩrĩrẽ bũremubirisĩa, ĩgũ Pagũdere bũremubema. ²³ Noó: “Jesús, Marĩpu magũ ããrĩbemi”, ãrĩrãno ĩgũ Pagũ merãdere õãrõ ããrĩbema. “Jesús, Marĩpu magũ ĩgũ iriudi Cristo ããrĩmi”, ãrĩrã gapũ ĩgũ Pagũ merãdere õãrõ ããrĩma.

²⁴ Irasirirã, Jesucristoya kerere musã bũremunũgãdeapoegue pédeare õãrõ gũñaduripĩka! Irire gũñaduripĩrã, Jesucristo merã, ĩgũ Pagũ merãdere neõ piriõ marĩõ õãrõ ããrĩnĩkõãrãkõa. ²⁵ Jesucristo marĩrẽ ãsũ ãrĩ weresiami: “Yũpũ merã perebiri okari sĩgakõa musãrẽ”, ãrĩmi.

²⁶ Gajirã musãrẽ ãrĩkatori merã buedũama. Irasirigu musãrẽ irire gojáa, ĩgũsã ãrĩkatorire péri, ãrĩgũ. ²⁷ ĩgũsã musãrẽ irasũ ãrĩkatokeremakũ, Jesucristo gapũ musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirigu Ōãgũ deyomarĩgũ musã merã

Marĩpu iũrõ güiro marĩrõ ããrĩrẽ gojadea

¹⁹ Gajirãrẽ maĩrã: “Marĩ diayeta Marĩpu pũrã ããrã”, ãrĩ masĩa. Irasirirã, ìgũ iũrõ güiro marĩrõ ããrĩmasĩa. ²⁰ Marĩ basi: “Ñerõ iriakubu, irasirigu waja opakoa”, ãrĩ gũñarikakeremakũ, Marĩpu ããrĩpererire masĩgũ, marĩ nemorõ marĩ ããrĩrikurire masĩmi. Irasirigu marĩrẽ õãrõ ããrĩrikumakũ irimasĩmi. ²¹ Yaarã yu maĩrã: “Marĩpu iũrõ marĩ ñerĩ iridea wajare opabea”, ãrĩ gũñarã, ìgũ iũrõ güiro marĩrõ gũñaturari merã ããrĩmasĩa. ²² Irasũ ããrĩmakũ ìgũ dorerire ìgũ gããmerĩrẽ marĩ irimakũ ìãgũ, ìgũrẽ marĩ sërẽrĩrẽ sĩgukumi. ²³ Ìgũ marĩrẽ doregu, ãsũ ãrĩmi: “Yu magũ Jesucristore buremuka! Irasũ ããrĩmakũ, ìgũ musãrẽ dorederosũta gãme maĩka!” ãrĩmi. ²⁴ Marĩ ìgũ dorerire irirã, ìgũ merã õãrõ ããrĩnikõãa. Ìgũde marĩguere ããrĩnikõãmi. Ìgũ marĩrẽ Õãgũ deyomarĩgũrẽ sĩsiami. Irasirigu ìgũ marĩguere ããrĩnĩrẽ Õãgũ deyomarĩgũ merã marĩrẽ masĩmakũ yãmi.

4*“Marĩpu werederosũta wererã ããrã”, ãrĩrãyamarẽ masĩdorea, ãrĩ gojadea*

¹ Yaarã yu maĩrã, musãrẽ werea. Dapagorare i umurẽ wãrã: “Marĩpu werederosũta wererã ããrã”, ãrĩkererã, ãrĩkatorã ããrĩma. Irasirirã, ããrĩpererã musã masĩmerã musã pũroque buerã ejamakũ, mata ìgũsã buerire buremubirikõãka! Ìgũsã buerire pãrã: “¿Diayeta Marĩpu buedoreri ããrĩrĩ? ¿Õãgũ deyomarĩgũrẽ oparã ããrĩrĩ irasũ ãrĩ wererã?” ãrĩ gũñaka! ² Õãgũ deyomarĩgũrẽ oparãno, ãsũ ãrĩma: “Jesucristo marĩ irirosũ dupakugu i umuguerẽ aaridi ããrĩmĩ”. Musã, ìgũsã irire irasũ ãrĩmakũ pãrã: “Õãgũ deyomarĩgũrẽ oparã, Marĩpu dorederosũta werema”, ãrĩ masĩrãkoa. ³ “Jesús marĩ irirosũ dupakugu i umuguerẽ aaridi ããrĩmĩ”, ãrĩrĩrẽ buremumerã gapu Õãgũ deyomarĩgũrẽ opabema. Cristore ìãturigure doreguta ìgũsãdere doremi. Musã, Cristore ìãturigu aariburire pãsiabu. Dapagoradere ìgũrẽ doreguta i umuguerẽ ããrĩsiami.

⁴ Musã yu pũrã irirosũ ããrĩrã, Marĩpuyarã ããrã. Õãgũ deyomarĩgũ musãguere ããrĩmi. Wãtĩ ìgũyarãrẽ i umugue ããrĩrãrẽ doregu ããrĩmi. Õãgũ deyomarĩgũ gapu, wãtĩ nemorõ turagu ããrĩmi. Irasirirã, ãrĩkatori merã wererã wererire buremubiri, ìgũsãrẽ tarinugãsiabu. ⁵ ãrĩkatori merã wererã i umu marã ããrĩma. I umuma ditare werema. Gajirã i umu marã ìgũsã irirosũ ããrĩrãta ìgũsã wererire pãma. ⁶ Marĩ gapu Marĩpuyarã ããrã. Marĩpũre masĩrãno, marĩ wererire pãma. Gajirã ìgũyarã ããrĩmerã gapu, marĩ wererire pãbema. Irasirirã marĩ ãsũ ãrĩ masĩa: “Marĩpuyarã ããrĩrãno, Õãgũ deyomarĩgũ dorederosũta diayema ããrĩrĩrẽ wererãrẽ pãma. Marĩpuyarã ããrĩmerã gapu, wãtĩ dorederosũta ãrĩkatori merã wererãrẽ pãma”, ãrĩ masĩa.

Marĩpu diayeta ããrĩpererãrẽ maĩgũ ããrĩmi, ãrĩ gojadea

⁷ Yaarã yu maĩrã, musãrẽ werea. Marĩ gãme maĩmakũ, Marĩputa irasirimakũ yãmi. Irasirirã marĩ gãme maĩrã! Gajirãrẽ maĩrãno, Marĩpu pũrã, ìgũrẽ masĩrã ããrĩma. ⁸ Marĩpu diayeta ããrĩpererãrẽ maĩgũ ããrĩmi. Irasirirã gajirãrẽ maĩmerãno ìgũrẽ masĩbema. ⁹ Marĩpu ìgũ magũ sugu ããrĩgũrẽ i umugue iriudi ããrĩmĩ, marĩrẽ ìgũ merã perebiri okarire opaburo, ãrĩgũ. Ìgũrẽ iriugu, ìgũ marĩrẽ maĩrĩrẽ masĩmakũ iridi ããrĩmĩ. ¹⁰ Ìgũ marĩrẽ maĩrĩ, marĩ ìgũrẽ maĩrĩ irirosũ meta ããrã. Ìgũ gapu marĩrẽ diayeta maĩsĩa, ìgũ magũrẽ iriudi ããrĩmĩ, ìgũ boari merã marĩ ñerõ iridea wajare wajaribosadoregu. Irasirigu iri merã marĩ ñerõ irideare kãtimi.

¹¹ Yaarã yu maĩrã, musãrẽ werea. Marĩpu marĩrẽ maĩmakũ ìãrã, marĩde gãme maĩrõ gããmea. ¹² Neõ sugu masakũ Marĩpũre ìãdi mámi. Ìgũrẽ ìãbirikeremakũ, marĩ gãme maĩmakũ, marĩ merã ããrĩnikõãmi. Irasirigu, ìgũ maĩrõsũta marĩrẽ gajirãrẽ õãrõ maĩmakũ yãmi. ¹³ Marĩpu Õãgũ deyomarĩgũrẽ marĩrẽ sĩdi ããrĩmĩ. Irasirirã, Õãgũ deyomarĩgũ merã Marĩpu marĩ merã ããrĩnĩrẽ, marĩde ìgũ merã ããrĩnĩrẽ masĩa. ¹⁴ Guã, Marĩpu magũrẽ

ĩanerã ããrĩsĩã, gajirãrê: “Marĩpũ ĩgũ magũrê iriudi ããrĩmĩ, i ãmũ marãrê ĩgũsã ñerõ iridea wajare taudoregũ”, ãrĩ werea. ¹⁵ “Jesús, Marĩpũ magũ ããrĩmĩ”, ãrĩrãno, Marĩpũ merã ããrĩnĩma. ĩgũde ĩgũsã merã ããrĩnĩkõãmi.

¹⁶ Irasirirã: “Marĩpũ marĩrê maĩmi”, ãrĩ masĩa. “Īgũta marĩrê maĩmi”, ãrĩ bũremua. ĩgũ diayeta ããrĩpererãrê maĩgũ ããrĩmi. Sugũ gajirãrê maĩgũno, Marĩpũ merã ããrĩnĩmi. Marĩpũde ĩgũ merã ããrĩnĩkõãmi. ¹⁷ Irasirigũ ĩgũ marĩ merã ããrĩnĩsĩã, ĩgũ maĩrõsũta marĩrê gajirãrê õãrõ maĩmakũ yãmi. ĩgũ ããrĩpererã ñerãrê peamegue wajamoãrĩnũ ejamakũ, marĩrê gũiri marĩrõ ããrĩburo, ãrĩgũ, irasũ yãmi. Marĩ gũiri marĩrõ ããrĩrã, Jesucristo i ãmũgue ããrĩgũ Marĩpũ merã õãrõ ããrĩderosũta marĩde ĩgũ merã õãrõ ããrã. ¹⁸ Marĩpũre maĩrã, ĩgũ marĩrê maĩrĩrê masĩrã, gũiri marĩrõ ããrã. Irita marĩrê neõ gũibirimakũ yãa. Sugũ: “Marĩpũ yũre wajamoãgũkumi”, ãrĩ gũñagũno, gũimi. ĩgũrê õãrõ maĩbi, ĩgũ ĩgũrê bũro maĩrĩrê masĩbi ããrĩmi.

¹⁹ Marĩpũ, marĩ ĩgũrê maĩburi dupiyuro marĩrê maĩpũroridi ããrĩmi. Irasirirã marĩde ĩgũrê maĩa. ²⁰ Sugũ masakũ gajigũre ĩgũyagũre ĩãturi doogu: “Yũde Marĩpũre maĩa”, ãrĩgũ, ãrĩkatogu ããrĩmi. Gajigũre ĩgũ ĩãgũrê maĩbi, Marĩpũre ĩgũ ĩãbire maĩmasĩbemi. ²¹ Jesucristo i doreri marĩrê pĩmi: “Marĩpũre maĩrã, gajirãdere maĩrõ gããmea”, ãrĩmi.

5

Marĩpũ pũrã ããrĩrã ñerĩ iririre piri, õãrĩ gapũre yãma, ãrĩ gojadea

¹ “Jesús, Marĩpũ magũ ĩgũ iriudi Cristo ããrĩmĩ”, ãrĩ bũremurãno, Marĩpũ pũrã ããrĩma. Marĩpũre maĩrãno, ĩgũ pũrãdere maĩma. ² Marĩ, Marĩpũre maĩrã, ĩgũ dorerire irirã, ĩgũ pũrãdere maĩa. Irire marĩ masĩa. ³ Marĩpũre maĩrã, ĩgũ dorerire irirã yãa. ĩgũ dorerire irimakũ diasãbea. Nũkũrĩrê ũũmarõ irirosũ ããrĩbea. ⁴ Irasirirã ããrĩpererã Marĩpũ pũrã i ãmũma ñerĩ iririre piri, irire irinĩbema. Marĩ Jesucristore bũremurĩ merã i ãmũma ñerĩ iririre piri, õãrĩ gapũre irimasĩa. ⁵ “Jesús, Marĩpũ magũ ããrĩmĩ”, ãrĩ bũremurã dita i ãmũma ñerĩ iririre piri, õãrĩ gapũre irimasĩa.

Marĩpũ magũyamarê gojadea

⁶ Jesucristo i ãmũgue ããrĩgũ, deko merã wãĩyesũmi. Pũrũ boagu, ĩgũya dí béomi. Irasirirã marĩ, ĩgũ deko merã wãĩyesũdeare, ĩgũya dí béodeadere masĩrã: “Jesús, Marĩpũ magũ ããrĩmĩ”, ãrĩ masĩa. ĩgũ deko merã wãĩyesũdea ditare masĩrĩ merã irire masĩbea. Õãgũ deyomarĩgũ marĩrê i Jesucristoyamarê masĩmakũ yãmi. ĩgũta marĩrê diayema ããrĩrĩrê masĩmakũ irigu ããrĩmi. ⁷ Ñmagasiguedere: “Jesús, Marĩpũ magũ ããrĩmĩ”, ãrĩ wererã, Ʃrerã ããrĩma. Marĩpũ, ĩgũ magũ, Õãgũ deyomarĩgũ ããrĩma. ĩgũsã Ʃrerã ããrĩkererã, sugũta ããrĩmi. ⁸ I nikũguedere Õãgũ deyomarĩgũ marĩrê Jesús, Marĩpũ magũ ããrĩrĩrê masĩmakũ yãmi. Irasũ ããrĩmakũ, marĩ Jesús deko merã wãĩyesũdeare, ĩgũya dí béodeadere masĩrĩ merã: “Jesús, Marĩpũ magũ ããrĩmĩ”, ãrĩ masĩa. Iri merã marĩ õãrõ masĩa. ⁹ Masaka marĩrê ĩgũsã ĩãdeare weremakũ pérã, ĩgũsã wererire bũremua. Marĩpũ marĩrê wereri gapũre, masaka wereri nemorõ bũremurõ gããmea. Irasirirã, ĩgũ magũyamarê wererire bũremurõ gããmea. ¹⁰ Marĩpũ magũrê bũremurãno, ĩgũyamarê wererire: “Diayeta ããrã”, ãrĩ gũñama. ĩgũ magũyamarê wererire: “Diaye ããrĩbea”, ãrĩ gũñarã gapũ: “Marĩpũ ãrĩkatogu ããrĩmĩ”, ãrĩrã irirosũ ããrĩma. ¹¹ Marĩpũ ĩgũ magũyamarê ãsũ ãrĩ weredi ããrĩmĩ: “Yũ magũrê bũremurãrê yũ pũro perebiri okarire opamurã ããrĩmakũ iribũ”, ãrĩdi ããrĩmĩ. ¹² ĩgũ magũrê bũremurĩ oparãno, ĩgũ pũro i perebiri okarire oparãkuma. ĩgũrê bũremurĩ opamerã gapũ iri okarire opabirikuma.

Juan gojatũnudea

¹³ Yũ mũsãrê Marĩpũ magũrê bũremurãrê irire gojãa, Marĩpũ pũro perebiri okari opaburire masĩburo, ãrĩgũ.

¹⁴ Marĩpure ĩgũ gããmerõsũta marĩ sērēmakũ, ĩgũ marĩrē pémi. Irasirirã irire masĩrã, gũiro marĩrõ gũñaturari merã ĩgũrē sērēmasĩa. ¹⁵ Irasũ sērērã, ĩgũ marĩrē périre, marĩ sērērõsũta ĩgũ sĩburidere masĩa.

¹⁶ Mũsã, sugũ mũsãyagure ñerĩ irimakũ ĩãrã, ĩgũya ããrĩburire Marĩpure sērēbosaka! “Ĩgũ ñerõ iridea, ĩgũrē peamegue béomakũ iriri ããrĩbea”, ãrĩ masĩrã, ĩgũya ããrĩburire sērēbosaka! Irasirigũ Marĩpũ ĩgũrē ĩgũ pũro perebiri okari opabu ããrĩmakũ irigũkumi. Gaji ñerõ iriri gapũ, masakare peamegue béomakũ iriri ããrã. Sugũ masakũ irireta irimakũ ĩãrã: “Ĩgũya ããrĩburire Marĩpure sērēbosaro gããmea”, ãrĩbea yũ mũsãrē. ¹⁷ ããrĩpereri ñerõ iriri, Marĩpũ dorerire tarinũgãrĩ ããrã. Irasũ ããrĩkerero, ããrĩpereri ñerĩ iriri, masakare peamegue béomakũ iribe. Marĩpũ ããrĩpereri ñerĩ iririre: “Neõ kãtibirikoã”, ãrĩbemi.

¹⁸ Ire marĩ masĩa. Marĩpũ magũ marĩrē ĩgũ Pagũ pũrã ããrĩrãrē õãrõ koreri merã iritamumi. Irasirirã marĩ ñerĩrē irinĩbea. Wãtĩ marĩrē ñerõ iridũakeregũ, marĩrē poyanorēmasĩbemi.

¹⁹ Marĩ, Marĩpũ pũrã ããrã. Wãtĩ ããrĩpererã i mũmũ marã ñerãrē doregũ ããrĩmi. Irire masĩa marĩ.

²⁰ Gajidere masĩa. Marĩpũ magũ marĩrē pémasĩrĩ sĩgũ, i mũmũgue aaridi ããrĩmĩ: “Marĩpũ diayeta ããrĩnĩgũ ããrĩmi”, ãrĩ masĩburo, ãrĩgũ. Jesucristo merã õãrõ ããrĩnĩsĩã, ĩgũ Pagũ merãdere õãrõ ããrĩnĩkõãrã yãa. Jesucristo diayeta Marĩpũ ããrĩmi. ĩgũta marĩrē ĩgũ pũro perebiri okari sĩgũ ããrĩmi.

²¹ Irasirigũ mũsãrē yũ pũrã irirosũ ããrĩrãrē werea. Gajirã masaka bũremurã keori weadeare bũremubirikõãka! Marĩpũ ditare bũremuka! Irasũta iriro gããmea.

Iropata ããrã.

Juan

2 SAN JUAN

Juan gãme maĩrĩmarẽ gojadea

¹ Y_u b_ug_uro, m_urẽ Marĩp_u beyedeore m_u p_urãdere i p_urẽ gojáa. Y_u m_usãrẽ diayeta maĩa. Y_u dita m_usãrẽ maĩbea. Aãrĩpererã m_usã p_uro aãrĩrã Jesúya diayema aãrĩrĩrẽ masĩrã m_usãrẽ maĩma. ² Marĩ ãgũya diayema aãrĩrĩrẽ marĩya y_uj_up_urãrĩgue masĩa. ãgũ neõ piriro marĩrõ marĩ merã aãrĩnĩsĩã, marĩrẽ irire masĩmakũ yámi. Irasirirã g_ua m_usãrẽ maĩa. ³ Marĩp_u aãrĩnĩgũ, ãgũ magũ Jesucristo marĩ Op_u merã m_usãrẽ õãrõ iritamu, bopoñarĩ merã ãã, siñajãrĩ merã aãrĩrik_umakũ iriburo. Irire irig_u, diayema aãrĩrĩ, maĩrĩ merã irasiriburo.

⁴ Surãyeri m_u p_urã Marĩp_u marĩrẽ dorederosũta Jesúyare irirã aãrĩma, ãrĩrĩ kerere pég_u, b_uro usuyabu. ⁵ Dapagora m_urẽ ire gojagura. Marĩ gãme maĩrõ gããmea. I y_u gojari, maama doreri aãrĩbea. I doreri, marĩ Jesúre b_uremun_ugãdeapoeque masĩdeata aãrã. ⁶ Marĩ gãme maĩrã, Marĩp_u dorederosũta yáa. I doreri, m_usã Jesúre b_uremun_ugãdeapoeque pédeata aãrã. Ásũ ãrã. Gajirãrẽ maĩnĩkõãka!

Wárã ãrĩkatorikurã aãrĩma, ãrĩ gojadea

⁷ I ãm_uguere wárã ãrĩkatorikurã waagorenama. “ Jesucristo marĩ irirosũ d_up_uk_ug_u i ãm_uguere aaridi aãrĩmĩ’, ãrĩrĩ, diaye aãrĩbea”, ãrĩma. ãg_usãta ãrĩkatorikurã, Cristore ãaturirã aãrĩma. ⁸ Irasirirã õãrõ pémasĩka m_usã! ãg_usã ãrĩkatorire b_uremubirikõãka! ãg_usã ãrĩkatorire b_uremurã, m_usã Marĩp_uyare iridea waja ãgũ m_usãrẽ wajariburire dedeubukoa. ãg_usã ãrĩkatorire b_uremubirimakũ, m_usã ãg_uyare iridea waja m_usãrẽ wajariburire sĩpeog_ukumi.

⁹ Sug_u Cristo buedeare béo, ãgũ gããmerõ gajire bueg_uno, Marĩp_u merã õãrõ aãrĩbemi. Cristo buedeare b_uremugũ ãg_uyare irit_uyag_u gap_u Marĩp_u merã õãrõ aãrĩmi. Irasũ aãrĩmakũ, ãgũ magũ Cristo merã õãrõ aãrĩmi. ¹⁰ Irasirirã, sug_u Cristo buedeare buebi, gaji buerire bueg_uno m_usã p_uro ejamakũ, ãg_urẽ bokatĩrĩsẽrẽ, m_usãya wiigue ñajãdorebirikõãka! ¹¹ M_usã ãg_urẽ bokatĩrĩñeãrã, ãg_urẽ iritamubukoa. Irasirirã ãg_urẽ iritamurã ãgũ irirosũ ñerõ irirã aãrĩbukoa.

Juan gojatũnudea

¹² Y_u gaji wári m_usãrẽ wered_uakereg_u, i p_uguere gojabirikoa. Y_u basita m_usã p_urogue m_usã merã werenĩgũ waag_ukoa. Marĩ basi weretamurã, õãrõ usuyari merã aãrĩrãkoa.

¹³ M_u pagamo p_urã m_urẽ õãdorema. Igođe Marĩp_u beyedeota aãrĩmo.

Iropata aãrã.

Juan

3 SAN JUAN

Juan, Gayo wāikguyamarē gojadea

¹ Y_u bu_guro, m_urē Gayore diayeta y_u maigūrē i pūrē gojáa.

² Ire gojáa m_urē y_u maigūrē. Y_u m_uya āārīburire Marīp_ure sērēbosáa. M_u Marīp_u merā ōārō āārīrōsūta āārīpereri m_uyare ōārō waaburire, pūrīrī marīrō merā m_u āārīburire sērēbosáa. ³ Gajirā Jesúre b_uremurā y_u p_uro ejarā, m_u āārīrikurire y_ure werema. “Jesúyare irinígū, i diayema āārīrīrē iriwāgāgū yámi”, ārī werema. Īgūsā irire weremakū pégu, b_uro usuyáa. ⁴ Jesúre b_uremurā y_u buerā Īgūya diayema āārīrīrē irinírā yáma, ārīrī kerere pégu, usuyataria. Y_u i kerere péri, āārīpereri gajī nemorō y_ure usuyamakū yáa.

⁵ M_u Jesúre b_uremurārē ōārō iritamunígū iriayuro. Gajiro marā m_u ĩāmasīmerā āārīkeremakū, Īgūsārē ōārō iritamugū iriayuro. ⁶ Īgūsā g_uare, Jesúre b_uremurā nerēnarōgue gajirārē m_u maīrīrē werema. Irasirigu, Īgūsā m_u p_uroque ejarārē Īgūsā gajiroque ōārō waaburire iritamuka! M_u Īgūsārē iritamugū, ōārō irigukoa. Marīp_u marīrē irasirimakūta gāāmemi. ⁷ Īgūsā Jesucristoya kerere werewāgārā, Jesúre b_uremumerārē: “G_uare iritamuka!” neō ārī sērēbema. ⁸ Irasirirā marī Jesúre b_uremurā Īgūsārē iritamurō gāāmea. Īgūsārē iritamurā, marī Īgūsā merā moārā yáa, gajirā Jesúya diayema āārīrīrē péburo, ārīrā.

Diótrfes ñerō irideare gojadea

⁹ Y_u m_usārē Jesúre b_uremurā iroque āārīrārē su pū gojab_u. Diótrfes gap_u m_usārē dored_uagu āārīsīā, g_ua m_usārē: “Āsū irika!” ārī weredeare péduabirayup_u. ¹⁰ Y_u m_usā p_uroque waagú, Īgūrē m_usā péuroque Īgū irideare: Īgū g_uare ñerō kere ārīdeare, Īgū ārīkatodeare wereg_ura. Īgū i ditare iribirayup_u. Jesúya kerere wererā waagore-narārē bokatīrīñeābirayup_u. Gajirā m_usā merāmarā Īgūsārē bokatīrīñeāduamakū ĩāgū: “Bokatīrīñeābirikōāka!” ārāyup_u. Īgūsārē bokatīrīñeārārē Jesúre b_uremurā nerēnarōgue ñajādorebirayup_u.

¹¹ M_u, y_u maigū, ñerō irirārē ĩākūībirikōāka! Ōārō irirā gap_ure ĩākūīka! Ōārīrē irirā Marīp_uyarā āārīma. Ñerīrē irirā gap_u Marīp_ure masībema.

Demetrio ōārō irideare gojadea

¹² Āārīpererā: “Demetrio ōāgū āārīmi”, ārīma. Irasirirā masaka Īgū iririre ĩārā: “Marīp_u dorederosūta Jesúyare yámi”, ārīma. G_uade: “Īgū ōārō irigu āārīmi”, ārā. M_usā masīa. G_ua diayeta werea.

Juan Gayore gojatūnudea

¹³ Y_u gajī wári m_urē wered_uakereg_u, i pūguere gojabirikoa. ¹⁴ Mérōgā p_uru m_urē ĩāgū waaduakoa. Irasirigu m_u p_uroque waagú, m_u merā werenígukoa.

¹⁵ Ōārō siñajārī opaka! Ōō marā marī merāmarā Jesúre b_uremurā m_urē ōādorema. Āārīpererā iroque āārīrā marī merāmarā ōāburo.

Iropata āārā.

Juan

SAN JUDAS

Judas Jesúre bɔremurãrẽ gojadea

¹ Yɔ Judas*, Santiago pagumu Jesucristore moãboegu musãrẽ i pũrẽ gojáa. Marĩpu musãrẽ maĩgũ beyedi ããrĩmĩ, ĩgũyarã ããrĩburo, ãrĩgũ. Jesucristo musãrẽ koremi, ĩgũrẽ bɔremurĩrẽ piribirikõãburo, ãrĩgũ. ² Marĩpu musãrẽ bɔro bopoña, maĩrĩ merã ĩãburo. Musãrẽ siñajãrĩ sĩburo.

Ãrĩkatori merã buerimasãyamarẽ gojadea

(2 Pe 2.1-17)

³ Marĩpu marĩrẽ peamegue waabonerãrẽ taurire musãrẽ, yɔ maĩrãrẽ bɔro gojaduadibɔ. Irire gojaduakeregu, dapagorare gaji gapure gojaro gããmea, ãrĩ gũñáa. Marĩpu ããrĩpererã ĩgũyarãrẽ Jesucristoya kerere: “Ásũ ããrã, irire neõ gorawayu-birikõãka!” ãrĩ pídi ããrĩmĩ. Marĩ ĩgũyarã iri kerere bɔremua. Gajirã ãrĩkatori merã buerimasã gapu iri kerere gorawayuduama. Irasirigu yɔ musãrẽ: “Ĩgũsã ãrĩkatori merã buerire pãbirikõãka!” ãrĩ gojáa. ĩgũsãrẽ: “Marĩpu guare pídea diayeta ããrã, musã bueri gapu ãrĩkatori merã bueri ããrã”, ãrĩka! ⁴ ĩgũsã ñerã, masĩña marĩrõ musã pɔro ejanerã musã merã ããrĩma. ĩgũsã ãrĩkatori merã: “Marĩpu marĩ ñerõ irideare kãtimi, irasirirã noó gããmerõ irimasã”, ãrĩ buema musã, ĩgũsã ñerĩ iririkurire: “Õãa”, ãrĩ gũñaburo, ãrĩrã. “Jesucristo marĩrẽ doregu, marĩ Opɔ sugu ããrĩgũ ããrĩbemi”, ãrĩ buema. Iripoegue Marĩpu ĩgũya werenĩrĩ gojadea pũgue ĩgũsã irirosũ ãrĩkatori merã buerãrẽ: “Wajamoãgura”, ãrĩdi ããrĩmĩ.

⁵ Irasirigu yɔ musã masĩdeare dupaturi gũñamakũ iriduáa. Iripoegue Marĩpu guã ñekũsãmarã Israel bumarãrẽ Egiptogue ããrĩrãrẽ wiudi ããrĩmĩ. ĩgũsãrẽ wiukeregu, ĩgũrẽ bɔremumerã gapure wẽjedi ããrĩmĩ. ⁶ Marĩpũre wereboerã ããrãdinerãdere gũñaka! ĩgũsã Marĩpu doreri pídeare tarinugãnerã ããrĩmã. ĩgũsãrẽ ĩgũ ããrĩdorederore ããrĩduabirinerã ããrĩmã. Irasirigu Marĩpu ĩgũsãrẽ kãmedari merã naĩtĩãrõgue suapĩkõãdi ããrĩmĩ. ĩgũ ããrĩpererã ñerãrẽ wajamoãrĩnu ejamakũ, ĩgũsãrẽ bɔro wajamoãgukumi. ⁷ Iripoegue Sodoma, Gomorra wãĩkuri makãrĩ marã, irasũ ããrĩmakũ iri makãrĩ pɔro ããrĩrĩ makãrĩ marãde, Marĩpũre wereboerã ããrãdinerã irirosũ ñerõ irinerã ããrĩmã. Ũma, nome merã ñerõ irinerã ããrĩmã. Irasũ ããrĩmakũ ũma seyaro ñerõ irinerã ããrĩmã. Nomedede irasũta irinerã ããrĩmã. Irasirigu, ĩgũsã ñerõ iridea waja Marĩpu ĩgũsãrẽ soebéodi ããrĩmĩ. ããrĩpererã ĩgũsã iriderosũ ĩgũ dorerire tarinugãrã perebiri peamegue wajamoãburire masĩburo, ãrĩgũ, irasiridi ããrĩmĩ.

⁸ ĩgũsã Marĩpu dorerire tarinugãderosũ, ãrĩkatori merã buerimasã musã watope ããrĩrã ñerõ yãma. ĩgũsã kãrõgue ĩãrĩ merã ĩgũsã ñerõ iriduare: “Õãa”, ãrĩ gũñama. Irasirirã ĩgũsã ñerõ iriri merã ĩgũsãya dupure poyanorẽma. Marĩ Opɔ dorerire tarinugãma. Turari oparãrẽ ñerõ werenĩma. ⁹ Marĩpũre wereboerã opɔ Miguel wãĩkugu iriderosũ iribema. Miguel Moiséya dupu darore ãĩaduagu, wãtĩ merã gãme guaseodi ããrĩmĩ. Irasirikeremakũ, Miguel gapu neõ suñarõ ñerõ werenĩrĩ merã wãtĩrẽ: “Iropata irika! Peamegue waaka!” ãrĩ turibiridi ããrĩmĩ. Ásũ gapu ãrĩdi ããrĩmĩ: “Yɔ Opɔ mɔrẽ: ‘Iropata irika!’ ãrĩburo”, ãrĩdi ããrĩmĩ. ¹⁰ ãrĩkatori merã buerimasã musã watope ããrĩrã gapu ĩgũsã masĩbirideare ñerõ werenĩrĩ merã werema. Waimurã pãmasĩmerã iririkurosũ ĩgũsã noó gããmerõ iriduari ditare yãma. Irasirirã peamegue béosũrãkuma.

* **1:1** Mt 13.55; Mr 6.3: Ipũ gojadi Judas Iscariote meta ããrĩyupu. ĩgũ tĩgũ Santiago wãĩkuyupu. Peamasãya merã gajirã Santiagore “Jacobo” wãiyenerã ããrĩmã.

11 Īgūsāta neō usuyari bokabirikuma. Caín wāikugū Marīpuyare būremubi, Īgū pagumūrē ĩāturi, wējēderosū űerō yāma. Balaam wāikugū Īgū niyeru wajataburire, Marīpuyarāya āārīburi nemorō gūñasīā, Īgūsārē ārīkatori merā buederosū űerō yāma. Gajigū Coré wāikugū Īgūya bumarā oparā Marīpū pīnerārē tarinugādi āārīmī. Īgū tarinugārī waja Marīpū Īgūrē wajamoāgū, boamakū iridi āārīmī. Ārīkatori merā buerimasā, Coré iriderosū űerō yāma. Irasirigū Marīpū Īgūrē wajamoāderosū Īgūsādere wajamoāgukumi. 12 Musārē ārīkatori merā buerimasā, musā Jesúre būremurā nerē, bosebaaripoe būremurī marīrō noó gāāmerō yāma. Musā merā baa, iirīrā, Īgūsāyama ditare gūñama. űerā oveja korerimasā ovejare baari ejomerā irirosū yāma. ĩmikāyebori mirū wējāpuri merā otederogue deko merērō marīrō tariaro irirosū neō musārē iritamubema. Yuku dukakuripoe bugū yukū dukamarī yukū irirosū yāma. Masaka irigure nugūrīgue merāta duuadero pūru űāipereakōākoa. Irigū irirosū āārīma. Ōārō iririre neō irimasībema. 13 Īgūsā űerō gūyasīūrī iririkuri, sūmu gūrarikurire makūrī pámuĵūpīdea irirosū āārā. Neñukā Īgūsā keoro waanarōgue merā yuridijanerā irirosū āārīrā, gajirārē diaye buerire tūyamakū neō iribema. Irasirigū Marīpū: “Īgūsārē āsū wajamoāgūra”, ārīderosūta gajiro nemorō naītīārōgue āārīnīmakū irigukumi.

14 Iripoeguemu Enoc wāikugū Adán parāmerā āārīturiagu āārīdi āārīmī. Adán merā marī keopurori, Enoguere keotūnumakū, āārīpererā Adán parāmerā āārīturiarā su mojōma pere gajī mojō peru pērēbejari burigora masāporewāgānerā āārīmā. Marīpū ārīkatori merā buerimasārē Īgū wajamoāburire Enorē weredoredi āārīmī. Irasirigū Enoc āsū ārī weredupiyudi āārīmī: “Péka yūre! Marī Opū wārā Īgūyarā merā aarigukumi. 15 Āārīpererā masaka Īgūsā irideare ĩā beyegu aarigukumi. Āārīpererā űerārē āārīpereri Īgūsā űerī iridea waja, irasū āārīmakū āārīpereri Īgūrē űerō werenídea waja Īgūsārē wajamoāgū aarigukumi”, ārīdi āārīmī Enoc iripoeguere. 16 Irasirirā ārīkatori merā buerimasā wajamoāsūrākuma. Āārīpererārē werewuarikurā, gajirā iririre: “Ōābea”, ārī gūñarā āārīma. Īgūsā űerī űaribejari ditare yāma. “Masītarinugāa”, ārī weregorenama. Īgūsāya ditare gāāmesārā, gajirārē ōārō wereníkatoma.

Judas Jesúre būremurārē gojanemodea

17 Musā yū maīrā, marī Opū Jesucristo buedoregū pīnerā musārē buedeare gūñaka! 18 Īgūsā musārē āsū ārīnerā āārīmā: “Ī űmū pereburi dupiyuro masaka noó gāāmerō Marīpuyare būridarākuma. Marīpūre gāāmemerā, űerī űaribejarire irirākuma”. 19 Irire irasirirā Jesúre būremurārē gāme dukawarimakū yāma. Īgūsā iriduarire irirā Ōāgū deyomarīgūrē neō opabema.

20 Musā yū maīrā gapū, ōārī Jesúyare būremurīrē neō piribirikōāka! Gūñaturanikōāka! Ōāgū deyomarīgū iritamurī merā Marīpūre sērēka! 21 Marīpū musārē maīgūrē piribirikōāka! Marī Opū Jesucristo marīrē bopoñarī merā ĩāgū űmūgasigue perebiri okari sīgukumi. Irasirirā Īgū sīburi: “Oparākoa”, ārī gūñaturari merā yūka!

22 Gajirā Jesúyare: “ĶDiyeta āārīrī?” ārī būremuturamerārē bopoñarī merā ĩāka! Īgūsārē Jesúyare: “Diyeta āārā”, ārī wereka! 23 Wīi űĵūrī wīi poekague āārīrārē taurā irirosū Īgūsārē iritamuka, peamegue waabonerārē waabirikōāburo, ārīrā! Gajirārē űerō irimakū, bopoñarī merā ĩāka! Īgūsā űerī iriri gapure dooka, Īgūsārē ĩākūrī, ārīrā! Surīro gūrarikurore gāāmemerā irirosū Īgūsā űerī iririre gāāmebirikōāka, irire pērērī, ārīrā!

Judas Marīpūre būremurīmarē gojadea

24-25 Marīpū sugū āārīgū, marī Opū Jesucristo merā marī peamegue waabonerārē taugū āārīmī. Īgū turari merā marīrē koremasīmi, űerīrē iribirikōāburo, ārīgū. Irasū āārīmakū Īgū pūroguere marī űerī opamerā ōārō usuyari merā āārīmakū irimasīmi. Irasirirā āārīpererā Īgūrē: “Mū ōātarigū, turatarigū, āārīpererārē doregū, gūa Opū āārā”, ārīburo.

“Neōgoragueta ããrĩnkõãdi ããrĩmí. Dapagoradere ããrĩnkõãmi. Paruguedere irasũta ããrĩnkõãgukumi”, ãrĩburo. Marĩde irasũta ãrĩã!

Iropata ããrã.

Judas

EL APOCALIPSIS

Jesucristo Juārē i ũmwa waaburire werede

¹ I papera pũ Marĩpũ ĩgũ mérõgã parũ iriburire Jesucristore wereri pũ ããrã. Jesucristo-yarãrē irire masĩdoregũ ĩgũrē weredi ããrĩmĩ. Jesucristo sugũ Marĩpũre wereboegũre iriudi ããrĩmĩ yũre irire weredoregũ. Yũ Juan, Jesucristore moãboegũ ããrã. ² Irasirigũ i pũguere ããrĩpereri yũ ĩãdeare, yũ pẽdeare, Marĩpũya kerere, Jesucristo yũre weredeade gojãa.

³ I pũgue gojaderosũ waaburo, mérõ dũyãa. I pũrē gajirãrē buerãno ũsũyari bokarãkuma. Marĩpũya kerere i pũgue gojadeare buemakũ pẽduripĩrãnode ũsũyari bokarãkuma.

Juan su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojadea

⁴ Yũ, mũsã Asiague ããrĩrãrē su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojãa. Marĩpũ mũsãrē õãrõ iritamuburo. Mũsãrē ĩgũ siñajãrĩ sĩrĩrē opaka! Marĩpũ neõgoragueta ããrĩsiadi ããrĩmĩ. Dapagoradere ããrĩnĩkõãmi. Pũrũguedere irasũta ããrĩnĩkõãgũkumi. Opũ doarogue doami. ĩgũ diaye, Õãgũ deyomarĩgũ su mojõma pere gaji mojõ peru pẽrẽbejari turari* opagũ ããrĩmĩ. ĩgũde mũsãrē õãrõ iritamuburo.

⁵ Jesucristode mũsãrē õãrõ iritamuburo. ĩgũ Marĩpũya kerere diayeta weregũ ããrĩmĩ. ĩgũ ããrĩpererã boanerã masãburi dupiyuro boadigue masãpũroridi, neõ dupaturi boabi ããrĩmĩ. Irasirigũ, i ũmũgue ããrĩrã ããrĩpererã masaka oparãrē doregũ ããrĩmĩ. Marĩrē maĩgũ ĩgũya dí béori merã marĩ ñerĩ iridea wajare taudi ããrĩmĩ. ⁶ Irasirigũ marĩrē oparã ããrĩmakũ iridi ããrĩmĩ. Irasũ ããrĩmakũ marĩrē paía masakaya ããrĩburire Marĩpũre sërẽbosarã ããrĩmakũ iridi ããrĩmĩ, ĩgũ Pagũyare iriburo, ãrĩgũ. Irasirirã ĩgũrē: “Õãtarigũ, ããrĩpererã nemorõ turagũ ããrã mũ”, ãrĩ bũremurã! Irasũta ããrĩburo.

⁷ Mũsã õãrõ pẽmasĩka! Jesucristo ĩmĩkãyeborigue dijarigũkumi. ĩgũ dijarimakũ, ããrĩpererã ĩãrãkuma. ĩgũrē curusague pábiatú wẽjẽnerãde ĩãrãkuma. I ũmũ marã ããrĩpereri buri marã, ĩgũ aarimakũ ĩãrã, ĩgũ ĩgũsãrē wajamoãburire gũñarã, orerãkuma. Irasũta waarokoa.

⁸ Marĩpũ marĩ Opũ ããrĩpererã nemorõ turagũ ãsũ ãrĩmĩ: “Yũ neõgoragueta ããrĩpereri i ũmũmarē iridi, pũrũguedere i ããrĩpererire peremakũ iribu ããrã”, ãrĩmĩ. “I ũmũ ããrĩburo dupiyuro ããrĩsiabũ. Dapagoradere irasũta ããrĩnĩkõãa. Pũrũguedere irasũta ããrĩnĩkõãgũkoa”, ãrĩmĩ.

Juan kërõ irirosũ Jesucristore ĩãdea

⁹ Yũ Juan, mũsãyagũ Jesucristore bũremugũ ããrĩsĩã, mũsã irirosũta yũde ñerõ taria. Marĩpũ, marĩ Opũ ããrĩmĩ. Marĩ ñerõ tarimakũ, Jesucristo marĩrē gũñaturamakũ yãmi. Yũ Patmos wãĩkũri nũgũrõgue peresu ããrĩbũ. Marĩpũya kerere Jesucristo weredeare gajirãrē yũ buede waja irogue ããrĩbũ. ¹⁰ Irinũ siñajãrĩnũ ããrĩmakũ, Õãgũ deyomarĩgũ ĩgũ turaro merã kërõ irirosũ yũre ĩmumi. Irasũ waaripoe yũ pũrũpũ gapũ turaro werenĩrĩ, suru puriduru turaro bũsũro irirosũ bũsũmakũ pẽbũ. ¹¹ Turaro werenĩgũ yũre ãsũ ãrĩmĩ:

—Yũ neõgoragueta ããrĩpereri i ũmũmarē ããrĩmakũ iridi ããrã. Yũta pũrũguedere i ããrĩpererire peremakũ iribu ããrã. Dapagora ããrĩpereri mũ ĩãrĩrē, papera pũgue gojatũka! Pũrũ iri pũrē Asiague ããrĩrãrē yũre bũremurãrē iriuka! ĩgũsã su mojõma pere gaji mojõ

* **1:4** “õãgũ deyomarĩgũ su mojõma pere gaji mojõ peru pẽrẽbejari turari opagũ ããrĩmĩ”, ãrĩrõ: “õãgũ deyomarĩgũ ããrĩpereri turari opagũ ããrĩmĩ”, ãrĩduaro yãa. Iri pũgue “su mojõma pere gaji mojõ peru pẽrẽbejari”, ãrĩrõ: “ããrĩpereri”, ãrĩduaro yãa.

peru pērēbejari makārī marā āārīma. Efeso marā, Esmirna marā, Pérgamo marā, Tiatira marā, Sardis marā, Filadelfia marā, Laodicea marā āārīma, ārīmi.

¹² Īgū werenírī busamakū pégu, gāmenugābu Īgūrē ĩābu. Irasū gāmenugā ĩāgū, su mojōma pere gaji mojō peru pērēbejari sīāgori yukure oro merā iridea yukure ĩābu. ¹³ Iri yuku watopegue sugu masakure ĩābu. Īgū yoaro suríro ĩgūya guburigue āārīdijimejārīñerē sāñami. Īgūya koretibire oro merā iridea yujwēñarídare suatúadi āārīmí. ¹⁴ Īgūya poari òārō boreri āārībú. Īgūya koye peame ujūrī pūrā irirosū gosesiribu. ¹⁵ Īgūya guburi bronze wāikuri kōme tímudea irirosū gosesiribu. Īgū werenírī wári útādupabu irirosū busubu. ¹⁶ Īgūya mojō diayema mojō gapu su mojōma pere gaji mojō peru pērēbejarāgora neñukā opami. Īgūya disire sareri majī pe gapu òārō usiri majī wiribu. Īgūya diapu abe umumu kumijūrōsū gosesiribu.

¹⁷ Irasirigu yu ĩgūrē ĩāguka, kōmogū irirosū ĩgūya guburi puro meémejābu. Yu meémejāmakū ĩāgū, ĩgūya mojō diayema mojō merā yure ñapeo, āsū ārīmi:

—Gūibirikōāka! Yu neōgoragueta āārīpereri i umumarē āārīmakū iridi, puruguedere i āārīpererire peremakū iribu āārā. ¹⁸ Okanígū āārā. Iripoegue boabu. Dapagorare okanikōāa. Masakare boadoregu, ĩgūsārē boanerā āārīrōgue waadoregu āārā. ¹⁹ Dapagora āārīrī, purugue waaburidere mu ĩārīrē gojatúka! ²⁰ Yu masakare neō dupiyuro werebirideare, mu ĩārīrē weregura. Īgūsā su mojōma pere gaji mojō peru pērēbejarā neñukā, yaa mojō diayema mojō gapu yu oparā, yure buremurārē yaare wererā keori irirosū āārā. Iri su mojōma pere gaji mojō peru pērēbejari sīāgori yuku oro merā iridea yuku, yure buremurī buri marā keori irirosū āārā, ārīmi yure.

2

Jesucristo Juārē Efeso marārē gojadoredea

¹ Jesucristo irire ārī odo, āsū ārīnemomi:

—Efeso marā yure buremurārē, ĩgūsārē yaare weregudere āsū ārī gojaka!

Yu, yaa mojō diayema mojō gapu su mojōma pere gaji mojō peru pērēbejarā neñukārē opagu, su mojōma pere gaji mojō peru pērēbejari sīāgori yuku watope waagorenagū āārā. ² Yu, āārīpereri musā iririre masīpeokōāa. Musā buro moārīrē, ñerō tarikererā musā yure gūñaturarire, ñerārē musā ĩāduabirire masīa. Gajirā ĩgūsā basi: “Jesús buedoregu beyenerā āārā”, ārīkererā, keoro buebema. Musā ĩgūsā iririre ĩārā: “Ārīkatori merā buema”, ārī masīa. ³ Yaare musā moārī waja ñerō tarikererā, yure neō piribea. Irire gariborero marīrō yāa.

⁴ Musā òārō irikeremakū, gajire musārē āsū ārī weregura. Musā yure neōgorague mañugāderosū iribea. ⁵ Irasirirā dapagorare musā ñerō waadeare gūñaka! Musā ñerī iririre bujawereka! Musā gūñarīrē gorawayuka! Ōārī gapure irika doja, musā iripuroriderosūta! Musā ñerī iririre piribirimakū ĩāgū, musāyagu sīāgodire āikōāgura. ⁶ Musā yure neōgorague mañugāderosū iribirikererā, i òārī gapure iribu. Nicolaita wāikuri bumarā ñerō iririre musā neō gāamebea. Yude irire neō gāamebea.

⁷ Musā gānipūrī oparā, Ōāgū deyomarīgū yure buremurī buri marārē wererire òārō péka! Āsū ārīmi Ōāgū deyomarīgū yure buremurārē: “Āārīpererā Jesúre buremurīrē pirimerārē umugasigue paraíso wāikurogue Marīpuya poemu dukare baadoregura”, ārīmi. Irigu perebiri okari sīdi* āārā. I āārīpererire gojaka, yaarā Efesogue āārīrārē! ārīmi yure Jesucristo.

* **2:7** Sugu ūma birarimasā gajirā nemorō ūmagū, olivo wāikudima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmumurā. I irirosū, sugu Jesúre buremugū masaka ĩgūrē wējekeremakū, Jesúre buremurīrē neō piribi, umugasigue perebiri okari wajatagukumi. Iri umugasigue perebiri okari wajatari, i berore wajatari irirosū āārā.

Juan Esmirna marārē gojadea

⁸ Jesucristo irire ārī odo, āsū ārīnemomi:

—Esmirna marā yure b̄remurārē, ĩgūsārē yaare weregudere āsū ārī gojaka!

Y_u neōgorague āārīpereri i ūmumarē āārīmakū iridi, p̄r̄ugure i āārīpererire peremakū iribu āārā. Y_u boa, dupaturi masāgū āārā. ⁹ Y_u, āārīpereri m̄sā ñerō taririre, boporā āārīr̄rē masīpeokōāa. Irasū boporā āārīkererā, Marīp̄yare masīsīā, wāri ūmugasima ōārīrē opāa. Gajire y_u masīa. Gajirā m̄sārē ĩaturirā m̄sārē ñerī kere ārīma. ĩgūsā: “Gua judío masaka āārīsīā, Marīp̄yarā āārā”, ārīma. Irasū ārīkererā, ĩgūyarā āārībema. Wātēa op̄u Satanārē b̄remurī bumarā āārīma. ¹⁰ M̄sā ñerō tariburire gūibirikōāka! Wātī m̄sārē yure b̄remurīrē pirimakū iriduḡu surāyeri m̄sārē peresugue biadobomakū irigukumi. Pe mojōma n̄rīta ñerō tarirākoa. ĩgūrē b̄remurā m̄sārē wējēkeremakū, yure b̄remurīrē neō piribirikōāka! P̄r̄u y_u p̄rogue m̄sārē y_u merā perebiri okarire sīgukoa.

¹¹ M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Āārīpererā yure b̄remurīrē pirimerā, perebiri peamegue neō waabirikuma”, ārīmi. Irasiriḡu iri āārīpererire gojaka, yaarā Esmirnague āārīrārē! ārīmi yure.

Juan Pérgamo marārē gojadea

¹² Jesucristo irire ārī odo, āsū ārīnemomi doja:

—Pérgamo marā yure b̄remurārē, ĩgūsārē yaare weregudere āsū ārī gojaka!

Y_u sareri majī, pe gap̄u usiri majīrē opaḡu āārā. ¹³ M̄sā āārīr̄rē masīpeokōāa. Satanás m̄sāya makā marā op̄u āārīmi. ĩgūsā Satanārē b̄remukeremakū, m̄sā gap̄u yure b̄remua. ĩgūsā m̄sā merām̄ Antipare Marīp̄ya kerere ōārō weredire wējēma. ĩgūrē wējēmakū ĩakererā, m̄sā yure b̄remurīrē neō piribea.

¹⁴ M̄sā yure b̄remurīrē piribirikeremakū, gajino m̄sārē āsū ārī weregura. Surāyeri m̄sā merāmarā Balaāya buedeare iritayama. Iripoegue Balaam āsū ārīdi āārīmī, Israel bumarārē ĩaturirā op̄re Balac wāikuḡu: “Israel bumarārē tarinugāduḡu, ĩgūsārē m̄sā merā gāmesurimakū irika, m̄sā irinarīrē iritayaburo, ārīgū!” ārīdi āārīmī. Irasirirā Israel bumarā ĩgūsā merā gāmesurirā, keori weadea p̄ro baari p̄ideare baanerā āārīmā. Ñerō gāmebiranerā āārīmā. ¹⁵ ĩgūsā irirosūta gajirā m̄sā merāmarā Nicolaita wāikuri bumarā buerire iritayama. Iri buerire neō piridubema. Y_u gap̄u irire neō gāamebea. ¹⁶ Irasirirā m̄sā ñerī iririre b̄jawereka! M̄sā gūñarīrē gorawayuka! M̄sā gorawayubirimakū ĩāgū, gūñaña marīrō m̄sā p̄rogue waa, yaa disigue sareri majī opari majī merā m̄sārē wajamoāgura.

¹⁷ M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Ñerō iridorerānorē tarinugāgūrē maná wāikuri ūmugasima baarire sīgura. Ĕtāye boreriyedere sīgura ĩgūrē. I ūtāye maama wāirē y_u gojatúdeaye āārīrokoa. Gajirā iri wāirē neō masībirikuma. Iri ūtāyere āīgū dita masīgukumi”, ārīmi. Irasiriḡu iri āārīpererire gojaka, yaarā Pérgamogue āārīrārē! ārīmi yure.

Juan Tiatira marārē gojadea

¹⁸ Jesucristo irire ārī odo, āsū ārīnemomi doja:

—Tiatira marā yure b̄remurārē, ĩgūsārē yaare weregudere āsū ārī gojaka!

Y_u, Marīp̄u magū āārā. Yaa koye peame ūjūrī pūrā irirosū gosea. Yaa guburi bronze wāikuri kōme t̄mudea irirosū gosea. ¹⁹ Y_u āārīpereri m̄sā iririre masīpeokōāa. M̄sā yure maīrī, yure b̄remurī, gajirārē iritamurī, ñerō tarikererā m̄sā yure gūñaturarire masīa. Neōgorague m̄sā ōārō iridero nemorō dapagorare ōārō irirā yāa.

²⁰ Músã òãrõ irikeremakũ, gajino músãrẽ àsũ ãrĩ weregura. Jezabel wãikugo: “Marĩpuyare werego ããrã”, ãrĩkatogo músã watopegue ããrĩmo. Músãrẽ igo ñerõ buemakũ pékererã, igore: “Gua merã ããrĩbirikõãka!” neõ ãrĩbea. Igo ãrĩkatori merã buego, yure moãboerãrẽ ñerõ gãmebiramakũ yámo. Keori weadea puro baari pídeare ìgũsãrẽ baamakũ yámo. ²¹ Irinugue igore, igo ñerõ iririre bujawere, gorawayudore-adibũ. Igo gapũ neõ gorawayuduabemo. Igo ñerõ gãmebirarire neõ piriduabemo. ²² Irasirigũ igore, igo merã ñerõ irinerãdere pũrĩrikũmakũ irigura. Igo merã ñerõ irideare ìgũsã bujawere, piribirimakũ, ìgũsãrẽ buro ñerõ tarimakũ irigukoa. ²³ Igo pũrãdere wẽjẽgura. Yũ irasũ irimakũ ìãrã, ããrĩpererã yure buremurã: “Ìgũ marĩ gũñarĩrẽ, marĩ haribejaridere masĩpeokõãmi”, ãrĩrãkuma. “Ããrĩpereri marĩ iririkũrere ìã, keoro irigukumi. Ñerõ irirãrẽ wajamoãgukumi. Òãrõ irirã gapure òãrõ irigukumi”, ãrĩ masĩrãkuma. ²⁴ Surãyeri músã Tiatira marã igoya buerire, wãtẽa opu Satanáyama yayeridere gããmebea. Irasirigũ yũ músãrẽ gajino dorenemobirikoa. ²⁵ I ditare dorea músãrẽ. Yũ buerire músã masĩdeare neõ mérõgã piribirikõãka! Yũ músã puro aarimakũguedere òãrõ irinĩkõãka!

²⁶ Yũ músã pũroge aarigũ, òãrĩrẽ irirãrẽ, yũ dorerire irinĩrãrẽ i ãmũ marãrẽ dorerã ããrĩmakũ irigura. ²⁷ Yũpũ yure, Opu sóoderosũta, yũde músãrẽ, oparã sóogura. Irasirirã kõmegũ merã, sorori ðiari merã weadea sororire pámutũrõsũ i ãmũ marãrẽ turaro merã dorerãkoa. Irasirirã músã dorerire neõ tarinũgãbirikuma. ²⁸ Yũ gajidere àsũ irigura. Neñukãmũ boyodiru òãrõ boyoro irirosũ ããrĩgũ, músãrẽ maama perebiri ãmũ pígukoa. ²⁹ Músã gãmipũrĩ oparã, Òãgũ deyomarĩgũ yure buremurĩ buri marãrẽ wererire òãrõ péka! ãrĩ gojaka, yaarã Tiatirague ããrĩrãrẽ! ãrĩmi yure.

3

Juan Sardis marãrẽ gojadea

¹ Jesucristo irire ãrĩ odo, àsũ ãrĩnemomi doja:

—Sardis marã yure buremurãrẽ, ìgũsãrẽ yaare weregudere àsũ ãrĩ gojaka!

Yũ, Òãgũ deyomarĩgũ su mojõma pere gaji mojõ peru pẽrẽbejari turari* opãa. Irasũ ããrĩmakũ, su mojõma pere gaji mojõ peru pẽrẽbejarã neñukãdere opãa. ããrĩpereri músã iririre masĩpeokõãa. Músã: “Marĩpuyare òãrõ yãma”, ãrĩsũrã ããrã. Irasũ ããrĩkererã, boanerã irirosũ, ìgũyare neõ koero iribebea. ² Irasirirã òãrõ pémasĩka! Músã òãrĩ iriri ðuyarigãrẽ piriro marĩrõ òãrõ irika! Irire iribirimakũ, músã òãrĩ iriri pereakõãrokoa. Yũ, músã iririre ìãa. Yũpũ ìũrõguere òãrõ iripeobebea. ³ Yũpũyare gajirã músãrẽ buedeare gũñaka! Irireta dupaturi irituyaka doja! Músã ñerĩ iririre pirika! Irasũ iribirimakũ, gũñaña marĩrõ yajarimasũ aarirõsũ, gũñaña marĩrõ músãrẽ wajamoãgũ aarigukoa.

⁴ Irasũ ããrĩkeremakũ, surãyeri músã watopere ñerõ irirãrẽ ìãkũlbema. Marĩpuyare irituyarã ããrĩsã, ìgũsãya surĩ gũraritũmerã irirosũ ããrĩma. Irasirirã ñerõ iridea wajare opamerã, boreri surĩ sãñarã yũ merã waagorenarãkuma. ⁵ ããrĩpererã piriro marĩrõ Marĩpuyare irirã irasũta surĩ òãrõ boreri sãñarã yũ puro ããrĩrãkuma. Yũ merã perebiri okari opamurã wãrẽ gojatũri pũgue ìgũsã wãrẽ gojatũdeare neõ koebirikoa. Koeronorẽ irigũ, Yũpũ, ìgũrẽ wereboerã ìũrõguere: “Yaarã ããrĩma”, ãrĩgukoa. ⁶ Músã gãmipũrĩ oparã, Òãgũ deyomarĩgũ yure buremurĩ buri marãrẽ wererire òãrõ péka! ãrĩ gojaka, yaarã Sardigue ããrĩrãrẽ! ãrĩmi yure.

Juan Filadelfia marãrẽ gojadea

⁷ Jesucristo irire ãrĩ odo, àsũ ãrĩnemomi doja:

* **3:1** “òãgũ deyomarĩgũ su mojõma pere gaji mojõ peru pẽrẽbejari turari opagũ ããrĩmi”, ãrĩrõ: “òãgũ deyomarĩgũ ããrĩpereri turari opagũ ããrĩmi”, ãrĩduaro yãa. Iri pũgue “su mojõma pere gaji mojõ peru pẽrẽbejari”, ãrĩrõ: “ããrĩpereri”, ãrĩduaro yãa.

—Filadelfia marã yure buremurãrẽ, ãgũsarẽ yaare weregũdere ãsũ ãrĩ gojaka!

Yũ ñerĩ opabi, diayeta weregũ ããrã. Yũ, iripoeguemu opũ David dorederosũ turari merã doregũkoa. Iri turaro merã doreri, sawire opari irirosũ ããrã. Irasirigũ, yũ tũpãmakũ neõ gajigũ biamasĩberosũ, yũ iridoremakũ kãmutamasĩbemi. Yũ biamakũdere neõ gajigũ tũpãmasĩberosũ, yũ iridorebirimakũ irimasĩbemi. ⁸ Yũ ããrĩpereri musã iririre masĩpeokõãa. Musã mérõgã turari opakrerã, yaa buerire õãrõ iritũyãa. Gajirã, musã yaarã ããrĩrĩ waja musãrẽ ñerõ iridũakeremakũ: “Jesúre masĩbea”, neõ ãrĩbea. Irasirigũ yũ musãrẽ su makãpũro tũpãnũmakũ, neõ sugũ biamasĩberosũ, yũ musãrẽ yaamarẽ iridoremakũ, musãrẽ kãmutamasĩbemi. ⁹ Gajirã musã pũro ããrĩrã: “Gũa judío masaka ããrĩsĩã, Marĩpũyarã ããrã”, ãrĩkererã, ãgũyarã ããrĩbema. ãrĩkatorimasã, wãtẽa opũ Satanãrẽ buremurĩ bumarã ããrĩma. Irasirigũ ãgũsarẽ musãya guburi pũro buremurĩ merã ejamejãjamakũ irigũra. Yũ irasirimakũ ããrã, yũ musãrẽ maĩrĩrẽ ããmasĩrãkuma. ¹⁰ Yũ musãrẽ: “Neõ piriro marĩrõ yaare irika!” ãrĩdeare õãrõ irirã yãa. Irasirigũ, ããrĩpererã i ãmũgue ããrĩrã iririkũrere ããbu, ãgũsarẽ ñerõ tarimakũ irigũ, musãrẽ õãrõ koregũra.

¹¹ Mérõ dũyãa, yũ i ãmũgue dupaturi aariburo. Irasirirã yaare musã masĩdeare neõ kãtibirikõãka! Piriro marĩrõ irire irinĩkõãka, musã wajataburire ãmarĩ, ãrĩrã! ¹² Õãrõ yaare iritariwere, irire pirimerãnorẽ Yũpũ pũroque ããrĩmakũ irigũra. ãgũsã ãgũya wiima borari ããrĩrõsũ ãgũ pũro ããrĩnĩkõãrãkuma. Yũpũ wãrẽ ãgũsãguere gojagũkoa, ãgũyarã ããrĩrĩrẽ ãmubu. ãgũya makã wãidere gojagũkoa. ãgũya makã, maama makã Jerusalén wãikũa. Iri makã ãmũgasigue merã dijariri makã ããrĩrokoa. Yũde ãgũsarẽ yũ wãĩ, maama wãrẽ gojagũkoa. ¹³ Musã gãmpĩrĩ oparã, Õãgũ deyomarĩgũ yure buremurĩ buri marãrẽ wererire õãrõ péka! ãrĩ gojaka, yaarã Filadelfiague ããrĩrãrẽ! ãrĩmi yure.

Juan Laodicea marãrẽ gojadea

¹⁴ Jesucristo irire ãrĩ odo, ãsũ ãrĩnemomi doja:

—Laodicea marãrẽ yure buremurãrẽ, ãgũsarẽ yaare weregũdere ãsũ ãrĩ gojaka!

Yũ ãrĩrõsũta irigũ ããrã. Irasirigũ diayeta weregũ, Yũpũya kerere keoro weregũ ããrã. Yũpũ, yũ merã ããrĩpereri i ãmũmarẽ iridi ããrĩmĩ. ¹⁵ Yũ ããrĩpereri musã iririre masĩpeokõãa. Musã yure buremumerã, õãrõ buremurã ããrĩbea. Mérõgã yure buremurĩ opãa. Irasirigũ yũ musãrẽ irasũ ããrĩnemobirimakũ gããmea. ¹⁶ Yũ, musã mérõgã buremurĩ oparire doogorãa. Irasirigũ gajino ñerĩrẽ dokabéodũagu irirosũ musãrẽ béodũagu ããrã. ¹⁷ Yũ musãrẽ irasũ iridũakeremakũ, musã gapũ ãsũ ãrĩ werenĩa: “Wãri opãa”, ãrã. “ããrĩpereri õãrõ waãa, ããrĩpereri gũa gããmerĩrẽ opakõãa”, ãrã. Irasũ ãrĩkererã, yũ ããrõ neõ gajino opamerã, boporã, surĩ marĩrã, koye ããmerã irirosũ ããrã. Musã buremurĩ opamerã ããrĩrĩrẽ masĩbea. ¹⁸ Irasirigũ musãrẽ: “Wãri oparã ããrã”, ãrĩ péñarãrẽ ãsũ ãrĩ weregũra. Oro peamegue soe ãmuadea yũ oparire wajarika, wãri opamurã! Iri õãrĩ oro oparã irirosũ ããrĩrã, yure õãrõ buremurĩ oparãkoa. Surĩ boreri yũ oparidere wajarika, surĩ marĩrõ ããrĩbukoa, ãrĩrã! Musã irire sãñarã irirosũ ããrĩrã, musã ñerĩ irideare pirirã, gũyasĩrĩrõ marĩrõ ããrĩrãkoa. Irasũ ããrĩmakũ, koye piuri kũdere wajarika, õãrõ ããmurã. Musã irire piuanerã irirosũ ããrĩrã, Marĩpũyare õãrõ ããmasĩrãkoa.

¹⁹ Musãrẽ ããrĩpererã yũ maĩrãrẽ ñerĩrẽ irinemobirikõãburo, ãrĩgũ, pũrĩrõ páro irirosũ werea. Irasirirã yaare buro gããmekã! Musã ñerĩ irideare bujawere, irire pirika! ²⁰ Õãrõ péka! Yũ musã merã ããrĩdũagu, sugũ makãpũro ejanũgã oenĩgũ irirosũ ããrã. Sugũ yure pégu, õãrõ merã makãpũro tũpãsóogũ irirosũ ããrĩmĩ. Irasirigũ yũ ãgũ merã õãrõ usũyanĩkõãgũkoa. ãgũde yũ merã usũyanĩgũkumi. ²¹ Õãrĩrẽ iritariwererãnorẽ yũ doaro tũroque doamakũ irigũra, yũ merã doreburo, ãrĩgũ. Yũ ããrĩrẽ iritariwere, Yũpũ merã Opũ doarogue doarosũ, yũde ããrĩrẽ irirãrẽ iroque doamakũ irigũra. ²² Musã gãmpĩrĩ

oparã, Õãgũ deyomarĩgũ yũre bũremurĩ buri marãrẽ wererire õãrõ péka! ãrĩ gojaka, yaarã Laodiceague ããrĩrãrẽ! ãrĩmi Jesucristo yũre.

4

Juan ãmugasigue Marĩpũre bũremurãrẽ ããdea

¹ Pũrũ ãmugasigue ããmu, tũpãdea makãpũrore ããbũ. Puriduru turaro bũsũro irirosũ werenĩpũroridi dupaturi turaro werenĩrĩ bũsũrore pébũ. ãsũ yũre ãrĩmi:

—Õõgue mũrĩrika! Pũrũgue yũ waamakũ iriburire mũrẽ ãmugũra. Yũ ãrĩderosũta waarokoa, ãrĩmi.

² Ìgũ irasũ ãrĩ wereadero pũrũ, mata Õãgũ deyomarĩgũ ãgũ turari merã yũre ãmugasigue ãĩmũrĩãmi. Irogue mũrĩjagũ, sugũ Opũ doarogue doagũre ããbũ. ³ Ìgũ, jaspe, cornalina wãĩkũri yeri ãtãyeri goserosũ õãrõ gosesirigũ ããrĩmĩ. Õãrõ gosesiriri bero, esmeralda wãĩkũriye irirosũ gosesiri bero dekogue doami. ⁴ Ìgũ doaro tũrore su bero veinticuatro oparã doari ããrĩrĩ berore ããbũ. Iri doariguere veinticuatro gora oparã mũrã doama. Boreri surĩ sãñama. Ìgũsã peyari berorĩde oro berorĩ ããrĩbũ. ⁵ Opũ doarogue merã bupu miã, bũro pámi. Iro doaro diaye su mojõma pere gajĩ mojõ peru pẽrẽbejari sĩãgori yuku ããrĩbũ. Iri yukukũta, Õãgũ deyomarĩgũ turari keori ããrĩbũ. ⁶ Gajĩ iro doaro diaye dia wãdiya diumajĩ gosesirirosũ ããrĩbũ. Õãrõ deko sũridiya irirosũ ããrĩbũ.

Iro doaro pũro gajirã wapikũrã okarã ããrĩmã. Ìgũsãya diapure, ãgũsãya pũrũpũrũre wãri koye opama. ⁷ Yũ ããpũroridi, ãõkaye irirosũ deyogũ ããrĩmĩ. Ìgũ pũrũmũ, wekũ irirosũ deyogũ ããrĩmĩ. Ìgũ pũrũmũ, masakũ irirosũ diapukũgũ ããrĩmĩ. Ìgũsã wũrerã pũrũmũ, gapãu ãgũ kẽdũpũri sẽẽgũ irirosũ deyomi. ⁸ Ìgũsã wapikũrãgueta su mojõma pere gajĩ mojõ suru pẽrẽbejari kẽdũpũri oparã ããrĩmã. Ìgũsãya kẽdũpũri pe gapũgueta wãri koye opabũ. Ñmũrikũ, ñamirikũ bayama. ãsũ ãrĩ bayama:

“Õãgũ, õãgũ, õãgũ Marĩpũ ããrĩpererã nemorõ turagũ, marĩ Opũ ããrĩmi.✠

Ìgũ neõgoragueta ããrĩsiadi ããrĩmĩ.

Dapagoradere irasũta ããrĩnĩkõãmi.

Pũrũguedere irasũta ããrĩnĩkõãgũkumi”, ãrĩ bayanama.

⁹ Irasũ bayarã, Marĩpũ turarire bayarã irima. Ìgũrẽ ããrĩpererĩnũrĩ ããrĩnĩgũrẽ: “Bũro hũsũyãa mũ merã”, ãrĩ bũremurã irima. ¹⁰ Ìgũsã irasũ baya bũremumakũ ããrã, veinticuatro oparã mũrã, ãgũ doarogue doagũ diaye ñadũkũpuri merã ejamejã, ãgũrẽ bũremuma. Ìgũ ããrĩpererĩnũrĩ ããrĩnĩgũ ããrĩmi. Irasũ bũremurã, ãgũsã peyari berorĩre ãgũ diaye meépeo, ãsũ ãrĩma:

¹¹ “Mũ, gũa Opũ turatarigũ, õãtarigũ ããrã. Gũa bũremugũ ããrĩkõãgũta yãa. Mũrẽ irasũta bũremunĩkõãrõ gããmea. ããrĩpererire iridi ããrã. Mũ gããmerõsũta i ããrĩpererire iribũ”, ãrĩma Marĩpũre.

5

Jesucristo oveja majĩgũ irirosũ ããrĩgũ su papera tũrũrẽ kuraburi

¹ Marĩpũre Opũ doarogue doagũre ãgũya diayema mojõ gapũ papera tũrũrẽ opagũre ããbũ. Iri tũrũ, pe gapũ gojadea tũrũ, su mojõma pere gajĩ mojõ peru pẽrẽbejarigora õãrõ wĩtãbiadea tũrũ ããrĩbũ. ² Marĩpũre wereboegũ turagũdere ããbũ. Ìgũ bũro bũsũro merã ãsũ ãrĩ sẽrẽñami:

—¿Noã ããrĩrĩ, gajirã nemorõ õãgũ i papera tũrũ wĩtãbiadeare kurabu? ãrĩmi.

³ Ɛmugasigue, i nikũgue, i nikũ poeka boanerã ããrĩrõguedere neõ sugũ iri tũrũrẽ kura, iri tũrũma gojadeare ããgũ mámi. ⁴ Irasirigũ iri tũrũrẽ kurabure ããgũ bokabirimakũ ããgũ, yũ bũro orebũ. ⁵ Yũ irasũ oremakũ ããgũ, sugũ, oparã mũrã watopemũ ãsũ ãrĩmi yũre:

—Iropata oreka! Iripoeguemu opũ David parãmi ããrĩturiagu iri tũrũrẽ su mojõma pere gaji mojõ peru pẽrẽbejarigora wĩtãbiadeare kuramasĩmi. ããgũ Judáya bumũ, ẽõkaye irirosũ turatarigũ ããrĩmi. ããgũrẽ ããturirãrẽ tarinũgãdi ããrĩmi, ãrĩ weremi yũre.

⁶ ããgũ irasũ ããrĩmakũ pẽgũ, Opũ doarogue doagũ diaye Jesucristo oveja majĩgũ irirosũ ããrĩgũ nímakũ ããbũ. ããgũ wapikũrã okarã, oparã mũrã watopegue ními. Oveja majĩgũ wẽjẽsũdi dupaturi okagũ irirosũ deyogũ ããrĩmĩ. Su mojõma pere gaji mojõ peru pẽrẽbejari kũsari, irikũta koyedere opami. Iri kũsari, koye: Õãgũ deyomarĩgũ turari, ããgũ masĩpeori keori ããrã. Marĩpũ, Õãgũ deyomarĩgũrẽ ããrĩperero i nikũguere iriudi ããrĩmi. ⁷ Jesucristo oveja majĩgũ irirosũ ããrĩgũ, Opũ doaro pũrogue e jagũ, iro doagũre ããgũya diayema mojõ gapũ opadea tũrũrẽ ããmi. ⁸ ããgũ irire ããmakũ ããrã, wapikũrã okarã, veinticuatro oparã mũrãde ããgũ oveja majĩgũ irirosũ ããrĩgũ diaye ããgũsãya ããdukũpuri merã ejamejã, ããgũrẽ bũremuma. ããgũsãkũ arpa wãikũri bũapũtẽrĩrẽ, oro merã iridea paridere opama. Iri pari sũrõrĩ utũrĩrĩpari dita ããrĩbũ. Iri sũrõrĩ Marĩpũyarã ããgũrẽ sẽrẽdea ããrĩbũ. ⁹ Irasũ ããgũrẽ bũremurã, maama bayarire ãsũ ãrĩ bayapeoma:

Mũ wẽjẽsũdi ããrã. Boagũ, mũya dí béori merã masaka ããrĩ iridea wajare wajaribosabũ, ããgũsã Marĩpũyarã ããrĩburo, ããrĩgũ. ããrĩpereri buri marãrẽ, ããgũsã ya werenĩrãrẽ, ããrĩpererogue ããrĩpereri nikũ marãrẽ ããgũsã ããrĩrẽ iridea wajare wajaribosabũ. Irasirigũ iri tũrũrẽ ãã, wĩtãbiadeare kuramasã.

¹⁰ Marĩpũyarãrẽ: oparã, paía masakaya ããrĩburire ããgũrẽ sẽrẽbosarã ããrĩmakũ iribũ, ããgũ dorerire iriburo, ããrĩgũ. Irasirirã i ẽmũ ããrĩpererogue ããrĩrãrẽ dorerãkuma, ããrĩma.*

¹¹ Pũrũ ẽmugasigue ããmũ, Marĩpũre wereboerã wãrã werenĩmakũ pẽbũ. Opũ doaro, irasũ ããrĩmakũ wapikũrã okarã, veinticuatro oparã mũrã tũro nígoroama. ããgũsãrẽ keo bokatĩũña marĩbũ. ¹² Turaro merã ãsũ ãrĩ bayapeoma:

Oveja majĩgũ, ããgũsã wẽjẽdi, dupaturi okagũ, õãtarigũ ããrĩmi. Irasirirã ããgũrẽ: “ããrĩpererãrẽ doregũ, ããrĩpererire opagũ, masĩpeogũ, turatarigũ, marĩ goepeyari merã bũremugũ, gosesiriri merã deyogũ, õãtarigũ ããrĩmi”, ããrĩ, ẽsũyari sĩburo, ããrĩma.*

¹³ Pũrũ gajirã bayapeomakũ pẽbũ. ããgũsã ããrĩpererã Marĩpũ irinerã ããrĩmã: Ɛmugasigue ããrĩrã, i nikũgue ããrĩrã, i nikũ poeka boanerã ããrĩrõgue ããrĩrã, dia wãdiyague ããrĩrã ããrĩmã. ããrĩperero i ẽmũguere ããrĩrã ããrĩmã. ããgũsã ããrĩ bayapeoma:

Opũ doarogue doagũre: “Õãtarigũ, marĩ goepeyari merã bũremugũ, gosesiriri merã deyogũ, turatarigũ ããrĩmi”, ããrĩ bũremuburo.

Irasũ ããrĩmakũ, oveja majĩgũ irirosũ ããrĩgũdere irasũta piriro marĩrõ ããrĩpererinũrĩ bũremuburo, ããrĩma.

¹⁴ ããgũsã irasũ ããrĩmakũ pẽrã, wapikũrã okarã: “Irasũta ããrĩburo”, ããrĩma. Irasirirã veinticuatro oparã mũrã ããdukũpuri merã ejamejã, ããgũrẽ ããrĩnĩgũrẽ ããrĩpererinũrĩ ẽsũyari sĩma.

6

Jesucristo oveja majĩgũ irirosũ ããrĩgũ papera tũrũ wĩtãbiadeare kurawãgãdea

¹ Pũrũ Jesucristo oveja majĩgũ irirosũ ããrĩgũ papera tũrũ ããgũ ããdea tũrũ wĩtãbiapũroriderore kuramakũ ããbũ. ããgũ kuradero pũrũ, sugũ, wapikũrã okarã watopemũ yũre: “ããgũ aarika!” ããrĩmakũ pẽbũ. Irasũ ããrĩgũ, bupu bũro bũsũrosũ werenĩmi.

* 5:10 Ex 19.6; Ap 1.6; 20.6 * 5:12 Jn 1.29; 1 Co 5.7

² Īgũ irasũ ārãdero pũũ, caballu boregũre iãbu. Īgũ weka peyagũ sĩrĩturore opami. Marĩpũ Īgũrẽ opũ peyari berore sĩmi. Irasirigũ Īgũrẽ iãturirãrẽ gãmekẽã tarinũgãgũ ããrĩsĩã, dupaturi gãmekẽã tarinũgãgũ waami doja.

³ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pébu. ⁴ Īgũ irasũ ārãdero pũũ, gajigũ caballu diiagũ wirimi. Marĩpũ Īgũ weka peyagũre turarire sĩmi. Iri turari merã i ãmũgue ããrĩrãrẽ Īgũsã basi siñajãrĩ opanemobirimakũ irimi. Wãri majĩ sareri majĩrẽ Īgũrẽ sĩmi. Irasirigũ Īgũsãrẽ gãmewẽjẽmakũ irimi.

⁵ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pébu doja. Īgũ irasũ ārãdero pũũ, gajigũ caballu ñĩgũrẽ iãbu. Īgũ weka peyagũ ñũkũrĩ keorore opami.

⁶ Pũũ wapikũrã okarã watopegue sugũ ãsũ ãrĩ werenĩmakũ pébu:

—Baari pereakõãrokoa. Irasirirã masaka trigo yerire su kilota, sunũ moãrĩ waja merã wajarirãkuma. Sunũ moãrĩ waja merã cebada yeridere ure kilota wajarirãkuma. Uye, igui deko* gapũre peremakũ iribirikõãburo, ãrĩmi.

⁷ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pébu. ⁸ Īgũ irasũ ãrĩmakũ pégu, diiaweya borewijigũ caballure iãbu. Īgũ weka peyagũ masakare boamakũ irigũ ããrĩsĩã: “Boari” wãikũmi. Īgũ pũũ gajigũ “Boanerã ããrĩrõ” wãikũgu aarimĩ. Jesucristo oveja majĩgũ irirosũ ããrĩgũ Īgũsã pẽrãrẽ ããrĩperero i nikũguere surãyeri masakare wẽjẽdoremi. Gãmewẽjẽrĩ merã, ãboari merã, pũrĩrikũri merã, waimũrã makãnũũ marã guarã merã, surãyeri masakare wẽjẽburire pími. ããrĩpererã masaka wapikũri buri dukawa, keomakũ, su bumarã keoropa ããrĩrãrẽ wẽjẽdoremi.

⁹ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, Marĩpũre sĩdea soepeoro doka, Jesucristore bũremurã wẽjẽsũnerãya yũpũrãrĩrẽ iãbu. Īgũsã Īgũya kerere weredeã waja, irasũ ããrĩmakũ Īgũyare piribiridea waja wẽjẽsũnerã ããrĩmã. ¹⁰ Īgũsã turaro merã Marĩpũre ãsũ ãrĩma:

—Gũũ Opũ, mũ õãtarigũ, ñerĩ marĩgũ ããrã. Mũ: “Ãsũ irigũra”, ãrĩdeare diayeta irigũ ããrã. ¿Naásũ ããrĩmakũ i ãmũ marãrẽ wajamoãgũkuri, Īgũsã gũare wẽjẽdeã waja? ãrĩma.

¹¹ Pũũ Īgũsãrẽ boreri surĩ, yoarire sĩmi. ãsũ ãrĩmi:

—Siñajãka dapa! Gajirã mũsãyarã Jesucristore bũremurã Īgũya kere wereri waja mũsã irirosũ wẽjẽsũrãkuma. Īgũsãrẽ wẽjẽpeoburo méréo dũyãa, ãrĩmi.

¹² Pũũ Jesucristo oveja majĩgũ irirosũ ããrĩgũ gajiro wĩtãbiaderore kuramakũ iãbu doja. Ireore kuramakũ, nikũ bũro ñomebu. Abe ãmũmũ goero ñĩgũ waami. Kó surĩro ñĩrõ sãñarõ irirosũ deyogu waami. Abe ñamimũ goero diiagũ, dí irirosũ deyogu waami. ¹³ Neñukãde ãmũgasigũ ããrãnerã, nikũgue yuridijakõãma. Yukũbu dukare mirũ bũro wẽjãpu bura dijurosũ yuridijama. ¹⁴ Irasiriro papera pũrẽ tũrãbéo dedeuosũ, ãmũgasi dederiakõãbu. ããrĩpereri ãtãyuku, ñũgũrĩde gajirogue waabu. ¹⁵ Irasũ waamakũ iãrã, i ãmũ marã oparã ãtãyukuma goberigũ, ãtãyeri watopegue durirã waama. Gajirã: surara oparã, wãri doebiri oparã, turari merã dorerã, ããrĩpererã moãrĩmasã, moãrĩmasã ããrĩmerãde irogueta duriadima. ¹⁶ Irasũ durirã, ãtãyukure, ãtãyeridere ãsũ ãrãdima:

—Gũũ weka yuridijarikõãka! Kãmutaka, Opũ doarogue doagũ gũare bokabirikõãburo. Kãmutaka, oveja majĩgũ irirosũ ããrĩgũ gũare bũro wajamoãbirikõãburo. ¹⁷ Īgũ gũare wajamoãrĩnũ ejasiãã. ¿Noã bokatũbũkuri ire? ãrĩ gaguinĩma.

* **6:6** Masaka olivo wãikũdima dukã aceitunas wãikũri dukare bipirã, uye opakuma Īgũsã baaburire. Iguida dukare kũrabipirã, igui deko opakuma Īgũsã iiriburire. Irasirigũ sugũ wapikũrã okarã watopeguemũ: “ũye, igui deko gapũre peremakũ iribirikõãburo”, ãrĩgũ: “Olivo wãikũri yuku, iguidarire poyanorẽbirikõãburo”, ãrĩ werenĩmi.

7

Israel bumarāya diapuserorire Marīpɛ wāi tuusūnerāyare weredeā

¹ Pɛɛ wɔpikɛrā Marīpɛ wereboerārē īābɛ. Sugɛ norte gapɛ, gajigɛ sur gapɛ, gajigɛ abe mɛrīriro gapɛ, gajigɛ abe ņajārō gapɛ nīma, mirū wējāpubirimakū irimurā. Irasiriro i nikūgue, dia wādiyaguedere neō mirū wējāpubiribɛ. Neō sugɛ yukɛre mirū wējāpubiribɛ. ² Īgūsā i nikūrē, dia wādiyadere poyanorēdoresūnerā āārīmá. Pɛɛ gajigɛ Marīpɛ wereboegure īābɛ doja. Īgū abe mɛrīriro gapɛ aarimí. Marīpɛ okanígūya wāi tuuyariñerē opami. Gajirā Marīpɛ wereboerā wɔpikɛrārē turaro merā āsū ārī wereními:

³—I nikū, dia wādiya, yukure poyanorēbirikōāka dapa! Marī Opɛre moāboerārē Īgūsāya diapuserorire Īgū wāi tuuadero pɛɛ, irire poyanorēka! ārīmi.

⁴ Pɛɛ Īgū werenímakū pébɛ. Āsū ārīmi: “Ciento cuarenta y cuatro mil masaka Israel parāmerā āārīturiari buri marā Īgūsāya diapuserorire Marīpɛ wāi tuusūnerā āārīmá”, ārīmi. ⁵ Īgūsā āārīnerā āārīmá:

Judáya bumarā doce mil, Rubēya bumarā doce mil,
Gadya bumarā doce mil, ⁶ Aserya bumarā doce mil,
Neftalíya bumarā doce mil, Manaséya bumarā doce mil,
⁷ Simeōya bumarā doce mil, Levíya bumarā doce mil,
Isacarya bumarā doce mil, ⁸ Zabolōya bumarā doce mil,
Joséya bumarā doce mil, Benjamíya bumarā doce mil
āārīnerā āārīmá.

Wárā surí boreri sāñarāyare weredeā

⁹ Pɛɛ wárā masakare īābɛ. Surāyeri āārīpereri buri marā, Īgūsā ya werenírā, āārīpererogue āārīpereri nikū marā āārīmá. Īgūsā, Marīpɛ, Opɛ doarogue doagɛ diaye, Jesucristo oveja majīgū irirosū āārīgú diaye nīma. Īgūsārē keo bokatīūña marībɛ. Surí borerire sāñama. Mujī pūrīrē opama. ¹⁰ Īgūsā āārīpererā turaro merā āsū ārī gaguiníma: Marīpɛ marīrē taugɛ āārīmi. Īgū, Opɛ doarogue doagɛ āārīmi. Jesucristo oveja majīgū irirosū āārīgúde marīrē taugɛ āārīmi, ārīma.

¹¹ Āārīpererā Marīpɛ wereboerā Opɛ doarogɛ, irasū āārīmakū oparā mɛrā, wɔpikɛrā okarā tɛro nígoroama. Marīpɛ irogue doagɛre bɛremurā, Īgū diaye ņadukɛpuri merā ejamejā, Īgūsāya diapurire yebague moomejāma. ¹² Āsū ārīma:

Marī Opɛre: “Ōātarigɛ, goesiriri merā deyogɛ, masīpeogɛ āārā, gɛa mɛ merā usuyáa”, ārī, usuyari sīrā!

“Mɛ, gɛa goepeyari merā bɛremugū, turatarigɛ, āārīpererārē doregɛ āārā”, ārīrā Īgūrē!

Āārīpererinurī irasū ārīnírā! Irasirirā: “Irasūta ārīburo”, ārī bɛremuma Īgūrē.

¹³ Pɛɛ sugɛ, oparā mɛrā watopemɛ yare sērēñami:

—¿Ñeémarāno āārīrī īīsā surí boreri sāñarā? ¿Noógue aarayuri? ārīmi.

¹⁴ Īgū irasū ārīmakū pégɛ, yɛ gapɛ Īgūrē yujubɛ:

—Yɛ opɛ, mɛ masíkoa, ārībɛ.

Yɛ irasū ārīmakū pégɛ, āsū ārīmi:

—I ūmɛ marā bɛro ñerō tariripoere Īgūsāde ñerō tarima. Īgūsā Jesucristo oveja majīgū irirosū āārīgúya dí béori merā Īgūsāya suríre koe, boreri surí waamakū irinerā irirosū āārīma. Irasū āārīrā, Jesucristore Īgūsārē boabosa, Īgūya dí béodire bɛremusīā, Marīpɛ Īūrōrē ñerīrē opamerā āārīma. ¹⁵ Irasirirā, Marīpɛ, Opɛ doarogue doagɛ diaye nīma, Īgū gāāmerōsū irimurā. Ɛmɛrikɛ, ñamirikɛ Īgūya wii ūmɛgasima wiigue Īgūrē bɛremuma. Īgū, Īgūsā merā irasū āārīnikōāmi Īgūsārē koregɛ. ¹⁶ Irasirirā neō dupaturi nabooanemobirikuma. Neō ñemesibusūnemobirikuma. Neō abe ūmɛmɛ Īgūsārē bɛro

asinemobirikumi. Gaji asiri ĩgūsārē neō ñerō tarimakū irinemobirikoā. ¹⁷ Oveja majĭgū irirosū āārĭgū, ĩgū doarogue doagū diaye nĭgū, ovejare korerimasū irirosū ĩgūsārē koregūkumi. Perebiri okari sĭrĭ deko* wiriri gobegue āāgūkumi. Irasirirā usuyari merā āārĭnĭkōārākuma. Marĭpū āārĭpereri ĩgūsā kōdeko wiririre niūgūkumi. Irasirirā neō dupaturi bujawereri merā āārĭbirikuma.

8

Papera tūrūrē wĭtābiatūnudea, sārōrĭ soemudiru oro merā irideare weredea

¹ Jesucristo oveja majĭgū irirosū āārĭgū, su mojōma pere gaji mojō suru pērēbejari papera tūrūrē wĭtābiadeare kura odoadero pūru, iri tūrūrē wĭtābiatūnuderore kurami. Irore kuramakū, āārĭperero ũmugasigue gajino neō busubiriakōābu. Su hora deko irasū waabu. ² Pūru su mojōma pere gaji mojō peru pērēbejarā Marĭpūre wereboerā ĩgū pūro nĭmakū ĩābu. ĩgūsākure puririduparure sĭmi. ³ Pūru gajigū Marĭpūre wereboegū sārōrĭ soemudiru oro merā iridirure opagū, Marĭpūre sĭdea soepeoro pūroguē waa ejanugājami. ĩgū iroguē nĭmakū, wáro sārōrĭrē sĭma. Iri sārōrĭ, āārĭpererā Marĭpūyarā ĩgūrē sērēdea merā morē soemuburi āārĭbū. Irasirigū, Marĭpū, Opū doarogue doagū diaye, oro merā iridea soepeorogue irire soemumi. ⁴ Iri sārōrĭ, soepeoro weka poósiri peo soemumakū, Marĭpū pūroguē ĩmĭkā, ĩgūyarā ĩgūrē sērēdea merā mūrĭākōābu. ⁵ Pūru Marĭpūre wereboegū i soepeoroma peamerē ĩgū soemudirugue āi poósā odo, i nikūguē poómeédijukōāmi. ĩgū irasū poómeédijumakūta, bupu miā, buro pámi. Irasū āārĭmakū, nikūde ñomebu.

Marĭpūre wereboerā puririduparure puridea

⁶ Pūru su mojōma pere gaji mojō peru pērēbejarā Marĭpūre wereboerā ĩgūsāya puririduparure āmurā irima.

⁷ Āārĭpūrorigū Marĭpūre wereboegū ĩgūyarure purimi. ĩgū puriadero pūru, deko yeri yusari yeri peame merā, dí merā morērĭ yeri nikūguē yuribu. Iri yeri yurimakūta, i nikū ũjūākōābu. I nikū deko ejaburogora ũjūtūnubu. Yukude, tá yasaride iropata ũjūbu.

⁸ Pūru gajigū Marĭpūre wereboegū ĩgūyarure purimi doja. ĩgū purimakū, wádi ũtāū irirosū deyodi, peame merā ũjūnĭdi, dia wādiyague mirūa dijabu. Irasiriro i nikū ũjūderopata wādiyama deko, dí poyakōābu. ⁹ Irasirirā āārĭpererā wādiya marā ure bu dukawamakū, su bumarā boakōāma. Doóriduparu wādiyague āārĭrĭde, iropata ũjūbu.

¹⁰ Pērā Marĭpūre wereboerā ĩgūsāya puririduparu puriadero pūru, gajigū Marĭpūre wereboegū ĩgūyarure purimi doja. ĩgū purimakū, wágū neñukāmu sĭāgori turu ũjūrĭ irirosū deyogu ũjū, mutādi nikūguere dijijami. ĩgū diariguere, deko wiriri goberiguere deko ejaburogora meémejāmi. ¹¹ ĩgū: “Sūĭgū” wāikumi. Deko ĩgū meémejādero ejatuario sūĭrĭ deko waabu. Irasū waadero pūru, iri dekore iirĭrā, wārā masaka boama.

¹² Ūrerā Marĭpūre wereboerā ĩgūsāya puririduparu puriadero pūru, gajigū Marĭpūre wereboegū ĩgūyarure purimi doja. ĩgū purimakū, abe ũmumu, ñamimude deko ejaburogora poyanorēma. Neñukāde iropata poyanorēma. Irasirigū abe, ũmūrē wapikari horagora neō boyobirimi. Ñamidere wapikari horagora abe ñamimu, neñukā neō boyobirima.

¹³ Pūru ũmarōguē ĩāmugū, gapáu wúwāgāgūrē ĩābu. ĩgū turaro merā āsū ārĭ werenĭmakū pébu:

* **7:17** San Juan 11.25: Jesús ārĭmi: —Yū boanerārē masāmakū irigu, ĩgūsārē okari sĭgū āārā. Yure buremugū boadigue āārĭkeregū, okagūkumi, ārĭmi. San Juan 14.6: Jesús ārĭmi doja: —Yū dita Yūru pūroguē waarĭ maa irirosū āārā. Yū diayema āārĭrĭrē masakare masāmakū irigu, ĩgūsārē okamakū irigu āārā. Yū merāta Yūru pūroguē waarākuma, ārĭmi. Irasirigū Jesús deko wiriri gobema perebiri okarire sĭrĭ deko irirosū āārĭmi. ĩgū merā ĩgūrē buremurā ĩgū Pagu pūro i perebiri okarire opamurā āārĭma.

—Ayó! Ayó! Ayó! Gajirã ɯrerã Marĩpũre wereboerã ãgũsãya puririduparure puribema dapa. ãgũsã irire puriadero pũɯ, ñetariro waarokoa i nikũgue ããrĩrãrẽ, ãrĩmi.

9

¹ Pũɯ wapikũrã Marĩpũre wereboerã ãgũsãya puririduparu puriadero pũɯ, gajigu Marĩpũre wereboegu ãgũyarure purimi doja. ãgũ purimakũ, neñukãmũ irirosũ deyogu ãmũgasigue ããrãdi i nikũgue yuriadire ããbũ. Bũro ãkũãrĩ gobema sawire ãgũrẽ sĩma. ² ãgũ iri gobere tũpãmakũ, wãri peamema ãĩmikã wiribũ. Iri ãĩmikã abe ãmũmũrẽ tuúbiatobũ. Irasiriro ãmarõgue naĩtĩãrõ waabũ. ³ Poreroa, ãĩmikã watopegue ããrãnerã, i nikũgue wãdijarima. Korebaba irirosũ toarã ããrĩmã. ⁴ Marĩpũ ãgũsãrẽ táre, yukure, gaji otedeare poyanorẽdorebirimi. “ãgũsãya diapuserorire yũ wãĩ tuuña marĩrãno ditare ñerõ tarimakũ irirãkoa”, ãrĩmi. ⁵ ãgũsãrẽ toawẽjẽdorebirimi. Su mojõmarã abegora ãgũsãrẽ bũro pũrĩmakũ iridoremi. Irasirirã korebaba toari pũrĩrõsũ ãgũsãrẽ pũrĩmakũ irima.

⁶ ãgũsãrẽ pũrĩripoere masaka bũro boadũadima. ãgũsã boadũakeremakũ, boamasĩña marĩbũ.

⁷ Poreroa, caballua gãmekẽãburi dupiyuro ãmu odoanerã irirosũ deyoma. ãgũsãya dipure oparã peyari berorí, oro merã iridea berorí irirosũ deyorire peyama. ãgũsãya diapuri masakaya diapu irirosũ deyobũ. ⁸ ãgũsãya poari, nomeya poañapu irirosũ ããrĩbũ. ãgũsãya guika, eõkayea guika irirosũ ããrĩbũ. ⁹ ãgũsãya koretibirire kõme merã iridea kãmutari suríro sãñanerã irirosũ ããrĩmã. ãgũsã wãmakũ, ãgũsãya kẽdupuri bũro bũsũbũ. Wãrã caballua tũrũrĩduparure ãgũsã gãmewẽjẽrõgue mumurõ merã tũãwãgãrã irirosũ bũsũbũ. ¹⁰ Korebaba irirosũ ãgũsãya pore merã toarã, masakare su mojõmarã abegora pũrĩmakũ irima. ¹¹ Poreroa opu, bũro ãkũãrĩ gobe opu ããrĩmi. ãgũ Marĩpũre wereboegu ããrĩdi ããrãdimi. Hebreo ya merã “Abadón” wãĩkãmi. Griego ya merã “Apolión” wãĩkãmi. “Apolión”, ãrĩrõ: “Ñerõ poyanorẽrĩmasũ”, ãrĩdũaro yãa.

¹² Poreroa masakare ñerõ pũrĩmakũ iriadero pũɯ, ñerõ taripũroridea pereakõãbũ. Iri pũɯ, pero ñerõ tariri dũyãa dapa.

¹³ Pũɯ su mojõmarã Marĩpũre wereboerã ããrãdinerãrẽ wiuka! ãgũsã dia wãdiya Eufrates wãĩkũdiyague suadobosũnerã ããrĩma, ãrĩmi.

¹⁵ Irasũ ãrĩmakũ pégũ, Marĩpũre wereboegu ãgũsã wapikũrãrẽ wiumi, wãrã masakare wẽjẽmurãrẽ. Irasirĩgu Marĩpũ ãgũsãrẽ: “I hora, inũ, ãĩ abe, i bojori ããrĩmakũ, wiusũrãkuma”, ãrĩderosũta keoro waabũ. Irasirirã ããrĩpererã i nikũgue masakare urre bu dukawamakũ, su bumarãrẽ wẽjẽrã waama. ¹⁶ ãgũsã merã wãrã surara caballua weka peyarã ããrĩmã. “ãgũsã ããrĩpererã doscientos millones surara ããrĩma”, ãrĩrĩrẽ pégũ.

¹⁷ Yũ kẽrõsũgue caballua, ãgũsã weka peyarãdere ããbũ. ãsũ deyoma: ãgũsãya koretibirire kõme merã iridea kãmutari suríro sãñanerã ããrĩmã. Iri kãmutari surí, diari, yasari, boreri surí deyobũ. Irasiriro peame ãjũrĩ, ãtãye jacinto wãĩkũriye, azufre wãĩkũri poga irirosũ deyori ããrĩbũ. Caballua dipu eõkayea dipu irirosũ deyobũ. ãgũsãya disirigue peame, ãĩmikã, azufre wãĩkũri poga ãjũrĩ ãĩmikãde wiribũ. ¹⁸ Irasirirã caballua ãgũsãya disi wiriri: peame, ãĩmikã, azufre ãjũrĩ merã ããrĩpererã masakare urre bu dukawamakũ su bumarãrẽ wẽjẽma. ¹⁹ ãgũsãya disi wiriri merã, ãgũsãya pore merã wẽjẽma. ãgũsãya pore yuwari, ãña dipu irirosũ deyobũ. Iri merã masakare kãmitũma.

²⁰ Gajirā masaka peame, ĩmikā, azufre ũjārĩ merā boamerā gapu irire waamakū ĩākererā, ĩgūsā ñerō iririre neō piribirima. Wātēārē buremurĩrē neō piribirima. ĩgūsā buremurā keori weadea: oro, plata, bronce, ũtāyeri, yuku merā irideare buremurĩrē neō piribirima. Iri keori weadea neō ĩābiri, neō pébiri, neō naabiri āārĩkeremakū, ĩgūsā irire soebuima. ²¹ Irasū āārĩmakū, ĩgūsā masakare wějēdeare, ĩgūsā yéa āārĩrā irideare, ĩgūsā kōābiradeare, ĩgūsā yajadeadere neō bujawerebirima. Iri āārĩpererire neō piribirima.

10

Marĩpũre wereboegu papera tũrũgārē opadea

¹ Pũru gajigu turagu Marĩpũre wereboegu ũmugasigue merā ĩmikāyebo dekogue dijari-makū ĩābu. ĩgũya dipuru wekare buida āārĩbũ. ĩgũya diapu abe ũmũmũ irirosū gos-esiribũ. ĩgũya ñigārĩ peame irirosū gosebũ. ² ĩgũya mojogue papera pũ kuradea tũrũgārē opami. ĩgũya diayema gubu merā dia wādiyague tāpĩmi, kũgapũma gubu merā nikũgue tāpĩmi. ³ Irogue nígũ, turaro ēōkaye gaguinĩrōsũ gaguinĩmi. ĩgũ irasũ gaguinĩmakū, su mojõma pere gaji mojõ peru pērēbejarā bupua werenĩma. ⁴ ĩgūsā werenĩadero pũru, ĩgūsā werenĩadeare gojanũgābũ. Yũ gojanũgāmakū, sugũ ũmugasigue āārĩgũ yũre āsũ ārĩ weremi:

—Bupua werenĩadeare gajirārē werebirikōāka! Irire gojabirikōāka! ārĩmi.

⁵ Pũru yũ wādiyague, nikũgue nímakū ĩādi, ĩgũya diayema mojõrē ũmugasigue soemumi. ⁶ Irasũ soemugũ, Marĩpũ okanĩgũ, ũmugasĩ, i nikũ, dia wādiya āārĩpererā irogue āārĩrārē iridi wāĩ merā wāĩpeo, āsũ ārĩmi:

—I ũmũ pereakōāa. Iropata āārā. ⁷ Su mojõma pere gaji mojõ suru pērēbejarā Marĩpũre wereboerā ĩgūsāya puririduparure purisiamā. Gajigu ĩgũyarure purimakū, Marĩpũ ĩgũ: “Āsũ irigũra”, ārĩdeare, iripoegue marā masĩbirideare iriyuwarikũgũkumi. Irasĩriro iri, ĩgũrē moāboerārē, ĩgũya kerere weredupiyunerārē ĩgũ: “Āsũ irigũra”, ārĩdea keoro waarokoa, ārĩmi.

⁸ ĩgũ irasũ ārĩadero pũru, ũmugasigue āārĩgũ yũre werenĩdi, dupaturi āsũ ārĩ werenĩmi:

—Sĩ Marĩpũre wereboegu, wādiyague, nikũgue nígũ pũrogue waaka! ĩgũya mojogue papera pũ kuradea tũrũgārē opami. Iri pũgārē āĩka! ārĩmi. ⁹ ĩgũ irasũ ārĩmakū pégu, ĩgũ pũrogue waabu. ĩgũrē yũ papera pũgārē sērēmakū pégu, āsũ ārĩ yũjũmi yũre:

—Āĩ, baaka! Mũ baamakū, mume irirosũ õārõ misõrokoa. Mũya paru gapu, pũru bũro sũĩrokoa, ārĩmi.

¹⁰ ĩgũ irasũ ārĩmakū pégu, iri pũgārē ĩgũrē āĩ, baabu. Yũ baamakū, mume irirosũ misõbũ. Baa odoadero pũru, yaa paruguerē sũĩrõ péñabu. ¹¹ Pũru āsũ ārĩmi yũre:

—Dupaturi wāri buri marārē, wāri nikũ marārē, ĩgūsā ya werenĩrārē, ĩgūsā oparādere Marĩpũ ĩgūsārē: “Āsũ irigũra”, ārĩdeare weregu waaka! ārĩmi.

11

Pērā Marĩpũyare wererimasā weredeā

¹ Pũru Marĩpũ yũre keodi, tuadi irirosũ deyodire sĩmi. Sĩ odo, yũre āsũ ārĩmi:

—ĩgu merā yaa wiire keogu waaka! Iri wiimarē yũ ĩũrõ ĩgūsā yũre sĩdea soepeorodere keoka! Iri wiiguere masakare yũre buremurādere: “¿Nĩsākũ āārĩrĩ?” ārĩ keoka! ² Iri wii tũroma gapũre keobirikōāka! Iri gajiro marā masakare wiadea nikũ āārā. ĩgūsā cuarenta y dos abegora yaa makārē* poyanorēgorenarākuma. ³ Irasĩrigũ yaare weremurārē pērā iriugũra. Yoaripoe mil doscientos sesenta nũrĩgora yaare wererākuma. ĩgūsā bujawereri ĩmurā, kó surĩ sãñanerā āārĩrākuma, ārĩmi.

* 11:2 Marĩpũya makā, Jerusal'ēta āārā.

⁴ Īgūsā pērā Marīpuyare weremurā, pegu olivo wāikuri yuku, irasū āārīmakū pegu sīāgori yuku irirosū āārīma. Marīpu i nikū Opu ĩūrō nīma. ⁵ Īgūsārē ĩāturirā ĩgūsārē ñerō iridumamakū, ĩgūsāya disigue peame ujūrī pūrā wiriri merā ĩgūsārē soe wējēpeokōārākuma. Irasirirā āārīpererā ĩgūsārē ñerō iriduarārē iri merā boamakū irirākuma. ⁶ Īgūsā Marīpuyare wererimārē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. Īgūsā iriduaropa ñerō tarimakū irirākuma.

⁷ Marīpuyare were odomakū, buro ukūārī gobegue āārīgū, ñegū gajirosū deyogu wirigukumi, ĩgūsā pērā merā gāmekēābu. Īgūsārē gāmekēā, ĩgūsārē tarinugā, wējēkōāgukumi. ⁸ Īgūsārē wējēadero puru, ĩgūsāya dūpuri dari wāri makāma maague oyarokoa. Iri makā, marī Opure Jesucristore ĩgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma. ⁹ Urenu gajinu dekogora ĩgūsāya dūpuri dari iri maarē oyarokoa. Āārīpereri nikū marā, āārīpereri buri marā, ĩgūsā ya werenirā ĩgūsāya dūpuri darire ĩrākuma. Gajirārē iri dūpuri darire yáadorebirikuma. ¹⁰ Īgūsā pērā okarā, i umu marā masakare buro ñerō tarimakū irinerā āārīma. Īgūsā boamakū ĩārā, usuyarākuma. Bosenu iri, gajinorē gāme sīrākuma.

¹¹ Īgūsā boadero puru, urenu gajinu deko puru, Marīpu ĩgūsārē masū, dupaturi okamakū irimi doja. Īgūsā wāgānugāmakū ĩārā, āārīpererā buro güima. ¹² Puru sugu umugasigue āārīgū ĩgūsā pērārē turaro merā āsū ārī werenimakū péma:

—Ōogue murīrika musā! ārīmi.

Īgū irasū ārīmakū pérā, ĩmikāyebo merā murīākōāma. Īgūsā murīāmakū, ĩgūsārē ĩāturirā ĩāma. ¹³ Īgūsā murīaripoe nikū buro ñomebu. Iri makāma wiiri wāri mirūadijabu. Wārā siete mil masaka boama. Gajirā dūyarā gapu buro güima. “Marīpu umugasigue āārīgū turatarigu āārīmi”, ārīma.

¹⁴ I āārīpereri irasū waadero puru, pero ñerō tariri waasiabu. Irasū waakeremakū, mérōgā puru masaka dupaturi ñerō tarirākuma doja.

Marīpue wereboegu puriduru puritūnudea

¹⁵ Puru su mojōma pere gaji mojō suru pērēbejarā Marīpue wereboerā ĩgūsāya puririduparure puriadero puru, gajigu ĩgūrē wereboegu ĩgūyare purimi. Īgū purimakū, umugasigue āārīrā turaro merā āsū ārī werenīma:

Dapagorare Marīpu, ĩgū iriudi Cristo merā āārīpererā i umu marārē doregu ñajāmi. Īgū doreri neō perebirikoa, ārīma.✧

¹⁶ Irasū ārīmakū pérā, Marīpu diaye oparā doarigue doarā veinticuatro oparā murā Marīpu ĩūrō ñadukupuri merā ejamejāja, ĩgūsāya diapure yebague moomejā, ĩgūrē buremu, ¹⁷ āsū ārīma:

Gua Opu, āārīpererā nemorō turagu āārā. Mu merā usuyāa. I umurē iriburo dupiyuro āārīsiabu. Dapagoradere āārīnīkōāa. Puruguedere irasūta āārīnīkōāgukoa. Mu turari merā masakare dorenugāa. Irasirirā murē usuyari sīa.

¹⁸ I umu marā murē gāamemerā, mu merā guatarima. Mu ĩgūsārē wajamoārīnu, irasū āārīmakū boanerādere mu wajamoārīpoe ejasiāa. Āārīpererā mūyarā gapure oārīrē sīgukoa.✧

Muya kerere weredupiyurimasārē, murē oārō gopeyari merā buremurārē, oparārē, ubu āārīrādere oārīrē sīgukoa. I umu marārē poyanorērā gapure béoripoe ejasiāa, ārīma.✧

¹⁹ Īgūsā irasū ārādero puru, Marīpuya wii ūmugasigue āārīrī wii makāpuro tūpāsūbu. Iri wii poekague su kūmarē ĩābu. Iri kūma, Marīpu masakare werepīri gojadea opari kūma āārībú. Iri kūmarē ĩāmakūta, bupu miā, buro pámi. Irasū āārīmakū, i nikū ñomebu. Wári deko yeri yusari yeri nikūgue yuribu.

12

Nomeōya, irasū āārīmakū pīrū irirosū deyoguya kerere weredeā

¹ Puru ūmugasigue gajirosūperi buro goeri deyoamakū ĩābu. Irasū waaripoe sugo nomeōrē ĩābu. Igoya surīro abe ūmumu irirosū goesiribu. Abe ñamimbu weka nímo. Opu peyari berore, pe mojōma pere su gubu peru pērēbejarā neñukā opari berore peyamo. ² Igo pūrākuburo mérōgā dūyabu. Irasirigo igo nijīwāgūgō pūrīrō merā gaguinímo. ³ Puru gaji ūmugasigue deyoamakū ĩābu. Wāgu pīrū diiagu diakēā irirosū deyogure ĩābu. Īgū su mojōma pere gaji mojō peru pērēbejari dipu opagu āārīmí. Dipukbu, oparā peyari berorīre peyami. Pe mojōma kūsari opagu āārīmí. ⁴ Ūmugasigue āārīrā neñukārē ure bu dukawamakū, su bumarārē ĩgūya pore merā wējāsiri meédijumi. Īgū, nomeō pūrākubo puro ními, majīgū deyoamakū baabu. ⁵ Mérōgā puru, majīgūrē pūrākumo. Īi majīgūta āārīpereri nikū marā Opu āārību āārīmí. Wári turari merā, opu kōme merā iridea yuku opagu masakare dorebu āārīmí. Puru Marīpu ĩgū doaro purogue ĩgūrē āīmūrīāmi. ⁶ Nomeō masaka marīrō Marīpu āmuyuderogue duriwāgākōāmo. Irogue igore mil doscientos sesenta narīgora baari sīmi.

⁷ Puru ūmugasigue gāmewējērī waabu. Marīpure wereboerā opu Miguel wāikugbu, ĩgūyarā Marīpure wereboerā, pīrū merā gāmekēāma. Pīrū, ĩgūyarā merā Miguēsā merā gāmekēāmi. ⁸ Miguēsā pīrūrē tarinugāma. Irasirigu pīrū, ĩgūyarā merā ūmugasiguere ĩgūsā āārīrō neō bokanemobirimi. ⁹ Irasirigu Marīpu pīrūrē béokōāmi. Īgū wāgu pīrū, neōgoraguere deyoadi, Satanás wāikugbu, wātī āārīmi. Īgū āārīpererā i ūmu marā masakare ārīkatorikugbu āārīmi. Marīpu ĩgūrē, ĩgūyarā merā i nikūgue béodijumi.

¹⁰ Puru sugu ūmugasigue āārīgū turaro merā āsū ārī werenímakū pébu:

—Marīpu marīrē tauri, ĩgū turari merā marī Opu āārīrī, ĩgū iriudi Cristo marīrē doreri ejasiāa. Irasirigu Marīpu wātīrē ūmugasigue āārīdire i nikūgue béodijumi. Ūmurikbu, ñamirikbu wātī Marīpure, marīyarā Jesúre buremurārē: “Ñerō irirā āārīma”, ārī weresāgū iriadimi. ¹¹ Marīyarā wātīrē tarinugāma. Jesucristo oveja majīgū irirosū āārīgūrē, ĩgū dí béori merā ĩgūsārē taurire buremusiā, irasirima. Jesúya kerere weredeā waja gajirā ĩgūsārē wējēduakeremakū, ĩgūsā okarire maībirima. Neō piriuro marīrō ĩgūya kerere weresiā, wātīrē tarinugāma. ¹² Irasirirā musā ūmugasigue āārīrā āārīpererā usuyaka! Wātī nikūgue béodijusūadi āārīmi. Musā i nikū āārīrārē, dia wādiyague āārīrārē wātī dijajamakū, musārē ñetariro waanugābu. Īgūrē wajamoāburo mérō dūyāa. Irire masīmi. Irasirigu guatarikōāmi, ārī weremi.

¹³ Irasirigu pīrū, nikūgue béodijumakū ĩāgū, majīgū pagore narūtuyawāgāmi. ¹⁴ Marīpu gapu igore gapábu kēdupurire sīmi. Iri merā igo, pīrūrē masaka marīrōgue wú duriwāgāmo. Irogue ure bojori gaji bojori dekogora Marīpu igore baari sīmi. ¹⁵ Igo irogue āārīmakū ĩāgū, pīrū igore miūdugbu, wáro dekore dokabéomi. ¹⁶ Irasirikeremakū, i nikū gapu igore iritamubu. Pīrūya disi wiriri dekore yeteoma, uju āīpeokōābu. ¹⁷ Irasū waamakū ĩāgū, pīrū igo merā guatarimi. Irasirigu igo parāmerā āārīturiarā merā gāmewējēgū waami. Īgūsā, Marīpu dorerire irirā, Jesucristoya diayema buerire neō pirimerā āārīma. ¹⁸ Pīrū dia wādiya turo eja, irogue yúmi.

13

Pērā gajirosū deyorāyare gojadea

¹ Puru gajirosū deyogu dia wádiyague ããrãdi wãgãpamakū ããbũ. Ìgũ su mojõma pere gaji mojõ peru pẽrẽbejari dipu, pe mojõma kúsari opagu ããrĩmĩ. Ìgũya kúsarigue oparã peyari berorĩre peyami. Ìgũya dipure Marĩpure ñerõ doori wãĩ gojatúdea ããrĩbũ. ² Ìgũ, yé dorogu guagu irirosū deyomi. Buguya guburi irirosū opagu ããrĩmĩ. Eõkaye irirosū disikugũ ããrĩmĩ. Pĩrũ Ìgũ turarire sĩmi Ìgũrẽ. Irasũ sigũ, Ìgũrẽ opu doarogue dobomi, Ìgũ irirosũta masaka wãrãrẽ doreburo, ãrĩgũ. ³ Gajirosū deyogu dipuru su dipuru kãmirõkũri dipurusū deyobũ. Iri kãmirõ Ìgũrẽ wẽjẽboyadea kãmirõ, yaridea kãmirõgue ããrĩbũ. Irire ããrã, i ãmũ marã ããrĩpererã ããgũkakõãma. Irasirirã Ìgũrẽ: “Turagu ããrĩmĩ”, ãrĩ, Ìgũyare irituyama. ⁴ Pĩrũ Ìgũ turarire gajirosū deyogure sĩmakũ ããrã, masaka pĩrũrẽ: “Õãtarigu ããrĩmĩ”, ãrĩ bũremuma. Gajirosū deyogudere ãsũ ãrĩ bũremuma:

—Neõ gajigu mũ irirosū turagu mãmi. Gajigu mũrẽ neõ tarinugãmasĩbemi, ãrĩma.

⁵ Pĩrũ dorederosũta gajirosū deyogu: “Yu, gajirã nemorõ ããrĩtarinugãgũ ããrã”, ãrĩ weregorenami. Marĩpure ñerõ ãrĩ doogorenami. Masakare cuarenta y dos abegora doremi. Marĩpu Ìgũrẽ: “Iropata irika!” ãrĩmakũgue duúmi. ⁶ Irasirigu masakare doregu, ãsũ irimi. Marĩpure, Ìgũ wãirẽ, Ìgũ ããrĩrõrẽ, ããrĩpererã Ìgũ puro ããrĩrãdere ñerõ ãrĩ doomi. ⁷ Marĩpuyarã merã gãmewẽjẽ, Ìgũsãrẽ tarinugãmi. ããrĩpererogue ããrĩpereri buri marãrẽ, Ìgũsã ya werenĩrãrẽ, ããrĩpereri nikũ marãrẽ doremi. Marĩpu Ìgũrẽ: “Iropata irika!” ãrĩbirimi dapa. Irasirigu ñerĩrẽ irimi. ⁸ ããrĩpererã i nikũ marã Marĩpuyarã ããrĩmerã gajirosū deyogure bũremuma. Marĩpu Ìgũ i ãmarẽ iriburo dupiyuro Ìgũyarã ããrĩmurã Ìgũ merã perebiri okari opamurã wãirẽ su papera pũgue gojatúsiadi ããrĩmĩ. Iri pũ Jesucristo oveja majĩgũ irirosū ããrĩgũ wẽjẽsũdiya pũ ããrã.

⁹ Gãmipũrĩ oparã, ire péka! ¹⁰ Peresugue waarõ gããmea, ãrĩsũnerã irogue waarãkuma. Sareri majĩ merã gajirãrẽ wẽjẽrã, sareri majĩ merã wẽjẽsũrãkuma. Iri irasũ waaripoe Marĩpuyarã ããrĩrã gũñaturari merã Ìgũrẽ bũremurĩrẽ neõ piribirikõãrõ gããmea.

¹¹ Puru gajigu gajirosū deyogure ããbũ doja. Nikũ poekague ããrãdi wiri mũrĩrĩmi. Ìgũ oveja majĩgũ irirosū pe kúsa opagu ããrĩmĩ. Irasũ ããrĩkeregũ, pĩrũ irirosū werenĩmi. ¹² Gajirosū deyogu ããrĩpuroriadiya turarire opami. Iri turari merã ããrĩpererã i nikũ marãrẽ gajirosū deyogu ããrĩpuroriadire wẽjẽsũboyadi kãmirõ yarisũadire bũremumakũ irimi. ¹³ Wãri deyorumurĩrẽ iri ãmumi. Masaka ããrõ peame ãmũgasigue ããrãdeare nikũgue dijarimakũ irimi. ¹⁴ Ìgũ, gajirosū deyogu ããrĩpuroriadiya turari Ìgũrẽ sĩrĩ merã wãri deyorumurĩrẽ iri ãmumi. Iri merã masakare ãrĩkatomi: “Ìĩ mãsã bũremugũ ããrĩmĩ”, ãrĩgũ. Irasirigu Ìgũsãrẽ gajirosū deyogu ããrĩpuroriadi keorire weadoremĩ. Gajirõsũ deyogu ããrĩpuroriadi sareri majĩ merã saresũadi ããrĩkeregũ okami. ¹⁵ Gajirosū deyogu puro aaradi, gajirosū deyogu ããrĩpuroriadiya turari merã Ìgũ keori weadeare okamakũ irimi. Irasirigu iri keori weadeare masakũ irirosū werenĩmakũ, ããrĩpererã irire bũremumerãrẽ wẽjẽmakũ irimi. ¹⁶ ããrĩpererãrẽ Ìgũsãya diayema mojõ gapure, o Ìgũsãya diapuserorire gajino gojatúdolemi. Ubu ããrĩrãrẽ, oparãrẽ, wãri doebiri oparãrẽ, boporãrẽ, moãboerimasãrẽ, moãboerimasã ããrĩmerãrẽ, ããrĩpererãrẽ irasũ gojatúdolemi. ¹⁷ Gojatúsũña marĩrã neõ wajarimasĩbiri, neõ duamasĩbirima. Iri gojatúdea, gajirosū deyogu ããrĩpuroriadi wãĩ, o Ìgũ wãĩ keori ããrã.

¹⁸ Irire õãrõ pémasĩrõ gããmea. Pémasĩrã, gajirosū deyogu wãĩ keorire masĩburo. Ìgũ wãĩ keori, masakũ wãĩ keori, seiscientos sesenta y seis ããrã.

14

Marĩpu taunerã ciento cuarenta y cuatro mil masaka Ìgũrẽ bayadea

¹ Puru Jesucristo oveja majĩgũ irirosū ããrĩgũrẽ ããtãũ Sión* wãĩkũdigue nígũrẽ ããbũ. Ìgũ merã ciento cuarenta y cuatro mil masaka ããrĩmã. Ìgũsã, Ìgũ wãirẽ, Ìgũ Pagu wãidere

* **14:1** Jerusalén, Sión wãĩkũdigue ããrĩyuro.

¹⁶ Irasũ āřĩmakũ pégu, ĩĩmikayebo weka doadi ĩgũya usiri bero merã i nikũma otedea dukare wãjĩ āĩmi.

¹⁷ Pũũ gajigu Marĩpũre wereboegu ũmũgasigue āārĩřĩ wii Marĩpũya wiigüe āārãdi wirijami. ĩgũde duka diti āĩri usiri berore opami. ¹⁸ Pũũ gajigu Marĩpũre wereboegu Marĩpũre sĩdea soepeoro pũroguē āārãdi wirijami. ĩgũ peame opu āārĩmĩ. Irasũ wirijagu, duka diti āĩri usiri bero opagũre turaro merã āsũ āĩmi:

—Mũya usiri bero merã i nikũma igui tũrĩrē diti āĩka! Iri igui nĩsiabu, āĩmi.

¹⁹ ĩgũ irasũ āřĩmakũ pégu, ĩgũya usiri bero merã i nikũma igui tũrĩrē wiiritã āĩmi. Irire āĩ, igui kũrabipiri gobe miēgüe sãmi. Iri gobegüe kũrabipiri, Marĩpũ ĩgũrē gãamemerãrē bũro wajamoãrũ irirosũ āārã. ²⁰ Makã tũroguē iri igui kũrabipisũbu. Igui kũrabipisãripoere iri gobeguere wãro dí wiribu. Iri dí merã wãdiya, caballuya disire tũsãřĩ berogue mirĩtuũnujãbu. Trescientos kilómetros yoadiya waabu.

15

Marĩpũre wereboerã masakare ñerũ tarimakũ iritũnuburire weredeã

¹ Pũũ ũmũgasigue gajirosũperi bũro goeri deyoamakũ ĩãbu doja. Su mojõma pere gaji mojõ peru pẽrẽbejarã Marĩpũre wereboerãrē ĩãbu. Marĩpũ ĩgũsãrē masakare wajamoãtũnudoregũkumi. Irasirirã, ĩgũ wajamoãdoregu pĩnerã āārĩmã. Iri wajamoãřĩ merã Marĩpũ i ũmũ marã merã guari pererokoa.

² Pũũ dia wãdiyare õãrũ deko suridiya peame merã morẽadiya irirosũ āārĩdiyare ĩãbu. Iriya tũro nĩrãrē, gajirosũ deyogu dorerire iribiri, ĩgũ keori weadeare bũremubirinerãrē ĩãbu. ĩgũsã gajirosũ deyogũya wãĩrē gojatũdorebirinerã āārĩmã. Iroguē nĩrã, arpa wãĩkũri bũapũtẽrĩrē opama. Iri bũapũtẽrĩ Marĩpũ sĩdea āārĩbũ. ³ ĩgũsã Marĩpũre moãboegu Moiséya bayarire, Jesucristo oveja majĩgũ irirosũ āārĩgũya bayaridere bayapeoma. Āsũ āřĩ bayama:

Gũa Opu, mũ āārĩpererã nemorũ turagu āārã. Āārĩpereri mũ iridea õãtaria. Irire ĩãrã, ĩãgũkakõã. Mũ āārĩpererã i nikũ marã Opu āārã. Āřĩkatori marĩrũ, diayemarē õãrũ yãa.

⁴ Āārĩpererã mũrē gũĩrãkuma. Āārĩpererã mũrē: “Turatarigu āārĩmi”, āřĩrãkuma. Mũ dita ñerĩ marĩgũ āārã.

Āārĩpereri nikũ marã mũ pũroguē eja, mũ ĩũrũ ñadũkũpuri merã ejamejã, mũrē bũremurãkuma. Mũ diayema irideare ĩãnerã āārĩsĩã, irire irasũ irirãkuma, āřĩ bayama.

⁵ Pũũ Marĩpũya wii, ũmũgasigue āārĩřĩ wii tũpãmakũ ĩãbu. Iri wii poekague Marĩpũ āārĩřĩ taribu ĩgũ doreri gojadeã majĩřĩ ũtã majĩřĩ āārĩbũ. ⁶ Iri wii poekague āārãnerã, su mojõma pere gaji mojõ peru pẽrẽbejarã Marĩpũre wereboerã wirijama. ĩgũsã Marĩpũ wajamoãdoregu pĩnerã āārĩmã. ĩgũsãkũ masakare ñerũ tarimakũ iriburire opama. ĩgũsã boreri, gũrari marĩřĩ surĩ, bũro goesiriri surĩ sãñarã āārĩmã. ĩgũsãya koretibirire oro merã iridea yũjũwẽñarĩdarire suatũanerã āārĩmã. ⁷ ĩgũsã wirijamakũ, wapikũrã okarã merãmũ ĩgũsãkũ Marĩpũre wereboerãrē oro merã irideaparire sĩmi. Iripari Marĩpũ āārĩnĩgũ bũro wajamoãburi õãrũ ũtũribũ. ⁸ ĩgũ iriparire ĩgũsãrē sĩmakũ, Marĩpũya wii poekague ĩgũ goesiriri merã, ĩgũ turari merã ĩĩmikãkũseyakõãbu. Irasũ ĩĩmikãkũseyamakũ, iri wiire neõ sugũno ñajãmasĩbirimi. Marĩpũre wereboerã ĩgũ wajamoãdoregu pĩderosũta ĩgũsã masakare wajamoãtũnuadero pũrugüe dupaturi iri wiire ñajãmasĩrãkuma doja. ĩgũ wajamoãburo dupiyuro ñajãmasĩña mãã dapa.

16

Juan Marĩpũ masakare wajamoãburire gojadeã

¹ Pɔɔ Marĩpɔya wii ɔmɔgasigue ɔãrĩrĩ wiigue ɔãrĩgũ turaro merã werenĩmakũ pébu. Su mojõma pere gajĩ mojõ peru pẽrebejarã Marĩpɔre wereboerãrẽ ɔsũ ɔrĩmi:

—Marĩpɔ wajamoãdoredeare irirã waaka! Irasirirã mɔsãya parimarẽ nikũgue písiridijurã waaka! ɔrĩmi.

² Irasũ ɔrĩmakũ pégu, ɔãrĩpɔrorigu Marĩpɔre wereboegu ɔgũ oparipamarẽ nikũgue písiridijumi. ɔgũ irasirimakũ, gajirosũ deyogu wãĩ gojatúsũnerã, ɔgũ keori weadeare bɔremurã ñerõ kãmiku, bɔro pũrĩsũma.

³ ɔgũ irasũ písiridijuadero pɔru, gajigu Marĩpɔre wereboegu ɔgũ oparipamarẽ dia wádiyague písiridijumi. ɔgũ irasirimakũ, deko, dí poyabu. Boadiya dí irirosũ ɔãrĩbá. Irasũ waamakũ, wádiyague ɔãrĩrã boapereakõãma.

⁴ Pẽrã písiridijuadero pɔru, gajigu Marĩpɔre wereboegu ɔgũ oparipamarẽ diarigie, deko wiriri goberigie písiridijumi. ɔgũ irasirimakũ, diari, wiriri goberima deko, dí poyabu.

⁵ Pɔru gajigu Marĩpɔre wereboegu ɔãrĩpererogue dekore doregu ɔsũ ɔrĩmakũ pébu:

—Gɔa Opɔ, mɔ ñerĩ marĩgũ ɔãrã. Dapagoradere irasũta ɔãrĩnikõãa. Iripoegedere irasũta ɔãrĩnikõãbu. Irasirigu wajamoãgũ, diayeta irigu yáa. ⁶ Gajirosũ deyoguyarã, mɔyarãrẽ, mɔya kerere weredupiyunerãrẽ wẽjẽrã dí béomakũ irima. ɔgũsã dí béomakũ iridea waja, deko dí poyamakũ iribu ɔgũsãrẽ iirídoregu, ɔrĩmi.

⁷ ɔgũ irasũ ɔãrãdero pɔru, Marĩpɔre sídea soepeoro pɔrogu sugu werenĩmakũ pébu doja: —Irasũta ɔãrã. Gɔa Opɔ, mɔ ɔãrĩpererã nemorõ turagu ɔãrã. ɔgũsãrẽ keoro wajamoãdoregu, diayeta irigu yáa, ɔrĩmi.

⁸ Ʋrerã Marĩpɔre wereboerã ɔgũsã opariparimarẽ písiridijuadero pɔru, gajigu Marĩpɔre wereboegu ɔgũ oparipamarẽ písiridijumi doja. Abe ɔmɔmɔ weka písiridijumi. ɔgũ irasirimakũ, abe bɔro asimi. ɔgũ asiri merã masakare soemi. ⁹ ɔgũsã bɔro ɔjũrĩ merã wajamoãsũkererã, ɔgũsã ñerõ iririre bɔjawerebirima. ɔgũsã gũñarĩrẽ neõ gorawayubirima. Irasirirã, Marĩpɔre ɔgũsãrẽ wajamoãgũrẽ ñerõ doo werenĩma. “Óãgũ ɔãrĩmi”, neõ ɔrĩ bɔremubirima.

¹⁰ Wapikurã Marĩpɔre wereboerã ɔgũsã opariparimarẽ písiridijuadero pɔru, gajigu Marĩpɔre wereboegu ɔgũ oparipamarẽ písiridijumi doja. Gajirosũ deyogu, opɔ doarogue písiridijumi. ɔgũ irasiriadero pɔru, gajirosũ deyoguyarã ɔãrĩrõgue naĩtĩãrõ waabu. Irasirirã ɔgũyarã masaka ñerõ pũrĩmakũ, ɔgũsãya nedearẽ bɔro sĩrĩtu kũrĩdiuma.

¹¹ ɔgũsãrẽ ñerõ pũrĩkeremakũ, ñerõ kãmikukererã, Marĩpɔre ɔmɔgasigue ɔãrĩgũrẽ ñerõ doo werenĩma. ɔgũsã ñerõ iriri gapɔre bɔjawerebirima. Irasirirã ñerĩrẽ neõ piribirima.

¹² Su mojõmarã Marĩpɔre wereboerã ɔgũsã opariparimarẽ písiridijuadero pɔru, gajigu Marĩpɔre wereboegu ɔgũ oparipamarẽ Eufrates wãikũdiya wádiyague písiridijumi. ɔgũ irasirimakũ, iriya bojomejãkõãbu. Abe marĩriro marã oparã ɔgũsãyarã surara gãmewẽjẽrã waarã taribujaburore irasũ irimi.

¹³ Pɔru ɔrerã wãtẽãrẽ tárua irirosũ deyorãrẽ iãbu. Sugu tárua, pĩrũya disigue wirimi. Gajigu, gajirosũ deyoguya disigue wirimi. Gajigu: “Ʋmɔgasigue marã Opɔyare weregu ɔãrã”, ɔrĩkatoguya disigue wirimi. ¹⁴ ɔgũsã ɔrerã wãtẽa, tárua irirosũ deyorã deyoromurĩrẽ iri ñmuma. Irasirirã ɔãrĩperero marã oparãrẽ neeõma, Marĩpɔ merã gãmewẽjẽdorerã. ɔgũsã gãmewẽjẽrĩnu, Marĩpɔ ɔãrĩpererã nemorõ turaguyanũ* ɔãrĩrokoa.

¹⁵⁻¹⁶ Ʋrerã wãtẽa ɔãrĩperero marã oparãrẽ hebreo ya merã Armagedón wãikũrogu siiu neeõma. Iro dupiyuro Jesús ɔsũ ɔrĩdi ɔãrĩmi: “Ire õãrõ pémasĩka mɔsã! Yajarimasũ gũñaña marĩrõ aarirósũ yude gũñaña marĩrõ aarigũkoa. Sugu yu aariburore õãrõ yũgũno, yaare irituyagu, Marĩpɔ iũrõ waja opabi ɔsuyagũkumi. Óãrõ yobegũno surĩro sãñadi irirosũ ɔãrĩgũkumi. Masaka iũrõ surĩro marĩgũ gũyasĩrĩgũ irirosũ ɔãrĩbirikumi”, ɔrĩdi ɔãrĩmi.

* **16:14** “ɔgũsã gãmewẽjẽrĩnu, Marĩpɔyanũ”, ɔrĩrõ: “Marĩpɔ ɔgũsãrẽ tarinugãrĩnu, ɔãrĩpererã ñerãrẽ wajamoãrĩnu ɔãrĩrokoa”, ɔrĩduaro yáa.

¹⁷ Su mojõma pere gaji mojõ suru pērēbejarã Marĩpũre wereboerã ĩgũsã opariparimarẽ pĩsiridijuadero pũũ, gajĩgu Marĩpũre wereboegu ĩgũ oparipamarẽ ĩmikãyebori wekague pĩsiridijumi doja. ĩgũ irasiriadero pũũ, Marĩpũya wii ũmũgasigue ããrĩrĩ wii poekague ĩgũ Opũ doarogue doagu turaro merã ãsũ ãrĩ werenĩmi:

—Iropata ããrã. ããrĩpereri iri odosiabũ, ãrĩmi.

¹⁸ ĩgũ irasũ ãrĩmakũ, bupu miã, bũro busaro, páro, goero nikũ ñomebũ. I nikũgue masaka ĩgũsã ããrĩnũgãdero pũũ, i nikũ iropa neõ ñomebiribũ. ¹⁹ Irasũ ñomemakũ, wári makã Babilonia wãikũri makãrẽ urema yeteomakõãbũ. Paga makãrĩ i nikũ ããrĩrĩ makãrĩ dijakõãbũ. Marĩpũ Babilonia wãikũri makã marãrẽ gũñami ĩgũsãrẽ wajamoãbu. ĩgũsã ñerĩrẽ iriri waja ĩgũsã merã bũro guami. Irasirigu ĩgũsãrẽ bũro wajamoãmi. ²⁰ ããrĩpereri nũgũrĩ, ũtãyukude dederidijakõãbũ. ²¹ Irasũ ããrĩmakũ, masaka weka deko yũsari yeripa dijaribũ. Surãyeri deko yeri cuarenta kilo nukũrĩ yeri ããrĩbũ. ĩgũsã weka irasũ dujirimakũ, Marĩpũ ĩgũsãrẽ bũro wajamoãmakũ ĩãrã, ĩgũrẽ ñerõ doo werenĩma masaka.

17

Ũma merã kõãbirarimasõrẽ wajamoãdea

¹ Pũũ su mojõma pere gaji mojõ peru pērēbejari parire oparã Marĩpũre wereboerã merãmũ yũ pũrogu eja, ãsũ ãrĩmi:

—Īãgũ aarika! Paga diari weka doagore ũma merã kõãbirarikũgore Marĩpũ wajamoãburire mũrẽ ĩmũgũkoa. ² I ũmũ marã oparã igo merã ñerõ gãmebirarikũma. Irasũ ããrĩmakũ, i nikũ marã, mejãrikũrã igui deko pãmudeare bũro ãaribejarosũta ĩgũsã igo merã ñerõ gãmebirarire bũro ãaribejama, ãrĩmi.

³ ĩgũ irasũ ãrãdero pũũ, Ōãgũ deyomarĩgũ yũre kërõgue irirosũ gajinorẽ ĩãmakũ irimi. Irasirigu Marĩpũre wereboegu masaka marĩrõgue yũre ãĩãmi. Irogue igo nomeõrẽ ĩãbũ. Igo gajirosũ deyogu diiagu weka peyamo. ĩgũya dũpũgue wári wãĩ gojatũsũdero ããrĩbũ. Iri wãĩ, Marĩpũre doo werenĩrĩ ããrĩbũ. Su mojõma pere gaji mojõ peru pērēbejari dipukũgu, pe mojõmagora kũsarikũgu ããrĩmĩ. ⁴ Nomeõ diãñiweyari surĩrore sãñamo. Igoya surĩro oro, wáro wajapari ũtãyeri, perla wãikũri yeri merã mamudeañe ããrĩbũ. Igoya mojõgue ĩirĩripa oro merã irideapare opamo. Iripa igo ñetariro iridea ũtarĩripa, igo ũma merã ñerõ kõãbirari oparipa ããrĩbũ. ⁵ Igoya diapuserore igo wãĩ gojatũsũbũ. Marĩ iri wãirẽ õãrõ pẽmasĩbea. ãsũ ãrĩ gojatũsũbũ: “Wári makã Babiloniamo, ããrĩpererã ũma merã kõãbirarikũrã, irasũ ããrĩmakũ ããrĩpereri ñetariro iririkũrã pago ããrĩmo”, ãrĩ gojatũsũbũ. ⁶ Pũũ igo mejãmakũ ĩãbũ. Wãrã Marĩpũyarã Jesũya kerere wererã wẽjẽsũnerãya dí merã irasũ waamo. Mejãrã usũyarosũ igo ĩĩsã wẽjẽsũnerãrẽ ĩãgõ, usũyamo. Yũ igore ĩãgũ, ĩãgũkakõãbũ. ⁷ Irasirigu Marĩpũre wereboegu yũre ãrĩmi:

—¿Nasirigu ĩãgũkari? Mũ masĩbirideare mũrẽ masĩmakũ irigũra. Igo nomeõrẽ, igo peyagũdere weregũra. Igo peyagu, gajirosũ deyogu ããrĩmi. Su mojõ pere gaji mojõ peru pērēbejari dipukũgu, pe mojõma kũsarikũgu ããrĩmĩ. ⁸ ĩgũ gajirosũ deyogu mũ ĩãdi, dupiyurogue ããrĩdi ããrĩmĩ. Dapagorare mãmĩ. Pũũ bũro ũkũãrĩ gobegue ããrãdi wiri, dupaturi deyoagũkumi doja. ĩgũ wiriadero pũũ, peamegue bẽosũgũkumi. I ũmũ marã ĩgũ deyoamakũ ĩãgũkakõã, ĩgũrẽ bũremurãkuma. I ũmũ ããrĩbũro dupiyuro Marĩpũ su papera pũgue ĩgũ merã perebiri okari opamurã wãirẽ gojatũdi ããrĩmĩ. ĩgũ gojatũbirinerã gajirosũ deyogũre bũremurã ããrĩma. Gajirosũ deyogu dupiyurogue ããrĩdi, dapagorare mãmĩ. Pũũ dupaturi deyoagũkumi doja. Irasirĩrã masaka ĩgũ deyoamakũ ĩãrã, ĩãgũkakõãrãkuma.

⁹ ‘Dapagorare yũ wererire õãrõ masĩduarã, õãrõ pẽmasĩrĩ merã gũñarõ gããmea. Gajirosũ deyogũya dipu, su mojõma pere gaji mojõ peru pērēbejari dipu, ũtãyuku irirosũ ããrã. Iri ũtãyuku weka peyamo, ũma merã kõãbirarikũgo. ¹⁰ Iri diputa, oparã irirosũ

ãārã. Su mojõmarã oparã béosũsiamã. Gajigu ìgũsã pũũ ããrìgũ opu ããrĩmi dapagorare. Ìgũ pũũ gajigu gapũ opu ñajãgũkumi. Ìgũ yoaweyaripoeta opu ããrìgũkumi. ¹¹ Irasirigu gajirosũ deyogu dupiyuro ããrĩdi, dapagorare marìgũ, Ìgũsã su mojõma pere gaji mojõ peru pẽrẽbejarã oparã pũũ opu ããrìgũkumi. Ìgũsã oparã merãmũ ããrĩmi. Pũũ peamegue béosũgũkumi.

¹² Gajirosũ deyogũya kũsari, mũ ìãdea, pe mojõmarã oparã irirosũ ããrã. Ìgũsã oparã ñajãbema dapa. Pũũ oparã ñajãrã, yoaweyaripoe oparã ããrìrãkuma. Irasirirã gajirosũ deyogu merã dorerãkuma. ¹³ Ìgũsã pe mojõmarã oparã surosũ gũñarã ããrìrãkuma. Irasirirã gajirosũ deyogũre: “Gũare doregũ ããrìka!” ãrĩ, Ìgũsã opu pìrãkuma. ¹⁴ Irasirirã Jesucristo oveja majìgũ irirosũ ããrìgũ merã gãmewẽjẽrã waarãkuma. Jesucristo oveja majìgũ irirosũ ããrìgũ gapũ Ìgũsãrẽ tarinũgãgũkumi. Ìgũ ããrìpererã oparã nemorõ Opu, ããrìpererã dorerã nemorõ Doregũ ããrĩmi. Ìgũrẽ neõ béobirinerã Marìpũ siiu, beyenerã ìgũ merã ããrìrãkuma, ãrĩmi Marìpũre wereboegũ yũre.

¹⁵ Pũũ Marìpũre wereboegũ ire yũre werenemomi doja:

—Igo kũãbirikũgo paga diari weka doamo. Iri diari mũ ìãdea: wãri makãrĩ marã, wãri buri marã, Ìgũsã ya werenìrã, wãri nikũ marã irirosũ ããrã. Igo, Ìgũsã wekamo, Ìgũsãrẽ dorego ããrĩmo. ¹⁶ Gajirosũ deyogu, irasũ ããrìmakũ pe mojõmarã oparã, ãma merã kũãbirikũgore doo, igoyare ãmapeo, surì marìgõ béorãkuma. Irasirirã, igoya diire baa, pũũ dũyarire soebéokũãrãkuma. ¹⁷ Pũũ Ìgũsã pe mojõmarã oparã surosũ gũñarã, gajirosũ deyogũre Ìgũsã opu pìrãkuma. Marìpũ ìgũ gããmerõsũta Ìgũsãrẽ irasirimakũ irigũkumi. Irasirigu gajirosũ deyogu Ìgũsã opu ããrìgũkumi. Marìpũ ããrìpereri ìgũ iripoegue ãrĩderõsũta iriyuwarikũdero pũũ, gajirosũ deyogũre béogũkumi. ¹⁸ Igo, mũ ìãdeo, wãri makã Babilonia wãikũri makã irirosũ ããrìmõ. Iri makãta ããrìpererã i ãmũ marã oparãrẽ doreri makã ããrã, ãrĩmi Marìpũre wereboegũ yũre.

18

Babilonia marãrẽ wajamoãdea

¹ Pũũ gajigu Marìpũre wereboegũre ãmũgasigue merã dijarimakũ ìãbũ. Wãri turari opami. Ìgũ gosesiriri ããrìperero i nikũguere õãrõ boyoro waabũ. ² Turaro merã ãsũ ãrĩ gaguinĩmi:

—Babilonia wãri makã pereakũã. Dapagorare wãtẽa iri makã darore ããrĩma. Gajirã ñerã deyomerãde, irasũ ããrìmakũ ããrìpererã mirã masaka doo, baaya marìrã iri makã darore biadobosũanerã ããrĩma. ³ Iri makã pereburi dupiyuro ããrìpereri nikũ marã, mejãrikũrã igui deko pãmudeare bũro ãaribejarosũ i makã marã merã ñerõ gãmebirarire bũro ãaribejanerã ããrìmã. I ãmũ marã oparã, i makã marã merã ñerõ gãmebirarikerã ããrìmã. I makã marã wãri gajinorẽ wajapari wajarinerã ããrìmã. Irasirirã i ãmũ marã duarimasã Ìgũsãrẽ dua, wãri wajatanerã ããrìmã, ãrĩmi.

⁴ Pũũ gajigu ãmũgasigue ããrìgũ ãsũ ãrĩ werenìmakũ pẽbũ:

—Yaarã, iri makã marã merã ããrìbirikũãka! Ìgũsã ñerõ iririre ìãkũlìbirikũãka! Mũsã, Ìgũsã merã gãmesurirã, mũsãde Ìgũsã merã wajamoãsurãkoa. ⁵ Ìgũsã wãri ñerõ yãma. Marìpũ ãmũgasigue ããrìgũ, Ìgũsã wãri ñerĩ iririre masĩmi. ⁶ Gajirãrẽ Ìgũsã ñerõ iridero nemorõ Ìgũsãrẽ ñerõ iriburo. Gajirãrẽ Ìgũsã ñerõ tarimakũ iridero nemorõ Ìgũsãrẽ ñerõ tarimakũ iriburo. ⁷ Ìgũsã gajino wajarire gããmerã, wajarima. “Gajirã nemorõ ããrã”, ãrĩ gũñadima. Ìgũsã irasiriropa Ìgũsãrẽ wãri ñerõ tari, bũro ñerõ waamakũ iriburo. Ìgũsã basi: “Gũa i ãmũ marã oparã ããrã. Boporã ããrìbea. Irasirirã neõ ñerõ taribirikõ”, ãrĩ gũñadima. ⁸ Irasiriropo sunũ Ìgũsãrẽ gũñaña marìrõ wajamoãburinũ ããrìrokoa. Boari, pũrìrikũri, kó oreri, ãaboari ããrìrokoa. Iri makã soebéosũrokoa. Marìpũ ããrìpererã Opu iri makã marãrẽ wajamoãgũ turatarigũ ããrĩmi.

⁹ Iri makā ūjū ūmīkakumakū ĩārā, i ūmū marā oparā buro bujawereri merā orerākuma. Īgūsā iri makā marā wajaparire opari merā usūya, ĩgūsā merā ñerō gāmebirarā āārīnerā āārīmá. ¹⁰ Iri makā ūjūmakū ĩārā, buro güiri merā yoarogue ĩū nírā, āsū ārīrākuma:

—Ayó, bopori makā āārā Babilonia. Wári makā, turari makā āārādabū. Güñaña marĩrō merā iro marā wajamoāsūma, ārīrākuma.

¹¹ I ūmū marā doebiri duarimasā iri makā ūjūmakū ĩārā, buro bujawereri merā orerākuma. Iri makā peremakū ĩārā, ĩgūsāya doebirire wajarirā marĩmakū ĩārā, dūjaritua orerākuma. ¹² Īgūsā āiŵāgā duaduarire: orore, platare, wajapari ūtāyerire, perla wāikuri yeridere wajarirā marĩrākuma. Gaji ĩgūsā āiŵāgā duaduarire: wáro wajapari suríre, oparā sãñarĩ diiañiweyari suríre, seda wāikuri dari merā suadea suríre, diiari surídere wajarirā marĩrākuma. Gaji ĩgūsā āiŵāgā duaduarire: yukū sūrōrĩ yukure, marfil wāikuri merā irideare, wajapari yukū merā irideare, bronce merā irideare, hierro merā irideare, mármol merā irideare wajarirā marĩrākuma. ¹³ Gaji ĩgūsā āiŵāgā duaduarire: canela wāikurire, gaji baari usurimakū iririre, incienso, mirra wāikuri sūrōrĩrē, gaji sūrōrĩdere wajarirā marĩrākuma. Gaji: igui deko pāmudeare, uyere, trigo pogare, trigo yerire, wekure, ovejare, caballuare, ĩgūsā tūārĩduparure, moāboerimasā opamurārē wajarirā marĩrākuma. Irasirirā doebiri duarimasā buro bujawererākuma. ¹⁴ Irasirirā, iri makā ūjūadero purū, āsū ārīrākuma:

—Ñetariro waabū ĩgūsārē. Āārĩpereri ĩgūsā maĩdea, ĩgūsā ōārĩ wajapari opadea pereakōābū. I āārĩpereri dupaturi neō marĩrokoa, ārīrākuma.

¹⁵ Īgūsā iri makā marārē doebiri duarimasā wáro wajataunanerā āārīmá. Irasirirā, iri makā marā wajamoāsūmakū ĩārā, buro güiri merā yoarogue ĩū nírākuma. Dūjaritua ore, ¹⁶ āsū ārīrākuma:

—Ayó, ñetariro waabū i makā wári makā. Iri makā marā ōārĩrē opaunadima. Nomeō ōārĩ suríro, wajapari diiañiweyariñerē sãñadeo irirosū āārādima. Oro, wajapari ūtāyeri, perla wāikuri yeri mamudea surírore sãñadeo irirosū āārādima. ¹⁷ Güñaña marĩrō wári doebirikuri opadea makā pereakōābū, ārīrākuma.

Āārĩpererā doóriduparu merā naarā, iri duparu oparā, ĩgūsāyarā ūma, gajirā dia wádiyague moā wajatarāde iri makārē yoarogue ĩū nírākuma. ¹⁸ Iri makā ūjū ūmīkakumakū ĩārā, āsū ārīrākuma:

—I makā irirosū āārĩrĩ makā, neō gaji makā máa, ārīrākuma. ¹⁹ Irasū bujawererā, ĩgūsāya dipu weka nikūwera mápeorākuma. Dūjaritua ore, āsū ārīrākuma:

—Ayó, ñetariro waabū i makā daro. Ōārĩ makā āārādibū. Āārĩpererā marĩ doóriduparu oparā dia wádiyague naarā iri makāma doebiri merā ōārō wajatadibū. Güñaña marĩrō iri makā pereakōābū, ārīrākuma.

²⁰ Musā ūmūgasigue āārĩrā gapū, iri makā béosūmakū ĩārā, usūyaka! Musā Marĩpurāyārā, Jesús buedoregū beyenerā, ĩgūyare weredupiyunerā āārĩpererā usūyaka! Iri makā marā musārē ñerō tarimakū irima. Īgūsā irasirideare waja, Marĩpu ĩgūsārē wajamoāmi.

²¹ Purū turagū Marĩpure wereboegū wáriye trigo yeri ĩgūsā oeri ūtāyere āiŵāgū, dia wádiyague meéyo, āsū ārĩmi:

—I ye ūtāye meébiaderosūta wári makā Babilonia wāikuri makā béodijusūrokoa. Musā iri makārē neō dupaturi ĩābirikoa. ²² Iri makā béodijusūdero purū, neō bayarire péña marĩrokoa. Arpa wāikuri buapūtērĩrē, tērē duparure, puririduparudere neō dupaturi péña marĩrokoa. Irore moānerā dupaturi neō moānemobirikuma. Trigo yeri ūtāyeri merā ĩgūsā oedeade neō péña marĩrokoa. ²³ Iri makārē neō suru sīāgodiru boyobirikoa. Mojōsuarā bosenu irirā usūyari merā ĩgūsā werenĩrĩrē neō dupaturi péña marĩrokoa. Iri makā marā doebiri duarimasā, gajirā i ūmū marā nemorō oparā āārīmá. Iri makā marā yéa iriri merā āārĩperero marārē ĩgūsā ārĩkatorire buremumakū irima.

²⁴ Marĩpuya kerere weredupiyunerãrẽ, gajirã ãgũyarãdere, irasũ ããrĩmakũ i ãmugue ããrĩpererã masaka wẽjẽsũnerãrẽ i makã marã wẽjẽnerã ããrĩmã, ãrĩmi yare turagu Marĩpũre wereboegu.

19

¹ Babilonia béodijusũdero pũũ, ãmugasigue wãrã turaro merã ãsũ ãrĩ werenĩmakũ pébũ: Aleluya, Marĩpũre usuyari sĩrã! Ìgũ marĩrẽ taugu ããrĩmi. Ìgũrẽ bũremurã! Turatarigu ããrĩmi.

² Masakare keoro wajamoãgũ, diayeta irigu ããrĩmi. Iri makã Babilonia, nomeõ ãma merã kõãbirarikũgo irirosũ ããrĩbũ. Iri makã marãrẽ ããkũĩrã, i ãmu marã ñerõ irima. Irasirigu Marĩpũ, ãgũrẽ moãboerãrẽ ãgũsã wẽjẽdea waja iri makã marãrẽ wajamoãmi, ãrĩma.*

³ Dupaturi ãsũ ãrĩma doja:

Aleluya, Marĩpũre usuyari sĩrã! Iri makã neõ piriro marĩrõ ãjũ ãĩmikãkũnĩkõãrokoa, ãrĩma.*

⁴ Veinticuatro oparã mũrã, wapikũrã okarã merã ejamejãja, ãgũsãya diapuserorire yebague moomejã, Marĩpũre Opũ doarogue doagũre ãsũ ãrĩ bũremuma:

—Irasũta ããrã. Aleluya, Marĩpũre usuyari sĩrã! ãrĩma.

⁵ Pũũ Opũ doarogũ ããrĩgũ ãsũ ãrĩmi:

Marĩ Opũre usuyari sĩka! ããrĩpererã ãgũrẽ moãboerã gopeyari merã ãgũrẽ bũremurã: oparã, ubu ããrĩrã irasũ irika! ãrĩmi.*

Jesucristore bũremurã mojõsũari bosenũrẽ usuyarãkuma, ãrĩ weredeã

⁶ Pũũ yũ wãrã masaka werenĩmakũ pébũ. ãgũsã wãdibu ãtãmu irirosũ, bũro bupu páro irirosũ bũsũma. ãsũ ãrĩma:

Aleluya, Marĩpũre usuyari sĩrã! Ìgũ marĩ Opũ, turatarigu, dapagorare ããrĩpererãrẽ doregu ñajãsiami.*

⁷ Usuyarã! Yũjũpũrãrĩgue wãri usuyari merã ããrĩrã! Marĩpũre: “Õãtaria mũ”, ãrĩ, usuyari sĩrã! Jesucristo oveja majĩgũ irirosũ ããrĩgũ ãgũrẽ bũremurã merã ããrĩnũgãrĩnũ, ãgũ mojõsũari bosenu ejasiãa. ãgũrẽ bũremurã, ãgũ merã mojõsũabo, iri bosenuẽ õãrõ ãmuyudeo irirosũ ããrĩma.*

⁸ ãgũsã õãrĩ surĩ, gũrari marĩrĩ, bũro goesiriri surĩ Marĩpũ ãgũsãrẽ sĩdea sãñarã ããrĩma. Iri surĩ, Marĩpũyarã õãrĩrẽ iridea irirosũ ããrã, ãrĩma.*

⁹ Pũũ Marĩpũre wereboegu yare ãrĩmi:

—Ire gojaka: “Jesucristo oveja majĩgũ irirosũ ããrĩgũ mojõsũari bosenuẽ ãgũ siiunerã usuyarã ããrĩma”, ãrĩ gojaka! ãrĩmi.

Yũre ãrĩnemomi doja:

—Diayeta ããrã yũ wereri. I Marĩpũya werenĩrĩ ããrã, ãrĩmi.

¹⁰ Irasũ ãrĩmakũ pégu, ñadukũpuri merã ejamejã, ãgũrẽ bũremubu iriadibũ. Yũ ejamejãmakũ ããgũ, ãsũ ãrĩmi:

—Irire irasiribirikõãka! Mũ, mũyarã Jesũre bũremurã ãgũ diaye weredeare iritũyarã irirosũta yũde Marĩpũre moãboegu ããrã. Irasirigu Marĩpũ gapũre ejamejã, bũremuka!

Jesũs diaye weredeare wereturiarã Õãgũ deyomarĩgũ iritamurĩ merã wererosũta, Marĩpũ weredoredeare wereturiarã werema.

Juan, caballu boregu weka peyagũyare weredeã

¹¹ Pũũ ãmugasi tũpãmakũ ããbũ. Iro caballu boregu ããrĩmĩ. Ìgũ weka peyagũ* ãsũ wãĩkũmi: “Ìgũ ãrĩrõsũta keoro irigu, diaye irigu ããrĩmi”. Ìgũ masakare ãgũsã ñerõ iriri waja wajamoãgũ, ãgũrẽ ããturĩrã merã gãmewẽjẽgũ, diayeta yãmi. ¹² ãgũya koye peame ãjũrĩ

* 19:2 Dt 32.43; 2 R 9.7 * 19:3 Is 34.10 * 19:5 Sal 115.13 * 19:6 Sal 93.1; 97.1; 99.1 * 19:7 Ef 5.23-32

* 19:8 Ap 7.14 * 19:11 Caballu boregu weka peyagũ, Jesucristota ããrĩmi.

pūrã irirosũ gosebũ. Īgũya dipurure wãri oparã peyari berorí peyami. Īgũ wãirẽ Īgũrẽ gojatúsũdero ããrĩbũ. Iri wãirẽ Īgũ dita masĩmi. ¹³ Īgũ sãñarĩñe yoariñe dí merã dibuadeañe ããrĩbũ. Īgũ ãsũ wãikũmi. “Marĩpũya werenĩrĩrẽ weregũ” wãikũmi. ¹⁴ Īgũyarã surara ãmũgasigue marã Īgũrẽ tũyama. Caballua borerã weka peyama. Ōãrĩ surĩ boreri, gũrari marĩrĩ surĩre sãñarã ããrĩmã. ¹⁵ Īgũya disigue sareri majĩ usiri majĩ wiribũ. Iri majĩ merã i nikũ marãrẽ tarinũgãgũkumi. Īgũ turari merã, kũme merã iridea yukũ merã Īgũsãrẽ doremakũ, neõ sugũ Īgũrẽ tarinũgãgũno bokatĩũbirikumi. Marĩpũ ããrĩpererã nemorõ turagũ i ãmũ marã ñerã merã guatarimi. Irasirigũ caballu boregũ weka peyagũ, sugũ Īgũ turari merã igui kũrabipsisãrõsũ Īgũsãrẽ Īgũ turari merã wajamoãgũkumi. ¹⁶ Īgũya surĩro, Īgũya ñugãdere i wãirẽ gojatúsũdero ããrĩbũ: “Īgũ ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi”, ãrĩ gojatúsũdero ããrĩbũ.

¹⁷ Pũrũ Marĩpũre wereboegũ abe ãmũmũgue nĩgũrẽ ĩãbũ. ããrĩpererã mimua ãmarõgue wãrãrẽ turaro merã ãsũ ãrĩmi:

—Nerẽrã aarika! Marĩpũ baari ãmurĩrẽ baarã aarika! ¹⁸ Wãri nikũ marã oparãya diire baarãkoa. Surara oparã, surara turarã, caballua, Īgũsã weka peyarãya diire baarãkoa. ããrĩpererãya diire: moãboerã, moãboerã ããrĩmerã, oparã, ubu ããrĩrãya diire baarã aarika! ãrĩmi.

¹⁹ Pũrũ gajirosũ deyogũre, i ãmũ marã oparã Īgũsãyarã surara merã nerẽnerãrẽ ĩãbũ. Īgũsã nerẽnerã ããrĩmã, caballu boregũ weka peyagũ merã, Īgũyarã surara merã gãmewẽjẽmurã. ²⁰ Caballu boregũ weka peyagũ gapũ gajirosũ deyogũre peresu irimi. Gajigũ: “Ūmũgasigue marã Opũyare weregũ ããrã”, ãrĩ ãrĩkatodidere peresu irimi. Īgũ ãrĩkatodi gapũ gajirosũ deyogũ ĩũrõ deyoromurĩrẽ iridi ããrĩmĩ. Īgũ deyoromurĩrẽ iridea merã gajirosũ deyogũ wãĩ gojatúsũnerãrẽ, Īgũ keori weadeare bũremurãrẽ Īgũ ãrĩkatorire pẽmakũ iridi ããrĩmĩ. “Yũ wereri ãmũgasigue marã Opũya ããrã”, ãrĩ ãrĩkatodi ããrĩmĩ. Caballu boregũ weka peyagũ Īgũsã pẽrãrẽ peresu iriadero pũrũ, Īgũsãrẽ okarãrẽta peamegue béomi. Iri peame dia wãdiya irirosũ wãri peame azufre wãikũri poga merã ũjãrĩme ããrĩbũ. ²¹ Pũrũ Īgũsãyarã surara dũyarãrẽ sareri majĩ Īgũya disigue wiriri majĩ merã wẽjẽmi. Irasũ Īgũ wẽjẽadero pũrũ, mimua Īgũsãya dũpũrĩma diire baayapitari-akõãma.

20

Mil bojorigora Cristo ĩgũyarã merã masakare doregũkumi, ãrĩ gojadea

¹ Pũrũ gajigũ Marĩpũre wereboegũ ãmũgasigue merã dijarimakũ ĩãbũ. Bũro ũkũãrĩ gobema sawire, wãrida kũmedadere opami. ² Irasũ dijarigũ, pĩrũrẽ ñeãmi. Īgũ pĩrũ neõgoraguere deyoadi, Satanás wãikũgũ, wãtĩ ããrĩmi. Īgũrẽ ñeã, kũmeda merã sũami, mil bojorigora peresu iribu. ³ Sũa odo, bũro ũkũãrĩ gobegue béodijumi, i ãmũ marãrẽ mil bojorigora ãrĩkatobirikõãburo, ãrĩgũ. Irasũ béodiju odo, iri gobema makãpũrore sawi merã bia, wĩtãbiatokõãmi. Irasirigũ mil bojori tariadero pũrũ, dupaturi ĩgũrẽ mérĩnũrĩgãta wiugũkumi dapa.

⁴ Pũrũ oparã doarigue doarãrẽ ĩãbũ. Marĩpũ Īgũsãrẽ masaka irideare: “I gapũ õãbũ, i gapũ õãbiribũ”, ãrĩ weremurãrẽ pídi ããrĩmĩ. Gajirãdere ĩãbũ. Īgũsã Jesũya kerere, Marĩpũyare weredea waja Īgũsãya dipure diti béosũnerã ããrĩmã. Gajirosũ deyogũre, ĩgũ keori weadeadere neõ bũremubirinerã ããrĩmã. Īgũsãya diapuserorire, o mojørĩrẽ ĩgũ wãirẽ gojatũdorebirinerã ããrĩmã. Irasirirã gajirã ĩgũsãrẽ wẽjẽnerã ããrĩmã. Īgũsãrẽ wẽjẽdero pũrũ masã, dupaturi okarã ããrĩnerã ããrĩmã. Mil bojorigora Cristo merã doren-erã ããrĩmã. ⁵⁻⁶ Iri masãrĩ, ããrĩpũroriri masãrĩ ããrã. ããrĩpererã masãpũrorirã, Marĩpũyarã bũro ũsũyarã ããrĩrãkuma. Neõ dupaturi boabiri, perebiri peamegue waabirikuma.

Marĩpu, irasũ ããrĩmakũ Cristo ãũrõ paía ããrĩrãkuma. Mil bojorigora Cristo merã masakare dorerã ããrĩrãkuma. Iri mil bojori tariadero puru, gajirã boanerã masãrãkuma.

Wãtẽa opu béosũgukumi, ãrĩ gojadea

⁷ Iri mil bojori tariadero puru, wãtẽa opu peresugue ããrĩgũ wiusũgukumi. ⁸ Ñgũ wiriadero puru, ããrĩperero i ãmu marãrẽ ãrĩkatogu waagukumi. “Nãka, gãmewẽjẽrã”, ãrĩgũ, Gog wãĩkuro marãrẽ, Magog wãĩkuro marãdere ãrĩkatogu waagukumi. Irasirirã, ãgũ ãrĩkatorire pẽrã, ãgũsãyarã surarare siu neeõrãkuma gãmewẽjẽmurã. Dia wãdiyama ãmipa yerire keo bokatũña marĩrõ irirosũ, ãgũsãyarã surarare keo bokatũña marĩrokoa. Wãrãgora ããrĩrãkuma.

⁹ Irasirirã i nikũ ããrĩpereroguerẽ ããrĩseyanugã, Marĩpuyarã ããrĩrĩ makã ãgũ maĩrĩ makãrẽ kãmutabianugãjarãkuma. ãgũsã irasũ kãmutabianugãjaderõ puru, Marĩpu ãgũsãrẽ ãmugasima peame merã soepeogukumi. ¹⁰ Irasũ waadero puru, wãtĩrẽ ãgũsãrẽ ãrĩkatodire perebiri peamegue béogukumi. Iri peame, dia wãdiya irirosũ ããrĩrĩ peame azufre merã ãjũrĩme ããrã. Irogue gajirosũ deyogure, gajigu: “Ëmugasigue marã Opuyarẽ weregũ ããrã”, ãrĩkatodire béosiami. Irogue ããrĩrã, ãmurĩ, ñamirĩ neõ perero marĩrõ burõ pũrĩrikurãkuma.

Masakare wajamoãtũnurĩmarẽ gojadea

¹¹ Puru wãro opu doarõ borerore ããbũ. Iro doarogue doagũdere ããbũ. ãgũ ãũrõrẽ i nikũ, ãmugaside dederipereakõãbũ. Neõ deyobiribu. ¹² Puru boanerã iro doarogue doagu ãũrõ nĩmakũ ããbũ. Ubu ããrĩrã, oparãde ããrĩmã. Irogue ãgũsã nĩripoeta Marĩpu ãgũ gojadea pũrĩrẽ tũpãmi. Iri pũrĩgue masaka irideare gojatũdea ããrĩbũ. Gaji pũ ãgũ merã perebiri okari opamurã wãirẽ gojatũdea pũ ããrĩbũ. Irasirigu iri pũrĩgue gojatũdeare ãã odo, boanerãrẽ ãgũsã irideare keoro wajarimi. ¹³ Dia wãdiyague mirĩnerã, boanerã ããrĩrõgue ããrĩnerãde ãgũ ãũrõ ããrĩmã. Irasirigu Marĩpu, opu doarogue doagu ããrĩpererãrẽ ãgũsã irideare keoro wajarimi. ¹⁴ Puru boarĩre, boanerã ããrĩrõdere perebiri peamegue béokõãmi. Iri peame, wãdiya irirosũ ããrĩrĩ peame ããrĩbũ. Irasirirã irogue béosũrãno dupaturi boarã irirosũ dujama. Marĩpu merã neõ ããrĩbirikuma. ¹⁵ Irasirirã ããrĩpererã Marĩpu merã perebiri okari opamurã wãirẽ gojatũdea pũgue gojatũsũña marĩnerã perebiri peamegue béosũma.

21

Ëmugasĩ, i nikũde maama dita gorawayurimarẽ gojadea

¹ Puru yu Juan, ãmugasĩ, i nikũde maama ããrĩrĩrẽ ããbũ. ããrĩpurorideã dari ãmugasĩ, i nikũ dederidijapereakõãbũ. Dia wãdiya marĩbu pama. ² Neõ ñerĩ marĩrĩ makã, ãmugasĩ Marĩpu purogue ããrĩrĩ makã dijarimakũ ããbũ. Iri makã, maama makã, Jerusalen wãĩkuri makã ããrĩbũ. Õãrõ deyori makã, mojosuabo igo marãpu suyuburo, ãrĩgõ, surĩro õãrõ sãñadeo irirosũ ããrĩbũ. Marĩpu ãsũta i makãrẽ ãmuyudi ããrĩmĩ. ³ Puru opu doarõ purõ ããrĩgũ, turaro merã ãsũ ãrĩ werenĩmakũ pẽbu:

—Õãrõ pẽka! Dapagora Marĩpu masaka watope ããrĩmi. ãgũsã merã ããrĩgukumi. ãgũsã ãgũyarã ããrĩrãkuma. ãgũta ãgũsã merã ããrĩ, ãgũsã opu ããrĩgukumi. ⁴ ããrĩpereri ãgũsãya kódeko wirĩre niũgukumi. Boari, bujawereri, kó oreri, pũrĩrikuride neõ marĩrokoa. I ãmuma ããrãdea ããrĩpereri pereakõãbũ, ãrĩmi.

⁵ Puru Marĩpu, opu doarogue doagu ãsũ ãrĩmi:

—ããrĩpererire maama dita gorawayumakũ yãa, ãrĩmi.

Puru ãsũ ãrĩmi doja:

—Yu ãrĩrĩrẽ gojaka! Yu ãrĩrĩ diayeta ããrã. Irasiriro yu ãrĩrõsũta waarokoa, ãrĩmi.

⁶ Puru yure ãsũ ãrĩmi doja:

—Iropata ããrã. Yu neõgoraguere ããrĩpereri i ãmumarẽ ããrĩmakũ iridi, i ããrĩpererire peremakũ iribu ããrã. Yure gããmerã, ñemesiburã burõ iirĩduarã irirosũ ããrĩma. Irasirigu

Īgūsārē perebiri okari sīrī deko*, ūmawiuroma dekore tīāgukoa. Wajamarīrō iri dekore iirīrākuma. ⁷ Āārīpererā ñerō tarikererā yure b̄remuduúmerārē āārīpereri yu: “Sīgura”, ārideare sīgukoa. Īgūsā Op̄u āārīgukoa. Īgūsā, yu pūrā āārīrākuma. ⁸ Gajirā gap̄u masakare gūisīā, yaare pirirā, yure b̄remumerā, ñetariro irirā, wējērīmasā, ūma, nome merā, nome ūma merā ñerō kōābirarikurā, yea āārīrā iririkurā, keori weadeare b̄remurā, āārīpererā ārīkatorikurā peamegue waarākuma. Iro dia wádiya irirosū āārīrī peame azufre merā ūjārīme āārā. Irogue waarā, yu merā neō āārībirikuma. Irasirirā dupaturi boarā irirosū dujarākuma, ārīmi.

Maama makā Jerusalēmarē weredea

⁹ P̄u yu suḡu Marīp̄ure wereboeḡu yu p̄rogue ejami. Īgū su mojōma pere gaji mojō peru p̄rēbejari pari opanerā merām̄, Marīp̄u masakare wajamoādoḡu p̄inerā merām̄ āārīmī. Āsū ārīmi yure:

—Īgū aarika! Jesucristo oveja majīgū irirosū āārīgū mojōsuabore† ĩmugukoa m̄rē, ārīmi. ¹⁰ Irasiriḡu Ōāgū deyomarīgū, kērō irirosūgue yure Marīp̄uya makārē ĩmakū irimi. Ūmadi ūtāw̄ wekague yure āīm̄rīā, irogue Marīp̄uya makārē Jerusalērē neō ñerī marīrī makārē, Marīp̄u p̄rogue ūm̄gasigue merā dijariri makārē ĩmumi. ¹¹ Marīp̄u gosesiriri merā, jaspe wāik̄uriye, wajapariye, ōārō deko s̄uririye irirosū deyoriye gosesirirosū gosesirib̄u. ¹² Iri makā turo wāri sārīrō ūmarī sārīrō āārībū. Iri sārīrōrē pe mojōma pere su gubu peru p̄rēbejarigora makāp̄urori āārībū. Iri makāp̄urorik̄u suḡu Marīp̄ure wereboeḡu koremi. Iri makā makāp̄uroriguere Israel bumarā pe mojōma pere su gubu peru p̄rēbejari buri marā wāirē gojatūsūb̄u. ¹³ Iri sārīrōrē abe m̄rīriro gap̄u ure makāp̄uro āārībū. Sur gap̄u ure makāp̄uro, norte gap̄u ure makāp̄uro, abe ñajārō gap̄u ure makāp̄uro āārībū. ¹⁴ Iri sārīrō pe mojōma pere su gubu peru p̄rēbejari paga ūtā majīrī weka peyab̄u. Iri ūtā majīrīk̄u Jesucristo oveja majīgū irirosū āārīgū buedoḡu beyenerā wāirē gojatūsūb̄u.

¹⁵ Marīp̄ure wereboeḡu yure wereḡu keodi oro merā iridire opami. Iri makārē, iri makāma makāp̄uroridere, iri sārīrōdere keobu irimi. ¹⁶ Īgū keodi merā iri makārē keo odomakū, dos mil doscientos kilómetros yoari makā, iropata eyari makā, iropata ūmarōde āārībū. ¹⁷ P̄u iri makāma sārīrōrē keomi. “Sesenta y cinco metros āārā”, ārīmi. Marī masaka keorosūta keomi.

¹⁸ Iri sārīrō jaspe wāik̄uri ūtāye merā iridea sārīrō āārībū. Iri makā oro merā iridea makā āārībū. Iri oro gajino morēña marīrī, ōārō deko s̄uriri irirosū deyob̄u. ¹⁹ Iri sārīrō doka āārīrī ūtā majīrīrē āārīpereri wajapariyeri merā mamudea āārībū. Āārīp̄uroriri majī jaspe wāik̄uriye āārībū. Iriye p̄ruma majī zafiro wāik̄uriye āārībū. Peye p̄ruma majī ágata wāik̄uriye, ureye p̄ruma majī esmeralda wāik̄uriye āārībū. ²⁰ Wapik̄uriyeri p̄ruma majī ónice wāik̄uriye āārībū. Su mojōma p̄ruma majī cornalina wāik̄uriye, su mojōma pere gaji mojō suru p̄rēbejari p̄ruma majī crisólito wāik̄uriye āārībū. Su mojōma pere gaji mojō peru p̄rēbejari p̄ruma majī berilo wāik̄uriye āārībū. Su mojōma pere gaji mojō ureru p̄rēbejari p̄ruma majī topacio wāik̄uriye āārībū. Su mojōma pere gaji mojō wapik̄adiru p̄rēbejari p̄ruma majī crisoprasa wāik̄uriye āārībū. Pe mojōma p̄ruma majī acinto wāik̄uriye āārībū. Pe mojōma pere su gubu suru p̄rēbejari p̄ruma majī amatista wāik̄uriye āārībū. ²¹ Iri sārīrōrē pe mojōma pere su gubu peru p̄rēbejari makāp̄urori, perla merā iridea seri āārībū. Iri serik̄u suye perlaye merā iridea dita āārībū. Iri makā

* **21:6** San Juan 11.25: Jesús ārīmi: —Yu boanerārē masāmakū iriḡu, Īgūsārē okari sīgū āārā. Yure b̄remugū boadigue āārīkereḡu, okaḡukumi, ārīmi. San Juan 14.6: Jesús ārīmi doja: —Yu dita Ȳp̄u p̄rogue waarī maa irirosū āārā. Yu diayema āārīrīrē masakare masīmakū iriḡu, Īgūsārē okamakū iriḡu āārā. Yu merāta Ȳp̄u p̄rogue waarākuma, ārīmi. Irasiriḡu Jesús perebiri okarire sīrī deko irirosū āārīmi. Īgūrē b̄remurā Īgū Pagu p̄ro i perebiri okarire opamurā āārīma. † **21:9** Jesucristo oveja majīgū irirosū āārīgūrē b̄remurā maama makā Jerusalén marā āārīmurā Īgū mojōsuabo irirosū āārīma.

deko waarí maa, oro gajino morēña marĩrĩ merã iridea maa, õãrõ deko sũriri irirosũ deyorí maa ããrĩbũ.

²² Iri makãrẽ Marĩpũya wiire iãbiribu. Iri makã ããrĩpererogue Marĩpũ turatarigu, irasũ ããrĩmakũ Jesucristo oveja majĩgũ irirosũ ããrĩgũde ããrĩrõ ããrĩbũ. Irasiriro iri makã ããrĩperero Marĩpũya wii irirosũ ããrĩbũ. ²³ Iri makã abe ãmũmũ, ñamimude boyoro gããmebea. Marĩpũ goesiriri merã õãrõ boyoa. Jesucristo oveja majĩgũ irirosũ ããrĩgũde iri makãrẽ sããgodiru irirosũ boyomi. ²⁴ Irasirirã i ãmũ marã Marĩpũ taunerã iri makãma boyori merã ããrĩrãkuma. I ãmũ marã oparã iri makãgue ãgũsã õãrĩ oparire sãrã ãĩjarosũ Marĩpũre: “Õãtaria mũ”, ãrĩ, usũyari sãrãkuma. ²⁵ ãmũrẽ iri makãma makãpũrori tũpãdea ããrĩrokoa. Iroguere neõ ñami marĩrokoa. ²⁶ Wãri nikũ marã ãgũsã õãrĩ oparire iri makãgue sãrã ãĩjarosũ Marĩpũre bũremurã ejarãkuma. ²⁷ Ñerĩ ããrĩrĩ gapũre iri makãguere neõ ãĩñajãbirikuma. Ñerõ iririkurã, ãrĩkatorikurãde neõ iri makãguere ñajãbirikuma. Jesucristo oveja majĩgũ irirosũ ããrĩgũ merã perebiri okari opamurã ãgũya gojadea pũgue ãgũsã wãĩ gojatũsũnerã ããrĩma. ãgũsã dita iri makãguere ñajãrãkuma.

22

¹ Pũrũ Marĩpũre wereboegũ diare yũre ãmumi. Iriyama deko perebiri okari sãrĩ deko* ããrĩbũ. Õãrõ deko sũridiya, diumajĩ irirosũ ããrĩbũ. Marĩpũ, Jesucristo oveja majĩgũ irirosũ ããrĩgũya doaro doka wiribu. ² Iri makã dekoma maa, wãri maague ãmayobũ. Iriya pe gapũ tũrorire perebiri okari sãrĩ yukũ nĩbũ. Iri yukũ aberikũ dukakũ. Su bojorire, pe mojóma pere su gubu peru pẽrẽbejarigora dukakũ. Irigũma pũrĩ i ãmũ marã masaka pũrĩrikũrere tauri pũrĩ ããrã. ³ Irasiriro neõ pũrĩrĩ marĩrokoa. Iri makãgue Marĩpũ, Jesucristo oveja majĩgũ irirosũ ããrĩgũya doaro ããrĩrokoa. ãgũyarã ãgũrẽ bũremurãkuma. ⁴ ãgũya diapure iãrãkuma. ãgũsãya diapuserorire ãgũ wãrẽ tuuyasũrã ããrĩrãkuma. ⁵ Iroguere ñami neõ marĩrokoa. Irasirirã iro ããrĩrã sããgoriduparure, abe boyoridere gããmebirikuma. Marĩpũ boyori merã ããrĩrãkuma. ãgũ merã neõ piriro marĩrõ dorenĩrãkuma.

Jesucristo i ãmũgue dupaturi aariburo mérõ dũyãa, ãrĩ gojadea

⁶ Pũrũ Marĩpũre wereboegũ yũre ãrĩmi:

—Yũ wereri diaye ãrĩrĩ ããrã. Irasiriro yũ ãrĩrõsũta waarokoa. Marĩpũ ãgũya kerere weredupiyurãrẽ ãgũyare masĩmakũ irigũ ããrĩmi. ãgũrẽ wereboegũre iriumi ãgũrẽ moãboerãrẽ mérõgã pũrũ waaburire masĩdoregũ, ãrĩmi.

⁷ Irasirigũ Jesús ãsũ ãrĩmi:

—Mérõgã pũrũ aarigũkoa. Irasirirã, Yũpũya kere i papera pũgue gojadeare iritũyarã usũyarãkuma, ãrĩmi.

⁸ Yũ Juan, i ããrĩpererire pé, iãbũ. Irasirigũ irire pé, iãdero pũrũ, yũre ãmuadi Marĩpũre wereboegũya guburi pũro ñadũkupuri merã ejamejãjabũ ãgũrẽ bũremubu. ⁹ Yũre ãgũ gapũ ãrĩmi:

—Irire irasiribirikõãka! Mũ, mũyarã Marĩpũya kerere weredupiyurã, ããrĩpererã i papera pũma dorerire irirã irirosũta yũde Marĩpũre moãboegũ ããrã. Irasirigũ Marĩpũ gapũre ñadũkupuri merã ejamejã, bũremuka! ãrĩmi.

¹⁰ Pũrũ yũre ãrĩnemomi:

—I pũgue: “ãsũ waarokoa”, ãrĩ gojadea keoro waaburo, mérõ dũyãa. Irasirigũ, Marĩpũya kere i pũgue gojadeare duũroque opabirikõãka! Yayeri ããrĩbea. ¹¹ Irasirirã ñerã

* **22:1** San Juan 11.25: Jesús ãrĩmi: —Yũ boanerãrẽ masãmakũ irigũ, ãgũsãrẽ okari sãgũ ããrã. Yũre bũremugũ boadigue ããrĩkerẽgũ, okagũkumi, ãrĩmi. San Juan 14.6: Jesús ãrĩmi doja: —Yũ dita Yũpũ pũroque waarí maa irirosũ ããrã. Yũ diayemarẽ masakare masĩmakũ irigũ, ãgũsãrẽ okamakũ irigũ ããrã. Yũ merãta Yũpũ pũroque waarãkuma, ãrĩmi. Irasirigũ Jesús perebiri okarire sãrĩ deko, perebiri okarire sãrĩ yukũ irirosũ ããrĩmi. ãgũ merã ãgũrẽ bũremurã ãgũ Pãrũ pũro i perebiri okarire opamurã ããrĩma.

i kerere péduamerã murãrõta ãgũsã gããmerõ irinikõãburo. Ñerĩrẽ iririkurãde murãrõta ñerĩrẽ irinikõãburo. Õãrõ irirã gapu murãrõta õãrõ irinikõãburo. Marĩpu gããmerĩrẽ iririkurãde murãrõta irire irinikõãburo, ãrĩmi.

¹² Pupu Jesús ãsũ ãrĩmi:

—Ãsũta ããrã. Gũñaña marĩrõ aarigura. Masakakure yu sĩburire opãa. Ñgũsã iriderosũta ãgũsãrẽ keoro sĩgura. ¹³ Yu neõgoraguere ããrĩpereri i ãmumarẽ ããrĩmakũ iridi, i ããrĩpererire peremakũ iribu ããrã. Yu i ãmurẽ iriburo dupiyuro ããrĩsiabu. Iri pereadero pupu, ããrĩnikõãgukoa, ãrĩmi.

¹⁴ ããrĩpererã ãgũsã ñerĩ irideare pirirã usuyarãkuma. Surĩ koe odo, gurari marĩrĩ sãñanerã irirosũ ããrĩma. Irasirirã iri makãma makãpurore tariñajãrãkuma. Iri makãma yuku perebiri okari sĩrĩ yuku dukare baarãkuma. ¹⁵ Gajirã ñerõ iririmasã gapu iri makãgue ñajãbirikuma. Ñgũsã yã ããrĩrã iririkurã, ãma, nome merã, nome ãma merã ñerõ kõãbirarikurã, wẽjẽrĩmasã, keori weadeare buremurã, ãrĩkatorikurã ããrĩma.

¹⁶ Yu Jesús, yure wereboegure iriubu, musã yure buremurãrẽ i papera pũmarẽ werebure. Opu David parãmi ããrĩturiagu ããrã. Neñukãmu boyodiru õãrõ boyoro irirosũ ããrĩgũ, maama perebiri ãmurẽ pígu ããrã, ãrĩmi.

¹⁷ Õãgũ deyomarĩgũ, irasũ ããrĩmakũ Jesucristo oveja majĩgũ irirosũ ããrĩgũyarãde ãgũ mojõsũabo irirosũ ããrĩrã ãgũrẽ ãsũ ãrĩma: “Aarika!” ãrĩma. ããrĩpererã irire ãrĩmakũ pérãde: “Aarika!” ãrĩburo. Ñemesiburã iiriduarã, perebiri okari sĩrĩ dekore iirirã aariburo. Wajamarĩrõ iri dekore iirirãkuma.

¹⁸ Yu Juan, ããrĩpererã Marĩpuya kere i pũgue gojadeare pérãrẽ gopeyari merã ãsũ ãrĩ weregura: “I pũgue gojadeare gaji bueri merã morẽsóo werenemorãrẽ Marĩpu wajamoãgukumi. I pũgue wajamoãburire gojaderosũta ãgũsãrẽ wajamoãgukumi. ¹⁹ Gajirã Marĩpuya kere i pũgue gojadeare gorawayurãrẽ ãsũ irigukumi. ãgũsãrẽ perebiri okari sĩrĩ yuku dukare sĩboadeare sĩbirikumi. Irasirirã Marĩpu merã neõ ñerĩ marĩrĩ makãgue ããrĩnikõãbirikuma. Irire i pũgue gojasũa”, ãrĩmi.

²⁰ Jesús irire weregu, ãsũ ãrĩmi:

—Irasũta ããrã. Mẽrõ duyãa yu aariburo, ãrĩmi.

Irasũta waaburo. Guu Opu Jesús aarika!

²¹ Marĩ Opu Jesús musã ããrĩpererãrẽ õãrõ iritamuburo. Irasũta ããrĩburo.